

清實錄

仁宗睿皇帝實錄(三)

卷一五六至卷二二三
嘉慶十一年至十四年

清實錄

第三〇冊

中華書局影印

清 實 錄

(第 三〇 冊)

仁 宗 實 錄 (三)

*

中 華 書 局 出 版

(北京王府井大街 36 號)

北京市中國書店發行

中國建築工業出版社印刷廠印刷

*

787×1092 毫米 1/16 · 63 5/8印張

1986年7月第1版 1986年7月北京第1次印刷

印數 0.001——1,500 冊

統一書號: 11018 · 1355—30 定價: 48.00 元

清實錄第三〇冊目錄

仁宗睿皇帝實錄(三)

卷一五六	嘉慶十一年正月	一
卷一五七	嘉慶十一年二月	一七
卷一五八	嘉慶十一年三月	三一
卷一五九	嘉慶十一年四月	四七
卷一六〇	嘉慶十一年五月上	六六
卷一六一	嘉慶十一年五月下	七六
卷一六二	嘉慶十一年六月上	九五
卷一六三	嘉慶十一年六月下	一二
卷一六四	嘉慶十一年七月	一二
卷一六五	嘉慶十一年八月	一四一
卷一六六	嘉慶十一年九月上	一五九
卷一六七	嘉慶十一年九月下	一七四
卷一六八	嘉慶十一年十月上	一八六
卷一六九	嘉慶十一年十月下	一九四
卷一七〇	嘉慶十一年十一月上	二〇九
卷一七一	嘉慶十一年十一月下	二三三
卷一七二	嘉慶十一年十二月	二三七
卷一七三	嘉慶十二年正月	二五八
卷一七四	嘉慶十二年二月上	二七一
卷一七五	嘉慶十二年二月下	二九四
卷一七六	嘉慶十二年三月	三〇二
卷一七七	嘉慶十二年四月上	三三二
卷一七八	嘉慶十二年四月下	三三三
卷一七九	嘉慶十二年五月上	三四五
卷一八〇	嘉慶十二年五月下	三六二
卷一八一	嘉慶十二年六月上	三七七
卷一八二	嘉慶十二年六月下	三九三
卷一八三	嘉慶十二年七月	四〇三
卷一八四	嘉慶十二年八月	四三一
卷一八五	嘉慶十二年九月	四三〇
卷一八六	嘉慶十二年十月	四四八
卷一八七	嘉慶十二年十一月上	四六七
卷一八八	嘉慶十二年十一月下	四八一
卷一八九	嘉慶十二年十二月上	四九二

卷一九〇	嘉慶十二年十二月下	五〇六	卷二〇九	嘉慶十四年四月上	八〇〇
卷一九一	嘉慶十二年正月	五三〇	卷二一〇	嘉慶十四年四月下	八〇七
卷一九二	嘉慶十二年二月	五三二	卷二一一	嘉慶十四年五月上	八二四
卷一九三	嘉慶十二年三月	五四五	卷二一二	嘉慶十四年五月下	八三九
卷一九四	嘉慶十二年四月	五五八	卷二一三	嘉慶十四年六月上	八五四
卷一九五	嘉慶十二年五月	五七一	卷二一四	嘉慶十四年六月下	八六三
卷一九六	嘉慶十二年閏五月	五八八	卷二一五	嘉慶十四年七月上	八七八
卷一九七	嘉慶十二年六月	六〇五	卷二一六	嘉慶十四年七月下	八九九
卷一九八	嘉慶十二年七月上	六二六	卷二一七	嘉慶十四年八月	九〇八
卷一九九	嘉慶十二年七月下	六三七	卷二一八	嘉慶十四年九月	九二六
卷二〇〇	嘉慶十二年八月	六四九	卷二一九	嘉慶十四年十月	九四三
卷二〇一	嘉慶十二年九月	六六七	卷二二〇	嘉慶十四年十一月上	九六三
卷二〇二	嘉慶十二年十月	六八六	卷二二一	嘉慶十四年十一月下	九七八
卷二〇三	嘉慶十二年十一月	七〇二	卷二二二	嘉慶十四年十二月上	九八九
卷二〇四	嘉慶十二年十二月上	七二一	卷二二三	嘉慶十四年十二月下	九九七
卷二〇五	嘉慶十二年十二月下	七三三			
卷二〇六	嘉慶十四年正月	七四三			
卷二〇七	嘉慶十四年二月	七六二			
卷二〇八	嘉慶十四年三月	七八二			

高宗純皇帝忌辰遣官祭

蘭捐備撫卹並非現交銀兩具呈時指有運

庫應領銀一萬九千餘兩餘銀設措湊繳。因係一面之詞。不得不先札運司查明再行入告。嗣據查覆並無此項銀兩。是以未經具奏。其泰壩永豐壩引費係照向例辦理。並無按引扣費情事。且鹽包過壩先後不齊。公費盈絀無定。鐵保任內祇收銀一萬四千兩。尚不及原奏二萬兩之數。又高堰石工。今鹽屬人員幫辦一節。先經汪志伊咨會鹽政檄據運司議詳。幫銀二萬兩。嗣因石工改為輒工。經運司以應否停捐請示。鐵保批令稟候鹽政示遵。經鹽政批駁不准。均有案卷可查等語。是鐵保於估山所奏各款。並無專擅隱飾情弊。辦理尚無不合。即江蘭指稱存銀一項。係屬自請捐辦之事。亦可無庸置議。至挑它鮑營河。本係應行會商督臣河臣辦理之事。前據估山奏稱。勘畢後即委員估辦。目無總督。當經降旨嚴飭。諭令明白回奏。茲據鐵保奏稱。估山曾擬挑它鮑營河。奏稿囑其會銜鐵

保以南河各工現當緊要。鹽河較可稍緩。札覆暫停開挖。估山並未再商。即單銜具奏等語。是估山於改挖鹽河一事。既經咨商該督。乃於鐵保札覆緩辦之後。並未再行商酌。輒即單銜具奏。又未將鐵保札覆緩辦一節。敘入實屬專擅。除將鮑營河應否開挖之處。另諭鐵保等查辦外。估山著交部議處。○壬子上御重華宮。茶宴廷臣及內廷翰林。以書福聯句。命大學士會同刑部查辦大辟以下至徒杖各罪犯。分別減等。諭內閣欽恤庶獄。仁政所先。溯查乾隆十一年。皇考高宗純皇帝曾大沛恩慈。特頒省刑。諭旨朕仰承皇考付託之重。自嘉慶元年。授璽大廷。敬聆訓政。迨四年親政後。恪遵

成憲夙夜孜孜以愛育黎元為念適值勦辦三省邪匪廓除淨盡嘉與薄海蒼生共享昇平休養生息此實仰賴

吳蒼眷佑

列聖貽庥俾臻康乂茲當紀年開表著加恩遵照乾隆十一年之例所有刑部及各省已經結案監禁人犯除情罪重大及常赦所不原者無庸查辦外其餘著大學士會同刑部酌量案情輕重分別請旨減等發落其軍流徒杖以下人犯一併分晰減等完結俾霑寬宥之恩勉圖自新之路以副朕錫福兆民至意

諭軍機大臣等王德泰稱蔡逆暨旗滋事自稱鎮海王於上年十一月二十三日搶入鳳山縣城經官兵攻散後賊船復駛入鹿耳門在府城外登岸劫擄並勾結嘉義縣匪徒洪四老等乘機滋事等語王德久任總督查辦有年摺內謂該逆在洋稽誅十餘年皆因亡命走險試問此十餘年來誰司緝捕之責

任其亡命走險至此乎此時賊勢鴟張不得不大加懲辦所有軍火糧餉器械船隻等項照軍興例動帑經理一切均責成該督不可稍有貽誤並傳知水陸文武各員弁有能將

蔡逆擒獲者朕必重加恩賞再行曉諭臺灣士民悉力堵禦留心盤詰一面懸立賞格俾知奮勉將此傳諭知之○又諭賽沖阿久歷行陣於勦捕事宜素為諳練現發去欽差大臣關防一顆交該將軍行用不拘何處接奉

此旨即由該處馳驛前赴閩省王德現駐之常武海口於該督豫備兵力內擇精練強壯者帶領放洋悉力督勦該處提鎮自李長庚許文謨以下各將弁均受該將軍節制調撥再臺灣遠隔重洋風濤靡定特發去大藏香五枝著賽沖阿敬詣

天后宮代朕虔禱以期仰叨

神佑又福康安平定林爽文時攜帶大利益吉祥右旋螺往來渡海風帆順利茲亦發交

賽冲阿祇領帶往渡洋以資護佑俟凱旋日
派大員齎送回京供奉將此諭令知之○山
西巡撫同興奏太平縣捐職郎中王濡翰等
捐銀煮賑得旨嘉獎下部議敘○貸直隸宛
平固安永清東安雄任邱邢臺七縣被水被
旱災民籽種口糧○緩徵山東博興高苑淄
川齊東濱霑化蒲臺臨淄濰城章邱鄒平長
山新城惠民陽信海豐利津青城樂安壽光
二十州縣被旱災民新舊額賦並貸籽種倉
穀○展賑河南新鄉汲輝獲嘉河內濟源修
武武陟上蔡九縣被水被旱災民有差並貸
籽種口糧倉穀貸淇原武林陝靈寶閿鄉六
州縣被旱災民籽種口糧倉穀○展賑山西
臨汾襄陵洪洞浮山太平岳陽曲沃翼城汾
西吉鄉寧永濟臨晉榮河猗氏萬泉虞鄉解
安邑夏平陸芮城絳州河津聞喜稷山絳縣
垣曲霍趙城靈石三十一州縣被旱災民並
緩徵新舊額賦○貸陝西三水澄城蒲城郃

陽耀高陵延長淳化乾武功三原白水郃涇
陽同官醴泉鳳翔岐山扶風潼關華陰咸陽
永壽長武興平膚施宜川吳堡安定延川三
十廳州縣被旱災民倉糧○貸甘肅皋蘭平
番西寧碾伯大通巴燕戎格龍西寧遠伏羌
通渭西和靜寧環十三廳州縣及東樂縣丞
所屬被水被旱災民籽種口糧○展賑江蘇
山陽阜寧鹽城清河桃源高郵泰東臺江都
甘泉興化寶應十二州縣被水災民○貸安
徽鳳陽懷遠鳳臺壽泗天長五河宿南平蒙
城十廳州縣及鳳陽長淮泗州三衛被水被
旱災民籽種○貸湖南澧州屬黃絲等二十
一垸被水災民種麥工銀○癸丑
上御紫光閣賜蒙古王貝勒貝子公額駙台吉
及外藩使臣等宴並賞賚有差○乙卯
世祖章皇帝忌辰遣官祭
孝陵○
上詣

雍和宮行禮

火神廟拈香。展賑江蘇長洲元和吳三縣歉收貧民。丙辰諭軍機大臣等臨安府所屬六猛地方久隸版圖從前安南黎維祁阮光平時兩次懇請申畫地界俱經駁飭有案。今該國興化鎮目忽遞送傳詞欲其外附實屬無知妄為。伯麟等接據稟報一面飭委鎮道等將六猛掌寨妥為撫慰嚴諭各邊界加意巡防并令該掌寨等自行具文先行回覆。

越南鎮目一面擬繕照會該國王文稿進呈所辦皆是阮福映自得國以後恭順輸忱未必敢冒昧出此。此事諒係該鎮目所為應交該國王嚴行懲辦。已命軍機處於原擬照會內添敘發往該督等接奉後著即照繕如式由廣西省轉遞該國仍飭該處鎮道等凡與越南接壤之處嚴密防範并嚴諭六猛掌寨毋許越南夷人偷串入境俟該國接奉照會之後如何申覆即由驛奏聞又孟連土司刀

派功被戕失印一案暹羅緬甸向俱恭順天

朝此時伊二國構衅之後暹羅雖尚在九龍江外留劄兩營緬甸頭人亦有赴阿瓦城調兵之事但外夷蠻觸相爭與天朝全無干涉總可不必過問。今緬甸頭目以刀派功被戕為詞懇請內地興兵前往自應加以駁飭至孟連土司所失印信不能置之不問現在伯麟等飭令兩國頭人代為尋覓自應如此但祇係土司印信或當時爭殺倥偬不知道棄

何處過後不能尋查是亦情事所有亦尚非關繫緊要如數月後該二國不能尋獻即據實奏明不妨另行鑄給也將此諭令知之。○丁巳命查辦免死改遣罪犯分別減釋諭內閣向來免死改遣吉林黑龍江及伊犁烏魯木齊等處人犯為常赦所不原者終身不能援減釋回此等罪犯率皆桀驁不馴之徒歷年遣發日聚日多該犯等自知永無生還之望慙不知畏轉於配所三五成羣或犯法滋

事或脫身潛逃均所不免。因思各該犯內情罪亦有不同。除特旨發遣不准減免各犯外。其餘照例改遣之犯。莫若定以到配年限及本犯年歲為斷。伊等到配年久。漸加約束。即素性獷悍。而垂老餘生。諒不至如少年好勇鬪狠之習。似可量加寬宥。予以自新。著刑部堂官檢覈例案。參勘情罪。將此等人犯。如何立定期限。分別減等。或改發內地。或釋回原籍。俾歸平允之處。悉心妥議具奏。以示朕法。

外施仁至意。尋議奏。吉林黑龍江等處發遣官犯。本屬無多。應請亦照發遣新疆官犯之例。令該將軍都統等。將由革職杖徒發往之犯。三年奏請。由軍流發往之犯。十年奏請。屆期詳敘案由。分別奏請定奪。其發遣吉林黑龍江等處常犯。如強盜免死大逆緣坐叛案干連邪教會匪。及臺灣聚眾搶奪殺人放火。為從各犯。均係情罪重大。雖在配年久。年歲垂老。均不准其減釋。其餘各項遣犯。應請不

論當差為奴。均擬以在配十五年實係安分守法。而又年至七十歲。及年已七十安分守法。而在配未滿十五年者。俱准其釋回。如在配已滿十五年安分守法。而年未至七十歲者。減為內地充徒三年。再行釋放。至伊犁烏魯木齊等處。在配官犯。本係十年三年分別奏請無庸另議。外其發遣烏魯木齊等處常犯。如大逆緣坐叛案干連邪教會匪。及臺灣聚眾搶奪殺人放火為從。凡係原案不准入廠之犯。雖在配年久。年歲垂老。均不准減釋。其餘各項遣犯。請將為奴一項內。未經入廠及止令種地。不准為民之犯。擬以在配二十年安分守法。而又年至七十歲。及年已七十歲安分守法。而在配未滿二十年者。即行釋回。如在配已滿二十年安分守法。而年未至七十歲者。減為內地充徒三年。再行釋放。其當差一項內。無力入廠種地為民。及為奴一項內。入廠年滿。不准留廠。止准為民各犯。擬

以在配十五年安分守法而又年至七十歲及年已至七十歲安分守法而在配未滿十五年者即行釋回如在配已滿十五年安分守法而年未至七十歲者減為內地充徒三年再行釋放其現在入廠期滿准其留廠各犯如年已至七十歲按其例定十年十二年期限酌減三年准予釋回未至七十歲者仍照留廠年限辦理以上吉林伊犁等處准減之犯若在配年限未滿而又年未至七十歲

者統俟扣滿年限再按年歲分別充徒釋回如各犯內有自安生業不願回籍者仍聽其自便從之○又諭前因那彥成在粵東辦理洋匪種種錯誤並有與藩司廣厚看戲飲酒之事當經降旨將那彥成廣厚解任交吳熊光詳訊具奏茲據吳熊光具奏訊取那彥成廣厚親供據實參奏令那彥成廣厚自行進京候旨等語朕細覈所奏情節那彥成初任兩廣總督時原銳意肅清洋面分派水師官

兵出洋巡緝以致沿海各口岸守備空虛嗣因盜劫頻聞水師官兵又不能得力遂廣行開謀出示招撫有具報投誠者不加查訊即給予頂帶銀兩先後投首人犯計有五千數百餘名之多實屬師心自用試思海洋盜匪劫掠不法原應督飭文武上緊緝拏嚴辦方足以懲奸宄而靖海疆今那彥成倡為招撫祇圖多一投誠即少一劫盜殊不知此端一開則武職憚於冒險出洋藉避風濤必致日

漸疏懈文職以招致盜犯得邀上官嘉獎亦所樂從不惟地方捕務從此廢弛即兵民等目覩洋盜擄掠傷人不旋踵而賞給銀兩頂帶以致交相含怨物議沸騰那彥成辦理失當之咎實在於此幸而此五千數百名投首之犯尚俱安靜帖服那彥成尚無大罪至設立軍工局一節那彥成因盜案繁多亟思審出真情因從前原有軍工廠是以設立軍工局派員經理那彥成嗣亦自知所辦非是旋

即裁撤其餘如看戲飲酒等事雖訊問屬實猶其過之小者此外亦並無婪索營私款跡那彥成素日自謂才具過人不肯虛衷是其受病之處前在陝省督辦軍務未能妥協撤令回京降職未及數年復經朕特恩棄瑕錄用擢授封疆並疊次諄諄訓誡至再至三乃竟未能悛改舊習虛心任事實屬有負朕教誨成全之意姑念並無別項劣跡招降盜匪等亦並無滋事之處尚可畧加寬宥不至罷

斥治罪廣厚於那彥成招撫設局等事訊無愆憑情事但伊身任藩司與那彥成近在同城並不阻止且有與那彥成飲酒看戲之事亦有不合除另降清字諭旨將那彥成廣厚派往新疆辦事外所有伊二人獲咎緣由特諭中外知之○調吏部左侍郎托津為戶部左侍郎轉吏部右侍郎玉麟為左侍郎調理藩院左侍郎和寧為吏部右侍郎工部左侍郎蘇楞額為戶部右侍郎戶部左侍郎那彥

寶為工部左侍郎以內閣學士英和為理藩院左侍郎○調正白旗漢軍副都統瑚素通阿為鑲黃旗滿洲副都統以庫車辦事大臣阿爾綱阿為正白旗漢軍副都統○降兩廣總督那彥成藍翎侍衛為伊犁領隊大臣廣東布政使廣厚三等侍衛為庫車辦事大臣○展緩江蘇江寧揚州淮安徐州海五府州屬並淮安徐州大河三衛節年額賦有差○戊午享

太廟命

皇次子曼圖恭代行禮○遣官祭

太歲之神○諭內閣據裘行簡奏直隸舊有千里長隄自乾隆三十七年大加培築之後已閱三十餘載其新舊格淀隄自乾隆十年二十二年增築以來亦久未辦理現在隄工卑薄處所多被衝刷河水淤塞各水縱橫四注平野不可不亟講疏築請先撥帑銀四十萬兩趕緊興修仍於蘆商本年鹽價內每斤

酌增制錢一文以贏餘所入之數補工程撥用之需等語。直隸千里長隄及新舊格淀隄兩項工程年久塌卸附近民田多成巨浸自不可不講求疏築俾需樂利但如裹行簡摺內所稱在於蘆商鹽價內每斤酌增錢文以資撥用此則不可鹽斤加價一事原為卹商起見從前閒因商力疲乏錢價過賤暫時准行但究屬病民非可引以為例屢經降旨飭禁此時辦理工程與商人全無干涉伊等有何賠累之處轉欲藉此增加鹽價乎朕於民生利賴之舉即多費帑金從無靳惜所有此項隄工需銀約四十萬兩即著撥動正帑交戶部查明在於長蘆鹽課項下酌撥應用若該處課項不敷並著另行籌撥以資興築各需該署督惟當督飭承辦工員認真經理確估實銷務期工堅料實俾小民永資利益無庸於鹽務中屑屑籌費為也○署直隸總督裹行簡奏永定河南北兩岸俱有新生險工

請將下游工平之三角淀屬北隄九工武清縣主簿移駐北岸頭工作為上汛原移上汛武清縣縣丞作為中汛原設下汛宛平縣主簿仍為下汛其北九工汛務即歸於北七八工兩汛分管其分撥河兵另建衙署俱請照例辦理從之○
上以次辛祈穀於上帝自是日始齋戒三日○庚申上詣南郊齋宮齋宿○辛酉祈穀於上帝
上親詣行禮○幸圓明園○詣安佑宮行禮○御山高水長賜王公大臣蒙古王貝勒貝子公額駙台吉及外藩使臣等食至甲子皆如之○壬戌上御奉三無私殿賜皇子親藩等宴以工部左侍郎那彥寶為直隸泰寧鎮總兵官兼總管內務府大臣調理藩院左侍郎英和為工

部左侍郎轉理藩院右侍郎玉寧為左侍郎
以內閣侍讀學士特克慎為理藩院右侍郎
○調正紅旗漢軍副都統和寧為鑲藍旗滿
洲副都統以工部左侍郎英和兼正紅旗漢
軍副都統○以烏什辦事大臣晉昌為喀什
噶爾叅贊大臣賞直隸泰寧鎮總兵官范建
豐副都統銜為烏什辦事大臣○癸亥

上詣

安佑宮行禮○御正大光明殿賜朝正外藩等

宴作樂賜酒如除夕儀○甲子

上御正大光明殿賜大學士尚書等宴○乙丑
諭內閣近來八旗子弟往往沾染漢人習氣
於清語騎射不肯專心練習拋荒正業甚至
私去帽頂在外遊蕩潛赴茶園戲館飲酒滋
事實為惡習此案佟關保弟兄三人均係職
員因與同旗之海德交好前往探望並不戴
用帽頂即係欲肆意閒遊為此行徑迨海德
款留酒飯理應飯罷早歸佟關保係屬長兄

尤應身先倡率乃輒同伊弟等飲入醉鄉直
至傍晚趕城已屬非是門領門軍等職司禁
鑰稽察是其專責佟關保等既未戴用帽頂
該門軍等何由知係職官乃佟關保於門軍
向車吆喝時首先在車嚷罵伊弟等亦隨向
爭吵經門領哈福努喝問佟關保復即下車
與之揪扭吵罵以致擁擠多人碰倒槍架扳
損官廳福扇實屬目無法紀此三人內佟關
保之罪尤重著即照部議發往伊犁充當苦

差佟林托克托布附和滋事部議科以徒罪
所擬尚輕本應一併發遣惟念該犯等係原
任總兵七格之子七格前在軍營曾有微勞
且近已老病其長子業已發遣用特法外施
仁量予寬賞仍著御前大臣軍機大臣會同
刑部堂官監視將佟關保佟林托克托布各
重責四十板並傳集八旗年輕之侍衛章京
司員等同看視俾共知儆畏其佟關保一
犯即行發遣佟林托克托布二犯仍著於阜

成門枷號一箇月滿日釋放交旗管束嗣後八旗官員等如有不戴頂帽在外遊蕩者是既不以職官自待又與平人何異該管地方官員即當查拏究治以示懲誡○又諭前因襄行簡奏良鄉縣盤獲投遞宗人府書信涂中亭一犯解京審辦當派綿恩慶桂董誥祿康戴衢亨長麟會同刑部審擬具奏茲據綿恩等具奏審明涂中亭係湖北窮民妄希富貴將訛判詩句編造成篇擅用黃紙書寫雕

刻木戳印蓋封面欲赴宗人府投遞信內竟敢書寫御名語多狂悖訊無主使及知情同謀之犯請將涂中亭照大逆律凌遲處死等語涂中亭以無業貧民膽敢假託訛判詩詞編造繕寫希圖倖邀官職信內竟敢將御名書寫悖妄已極即照大逆律凌遲處死本係罪所應得姑念該犯所書語句尚無肆逆訛謗之處較之上年安徽逆犯董霖編造逆詞託為夢幻符讖之說偽封官職任意指斥者

尚可量為末減涂中亭著改為斬決並派綿恩等會同刑部將該犯提出加以刑夾後派侍郎金光悌押赴市曹將該犯即行正法又諭據英和等奏審擬喜峯口外客民劉發旺扎斃驛站章京拉什一摺細覈所奏案情劉發旺因蒙古驛站章京拉什借欠不償反向誣賴復被棍毆情急用刀嚇扎致斃是劉發旺因索欠起釁並非無故逞兇若在內地平民彼此互毆之案尚不至歸入情實今該

犯以口內民人寄居蒙古地方明知拉什身有頂戴係屬職官乃因錢債細故輒敢持刀向闖一死二傷實屬兇橫劉發旺著改為絞決即在犯事地方正法示懲○丁卯

上御山高水長賜王公大臣蒙古王貝勒貝子公額駙台吉及外藩使臣等食○戊辰諭內閣本年新正署直隸總督襄行簡來京慶賀元旦召見時據伊面奏該省千里長隄及格淀隄工年久漸被衝刷河道致有淤塞不可

不亟事疏築懇請於長蘆商人本年鹽價內每斤酌增制錢一文以贏餘所入備撥工需並據奏稱該處距京不遠俟隄工修築完竣後聖駕可以親臨閱視蹕路行宮均係舊建屆期祇須畧事埽除無庸大加修葺等語朕以隄淀各工為畿輔民田水利所關事屬緊要於奏上時即經降旨准令修築並以鹽斤加價一事究涉病民未經准行特勅戶部籌撥帑項以資興築至工竣後朕之親臨閱視與否尚在未定乃本日忽據御史吳榮光奏稱風聞天津府屬之河東楊柳青等處行宮估工修理以備巡幸但鑾輅所臨扈從官員甚多沿途口糧食物隨時購買不能不假手家人保無向州縣需索致令地方官藉口賠累等語朕車駕經臨之地行宮橋道均係作正開銷即如每年舉行謁

陵秋獮典禮必諄諭地方大吏毋得稍有糜費擾及閭閻並嚴勅扈從大臣官員等力矢清

潔禁絕饋遺近復再三訓諭飭令地方官不得再蹈濫支濫應惡習致干咎戾訓誡至為深切若慮及扈從官員衆多隨帶家人紛紛向州縣藉差需索是則無此情理官員等隨扈沿途購買不過口糧食物日用所需之件該家人等何從向州縣需索且該御史摺內敘及近日明興百齡均於家人需索不能覺察之語明興百齡係外任大員所屬官皆其統轄是以僕役得向需索若扈從官員並非

各該州縣本管上司即有需索該州縣亦豈肯應付何得援以比例況如果實有家人需索之事州縣官儘可據實呈報隨時查辦若如該御史所言則清蹕所經凡扈從官員勢不能不隨帶僕從恐其向州縣需索惟以深居簡出為宜將併謁

陵秋獮之典亦不舉行在明季則可我大清有此政體乎科道備職言官原准風聞言事但似此次巡幸浣津之舉不特未見施行即朕

意亦尚未定。該御史乃輒以道路傳聞形諸奏牘。竟蹈明季言官惡習。何率意乃爾耶。吳榮光原摺著擲還。又諭據吳熊光等奏查明略咂國來廣貿易情形一摺。略咂國即俄羅斯國。向例祇准在恰克圖地方通市貿易。本有一定界限。今該國商船駛至粵東。懇請赴關卸貨。自應照例駁回。乃延豐擅准進浦卸貨。實屬冒昧。且該國商船於十月初八十七等日先後進口。延豐於二十九日始行具

奏。又於咨商總督後並不候那彥成回咨輒以意見相同之語捏詞入告。其咎甚重。前經降旨將延豐降為七品筆帖式。尚不足以示懲。延豐著即革職。仍令在萬年吉地工程處効力行走。接任監督阿克當阿因延豐已准該夷商起卸一船貨物。亦即不候那彥成移知率准後船進浦卸載。吳熊光孫玉庭未經詳查明確。遽准開船回國。均屬辦理未協。不能無咎。吳熊光孫玉庭阿克當阿均著交部

議處。嗣後遇有該國商船來廣貿易者。惟當嚴行駁回。毋得擅准起卸貨物。以昭定制。己巳諭內閣。圓明園額缺庫守。先經兩次奏明添設至十八名之多。且此外尚有主事筆帖式及苑丞苑副等官。差委已不乏人。又何必屢次添設。候缺庫守多名。概行給予頂帶。且一經挑補。即可以次洊升。是從前辦理此項人員。並未奏明率行添設。本屬冒濫。姑念相沿已久。尚非近日之事。惟已革庫守廣壽

於嘉慶十年七月內由効力拜唐阿挑補。候缺庫守甫閱兩月。即補實缺。該管王大臣等未能詳覈辦理。均難辭咎。定親王綿恩係管理圓明園事務。著交宗人府察議。蘇楞額常福均係內務府大臣。著交吏部議處。餘俱照所議行至。暢春園三山奉宸苑南苑等處。恐尚有似此冗濫之員。應行裁汰者。仍著軍機大臣詳查具奏。展賑兩淮丁溪草堰劉莊伍佑新興廟灣六場被水竈戶。庚午諭內

閣和寧奏查明喀喇沙爾庫內虧欠銀兩請將歷任辦事大臣交部嚴加議處一摺各處庫貯銀兩專備辦公豈容該大臣等任意私借喀喇沙爾庫貯銀兩自乾隆五十九年歷任大臣官員等不但私行借用並放給該處兵丁商民土爾扈特回子等使用殊堪駭異歷任辦事大臣均應懲辦除明興阿爾塔錫第來靈德勒克扎布等均已另降諭旨交部嚴加議處來京聽候部議外此事始自乾隆

五十九年著和寧詳查始自何人任內嚴行叅奏餘俱照和寧所請行將此通諭西北兩路將軍大臣嗣後凡遇應查各處庫項務當親往嚴查仍嚴飭管庫官員詳稽出入務須實貯儻有似喀喇沙爾任意借用情弊一經查出不但將該官員等嚴行治罪仍將該將軍大臣等一併治罪斷不輕宥明興等是其前轍也尋議上得旨兵部奏議處前任喀喇沙爾辦事大臣來靈等一摺前據和寧奏喀

喇沙爾虧空庫項一事因係來靈查明叅奏尚無明知故縱等情當經降旨將來靈處分寬免昨據和寧查出該城官兵商民土爾扈特回子等零星借欠積習相沿來靈摺內並未據實奏明乃於現在商民土爾扈特回子所繳銀錢捏稱嚴追葉布肯繳出冀圖掩飾本任知情及同官挪借處分顯係有心朦混著照部議革職其歷任喀喇沙爾辦事大臣除德勒克扎布另降諭旨外明興阿爾塔錫

第明知屬員有虧挪情弊並未叅奏實屬徇隱均著照部議降三級調用又諭據兵部奏將喀喇沙爾庫項虧空不行叅奏之前任辦事大臣明興阿爾塔錫第德勒克扎布議降三級調用等語查喀喇沙爾庫貯銀兩自乾隆五十九年始行虧空正係德勒克扎布在任若將伊與明興等一體降三級調用不足蔽辜德勒克扎布著即革職解京交軍機大臣審明具奏以理藩院右侍郎特克慎

兼正白旗蒙古副都統○以哈密幫辦大臣成書為辦事大臣戶部郎中花尚阿為哈密幫辦大臣賞直隸宣化鎮總兵官愛星阿副都統銜為喀什噶爾幫辦大臣四品宗室玉慶三等侍衛為喀什噶爾辦事大臣○以前任閩粵南澳鎮總兵官王模為直隸宣化鎮總兵官○辛未

孝聖憲皇后忌辰遣官祭

泰東陵

上詣

恩慕寺

恩佑寺行禮○壬申諭內閣廣興奏審擬安陽縣民田林赴京具控張懷勤一案照例擬以絞候一摺此案張懷勤因負欠偷典高糧致伊母傷心痛哭繼復私當布塊買米經伊母查知遂至忿激輕生雖訊無撞跌伊母及有心觸忤情事實係違犯教令該犯於鄉約等詢問緣由竟敢誑稱伊母素有痰迷失足落

井及被控到案又不據實供吐有心狡展其罪更重張懷勤著即改為絞決○癸酉上幸萬壽山○乙亥諭內閣前聞那彥成在粵東辦理洋匪各事宜未能允當因學政茅元銘曾在內廷行走密諭伊據實查奏該學政理應詳細直陳乃旋據奏稱那彥成急於求治廣益集思與那彥成師心自用情形竟係相反且於那彥成飲酒演劇等事並無一字提及隨令吳熊光傳旨向茅元銘詢問茲據

吳熊光奏稱茅元銘戰慄慚愧無地自容懇求從重議處並有與那彥成宴會之事等語茅元銘於垂詢事件並不據實直陳轉為飾詞贊美且於督臣性耽逸樂之處全未奏及實屬有心徇隱茅元銘著交部嚴加議處即撤回學政之任來京聽候部議尋議上得旨照議降調以翰林院讀講學士補用○調順天學政陳嵩慶提督廣東學政命兵部左侍郎戴聯奎提督順天學政以禮部右侍郎萬

承風署兵部左侍郎○調正紅旗漢軍副都統英和為鑲黃旗滿洲副都統以鑾儀衛鑾儀使和世泰兼正紅旗漢軍副都統○朝鮮國王李珣遣使表賀

萬壽冬至元旦三大節及歲貢方物賞齋筵宴如例○琉球國中山王尚溫遣使表貢方物賞齋筵宴如例○丙子諭內閣前因那彥成在兩廣總督任內招撫洋匪辦理錯謬將伊降為藍翎侍衛派充伊犁領隊大臣茲據吳

熊光續行查出洋盜黃正嵩投首時那彥成先行賞給四品藍頂旋即掣回改給千總頂帶昨李崇玉解到經軍機大臣會同刑部審訊並據李崇玉供出那彥成亦曾給與四品藍頂等情四品頂帶等級較崇那彥成輒以賞給投出盜首實屬任意妄為那彥成豈復能勝領隊大臣之任著革職伊現在行抵何處即著該督撫派員押送來京交軍機大臣會同刑部審訊具奏○以故回部輔國公伊

巴喇伊木子阿布都莫敏襲爵○調順天學政戴聯奎提督安徽學政安徽學政周兆基提督順天學政以戴聯奎由順天寄籍中式故也○以阿勒楚喀副都統色爾衮為伊犁領隊大臣○丁丑

孝儀純皇后忌辰遣官祭

裕陵福建臺灣鎮總兵官愛新泰等奏報堵剿蔡牽情形得旨獎賚擢遊擊吉凌阿為叅將武舉賴熊飛鍾麟江為守備均賞花翎○

以吉林協領布蘭泰為阿勒楚喀副都統○

戊寅

上詣

大高殿行禮○還宮

七

一七

赴訴自應將占居番衆代為驅逐並令該蒙

古等各回原處設卡寧居豈能徇番衆之請將蒙古地界任令伊等插帳遷居遽行完案此時一經降旨將來蒙古等謂朕不能代伊驅逐番帳轉將其地予人而番族等亦以此地係大皇帝指明賞給彼此皆有藉口成何事體貢楚克扎布惟當遵照前旨驅逐番帳無許侵占一面傳諭蒙古等努力自強不可豫存令蒙古讓地之見設或蒙古實在自揣積弱不能固守其地情願將閒地賃給番族

彼時方可允為代奏請旨辦理至番衆所交羊隻既係蒙古地租自應給予蒙古斷無將蒙古地方給與番族而官收其羊隻之理即或蒙古不願收取番族羊隻亦聽其便不必令其交官致乖政體至蒙古賃地之後番族插帳居住時仍當官為勘劃地界並嚴定罪條設番族再敢侵越即當查拏罰懲設再滋事更當從重定擬庶蒙古等不致再受侵占將此諭令知之○又諭李長庚等因蔡逆大

船在鹿耳門內小船分泊洲仔尾一帶與岸匪勾聯當即豫備火具攻燒將賊船燒燬多隻生擒賊匪一百六十八名蔡逆大船既現泊鹿耳門內口門外有沈船堵塞正可水陸夾攻不可稍有鬆勁至鹿耳門外係堵截海口要路務須加意嚴密提防又臺灣府城經賊兵攻撲多日亟應救援著速飭李應貴一路官兵由大港直抵郡城不可延緩將此傳諭知之○辛巳遣官祭

文昌帝君廟○諭內閣據戶部奏議覆江省不能接運滇銅請仍循照舊定章程辦理一摺滇省運京銅斤向係由該省派員解送嗣據永保奏請分省遞運經楚省奏明照議辦理今江蘇省因河工海防及辦理漕務均關緊要難以再派運銅自係實在情形江省既不能接運斷無祇令楚省委員接運之理看來三省遞運一事勢屬難行著照部議仍循舊定章程滇省委員徑運進京以歸簡易該

撫惟當遴派妥員。將一切應領水腳等項。如數給發。毋得絲毫剋扣。俾資支發。至該員等由滇起解押運。長途跋涉。經歷風濤。苦累情形。朕所素知。將來該委員運送到京後。果能解交足額。並無遲誤逾限之處。該部帶領引見時。朕必當酌量施恩。加之鼓勵。○以都察院左副都御史成格為經筵講官。刑部右侍郎瑚素通阿。左副都御史初彭齡。署經筵講官。○壬午。諭內閣。唐音等奏役力疲乏。酌擬

調劑。以裨運務一摺。大通橋運京漕糧。所領腳價銀兩。近年因錢價昂貴。車戶等經費不敷。應需調劑。自屬實在情形。著加恩即照所請。將達慶等前奏。停給車戶之各倉收米箇兒錢一項。每年約得銀二千數百餘兩。且無庸扣存。暫行添補車戶腳價。又大通橋承買官豆。並著每卯再加買一千石。其豆價銀兩。亦按卯於腳價內照例扣交車戶。俾得通融貼補。庶運費益臻寬裕。統俟將來錢價平減。

後。仍著該侍郎等隨時酌量奏明。照原定章程辦理。○又諭。連日軍機大臣會同刑部審訊粵省解到盜首李崇玉。將該犯供出那彥成。給予銀牌並印札等件。均經呈覽。銀牌泐有免死字樣。已屬不合。而札付則係授意總兵武隆阿。令署潮州右營守備。直書署守備李崇玉。并豫支行糧廩給。太不成事體矣。李崇玉係廣東甲子司地方為匪首犯。人所共知。朕先有所聞。密令該督等查拏。上年該犯

聞拏脫逃。那彥成將伊親屬查拏審訊定案。照擬大逆律辦理。緣坐發遣。該犯逃竄出洋。與盜首朱漬合夥。彼時那彥成因其與朱漬情意不合。遣人間諜。若果能設法擒拏。將縛獻之人奏明酌賞官職。尚屬近理。乃那彥成誘致李崇玉。後輒賞給五品頂帶。嗣該犯見降盜黃正嵩。先已給用四品藍頂。欲一律戴用。那彥成遂亦賞給。又因該犯稱所賞之官。並無憑據。遽令總兵武隆阿給與守備印札。

實出情理之外。國家名器。信賞必行。若如那彥成所辦。是官員頂帶。及一切印信札付。全不足憑。威福任意。是非顛倒。大員任用。深恩竟是喪心病狂。况李崇玉身係重犯。所求輒遂。設充其量。更有無厭之請。亦將曲從之乎。不意那彥成任意妄為。乖張紕繆。一至於此。前已有旨。將那彥成革職。令沿途督撫派員押解來京。尚屬稍寬。著派乾清門侍衛慶惠王福馳驛迎赴前途。傳旨拿問。解交軍機大

臣會同刑部嚴審定擬具奏。武隆阿係專閫大員。曾在乾清門行走。亦當畧知政體。當那彥成諭令給札時。理應力持正論。攔阻不給。乃竟率意聽從。其咎甚重。本當革職懲治。姑念伊在川楚軍營出力有年。曾賞給巴圖魯名號。素屬奮勇。武隆阿著革去總兵。仍加恩賞留巴圖魯名號。作為二等侍衛。發往臺灣。交與欽差大臣賽冲阿差遣。委用著吳熊光即傳旨令該員迅速前往。如果奮勉立功。再

加恩賞。○以工部左侍郎英和為

實錄館副總裁官。仍恭閱正本。○以廣西潯州

協副將孫應泰為廣東潮州鎮總兵官。○予

四川綿州捐貲修城之紳士郭大中。等職銜

有差。○癸未。以舉行仲春經筵。遣官告祭

奉先殿。

傳心殿。

上御文華殿經筵。直講官王麟。鄒炳泰進講。孟

子樂取於人。以為善。講畢。

上宣御論曰。聖王存公天下之心。取善務極其

量也。蓋一己之聰明才智。奚能偏體庶民之

人情物理哉。孟子論大舜。以天下之善。公天

下之人。治天下之事。故虛心延訪。舍己從人。

不知善之在己也。好問好察。見善樂取。不知

善之在人也。人已同處於盡善。成己即所以

成物也。取善而日進於善。成物仍歸於成己

也。君臨九有。存大公無我之心。推胞與為懷

之量。包含徧覆。無物不容。以眾善治萬事。取

衆善備吾身。君民一體。咸有一德。則政治蒸然。日上。黎民於變時雍矣。若見善不遷。聞善不取。人皆不敢獻其善。雖欲為善。從何得之。是自作聰明。難成治理矣。見善必取。取善必備。吾於此益加彊勉。庶幾可望三代以上之治。曷敢自恃乎。直講官明志。劉鳳誥進講。易經有大而能謙。必豫。講畢。

上宣御論曰。大易六十四卦。吉凶悔吝。互相變易也。孔子因卦名敘其次第之義曰。有大而

能謙。必豫。其旨極微妙矣。人君居九重。臨兆庶。極尊崇富貴。誠大有之象也。守之道在乎能謙。不矜不伐。無慮無營。屏好大喜功之念。存滿盈招損之心。兢兢業業。畏天愛人。以父母之心為心。則如保赤子。心誠求之。以天地之心為心。則民吾同胞。物吾與矣。不殖貨利。藏富於民。所有者大也。謙尊而光。可以長享其有。而樂以天下。故謙之後。受之以豫也。若驕泰侈放。反謙之道。尚可得豫乎。在上不

驕高而不危。常存苞桑之喻。斯能保磐石之固。乃知謙以致豫。大聖之微言。人君之要道也。先憂後樂。治臻無為。同天下之豫。本一心之謙。時勉持盈保泰之衷。日省遷善改過之念。則敬怠明而安危著。可不知所先後哉。禮成。

上幸文淵閣。賜講官及聽講諸臣茶。復賜宴於本仁殿。遣官祭

關帝廟。甲申。

上御乾清門聽政。遣官祭

先醫之神。諭內閣。朕恭閱

皇考高宗純皇帝實錄。內載乾隆五十一年六月欽奉

聖諭。前據曹錫寶奏。和珅家人全兒服用奢侈。器具完美。恐有招搖撞騙等事。著留京王大臣詳悉訪查。訊問。務得實在情形。朕於此案總期根究明白。留京王大臣不可誤會朕旨。將曹錫寶加以詞色。有意吹求。務須平心靜

氣虛衷詳問。如果和坤有營私舞弊款蹟。不妨據實指出。朕必質詢明確。如果得實。不妨將和坤治罪等因。欽此。仰見

皇考至公至明。纖微畢照。彼時御史曹錫寶奏劾和坤家人全兒各款蹟。其意本欲叅劾和坤。又不敢明言。故以家人為由。隱躍其詞。以為旁敲側擊之計。

皇考因該御史陳奏。即恐和坤有營私舞弊情事。令王大臣虛衷詳訊。並令曹錫寶指出實

據。其時該御史若果能臚列款蹟。

皇考必徹底嚴辦。立將和坤懲治。乃該御史僅一奏了事。迨疊經開示。令其指實。曹錫寶毫不能指出確據。而王大臣於審辦此事。存投鼠忌器之鄙見。顛頑完案。以致和坤益無忌憚。驕縱日甚。必至身罹重辟。而後已在當日

王大臣等以私意揣測。

高深。竟似查辦和坤未必仰合

聖意。今恭聞

實錄所載節次

聖旨指示明切。至再至三。可見

皇考於和坤種種不法。早經照及。特當日大小臣工。無一人舉劾。是以未及究辦耳。朕廣開言路。整飭官常。惟期內外各大臣奉公守法。若有敗檢營私之事。必不肯稍有迴護。嗣後言官若彈劾大臣。必須將其貪劣款蹟指明。叅奏。朕必執法嚴辦。但不得隱躍其詞。徒博建白之名。轉滋疑似之跡。於吏治官方。庶有裨補。特此宣諭知之。○又諭本日禮部會同鑾儀衛內務府衙門具奏。請將皇子婚禮舊例。執事內燈籠火把紅氍毹量加增。事屬可行。至稱向來皇子迎娶福晉。例無儀衛因查親王。郡王向俱專設儀衛一分。謹公同商酌。擬比較親王之例。增設皇子儀衛一分。於成婚迎娶時。陳設導引禮成後。即由鑾儀衛另庫收貯等語。所議大謬。皇子班次。本在諸王之上。至冊封則位有差等。並非一例。錫封親

王。朕兄弟中即有郡王貝勒。焉有於成婚時即用親王儀衛之理。是皇子必應封親王矣。況親王未分府者。均不設用儀衛。若於成婚時。概照親王例製造儀衛。一分禮成後。又復另庫收貯。日後若祇封郡王貝勒。則此一分儀衛。又將焉用。該衙門議奏此事。不加詳慎。甚屬不合。此摺係禮部主稿。該堂官定議。舛錯著交部議處。其率行會奏之鑒。儀衛內務府堂官俱著交部察議。此後仍循舊章。不准用儀仗。又據奏。公主薨降時。請將應得儀仗一例陳設。導引等語。定例。固倫公主和碩公主。本有差等。向各有儀仗。一分係歸寧時陳設。今議於下嫁時。用以陳設。導引。並非例外增添。自無不可。著照所奏辦理。○以詹事府詹事桂芳。太常寺卿扎郎阿。為內閣學士。兼禮部侍郎銜。○乙酉。

孝淑皇后忌辰命
皇次子 旻 祭

陵寢。○以故土默特喀爾喀貝勒達什布木濟納子伊什喇克巴襲爵。○

上以祭

社稷壇。自是日始齋戒三日。○丁亥祭先師孔子。遣榮郡王綿億行禮。○諭內閣。御史花杰奏。嚴禁州縣逗遛省會。以專職守。一摺。所奏是。各省州縣為親民之官。有地方之責。不應擅離職守。各督撫初涖該省。凡州縣未經認識者。原許其因公調省。諮詢地方事務。並藉以察識人材。或遇有緊要案件。必須面為商辦者。亦不過接見數日。事畢即可令其速回。乃外省風氣。往往州縣奉調赴省。日久逗遛。以致本任事多曠誤。實為惡習。嗣後各省督撫。遇有州縣因公赴省者。事竣即令速回。毋得任其無故逗遛。致曠職守。將此通諭知之。○諭軍機大臣等。粵省濱海地方。洋匪充斥。緝捕緊要。而緝捕尤以船隻為先。從前該省設有米艇。較艚船尤為得力。嗣因米

艇日漸虧舊地方官以修理不貲意存推諉營官則以無船駛駕藉口偷安偶有盜警官兵需船配渡一時猝不及辦輒將商船雇募應用商船無編號可查設被洋匪搶占豈不轉為賊用甚或肆其詭計轉將搶占船隻作為商船受雇與官兵駕坐探聽消息皆屬事之所有現在該省實有米艇若干隻是否一律修整足敷駕駛著吳熊光會同孫玉庭查明據實具奏至水師額兵均係本地民人應募充當果能留心遴募凡勇健之徒皆可籍之營伍地方多一精銳之兵即少一橫悍匪徒實為一舉兩得至於招撫一節永遠停止切勿踵行將此諭令知之○戊子祭

大社

大稷

上親詣行禮○幸圓明園○己丑

孝康章皇后忌辰遣官祭

孝陵○庚寅諭內閣慶桂等議奏查明暢春園

三山奉宸苑南苑等處額外添設頂帶及拜唐阿等分別裁減一摺各國亭等處自官員以至効力人等均經設有定額內務府風氣卑靡往往寅緣干請而該管大臣亦遂徇私市惠輕襲名器即如暢春園等處未經奏明輒據呈准增設虛頂溢額多人實屬冒濫今既經查明均著照所議分別裁撤所有歷任該管大臣本應查明議處姑念相沿已久尚非始自現管之各大臣著加恩免其查議嗣後各該處額缺頂帶悉以此次奏定為準如有擅自增添者一經查出定當從嚴究治決不姑貸○以故翁牛特郡王包多爾濟子喇特納濟爾迪襲爵○辛卯

上啟鑒恭謁

東陵○免蹕路經過地方本年額賦十分之三

○是日駐蹕湯山行宮○壬辰遣官祭黑龍

潭

昭靈沛澤龍王之神王泉山

<p>惠濟慈佑靈護龍王之神○是日駐蹕三家店行宮○癸巳遣官祭昭忠祠○是日駐蹕大新莊行宮○甲午遣官祭</p>									
<p>歷代帝王廟○貴州提督富志那奏松桃協牛心堡原管之螺螄壩下過肘巖會坡三壩緊接楚省請改撥湖南螺螄壩汎管轄就近派兵駐防從之○是日駐蹕白澗行宮○乙未清明節遣官祭</p>									
永陵									
福陵									
昭陵									
昭西陵									
孝陵									
孝東陵									
景陵									
泰陵									
泰東陵○命									
皇次子祭									

<p>裕陵○遣官祭</p>									
<p>孝淑皇后陵寢○遣官祭</p>									
<p>端慧皇太子園寢○是日駐蹕隆福寺行宮○丙申</p>									
上恭謁									
昭西陵									
孝陵									
孝東陵									
景陵									
<p>裕陵俱未至碑亭即降輿慟哭步入隆恩門詣</p>									
<p>寶城前行禮躬奠哀慟王以下文武大臣官員均隨行禮○是日迴鑾駐蹕桃花寺行宮○</p>									
<p>丁酉諭內閣成寬等奏唐努烏梁海總管達瑪琳扎布屬下佐領端多克拏獲在烏梁海收債民人孫幅培審明定擬一摺已依議行矣烏梁海人等所欠商民孫幅培一人之銀即有一千餘兩豈盡伊等交易實允或該商</p>									

民放借銀兩。或賒給物件。重利盤剝。積欠始至如此之多。况該處商民甚衆。若不查禁。該商民等任意私往放債。而烏梁海人等賒欠不清。日久訟獄紛繁。必所不免。著成寬等將烏梁海人等所欠舊債查清。緩定期限償還。仍嚴行禁約。嗣後務以現銀實物交易。毋許商民再賒物借銀與烏梁海人等致滋事端。違者不特將商民及烏梁海人等治罪。該管總管佐領等亦著一併參奏治罪。○調四川

屯土兵二千名赴臺灣勦捕洋匪。○是日駐蹕盤山行宮。至辛丑皆如之。○己亥。調福建巡撫李殿圖為江西巡撫。江西巡撫溫承惠為福建巡撫。○調四川兵一千五百名赴臺灣勦捕洋匪。○庚子。諭內閣各省押運道員。前經降旨令該督撫出具考語給咨送部。俟抵通交糧完竣。即由倉場侍郎查明移咨吏部帶領引見。茲據瑚圖禮奏湖北省道員押運。向止趨抵臨清閘口。即移交東省接催前

進例不抵通。可否請將該省道員俟押漕三次後。准其出考給咨送部引見等語。湖北等省距通州較遠。即令中途交替。其所歷程站比之豫東江浙等省。勞逸維均。自應一體示以獎勵。嗣後湖北省及湖南江西兩省糧道押運已屆三次。如果催趨認真。並無過失。即著該督撫出具考語給咨。由倉場侍郎查明送部引見。此外豫東江浙等省糧道直押抵通者。亦著俟押運三次後送部引見。以歸畫

一。○調吉林黑龍江兵三百名。命副都統富翰富僧德達斯呼勒岱帶赴臺灣協勦洋匪。○辛丑。賜隨駕王大臣等食。並賞賚有差。○諭內閣。御史楊世英奏請定題限銓法以防弊竇。一摺。據稱嘉慶十年各直省大計所出之缺。因內閣辦理遲延。致逾二月截缺期限。誠恐有壓缺改選之弊。請將嗣後各直省題本到閣。進呈及吏部題覆。均各明定期限。其此次計典應選各缺。可否仍請以二月到班

人員於三月銓選等語所奏係為杜弊起見。部例雙單月銓選各缺皆有一定到班人員。原不容前後挪移稍滋紊亂。此次內閣具題大計本遲延業經吏部將承辦之員叅奏。查明尚非有心壓擱。但銓政攸關若俱可因事挪移。不惟雙單月班次混淆且恐下月應行到班人員急思得缺設法鑽營而承辦之員又明知處分不重不惜身為擔任以巧遂其積壓之私易滋弊竇。嗣後每屆計典各直省

題本到閣進呈及吏部題覆除奏明展限者另行辦理外其餘均著明定期限總不得過二月之期。所有此次應選各缺該御史請於三月銓選之處尚未明晰均著仍歸於二月銓選。○諭軍機大臣等臺灣賊匪滋事商船販運自稀不但兵米恐有支絀民食亦未必寬裕亟應早為籌備。因思四川湖南江西三省均係產米之區應行豫備撥往著該督撫於本省倉穀先行碾動四川省豫備二十萬

石湖南江西二省各豫備十萬石俟有旨諭知撥運時即行派員運往將此諭令知之。○撥廣東關稅銀三十萬兩解往福建以備軍需。○士寅以四川鹽茶道姚令儀為按察使。○是日駐蹕白澗行宮。○癸卯諭內閣馬慧裕奏請酌量借糶遠年陳穀一摺據稱豫省常漕等倉貯穀石因遵現行事例凡非災歉之年一概不准借糶遂致逾年積壓漸虞歲變現據各屬紛紛稟請辦理請將各屬遠年

陳穀及時借糶秋後徵買還倉等語各省倉穀向例於青黃不接之時存七糶三原藉以出陳易新利民食而免紅朽嗣緣州縣辦理不善日久弊生定為無災年分不准擅動雖足以杜藉端盜賣情弊惟年分久遠其氣頭廠底必多歲變折耗轉於積貯無益是則因噎廢食殊非慎重倉儲之道自應隨時酌量調劑並嚴行剔除諸弊俾倉儲民食兩有裨益方為妥善著照該撫所請查明倉貯年分

遠近覈實借糶秋後徵還並著該撫督同藩司嚴飭該管府州逐廠驗明將實難存貯陳穀委員監同借糶穀價提貯司庫秋後還倉時一體委員監收稽察如有不肖官吏藉端滋弊即行從嚴究治○貸陝西附近災區之甘泉保安安塞定邊靖邊榆林神木葭府谷懷遠綏德米脂清澗中部宜君十五州縣貧民倉糧○賞蹕路經過看守各行官弁兵半月錢糧○是日駐蹕烟郊行宮○甲辰

孝昭仁皇后忌辰遣官祭

景陵○諭軍機大臣等李長庚愛新泰慶保奏許松年王得祿在柴頭港口勦賊臺郡文武派兵協助將盜夥殲獲多名得有勝仗但蔡逆本係積年洋盜設或官兵勦急復竄重洋辦理殊為棘手今朕明諭李長庚蔡逆一犯全責成該提督擒捕儘能擒獲該犯即公侯伯崇封朕所不靳設蔡逆竟於海口遁逃伊自思當得何罪恐不止革職拏問已也至蔡

逆謀為不軌總由王德在閩有年營伍廢弛巡哨緝捕視為具文以致如此是王德養癰貽患之罪已無可辭此時該逆滋擾數月計先後調赴臺灣官兵不過三四十名豈能勦滅二萬有餘之賊閩省水陸官兵不下七萬餘名即調用萬餘名內地守禦亦不虞空虛現據愛新泰等奏稱郡城被圍日久有不可支持之勢王德接到該處文稟即應熟為籌辦乃竟任意延玩視為泛常負恩曠職莫此為甚王德著降為二品頂帶拔去花翎先示薄懲以觀後效又賊匪勾結生番番頭目諦窩蘭不肯從逆能知大義甚屬可嘉如本無頂帶即賞給六品頂帶并賞藍翎如本有頂帶即加等賞給將此傳諭知之○是日駐蹕舊衙門行宮○乙巳

上行圍○諭內閣閩省洋盜蔡章勾結陸路匪徒在臺灣滋擾亟應勦除淨盡以靖海疆前經朕特派賽冲阿前往督同該省提鎮水陸

官兵赴臺勦辦。連日節據該處提鎮等奏報。殲獲逆匪數百名。蔡逆勢已窮蹙。茲再派德楞泰為欽差大臣。同護軍統領扎克塔爾溫春提督薛大烈並帶領巴圖魯侍衛章京五十員名馳驛前往勦辦。於三月初四日由京起程。酌分二起行走。所有經過地方著該督撫等將應行支應事宜妥為豫備。俾行程迅速。以期剋日蒞事。○諭軍機大臣等伯麟等奏稱緬甸國懇求豫期進貢。密探得該國係因與暹羅連年爭戰。力不能敵。欲借進貢以壓伏暹羅。並有求助之意。伯麟等因擬定諭稿諭令緬甸土司將貢物妥為運回等情。一摺。所辦俱是。緬甸國貢期向經奏准以十年為度。今該國自嘉慶五年進貢。至今甫及五載。乃因與暹羅構兵。力感勢窮。欲藉進貢以求援助。經伯麟等密飭該鎮州等探悉實情。自應照例駁回。即照所擬諭稿發往。至摺內稱探知此次進貢之請係由孟幹慫恿。在該

國王前討好。希圖仍作蠻蕃土司。實屬巧詐等語。孟幹前因酷虐激變夷民。經該國王將其弑回。今該國王仍欲令伊為蠻蕃土司。總可置之不問。至該國與暹羅構兵。強弱勝負亦祇聽其自為。斷無天朝代伊等籌畫之事。惟該國此時但求進貢。尚未顯露求援之意。設該國竟遣使前來。明向伯麟等懇請援助。彼時即當直言正辭。諭以天朝撫綏外藩。一視同仁。毫無區別。若因爾國不能禦敵。用兵相助。儻有時爾國勢強。暹羅力弱。前來乞助。天朝又將何以處之。爾國惟當力圖自強。永保國土。無得為此非分之請。如此明示以大義。該國自必不敢復希冀助兵也。將此諭令知之。○免福建臺灣府屬被賊滋擾地方本年額賦。○是日駐蹕圓河行宮。翼日如之。○丙午以光祿寺卿初彭齡為內閣學士。兼禮部侍郎銜。○命工部左侍郎英和內閣學士初彭齡馳赴西寧查辦事件。○以戶部右侍

郎蘇楞額署工部左侍郎工部右侍郎文寧署吏部右侍郎○丁未

上行圖○遣官祭賢良祠○轉禮部右侍郎多

慶為左侍郎調盛京禮部侍郎德文為禮部

右侍郎以都察院左副御史成格為盛京

禮部侍郎○調鑲藍旗蒙古副都統伊冲阿

為正黃旗滿洲副都統以內閣學士扎郎阿

兼鑲藍旗蒙古副都統○旌表守正捐軀安

徽霍邱縣民蘇長春妻謝氏○賞看守南苑

各行宮苑戶半月錢糧海戶銀一千兩○是

日駐蹕新衙門行宮○戊申

上還宮○是月密諭溫承惠知汝才猷練達屢

著勞績是以用汝江西巡撫原欲久任觀成

再膺渥澤孰意逆賊蔡牽勾結臺匪作亂海

面則沈舟鹿耳門阻隔內地兵船陸路則豎

旗聚眾圍攻府城如此張狂肆惡閩省督撫

漠不關心王德奏報動輒經旬半月所調過

臺勦捕之兵不過一二千况係本省綠營恐

難深恃至李殿圖竟無隻字具奏不得已命

德楞泰帶領巴圖魯侍衛五十餘員又調四

川漢土兵三千名齊至廈門放洋渡臺以期

一鼓殄滅惟是糧運軍需非王德李殿圖所

能經理故調汝辦理汝其盡心經理勿誤軍

行密訪王德遲延奏報之故或限於才識或

身染疾病平日聲名若何據實手書密奏不

可稍有瞻顧慎密辦理此殊諭先行繳進○

西寧辦事大臣貢楚克扎布奏遵旨驅逐番

族不敢稍有冒昧得旨馭邊之道總須先示

以威既畏之後方可施恩撫卹况蒙古地界

豈可讓給番子必應驅逐出界為正辦切勿

存化有為無祇圖目前安靜之鄙見慎重勉

力辦理今文武皆歸汝統轄尚何慮呼應不

靈乎特諭

大清仁宗受天興運敷化綏猷崇文經武孝恭
勤儉端敏英哲睿皇帝實錄卷之一百五十七

實錄卷一百五十七

文

大清仁宗受天興運敷化綏猷崇文經武孝恭
勤儉端敏英哲睿皇帝實錄卷之一百五十八

欽此

欽此

欽此

欽此

欽此

欽修

嘉慶十一年丙寅三月己酉朔命挑濬江蘇

實錄卷一百五十八

文

淮揚下游歸江河道從兩江總督鐵保等請
也、庚戌定六部廢生出身司員保送御史

例從吏部請也、福建臺灣鎮總兵官愛新

泰等奏報攻克洲仔尾等處賊寨得旨嘉獎

下部議欽加知縣薛志亮知州銜賞兵丁一

月錢糧、以陝西漢中城守協副將唐文淑

為四川重慶鎮總兵官、辛亥

上耕藉詣

先農壇行禮更服至藉田所

躬耕三推復加一推

御觀耕臺命禮親王昭槿睿親王端恩鄭親王烏爾恭阿各五推吏部左侍郎玉麟戶部右侍郎劉鏞之禮部左侍郎多慶兵部右侍郎趙秉冲刑部右侍郎周廷棟工部右侍郎文寧都察院左副都御史陳嗣龍通政使司叅議多福大理寺卿曹師曾各九推畢順天府府尹率農夫終畝賞資農夫耆老如例子

上御乾清門聽政諭內閣前經降旨加恩令百齡在

實錄館効力行走茲百齡業已來京具呈謝恩因思

實錄將次告成在館當差人員儘足敷用無須另行添派現在閩省臺灣勦辦蔡逆匪黨一切軍需糧餉需人經理著加恩令百齡隨同德楞泰馳驛前赴閩省幫同藩司景安妥為辦理覈實報銷毋任稍有冒濫牽混以翰

林院侍讀學士凱音布為詹事府詹事太常寺少卿哈寧阿為太常寺卿癸丑

上御太和殿視朝王以下文武升轉各官謝恩幸圓明園諭內閣京外文武各大員於升補後更換頂帶之處前經大學士等會同該部詳議具奏業經降旨通行所有在京各員一經謝恩瞻叩自應即將頂帶更換以符體制乃新授盛京禮部侍郎成格於上月二十九日降旨補放後次日朕由南苑進宮時

該侍郎已於道旁叩頭謝恩迨至本月初一日召見之時尚未更換頂帶當經詢以因何不換頂帶之故據稱因未蒙召對是以不敢遽換頂帶等語殊屬拘泥糊塗叩頭謝恩即係見面與宮中召對何異試思在京補放人員往往有具摺謝恩不即召見或隔至數日始行召見者豈遲之又久均不更換頂帶乎嗣後在京各大員凡係加恩升補其應行遞摺謝恩豫備召見者若於是日召見自應俟

召見後更換頂帶若得旨後先經在道旁叩頭謝恩者即著於叩頭後更換頂帶無庸俟至召見後至遇朕巡幸之時其前來行在具摺謝恩豫備召見者應均照此行如有降旨不令前赴行在者亦著於奉到發回謝恩摺時一律更換頂帶此外京員內有具呈代奏謝恩者並著於奏聞後即將頂帶更換至外省各大員於奉到部文後應行具摺謝恩來京陛見者如准令來京自應於瞻覲後更換

頂帶具有旨且緩陛見者並著於謝恩摺批迴後即行更換頂帶以昭定制而示遵守將此通諭知之○乙卯諭內閣本日清安泰奏浙省艇船造費請免覈減一摺據稱閩浙兩省艇船係畫一造辦現在閩省報銷經部覈減著賠銀兩已奉恩免追繳准照前冊報銷浙省事同一例亦懇免其覈減等語此項米艇浙江本屬創始成造既稱一切工料委係實用實銷著准其亦照前冊報銷毋庸減賠

惟是出洋緝捕固賴船隻堅固尤須水師兵丁奮勇練習方能駕駛得力若平日不行操演講求出洋時漫無紀律甚或停泊汙港虛報出洋徒糜造船之費不獲捕盜之益究屬有名無實嗣後該撫等惟當督飭鎮將力除積習勤加訓練使水師悉成勁旅庶聲威益壯洋面日就肅清不致虛糜帑項諭軍機大臣等吳熊光奏查明那彥成招致洋盜緣由並海洋防堵情形一摺粵省招致洋盜一

事查明並非楊楷慫恿自係那彥成師心自用與伊無涉至降盜黃正嵩四品頂帶業經撤回現換給千總頂帶自未便再行撤回致滋疑懼伊現在跟隨洪蕃鏘在洋巡緝著吳熊光密札該鎮如果黃正嵩認真出力能捕獲劇盜悔罪立功不妨奏明以千總實缺補用示之獎勵如並不出力即將伊斥革亦無不可若別滋事端即當加倍治罪不可姑息至黃正嵩同來夥匪一百八十人若同聚一

處終恐不妥並著飭知洪蕃鏘將各夥黨調撥別營不動聲色使之黨與分散其勢日孤更易鈴制又另奏盜匪方安等帶同夥伴約計千人前來投首既係悔罪自來並非由地方官招致自可准令投首分別辦理著照吳熊光等所請將盜首方安等十八名分置南雄等處安插其夥衆九百餘名口遞交原籍管束如有滋生事端者即當查拏加等治罪至此盜船二十餘隻據摺內稱估變充賞

其礮械飭營收貯前聞盜匪駛駕之船較兵船轉為堅固此時粵省米艇正在不敷此等盜船何不配入官船駕駛轉行估變充賞此外如那彥成節次招致盜犯所交船隻均著吳熊光一併查明可用者留充官用其實係朽壞者方可變價其礮械亦當分給各營配用何必概行收貯置之無用之地至孫全謀熟悉閩省洋面情形在粵省不甚得力不若令其前赴閩省効用賽冲阿所調粵兵除廣

西官兵均係陸路至廣東官兵竟以專派水師為是著吳熊光酌量派往以速為要將此傳諭知之○貸河南駐防弁兵匠役本色口糧有差○丙辰諭內閣李殿圖身任福建巡撫蔡逆在臺灣滋擾迄今已經數月該撫於勦捕情形及籌辦軍需等項從未一字奏及甚至日前該省向江西咨調火藥鉛彈應用溫承惠一面辦理一面奏聞而李殿圖轉不具奏是其於地方軍務漠不關心殊負委任

前已有旨將李殿圖調任江西巡撫但看伊如此種種玩誤豈能復勝封疆重寄李殿圖著來京候旨所有江西巡撫員缺著景安補授其所遺福建布政使員缺著景敏補授並著馳驛即赴新任辦理一切軍需○又諭王德等奏遵旨撤回臺灣府知府邊員更換一摺據稱查訪知府馬夔陞尚無別項劣蹟但聞該員出京時負欠私債甚多即難保其操守清廉等語所奏殊不成話王德等既明知

馬慶陞負債甚多而必調伊美缺以為償還私債之計是任令剝削小民全不顧地方受累國家有此用人之理乎馬慶陞著徹回俟伊將經手倉庫及軍需事件交代清楚後即行送部引見再降諭旨。諭軍機大臣等李長庚等奏稱自正月二十六日起督率鎮將先將附近屯聚賊匪之洲仔尾賊船賊蔡分投燒燬斃賊多名蔡逆因此不能存留旋將大船駛近口門又經李長庚揮令各船南北攻打許松年等亦帶兵夾攻擊斃賊匪百餘名拏獲盜船四隻燒燬五隻至二月初七日該逆潛乘風潮拏命衝出兵船復大加攻勦又擊沈盜船六隻燒燬九隻擊斃淹斃盜匪不計其數殲擒二百餘名該逆向南逃竄現在督兵追勦等語此次官兵攻勦賊匪大加殲戮該逆亡命奔逃其潰敗情形實屬顯然但不能將蔡逆立時殲獲李長庚許松年等疏虞之罪實無可辭其所請革職治罪之處

皆所應得惟查閱李長庚許松年二人兵船駐防之處李長庚係在北汕許松年係在南汕蔡逆大船係由北汕口內漸次竄出是許松年之咎較李長庚稍輕且許松年此次奮勇殺賊鎗子穿過左手指現在受傷可憫若免其革職仍留頂帶以觀後效至李長庚係總統水師之員伊即在北汕駐船此次蔡逆大船出口雖經竭力勦殺究屬疏於防範本應革職治罪姑念一時水師帶兵乏人著革去翎頂免其革任仍令戴罪立功伊二人如果各知奮勉能將蔡逆擒獲朕不但免其既往之罪仍當格外沛以厚恩若再帶兵遷延又任蔡逆逃竄伊二人之罪斷難寬宥矣其王德所奏總兵李景曾副將王得祿署副將邱良功革職治罪之處亦姑從寬免均著革去頂帶隨同李長庚等戴罪立功以觀後效王德摺內又請將臺灣鎮道愛新泰慶保交部嚴議愛新泰慶保自蔡逆滋擾以來守城

殺賊高屬有功且蔡逆由水路逃竄並非陸路疏防愛新泰慶保無庸議處至玉德自稱無能請革職一併治罪等語誠哉是言玉德任總督有年並不整頓水師認真緝捕其養癰貽患之罪已無可寬迨蔡逆滋擾臺郡既不渡洋親往又不多派官兵寬備糧餉種種貽誤應行革職治罪之處何待奏請但現在軍需緊要之時若遽將伊革職交部治罪伊轉得置身局外將一切棘手難辦之事諉之

他人遂其安逸玉德著先革去頂帶仍將現在軍需責令經理將此各諭令知之○以廣東惠潮嘉道蔣攸銛為江西按察使○予四川陣亡外委趙成龍祭葬世職兵丁陸純等二十名賞卹如例○丁巳

上幸靜明園詣

龍神廟拈香 祭

先蠶之神

皇后親詣行禮○予四川撫賊被戕千總魏忠

才祭葬加等世職如例鄉勇胡貴楊昌泰祭葬世職如千總例吉玉春徐國興馬彪滕貴祭葬世職如把總例○戊午諭內閣御史楊昭奏請嚴堆卡之守以重巡防一摺據稱近來京師南城七門以內惟初更傳梆更盡收梆其一更以至五更堆卡閒既不巡更敲梆柵門不掩夜行不禁城外亦復如是等語京城內外設有堆卡專司巡防該兵丁等自應各就地面徹夜往來按更擊柝互相聯絡柵門必扃夜行必禁稽查方能得力從前左右翼總兵輪流在南城外駐劄尚可就近督察近年來自因總兵移駐城內該處營汛將弁未免漸形怠弛兵丁等巡邏亦相率疏懈是以竊盜頻聞該御史所奏不為無因祿康文寧福會均著傳旨申飭嗣後京城內外著步軍統領等申飭各營汛隨時嚴督堆卡實力巡防如有惰誤偷安者立予懲治庶官兵共知懲儆而警備亦昭嚴肅○又諭本日軍機

大臣會同刑部奏審擬那彥成請旨發往伊犁効力贖罪一摺前因廣東營伍廢弛洋盜充斥特將那彥成調任兩廣總督原令其整頓營伍緝捕盜賊使海疆日就寧謐朕屢次所降諭旨皆責以認真緝捕從未令其招撫亦並無密諭及此那彥成果能督率水師將弁奮力擒剿將大幫賊艇痛事誅鋤其餘黨夥窮蹙來歸或可准予投首斯為正辦然亦祇貸其一死斷無加賞官職之理乃那彥成

到任以後並不能實力振作使戎政捕務煥然改觀惟以招撫為事若云洋匪衆多兵船數少不敷勦捕原可奏請添造即經費不足那彥成年來所請動用各款亦無不降旨立准俾資籌辦不謂那彥成因見水師出洋不甚得力即希圖速效師心自用購線招致前後投出洋盜首夥三千餘人分賞銀兩盈千累百此等賞項與其賞給犯法自首之賊何如以之獎勵兵丁使之感奮捕盜戡暴安良

乎那彥成身任封疆如此賞罰倒置無怪乎兵民交怨也即如李崇玉在甲子地方種種不法稔惡通誅係朕特交該省督撫查拏之犯因辦理不能嚴密李漢升等往捕兵丁施放鎗礮俾得聞聲免脫那彥成到任後又不能迅速擒捕業已將其家屬照例緣坐及至將伊誘致輒付給免死銀牌又給以四五品頂帶及署守備札付行糧銀兩等項押解來京轉致礙難辦理總由那彥成一意主撫遂

不顧事理之顛倒錯謬若此設海疆督撫相率效尤主撫於練兵捕盜等事皆不認真辦理惟圖將就塞責其廢弛尚可問耶朕之所以罪那彥成者實在於此那彥成係棄瑕錄用之人似此種種妄為實負委任深恩著即照所擬發往伊犁効力贖罪交與松筠嚴行管束如果守分安靜數年後再行具奏（命翰林院編修狄夢松提督湖南學政）己未孝賢純皇后忌辰遣官祭

裕陵諭軍機大臣等恒寧等奏酌量地勢謹擬改建紅白椿一摺

西陵白椿界內間有居民墾地前經諭令恒寧等帶同通曉風水之人敬謹查勘如可將椿位酌量挪進奏明辦理茲既據奏稱帶同相度官何元富親赴查勘於風水並無關礙自應照所請將紅白椿分別挪進恒寧等當帶同相度官詳細勘務期山向年分一無妨礙方為妥善不得稍有草率至改建之後當

嚴示禁條曉諭該處附近居民以

陵寢重地白椿界內禁止耕作營葬本應將該居民等墾地房屋概行遷徹今蒙皇上格外施恩念爾等遷居已久尚係在園進禁地以前此時不令遷移特將原建紅白椿挪進另設爾等具有人心自必共知感激嗣後白椿以內不得再有侵越私行興作即樹木土石等件亦毋得擅有攀折移取如有犯者即當加倍治罪庶該處居民咸知感恩畏法俾界

內永遠肅清為要將此諭令知之旌表守正捐軀河南光山縣民夏必先妻許氏庚申補行四川嘉慶二年七年軍政卓異官六員才力不及官四員年老官四員有疾官一員分別議敘處分如例予河南故禮部侍郎彭樹葵入祀鄉賢祠從巡撫馬慧裕等請也 辛酉

上幸萬壽山諭軍機大臣等本日許文謨奏稱二月十六十七等日賊匪數千人攻撲鹽水港營盤前往救援勦殺甚多并擊斃穿紅褂騎馬賊匪二名生擒二名嗣後賊匪復窺入鹽水港街搶掠又殺死五十六名許文謨探聞賊匪即在附近屯聚帶領兵勇圍剿將賊匪殺傷不計其數當將竹園尾太史官莊賊巢四百餘間概行焚燬敗陣餘匪向沿海沿山竄去又據探聞蔡牽匪船於十九夜北竄至王耶莊海邊停泊等語此次許文謨在鹽水港一帶連次痛勦賊匪止贖五百餘人

分投逃竄現在附近各處並無賊匪自郡城至嘉義一帶道路業已疏通惟蔡牽匪船復敢竄至王耶莊海邊停泊總須將該逆擒獲方可杜絕根株再朕聞淡水港尾以北山內有膏腴之地為該逆素所窺伺此時或又竄往亦未可定賽沖阿可派兵前往相機辦理將此傳諭知之○又諭德楞泰出京以來節據李長庚愛新泰等奏到蔡逆窮蹙各情形看來南北陸路匪徒疊經官兵剿殺紛紛潰散可毋庸另行厚集兵力前所派京中後起之巴圖魯侍衛章京等及東三省勁旅四川屯練兵停止調派惟四川綠營兵令勒保豫挑一千名候旨調派如尚需用德楞泰即可向彼咨調至德楞泰身為大臣受恩深重如果行抵廈門臺灣匪徒業已勦盡彼時賽沖阿自必知會德楞泰無須渡臺即在彼畧駐數日閱視海疆情形俾地方兵民見有重臣到彼經畫共知敬畏亦不為無益或德楞泰

行抵浙江已得有臺灣賊事之信或蔡逆向北逃竄又思至溫台一帶滋擾德楞泰即赴該處海口一帶會同清安泰督率勦辦將此諭令知之○又諭水師新兵俱向海濱召募不能深知底裏儻有匪徒潛迹其間關繫實非淺鮮玉德當詳加體察必須居址家業及平日行為蹤跡果係結實可靠者始准充補不可疏忽將此諭令知之○貸山西浮山岳陽汾西鄉寧吉陽大寧永和蒲陽曲太原榆次太谷祁徐溝交城文水奇嵐嵐興長治長子屯留襄垣潞城壺關黎城汾陽孝義平遙介休石樓臨永寧寧鄉鳳臺高平陽城陵川沁水四十州縣上年歉收貧民倉穀○壬戌諭內閣前因廣東地方緊要曾降旨將該省陸路鎮協各營均交廣州將軍賽沖阿節制今賽沖阿調補福州將軍閩省現有勦捕事宜所有陸路鎮協各營應如何交該將軍統轄之處著兵部詳議具奏尋議上得旨閩省

除督撫提三標各有專轄外其餘陸路各營協均歸將軍統轄所有臺灣一鎮遠隔重洋自本年為始令將軍總督巡撫水師陸路兩提督輪往查閱營伍事竣專摺奏聞○又諭松筠奇臣奏稱伊犁烏魯木齊等處糧餉駝馬章京與回疆各城職掌不同請仍照舊辦理一摺伊犁等處糧餉駝馬本有專司之員各該章京僅司文案冊籍迥與回疆各城章京親管錢糧牧務者不同自毋庸議更張

所有伊犁烏魯木齊塔爾巴哈台等處印務糧餉駝馬等項章京員缺嗣後每屆年滿更換之期著仍照舊例辦理○調廣州將軍賽冲阿為福州將軍福州將軍陽春為廣州將軍○以河南開歸道蔣繼勲為雲南按察使○予福建陣亡千總薛元勲把總郭建生祭葬加等世職如例兵丁程逢春賞卹如外委例○甲子諭內閣御史蔡維鈺奏江浙米價騰貴請嚴申出洋例禁一摺各省盜匪在洋

肆劫設非有內地奸民私行接濟口糧則該匪等何由得食必致束手待斃是米石出洋之禁即遇價平歲稔之時亦當嚴密查禁勿使少有偷漏況江浙等省頻年積歉小民口食尚有不敷乃各該地方官全不實心查察任令商販等乘機漁利因緣為奸甚或不肖員弁亦有交通情弊似此既妨民食又資盜糧近年來海洋盜風不靖實由於此著傳諭各該督撫飭屬嚴禁於各商船領票出口時

逐一認真盤驗毋得陽奉陰違稍滋弊混儻各該省並不實力查禁將來設有放米出洋之禁別經發覺則惟各該管督撫是問○乙丑福建臺灣鎮總兵官愛新泰奏報克復鳳山縣城得旨嘉獎賞愛新泰雲騎尉世職加同知錢甯道銜以知府升用賞花翎守備藍玉芳等升擢有差賞兵丁一月錢糧○丙寅

上詣
安佑宮行禮○諭內閣鐵保奏查明河口剝船

殘廢據實奏一摺江南河口剝船上年吳璈奏請添造船隻裝濟漕運朕即以剝船費帑修造將來散交各處無人經管必致易於剝朽今據鐵保查明淮關捐辦剝船三百號內除風損尚未補造船六十一隻外其應存船二百三十九隻現在歸塢剝船五十六隻船身滲漏不堪剝米各工運料船一百零三隻其餘七十八隻全行損壞不堪應用等語此項船隻曾經兩次大修又每年領銀歲修

如果覈實辦理何至損壞如此之多總由原修及接任各員草率廢弛所致自應著落賠修以示懲儆所有淮關捐辦剝船三百隻除報明風損有案各船准其照例修補外其餘船隻即交裏河同知繆雋外河同知張文浩勒限兩月修補齊全另委委員如數驗收並著鐵保妥立章程將修造各船或分地面或分船數派員經管以專責成至此次修造應用銀兩一概不准開銷著落兩次原修及接

任各廳員按在任年月久暫分別賠繳其已故之員無可著追即於現任及有官可補各員名下如數攤賠仍查取歷任廢弛廳員經管委員及未經查出稟辦各道職名交部分別議處以為廢棄官物不實心經理者戒○諭軍機大臣等朱濱盜船從前多在粵洋遊奕現在忽竄閩洋上年聞該匪曾有被蔡逆糾約之事設防堵稍不周密或致聯幫滋擾必仍思窺伺臺郡殊為可慮王德當嚴飭杜

魁光丁紹奉上緊圍捕如能將朱濱弋獲功固不小即不能擒捕務當嚴密堵截使之不能與蔡逆合夥及駛向臺灣附近地方為要將此傳諭知之○又諭伯麟等奏稱迤南江外探匪竄入鎮沅州威遠廳邊界搶掠經普洱鎮總兵那林泰帶兵堵剿現在民夷復業等語伯麟現在查閱迤西迤南各營伍著即將探匪因何滋擾是否有內地奸民與為勾結詳細查明其竄入處所如有舊設卡座則

該管弁兵防範不嚴即當分別劾叅若邊界本無卡座亦應查度形勢定界立卡以昭控制而嚴稽察又據奏暹邏所屬夏於腊頭目將孟連土司所失印信尋獲呈繳並聲明殺害孟連土司之先犯侯拏獲辦理自係畏罪震懾之意伯麟等當行札諭以爾接奉鎮道札諭知孟連土司印信遺失即能尋獲呈繳實屬恭順可嘉並告以從前緬甸頭目以刀派功被戕為詞屢請內地發兵前往均經駁飭不准天朝撫有中外一視同仁是以緬甸額求興師未經允准猶之爾國設欲懇請天朝發兵助攻亦必加之駁飭至刀派功私自帶練出境幫助緬甸本屬不合設其人尚在猶當懲治其罪今業被戕害亦無庸議爾國惟當恪守疆域益矢虔恭用副懷柔至意如此明白宣諭使該國知所感畏自不致復有越分妄干之事也將此諭令知之 丁卯諭內閣刑部等衙門具題江西省會昌縣民黃

振倫毆傷總麻服叔黃西周身死一案將黃振倫問擬斬候係結案在本年正月初四日恩旨以前以該犯秋審應入緩決請減為邊遠充軍等語所辦太覺寬縱非辟以止辟之道存積陰功之見矣黃西周係該犯總麻服叔誼屬本宗尊長如或黑夜潛向伊姪家中行竊事主登時捕捉毆傷致斃猶得以昏暮不能辨識為詞今黃西周係在清晨偷竊錢文經該犯撞見向奪喊拏是行竊者之為服叔辨認業已明晰況黃西周祇用拳毆希圖脫身該犯輒攜取鐵尺追趕疊毆多傷倒地即刻身死實屬目無尊長夫尊長之於卑幼果有姦淫情事則犯者已蹈亂倫之罪或卑幼一時激於義憤當場格殺自屬可原此案黃西周不過偷竊該犯錢文且為數無幾即到官按律懲處應得之罪本輕乃敢毒毆致斃情節殊為兇悍不但不應末減亦不應列入緩決黃振倫著不准減等仍著該部於本

年秋審時歸入情實辦理。戊辰諭內閣。領侍衛內大臣職分顯要。向由王公大臣內簡放。理應循名責實。將該管侍衛清語騎射生熟差使勤惰品行優劣。留心察覈。善為訓導。方為克盡厥職。近日該大臣等養尊處優。一切應辦事件。皆委之辦事章京。僅總司應奏事件。帶領引見等事。尚得謂之實心任事乎。即如該大臣等明知豐紳濟倫不當馬上差使。不行參奏。且於豐紳濟倫因伊子成敏補

授藍翎侍衛。專摺謝恩。又不阻止。此皆平日廢弛不善教管之所致也。嗣後領侍衛內大臣等必當悛改陋習。諸事秉公實心辦理。不時訓導。俾各侍衛嫻習清語騎射。勤慎當差。留心體察。優者保奏。劣者參革。俾其各知勸懲。用副委任。展賑山西臨汾洪洞浮山岳陽曲沃翼城太平襄陵汾西鄉寧吉趙城靈石永濟臨晉虞鄉榮河萬泉猗氏安邑夏平陸芮城垣曲聞喜絳稷山河津二十八州縣

上年被旱災民。己巳諭內閣。向來宗室王公等之格格嫁與蒙古者。來京例不禁止。但新革塔布囊布哩納什之妻固山格格連次赴京控案。因無例禁。以至率意妄行。不可不。明定章程。嗣後除年班仍令照舊來京外。其餘或詣闕謝恩。或伊母家實有要事。著於起身前將實在情由具報。理藩院查覈咨行。或額駙格格呈報。扎薩克等轉報。理藩院亦可。儻任意擅離本處。或徑自來京。不特將額駙

格格治罪。該扎薩克一併嚴處。應如何分別定例。著理藩院妥議具奏。尋議嗣後出嫁蒙古額駙之格格。遇來京謝恩。或有緊要事件。在該扎薩克前呈明轉報。理藩院具奏。允行。始准來京。儻伊母家實有要事。呈報理藩院覈實奏准行文。該扎薩克准其來京。若並未呈報。私行來京。交該扎薩克嚴查禁止。若扎薩克並不禁止。照失察例治罪。儻額駙格格指稱事故。捏報來京。或任意私往他處。該扎

薩克並未查出附和令其前來將額駙格格及該扎薩克均罰俸一年從之 免直隸文安縣大窪地畝水災本年額賦 庚午

上幸靜明園詣

龍神廟拈香 諭軍機大臣等蔡逆匪船因鹿仔港不能進口乘風逃回內洋竄至惠安縣屬之尖峯洋面王德現往沿海一帶著一面嚴飭在洋兵船會合擒捕一面董率內地員弁將口岸礮臺慎密把守嚴杜接濟之路

勿任稍有透漏疏虞將此諭令知之 辛未發米麥共十萬石命五城分設十廠減價平糶派吏部尚書德瑛等十員監糶 壬申諭內閣文職各衙門在圓明園輪流值日向遇御門日期除刑部不推班外其餘各衙門皆係推班因思御門理事正以勤政勅幾是日各衙門堂官多有至圓明園者若因御門辦事以次推班是循例輪奏之事轉有壓擱殊失御門本意且刑部並不推班若云刑名事

務較繁豈此外各衙門皆係事簡乎嗣後逢朕在圓明園御門之期所有應行值日奏事各衙門均著無庸推班 甲戌

上御勤政殿聽政 諭內閣御史邱勳奏請嚴

禁紳士包漕州縣苛斂一摺據稱外省地方官於收漕時例外浮加慮劣矜從中挾制先採訪紳士中平素好事者豫行賄囑許其包漕若干其餘鄉曲貧民因得任意浮收重受其累請旨嚴禁等語州縣徵收漕糧均有一

定科則如果斗斛公平嚴禁胥吏人等從中侵漁需索地方紳士誰能持其短長乃州縣官不知潔己愛民以收漕為利藪而刁劣紳士遂爾生心挾制私與官吏分肥包收包納其苦累者乃係里黨窮民此等澆風實不可長亟宜嚴行整頓著各該督撫先飭禁地方官力除加徵苛斂之弊如尚有不肖紳士敢於受賄包漕習為民蠹者一經查實如係職官即指名嚴叅若係生監即行斥革究治務

期貪墨知微而不肖劣矜亦無由逞其把持
挾制之計於吏治民風庶有裨益○諭軍機
大臣等李長庚奏在東港洋面追遇盜船官
兵祇擊沈盜船一隻斃匪百餘名仍令蔡逆
往北竄逃該提督又以風浪狂大未經窮追
復任駛近鹿港竄至崇武與朱漬合幫此皆
由李長庚督勦不力所致現在賽沖阿業已
到臺該提督放洋追勦亟當探蹤緊躡如能
將蔡朱二逆一併殲獲不但可贖前愆仍當

懋加恩賞若再有遲誤必當併計重治其罪
不能再邀寬貸矣李長庚務當倍矢愧奮設
計擒殲並曉諭將弁兵丁人等如能將蔡牽
擒獲者賞銀二千兩擒獲朱漬者賞銀一千
兩其洪四老陳椿吳三池三名均係盜船首
犯每獲一名賞銀五百兩仍奏明分別賞給
官職如本條職官即予加等升擢儻舟師與
盜船相遇或有退縮不前縱令該二逆竄逸
者官弁即行拏問兵丁等立置重典至蔡朱

二逆或仍合幫竄至臺郡一帶李長庚固當
跟蹤急追即或駛向粵東江浙鄰省洋面李
長庚亦當不分畛域帶兵直前儻二逆或又
中途分幫李長庚可緊逼蔡逆窮追務獲其
朱漬盜船即咨報王德等另行籌勦將此諭
令知之○又諭蔡逆竄赴臺郡滋擾復任其
逃逸與朱漬合夥總由王德不能實力整飭
認真督勦此時李長庚統帶兵船四十一隻
而蔡朱二逆盜船計有七十餘隻兵力尚單

王德當於新募水師兵丁內酌量挑派配船
迅速放洋協勦蔡朱二逆合幫匪夥既衆所
需水米益多若能斷其接濟勢將立困該督
當飭令沿海口岸嚴密巡查儻有兵丁商民
人等私為運送或竟被匪船闖入口內上岸
滋擾及搶劫礮臺等事定將各口岸官兵及
通盜濟匪之徒按律正法以示懲儆又據奏
稱臺郡米石尚不致缺乏無需川楚等省米
石協濟等語業經降旨諭令王德知會勒保

阿林保停止運送以省勞費至江西米十萬石業已起運未便復令運回况該省軍務未竣米石寬為儲備於民食軍糧均資接濟也將此諭令知之以大理寺卿誠存為都察院左副都御史翰林院侍講學士劉權之為光祿寺卿乙亥諭內閣昨因京城米價較昂降旨於五城適中處所分設廠座發給米麥共十萬石平價糶賣原期嘉惠窮黎俾得藉資口食乃聞有牟利奸商往往於平糶之時私令人假作貧民分投赴廠糶買囤積居奇而窮黎轉不得均霑實惠必應嚴行查禁向來平糶每廠祇派大臣一員監糶稽察未能周匝此次著添派乾清門侍衛孟佳隆福蘇沖阿和世泰慶長慶惠玉福大門侍衛豐紳濟倫豐紳殷德明興此內有管旗各員即帶本旗弁兵二三人其不管旗分者即帶親軍二三人分赴各廠嚴密稽查並著提督衙門派令番役一體巡察如有假冒糶米奸徒

立即嚴拏懲究毋稍疏縱亦不得聽從役人等藉端滋擾展緩直隸通省元年至六年積欠額賦丙子諭軍機大臣等現在蔡逆北竄李長庚督率追擒臺郡有賽沖阿在彼鎮撫搜查德楞泰竟可無須赴閩著於何處接奉此旨即帶領巴圖魯侍衛章京等回京供職可也又諭臺灣匪徒勦散無須復添兵力兩粵官兵及大檐門候風駐防滿兵玉德分別札咨停撤所辦甚是其川省豫備兵一千名亦當彙咨停止將此諭令知之戶部議准陝甘總督倭什布疏報烏魯木齊頭屯所開墾地十三項五十畝照例升科從之是月江南河道總督徐端奏防護各工並辦理刷滌清口得旨一念敬慎必蒙神佑一念怠弛禍即隨之主敬於中克勤於外有獎必除莫貪小利平成之績庶可望矣山西巡撫同興奏平遙縣民張丙乙在都察院呈控奸吏橫徵知縣匿災一案現飭藩

司前往確查一面逐一嚴審得旨外省人至京具控仍交本省審辦者因該處大吏尚在可信之列若事事皆虛護官殃民則大吏不可信矣不可信則禍不旋踵矣慎之凜之

實錄卷一百五十八

主

大清仁宗受天興運敷化綏猷崇文經武孝恭勤儉端敏英哲睿皇帝實錄卷之一百五十八

大清仁宗受天興運敷化綏猷崇文經武孝恭勤儉端敏英哲睿皇帝實錄卷之一百五十九

欽此

欽此

欽此

欽此

欽此

欽此

欽此

欽此

欽此

欽此

欽此

欽此

欽此

欽此

欽此

欽此

欽此

欽此

欽此

欽此

欽此

欽此

欽此

欽此

嘉慶十一年丙寅夏四月戊寅朔享

太廟遣成親王永理恭代行禮 綏徵河南臨

漳武安內黃涉延津滑封邱考城八縣上年

歉收新舊額賦 己卯

上詣

火神廟拈香 還宮 除福建晉江縣被水

衝坍田五十畝有奇額賦 以常零祀

天於

園丘自是日始齋戒三日 庚辰諭內閣本日

吏部開列大學士九卿職名請旨派員揀選

翰林院侍講國子監司業各缺一摺朕披閱單內刑部堂官俱未開列兵部堂官職名亦未全行列入當經詢問慶桂據稱吏部咨取職名時兵部尚書明亮侍郎明志以現派考驗軍政刑部滿漢尚書侍郎以現辦減等俱未開送殊屬非是大學士九卿遇有例應開列請簡等事均係職分所當然即有別項差使無難兼辦現在軍政考驗已將屆竣事刑部各堂官縱或簡派不過一二人於辦理減

等事務有何耽延揀選不過片刻之事諸臣豈遂日不暇給乎明係藉詞推諉明亮長麟姜晟明志瑚素通阿周廷棟均著傳旨申飭嗣後遇有例應開列銜名請簡事件除實有別項差使不克分身者餘俱著通行開送毋得仍前陋習假託事端冀圖安逸其各龜勉奉公用副朕整飭訓誡至意諭軍機大臣等據玉德奏馳赴興化一帶海口督催攻勦蔡逆情形一摺臺灣南北兩路被賊滋擾總

由蔡逆一犯勾結煽惑此時蔡逆竄回內洋餘匪已勦散殆盡現有賽冲阿在臺帶兵搜捕伊以本省將軍駐劄臺地並有旨令其在彼多留數月督辦自可刻日肅清目下惟蔡逆一犯不可令其稍稽顯戮玉德惟當實力督拏速擒逆首其沿海一帶口岸尤應飭屬嚴密防範斷其水米接濟之路該逆等飲食無資實足以制其死命否則一任偷漏運送漫無查察縱使舟師在洋攻勦緊急而陸路不能協力防禦亦屬徒勞無益玉德縱不能下海捕盜豈在岸督催嚴察接濟匪徒亦不能乎將此諭令知之○辛巳

上詣

南郊齋宮齋宿○諭內閣給事中曹錫齡奏慎

重繕寫

實錄一摺據稱謄錄字畫以考取者為工現在實錄館需用謄錄四十名吏部擬將驗到人員傳補四十名考班祇有三名其餘盡係鄉會

試落卷中挑取者可否將會典館考班謄錄裁去一二十名將所裁之人咨送以昭慎重等語

實錄正本本年可進至乾隆六十年現在趕繕各處尊藏正本及

聖訓正副本需用謄錄四十名業經吏部擬將驗到人員咨送因考取謄錄所剩無多將鄉會試挑取者一併傳補自應如此辦理今該給事中以會典館謄錄三十名內有考班充

補該館每月祇進書十五本所用謄錄三十名似多閒曠請將考班裁去一二十名咨送實錄館殊不思

實錄館議敘本優非他館可比該謄錄等既同在會典館當差今見

實錄將次告成又將該館謄錄撥往所撥之人得有捷徑其未撥者自必向隅勢必紛紛求請輾轉更換殊屬不成事體且

實錄館現需四十名而未補之考班祇有三名

即如該給事中所奏將會典館考班謄錄咨送一二十名人數仍屬不敷自必將挑取者一併傳補所辦亦不盡一若舍鄉會試挑選者另行考取未必考取之人定係能手況鄉

會試挑取者均由薦卷挑選其文理較優字畫亦屬端整豈轉應棄置淹抑不令充補乎且會典館仍須分繕正副本亦未便率將現充謄錄裁減看來此事必係會典館謄錄因實錄告成在邇可以速邀優敘遂爾百計營求

希圖更調或係覬覦考試之人從中慫恿而該給事中受人請託率為此奏殊屬挾私不曉事體各館傳補謄錄皆因適值乏人其議敘遲速自有該館定例似此任意轉移顯開僥倖之門此風斷不可長該給事中所奏著不准行
壬午常雩祀

天於
圜丘

上親詣行禮○幸圓明園○諭內閣朕今日祭

畢

天壇在承光殿辦事所有輪值奏事旗分均遞無事片朕親行祭祀之日各官隨詣行禮自無暇遞事仍復拘泥班次呈奏無事片殊屬虛文至於尋常出入若有應奏之事不奏必至延玩嗣後遇朕親行祭祀日其輪應奏事者推班其餘出入之日仍輪流奏事並帶引見著為例○癸未以太常寺卿秦瀛為順天府府尹○以翰林院侍讀學士茹霖署日講

起居注官○賞拏獲臺灣賊目之廩生黃化鯉等官職頂帶有差○旌表守正捐軀安徽六安州民仇鳳章妻鮑氏○甲申諭內閣刑部奏查明四川省己未入秋審斬絞常犯酌擬應否准減並官犯二案分別開單呈覽朕詳加披閱官犯周廷翰係其父出師陣亡難廢守備該犯復經出師苗疆著有勞績升任叅將賞戴花翎嗣因與民人李國華之姊王李氏調戲成姦商賈為妾央人向其本夫王

正隴說合王正隴得銀一百兩寫與賣休契約是該犯之以李氏為妾究因本夫允從得銀情願賣休與搶奪良家妻女姦占為妻妾者情節有閒且其父子均有軍功業經免勾三次周廷翰著施恩減等又官犯楊應舉亦曾隨征受傷生擒賊目賞戴藍翎嗣因與外委李國泰偵探賊信該犯先回得邀獎賞李國泰馬疲後到致被申飭隨斥該犯先回之非扭住拔刀向扎該犯格落搶刀在手被李

國泰從後抱住該犯情急用刀戳傷其左脅殞命是死者先行向扎傷由情急適斃情尚可原楊應舉亦著施恩減等其已入秋審各起內絞犯石潮相因曾煥畛竊伊黃豆業經捆縛欲行送究因其叫罵該犯起意致死將曾煥畛拖至山地挖坑活埋斃命罪人已就拘執自應送官懲辦即被縛叫罵亦屬人情之常何致輒欲致死起意活埋情殊殘忍石潮相著監禁二年再行減等又絞犯范應權

因胞弟范童保行竊線帶經雇主搜獲逐回該犯根問抵賴用帶套住項頸拉往質對被其卧地哭罵該犯起意致死用力拉勒殞命死者雖係竊犯卑幼但事屬細故輒將胞弟勒斃實為殘慘范應權著監禁四年再行減等其未入秋審各起內絞犯張仕元因在地用竹簽挑檢花生適張高元向伊借用竹簽不允撲攏奪取該犯隨手一格致竹簽戳傷其咽喉右因其撲攏向毆該犯又用竹簽嚇

戳致傷其咽喉左疊戳致斃情節亦屬兇橫張仕元著監禁二年再行減等又絞犯高應斗因年十二歲時伊嫂失落帕針疑係該犯童養七歲之妻龔四姑檢藏向該犯告知該犯即向龔四姑查問疑其抵賴用棍先後毆傷其左額角等處因其肆罵又用燒熱鍋鏟烙傷其右額角等處殞命死者雖係伊妻但龔四姑年甫七歲該犯既經用棍毆傷乃復因其肆罵輒用燒熱鍋鏟烙傷致斃情殊慘

毒且該犯年止十二已如此兇殘成人以後必非善類尤不可不使知懲誡以消其桀驁之氣高應斗著監禁四年再行減等餘依議命上書房行走國子監祭酒溫汝适回本衙門辦事內閣學士桂芳在上書房行走以正白旗護軍統領德麟為左翼前鋒統領鑲藍旗蒙古副都統扎郎阿為正白旗護軍統領前任廣州將軍慶怡為正紅旗漢軍都統乙酉

上辛萬壽山諭內閣和寧奏查明喀喇沙爾糧員擅借庫項緣由一摺此案德勒克扎布在任最久乃於前任糧員雙祥借挪庫項漫無覺察復將伊精額保升主事銜辦理糧餉接收雙祥交代以致續虧疊疊咎實難辭至明興到任盤查時伊精額將官兵借欠造冊呈堂明興不行查究轉將印冊點驗開除是明知有虧短情弊而故為開除致滋弊竇其咎更重除德勒克扎布業經革職外明興著

即革職與德勒克扎布一併交軍機大臣會同刑部審訊定擬具奏○展賑奉天承德遼陽海城廣寧四州縣上年被水災民○丙戌諭軍機大臣等裘行簡等奏酌議各營幫差費用一摺據稱直隸各營公費薛大烈不准攤扣兵丁月餉倡議捐廉今擬查明最繁營路令各將備每年捐十分之三次繁營路各捐十分之二其不敷之數仍於該營馬步守兵名下分別津貼尋常偏僻小營即令該營官弁與兵丁各半捐出等語各省營伍中多有以辦差為名朋扣兵餉者其實剋扣之項往往即以之承應供頓任意花銷置兵丁養贍於不顧最為陋習是以前經降旨飭禁但官員等攤扣養廉亦非善政果如所奏則捐廉一事豈非奉旨遵行成何體制且一經派捐其不肖之徒或又藉口辦公不敷轉於所屬攤派是所捐之項仍復出之於兵况千把外委名為官弁其實所得之項多於兵丁有

限若一體派捐實於伊等日用不敷且營路較繁之千總外委既已不令扣出而獨扣偏僻小營之官弁亦覺偏枯至所稱不敷銀數仍於各兵名下分別津貼是直令各營兵丁仍然扣餉矣所議尚未妥協現在提督薛大烈即日回任裘行簡再與籌畫查明必須幫貼者係何項差使其津貼最多年分為數若干或於該省存公項內酌量撥款生息俾資永遠辦公庶兵丁等既免苦累而營員等亦不致以竭蹶藉口於公事方有裨益將此傳諭知之○以翰林院侍講學士常英充日講起居注官○旌表守正捐軀直隸景州民聶全金妻張氏靜海縣民陳尚志女陳氏○丁亥諭內閣本日據領侍衛內大臣綿謀等奏二阿哥前往髻髻山拈香應派往之散秩大臣內將貝勒綿懃貝子綿志綿懿公綿德等名一併開列進呈綿志係儀親王之子綿懃綿懿綿德係成親王之子伊等均係近派宗

室不應跟隨阿哥嗣後派隨阿哥不得將綿字近支人名開列進呈○命五城再減平糶麥價○旌表守正捐軀直隸東光縣民郭文成妻趙氏○戊子

上幸靜明園詣

龍神廟拈香○幸靜宜園○諭內閣據全保等將湖北軍需濫用平餘案內前任湖廣總督畢沅名下應追賞兵濫應等銀六萬九千三百八十七兩三分五釐查照原奏在於同

案巡撫司道府州縣各員名下分攤著賠並開具款目員名銀數清單進呈一摺軍營濫支濫應各款理應照數分攤嚴行追繳至自行賞兵一項如果查有支用月日及分賞確數尚與濫支濫應者有闕是以前此川楚軍需福寧等名下應追賞兵銀兩業經降旨寬免此項事同一律且畢沅久經身故家產查抄子孫並無出仕之人所有畢沅自行賞兵銀二萬四千六百六十兩零著加恩豁免無

庸分攤賠繳其餘濫應等銀著照所請在於單開各員名下照數分攤行令各原籍及現在任所照例勒限追繳報撥○實授阿禮布為雲南布政使○是日駐蹕靜宜園至壬辰皆如之○己丑諭內閣據丹巴多爾濟等奏大門額外藍翎侍衛現有二十七員請嗣後遇有鑒儀衛整儀尉缺出暫停各處咨取由領侍衛內大臣將額外藍翎侍衛籤掣補用俟全數補竣後再照定例辦理等語所奏尚

是惟所稱遇有整儀尉缺出由領侍衛內大臣將現在藍翎侍衛二十七員秉公籤掣補用殊未允協嗣後遇有整儀尉缺出由領侍衛內大臣將該侍衛內弓馬嫻習者揀選四人交鑒儀衛帶領引見候朕簡放俟此項額外藍翎侍衛用完後再照從前定例辦理○以太僕寺卿陳霞蔚為太常寺卿前任安徽布政使邵洪為太僕寺卿○旌表守正捐軀山東壽光縣民劉密妻李氏直隸大名縣民

陳璽聘妻王氏○庚寅諭內閣刑部奏查辦陝西省減等各案分別開單進呈其未入秋審酌擬監禁常犯單內絞犯鍾有一名係充當吏目衙門差役緣民人郝作林負欠白宗地租又將地畝另租與人白宗控經吏目票差該犯喚審未遇該犯在郝作林門外叫罵同向白宗店內投宿郝作林聞知攜棍前往踢門進內該犯聲言鎖帶赴審即被郝作林棍毆偏左等處該犯順取桌上肉刀格傷其

左耳輪等處復被郝作林疊毆致傷該犯又刀戳其小腹左肋頤命依鬪殺律問擬絞候該犯並無索詐別情刑部特以差役斃命未便即予減等請仍歸緩決案內監禁二年再行減等所辦未協在官差役人等如果有妄擎威逼及詐贓斃命等事自應嚴行懲辦此案鍾有係經本官票差將郝作林喚審並未向其索詐陵辱之事乃郝作林輒攜棍先行向毆竟與拒捕傷差無異該犯用刀架格

適戕致斃且已身受多傷情節尚屬可原若以係屬差役再行監禁是則未免偏畸設各衙門役捕人等畏法過嚴遇有奉公差違必致相率退避不肯盡心偵緝於地方捕務亦有關係鍾有著即減等無庸再行監禁餘依議○以杭州協領善福為廣州副都統○旌表守正捐軀直隸安平縣民王傑母王氏○免盛京錦州莊頭折交上年租穀並應納租銀○辛卯

上御演武廳閱健銳營操○壬辰貸吉林被火官兵俸餉並糶穀八千石接濟旗民○癸巳上還圓明園○諭內閣馬慧裕奏河督李亨特勒索派累廳員及因借貸不遂抑勒廳員告養各款一摺據稱李亨特防汛駐工每日需銀六七十兩勒令下北廳同知墊發並未給還凡遇臨工每廳每次勒要門包二百七十兩今春勒派曹考廳通判於曹汛十堡創造公館一所計房六十餘間催令於端陽前

完竣以便住彼過節並令於考城舊有公館內添建房屋二十餘間亭子一座俱不發價又派令下南廳同知將祥符上汛八堡及陳家寨舊有小房一所俱改建大房有水處俱種荷花該廳因無銀置買執瓦木料惟恐催問甚為惶懼又原任協備傅文杰係李亨特母舅因伊迴避告病離任強派在睢寧廳同知處管總每年勒幫銀四百兩又李亨特從前緣事在京有通判華燦進京引見李亨特

曾向借銀三千兩湊交賠項華燦無銀借給因此挾嫌一經到任查該通判有老親迎養在署即勒令告養又將不諳河務之同知錫福通判王相綸委用河廳幾誤要工於人地是否相宜並不與巡撫及該管道員虛衷商酌等語李亨特由臬司經朕特擢河道總督理應小心敬慎潔己奉公於一切工段斟酌機宜覈實辦理不令工員稍有侵冒若己身不正肆意勒索執法營私勢必巧取迎合者

曲子優容而不善趨奉者故為屈抑不論河務之緩急工程之虛實高下在手准駁隨心其獎將何所不至李亨特挾私妄為遇事並不與撫臣及該道員虛公商榷假剛愎以便其贓私此而不嚴行懲辦何以儆貪邪而肅法紀現在馬慧裕叅劾各款俱有廳員及該管道員可以質證無難研訊得實著派侍郎托津廣興吳璥馳驛前往傳旨將李亨特革職拿問先將任所查抄秉公嚴審從重定擬

具奏所有河東河道總督員缺著吳璥補授此旨即著托津等親齎前往屆時再行明發○以吏部左侍郎玉麟署戶部左侍郎禮部左侍郎多慶署兵部右侍郎吏部左侍郎李鈞簡署倉場侍郎戶部右侍郎劉鑲之署吏部左侍郎禮部左侍郎王綬署工部右侍郎○旌表守正捐軀直隸廣宗縣民張富興妻王氏○甲午

孝端文皇后忌辰遣官祭

昭陵○賞借被火之土爾扈特貝勒庫奎帳房五十架穀麥一百五十石俸餉一年免其年班來京並給燒斃人口銀○乙未諭內閣保寧等奏查辦湖廣省秋審案內各犯分別開單進呈朕逐一披閱內擬准減等絞犯劉應祥一案因郭世貴之叔借伊鐵耙遺失令賠不允該犯向郭世貴言及郭世貴囊罵並拾樹枝撲打該犯用刀格傷其左腳腕迨被揪撞頭該犯復用刀回毆其左臂膊脊背因其撲奪又砍傷其左手腕殞命○覈其情節郭世貴不過拾取樹枝向其撲打該犯輒用刀格傷迨郭世貴向其揪撞撲奪該犯復用刀毆砍數傷殞命未便即予援減○劉應祥著監禁二年再行減流又絞犯陳世青一案因族人陳允青屢次行竊該犯勸其改過即被村斥並舉斧追砍該犯奪斧用背打傷其左肘等處並手搭其項頸跌地陳允青聲言報讐欲行爬起該犯復用斧背打其左右膝肋等

處殞命陳允青固係犯竊之人但該犯規勸被斥並非其行竊之時即陳允青舉斧追砍該犯業經將斧奪住乃輒行毆打多傷迨陳允青聲言報讐亦不過被毆情急之語該犯復連毆其左右膝肋等處殞命死非一傷情節較重未便即予援減陳世青著監禁二年再行減流又官犯尹楚英因與把總周國明之妻通姦被周國明查知呈報審實依職官姦職官之妻擬以絞候○固屬照例辦理但姦婦曾氏該部現擬以監禁二年後減等姦夫自應一律辦理且該犯之父曾經出師陣亡尹楚英著監禁二年減等發落餘依議○調正白旗蒙古副都統特克慎為正黃旗滿洲副都統以頭等侍衛豐紳殷德為正白旗蒙古副都統○山西大同鎮總兵官明安以病解任調直隸宣化鎮總兵官王模為大同鎮總兵官以正黃旗滿洲副都統隆福為宣化鎮總兵官調福建金門鎮總兵官何定江為

浙江定海鎮總兵官○丙申

上御勤政殿聽政○諭內閣御史葉紹奎奏請續編皇清文穎以光文治一摺我

朝重熙累洽○鄧治同文康熙四十八年編集皇

清文穎乾隆年間重加纂輯卷首恭載

列聖聖製次附廷臣賦頌各體宏篇鉅什炳炳

麟麟書成以後

皇考高宗純皇帝聖製詩文集共編五百四十

餘卷金聲玉振集千古之大成朕景紹

前徽亦每有因文見道之作而六十餘年以來

親藩王公以逮臣工等奏御篇目其和聲鳴

盛堪備採擇者積而愈多允宜續加裒集宣

布藝林著俟恭纂

實錄告歲後即在

實錄館地方開館編纂屆期再行簡派總裁詳

查舊章酌議具奏○又諭御史葉紹奎奏籌

畫滇省運銅事宜一摺所奏不為無見據稱

滇銅每年八運其中正運六起加運二起正

運銅斤數目較之加運本少二十餘萬斤請

於正運內減去一運將此運銅七十餘萬斤

分於正運五起均攤每運各加十四萬餘斤

共祇八十餘萬斤不過添船一二隻照料不

患難周其所減一運之應給運腳等項全數

攤給五起運員分領計攤領項內可期有餘

以補不足等語此一條著交滇省督撫悉心

妥議如果可行即將應如何均攤之處詳議

章程具奏又據奏滇省派員運銅試用人員

約居其半此項人員一經委運銅斤補缺較

難請嗣後運銅各員依限解交足額者實缺

人員於引見後聽候諭旨酌加鼓勵其試用

人員於引見後歸於吏部月選即用人員內

通掣各省即行銓選在該員等自無不奮勉

承辦等語此一條著交吏部詳議具奏尋部

議承運各員內無論同知知州通判知縣如

係實授緣事離任仍發原省或起復赴補揀

發之員俱歸雙單月銓選得缺後卓異應升

之案帶於新任遇有升缺照例升用如有委用曾經題署尚未實授仍赴原省及初任揀發承運之同知知州通判歸雙單月各積各缺與正班人員分缺間用其知縣一項歸雙單月無論是否積缺一併積算五缺後選用一人如係初任分發試用之員無論何項均令仍回原省不論從前到省先後及應題應調應選各缺俱准補用得缺後將卓異應升之案改為加一級再點省運鉛與滇省運銅事同一例請援照辦理從之○又諭御史蔡維鈺條奏以各省控案有發交督撫審訊並有經部議駁特降諭旨交審如廣東林五一案係上年十二月內發往粵省該督撫皆延不審辦致不能迅速完結請交刑部查明分案嚴催等語所奏甚是外省尋常審辦案件由府縣申詳兩司兩司申詳督撫皆有一定期限已不容稍有逾緩至特旨交辦事件經朕命該督撫親提審訊者該督撫於奉旨之

後即與欽差審案無異自當立行親提研審迅速奏結乃近來陋習相沿往往督撫仍發兩司兩司又轉發府廳不知遵旨怠忽偷安任意疲玩且或為屬員豫存彌縫瞻顧地步流弊甚多殊有關繫試思欽差審案無不隨到隨結何以一交督撫即逾時累月奏報杳然若謂犯證難齊案情反覆非轉交屬吏層層審訊不能遽爾定案則欽差審案不過一二司員又豈有屬吏可委乎各督撫受朕委任至重何得泄泄如此著刑部查明各省發審事件隨時飭催如有歷久不結任意延宕者並著叅奏○又諭據長齡奏查出濫刑訊供之知州請旨革審一摺此案濱州知州張秉魯於稟報拏獲私販之後旋以王文遠一犯在押病故王學孔一犯拒捕受傷身死具報迨該司委驗拒捕案內之王立德主振家俱身帶夾棍及香火傷痕而王學孔之子王金玉又以王文遠王學孔在押身死臂上胸

前均有火燒及青紫傷痕等情具控種種情節不符如果該犯等實有奪犯拒捕情事自必恃強格鬪所受亦必係木鐵等械之傷方足致死今驗係夾棍香火傷痕其並非拒捕所受之傷已無疑義此等並非命盜大案擅用刑夾已屬違例至香火焚燒尤為非常酷虐其中顯有妄刑故勘捏報傷病情弊現據該撫委驗屍傷張秉魯著即革職交該撫歸案嚴審務得實情定擬具奏○又諭倭什布奏尋獲遺失硃批伊犁將軍喀什噶爾辦事大臣奏摺夾板並查詢情形一摺據稱此項批迴摺件係兵丁季太接遞遂遇大風乘馬驚逸墜落跌傷幸身帶炒麪和雪充飢數日後遇民人給與乾糧該兵丁背負夾板勉強前進又被大風吹迷誤入荒灘經都司劉崇尋至七箇井地方見其卧地僅有氣息等語閱其供情殊覺可憫倭什布摺內猶稱所供迷失情形難以遽信現在飛咨伊犁將軍等

另行究明辦理試思該兵丁因馬驚跌傷不能行走輾轉顛躓尚身背夾板不致遺失若另有別情自必將夾板毀棄其所供有何不可信之處必待另行究辦乎倭什布應即將該兵丁量加賞賚設因傷病身故再行卹賞至已革外委劉勇於硃批摺件並未親身遞送實屬玩誤著照所請即在白墩子軍臺枷號三箇月滿日折責發落其專管兼轄統轄軍臺之都司劉受署副將高勇忠總兵達自

祥著交部分別議處至近日以來甘省至新疆各臺站屢有遲誤遺失之事甚至頒賞食品匣破無存額運紬緞多被抽竊是各臺站必有積慣盜賣官物之竊賊在彼潛匿必須緝獲嚴辦而管理軍臺之文武官弁並不實力稽查整頓一任竊匪遠颺日久尚無弋獲疲玩已極著該督並新疆將軍大臣等嚴飭查拏嗣後遇有齎送文報官物務令小心馳遞儻再有遲逾程限遺脫包匣等事立即從

嚴叅辦母稍徇縱以肅驛政○又諭保寧等議奏李亨特酌改綠營馬步兵丁一摺所駁甚是各直省營伍馬步戰守兵丁向來因地制宜定有多寡額數自不可輕議更張至馬兵一項於臨陣時馳擊衝突尤資捍禦不容議減現在各營設立馬兵責令拴養馬匹給與馬乾該兵丁等尚不認真餵養多有疲瘦甚至虛拴馬匹若竟公然將馬兵裁減勢必至將來營伍中馬匹寥寥轉散之民間私相

販賣遇有調遣從何取給於武備大有關繫李亨特所奏斷不可行○以太僕寺卿潤祥為大理寺卿○戊戌戶部議准直隸總督裴行簡疏報房山縣開墾地六十畝有奇照例升科從之○貸陝西留壩鳳二廳縣被水災民一月口糧並修理房屋銀○己亥諭內閣昨果勒明阿奏伊子慶魁准回原處調理具摺謝恩內稱慶魁病愈後即進京在侍衛上行走與原降諭旨不符當令軍機大臣查閱

原旨係俟慶魁病愈後即令前往塔爾巴哈台卡倫侍衛上行走果勒明阿將此語裁減未載顯係有意規避除將果勒明阿交兵部嚴議外伊子慶魁病愈後即照原旨前往塔爾巴哈台卡倫侍衛上行走年滿時再行回京當差尋議果勒明阿降三級調用從之○貴州按察使宋鎔以母老請留京允之授太僕寺少卿以廣東南韶連道朱棟為貴州按察使○復展賑山西襄陵太平臨汾洪洞四

縣被旱災民○辛丑諭內閣王寧文弼奏查明策拔克成林互相叅訐各款分別定擬一摺前因西藏貼有匿名夷字控告策拔克在藏審案時有得受扎薩克喇嘛及丹津班珠爾父子金銀之事經策拔克訪係上次呈遞匿名奏書之阿旺索巴等商同使人潛貼查拘多人自行審訊恐有別項情弊屢次諭令王寧等秉公查訊茲據奏稱策拔克現在察木多地方患病不能來藏隨提同通事噶布

倫等研訊策拔克受賄一事毫無影響此次
匿名吏帖實係阿旺索已使人潛貼等語是
策拔克尚無婪賄營私及妄拏無辜情事惟
於被控之案不知引嫌靜候查辦率行拘人
勘訊實屬躁妄任性此次王寧等奉旨傳訊
策拔克在途患病經王寧等疊次札催並未
前往聽質竟在察木多住至四十餘日之久
尤為任意耽延且策拔克所叅成林挪借庫
項一款現據王寧等奏稱查詢糧員知歷任

駐藏大臣多有借支之案從前福寧在彼即
曾借銀二千八百兩上年六月間該糧員曾
與成林借款一併回過策拔克等語策拔克
既經清查庫項何以於該糧員稟報時並不
將借銀二千八百兩之福寧一體列劾祇將
借銀八百兩之成林一人叅奏明係挾嫌指
許亦屬非是策拔克著革職發往伊犁効力
贖罪至挪借庫項雖非始自成林但伊身為
駐藏大臣有稽察庫貯之責乃不知慎重輒

行違例動支究屬不合且又向喇嘛客民借
貸還款有玷官箴但成林較之策拔克之罪
尚覺稍輕亦著革職施恩發往烏魯木齊効
力贖罪至福寧前在駐藏大臣任內借支庫
項二千八百兩據稱於四川藩庫交納歸款
現經王寧查詢糧員至今尚未解到殊屬延
玩著該旗都統等傳到福寧將伊在藏時因
何挪借庫項至二千八百兩之多何以日久
尚未解還歸款伊究竟曾否向四川藩庫交

納之處詢問明確據實具奏又英善與福寧
同時駐藏福寧挪借庫項英善豈得諉為不
知何以並未阻止又不叅奏並著英善明白
回奏○諭軍機大臣等王寧等奏廓爾喀國
王例貢之期計至本年已屆五年應於本年
進獻抑或准於明年進獻請旨遵行等語該
國地處西陲距京甚遠輸誠恭順自應曲示
懷柔前屆例貢之期已加恩展至嘉慶七年
呈進所有此次例貢即著加恩自嘉慶七年

計算起准其於明年進獻以示體卹遠藩之至意將此諭令知之○壬寅旌表守正捐軀直隸祁州民李宗白妻楊氏○癸卯上幸靜明園詣

龍神廟拈香○諭內閣曹振鏞先福奏萬載縣生童感激額考一摺據稱該府縣並委員張保等具稟該邑紳士衿耆率領生童籲求允准考試現已准令先赴縣府示期候試俟曹振鏞按試袁郡再行一體示考並將土棚

二籍應否分額合考之處妥議章程酌定額數等語江西萬載縣土棚二籍自乾隆年間學政周煌定議合考已閱多年何以近來該縣生童等疊次呈訴不願合考並有觀望不即報考情事試思考原憑文藝為去取如果該土籍生童等俱肯認真讀書文理通順又何虞棚籍合試應考人多或致難於獲傳儻不精工舉業即使小試可以照額倖進而遇鄉試之期亦不能僥倖入彀該生童等應

各自努力讀書何必紛紛爭論於考試之分合乎現在該邑生童既經籲求願考者仍依舊例土棚二籍合試按額取進該學政等不必再行查辦另立章程至此案前經溫承惠等訪有勒休知縣孫馨祖生員鮑夢嵩郭自強等從中阻撓以致生童各懷疑異龍元亨等疊控不休應俟拘解到齊照例審明辦理永杜訟端○予江蘇故戶部右侍郎宋邦綏入祀鄉賢祠從巡撫汪志伊等請也○旌表

守正捐軀陝西三水縣民王牆兒妻李氏○甲辰諭內閣本日儀親王等查訊奉國將軍徙義給與船戶田洪如等執照一案業據徙義供認屬實奏請審辦等語徙義身係宗室理應守分自愛乃於家人奇成阿等向說船戶田洪如情願交納銀兩投府當差執行聽信並差德音布等前往通州查對船隻又將徐斌辦就執照蓋用圖書發給實屬冒昧糊塗不安本分似此任意妄行若不嚴示懲儆

恐宗室等相率效尤。罔顧開檢徒義著革去。奉國將軍交宗人府審擬具奏。○諭軍機大臣等。清安泰奏審明在洋夥盜不肯聽從投逆。將盜首砍斃。命割取首級投首等情。一摺。陳馬成等本以捕魚採樵為生。因被土盜首林告小盜首邱有大劫拉下船入夥行劫。是其為盜原屬出於強逼。本年二月間林告聽聞蔡逆滋擾臺灣。欲帶同各船往投。惟邱有大聽從。陳馬成等不允。迨三月間林告仍商量過臺投逆。經陳馬成等勸令投誠。反被林告斥罵。陳馬成即將林告砍傷。跌下海。並將邱有大打死。割取首級。率眾投首。呈繳礮械。殊屬可嘉。陳馬成著加恩賞給外委。以示獎勵。陳馬成等二十餘人。前被林告劫逼入夥。於洋面風色沙線。諒必熟習。清安泰酌量情形。或令幫同緝捕。或以伊等現有船隻。並夥眾二十餘人。同駛一船。探明蔡牽蹤跡。假為投入蔡逆幫船之意。偵其虛實。為官兵

作一內應。並相機設法。將該逆殲擒。則陳馬成之功甚大。必當從優獎賞。將此諭令知之。○旌表守正捐軀四川榮昌縣民黃安英妻秦氏。○乙巳諭內閣。昨據英善覆奏。福寧在藏時。實有向糧員豫借庫銀之事。未經阻止。叅劾咎實難辭。懇請從重治罪。本日復據德璫等奏。稱傳詢福寧。據伊呈稱。從前到藏之初。因修理房屋器具。向糧員豫支數月養廉。同京時。又因缺少盤費。復向糧員借支。共未完銀二千八百兩。上年六月抵成都後。隨即折變銀兩。交明藩庫。搭解回藏。存有藩司印文。及收銀執照等語。帑項至重。豈容任意挪移。福寧即因用度不敷。欲行借支。亦應奏明請旨。乃並未具奏。輒私用印文。向糧員豫支。養廉雖已於路過成都時。交清藩庫。而其擅行挪借之罪。實不能逭。伊現係休致之員。亦不必再交部議。即著革去三品頂帶。示儆。英善前在軍營獲戾。降為四品頂帶。派令赴藏。

原係棄瑕錄用之員嗣因其駐藏數年淳加恩擢用至左都御史兼管旗務乃伊自到京後不過旅進旅退無一建白竟係年老蒼獍現在查出伊從前在藏之時於福寧擅借庫項一事知而不奏實屬有心徇隱著交部嚴加議處至此次福寧私借庫銀並非例應在四川呈繳之款既據福寧於路過成都時呈出此項勒保自應一面收明解藏一面據實叅奏何以該督亦未奏及殊屬非是勒保著

實錄卷一百五十九

三十五

傳旨申飭究竟此項銀兩福寧係於何日呈交四川藩庫四川省於何時搭解赴藏及藏內曾否收到歸款著勒保督同藩司董教增詳晰查明據實具奏尋議英善降三級調用從之○又諭保寧等議覆閩省咨添正站腰站接遞文報及官兵過站應付夫馬二款並未奏明執行咨部備案現在臺郡寧謐請勒交該督據實具奏等因一摺所奏甚是春閏因洋匪在臺勾結滋事曾降旨撤令各兵會

勦維時軍火糧餉等項原准其動帑經理現今蔡逆遠竄臺郡已全境廓清從前檄調往來祇係本省兵勇其各省調派之兵均經以次撤回並有先經該督等咨明停止者此時該省並無緊要文報何以王德率請照軍興之例添設軍臺等名目即從前勦辦林爽文一案徵調多兵亦並無添設馬站豫調馬匹之事該督並未查明先行詳悉具奏竟欲籠統一咨為將來冒銷地步殊非覈實辦公之

實錄卷一百五十九

三十五

道王德著傳旨嚴行申飭並著明白回奏所有伊請照軍興之例添設正站腰站接遞文報及應付官兵過站夫馬等款概不准行此事著交巡撫溫承惠查照定例覈實報銷毋任稍有冒濫○諭軍機大臣等據方維甸奏報陝省雨水二麥情形並另開二月分各屬糧價清單俱註明價貴字樣因思陝省前此軍興之際飛芻輓粟需用浩繁其時大米價值貴不過五兩有零邇來地方綏靖休養生

息已及數年何以該省糧價較用兵之時轉覺昂貴且西安同州鳳翔各府屬素稱膏腴之壤物產豐饒尤不應糧價騰湧一至於此朕廬念民依宵旰不忘今閱該撫奏到陝省糧價實深軫念封疆大吏代朕撫循百姓於地方糧價昂貴當思設法調劑非一奏可以塞責刻下市價是否漸平或應平糶倉糧或應購買米石以資接濟陝省與四川毗連川省米穀充盈前諭勒保辦米二十萬石運閩

實錄卷五十九

三十七

應用此項米石業經停止運閩方維甸若需向川省購買米石即一面奏聞一面咨會勒保通融籌辦庶於陝省民食有裨將此諭令知之○丁未諭內閣松筠等奏民人朱友連斃二命審明定擬請旨即行正法一摺朱友以口角細故輒持刀連斃二命實屬兇橫已極且犯事在新疆地方非內地審辦命案可比自應一面奏聞一面將該犯即行正法以昭炯戒今該將軍等尚復請旨定奪未免拘

泥朱友一犯著即處斬嗣後該將軍等遇有此等逞兇連斃二命之案均著照此辦理○以故喀喇沁輔國公吹扎布朗新子色楞多爾濟襲爵○賑甘肅漳岷兩當三州縣被水災民并給房屋修費○是月兩江總督鐵保等奏謝寬免違例揀調州縣處分得旨此等事不可視為俗套屢次嘗試若稍涉偏私朕可欺

實錄卷五十九

三十七

天不可欺不見李亨特乎前車之鑒也凜之

大清仁宗受天興運敷化綏猷崇文經武孝恭勤儉端敏英哲睿皇帝實錄卷之一百五十九

大清仁宗受天興運敷化綏猷崇文經武孝恭勤儉端敏英哲睿皇帝實錄卷之一百六十

駐紮總兵官原自調赴居注官李士杰武英殿大學士湖廣總督傅察欽奉
上諭事件處管理部事務翰林院掌院學士隨帶

加級尋常加級臣曹振鏞題爲太子太保文淵閣大學士管理刑部事務加級臣戴均元題爲太子少保內大臣文淵閣

閩提舉周事權察欽奉
上諭事件處協辦大學士
部尚書翰林院掌院學士
教習席書主總管內務府
大臣鑲黃旗滿洲都統步

軍統領管理戶部三庫奉宸苑清園等處總理糧處御茶膳房御藥房太醫院掌印主事務軍功司承運帶印及庫幣七品級紀錄上

大英英和經通商全案條約所屬上書旁行是武英殿總管國子監事務如六級員第加二級已錄內大臣王述少等奉

敕修

嘉慶十一年丙寅五月戊申朔諭內閣刑部

~~SECRET~~

4

奏查辦安徽省減等人犯分別開單進呈其未入秋審擬減常犯單內絞犯姚秀聲一起因張朋友向索短欠工錢該犯懇緩不允致相詈罵被其撲毆該犯順取鐵槍嚇扎適傷其胸膛殞命該犯負欠本屬理屈且張朋友祇向撲毆亦尚非被毆情急乃輒用鐵槍嚇扎致傷要害斃命情節較重姚秀聲著監禁二年再行減等餘依議○己酉諭內閣前因甘肅秦安縣逆倫重犯在逃無蹤當經降旨

諭令倭什布酌減限期勒令該革令周鼎新
嚴緝務獲即獲犯亦不准請開復原以知縣
職司民牧有化導百姓之責乃至部下有此
等梟獍兇徒其咎甚重特諭令嚴辦示懲茲
據倭什布奏稱該署縣自叅革勒緝後即設
法購線跟蹤追緝將逆犯王百靈兒拏獲審
明辦理並聲明該革令於上年十二月十四
日到任署篆二十六日即有此案茲勒限緝
獲雖在減半限內遵旨無庸議請開復等語

該革令周鼎新既係署印且到任僅逾十日
尚非久任地方不能教化百姓者可比並於
勒限三月之內即能購線弋獲所有署秦安
縣知縣周鼎新著加恩准其開復以倉場
侍郎賡音為都察院左都御史調吏部右侍
郎和寧為倉場侍郎禮部右侍郎德文為吏
部右侍郎以內閣學士桂芳為禮部右侍郎
○以正紅旗滿洲副都統珠爾杭阿為正黃
旗漢軍都統調正黃旗漢軍副都統多慶為

正紅旗滿洲副都統以甘肅河州鎮總兵官
珠爾素為正黃旗漢軍副都統前任江南狼
山鎮總兵官游棟雲為甘肅河州鎮總兵官
○庚戌

孝誠仁皇后忌辰遣官祭

景陵○

上詣

時應宮拈香○還宮○調正藍旗漢軍副都
統晉隆為鑲藍旗滿洲副都統以吏部右侍

郎德文兼正藍旗漢軍副都統以夏至祭
地於

方澤自是日始齋戒三日○辛亥諭內閣勒保
奏司庫墊款准咨查明覆奏一摺據稱嘉慶
八年六月以前川省軍需項下借動鹽課關
稅等銀二十二萬六千五百餘兩屢經部駁
以並未先事奏明行令查明覆奏到日再行
覈辦等因茲據查明軍需用款繁多偶過餉
項亟須接濟之時即將司庫存銀墊發勢不

能緩俟奏准後方行發給歷來皆如此辦理
所有前此墊用款項司中皆有支發檔冊可
憑並非事後補報懇恩俯念要需勒部准入
軍需項下造銷等語向來各直省借動司庫
銀兩必須奏明有案方准題銷此項部臣咨
駁原係為慎重帑項起見惟川省從前辦理
軍務之時偶遇急需刻不容緩現據勒保查
明覆奏自係實在情形著加恩即照所請將
嘉慶八年六月以前借動鹽課關稅等銀二

十二萬六千五百餘兩均准其入於軍需項
下造銷仍著該督詳晰查明各歸各款造冊
報部以清庫項○諭軍機大臣等伯麟奏江
外野獍復行偷竄威遠廳鎮沅州邊界搶掠
督率鎮將搜捕淨盡現在邊境肅清民夷安
業一摺江外獍匪於正二月間乘江水淺涸
之時膽敢兩次偷竄過江分路搶掠實屬可
惡經伯麟飭令官兵追剿截擊擊斃獍匪二
十餘人斬獲首級三顆落崖跌斃者甚多餘

匪俱奔竄逃散自應如此嚴拏懲辦惟是探
匪越江究由邊境素未設備遂得肆行搶掠
伯麟現僅飭各土弁於接近江灘之處遇淺
涸時派土練巡防辦理尚未周密自應官為
經理擇沿江內地要隘處所酌設卡房墩汛
一聞有警速即通知信息俾兵弁得以及時
捕拏該匪自不敢以偷竄搶掠為常邊境庶
臻寧謐將此諭令知之○命都察院左都御
史賡音仍署倉場侍郎理藩院尚書博興兼

署左都御史○癸丑夏至祭

地於

方澤

上親詣行禮○幸圓明園○福州將軍賽沖阿
奏搜捕臺灣餘匪出力人員賞總兵官愛新
泰騎都尉世職道員慶保雲騎尉世職並花
翎守備王贊藍翎副將金殿安等下部議敘
義民首張田玉等賞賚有差○甲寅定違例
揀調處分諭內閣各省督撫因州縣員缺緊

要揀調需人往往將不合例之員奏懇補用
朕節次發交部議部中皆照例議駁並將違
例保題之上司一併奏請議處部議上時朕
每有仍照該督撫所請准其升調者並將該
上司處分寬免原以地方治理需人不得不
破格錄用非可視為常例乃近來督撫等違
例保奏者漸多明知部議必駁部駁之後仍
可邀准而一經恩准則處分亦無不寬免遂
爾心存玩易任意保題積習相沿成為故套
恐滋流弊試思一省之大州縣佐貳不少豈
無廉能任事合例可保之員何至出有一缺
即非此一人不可必欲違例奏請此在存心
公正之督撫一時為人地起見諒無別情而
假公濟私者或因此徇情薦舉意為愛憎不
論人才之當否惟視缺分之肥瘠其獎將何
所不至所關於吏治者甚大朕固不疑天下
督撫俱有不肖之心然不明定條例恐封疆
大吏保舉屬員竟致無所顧忌不可不防其

漸嗣後督撫等違例保奏之員除照依部駁者仍照例議處外其有部駁之後仍奉特旨准行者著交該部存記將來所保之員如犯有貪私骫法之事其原保之上司竟當奏請革職如係別項劣蹟致罹叅革者亦應照本員罪名之輕重以定原保上司獲咎之等差著該部詳議章程載入則例永遠遵行尋議違例保舉之員如犯貪贓骫法應擬斬絞罪名者將原保之督撫革職司道府降三級調用如犯軍流私罪者督撫降三級調用司道府降二級調用如犯杖徒私罪者督撫降二級調用司道府降一級留任如不由司道府申詳者祇將督撫議處其有違例題請既經部駁奉旨依議後該督撫復專摺奏請特旨允准者如犯有前項事故原保之上司獲咎較重應加等議處從之○又諭據吉綸奏江西吉安幫副丁郭茂池呈控正丁郭鳳源被運弁杖責因傷身死請將千總永壽解任發

交江蘇按察使提集人證審辦一摺此案旗丁郭鳳源因受杖身死如該千總本無勒索情事實因拏獲盜賣米石將旗丁杖責或決不如法以致因傷身死尚屬事出因公祇當照例科以應得之罪若該運弁實有剋扣運費情事並縱容家丁勒索不遂所欲捏稱盜賣漕米藉詞嚴責致斃則是挾嫌故勘法當抵償此案關繫罪名輕重著交汪志伊親提案內應訊人證秉公詳慎嚴審定擬具奏千總永壽著解任質審○諭軍機大臣等托津等奏嚴訊李亨特被勒各款並查封任所貲財先將大概情形奏聞一摺李亨特勒索派累各廳員及借貸不遂抑勒廳員告養等款種種骫法營私前經馬慧裕列款叅奏自非無據今托津等向伊審問伊概不承認自因目前尚無實證任意支飾殊不可信且即就伊現在所供而論如所稱上年駐工供應按日發銀四兩由該廳代辦一節試思總河在

工駐劄隨帶多人馬有每日發銀四兩即數
支應之理又如伊家人祥林供認收受各廳
門包銀數十兩不等是需索門包實有其事
不過李亨特尚未肯供認知情即果如所云
其失察之咎已重又任所物單內開有玉器
二百三十九件伊由臬司擢升總河現在並
無呈進貢件之事所存玉器安得有如許之
多又錦緞呢羽等項多至四百七十件此外
寶石碧霞玢等朝珠有二十掛其餘物件亦
皆稱是若非任意婪索焉得有此厚貲所有
原叅各款內如抑勒廳員告養以及題署各
缺准駁工程等事均有文稿冊檔及人證帳
目可憑其查工所到之處添蓋房屋尤不難
一望而知無可抵賴托津廣興一面將現調
人證卷宗與之對質一面俟吳墩到河南確
實履勘知會到日向其究詰自當水落石出
盡得實情再遵照前旨嚴行定擬具奏將此
諭令知之○調吏部左侍郎李鈞簡為倉場

侍郎轉吏部右侍郎戴均元為左侍郎調戶
部左侍郎潘世恩為吏部右侍郎兵部右侍
郎趙秉冲為戶部左侍郎以內閣學士劉鳳
誥為兵部右侍郎○緩徵河南鄆陵鄆城西
華西平四縣水災新舊額賦並貸籽種口糧
有差○乙卯以兵部右侍郎劉鳳誥為
實錄館副總裁官○調鑲黃旗護軍統領綿志
為鑲紅旗護軍統領○丙辰諭內閣祿康等
奏番子頭目杜成德身故所遺七品頂帶虛
銜之缺應否選役充補一摺番役一項原與
隸卒無異前曾明降諭旨不准請給頂帶即
杜成德等亦因所得頂帶在前姑准暫留豈
有沿為額缺之理今杜成德既經身故本無
所謂缺何得另選一人充補祿康等所奏著
不准行嗣後番役或果有能事出力之人擒
獲緊要案犯者朕酌量加賞頂帶不得作為
定例亦不准該衙門奏請賞給其給予馬凱
四兩錢糧之處著照所請行○又諭嗣後選

秀女時八旗漢軍文職筆帖式武職驍騎校以上之女著備選其兵丁之女毋庸與選著為例○諭軍機大臣等本日刑部議駁裘行簡審擬深州民人古從仁呈控書役藉端索詐一摺已依議行矣詳閱此案情節古從仁因田夫貴以秋差並未撥車係兵書等串通舞弊等語向告因而氣忿上控是田夫貴實為此案要證必須將該犯提訊明確方成信讞乃裘行簡以田夫貴患病不到遽將古從仁坐以誣罪已不足以服原告之心且民人慕越赴京如所控不實例應從嚴問擬該署督又以事出有因曲為開脫僅擬以杖責完結看來裘行簡辦理此案不免意存遷就化大為小復蹈外省積習矣著仍交裘行簡再將田夫貴提到訊明所控虛實與各犯證質問明確另行秉公定擬具奏至直省承辦差務所需船隻車輛或偶向民間雇用自屬勢所不免但地方官果能平給價值毫無剋扣

而胥吏等亦不致有藉端索詐等事則小民同一營生方將趨赴不暇何至多方賄賂控案累累裘行簡摺內猶稱各處士民渥被厚澤深仁踴躍輸承毫無異議朕非好諛之主言之無益且連日拏到船戶等賄賂投充各案說明皆由差派繁多冀免封拏之故是該省派累閭閻其大畧已可想見該署督身任封圻官民皆其統屬總當一秉大公勿存徇徇之見遇有不肖官吏一經查察立即叅辦示懲務俾小民樂於趨功得免擾累方為妥善將此諭令知之○兵部議覆陝西巡撫方維甸疏請升賞軍營至京驛站接遞喜摺弁兵得旨此案因勦捕餘匪全竣三省地方肅清經朕於八年七月間降旨加恩由部行文該撫接奉後即應查明題奏辦理庶在事弁兵夫役得以早沐恩施今事隔三年始行題請殊屬遲逾此三年之內在臺弁兵夫役豈無一二事故更換之人恐難免應賞者向隅

無功者冒濫近日該撫辦理諸務每多延緩屢經飭諭此案又復遲逾三年之久方維甸著再傳旨申飭仍令查照該部指出臺站名目不符之處詳晰聲覆並查明該弁兵夫役等確係八年以前實在出力者方准加賞毋許冒濫○福州將軍賽沖阿奏詳查臺灣職賊奮勇人員守備官贊朝等升敘有差○予福建出洋淹斃兵丁吳天佐等六名賞卹如例○貸兩淮富安安豐梁塚東臺河塚五場

上年被水竈戶草本銀○丁巳

上詣

黑龍潭神祠拈香○諭內閣朕於七月十九日啟鑾駐蹕避暑山莊二阿哥三阿哥著不必扈蹕隨行俟八月初三日由圓明園啟程初七日抵避暑山莊由彼隨扈進哨九月初二日在塔哩雅圖行圍畢即由該處啟程回京○旌表守正捐軀甘肅兩當縣客民張長科妻石氏○戊午予江蘇故廣西巡撫孫永

清入祀鄉賢祠從巡撫汪志伊等請也○旌表守正被戕山東蘭山縣民王勇祥妻任氏○己未諭軍機大臣等各省瀕海地方洋盜嘯聚竄擾總由內地匪徒暗中接濟水米始得日久在洋存活而米尤為賊船所少聞蔡牽等不惜重價向內地民人私買米石是以奸民趨之若鶩如果地方文武均能實力奉行使各口岸一無透漏則洋匪等飲食無資立形坐困可不攻而自斃若徒視為具文不能禁米出洋惟恃水師官兵勦捕縱稍有擒獲仍不能制其死命即如此次蔡牽等幫船在洋肆竄節經李長庚等統帶舟師圍剿該逆等猶得苟延殘喘未必不由於此是弭盜之法全在查禁口岸濟盜米石較之緝捕尤為緊要各該督撫屢經訓諭不過以覆奏塞責聞或查辦一二案逾時又不免懈弛若云沿海地方遼闊則凡口岸處所均有該管營縣果能各顧地界彼此聲息相通聯絡偵緝

奸匪伎倆自無所施又何慮不能周察乎總在該督撫飭屬共矢實心協同妥辦將此諭令知之○又諭王寧等奏探聞廓爾喀國王喇特納巴都爾被戕緣由一摺該國王以殘殺啟釁致被戕害未據敘開稟報自不必差人往探所見甚是但該國既有此內亂之事自必具表陳訴應俟其遣使來告時諭以爾國遠在藩服極為恭順今不幸遭此內變奏聞大皇帝必深為憐憫現在罪人已得爾國王尚在幼年惟當謹守國度安常處順以期自固藩籬永承天朝渥眷儻該國王竟力不能支率眾來奔即當於邊界地方妥為安置令其得有棲止以示懷柔若因內訌搆兵款關求救則斷無因蠻觸相爭致內地勞師之理王寧等即當嚴行駁斥仍督飭各卡隘加意防範勿令該國逃人竄入界內以靖邊圉為要將此諭令知之○庚申遣官祭關帝廟○辛酉諭內閣本日工部奏外省商

民販買鐵斤漫無限制請勅下各督撫查明各該省實需情形適中定額一摺此事前經縉布面奏以近來商民等領票買鐵銷售太多殊失限制請官為查覈等語朕特命其詳細補摺奏陳再候降旨茲據工部各堂官聯銜具奏迨朕召見熊枚詢及此事則稱此事紛紛查辦恐滋流弊與摺內所言大相逕庭朕詰以因何列銜具奏則稱係縉布主見并稱工部堂官中亦非止伊一人不以為然等語殊不成事各部院陳奏事件理宜公同商榷熊枚既以此事為不可行則當縉布欲行具奏之時即應詳悉辯論向其阻止如果縉布固執己見必欲具奏熊枚儘可與之兩議或此外尚有意見不合之堂官亦均可不列銜名何得於繕辦奏摺時隨同畫諾及召對之時又忽異其辭設今日工部呈遞奏摺上時並不召見熊枚即已降旨依議豈熊枚遂扶同緘默不顧准行之後事之果有窒礙否

乎此事既據熊枚奏稱工部堂官中非止伊一人以為不可著令工部堂官各行據實回奏其意見相合者同具一摺獨有所見者另具一摺俟奏上時朕覆加察覈再降諭旨○又諭本日刑部奏覈辦山東省減等人犯一摺據單開官犯德明於兗沂曹道任內因公赴省隨帶書役人等騎用號馬多匹擅發傳單因泰安縣驛給與草料不敷未經應付馬匹輒將管號家人喚進杖責追該撫據稟參

李本

李

革審訊又不據實供吐以致該縣陳時奉提畏累自縊身死並究出該犯前在潞安府潼商道兩任內浮收稅課銀至十萬餘兩之多案情較重未便遽予減等德明著再行監禁四年照例減等發落至徐有海一犯因族姪徐登科向其醉罵撲毆被該犯踢傷致斃究係死者理曲情尚可原徐有海著即予減等餘依議○又諭本日慶桂等奏將失察糧員私挪庫項之厯任喀喇沙爾辦事大臣分別

議擬一摺此案糧員伊精額私行挪借庫項豫支鹽菜等款現據查明係綢武布任內始行入冊彼時綢武布即當據實陳奏乃因該糧員飾詞欺隱並未即行參辦以致後任相率效尤公然入冊交代其罪較重綢武布前已另案革職遷任盛京此次著改發吉林交該將軍秀林責令充當苦差以示懲儆至明興係綢武布後任於接收交代時既經綢武布告知且點驗冊內即開列豫支各款伊曾

李本

李

任巡撫卿貳非未曾更事者可比是其徇隱不奏之咎較之德勒克扎布等尤難輕貸向來上司徇庇屬員例應降調今明興業經革職姑念其平日辦事尚可不至遽行廢棄著加恩以七品筆帖式用現在伊弟明亮係兵部尚書應照例迴避外著交吏部先令於五部掣籤行走至德勒克扎布任內亦有虧缺庫項之事是科罪當自伊始但彼時並未列入冊內且伊本不識漢字致被朦混情稍可

原亦著加恩以理藩院七品筆帖式用伊於蒙古語尚能熟習其未得缺之前先著在該衙門行走。現在此案前後虧欠情節業據和寧等分晰查明毫無疑義所有前次行提質訊之高大順葉布肯等及一切冊檔均著毋庸再行解京。如業已起解亦即就近截回以省跋涉。和寧於接奉此旨後即將案內各犯定擬罪名完結。所有歷任大臣應行分賠銀數均著照議辦理。○又諭本日大學士保寧

實錄卷五

十一

奏患病日久一時未能痊癒恐致誤公請將所管各處事務俱行開缺一摺保寧數歷中外有年近因偶感寒疾乞假調理屢命御醫前往診視尚未就痊茲遽奏請開缺一朕心實有不忍除所管鑲紅旗滿洲都統一缺暫行派員署理外餘俱著無庸開缺俾在家安心調攝以冀速痊俟全愈後再行銷假供職至本年秋間朕巡幸木蘭舉行秋獮典禮保寧尚應派令留京辦事茲既允其在家養病居

期亦不派出更可從容頤養以副朕優眷老臣至意○以戶部尚書祿康吏部尚書費淳為國史館總裁官○壬戌諭內閣前於嘉慶九年挑選八旗秀女見其衣袖寬大並有纏足者殊為忘本甚屬非是當經降旨嚴禁本月初九日曾降旨令嗣後八旗漢軍兵丁之女俱無庸挑選此乃朕體恤貧窮兵丁該兵丁等若將其女任意纏足及裝飾寬大衣袖是轉失朕矜恤本意我朝服飾自定鼎以來

實錄卷五

十二

列祖欽定從前

太宗文皇帝訓誡令後世子孫衣冠儀制永遠勿替

皇考高宗純皇帝重申

訓諭刻石建於箭亭垂示久遠

聖諭煌煌實有深意自宜永遠奉行儻年久沾染漢人習氣妄改服飾殊有闕繫男子尚易約束至婦女等深居閨闥其服飾自難查察著交八旗滿洲蒙古漢軍都統副都統參領

佐領等留心嚴查儻各旗滿洲蒙古秀女內有衣袖寬大漢軍秀女內仍有裹足者一經查出即將其父兄指名叅奏治罪毋得瞻徇儻經訓諭之後仍因循從事下屆挑選秀女經朕看出或有人叅奏除將該秀女父兄治罪外必將該旗都統章京等革職斷不輕宥著交八旗滿洲蒙古漢軍務使家諭戶曉實力奉行

實錄卷二百六

主

大清仁宗受天興運敷化綏猷崇文經武孝恭勤儉端敏英哲睿皇帝實錄卷之一百六十

大清仁宗受天興運敷化綏猷崇文經武孝恭勤儉端敏英哲睿皇帝實錄卷之一百六十一

駐防總領事曾振起居法宮太子太傅武英殿大學士文淵閣領閣事侍察欽奉
上諭事件度管理工部事務翰林院掌院學士隨學

聖恩尋常加四級重賞依例應加官太子太保大鴻臚大學士掌理刑部事務加五級重賞均免題送日俱起居注官太子少保內大臣文淵

閩提舉閩中務處致事
上諭事件處辦大學士部尚書翰林院掌院學士教習庶吉士總管內務府大臣鑲黃旗滿洲都統步

軍統領管理戶部主事龔霖清國書處總理程慶御養膳房御藥房太醫院西洋堂事務軍功加級隨帶加級尋常加三級紀錄三十

一次自英和羅足讓官太子太保禮部尚書主書房行走武英殿總管理園子監事務祭服隨帶監服紀錄四次臣汪廷珍等奉

救修

嘉慶十一年丙寅五月癸亥

11

件

上幸萬壽山○諭內閣前日因工部堂官聯銜具奏請令外省查明商民販鐵情形適中定額一事熊枚於召見之時又力陳不可並稱係縵布一人主見此外工部各堂官亦皆不以為然與摺內所奏大相逕庭若果事不可行而縵布必欲辦理朕必重治縵布專擅之罪而各堂官扶同之咎亦不能免是以降旨令熊枚及該部堂官各行據實回奏本日據工部各堂官奏稱此事於商辦具摺之時該

堂官等意見俱屬相同並無不合是以畫奏惟據熊枚覆奏摺內則稱此事先因外省咨報商民販鐵過多縵布欲奏明定額伊恐一經定額轉滋流弊適縵布業經面奏奉旨補摺亦即畫奏至同官中祇有文寧曾向伊言及此事祇可咨查與之意見相合伊召對時冒昧具奏請交部議處等語本日朕復召見文寧詳加面詢據文寧奏稱熊枚先向伊言及此事祇可咨查文寧即以應行具奏之言

回覆與熊枚所奏又復互異鐵斤為民間日用所需多寡本難懸斷儻責令各省酌定額數易啟胥吏等勒捐需索之弊熊枚亦不為無見但伊既見及此即應向同官阻止即使縵布業經面奏亦仍可詳細商榷儻縵布固執已見又何妨與之兩議乃先既隨同畫奏直至召對之時忽異其詞實屬非是若各衙門已經畫奏之件俱不足為憑又焉用列銜畫諾為耶熊枚年逾七十近覺重聽恐於辦

理部務非宜著調補都察院左都御史其自請議處之處著加恩寬免所有工部尚書員缺即著秦承恩補授至近來外省咨報商民販鐵過多著各該撫悉心體察申明例禁如有私販出洋及違例製造軍器者查明按律治罪但不得委之胥吏等藉端紛紛查禁致滋擾累○又諭據河南河北鎮總兵蔡鼎奏稱前在軍營勦辦教匪馬守弓箭兵丁內曾經教練長矛過敵甚為得力請於所屬十營

額設弓箭馬守兵丁內挑選年力精壯之兵兼習長矛以備應用等語營伍兵器鳥鎗弓箭最為得力但臨陣對敵長矛一項亦宜兼習俾資利用即如八旗原專設虎槍營以資擊刺之用今蔡鼎既陳奏及此事屬可行著交該撫於通省營伍內酌量額兵多少量加選擇令其演習長矛以備利器之一但究不可因操練長矛轉致弓箭鳥鎗技藝生疏此外各省將軍督撫提鎮所轄營制各有不同

是否均應添設長矛一項及如何酌定額兵演習之處並著妥議具奏○又諭刑部事務較繁每日皆需堂官在署辦理嗣後即遇御門理事及本衙門帶領引見該班奏事日期均著輪留堂官一人在署辦事不必全行赴園○甲子諭內閣保寧等奏查辦山西省秋審案內各犯分別開單進呈朕逐一披閱內擬准減等絞犯陳鳳鳴一案因孟朝賢索欠相署取木鐸向毆該犯奪鐸還毆其額顙手背孟朝賢復舉腳亂踢該犯又毆其左右膝腓肋腳腕孟朝賢拾石向擲該犯遂拾石毆其腦後殞命覈其情節該犯負欠未償本係理曲孟朝賢先取木鐸向毆業經該犯奪去後雖舉腳亂踢並拾石向擲該犯均未受傷乃既連毆其額顙等處復拾石毆其腦後要害斃命傷共七處殊屬兇悍未便即予援減陳鳳鳴著監禁二年再行減流餘依議○又諭戶部議奏順天府府尹等請將平糶錢文

易換銀兩解部以平市價一摺五城平糶米麥本以便民其糶出錢文亦為調劑民間日用前經戶部奏准將平糶錢文於五六兩月兵餉再酌加一成搭放此項錢文兵丁零星使用自然散布流通錢價可期漸減若如該府尹等所奏將平糶錢文彙成總數易銀解部市僧之徒勢必乘此將錢文成總易換囤積居奇無益於兵民轉為奸商開牟利之端該府尹等並不悉心酌量率逞臆見冒昧陳奏除所奏照部駁不准行外莫瞻萊秦瀛均著交部察議所有平糶米麥錢文除五六兩月兵餉仍加放一成動用外其餘錢三萬四千餘串並著照該部所請准於秋獮隨往兵丁例給幫貼銀兩內將前項錢文按數分半支給俾兵丁行使錢文較多於平減市價亦有裨益 諭軍機大臣等襄行簡奏雇用民船頂補官剝情形一摺據稱直隸省雇用民船抵補官剝每船一隻給發雇值銀十七兩

又每裝米一百石各旗丁給與船戶食米一石二斗水腳制錢三千文向俱如此辦理嗣因各州縣經理不善任聽胥役妄行封貼以致船戶等行賄投充冀免差使而州縣又規避處分是以案無發覺現在密速查拏并熟籌妥議等語各船戶受雇營生惟利是視既有官給雇值銀兩及食米水腳錢文如果寬然有餘焉有不踴躍從事何以多方規避不願受雇轉紛紛納賄投充希圖倖免且本日

召見瑚素通阿據稱連日訊問各船戶納賄之數有一船用銀二十五兩者是該船戶等畏避差使不但不願得官府雇銀十七兩及食米水腳等項轉又自出銀至二十五兩之多試思船戶等皆係貧民並無多餘資本若非官吏逼迫太甚焉肯花費如此其故皆緣地方官雇用剝船毫無限制每州每縣應雇船數隻十餘隻則將沿河所有船隻一概封雇以便勒索賣放而每年四五月間應需船

隻早於上年冬間豫為封禁直至次年九十月始准放行時日既多費用亦夥况官給之項大抵被胥吏等層層剋扣未必照數給收州縣等規避處分即有見聞未必查辦甚或有藉端派累之事均未可知若不定章程獎將何所底止嗣後雇用船隻皆當有一定數目即欲豫備稍寬亦須酌定限制約計每實需船一百隻著多雇船二十隻準此增減不得浮多至雇船之期不得太早即恐臨期

遲誤亦祇可早十日豫備仍按日給予守候之費迨一經用過即當隨時飭放不准留指再當體察船戶情形如每船給雇值銀十七兩裝米百石給食米一石二斗以及另給水腳錢三千文之處是否實在數用儻尚不敷亦當酌量籌款奏請加增不可稍令苦累仍於給發時留心稽察毋許剋扣如此妥協經理則船戶等孰不情願趨赴更何躲避之有儻再有規避執法重懲亦不為枉矣將此諭

令知之。乙丑諭內閣刑部奏直隸省大名縣民人宋二油餅故殺無名男丐身死一案。經前督臣顏檢審依故殺律問擬斬候具題。部議覈覆奉旨准行。茲秋審屆期該署督裴行簡咨部以無名男丐是否實係淹斃現在屍身未獲請將宋二油餅入於緩決仍飭縣訪查並關會下游地方打撈屍身實在有無下落再行辦理。經該部奏請飭交該署督將此案再行詳細覈實覆訊於秋審前妥擬具奏等語。審理命案原以屍傷為憑但屍身無獲之命案如棄屍燒屍及拋屍江海等事各省均有總在承審時虛衷研訊如果犯供切實見證確鑿即當依律定擬。此案原題內稱宋二油餅將無名男丐推入河內用水向潑不見蹤跡而回是該犯供認業已切實且又據秦文剛等查詢該犯曾以實告並有地方劉廣等各供俱相符合是衆證又已確鑿今本犯並未翻供該署督又未訪有別項情節

奏明辦理輒以屍身未獲聲請緩決若各省紛紛效尤則凡屍無下落之案無論謀故皆得藉稽顯戮豈復尚成讞典况此例一開弊竇百出如此屈法保全兇徒是誠何心哉且據原題內稱河底深一二丈不等病丐被推入河豈復能覓水潛逃現已事閱二年屍骸早應漂爛無存斷無尋獲之理即獲有殘缺骸骨勢難辨認况此無名男丐即果當時覓水得活而該犯將其推入河內用水向潑之時實屬有心致死故殺之罪亦無可寬宋二油餅一案竟無庸再行覆訊即著該部入於秋審情實照例辦理至裴行簡率將此案咨請入緩殊屬非是顏檢前在直督任內降為主事職銜旋因將上次問擬情實之張五韓性子二犯擅改緩決任意輕縱當經降旨以顏檢即現任總督亦應罷黜將其主事職銜一併革去裴行簡寧不知之且該署督莅任以來經朕屢加訓誨前日猶諭以勿蹈顏檢

覆轍為戒。乃於宋二油餅一犯輒以屍身未獲為詞。請改緩決。此等兇殘之犯。尚何所用其姑息。而猶遲疑不決耶。裴行簡著傳旨嚴行申飭。仍著交部議處。○又諭祿康等奏藍翎侍衛倫布與筆帖式慶雲在街揪扭。請分別懲處。一摺。侍衛倫布身係職官。乃步行探親。並未戴用頂帽。已不以職官自居。塗人烏從辨識。適慶雲坐車回家。車夫陳三未及照料。車羸將倫布誤扭。倫布氣忿不依。慶雲下車理勸。倫布即將慶雲揪扭。撕破衣服。並將拉勸之民人李三毆打。實屬任意妄為。不安本分。前因佟關保兄弟不戴頂帽。遊蕩滋事。甫經懲創。今倫布復敢仍蹈惡習。甚為可惡。僅予議處。未免過輕。倫布即著革職。以昭炯戒。筆帖式慶雲雖無鬪毆情事。但不能約束車夫。亦有不合。著交部察議。車夫陳三並不心駕馭車羸。以致途間誤扭。肇釁罪有應得。著枷號兩箇月。責處示懲。至李三因路遇

倫布與慶雲揪扭。從旁解勸。係為息事起見。且被倫布拳毆。受有微傷。情尚可原。祿康等奏請一併責處之處。殊可不必。著加恩省釋。祿康因李三係伊已故胞弟。祿庭雇工家人自行奏請交議。亦著加恩寬免。○又諭前因佟關保兄弟以現任職官私去帽頂。在城外飲酒滋事。當經從嚴懲辦。並明降諭旨。令旗員子弟等務各謹慎自愛。以飭官方。乃甫閱數月。復有倫布在街揪扭。並不戴用頂帽之事。積習相沿。殊為可惡。若不明示例禁。仍恐不肖之徒不自檢束。必有復蹈故轍者。嗣後現任文武大員。以及職官。如有私去頂帶出外行走之事。是已不以職官自居。一經查明。叅奏。即著降調。示懲儆。復另有遊蕩滋事情節。即著先行革職。再候究辦。即宗室王公不自檢束。竟有私行遊蕩之事。亦照此例辦理。自此次訓諭之後。各宜顧惜名器。慎毋自取侮辱。以副朕教誨諄諄至意。○又諭奇臣奏

據原任貴州藩司公義原任漳州府知府方應恒稟懇前赴臺灣軍營投効一摺。公義方應恒均係發往烏魯木齊効力贖罪之犯。到戍甫經一載。其呈請前赴臺灣投効。自係欲藉此早離戍所。並可為冒功邀恩地步。實屬取巧。况臺灣地方。前此雖有蔡逆匪徒糾眾滋事。早經該鎮道等督兵勦捕。迅就肅清。現在地方寧謐。又何須該廢員等前往効力乎。奇臣率據呈請。即行具奏。殊屬不合。著傳旨申飭所有公義方應恒。自請赴臺投効之處。著不准行。仍著在配所効力。俟三年期滿。再行具奏。○刑部議覆陝西巡撫方維甸奏魏幘太糾眾毆斃帥三帥四分。別首從將魏幘太擬絞。晏子文擬絞。候一案得旨。此案魏幘太因帥三兄弟攔截。姜化要嫁賣之妻張氏。訛索錢文不遂。將氏強拉進鋪。必欲送錢。十千始放。姜化要因人財兩空。一路號哭。魏幘太晏子文詢知。各抱不平。姜化要央允將妻

討回。魏幘太囑晏子文邀約苟長子等三人同至帥三等門首。斥其不應。帥三不服。即取矛子向魏幘太撲扎。魏幘太用木棍架格。打落矛頭。彼此互毆。魏幘太復搶拾矛頭。戳傷帥三倒地。帥四執鞭趕出。魏幘太業經跑走。帥四追毆。晏子文拾石擲打帥四倒地。又用矛頭連戳。逾時帥三帥四均各殞命。是魏幘太等與帥三兄弟爭毆時。轉邀之人並未動手。祇係二人抵敵。二人勢均力敵。且魏幘太晏子文各抱不平。亦不得獨坐。魏幘太以率先聚眾之罪。自當以各斃各命科斷。該撫於部駁後。仍請照原題將魏幘太擬絞立決。固屬過重。刑部自應改照本律定擬。但遽將該二犯議以監禁二年。再行減等。亦覺過輕。魏幘太等並無應捕之責。特以旁觀不平。各逞兇毆。致斃其一家二命。何得於二年後即行末減。魏幘太晏子文俱依議。應絞著監候交該部入於秋審。緩決。案內照例辦理。○江寧

布政使康基田以年力就衰並督催鉛船不力降六部郎中以浙江按察使許兆椿為江寧布政使福建興泉永道朱理為浙江按察使○丙寅

上御勤政殿聽政○諭內閣吳熊光等奏疏通監犯一摺據稱粵東案犯之多甲於他省其免死洋盜等五項遣犯現在省監居其大半因圍壅滯時有人滿之虞請將此等遣犯於題咨後先行起解俟部覆到日各行知照或

將外遣各犯暫行分禁轉遞必經之三水等六縣以資疏通等語粵東案犯繁多省監擁擠自當隨時體察通融辦理前此該督等以一面題咨一面起解具奏經部議駁令體察情形設法籌辦今該督等仍請於題咨後先行發配間有經部駁查之案又復知照前途將人犯解回殊於政體未協此等遣犯向既由該省北路之三水清遠英德曲江始興保昌等六縣地方接遞各該縣本監人犯較少

著照所請於各遣犯定案後即交南番二縣驗明解往經由轉遞之三水等縣均勻撥禁量為分析仍俟部覆到日由寄禁衙門就近起解但各縣監獄究較省監窄狹其分禁各遣犯該督等當轉飭各該縣隨時嚴密防範毋得稍有疏虞○又諭大學士九卿等會奏議覆方維甸奏查明軍功頂帶執照分別辦理一摺此次平定三省邪匪固由官兵勦捕出力而各省紳士鄉民隨征堵禦其勞績自

不可泯必當量予錄用是以前經降旨諭令查明確實按照原給頂帶分別拔補今方維甸請將陝省軍功頂帶除奏明賞給之四人外悉令頂帶榮身是使從前一體出力之人獨致向隅不足以昭平允辦理實屬非是所有各該省軍功頂帶除不願出仕者准其頂帶榮身外餘著該督撫等仍遵照前旨原議分別辦理以副酬獎勤勞至意○又諭王德身任閩浙總督有年於海疆事務不能隨時

整頓實力捕緝。任令水師地方闡茸廢弛。以致洋盜蔡牽肆無忌憚。糾衆劫掠。此次竟敢勾結陸路匪徒。竄赴臺灣。滋擾經官兵大加勦擊。該逆仍免脫潛逃。迄今尚未就獲。此皆由該督平素因循貽誤。咎無可辭。業經疊次降旨訓飭。並將伊革去翎頂。本日據玉德奏到提訊前獲蔡逆夥犯洪教等供稱。蔡牽幫船原有八九十隻。因節次被官兵攻燬。僅剩大小船三十餘隻。船內火藥都向蔡牽船上領取。前在臺灣時。蔡牽每船給發火藥一二百斤。自臺竄回後。每船給火藥三四十斤。其米糧俱係隨時打劫商船所得。淡水一項沿海島嶼俱有泉水可汲。等語。洋匪幫船所用。水米自必藉各口岸私行接濟。如果防守嚴密。絕其飲食。即無難制其死命。然或謂由該匪等劫掠商船。及沿海汲取所得。尚可藉詞諉卸。至火藥一項。必非洋匪等所能自行配造。即據該督此次自訊。賊供蔡牽原有幫船

八九十隻。每船給發火藥一二百斤。統計已不下一萬數千斤。試思盜船火藥至如許之多。豈在洋面所能猝辦。前次蔡逆竄擾臺灣時。玉德等因局存火藥不敷撥用。曾咨照江西巡撫備辦協濟。是官貯火藥較少。而盜匪轉多有積存。若非內地奸民私運接濟。即係營汛不肖弁兵牟利營私。暗中售賣。可見沿海一帶。非特視詰奸為具文。竟以通盜濟匪為常事。總督統轄文武。所司何事。乃玩誤一至於此。即此一端。已屬弱職。今該督復以肝氣病發。奏請賞假一月調理。該省正當勦捕喫緊之時。豈復病軀所能勝任。玉德即著革職回旗調理。俟病痊之日。另降諭旨。所有閩浙總督員缺。著阿林保補授。阿林保接奉此旨後。即將湖南巡撫印務交與藩司韓封護理。該督即馳驛速赴閩省任事。其阿林保未到以前。所有閩浙總督印務著溫承惠暫行署理。至李殿圖係巡撫任聽。各口岸偷漏水

米火藥不知禁止實屬無能豈可仍留二品頂帶著降為四品頂帶俟來京時以四五品京堂補用○以武備院卿慶惠為內閣學士兼禮部侍郎銜鴻臚寺卿額勒布為太僕寺卿○調江西巡撫景安為湖南巡撫以江蘇布政使張師誠為江西巡撫湖北按察使胡克家為江蘇布政使調福建按察使袁秉直為湖北按察使以福建臺灣道慶保為按察使○戊辰諭內閣袁行簡等覆奏會籌兵丁

差費一摺據稱各營出派弁兵供辦站道清道緝捕等差叢計共需銀一萬二三千兩藩庫既無閒款可撥營中亦無公項可以充用請節省每年馬乾銀兩為兵丁差費之需即可無庸另行籌款等語各營兵丁應得分例僅能贍顧身家每遇出派辦差勢須另給盤費前此該督等以攤捐俸餉幫貼差費具奏當經降旨令與該提督妥議熟商通盤籌畫茲該督等既查明各營倒斃疲乏及口老羸

弱之馬有一千四百餘匹均需更換買補即將此項馬匹凡倒斃者無庸買補疲乏者照例變價此外尚有馬七千餘匹足敷差操計每年可節省草乾銀一萬六千餘兩著照所請准將此項銀兩存貯藩庫以資每年差費其扣出馬價銀一萬二千六百兩著發交長蘆商人生息以備有緊要差務時為購買馬匹之用此後辦差各兵既定有章程足敷盤費而各營員更無可藉口儻再有不肖劣員

從中剋扣自肥囊橐苦累營兵該督等即當嚴叅懲辦計贓定罪不得稍有寬貸也其此項內按年應支應存之數仍著各部查覈○又諭向來辦理命案如殺死一家二命均係鬪殺者擬絞立決其一故一鬪者舊例問擬斬候原以鬪殺在輕罪不議之條故仍照故殺律從一科斷嗣經將一故一鬪之案議改絞決奏准通行蓋以絞罪雖輕於斬罪立決實重於監候但思故殺一命者罪應斬候而

一故一鬪多斃一命之犯雖即予縲首而轉得全屍且與鬪殺一家二命問擬絞決者無所區別不足以昭平允若竟問擬斬決則又與故殺一家二命者同一科斷亦非情法之平著刑部堂官悉心叅酌將故殺一家二命鬪殺一家二命及一故一鬪殺死一家二命之案權衡輕重如何分別定擬折衷盡善之處詳細妥議具奏尋議嗣後除毆死一家二命者仍照例擬絞立決外其謀故殺一家二命者擬斬立決梟示仍酌斷財產一半給付死者之家若一故一鬪致死一家二命者即擬斬立決毋庸斷給財產從之○又諭刑部奏查明直隸省減等人犯分別酌擬開單呈覽朕閱擬減常犯單內絞犯吳五因在鋪飲茶適王存禮走至以該犯未經讓坐嗔罵欲毆經人勸散王存禮復在途等候截毆該犯情急取刀向扎適傷其心坎殞命是王存禮不過意圖截毆該犯並未毆成傷致有情

急乃輒用刀向扎傷其要害斃命雖祇一傷情較兇橫未便即從未減吳五著監禁二年再行減等其所擬不准減等單內斬婦張氏因歲歉伊夫外出與伊翁劉五同住窩棚每日赴廠領粥先儘伊翁飽餐嗣劉五乏用欲賣窩棚該氏央懇攔勸劉五揪其頭髮按毆打該氏央求不放用兩手遮護致指甲劃傷劉五腮朕咽喉左右劉五聲言送官究治走出門外蹬空失跌落坡該氏趨救業已氣閉殞命是該氏平素尚無違忤伊翁情事即被伊翁揪毆時祇係用手遮護致指甲劃有微傷伊翁之死由於失跌情尚可原且已情實二次張氏著加恩減等至絞犯杜北照一起因住莊臨河房屋被淹莊民各築土埝巡防賊船該犯執持鐵鈎巡埝見二賊正往扒埝該犯喝問喊嚷兩賊跑回上船時梁維寧等聞喊持械趕至該犯喝令毆打梁維寧等上船亂毆打倒四賊其餘上岸奔逃該犯等

尾追適有梁懷等各持槍棍趕至截住三賊該犯又喝令亂毆將三賊打倒捆擡至船查看七賊俱已殞命該犯係屬擅殺多命然當村莊被水之時賊匪乘危扒撿勢甚兇橫經該犯巡獲毆斃其莊鄰之暗被保全者亦自不少且已免勾三次杜北照著監禁二年加恩減等餘依議○賞前任伊犁總兵官納爾松阿副都統銜為伊犁領隊大臣以和闐幫辦大臣永來為辦事大臣賞乾清門頭等侍

衛慶長副都統銜為和闐幫辦大臣以頭等侍衛德昌為巴里坤領隊大臣○乙巳以克復臺灣鳳山縣城功賞還總兵官愛新泰花翎○庚午

孝恭仁皇后忌辰遣官祭

景陵○諭軍機大臣等溫承惠奏遵旨詢明閩省改造同安梭船一事並會晤李長庚面商請另造大同安梭船六十隻以資緝捕等語閩洋捕盜全賴船隻駕駛得力方於捕務有

益溫承惠現詢據水師將備以必得大同安梭船六十號其堅固與商船相等方能駕駛得用面商李長庚意見亦屬相同自應照所奏辦理著派委熟悉船工將弁會同文員監造梁頭以二丈六尺為度務期料實工堅足資衝風破浪之用至所稱每隻必需銀四千兩除准領米艇價值應銷銀二千六百餘兩外每隻尚不敷銀一千三百餘兩著照所請先於司庫借項應用統在道府以上各官養

廉內分年攤扣歸款該撫現行知各屬嗣後新造拆造商船梁頭均以一丈八尺為率不許製造大船以防蔡逆劫取自當如此辦理○免四川大寧縣被水竈戶上年課羨銀○辛未以故鄂爾多斯貝子喇什達爾濟子喇什雅木素襲爵○壬申諭內閣朕連日閱看派出隨圍之鑲黃旗侍衛等較射布靶未見豐紳濟倫降旨詢問據成親王等奏稱伊曹呈明因右臂疼痛不敢射靶及傳到令其射

箭見其手顫不能發弓致箭亂發等語。豐紳濟倫係世家子且在侍衛上行走多年。正在年壯何竟不能射箭。皆由平素怠惰偷安。不知奮勉。甚屬不堪。伊在京殊屬無用。著以公爵四等侍衛。自備資斧。前往盛京。交將軍富俊教習技藝。富俊謁祭。

陵寢時。令其隨衆行禮。凡遇巡查城卡及行圍等事。俱令其身習勤勞。豐紳濟倫之子富勒琿。凝珠身體甚笨。在侍衛上行走亦不得力。著以藍翎侍衛。同伊父往盛京。一體操演弓馬。應得俸銀。即由盛京戶部照例支給。俟三年期滿。如果在彼安靜。步射嫻熟。著富俊據實奏聞。再行加恩。儻不安分。仍然怠惰。即行叅奏治罪。斷不輕貸。○癸酉。

上幸靜明園詣

龍神廟拈香。○諭內閣李長庚奏報蔡逆內竄兵船返蓬。追勦情形。並覆奏接奉諭旨緣由。二摺。據稱蔡逆未能擒獲者。實緣兵船不

能得力。接濟未能禁絕。所致上年李長庚因兵船低小。曾與三鎮總兵籌商。願自行捐造大船十五隻。海壇金門二鎮亦願捐廉造船十五隻。札會督臣請借養廉辦理。旋准札覆以造成十五船。須數月之久。且工價需銀四五萬兩。應配礮位亦需工料銀八九千兩。捐廉辦理。扣足此數。有需時日。借動庫項。必須具奏。窒礙難行。又據稱蔡逆此次在鹿耳門竄出時。蓬索破爛。火藥缺一回內地。在水

澳大金裝蓬燂洗。現在盜船無一非係新蓬。火藥無不充足。等語。所奏自係實在情形。官兵在洋勦捕。全賴船隻得力。可資衝風破浪之用。蔡逆賊船較大。駕駛便捷。官兵乘船低小。每致落後。即追及時。仰攻亦不能制勝。既經李長庚等會商捐造大船。玉德即應上緊籌辦。如彼時即行興工。則數月前早已完竣。此時正可應用。玉德即因扣廉有需時日。必須借動庫項。亦當據實具奏。請旨遵辦。乃玉

德於李長庚札會時任意駁飭又不具奏。直至昨日奏到之摺始擬將米艇製造出洋。又未聲明米艇不能得力。竟於緝捕重務全不關心。非貽誤地方而何。至蔡逆此次在鹿耳門被官兵圍困。潛竄情形已極窮蹙。如果各口岸查禁接濟。實無透漏。自可不攻而斃。乃賊船回至水澳大金地方。即能裝換新蓬。火藥充足。可見該處必有奸民及不肖弁兵等。平日積慣通盜。將蓬索火藥等件豫備窩藏。

濟匪應急。否則賊船甫經竄回。何能猝然購辦。是地方文武嚴查接濟。竟屬有名無實。此亦玉德廢弛貽誤之罪。實無可辭。前已降旨將玉德革職。著溫承惠傳旨將玉德等問。派委委員押解赴京。交刑部審訊治罪。其水澳大金地方該管之文武官員著一併解任。交溫承惠嚴行審鞠。如訊出奸民弁兵等有通盜賄縱情事。即當嚴行懲辦。俾知儆畏。○甲戌諭軍機大臣等。本日據同興奏到籌議河

東鹽務招商辦理情形一摺。並據英和初彭齡奏查訪阿拉善鹽斤不能挖運。懇照河東現議商運事例一體招商代辦一摺。看來此二事相為表裏。河東鹽務從前原因簽商擾累。改歸地丁。今據同興奏稱擬先傳舊商之家道殷實者互保。復充其無人互保之商。即令舊商保舉新商更換。俱不經地方官吏之手。但以商招商。勢不能如民間交易私事聽其自辦。即如認充申報等事。亦必須官為

經理。是所稱不經官吏之手徒為虛語。且摺內稱小民難與慮始。可見辦理招商亦復不易。因思該省民人所以不願充商者。自以池鹽獲利細微。易致賠累之故。今據英和等奏稱吉蘭泰鹽池產鹽豐旺。蒙古人等性拙。耽安。向來不能撈取。自馬君選獲罪後。各處嚴禁內地民人出口。鹽池已廢。為今之計。莫若將蒙古池鹽河東池鹽一併招商承辦。以有餘補不足。庶可行之永久。從前蒙古販運係

屬私鹽。若一體歸商。則毗連地方皆官引行銷之地。不待多方立禁。而私販自無侵越。亦屬一舉兩得。但欲如此辦理。必須於山西陝甘適中之地。設立鹽政。專司經理。英和初彭齡著會同倭什布方維甸同興將山陝甘三省鹽務。如何一律招商承辦。應於何處設立鹽政。其屬下應設官若干員。衙署建置廉俸等項。需費若干。其行鹽地界。如何分別畫定。每年輸課若干。從前改歸地丁。應行撥還若干。通盤籌畫。妥議章程。具奏。再馬君選從前為蒙古行鹽。伊每年獲利。未必盡歸蒙古。著英和等密行訪查。馬君選獲利若干。其給與阿拉善王者若干。得有準數。以便將來酌給。至山西陝甘各屬民間。均有向食蒙古鹽斤處所。今吉蘭泰鹽池既廢。該民人豈竟淡食。又係何處鹽斤供其食用。亦應訪查明晰。庶可洞曉全局。從長籌議。此一節著各該督撫查明先行覆奏。將此各諭令知之。○山東按

察使李奕疇緣事降調。以陝西潼商道石韞玉為山東按察使。○乙亥。諭內閣。近來吏兵二部。於議處文武官員事件。例應降調者。往往有援引定例。仍於招尾聲敘。應否准抵。請旨定奪。其意不過以部臣原係聲明。雙請。凡從嚴處分者。係屬出自上裁。歸怨於朕。朕為天下共主。原應任勞任怨。而諸大臣必欲市恩邀譽。其意何居。文武官員公私罪案處分。如應降若干級。及應否留任。准抵之處。均有定例可循。部臣自應參酌案情。按照定議。即或例文有未盡賅備。亦當比照確切。酌中定議具奏。俟奏上披閱時。或其人照例處分。本重經朕特加寬宥。此則恩出自上。其或照例處分較輕。而特改從嚴者。朕必降旨宣示。如果部臣原議於定例並無舛誤。朕亦斷不加之責備。若將例應嚴議之案。動以請旨定奪為詞。是部臣欲博寬厚之名。而轉以嚴刻歸之於上。殊非大臣實心任事之道。嗣後吏兵

二部辦理議處案件務當屏除積習詳細覈例公同悉心定議不得輒用請旨定奪字樣為調停兩可之說○又諭直隸舊設官剝船一千五百隻內以一百隻專運銅鉛其一千四百隻豫備剝運糧石歷年辦理無誤何以今年封雇民船紛紛滋弊必係官船缺額始濫用民船充數即從前奏有官船損壞未屆排造之期准其雇覓民船濟運之例亦何至官船全行散缺專藉民船頂補此項官剝船俱有編列字號並火烙印模無難按籍點驗著永瑚素通阿劉權之前往沿河一帶查勘直隸官剝船除年滿應修不計外現在實存可資剝運者共有若干隻虧損無著者共計若干隻原係分撥何州縣經管每州縣承管若干隻本年添雇民船共若干隻是否溢踰原額分別由何州縣封雇解到其江廣新造剝船能否一律堅固如式剝運銅鉛船一百隻是否足數一併詳悉查明據實具奏○旌

表守正捐軀江蘇蕭縣元愬丙子諭內閣據倭什布等奏寧夏府知府何道生與臬司劉大懿係屬兒女姻親應行迴避照例於陝西知府內揀員對調請於同州府知府洪範鳳翔府知府王駿猷漢中府知府朱紱三員內欽定一員與何道生對調等語所奏殊屬非是外省有應行迴避人員在於總督兼轄省分對調者該督撫應酌量缺分繁簡遴選合例之員奏明請旨調補即或該省可調人員內多與例未符無指明堪以對調之人亦應於扣除各員之外慎選一二人出具切實考語分別差等奏明候朕簡用今倭什布將洪範等三員籠統聲敘未注考語履歷並人地是否相宜之處亦未據奏明各直省從無如此辦理者倭什布原摺著駁回其寧夏府知府一缺仍交該督等揀員奏請與何道生對調○又諭前因裘行簡於宋二油餅故殺無名男丐推跌落河身死一案率以屍身

未獲。咨請入緩。當經降旨將裴行簡交部議處。旋據裴行簡奏。檢查乾隆年間有鄭五等推河致斃三案。均係供證確鑿。因屍身未獲。歷經咨部擬緩等語。隨諭令刑部查明此三案是否與宋二油餅一案情節相符。覈實具奏。並將裴行簡暫緩議處。茲據刑部將鄭五等三案查明繕錄進呈。朕詳加披閱。內李三常五二案。均係尋常鬪殺例。應入緩之犯。本非謀故重案。可比。即鄭五等謀殺徐四麻子推河致斃一案。不特屍身未獲。並無證佐可憑。且於原題內已將可疑情節隨本聲敘。今宋二油餅故殺無名男丐。當其扶送過河時。先有渡夫秦宣目擊。復經該犯將故殺情由告知地方秦文剛等。囑勿報官。實與鄭五等一案情節迥不相符。從前顏檢具題時。業據聲明衆證確鑿。即同獄成。將宋二油餅依故殺律問擬斬候。現值辦理秋讞。該署督若以前題為不足信。即當奏明另審。乃輒請入緩。

已屬辦理草率。及至降旨交部議處後。又復援引成案。文飾其非。實屬意存迴護。裴行簡著交部嚴加議處。尋議降二級調用。得旨加恩改為降三級留任。○又諭本日宗人府刑部會奏。審訊宗室徒義等私給民船執照。准令投充各案。分別定擬各摺。此案投充船隻皆係該船戶等圖避差徭。輾轉託人與宗室王公貝勒額駙等屬下護衛人等行求說合所致。而各王公貝勒額駙等應得之咎。總當視其知情與否。分別輕重。若實係知情。即不必論其曾否得贓。其咎總無可逭。徒義於家人奇成阿等。向說船戶田洪如等情願送銀四百兩。將船隻投充當差。輒行聽從。辦給執照。雖贓未入手。而知情屬實。徒義前已革去奉國將軍。著照議圈禁二年。其所擬重責四十板之處。徒義職分本小。支派較遠。不值加以家法處治。非稍從寬宥也。其餘斌等犯均著照刑部所議發落。至綿律身係貝勒。支派

切近乃不知自愛聽從護軍校成寧等慫恿給與船戶投充執照許銀五百兩實屬知情卑鄙膽大妄為綿律前已革去貝勒著於六月初二日派二阿哥三阿哥儀親王成親王慶郡王永璘定親王綿恩會同軍機大臣御前大臣御前額駙御前侍衛向敬事房取出家法將綿律於圓明園奏事門外責處四十並傳集近支宗室王公等看視俾知儆畏綿律仍交宗人府圈禁二年至莊親王綿課怡

實錄卷五

七

親王奕勲貝勒綿譽額駙索特納木多布齋各屬下護衛人等私攬民船朦蔽給照伊等均不知情則當以其屬下人之得贓與否定伊等失察之輕重綿課當差辦事有年乃於護衛德昌等得贓攬船不能即時覺察懲辦其咎較重綿課著退出內廷革去都統毋庸署理領侍衛內大臣並革去黃褂翎枝此次亦毋庸扈從木蘭仍罰職任俸二年奕勲年齒本穉其莊丁舒憫私造執照撞騙攬船亦

已得贓屬實奕勲著不必在上書房讀書伊尚未管事從寬罰職任俸一年綿譽之護軍校福珠隆阿亦經得贓綿譽著退出乾清門並革去黃褂翎枝仍罰職任俸二年此次亦不必扈從木蘭綿課等三人均毋庸再交宗人府議處至額駙索特納木多布齋若知情得贓亦用家法重處革職圈禁不稍寬貸今祇因護衛德成經船戶祁嘉祥等向說投充前赴通州旋即心生畏懼將旗幟徹收不敢

實錄卷五

七

向船戶收錢實係未經得贓索特納木多布齋失察之咎較輕前已革去護軍統領罰職任俸一年已足示懲德昌福珠隆阿舒憫均經得贓著加枷號三箇月滿日發往伊犁當差德成未經得贓著枷號兩箇月滿日發往烏魯木齊當差○阿拉善王瑪哈巴拉請獻吉蘭泰鹽池得旨嘉獎賞三眼花翎在乾清門行走○調鑲白旗蒙古都統丹巴多爾濟為鑲藍旗漢軍都統以都察院左都御史賡

音兼鑲白旗蒙古都統○是月河東河道總督吳璥奏豫東黃河南北兩岸表延一千餘里險工林立而北岸尤關緊要北岸中之至險者又以秦家廠衡家樓二工為最查秦家廠地居北岸上游對岸為廣武山所遏近年生灘寬遠逼溜北趨秦家廠適當其衝又係沁水入黃之處兩水驟注力猛異常嘉慶九年於頭壩迤東建築挑壩一道嗣因溜勢下移隄身潰塌又築越堰一道長四百五十丈以為內障現在溜勢靠南行走埽前漸見淤淤北灘漸寬可望不復折回惟查北面大隄係懷慶衛輝大名等府地方關繫至要大汛時全賴一線長隄為防守之根本向係沙土舊隄易於汕刷必須覓用淤土於頂坦包築方能堅實又秦家廠後西自沁隄尾起至縷隄二堡止計長三千九百四十一丈皆關北岸屏障應一律加培至衡家樓大壩計長六百零五丈埽工四十八段挺入河心而引河

實錄卷一百六十二

十一

頭究未能刷滌甚寬全河至此一束形勢極為緊要現今將喫緊各埽加鑲高厚大壩後身係龍門深塘寬廣三十餘里北風撞掣舊埽幾至刷盡並壩頂亦多塌卸亦須一律補鑲又北首二壩一道埽工殘缺南首迤東長八十丈向無埽工俱應鑲做方資保衛得旨所言皆得要領然亦不可固執地形水勢隨時變更總以勤敬為本通盤籌畫萬全方安

實錄卷一百六十二

十一

大清仁宗受天興運敷化綏猷崇文經武孝恭勤儉端敏英哲睿皇帝實錄卷之一百六十一

大清仁宗受天興運敷化綏猷崇文經武孝恭勤儉端敏英哲睿皇帝實錄卷之一百六十二

修纂官等謹將嘉慶十一年丙寅六月丁丑朔諭軍機大臣等成寧奏安省舊虧完欠銀數並密陳籌補實在情形懇恩展限八年追補一摺查徽省倉庫虧缺嘉慶九年經前撫臣王汝璧查明有可著追者共銀一百三十四萬餘兩分別變抵咨追無可著追者共銀五十五萬餘兩著令現任人員彌補今成寧於到任後據藩司鄂雲布開呈嘉慶九十年已完數目查覈原奏無著銀應歸現任彌補者僅完二十萬餘兩原奏有著銀應咨追變抵者繳銀不

修纂官等謹將嘉慶十一年丙寅六月丁丑朔諭軍機大臣等成寧奏安省舊虧完欠銀數並密陳籌補實在情形懇恩展限八年追補一摺查徽省倉庫虧缺嘉慶九年經前撫臣王汝璧查明有可著追者共銀一百三十四萬餘兩分別變抵咨追無可著追者共銀五十五萬餘兩著令現任人員彌補今成寧於到任後據藩司鄂雲布開呈嘉慶九十年已完數目查覈原奏無著銀應歸現任彌補者僅完二十萬餘兩原奏有著銀應咨追變抵者繳銀不

修纂官等謹將嘉慶十一年丙寅六月丁丑朔諭軍機大臣等成寧奏安省舊虧完欠銀數並密陳籌補實在情形懇恩展限八年追補一摺查徽省倉庫虧缺嘉慶九年經前撫臣王汝璧查明有可著追者共銀一百三十四萬餘兩分別變抵咨追無可著追者共銀五十五萬餘兩著令現任人員彌補今成寧於到任後據藩司鄂雲布開呈嘉慶九十年已完數目查覈原奏無著銀應歸現任彌補者僅完二十萬餘兩原奏有著銀應咨追變抵者繳銀不

修纂官等謹將嘉慶十一年丙寅六月丁丑朔諭軍機大臣等成寧奏安省舊虧完欠銀數並密陳籌補實在情形懇恩展限八年追補一摺查徽省倉庫虧缺嘉慶九年經前撫臣王汝璧查明有可著追者共銀一百三十四萬餘兩分別變抵咨追無可著追者共銀五十五萬餘兩著令現任人員彌補今成寧於到任後據藩司鄂雲布開呈嘉慶九十年已完數目查覈原奏無著銀應歸現任彌補者僅完二十萬餘兩原奏有著銀應咨追變抵者繳銀不

修纂官等謹將嘉慶十一年丙寅六月丁丑朔諭軍機大臣等成寧奏安省舊虧完欠銀數並密陳籌補實在情形懇恩展限八年追補一摺查徽省倉庫虧缺嘉慶九年經前撫臣王汝璧查明有可著追者共銀一百三十四萬餘兩分別變抵咨追無可著追者共銀五十五萬餘兩著令現任人員彌補今成寧於到任後據藩司鄂雲布開呈嘉慶九十年已完數目查覈原奏無著銀應歸現任彌補者僅完二十萬餘兩原奏有著銀應咨追變抵者繳銀不

修纂官等謹將嘉慶十一年丙寅六月丁丑朔諭軍機大臣等成寧奏安省舊虧完欠銀數並密陳籌補實在情形懇恩展限八年追補一摺查徽省倉庫虧缺嘉慶九年經前撫臣王汝璧查明有可著追者共銀一百三十四萬餘兩分別變抵咨追無可著追者共銀五十五萬餘兩著令現任人員彌補今成寧於到任後據藩司鄂雲布開呈嘉慶九十年已完數目查覈原奏無著銀應歸現任彌補者僅完二十萬餘兩原奏有著銀應咨追變抵者繳銀不

修纂官等謹將嘉慶十一年丙寅六月丁丑朔諭軍機大臣等成寧奏安省舊虧完欠銀數並密陳籌補實在情形懇恩展限八年追補一摺查徽省倉庫虧缺嘉慶九年經前撫臣王汝璧查明有可著追者共銀一百三十四萬餘兩分別變抵咨追無可著追者共銀五十五萬餘兩著令現任人員彌補今成寧於到任後據藩司鄂雲布開呈嘉慶九十年已完數目查覈原奏無著銀應歸現任彌補者僅完二十萬餘兩原奏有著銀應咨追變抵者繳銀不

修纂官等謹將嘉慶十一年丙寅六月丁丑朔諭軍機大臣等成寧奏安省舊虧完欠銀數並密陳籌補實在情形懇恩展限八年追補一摺查徽省倉庫虧缺嘉慶九年經前撫臣王汝璧查明有可著追者共銀一百三十四萬餘兩分別變抵咨追無可著追者共銀五十五萬餘兩著令現任人員彌補今成寧於到任後據藩司鄂雲布開呈嘉慶九十年已完數目查覈原奏無著銀應歸現任彌補者僅完二十萬餘兩原奏有著銀應咨追變抵者繳銀不

修纂官等謹將嘉慶十一年丙寅六月丁丑朔諭軍機大臣等成寧奏安省舊虧完欠銀數並密陳籌補實在情形懇恩展限八年追補一摺查徽省倉庫虧缺嘉慶九年經前撫臣王汝璧查明有可著追者共銀一百三十四萬餘兩分別變抵咨追無可著追者共銀五十五萬餘兩著令現任人員彌補今成寧於到任後據藩司鄂雲布開呈嘉慶九十年已完數目查覈原奏無著銀應歸現任彌補者僅完二十萬餘兩原奏有著銀應咨追變抵者繳銀不

修纂官等謹將嘉慶十一年丙寅六月丁丑朔諭軍機大臣等成寧奏安省舊虧完欠銀數並密陳籌補實在情形懇恩展限八年追補一摺查徽省倉庫虧缺嘉慶九年經前撫臣王汝璧查明有可著追者共銀一百三十四萬餘兩分別變抵咨追無可著追者共銀五十五萬餘兩著令現任人員彌補今成寧於到任後據藩司鄂雲布開呈嘉慶九十年已完數目查覈原奏無著銀應歸現任彌補者僅完二十萬餘兩原奏有著銀應咨追變抵者繳銀不

修纂官等謹將嘉慶十一年丙寅六月丁丑朔諭軍機大臣等成寧奏安省舊虧完欠銀數並密陳籌補實在情形懇恩展限八年追補一摺查徽省倉庫虧缺嘉慶九年經前撫臣王汝璧查明有可著追者共銀一百三十四萬餘兩分別變抵咨追無可著追者共銀五十五萬餘兩著令現任人員彌補今成寧於到任後據藩司鄂雲布開呈嘉慶九十年已完數目查覈原奏無著銀應歸現任彌補者僅完二十萬餘兩原奏有著銀應咨追變抵者繳銀不

修纂官等謹將嘉慶十一年丙寅六月丁丑朔諭軍機大臣等成寧奏安省舊虧完欠銀數並密陳籌補實在情形懇恩展限八年追補一摺查徽省倉庫虧缺嘉慶九年經前撫臣王汝璧查明有可著追者共銀一百三十四萬餘兩分別變抵咨追無可著追者共銀五十五萬餘兩著令現任人員彌補今成寧於到任後據藩司鄂雲布開呈嘉慶九十年已完數目查覈原奏無著銀應歸現任彌補者僅完二十萬餘兩原奏有著銀應咨追變抵者繳銀不

修纂官等謹將嘉慶十一年丙寅六月丁丑朔諭軍機大臣等成寧奏安省舊虧完欠銀數並密陳籌補實在情形懇恩展限八年追補一摺查徽省倉庫虧缺嘉慶九年經前撫臣王汝璧查明有可著追者共銀一百三十四萬餘兩分別變抵咨追無可著追者共銀五十五萬餘兩著令現任人員彌補今成寧於到任後據藩司鄂雲布開呈嘉慶九十年已完數目查覈原奏無著銀應歸現任彌補者僅完二十萬餘兩原奏有著銀應咨追變抵者繳銀不

修纂官等謹將嘉慶十一年丙寅六月丁丑朔諭軍機大臣等成寧奏安省舊虧完欠銀數並密陳籌補實在情形懇恩展限八年追補一摺查徽省倉庫虧缺嘉慶九年經前撫臣王汝璧查明有可著追者共銀一百三十四萬餘兩分別變抵咨追無可著追者共銀五十五萬餘兩著令現任人員彌補今成寧於到任後據藩司鄂雲布開呈嘉慶九十年已完數目查覈原奏無著銀應歸現任彌補者僅完二十萬餘兩原奏有著銀應咨追變抵者繳銀不

修纂官等謹將嘉慶十一年丙寅六月丁丑朔諭軍機大臣等成寧奏安省舊虧完欠銀數並密陳籌補實在情形懇恩展限八年追補一摺查徽省倉庫虧缺嘉慶九年經前撫臣王汝璧查明有可著追者共銀一百三十四萬餘兩分別變抵咨追無可著追者共銀五十五萬餘兩著令現任人員彌補今成寧於到任後據藩司鄂雲布開呈嘉慶九十年已完數目查覈原奏無著銀應歸現任彌補者僅完二十萬餘兩原奏有著銀應咨追變抵者繳銀不

修纂官等謹將嘉慶十一年丙寅六月丁丑朔諭軍機大臣等成寧奏安省舊虧完欠銀數並密陳籌補實在情形懇恩展限八年追補一摺查徽省倉庫虧缺嘉慶九年經前撫臣王汝璧查明有可著追者共銀一百三十四萬餘兩分別變抵咨追無可著追者共銀五十五萬餘兩著令現任人員彌補今成寧於到任後據藩司鄂雲布開呈嘉慶九十年已完數目查覈原奏無著銀應歸現任彌補者僅完二十萬餘兩原奏有著銀應咨追變抵者繳銀不

修纂官等謹將嘉慶十一年丙寅六月丁丑朔諭軍機大臣等成寧奏安省舊虧完欠銀數並密陳籌補實在情形懇恩展限八年追補一摺查徽省倉庫虧缺嘉慶九年經前撫臣王汝璧查明有可著追者共銀一百三十四萬餘兩分別變抵咨追無可著追者共銀五十五萬餘兩著令現任人員彌補今成寧於到任後據藩司鄂雲布開呈嘉慶九十年已完數目查覈原奏無著銀應歸現任彌補者僅完二十萬餘兩原奏有著銀應咨追變抵者繳銀不

修纂官等謹將嘉慶十一年丙寅六月丁丑朔諭軍機大臣等成寧奏安省舊虧完欠銀數並密陳籌補實在情形懇恩展限八年追補一摺查徽省倉庫虧缺嘉慶九年經前撫臣王汝璧查明有可著追者共銀一百三十四萬餘兩分別變抵咨追無可著追者共銀五十五萬餘兩著令現任人員彌補今成寧於到任後據藩司鄂雲布開呈嘉慶九十年已完數目查覈原奏無著銀應歸現任彌補者僅完二十萬餘兩原奏有著銀應咨追變抵者繳銀不

及十分之一等語所奏自係實在情形此項

無著銀兩各州縣既不能如限完繳其原查

有著之項將來咨追無著為數不少亦須著

落現任彌補更難照原定四年之限一律完

清所有安省原虧無著有著應行彌補銀兩

自嘉慶十一年為始著加恩予限八年該撫

務須照所定章程責成現任上緊彌補其既

經完補後斷不容再有續虧成寧現將查出

續虧之毫州奏所辦甚是嗣後仍不時留

心並著於每年補足若干之處據實奏報一

次以憑查覈如八年限滿仍不能全數補清

惟該撫是問將此諭令知之○以守禦臺灣

鳳山嘉義等城出力賞都司許律斌花翎知

縣陳起鯤等藍翎餘升賞有差○戊寅調刑

部尚書姜晟為工部尚書工部尚書秦承恩

為刑部尚書○己卯諭軍機大臣等朕恭閱

皇考高宗純皇帝實錄恭載乾隆五十五年八

月內欽奉

皇考高宗純皇帝實錄恭載乾隆五十五年八

諭旨沿海各省設立戰船原以捍禦海疆巡哨洋面。聞繫募重水師兵丁自以試演水務為急。乃該弁兵等輒稱船身笨重。雇用民船。其意以民船出海捕盜。俱用本船舵水不須兵丁駕駛。是以藉詞推諉。該弁兵止習馬射鎗礮等項。而於水師營務轉不留心學習。用違所長。殊非覈實之道。著各督撫等嚴飭舟師實力訓練。俾駕駛嫺熟。於戰船出入風濤務期帆舵得力。各督撫於考拔時令其操駕。遂船涸水出沒留心驗看。如果合式。方准拔補。似此行之日久。自能悉臻純熟。便於行駛。於水師實有裨益。欽此。仰見我皇考慎重海疆。簡練舟師至意。各督撫等如果實力欽遵。則水師兵丁自能嫺習駕駛。於出海巡哨。又何須別資舵工。乃近來該弁兵等於操駕事宜。全不熟習。遇放洋之時。仍係另行雇募。此等舵工技藝高下迴殊。其雇值亦貴賤懸絕。向來各省商船俱不惜重價雇募。

能致得力舵工至兵丁等出資轉雇。價值有限。往往合該兵丁等數名分例。亦僅得次等舵工。是名為舟師。實不諳習水務。又豈能責其上緊緝捕乎。若水師不能操舟。即如馬兵不能乘騎。豈非笑談。戰船出沒風濤。呼吸之間。一船生命所繫。若非操駕得力。有恃無恐。焉能追駛如意。此於水師捕務關係不淺。嗣後著沿海各督撫均行通飭。所管舟師勒期訓練。務令弁兵等於轉帆換舵折戣駕駛及涸水出沒各技藝。人人嫺習。擇其最優者。派令充當舵工。專管操駕。如果超眾出力。以兵而收數兵之效。念其所得分例有限。又何妨即以把總超拔。優給糧餉。儻能屢次出洋。加倍勤奮。於本船緝捕有效。並著該督撫據實奏聞。自必隨時施恩升擢。如此明示獎勵。則水師弁兵豈不人人踴躍奮勉爭先。更可收得人之效。該督撫等務當實力奉行酌量妥辦。具奏以期水師營伍日有起色。綏靖海

洋將此各傳諭知之○庚辰諭內閣成都將軍慶成此次陛見來京朕於召對時念及伊勤捕邪匪曾經殺賊立功身受兩傷節經施恩優渥因降旨詢問會否賞過雙眼花翎緣事革去據慶成奏伊於乾隆五十三年在副將任內隨孫士毅出兵安南曾經賞給總兵銜得有雙眼花翎在任已經戴用嗣奉

諭來京伊先見和珅和珅告伊現已撤兵不應

戴用伊是以不戴屢蒙

召見總未言及又嘉慶二年勤捕邪匪拏獲賊

首劉啟榮解京時

高宗純皇帝欲賞伊雙眼花翎又經和珅奏止

等語及詢以此語聞自何人又不能指出因

命軍機大臣傳旨詢問伊隨征安南時究因

何事

賞戴雙眼花翎據稱因帶兵過富良江直抵黎

城較衆出力是以

賞給並稱此次

恩旨係孫士毅於具奏懇辭公爵及寶石頂帶

摺內仰蒙

硃筆批迴等語經軍機大臣據以入奏朕當覺

其語涉荒唐即慶桂等亦僉稱所言未必可

信隨命將從前辦理安南軍務時

諭旨檔案並

硃批孫士毅具奏原摺詳悉檢查本日據慶桂

等奏稱詳查

諭旨奏摺俱無此事朕親自恭閱實無此

諭旨奏摺內亦無此

硃批因又命軍機大臣傳旨詰問伊初猶託辭

係由孫士毅在彼札知其原札因日久無存

迨加以駁詢始稱委緣希冀邀恩信口誑奏

今既查明自問實屬冒昧懇求治罪等語我

皇考所行大經大法朕實不逮萬一然亦非癡

愚闇弱之主慶成喪心病狂任意面欺殊出

情理之外雙眼花翎逾格懋賞非將佐偏裨

所可倖邀慶成隨征安南時祇係副將因拏獲賊匪陳名炳經孫士毅保奏

賞戴花翎以應升之缺升用並未先給總兵升銜焉能遽邀曠典如果曾經

賞戴雙眼花翎伊回京時並未奏繳彼時留京供職洊擢副都統侍郎在乾清門侍衛上行走豈有不蒙

垂詢之理況當日果有

特恩賞錫豈和坤一語即能撤去即如所言慶

成於拏獲劉啟榮時業經用至大員蒙

賞雙眼花翎和坤尚行奏止則伊在安南隨征時祇係副將和坤豈有轉不奏止之理乎是其前後所言自相矛盾理屈詞窮更無可置喙矣慶成前在軍營曾獲罪譴經朕棄瑕錄用擢至成都將軍職分優崇乃在朕前恣行欺罔昧良辜恩莫此為甚伊前此帶兵時於一切奏報打仗殺賊其詭飾之處不知凡幾挾詐冒功視為慣技今於朕前尚敢如此面

欺無所忌憚竟係天奪其魄使其虛誑之罪自行敗露實屬罪由自取受譴更何所辭慶成若非屢立戰功且曾經受傷應即予正法部按欺罔律治罪定擬上時竟當即予正法姑念慶成前在三省軍營雖多粉飾但既受傷朕心究覺不忍功疑惟重姑從寬賞其一線慶成著革職發往黑龍江効力贖罪並著派乾清門侍衛格布舍阿那保軍機章京福綿押交兵部令其即日起身其前日恩賞綬

緞紗匹等件均行追繳朕念其勞姑薄其罰內外大小臣工如有似此喪心欺罔者必執法無赦勿謂可以概邀寬典也朕可欺

天不可欺勿視欺罔為兒戲是自蹈陷阱矣將此通諭中外知之○以甘肅提督特清額為成都將軍甘肅涼州鎮總兵官百祥為提督陝西軍標副將倭星額為涼州鎮總兵官○辛巳旌表守正捐軀江蘇銅山縣民岑和妻張氏○癸未諭內閣據全保等奏黔省運員

范光晉續借水脚銀兩飭催趙運一摺范光晉領運京鉛係屬上運其抵楚轉在下運吳名馨王志敬二起之後業因水脚不敷於湖北藩庫循例借支銀五百兩迨押催開行又以沿途患病守風守水資斧告罄稟請再借銀一千五百兩該督等查明該運員在川耽延一年有餘行抵漢口又停留多日恐誤鼓鑄即照稟借給押令開幫趙運該運員任意耽延濫借銀兩該督等既經查明即應將該員截留查辦一面另委委員接運乃輒如數借給仍令開運辦理實屬非是計此時該員行走當亦不遠著沿途督撫查明現抵何處即傳旨將范光晉解任傳到訊問將其在川因何耽延年餘在黔領過水脚若干因何到楚借領多銀其所稱患病守風守水之處有無證據是否捏飾詳細訊明具奏其所運京鉛即著該督撫等就近遴派委員迅速接運至范光晉在川因何耽延年餘之各川省原

派督催大員因何不催令趙行及在黔省會否領過水脚銀兩之處並著勒保福慶各行查明據實具奏○諭軍機大臣等邵自昌奏考試福寧府有福安縣學武生章龍呈遞平海狀平海論一紙將原呈鈔錄呈覽請旨辦理一摺朕閱該武生呈詞固無足備採擇然尚無違礙字句止於文理不通亦不必遽加懲治但究非安分之人著發交該學教官嚴行管束毋許出外滋事至邵自昌係風憲大員出膺學使於地方吏治民瘼所關自應隨時採訪入告此時閩省因蔡牽在洋滋擾官兵分路攻圍王德李殿圖身任督撫有年諸事因循貽誤以致海盜日形猖獗該學政自當確有見聞乃並無一語陳奏殊屬非是茅元銘即汝前車之鑒著傳旨申飭仍著於接奉此旨後將該省現在緝捕蔡牽情形如何方可就獲王德在彼聲名如何有無別項款蹟水師營汛如何廢弛李殿圖辦理地方事

務如何因循懈緩。並該省內地奸徒如何通盜接濟水米火藥之處。一一查訪詳悉據實具奏。毋得再事緘默。尋覆奏玉德在閩多年。聞其待營員太寬。水師尤為疲玩。又性好自用。視人皆不若己。屬下無能盡言。及巡查各處。隨帶之人不能減少。此外款蹟實未有聞。李殿圖以軍務事隸總督。不相攬越。曾以玉德不能受言。向臣言之。其辦理地方事務。聲名尚好。至奸徒通盜濟匪。最為可恨。其中有實係匪徒。同惡相濟。亦有沿海居住。畏其焚殺。又不能遠徙。致為脅從。凡沿海地方。多不能免。至水師著名能事者。皆稱提臣李長庚。然蔡牽至今尚未就擒。或言其亦有不盡力之時。緣海上風濤難測。往往兩舟相望。不過數丈。而為風浪阻隔。始終不得相近。李長庚以一人尾追。忽南忽北。喘息不遑。前無攔截。旁無協助。或風勢不便。或眾寡不敵。暫為遲緩。姑作自全。亦情勢所有。現在撫臣溫承惠

遵旨改造船隻。調派兵將。臣雖不能得其備細。似以李長庚一人難於成功。因為多設網羅之計。又聞奏調鎮臣徐錕駐劄三沙。三沙為蔡牽奔竄休歇之所。徐錕前任浙江溫州平陽副將。與三沙甚近。情形為所素悉。辦理應當得力。督臣阿林保現已到任。協力同心。大加整頓。自可肅清。得旨。所論俱是。○甲申。上御勤政殿聽政。○諭內閣。戶部奏本年滇省頭運銅船係於八月開幫。沿途經過省分。請各派藩臬一員照料一摺。已於單內派出矣。京運銅鉛攸關鼓鑄。乾隆年間曾欽奉諭旨。特派藩臬大員經理其事。業經定有章程。係指滇銅而言。其實錢局需用銅鉛並重。近年以來。各該省辦理拘泥於滇銅過境之日。尚知照料催趲。而於鉛船到境時。則不復留意。以致節年京局需用鉛斤。多有遲滯。殊於鼓鑄有礙。嗣後銅船鉛船沿途經過之處。著責成派出之各該省藩臬等一體實力催趲。

毋得少有延誤○又諭刑部議駁襄行簡奏審擬叅革都司官祿藉端科斂出關客民錢文因公支用一摺此案官祿於出關客民到營驗票掛號每張索紙筆費東錢二百數制錢三十三文雖據襄行簡奏稱審係官祿以遞解人犯修蓋官廳並置備烏鎗等項需費無措藉端科斂但營中幫貼公用自有定例應行報銷之款即或例不開銷亦當詳明籌款辦理何得藉口公用率意索取錢文況官

祿係於上年春間始令客民出錢幫貼則前此營中公用之項又從何支發其為需索入已情弊顯然何得故為開脫避重就輕又蹈軟弱因循之惡習矣再定例因公科斂係專指有司官吏科斂所屬財物管軍官吏科斂軍人錢糧而言今官祿係管軍之官所斂錢文俱係出關客民並非營中所屬襄行簡援照科斂例坐贓論罪所辦殊未允協著即查照部駁情節提集案內人證詳細研訊另行

定擬具奏○以光祿寺卿劉權之為內閣學士兼禮部侍郎銜○乙酉諭內閣昨據陳嗣龍叅奏熊枚於山東民婦盛姜氏同姪孫盛德馨在都察院呈控盛中節被人毆斃地方官延擱未結一案陳嗣龍以此事應奏熊枚答以尚須商量陳嗣龍即稱其模樣任性作威欺陵同列並稱熊枚前在江蘇後官刑部聲名俱屬平常等語當經派令慶桂費淳戴衢亨鄒炳泰傳到熊枚陳嗣龍面行詢問據

各自行繕片登答實係因商辦公事彼此爭辯至於微色發聲均屬非體至所稱熊枚前在江蘇後官刑部聲名平常一節陳嗣龍並不能確有指證業經慶桂等議請將伊二人一併交部議處本日正在降旨辦理聞又據陳嗣龍續叅熊枚巧言支飾並稱昨日蒙派大臣傳詢熊枚裝點體面話巧言如簧以逞譖毀伎倆並自稱其孤根拙於自為致遭眾忌屢觸危機等語竟似伊獄獄懷方熊枚不

可一日立於朝者而閱其摺內又並無實在款蹟朕君臨天下即治匹夫之罪亦必覈實定案况熊枚為一品大臣斷無不加察實即予褫黜之理即如慶成面肆欺罔一經得實即加黜革發遣熊枚之罪未實豈有究治之理朕若偏袒熊枚日前尚肯左遷乎因將陳嗣龍原摺用硃筆標出交慶桂等向伊詢問並令將熊枚平素有何劣蹟據實直陳以憑覈辦旋據陳嗣龍繕片奏呈於熊枚有何款蹟之處仍不能確指一事其所云致遭衆忌屢觸危機者則稱伊官學士時有一人在伊寓街倒卧忽有蜚語傳稱係從伊寓扶出隨經刑部衙役將其門丁跟班車夫打雜人等傳去刑訊監禁累問可是喝令毆斃等語此事已閱多年與本案全無干涉從何牽引入奏直同囁語且當時果有此事或刑部就近傳伊家丁訊問訪質亦屬事之所有若如所言則是非刑誣服直同前明鎮撫司拷問矣

我朝安得有此秕政乎又據稱此事直至伊以講官侍懋勤殿班蒙

高宗純皇帝垂問姓名官階甲第

諭令記名以應升之缺題奏其時刑部堂官胡

季堂姜晟皆跪聆

天語遭逢

異數事始得白等語尤不成話我

皇考於翰詹等官侍班時仰蒙

垂詢問予升擢亦所時有若陳嗣龍彼時果於

命案實有關涉國憲具在宣刑部堂官等聞

知記名升擢遂交相畏懼置之不問有是理

乎又據稱伊於甲子閣後叅奏同官一事侍

郎廣興曾言伊其時亦幾危矣等語前年陳

嗣龍叅奏一業經朕派令軍機大臣等審訊

明確將汪承霈等分別懲處陳嗣龍原叅得

實安然無恙有何可危之處至謂熊枚巧言

如簧即是指其欺飾處東拉西扯更不成話

其謂熊枚作體面話者謂其於傳詢時自稱

身為大臣累任刑工二部尚書不肯模稜其實在衙門時係專舉面奏工部一事為不模稜之證等語熊枚本為二部尚書即昨日登荅時增出刑部亦何得為體面話耶又稱其登荅時多有改換隱飾處則因江省上高縣丞具控一案陳嗣龍初意欲請派現在江南之侍郎戴均元審辦熊枚改稱伊欲請欽差等語戴均元原係欽差何改換之有至稱熊枚近來愛憎任意議論不公二語乃是陳嗣

龍自述心病矣看來陳嗣龍信口攬撫語無倫次竟係近日見熊枚左遷私心揣測謂朕意或有憎厭因而搜求其短連章劾奏殊不知朕於諸臣工權衡黜陟一秉大公豈因伊一言細故遽將熊枚罷斥乎前代大臣中議事往往有各執一說紛然聚訟至於交章糾劾者乃屬因公爭論戴之史冊且不免後世訾議若似此挾私逞忿嘵嘵瀆聽尚復成何事體陳嗣龍身任副都御史有年在言官中

職分較崇乃於國計民生大政所關從未有言建白但以此等口舌細微之事再三陳奏實不稱臺長之任本應即予革職姑念其學問尚好居官並無別項劣款著加恩降為翰林院編修在國史館纂修上行走仍著該館總裁隨時查察如或稍有怨望及越分妄為之事即著據實叅奏是則罪由自取朕不能再為寬貸矣至熊枚身為臺諫領袖遇有公事自應和衷商榷乃因陳嗣龍有譏伊模

稜之語輒於公署負氣爭辯亦屬不合著交部議處所有盛姓控案著都察院堂官查覈即行具奏○又諭襄行簡奏查明天津楊村書役雇船滋弊分別酌辦一摺天津等處攬船經紀雇船書役現經襄行簡查出均有訛索賣放情事必當嚴辦示懲該署督請將該犯等於犯事地方枷號示衆滿日各照原籍地方定地充徒所辦固是但枷號或一月或兩月滿日即照例發落尚不足以示儆現在

南糧正屆過津抵通需用剝船喫緊之時祇緣該經紀書役任意記索以致各船戶紛紛投充莫免差徭釀成巨案此等蠹胥猾吏實為可恨所有經紀于添德沈際盛劉永盛縣役王洪亮于世英韓金聲廳書李銓郝文陞廳役朱順國王國玉車連胥進祐等十二犯著於沿河地方枷號示衆俟糧艘埽數回空之日再行照例辦理楊村通判廖雲著昨據賡音等參奏該通判於幫船赴領剝船時任令家人胥役勒索使費已有旨將廖雲著革職交瑚素通阿劉權之審擬具奏天津縣知縣陸費元鑽於胥役得錢舞弊漫無約束非尋常失察可比即著革職毋庸再交部議道員沈長春胡鈺均未能先事覺察亦有應得之咎俱著交部議處該署督襄行簡未能豫行飭屬妥協辦理著交部察議至官剝船現存數目及虧短緣由業據瑚素通阿劉權之將查勘情形先後奏到此項剝船自嘉慶五

年議歸南北運河十一州縣分管以來已漸有損壞迨經六年大水衝淌遺失者又多其時經陳大文奏明漂失及不堪修整船四百隻距排造之期不遠請將所領工艚銀雇用民船頂補從此該州縣遂以雇船頂補為故常轉置官剝於不問即有應行修整者亦任其損壞漫不經心並不照例賠修實屬玩愒誤公所有現經瑚素通阿等查出八年損失船七十二隻九年損失船七十六隻十年損失船九十三隻本年損失船一百八十三隻著查明五年以後總督至經管之州縣等官將節年損失船隻應行修造銀兩一律按數賠出以為修艚官剝之用至官剝船向來定有年限分起排造瑚素通阿等現查明由本年計算不過一二年後各限排造完竣即足一千五百隻之數可敷剝運自毋庸再雇民船惟是此種官剝船隻若無人經管駕駛任其漂泊河干雨淋日晒自難經久不壞現據

查原議令船戶閒時攬載營生四月以後不准遠離會泊河干待剝漕糧即禁止封雇民船立法原為周備但恐該船戶等視為官物不故意照料將船隻損壞損失應如何責令著落賠修之處必須明定條例以專責成仍著該署督悉心妥議具奏至歷年辦理不善之該管地方官及失察各上司並著該署督查取職名送部分別議處○以宗人府府丞蔣予蒲為都察院左副都御史○緩徵湖南

武陵龍陽澧三州縣水災新舊額賦及未完隄工種麥工本銀○丁亥諭內閣宗人府會同刑部審擬綿傳私給執照准令船戶投充漁利各等情一摺綿傳身係近支宗室官居侍衛乃不知自愛輒因告病假私行出京已干例禁且聽從民人王廷錫等慫恿貪利給與船戶執照並親往楊村地方查看船隻甚至至在客店內招土娼同飲致被縣役邵成毆打復親寫挾妓飲酒字據給與李四為憑迨

回京後轉向步軍統領衙門呈告種種卑鄙無恥不堪已極伊既不知自愛全朕體面朕亦難援議親之典必須加重辦理保全宗室宗人府請將綿傳照前辦徙義之案酌加兩倍問擬園禁六年滿日交宗人府嚴行管束辦理過輕徙義所犯止在准令船戶投充希冀得財綿傳係近支宗室與綿律等綿律罪案祇係知情投充給與船戶執照並未有私行出京及各項劣跡今綿傳所犯較之綿律

情罪尤重更應嚴辦示懲綿傳前已革去侍衛著於十三日仍派二阿哥三阿哥儀親王成親王慶郡王永璘定親王綿恩會同軍機大臣御前大臣御前額駙御前侍衛向敬事房取出家法將綿傳於圓明園奏事門外責處四十並傳集近支宗室王公等看視俾知儆畏即著和郡王綿脩派伊府內護衛二名押帶綿傳即日起身前往盛京交富俊嚴行管束園禁六年滿日即在盛京居住如沿途

稍有疏虞。惟綿備是問。若將來在盛京居住。或再有不法。妄為及潛行脫逃情事。即著該將軍奏聞。按國法辦理。餘依議。○諭軍機大臣等。本日德楞泰奏。閩浙洋面日久未靖。緣由請旨籌辦一摺。所奏皆是水賊之肆。惡惟在海洋。而水師之資生。皆在岸上。盜匪所需。水米火藥鉛彈。以及桅蓬纜索之類。經年累月。用之不窮。從不見有匱竭。此斷非一二奸徒。些須接濟。自必各口岸附近處所有大夥奸黨。設立窩巢。為之源源經理。屢經降旨。該督撫等嚴查口岸。總不實力奉行。即聞或拏獲一二起。接濟之犯。亦總非大起窩家。不過地方官藉以塞責。殊為有名無實。此等奸夥。大率皆與地方文武衙門兵役人等。通同一氣。此時一經查辦。必即走漏消息。不可不防。著該督撫等。即嚴飭地方官密行訪拏。或自擇署中親信明幹之人。妥為辦理。總不可假手兵役。稍涉聲張。無益於事。地方官如果能

將此等大起奸夥。拏獲一二起。准該督撫等據實保奏。朕必格外施恩。即拏獲之犯。本在該管地方。亦當據實聲明。不但從前失察之咎。可以邀免。仍當加恩。升擢俾官員共知奮勉。至於編查保甲一事。原所以巡查奸宄。地方官平素即應辦理。何況洋盜未靖之時。各州縣所管沿海村莊。本屬無幾。何難逐一編查。令其互相舉發。如有通盜濟匪之徒。潛匿該處。應畧倣古人什伍連坐之法。若慮沿海地方戶口畸零。難以編查。亦當設法辦理。務使奸黨無所容身。方為經久善策。議者必又以編查保甲。不過徒資胥吏勒索。此皆無能畏事之見。斷不可聽。天下無不可辦之事。惟在實心實力。耳。德楞泰摺內。又稱洋盜買貨銷贓。自必寄頓岸上。請令地方官出示曉諭。如有為盜匪囤積貨財。銷買贓物者。准其據實首報。即將盜贓賞給等語。小民惟利是圖。若果首報之後。即將盜贓全行賞給。既免通

盜之罪又可坐擁厚貲孰不紛紛報出必應如此辦理以上各條全在該督撫認真查辦所謂正本清源有實心必有實效此外如水師船隻遵照前旨辦理高大堅固兵丁口食如有不敷不妨量為增添俾得寬裕再責令將領統率跟追窮賊所向庶洋面可以肅清地方獲臻寧謐將此傳諭海疆各督撫知之○以鑲藍旗滿洲副都統晉隆為正白旗蒙古都統正白旗護軍統領扎郎阿為鑲藍旗滿洲副都統禮部右侍郎桂芳兼正白旗護軍統領○戊子

上幸靜明園詣龍神廟拈香○命宗室王公及族長等訓迪宗族諭內閣我國家篤念本支列聖相承優待宗室視前代有加不惟祿秩豐厚恩意相聯即尋常過失尚得援議親之典量為寬貸實我祖

宗推恩錫類之仁朕嗣守丕基首崇敦睦嘉與我宗族公姓等共沐昇平永綏福祚宗室等派衍天潢惟當各知自愛謹守法度既以自全顏面亦所以全天家一體之恩乃近日宗室不自檢束致干吏議者不一而足朕實深慙愧管理宗室之王公未必關切惟知職掌簿書耳綿律綿傳皆以近支宗室任意妄為朕不得不以家法懲治此正朕厚待宗親丁寧教誡之至意若伊等不深體朕意轉謂朕薄待宗室此則全無本心矣王等試思綿律身係貝勒聽從伊屬下慙慙私許船戶投充冀得錢財綿傳官居侍衛因告病私自出京擅給船戶執照並親往查看船隻甚至挾妓飲酒致被縣役毆打復親書字據為人挾制其卑鄙無恥至於此極昨日定案摺內敘及綿傳在店房飲酒之時有武清縣家人前往理論聲稱果係宗室不應在此挾妓飲酒之語以此等微賤廝役尚知宗室不應如此行

為而綿傳轉不自顧惜彼即不自愛顏面寧不思為伊祖父稍存顏面乎朕此時若尚援議親之典曲加寬貸則伊等不知儆畏放僻邪侈何所顧忌必致有身罹憲典者是愛之適以害之又豈保全宗室之道乎朕是以先後降旨將綿律綿傳各用法責處分別年限園禁內綿傳劣蹟尤甚並於盛京園禁年滿之日飭令在彼居住此乃朕慮宗室之陷於刑辟不得已懲誠之苦心也至宗室王貝

勒貝子公暨朕所點派各族長皆有管教宗

室之責

情誼亦倍應關切如果伊等留心教導亦何至有此等不肖之人待朕懲處乃伊等平日於近支宗派均漠不相關毫無董勸致令踰閑蕩檢重蹈愆尤即如綿傳乃係和郡王綿循堂弟昨日綿傳犯事之後綿循尚不自知慙悚奏請議處一似與伊毫無干涉者平日之友愛可知矣而管理宗人府王公亦未將族長等奏請處分經朕降旨飭諭始

各行陳請是伊等心存膜視全不以宗室為念一味姑容直至伊等犯事之後令朕不得不辦豈非伊等自居寬厚祇知市恩邀譽欲以嚴厲歸之於朕此誠何心試思宗室王公等高爵厚祿豈不當共體朕心承宣德意況訓迪宗族非獨國事即係家事何乃視同陌路不戚然於厥心乎近來宗室王公於經管事件非全不在意即任所欲為往往獨出主見而共事之人見有一人倡議即相率推諉

不復過問即使所辦未妥寧與同任其過終

於不發一言

豈實心為公之道即各部院衙門設有管理之大學士及滿漢尚書侍郎凡有公事俱當和衷商酌務臻周妥若祇一人專擅而其餘堂官俱拱手緘默安用衆堂官為乎嗣後宗室親王郡王貝勒貝子公及各族長等均當屏除積習殫竭乃心於所管宗室等尤當隨時教誨加意管束俾伊等各知檢攝免蹈非為庶得長承恩澤無負朕諄諄

訓誠保全宗室至意即以上副

祖

宗篤祐深仁朕實有厚望焉此旨著交上書房存記一通宗人府衙門存記一通並著宗室王貝勒貝子公等各行繕錄一分朝夕觀覽俾知省惕○又諭晉隆補授正白旗蒙古都統因在紫禁城內進班差人呈遞謝恩摺致誤召見在京王公大臣等謝恩理宜親遞奏摺晉隆若因在紫禁城進班不能早至即可

實錄卷五

五

於下班日赴園親身呈遞况朕今日在靜明園辦事召見各大臣已交辰刻晉隆即係進班紫禁城門於卯時即開輕騎而來儘可不誤召見乃辰刻尚未趕到顯係自謂身係宗室公爵安輿而行以致遲誤實屬錯謬著革去都統亦不必進領侍衛內大臣班照例上朝仍著罰公俸一年以示懲儆○以鄭親王烏爾恭阿為正白旗蒙古都統○緩徵陝西留壩鳳二廳縣水災本年額賦○己丑諭內

閣昨因晉隆於陳奏謝恩事件並不親赴宮門呈遞已另降諭旨將晉隆及誤行接收之奏事官分別懲處矣滿漢文武大臣等年逾六旬以外者前經准令於趨朝入直之期差人先遞膳牌以示體恤至遇有自行陳奏事件及本身謝恩等事自仍當躬親呈遞其年在六旬以內者無論膳牌摺奏俱不准差人代遞該文武大臣等各宜凜遵訓諭嗣後儻復有率意差人代遞者奏事官著不准接收

實錄卷五

五

○庚寅復設南河副總河缺諭內閣本年江境湖河異漲高堰一帶隄工全賴先期加築子堰得以保衛無虞現在清水暢注河口歷年所積淤沙刷滌殆盡已復三分入運七分入黃舊制實為南河一大轉機戴均元自上年冬閒派往工次與鐵保徐端籌議宣防俱能悉心妥辦且駐工將近一載現在修補高堰各工及籌辦一切疏濬事宜正資經理因思從前南河原設有正副河督二員後經裁

徹現當辦理河工喫緊之時。自可仍復舊制。戴均元著授為江南河道總督。至徐端熟諳工程。練習河務。操守亦好。惟聞其於屬員功過勸懲之處。未能果斷。著授為副總河。伊二人惟當努力協心。集思廣益。務期經理周詳。工程鞏固。方為不負委任。所有正副總河應支廉俸及衙署印信。有無應行酌辦之處。著各該部查照舊例。奏聞辦理。尋奏副總河應支養廉銀六千兩。得旨。徐端在總河任內原

實錄卷一百六十三

五

支養廉八千兩。若減至六千。恐不足資辦公。著加恩賞給七千兩。○又諭襄行簡奏雲南運銅委員譚明禮在途丁憂。現派員迎往接運。恐盤兌需時。請令丁憂之員隨接運之員一同到京。俟交盤清楚。再令回籍守制等語。所奏殊屬非是。運解銅鉛官員在途丁憂。派員接運。定例將所運銅鉛交收清楚。方准回籍守制。如有虧短接運之員。原可據實揭報。責令賠補。於公務私情兩無妨礙。今襄行簡

欲令丁憂運員隨船到京。交兌銅鉛。是轉類於奪情。非所以示體恤。所有丁憂運員。譚明禮著該署督行令接運之員盤驗。結收清楚。後即飭令回籍守制。○又諭阿林保奏。請將停運閩米。分別出糶。撥貯一摺。湖南豫備協濟。閩省米石。停止撥運。所有已碾倉穀。難以久貯。著照所請。准其照常年平糶之例。酌減出糶。但平糶米石。原期有裨民食。不可任聽奸商收買囤積。及胥役從中包攬漁利。本年

實錄卷一百六十三

五

京城設廠平糶。經朕特派部院大員及侍衛等分廠稽查。尚有囤戶捏買居奇。當即嚴拏懲治。此次該省出糶米石較多。著護撫韓鈞選派廉能之員實心經理。嚴杜囤積包攬等弊。俾小民均沾實惠。其糶價提存司庫。俟糧價平減時。照數買補還倉。至採買穀石。未經碾動各州縣。即著盤明另覈封貯。俟該州縣有動缺倉穀。用以抵補。以省疊派採買之煩。○轉吏部右侍郎潘世恩為左侍郎。調工部

右侍郎曹振鏞為吏部右侍郎以內閣學士
周兆基為工部右侍郎太常寺卿陳霞蔚為
內閣學士兼禮部侍郎銜

實錄卷五十五

五

大清仁宗受天興運敷化綏猷崇文經武孝恭
勤儉端敏英哲睿皇帝實錄卷之一百六十二

大清仁宗受天興運敷化綏猷崇文經武孝恭
勤儉端敏英哲睿皇帝實錄卷之一百六十三

教修

嘉慶十一年丙寅六月壬辰諭內閣倭什布

實錄卷五十六

下

方維甸會奏酌籌停止會哨官兵一摺據稱
川陝邊界前經酌留兵九百名以三百名會
哨六百名巡緝現在邊界肅清請將此項官
兵裁撤各歸本汛操防等語川陝邊界前此
甫經安輯恐大山老林中不免有匪徒涸跡
是以留兵巡哨今肅清日久民氣恬熙據該
督撫等奏稱沿邊新設營卡基布星羅足資
查緝所有前派會哨巡緝官兵自應即時裁
撤歸伍操防應給鹽糧一體停止至所奏川

楚陝交界地方前於七年冬閒經額勒登保等奏令三省提督每年十月會哨一次。總兵每年二八月會哨兩次。准帶兵五百名及一千名。今請一併停止。仍令固原提督於每年十月到陝一次。巡查山內邊界。查閱營伍。祇須酌帶兵一百名。陝安鎮總兵則於每年二月巡查邊界營汛一次。祇令帶兵五十名等語。前令提鎮帶兵會哨。原因山內遺孽或有未靖。必須示以軍威。藉資彈壓。現在地方安堵。若仍令提鎮定期帶領多兵會哨。不特徒滋糜費。且恐山內即有匪徒潛匿。行蹤詭秘。知大員領兵入山。轉得藏身自固。仍於緝捕有名無實。而此千餘官兵往來其間。設約束稍疏。難保不別滋事端。自應停止會哨。仍著照所請。每年令固原提督陝安鎮總兵酌帶官兵分赴邊界巡查一次。但邊界綿長。客民雜處。總在地方文武平素留心稽察。奸宄隨時搜緝。使宵小無由託跡。地方自可永靖。該

督撫務當督飭所屬實力奉行。其四川湖北兩省邊界前議提鎮帶兵會哨之處。亦著一體停止。仍著該督等各就本省地方情形酌定章程。隨時飭屬認真查緝。慎勿視為具文。致涉疏懈。○癸巳

上幸萬壽山詣

廣潤祠拈香。○諭內閣。正白旗漢軍都統博興等奏據三等伯孫均。以廢疾不能供職。具呈開缺。并聲明現在同胞兄弟無人。又無子

嗣。可否將所襲伊祖孫士毅伯爵准令同祖弟孫玉墀承襲。懇求代表奏等語。孫士毅前在兩廣總督任內。辦理安南軍務。屢次騰章奏捷。戡定黎城。蒙

皇考高宗純皇帝特封公爵。彼時疊降

諭旨。原令其及早徵兵。而孫士毅意在貪功。並不遵奉辦理。以致遷延失事。兵潰入關。所奏情形多有虛捏。隨將公爵革去。迨後孫士毅又因在四川總督任內。辦理邪匪。著有微勞。

續經

賞給伯爵世襲此實

皇考高宗純皇帝逾格鴻施伊於病中曾札懇和坤籲請願將承襲之長孫列入旗檔亦即取巧之一端朕仰體

皇考高宗純皇帝如天之仁於孫士毅種種欺飾之處不加追究未將孫均承襲伯爵斤革今孫均既因病廢不能當差現在又無親子可以承襲乃又具呈瀆請欲將同祖弟孫玉

墀襲爵殊屬冒昧試思孫玉墀並未列入旗檔焉有以民籍之人准其入旗承襲之理且孫士毅在軍營出力之處業已令伊孫承襲伯爵一次儘足償其勞績現在孫均病廢此外更無例應襲爵之人即係無福承受世及之典所有孫士毅原給伯爵承襲之處著裁撤孫均並著出旗仍歸民籍○乙未

上詣

大高殿行禮○還宮○丙申

上御太和殿視朝王以下文武升轉各官謝恩

○幸圓明園○丁酉諭內閣烏爾恭阿奏懇嗣後凡遇該管正白旗奏事帶領引見列名綿恩之次以便學習等語所奏非是國家爵秩自有定制伊班次既在綿恩之前自應列名居首即辦理事件並非領班之員專辦仍可商同酌定至帶領引見係照例清語不須繁言又有何不能之處若偶遇朕詢及事件綿恩在次亦可奏對烏爾恭阿但應留心學習辦事何必欲在綿恩之次烏爾恭阿著申飭○旌表守正捐軀直隸獻縣民李全女李氏○戊戌諭內閣本日管理茶膳房大臣蘇楞額等呈遞奏單一件內有阿哥內膳房外膳房字樣殊屬錯謬定制惟承應御饌之處稱為膳房豈可率意書寫朕從前在藩邸時即稱飯房蘇楞額容或不知阿明阿在藩邸時隨從多年素所深悉乃任令該章京等如此書寫不行更正非尋常疏忽可比蘇楞額著

罰俸半年。阿明阿著罰俸一年。其擬稿之內。務府護軍統領兼尚茶膳正李鏞著革去護軍統領。尚茶膳正降為膳房二等侍衛。繕寫之筆帖式嵩林著革去筆帖式。作為拜唐阿。仍令在膳房行走。此係朕從寬薄罰。若加深究。罪在不赦矣。此旨另錄一道。著上書房存記。俾諸皇子觸目警心。永循軌度。○又諭松筠奏塔爾巴哈台換防官兵需用燒柴一項。採買維艱。請於伊犁烏魯木齊商民內雇覓。能看煤苗之人。前來該處北山產煤處所勘明開採。又據稱出差打圍。巡查邊界及派往坐卡。巡查開齊各項差使之官兵等所領馬匹。閒有倒斃。即須撙節鹽菜銀兩買補應用。請將庫貯房租項下賞借銀三千兩。以資口食。仍分年歸款等語。塔爾巴哈台燒柴稀少。官兵採買維艱。未免有妨生計。北山既查有產煤處所。自當雇覓商民勘定煤苗開採。以資各官兵日用之需。但該處密邇邊界。採煤

夫役日集衆多。不可不加之防範。著達慶等派委明幹妥員前往採煤處所嚴密稽查。毋任滋事。至所奏該官兵等尚須撙節鹽菜銀兩買補馬匹。亦當量為調劑辦理。著照所請。即於房租項下准其領借銀三千兩交糧餉駝馬兩處章京採買布匹。換易哈薩克大羊一萬隻。分給額魯特牧放。照例於經牧第三年為始。取孳分別給與出差坐卡侍衛官兵。俾贍生計。仍著於孳生羊隻內分作六年變價歸款。○又諭閒散宗室永志前因毆斃木匠革退公爵。禁錮宗人府。皇考高宗純皇帝因伊尚年輕。乃家人慫恿所致。施恩釋放。今永志因伊親戚領催承祥於去年屢次懇給民船執照。極力拒絕不從。適聞承祥指永志色衣名色給與民船執照情節。即據實呈控。看來永志尚知改悔。守分遵法。著加恩賞給四等侍衛。在大門上行走。○刑部奏。

一等男貴寧扎傷三等侍衛幅祿身死審明定擬一摺得旨此案貴寧身係世職甫出官學理應束身奉法近日朕特頒諭旨禁止職官私去頂帶在外閒遊並令各該管大臣傳集所屬官員面加曉諭俾羣知儆貴寧甫經該旗傳到宣諭乃毫不知戒懼私去頂帶結隊閒遊赴鋪醉飲及與幅祿口角細故相爭遂頓起殺機用刀連扎幅祿九傷適時斃命實係逞忿故殺刑部等衙門照律擬斬監候請旨即行正法此等兇悍之徒將來秋錄時亦必予勾無可矜惜著照三法司所請即行處斬署正黃旗蒙古都統博興現係病假著派刑部侍郎金光悌該旗副都統傳陞朋素克琳沁帶同大門侍衛安成前往監視行刑慶雲隨同遊蕩並恃酒爭鬪幫毆成傷著再加枷號一箇月滿日發往新疆効力贖罪

○己亥遣官祭

大神廟○諭軍機大臣等貢楚克扎布奏驅

逐番帳淨盡並酌議安插野番緣由一摺蒙古遊牧地界不能努力自守致被番族侵占經內地官兵代為驅逐搬移該蒙古王公等復請添築三城設官駐兵代為防守實屬冒昧瀆懇斷不可行貢楚克扎布向該王公等當面指駁所見甚是仍當傳集納罕達爾濟等剴切曉諭以爾等不能自固藩籬屢被番衆逼處甚至爾等界內之人私行勾結番衆肆意滋擾屢次仰仗天朝兵威將番帳驅逐

搬移畫清地界實係大皇帝如天之仁憐念爾等懦弱無能曲加保衛爾等具有天良倍當感激愧奮免圖自立至所請在蒙古番子交界要隘地方築城三座設官駐兵常川代為防守一節蒙古番族皆係天朝臣僕大皇帝一視同仁從無區別今若為爾等建築城座是欲將番族隔絕劃出界外已屬不可況青海為西藏往來大路達賴喇嘛等遣使年班入貢每歲經由爾等赴西藏熬茶亦路所

必經番族見蒙古邊界既築城駐守又復經行其地亦必以為踰越界限從此搶奪聲釁迄無已時尚復成何事體且爾等為天朝藩服屏障邊界假如天朝有需用爾等兵力之處尚當凜遵徵調今爾等在遊牧安居樂業又無別項差使僅僅自守豈復力有不逮竟欲天朝派委多兵為爾等常川防守有是理乎試思內地營汛兵丁各有防守責任若以本處巡防各兵為不足恃轉煩他處兵力代為巡防可乎不可此後爾等惟當努力自強捍禦外侮保守身家並設立邊卡嚴行管束屬下各蒙古勿令與番族勾結搶劫不得妄行瀆請致干駁斥至番衆驅逐搬移尚知畏法既據稱青海所屬有尚那克空地一處向係官荒在蒙古界外自當踏勘明確奏請賞給遊牧俾資安插並當諭知番目等恪守邊固安靜住牧嗣後儻再有越界侵占之事天朝必派調官兵重加懲辦如此明白宣示庶

蒙古自知保護番族不復滋擾邊境永臻寧謐仍將尚那克形勢大小有無關礙蒙古遊牧之處詳細繪圖貼說具奏將此諭令知之○旌表守正捐軀四川平武縣民任萬貴妻向氏河南確山縣民程文義妹程氏○庚子上幸靜明園詣

龍神廟拈香○諭內閣本日保寧奏患病日久未痊請旨開缺一摺大學士領袖班聯職分既崇恩禮宜渥向來每遇缺出時俱待至一月後始行降旨簡放以示眷念之隆至滿洲大學士向來從無告休之人若因患病遽准開缺其員缺既另行簡放則將來病痊之後復出供職豈非添設大學士一員乎今閱保寧摺內據稱現在氣血兩衰雖竭力調理未能速效若在家閒住心實不安懇將大學士及其餘所管各處悉行開缺即屬逾格保全等語其情詞真切固出誠惻但保寧身任輔臣體制所存難以遽俞所請其大學士著

無庸開缺。即鑲紅旗滿洲都統。現有長麟署理。亦無庸開缺。惟兵部事務較多。保寧即使病痊。將來於帶領引見等事。亦恐難任繁勞。向來各部事務。原不必盡派大學士兼管。保寧著無庸兼管兵部事務。以示體卹。伊現係養病之時。所有內閣及所管各處。於一切陳奏事件。並所兼各館應進之書。均著無庸閱看。亦不必一同列銜。再伊都統員缺。現既派人署理。自不便再將都統養廉支給。其大學士現在並未開缺。所有應得俸銀俸米。仍著加恩照舊支領。保寧惟當安心頤養。以期迅即就痊。照舊供職。仰副眷懷。○諭軍機大臣等。據吳熊光等奏。請將查獲難夷阮如權等。發交該國江坪夷目。令其轉解該國王阮福映查訊辦理。並擬照會呈覽等情。一摺。難夷阮如權等。竄居海島。現因越南派兵搜查。不能安居。情願投赴內地。固係一面之詞。但阮如權不過阮光纘陪介遺孽。並非切近支派。

阮福映自受封以來。於天朝固極恭順。然若如該督等所奏。將阮如權解送該國查辦。轉似天朝為伊等擒送。通逃亦非統馭外藩體制。現在該難夷等逃竄內地。自斷不可收留。亦不必解送前往。吳熊光等惟當曉諭。以從前黎氏舊臣安置內地者。均奉旨發回該國安插。此時自不便將爾等留居內地。爾等祇係逃竄難夷。前此天朝曾將貢使黎德敬等截回。發交阮福映收管。其時原以阮光纘負恩背叛。窩留內地匪徒。是以大皇帝震怒。將伊貢使截回。今爾等難夷。亦不值如此辦理。現已奏明大皇帝施恩。聽爾等即乘坐現有船隻。不拘何處自行前往謀生。斷不許在內地逗遛。如敢潛匿內地。別滋事端。彼時查獲。必將爾等械送該國處置。決不寬貸。如此明白曉諭。斯為正辦。所有擬呈照會。著不必發往。將此諭令知之。○命領侍衛內大臣德楞泰管理兵部事。○辛丑。

上御勤政殿聽政。○以太常寺少卿陳崇本為光祿寺卿。○壬寅諭內閣。給事中汪鏞條奏。請各省暫緩採買倉穀。以紓民力。一摺。所奏不可行。各省採買倉穀一事。獎實本多。如該給事中摺內所云。州縣於奉文之後。往往勒派浮收。折色入己。以及書吏之需索。胥役之追呼。皆係實在情形。朕所稔知。是以屢經諄諭。地方大吏。於應行採買之時。加意飭禁。遇有因此控告之案。無不立交審辦。嚴飭懲創。至於採買一事。關係倉儲。酌盈劑虛。原視年歲之豐歉。分採買之緩急。又全在地方大吏督飭州縣妥為經理。不使不肖官吏藉端滋弊。小民自無擾累。若因地方官辦理不善之故。輒議停止採買。是直因噎廢食矣。該給事中既稱春夏以來雨澤調和。定登大有。又恐各省大吏奏請採買。糧價騰貴。概請暫行緩辦。是因防弊之故。全不顧及倉儲。設遇災歉之時。應行平糶。又將如何辦理。即如山西陝

西等省。係連歲積歉之區。本年雖秋收豐稔。究慮民力不紓。自當暫緩採買。若直隸省則自嘉慶六年水災之後。連歲皆係豐收。並非今年始獲豐稔。民閒蓋藏久裕。市價平減。正當乘此時設法採買。若又飭令停止。將俟何時始行採買乎。即此外各省有閒被偏災者。亦豈能以一隅之故。將通省採買一概停止。總之有治人。無治法。採買一事。全在地方官妥為調劑。剔除諸弊。自可使民足食。若地方官不知調劑。任令不肖州縣藉端妄為。即俟年歲屢豐。又焉能保其不滋弊竇乎。嗣後各省大吏。惟當遵照節降諭旨。嚴查屬員及胥吏人等。毋許抑勒浮收折色。及借名需索等弊。有犯必懲。庶良法美意。可行永久。不在多為防禁也。○刑部奏。拏獲用藥迷拐幼孩之楊四等。審明定擬一摺。得旨。此案楊四聽信譚德傳授迷人藥方。配製賣錢。不法已極。楊楊氏聽從伊夫尋覓草迷小兒腦子衣胞給

與伊夫配製。甚至以齒敲斷幼孩頸筋。所行竟非人類。殘忍已極。王九、馮六得受楊四迷藥。下手迷人賣錢。自一案至五案不等。均屬罪大惡極。自應立置重辟。以儆兇殘。楊四、楊氏、王九、馮六均著即處斬。各犯內楊四、楊氏均係首惡。楊楊氏刑部業於審訊時。拶手二次。楊四著於市。曹加以刑。夾再行處斬。並著侍郎周廷棟看視行刑。張五、孫大二犯均著依律絞監候。入於本年朝審情實。至刑

部為刑名總匯。近來獄訟事件較繁。各堂官辦理一切事務。均屬細心允協。即如用藥迷拐之案。從前事犯到官。不過照例完結。未能將該犯如何酌製藥方。究出底裏。今刑部於迷拐一案詳細研鞠。將該犯所用藥方徹底查出。俾慘刻兇徒。明正典刑。不致倖逃法網。且使配製此等藥方之人。知罪于重。辟有所畏。而不敢從此幼孩免遭慘毒。所活實多。陰功實大。彼以開脫兇犯為積陰功之見。

者。所見相去霄壤矣。是刑部審辦此案。實為認真。管理刑部事務。董誥尚書長麟前俱有革職留任處分。著加恩開復。瑚素通阿從前降二級留任之處。亦著加恩開復。尚書秦承恩侍郎金光悌周廷棟均著加恩紀錄三次。所有承辦此案之司員。如本有降革留任處分者。俱准其開復。如任內本無處分。著各加一級。以示獎勵。並開具職名。交吏部分別查辦。○旌表守正被戕直隸任邱縣民張得功

女張氏。○癸卯

上詣

大高殿行禮。○還宮。○以孟秋時享

太廟。自是日始齋戒三日。○甲辰諭內閣。御史

鄒家燮奏請飭禁指名揀員。以杜私競。一摺

據稱近來各督撫往往以藉資熟手為詞。將

在京需次及在外捐升者指名奏請。不但於

銓選之序有所凌躐。亦難保無阿私所好。前

日鐵保等所請揀發河工各員。已蒙恩准。嗣

後請加飭禁等語。所奏甚是。前日鐵保等奏請揀發各員。開單進呈。時朕因其為河工起見。現在南河工程甚多。關繫緊要。且單內所開各員。有朕素知其熟悉河務者。是以即照所請。將陳鳳翔等四員發往。其丁憂之魏成憲一員。仍行飭駁。不准。但各省若援此為例。概以藉資熟手。為詞。紛紛指名奏請。則不但在京需次。及在外捐升人員。一經發往。有素銓選次序。且恐啟鑽營倖進之門。於吏治官

有奉旨下

太

箴。尤有闡繫不可不嚴行飭禁。嗣後各省如果差委之員。祇准將應需道府州縣若干人。奏明請旨簡發。不得指名奏請。如再有違例具奏者。不但不准所請。定即交部議處。○諭軍機大臣等。瑚素通阿等奏。查訊正定縣生員王之選等。呈控吏役包攬勒折車輛草料一案。大概情形一摺。據稱正定恒山伏城二驛差務絡繹。從前曾令各鄉公備四套馬車三十二輛。協濟事竣放回。嗣後漸將車輛留

驛令各鄉雇工管照。鄉民因覓車戶代辦。給草料工食錢文數十千。近年竟歸縣役包攬勒索。每車一輛。要大錢至四百數十千。文業經訊據縣役翟繼閔等供認屬實。又原呈內稱該縣吏役有二千之多。今調驗卯簿。通計各色吏役實止九百餘名等語。直省有驛州縣辦理差務。均有額設號馬。應付正定係九省通衢。即因差務較繁。不能不借資民車。協濟尤應善為經理。聽民自便。何至竟歸縣役

有奉旨下

王

包攬。任意勒索多錢。迨採買豆石麩草時。又任聽浮派。短收需索使費。以致擾累閭閻。即如吏役一項。各州縣自有定額。正定一縣。各色吏役至九百餘名之多。直隸一省。統計有百餘州縣。則差役不啻有十餘萬之多。其擾累何可勝言。該縣盛安身為民牧。乃竟置若罔聞。難保無通同染指情事。著解任交瑚素通阿劉權之提同案內人證。嚴行審訊。看來該縣吏役包攬車輛。斂索錢文。或未必始於

盛安究竟起自何年何人任內著一併詳確查訊分別定擬具奏又據另片奏行抵正定有鄉民百十人攔遮每年出辦長短車並承買麩草豆等項費用清單瑚素通阿等以風聞有先期傳單邀集之事恐即係王之選等指使等語此亦未必現在此案業經審辦鄉民等自必聞風各散如果查有主謀指使攔訴之人當將首犯拘獲懲治無庸紛紛訪拏也將此諭令知之○是月江蘇巡撫汪志伊

奏懇頒發

實錄卷百五

五

御製文集詩集於江南各書院得旨朕之政治即文章何必以文字炫長所請不必○新授江西巡撫張師誠奏謝得旨長守素行切勿心隨境遷地方屬員諂媚者多莫為所誤衙役長隨只知圖利不顧汝之名聲宵小為害匪淺須慎防之勉之此後朕有所見必訓汝知汝有所聞亦應進諫莫忘此諭

大清仁宗受天興運敷化綏猷崇文經武孝恭勤儉端敏英哲睿皇帝實錄卷之一百六十三

實錄卷百五

五

大清仁宗受天興運數化綏猷崇文經武孝恭勤儉端敏英哲睿皇帝實錄卷之一百六十四

監修總成言經言鎮成言李永傳武英殿大學士文淵閣閣事稽察欽奉 上諭事件處管理工部事務鑄錢院掌院學士

隨帶加二級專官四級專級總領官五子七任文淵閣大學士管理刑部事務加五級嚴均元題定為撰起居注官李步儒均為文淵閣

提學閔事隱谷欽奉 上諭下傳編譯大學士戶部尚書翰林院掌院學士教習庶吉士總管內務府查領黃旗滿州副總管章俊儒等

部三年來宏範濟濟閣等處樓屋工程處御膳房御藥房太醫院西洋堂事務軍功加三級隨帶加二級尋常加十三級紀錄二十一次

英和提議官太子太保懷郡王書上書房行武英殿總裁管理園子監事務加六級隨帶加二級紀錄四次

較修

嘉慶十一年丙寅秋七月丙午朔享

太廟

上親詣行禮○幸圓明園○丁未諭內閣倭什布等奏山內各營加給米折銀兩三年期滿酌商辦理情形一摺陝安寧陝漢中等營前次增加餉銀原係格外施恩今已屆期滿著即行停止至陝安漢中漢鳳畧陽陽平各營陳兵既舊有米折銀兩則寧陝鎮屬新兵及西鄉沔縣鋼廠新設營分事同一例未便獨令向隅所有寧陝鎮兵著加恩照陝安鎮兵

之例給予米折銀四錢陝安鎮屬新設之西鄉營兵亦著照加折舊例一體支給其漢中協新設沔縣鋼廠二營兵著照漢中協舊例給予米折銀三錢以符營制而裕兵食餘著照所議行以江南河工伏汎平穩總督鐵保等下部議敘戊申

上幸萬壽山
諭內閣本日恭閱

皇考高宗純皇帝實錄乾隆五十七年前任伊犁將軍保寧奏伊犁兵丁皆習用八力弓每

遇挑缺不能開八力弓者皆不入選欽奉

論旨人力各賦於天強弱不同步射不在弓力
輟硬惟期發必命中保寧見不及此祇令兵
丁習用硬弓徒沽虛名不求實效保寧著申
飭欽此我

皇考高宗純皇帝騎射步射超邁千古天下無不欽服而於

訓示臣工操演兵丁

諭旨深切著明實當永遠遵行前於嘉慶七年

據前任喀什噶爾叅贊大臣富俊奏請嗣後八旗各營挑選前鋒護軍非用八力弓不准挑選等語朕即以為斷不可行將富俊申飭並特將難行之故曉諭八旗各營去歲朕巡幸盛京閱看該處官兵布靶中三箭者僅止一人吉林官兵中箭者甚多並非俱用硬弓是步射優劣全不在弓力強弱盛京官兵所以未能多中布靶者總由富俊迂謬教以硬弓是以不能善射徒事虛名而無實用朕前

訓示富俊之旨洵與

皇考高宗純皇帝訓示保寧

聖諭前後相符著再通行曉諭八旗各營各省將軍副都統等各將所屬官兵步射騎射實力訓練但期精銳切勿徒用硬弓轉致失其準的也又諭伯麟奏查閱迤南迤西等處營伍分別勸懲一摺請將差操怠惰之世襲雲騎尉胡忠請旨革職所辦甚是各省世職人員發標學習原欲其隨時操練弓馬藉資

造就乃往往有性耽安逸之人不肯上進學習一經補授實缺益復技藝荒疏殊不稱營員之職該管大員等以其係世職官員不免意存姑息從未見有糾劾者今伯麟據實奏尚屬認真所有楚雄協標學習雲騎尉胡忠著革職令該督另查應襲之人題請承襲旌表守正捐軀河南葉縣民李星妻楊氏乙酉諭內閣總管內務府大臣明德因病溘逝伊平日僅止循分供職尚不應給予卹

典惟念其在內廷行走五十餘年當差尚為勤慎伊有代伊胞兄全德認交未完銀一萬餘兩本非己身賠項著加恩寬免銀五千兩其餘未完之項著於伊子孫廉俸內按例扣繳以示體卹以工部右侍郎文寧為總管內務府大臣工部左侍郎英和兼京營左翼總兵內閣學士慶惠兼鑲白旗漢軍副都統庚戌緩徵安徽壽鳳臺宿南平靈璧定遠天長泗盱眙五河鳳陽懷遠十二廳州縣水

災新舊額賦漕糧○辛亥諭內閣前據松筠達慶奏體察哈薩克窮苦情形請將塔爾巴哈台北山烏里雅蘇圖迤東每年秋閒設卡之處著為定地夏季不復展放俾得常年在於該處遊牧以資調劑一摺朕披覽之下即覺其事不可行因思大學士保寧慶桂尚書明亮長麟均在新疆辦事有年熟悉該處情形令其會議具奏本日據保寧等具奏以邊防經畫未可輕議更張請旨飭駁等語所駁

甚是哈薩克部落本各自有遊牧之區不應進至天朝邊界從前因哈薩克生計窮苦特於每年冰凍後將額爾齊斯河雅爾等處各卡稍向內挪准其在彼遊牧至春融雪化之後始將各卡展至原設處所驅令出外實屬格外施恩今松筠等又以該哈薩克近來窮苦益甚欲將夏季展設邊卡之處一併停止使得常川遊牧無論哈薩克窮苦之故實緣連年風雪災傷不善牧養是以較前苦累非

由每年搬徙所致且以天朝兵力平定之地竟委為哈薩克常年遊牧之區將來年復一年哈薩克將視為己有而附近之布魯特等設亦相率效尤紛紛呈請又何以塞其無厭之求此於新疆一帶邊務大有關繫達慶尚係甫經到彼松筠則在新疆駐劄有年情形較熟此奏必係松筠主見伊素喜市恩邀譽今於塔爾巴哈台展卡一事冒昧具奏尤屬不合除所奏不准行外伊二人均著傳旨申

飭松筠並著交部議處達慶著交部察議○又諭玉慶奏詢明管理臺務前任遊擊托勒京阿等於遞送阿克蘇澤綹短少隱匿不報私行賠補並派令外委目兵攤賠銀兩等情一摺玉慶查辦此事實屬認真可嘉已另降諭旨將玉慶加等升獎矣革職遊擊托勒京阿於該筆帖式呈報綹箱損破時並不稟報該辦事大臣查辦輒向管糧餉局章京含渾商量私行挪移庫貯澤綹十四匹賠補希圖

朦混了事已屬不合迨到臺後復令筆帖式索保並烏沙克塔勒臺外委目兵等攤賠澤紬價值並將索保家中寄來盤費銀三十兩硬行拏去實屬無恥不堪已極托勒京阿已由喀喇沙爾起程回京著刑部迅速行文沿途督撫辦事大臣無論行至何處即派員將已革遊擊托勒京阿鎖拏解送刑部審訊定擬具奏已革主事含渾於托勒京阿向商時不行阻止輒通同挪移庫貯澤紬補數亦屬非是含渾已回古城本旗著奇臣就近傳到含渾詳悉審訊照例治罪餘著照所奏辦理予四川陣亡屯把總郎太屯外委永中太祭葬世職土都司納撒布等五員土兵石多扎思甲等六十九名傷亡土兵哈開賞卹如例旌表守正捐軀直隸涿州民劉倉妹劉氏壬子諭內閣刑部奏各省秋審外擬情實緩決聞與部擬不符請旨更正辦理一摺本年正月間特降恩旨查辦減等所有各省

本年秋審人犯經刑部會同大學士等分別酌擬將應行減等及不應減等者節次繕單奏請訓示俱經朕逐案詳閱覈其情節次第施行各省自應欽遵辦理除貴州廣西廣東福建湖南湖北浙江河南等八省所擬情實緩決悉與部擬相符無庸置議外其雲南四川陝西甘肅江西安徽江蘇山東山西等九省雖所擬情實緩決聞與部擬不符惟念該省具題之日在未接部咨之先尚可加恩免議至直隸秋審具題則係在接奉部咨之後乃該署督仍將奏明不准減等之絞犯王進忠馮智二起均擬入緩決又吉林人犯內有因上年八月內恩詔業經奉旨歸入緩決俟過二次再行減等之絞犯楊保等十一名該將軍亦仍擬情實均屬錯誤該行簡秀林著交部分別議處仍著刑部將各案不符之處一體更正○癸丑諭內閣昨禮部將新修則例進呈朕詳加披閱全書尚無訛舛惟皇子

祭

陵典禮條內載皇子蟒袍補服由

隆恩門右門進至階上虛中位於左旁行禮一

節係屬錯誤皇子祭

陵係屬特遣恭代向來朝服將事朕從前恭代
皇考行禮即係朝服此儀親王等所共知惟皇
子內有年幼未蒙賞賜朝服者則穿用蟒袍
此外執事各員仍均一體穿用朝服惟應於
則例內加註聲明方為詳備至皇子恭代行

禮處所係在丹陛上居中並無虛中位於左
旁行禮儀注禮部憑何記載纂入則例著即
詳查更正再行進呈○又諭吳熊光奏覆審
澄海縣土豪林五交結接濟洋匪並林五捏
告何玉林等串詐陷害一摺此案林五先因
貨船出口被盜首朱濱及鄭老童等屢次邀
截備銀贖回因而與之熟識交好並代為勒
索各商船港規給單驗放現在訊之投誠洋
盜鄭流唐即鄭老童亦供認與林五交結屬

實是林五一犯通盜濟匪罪應斬梟本無疑
義其從前遣人來京控告官吏等索贓陷害
之處審無其事除林五業經正法外何玉林
以道署長隨輒與林五交結將本官書籍對
聯送給並膽敢洩託知縣何青向林五託銷
貨物借貸多銀比之尋常索詐得財其罪尤
重著發往伊犁給種地兵丁為奴不准留養
至何青身為縣令於所屬通盜濟匪之犯不
能查拏轉與往來交好復代本道家人銷貨
並擔保借貸實屬卑鄙無恥著先行枷號三
箇月俟滿日再行發往伊犁効力贖罪餘均
照所擬完結至巡撫孫玉庭辦理此案於定
擬林五罪名雖無錯誤其恭請王命亦因接
據那彥成咨會辦理惟此案本係發交該督
撫會審之件乃該撫未與總督會審輒用單
銜具奏又不聲明那彥成咨會緣由均屬不
合著交部議處至臬司吳俊於林五一案係
伊在惠潮道任內查拏究辦惟何玉林以道

署長隨竟與通盜濟匪之犯往來交好並即託所屬知縣代往說合銷貨借貸雖訊明均不知情究非尋常失察家人犯贓可比吳俊著交部嚴加議處尋議上得旨孫玉庭降二級留任吳俊降六品頂帶仍署按察使○又諭此案民人姚奉義家被鄰省回民張永讓等糾夥肆劫甚至持刀嚇禁情節甚重直隸吳橋與山東德平為兩省交界處所地方官據報後均應不分畛域上緊查拏乃各該員

因欲規避處分互相推諉以致兩處差捕等得以乘機串詐滋生弊端最為外省惡習且該民人失事現在直隸地方尤應就近審辦亦斷無因竊犯籍隸山東轉將事主移解之理著交裘行簡長齡將案內應訊各犯嚴密查拏統歸直隸省嚴審定擬具奏○又諭此案瘋犯聞二竊取市口梟示首級該部僅議以交宛平縣鎖錮監禁數年後病不舉發照例開釋所擬失於疏縱若再有此等案件假

捏因瘋如何辦理耶著將該犯交部監禁三年後若伊病仍未就痊著再行監禁如果診驗情形不致瘋發滋事亦應酌予杖徒期滿釋放以示懲儆餘依議○戶部議准廣東巡撫孫玉庭疏報文昌高明恩平三縣開墾田五頃十畝有奇照例升科從之○貸甘肅漳岷兩當三州縣被水災民籽種口糧○甲寅諭內閣今日閱看本年隨圍之前鋒叅領護軍叅領射箭甚屬平常僅有一名中箭三枝

且年力少壯者甚少伊等均係管兵之員技藝平常尚望其管教兵丁以臻熟練耶該前鋒統領護軍統領等不擇年力強壯技藝精熟者選派顯係漫不經心惟徇情面著嚴行申飭又諭顏檢前在直隸總督任內於各屬虧缺庫項因循不辦任令監追各員在省閒住復於秋讞情實案犯改擬緩決有意輕縱梟司傳修久任清河道於所屬易州知州陳漢虧空案內不能早行揭報均經先後降

旨革職令其在吉地工程處効力該員等在工効力已閱年餘其才具尚不至終於廢棄其罪亦非必不可恕現在南河要工林立頗檢著賞給五品頂帶傳修著賞給六品頂帶俱著發往江南交與鐵保戴均元徐端差遣委用該員等接奉此旨即著迅速前往到工後如果奮勉出力鐵保等即據實奏明將顏檢以同知補用傳修以通判補用飭宗人府吏部兵部八旗內務府三旗將宗室覺羅旗員兵丁與王公大臣同名者查出更改○福州將軍賽沖阿奏報攻勦蔡牽殲擒賊目多名得旨獎賚下部優敘賞總兵官張見陞提督銜副將王得祿總兵銜遊擊邱良功副將銜千總王贊以都司即用均賞花翎擢外委鄭嘉惠為千總賞藍翎賞出洋兵丁一月錢糧防堵兵丁半月錢糧戶部議准廣東巡撫孫玉庭疏報新興平開平三縣開墾地四頃八十畝有奇照例升科從之○乙卯

孝懿仁皇后忌辰遣官祭

景陵 旌卹遇賊捐軀陝西山陽縣民賈金萬妻秦氏等九名口如例 旌表守正捐軀吉林民劉貴妻馬氏安徽盱眙縣民劉從義妻胡氏 丙辰旌表守正捐軀貴州普安州民胡榮女胡氏廣東澄海縣民蕭阿笑女蕭氏 減免直隸新安隆平寧晉新河南宮河閘六縣積水地畝額賦 丁巳諭內閣松筠覆奏詳議伊犁山場設商給票砍運木植一摺伊犁南北山場本係官地所產木植自未便任聽私行砍伐漫無稽覈今松筠奏請設立商頭官給驗票並定抽分數目即藉以管束民人稽查逃犯所議自屬可行著照所請辦理至此項木植抽收十月已有四千八百五十一件若收至一年自尚不止此數該處每年應用若干餘剩若干若將餘剩之項日久積存豈不以有用之材徒致朽壞或應留備工需或應估變價值之處統俟收過一年後

仍著松筠詳議章程具奏並另造清冊咨部
存查其巡檢羅名著李旭二員並著照所請
准其再留三年（戊午諭內閣前禮部進呈
新修則例內皇子謁

陵典禮所載袍服及儀注有錯誤之處特令詳
查更正本日經禮部修改進呈朕覆加披閱
內載皇子至下馬牌降輿馬字樣皇子從無
坐轎之事况謁

陵乎此又係率意混寫即降字亦非皇子所應

用則例內應將降輿字面刪去改為至下馬
牌處下馬以昭國家大體又註內琉璃門訛
寫琉璃門該部堂司官於遵旨改換書頁字
數無多竟不細心校勘不知每日所看何書
所辦何事太覺疏忽不以公事為重矣禮部
堂官著傳旨申飭並交部察議承辦司員著
交部議處（己未諭內閣綿恩等查明昨日
綿懷叅奏乾清門慈寧門曠班侍衛擬以降
革並自請交部議處一摺侍衛等並無應辦

事件不過隨扈出入及在各門該班此即伊
等專責理應奮勉當差近年來侍衛頗有惡
習今朕在圓明園紫禁城內誤差空班者尚
有如許之多若啟鑒駐蹕避暑山莊後侍衛
等更不知如何廢弛懶惰此皆該管大臣平
素不能嚴加管教所致殊屬不合辦事章京
英德因病告假並未給信與別班章京以致
曠誤其罪較重綿恩等請革去辦事章京降
為三等侍衛所擬尚輕英德本應革職姑念

伊患病屬實著加恩降為藍翎侍衛三等侍
衛常春常慶倭克金布藍翎侍衛玉祥無故
曠班實屬膽大綿恩等請將伊等革職所擬
亦輕且伊等革職後轉得在家閒居不足示
懲常春常慶倭克金布玉祥俱著革職交軍
機大臣領侍衛內大臣會同監視將伊等重
責三十板作為粘竿處拜唐阿此次即派隨
往熱河除官馬外一切應得之項俱不准支
給侍衛什長敏政委侍衛班領善廉俱著罰

俸一年綿恩丹巴多爾濟著交該部議處綿懷不避嫌怨據實叅奏甚屬可嘉著交部議敘又諭富俊等奏邊外墾地農民出入邊門酌請定制一摺據稱科爾沁該管旗界常突額勒克等處自嘉慶七年奏准墾種閒荒地土經今四載流寓已有數萬該民人等呈稱日用農具等項邊外並無市集均須至開原縣購買計由法庫邊門出入往返四五百里由威遠堡邊門出入更屬紆曲實於農民不便查該處徑對開原有路可通相距僅二十餘里設有邊柵恐農民避遠偷越請於法庫威遠堡兩邊門適中另設一門以便出入等語所奏不可行邊門申畫界限定制已久豈有因一二處民人行走紆繞即議請增設之理若此例一開各處相率效尤又將如何辦理其常突額勒克等處地界距開原縣甚近現在流寓民人已有數萬一切命盜田產等事自應設官經理彈壓稽查著富俊等詳

悉會勘或做照吉林長春堡事例妥議章程另行具奏至蒙古各部落因有閒荒山場懇請招民開墾及墾種日久民戶衆多又懇請驅逐業牘累牘殊非情理之平應酌量定制凡蒙古王公該管界內有荒地先經奏明招民開墾者係該王公情願招墾即日久人數漸多亦不得以侵占等情紛紛訐告如仍前瀆擾概不申理惟原請之王公是問其有從前未經懇奏私自招墾者雖與奏明者有間但既已招墾於前亦不得於墾熟之後藉辭脅逐以息訟端且民人出口後該主公等若不行招致給與地畝耕種伊等無業可圖必不能久留邊外是流民出口之多總由該王公等招墾所致嗣後若再有私行招墾者一經查出定將該王公等一併議處著理藩院即酌定處分奏明載入條例其內地民人均有土著版籍設地方閒遇災荒年歲朕必優加撫卹州縣官果能勤宣德意勞來安集小

民又何肯輕去其鄉至出口墾荒者動輒以千萬計嗣後著邊門章京留心稽查遇農民相率出口者查係何州縣人戶詳細造冊報明該管大員據實入奏將原籍官議處交該部定議以流亡之多寡分處分之輕重俾司牧者咸知盡心撫字以安民為急務若邊門官員容隱不報並著該管大員查叅交部議處	旌表守正捐軀河南確山縣民孫偏妻張氏 撫卹盛京承德廣寧遼陽海城蓋平五州縣被水旗民並給房屋修費 庚申中元節	上詣	安佑宮行禮 遣官祭	永陵	福陵	昭陵	昭西陵	孝陵
--	---	----	-----------	----	----	----	-----	----

清 實 錄 嘉慶十一年七月

孝東陵	景陵	泰陵	泰東陵	裕陵 命	皇次子旻寧祭	孝淑皇后陵寢 遣官祭	端慧皇太子園寢 諭內閣溫承惠奏查辦漳泉府屬未結積案一摺據稱該二府未結積案頗多竟有命盜案內人犯禁押十餘年或六七年未經審結者現飭臬司檢查各卷逐案清釐等語漳泉府屬積壓命盜各案竟至十餘年或六七年尚未審結殊出情理之外此皆玉德李殿圖因循廢弛所致除俟玉德到京將此一節訊問外至李殿圖身任巡撫所有整飭吏治審理獄訟是其專責乃於所屬命盜案犯任令羈禁多年至今未結所司何事前因李殿圖於辦理軍裝火藥事宜
-----	----	----	-----	------	--------	------------	---

遲延不奏曾降旨以五品京堂補用似此廢弛地方豈可復勝京堂之任李殿圖係翰林出身著以中允贊善補用○旌表守正捐軀江蘇碭山縣民孫燦女孫氏○辛酉

上御勤政殿聽政○諭內閣御史牟昌裕奏請申明舊例嚴禁匿名訐告以杜刁風一摺據稱近來京城屢有匿名揭帖之案各該衙門不敢壅於上聞節經奏請查辦一面將匿名之人訪拏治罪固已法紀章明惟是被訐之人無論是否屬實一經官司審辦即不免拖累之苦請申明舊例飭下問刑衙門遇有此等案件照例概不准行仍將匿名揭告之人查拏治罪等語定例凡投貼隱匿自己姓名文書告言人罪者絞監候雖實亦坐立法禁嚴原以懲刁奸而防傾陷但若將所投貼書詞燒燬不辦是使匿名之人轉得置身事外無從根究懲治况所訐告者如僅係瑣屑細故原可置之不論儻指控情節案關重大亦

宜容概不奏聞總俟奏上時朕權衡輕重分別應行查辦與否隨時指示即如從前兆昌誣告興德保謀逆重情一事因查辦後將匿名之兆昌究出按律坐罪興德保得以昭雪又近日朱士訐告沈慶簾一案亦因查辦後始將匿名之朱士訪獲而於沈慶簾亦未有拖累羈禁之處是陳奏揭告之事與嚴懲匿名之人原兩不相妨並可就訐告字跡令被控者辨認訪緝且匿名訐告者雖查究得實仍照例科以絞候若審係虛誣並應從嚴定罪豈不更使挾嫌仇報之徒知所儆懼乎嗣後遇有此等案件惟當一面奏聞一面嚴拏匿名之犯按律治罪無任隱匿漏網○諭軍機大臣等方維甸等奏寧陝鎮標兵丁二百名滋事搶掠前往查辦一摺寧陝鎮新募兵丁多係鄉勇改充早慮及伊等不能安靜寧貼今竟藉停止米折為辭糾集二三百人爬進該廳舊城搶掠又復竄赴新城教場屯

聚可恨已極方維甸接據該廳稟報後即與扎勒杭阿面商密派滿營兵一千名軍標兵一千名撫標兵五百名豫備調遣並咨會總兵王兆夢副將祝廷彪各豫備兵五百名分投堵拏先令總兵楊芳帶兵二百回陝所辦俱是楊遇春由川進京行抵西安聞知寧陝鎮兵丁滋事之信即會同帶兵馳往查辦能以公事為重殊屬可嘉即著方維甸楊遇春二人進山督率辦理扎勒杭阿現已年老祥保亦未經歷行陣應令蘇勒芳阿帶兵前往儻現調之兵不敷辦理即於陝省各營擇其曾經打仗者再為調派此時方維甸等當一面派兵堵截一面派明幹文武大員前往曉諭以該兵丁仰荷養生成至優極渥即以米折一項業經奏蒙聖恩給與折銀四錢此時各鎮新兵安分守法即當將米折之項分別給予爾等有何迫不及待竟敢肆行搶劫此實罪由自取但其中必有起意為首之犯

其餘多係逼脅附和若能將罪魁縛獻則此內為從之犯即可貸其一死儻隱不畏法尚不自行投出即當調派各路大兵擒拏無赦如此明白宣示如該犯等將為首各犯獻出即當嚴行究辦其業經爬城肆搶者俱應正法此外尚可從寬發遣儻竟敢相率抗拒即當併力勦辦大示懲創勿令日久蔓延致滋裏脅將此傳諭知之以太僕寺卿邵洪為宗人府府丞內閣侍讀學士陳鍾琛為太常寺卿壬戌諭軍機大臣等御史徐寅亮奏稱近年洪澤湖底淤高堰工卑薄一遇淮水漲發極為危險及今之計應於堰頂殘缺軌工內外鑲砌石工卑矮處所再加數尺並即加築碎石坦坡以資護衛趕在明春桃汛前一律完竣等語所奏不為無見適遞到鐵保等會奏河工籌辦事宜之摺據稱高堰坦坡可以分年續辦若黃河改道事成一切工程不容稍緩請將商捐銀兩先儘新河支用等

語是專顧新河而竟以碎石坦坡為緩圖矣
南河事宜二者並重據稱沿河隄隄須俟河
勢大定相度施工可見亦非一二年內可臻
完善至高堰為淮揚保障本年湖水盛漲僅
恃數尺子埵保護平安若曠日持久俟新河
遙隄隄陸陸續築成再行籌築坦坡殊失當
務之急試思二三年之久能保淮水無盛漲
乎此時自當以先辦碎石坦坡培護堰工為
最要且此兩項工程本在兩處錢糧亦可分

支委員內如陳鳳翔顏檢等皆可擇要工分
遣鐵保應與戴均元徐端於霜降前先將坦
坡趕緊興築其堰工有應加高培厚及鑲砌
漫汕殘缺之處均當速為籌辦將此諭令知
之 又諭昨據方維甸奏寧陝鎮標兵丁二
三百名於七月初六日子刻爬進該廳舊城
搶掠方維甸與楊遇春已會商酌帶官兵進
山查辦該鎮新募兵丁聞籍隸四川者居多
今糾眾滋事或由棧道潛往川境亦未可知

著勒保即令提督豐紳酌帶官兵馳赴七盤
關廣元一帶以查閱七盤關為名在彼駐劄
防堵將此諭令知之○調鑲黃旗漢軍副都
統佛倫保為密雲副都統密雲副都統達松
阿為鑲黃旗漢軍副都統○旌表守正捐軀
江蘇贛榆縣民王仁快妻楊氏○賑江蘇興
化東臺鹽城清河高郵寶應海安東牟寧泰
甘泉沐陽山陽桃源江都十五州縣被水災
民 癸亥

上幸靜明園詩

龍神廟拈香○諭內閣前因密雲一帶雨水
較多橋座多有衝塌特改期於二十二日啟
鑾當派鄂勒哲依圖等前往督同霸昌道及
密雲縣知縣趕緊修搭並諭令裘行蘭飭令
地方官勒限趲辦茲據鄂勒哲依圖等奏稱
十七日親至河干祇有三十餘人在彼照看
木料夫役甚屬寥寥經鄂勒哲依圖等向地
方官催集支搭該地方官答以須俟明日方

能齊集夫役等語實屬疲玩秋獮大典凡蹕路經過橋座本係地方官應辦之事前此搭造未能堅固致被衝塌已有應得之咎經朕飭令修搭改期啟鑒今車駕將次經臨猶不尅期修築推諉遲延太不以事為事矣那祥身任監司伊本係內務府司員向無擢用外任之例經朕特加簡用自應倍加勉勵乃輒沾染外官惡習一味懈弛似此即再寬其期限亦何益乎著派博啟圖羅布藏多爾濟馳

驛前往傳旨將那祥革職仍留該處自備資斧幫同修搭橋座俟工竣後回京充當內務府尋常差使北路同知潘仁及密雲縣知縣吳申嵐均著先摘去頂帶責令在河干督率夫役迅速搭橋仍著交部嚴加議處裹行簡楊志信係地方大吏並不督率豫為妥辦均著交部議處昨已將古北口內外潮河各橋座降旨專交裹行簡上緊督辦設再有因循貽誤試思應得何咎耶至密雲橋座並著添

派博啟圖羅布藏多爾濟幫同修搭其霸昌道員缺著湛露補授伊於明日請訓後亦即馳赴該處督辦橋座毋得稍有延緩○諭軍機大臣等方維甸等奏行至石羊關途次接據探報寧陝鎮新兵糾約放火搶掠署總兵楊之震署遊擊羅全亮力竭被戕都司黨順身受矛傷七處賊匪約有三四百人由孫家梁竄向甘家砦等語該犯放火戕官肆意搶掠裹脅竟當悉力勦捕大示懲創且甘家砦

距四畝地華陽江口甚近該處各營汛均有新兵若該犯等竄往勾結更為可慮此時方維甸等令楊芳於原調兵丁二百名外再挑兵一千三百名游棟雲帶兵一千五百名總兵張鳳亦經調派豫備所辦俱是但恐賊匪增多不可無大員督勦已令德楞泰同扎克塔爾馳往督辦方維甸楊遇春惟當嚴密圍捕迅速殲除不可專候德楞泰到彼致有稽延方維甸俟德楞泰到後如無需伊在彼即

回赴省城料理糧餉等事至被戕之楊之震羅全亮受傷之黨順著方維甸等查明此數員內如有剋扣等事業已被戕毋庸置議儻平日居官尚好實因變生倉猝力竭被戕即當奏明給予卹典署同知李晶曉諭賊匪未被傷害如果所稟屬實即可免議設該犯等滋事之時該員避匿偷生迨賊衆竄逃之後該員又復捏詞粉飾方維甸等即當一併嚴叅治以應得之罪將此諭令知之○命領侍

衛內大臣德楞泰御前侍衛扎克塔爾馳往陝西查辦事件○甲子諭內閣近聞朕駐蹕避暑山莊入覲之蒙古王公有與隨扈王公大臣係屬姻親者輒給護衛家人銀兩殊屬非是伊等或以親情送給王公大臣等食物馬匹原無不可至給與護衛家人等銀兩不可不嚴行禁止著理藩院通行曉諭蒙古王公等嗣後不准給護衛家人等銀兩若不遵旨仍前餽送而該隨扈之王公大臣等不

止護衛家人任其收受一經查出必將授受之人一併從重治罪決不寬貸○又諭戴均元奏河工物料昂貴例價不敷請照時價實用實銷一摺河工應用夫土木石等項向因價值加增承辦廳員詳請加價該河督即照時價批准復恐不能按例報銷遂任承辦之員虛估工段寬報丈尺以符部價是該河督明知所報不實據冊咨部部中亦即照所開工段丈尺覈銷竟係相率為偽且廳員等以

報部工程俱係通融開報勢必藉稱例價不敷任意浮冒其弊何所不至上下相蒙不成政體著照戴均元所奏准其將應用一切料物按照時價實用實報不得稍有虛假仍著將各項物料價值由地方官詳報督撫按月咨部存查俾有稽覈至物價隨時長落原無一定近日物料昂貴人所共知儻嗣後物價已就平減而報部之數仍按價貴時報銷則係承辦之員朦混侵蝕必當嚴叅懲辦設將

來物價較此時復有加增亦准其據實咨報
此後工員等更無可藉口該河督等惟應督
飭在工大小各員各矢天良確估覈銷無任
絲毫浮冒儻再有虛估工段寬報丈尺等弊
即當按律治罪決不寬貸○乙丑諭內閣郭
爾羅斯地方從前因流民開墾地畝設立長
春廳管理原議章程除已墾熟地及現居民
戶外不准多墾一畝增居一戶今數年以來
流民續往墾荒又增至七千餘口之衆若此
時概行驅逐伊等均係無業貧民一旦遽失
生計情亦可憫著仍前准令在該處居住但
國家設立關隘內外各有限制該處流民七
千餘人非由一時聚集總由各關口平日不
行稽察任意放行遂至日積日多今事隔數
年其經由各關口亦難一一追查所有失察
各員姑從寬免究嗣後各邊門守卡官弁務
遵例嚴行查禁遇有出口民人均詢明來歷
呈報不得任聽成羣結夥相率流移若仍前

疏縱定按例懲處不貸至所墾地畝均係蒙
古地界毋庸官徵丁賦所出租銀仍聽蒙古
徵收亦不必官為經理○丙寅

上詣

安佑宮行禮、丁卯

上以秋獮木蘭自圓明園啟鑒命

皇次子旻寧皇三子綿愷於八月初旬赴熱河
隨駕進哨○命儀親王永璇協辦大學士吏
部尚書費淳兵部尚書明亮刑部尚書長麟

留京辦事○免蹕路經過地方本年額賦十
分之五 是日駐蹕南石槽行宮○戊辰旌
表守正被戕山東曹縣民宋成信妻李氏○
賞密雲縣接駕兵丁半月錢糧○是日駐蹕
密雲縣行宮○己巳駐蹕要亭行宮○庚午
諭軍機大臣等倭什布奏寧陝新兵滋事馳
往查辦一摺新兵敢於放火戕官叛逆顯然
惟當悉力勦捕不必再為招撫之計現在方
維甸楊遇春業已帶兵往勦復經特派德楞

泰赴陝督辦倭什布此時著不必再行赴陝
惟應於甘省交界處所悉力堵截前已諭令
勒保飛飭豐紳田朝貴等在七盤關一帶駐
劄堵剿所有甘省兩當徽縣一帶既與陝西
黑河雲霧山等處毗連著倭什布即在彼嚴
密截拏設探聞該犯等人數較多即當調派
甘省官兵與陝省川省之兵三面合擊儻防
堵不嚴致被闖入兩當徽縣一帶則惟倭什
布是問將此諭令知之○大學士慶桂等議

覆侍郎英和等會議山西等省鹽務情形晉
省商人賠累實緣原議以賤價定為長額請
照乾隆十年以前成例令該商等按收鹽豐
歉成本重輕自定賣價仍令該撫等將各處
售賣鹽斤實價按月造冊報部俟試行一年
再行酌中定價又吉蘭泰鹽斤向用船隻由
黃河運至山西行銷若定由木商造船轉給
運商難保無捐勒情弊應令運商自行購造
方足以資輓運又運商應帶口糧官為驗放

但出口人數多寡視該處產鹽旺歉難於豫
定額數自應隨時造報不准浮多又河東鹽
政照舊以山西巡撫兼管所有河東運使毋
庸復設應即以河東道兼辦鹽法道事務其
吉蘭泰鹽斤即令寧夏道兼管鹽法道辦理
並令該督於丞倅中酌量一員在該處輪流
駐劄以資查察其陝西鹽務仍照舊令鳳邨
道兼鹽法道管理統由山西巡撫覈轉至所
請磴口添設運判一員吉蘭泰及磴口各設

鹽大使一員河口鎮添設批驗所大使一員
以及派委武職彈壓之處應如該侍郎等所
奏辦理從之○以哈密辦事大臣景熠為二
等侍衛在大門上行走○賞熱河接駕兵丁
及看守避暑山莊弁兵一月錢糧看守口內
口外各行宮弁兵半月錢糧○是日駐蹕兩
閒房行宮○辛未諭軍機大臣等本日英和
等奏稱吉蘭泰池鹽除由黃河水運可行山
西省北陝西府谷神木等處聞尚有由甘肅

鞏秦一帶入陝西隴州分途入楚之路從前私販透漏侵越淮網俱由於此可否勒下陝甘督撫體察情形或即改行口鹽或應劃分疆界防其越境侵賣等語著方維甸查明該一帶向來例食何處之鹽從前私販到彼係經由何處州縣販賣入楚現將吉蘭泰池鹽統歸商運應否即將該一帶地方改為吉蘭泰池鹽口岸一併派商承辦為之劃定疆界勿令侵越淮網著即體察情形妥議具奏○

是日駐蹕常山峪行宮○壬申駐蹕喀喇河屯行宮○癸酉

上至熱河詣

文廟瞻禮

闕帝廟

城隍廟拈香詣

永佑寺行禮 諭軍機大臣等賽冲阿奏撥補缺額戍兵並陸續徹遣征兵內渡歸伍一摺前因臺地搜捕肅清諭令賽冲阿體察情形

將所調官兵酌量徹遣歸伍茲據奏稱查明挑補水路缺額兵共一千七百餘名而凱旋兵三千餘名班滿換回兵二千餘名俱應分起內渡等語現在臺地雖已肅清但賊情詭譎轉盼西北風當令仍恐其復窺臺郡若將凱旋兵三千餘名俱行裁撤恐賊黨聞知復生窺伺即該處居民見大兵俱已撤回亦難保無脅從助惡情事並恐陸路尚有餘匪潛匿著賽冲阿將凱旋兵三千餘名內酌留一

半暫停內渡並留許文謨在彼以資彈壓而壯聲勢○命嗣後秋獮如遇雨水稍大密雲古北口內外潮河灤河各橋座著密雲副都統古北口提督熱河副都統率領官兵幫同修搭著為例○以陝西督糧道素納為按察使賞熱河綠營兵丁一月錢糧○賞古北口內外潮河及喀喇河屯搭橋弁兵緞匹銀牌有差兵丁半月錢糧○是日駐蹕避暑山莊至八月己丑皆如之○甲戌以國子監祭

酒溫汝适為太僕寺卿○是月江南河道總督戴均元奏謝議敘得旨矢公矢慎為國安民為督撫者關繫一省為河督者關繫數省況我朝廷都北京漕運尤要卿之責任重大倍於督撫漕運不可不勉不可不慎也然徒恐懼悚惶何益於事惟敬誠事

天

神廉明率屬吏無不可辦之工有一分才力盡一分才力必邀

吳慈默佑永慶安瀾矣將此旨與徐端看願汝二人如股肱手足同心協力莫妄生分別誌之母忽

大清仁宗受天興運敷化綏猷崇文經武孝恭勤儉端敏英哲睿皇帝實錄卷之一百六十四

實錄

末

[illegible]

嘉慶十一年丙寅八月乙亥朔諭軍機大臣

清實錄
嘉慶十一年八月

上御如意洲。賜扈從王。公大臣蒙古王。貝勒貝子。公額駙。台吉等食。並賞賚有差。○遣官祭

先師孔子遣協辦大學士費淳行禮○諭內閣自嘉慶七年以來每遇朕進哨收圍時圍外有蒙古僕役乘馬持竿者甚多俟鹿隻逸

出即行套捕送與蒙古王公台吉等作為自射呈進希圖邀賞黃馬褂花翎甚至該王公等以此轉送他人其人亦呈進希冀邀恩此等僕役難保非各蒙古王公等所使朕率各王公大臣侍衛官兵等進哨行圍原以習勞肄武圍場切近地方豈容蒙古僕役等任意馳驅殊非體制且徵倖之習一開必至廢棄騎射舊業關繫匪輕著交理藩院傳諭各蒙古王公等嗣後各將屬下嚴加管束毋許套

拏牲獸並著管理圍場大臣遇有圍外套拏牲獸之蒙古即行嚴拏將該僕役併該蒙古王公等一體治罪○諭軍機大臣等全保等奏接據總兵呢瑪善稟報陝西寧陝鎮新兵戕官不法飭屬嚴密防範緣由一摺寧陝新兵陳達順等藉停止米折為名糾眾戕官焚燒衙署種種不法現經方維甸會同提督楊遇春調派多兵前往勦辦朕復特派德楞泰馳往督勦其首夥祇三四百人不日自可辦

理淨盡現在賊蹤係由西南之甘家砦四畝地一帶奔竄已傳諭豐紳等迎頭截勦諒不至有竄往楚省之事全保等祇須飭知地方文武不動聲色嚴密防範切不可輕於調兵稍涉張皇轉滋驚擾現在該處本有總兵呢瑪善在彼全保等又經飛咨提督慶溥辦理若邊界地方有必須大員督辦之處即著慶溥馳往將此傳諭知之○戊寅祭

大社

大稷遣成親王永理恭代行禮○裁撤東園門散秩大臣一員侍衛十員○以故四川松茂道屬土通判王璣子維新襲職○賞熱河及額魯特兵丁一月錢糧○庚辰諭軍機大臣等額勒布奏挑挖鮑營河被水淹漫情形一摺據稱鮑營河工程挑至七分因五月初黃水盛漲開放王營減壩掣動溜勢將遙隄衝開直注鮑營河由六塘河等處入海水勢瀾漫無從施工准所存鹽無幾各岸需鹽孔急

現在嚴飭該監督等督同各商不惜運費設法趕緊籌運等語挑挖鮑營河原為運鹽利便而設今施工甫及七分適因黃水盛漲該處一帶勢甚瀰漫所有從前商捐挑挖工程自己前功盡棄但食鹽為民間日用不可一日缺誤額勒布摺內但稱設法趕運究竟如何籌運之法並未詳晰聲敘朕心深為慮念即將來辦理黃河改道後黃水經由處所是否於場窰有礙若不豫為設法妥辦設有誤鹽運在間閭既不免食淡食貴之虞而商人轉運稍有阻礙或致藉詞賠累滯銷墮課均不可不通盤籌及著鐵保戴均元徐端額勒布會議速奏尋議鹽船運行共有三路一由鹽場舟運至佃湖盤壩從正河轉運一由堯瀆河入鹽河一由新河直走張家河出減壩口但現在積引尚多僅此三路運行恐不敷接濟擬由場裝載海船從內洋直達焦山試行一次從之○辛巳遣官祭

關帝廟○戶部議准廣西巡撫汪日章疏報天保奉議營林三州縣開墾田三十一畝有奇水田四十八埤有奇照例升科從之○展緩河南新鄉汲輝復嘉淇林河內武陟修武濟源原武安陽湯陰濬縣武陽陽武臨漳內黃武安涉延津滑封邱考城滎澤二十六縣帶徵額賦漕糧○壬午遣官祭昭忠祠○諭內閣刑部奏議駁全保等審擬東湖縣店戶閻鳳輝夥串丁役裁誣販私分別定擬一案所駁甚是此等裁賊誣陷平人之案若非本官授意營私必係差役藉端嚇詐所致自當確究實情以成信讞乃該督撫審辦此案並不將案內緊要情節悉心研鞫僅據該犯等串捏供詞於裁賊誣陷則以店戶閻鳳輝為首於糾眾搜搶則以在逃之腳夫陳洪佐為首於誣告人命則以已故之差役李宣為首顯係為官役開脫希圖輕減罪名實係外省迴護惡習全保瑚圖禮著傳旨申飭仍著將此

案親提犯證秉公確訊務得實情另行妄擬具奏即訊明情節果係如此亦當根究切實證據不得再有含糊草率○諭軍機大臣等倭什布在秦州途次所發之摺據稱叛賊現在洋縣留壩一帶分股焚掠意欲勾結各營新兵竄入棧道因河水盛漲各處戒嚴未能偷渡尚在華陽及二郎壩等處滋擾等語已諭令倭什布行抵鳳縣就近探蹤追剿德楞泰行抵西安自當得有確信視賊所向相機馳擊至摺內屢稱叛兵字樣此則非是既叛即非兵矣猶之民人謀逆尚得謂之叛民乎已於摺內用硃筆改正嗣後當遵照聲敘至所稱叛賊曾發有傳帖至各新營勾結留壩營兵未經接收等語可見新兵中不甘從逆者亦復不少德楞泰到陝後一面將新兵妥為撫輯仍查明各營內如留壩兵丁之未經接收叛賊傳帖者酌加獎勵其從逆者無論兵民惟當一律勦洗將此諭令知之○癸未

太宗文皇帝忌辰遣官祭

昭陵○諭內閣慶桂等議駁倉場侍郎賡音等請將文職四品以下武職三品以下等官俸米改歸通倉支領一摺此項俸米每年運京為數祇二十八萬石曩之運京甲米二百七八十萬石不過十分之一歲有開銷經費萬餘兩運役等安得因此遽增賠累若如該侍郎等所奏改歸通倉支放則官員等關領稍遠難保不將米票在通售易京城存米較此市價易致昂貴於旗民生計均有關繫且通州鋪戶買得官員米票市儈奸胥藉此勾連漁利關支囤積一俟重運將次抵通正可潛赴水次售賣是回漕之弊更易叢滋該侍郎等所奏實不可行至運役果有賠累自當妥為調劑閱該侍郎等原摺內並未將如何賠累情形詳細聲敘或因近年錢價稍昂運役等領銀易錢不免有所虧折亦未可知仍著該侍郎等悉心籌酌從長妥議據實具奏

○諭軍機大臣等鐵保等奏宿南三堡漫口溜勢上提附近之郭家房土隄漫水情形一摺本年七月中旬以來上游處處漲發以致前日周家樓甫經漫口之後現復在連上之郭家房刷開口門既經奪溜五分惟有趕緊堵閉但現在兩處工程皆關緊要戴均元著專辦周家樓堵口事宜其郭家房堵口事宜著專交徐端督辦堵禦禮壩工程並著飭催工員上緊辦理迅即堵閉不致清水再有洩減為要將此諭令知之○又諭方維甸等奏稱賊匪於上月初七日夜間到四畝地營焚掠千總何斌伏受傷十二日至毛坪汛經制外委馬萬春被害是夜竄華陽營參將何占鼇登城守禦被矛傷墮落堡外印信遺失現在賊匪竄至二郎壩地方所過營汛皆係勾結內應賊數有一千數百名該逆等竄到華陽恣意焚掠並處處勾結內應傷害官員可恨已極所有節次被害之官員兵丁內如查

有由鄉勇充當新兵在營拔用者當加一等賜卹並著德楞泰等通諭各處新兵踴躍戰守不為叛賊所惑將此諭令知之○浙江提督李長庚奏拏獲蔡牽幫另船盜首李接並夥匪盜船礮位器械得旨李長庚追捕蔡牽日久未經奏捷有捷音此次不過小得勝仗其殲擒者祇係另船夥匪且據該提督摺內奏稱行抵三盤已失盜蹤若果緊躡何至失蹤是官兵距賊較遠之明證著清安泰再行嚴催李長庚等務即確偵賊蹤上緊躡捕○撥山西藩庫銀四十萬兩解往陝西以備軍需○甲申旌表守正捐軀山東肥城縣民李全妻史氏○緩徵直隸永清東安武清三縣被水村莊本年額賦並貸口糧籽種○乙酉太祖高皇帝忌辰遣官祭福陵○諭內閣承德府為每歲巡幸木蘭駐蹕之區民物豐饒駸駸向學自皇考高宗純皇帝建立黌序

聖製碑文昭垂久遠。彼時生員共祇五十餘人。定取鄉試中額一名。曾經欽奉。

諭旨。俟將來人數增多。再當加恩增額。本年朕蹕臨熱河。見接駕諸生人數濟濟。即交軍機大臣查明該府闔屬生員實數。現據稱查明統計四百餘名。人文日盛。殊堪嘉慰。著加恩於承字號中額一名。外廣額二名。每科鄉試取中舉人三名。以示朕仰承。

教澤嘉惠。烝髦至意。○又諭據長琇等奏廣東

巡撫專差齎送大計本章三本。到通政司衙門。覈計逾限八日。詢據該承差因途間雨水。遲誤。請交刑部訊辦。又陝甘河南等省。齎到本章。亦多逾限。緣無地方官結報。無從稽覈。遲誤緣由。請勅下各省督撫。嗣後拜發本章。按站填註時刻。分別鈐蓋印信。黏貼印花。以便稽考等語。各直省呈遞本章。例有定限。遇有來差遲誤日期。通政司查詢明晰。即可移知兵部辦理。何必遽交刑部審訊。至本年直

隸雄縣一帶。雨水本多。每多繞道行走之處。前日廣興來至。行在時。即經奏及。現在廣東省差官齎本逾限。稱係途間水阻。或非無因。著兵部查明照例辦理。此外陝甘河南等省。現在呈遞本章。各有遲誤之處。是否均因水阻。亦著兵部行文各省查明辦理。至該衙門請酌定章程。令各直省督撫。於拜發本章。由首站鈐蓋印信。沿途黏貼印花。以便稽考之處。並著兵部詳議具奏。尋議各省驛站。有相

距州縣至數十里者。若令逐站填註時刻。黏貼印花。轉致守候需時。州縣有地方之責。勢難親身在驛。前經臣部通行各督撫。令各州縣將程站限行里數。接遞月日時刻。逐一登明。按月造冊送部查覈。立法已極周密。嗣後各省拜發本章。無論由驛專差。儻途中猝遇大雨。或陰雨連綿。河水暴漲等情。即將遲誤緣由報明地方官。取具印結。隨本申明。通政司查覈。並令地方官詳報各督撫。按月彙總

咨部如地方官不即出結查明議處。儻該承差並不呈報行文該督撫從重懲治。如此嚴定考成。自毋庸另議更張。從之。○諭軍機大臣等。前因寧陝匪徒滋事。思欲竄往棧道一帶。早經諭知勒保。派令豐紳酌帶兵力前往。七盤關廣元一帶駐劄防守。嗣又據該督奏稱。札飭總兵田朝貴。唐文淑各帶兵一千名。前赴太平大寧一帶邊境密防。本日據方維甸等奏報。賊匪由梔桿石小河口向東南奔竄。已諭令德楞泰加緊督辦。惟陝省兵丁不足。深恃豐紳現已帶兵前抵邊境堵禦。著勒保飭知該提督即帶原領之兵。徑赴陝境與德楞泰會商夾擊。如兵力稍單。即於就近營分再酌調一二千名應用。其七盤關廣元一帶著勒保另派妥員帶兵堵禦。至德楞泰處兵或不敷。則於川省調往最便。本年春間因蔡逆滋擾臺灣。曾令該督備調屯練兵二千名。旋即停止。著勒保仍即速行調集豫備。現

已諭知德楞泰如需用時一面奏聞。一面咨調以期迅速。歲事將此諭令知之。○丙戌諭軍機大臣等。據阿林保奏蔡逆幫匪船復竄回閩。飛催許松年統帶舟師迎頭截擊。各緣由辦理均屬得宜。但作據該督奏稱拆閱李長庚致溫承惠書。函有七月初十日將兵船收進定港。裝蓬燁洗購備口糧之語。因疑其私行回署。又稱追至盡山洋面盜船竄往極東深洋不能勦捕。初五六七日見盜船遊奕扼住上風。何以忽稱探聽無蹤。特將李長庚密奏請革職治罪。經朕降旨訓示。以阿林保所奏均係揣度之詞。且於李長庚所奏七月二十一日在大陳調班等洋面攻勦盜船生擒盜首李榕及殲斃夥盜多名一事。尚未知悉。是以諭令清安泰確查李長庚是否有有心玩誤。私回衙署捏飾奏報情事。據實陳奏。本日摺內又稱李長庚玩誤縱賊。是該督之意。必欲將李長庚叅革治罪。太存成見。

矣。帶兵大員。如果查有玩誤確據。朕豈肯稍從寬宥。近年辦理教匪。因玩誤而獲罪者甚多。然彼皆有實據。是以不稍寬假。朕非庸闇之主。豈肯以莫須有入人重罪乎。今該督前後所奏。總不過懸揣之詞。毫無實跡。即如李長庚所奏。生擒李按一事。適據清安泰奏到情形。均屬相符。並經委員將李按訊供。知蔡逆另坐大船脫逃。其起獲礮位器械等項。均係確鑿。若如該督所奏。疑其私行回署。則李

按一犯。又從何擒獲。即云李長庚飾詞誑奏。豈清安泰亦從而附和乎。看來阿林保竟係先存意見。不自知其言之無據。朕於李長庚從未識面。豈復稍有袒護。惟督勦蔡逆一事。經朕特派統領舟師。該提督衝風涉浪。已閱數年。豈能以該督懸揣虛詞。遽繩以法。試思此時即將李長庚褫職。將治以何項罪名。且將伊治罪後。又責令何人統領舟師勦賊。豈不轉致遲誤。外省文武大吏。總在和衷商榷。

若稍存私見。動掣其肘。以致日久罔功。固當嚴治李長庚之罪。該督亦豈能置身事外。阿林保所奏。實屬冒昧輕率。著傳旨申飭。○命理藩院。曉諭蒙古王公台吉等。嗣後乾清門行走之蒙古王公台吉。有因謝恩引見。懇請隨圍効力者。即行轉奏。散走之蒙古王公台吉。等於謝恩引見後。著各回游牧。其無故前來者。概行禁止。著為例。○丁亥秋分夕。月於西郊。遣裕郡王亮煥行禮。○

上詣

永佑寺行禮。○予福建出洋淹斃把總曾元章。外委陳廷高。陳邦桂。鄭國雄。浙江出洋淹斃外委李永譽。祭葬世職。兵丁許仁等二百三十五名。賞卹如例。○戊子。諭內閣。吳璥等奏。請將豫東二省降革各河員。分別留任。協防以資熟手一摺。據稱該二省管理黃河各廳員。因本年李亨特案內。俱有供應飯食門包。並為之蓋造公館。經李亨特薦用親戚等事。

應行革職者四員降調者九員均應飭令離任。惟現在候補丞倅僅止十員不敷補用。且大半俱係生手。河務緊要可否將降調之同知呂昌會等九員加倍捐復。其革職同知沈廷諧等四員留工差委各等語。東河丞倅各員不自謹飭。濫應上官。以致均罹降革處分。其罪本無可寬免。惟念豫東二省黃河兩岸工程修防緊要。若一律俱換生手。恐其辦理未協。而現在候補之員又復不敷補用。所有

該河督等奏請將降調同知呂昌會張志鑑姚仲陳旭通判王申伯費連雍廷煥汪元琨八員加倍捐復仍留本任之處。呂昌會等止於私出門包。部議亦祇降調情節較輕尚可准行。其先經終養之同知孫象坤一員情罪相同亦著准其加倍捐復。至革職同知沈廷諧王文緒滕開業通判葉鳳翥等四員則不但私出門包。并為李亨特墊辦供應。建蓋公館兼任用其所薦親戚。多方逢迎。劣蹟尤甚。

該河督等亦為之奏請留工効力。豈以伊等積慣逢迎。留以自便。將來留工之後。不過一二年間。又將以防守出力保奏。豫為該劣員等錄用之地乎。沈廷諧等四員不准留工差委。吳璣馬慧裕長齡均著傳旨申飭。○又諭成寧參奏阜陽縣知縣傅文炳於承審命盜重案輒行草率定擬。屢經臬司指駁。並不上緊審辦。於詞訟事件亦任意積壓。其詳報監犯病故之案。計上年六月至今一載之中。病

斃四十餘名。請將傅文炳及該縣典史喬佐國一併革職等語。案犯羈禁囹圄。有獄及典獄官本當依限審結。隨時照料。今阜陽縣詳報監犯病斃者竟至四十餘名之多。此四十餘名未必皆罪犯應死。其中或有案情牽連待質。因久禁獄中。拖延殍斃。殊堪憫惻。該知縣及典史玩視獄囚。漫不加意。實屬懈弛不職。成寧查明參奏。所辦固是。但僅請將該知縣及典史革職。辦理尚覺過輕。所有阜陽縣

知縣傅文炳典史喬佐國均著革職發往伊犁効力以示懲儆該管知府樊士鑑平時不能督率整頓亦難辭咎著交部嚴加議處○予陝西捐輸煮賑之紳士王成久等同知通判職銜有差○己丑

上御卷阿勝境賜扈從王公大臣蒙古王貝勒貝子公額駙台吉等食○庚寅

上自避暑山莊啓鑾幸木蘭○工部尚書姜晟因病請解任允之以江蘇巡撫汪志伊為工

部尚書調廣西巡撫汪日章為江蘇巡撫以廣西布政使恩長為巡撫山西按察使李鎔為廣西布政使湖北鹽法道常明為山西按察使○是日駐蹕中闕行宮○辛卯諭軍機大臣等倭什布奏探明叛賊南竄洋縣現在分路截剿一摺據稱該逆於前月二十日擾至西江口營有本營新賊六七十人內應以致失守護遊擊守備田得被戕該逆等先令百餘人沿河奔竄意在踴淺偷渡經留壩文

武督兵斃賊二名餘匪驚竄折回合同大股東竄原公擾至洋縣等語看來此股叛賊即係寧陝匪徒本欲乘間偷渡竄入棧道自係探知西路已有官兵前來是以折向東南奔竄此時方維甸等正由東南進兵迎剿倭什布以伊帶兵前進恐西路空虛不免顧此失彼派令游棟雲帶兵一千五百名星夜馳赴城固洋縣一帶合剿所見甚是倭什布現在率同官兵五百名仍在鳳縣一帶緊守要隘另調寧夏兵一千五百名督標兵五百名趕赴行營會集此項官兵合計已有二千五百名足敷分布務當督飭將備於各要隘一律嚴防遇有賊匪西竄即應迎頭截擊就近撲滅設防禦稍有不力致令該匪竄入棧道則惟倭什布是問將此諭令知之○以四等侍衛豐紳濟倫為盛京兵部侍郎○是日駐蹕波羅河屯行宮○壬辰遣官祭黑龍潭昭靈沛澤龍王之神玉泉山

惠濟慈佑靈漢龍王之神○諭內閣刑部奏
據吳熊光將訪獲匪犯李崇玉家屬李蔡氏
等緣坐各犯應否解京抑暫行羈禁之處咨
請部示一案李崇玉結交匪類橫行鄉曲膽
敢與洋盜勾連為之接濟消贓糾眾械鬪戕
害多命甚至將人支解種種不法問擬凌遲
實所應得但該犯脫逃以後久未弋獲嗣經
那彥成設法誘致該犯始自行投出許以官
職送京此係那彥成辦理不善而該犯畏罪
自投究與拏獲者稍覺有間且此案原擬該
犯罪名祇係比照大逆定擬與實犯者不同
從前該督撫等未將正犯拏獲先將其父兄
辦理緣坐本不甚協今該犯李崇玉尚在監
禁未正刑誅亦不必將其妻子遽擬緣坐著
刑部堂官參覈例案權衡情罪先將李崇玉
一犯應如何酌減罪名之處悉心定擬請旨
辦理再將應行緣坐各犯一併酌減定擬即
從前業經緣坐各犯亦當畫一辦理以歸平

允尋議李崇玉所犯予以寸磔實屬情真罪
當惟究係畏罪投回應請改為擬斬立決其
妻子依例應流二千里若因比照大逆例免
緣坐仍留該省地方誠恐滋生事端應請於
緣坐發遣上酌減安插將已發黑龍江之李
亞趙李崇雲李賢茂李賢盛李賢彩均行釋
回與犯妻李蔡氏犯子李亞元李亞長一併
酌發不近海洋之山西河南兩省安插令地
方官嚴加管束於矜恤之中仍寓懲治之意
得旨李崇玉著照擬改為斬決派刑部侍郎
瑚素通阿監視正法餘依議○命護軍統領
溫春乾清門侍衛桑吉斯塔爾古北口提督
薛大烈帶領巴圖魯侍衛弁兵三十員名吉
林學圃弁兵二十一員名馳往陝西德楞泰
軍營○以直隸天津鎮總兵官色克通阿署
古北口提督○是日駐蹕張三營行宮○癸
巳諭內閣昨因文寧奏先後拏獲私買紅單
冒領馬匹各犯已諭交托津德各提集案犯

嚴審定擬具奏矣。私買紅單一事由來已久。蓋因買者賣者及察哈爾交收馬匹之人。均有便利可圖。彼此出於情願。雖明知犯法而不顧。然其弊不可勝言。隨扈官兵給予紅單。領馬來騎原以其差使繁重。俾資馳驅之用。係屬我朝舊制。該官兵等。即或自揣不需馬匹。亦不應將紅單私自賣給他人。乃希圖得有價銀。沿途又省餽養之費。迨差竣交馬時。率以疲瘦不堪者充數繳收。否即折交銀兩。亦有交錢者。實不成事。而察哈爾官兵等。因所交之馬多有疲瘦。即交回亦難收放。莫若將銀折收。易於買補。是以亦所樂從。殊不知此項紅單。一入馬販之手。伊等因緣為奸。即可遴選好馬。冒領售賣。以遂其牟利之私。試思察哈爾每歲應調馬匹。不下萬數。當點收時。即未必能一一足數。且駕下居多。其較為良駿者。官員等無由領得。轉為販夫購取。迨至交馬時。不特盡成贏乏。且又任令折交。短

缺更多。以致官馬日少。良馬盡歸馬販。若不徹底查辦。則每遇巡幸一次。官馬即轉賣於民間多匹。是則於馬政殊有關繫。此等弊端。即在收放馬匹之王公大臣等。未必不知。特以積久相沿。不肯任怨。俱思討好。令人感激。因循疲玩。總不查辦。即如上年盛京途次。拏獲包攬換馬紅單之吳二等。各犯經軍機大臣會同行在刑部。徹底審究。嚴行科罪。乃甫經懲創。本年又有拏獲之案。可見官兵人等。竟若視為故常。無所畏懼。實為惡習。今積弊既經查出。不可不嚴立章程。力加整頓。著兵部堂官悉心體察。酌覈事理。將隨圍官兵應領馬匹。或按其差使酌減數目。其領馬時。如何不至冒領。設有私賣紅單。及折交銀兩者。應如何定以罪名。察哈爾官兵有私收銀兩者。亦應一體科罪。私買之馬販等。更當從嚴問擬。其派出驗收驗放之王大臣等。應如何確切稽查。如有知而不舉。如何分別懲處之

處妥議章程奏請定奪此係積年錮弊恐非旦夕所能革除著自明年為始官兵領馬交馬總須按照馬匹實數如交回之馬實有過形疲瘦難以牧放者准令察哈爾都統奏明變價另行買補不得再有通融滋弊尋議隨圖捷報放馬司員及東三省學獵官兵杭愛墨爾根養鷹額魯特官兵應領馬匹業於嘉慶九年議減其兵部筆帖式向係給馬四匹應各減一匹領催馬甲及圍場兵役僅數乘

騎應毋庸議此次議減之後如仍有私賣紅單及折交銀兩者刑部辦有成案應照案治罪察哈爾官兵折收銀兩者一體科罪馬販等從嚴問擬其散給紅單之該管官並派出驗收驗放之王大臣等一併議處再查每年熱河進哨各處派出隨從官兵除在京領用馬匹外其有應行補給及放給後起官兵馬匹向在石片子地方放給該處距熱河二百餘里官兵恐未能親往領騎易滋弊端嗣後

請將石片子應放馬匹均於進哨前在二道河全行放給從之○是日駐蹕阿圭圖御營

○甲午

上行圍○以故四川松茂道屬陽地隘口長官司王璵子維世襲職○是日駐蹕海拉蘇台御營○乙未

上行圍○諭內閣本日恭行簡奏藩司查出司書假雕印信串通銀號虛收解款舞弊侵用緣由一摺並據慶格同日具奏究出司書私

雕假印勾串舞弊緣由據稱司庫歷年出入銀數輻輳不清司書狡黠支吾因弔齊冊檔案據詳悉稽覈查出歷年地糧耗羨以及雜稅銀兩均有虛收之款隨又親提各州縣奉到司發批收逐加覈對竟有假印貼改諸弊隨查傳承辦司書王麗南等隔別研訊歷年以來該犯等有將司發庫收小數貼改大數者有將領款抵解錢糧又蒙混給發者有串通銀匠給與假印批收者為弊不一共虛收

過定州等十九州縣地糧正耗雜稅等銀二十八萬餘兩并起出藩司及庫官假印二顆等語直隸司書王麗南等敢於私雕藩司及庫官印信與銀匠等串通舞弊將各州縣批解銀糧任意侵盜數至二十八萬餘兩之多作奸犯科至於如此為從來未有之案實出情理之外案關重大不可不嚴行根究辦理示懲著派協辦大學士尚書費淳尚書長麟帶同明幹司員即行馳驛前赴保定查明款

項提集犯證逐一嚴訊秉公定擬具奏其畏罪潛逃之司書陶源即陶含輝著該督等即行嚴拏務獲歸案辦理至此事該司書等串通侵盜舞弊有年將庫項種種糾纏以致漫無稽考該藩司慶格於到任後悉心查覈詳細勾稽今將弊混查出認真可嘉慶格著加恩交部議敘該藩司摺內稱拜摺後查勘河工回至省城將要件趕緊清釐即赴密雲查道迎駕等語現在省城有此重大之案即日

欽差到彼正須督同該藩司詳悉查辦所有迴鑒時查勘道路橋梁等事計彼時裹行簡堵築漫口查勘隄工早經完竣自可前來行在照料慶格著無庸前赴行在於何處接奉諭旨即於何處回省俟費淳長麟到彼隨同審辦○命嗣後進哨行圍各省差人遞摺兵部官員於哨門接收兩起即由臺站轉遞行營或遇本報及驛遞奏報經過附便馳遞○改派大學士朱珪尚書德瑛留京辦事○緩徵四川太平雷淋秦江瑯四廳縣被水村莊本年額賦○是日駐蹕呼魯蘇台御營○丙申

上行圍○諭軍機大臣等方維甸等奏洋縣知縣曾彰泗於賊匪攻城時經軍功等報令逃避該令堅不肯行旋被賊匪執縛脅令同行該令大罵賊匪縛赴城隍廟湯泡火烙身受多傷罵不絕口而死曾彰泗深知大義慘遭戕害實可嘉憫著加恩照知州例咨部賜卹

並著於事竣後設立牌位於城隍廟之配殿。春秋官為致祭。載入祀典。將此諭令知之。○是日駐蹕那爾蘇台梁西山根御營。○丁酉。世宗憲皇帝忌辰。遣官祭泰陵。○是日駐蹕巴顏布爾噶蘇台御營。○戊戌。

上行圍。○遣乾清門侍衛羅布藏多爾濟往奠故土爾扈特汗浩碩齋茶酒。賞銀五百兩。治喪。○是日駐蹕巴彥溝御營。○己亥。

上行圍。○遣官祭賢良祠。○諭軍機大臣等。吳熊光等奏查明粵省硝磺情形。籌辦透漏一摺。據稱粵省產黃各廠。煎解年各時。虞缺乏。查有夷船壓艙鹹沙一項。亦可煎硝。曾經辦理有案。且洋船壓帶硫磺。例准收買壓艙鹹沙。較之倭黃更多。若收買不盡。尤易透漏。似應倣照辦理。應請俟夷船進口時。即將壓艙鹹沙及所帶黃斤。一併飭商認買。俟二項充足。可備一二年之用。將黃廠封閉。硝廠亦一

併暫停採煎等語。硝黃二項例禁甚嚴。今盜船火藥甚多。自應設法嚴防。杜其接濟。著如所奏辦理。但盜船之接濟。其途甚多。如營汛兵丁。即有將火藥賣給盜船之事。前經節次降旨。令於濱海各處嚴密稽查。該督等仍當諄飭各營。嚴實力奉行。方可以杜盜源。而靖洋面。將此諭令知之。○是日駐蹕達彥梁御營。○庚子。

上行圍。○諭內閣馬慧裕奏。拏獲兇殺一家三命之犯。審明定擬一摺。據稱案犯牛新。挾嫌謀殺胞弟牛華。弟妻榮氏姪牛三兒等一家三命。復將喊等之鄰右楊妮子砍斃。楊起隆砍傷內楊妮子。並非一家牛華牛三兒係該犯期親卑幼。牛榮氏係該犯弟妻。應同凡論。請將牛新比照殺一家非死罪三人律。凌遲處死。先行刺字。請旨定奪。其妻子仍免緣坐等語。此案牛新胞弟牛華。因聽信其妻榮氏挑唆。吵逼分家。並欲牛新連夜出屋。因此肇

釁是牛華本屬不悌之人。牛新懷恨挾嫌計圖洩忿。先將其胞弟牛華砍斃。次砍其胞弟之妻榮氏斃命。繼又砍其胞姪牛三兒斃命。復因鄰人楊妮子聞喊趨至。恐難脫身。起意一併砍斃。牛新砍斃多命。兇橫已極。問以凌遲。尚何足惜。惟所殺一家三人。分均卑幼。若即照殺一家非死罪三人律。凌遲處死。設所殺三命中有該犯尊長在內。其罪亦難以復加。且與實在殺死凡人一家三命者無別。牛新著改為斬決。梟示。至牛新既不應問。以凌遲則伊妻自亦不應緣坐。嗣後有殺死一家三命之案。其被殺之人分均卑幼者。應即照此辦理。著刑部纂入則例。○緩徵福建龍溪南靖二縣水災本年額賦。○是日駐蹕伊綿溝御營。○辛丑。

上行圍。○旌表守正捐軀直隸蠡縣民孫茂四妻齊氏。安徽合肥縣民王廷獻妻李氏。宿州民周學女周氏。○是日駐蹕伊綿溝口御營。

○壬寅

上行圍。蒙古盟長等於行幄南門外設大禮廬侍。

上膳畢。

上閱詐馬等技。賞賚有差。○是日駐蹕案已究溝口御營。○癸卯。

上行圍。○諭內閣據行圍領叅大臣綿億等奏。侍郎副都統明志散秩大臣公舒明阿管圍平常。本日於墨爾根行圍。擅離所管地方。

由圍外行至看城。竟未進圍。請將明志舒明阿交部嚴加議處等語。行圍所以肄武。法同用兵。陣式務當嚴密。綿億等所奏甚是。明志舒明阿均屬疏懶不堪。不必交部議處。明志著革去侍郎副都統加恩。以內閣學士降補。仍戴花翎。管理太常寺事務。舒明阿著革去散秩大臣加恩。賞給頭等侍衛。在大門上行走。仍各罰職任俸半年。以示懲戒。並令伊等照舊管圍。不必另行派人。○轉兵部右侍郎

廣興為左侍郎調禮部左侍郎多慶為兵部右侍郎盛京工部侍郎薩彬圖為禮部左侍郎以內閣學士策丹為盛京工部侍郎○調鑲白旗漢軍副都統慶惠為鑲白旗滿洲副都統以總管內務府大臣常福為鑲白旗漢軍副都統禮部左侍郎薩彬圖兼鑲黃旗蒙古副都統○福建陸路提督王柄因病解任調水師提督許文謨為陸路提督以福寧鎮總兵官張見陞為水師提督○是日駐蹕烏

蘭哈達南御營○甲辰

上行圍○諭軍機大臣等德楞泰奏賊匪此次攻擾焦家堡後有向東南奔竄之勢關繫緊要該處東南即係鎮安商雒一帶路通豫省該匪等從前隨營充當鄉勇於官兵虛實及川陝楚道路情形均所熟悉此次或由陝竄豫俱未可知除諭知馬慧裕督飭兩鎮帶兵於各要隘嚴密防堵外德楞泰總當顧住東南將賊匪逼向西竄聚而殲洗為要至楊芳

係寧陝總兵所管兵丁竟至叛逆本有應得之咎今帶兵回省又復繞道行走及至石泉與賊相近未能迎頭攔截實屬懈玩著先革去翎頂暫留本任仍責令帶兵勦賊立功自贖將此諭令知之○又諭此次李長庚探明賊蹤所在追及蔡逆坐船奮不顧身直前攻擊以致身受數傷實屬勇往不得復疑其怯迨迨至蔡逆此次當兵船駛擺之時先用火器長鎗抵禦繼復用瓷碗拋擲可見盜船

火藥漸少不能如前接濟近來各海口辦理防堵尚屬嚴緊但該逆當此鋌走之際船上火藥既盡其望接濟更殷自必多方設法欲圖透漏該督撫尤當嚴飭各海口地方武員弁加意巡緝有犯必懲無許絲毫透漏方為有益儻有透漏者從重治罪首犯即行絞決餘犯定擬具奏再李長庚稱該提督所坐之船為通幫最大及並攏蔡逆之船尚低至五六尺是以不能上船擒捕致被免脫殊為

可惜閩省兵船前據該督撫等先後奏到添造大號同安梭船以資剿捕並因大同安梭船一時趕造不及請將大號商船先行雇用均即降旨准行現當勦賊喫緊之際該督撫一面上緊籌辦大船派委將弁送交李長庚俾令乘坐追勦庶擒渠不致久稽將此諭令知之○以殲擒海盜多名賞還浙江提督李長庚頂帶總兵官黃飛鵬下部議敘○以故土爾扈特汗浩碩齊弟丹津旺濟勒襲爵○是日駐蹕海拉蘇台南御營

大清仁宗受天興運敷化綏猷崇文經武孝恭勤儉端敏英哲睿皇帝實錄卷之一百六十五

大清仁宗受天興運敷化綏猷崇文經武孝恭勤儉端敏英哲睿皇帝實錄卷之一百六十六

監修總裁官內閣學士兼禮部侍郎等臣等奉 上諭事修纂前朝實錄事據欽奉

諭旨加六部等衙門等處官員等奉 上諭事修纂前朝實錄事據欽奉

提舉閣事行奏錄奉 上諭事修纂前朝實錄事據欽奉

訓上庫奉欽奉等處官員等奉 上諭事修纂前朝實錄事據欽奉

欽奉 上諭事修纂前朝實錄事據欽奉

教修

嘉慶十一年丙寅九月乙巳朔

上行圖○諭內閣張師誠奏沿途塘兵遞送部文積壓遲延情形一摺據稱各省塘站撥設塘兵凡部中發出公文由駐京提塘發交塘兵逐站遞送江西省距京三十餘站部文遲至八十餘日始行遞到本年八月初二日接到京塘發遞文報二十六封共有三百餘件多係五六月間所發據安徽固塘鎮管隊稟稱係定遠縣塘兵朱廣業積壓隨赴定遠縣稟送縣差兵書等阻不容稟現經飛咨安徽

撫臣飭提嚴究等語各省塘兵之設以備遞送部文自應沿途迅速齎遞方不致有貽誤乃江西省所接部文多有遲逾此次定遠縣塘兵竟敢將應遞江西部文積壓至二十六

號之多怠玩已極此項塘兵皆由地方官召選承充且本有稽查之責今似此積壓疲玩地方官視為無足重輕並不查明整頓實為外省惡習江西一省如此則各省可以概見除定遠縣塘兵一案業據張師誠咨行安徽

巡撫究辦外嗣後著各該督撫嚴飭管有塘站之州縣設立章程實力稽查遇有遞送各省部文務須按限馳送毋許稍有延擱違者即行懲處儻州縣漠不關心致有貽誤並著該督撫查明叅處以專責成而肅郵傳將此通諭知之○命御前侍衛富翰乾清門侍衛百順帶領盛京黑龍江索倫墨爾根等處官兵馳赴陝西德勝泰軍營○是日駐蹕舒木勒台御營○丙午

上行圍○免陝西隨征官兵借支銀各三成。如四川例○是日駐蹕六道河御營○丁未賜蒙古王貝勒貝子公額駙台吉等食。是日駐蹕張三營行宮○戊申諭內閣我朝

家法凡遇講武行圍及一切時巡典禮扈從大臣官員兵丁等均須馬力馳驅定制分別給與官馬俾資乘騎大臣等祿入較優故官給之馬為數較少至官員兵丁等則視其差使之繁簡定馬數之多寡少者一二匹多者三

四匹至虎槍處官兵因其登陟山險馬力易疲一人多至五匹實為體卹官兵起見迨差竣旋京仍將原馬交官如有倒斃者將馬耳馬尾呈驗仍令按價折交此項馬匹交齊後仍飭所司加意牧養俟需用時再行派撥其收馬放馬時均特派王大臣前往督察立法至為詳盡歷久遵行勿替乃不知始自何年官兵等竟有將官給紅單私行售賣之弊後遂相率效尤視為常事即王大臣明知此弊

並不叅辦以致日久弊深牢不可破實屬非是。大有害於馬政每遇行營該官兵等或數人合雇一僕役馱載無多自揣差使可以無誤輒將餘馬任意變賣賺錢花用回京時將馬價折交而察哈爾官兵以應交之馬多有贏乏難於牧放不若將馬價收回臨時將下乘充數較為易辦彼此兩便以致市儈奸販三五成羣隨營朋夥設法購買紅單牟利分肥弊端百出上年盛京逐次特命步軍統領

衙門盤獲兩案當令查明嚴辦此次木蘭行圍復經查獲買單賣單者若干犯可見積弊已久羣相習慣幾不知私賣紅單為違例犯法之事即上年審辦之案該官兵等竟尚有懵然不知自蹈禁網者今此案經特派大臣詳訊定議復勅令軍機大臣會同行在刑部逐加覈議降旨通行自是之後犯者即當照此科罪不能稍從寬貸著應領官馬官兵之該管文武各大員傳到官兵人等將此旨詳

悉宣示務使家喻戶曉共知做畏庶不致以身試法現已諭令兵部堂官將官給領馬紅單數目及一切收放事宜悉心籌議章程具奏自明年為始官兵等領馬一事均須遵照新定章程辦理其放馬收馬仍按舊制總須實放實收不得再有通融致滋弊竇將此通諭知之○旌表守正被戕江蘇沐陽縣民耿慶祿女耿氏○戶部議准陝甘總督倭什布疏報大通縣開墾北川口外番地一百四十

四段照例升科從之○是日駐蹕波羅河屯行宮○已酉諭內閣前據廣興奏御前大臣綿恩等違例擅專一摺內稱奏事處員外郎湛露升任道員後內閣六部照例保送七員御前大臣並不全行帶領祇揀選三員酌擬名次引見其餘俱行駁回顯違成例又內務府奏事官瑞寧缺出亦不由內務府酌擬保送係御前大臣自行擬定引見實屬擅專並稱從前和珅於各部保送到時尚不敢妄

行駁飭況現在功令森嚴似此恣意擅專必盡用御前大臣之私人於政治頗有關繫等語朕披覽時即覺其語涉過當但伊既有此奏或不無所見當令軍機大臣詢問御前大臣綿恩等據稱從前乾隆年間曾經奉有聖諭由各該衙門保送人員揀選引見應來均係遵辦嘉慶四五等年淳穎布彥達齋在御前大臣任內即係如此辦理此次湛露缺出委係遵照舊章揀選帶領引見至此次內務

府奏事官貽恭一員亦係該衙門保送因上次曾經引見名列第二是以此次揀選列名在前等語是廣興奏之詞已屬不實但恐其別有依據亦未可知當即降旨令留京辦事王大臣及內務府衙門一面詳查檔案據實奏聞一面令留京王大臣傳到廣興覆加詢問如果廣興稍有依據朕必不肯將廣興重懲以致杜塞言路不過將伊措詞不當之處酌量交部議處察議足矣乃前據留京辦

事王大臣及內務府大臣覆奏之摺均與綿恩等所奏相符而廣興回奏摺內尚稱乾隆年間歷次奏事缺出均將各衙門保送人員全行帶領引見從無揀選之事今創為此例弊將不可勝言曉曉申辯並稱此次內務府將武備院人員保送引見即係定親王綿恩所管之人該衙門向無保送之例等語如果所奏確實則廣興祇不過語句失檢處分尚輕至綿恩等此次辦理係遵照乾隆年間及嘉慶四五年成案如果淳穎布彥達賚等錯誤在前而綿恩等接手承辦未經詳查定例亦有不合必仍將綿恩等照例懲處惟行在各處檔案攜帶不全復命軍機大臣再將乾隆年間至近年各檔案詳悉確查統俟查到時再降諭旨本日據慶桂等查明乾隆年間清字漢字各

諭旨及一切檔案並嘉慶四年所奉諭旨及內務府保送奉宸苑等衙門舊案一併呈覽朕

詳加披閱則自乾隆年間奏事處官員缺出由軍機大臣帶領引見時即欽奉

諭旨交軍機大臣重加揀選並非全行帶領引見歷屆遵照辦理迨嘉慶四年亦經朕特降諭旨令御前大臣於各部院保送到時再行揀選後帶領引見當日淳穎等欽遵辦理俱有證據此時綿恩等妄係循照舊章又從前內務府保送舊案如書魯廣慶皆由奉宸苑衙門保送延豐則係由上駟院衙門保送鑿鑿可據此三員俱在奏事處行走多年舉朝皆識是廣興前後二摺均係矢口亂道毫無指實矣內外大臣如有任意擅專營私舞弊之事原應據實叅劾即阿哥親王近支宗室如有犯法朕必執國憲懲辦但須查明確實方可奏聞覈辦豈可捕風捉影率臆糾彈廣興於奏事官員如何揀選帶領引見之例並不詳查妄行叅劾已屬錯謬至伊身任內務府大臣豈於奉宸苑等衙門例准保送奏事

之處亦全未詢問詳明遽以武備院衙門從無保送之例妄行陳奏尤屬冒昧朕於臣下功罪一秉至公豈肯於綿恩等稍有偏向但似此憑空誣劾任意詆譏甚至將綿恩等比之和珅尤甚希圖聳聽以博敢言之名謬妄已極此而不加以嚴議將來言事者甚或挾私傾陷亦不可不防其漸朕所深許者敢言之臣而非妄言之臣欺世盜名懷私誣害之徒亦不能搖惑朕聽朕惟求一實字求一誠字不虛慕納諫如流之名淆亂是非紊亂綱紀也廣興著交部嚴加議處仍先革去兵部侍郎署刑部侍郎總管內務府大臣正藍旗滿洲副都統及一切所管差使降為三品頂帶聽候部議仍著將本日所降諭旨及進呈各檔案一併發交留京辦事王大臣傳到廣興交令閱看問其尚有何陳辯之語據實登答由留京王大臣代奏其御前大臣揀選奏事處官員帶領引見之處仍著照舊例辦理

尋議上得旨廣興降三級以從三品京堂補用○又諭費淳長麟奏審訊大概情形並究出串通舞弊之各州縣請旨革職鞫問一摺據稱司書王麗南等私雕假印舞弊營私一案查明自嘉慶元年起到本年止地丁耗羨雜款項下俱有虛收虛抵重領冒支等弊計有二十四州縣共侵盜銀三十一萬六千餘兩此內竟有與州縣講明每虛收重抵冒支銀一萬兩給與司書及說事人使費銀二三千兩不等各州縣實省解銀六千兩當經費淳等逐細研鞠按冊覈稽究出串通知情之州縣張麟書等十一員其現任者均經提傳質審各認通同舞弊屬實等語閱之殊堪駭異實為我朝未有之事從前外省不肖官吏作奸犯科如甘肅捏災冒賑之案最為重大然祇藉辦賑為名虛報侵肥從無有身任州縣與胥吏等勾連一氣公然將正項錢糧私雕假印挖改公文虛捏報解抵冒分肥至

三十餘萬兩之多。若似此朋比為奸。將各直省應徵錢糧。奸胥劣員得以任意乾沒。綱紀何在。亟應徹底訊究。加等嚴行懲辦。所有現已究出之知州陳錫珏。知縣徐承勳。陳孚蕭。泗水范穀貽。魏廷鑑。均著革職鎖拏。同已經叅革之知州王盛清。知縣任銘獻。一併鎖拏監禁。交費淳等悉心研審。如有狡展。即當加以刑訊。務得確情。按律加等定擬具奏。該革員等任所原籍及病故之知州張麟書。知縣鄒試。丁履端。各原籍資財。一併嚴密查抄。並查明該革員等子孫有捐納官職者。悉予褫革。其訊不知情之各州縣。亦尚未可盡信。仍當詳加確訊。毋任稍有不實不盡。以成信讞。

○諭軍機大臣等。前因德楞泰奏逆賊仍折回寧陝。有向東奔竄之勢。有旨令馬慧裕迅飭南陽河北兩鎮帶兵於陝豫連界地方堵剿。茲據馬慧裕奏。接據朱勳稟報叛賊情形。恐該匪等竄往東北。隨密札田永桐蔡鼎各

挑兵八百名前赴西坪鎮及朱陽關官坡各處駐劄堵截。所奏俱與前次諭旨相合。現在富翰百順已帶領威京黑龍江官兵由河南取道前赴陝省。聽德楞泰調派剿賊。仍著馬慧裕確探賊蹤。如該匪實有向東奔竄之勢。與豫省邊界不遠。該撫即當於富翰等到豫境時傳旨令伊二人即將所管官兵並該省現調之兵督同田永桐等在陝豫邊界迎頭奮剿。全行截回陝境。仍一面知會德楞泰令其帶兵跟蹤追剿。以收夾擊之效。如賊蹤距豫省邊境尚遠。即令富翰等帶領官兵速赴德楞泰一路。以資剿賊之用。不可遲延一日。

○轉兵部右侍郎多慶為左侍郎。以內閣學士扎郎阿為兵部右侍郎。工部左侍郎英和兼總管內務府大臣。○調正藍旗漢軍副都統德文為正藍旗滿洲副都統。以二等侍衛景燭為正藍旗漢軍副都統。○以甘肅中衛協副將吳廷剛為涼州鎮總兵官。○是日駐

蹕中關行宮。庚戌諭軍機大臣等。本日清安奏到查明李長庚在洋捕盜並無因循懈玩一摺。所論甚屬公正。阿林保身任總督。原不能無叅劾之舉。但伊到任不過旬月。地方公事海洋情形素未熟悉。而於李長庚更從未謀面。輒行連次叅奏。是以降旨令清安泰秉公詳查。本日據清安奏覆。則稱李長庚帶領兵船經過海口並未回署。又稱海船若不勤加燂洗。則船底苔草楚蟲黏結。輒至駕駛不前。故隔越兩三旬。即須傍岸燂洗。李長庚收船進港。委非無故逗遛。又李長庚所獲李按實係蔡牽夥黨。俱經審明確實。並無捏報斬獲情弊。並據另片奏稱。八月十六日。李長庚帶兵圍攻蔡逆坐船。將盜船燒沈二隻。斃賊無算。是阿林保前此叅奏李長庚之處。全屬子虛。設朕誤信其言。則李長庚正當奮不顧身。為國殄賊之際。忽將伊革職。拏問成何事體。豈不令水師將弁寒心。試問水師

中有過於李長庚者乎。阿林保未見確實。任意糾彈。殊屬冒昧。朕又不昏瞶糊塗。豈受汝蠱惑。自失良將耶。李長庚平日既無逗遛。恒怯情事。此次在長塗洋面痛勦蔡逆。身先士卒。躬受多傷。實為認真出力。朕已特降恩旨。先行賞還頂帶。以示獎勵。並將勦辦蔡逆一事。責成該提督。勉以成功。李長庚感激朕恩。既知責無旁貸。自必倍加奮勉。但兵船在洋捕盜。全在地方官協力幫助。文武和衷。方克有濟。今兵船正當勦捕喫緊之際。若阿林保尚不知以國事為重。屏除私見。猶復輕聽人言。罔恤公論。甚至因此次叅奏。李長庚不能遂意。因而心存嫉忌。遇事掣肘。使其不能成功。以致蔡逆逋誅。海疆貽誤。則阿林保之罪甚大。朕惟執法懲辦。現在李長庚又已駛船追賊。前因該提督所駕兵船較賊船低。至五六尺。勦捕不能得力。曾諭令阿林保溫承惠。清安泰在閩浙省分設法雇募大船。本日據

清安泰摺內亦稱此時若得高大船一二十隻即可濟用惟浙省無從雇募又據稱兵船口糧實不免暫時缺乏應需採購等語浙省既無此項高大商船阿林保等即應速在閩省雇募迅即解交李長庚俾資追駛其口糧火藥等事亦須源源接濟並當遵照節次諭旨認真經理將來蔡逆殲獲海疆肅清不但李長庚仰邀懋賞該督亦可一體邀恩勉之慎之將此傳諭阿林保並諭溫承惠清安泰知之○是日駐蹕避暑山莊至丙辰皆如之

○辛亥遣官祭

都城隍之神○諭內閣前因兼管府尹侍郎莫瞻菴於崔成輔控告王文元霸地搶割兇毆一案有將被告釋放並在私宅傳訊之事特降旨令留京王大臣會同刑部堂官傳伊詢問并令府尹秦瀛明白覆奏本日留京王大臣等奏詢據莫瞻菴稱向來尋常案件帶至私宅問供仍交衙門承辦係常有之事此

案因王兆屢傳不到是以掌責其被告王文元因時屆農忙是以取保並未斷結亦無受賄情弊等語順天府公事該兼尹自應會同府尹在於公署審辦今莫瞻菴將案件常帶至私宅問供即屬違例又據秦瀛覆奏稱向例該衙門遇有發屬審訊事件應俟委員訊詳始行會同覆訊即須親提亦無兼尹獨自提訊之例此案莫瞻菴札諭大興縣保釋王文元係伊未到任以前之事至現在該兼尹不俟委員勘詳並不與該府尹關會輒在私宅問供掌責又將王文元釋放實非事理所有伊未能豫行覺察懇請交部議處並請將聽從莫瞻菴釋放被告之大興縣何道榜於定案後議處等語是莫瞻菴於業經委員勘辦之案忽行提訊若非聽情受賄因何不會同秦瀛輒在私宅自行訊問實屬專擅違例即此一節已不勝兼尹之任其將原告掌責並將王文元釋放之處種種可疑更難保無

聽受賄屬情弊莫瞻萊著先革退兼管順天府府尹交部嚴加議處仍著刑部提集案犯秉公究訊將被告王文元有無託情行賄莫瞻萊是否徇私曲庇嚴行追究不可稍存偏袒並傳詢大興縣知縣何道榜有無通同舞弊之處先行訊明迅即具奏將莫瞻萊仍在公所看守聽候諭旨至秦瀛於莫瞻萊違例專擅之處並不早行參奏至降旨詢問始行據實覆奏亦有不合著交部議處其大興縣何道榜於順天府衙門飭交取保候訊人證並不稟知秦瀛聽從莫瞻萊一人提訊釋放即無通同情弊亦應於定案後查例議處至本案懸宕已久並著交刑部即行秉公斷結按律辦理尋議上得旨莫瞻萊降四級調用以兵部尚書鄒炳泰兼管順天府府尹事○以勦捕福建洲仔尾等處賊匪出力賞屯外委潘天賜等項帶有差○壬子

上御依清曠勾到福建廣西雲南貴州新疆情

實罪犯停決福建官犯二人斬犯三人絞犯六人廣西斬犯四人絞犯一人雲南斬犯六人絞犯四人貴州斬犯十人絞犯四人新疆絞犯一人餘八十六人予勾○諭軍機大臣等本日德楞泰奏到朕以為必係勦賊勝仗情形及加披閱尚係未經擊勦太覺遲緩寧不念及朕宵旰廔念無時或釋雖在木蘭行圍遣將籌兵未出崖口先令星夜馳往特為早一日成功百姓早一日安枕若如此耽延大失朕望矣前據奏稱賊匪攻撲堡寨經寨民等勦禦賊即敗退可見賊勢不為猖獗若似此遲逾日久動輒以待兵為詞是真養癰貽患豈德楞泰竟欲俟溫春等所帶東三省兵並富翰等續帶之兵一齊到彼後始行勦辦有是理乎看來德楞泰竟不免先形氣餒屢次遲延此旨到日若再不即時督兵勦擊或致任賊遠竄他處則惟德楞泰是問慎之勉之又據另片奏楊遇春等所帶新兵即令

隨同打仗。儻臨陣不前。稍露形跡。即當乘此兵威。隨時懲辦等語。所奏尤屬大謬。此時叛匪尚不能剋日撲除。其隨同打仗新兵。方當駕馭鼓勵。俾之異志潛消。若伊等未露端倪。轉欲為彌縫之舉。是直激之使變。從前勦辦教匪時。凡伏而未動之邪匪。尚不令搜索誅鋤。何況此等新兵。已隸營伍。德楞泰惟當遵照節次諭旨。開誠曉諭。仍密為留意。若稍涉冒昧。致釀事端。恐德楞泰不能當其咎也。德楞泰著傳旨申飭。仍即將現有兵力。上緊趕勦。迅速藏功。至特清額現已馳赴倭什布一路。著即飭令在西路防堵。如有賊匪竄近。即當帶兵勦擊。勿徒株守。或賊蹤尚遠。即帶兵東進夾擊。儻任賊匪西竄。則惟倭什布特清額是問。將此諭令知之。○撥山西藩庫銀三十萬兩。解往陝西。以備軍需。○癸丑。諭內閣。據費淳長麟奏。連日審辦直隸省官吏勾通侵帑一案。除州縣短解司書銀匠侵蝕之外。

尚有知情分贓之各幕友長隨人等。現已咨部斥革。分別提拏押解歸審。又究出正定縣知縣戴書培。曾經借領司庫銀一千六百餘兩。經司書王麗南串通。將借領案卷銷燬。戴書培允從。給與酬謝銀四百兩。幕友余用甫索分銀一百兩。已提到質審屬實。又任縣知縣馬河有應解地糧銀五千兩。經長隨賴錦堂串通司書。以實解銀五錢。詎出真印庫收。挖改為解銀五千兩。現在訊據賴錦堂先供。官不知情。又供官祇給銀二千五百兩。供詞兩歧等語。並據查明歷任總督藩司各任內。虛收銀兩數目。及失察虛收銀數。開繕清單呈覽。知縣戴書培。以借領司庫之項。竟敢與司書串通。將領案銷燬。圖免解還。私給與王麗南酬謝銀兩。目無法紀。至於此極。實堪令人髮指。前任正定縣知縣今升昌平州知州戴書培。即著革職。鎖拿到案嚴訊。一面將伊任所及本籍貲財先行查抄。知縣馬河所解

銀五千兩。雖據長隨賴錦堂供稱係伊與司書串通以實解銀五錢。將庫收挖改。但供詞閃爍前後不符。亦應歸案嚴訊。任縣知縣馬河著解任一併質訊。其串通得贓之幕友長隨人等。現經費淳等分別提拏。均著迅速鎖拏到案。嚴加根訊。將來定案時。均應計贓論罪。再加等間擬。至該省官吏幕友長隨人等。敢於勾通一氣。將國家正帑任意侵吞。明目張膽。毫無忌憚。歷任總督藩司。懵然不知。竟同木偶。所司何事。為從來未有之案。朕不得不從嚴加重辦理。毫無良心之歷任庸碌。無能督藩。實堪痛恨。而朕不知人之咎。惟自怨耳。閱費淳等呈覽單內。查出各任虛收銀兩。及失察虛收數目。此時懲辦之法。亦應按其虛收失察數目之多寡。以分其獲戾之輕重。所有各藩司任內虛收之數。瞻柱計有十九萬餘兩。數目最多。其次即係顏檢任內虛收六萬三千餘兩。鄭製錦任內虛收二萬二千

餘兩。同興任內虛收二萬餘兩。又均在顏檢之次。其失察虛收之各總督。則顏檢失察藩司虛收銀二十萬八千餘兩。為數最多。胡季堂失察虛收銀六萬二千餘兩。梁肯堂失察虛收銀二萬二千餘兩。陳大文失察虛收銀七千餘兩。熊枚失察虛收銀二千六百餘兩。姜晟失察虛收銀一千五百餘兩。除病故各員外。均交部分別嚴加議處。顏檢本係在直隸總督任內獲咎之人。經朕節次施恩。棄瑕錄用。賞給同知。發往南河効用。今伊在總督藩司任內復有此重大之案。實再難曲為寬貸。顏檢著革去頂帶。著鐵保派員押送來京。聽候部議。山西巡撫同興。亦著開缺來京。聽候部議。裘行簡在藩司任內曾虛收銀一萬一千餘兩。其署督任內亦失察藩司虛收銀一萬六千餘兩。但為數較少。再伊於升署總督之後。因藩庫款項未清。曾奏明同慶格再行查辦。尚未出結。此時慶格接手查辦。方能

釐出弊端。裏行簡免其嚴議。著交部議處。慶格任內亦有虛收一萬二千餘兩。但此案係伊查明舉發。功過尚足相抵。慶格前經交部議敘。即著撤回議敘。免其交部議處。所有現在查出侵虧各數。將來各任總督藩司名下。俱應分賠。著費淳長麟於定案時查明各該員在任月日。並虛收失察銀數之多寡。分別著賠。其已故各員亦當責令各家屬名下按數追繳。至吳熊光前任總督藩司何以未列單內。吳熊光前任藩司係接鄭製錦之任。所有鄭製錦虛收之數。伊到任後未經查出。迨蘭攸總督於前任各藩司虛收銀數亦未查辦。將來結案時自均有失察之咎。至伊藩司本任竟無虛收之數。其任總督時亦無失察。本任藩司虛收之事。是否單內遺漏。抑係該書吏等因其查察較嚴。不敢舞弊。並著費淳長麟提集司書人等。一併訊明。據實具奏。尋議上。得旨。顏檢著革職。發往烏魯木齊効力。

贖罪同興照議革職。姜晟陳大文。熊枚降四品京堂。裏行簡革職留任。吳熊光交部議處。○調安徽巡撫成寧為山西巡撫。以內閣學士初彭齡為安徽巡撫。○旌表守正被戕湖南芷江縣民周勇虎妻王氏。○甲寅諭軍機大臣等。鐵保等奏堵築郭家房漫口。興工進占。並查勘王營減壩。逸下水勢情形一摺。此時新河一帶自鹽河南隄至六塘河北隄水面約寬六七十里。經鐵保等前往履勘。溜勢甚形散漫。淺深難以定準。自不便遽行施工。現在節交霜降。轉瞬水落歸槽。屆時該督等再行親勘。將築隄束水各事宜悉心籌定。方可次第興工。又據奏籌議碎石坦坡章程一摺。據條款內稱高堰五堡至工尾止長一萬四千餘丈。三面當衝。應全行拋砌碎石。以資培護。又稱分限六年辦理。本年先擇其地勢尤險最為犯風之處。先為拋砌。儘五十萬兩為率等語。坦坡工程原非隄岸可比。但亦必

有憑藉施工之處。若竟於洪波巨浪中將碎石拋落。不獨將無限料物輕於一擲。且亦無從稽覈。偷減草率。諸弊易滋。斷無此辦法。條款內即稱水中施工。易於弊混。可見該督等亦自知查察為難。究竟應築坦坡處所。是否靠隄水底。舊有坡形。可以順勢依傍。漸次施工。抑竟憑空堆垛。從前自必辦有章程。該督等當詳細檢查。酌覈辦理。以期工歸實際。將此諭令知之。○緩徵山西臨汾襄陵曲沃太

平洪洞翼城永濟臨晉猗氏榮河萬泉虞鄉解安邑夏平陸芮城絳州稷山河津聞喜絳縣垣曲霍靈石趙城二十六州縣旱災本年額賦鹽課並永濟臨晉猗氏虞鄉解安邑夏聞喜霍靈石趙城臨汾襄陵曲沃翼城榮河絳州稷山垣曲十九州縣舊欠倉穀○撥江蘇清河鹽城海安東四州縣倉穀十萬石備賑○乙卯
上御依清贖勾到廣東情實罪犯停決斬犯五

人絞犯十九人。餘一百七十三人予勾。○丙辰兩淮鹽政額勒布奏請河南泌陽桐柏二縣改行淮引。下部議行。○賑兩淮板浦中正臨興丁溪草堰劉莊伍佑新興廟灣九場被水竄丁○丁巳

上自避暑山莊迴鑾。○諭內閣刑部等衙門題覆奉天省民婦段李氏因瘋毆傷伊夫段廷儒致斃一案。將該氏問擬斬決。內閣亦以李氏著即處斬。票擬進呈。閱案內情節。該氏自

嘉慶四年生子時。染患瘋迷病證。時發時愈。本年三月三日。段廷儒回家。與李氏帶領子女食畢就寢。李氏尚乳哺幼女。二更時瘋病陡發。口稱見一黑怪上炕。隨持鐵錫將段廷儒連毆致傷。閱日殞命。迨到案審訊時。供吐明晰。經該省按照本律擬抵。但該氏平素既無陵犯伊夫情事。且自染患瘋病以來。已閱數年。自非出於裝點。其為因瘋毆夫致斃。可無疑義。因思刑部向來覈議胞弟因瘋毆傷

胞兄致死之案。多係改為斬候。且秋審時並不予勾。祇令永遠監禁。即如本年四川省黃冊內有楊孔儒一起。因瘋毆傷胞兄楊孔倫。殞命刑部。即以因瘋誤毆與逞兇干犯者有間。將楊孔儒改擬斬監候。妻之於夫。與弟之於兄。名分相等。何以辦理。又屬兩歧。著刑部查明舊例成案。婦人因瘋毆死本夫。是否均按本律定擬。抑亦有改擬斬候者。此案如何覈覆之處。詳晰具奏。再降諭旨。○轉工部右侍郎周兆基。為左侍郎。以都察院左副都御史蔣予蒲。為工部右侍郎。○命五城於冬春二季設廠糶賑。○是日。駐蹕喀喇河屯行宮。○戊午。上御行殿。勾到四川奉天情實罪犯。停決四川斬犯四十六人。絞犯二十二人。奉天斬犯三人。餘一百一十一人予勾。○以宗人府府丞邵洪。為都察院左副都御史。○是日。駐蹕常山峪行宮。○己未。諭軍機大臣等。清安泰奏查

辦沿海保甲情形。暨常川防堵事宜。及蔡逆現竄閩洋各緣由一摺。編查保甲一事。如果地方官實力奉行。亦斷無不收實效之理。清安泰於沿海村莊。及散處海島之居民鋪戶人等。一律編牌取結。造冊稽查。現在即有衆甲不保。及房主鋪戶不肯容留潛行逃去者四十餘人。看來辦理尚屬認真。至於水米火藥。尤須嚴禁出口。以杜接濟。該撫將賣米鋪戶。稽其出入米數。鋪製花爆。永禁開張。並將海口採捕小船。隨時查禁。以杜通盜。濟匪之源。所辦俱是。此時蔡逆幫船業經竄往閩省。又經許松年痛加截剿。賊勢潰敗。李長庚亦已趕緊追往。看來蔡逆不日定可殲擒。但浙境即無蔡逆竄往之事。亦應隨時整飭一切。況現在有鳳尾幫土盜船隻。查拏未淨。當飭令總兵何定江。黃飛鵬二員。統率兵船。一面堵截蔡逆。一面將鳳尾幫船土盜認真截拏。仍當飭令地方文武。將查辦保甲等事認真

經理嚴杜接濟勿任稍有透漏是為至要。將此諭令知之。○又諭德楞泰奏賊匪於八月二十三日竄至鎮安縣屬之沙溝口。攻破佳祥寨。旋由雲蓋寺至縣城一帶窺探。復由石嘴子直逼孝義廳城。因守禦甚嚴。賊即拔營北竄。又據司道稟報。馬步賊匪數百人。於三十日陸續竄出大峪口。經祥保督兵迎擊。賊匪退入峪口。初一日復乘大霧竄出峪口。沿山西奔由子午鎮竄至灃峪一帶。此次竄出之賊。或竟係分股。或前隊出山。試探尚未得確信。現在勢已西趨。德楞泰派令扎克塔爾等帶兵取道洋縣進山探剿。伊亦督兵接續前進等語。該匪前由寧陝一帶東竄時。德楞泰總以待兵為詞。逗遛多日。以致賊匪毫無顧忌。任意竄突。倏東倏西。是誰之咎。而德楞泰摺內猶稱總未有官兵擊剿。任賊裹脅。能無醜顏耶。德楞泰從前勦捕邪匪打仗奮勇威名素著。此次經朕特派前往賊匪等聞

知。自當心生畏懼。該處百姓亦必盼望督師進剿。得以早日成功。俾臻寧謐。今德楞泰似此遲延日復一日。不特賊匪轉得長其氣。餒即百姓等亦覺大失所望。未免益切驚惶。而賊匪詭譎正可乘此肆其裹脅。必致漸有增多。地方益遭蹂躪。是皆德楞泰頓兵不進所致。本應即將德楞泰治罪。念伊從前勦捕邪匪。歷著勞績。此次姑從寬貸。仍著傳旨嚴行申飭。責令立功自贖。一切機宜。朕亦不為遙制。視德楞泰如何力圖報稱。再有稽延嚴譴。即至則將前功盡棄矣。勉之慎之。○旌表逼嫁捐軀江蘇沐陽縣民劉安邦媳周氏。守正被戕。廣東羅定州民周居進母黃氏。守正捐軀甘肅奇臺縣民朱應。有妻王氏。是日駐蹕兩間房行宮。

大清仁宗受天興運數化綏猷崇文經武孝恭勤儉端敏英哲睿皇帝實錄卷之一百六十六

大清仁宗受天興運數化綏猷崇文經武孝恭勤儉端敏英哲睿皇帝實錄卷之一百六十七

此係明成化時廷臣撰起居注太子太僕魏英校大學士文淵閣閣閣事稽察欽奉
上諭事件處管理工部事務翰林院掌院學士

隨帶加二級了官加級^其弗照編總成官太子太佐太尉開^其學士管理刑部事務加五級^其戴^其巧元經運日溝起着^其官太子少保^其大臣太尉

提舉同書務察院奉
上諭事件處編辦學士戶部尚書翰林院掌院學士
朕督應各官總督府並鎮藩臬州縣地方軍機總督管理

第二庫奉宸苑等處司理工程處御茶膳房御藥房太監醫院等處掌事降軍功加三級隨帶加二級尋常加十三級紀錄二十一次

萬和仁庭集言太子太傅禮部尚書上書房行走武英殿總纂管理圖書事務加六級隨帶加二級紀錄四次直隸巡撫等奉

較修

嘉慶十一年丙寅九月庚申命吏部左侍郎

王麟光祿寺卿陳崇本恭閱

實錄正本
以內閣學士劉權之為都察院左

都御史○是日駐蹕要亭行宮○辛酉諭內

閩直隸省官員書吏人等串通侵帑一案情

罪重大節經費淳長麟嚴切根訊具得實情

將各該犯從重定擬具奏已批交行在大學

士尚書侍郎連議矣。藩司為錢糧總匯國帑。

攸關出納收支是其專責所有通省各州縣

徵收正雜銀兩。於解到藩庫時如何收兌之。

處自當有一定章程慎重考覈朕近日面詢曾任藩司各廷臣僉稱各省州縣應解銀兩具批申解俱係按款登載到省之後藩司先將來批驗明示期收納眼同上兌登記檔冊然後給與批迴蓋用司印并有連環大批兼鈐蓋巡撫關防者層層考覈法甚精詳即有不肖吏胥斷難從中舞弊至直隸省則迥異乎是州縣向來申解銀兩到省之後藩司並不親自驗收亦並不給與司印批迴僅與

庫官印收一紙以致司書等竟敢與解役銀匠等通同作弊將庫收任意改竄侵蝕銀兩嗣復偽刻庫官印信冒領虛收而不肖官員亦聯為一氣銷燬借案重領虛解無所不為迨奉行簡到任之後因庫收不足憑信改用司印批迴欲以防弊而該司書等又即偽刻藩司印信百弊叢生釀成巨案侵虧帑項至三十餘萬兩之多總由於立法不嚴杜弊不周闕茸因循至於此極不可不亟行整飭以

期釐剔弊竇嗣後直隸省藩庫於各州縣批解銀兩應如何明立章程永革一切弊混之處著來行簡督同藩司慶格詳悉妥議具奏辦理是日駐蹕密雲縣行宮（壬戌諭內閣各省布政使管理通省錢糧專司出納一切正雜款項由州縣徵解到司絲毫皆關國帑自應詳慎綜覈杜絕弊端乃直隸省竟有司書王麗南等串通州縣舞弊之案虛收冒領百計侵虧甚至假刻藩司及庫官印信將

國家正帑肆意私吞作奸犯科至於如此比之從前甘肅省捏災冒賑之案其朦蔽分肥情節尤出情理之外本日行在大學士尚書侍郎等遵旨速議具奏已將情節尤重職私較多之革員書吏等抵法矣州縣身為職官任膺民社乃甘與奸胥蠹吏勾通作弊不獨蔑視憲典亦且罔顧身家現在破案之貪官蠹吏立決者已有十名朕心實覺不忍然王章具在即欲曲為寬貸有所不能此案定讞

悉遵照當日

皇考高宗純皇帝辦理甘肅捏災冒賑之例分別問擬以侵盜之多寡定罪名之輕重此實於無可寬貸之中稍示區別不為已甚而釀成巨案實由歷任藩司於收支帑項漠不經心喪盡天良因循闡茸所致試思該藩司等如果認真嚴查留心杜弊奸吏等何至如此縱恣現據查出吳熊光在直隸時即無虛收之事訊之司書等僉稱憚其查察不敢作弊

可見同一職守而實心任事與庸碌無能者判然各殊朕簡任大吏均望其認真辦理特伊等辜恩盡職各有不同耳經此次懲辦之後惟願各直省再無此等營私執法之事除直隸省藩庫收納章程昨已降旨令奉行簡督同藩司慶格妥議具奏辦理外其餘各直省藩庫均當以直隸此案為戒務各詳加稽考如有相沿舊習未盡妥善者俱當及早清釐剔除積弊勿致官吏等因緣為奸自干重

戾庶不負朕諄諄教誡至意將此通諭知之諭軍機大臣等德楞泰奏新兵擊斃叛賊並解鄆縣城圍一摺德楞泰軍營現在豐紳所帶松潘鎮及建昌新疆等處官兵先後趕到統計已有兵四千數百名扎克塔爾楊遇春等亦帶兵五千餘名合計已有萬餘兵力不為不厚賊匪祇有一股不過二千餘人脅從者居十分之六七兇悍者僅六七百人以如許兵力加以東三省勁旅有何難辦務即

乘此兵威勉力辦理一鼓殲除竄聽奏捷佳音切勿稍有延緩至此次楊芳督率新兵奮力擊斃叛賊數十人德楞泰應將新兵加倍獎勵明白曉諭不但潛消其反側更可令其鼓舞効命於勦捕更易嚴事楊芳前因該管營兵滋生事端繼而又不趕緊追賊經德楞泰奏奏業經降旨革去翎頂此次督兵攻賊受有矛傷尚屬奮勉出力楊芳著加恩先賞還頂帶令其勉力勦賊以觀後效所有此次

起事各首逆及有名賊目務須一律擒獲按律嚴辦毋任一名漏網此為最要將此諭令知之○展緩安徽懷寧桐城潛山銅陵和無為蒙城七州縣疊被水災旱災帶徵節年額賦漕糧及各項銀米○緩徵湖南澧州東來等四垸水災本年額賦○撫卹雲南浪穹縣被水災民○是日駐蹕南石槽行宮○癸亥上還圓明園詰

安佑宮行禮旌表守正捐軀直隸贊皇縣民

李峻山妻周氏甲子遣官祭

歷代帝王廟○諭內閣吳璥等奏豫東黃河工程料物請分別價值覈實報銷一摺河工採辦料物原定例價不敷各廳員因此藉口後遂通融開報而浮冒之弊即影射其中前經戴均元奏明請將南河料值按照時價實用實銷經朕降旨允行今吳璥等奏請豫東採辦料物亦一律覈實開報除歲料內秫秸一項豫東舊有幫價津貼仍令循照舊例辦

理外其糞麻一項及搶險添用稽料著亦准其按照時價覈實題銷惟本年搶險所用各料物前此並無月報其價值無從查覈是惟在該河督等激發天良破除情面實力查察將用料之多寡購價之低昂確覈題報方為實用實銷若所報不確豈不徒為工員浮冒地步近來大吏每不以嚴察屬員為事試思各大員皆受朕深恩若但知潔已而一任屬員舞弊混大法而小不廉又豈國家委任之意乎即如直隸官吏串同冒帑一案以報解錢糧章程素定之事尚如此作奸犯科況河工報險搶修錢糧本無一定數目若非統轄之員實心稽覈其中安能盡歸確實該河督等當以直隸之案為鑒若將來查有浮開侵蝕等弊則惟執法嚴懲斷不姑貸也其嗣後該省稽麻價值亦著與江省一例由地方官按月詳報咨部存查至土方一項非稽麻可比難以按月定值其取土道路遠近本有定則

若農時忙隙雇值高下區分亦屬實情其應如何分別價值設法稽考之處著該部詳悉妥議具奏其原奏內所稱李亨特任內未題未銷各案仍著照舊按例價報銷以杜牽混○賑甘肅寧夏寧朔平羅三縣被水災民緩徵寧夏寧朔平羅皋蘭西寧五縣新舊額賦並貸籽種口糧○乙丑諭軍機大臣等鐵保等奏郭家房壩工進占情形並霜降節前黃水復漲搶護各工緣由一摺郭家房漫工壩

基前據鐵保等奏盤築完竣興工進占今復因上游黃水陡漲郭工漫口溜因風激全歸金門下注東壩而豐北隄南邨北各工埽段均有行墊坐墊其銅沛北岸之蘇家山石壩刷塌三十餘丈驟難堵合是該督等於郭工漫口既未能堵閉合龍而現在墊壩工段復層見疊出閱之殊為焦灼又據另片奏郭工形勢漸變必須添做邊埽疏挑引渠需項較多請於兩淮運庫淮安關庫撥發銀五十萬

兩解工應用等語南河工程近年來請撥帑銀不下千萬比較軍營支用尤為緊迫實不可解況軍務有平定之日河工無寧晏之期水大則恐漫溢水小又虞淤淺用無限之金錢而河工仍未能一日晏然即以歲修搶修各工而論支銷之數年增一年偶值風雨暴漲即多墊壩此即工員等虛冒之明驗該督等每奏報一險工必稱他處尚有應辦之工羅列若干是報險者止一處而豫為將來增

工之地者即不止一處朕固不惜多費帑金設法疏治但盡歸虛擲即該督等毫無沾染而任聽工員捏報浮開又安用伊等為乎本年節次請撥之項較之往歲尤多今復請撥銀五十萬兩亦即照所請於兩淮運庫淮安關庫撥發解工應用該督等摺內既稱具有天良此語

天實鑒之若此中稍有浮冒則是全無人心恐身家性命不能保矣此時正河溜勢微弱看

來海口改道一事尚無把握該督等當查勘情形如果礙難辦理應如何著手之處即著據實奏聞不可稍存迴護致干咎戾將此諭令知之 丙寅

上幸萬壽山 調正黃旗漢軍副都統珠爾素為杭州副都統以阿克蘇辦事大臣永懋為正黃旗漢軍副都統 丁卯

上御洞明堂勾到浙江湖廣陝西情實罪犯停決浙江斬犯十一人絞犯三人湖廣斬犯七

人絞犯二十七人陝西斬犯十二人絞犯十人餘一百三十人予勾 河東河道總督吳璥奏報秋汛安瀾巡撫馬慧裕長齡均下部議敘 賑江蘇淮安揚州徐州海各府州屬濱臨湖蕩被水災民並緩徵減則田地本年額賦 戊辰諭內閣現在將交冬令天氣漸寒朕秉燭披章照常辦事惟王公大臣等奏事入直其年老耄者衝寒待漏未免精力不支嗣後時屆三冬所有應行入朝之王公及一

二品文武大臣年在七十以上者均著加恩於辰初進內豫備宣召以示體卹著臣至意 諭軍機大臣等前據德楞泰奏新兵勦捕叛賊情形迄今又閱九日並未續有奏報甚為懸盼現在叛賊止有一股不過二千餘人統計官兵不止十倍於賊又兼新兵齊心効命敵愾同仇德楞泰當此大軍雲集之時亟應鼓其銳氣一舉蕞功乃日久稽延並未痛加勦辦殊不可解試思官兵安駐軍營並不

勦賊接仗不惟餉項虛糜徒滋繁費且以奮勇趨健官兵不令及鋒而試必致積久銳氣漸消而叛賊劫掠自如益無顧忌地方日滋蹂躪該處居民目擊軍營調集多兵不即誅除逆匪一任叛賊肆意荼毒人心亦即渙散難保不去而從賊尚復成何事體德楞泰膺茲重任如此懈緩竟不知其是何居心豈不欲賊匪速平乎德楞泰惟當勉思振奮上緊勦除務於十月內蕞功竣事不可稍有延緩

致前功盡棄深之慎之將此傳諭知之○以已革貝勒綿律弟綿桐降襲貝子○己巳上御勤政殿聽政○諭內閣前因刑部等衙門題覆奉天省民婦段李氏因瘋毆傷伊夫段廷儒致斃一案將該氏問擬斬決內閣亦以李氏著即處斬票擬進呈與胞弟毆傷胞兄致死改為斬候者辦理有異因命刑部堂官查明舊例成案詳晰具奏茲據刑部覆奏以妻之於夫服屬三年其因瘋毆死及誤殺可矜者均按本律定擬概不夾簽從前曾有奉旨勅下九卿議改監候者亦有奉旨由立決改為監候者等語刑律以服制為重妻之於夫服屬三年固當按律問擬然有平素並無陵犯實係一時瘋發毆夫致斃者究屬一綫可原揆之情法亦不可不量從末減嗣後遇有此等婦人因瘋毆斃本夫之案確鑿無疑者刑部仍按本律定擬具題著內閣覈明於本內夾敘說帖票擬九卿議奏及依議斬決

雙發進呈候朕定奪所有奉天省段李氏一案即著九卿議奏尋議段李氏應改為斬監候秋後處決從之○湖廣總督全保奏盤獲陝西賊謀王大新擢把總田受乾為千總○以正紅旗漢軍都統慶怡為宗人府右宗人○以哈密辦事大臣成書詹事府詹事汪滋晚翰林院侍講周興岱為內閣學士兼禮部侍郎銜光祿寺卿陳崇本為宗人府府丞○以正黃旗漢軍副都統永慈為鑲黃旗蒙古都統內閣學士明志兼正黃旗漢軍副都統○賞二等侍衛雅滿泰頭等侍衛為阿克蘇辦事大臣○庚午諭內閣王慶奏查出私賞土爾扈特和碩特通事項帶歷任喀喇沙爾辦事大臣一摺朝廷名器如有應行鼓勵人員自應奏明賞給烏爾圖納遜那清保麒麟保私賞通事四名六品頂帶甚屬非是烏爾圖納遜那清保既已身故麒麟保業經獲咎俱免深究著王慶曉諭該通事等以爾等項

帶皆係前任大臣私行賞戴並未奏明今經查出應即裁撤大皇帝念爾等數年來一切差使均屬奮勉著加恩降一等賞給七品頂帶嗣後凡有當差奮勉應賞頂帶者該大臣等奏請先賞金頂果能加倍奮勉再行奏請賞給六品頂帶不准私自賞給○辛未

孝慈高皇后忌辰遣官祭

福陵

上詣

大高殿行禮○還宮○諭軍機大臣等此次賊匪由斜峪關南竄肆擾經扎克塔爾等迎頭截殺官兵勦賊時據稱有首逆在陣前跪請乞降者德楞泰以其罪大惡極斷無寬恕之理所見甚是此次大兵專辦叛賊伊等身隸營伍敢於糾眾謀逆已犯不赦之條豈能再為寬宥但賊營內現有三千餘人未必全係叛逆或亦有沿途裹脅為炊爨服役不得已而從賊者此等為從之犯若未經抗拒官兵

則尚有一線可原當此大兵雲集若已畏懼潛逃竟可置之不問儻臨陣乞降或殺賊自贖均可量為寬賞德楞泰並當廣為曉諭多設間諜即將如此分別辦理之法宣播賊營既使從賊之人早知去就且使真正賊匪聞之心生惶惑立時潰散庶蕝事更可迅速如日內速得勝仗又經勦散千餘人其所剩之賊亦不過千餘人或擒獲著名首逆數名即由六百里加緊馳奏其所獲首逆如受傷已

重難於解京即著在彼醫割臬示若首逆內有未受重傷者即遵照前旨迅解二三名到京候朕廷訊盡法處治○以勦捕福建洋匪出力賞遊擊盧慶長花翎餘升擢有差○以勦捕陝西賊匪出力擢佐領巴杭阿為協領千總趙洪為守備○以孟冬時享

太廟自是日始齋戒三日○壬申諭內閣戶部奏請將現行常例內捐請封典捐納職銜捐納貢生及因捐封報捐虛級四項照外捐監

生之例暫准於各該省藩庫報捐一摺從前辦理川楚善後事宜一切需費多係由部撥解是以督撫等曾有請將捐貢捐銜捐封三項在外省報捐之奏均經駁飭數年以來部庫帑項充盈而外省遇有急需轉須輟轉協撥未免緩不濟急今據該部請將捐請封典等四項就近於各該省藩庫報捐係為外省支撥較便起見尚屬可行惟外省錢糧出納往往假手吏胥易滋弊混即如直隸省司書舞弊竟敢私雕假印勾通州縣將報解正雜錢糧虛收冒抵釀成大案可見劣員蠹役等作奸犯科無所不至今此項捐款准歸各藩庫報捐該督撫等當督率藩司妥立章程嚴密稽覈務須杜絕諸弊以歸實貯若滋流弊國有常刑不可見利忘害以身試法也仍將所收銀兩及報捐人數按月報部查覈每湊足十萬兩亦照報捐監生之例附便奏聞聽候指撥如無動撥之處仍行解京不得藉詞

公用徑行開支○以刑部尚書秦承恩署直隸總督協辦大學士吏部尚書費淳署刑部尚書○予故侍郎銜署直隸總督袁行簡祭葬如總督例謚恭勤賞其子元善舉人一體會試○賞廣寧門外普濟堂煮賑小米三百石○賑直隸安新安雄博野任邱五州縣被水災民並免新舊額賦貸霸保定大城清苑蠡高陽獻肅寧天津青靜海滄鹽山龍門冀新河衡水隆平寧晉十九州縣被水災民籽種口糧並緩徵新舊額賦○癸酉

孝敬憲皇后忌辰遣官祭

泰陵○諭內閣瑚圖禮奏司庫清查節年未解錢糧究出銀匠縣書侵虧舞弊現在嚴行審辦一摺據稱藩司章煦到任後清釐庫項因民欠較多本年奏銷時完解不及八分恐有以完作欠之弊且查上年台斐音任內有銀匠陳信義虧挪大治棗陽等縣錢糧五千餘兩並未詳辦一案隨又徹底清查復經查出

武昌通城棗陽光化穀城等縣已解嘉慶六七八九等年地丁正耗內有二萬五百餘兩。司庫並未兌收隨密調該縣等庫收照票與司庫收簿覈對。所有棗陽縣照票庫收竟係將一千兩洗改五千兩十月洗改八月其武昌等縣庫收照票或將銀數挖改以少填多。或將舊存照票洗改年月訊出各該縣錢糧均交銀匠陳信義傾鎔代解節次侵挪上年慮恐敗露業經服毒身死伊子陳士芳亦已在逃現在嚴拏審辦各等語。各州縣徵解錢糧關繫國帑豈可率委書吏銀匠之手任其侵蝕舞弊近日直隸省官吏串通侵帑一案即係司書王麗南起意將庫收挖改與州縣通同冒領虛收種滋弊竇。今湖北省武昌通城棗陽光化穀城等各縣錢糧亦由銀匠等將照票內銀數挖改並將舊票洗改年月作為新票侵虧至二萬五百餘兩作偽多端其奸巧如出一轍實可痛恨該州縣承解書吏

固難免勾串分肥情事。即該州縣於應解銀兩得有庫收亦當親自查閱如果並不知情則所解者少而庫收數目轉多何以不詳請覈對恐該州縣等亦不免有知情串通之事不可不徹底究明以懲奸蠹著全保瑚圖禮率同章煦提集案內人等嚴加審訊務得實情其在逃之陳士芳並著飭緝務獲歸案審辦定擬具奏所有武昌通城棗陽光化穀城等各縣著查明係何人任內之事如現任該省者即行解任質訊如業因事故離省者即行文提至該省一併訊辦此外有無不實不盡之處並著詳查辦理審明結案時從重定擬具奏至前任藩司台斐音於查出陳信義虧挪庫項畏罪自盡一案輒因正犯已故查無家產僅於互結之銀匠名下賠完銀兩並不據實詳辦顯項不職莫此為甚該撫僅請交部議處其咎豈止於此台斐音現在新疆辦事著革職交奇臣派員拏解刑部審訊治

罪○又諭本年八月間南據直隸藩司慶格查出司書銀匠串通州縣等將應解藩庫正雜銀兩侵欺舞弊一案特派費淳長麟前往審辦將作弊官吏大加懲治速行審結而本日又據瑚圖禮奏到藩司章煦查出湖北省武昌等五縣節年解司地丁正耗銀兩銀匠陳信義亦有任意侵欺私將庫收照票洗改之事實可駭異藩司衙門收支出納自應有一定章程鉤稽考覈豈容稍有弊混卽州縣等於應解帑項亦當加意慎重豈容率交書吏人等不加查覈以致有省城銀匠包攬交收通同舞弊情事甚至不肖州縣等亦竟與之勾通分肥今數旬之間連破兩案可見外省積習顛頑平日並不認真綜覈書吏等乘機作弊肆意侵欺所在皆有殊難憑信前經特降諭旨通飭各省藩司將章程有未善者妥為覈辦著再傳諭各該省藩司等卽將平日收支庫項有無似此弊混之處各行詳細

確查早為釐剔亦不限以時日一經查有弊竇隨時稟明督撫迅即奏辦不可稍存迴護卽查明實在並無弊端亦著遵照前旨將該省收銀章程妥為籌議以期經久無弊勿致劣員蠹胥等因緣為奸再釀成此等重案庶不負朕諄諄訓誡至意將此通諭知之○賞前任副都統繼善西等侍衛為庫爾喀喇烏蘇領隊大臣○是月兩江總督鐵保等議奏防海章程一酌留沿海必需船隻往來之岸建立柵欄依時啟閉支河小港概行截堵委佐雜一員駐劄再於海口附近村莊留心訪察委員以三箇月更替俾跟役人等無從勾串一保甲先辦鄉鎮照例設立門牌至船隻較陸地更易藏奸卽於本家門牌內註明有農船漁船若干以縣印小照黏貼船上其攬載船隻及以船為家之網船均給船照凡寫載行埠先驗有照之船方准留埠代為寫雇一上海地方設立閩廣浙江會館各有董事

多人凡商船到口。先令董事審辦。果係真商。出具保結。准其進口。迨銷變完竣。置貨而回。或商民雇募出口。何省之船。即由何省會館。出結計口。酌給米糧。然後放行。儻有假冒進口。私運出口等事。該董事一併治罪。一。委員巡查河道船隻。及編查保甲。每年春秋二季。派委藩臬兩司輪往察勘。抽查門牌船照。再委員巡役及營汛弁兵等。拏獲銷贓濟匪之犯。審訊得實。即將盜贓全行賞給。儻誣陷平民。並將匪徒得錢賣放。察出重治。該管備弁及委員等。一併叅辦。得旨實力辦理。期有成效。雲貴總督伯麟等奏添設普洱府屬小江邊。思茅廳屬那莫田。威遠廳屬斗母江。課里。暖里。蠻谷。西薩等處七汛。內小江邊汛。撥設兵一百名。斗母江。那莫田。二汛。兵一百二十名。均各撥把總一員。西薩蠻谷。暖里。三汛。兵八十名。課里。一汛。兵六十名。均各撥外委一員。並添設斗母江。近西之土地塘。那棍山。

曾我壩等處三塘。近東之龍潭。獨木。乾田。山神廟等處四塘。近北之隔界。那團。猛泗。阿況。困索等處五塘。那莫田。東南之麻栗坪。北廟等處二塘。又於景東廳屬景蒙營原設景谷一汛。添撥外委一員。兵七十名。改原設仰里一汛。為塘撥本汛外委一員。兵四十名。移駐猛統。並撥添兵二十六名。以資防守。得旨所辦俱妥。但須時加訓練。不可以老弱充數。致猥夷。冊笑於事何益。

大清仁宗受天興運數化綏猷崇文經武孝恭勤儉端敏英哲睿皇帝實錄卷之一百六十七

大清仁宗受天興運數化綏猷崇文經武孝恭勤儉端敏英哲睿皇帝實錄卷之一百六十八

此後一切錢糧之定日講起居注官李天爵武英殿大學士文淵閣領閣事稽察欽奉
 上諭事件處管理工部事務翰林院掌院學士

題下加「敬字」加「誠」字以綴總數官文爲條文附大學士管理刑部事務加授臣數均元報延月講起居注等處加條文附

從早開事撥款奉
上諭書件處編辦大學士部如書翰林院學士教習學士學憲馬梅衡徐鑑黃祺周師範等奉
地領管理戶

計奉派充有薪園等處護理工程處即茶膳房藥房文書院西洋畫堂事務軍功和三級隨帶加三級尋常加十三級紀錄二十一次

英和授道靈官太子太保禮部尚書土庸行走吏部尚書管理園子燕事務加六級隨帶加二級紀錄四次自汪延壽等奏

救修

嘉慶十一年丙寅冬十月甲戌朔享

太廟

上親詣行禮○遣官祭

永陵

福陵

昭陵

昭西陵。

孝陵

孝東陵。

景陵

泰陵

泰東陵

裕陵遣官祭

孝淑皇后陵寢遣官祭

端慧皇太子園寢（頌嘉慶十二年時憲書）

乙亥

上幸圓明園○丙子諭內閣勒保奏請增新營

米折銀數一摺據稱該省新設太平協等營

米折銀兩原係各照所隸鎮協例價每斗以

~~SECRET~~

九分二釐九分五釐畫一定給惟各該營地

處萬山之中素不產米又復不通商販與腹

地米價貴賤懸殊所得折價不敷買食請照

綏寧泰寧等營之例每斗折銀二錢四釐並

請將通巴一營照安阜等營豫領一年米折。

俾得及時收買等語從前秦寧營分駐化林

兵丁既有因米折不敷奏准增給成案此次

新設太平等營同係遠駐深山艱於買食自

及竹峪關鹽廠大昌黃楊堡等營兵丁一千八百名應領米折著加恩准其以每斗二錢四釐折給其通巴一營亦著加恩准其豫領一年米折銀兩俾該兵丁等生計充餘得以專意操防期於戎政有裨○又諭勸保覆奏查明范光晉領運乙丑年上運京船在川耽延年餘緣由一摺據稱該員於十年四月內埽幫發運旋值江水泛漲例不開運至八月初間江水稍退而該員患病沈重不能起身

直至十一月初九日始痊愈開行等語領運京鉛關繫緊要總應隨時催趲無誤京局鼓鑄范光晉鉛船先值江漲不能開運尚屬有因至患病調理輒藉辭逗遛至三月之久實屬有心延宕若云范光晉患病沈重屬實即應稟明另行派員接運該管永寧道亦當據實稟知該督改委乃該員自在永寧受兌以至運出川境為期一年有餘既未改委又未上緊嚴催均屬非是嗣後銅鉛運員到川務

令迅速開行不得任令藉辭延誤儻有實係患病者如為日無多尚可俟其病愈催令起程若察看病難速愈應即另行派員接運以重局務○又諭本日朱勳摺內夾片奏稱陝省八月分共收捐監銀六千二百兩俟湊足十萬兩再行遵旨解部等語此項捐監銀兩從前諭令各督撫同每月雨水糧價按月奏報一次並令收足十萬兩即行解部原以清款目而憑稽覈乃歷年以來各省奏報有自

開捐年分起接算至奏報月分止共捐監生若干名收過銀總數若干兩除業經解部外現存若干兩者亦有祇將某月捐監生若干名收捐銀若干兩具奏者而陝甘省奏報尤為簡畧因思此等收捐銀數係由各省藩司經理中送督撫隨時具奏若不從開捐之日陸續接算劃清款目恐日久漸滋弊混又釀大案嗣後各督撫奏報此項捐監銀兩均應敘明某年開捐起收過捐銀若干已經解部

及奏明動用者若干現存若干俟湊足十萬兩即行解部不得含糊聲敘並著該部查明各該省如有已經收足十萬兩未經奏明動用不行解部者即行叅奏○又諭本日據直隸永定河道陳鳳翔奏永定河北岸五工漫口工程兩旬以來趕緊加鑲逐步進占另行開挖河槽宣洩大溜已於十月初一日未刻合龍河流得歸故道並稱前任道員朱應榮在工奮勉出力請與辦理鑲築事宜出力之

原任北岸同知田宏猷主簿孔昭誠可否照例開復其餘出力各員另行繕單奏懇恩施等語永定河北岸漫口亟需堵合今既合龍完善署總督又未接蒙該道自應趕緊奏報至摺內遽請將原任道員朱應榮等開復並將其餘出力各員一併開單保奏額請施恩殊屬冒昧太覺膽大越分此風斷不可長保舉工員乃總督應奏之事該道既知該省總督出缺豈有如此大員不即簡放派署之理

自應俟總督到任後稟請保奏况朱應榮即係由道員降調知府仍係方面大員與陳鳳翔品秩相等由該道保奏實乖體制即云伊等實係在工出力何難於摺尾聲明聽候新任督臣覈辦而必汲汲為此奏乎陳鳳翔先經發往南河差委嗣復簡放永定河道員所有北岸漫工原非伊任內之事此時堵築合龍本應加以甄敘惟伊此摺越分保薦大屬不合殊有應得之咎著毋庸交部議敘亦不

必再予議處其摺單所奏出力各員額懇施恩之處著交署督奏承恩秉公覈辦具奏請旨○給河南溫孟二縣被水災民口糧蠲緩新舊額賦漕糧緩徵內黃安陽湯陰三縣新舊額賦並量給籽種○丁丑

上以萬壽節御同樂園賜王以下文武大臣蒙古王公等食至庚辰皆如之諭軍機大臣等德楞泰奏賊匪見大兵雲集四面環攻賊首蒲大芳王文龍等環跪痛哭乞命將首先

謀逆之陳達順等三人。捆縛送出其逃赴留壩等處賊匪一千餘名又經該逆隨同官兵截回將賊夥四千餘人在彼屯紮懇請分別造冊聽候覈辦看此情形其畏懼乞降自屬可信此時賊營首夥自無概予駢誅之理惟當將叛賊游匪及乘間脫逃之軍流人犯等分別酌覈按律問擬即至輕者亦當遣戍一面將各犯照例監禁一面奏聞候旨辦理若實係被裹難民著先行釋放回籍至方維甸前因勦賊之時無須伊在彼同辦是以諭令回省現在善後事宜關繫地方者甚多著該撫帶同臬司素納馳往德楞泰軍營悉心商酌務期妥善其地方事務著仍交朱勳在省督辦將此諭令知之○以殲除陝西賊匪陳達順等功德楞泰暨護軍統領扎克塔爾等下部議敘賞還總兵官楊芳花翎○給陝西被賊滋擾之洋城固寧陝孝義鄯蓋屋留壩鄯石泉鎮安寶雞岐山西鄉咸寧長安十五

廳縣貧民口糧有差並緩徵新舊額賦鹽課
乙卯
萬壽節遣官祭
太廟後殿 遣官祭
福陵
昭陵
昭西陵
孝陵
孝東陵
景陵
泰陵
泰東陵
裕陵 遣官祭
孝淑皇后陵寢 遣官祭
顯佑宮
東嶽廟
城隍廟
上詣

安佑宮行禮。御正大光明殿皇子及王以下文武大臣官員蒙古王公等行慶賀禮。諭內閣各省巡撫中兼提督銜者有節制各鎮統轄閩省營員之責前曾准令戴用花翎以資表率現在山東巡撫長齡河南巡撫馬慧裕俱先經賞戴花翎其江西巡撫張師誠安徽巡撫初彭齡山西巡撫成寧均准其戴用花翎嗣後此五省巡撫簡任時即准其照例戴用如調任他省有旨賞戴方准戴用。庚辰命工部左侍郎英和馳往天津查辦事件。閩浙總督阿林保奏焚燒芹角地方賊巢得旨嘉獎賞花翎。壬午命已革山西巡撫同興赴南河効力。癸未皇后千秋節宮內行禮如儀停止筵宴及在外公主福晉命婦行禮。甲申諭內閣寧陝叛賊滋事一案該叛賊曾經身隸營伍敢於糾約匪徒肆行不軌攻城燬署戕害官員以致洋縣城固孝義鄠縣盤屋鄠縣等各處地方

民人均被其擄掠蹂躪情罪重大惡貫滿盈前經特派德楞泰前往統兵勦辦德楞泰自到陝以後並未趕緊進剿藉稱調兵未齊在彼等候該叛賊見無兵攔阻任意奔竄潛出峪口窺伺鎮安現據賊供因同夥內人心不齊未即東竄此實德楞泰遲延予賊以暇迨經朕屢次降旨飭催始據奏報進兵經楊芳扎克塔爾楊遇春先後截剿即已大挫兇鋒賊匪倉皇奔竄始相率乞降昨據奏報到時朕以賊匪既經窮蹙請命人數眾多自斷無概予駢誅之理然其犯罪甚重豈能不分別懲辦因降旨德楞泰令其於賊營造冊到時除實係裹脅難民先行釋放外其餘從賊之犯仍當按律定擬分別監禁具奏請旨酌量覈辦乃本日忽據德楞泰倖什布奏到除查係被裹難民次第資遣三千八百餘名之外有隨同叛賊之游匪難民及洋縣監犯各處軍流人等二三百名於未經收集之時先行

拋棄軍械陸續逃散現已嚴行查緝至隨同滋事兵丁除被官兵擊傷並逃亡事故外現存二百二十四名擬遴選將弁分投管帶暫歸原營約束操防等語所辦錯謬已極賊匪罪犯不赦即因其畏罪乞降亦不過賞其一死已屬法外施恩豈有仍令各歸原營充當兵丁之理該叛賊等本由鄉勇充當新兵自作不靖今因其悔罪投誠毫無罪誼不但該賊等罔知儆畏且與各營守分官兵無所區別何以靖人心而肅軍紀從前勦辦三省邪匪彼時賊衆數十萬人無不臨陣痛勦懾以兵威即間有棄械投出之人經領兵大員等查訊實係被賊逼脅方免一死何嘗稍存姑息邪匪等懾威畏法方能辦理淨盡次第嚴功彼時德楞泰身在行間寧不知之若彼時亦照德楞泰此次辦法一味懦弱壞法養奸又安能令三省教寧乎德楞泰上次奏到時朕所降諭旨甚明自當候旨遵辦今將叛賊

仍令歸伍其膽大專擅尤出情理之外本當從重懲治姑念其前在川陝等省帶兵勦賊曾著微勞是以不加嚴譴德楞泰著退去御前侍衛領侍衛內大臣管理兵部事務管圍大臣將上次所給議敘撤回仍傳旨嚴行申飭交部議處此不過稍示薄懲若伊非勦辦邪匪有功之人竟當立予罷斥至倭什布係本省總督即伊自為本管地方起見亦當計及萬全免貽後患乃並不與德楞泰詳慎熟籌輒行附和入奏實屬糊塗冒昧著交部議處伊人本無能且年老難勝總督之任著來京聽候部議所有陝甘總督員缺著全保調補該督接奉此旨不必來京請訓著即馳驛前赴新任會同德楞泰方維甸妥辦一切事宜俟半年後再行奏請入覲其湖廣總督員缺著汪志伊補授汪志伊俟到京請訓後再赴新任汪志伊未到之前其湖廣總督印務著瑚圖禮暫行兼署全保到陝尚需時日所

有陝甘總督印務即著方維甸兼署迅即馳往軍營接收督篆并先行會同德楞泰將乞降叛賊二百餘名遵照前旨定擬應得罪名具奏請旨此外在逃監犯及軍流人等勒緝務獲所有善後各事宜德楞泰等惟當悉心經理詳細會商務臻妥協以期地方永遠寧謐將此通諭知之○以正紅旗蒙古都統綿億為正白旗領侍衛內大臣○以吏部右侍郎曹振鏞為工部尚書調兵部右侍郎劉鳳

誥為吏部右侍郎以都察院左副都御史邵自昌為兵部右侍郎○命翰林院侍讀學士汪廷珍提督江西學政編修葉紹本提督福建學政○乙酉

上詣

大高殿

壽皇殿行禮○還宮○以西安將軍扎勒杭阿為鑲白旗蒙古都統正藍旗漢軍都統德楞泰為西安將軍調鑲白旗蒙古都統賡音為

正藍旗漢軍都統○丙戌免齊齊哈爾黑龍江墨爾根打牲烏拉被霜災民應徵糧石仍給七月口糧并緩徵舊欠糧石○丁亥諭內閣前因鄂爾多斯扎薩克貝子布彥泰等將採挖積蘄招引民人武鳳儀等易換煙茶布米等物一事經理藩院奏明飭交陝甘總督確查定議茲據倭什布奏稱查明該處現存蘄貯蘄土實有一十一萬五百三十石若令常年採挖恐奸民牟利紛紛出口任意偷越盤踞難保其不滋生事端請將現蘄土勒限一年運賣完竣等語著照所請將現在查明蘄土實存數目准令該蒙古等自行運至內地售賣不得於原數外再有增添浮濫所有舊欠民人貨帳令其自行清還仍嚴飭該處部員會同地方文武實力稽查毋許內地民人出口攬運僅有內地奸徒潛行出口馱運即行照律治罪不得視為具文致民人等越境滋事○以福建巡撫溫承惠署直隸總

督起丁憂在籍前任浙江巡撫阮元署福建
巡撫 浙江提督李長庚奏漁山洋面勦賊
出力弁兵擢千總鄭炳揚為守備兵丁馬殿
祥為外委○免盛京被水官莊應交穉石災
輕及未成災官莊准以本色折色各半交納
○戊子察哈爾都統佛爾圖等奏張家口
駐防兵丁生齒日繁請於滿洲蒙古十佐領
下增養育兵二十名并借支口北道庫銀三
千兩發商生息充餉從之○擢二等侍衛武
隆阿為頭等侍衛署福建汀州鎮總兵官

大清仁宗受天興運敷化綏猷崇文經武孝恭
勤儉端敏英哲睿皇帝實錄卷之一百六十八

大清仁宗受天興運數化綏猷崇文經武孝恭勤儉端敏英哲睿皇帝實錄卷之一百六十九

監修總成官延日講起居注官太子太傅兼兵部尚書文淵閣領閣事稽察欽奉
上諭事件處管理之辦事稽翰林院掌院學士

隨節四二暖，常加四暖。唐曹依鑄總鐵官太子太僕史，開大學生管理刑部事務宣議。唐戴均元，經筵日講起居注官太子少傅，文宣王，洵。

上訴事件處編譯學士戶部尚書翰林院學士教習庶吉士總管內務府倉庫黃旗滿洲副統步軍統領管理戶

部三庫奉宸苑清苑等處總理工部處御膳房御藥房太醫院西洋堂事務軍功加三級隨帶加二級尋常加十三級紀錄二十一次

安和院建講堂太子太傅體詔南宮上書房行吏武英殿總管管理園子並事務知六銀錢帶知三級紀錄四次並通珍等奉

教修

嘉慶十一年丙寅十月己丑諭內閣河工用

費浩繁所撥帑銀動即盈千累萬。國家經費有常。所應支銷者。不止河工一事。如果銀兩均歸實用。原所不靳。然撥帑如此繁多。若謂竟無冒濫。何以每年要工層見疊出。若盡歸實用。即不應屢報搶險。即如直隸省官吏。以徵解有定之款。尚敢勾串司書。通同舞弊。釀成巨案。況河工歲修搶修及報險各工段。俱由河員開報。領銀辦理。工成後又無人查收。即該河督等毫無沾染。而工員捏報浮開。實

難保其必無前據戴均元奏例價不敷請照時價實用實銷並據吳璥等亦請將東河工料一律覈實報銷當以河工採辦料物近年市價增昂向定例價不敷採辦自係實在情形均經降旨允行並令江南河東各河督及江南山東河南各督撫將河工料物土方運腳例價不敷之處公同詳覈各就地方情形妥議具奏在該河督等之意以河工例價不敷向來辦理報銷時因將例外支銷之款於

工段丈尺內通融開報以免部駁若仍前辦理則河員等浮冒虛銷視為泛常該河督等明知所報不實祇因例價不敷屬員藉口賠累不能逐加釐覈積習相沿竟係上下相率為偽大乖政體現據戴均元奏上年堵閉義壩用銀三十二萬餘兩照例應銷者僅六萬餘兩其餘皆懸款待銷似此者難以悉數例價開銷不過十分之三不能開銷者十分之七等語是例價較之時價相去懸殊若任其

浮開工段丈尺以抵例價之不足則河臣所報部中所覈均屬紙上空談自應據實報銷以清弊源然竟照時價開報部中又無例可循日久易滋流弊仍恐河員等既按時價報銷復有虛開工段亦復無從究詰此事全在河督等各秉天良覈實辦理不獨潔己奉公遂為盡職也朕思例價係多年奉行時價早晚更易此後河工報銷將定例准銷若干不數若干照時價應增若干隨案詳晰聲明具

奏以憑鈎考不得絲毫牽混所有河工現在未經題銷各案即遵照此次諭旨辦理至河員冒銷積弊牢不可破在伊等百計彌縫固難一時查出然其中有肆意侵吞劣蹟昭著如前此河員內莊剛劉普者必應查明參奏嚴懲一二以儆其餘庶工員漸知儆畏該河督等惟當破除情面隨時查訪據實參辦明抵於法以期力挽錮習俾工歸實用帑不虛糜毋得再涉因循自干重戾將此通諭知之

又諭兵部會同吏部奏議處德楞泰倭什布均照溺職例革職請旨一摺所議甚是德楞泰經朕特命為欽差大臣前赴陝省勦辦寧陝叛賊一經到陝自當迅速進兵專意勦辦乃遷延多日總以調兵未齊藉辭等候已屬遲緩迨朕節次嚴催始據奏報楊芳及扎克塔爾楊遇春接仗兩次後旋即奏報納降朕因賊犯人數既多斷無駢誅之理因降旨令將各犯詳悉查明仍行按例定擬分別監

禁候旨覈辦而德楞泰又不候諭旨到彼遵奉施行即擅將賊中投出之民人匪犯三千八百餘名悉予資遣回籍此內並有各處軍流入犯曾經助賊抗拒官兵者悉置不問甚至將曾充兵丁叛逆滋事之二百二十四名竟交與將弁管帶各回原營約束操防其糊塗錯謬壞法養奸至於如此實出情理之外大負朕恩殊不可解此事辦理之初過於張皇繼又失之草率不顧後患將就完事八月

聞德楞泰曾以賊匪裹脅漸多。必須厚集兵力。懇請簡派巴圖魯侍衛及東三省墨爾根學園官兵前往協剿。朕以其所見適與數日前所降諭旨相符。方加優獎。是以即於木蘭行圍之際。先後簡派溫春富翰等率同巴圖魯侍衛章京及東三省勁旅。分起遄行。星馳協剿。乃德楞泰於伊等到陝之後。並不令其乘銳圍攻。減此朝食。惟以納降為事。任意辦理。現已飭該將士等分起回京。此無論沿途備辦軍糈。虛糜餉項。其所費者不貲。而如此簡練勁卒。遠道馳赴。竟不令其痛接一仗。往返徒勞。成何事體。又如賊首蒲大芳。即蒲拜子。先經德楞泰上月二十七日奏報稱該逆被官兵圍剿。戳傷胷腰數處。滾跌落馬。幾被擒獲。其受傷情形。甚為著重。而初四日奏報摺內。已稱該逆率領多人。在陣前投械乞命。於其上次受傷之處。不置一辭。計前後纔止六日。若該逆受傷已重。此時豈能頓痊若業

已痊愈。則前次受傷即屬不重。看來德楞泰於此一節。亦難免粉飾之辭。不足憑信。似此辦理。舛謬膽大。專擅若係他人。朕不待交部早已降旨革職。並當按律治罪。因德楞泰前在川西。於賊匪竄過潼河時。尚能勇往認真。迅速追剿。具有微勞。僅退去御前侍衛領侍衛內大臣。管理兵部事務。管圍大臣。仍任為西安將軍。交部議處。今該部以德楞泰獲咎甚重。雖非奉旨嚴加議處。仍照溺職例議以革職。請旨。甚屬允當。本應如所議行。姑念德楞泰前此剿辦邪匪有功。特加寬賞。著加恩改為革職留任。但此事非尋常錯誤可比。仍俟八年無過。方准開復。至伊子蘇沖阿。亦因德楞泰剿賊有功。推恩晉擢。由侍衛挑在乾清門行走。洊升上駟院卿。內閣學士。副都統。蘇沖阿數年以來。祇不過循分供職。今德楞泰既以辦理軍務獲咎。伊子亦不應過邀恩眷。蘇沖阿著革去內閣學士。上駟院卿退出。

乾清門伊父德楞泰先曾管理健銳營。即著伊以副都統管理健銳營事務。前往香山直班倭什布係該省總督於本管地方軍務。尤當詳慎會籌。盡心經理。前日巡撫方維甸因聞有納降歸伍之說。即能慮及種種後患。專摺密陳。請旨酌辦。而倭什布則不但見不及此。並且附和德楞泰遽遣叛逆等各歸原營。竟不慮所管地方將來有無後患。本當照部議革職。但此事究係德楞泰主見。伊係隨同

辦理。量予輕減。著加恩降為二等侍衛。前往科布多辦事。仍帶革職留任。八年無過。方准開復。將此旨通諭中外知之。○展緩江西疊被水旱之南昌。新建。豐城。進賢。宜黃。鄱陽。餘干。星子。瑞昌。九縣。六年額賦。漕糧。○庚寅。

上詣

雍和宮行禮

宣仁廟

凝和廟

火神廟拈香。○辛卯諭內閣。據宜興。穆克登額奏。吉林與伯都訥地界相連。其界址必須清楚。庶沿邊地畝。旗民等不致有侵占影射情弊。請將兩城鄂博之間。其荒隔處所。加立鄂博。開挖深溝。劃定通長界限。俾免混淆。並請添界官以專責成。等語。吉林與伯都訥地界毗連。兩城界址不清。以致沿邊地畝。奸民等常有侵占影射情弊。現在即查有民人張兆清等在吉林界內私開地畝。往伯都訥首

報納糧。以致難於查察。自應劃定界址。永杜混淆。所有沿邊一帶。應如何添立鄂博。開挖深溝。劃定通長界限。並酌添界官。稽查約束之處。著該將軍副都統。即會同勘辦。妥議具奏。至鄂博以南。吉林界內私開地畝。現已清理。其鄂博以北。伯都訥民地。據稱亦有私開。並著該將軍副都統一併查勘。以杜欺隱。尋議由巴延鄂博囉邊門至黃山嘴子十五處地方。由四道梁子至老河身周圍六十處地

方從前於此定界設立鄂博惟黑林子以南地勢稍曲應行築直至開挖深溝一事若令民辦則妨礙農功若由官雇夫則工段綿長費用甚鉅不若將舊有鄂博另行築高每五里設一界石共設十二界石以垂永久而辨疆界即交法特哈邊門舊設章京管理毋庸另設管界章京從之○以科布多叅贊大臣恒伯為內閣學士兼禮部侍郎銜以翰林院侍講學士施杓侍讀李傳熊署日講起居

注官○壬辰諭軍機大臣等金應琦奏磴口運至托克托城鹽斤已委員帶同新商前往試辦一節與原議章程不符吉蘭泰鹽斤原議令河東運商一併承運蓋以口鹽獲利較贏庶可以彼之有餘補潞鹽之不足今係另行招商又與潞鹽分為兩事究竟該省情形如何使商民兩便之處該撫督同藩司悉心妥議具奏尋據山西巡撫成寧奏潞鹽口鹽必應分辦又甘肅布政使蔡廷衡奏阿拉善

王移請坐商辦理不敢分界下部并議尋議吉蘭泰鹽池在黃河上游比鄰寧夏河東鹽池在黃河下游地接豫秦相去三千餘里口鹽不能越險行銷河東地方即可無須潞商并辦且潞商已一家承辦數處引地自難兼辦口鹽其河東課引較多獲利尚厚口鹽納課有限獲利未見有餘亦無庸通融調劑應如所請分別招商分辦引地至阿拉善鹽池既已呈獻所有衙署墩汛及牧放生畜地方

應飭委道員勘定四至里數疆界毋礙蒙古游牧并禁止雇用喀爾喀等處駝隻從之○癸巳調禮部左侍郎薩彬圖為倉場侍郎轉禮部右侍郎桂芳為左侍郎以內閣學士普恭為禮部右侍郎○以內閣學士恒伯兼鑲黃旗蒙古副都統命英吉沙爾領隊大臣達凌阿回京賞已革鑲黃旗漢軍副都統扎勒罕布三等侍衛為英吉沙爾領隊大臣以戶部右侍郎和寧為烏魯木齊都統○甲午

上御懋勤殿勾到江蘇安徽江西情實罪犯。停決江蘇斬犯三人。絞犯二人。安徽斬犯二人。絞犯二人。江西斬犯一人。餘一百十六人。予勾。諭內閣前日據御史和順奏稱風聞旗人中竟有演唱戲文。值戲園演劇之日。戲班中邀同登臺裝演。請旨飭禁一摺。所奏持論甚正。八旗子弟不務正業。偷閒遊蕩。屢經嚴旨訓諭。若果攬入戲班登臺演劇。實屬甘為下賤。御史有言事之責。於此等風俗攸關事

件。既有所聞。自應據實入告。因諭令該御史將演劇之旗人按名指出。以便究辦。隨據和順指奏六人。當交步軍統領衙門按名查拏。並召見該御史詢以如何查訪緣由。據稱伊曾經騎馬行過戲園。遙見演劇時有旗人在內。既又稱係伊家人在戲園看見等語。所奏已屬支離。乃昨據祿康等具奏將演劇旗人查拏到案。並訊據廣成茶園看座之王大供稱向有和御史常到園內聽戲。因令軍機大

臣會同刑部將王大傳到。令該御史雜入各官隊中。令其指認王大。即能指出。並稱其曾在戲園爭占下場門坐位。經軍機大臣向該御史詢問。伊並不承認。惟稱今年夏天上衙門路過西單牌樓戲園。曾經進內察看。因欲具奏。是以於新近不記得日子。又曾到園一次。均係未戴頂帽。密為訪查等語。是該御史赴園看戲。業經屬實。即云查訪具奏。該御史夏間查看確實。即應奏聞。何以至此。時又復

到園一次。始行具奏。且於召見詢問時。亦未將先後到園情節據實入告。迨至王大指認質證。始以到園訪查為辭。意圖抵賴。前曾疊次降旨諭令八旗官員等。不准私去帽頂潛赴茶園戲館。今該御史身為風憲之官。為朝廷之耳目。竟不知自愛。潛赴茶園聽戲。至為市儈等所熟識。即此已屬溺職。所奏祇為私忿。爭坐起見。假公濟私。快其宿怨。卑鄙已極。若皆似此。互相攻訐。豈不蹈明季言官之陋。

習乎和順實為言官中之敗類玷辱臺諫之職。至筆帖式德馨置買戲箱行頭賃給戲班。按日收錢本有不合。且據供認會戴便帽赴園查點箱件亦屬有乖體制。和順德馨均著先行革職。交軍機大臣會同刑部歸案質訊定擬具奏。○乙未。

上詣

時應宮

昭顯廟拈香。○諭內閣阿林保李長庚奏舟師勦捕得勝擊斃著名賊目等情一摺。據稱蔡逆匪船南竄至竿塘一帶遊奕。經阿林保知會李長庚率師躡勦。追及盜船。揮令兵船攻勦。擊沈盜船一隻。匪犯全行落海。又有蔡逆之姪蔡添來坐船。經李長庚督兵圍住。攻打擊壞。擒獲匪犯六十七名。斬獲首級五顆。蔡添來被官兵礮傷胸。前穿透落海。各等語。此次李長庚督領兵船攻勦蔡逆幫匪。擊沈盜船一隻。並將蔡添來坐船擊壞。該匪受傷。

落海計擒獲及落海者共有數百人。看來賊船日少。其勢日就窮蹙。李長庚督率舟師圍捕不遺餘力。奮勇可嘉。俟擊獲蔡牽。再賞世職。酬勲至蔡添來一犯。係蔡逆胞姪。助逆肆惡。本為緊要賊目。今經官兵擊斃。翦其羽翼。蔡逆自必聞而喪膽。阿林保正當乘此機會。催令李長庚上緊圍捕。速擒巨魁。以靖海疆。又諭鐵保等奏遵旨揀調要缺知府請以朱錫爵調補江寧府知府一摺。朱錫爵係大學士朱珪之姪人。甚明白朕所素知。鐵保等以之調補江寧府知府。自係為省會首府需人起見。但摺內未據明白聲敘。恐各該省督撫遇有此等揀調要缺於屬員中大臣子弟。不問其能否勝任。瞻徇情面。專摺奏請。於政治殊有關繫。嗣後揀補要缺人員。如係現任文武二品以上之兄弟子姪。均著於摺內聲明請旨。所有江寧府知府員缺著准其以朱錫爵調補。其所遺淮安府知府員缺即著以

馬維馭補授○又諭鐵保奏請令各州縣查工驗料以祛河工積弊一摺河工用費浩繁其獎混之處層出不窮不可不設法嚴杜前經明降諭旨令將河工報銷一事按照時價具報不准浮開工段丈尺以示覈實復因例價係多年奉行時價係早晚更易若專憑時價覈辦則部中竟將無例可循日久亦滋流弊續經降旨於工程報銷時將定例准銷若干其不數若干應增時價若干隨案聲晰具

奏但此事總全在經管大員隨時實心查察認真覈辦方於辦工無誤而用項亦不至虛銷若稍涉瞻徇顛預不加嚴察即用時價報銷更可虛開工段丈尺其弊益大不可勝言總之有大工必有大獎日久必成大案司其事者不可圖目前之小利而不顧日後之大害也且時價較例價之數或多至數倍或尚不止數倍僅漫無查覈不加限制宣任聽工員等隨意捏開乎京城辦理工程皆特派大

臣查驗收工鐵保僅請令州縣於工滿之日親赴查驗尚不足以昭鄭重此後竟當派出司道府大員前往各工按原估工段丈尺逐加查勘並將河工例價應報若干現在因何不數須加至幾倍方能辦理之處據實結報方准奏銷若修理未能如式查有偷工減料情節即嚴行揭叅治罪以示懲儆儻司道府等亦瞻徇不舉別經發覺一併治罪不貸餘俱照議辦理此非朕吝惜帑金實為保護河

工大小官員身家性命不可不加以慎重也又諭慶桂等奏審訊旗人圖桑阿等五犯登臺演劇並已革御史和順潛赴茶園聽戲屬實分別定擬一摺八旗風俗素淳即間有一二不肖子弟私赴戲館中偷閒佚樂任意花費已屬不安本分乃圖桑阿等均在本旗披甲執行登臺裝演甘與優伶為伍實屬有玷旗人顏面圖桑阿烏雲珠德泰全魁李惠等五犯著即照所擬銷去本身戶籍發往伊

犁充當苦差。至和順本係工部司員。從前在部時。即不應赴園聽戲。迨今年擢任御史。該衙門職司風憲。乃復私去帽頂。潛赴戲園遊蕩。甚至因與市僧等爭坐口角。假公濟私。託為正論。請旨飭禁。經朕召見詢問。猶復巧為支飾。並不將先後赴園情節據實直陳。其居心尤為詐妄。言行不符。卑鄙無恥。業經降旨革職。現據慶桂等奏請發往烏魯木齊當差。因思近來該處風氣日漸繁華。恐伊到彼後。故態復萌。仍不肯安心務正。昨伊於召見時。曾據面奏。旗人分應習學騎射。清語。然伊於清語。即全未通曉。其騎射。自亦必生疏。和順轉不必發往烏魯木齊。著即發吉林。交與將軍秀林嚴加管教。務令將清語騎射留心學習。仍著該將軍隨時察看。如果能潛心正業。學習嫻熟。俟三年後據實奏聞。或可酌量施恩。以武職錄用。至都察院堂官。有糾察百寮之職。今本衙門有此敗檢臺員。竟未能訪聞。

叅劾除賡音甫經到任。加恩寬免外。所有和順。簡用御史。後歷任失察各堂官。著查明交吏部察議具奏。○又諭坤都勒身係宗室。不自檢束。雖訊未登場演戲。但跟隨戲班到館。即屬不守正業。甚至乳名亦被外間傳知。其遊蕩失體。已可概見。若照所請監禁一年。永遠停止錢糧。轉恐其釋放後。無以養贍。更致流於曠廢。坤都勒著革去宗室頂帶。同伊本身眷屬。一併發往盛京居住。仍賞錢糧。俾知我國家發祥之地。風氣淳樸。令其涵濡效法。或漸能滌除積習。仍交該將軍富俊嚴加管束。令其學習國語騎射。庶化其紆綣。不堪惡習。母任在外滋事。旌表守正捐軀山東滕縣民張廣露女張氏。○丁酉上御懋勤殿。勾到河南山東情實罪犯。停決河南斬犯四人。絞犯十六人。山東斬犯七人。絞犯十七人。餘九十八人。予勾。○諭軍機大臣等。鐵保等覆奏海口改道事宜一摺。據稱現

在減壩六十里。碩項湖蒙沂各水匯注之處。尚屬河湖一片。溜非一處。涸灘甚少。驟難施工。等語。目下當冬令水涸之時。而減壩下游河湖尚成一片。豈能於水內施工。看此情形。改道之說。甚覺難行。不必再為觀望。惟新河既不能辦。勢不能不仍用故道。而雲梯關一帶。近益淤阻。必當及早疏濬。深通。將來汎水長發時。方免泛濫之慮。此時應如何酌堵減壩。挑挖舊河。即當趕緊豫籌。不可再緩。並著

將需費錢糧若干。比較辦理新河多寡。難易之處。迅速奏聞。至另片稱。目下辦工緊要。懇請簡派熟悉河務大臣一員。來工商辦之處。此則近於推諉。殊非任事之道。現在廷臣內諳習河務者本少。鐵保係該省總督。在彼經理河務有年。戴均元本係特派前往。因其留心工程。是以即授為總河。徐端係河員出身。工程更為諳悉。伊三人惟當一力肩承。責無旁貸。又何必另請大員前往督辦。至將來工

竣時。朕當特派親信大臣查驗。設工程不能如式。及屬員中有冒銷錢糧。諸獎伊等不能舉發。一經查出。則惟伊三人是問。將此諭令知之。調鑲黃旗漢軍都統長麟。為鑲紅旗滿洲都統。正紅旗蒙古都統綿德。為鑲黃旗漢軍都統。以睿親王端恩。為正紅旗蒙古都統。大學士保寧。再以疾辭職。允之。仍令食公爵全俸。旌表守正。被戕四川大邑縣民曾潮萬妻黃氏。已亥。諭內閣。朕親製勤政

殿記及勤政箴。實因身受

皇考厚恩。不敢暇逸。惟勉勤政治。民庶酬遺志。而近來內外諸臣。怠惰於心者多。實心任事者少。每以晨興為苦。以致沈擱事件頗多。從前屢經降旨。飭令在京各部院衙門。遇有應奏事件。即達朕傳地方日期。亦皆當隨時陳奏。無得怠惰。積壓乃昨朕詣闕。福寺拈香。在彼傳膳辦事。各部院衙門。無一奏事之摺。本日則六部理藩院內務府各衙門。俱各陳

奏事件甚多。且有一衙門陳遞數摺者。明係昨日因朕詣闕福寺。憚於蚤起。前往遼事。至今日積有多件。一併陳遞。怠惰偷安。又蹈故轍。大屬非是。朕勤求治理。惟日孜孜。未明求衣。秉燭閱事。從不肯稍憚煩勞。並非因本日奏事較多。倦於披閱。實因昨日無事。恐致積壓。部院中今日所奏多件。試問伊等。豈盡皆昨日趕繕者乎。且本日陳遞月摺。即共有七處。刑部奏事四件。內除奏斬決述旨一件。或

云。逢朕拈香之日。意取吉祥。留至今日。陳遞尚為有說。其餘三件。昨日有何不可具奏。又如禮部所奏。係皇史宬事件。理藩院所奏。係喇嘛事件。儘可於昨日陳遞。何以任意延擱。各部院衙門習氣。每逢陳奏事件。其兼內廷行走各員。往往不肯定期。諉之專在本衙門行走。堂官定日具奏。而該堂官等一聞另傳地方。輒心存苟安。任意晏起。在家耽逸。至將緊要事件。亦壓至次日。陳遞。轉以仰體朕躬

為辭。尤屬非是。朕臨蒞各處。並非意在遊觀。昨謁闕福寺拈香。本係歲例。舉行此後。如瀛臺閱看冰鞋。蓋因體恤八旗兵丁。較藝頒賞。且一切批章召對。仍與在宮內無異。而辦事畢後。亦旋即回宮。何嘗多為流連。耽玩景物。昨日在闕福寺。各衙門竟無應辦之事。殊深慚愧。虛度一日。書云。一日二日萬幾。一日不辦事。所耽擱者甚多。譬如昨日既無可辦之事。朕何嘗趁暇遊玩。諸殿座於辰刻。即已回

宮。諸臣又何得藉仰體為辭。耶在京各部院衙門。皆所以佐朕為治。朕時加訓飭。該堂官等。猶不知振作。若此。又何況外省。積習相仍。效尤滋甚。因循疲玩。政務又安免廢弛。耶除昨日隨駕前往之軍機大臣。總管內務府大臣。及在南書房上書房入直之趙秉沖。桂芳。又雖未奏事。因他事到彼之部院堂官。祿康。德瑛。長麟。博興。瑚素通阿。特克慎。扎郎阿。及大學士朱珪。先經有旨。令其間數日。進內協

辦大學士費淳現在予假無庸懲處外其餘遲至本日奏事之各堂官均著交吏部都察院察議以示懲戒嗣後各衙門一有應奏事件俱著隨時具奏即逢朕傳地方日期亦不得遲擱怠玩設再有藉辭壓擱遲至次日始行陳奏者必行懲處不貸將此通諭知之○
庚子

上御乾清門聽政○諭內閣向來太常寺衙門每次呈進恭祭

太廟本章內閣將親詣行禮及遣員恭代之處照例票擬雙簽請旨惟恭祭

奉先殿內務府衙門祇將派出輪直行禮之阿哥王貝勒貝子公指名繕寫綠頭牌奏聞其有應親詣行禮者俱係屆期特旨諭知內務府從不先行奏請辦理未能畫一嗣後著內務府於恭祭

奉先殿除例係阿哥及王貝勒等輪直行禮日期仍照舊輪派奏聞外其應親詣行禮日期

著繕寫綠頭牌兩分將親詣行禮或遣派恭代奏明雙請候旨遵行○又諭扎克塔爾受皇考及朕厚恩在御前侍衛行走多年洊擢至護軍統領此次派令勦辦寧陝叛賊事竣回京後詢及軍營受降情形扎克塔爾陳奏登覆之辭多有不實不盡本日德楞泰將方柴關受降緣由詳悉具奏復令軍機大臣將扎克塔爾傳至詢問陳出實情並據稱前次召見時未經奏及顯係聞有德楞泰奏報始行

據實直陳其前此隱飾之咎實無可辭扎克塔爾著退出御前侍衛在乾清門侍衛上行走仍交部嚴加議處至伊等帶兵勦辦叛賊並未痛加殲戮僅以受降完結所有前次兵部議敘扎克塔爾溫春薛大烈楊遇春給與軍功加級紀錄之處俱著註銷○又諭工部議覆吳璥奏請撥豫東藩庫銀兩豫備搶險物料一摺豫東黃河兩岸節年坐灣生險埽段漸增所需料物若俟搶護時臨期採辦恐

致料戶居奇自應先事籌備著照部議准令該河督於豫省藩庫撥銀二十萬兩東省藩庫撥銀二萬兩豫購料物以備要需惟豫東搶險料物向無幫價每垛止准報銷例價銀四十五兩與該省歲修工段例價外每垛加幫價津貼銀二十五兩者不同該河督請照歲料每垛七十兩之數作正開銷與部例不符惟節據該河督奏例價不敷情形懇請實用實銷仍著該河督遵照節次諭旨將所購

料物例價應銷若干應增若干分晰具奏以憑覈辦至部議請將此次另案稽料即令該河督等照歲料之例籌款幫價一節此項料價若令地方官捐廉辦理既恐藉端科派若令民間協濟又恐擾累閭閻均不免易滋流弊是否可行著該河督會同該撫等悉心體察情形妥議據實具奏○以太常寺卿哈寧阿為內閣學士兼禮部侍郎銜詹事府少詹事王宗誠為詹事順天府府丞胡長齡為光

祿寺卿○辛丑

上御懋勤殿勾到山西直隸情實罪犯停決山西斬犯六人絞犯七人直隸斬犯十人絞犯十二人餘一百七人予勾○諭內閣慶桂等奏議駁喀喇沙爾辦事大臣玉慶請添設臺員並酌增滿兵一摺所駁甚是新疆地方自皇考高宗純皇帝展拓以來一切辦事章程經畫盡善克垂永久數十年來奉行俱各妥協所有各城辦事之員惟當率由舊章認真查

辦玉慶自派至喀喇沙爾辦事後屢次條奏希圖見長甚屬高興上月曾據奏請將該處棄置之太玉三塊招商認買圖利失體甫經降旨駁飭茲復以整頓臺站為名欲添設委筆帖式四員又請增添滿兵以資印房辦事殊屬非是臺站額設弁兵皆有一定數目該處日久遵辦並無貽誤何以目下忽稱辦公不敷且喀喇沙爾在新疆祇係腹地小城該處既欲將臺員滿兵逾額增添此外新疆各

城設亦紛紛請添豈不徒滋煩擾。王慶所請不准行著傳旨嚴行申飭。若再任意妄為嚴譴立至矣。總之新疆以鎮靜為要不可妄生枝節。嗣後辦理一切事務惟當遵照舊日章程妥為經理勿得率意紛更致干咎戾。○追予陝甘陣亡叅領七十。存住前鋒校耀光。護軍校牛德德成額。祭葬加等世職如例。鄉勇杜如林等一百八十一名賞卹如例。○予廣東巡洋被戕外委陳朝勳。張開盛祭葬世

職如例。○分賞五城貧民棉衣一千件。○壬寅諭內閣。祿康等奏勘估雙鶴齋等五處及併案黏修各項應需工料銀兩數目一摺。雙鶴齋等處現屆應黏補興修並非建造前經派出祿康。恭阿拉勘估伊等理應自行遴委妥員及匠役等確覈估勘據實具奏乃伊等雖經另揀司員勘估而所帶料估匠役仍不免用圓明園承辦原工之人所謂換官不換吏於事奚益仍屬有名無實虛糜錢糧耳現

據奏雙鶴齋等處需用工料共計銀十一萬五千餘兩。此項工程祇係頭停揭寔油飾彩畫並未添造房間何至需用工料銀數估計如此之多顯係仍用各該處承辦匠役估計以致虛報浮開。豫為冒銷地步。祿康等率據所估數目奏請興修殊屬非是。祿康恭阿拉著傳旨申飭。所有此項工程除雙鶴齋一處暫緩興修外其餘安瀾園等四處及併案應修各工著改派尚書長麟侍郎托津另行遴

委妥員及匠役等率同親往履勘確估具奏不得仍用各該處司員匠役致滋弊混。此後凡遇應辦工程經朕特派估勘者俱著奉派之員自行遴委妥員及匠役等確勘估計以歸覈實而杜冒濫。○又諭此案王繼先因妻父麻景魁不允蓋還住屋欲行服毒圖賴令妻王麻氏將家存砒藥私攜付給王麻氏屢次勸阻迨後王繼先告以係欲借此嚇詐並非真即服食王麻氏始將砒藥交給及王繼

先乘閒服毒。王麻氏先已回家。無從阻止。次
早前往探視。見王繼先毒發嘔吐。仍在場幫
同灌救。是王繼先懷憤輕生。伊妻王麻氏實
無致死其夫之心。特不應授以致死之具耳。
譬之有人意圖訛索他人。令其妻取用金刃。
告以並非真欲輕生。後或用刃刎勒致死。不
能即律其妻以刃斃本夫之罪。刑部將王麻
氏比照妻毆夫至死律擬斬立決。請旨定奪。
王麻氏著改為斬監候。秋後處決。照例歸入
服制辦理。○又諭。據觀明覆奏黑龍江地方
情形。兵丁不宜添演長槍。請旨一摺。所奏甚
是。東三省兵丁專以打牲為業。騎射鳥鎗等
技。本自精熟。虎槍亦素練習。若令與綠營兵
丁一體兼學長槍。轉致誤其馬上技藝。所有
盛京吉林黑龍江兵丁均著毋庸兼習長槍。
仍著照舊演習弓箭鳥鎗。及一切馬上技藝。
務使益臻精銳。○癸卯。

上詣

奉先殿

壽皇殿行禮。○署福建巡撫阮元在籍患病。調
江西巡撫張師誠為福建巡撫。以刑部左侍
郎金光悌為江西巡撫。轉刑部右侍郎周廷
棟為左侍郎。以湖南布政使韓鈞為刑部右
侍郎。湖南按察使史積容為布政使。岳常澧
道巴哈布為按察使。○旌表守正捐軀河南
濬縣民端木毓魁妻任氏。

實錄卷一七〇

奉

大清仁宗受天興運敷化綏猷崇文經武孝恭
勤儉端敏英哲睿皇帝實錄卷之一百六十九

先醫之神。乙巳諭內閣據全保湖圖禮奏
湖北邊界防兵撤歸原營所有動用銀兩除
借給官兵養廉行裝銀五萬四千餘兩應照
例扣還外其餘支過鹽糧各項約共銀六萬
兩在於通省督撫司道知府養廉內每年扣
捐二成陸續歸款等語此次湖北因寧陝匪
徒滋事分派官兵在於邊界防勦現已次第
裁撤所有動支各款內如借給官兵養廉行
裝銀兩自應照例扣還其餘動支鹽糧各項

革職一摺扎克塔爾派往陝省軍營隨同德
楞泰勦辦寧陝叛賊經德楞泰派在前敵當
賊匪由斜峪關南竄之時扎克塔爾同楊遇
春帶領河州固原等處官兵前往追勦趕上
賊匪當經痛加勦殺殲獲多名迨追至方柴
關地方遇見成隊賊匪彼時天色已晚官兵
轉戰竟日未免力疲而賊匪恃險屯聚人數
衆多官兵被賊衝壓數次致有散失扎克塔
爾同楊遇春帶領親隨數十人至該處把總

營汎圍牆內駐守賊匪正在四面圍繞之際而溫春等帶領東三省馬隊適至賊匪一見馬隊南北兩山頭屯聚之賊立時畏懼奔回賊首蒲大芳王文龍等遂親率賊衆趕至扎克塔爾楊遇春馬前棄械投誠扎克塔爾等諭以如果實在投誠可將首逆縛獻徹退賊衆再行定議彼時蒲大芳等立將首逆陳達順陳先倫向貴三人縛獻扎克塔爾等一面令賊停紮一面稟知德楞泰定奪德楞泰接據稟報率准受降又不候諭旨遽將叛逆二百二十四名交與將士管帶各回原營並將賊營內三千餘人不問其是否係地方遊匪及監犯軍流人等竟與被裹之人一律遣散種種紕繆不可枚舉全係德楞泰之罪至扎克塔爾與楊遇春均祇偏裨不能專主其事若朕因受降治諸將領之罪則楊遇春即與扎克塔爾同在一路帶兵楊遇春既未加罪自亦不以此罪扎克塔爾伊若於朕面詢軍

務時詳細確陳原可不必交議乃扎克塔爾於到京之時經朕面加詢問祇稱賊匪畏罪請降其於追賊至方柴關兵散被圍各情並未言及不以實奏是其罪衆朕復令軍機大臣詢問所言亦同迨上月二十七日德楞泰奏到詳細情形朕復令軍機大臣傳到扎克塔爾詢問未將德楞泰原摺給看扎克塔爾慮及德楞泰據實奏明始行陳出實情是扎克塔爾前奏殊屬不實不盡其隱飾之咎實無可辭是以將伊退出御前侍衛降為乾清門侍衛徹銷前次議敘交部嚴加議處連日部議未上之先朕詢問自軍營回京之富翰溫春桑吉斯塔爾等其所言扎克塔爾在方柴關追賊被圍情節悉屬相符今兵部議以革職固屬咎所應得但朕於諸臣功罪或輕或重務期權衡至當不肯稍有偏畸扎克塔爾之罪在於隱飾而較之慶成則有不同慶成本年陞見來京朕於召對時因其曾經勦

賊立功受傷屢沐恩施當詢以曾否得過雙眼花翎慶成輒信口誑稱在副將任內曾經得過雙眼花翎迨詳查檔案並無其事伊竟以一片虛誑之詞面肆欺罔欲圖朦混邀恩殊無忌憚是以將伊革職發往黑龍江効力贖罪扎克塔爾於垂詢軍務時尚不敢信口捏飾冒功惟於方柴關追賊受降時是日各種情節不行詳細備陳意存隱匿諱敗為勝仍染軍營惡習不以誠實對君上其獲咎實

在於此慶成扎克塔爾同係御前侍衛俱經殺賊立功並曾打仗受傷惟伊二人情節既有不同則獲譴亦當有別且慶成係漢軍世家尤當通曉大義而扎克塔爾則係川省番目出身情稍可原且平素當差尚屬勤慎自應量加寬贊惟扎克塔爾既係番族在京管理旗務究非所宜此時若仍令在內當差任護軍統領蒙古副都統伊亦不能將該管旗人認真約束殊覺有名無實扎克塔爾著退

去乾清門侍衛鑲白旗護軍統領正紅旗蒙古副都統加恩留伊所得三等男及恩騎尉世職並仍賞戴花翎著即回伊本省四川地方交與總督勒保以副將差委補用觀其後效並著將懲治扎克塔爾及慶成兩人分別覈辦緣由通諭中外知之○以散秩大臣德麟為鑲白旗護軍統領瑞齡為正紅旗蒙古副都統○以翰林院修撰姚文田署日講起居注官○丙午

上御懋勤殿勾到朝審情實罪犯停決官犯四人斬犯七人絞犯六人餘十二人予勾○丁未諭內閣宗人府纂修

玉牒例有定期應於明年開館纂辦嘉慶十三年將另錄一分送往盛京尊藏惟恭纂皇考高宗純皇帝實錄已將次告成明年十月內應恭奉前往盛京因思恭送

實錄

玉牒典禮綦重若於明後兩年分兩起行走

此間派員啟程時原不難先後豫備而沿途經過地方如修墊道路支搭影棚以及酌撥官弁人夫隨行護送等事地方官經理供億稍繁所當量為體卹著宗人府將明年應修玉牒於本年冬閒即行擇吉開館敬謹纂修趕緊辦竣於嘉慶十二年十月內同

實錄一併恭送盛京尊藏○又諭理藩院奏年終輪班應來之乾清門行走及散秩內外蒙古王公台吉呼圖克圖喇嘛請仍照例准來

如非年班因他務來者可否俟其差務完竣催令起程回伊遊牧處等語著照所奏嗣後因他務來之御前乾清門行走蒙古王公台吉及喇嘛等有懇請當差俟過年再回遊牧者著理藩院奏請候朕酌量施恩其因他務來之散秩蒙古王公台吉喇嘛等既無專差而又遠離遊牧設在京久住不無費用著加恩即催令起程各回遊牧以示朕軫卹蒙古世僕之意 戊申

上御太和殿視朝王以下文武升轉各官謝恩諭內閣本日據陝甘學政馬履泰奏稱寧陝叛匪內曾充兵丁者二百餘名傳聞善後事宜暫歸原營操防此等叛匪破城戕官屠害士民與一時聚眾及兵丁鼓譟旋即諭散者不同即不予駢誅亦應擬發新疆等處為奴稍正刑章而肅紀律今曾不絲毫加罪復令暫歸原營竊恐終非除惡務盡之計等語所奏正與朕節降諭旨及大廷公論相合嘉

是覽之叛匪曾隸營伍膽敢糾眾倡亂罪在不赦即因其畏罪乞降亦不過賞其一死已屬法外施仁豈有毫不加罪仍令入伍食糧之理此事當德楞泰會同倭什布奏到時朕即以其辦理錯謬已極當即降旨詳晰訓飭並將德楞泰等分別示以薄懲嗣經召見在廷諸臣逐加諮詢僉稱無此辦法眾口一詞今馬履泰復有此奏可見德楞泰所辦壞法養奸實出情理之外現已諭令全保方維甸

會同德楞泰另行遵旨將此二百二十餘犯分別妥為定擬但德楞泰辦理之始惟會據方維甸先經奏稱設令該匪等仍歸原伍聚處南山竊恐復留後患此外並未有一人陳及除總兵以下各員職分較小無足責備外至如特清額薛大烈豐紳揚遇春身任將軍提督均係一品大員當德楞泰擬令叛匪歸營時伊四人中豈無一人稍知顧慮心議其非者馬履泰係一書生且未嘗更事職任學政官階較小尚知以叛賊歸伍為非直抒所見具摺入告特清額等四人官職既崇又均經宣力戎行歷練日久此時隨同德楞泰帶兵勦賊均係特蒙委任非尋常偏裨可比在軍營時凡遇打仗殺賊情形自應呈報德楞泰具奏以一事權至於受降散遣等事於善後大有關係彼時如另有所見即當向德楞泰論辯勸阻如阻之不聽即應據實奏奏何得束手旁觀隨同附和若竟以德楞泰所辦

為是則是伊四人同一肺腸其辦事見識遠出馬履泰之下有愧專閫大員多矣特清額薛大烈豐紳揚遇春均著交部議處○諭軍機大臣等德楞泰方維甸奏稱降賊尚在疑慮籲懇緩以時日相機辦理等語太不成話叛匪既懷疑慮此時若不辦理則受降已久即應將留存各兵全數歸伍將軍巡撫亦應回省蒞任何能遲之又久忽復將此二百二十餘人問擬罪名若仍留兵防守尤難保不

別生事端德楞泰全保方維甸仍遵前旨將蒲大芳王文龍及其餘叛匪調集到營明白宣諭以爾等曾隸營伍膽敢攻城戕官罪大惡極今因爾等悔罪乞降蒙皇上法外施仁賞爾一死但發遣之罪斷難倖免該匪等聞知果能束身聽命此則事機之最順者設或抗傳不到即屬已降復叛罪無可辭即當置之於法或有抗拒情事朕亦不責以激變之罪若祇顧一時養成後患不特德楞泰獲戾

滋重即全保方維甸亦不能辭咎矣將此諭令知之 以山西按察使常明為陝西布政使湖北督糧道張映漢為山西按察使○己酉諭內閣據禮部奏本月十三日恭值

聖祖仁皇帝忌辰是日

園丘大祀禮成後仍穿常服不掛朝珠等語所議尚屬未協

郊壇大祀即恭逢

祖

宗

列后忌辰俱當備用吉禮不特祭祀之日應御

禮服即前三日齋戒期內服色亦應照常蓋

禮統於尊誠為不易定制至於禮成之後則

盛儀已備是以車駕還宮樂即設而不作若

是日在宮內視事仍穿用常服於心實有不

安嗣後

郊壇大祀之日適逢忌辰禮畢還宮後即遵照

忌辰儀注更用素服庶敬

天尊

祖禮協義宜○庚戌諭內閣刑部題改穆克登

額審擬錦縣莊丁沈國仲沈國榮聽從伊母

杜氏之命幫同綁縛胞兄沈國連後杜氏自

行用帶將沈國連勒死一案已依議行矣此

案沈國連向不安分會因頂撞伊母杜氏經

杜氏喊送鞭責今年正月間杜氏與沈國仲

沈國榮共飲適沈國連酒醉進屋沈國仲等

讓飲杜氏以伊已醉向阻沈國連將酒鍾擲

碎混罵迨杜氏掌批其頰沈國連復口出兇

悖之詞將杜氏推倒揗按經沈國仲等扶起

杜氏氣忿喝令沈國仲等將沈國連綁縛正

令往尋莊頭送官杜氏憶及若留此逆子必

有後患遂取布帶套伊脖項勒斃是沈國連

一犯不特違犯教令竟敢酗酒無狀毆詈伊

母經伊母氣忿勒斃律得勿論乃該侍郎輒

援引父母非理毆殺律將杜氏擬以滿杖殊

屬錯誤夫非理毆殺之條原以為子者並無

干犯情事或父母行止不端逞忿毆殺致死其子方得謂之非理今杜氏管教沈國連該犯輒敢肆罵推倒揀按實犯忤逆經伊母氣忿勒斃有何不合何得轉科父母之罪雖所擬止於滿杖且亦照例收贖然明刑所以弼教似此倫紀攸關之案豈可不加詳覈率引例文致失協中之義乎移克登額原擬失當著傳旨申飭仍交部察議○又諭兵部具題管理圓明園散秩大臣裕興接駕遲誤議以罰俸六箇月於紀錄內合計抵銷已依議行矣裕興帶領官員接駕遲誤係十月初二日之事早經交部查議並於召見兵部堂官時屢經詢及且伊應得處分不過罰俸議抵有何難辦即如散秩大臣裕瑞遲誤前引經領侍衛內大臣等當日即行議以罰俸半年具奏裕興查議一案係與裕瑞同日之事乃遲逾一月有餘始行具題殊屬延緩該旗接准部咨後未將裕興現有紀錄即時查明迅速

咨覆亦屬非是兵部堂官及該旗都統等俱著傳旨申飭嗣後吏兵等衙門遇有特旨交議之件該堂官等祇須將該員應得降級罰俸處分查覈例案定議具奏並於摺內聲明係奉特旨交議之件無庸查取加級紀錄議抵俟奏上時朕覈其情節輕重量予區分其加恩准抵者於奉旨後再將該員有無加級紀錄詳覈彙題該堂官等不得仍以咨查為詞藉端遲滯儻復任意延擱必將該堂官懲處不貸○辛亥諭內閣向例上書房師傅春分以後於申正退直秋分以後於申初退直本有一定時刻所以專課程也近來上書房師傅竟不按向來例定時刻退直甚早意涉疏懈且從前師傅等於散直時必將係某時刻散去告知管門太監登記以備稽覈而現在師傅等並不照舊日章程告知太監太監等亦置不問均屬不合所有上書房師傅萬承風桂芳戴殿泗俱著罰俸半年此因積久

因循初次查出姑示薄懲嗣後上書房師傅著遵照向例春分後於中正散直秋分後於申初散直並將散直時刻告知管門太監按日登記其管理部院在上書房行走大臣如遇有部院應辦事務及奉旨特派事件應早散直者亦著將因何早散緣由告知管門太監隨時登記以備查覈儻經此次申諭之後仍有任意疏懈情事一經查出必行嚴懲不貸又諭新疆採辦大玉回民運送維艱是

以從前特降諭旨令於所在棄擲本年九月內忽據玉慶奏請將棄擲之大玉三塊招商認買朕以所奏圖利失體斷不可行即經降旨飭禁惟令酌量情形如其中差小者二塊運送尚屬不難或於每年秋季進玉之便附運至京亦可如辦理稍覺費力即毋庸運京仍任在該處棄置彼時所降諭旨甚明玉慶自應欽遵辦理乃本日又據玉慶奏報伊接奉諭旨後即親往驗看玉塊一重七千五百

餘斤一重三千七百餘斤比正貢玉料較重誠恐運送遲延因查照從前運送大玉應用車馬例案急趕辦車輛及繩索一切應用器具即行起運赴京仍覓雇回民並馬匹等派委妥員護送並移咨各城一體護送等語所辦竟不遵奉前旨錯謬已極試思玉塊重至數千斤其運送車輛需馬五六十匹三四十匹不等另須僉派回子數十名又恐越嶺過河疲乏傷損尚須將馬匹回子照數豫備一

分以便更換而沿途各處皆須派員幫護種種煩擾舉致此無用之物實屬輕舉妄動朕不貴異物務恤遠人節經降旨令其不必運送朕實天性不喜珠玉非故為矯情之舉是以諄諄停止貢獻今玉慶必欲將此項玉料銳意運京不顧地方紛擾是誠何心玉慶著傳旨嚴行申飭並交宗人府議處伊自到喀喇沙爾後屢次條奏事件惟知見長高興罔識治體於回疆辦事大臣殊不相宜著調補

伊犂領隊大臣令其自備資斧前往仍交松筠嚴加管束如在彼再不安靜即著據實嚴叅加以懲治所有喀喇沙爾辦事大臣員缺即著哈豐阿補授由驛前往至此項大玉二塊著由五百里行文諭知如目下尚未起運即速停止如業經起運在途不拘行至何處即著棄置該處毋許運京其用過腳價等項銀兩均責令玉慶賠繳不准開銷○壬子諭內閣總管內務府大臣議駁御史邱勲條奏誤差莊頭酌量示罰一摺所駁是御史有言事之責各衙門事件原許其隨時陳奏但邱勲係貴州人且又非如滿洲御史有稽查內務府之責莊頭事例何由而知必係受人囑託况摺內稱本身從重發遣而子孫准令應試是名為從嚴而轉為伊等開出仕倖進之路從前

皇考高宗純皇帝於莊頭張思載呈請將獲罪莊頭放出為民會欽奉

諭旨以莊頭等欲圖自便故意拖欠錢糧罪止革退而其子孫轉得為民並可考試不可不防其漸

訓諭甚為明晰所有邱勲陳請將獲罪莊頭發遣子孫應試之處著不准行○諭軍機大臣等御史程國仁條奏豫杜回漕積弊一摺據稱國貯回漕米石大半在通州迤南河西務楊村一帶地方該處係糧運所經為京內營城稽察不到之地而運米出京又總在回空全竣訪等稍懈之時各幫運丁知於抵通前有處買補遂於受兌時折色短收等語漕糧為天庾正供不容絲毫短絀乃奸商販運牟利於糧船經行處所豫為國貯運丁等知有回漕米石可以買補違例多帶貨物未能如數受兌亦屬情事所有必須嚴行查禁以除錮弊著秦承恩派委委員密訪國米奸商母任存貯販運並著吉綸曉諭各幫運丁於受兌盤驗時不得顆粒缺額以重漕儲而杜積

樊旌表守正捐軀湖北蒲圻縣民周順彬妻王氏。癸丑諭內閣。本日御史花杰奏。整頓驛站以肅吏治一摺。所奏甚是。各省州縣安設驛站。以備馳遞文報。及緊要差使。凡遇欽差官員往來過境。及此外應行馳驛者。自應查照勘合內所填夫馬之數。照例給與。然亦不得稍涉浮濫。至於本省官員來往境內。其夫馬飯食。俱當自行備辦。豈得責令地方官供應。乃近日督撫司道等官。經過所管州

縣該地方官。不但豫備夫馬。且須鋪設公館。供應飯食。爭華鬪靡。曲意逢迎。甚至有餽送程儀之事。惟以辦差為能。而郵政轉置之不問。即或該州縣額馬不敷。平日有廢弛浮冒情事。方且代為彌縫。又安肯覈實查辦。積弊相仍。自當嚴行飭禁。嗣後州縣官於驛站應付。惟當以勘合為憑。毋許濫應濫支。如有違例供應。以及藉端餽送。或沿途勒索。及縱容家人長隨肆行需索者。一經查出。或被入叅。

劾必當嚴懲。示警其州縣額設馬匹。如有短少情事。該上司務當隨時整頓。無任虧短。干咎。又御史嚴娘奏。請添設年終盤查藩庫。以杜虛冒一摺。所奏亦是。督撫到任。及每年錢糧奏銷。後例須盤查藩庫一次。自當將各項款目。及收支實數。詳悉鈎稽。方為有益。近來督撫等。視為具文。不過到庫略為抽驗。虛應故事。日久釀成弊端。即如本年直隸湖北。俱有藩庫侵虧重案。不可不詳定章程。以資釐

剔。嗣後督撫於到任。及奏銷時。盤查司庫。均當實力清查。並著於每年封印後。親赴藩庫。將本年收支正雜款項。逐一詳查。取結送部。如將來款項不清。將加結之督撫。一併懲治。其有運庫河庫地方。亦照此辦理。○諭軍機大臣等。御史嚴娘奏。稱廣東惠潮兩府奸民。違例製造大船。以取魚為名。遠出外洋。接濟盜匪。水米火藥。州縣官利其港規。不加查禁。請飭廣東督撫。將歸善等縣現有之違式大

漁船查明若干。印烙字號造冊申報督撫存案。嗣後大漁船遇有破漏者。即隨時報明地方官拆毀。不准復修。亦不許違例添造。各等語。粵省洋匪滋擾日久。未能勦淨。總由該處奸民接濟。水米火藥。著吳熊光等。即照該御史所奏實力查禁。如有地方文武。私得漁船港規。縱令奸民通盜。一經查出。即當據實叅辦。至漁船每船應有若干人。應帶水米若干。自當予以限制。今該御史稱水手人等不得過二十名。祇許攜帶數日水米。是否可行。亦著查明辦理。至漁船私濟盜匪。粵省既有此弊。福建浙江江南山東等省。均應一體查禁。以清盜源。將此傳諭各督撫知之。○又諭方維甸奏德楞泰接奉嚴諭。十分悔懼。近復痰多氣喘。且覺語言精神。關照不能周到。看來德楞泰業經許令該匪等撤回原伍。此時欲分別遣戍。自多窒礙。著勒保接奉此旨後。即帶留駐省城之屯土各兵。速赴軍營與全保

方維甸當面籌商務臻妥善。其四川總督即飭令特清額署理。如該匪等竟有蠢動情事。該督即統兵勦洗。將此諭令知之。○

上以冬至祀

天於

園丘。自是日始齋戒三日。○甲寅以

聖祖仁皇帝忌辰與冬至

陵寢大祭相值。先期遣官祭

景陵。乙卯

上詣

南郊齋宮齋宿。○丙辰冬至祀

天於

園丘

上親詣行禮。遣官祭

永陵

福陵

昭陵

昭西陵

孝陵

孝東陵

景陵

泰陵

泰東陵

裕陵○命

皇次子晏祭

孝淑皇后陵寢○遣官祭

端慧皇太子園寢○停次日朝賀○丁巳諭

內閣刑部審訊步軍統領衙門拏獲拉運米石並存積逾額各鋪戶一摺所辦甚是奸商等囤積居奇致妨民食並或啟偷運回漕之弊是以加之例禁其本係流通糶賣者無論米石多寡俱聽其自便定例本為明晰今若不問是否流通一經逾額即以囤積拘拏必致鋪戶畏累商販不前於民食商情轉有妨礙刑部摺內稱城內之米勿許出城城外之米勿許出境所辦最為得要著步軍統領衙

門申明定例出示曉諭毋許番役人等妄拏鋪戶藉端滋擾所有此次審明並非囤積之劉二等三十二名著即概行省釋其車大犯著照例懲治○又諭李鑾宣身任臬司於龍世恩戡斃龍恩顯一案平反錯誤被叅革職後尚未離任輒將解司案件耽延積壓逾限至二十餘案之多雖訊據供稱委因伊父患病精神昏瞶所致但伊父本係迎養在署即果染患病證需伊侍奉亦何至不能一時分身清釐案牘况伊自被叅至今閱時已久伊父並無他故自係藉詞誣卸李鑾宣著照部議發往烏魯木齊効力贖罪以為玩誤公事者戒○諭軍機大臣等王寧等奏驅逐廓爾喀竄出逃人併廓爾喀國王呈進表貢一摺覽奏俱悉噶箕乃爾興在該國謀逆被誅伊弟熱納畢各寵即係逆黨畏罪潛逃斷無放進唐古忒界內任令容留之理王寧派委把總出口面諭嚴加駁斥所辦甚是至該國

王投誠向化已閱多年今不幸慘遭內變嗣
王年尚幼穉即能誅強罪人申明大義實堪
嘉憫今敕關進表納貢備陳喇特納巴都爾
被戕及噶箕乃爾興等就戮緣由情詞恭順
恪守藩封自應渥承恩眷俟另頒勅書賞件
交玉寧等祇領頒給可也將此諭令知之○
賞八旗兵丁一月錢糧○緩徵湖北漢川沔
陽潛江天門荊門五州縣並屯坐各衛被水
災民新舊額賦及未完南米籽種隄費○戊

奏摺

奏

午諭內閣前經屢降諭旨令各衙門遇有應
奏事件即隨時陳奏毋涉需緩積壓乃本日
奏事者又復寥寥惟理藩院具奏謝恩內務
府奏回子學生二事此外各該衙門竟無一
陳奏事件因檢查憲書今日適係破日諸臣
等自緣意存拘忌將應奏事件暫緩呈遞亦
屬非是朝廷政事繁多惟日孜孜猶恐不及
若稍涉延緩勢必輾轉沈擱豈不漸滋叢脞
之弊向來惟萬壽慶節元旦除夕及齋戒期

內刑部例不奏事此外並無停止章奏日期
若拘於日者家言則繙閱憲書動多禁忌如
本月二十七二十八兩日皆係破日又豈皆
不奏事所謂一日二日萬幾無曠庶官者顧
如是乎著再傳諭部院等衙門嗣後於一切
應奏事件隨時呈遞勿再存此等拘忌俗見
以副朕勤政勅幾至意

奏摺

奏

大清仁宗受天興運敷化綏猷崇文經武孝恭
勤儉端敏英哲睿皇帝實錄卷之一百七十

大清仁宗受天興運敷化綏猷崇文經武孝恭勤儉端敏英哲睿皇帝實錄卷之一百七十一

欽定四庫全書

欽定四庫全書

欽定四庫全書

欽定四庫全書

欽定四庫全書

欽修

嘉慶十一年丙寅十一月己未諭內閣兵部

將隨圍官兵應領馬匹數目及放馬交馬條例定議具奏已依議行矣比因查出兵丁將領馬紅單私賣均經治罪推原其故緣近年察哈爾繳回馬匹多有疲瘦該兵丁等不堪騎用僅有倒斃殘廢於回圍交馬時必致賠累是以將紅單變賣今將各處應領馬匹數目酌減一千餘匹察哈爾解送更屬易辦況前此又加恩酌定察哈爾官員等於收回馬匹內准照倒斃五釐報銷該官兵等自應感

恩實心奮勉辦理張家口至京城熱河皆有數百里之遙若將羸瘦馬匹解送必更疲乏不堪騎用今酌定隨圍官兵應領馬匹俱照新定額數給領如有私賣紅單折收銀兩者必當治罪並著交察哈爾都統等嗣後將應放馬匹由該處送至京城及熱河時當選肥壯馬匹派能幹官員解送不得將欠驢三分以下之馬充數再每年派副都統等監牧察哈爾馬匹如有疲瘦者一面駁回另換一面

據實具奏儻不具奏送到時經特派監放之王大臣等查出即著據實奏將監牧副都統及察哈爾都統等一體治罪決不輕貸儻監放王大臣等如有瞻徇查出時一併治罪庚申定倫紀重案改題為奏諭內閣刑部等衙門具題山西省襄陵縣民婦高呂氏謀死親姑高賈氏一案媳之於翁姑猶子之於父母均屬倫紀攸關高呂氏既犯蔑倫重案按律應問立決今詳閱本內高呂氏於本年

二月初間事犯到案迄今幾及一載雖本內聲明該犯婦於六月二十四日在監產女計產限一箇月等情產限既在六月以後則限滿時即當奏明按律辦理何遲至於今始行具題請旨使逆倫重犯久稽顯戮所辦殊屬遲緩除高呂氏一犯已照擬凌遲處死外嗣後外省遇有此等逆倫重案即或犯婦應予產限亦當於生產一月後即行奏明按律辦理毋得照尋常案件依限具題輾轉遲延致

滋遲緩設外省具題事件有似此關繫逆倫重案刑部等衙門亦即當改題奏辦○又諭御史陸言奏請嚴汰州縣逾額官役以清弊源一摺所奏是外省州縣額設官役原有定數豈容任意增添近來各省州縣俱有無名白役什百為羣遇有詞訟事件官出票差伊等即隨同滋擾勒索訛詐威逼良民大為閭閻之害實可痛恨本年直隸正定縣生員王之選等呈控吏役包攬車輛一案審出該縣

吏役多至九百餘名已屬可駭然正定係九省通衢猶得以差務繁冗需人幫辦為辭若該御史摺內所稱浙省仁和錢塘兩縣正身白役不下一千五六百名該二邑更非直隸州縣可比何得紛紛募雇倚勢病民不可不嚴申例禁著各省該管上司官嚴加查覈將各衙門所有白役立即裁汰務盡一面將現設官役按名報部將來如有蠹役滋事之案部中檢查原冊如係正身官役將該管官照

例議處外若係原冊無名即應治州縣官以違制之罪并將失察該上司從嚴議處不貸又據該御史奏請嚴定各州縣承審處分以杜積壓一摺各省審辦事件懸宕甚多上司既輾轉派委致稽時日而州縣復不以地方公事為重每日自辰至午在上司衙門趨承伺候精力先已疲耗以應酬之餘辦理公事勢不能不草率因循多所積壓殊非所以整飭吏治此種怠玩習氣亦非獨外省為然近

來京中部院各衙門辦事亦覺遲緩積壓司員等到署不早難免怠惰偷安朕孜孜勤政近皆秉燭閱事從不憚勞乃大小臣工於入內遞事之日尚知起早進朝而尋常進署辦事輒遲至已刻以後是豈急公趨事之道至外省督撫等偷安晏起及屬員等伺候上司彼此貽誤公事更屬不免嗣後務當痛改積習振作有為於應辦公事認真經理慎勿仍前遲誤積壓視清釐積案為歷任交代之具

文庶吏治民生稍有裨益將此通諭中外知之○又諭慶桂等將查明禮部開到會典則例所載雍正乾隆年間恭進

實錄儀注進呈內奉案舉案均係侍衛承值尚未允協現在恭纂

高宗純皇帝實錄卷帙浩繁典禮至重未便僅令侍衛將事自應奏派貝子公以下宗室官員屆期分司齎捧並派親王郡王貝勒等左右護視方足以昭虔恪明年恭進

高宗純皇帝實錄時應如何酌定儀注務臻盡善並交送大內後如何接受歸架之處著皇次子儀親王成親王慶郡王會同軍機大臣敬謹妥議具奏尋議上得旨皇次子及儀親王等奏明年三月間

皇考高宗純皇帝實錄聖訓告成恭擬受書儀注進呈朕詳加披閱前期一日總裁等官恭奉全書送至保和殿陳設後值日護軍統領會同總管內務府大臣謹闡殿門多派官員

於殿門外周歷照看尚不足以昭慎重是日著於御前侍衛乾清門侍衛大門侍衛不值班各員內派出二十員於殿外前後輪流坐更小心照看不准在彼點燈喫煙以專責成次日受書行禮後即著禮部堂官恭奏禮成以便御殿受賀其表文著於送書進乾清宮時監修官一併送進所有照看歸架事宜南書房翰林著派戴衢亨趙秉冲黃鉞總管內務府大臣著派蘇楞額英和至

實錄黃綾本館臣編次按日呈覽均經朕詳慎
閱定屆時無庸於次日再行具儀進呈餘均
照所議行○又諭連日將宗室王公等門上
護衛帶領引見睿親王端恩奏稱護衛豫親
王裕豐奏稱侍衛昭捷奏稱侍衛官且並未
將儀親王成親王慶郡王永璘等名具奏惟
稱王號朕之侍衛方云侍衛各王公等門上
官員向稱護衛今端恩所奏甚屬合宜裕豐
所奏已屬不合昭捷率稱侍衛官且未將儀
親王成親王慶郡王等名奏出甚屬錯謬君
前臣名自古定制前此朕諭令不必書儀親
王成親王名祇書王號乃朕加恩敦厚兄弟
之誼且指書寫諭旨而言並未概及臣工等
奏事是以各王大臣奏事繕摺每遇儀親王
等名均與各大臣等一體繕寫今昭捷不將
儀親王成親王之名奏出並慶郡王永璘係
朕之弟亦不奏名太不曉事錯謬已極昭捷
著申飭○命協辦大學士戶部尚書祿康為

大學士管理戶部事務刑部尚書長麟協辦
大學士調吏部尚書德璘為戶部尚書以湖
北巡撫瑚圖禮為吏部尚書工部右侍郎文
寧為步軍統領內閣學士成書為工部右侍
郎兼正藍旗滿洲副都統內務府正白旗護
軍統領估山為總管內務府大臣○以湖北
布政使章煦為巡撫調雲南布政使阿禮布
為湖北布政使以江西按察使蔣攸銘為雲
南布政使山東兗沂曹道陳預為江西按察
使○以哈密幫辦大臣花尚阿為辦事大臣
二等侍衛羅布藏多爾濟為哈密幫辦大臣
○戶部議准貴州巡撫福慶疏報獨山黃平
二州開墾田五畝有奇照例升科從之○壬
戌
上御乾清門聽政○諭內閣恒伯奏洪果爾托
洛海山產煤甚旺民人內有情願前往挖取
者請旨限以三十人前往開採等語所奏非
是口外蒙古地方向無開挖煤窑之例洪果

爾托洛海山在扎哈沁牧界之北伊等平時雖不在彼住牧如准民人挖煤相沿日久民人積衆難免不滋生事端所奏不准行並著申飭○以太僕寺卿溫汝遠為通政使司通政使前任駐藏大臣英善為太常寺卿○癸亥諭內閣近日朕屢降諭旨訓飭各部院衙門辦事遲緩以防怠玩積壓之弊本日御史英綸因有請定進署畫稿章程之奏所言亦是但此事惟在各部院大臣恪遵諭旨實力奉公若如摺內所稱將各大臣進署散署俱定立一准時刻殊覺於事無益各衙門事務繁簡不同即稿件之多寡不一該大臣等果能每日早進公署將應辦事件一一清釐完結即為無曠厥官若定以時刻在不實心任事之人終日在署端坐而於事理概不置可否其事務較簡衙門公事早畢二三僚友靜坐燕談入於政治奚裨乎至謂各衙門送畫稿件經旬累月不能畫回此則實無其事部

院事件本有限期其書畫題奏咨行亦俱有月日可憑朕勤求治理時加考察該大臣等亦何敢將稿件存留私宅任意耽延設有一二怠惰之人御史應指名叅奏不得籠統聲敘總之國家庶事繁多各部院堂官身膺顯秩董正庶僚惟當勤以莅事公以率屬自能贊襄國是百度修明原不在更定科條務名鮮實所謂治事不如治官身為大臣者仰體朕日理萬幾孜孜求治之意無致言事者有曠官之誚實所厚望焉○戶部議准雲貴總督伯麟等議奏滇銅正運六起加運二起請將正運六起改為正運四起分運每起領運正耗餘銅一百十萬四千四百五十斤應支水腳雜費照所增銅數支給其節省二運養廉銀及滇省公捐八起幫費俱加給正運加運六起運員分支又委員在瀘州兌銅例限一月今改六正運為四正運應予限四十日從之○旌表守正捐軀山東堂邑縣民王紳

女王氏河南虞城縣民楊存義妻王氏○甲
子諭內閣朕惟

郊壇大祀典禮至重每歲舉行

南郊

祈穀

常雩三大祀前期詣宿齋宮凡蓬豆牲牢之屬

皆敬謹省視我

皇考高宗純皇帝敬

天以實

躬親殷禮一切儀文品節悉經

裁定昭垂溯自乾隆七年經禮臣議准冬至前

一日

皇上詣

圓丘視

壇位分獻官分詣

神庫視蓬豆

神廚視牲牢迨乾隆十二年欽奉

聖諭以先期祇詣

神主陳設省視復收有違神道靜穆之義應於
前期一日恭詣

皇穹宇

皇乾殿上香行禮

命大學士等詳悉具儀以聞維時定議因將視

蓬豆一節或

親詣或

遣官之處由太常寺臨期奏聞請

旨仰荷

允准遵行自是二十餘年大率

遣官閱視蓬豆次數居多亦間有

親詣閱視者乾隆三十五年復奉

聖諭以

神位允宜躬親展謁其省視蓬豆應按例專遣

臣工莅事不必再行請旨仰見

折衷定制專意

明裡與聖經蓬豆司存之義允協朕贊承

統緒敬恭匪懈嗣後

郊壇三大祀前期省視籩豆牲牢均著按照乾隆七年定例遣員將事該衙門臨期查照奏請開派毋庸具摺雙請至恭詣

皇穹宇

皇乾殿上香後閱視

壇位仍欽遵

前典親詣舉行○命嗣後各宗室王貝勒貝子公等門上護衛官員出缺改為三年帶領引見一次著為例○予河南故刑部尚書胡季

堂入祀鄉賢祠從巡撫馬慧裕請也○戶部

議准前任陝甘總督倭什布疏報烏魯木齊頭屯所開墾地二頃十畝照例升科從之○

丙寅

上詣

雍和宮行禮詣

宣仁廟

凝和廟

火神廟拈香○諭內閣據儀親王等奏多羅

榮郡王綿億長子奕銘次子奕鐸多羅貝勒奕濬當日均係本門上自行起名今屆恭修玉牒之期謹查照嘉慶六年諭旨恭候欽定賜名以便載入等語朕之親兄弟其子孫俱朕命名係嘉慶六年二月內諭旨今榮郡王綿億長子係嘉慶四年所生在未降旨之前其自行命名尚無不合但奕字輩應用糸字旁字樣何得取用金字偏旁至伊次子奕鐸及貝勒奕濬則皆係嘉慶七年所生何以不奏

請命名實屬非是除奕濬之父質郡王綿慶已故毋庸議外綿億不用糸字旁字樣為伊兩子取名著交宗人府察議其次子奕鐸因何不奏請命名著宗人府查明是否該衙門於奉旨之後未經傳知抑係綿億接奉知照並未遵辦俟覆奏到日再降諭旨尋奏上得旨朕之親兄弟其子孫俱朕命名此旨係嘉慶六年所降彼時管理宗人府之王貝勒等並不恭錄諭旨傳知伊等各家一體遵照實

屬疏漏除承辦之副理事官松秀病故毋庸議外儀親王成親王定親王綿恩貝勒永琿貝子永碩均著交部議處永珠慶怡補放宗人在後著予免議至綿億之次子奕鐸未經奏請命名係因未曾接閱諭旨其咎尚屬可原惟奕字輩命名下一字用系字偏旁係

皇考高宗純皇帝欽定綿億理應恪守乃私用金字偏旁為伊兩子取名不似近派宗支自同疏遠是何居心伊既以疏遠自待朕亦不

以親姪待伊親近差使不便交伊管領綿億著退出乾清門並革去領侍衛內大臣管圍大臣無庸罰郡王俸仍留鑲黃旗漢軍都統令其在外廷當差以示愧厲○吏部以大學士祿康應定何殿閣請得旨著為東閣大學士○戶部議准前任陝甘總督倭什布疏報烏魯木齊塔西河所開墾地六頃照例升科從之○展賑雲南浪穹縣被水災民並免本年應徵秋糧及條公銀○丁卯諭軍機大臣

等全保等奏請將降賊二百二十餘人與各處未動新兵三百餘名一體搭配酌派以新疆換防為詞分起調出仍將新兵降賊分造兩冊飛咨各該處大臣於到戍後除新兵照例屯防當差外其餘降賊即分給各回城回子伯克為奴等語降賊二百餘人本應拘傳到案明白宣諭遠配新疆今全保等恐復生反側擬借換防為名遣令隨眾遠戍到彼後再分給回子為奴為此權宜辦理之法細思

究未妥協降賊等均係罪犯極刑此時貸其一死並未聲罪發遣但以換防為名於國法仍屬未伸且甫經宣傳諭旨派赴換防迨至到戍後又復傳旨將伊等撥給為奴忽為防兵忽為罪隸豈有如此不信之詔旨乎國家明罰勅法措正施行不值於此等頑愚駁之以術今既以換防為名莫若徑行加恩即令分赴新疆各回城充當戍兵永不換回此時止傳令換防不必宣露此意既稍示懲創

而辦理仍不失為正大。惟專派新兵猶恐該兵丁等心存疑慮。自應將舊兵攬入一同派往。該督等接奉此旨。即將舊兵酌派若干名。並未動新兵。及此項降賊二百二十四名。搭配分赴各回城換防。仍造冊咨明新疆大臣存記。除新舊各兵屆時照例換回外。其二百二十四名。永作該處防兵。不准換回。一面仍將回城十處某城換防若干名之處。造冊奏聞。至降匪等應得口糧分例。均著一體支給。並即派令原管將領帶同出關。如傳令換防時有稍形違抗者。即當立置於法。其沿途或有滋事及到戍後不安本分。犯有罪案。均當加等嚴懲。此內有曾給軍功項帶者。亦姑准戴用。不准再予升擢。至所稱將降賊內著名頭目。作為未起。俟出山行抵平原相機擊解。定擬斬絞。請旨辦理等語。尤可不必。此時無論首逆與否。總著歸併一體辦理。無庸再分等差。轉生枝節。此朕保護良民之苦心。不得

已如此辦理。然非正辦。悔已無及矣。將此諭令知之。○以大學士慶桂、秉正、白旗領侍衛內大臣協辦大學士刑部尚書長麟、戶部尚書德瑛、理藩院尚書博興為內大臣。○戊辰上詣慈寧宮。壽康宮行禮。○己巳上詣大高殿行禮。○調正黃旗漢軍副都統格布舍為鑲藍旗蒙古副都統。鑲藍旗蒙古副都統桂芳為正黃旗漢軍副都統。○命禮部尚書王懿修兵部尚書鄒炳泰、戶部左侍郎托津、右侍郎蘇楞額在紫禁城內騎馬。○庚午諭內閣。本日據領侍衛內大臣等奏。御前大臣丹巴多爾濟因大學士朱珪召對之後。行至月華門步履蹇滯。輒喚令南書房太監等。用木凳昇出。大昧體制。請旨懲辦等語。所奏甚是。前此嘉慶五年。朱珪因彭元瑞在西華

門內墜馬跌傷不能行動將轎喚入令彭元瑞乘坐而出經御史周栻叅奏將朱珪交部議處彭元瑞係跌傷昏悶之時情有可原交部察議彼時彭元瑞乘轎處所附近西華門不過在紫禁城之內距大內尚遠即經御史叅奏懲處今月華門地方距乾清宮咫尺丹巴多爾濟輒令用木凳將朱珪昇出尤乖體制在朱珪筋力衰續精神恍惚當太監等昇出之際伊亦全然不知情稍可原丹巴多爾

濟是何居心紊亂體制伊非不知輕重者可比除太監二人重責發下賤當差外丹巴多爾濟著交部嚴加議處朱珪著交部議處兵部於三十日具奏不准遲逾尋議上得旨據吏兵二部具奏議處丹巴多爾濟朱珪一摺丹巴多爾濟素好多言因見朱珪於召對之後行至月華門步履蹇滯令太監等設法昇出伊即趨侍引見而太監等無知即取用木凳令其乘坐此在丹巴多爾濟亦不過隨口

指使殊不思朱珪近日力疾趨直艱於步履舉朝皆知即行至月華門於引見人員時不及謹避何妨稍令停待否則或令太監扶掖暫進月華門左近直房祇候亦無不可乃率意令由大內昇出實屬有乖體制部議請照違制私罪例革職本伊咎所應得姑念其平日當差尚為勤勉量加寬宥丹巴多爾濟係蒙古貝勒例止戴用雙眼花翎前因其供職奮勉加賞三眼花翎茲著仍降戴雙眼花翎

並退去學習御前大臣令其在御前侍衛上行走仍帶革職留任八年無過方准開復至朱珪年近八旬筋力漸覺衰續在廷大臣見其精神委頓多勸令請假調養伊以身受渥恩依戀之誠不能自己其情甚為可憫且伊於丹巴多爾濟令太監等用木凳昇出時心神恍惚較之從前彭元瑞在西華門內墜馬乘轎更為疲憊實全然不知其事該部議以降三級調用因本係革職留任無級可降議

請革任。覈其情節尚不至於罷斥。朱珪著加恩改為革職留任。仍註冊並著給假兩月。免令銜寒趨直。俾得家居頤養。俟明歲仲春後氣候融和再行進內供職。以示優眷。耆臣曲加體恤至意。○又諭此案護軍德克精額因貧起意將堆撥內舊日拾存鐵火誣陷董六偷竊乘閒喊拏希冀得賞。雖係在西華門之外較之上年關靈一案在於景運門外妄拏誣陷者情節稍輕。但似此蓄心戕害國賴無

事情節可惡。此風斷不可長。各門派設護軍職司稽察。如果有違犯門禁及形跡可疑之人。原當嚴密查拏。隨時究辦。今屢有蓄意戕賊妄拏良善之事。各護軍等藉為口實。勢必遇有應行緝拏之人。又漫不經心。一概置之不問。否則任意妄拏。仍復罔知懲戒。必應嚴辦。以儆將來。軍機大臣等僅擬將德克精額革去護軍杖一百。流三千里。照例折枷。甚屬輕縱。德克精額著革去護軍。枷號一箇月。滿

日鞭八十發往熱河充當苦差。其同班兵丁內所有上前幫拏者著照所擬鞭責發落。其不詳細查明革率呈報之司鑰長六十八副護軍叅領吉勒圖堪及冒昧入奏之護軍統領菩薩保並平日不能管教之本旗該管護軍統領溫春及護軍叅領等均著交部分別議處。○辛未諭內閣宗人府奏奕綬生有次子恭候賜名一摺。前經降旨諭知。朕之親兄弟其子孫俱朕命名。今奕綬所生之子係成

親王二世孫輩分較遠。可令成親王自行取名。仍遵用金字偏旁字樣。嗣後奕字輩生子者均著照此行。○戶部議准前任陝甘總督倭什布疏報烏魯木齊塔西河所開墾地六十畝。照例升科從之。○士申命增八旗養育兵額。諭內閣近來八旗生計維艱。朕所深悉。每思所以贍養生全。惓惓不能釋念。近日恭讀

皇考高宗純皇帝聖訓內載乾隆三年十月欽

奉

上諭八旗生齒日見其繁若於每佐領下各添兵額則食糧者加增於原數而閒曠者自少似為贍養旗人之本計其如何辦理妥協之處著軍機大臣會同議政大臣八旗大臣詳加妥議具奏此朕格外加恩之舉旗人等當思朝廷曠典不可屢邀惟有謹身節用崇儉去奢以為仰事俯畜之道欽此仰見

皇考高宗純皇帝於八旗生計隨時酌量辦理

盡善今閱數十餘年八旗戶口又益加增自應再籌辦理因思從前天津曾設有滿營續經裁撤目前或可仍復舊制酌添駐防官兵或於順義寶坻等九處量添滿兵額數俾八旗人等分駐食糧當差不至坐食家居情殷待哺抑或做照乾隆三年加添八旗護軍領催馬甲及養育兵

諭旨將八旗再量添護軍領催馬甲並養育兵若干名使旗人藉資養贍共享盈寧其應如

何斟酌妥辦之處著大學士會同各該部及滿洲八旗都統將以上數條酌依某條辦理悉心詳覈妥議具奏俟奏上時再降恩旨尋奉國家經費有常請俟河工辦竣後再籌開款銀兩辦理

上以八旗宜添養育兵亟應籌款撥廣儲司造辦處銀各十萬兩并命戶部籌撥銀五十萬兩交商生息其每年息銀可添養育兵若干名仍令戶兵二部八旗都統議奏尋議每年

共得息銀八萬四千兩除漢軍旗分毋庸添設養育兵外應於八旗滿洲蒙古圓明園內外火器營健銳營共增設月給一兩五錢餉銀無米養育兵四千七十六名歲需銀七萬三千二百九十六兩兩年終賞項需銀六千一百八兩餘銀四千五百九十六兩再於內務府三旗及圓明園包衣三旗共增設月給一兩餉銀無米養育兵三百二十四名歲需餉銀及年終賞項共銀四千二百十二兩均在

此項生息銀內動支從之。○諭軍機大臣等。本日薛大烈到京據稱方柴關兵潰一事。蘇勒芳阿游棟雲田朝貴所帶陝西固原河州西安滿營以及四川北官兵一見賊匪紛紛逃散等語。用兵全在紀律。將弁等平日不認真操練。以致臨敵遁逃。緩急難恃。武備如此。可為寒心。方柴關各兵潰散一事。斷不可不查辦。示儆即法不及衆。亦當查出首先逃散之人。按律處治。如有官弁在內。尤當嚴拏辦理。不可再存姑息之見。至兵丁等因扣項較多。情形支絀。募補者率皆無藉之徒。焉能克敵致果。此事前經德楞泰奏及著查明兵丁應扣俸餉。究有幾何。是何款項。一一聲明。聽候覈辦。若本係例外借支。在各兵名下攤扣。是即不應扣。而扣或竟有糧員等私自花用在兵丁名下扣還者。此等款項。皆當查明經手之員。責令分賠。據實奏。至器械短缺。又不合式。亦著設法整頓。其馬兵不能自行

餵養以致賠累一節。薛大烈請令官兵朋槽餵養。是否可行。均著德楞泰全保方維甸詳悉妥商。奏聞辦理。○以戶部尚書戴衢亨署翰林院掌院學士。○加江南狼山鎮標兵丁米折銀每石二錢。從總督鐵保請也。○戶部議准前任陝甘總督倭什布疏報烏魯木齊蘆草溝開墾地十二頃。照例升科從之。○癸酉諭內閣大學士六部尚書議奏御史嚴烺條陳京察事宜一摺。京官分隸曹司辦理部務。公同酌覈。原不能指定一二事。註為某人勞績。即刑部司員平反案件。亦事所常有。不能因一事即登之薦牘。三載考績。為激揚大典。各部院堂官自應統計所屬司員平日人品之賢否。才具之優絀。秉持公正。推賢選能。自克名實相副。為朝廷收得人之效。此內除該司員得有尋常過失。例准保薦者。不計外。若三年內有處分較重。礙於升轉者。仍照例扣除。以歸覈實。若捐納人員。初登仕版。自應

令其經歷時務藉資造就大學士等議令分別年資以示限制尚為平允此等人員如實有才品出眾者原准一體保薦予以上進之階若年勞相等則捐納出身之人自不若科目正途於事理較為明悉嗣後各部院堂官保舉捐納人員必取資格較深才具實在優長為眾論翕服者方可與選餘俱不得濫保充數以杜倖進至軍機處司員自雍正年間定制以來均係以本衙門額缺承辦軍機處事務其升遷保舉悉由本衙門堂官註考相沿已久若以計典獨歸之軍機處更定官制事多格礙惟軍機司員內其辦事勤慎又能兼理部務者自當列之上考其祇在軍機處行走而於部務未能諳習者本衙門堂官不得意存遷就濫行保薦軍機大臣尤不得授意各部院堂官扶同薦舉以昭公慎餘俱照所議行○又諭珠爾杭阿前在護軍統領任內過於嚴刻含怨者多朕所素悉今於關放

兵米之事並不認真辦理米色平常致滋物議車夫徐得祿勒索得贓不能隨時查察轉將家人張鳳安無故扑責以致訛言滋甚牽涉多人殊屬冒昧珠爾杭阿實不勝都統之任著降補副都統格布舍明志係該旗副都統均有稽查放米之責格布舍聞知都統得受錢米之言欲行入奏明志以尚須查訪明確向其阻止及傳問各佐領實無其事格布舍又欲奏聞明志以事既查明不必具奏遂

爾中止是格布舍等之應奏不奏係明志一人主見自應分別定擬格布舍著加恩改為降一級留任明志著照部議降二級留任○以寧陝鎮兵叛各鎮兵臨陣逃散陝西提督楊遇春寧陝鎮總兵官楊芳河州鎮總兵官游棟雲川北鎮總兵官田朝貴均解任交陝甘總督全保四川總督勒保等查明參奏○以步軍統領文寧兼鑲白旗蒙古都統吏部尚書瑚圖禮兼正黃旗漢軍都統○調直隸

提督薛大烈為陝西提督實授色克通阿為直隸提督多隆武為天津鎮總兵官○降科布多叅贊大臣倭什布為筆帖式發烏魯木齊糧餉處効力賞副將扎克塔爾副都統銜為科布多叅贊大臣○旌表守正被戕安徽宿州民王元賜妻謝氏○戶部議准雲南巡撫永保疏報陸涼馬龍祿勸導我四州縣開墾田一項四十畝有奇照例升科從之○是月密諭吳熊光知粵東洋匪最為難辦聞高

州府屬之吳川雷州府屬之遂溪為洋盜泊

船銷賊之所而東海土饒地僻尤易藏奸應設法擒治巨窩以絕盜源洋盜所必需者水米火藥以及蒲席木料麻索桐油等項皆應嚴禁斷絕洋盜不攻自潰事半功倍矣出示曉諭賊來貿易若能拏解即以賊銀賞之或賊伴中有首告者即將別賊銀貨全賞之若獲賊後先究其何處買米何處置器械即如礮位斷非洋面上所能鎔鑄必用小船裝載

出港令兵船分堵緊要港口嚴查出入船隻勝於衝風冒險多矣以及打單贖水收港規諸弊一概斷絕更易成功保甲團練之法皆應實力辦理然必須才能任事之員課其殿最量予優遷若偷安闡茸之員即應嚴叅革究切勿姑息再水師習氣不堪之至如查有避盜退縮疏縱接濟等事應以軍法從事但先養後教聞兵船向有扣半示懲之例此非良法洋盜到處劫掠揮霍自如官兵分例本屬有限若再扣半則氣餒益疲焉能敵勁悍之賊乎現在鄭一烏石二皆有船百號亡命嘯聚日積日多汝地方大吏悉心熟籌上報國恩下除民患切勿苟安旦夕養癰貽患天下無不能辦之事所難得者能辦之人耳勉力辦理副朕期望此硃諭抄寄與孫玉庭錢夢虎看汝三人各自具摺回奏硃諭隨摺繳進特諭○安徽巡撫初彭齡奏接印任事日期得旨永守素衷為國宣力諸事宜加精細

切勿草草看過人情詐偽難測須防言行不符之輩勉之

中興書

十

大清仁宗受天興運敷化綏猷崇文經武孝恭勤儉端敏英哲睿皇帝實錄卷之一百七十一

大清仁宗受天興運敷化綏猷崇文經武孝恭勤儉端敏英哲睿皇帝實錄卷之一百七十二

嘉慶十一年丙寅十二月甲戌朔
上幸北海閱冰技○諭軍機大臣等馬慧裕奏稱海口高仰節節停淤宜將海口及舊河身大加挑挖但恐勞費更鉅仰懇暫開江工事例等語需用經費目前不至支絀現在開捐已至四次且前月新例甫停若又改換名目續開新例於政體有礙所請不可行將此諭令知之○乙亥兵部尚書明亮等奏寶坻等九處駐防官員向例軍政年分祇有卓異官一員今既分隸左右翼管轄應請每翼各保

薦一員從之。旌表守正捐軀山東滕縣民張朝幹妻嚴氏。丙子。

上幸瀛臺閱冰技。諭內閣。此案陳廷榮誤砍小功叔祖陳奉禮身死。事關服制。前因原奏情節可疑。即經降旨駁審。該部復逐條指駁。茲據該督親提犯證詳細覆訊。仍請照依原擬將陳廷榮擬以斬決。固屬按律辦理。惟念該犯於陳奉禮到伊家看望。即留令住宿。質之干證及屍子均稱向來和睦。並無離隙。即

陳奉禮生前亦有該犯疑賊誤傷之供。覈其情節。釐起疑竊。傷由誤砍。並非有心逞兇。干犯陳廷榮著改為應斬監候。秋後處決。○諭軍機大臣等。本日據德楞泰全保方維甸奏。降匪已配入換防兵丁內。按日起程。可毋庸勒保赴陝會辦。該督現已馳赴廣元。前因田朝貴所帶川北兵臨陣潰散。有旨交勒保查辦。該督即在彼專辦此事。不可稍有輕縱。將此諭令知之。○命理藩院右侍郎特克慎奉

宸苑卿廣興馳往喀喇沁查辦事件。○丁丑。諭內閣。本日拉旺多爾濟於站班伺候。引見後忽扭頭陳奏。伊向有腿疾。從前蒙

高宗純皇帝許令太監扶掖行走。昨見丹巴多爾濟令太監將朱珪昇出內廷。被叅獲咎。太監亦不敢將伊再行扶掖等語。朕即詢之總管太監等。實係拉旺多爾濟不令伊等扶掖。欲俟奏明候朕特降恩旨。殊屬非是。朕前日所以議處丹巴多爾濟。朱珪並將太監等懲

責者。原以其在內廷用木凳擡昇。實屬大乖體制。並非因扶掖朱珪之故。若祇因步履艱難。出入令太監扶掖。國家優禮大臣。體制原應如此。朕豈肯加之責備。拉旺多爾濟久直內廷。均係太監等扶掖。即御前乾清門侍衛等亦有將伊攬扶之時。朕每日目覩。從未加以指斥。何目前故為恭謹。復有此奏乎。嗣後年老大臣步履不便者。進內時。仍准令太監扶掖。即侍衛等該班值宿。需用鋪蓋。亦許令

太監代為取送。該太監等分居下賤。原以備使令之役。如有不聽指使者。准大臣等據實奏。○又諭朕恭閱

皇考高宗純皇帝聖訓內載。乾隆五十二年奉旨。八旗都統副都統等管轄八旗人眾。當如父兄教訓子弟。留心管束。並非止令其辦理旗務。挑選兵缺而已也。即如三寶之嫡媳。恒慶之妻。被邪教婦人煽惑。任意前往各處遊蕩。以致耗費數萬銀兩。修造廟宇。實屬不堪。皆

由各旗都統副都統及叅佐領等。並不留心管教所致。八旗婦人等。如果因有正務。看望親戚。未為不可。若似此恣意遊蕩。前往各廟宇燒香。並在城外遠出住宿。實於風化有關。理宜嚴行禁止。著飭令宗人府。八旗王大臣等。嗣後務將各該管旗人。嚴行約束。並傳諭各該族長叅佐領等。留心稽查。儻再有此等事件。將該管王大臣官員。一併治罪。欽此。仰見我

皇考高宗純皇帝厚風俗教旗僕之

聖心。實為周切。婦人任意各處遊行。尚蒙

特旨。將各都統等嚴行

訓飭。況在衆旗僕乎。近年朕疊降諭旨。令各該

大臣加意教育旗人。與

皇考高宗純皇帝諭旨符合。惟該大臣等未能實心遵行。以致官員內有赴肆飲醉。持刀傷人之事。而旗人內且有入班演戲者。此事尤屬卑賤無恥之極。於風俗大有關繫。朕疊降

諭旨。甚明。惟恐諸王大臣日久因循怠忽。不以為事。今特再飭諸王大臣各率所屬族長章京等。訓導宗室覺羅及八旗人等。節儉度日。勤慎當差。演習一切清語。弓馬技藝。不可好勇鬪狠。酗酒滋事。各處遊蕩。流入匪類。務令家喻戶曉。斷勿視為具文。經朕如此諄切訓諭。儻仍有滋事者。不惟將違犯者從重治罪。並將失察之王公及族長叅佐領等。一併治罪。決不輕貸。勿謂教之不早也。○又諭前

因王慶請將喀喇沙爾遺棄大塊玉石運送京師朕以其好事降旨令與伊犁領隊大臣哈豐阿對調仍交宗人府議處茲王慶將歷任喀喇沙爾辦事大臣私賞綠營官兵越級頂帶查出叅奏又將筆帖式金成與鋪戶田升華等聚飲姦宿蒙古達林妻一事查出分別定擬具奏尚屬實心任事所有王慶交宗人府議處之處著加恩寬免歷任大臣在喀喇沙爾辦理不善不可不亟為整頓王慶著不必與哈豐阿對調仍留喀喇沙爾務將積風陋習實心整頓○命理藩院通行內外衆扎薩克蒙古王公等嗣後年班圍班請安時俱著正穿石青馬褂不得穿黃馬褂及反穿馬褂著為例○福州將軍賽沖阿奏臺灣出力人員布政司經歷鄒貽詩等升敘有差○以福建澎湖協副將王得祿為福寧鎮總兵官○戊寅諭內閣儀親王奏此次辦理玉牒請將嘉慶二年所辦副本於新書告成之

後仍將散頁歸還原帙交工部製造黃櫃敬謹收藏等語所奏甚是向來每屆恭修玉牒之時即將宗人府所藏上屆副本一分作為底本粘簽改纂分頁編號惟是副本內敬繕

列聖御名黃紅檔內俱有

列朝廟號在修書時自不能不將副本作為底本編纂繕寫迨書成後不應仍以散帙入庫收藏所有此次恭修

玉牒著於新書告成之後仍將散頁歸齊裝帙交工部製造黃櫃敬藏以昭慎重嗣後十年一修俱照此辦理永遠遵行○又諭御史胡大成奏請嚴趨避以重官方一摺據稱吏部員外郎吳光悅於前月二十八日御史缺出吏部帶領引見該員告假扣除京察期近該員一經補授御史則例應以二等註考意欲暫避此缺俟再有缺出仍可補用等語吳光悅因病乞假人所共知自應照例扣除至節

次御史缺出各部院將記名人員帶領引見候朕簡放並非概用名次居首之人即如前月二十八日福建道御史一缺即係將第二之程世淳簡補是吳光悅安見必補御史輒慮及京察二等豫行規避耶至該員前在主事任內經京察保列一等現又居京察之期該員已升員外又須於員外任內另加考察再定等第豈因未補御史即可坐邀首薦該御史所奏未免深文懸揣著毋庸議○大學

士朱珪卒晉贈太傅入祀賢良祠遣慶郡王永璘帶領侍衛十員往奠茶酒賞銀二千五百兩治喪予祭葬○增設綏遠城滿洲養育兵三百名從將軍春寧請也○己卯

孝惠章皇后忌辰遣官祭

孝東陵

上臨故大學士朱珪第賜奠○諭內閣現在恭纂

皇考高宗純皇帝實錄將次告成因思朕每日

恭閱之黃綾本經館臣編校進呈間有體例不合纂輯舛漏之處均經朕隨時指示敬謹訂正至尊藏大內及內閣皇史宬並恭送盛京尊藏本四分均係未經呈覽卷帙繁多恐尚有訛誤之處不可不詳慎校勘著軍機大臣查明尚書侍郎內閣學士京堂翰林等官除將現在

實錄館行走各員扣除外其餘堪司校勘者一併開單進呈候朕簡派其派出各員務當悉心詳校如遇字畫小訛自當敬謹改正儻有訛漏過多至於連篇累牘者即當查明原辦之員據實叅處不得稍有疏率尋開單進呈得旨著派儀親王成親王同協辦大學士刑部尚書長麟戶部尚書戴衢亨總司敬謹覈勘通政使溫汝道光祿寺卿胡長齡少詹事茹茶內閣侍讀學士徐如澍翰林院侍讀學士貴慶太僕寺少卿宋銘國子監祭酒佛住翰林院侍讀果齊斯歡李傳熊贊善秦承業

國子監司業英良編檢趙未彤。汪如淵毛謨。張鱗商載。汪潤之。劉奕煜。李宗昉。陳中孚。李鴻賓。陳用光。徐賡揚。楊懌。曾劉彬士。潘恭辰。朱珩。何丙。咸洪占。銓張源長。張鑒。李可蕃。龔守正。林春溥。葛方晉。孫世昌。卓秉恬。朱澄。席煜。陳嗣龍。敬謹分司校勘。○又諭。昨因大學士朱珪。溘逝。業經降旨加恩。因思乾隆年間。惟故大學士劉統勳。蒙

皇考高宗純皇帝鑒其品節。

賜諡文正。易名之典。備極優隆。顧劉統勳於署總督任內。曾經獲咎褫職。復蒙

皇考施恩錄用。至朱珪立朝五十餘年。外而敬歷督撫。內而洊直綸扉。身躋崇要。從未稍蹈愆尤。絕無瑕玷。靖恭正直。歷久不渝。猶憶伊官翰林時。

皇考特簡為朕師傅。爾時朕於經書已皆竟業。而史鑑事蹟均資講貫。其所陳說。無非唐虞三代之言。不特非法弗道。即稍涉時趨之論。

亦從不出諸口。啟沃良多。揆諸謚法。實足以當正字。而無愧。無庸俟內閣擬請。著即賜謚。文正本日朕親臨奠醊。見其家門庭卑隘。清寒之況。不異儒素。嗟念遺風愴懷未已。著於本月初九日。由內務府備辦飯桌。派二阿哥前往代朕賜奠。俟殯送時。派慶郡王永璘前往祖奠。目送以示朕眷懷舊學。哀榮備至之意。庚辰

上幸北海閱冰技。○諭內閣。朕惟厚生之道。在乎節儉。國家重熙累洽。生齒日繁。日用所需。人人取給。而天之所生地之所長。祇有此數。即使雨暘時若。歲獲屢豐。小民益藏。猶虞不足。又況水旱不時。豈能盡獲豐稔。設遇歉歲。支絀倍形。若再性好奢華。不思撙節。勢必立見匱乏。何以保生聚而慶盈寧。即如本日戶部奏進嘉慶十年分民數穀數。朕詳加披覽。民數比上年多至二千七百七十二萬一百一十九名口。而各省存倉穀數。則比上年少。

二十九萬四千二百四十八石有零。自緣各該省間遇偏災。倉儲即有短絀。閭閻生計。安可不裕之於平日乎。近來八旗戶口亦歲有增添。而所得錢糧。限於定數。伊等當差執業。亦須衣食稍充。方能安心習學。若平時不知節省。馬能自贍身家。乃邇年風氣。日就華靡。飲食衣服。無一不競美爭鮮。毫無節制。以致數日之用。罄於一日。數人之養。竭於一人。甚或飲酒看戲。遊蕩賭博。錢糧入手。任意花銷。不顧身家。罔慮後日。豈非自取困窮乎。朕崇儉黜奢。務敦淳樸。向來東三省隨圍官兵。於引見較射時。所服均係布素。深得持儉之道。甚為嘉悅。現在年終。即須引見世職官員。及凡一切引見伊等。即服著布素。有何不可。又何須過飾衣帽。爭尚華綺耶。此後旗人等。尤當自知謹身節用。崇尚儉樸。以期仰事俯育。共慶生成。無負朕諄諄訓誨至意。將此通諭知之。○辛巳。

上詣

大高殿行禮。幸瀛臺。閱冰技。○予原任安徽寧國府知府宋鑒。河南武安縣知縣武達觀。入祀名宦祠。從巡撫長齡。馬慧裕等請也。○予江蘇故詹事府少詹事錢大昕翰林院侍讀學士褚廷璋。安徽府教授周曰萬。安徽故監生朱武勳。江西故陳州府知府陶萬達。浙江前明左布政使龐泮。河南故嚴州府知府張愈。聚定遠縣知縣李長安。貢生孫六鳳。監生周逾錢。入祀鄉賢祠。從巡撫汪志伊。成寧清安泰。秦承恩。馬慧裕等請也。○戶部議准。前江蘇巡撫汪志伊疏報。婁縣開墾田二十九畝。有奇。照例升科。從之。○壬午。諭內閣。秦承恩奏清豐縣知縣將例應收禁賊犯交役管押失火燒斃七命。審明定擬一摺。所辦殊屬顛預。清豐縣已獲賊犯武元等七名。既據訊明行竊屬實。獲有贓據。即應照例收禁。分別發落。何得藉影犯未獲為詞。發交差役管

押鎖置飯店其違例干禁已屬咎無可辭至店內因何起火不能搶救自必另有情節現在賊犯七名俱經燒斃而差役吳倬一名獨未燒傷是否係由該差役索詐不遂放火燒斃抑或賊犯等因押久圖脫乘間放火案關多命情節可疑該署督原奏內均未詳細根究辦理實屬草率至所擬將差役吳倬一犯照公廨失火律問以杖八十徒二年加枷號三箇月亦屬輕縱公廨失火向擬杖徒係專

指尋常失火而言今差役吳倬將所管賊犯燒斃至七命之多豈得援引比照該署縣侯登元將賊犯違例管押延不審結以致燒斃七命闡茸怠玩非尋常疏忽可比直隸省吏治廢弛亟應加之整頓該署督僅請交部嚴加議處所議亦輕未足示懲侯登元竟當革職發往伊犁以昭炯戒此案著該署督再提同案犯詳細審訊另行定擬具奏其前任知縣來宗敏先將賊犯四名交差管押飯店顯

違定例亦應查明附叅○諭軍機大臣等鐵保等奏報郭家房大工合龍穩固情形一摺郭家房大工自八月下旬開工以來該河督等籌催料物疏挑引河趲築壩座步步進占茲得合龍穩固實為幸慰至漫口既經堵合黃水全注下游必須將減壩堵閉合龍方能挽歸舊河不致復形散漫所有減壩工程著於明年正月月底凌汛以前堵築完固方為妥協將此諭令知之○以堵築南河郭家房漫

工出力守備陳岱等升敘有差○以翰林院侍讀明通充日講起居注官○以降調都統珠爾杭阿為鑲黃旗蒙古副都統○命西寧辦事大臣貢楚克扎布回京以內閣學士恒伯為西寧辦事大臣○癸未

上幸瀛臺閱冰技○甲申諭內閣據御史茅豫奏近來民人進京控案日漸增多每月除奏交外咨交十餘件至二三十件不等查良民赴訴之案利在速完刁徒誣捏各詞弊由緩

辦請勅下直省督撫嗣後無論奏交咨交之案皆當查照刑錢事由分飭兩司速為審訊一律報完不得再行轉發等語所奏切中時弊民人控告之案原有虛實不同如果隨控隨審迅速辦結則含冤者既得早為申雪即誣告者亦可隨案立懲不但訟獄得平即告訐之風亦當不禁自息今外省習氣督撫兩司於控告之案從不親自提審輒轉發交屬員屬員又層層遞委以致結案無時任情枉

縱民人等不勝拖累之苦因而來京赴愬及至發交該省又不過轉委飭審延宕如前在良民既有屈難伸而奸徒藉得以逞忿拖累由此健訟益甚此等闖茸疲玩陋習牢不可破各省皆然該御史此奏實不為無見必當嚴行飭禁用儆官疲以清訟源惟所奏各省民人到京控告之案不論奏咨俱由督撫分飭兩司審訊之處尚覺寬緩各衙門奏交之後一經奉旨交該督撫審辦即與欵差無異

無論道府以下等官不得濫行遞委即兩司亦不應交辦該督撫總當親提犯證自行審理迅速覆奏至於各衙門咨交之件該督撫查明刑名錢穀事由亦惟准分飭兩司依限審結不得再行轉委所屬以致瞻徇迴護延宕不結如再有私自轉委者一經發覺必將該督撫兩司等嚴行懲處不貸將此通諭知之山東巡撫長齡奏籌辦河漕出力人員賞濟東道秦震鈞三品頂帶○乙酉

上御乾清門聽政○以詹事府詹事凱音布為內閣學士兼禮部侍郎銜大理寺卿潤祥為都察院左副都御史翰林院侍讀學士汪廷珍為太僕寺卿仍留江西學政任○丙戌上幸北海閱冰技○諭內閣戶部奏飭催湖北陝西二省嘉慶四年以後鄉勇報銷即速併案具題一招國家設兵衛民本不應有鄉勇名目前此邪匪倉猝滋事各該省或因一時徵調不及暫時雇募鄉勇就近征剿是亦情

事所有而軍需報銷之弊大半即以鄉勇為名恣其浮冒總緣鄉勇本無定數可以任意增添非如各省官兵有名糧冊籍可考而其招募裁撤又無一定月日或久或速一聽地方官任意捏報無從詳悉稽查因之百弊叢生凡有軍營內浮支濫應之款其無可報銷者無不歸之於應付鄉勇之項即如戶部此次所奏湖北省題到報銷鄉勇各案祇在嘉慶三年以前已開有鄉勇三十六萬六千七百餘人其鹽糧口食開銷有四百七十餘萬米亦有二十三萬餘石浮冒顯然試思嘉慶三年以前湖北邪匪祇不過聶傑令張正謨等數犯首先起事其裹脅附從者亦尚有限若彼時果實有鄉勇三十六萬餘人加以本省及徵調鄰省兵數萬人勢已百倍於賊又何難立時撲滅淨盡何至賊匪鴟張蔓延滋擾湖北一省在三年以前其開報鄉勇即多至此數則其後賊匪闌及四川陝西各省地

方遼闊直至嘉慶八年始經一律歲事此後各該省開報鄉勇更不可憑信所有湖北陝西省未經題銷之案著交該督撫等各發天良大加刪減覈實具題巡撫章煦方維甸均非當日承辦軍務之人無所庸其迴護俟各該省題銷全到該部再行覈覆具奏○諭軍機大臣等阿林保奏接准李長庚來信據稱蔡逆幫船均欲散夥可以出示解散等語所辦非是又不免存招撫之見矣蔡逆惡貫滿盈即隨同濟惡之徒亦皆法所不赦即使實在窮蹙亦當趁勢勦淨方為正辦況阿林保本日奏到審擬盜犯摺據各犯供稱蔡牽由臺敗回雖祇剩船三十餘隻又在閩浙各洋添劫船隻擄掠柁水又有土盜船隻與之合幫賊夥尚有三四千人是船隻人數均屬不少且所飲淡水隨處海島可以汲取各船食米火藥皆從蔡逆船內領給是盜船食用均尚寬餘又何嘗實形窮蹙其所稱蔡逆幫內

食米火藥俱已缺乏並盜夥小七等散去之語安知非蔡逆故作此言揚播海口使官兵聞而鬆勁以為緩兵之計殊不可信阿林保總制封圻不應存招撫之見乃輕聽李長庚之言計出於此殊屬錯誤著傳旨申飭該督當飛咨李長庚以招撫之見切不可存總當一意痛勦務擒首惡勿棄垂成之功如果賊黨離散縛獻兇渠彼時再當酌量辦理總不可設法招致明示以意也將此諭令知之○

賞閩洋禦賊保護琉球夷船之署守備陳琴都司銜以守備即用○丁亥諭內閣前因德楞泰奏稱此次勦辦寧陝叛匪所有隨征之西安軍標滿兵及固原河州川北等營官兵在方柴關打仗時均有臨陣潰散之事實屬漫無紀律已諭令德楞泰等分別查辦昨扎勒杭阿到京當令軍機大臣詢問據稱此次蘇勒芳阿帶領滿營官兵聞派在方柴關打仗因抵賊不住閒有傷亡敗走者嗣於兵丁

回營後留心訪查攬知有臨陣逃走之事等語軍行貴紀律嚴明官兵如有臨陣脫逃情事即當查明懲辦今西安滿兵於打仗時見賊即行潰散大千軍紀扎勒杭阿到任未久平素不能整頓營伍其咎尚輕但於蘇勒芳阿帶兵回營伊既訪知有臨陣逃走之兵自應即時查究奏明辦理乃竟置之不問亦未據實具奏希圖徇隱殊屬非是扎勒杭阿著交部嚴加議處副都統祥保在任有年不能

認真訓練以致官兵不知軍紀廢弛已極且此次官兵等臨陣逃走一事扎勒杭阿既經訪聞該副都統豈竟毫無覺察乃亦相率緘默咎實難辭祥保著退出乾清門仍交部嚴加議處並著即來京聽候部議至蘇勒芳阿係帶兵大員不能管束兵丁任令逃散其咎較重著革職拏問交與德楞泰全保方維甸或將伊提至漢中或回至省城就近向其嚴切訊究令將脫逃兵丁共若干名據實指出

查訊明確定擬具奏。如究出蘇勒芳阿竟有私自走避情事。尤當嚴行按律懲治。以肅戎行。不得稍有含混。尋議扎勒杭阿祥保均革職。得旨加恩賞扎勒杭阿二等侍衛。祥保藍翎侍衛。在大門上行走。又諭大學士等議駁松筠請纂伊犁總志一摺。所議是伊犁等處事宜詳載西域圖志一書。即有應行續增之處。亦應在京開館纂輯。如

聖製詩文有應接續恭載者。館臣在京恭錄編次。可期詳備。斷無頒發伊犁再行纂載之理。況伊犁辦理屯防等事。是其本務。該處優通文義之人甚少。編纂書籍亦非所長。松筠所奏未免受人慫恿。事不可行。著方畧館存記。俟纂辦勘平三省。邪匪方畧告成後。將西域圖志再行續纂。其自乾隆四十七年以後應增各事宜。即著該將軍詳查咨送方畧館。以備採輯。調鑲紅旗蒙古副都統達冲阿為西安左翼副都統。以頭等侍衛特依順保為

西安右翼副都統。戊子以散秩大臣裕興為鑲紅旗滿洲副都統。旌表守正捐軀四川富順縣民王樹元女王氏。己丑以故三等男車布德恩子福朋阿一等子玉興子吉昌一等男恒康叔阿穆昌阿各襲爵。以協辦大學士吏部尚書費淳禮部尚書王懿修充經筵講官。禮部左侍郎桂芳署經筵講官。旌表守正被戕山東堂邑縣民趙有吉妻王氏。臨邑縣民于俊妻孟氏。庚寅諭內閣

阿林保等奏。奏劾玩視捕務及隨緝不力各守備。請旨分別降革治罪一摺。守備李萬青管帶兵船出洋捕盜。因遇匪船伺劫。輒敢收泊澳內。任意觀望。經總兵徐銳再三催促。猶以並非所轄。不遵調遣。實屬怠玩已極。此次蔡逆幫船在三沙口外浮鷹洋面。圖劫遭風琉球夷船。經署守備陳琴帶領兵船奮力抵敵。得以保護無虞。前據阿林保奏到後。朕即降旨將陳琴優加獎擢。李萬青係與陳琴同

一出洋捕盜之人乃竟畏葸恒怯至於如此不可不加之懲創李萬青著革職即在三沙地方加枷號三箇月示衆滿日重責發往新疆効力贖罪守備沈鉉隨同出洋緝匪毫不得力人亦多病著即革職守備張彪緝捕無能惟年力尚強著以把總降補仍令隨同出洋巡緝以觀後效又賽冲阿奏查閱臺灣南路營伍情形一摺據稱遊擊廖國年老技生難資操防訓練等語廖國著革職○以告休

三等公善保子雙福故一等男佛保子保慶三等男富慶子恒凌三等子張秉聰子仲敬各襲爵降前任陝西提督楊遇春為寧陝鎮總兵官○辛卯戶部議准山西巡撫成寧奏河東鹽務章程一陝西鳳翔府八屬向食花馬池鹽今應改銷潞鹽邠州并所屬二縣向行潞鹽但其地距花馬池較近應令食花馬池鹽一請於巡按河東鹽政監察御史印內添鑄吉蘭泰三字并鑄頒河東道兼管山

西陝西河南鹽務關防陝西鳳邠道甘肅寧夏道兼管鹽務關防一改寧武府同知為河東監掣同知仍駐運城一陝西花馬池鹽課大使舊改為分防縣丞今應復設大使原設鹽知事并歸經歷管理一監掣同知磴口運判河口批驗所大使定為繁難要缺東場大使改為繁缺西場中場及新設之磴口吉蘭泰大使均定為簡缺從之○癸巳諭內閣盛京各城守尉同在一省或係父子叔姪兄弟

或係至親若遇會辦事件究屬有礙如金州城守尉惠寧之子煥明即係遼陽城守尉理應令其子迴避但惠寧年老步履維艱昨已降旨開缺留京授為頭等侍衛著交兵部查明若城守尉例應迴避彼時值年旗王大臣等辦理錯誤即將該王大臣等奏即向無迴避之例宗室中合例之人甚多惠寧係金州城守尉而值年旗復將伊子率行揀選遼陽城守尉帶領引見漫不經心殊屬疏忽著

申飭嗣後同省城守尉著照別項官員一體迴避著為令。諭軍機大臣等楊芳係營伍字識出身存膺恩擢乃身為專閫大臣平日馭兵不能嚴明訓練一味姑息以博寬厚之名致令兵丁不知軍紀。禁驚者糾眾倡亂怯懦者臨陣潰逃其咎實難寬宥。德楞泰等議將楊芳革職遣戍自應如此辦理。楊芳著革職發往伊犁交與松筠派令効力贖罪。至楊遇春戰功較著且管兵有方眾心知感。伊擢

任固原提督後並未到任。此次寧陝叛案及固原等營官兵潰散皆非伊任內之事。自應量予從寬。前已降旨將楊遇春降補寧陝鎮總兵嗣後惟當責令妥為管轄。務使營伍日就整肅。勿再懈弛干咎。將此諭令知之。○甲午。

上幸北海閱冰技。科爾沁扎薩克郡王羅布藏嘉木參等八人。杜爾伯特扎薩克貝子喇特納巴拉等十二人。喀爾喀扎薩克輔國公敏

珠爾多爾濟等五人。青海扎薩克輔國公喇特納錫第土爾扈特輔國公達瑪琳察哈爾額魯特三等台吉瑚勒哈齊等五人。回部署吐魯番扎薩克頭等台吉丕爾敦喀什噶爾四品伯克阿布都瓦斯等十六人於神武門外瞻覲。乙未。

上幸北海閱冰技。丙申。

上御撫辰殿大幄次賜蒙古王貝勒貝子公額駙台吉及外藩使臣等宴並賞賚有差。○諭

內閣德楞泰等奏酌議陝甘各標營於弓箭兵內挑十分之二兼令習矛製造丈尺有定不得過長等語一摺。營伍軍器以弓箭為重。必當操演精熟以昭武備。至長矛一項祇係挑刀藤牌等雜技中之一。前因河北鎮總兵蔡鼎奏請於弓箭兵丁內酌派十分之二兼習長矛。曾諭令各省營制酌定額兵演習。因思長矛究非營伍緊要技藝。兵丁於練習弓箭鳥鎗外兼習其技以資刺擊。原無不

可若因演習長矛於弓箭鳥鎗轉致生疏殊屬輕重失宜非所以飭戎器而講武藝也且矛桿過長於運用不靈尤不足以資擊刺若云深林密箐長矛較為便利則更無此理嗣後各省營制訓練卒伍總當以操練弓箭鳥鎗為正技長矛祇可令其兼習並著於額兵內祇酌定十分之一不許過額其製造矛桿不得過一丈如有違式製用者經該管大員查出即嚴行懲治並將該將領一併叅處將

此通諭知之○丁酉。

上幸北海閱冰技○諭內閣吏部奏本月應選戶部郎中查有坊與尚書戴衢亨係屬兒女姻親京官例不迴避近因吏部奏准嗣後例無迴避明條者咨查吏部覈辦不得自行奏請是以戴衢亨未經具奏告知慶桂以兒女姻親究宜引嫌經部議請將京官迴避條內增入此項恭候欽定一摺署左侍郎劉鐸之聲明意見不同未經列銜當經召見劉鐸之

面行詢問據稱迴避條例奉行已久且此時甫經奏定未便增改是以未經列銜等語並非特有所見京官迴避之例與外官稍有不同但如兒女姻親戚誼較近自應引嫌迴避查有坊一員著迴避扣選所有戶部郎中一缺著歸下月另行銓補至迴避定例自宜酌理準情務歸盡善方可日久奉行著吏部堂官將京官迴避之例通行詳細叅覈除滿官姻親較多勢難盡一者仍照舊例辦理外其

餘京官或應與外官畫一辦理或有必應與外官分別之處妥議章程奏請定奪自奏定以後如有應行迴避而不奏咨迴避者即當查明叅辦其不應迴避之外姻等項或該堂官有例外引嫌奏明請旨者朕批交部議時該部仍可照例議駁亦無庸加以議處以昭平允尋議京官迴避條內增入本身兒女姻親一項無論滿洲漢員若在同衙門分係堂司令官小者迴避如係同官免其迴避其他

不得援以為例從之。○又諭工部叢議吳璥等會奏擬增稽麻土方幫價及酌籌津貼一摺所議是。河工歲辦蘇麻向無幫價。今查明原定例價實屬不敷。所有歲麻一項著准其照例價加增一倍採買報銷以歸覈實。至河工歲料幫價銀兩入於地糧攤徵久經裁革。豫省屢次堵築漫工所用幫價准令分年攤徵。原以事非恒有。按年攤完。小民尚可息肩。已屬不得已之舉。今該督等擬以歲增幫價。豫省每年以三十萬兩為額。通省攤徵。東省每年以三萬五千兩為額。於兗沂曹濟四府州屬攤徵。豫省昨工幫價銀兩。本年甫經徵完。衡工幫價銀七百餘萬兩。於明年始行啟徵。今再加以歲料幫價。每年加徵銀三十萬兩。山東兗沂等屬亦歲加徵銀三萬餘兩。是小民於常賦之外。歲有攤徵。永定為額。與加賦何異。此非病民而何。吳璥等率行奏請。實屬謬誤。豫省所請攤徵銀數較多。吳璥為慧

裕著交部嚴加議處。東省所請攤徵銀數較少。長齡著交部議處。○戊戌
孝莊文皇后忌辰遣官祭
昭西陵
上詣
慈寧宮
壽康宮行禮。○諭內閣文寧等奏酌撥步甲額缺請以滿洲蒙古閒散正身挑補一摺。據稱步軍統領衙門所屬八旗步甲因係墊道緝捕各項差使。所有錢糧定例僅令滿洲蒙古戶下人挑補。其正身向不挑取。惟獲咎革退之護軍馬甲各旗始行送挑。請將步甲內派在各
壇
廟該班及派在九門地安等門北海等處當差之九百五十七名擬俟缺出分別陸續咨取正身挑補以廣皇仁等語。旗人當差惟在勤慎務正即屬顧惜顏面。若平日不知安分流

為匪類始可謂之卑賤。即墊道緝捕何嘗非正項差使。況係派在各

壇

廟及各門當差。更非墊道緝捕可比。即與侍衛護軍馬甲無異。儘可令正身閒散旗人及養育兵等充當。多添九百五十七分錢糧。伊等既可藉資養贍。並得官房居住。且遇有各本旗護軍馬甲缺出。仍可赴挑。亦不礙其上進之路。於旗人生計。實有裨益。著照所請將分

定額數。俟各旗步甲缺出。陸續咨取挑補。以足九百五十七名之額。用副朕嘉惠無已至意。此後有獲咎革退之護軍馬甲。各旗咨送。即可挑補。墊道緝捕等項差使。文寧等此次所議。甚屬可嘉。本日兵部議請失察。罰俸一年。著寬免。○以歲暮裕祭

太廟。自是日始。齋戒三日。○己亥。諭內閣。慶桂等會奏議駁御史文修條奏。請將地租賞銀。改添無米馬甲萬名一招。所奏是。八旗兵丁。

生齒日繁。朕每籌念鞠謀。俾資生計。特以國家度支有常。未便動增經費。上年業經籌減步營馬匹錢糧。添設養育兵額。昨因大學士等議奏。移駐增額一事。復經降旨。將內務府閒款銀二十萬兩。並勅戶部再籌款五十萬兩。一併發商生息。以備籌添養育兵額之用。又准步軍統領等所奏。酌撥步甲額缺將滿洲蒙古閒散正身挑補。國家嘉惠八旗。不惜籌撥帑金。多方酌劑。與謀生聚。豈有損彼益

此實惠不至之理。乃該御史輒欲以積年例賞旗租一項。移為添設馬甲之需。是欲調劑兵艱。轉為裁減歲賞。該御史殊不曉事。所奏斷不可行。試思該兵丁等每歲得有賞資。視若故常。此時遽行裁減。在添設之馬甲。自不無稍沾恩澤。而被裁各兵。頓少一月錢糧。度歲未免拮据。轉致向隅。至如該御史所奏得賞之兵。應酬康費。近來旗人漸事紛華。此獎自所不免。亦非盡人皆然。況餉項原以養贍

身家在不知節儉者。非特領到賞項。任意花銷。即每月關支錢糧。均可隨時糜費。又豈有因其不知搏節。併將其應得錢糧。亦歸裁減乎。此事總在八旗都統副都統督率叅佐領等平日勤加訓誡。俾知物力艱難。務令制節謹度。相與還淳返樸。生計自可日就寬紓。現又疊次加恩。增添步甲。及養育兵額。八旗閒散子弟。備蒙養。尤當仰體德意。知曠典非可屢邀。共矢儉勤。以期家給人足。方不負教

養諄諄至意。○又諭工部奏議駁吳璫等題銷豫省衡工善後增培隄壩等工一摺。所駁甚是。衡工善後工程。先經原任河督嵇承志專摺具奏。並將各工段丈尺造冊咨部。迨至上年李亨特以需用土方工料銀四十三萬二千餘兩。造冊題估。該部詳覈所開隄壩丈尺。均與原奏不符。行令據實刪減。復據吳璫等將簽駁各款逐一聲覆。指稱委係實工。難以刪減。經該部查對工段冊內。除奏明應辦

各工之外。輒將並未奏明之榮澤等十四汛培築隄壩土壩鑲做防風子堰各工。牽混通報。所開土方工料銀四十三萬二千餘兩。應減銀數至二十一萬二千餘兩之多。何以吳璫等率請題銷。大屬非是。試思此項工程銀數。如果係從前實用實銷。則嵇承志原奏內自必列入。即係續增工段。亦當隨時具報。乃以並未入奏之案。任意浮開。李亨特既已率題於前。吳璫等接到部駁。又率覆於後。是豈

覈實辦公之道。吳璫馬慧裕著傳旨嚴行申飭。仍著將所報工程從前何以未經入奏。是否事後增添。希圖冒銷。並何以不查覈叅辦之處。據實明白回奏。毋稍隱飾。至部議請將承辦官員及率轉之各上司職名。查取嚴議一節。該員等浮開工段丈尺。本有應得之咎。但若僅交部議。即至錮級褫職。或尚可邀恩從寬留任。轉不足以示懲創。著將此項應減銀二十一萬二千餘兩。即著落承辦各員及

先後率行轉題之各該上司。按數分賠。追繳歸款。分晰開單具奏。毋庸復行交部議處。○諭軍機大臣等。據德楞泰將新疆永戍降匪名單。分別地方名數具奏。著塔爾巴哈台叅贊大臣等於此項降匪到後。嚴密管束。或有些小過失。即革退名糧。作為違犯。或給回子為奴。若竟滋生事端。即一面奏聞。一面正法。儻有脫逃者。拏獲後立正典刑。不可稍涉姑息。將此諭令知之。○改福建糧儲道為分巡

寧福海防兵備道。移駐福寧。從總督阿林保請也。○庚子。以歲暮禋祭。遣官祭

太廟中殿

後殿。○是日丁卯年立春。順天府進土牛春山

寶座。○辛丑。禋祭

太廟。

上親詣行禮。○遣官祭

永陵。

福陵。

昭陵

昭西陵

孝陵

孝東陵

景陵

泰陵

泰東陵

裕陵。○遣官祭

孝淑皇后陵寢。○遣官祭

端慧皇太子園寢。○遣官祭

太歲之神。○定陝西寧陝各鎮營善後事宜。

先是西安將軍德楞泰等奏議改營制章程。

下軍機大臣及兵部議。至是議上。○移西江

口營遊擊駐留壩。歸固原提督管轄。裁原設

千總把總額。外委改孝義營。歸陝安鎮總

兵管轄。移厚畛子守備。駐陽平關。改留壩都

司為守備。駐畧陽。改駐黃官嶺之提屬銅廠

營。守備為漢中協右營守備。駐漢中府城。移

鋼廠之把總駐黃官嶺。歸漢中協管轄。改城守都司為左營都司。一。徹塲坪垵汛把總外委歸陝安鎮城中營。毛壩關汛額外外委歸紫陽營。鍾家汛把總歸西鄉營。穆王坪汛外委歸鎮安營。一。裁寧陝鎮兵二千二百四十名。并汰金雞河等處汛兵。一。改陝安中營署陽營鎮安城守營。遊擊興安城守營。紫陽營都司。陝安左營守備為題缺。蘆塘營黃甫營階州營遊擊高家堡臨洮營都司。會寧營守備為部推缺。一。寧陝陝安漢中各營新置營地。請招佃收租。無庸兵丁墾種。一。換給移改各營員弁關防。一。漢中協及漢陽平沔縣寧羌等營兵丁米折。未便遽議加增。上以漢中協等處兵丁生計寒苦。仍准加給米折銀一錢。餘俱如所議行。○壬寅。上御保和殿。筵宴朝正外藩。科爾沁喀喇沁。奈曼土默特。翁牛特。敖漢。克什克騰。察哈爾。喀爾喀。烏珠穆沁。阿拉善。阿巴噶。扎魯特。杜爾

伯特綽羅斯。烏喇特。蘇尼特。青海。吐魯番。額魯特。土爾扈特。王貝勒貝子公額駙。台吉塔布囊等。隨文武大臣依次就坐。諸樂並作。上進酒。召左翼科爾沁扎薩克土謝圖親王諾爾布琳沁喀喇沁親王銜扎薩克郡王滿珠巴咱爾。科爾沁扎薩克郡王和碩額駙索特納木多布齋。奈曼扎薩克郡王巴勒楚克喀喇沁扎薩克貝勒丹巴多爾濟。土默特扎薩克貝子固倫額駙瑪呢巴達喇。科爾沁貝子鄂勒哲依圖。右翼喀爾喀扎薩克親王固倫額駙拉旺多爾濟。科爾沁扎薩克達爾漢親王丹曾旺布。烏珠穆沁扎薩克親王巴勒珠爾喇布齋。阿拉善扎薩克親王瑪哈巴拉。敖漢郡王薩巴拉。回部郡王銜貝勒哈迪爾。阿魯科爾沁扎薩克貝勒多爾濟帕勒瑪。至御座前。賜酒成禮。○是年。旌表孝子江蘇等省楊岱等三名。孝女江蘇等省談氏等五口。守節合例宗室書翰妻博爾濟吉特氏等三口。

滿洲柏明妻白佳氏等八十四口。蒙古阜保妻瓜爾佳氏等二十六口。漢軍馬溶妻聶氏等二十一口。內務府四保妻姚氏等十一口。各省駐防馬所妻陶氏等一百三十一口。直隸等省王德恒妻子氏等六百七十口。夫亡殉節滿洲清世泰妻覺爾察氏等三十一口。未婚守志江蘇等省田逢仁聘妻向氏等二十八口。百歲壽民婦山東等省劉大法等四十八名口。五世同堂河南等省張含輝等四

十一家

車

各給銀建坊如例。○一產三男。直隸等省劉上選等五家。○會計天下民數穀數。直隸等省通共大小男婦三萬三千五百三十六萬九千四百六十九名口。存倉米穀二千八百一十一萬三千三十石七斗三升五勺。

大清仁宗受天興運敷化綏猷崇文經武孝恭勤儉端敏英哲睿皇帝實錄卷之一百七十二

實錄卷一百七十二

十一

船已經派員護送。安穩內渡。所有二號船隻沈失貢物。毋庸再令補進。阿林保當即照會該國王。以該貢使等在洋遭風。人力難施。非由奉使不慎所致。業經奏聞。蒙大皇帝恩施。諭令無庸將沈失貢物補行呈進。亦無庸將該貢使等加以咎責。俾知感激。以副懷柔。至該貢使攜帶銀貨行李。均已失水。現經賽沖阿給與卹賞。著阿林保於貢使等內渡時。再行酌量加以賞賚。至該貢使等自閩起程。可令緩程行走。於四月底到京。前據永保等奏。南掌國貢使於上年十月起身。亦已諭令於本年四月二十日以後到京。五月間正可一同錫宴。並邀恩賚也。將此傳諭知之。○命協辦大學士吏部尚書費淳為大學士。管理工部事務。戶部尚書戴衢亨協辦大學士。兼翰林院掌院學士。調兵部尚書鄒炳泰為吏部尚書。轉都察院左都御史劉權之為兵部尚書。以刑部左侍郎周廷棟為左都御史。轉刑

部右侍郎韓蔚為左侍郎。以順天府府尹秦瀛為刑部右侍郎。太僕寺少卿宋銘為順天府府尹。○展賑奉天承德廣寧遼陽海城蓋平復錦鐵嶺八州縣上年水災旗民。○展賑江蘇山陽阜寧清河桃源安東鹽城高郵泰東臺江都甘泉興化寶應邳宿遷睢寧海沐陽十八州縣上年被水災民。○展賑兩淮板浦中正臨興丁溪草堰劉莊伍佑新興廟灣九場上年水災電戶。○展賑河南溫孟二縣上年被水災民。貸內黃安陽湯陰三縣貧民籽種口糧。並平糶倉穀有差。○展賑雲南浪穹縣上年被水災民。○貸安徽宿南平懷遠定遠靈璧鳳臺六廳州縣及鳳陽長淮二衛上年被水災民籽種。○貸陝西寧陝洋城固孝義鄠盤厓郿留壩石泉鎮安寶雞岐山西鄉鳳襃城十五廳縣上年被水災民籽種口糧有差。並貸膚施安塞甘泉保安安定宜川延長延川靖邊榆林葭神木府谷懷遠綏德

米脂清澗。吳堡鄜宜君洛川。中部。咸寧。長安。二十四州縣常社倉穀。給甘肅寧夏寧朔平羅三縣上年水災貧民一月口糧。並貸被水各堡籽種。○丁未。

上詣

雍和宮行禮。

火神廟拈香。○戊申。

上以上辛祈穀於

上帝。自是日始齋戒三日。○己酉。

世祖章皇帝忌辰遣官祭

孝陵。○諭內閣。昨據陳崇本奏。此次宮史告成。恩准議敘。風聞提調施杓等有聽受請託。令膳錄等湊銀交納。並辦有從優議敘奏稿。旋經總裁等塗銷。又恭輯

聖訓。漢纂修不過六員。乃頓添滿協修八十一員。並未具奏。且指名向各衙門行取稿內謂之各舉所知。而所行取之人。非親即故。即如太常寺所送庫使珠隆阿係幫辦提調崑山

之姪等語。當經派令祿康戴衢亨會同刑部嚴審。茲據祿康等訊據施杓供稱。館上收發事件較繁。因各膳錄散處城外。是以專交吳友麓等六人承總辦理。一切事件俱係伊等經手。復訊據吳友麓等六人供認承總辦理。並稱上年因趕辦宮史膳錄等。恐繕寫不及。是以添雇書手幫同趕繕。計前續編十二分。約字數二千數百萬。寫價每千字計銀三錢。約銀七千餘兩。此外並無攢集銀兩致送提調之事等語。各館膳錄承辦書籍。均應親手繕寫。按日計課。俟議敘時視其功課多寡。以定等差。此乃一定章程。即偶遇趨辦緊要。繕寫不及。該膳錄等自行雇覓書手幫繕。亦屬事所或有。至恭繕

實錄

聖訓。則係大典攸關。尤應敬恭趨事。慎重繕錄。乃該提調等輒挑派膳錄六人承總辦理。任令伊等在外添雇書手幫繕。而此次繕辦官

史約計湊銀即需至七千餘兩之多。是該膳錄等竟不自繕書籍。以出資之重。輕為功課之多寡。且所開功課。是否實有如許字數。亦復難以憑信。則該館所定議敘等第。又何足據耶。即此一端。實已不成事體。而總裁等全然不知。任其妄為。以致被人叅劾。所司何事耶。至官吏告成奏請議敘原稿一件。總裁等均未畫奏。據該提調稱總裁等因所議過優。飭令查銷等語。此次議敘總裁等既未商定。何以輒行具稿。且令外間傳播某人應得某項議敘。是該提調等竟係藉此市恩招攬。此而謂毫無賄賂情弊。其誰信之。至添派滿協修八十一員。並未奏明辦理。任聽各舉所知。內如珠隆阿一員。即係幫辦提調崑山之姪。可見非親即故之語。實非無因。該提調等亦難保無聽受囑託情事。現雖據祿康等訊無賄囑。據恐尚有不實不盡之處。看來該館事件。總因該提調等辦理不公。致滋物議。而

施杓之咎尤重。崑山隨同附和。又將伊姪容取過館。顯屬瞻徇。施杓崑山均著革職。交祿康等詳細根訊。有無賄囑情弊。再行具奏。長文亦係該館提調。厥咎維均。但該館提調一時全行斥革。恐驟易生手。難以接辦。長文姑著暫行留館。聽候查辦。所有該館滿漢提調。即著慶桂等速行揀員充補。吳友麓揚書績。謝寶樹。黃向榮。王鈞。張元偉。充當膳錄。輒以承總辦事為名。攢湊衆膳錄銀兩。雇寫書籍。均屬不安本分。且難保無沾潤饋送等事。並著革去職銜。交祿康等一併研訊。定擬具奏。尋奏施杓等均無賄囑情弊。吳友麓等亦無沾潤饋送等事。惟該提調以未經回定之事。先行具稿。以致外間傳播。顯係有意招搖。以為後日市恩受謝地步。又將未經辦書之供事列入優敘。種種蒙混。均係施杓一人主張。施杓除辦事錯誤。失察該館膳錄各輕罪不議外。應依將不合行事。朦朧稟說者杖一百。

徒三年律杖一百徒三年。崑山隨同辦稿錯誤。又援引伊姪入館。實屬徇私溺職。業經革職。應毋庸議。珠隆阿一員。飭令即行離館。長文隨聲附和。不能匡正。應交部嚴加議處。其咨取協修各員人數過多。應擇其諳習繙譯者酌定人數。奏明留館。其餘概行咨回。以杜冒倖。吳友麓等募人代寫。雖為趨辦公事。但不應豫計字數。湊斂多金。存局支銷。業經革去職銜。應即飭令離館。從之。○庚戌

上詣

南郊齋宮齋宿。○享

太廟遣儀親王永璇恭代行禮。○遣官祭

太歲之神。○辛亥祈穀於

上帝

上親詣行禮。○壬子

上詣

大高殿行禮。○幸圓明園。○詣

安佑宮行禮。○癸丑諭內閣慶桂等奏

實錄全書現已恭繕完竣而

聖訓紅綾本尚未發寫。日來校改畫一篇頁補填換寫字數浩繁。亟資熟手。昨祿康等奏審擬施杓等一案。員外郎崑山僅止革職。謄錄吳友麓等六人。僅止革去職銜。俱免科餘罪。可否再懇破格施恩。俯准暫令留館効力。以速成功等語。崑山等承辦館務。未能公當妥協。業經被參。分別革懲。離館實係咎所應得。姑念現屆館務垂成。正在需人之際。伊等究

係熟手。崑山著加恩准其留館當差。責令効力自贖。謄錄吳友麓等六人。前已革去職銜。飭令離館。並著加恩准其以本身生監留館。專司領書繕寫。不許干與他事。亦不許設立公局名目。以期趕繕無誤。至施杓於辦理宮史議敘一事。擅行分別從優。具稿經慶桂等駁銷時。先已紛紛傳播。實難保無藉端招攬希圖事後索謝情事。昨祿康等將施杓問擬杖徒實為允當。但其獲罪之處。係由官吏議

敘而伊承辦

實錄全書。經手年久。尚未查有別項情弊。此時辦理畫一等事。正當緊要。施杓亦著加恩留館。隨同劉鳳誥專辦校改畫一之事。不許干與一切館務。如有應行改換篇頁。俱罰令敬謹賠補。所有伊杖徒罪名。著暫行存記。俟館務告竣後。再行覈辦。其滿協修八十餘員。業經甄別咨退五員。其餘且無庸撤回。惟自開館以來。所有承辦纂校謄錄及供事人等。其功課字數之多寡。有無虛報。及本人是否任館。其所當差使。是否確實。不可不徹底詳查。以為全書告成。議敘確據。著專派王麟英和。遠委精細持正之員。詳細查明。另立清檔。伊二人覆加詳覈。不可再任樊混。俟查辦完竣。即行據實具奏。儻經此次詳查之後。尚有冒濫等事。一經被人參劾。即惟王麟英和是問。至館書告成。為期甚近。劉鳳誥著專辦館事。所有該管部務。暫無庸畫閱稿件。遇有陳奏。

各事。並不必列銜。俟館書畫一事竣。再行辦理部務。以專責成。○甲寅諭內閣。溫承惠奏。查出偽造札付盜用印信。私行調補營弁之書吏。請旨辦理一摺。奸胥黷法營私。法所不容。上年直隸省查出司書王麗南等私雕假印。通同州縣虛收錢糧巨案。當經特派大臣徹底研訊。明確將案犯情重者。即予駢誅。加以刑夾。並令傳集保定省城各衙門書吏。看視行刑。俾知炯戒。曾降旨通諭中外。原欲使在官吏役人等。知舞弊終當敗露。法網非可倖逃。共相儆畏。不致再蹈刑章。所謂辟以止辟。正朕明刑弼教之苦心。乃辦理甫閱數旬。且陶源一犯。經該省續行緝獲。正法。為日無幾。此在相距較遠省分。或尚未聞知。而近在同城之書吏。復有此等需索酬謝。偽造札付。假與人官之事。實屬慝不畏死。試思書吏等具有身家性命。即一時利欲薰心。寧不稍知顧畏。何作奸犯科。竟甘身冒嚴刑。至於此極。

迨一經破案爰書既定即朕慎重人命思欲寬以一線而不能此輩蠢愚冥頑致罹重辟既為可恨亦屬可憫嗣後大小官員當剴切曉諭吏役人等以直隸省前案及此案為鑒務各自顧身命守法奉公勿再舞文作弊陷於重罪以期吏治漸就肅清方不負朕諄諄訓誡之意此案杜斐堂一犯著即處斬餘俱照所議發落至署總督秦承恩本有失察之咎但於劉仁龍謁謝時即以情節可疑札致溫承惠嚴密查出尚屬留心著加恩免其議處將此通諭知之○乙卯

上御山高水長賜王公大臣蒙古王貝勒貝子公額駙台吉及外藩使臣等食至戊午皆如之○四川總督勒保奏報綏定府新兵滋事官兵分路進剿生擒首惡王得先孔傳世劉金定殲除夥黨得旨嘉獎賞副將桂澤總兵銜擢馬兵羅貴為千總均賞巴圖魯名號賞知州余永寧花翎外委劉繼先等藍翎道員

嚴士鉉等升敘有差○丙辰

上御奉三無私殿賜皇子親藩等宴○丁巳

上詣

安佑宮行禮○御正大光明殿賜朝正外藩等宴作樂賜酒如除夕儀○戊午

上御正大光明殿賜大學士尚書等宴○己未諭內閣阿林保等奏新造大同安梭船所需蓬索燂洗銀兩酌籌生息一摺木商王廣延等因航海經商曾於玉德李殿圖任內呈請

公捐銀二萬四千兩貼補緝匪經費彼時即應奏明請旨乃玉德等並不具奏即准其呈繳捐銀殊屬非是現在已據該商等陸續繳存藩庫銀一萬九千八百兩著照所請將此項銀兩賞收分發各鹽商承領生息以備新造大同安船二十隻每年蓬索燂洗之用至該商等尚有未繳銀四千二百兩著免其呈繳以示體恤○辛酉

上御山高水長賜王公大臣蒙古王貝勒貝子

公額駙台吉及外藩使臣等食○壬戌諭內閣松筠奏廢員姚秉哲之子姚勲禁遵例為伊父贖罪據呈請旨一摺姚秉哲係失察海陽縣地棍私鑄礮位案內革職發往伊犁効力之犯伊年六十七歲尚不甚老且伊子又朝夕隨侍即令在戍數年亦可使稍知罰懲若甫經到戍即准其贖罪轉似官員身獲罪愆發遣新疆專為收納贖銀起見殊非政體姚秉哲俟三年期滿該將軍聲敘此旨照例奏請彼時或可加恩釋回此時呈請贖罪之處著不准行○西安將軍德楞泰等奏遵旨會議薛大烈所奏馬兵自行養馬多致賠累請將陝甘兩省營馬設立棚槽專派弁兵經管餵養於兵丁馬匹均有裨益從之○又奏陝西寧陝廳城不得地勢現又殘燬應擇地移建洋縣舊築土城不能堅實請改用灰土包築留壩為棧道要路原築堡城屢被山水衝刷請另擇形勝改建甃城從之○癸亥諭

軍機大臣等從前勦辦邪匪三省雇募鄉勇過多迨大功告成一時難於散遣就其中情願入伍者概予安插歸營辦理本未妥協今陝之寧陝川之綏定皆係新兵糾眾滋擾可見此等匪徒究屬犷悍不馴楚省鄉勇入伍者亦復不少總督提督均係統轄大員當飭知營員等妥為駕馭留心稽察如遇新兵等有一二不安本分或犯酗酒滋事等案即應懲處斥革或與以發遣其有稍涉桀驁情罪較重者奏明辦理均無不可總須隨時懲創俾伊等知所畏懼不致別生事端保全者眾惟在該督等時刻留心不可稍存大意为要將此各諭令知之○乙丑
孝聖憲皇后忌辰遣官祭
泰東陵
上詣
恩慕寺
恩佑寺行禮○調直隸天津鎮總兵官多隆武

為山東兗州鎮總兵官。以鑲藍旗滿洲副都統本智為天津鎮總兵官。調鑲黃旗蒙古副都統珠爾杭阿為鑲藍旗滿洲副都統。以駐藏幫辦大臣文弼為鑲黃旗蒙古副都統。

丙寅

上幸萬壽山。○調伊犁領隊大臣豐紳額為塔爾巴哈台領隊大臣。賞遣戍伊犁已革兩廣總督那彥成。三等侍衛為伊犁領隊大臣。○丁卯諭內閣。本日據誠存奏有兗州縣民人

杜茂封投遞呈詞。請於順德府屬之邢臺內邱地方開採銀鉛各礦一事。山場開採例禁嚴嚴。商民等違例營求。不但事不准行。俱有應得罪名。誠以開採一事。不獨有妨地脈。且雇夫剗挖。均不過游手好閒之徒。將來日聚日多。互相爭競。所獲之利有限。而流弊無窮。杜茂封無知牟利。冒昧瀆呈。實屬大干厲禁。本應即照例治罪。但伊既力請試採。若不將各該山場斷乎不可開採之故。帶往週歷指

駁。尚無以折服其心。杜茂封著該部解往直隸。交署總督溫承惠酌派大員。即帶赴邢臺內邱一帶週歷。伊原呈內所稱有礦山場。詳悉指示。面加駁訊。使其無可置辯。再治以應得之罪。○又諭此案護軍校德通。因酒後恣情醉罵。語涉污穢。以致伊妻女兒媳相率投河淹斃六命。情殊可慘。現經刑部訊明。並據德通之父倭什布及親族鄰右等會稱該犯素有酒病。時常斥責伊妻。屢致逃往母家躲避。並有背後抱怨不能度日之語。是該婦女致死之由。委無別故。惟德通乖戾性成。已非一日。皆由平時該管各官失於管教。一味姑息所致。此在該管大臣等住居較遠。或不能查察周到。至該管章京等日與居住一處。於該犯使酒辱罵等情。豈竟毫無見聞。形同木偶。乃絕不加以管束。一切皆任其所為。以致該犯毫無顧忌。任性乖張。遂致釀成一家淹斃六命之案。咎無可辭。除該管大臣免其查

議外。所有營總章京等官均著交部查取職名議處。並著通諭八旗都統以下各員俱各矢天良。誠心教訓。以旗務如家務視本旗之人如子弟。勿存旅進旅退之念。勿存一切不管之見。嗣後遇有此等不安本分之徒。該管官一經見聞。即應加意訓導。如有不服管教。或怙過不悛者。並當稟明各上司立予責革。庶俾小懲大誡。正所以曲予保全之一道也。所有德通一犯。即照部議革去護軍校按律鞭責。並著發往熱河。交副都統慶傑嚴行管束。伊子和順武亦著隨同德通前往熱河充當馬甲。○吏部以大學士費淳應定何殿閣請得旨著為體仁閣大學士。○戊辰戶部議覆四川總督勒保奏。川省軍需報銷完竣。查明支收大數。並刪賠各款。分別辦理。得旨依議。至另片奏查明該督原奏賞給兵勇號帽衣服等項銀一千二百餘兩。係例外添支。應令分別捐賠。以清款項等語。前此每遇用兵

之際。兵勇等需用號帽衣服。各該督撫輒稱出資捐辦。具奏及歲功凱撤。則又以所用銀數歸入軍需案內。一例報銷。本屬含混。今既據該部查明。此次借支銀兩與該省前案事同一例。所有添支銀一千二百四十餘兩。即著承辦各員分別捐賠。以清款項。如有藉詞剋扣兵餉情事。並著該督查明據實奏。此後設再有徵調事宜。如時月較久。在一二年以上者。兵丁等有需號帽衣服之處。自當隨時奏明酌量賞給。准其作正開銷。毋庸承辦之員出資捐辦。並著纂入軍需則例。○西安將軍德楞額奏。報陝西鄉營瓦石坪汛新兵滋事。督兵截剿。殲擒首逆周士貴等。並夥黨多名。得旨嘉獎。賞副將羅思舉總兵銜。祝廷彪。已。圖魯名號。均下部議敘。賞知州楊士鼐等藍翎遊擊張起鼐等。并擢有差。○己巳諭內閣。鐵保等奏。狃於積習之廳員。請旨革去頂帶一摺。河員承辦工程。一切工料均

應覈實報銷。歷來河員等多有通融報銷之事。以致實用料物與報部名目不相符合。甚或蒙混浮開。弊端叢出。上年特經降旨。准令於例價之外。覈計時價。隨案聲敘。河員等自應消除積習。力矢清慎。乃鐵保等甫在會議時價章程。而該廳員等輒以外辦鑲工需用料物。與報部款式迥別。稟請批示。並將委員薪水兵夫飯食雜用。一併計議。籌銷。可見外間錮習。牢不可破。鐵保等據實劾參。所奏甚是。署外河同知王坦緒。山安同知沈朝宗。署海防同知繆雋。均著革去頂帶。暫留本任。責令於減壩引河等工。充當勞苦差使。仍著該督等留心查察。該廳員等果有藉端冒混情弊。即行嚴參究辦。至鐵保。祇係兼管河務。戴均元。淮任未久。徐端久任河員。於工程報銷不實。豈得諉為不知。伊任內並未查辦。其咎本無可辭。今姑從寬宥。惟當會同鐵保等隨時稽察。以贖前愆。若再不實心任事。不能復

邀曲貸也。此後如查出工員等再有藉詞。弊混希圖冒銷者。即當嚴行參革。懲辦切勿稍存姑息。又諭據領侍衛內大臣參奏。曠班侍衛什長烏爾袞泰及未稟知內大臣之續辦事侍衛班領寶倫等。請各分別革職。議處等語。近來侍衛疏懈成風。是以從前侍衛內有曠誤者。俱經責革。示懲。今烏爾袞泰又復無故曠班。殊屬不堪。烏爾袞泰著革去侍衛。交領侍衛內大臣在奏事門外重責四十板。交伊父火器營翼長法永嚴加管束。至內大臣補進領侍衛內大臣之班。則有稽查侍衛之責。乃續辦事侍衛班領寶倫等。僅將曠班一事呈報。領侍衛內大臣並未稟知補班之內大臣。顯係藐視殊屬。非是。寶倫。宗室伊豐。額俱著交部議處。嗣後領侍衛內大臣等。務將所屬侍衛嚴查董率。俾各勤奮當差。儻經此次訓飭之後。仍有無故曠誤者。烏爾袞泰。覆轍具在。決不輕貸。朝鮮國王李瑈遣使

表賀

萬壽冬至元旦三大節及歲貢方物賞賚筵宴

如例○辛未

孝儀純皇后忌辰遣官祭

裕陵○諭內閣勒保等奏查明達州營守備王

國雄因扣留兵餉激生事端旋即越城逃匿

請旨即行正法一摺所奏甚是營員管束兵

丁全在訓練有方寬嚴得當設遇地方不靖

尤當身先捍禦不容稍存恒怯乃守備王國

雄平素待兵一味從苛上年冬間應發冬春

二季餉銀該守備扣留不發勒令先買馬匹

以致逆匪手得先起意糾約夥黨滋事洩憤

迨至變生倉猝該守備並不彈壓抵禦輒聞

風由署後避藏越城遠匿任令劫餉劫因肆

意焚擄實出情理之外朕閱摺內稱該守備

平素待兵從苛之語已用硃筆批示此其小

咎至風聞潛藏此則罪之大者勒保亦稱王

國雄管兵過嚴及扣餉買馬均非大罪惟越

城遠避兩日置城內官民於不問其情節與

臨陣脫逃無異所論切當之至正與朕意符

合可見勒保歷練曉事嘉是覽之王國雄辦

理營伍事宜諸未妥協設使於叛匪起事時

挺身勦捕或力竭被戕原可置之不論即或

因保衛城池受傷未死覈其激變情罪亦不

過予以發遣今竟棄城逃匿貽害地方此即

該員平昔辦理營務處置得宜亦屬罪所不

赦况該員既已乖謬於前又復畏葸於後此

而不嚴行懲辦何以飭軍紀而肅戎行守備

王國雄著即行正法以昭炯戒並著傳集同

城武職員弁同赴市曹閱視諭以該員身罹

重辟實由於棄城避賊俾共知懲創死於王

事則永沐恩榮死於國法則子孫蒙垢大義

昭然千古一理至此次叛匪滋事該管總督

提鎮等本有應得之咎惟念勒保原在陝省

會辦寧陝善後事宜於叛匪起事並未在川

聞信後即星赴綏定查辦並先時練勇會哨

飭令桂泓羅思舉就近勦除得以即時撲滅實屬調度有方功過足以相抵所有自請吏部議處之處著加恩寬免署遊擊塞普微額緝拿叛匪身受棍傷又帶兵隨同桂泓勦捕出力亦著加恩免其議處提督豐紳總兵田朝貴遊擊涂陞俱著交部議處又另摺奏訊據王得先供詞該匪等起事時原約除殺守備王國雄之外不可戕害官兵設或官兵追勦緊急可冀投首免罪等語此因王國雄罪無可逭與地方文員無涉至謂官兵追勦緊急希冀投首免罪之語總由於德楞泰辦理寧陝叛匪輕率受降過於寬縱以致綏定叛匪亦聞風效尤流弊滋甚勒保並當曉諭各營新兵務須安靜操練恪守營規毋得逞意妄為自取罪戾儻有桀驁不馴滋生事端者均當執法嚴辦或竟有似此倡亂之徒即使悔罪投誠亦必按律治罪斷不能倖邀寬貸如此剴切宣示庶使各知儆凜不致復罹憲

典也所有辦理此案緣由並著通諭中外知之○四川綏定府叛匪王得先孔傳世劉金定伏法○賑四川綏定府難民並給房屋修費免達縣本年額賦○壬申

上詣

大高殿行禮○還宮○旌表守正捐軀雲南雲南縣民張繼後妻郭氏○是月盛京將軍富俊等奏請將奉省高糧粟米暫禁海船運賣以資本地民食得旨依議中外一家不可過

禁因時制宜尚可○湖廣總督汪志伊奏謝
頌賞

御製懲蠹詩墨刻得旨人心不古作偽者多一味姑息獎將百出必須廉明任事有守有為勉之毋怠○河東河道總督吳璥因率請攤徵歲料幫價部議降調奉旨改為留任奏謝得旨嚴察冒濫工歸實用勉力辦理自潔其身而不能除弊仍屬無益須大加整頓方妥

大清仁宗受天興運數化綏猷崇文經武孝恭
勤儉端敏英哲睿皇帝實錄卷之一百七十三

實錄卷一百七十三

七

大清仁宗受天興運數化綏猷崇文經武孝恭
勤儉端敏英哲睿皇帝實錄卷之一百七十四

欽 修

嘉慶十二年丁卯二月癸酉朔諭內閣德楞

泰等奏官兵圍剿瓦石坪叛匪首夥全擒盡
數撲滅緣由一摺覽奏實深欣慰此次陝省
瓦石坪叛匪滋事經官兵痛加殲戮餘匪二
百餘人竄入巴山老林藏匿延喘薛大烈楊
遇春祝廷彪羅思舉張俊蘇勒芳阿督兵五
路進剿擒獲偽總帥偽元帥首夥多名計叛
匪四十八人全數殲獲並無一名漏網所辦
可嘉本日正值朕宮中祀
神之期午閒即據遞到德楞泰等六百里捷報

吉事有祥。以手加額。特發去。

神猷一盤。賞給德楞泰全保方維甸。薛大烈。分嘗。用昭渥春。並賞給薛大烈。白玉喜字。搬指一箇。黃瓣大荷包一對。小荷包二箇。除副將祝廷彪。羅思舉。前已降旨。加恩交部議敘外。薛大烈。楊遇春。均著加恩交部議敘。至遊擊張俊。勦捕叛匪。隨同出力。自應一體仰邀甄敘。但此次叛匪。是否有張俊所管營兵在內。有無激變情事。著德楞泰等查覈明確。如該匪等起事。實與該遊擊無涉。亦並非其所轄。即應奏明候朕施恩。儻有該管營兵在內。則該遊擊此次奮勉出力。功罪亦可相抵。若竟係該遊擊激而生變。不惟不應加之獎勵。並當示以懲創。德楞泰惟當秉公查詢。據實具奏。以憑覈辦。至蘇勒芳阿。雖亦隨同帶兵勦賊。但伊從前方朵蘭潰兵一案。尚未據德楞泰等查覈明確。應俟定擬具奏到日。再降諭旨。所有此次打仗官兵。著德楞泰等查明實

在奮勇出力者。加恩賞給一月錢糧。其餘隨同出力者。賞給半月錢糧。至前次川省勦捕綏定叛匪一案。辦理亦甚迅速。桂涵所帶兵丁五十名。亦著加恩賞給一月錢糧。其餘在事之團練鄉勇。並著勒保查明實在出力者。加恩賞給一月錢糧。隨同出力者。賞給半月錢糧。以示鼓勵。其陣亡四川新兵周金一名。陝西新兵張榮。馬有貴二名。俱著加等照外委例賜卹。至摺內稱賊首韓金堂等見大兵雲集。逃竄路窮。喊稱饒命。棄械跪地等語。與川省綏定叛匪所供。設或官兵追勦緊急。可冀投首免罪之語。情詞如出一轍。可見該匪等固孽由自作。亦總因寧陝叛匪滋事。德楞泰輕率受降。並未懾以軍威。遂爾心存玩視。相率效尤。以致綏定。瓦石坪。倡亂匪徒。層見疊出。在德楞泰前此受降。係屬一時冒昧。殊不思此等愚頑無知之徒。辦理輕縱。即罔知儆懼。甚至焚燬民房。搶掠姦淫。無所不至。皆

由從前率准投誠之故。若德楞泰彼時一意主剿。必能將叛匪全數殄除淨盡。何至有綏定瓦石坪叛匪屢次滋擾之事。既不致戕害無數生命。且民人家室得免流離。婦女不遭淫辱。其所保全者轉多矣。現在所獲各犯。據德楞泰等摺內稱。擬將首逆凌遲。賊目叛匪及投往賊營遊匪。盡行正法等語。所見甚是。自應如此辦理。並著德楞泰勒保等。曉諭川陝各營新兵。嗣後務當安分守法。若有倡亂

滋事者。國憲具在。即力竭投首。亦斷難倖免誅戮。況新兵等既入伍食糧。均當為國家出力。自非心懷反側。皆得共享昇平。朕一視同仁。伊等更無庸妄生疑慮。即如桂福。羅思舉。皆係由鄉勇出身。因効力戎行。屢著勞績。不次超擢。用至專閫大員。近日如羅貴。亦係新兵。因勦捕綏定叛匪出力。破格殊施。錫子勇號。仍加等擢用。至如此次陣亡之川陝新兵。亦俱加等賜卹。若自作不靖。即分別凌遲正

法。不能稍為寬貸。蓋急公効命。則仰沐恩施。蒙麻奕世。作奸犯科。則身遭誅殛。妻孥不保。禍福惟其自取耳。仍著德楞泰等嚴訊現獲各犯。查明起事根由。該匪等此次並未戕害地方官吏。諒非激變。究竟因何起釁。務得確情據實具奏。又諭值年旗都統等。以奉旨撥帑生息。賞添養育兵額。恭代八旗兵丁具奏謝恩。朕以八旗滿洲蒙古生齒日繁。家計不無拮据。特沛恩綸。又撥生息帑銀七十萬

兩。令添養育兵額。以裕旗人生計。但國家經費有常。格外之恩。豈可屢施。該都統等俱有管教兵丁之責。當以國事為家事。視兵丁如子弟。實心訓誨。俾所屬兵丁勤慎當差。節儉度日。切勿苟且因循。膜視公務。兵丁等嗣後益當感此殊恩。各以清語騎射為本。篤志練習。崇尚節儉。慎勿任意奢靡。妄冀屢邀曠典。父教其子。兄勉其弟。革奢侈之澆風。復敦龐之舊俗。以期家給人足。毋負朕諄諄告誡。至

意○又諭本日據給事中王鍾健奏有湖北提塘送到叅將王定遠書信一封拆看並無信札內祇有轉投成親王紅封一件謹將原封呈奏朕閱封內東辭係稱原任總督百齡辦事認真今降級調用求成親王轉奏等語當命軍機大臣詢問成親王曾否認識王定遠據稱並不記有王定遠姓名朕召見瑚圖禮詢及據瑚圖禮奏稱王定遠係由武舉出身充兵部差官捐納叅將在楚省於營伍事務不甚諳習才具亦屬平常復交兵部查明該叅將係直隸人其出身履歷與瑚圖禮所奏相符王定遠並非武進士亦未曾充當侍衛無由與成親王認識輒敢擅通東啟又不徑遞至成親王府中封交王鍾健轉投及詢之王鍾健又稱與該叅將素不識面王定遠形蹤詭譎實係不安本分之徒至百齡獲罪緣由若伊居官別有劣蹟早加重譴原因其咎止失察家人犯賊是以僅予薄懲旋加恩

用至道員封疆大吏其黜陟用舍朕權衡一秉至公王定遠以卑賤武弁輒敢妄言國事殊屬狂謬王定遠著革職交汪志伊章煦親身提訊伊因何擅寫稟函專欲投遞成親王又因何封交素不識面之王鍾健轉遞令其據實供吐毋任稍有隱飾審明後即按例定擬具奏尋奏訊明王定遠並無交接情事應照上書不稱本職而條陳事務詐妄者律從重發往伊犁充當苦差從之○甲戌以舉行

仲春經筵遣官告祭

奉先殿

傳心殿

上御文華殿經筵直講官英和曹振鏞進講論語修己以敬講畢

上宣御論曰君臨天下莫先修己修己斯能治人其效捷如影響修己之要在主敬平時收攝身心內省不疚操持矩矱慎獨謹微則天理常存物欲遠屏矣為百官兆民之表率必

主一念之敬。純而不雜。感而遂通。先成己而後成物。則事得其序。物得其和。從欲以治。庶績咸熙。皆主敬基之也。夫莊以自持。羣興儼恪之心。舉措合宜。咸服照臨之徽。其身正。不令而行。誠端本之極則也。德義可尊。作事可法。民孰不感化乎。惟自勉寸心。常持誠敬。希古聖之心傳。作君師之標準。則上行下效。唯反求諸己耳。若不能自正身心。則表儀不端。焉能率下。未有己不正而能正人者也。人君

一身上承天命。下繫民生。一念不謹。或貽四海之憂。一事偶疏。恐致無窮之患。曷其奈何。弗敬。吁。可畏也。直講官孔郎阿劉鏐之進講書經君子所其無逸講畢。

上宣御論曰。尚書為人君之大經大法。而無逸一篇。又為全書之綱領也。每誦其書。沈潛玩味。意深遠而旨精微。洵立綱陳紀之準式也。蓋人君居九重。處富貴。鮮衣美食。好逸厭勞。祇知一身之飽煖。不恤庶民之飢寒。馴至感

心志。壞政事。皆由怠也。苟能朝乾夕惕。旰食宵衣。以己飢已溺為懷。存同胞物與之念。凡出處語默動靜作息之閒。莫不祇嚴天命。顧畏民艱。兢兢業業。以無逸為所。則孰不從風嚮化。敢圖暇豫乎。宥密於萬幾。而不敢有一事之忽。危凜於一心。而不敢有一念之偷。民生在勤。勤則不匱。小民尚不可怠惰。況人君任大責重。一日萬幾。舍勤奚能求治哉。持此不敢暇逸之心。勤勞庶政。不令叢脞。斯真知小民之艱難。永享天心之眷顧。誠萬世君道之極也。禮成。

上幸文淵閣。賜講官及聽講諸臣茶。復賜宴於本仁殿。諭軍機大臣等。安徽壽州民人張倫。李賡堂。李小八。攷三。命中毒身死一案。前因屢控屢翻。交初彭齡審訊。節據初彭齡奏到。緣係張大有先與弟婦胡氏通姦。後因胡氏復與張倫通姦。經李賡堂。李小八攷撞破。宣揚張大有起意謀毒滅口。致死三命等語。

曾於正月二十二日降旨初彭齡如果審訊明確則張大有情罪甚重應一面將全案定擬奏聞一面將該犯即行正法續據初彭齡定擬全案奏聞將張大有問擬斬決昨經交部覆覆於正月三十日降旨將該犯正法該部已即日行文知照本日復據都察院奏張胡氏之兄胡兆信現又來京具呈翻控以該氏並無通姦情事其李小八孜等三命實係烘板中毒身死此案初彭齡所審各情案據頗為確鑿但胡兆信既來翻控若不再加研究令胡兆信與張大有面行質對尚不足以服其心現已欽派大員前來安省覆訊此案所有張大有一犯著暫緩正法以便欽差到時提同質訊俾案無疑實初彭齡接奉此旨惟當將該犯牢固監禁聽候提質若欽差未到之前任禁卒人等稍有疏虞致令自戕身死轉似有意致死滅口難成信讞則惟初彭齡是問將此諭令知之○命吏部左侍郎王

麟刑部左侍郎韓對馳往安徽審案○移福建鳳山縣城於舊縣興隆里從將軍賽沖阿請也○乙亥遣官祭文昌帝君廟○以故輔國公綿佐子奕資襲爵○
上以祭社稷壇自是日始齋戒三日○丙子命都察院左都御史周廷棟奉宸苑苑卿廣興馳往河南審案○以翰林院侍讀學士李宗瀚署日講起居注官○丁丑祭先師孔子遣榮郡王綿億行禮諭內閣乾清宮西暖閣內安設書格恭貯五朝實錄
聖訓排次充盈茲纂繕
皇考高宗純皇帝實錄
聖訓將屆告成諏吉受書敬惟
皇考臨御寰宇六十年
訓政三年久道化成

功文巍煥載之簡冊篇帙尤繁理應依次排貯

因念乾清宮東暖閣內亦安設書格與西暖

閣規制相同東暖閣位次居尊自應恭奉

五朝實錄

聖訓先期移貯東暖閣俟受書日再恭奉

高宗純皇帝實錄

聖訓安度西暖閣於敘次益昭允協著欽天監

即選擇吉日時具奏候朕簡派親王大臣敬

謹移貯○諭軍機大臣等阿林保奏蔡逆匪

船因沿海斷絕接濟奔竄入粵現催舟師遇

境會勦一招蔡逆匪船因閩省舟師追勦緊

急水米火藥一無接濟乘間竄往粵省希圖

遠颺延喘其勢窮蹙已極但閩粵洋匪同一

劫盜安知不聲息暗通同惡相濟現在粵洋

盜首如鄭一烏石二等著名巨憝尚在稽誅

設蔡逆匪船入粵後該逆等容留合夥豈不

又增其羽翼此時阿林保已咨令李長庚趕

過粵洋躡蹤追勦第念粵省海洋沙線李長

庚未能諳習且恐閩省所造同安梭船帶入

粵洋駕駛不能應手於事轉屬無益吳熊光

或於粵省多備米艇俟李長庚帶兵到粵時

令其酌量換駕俾資緝捕尤為得力總之蔡

逆既入粵洋則粵省舟師即應上緊迎勦此

事責成吳熊光督飭錢夢虎孫全謀統領舟

師探蹤迎擊與李長庚收兩面夾攻之效斷

不可令其與粵省盜匪合夥此為最要將此

諭令知之○以故輔國公弘勳孫綿護襲爵

○以正黃旗滿洲副都統伊冲阿為盛京兵

部侍郎調鑲紅旗蒙古副都統裕興為正黃

旗滿洲副都統以內閣學士哈寧阿兼鑲紅

旗蒙古副都統○以湖南常德協副將蔣觀

濤為雲南昭通鎮總兵官○遣貝勒綿懃帶

領侍衛十員往奠故盛京兵部侍郎公豐紳

濟倫茶酒予祭葬如例 戊寅祭

大社

大稷

上親詣行禮○諭內閣。王慶奏。確查弁兵越級戴用官頂緣由一摺。據稱。檢查新疆檔案。並部頒則例。回疆並無比照軍營弁兵加等戴頂之例。亦無從前賞給弁兵加等戴頂之案。祇查有乾隆五十六年。德勒克扎布任內。起以及歷任大臣。指放金頂。隨營外委各堂印執照。至守備姜大凌。從前所用四品頂帶。係明興當堂分付。以回疆有加等頂帶之舊規。與外委周廷弼一同受賞。並無勞績。亦無賄囑情事等語。官員頂帶名器攸關。豈容稍有僭越。聞新疆相沿陋習。文職部員及筆帖式等。頂帶俱僭越二級。營員備弁以下。頂帶俱僭越一級。以及兵弁書吏。皆有僭用頂帶之事。並未見諸例文。當日曾否奏明奉有特諭。事隔多年。均無可考。此在新疆甫經平定之時。或因彈壓外藩。藉肅觀瞻。尚屬一時權宜。今新疆久隸版圖。與內地無異。中外大小官員。其品級皆有定制。豈可不明示等威。以

彰畫一。乃歷任新疆辦事大臣。均沿該處舊習。任聽官員弁兵人等。僭用頂帶。實屬非是。著傳諭各路新疆辦事大臣。除將現在官員弁兵等所用越級頂帶革除外。此後不准再有越級戴用。其未經年滿書吏。亦毋許擅給頂帶。外委不得倒外增添違者。著照違制例加倍懲處。再向來派往新疆守卡各員。因侍衛章京人少。往往即派拜唐阿前往。該拜唐阿到彼後。皆戴用藍翎侍衛頂帶。及年滿回京。仍將翎頂徹去。似此翎頂忽戴忽徹。亦不成事。且近於虛偽。非所以崇尚實政。嗣後新疆管卡各員。均著由侍衛章京派往。如侍衛等一時乏人。著即在拜唐阿內擇其人才出色者。擬定正陪帶領引見。挑補藍翎侍衛額缺。再行派往。至此事明興。德勒克扎布二員。前於玉慶初次查奏到日。傳到軍機處詢問之時。據明興稱。守備姜大凌。外委周廷弼。均未給與越級頂帶。德勒克扎布亦稱事隔多

年不能記憶清楚等語。今據王慶訊明姜大凌周廷弼越級頂帶係明興當堂分付伊二人所供皆同。而該處給發虛頂執照起自乾隆五十六年德勒克扎布任內。明興德勒克扎布給與弁兵等越級頂帶。猶係因循陋習。咎尚可寬。惟於傳旨詢問之時。並不據實登答。伊二人皆曾任大員。飾辭卸過。不可不示以懲處。明興德勒克扎布均著革去筆帖式。發往熱河充當馬甲。交與慶傑嚴行管束。差

委○己卯

上至吉安所

婉貴太妃金棺前奠酒○

孝淑皇后忌辰命

皇次子祭

陵寢○諭內閣都察院奏四川巴縣監生劉恪以謀命奪產等情具控。請旨飭交總督勒保審辦一摺。詳閱所控情節。此案先經勒保具題。以劉恪之子劉仁沛同弟劉仁浩在田收

割。與劉大模地界相連。劉大模酒後路過。心疑劉仁沛等偷割伊穀。致相爭鬧。劉仁沛等將劉大模揪按捆縛欲毆。劉仁源瞥見伊父被捆情急。點放攜帶鐵銃。希圖嚇退。致傷劉仁沛殞命。劉仁沛係劉仁源小功服兄。將劉仁源依律問擬斬決。刑部覈議題覆。業經降旨。以劉仁源殺父情切。適傷劉仁沛身死。並無必欲致死之心。從寬改為斬候。今據劉恪所控伊子劉仁沛受傷斃命緣由。則係劉大

模等謀產不遂。執持烏鎗木棒向劉仁沛等打鬧。點放斃命。並稱鎗傷三十二鐵子透內。棒傷右耳門。兩目突出。又稱地棍伍廷簡有通盜濟匪之事。與該督原題誤傷身死起釁。根由迥不相同。是否因痛子情迫砌詞捏控。抑係冤抑莫伸。必當秉公確審。以折服其心。現在勒保駐劄綏定。尚未回赴成都。所有劉恪控案。著交特清額親提案內人證嚴審定擬具奏。至近日各省民人來京控訴者。殆無

虛日。其中原不無刁健之徒。捏詞聳聽。冀圖傾陷。然伊等長途跋涉。遠至京師。自必有迫於不得已之苦情。若地方官秉公研審。不稍迴護。小民冤抑得伸。豈肯遠涉控訴。試思各省設立督撫。司道府州縣等官。於民間詞訟。果能持平聽斷。據情申理。何至羣趨來京。清控。自係因欽差審斷較外省平允。是以紛至沓來。總由地方大吏不能認真覈辦。一味養尊處優。遇有控訴案件。輒委屬吏經理。督撫

等即無受賄偏聽庇縱情事。但於屬員審辦之日。不復留意詳覈。以致冤抑者多。動須欽差前往訊辦。如此則各省安用設官分職為耶。況各省控案。發交該省督撫審訊。多係仍照原審覈奏。一經簡派欽差按鞫。則虛誣反坐者固所時有。而審訊得實之案亦不一而足。可見各該督撫或因規避處分。或因袒護屬員。讞案多未允協。致令驛使煩煩。自問能無愧於心乎。特清額前次辦理都爾嘉一案。

尚屬認真。今特交伊親提此案審訊。即與欽差無異。僕劉恪所控屬實。伊固不可因勒保係原審之人。現在同官意存瞻顧。亦不可因從前曾經奉有加恩。改為斬候之旨。稍涉拘泥。惟當據實覈辦。以成信讞。若所控全屬子虛。則劉恪砌詞妄訴。必應加倍治罪。以懲刁風。僕經此次審辦後。尚有不實不盡偏袒枉縱之處。一經翻案。則特清額不能辭咎矣。○又諭據順天府衙門奏。拏獲包攬水工虐使

貧民之棍徒宋義忠等。請旨究辦。一摺。此事朕從前即有所聞。曾經飭諭查拏。茲拏獲包攬棍徒。並驗取被虐工人傷痕屬實。地方官私設班館。擅用非刑。酷虐民命。尚例應嚴禁。今宋義忠等以鄉曲平民。敢於附近京城地方。私置鍋伙住房。安設棘牆。圍禁工人。毒毆陵虐。致有傷殘。實屬頑忍不法。著交刑部提犯嚴審。定擬具奏。其鍋伙房屋棘牆。著順天府飭知地方官即行拆毀。嗣後並著地方文

武官員留心查訪。如有似此設立窩局。酷虐貧民者。即報明嚴拏。按律究治。○諭軍機大臣等。錢夢虎覆奏。殊批。密諭一摺。所論是。已於摺內批示矣。海洋盜匪。劫掠商船。並不始於近日。總由捕務懈弛。遂致匪船日多。此時欲翦除巨憝。綏靖海疆。惟在文武和衷。認真辦理。方有成效。乃近日文武往往互相護卸。未能各盡其責。在文員則以為造有船隻。足供緝捕。而舟師出洋。每灣泊港汊。藉守候風

信為詞。實則心存畏避。退縮不前。在武員則以為終朝在洋。衝風冒險。而岸上接濟。不能斷絕。以致剿捕難於得手。不知地方文武果能同心合力。認真捕緝。斷無盜風不戢之理。即如閩省三沙各洋面。舟師窮力追剿。而各口岸水米火藥。俱已斷絕。蔡逆隨向粵洋奔竄。此即該省認真辦理之明效大驗也。吳熊光等先後奏到情形。皆以吳川之廣洲灣。遂溪之東海。為盜匪藏匿之所。其入港處有獅

子球激沙二門。應行堵塞。使賊船無從駛入。再行建築礮臺。以資防守。該督等既體勘地勢形勝。應即實心辦理。其應造船隻。均須趕緊備造。以資駕駛。毋得徒託空言。有名無實。總之武將當以出洋緝捕為己任。不可稍有怯懦。其岸匪接濟盜船之弊。應責成地方官實力稽查。嚴行斷絕。俾盜匪無以為生。水師勦捕自易為力。吳熊光孫王庭錢夢虎等。或身任封圻。或職司專閫。惟當併力一心。妥協

辦理。以期綏靖海疆。無負朕委任訓誡至意。將此諭令知之。○庚辰

上御乾清門聽政。○遣官祭黑龍潭

昭靈沛澤龍王之神。玉泉山

惠濟慈佑靈瀨龍王之神。○諭內閣。本年京

察屆期。吏部開列在京各部院大臣。及各省

督撫名單進呈。請旨甄別。大學士向不開列。

第念大學士慶桂。董誥。參贊綸。扉。襄理樞務。

恪勤供職。夙夜匪懈。祿康費淳。雖甫經補授。

大學士。但平日辦理部務均屬勤慎。俱著加恩。交部議敘。協辦大學士刑部尚書長麟。辦理刑名綜覈詳慎。協辦大學士戶部尚書戴衢亨。經理度支兼軍機處行走。勤慎出力。兵部尚書明亮。係舊有勞績之人。近年辦理部務亦均小心無誤。戶部侍郎托津。在軍機處行走。供職勤慎。均著加恩。交部議敘。都察院副都御史誠存。自擢置憲臺。毫無建白。且年已衰老。著即以原品休致。餘均著照舊供職。

四川總督勒保。在外更事有年。勤能諳練。閩浙總督阿林保。雖補放總督未久。但到閩後。於海洋捕務能認真督辦。使洋匪接濟斷絕。勢極窮蹙。洵屬勤勉。均著加恩。交部議敘。餘俱著照舊供職。○以太僕寺卿額勒布。為大理寺卿。詹事府少詹事書明阿。為詹事。○辛巳。遣官祭。

闕帝廟。○諭內閣。八旗滿洲都統等會奏。議覆御史英綸條奏八旗增添護軍。並請將巡

捕營守備千把等缺。分撥旗員升補。及賡音奏。籌禁旗人借用重債一摺。著依議行。朕日理萬幾。羣生在宥。凡恩施下。速可見施行之事。在廷大臣。以及科道等官。果有真知灼見。足以推廣補裨之處。原當隨時啟沃。密行陳奏。以備採擇。而不居其功。蓋惟辟作福。惟辟作威。古今通義。周書君陳篇所云。嘉謀嘉猷。入告我后于內。乃順之于外。曰。惟我后之德。即謂此也。若不顧事理之可行與否。輒以建

白自鳴。致令外間傳說紛紛。以朝廷布德行惠之大政。幾視為沽名市恩之舉。臣工等本不應如此居心。況事又窒礙難行。尤不得以空言而邀虛譽。即如英綸所奏八旗增添護軍一節。此次恩賞八旗生息銀兩。現據該都統等議添養育兵四千餘名。若如該御史所奏。祇添護軍八百名。及養育兵一千三百名。為數幾至減半。是恩賚轉覺偏枯。至該御史以添設養育兵。恐啟以少報多之弊。或數年

後生齒益繁。視為常例。又思增添勢必無所底止。但添設護軍。在不肖者寧不可營私舞弊。數年以後生齒益繁。又能保其不復思添設護軍耶。況既添設護軍。即須增設護軍校。尤為營制攸關。其所請以銀抵米之說。無論所定米價抵折不數。即同係護軍一體當差。或支本色。或給折色。事屬兩歧。設遇缺出。將如何分別挑補。紊亂舊章。毫無裨益。所奏斷不可行。至巡捕五營守備等官。各有額缺。朕於

滿漢臣僕一視同仁。滿員多占一缺。即漢員少得一缺。若以生齒繁多而論。則漢人更多於旗人。殊不足以昭平允。至賡音係臺諫之長。常時召見。遇有應奏事件。自當造膝而陳。何必形諸簡牘。其所稱清理旗人私債一事。不特瑣屑紛繁。不成政體。且有無緩急人情之所常有。在借貸時本屬兩造出於情願。若旗人所欠私債。果有違例舉放盤剝重利情事。則例有明條。原可自行首告。僕所欠之債

並非違例盤剝。則自當按數歸還。此時若官為經理。不予清償。亦非情理之平。況目前即將旗人私債經官斷結。設旗人不知撙節。將來一遇窘迫之時。必致無可稱貸。此事總在該都統等飭屬勤加教導。使旗人等咸知制節謹度。力返樸淳。如有違例放帳扣取錢糧。並長短印子錢。吝及串通領催典賣錢糧者。著八旗及步軍統領衙門。申明舊例。出示諭禁。仍隨時訪拏懲辦。以期奸僧斂跡。而旗人

生計自可日臻充裕。方不負朕教養成全至意。不在多設苛禁也。所有此二摺礙難施行之處。並著通諭知之。○又諭據勒保奏查訊川北官兵在方榮關打仗情形。特參帶兵鎮將各員請旨懲處一摺。上年官兵在方榮關勦捕叛匪時。川陝兩省各營兵丁自告奮勇。在前敵先進者共一千餘人。殲擒賊匪多名。迨衆賊敗竄。官兵分路追躡。內兵丁三百餘人。先至近賊山梁。突遇伏賊。叛匪恃衆抗拒。

官兵衆寡不敵。間有傷亡。始行退下。且自寅刻進兵。至申酉時收隊。實已轉戰竟日。當時打仗情形。係屬先勝後敗。並非遇賊即行潰散。惟是官兵臨陣擊賊。克敵致果。一有敗衄。即應治以應得之罪。勒保請將帶兵鎮將分別懲處。聲明是日在事兵丁。因各營合隊同行。又值霧雨迷漫。其退走先後事後難以指實等語。川北兵丁。彼時與陝甘兵丁合為一處。先進後退。當時既不能辨認。此時調集質訊。兩省互相謾過。又無確證。若情罪稍有不實。轉不足以服伊等之心。且此後綏定瓦石坪兩次掃除叛匪。川北兵丁均各從征得勝。其功過亦尚足相抵。所有方榮闡打仗退後之川北兵丁。著加恩免其查辦。至田朝貴等統率師徒。不能整隊禦敵。咎實難辭。總兵田朝貴著革去提督銜。及巴圖魯名號。加恩留川北鎮總兵。仍帶革職留任。其失察達州營叛匪滋事之案。前經部臣議以降二級調用。

奏上時諭令俟此案查明。一併覈辦。田朝貴著再降三級留任。遊擊劉元明著降為都司。留於川省補用。把總高耀著降為外委。以示懲儆。勒保節制全省官兵。自請議處。固屬咎所應得。但勒保未身臨行陣。此次辦理綏定叛匪。尚屬迅速功過相抵。著加恩寬免。此案官員兵丁。均係朕格外施恩。嗣後有管轄營伍之責者。惟當申明軍紀。平時訓練士卒。務令步伐整齊。有勇知方。為國家効干城之用。朕整飭戎行。原情執法。必持其平。勿謂寬典可以倖邀也。○諭軍機大臣等。貢楚克扎布奏官兵查拏搶劫進貢堪布及青海蒙古之賊番並奪回牲畜各緣由一摺。向來野番等有搶劫蒙古之案。一經官兵緝捕。即相率竄逃。此次千總杜尚賢等踴躍探見有賊番多人。向前擒拏。該賊番竟敢有抗拒之勢。實屬慙不畏法。且官兵傷賊番數名。而官兵受傷者亦有五名。是臨時互有殺傷。亦不足以示威。

保無啟賊番藐視之心。貢楚克扎布當酌量
遴添兵力。扼要堵截。俾知震懾。一面派員剴
切曉諭利害。務令將正賊真贓獻出。以期肅
清邊界。至該蒙古懦弱性成。既不克自振作。
勉思保衛。遇賊番搶劫牲畜。均係官兵代為
查拏。乃復將被劫數目以少報多。希圖豫為
多得牲畜地步。尤屬可鄙。試思賊番等搶去
牲畜。沿途宰食及倒斃者。自所不免。安能一
無短少。官兵為之緝捕奪回。已屬天朝格外

恩施。豈有因原數不足再行墊償之理。況此
次官兵等緝捕出力。至有受傷而該蒙古並
未派有一兵隨同協捕。竟若置身事外。似此
不知輕重。將來設再遇賊番搶劫之案。官兵
當置之不顧。並當將西寧辦事大臣裁撤。看
爾等如何自為捍衛耶。著貢楚克扎布將此
剴切曉諭。俾該蒙古漸知奮勉自強。且可杜
其無厭之求。至此次千總杜尚賢追緝賊番。
奪回牲畜幾三千匹。尚屬出力。著加恩遇有

守備缺出。即行升補。其受傷兵丁馬成喜張
傑馬天良呂倫吉張學功等五名。著查明受
傷輕重。分別酌賞。其有因傷身故者。並著照
傷亡例分別賜卹。將此諭令知之。○賞二等
侍衛薩炳阿頭等侍衛為古城領隊大臣。○
壬午。

上詣

大高殿行禮。○幸圓明園。○癸未。

孝康章皇后忌辰。遣官祭。

孝陵。○諭內閣。初彭齡奏壽州三命重案。審有
請託情弊。據實奏一摺。壽州武舉張大勳
家毒斃三命一案。先於嘉慶九年。經總督陳
大文委淮徐道釐國等馳往查辦。即訊出因
姦謀毒情。當交與安徽省臬司郭雲布楊護
研究。彼時各犯證到案之後。悉如前供。並無
異詞。迨後因訟師劉儒恒具呈控告。復有旨
特交鐵保審辦。鐵保委江寧藩司康基田等
覆審數次。亦如安省所審。並未改供。因康基

田有河工要務。經鐵保調往清江。改發新任臬司遇昌。率同蘇州府周鏐等審辦。此案一到蘇州。經周鏐等訊問。遂即全行翻供。捏為蛇毒烘板情節。支離謬妄。全案子虛。現經初彭齡審明。此案實係張大勳胞兄張大有因姦起意謀毒致斃。證據確鑿。本日復據奏到提訊蘇州原驗。作王鳳等四人。均稱原驗實係中毒。其原卷內口供。辨別中毒服毒一段。伊等並無此語。亦未盡供。係屬周鏐向其

教供。隨又根究出案內有名之貢生孫克儔。其胞兄孫克俊。素與周鏐在京相好。又孫克儔亦與長洲縣知縣趙堂認識。上年到蘇託情等語。周鏐等以承審委員。審辦此等重大命案。輒敢聽受請託。顛倒獄情。甚至向作作教供。希圖翻案。實出情理之外。殊為可恨。必有受賄情弊。自應徹底根究。以儆官邪。此案初彭齡奏到定擬之後。又據都察院奏有胡兆信來京翻控。是以續派侍郎王麟韓對前

往覆訊。併有旨將案犯張大有暫緩處決。以憑質訊。該侍郎等在途接奉此旨。著迅速行走。並著該部行文沿途。將胡兆信趕緊解往備質。王麟等於到彼覆訊之後。如別無疑竇。即著一面奏聞。一面將張大有正法。其知府周鏐。知縣趙堂。萬承紀。均先著革職鎖拏。並交王麟韓對會同初彭齡嚴加審訊。究竟有無得贓入己情節。即加之刑訊。亦無足惜。其候選道員孫克俊。並著革職。交順天府五城

查拏解往歸案刑訊。所有此次來京翻告之胡兆信。並著王麟等究明。係何人教唆來京。是否亦係周鏐等所為。即確實訊明。一併具奏。至此案固係周鏐等顛倒案情。朦混上司。何以臬司遇昌肯即照依詳轉。毫無指駁。恐遇昌亦不免有受託等情。並著王麟等詳細研究。不可稍有瞻徇。如遇昌委被朦混。亦當將周鏐等如何朦混該司之處。訊問明確。將該司嚴叅議處。如訊有受託情事。即著將遇

昌傳旨解任再行研鞫。鐵保於遇昌詳到後率即照擬完結。併將周鏐等保奏亦屬謬誤。並著定案時一併參奏。初彭齡於此案悉心推鞠。秉公查辦。俾冤獄平反。得成信獄。實屬可嘉。不負委任。著加恩交部議敘。○又諭初彭齡奏據懷遠懷寧建德霍邱四縣士民先後籲懇代參令沙琛繳銀贖罪。初彭齡細訪該叅令所泣各邑均著有循聲應否准予贖罪據情奏聞一摺。沙琛前因署霍邱縣任內

於逆倫重案未能審出實情。問以軍臺効力本罪所應得。茲初彭齡奏懷遠等四縣士民均呈懇捐銀代贖。可見該叅令所到之處俱有惠政及民。故獲罪後猶欲代為贖罪。但其平日居官既好。此次獲罪之由祇係承審不實。尚非私罪。竟可免其納贖。所有該士民等情願措繳銀兩如尚未交納即諭令停止。若已完繳著即行發還。所有叅令沙琛著加恩免其發往軍臺効力。伊雙親俱已年老著該

撫卹卽飭令回籍侍養。以示朕孝治推恩至意。

○甲申遣官祭

先醫之神。○諭內閣求治以勤政為本朕親

政以來欽遵

皇考高宗純皇帝聖訓宵旰勵精兢兢業業不敢一事怠緩不敢一念自寬以是日理萬幾尚無叢脞即在京大小臣工經朕時時訓諭亦尚能仰體朕心於一切事務不致遲玩積壓朕猶恐日久耽悞提撕警覺弗懈益虔會

親製勤政殿記勤政箴以之自勸兼勸勵臣下曾經頒發各省大吏一體凜遵乃外省習氣督撫等養尊處優不思勤以率屬其初到任時亦往往以清理積案為言迨在任既久仍復徇於積習相率效尤所謂紙上談兵何益於事以致屬員等罔知儆惕任意廢弛於地方事件毫不介意案件積壓獄訟滋繁小民等冤屈莫伸訐告愈熾是以赴京控案近更累繁聞葦因循莫此為甚即如本日金光

悌奏到該撫到江西後巡撫衙門未結詞訟即有六百九十五起藩司衙門未結者有二百六十八起臬司衙門未結者有五百八十二起鹽道各巡道未結者有六十五起試思省城附近已有一千六百餘起未結之案則其餘府廳州縣未結詞訟當有若干殆不下萬餘起似此案懸不結拖累日多無怪小民等冤案莫伸而健訟刁翻伎倆抑且因此滋長也巡撫兩司大員受朕委任今吏治疲玩若此不可不示以懲儆該省巡撫內除景安溫承惠張師誠等或未經到任或到任未久無庸交議外秦承恩在該省巡撫任內最久先福久任藩司又屢護巡撫此等積案繁多伊二人無可辭咎均著交部議處其臬司任內係屬何人最久積案最多並著金光悌查明奏聞一併議處所有江西省積案著即照金光悌所請在於省城設立總局督同藩臬兩司遴派明幹委員趕緊清查分別覈辦勒

限完結無再逾緩其另片所稱向來學政衙門發審事件各屬因無所稽察均各任意延擱等語亦係實在情弊並著照該撫所請凡有在學政衙門控告事件一面批發一面咨會督撫衙門仍令該府廳州縣等於奉到批詞及審結後隨時詳報院司認真查覈至江西一省如此其餘各省情形大率相同各督撫屢經朕訓誡諄諄豈得仍前泄泄著各將自理及批發詞訟一一清釐審結不許再有積壓每督撫莅任伊始即將該省未結之案通行詳細查明究有若干起一面設法趕辦及早清釐據實具奏以便酌覈辦理但該督撫等又不可因江西省現因查出積案太多各罹處分遂不覈實奏明以多報少更蹈欺飾重咎將此通諭知之○乙酉春分朝日於東郊遣和郡王綿脩行禮○調正白旗蒙古副都統豐紳殷德為鑲藍旗滿洲副都統以散秩大臣花沙布為正白旗蒙古副都統

予故鑲藍旗滿洲副都統珠爾杭阿祭葬
加等並賞其長子布彥泰藍翎侍衛○丙戌
命於

黑龍潭

覺生寺設壇祈雨○遣官祭昭忠祠○諭內

閣朕恭閱

皇考高宗純皇帝聖訓乾隆十八年欽奉

諭旨嚴禁朝臣與諸王交接往來申明

世宗憲皇帝成訓令諸臣遠嫌自重仰見我

皇考整飭綱紀杜漸防微至意近年以來諸王
均各謹守法度朕亦未聞在朝臣工有與諸
王交往者惟是法制禁令恐習久相忘允宜
再加申儆諸王派衍天潢世膺封爵安富尊
榮此內有派管衙門職事者大小臣子或與
同事或隸所屬自不能不因公接見在官言
官外此則閤門自重絕不干與外事恪守典
章用克永承恩眷豈非諸王之福乎著交宗
人府將

皇考高宗純皇帝諭旨及朕此旨各錄一通傳
諭諸親王郡王等俾各謹凜遵循服膺無斁
○又諭朕恭閱

皇考高宗純皇帝聖訓內載

上諭內務府嗣後挑選秀女遇有

皇太后

皇后親弟兄之女親姊妹之女記名者著戶
部奏聞徹去記名至妃嬪等姊妹親弟兄之
女親姊妹之女有記名者著內務府告知首

領太監奏聞等因欽此仰見我

皇考訓諭詳明至為周備前於嘉慶五年間曾
經降旨令自嬪以上親姊妹俱加恩不必備
挑其親弟兄親姊妹之女則不在此例辦理
尚未盡一自應恭繹

聖訓酌定章程嗣後

皇后妃嬪之姊妹及親弟兄親姊妹之女於
挑選秀女時仍一併備挑著戶部內務府聲
明另為一班不必拘定年歲作為各本旗頭

起帶領著為令。又諭朕恭閱

皇考高宗純皇帝聖訓。乾隆八年。以修書各館。騰錄人員內。有不能繕寫之人。夤緣冒進。及上館之後。轉行倩募。書成濫邀議敘。特降諭旨。飭令秉公考覈。仰見我

皇考綜覈名實。釐剔弊端至意。國家開館纂修書籍。挑取騰錄生。俾之從事筆札。迨書成之日。給予議敘。以獎其勞。伊等得由此銓選。以為出仕之階。立法之意。甄藝能而廣登進。思至渥也。乃積久弊生。漸以不諳文翰之令。濫廁其選。轉募書手代完功課。至此次

實錄館之提調施杓等。竟私設公局。包寫書籍。尚復成何事體。嗣後著通諭館。各騰錄均由考校遴取。必無不能握管之人。凡有承領書籍。均責令親身繕寫。或遇課程緊迫。准其自行倩募善書者。幫同趕辦。不得任意包攬漁利。以朝廷獎勞恩意。轉啟冒濫倖進之門。庶名實相副。銓敘益昭慎重。○又諭朕恭閱

皇考高宗純皇帝聖訓。內載乾隆十四年三月。欽奉

聖諭。直隸河道事務。近年以總督兼理。不過於伏秋汛至之時。往來率屬防護。工程俱已平穩。所有直隸河道總督。不必設為專缺。即於總督關防勅書內。添入兼理河道字樣等因。欽此。是永定河道事宜。本係總督兼管。祇於大汛時往來稽察。近年以來。總督每遇伏秋汛時。常駐工次。動輒累月。其地方應辦事件。

均由郵封寄達。屬員等有稟商公務。亦須赴工謁見。幾輔重地。總督職司統轄。事務殷繁。驛遞往還。未免易致遲滯。而各屬員僕僕道途。徒滋跋涉。況河壩水漲不時。更虞稽阻。嘉慶六年間。永定河水漫溢時。姜晟即因水阻。不能前赴工次。案牘文書。更不能保無貽誤。殊非慎重地方之道。嗣後直隸總督於永定河伏秋太汛時。祇須酌量往來查勘。毋庸久駐工次。轉致勢難兼顧。其河工修防事宜。著

責成該道常時督率工員。妥為辦理。申報該督具奏。庶於地方政務。可以隨時清理。不致稍有積壓也。○又諭朕恭閱

皇考高宗純皇帝聖訓。內載乾隆十四年五月欽奉

聖諭。以雲貴運送銅鉛一事。諸弊叢生。委員往往逾違掛欠。多由捏報事故。所至停滯。以便作弊。而該省督撫以事不關己。不過以行文查報了事。殊非急公之道。嗣後銅鉛船隻過

境出境日期。及委員到境有無事故。並守風守凍緣由。俱應詳查明確。隨時具奏。欽此。仰見

皇考慎重鼓鑄立法周詳。各該督撫等。自應實力奉行。沿途稽覈。近年以來。往往視為具文。以致委員在途任意逗遛。久逾定限。幾致有誤鼓鑄。及到部交卸。又復虧欠累累。捏詞支飾。即如本日戶部奏。滇省委員李虞。除沈溺外。短少正銅至五萬九百餘斤。訊據供稱係

沿途起剝盤壩數十次。零星拋散。照料不周。所致。試思銅鉛船隻沿途果因起剝盤壩。致有損折之事。經過地方官自所知悉。均當申報該省督撫。即當詳細查明。隨時奏咨。何得視同膜外。任其朦混。除李度一運已另降諭旨。飭令沿途督撫查明覈辦外。嗣後銅鉛船隻過境。不特派員出之兩司。均當嚴行催趲。即各該督撫。務當一體隨時稽察。如查出委員有無故逗遛。藉詞延誤。以及盜賣等弊。即應

據實嚴參。毋得以行文查報。希圖塞責也。○定京察引見三品以下京堂甄敘例。又諭京察為考績大典。所以甄別賢否。明示激勸。向來內外大員。由吏部開列具奏。朕覈其勤能者。均特旨賞給議敘。其餘或照舊供職。或量予罷斥。其司官等。經各該衙門甄別等第後。內保薦一等等者。亦皆引見。各予加級。惟三四品以下京堂。向由王大臣驗看。擬列一等等者。例無加級。近年概行帶領引見。除年老才具

平庸者量予降黜。外餘俱照舊供職。並無甄敘之例。因思三品以下京堂官。其才具優劣不同。且三年內勤惰各異。若有懲無勸。既與內外大臣辦理兩歧。並不得與各部院司官保列一等。同邀加級。未免偏枯。所有此次京察引見三品以下京堂各官。太常寺少卿。色克精額。差使勤奮。讀祝嫺熟。太常寺少卿錢楷。內閣侍讀學士文孚。在軍機處行走有年。供職勤慎。著加恩交部議敘。其太常寺卿陳

鍾琛。大理寺少卿楊長桂。內閣侍讀學士通恩。道政使司叅議聞嘉言。或人本平庸。或年已衰邁。著以原品休致。餘俱著照舊供職。嗣後京察三四品京堂引見。均即照此辦理。並將此旨載入吏部則例。○又諭。據御史胡大成奏。餉項應令文員監放。請旨嚴飭直省督撫提鎮。轉飭所屬文武務遵例規一摺。各省營汛支發兵丁餉銀。本有文員監放。載在戶兵二部現行則例。具有專條。前於嘉慶十年

間。因鐵保奏請嚴定稽查各營兵餉章程。並經降旨申明舊例。令於鎮將發給兵餉時。責成道府大員會同監放。立法已極詳備。惟在該督撫等遵照定例。飭屬實力奉行。正不必徒事空文。轉滋煩瑣也。○諭軍機大臣等。據休寧縣耆民程元通呈控。棚民盜租山場。糾衆釀命一案。已有旨交初彭齡查辦矣。地方外來游匪。聚集多人。擾害居民。自應隨時禁止。但此項搭棚墾地游民。究係起自何年。現

在聚集實有若干人。若一時概行驅逐。恐辦理不善。失業者衆。或致別生枝節。轉屬不成事體。著初彭齡即選派廉明曉事文武大員前往查勘。或設立禁約。責令逐漸遷移。或勘定界址。就地妥為安插。不致無藉之徒愈聚愈多。日久為害地方。亦不致驅迫過驟。激成事端。該撫俟委員勘明詳稟後。再悉心體察。斟酌盡善。奏明斷結立案。以期永杜爭端。輯寧民業為要。將此諭令知之。○丁亥。諭內閣

勒保奏。綏定叛匪勦辦完竣。一切應辦事宜。俱次第經理。民情已極寧帖。擬即馳回省城任事。提督豐紳亦即起程。由城口至廣元一帶查閱營伍等語。同日又據汪志伊奏。湖北省自嘉慶七年添補新兵四千八百餘名。即有情願入伍之鄉勇在內。現在俱隨同陳兵一體操練。極為安靜等語。國家養兵備用。編隸營伍。給予錢糧。無論新兵陳兵。皆一視同仁。並無區別。從前勦辦邪匪時。川楚陝三省

雇募鄉勇過多。迨大功告成後。就其中情願入伍者。格外施恩。令其一律歸入營汛。食糧補額。乃自作不靖。藐法逞兇。如陝省之寧陝。瓦石坪。川省之綏定。叛匪等先後糾眾滋事。內除寧陝叛匪於乞降後。俱屏諸遠方。餘則概予駢誅。即時撲滅。罪孽實由自取。非獨於新兵執法從苛也。即如桂涵。羅思舉。皆係鄉勇出身。因其奮力戎行。屢著勞績。即不次超擢。用至專閫大員。馬兵羅貴。於勦捕綏定叛

匪殺賊立功。仰邀破格殊施。加賞已圖魯名號。可見良莠本自不齊。同一新兵。而倡亂者若彼。宣力者如此。賞罰懲勸。各按其功罪酌覈辦理。禍福惟其自取耳。至楚省新兵。恪守營規。甚為循謹。仍當隨時訓飭。俾益精嫻。並著川楚陝三省總督提督等。通飭營汛。剴切曉諭。令新兵等不必妄生疑慮。惟當以寧陝綏定。瓦石坪叛匪為戒。切勿作奸犯科。自取誅殛。若能急公出力。則仰沐恩施。如桂涵羅

思舉等。皆其明驗。正不必以入伍新陳。意存畛域。並當曉諭陳兵。一體勤加訓練。如有桀驁滋事逞兇不法者。立即懲辦。其奮勉効力者。並當隨時獎拔。如此明白宣示。加意整飭。庶新陳各兵。皆知安分守法。熟習操防。於軍紀營務實有裨益。將此通諭知之。○命喀喇沁貝勒丹巴多爾濟。在御前大臣上學習行走。○展緩湖北全省節年帶徵額賦。並耗羨銀。

大清仁宗受天興運敷化綏猷崇文經武孝恭勤儉端敏英哲睿皇帝實錄卷之一百七十四

平定回疆方略

中本

大清仁宗受天興運敷化綏猷崇文經武孝恭勤儉端敏英哲睿皇帝實錄卷之一百七十五

監外總管官糧廳主事太子太傅武英殿大學士劉開明等請將奏案上諭事件等語著照所請欽此

加二級分等加級著照所請欽此太子太傅武英殿大學士劉開明等請將奏案上諭事件等語著照所請欽此

事將奏案上諭事件等語著照所請欽此太子太傅武英殿大學士劉開明等請將奏案上諭事件等語著照所請欽此

部一應奉天北清湖圖等處總理工程處副總辦方御藥方太醫院西洋醫務處加三級總辦加三級總辦加三級總辦

英德是據等文字入信據部尚書古書局打式英德總辦管理圖子監事務次級總辦加三級總辦加三級總辦

教修

嘉慶十二年丁卯二月戊子諭內閣德楞泰

平定回疆方略

等奏查訊方柴關打仗退回兵丁將約束不嚴之鎮將參奏請旨懲辦一摺此次官兵在方柴關勦賊實係先勝後敗並非過賊即潰但臨敵退後官兵即均有應得之罪德楞泰等查訊情形與勒保前日所奏俱相符合此次川北兵丁昨因各營合隊不能確指先退之人已加恩免究其帶兵鎮將並各從寬謫處所有陝省此次打仗退回兵丁亦著加恩免其查究至總兵游棟雲到任甫經七日即

帶兵勦賊。當賊匪追撲官兵時。該總兵趕緊拏營督率兵丁放鎗轟擊。尚無怙怯情事。田朝貴任川北鎮將較久。平日疏於訓練。前將伊革去提督銜。已圖魯名號。留川北鎮總兵。仍帶革職留任。游棟雲與田朝貴過失相等。念其舊有勞績。況在任日淺。著加恩免其降調。留河州鎮總兵。仍帶革職留任。以示薄懲。副將祝廷彪。到漢中協任甫經三日。在方柴關打仗時。殿後衝殺。嗣勦除瓦石坪叛匪。超

衆出力。現另旨加恩賞給巴圖魯名號。此案約束不嚴之咎。竟予免議。蘇勒芳阿。係滿洲大員。勦賊不能獲勝。前已降旨革職。念其打仗時曾受箭傷。後隨同勦捕瓦石坪賊匪。亦有微勞。著加恩賞給藍翎侍衛。作為幫辦大臣。前往和闐換班。朕申明軍紀。權衡功罪。一秉至公。各營員應知感奮。平時訓練有方。臨事克敵致果。用副朕整飭戎行至意。○又諭德楞泰等會奏審明叛匪滋事原委。並獲

犯嚴辦緣由一摺。此次瓦石坪叛匪不守營規。心疑該守備張傑短發接濟銀兩。醉後出言無狀。膽敢藉詞恐嚇衆兵。糾約滋事。焚掠抗拒。實為罪大惡極。除臨陣殲斃各犯外。現獲之周士貴等二百七犯。業經德楞泰等審明。分別凌遲處斬。餘俱照議分別發落。至守備張傑於支發接濟銀兩時。因次年春季餉銀同日支發。即行坐扣一兩。係例應扣還之款。並非短發。剋扣追首逆周士貴等會聚飲

酒。聲言不如約人搶掠。該守備聞知。傳到呵斥。欲行申稟查究。亦係伊職分所當管束。且該犯等邀約開闢時。張傑當面向言。不如先將我殺害。該匪等猶稱不敢殺官。可見該備平素自無敏怨激變情事。惟據稱該匪等搶庫竄逸。時已四更。千總蒲明外委魏陞。即欲督率趕拏。張傑以夜間無處跟蹤。俟天明始行追拏。賊去已遠。未經趕上。其咎實在於此。但該備續經隨同勦賊。其並不即時躡捕之

處予以褫革已足示懲張傑著革職免其發往伊犁充當苦差千總蒲明外委魏陞雖有約束不嚴之咎但均能打仗擒賊功過尚足相抵蒲明著拔去藍翎仍帶革職留任免其責處魏陞亦著免其重責總督提督統轄營伍咎有應得前次川省綏定叛匪滋事勒保在陝聞信馳往調度有方迅速撲滅是以加恩免其議處全保於此次勒捕事宜祇係會同辦理所有自請交部議處之處著加恩改

為察議薛大烈帶兵圍捕出力前已降旨議敘著免其議處總兵王兆夢著交部議處遊擊張俊著以都司降補○命荊州將軍積拉堪來京另候簡用以鑲黃旗蒙古都統永懋為荊州將軍○以莊親王綿謀為鑲黃旗蒙古都統調鑲白旗蒙古副都統吉勒章阿為歸化城副都統以頭等侍衛明泰為鑲白旗蒙古副都統○己丑

上幸靜明園詣

龍神廟拈香○諭內閣據景安奏縣書私雕假印誣收花戶錢糧契稅現在查辦情形并將捏詞具稟及漫無覺察之知縣請旨革審一摺此案武陵縣糧書蕭嗣隴等膽敢私刻假印在於糧串稅契任意益用誣騙多銀並將武陵縣起解地丁正項錢糧侵用至二千兩之多用藩司假印捏造批迴膽大不法莫此為甚現據蕭嗣隴供認不諱案情已無不實但該犯等私刻假印係在嘉慶九年冬間事越兩載益用必多其誣騙錢糧稅契銀兩尚恐不止此數即州縣解司銀兩其侵蝕者亦未必止此一次且恐此外另有串通作弊之人案關重大不可不徹底根究著該撫親率兩司嚴行審訊據實定擬以成信讞武陵縣知縣周紹蓮雖係親自訪拏破案但於現充書吏捏稱革書又將革書捏稱民人意存掩飾其桃源縣知縣蔡孔易於境內縣民私雕假印毫無覺察均有應得之咎周紹蓮蔡

孔易俱著革職交該撫提同案犯一併審擬具奏○又諭西安滿兵如果有見賊逃竄之事不但蘇勒芳阿應行正法即扎勒杭阿祥保等亦應一併從重治罪今據德楞泰等奏審明官兵實係接仗竟日並無見賊逃竄情事蘇勒芳阿業經加恩伊等自當一體辦理扎勒杭阿著賞給頭等侍衛祥保著賞給二等侍衛在大門上行走祥保所襲勳舊佐領著加恩仍准其隨帶○辛卯

上詣

大高殿行禮○還宮○諭內閣德楞泰等奏遵旨查明陝省官兵借支銀數分別例內例外開單請旨一摺陝省官兵等從征有年借項累累上年方維甸查明例內應借各款咨部覈辦時業經降旨免扣十分之三以示體卹此次該官兵等在寧陝及瓦石坪隨同勦捕叛匪迅速藏功均屬出力所有陝省西安滿營軍標三營撫標二營提標五營提屬之陝

境各營延綏陝安寧陝三鎮標及所屬各營歷年借支各款無論例內例外著再加恩將兵丁借項下寬免十分之三其官弁借項寬免十分之二俾伊等得項稍紓操防益加奮勉該部即遵諭行○改陝西西鄉營遊擊為漁渡營遊擊兼轄瓦石坪汛漁渡營都司為西鄉營都司撥西鄉營把總一員兵一百名歸漁渡營從西安將軍德楞泰請也○貸陝西定邊縣民倉穀○壬辰

上啟鑒恭謁

東陵

西陵○諭內閣德楞泰等奏此次勦捕瓦石坪叛匪徵調各兵借領銀兩懇請分別免扣一摺瓦石坪叛匪滋事經德楞泰等調派西安漢南漢中西鄉寧陝滿漢營兵並羅思舉帶領川兵會合勦捕迅速藏功實屬奮勇出力所有該兵等陝省借領銀九千二百七十餘兩四川省借領銀一千二百兩均著加恩免其

坐扣其業經徵調未到軍營之西安滿營軍標固原各兵所借行裝銀兩並著加恩俟該兵等舊項扣完之後再行起扣以紓兵力○伊犁將軍松筠奏廢員再留期滿可否釋回得旨西達色以副將大員帶兵勦辦敵匪聞民間點放爆竹輒疑賊至施放排鎗似此怯懦無能又安望其奮勇克敵且派兵巡查時任令妄擊平人殺斃二命漫無約束情節較重著改發烏魯木齊再行効力三年俟期滿

後奏明飭令回旗其岱清阿那蘇圖二員均著准其釋回○免蹕路經過地方本年額賦十分之三○是日駐蹕烟郊行宮○癸巳駐蹕白瀾行宮○甲午諭內閣嘉慶四年

皇考高宗純皇帝

梓宮奉安

裕陵特派文武大臣侍衛等敬謹守護

陵寢原非令伊等永遠居住是以於嘉慶九年降旨將年老十餘員加恩令其來京此時若

概行撤回於朕追慕之忱實有未安其年老之散秩大臣德陞少卿慶岱柏慶加恩以原品休致回京侍衛松山等八員年歲漸老亦著加恩各回本旗其承襲世職人員照例在旗當差其無世職人員著各按品級以旗員補用伯鄂岳散秩大臣鄂勒弼圖仍作為領侍衛內大臣督率侍衛瑞祥蘇隆阿達沖阿納爾蘇扎什文陞瑞豐祥麟等敬謹守護裕陵俟二年後軍機大臣再行請旨○諭軍機

大臣等德楞額等奏酌留兵丁並山內巡兵一摺陝省南山漢南地方現已寧謐惟漢中係扼要之區當此叛匪甫定之後不可不留兵彈壓著照所請即將征兵內漢鳳畧陽寧羌陽平四營陳兵六百名給予鹽糧暫留漢中即派薛大烈在彼駐劄統領俟過麥收之時察看情形再行酌撤至山內游匪尚多德楞泰等請挑兵一千五百名分投搜緝自應如此辦理所有應支分例著准照本省會哨

兵丁之例支給俟緝捕游匪事竣即可酌量停止將此諭令知之。○又諭德楞泰奏奉派查閱川省營伍接到諭旨先行覆奏一摺現在陝省地方業經寧輯德楞泰擬在漢中暫駐十數日即先由川省次第周歷巡查據稱各營內新兵大半由鄉勇入伍且有赦罪教匪在內平時習於戰鬪入營後野性未馴將弁待之過寬即不知法度馭之過嚴又不能忍受等語馭兵之道不過恩威兩端若如德

楞泰所云竟似現在川陝各營情形迥無善處之法此論未免膠滯鮮通朕意該處各營兵丁既多桀驁不馴之氣未便再因循遷就姑息養奸自應肅清軍紀執法嚴明以期漸消惡習但嚴者非苛刻之謂總在為將領者平日正以持身凡於兵丁發餉派差等事毫無私曲有應行體卹者為之設法籌畫按照軍律以時訓練遇有揀選拔補額缺秉公曉示使兵丁等之於將領知感知畏不敢稍存

蔑視之見設有逞兇滋事之徒立即按法嚴辦以儆其餘如此威以漸立法以馴成亦何患營伍不肅然改觀乎至新兵陳兵尤不可意存區別如新兵中即有羅貴之深明大義奮勇殺賊者是以加恩超擢並特旨賞給巴圖魯名號以示旌獎各營陳兵人數衆多亦豈盡皆安分守法之人總當簡良除莠一視同仁則伊等更無可藉口致生疑懼此次德楞泰查閱營伍時當先將此意訓誡各鎮將

使之正己率下以盡統馭之道再體察各兵丁情形盡心撫導方為不負委任將此諭令知之。○西安將軍德楞泰等奏西安滿營餵養馬匹與綠營兵情形相同請一併設立棚槽官為餵養從之。○是日駐蹕隆福寺行宮。○乙未。

上恭謁

昭西陵

孝陵

孝東陵

景陵

裕陵俱未至碑亭。即降輿慟哭。步入

隆恩門詣

寶城前行禮。躬奠哀慟。王以下文武大臣官員

均隨行禮。○遣官祭

歷代帝王廟。○是日。駐蹕桃花寺行宮。○丙

申。駐蹕盤山行宮。至庚子。皆如之。○丁酉。賜

扈從王公大臣等食。並賞賚有差。○戊戌。

孝昭仁皇后忌辰。遣官祭

景陵。○諭內閣。溫承惠奏。查明天津縣海稅盈

餘案內。應行分賠。獨賠員名銀數。懇請將獨

賠各員暫緩離任。勒限追賠一摺。並分繕清

單進呈。朕詳加披閱。此項徵收盈餘銀兩。前

已奏准。自乾隆四十三年正月。起至嘉慶十

一年十一月止。按照每年動用之數。查明自

行挪用。與上司提用者。分別著賠。其自行動

用全數著賠銀兩。即照挪移庫銀之例。離任

分別問擬。統限一年全完。免罪。其未至二萬

兩者。仍准其開復。本屬按例辦理。姑念此項

海稅。尚未定有盈餘額數。該員等遂沿為落

地稅。陋規。隨時動用。覈其所開津貼款目。尚

屬以公濟公。究與挪移庫項者有別。且事關

二十餘年。歷任人數較多。所有應行分賠獨

賠銀兩。著加恩將乾隆四十三年至五十二

年。應賠之數。全行豁免。仍於五十三年起。分

別著落賠繳。其獨賠銀兩。該署督奏請勒限

二年之處。並著加恩再展二年。勒限四年全

數完交。仍加恩暫行留任。儻逾限不完。方治

以應得之罪。以示逾格。矜全曲加體卹至意。

○又諭廣厚奏。兵丁李林謀殺本管把總。已

經致傷。審明定擬一摺。此案兵丁李林。因扶

把總吳宗聖。審斷駁減銀兩。及誤差斥責之

嫌。輒敢起意謀殺。持刀連戳二傷。軍士干犯

本管將弁。最應嚴辦。以肅營規。今李林以兵

丁謀戕本官。不法已極。況新疆重地。尤不當

稍稽顯戮。廣厚於審明。後應一面奏聞。一面將該犯即行正法。乃仍驛奏請旨。廣厚歷任藩臬大員。非不諳事理者。何拘泥乃爾。所有李林一犯。著即處絞。至把總吳宗聖於所管兵丁出錢斂會。隨同在內。復屢次逼索錢文。卑鄙不職。俟先將李林正法後。再將吳宗聖革去把總。重責四十棍。遞回原籍。餘俱著照所擬完結。○乙亥。遣官祭賢良祠。○辛丑。清明節。遣官祭。

永陵
福陵
昭陵
昭西陵
孝陵
孝東陵
景陵
泰陵
泰東陵

裕陵○命

皇次子 祭

孝淑皇后陵寢○遣官祭

端慧皇太子園寢○以光祿寺卿胡長齡為太常寺卿○是日駐蹕白澗行宮○壬寅駐蹕烟郊行宮○是月江西巡撫金光悌奏查閱省標營伍情形得旨江西營伍最平常甚懦弱必須加意訓練漸臻強壯勉之○河南巡撫馬慧裕奏陳感悚下忱得旨汝立身尚正惟馭下過寬貽誤地方皆汝輩無能大吏釀成再不振作恐不免矣慎之○陝甘總督全保奏陝省事竣起程前赴甘肅並陳整頓各營伍事宜得旨所論皆是然必須言行相符不虛委任汝在楚諸事因循竟有全不管三字美稱試問於心如何對朕及百姓再不勉勵恐不免左遷矣慎之

大清仁宗受天興運敷化綏猷崇文經武孝恭勤儉端敏英哲睿皇帝實錄卷之一百七十五

寶錄卷之五

十

大清仁宗受天興運敷化綏猷崇文經武孝恭勤儉端敏英哲睿皇帝實錄卷之一百七十六

監修經筵官順昌府清江縣人法曹至孝爲縣學教士大瀾開館事穆宗於嘉靖中上諭事侍憲官加恩勅翰林院學士通判級奉敕修書後官翰林院修職官李承宗大瀾開大興方資諱明卿事穆宗初爲縣令以老乞養歸居上嘗太子少保門大臣大瀾開道來

閣下特登此奉
上諭曹仲虞協辦大學士戶部尚書翰林院掌院學士敦賢原任雲南巡撫黃旗滿洲副統索興額管理戶

卸工庫奉宸苑清漪園等處總理工程處御茶膳房御藥房太醫院西洋藥事務勞功加五級隨帶加二級尋常加三級紀錄二十一次

英和親王官太子太保禮部尚書上書房行走武英殿總錢管理園子監事務加六級隨帶加二級紀錄四次臣汪廷珍等奉

較修

嘉慶十二年丁卯三月癸卯朔

上詣

元靈宮

永慕寺行禮。○是日。駐蹕舊衙門行宮。○甲辰。上行圍。○諭內閣恭纂。

皇考高宗純皇帝實錄現屆告成尚書德瑛曹振鏞均著加恩充

實錄館正總裁所有皇史宬盛京尊藏本二分
首頁應列前銜著查照舊式將監修總裁慶
桂總裁董誥德瑛曹振鏞西人銜名排次繕

寫○是日駐蹕南衙門行宮○乙巳

上行圍○祭

先蠶之神

皇后親詣行禮○諭內閣朕展謁

西陵道經畿甸原任大學士朱珪之墓近距蹕

路數里追維哲輔逝已三月瞻眺松阡中心

愴惻著派侍郎英和於本月初五日前往賜

奠以達朕懷○是日駐蹕圓河行宮○丙午

上行圍○諭軍機大臣等松筠奏訪察玉慶劣

蹟據實嚴叅就近暫令廣厚前往確查一摺

玉慶人本喜事素不安靜自簡任新疆辦事

後屢欲討好見長紛更舊制是以特降諭旨

令松筠隨時訪查今果查出欺蹟種種實屬

任意妄為如土爾扈特汗台吉兄弟二人爭

產一事玉慶擅令丹津旺濟勒幫助伊兄納

木扎勒多爾濟每年給與元寶八錠大緞十

匹並令出具印文彼家事與玉慶何干朕並

未派玉慶管理土爾扈特汗家務原可置之

不問即果骨肉分爭具稟控訴亦應秉公辦

理乃妄逞臆斷勒令出銀幫助恐玉慶亦不

免有希圖藉端分肥情事又玉慶向丹津旺

濟勒要捨狍皮一百二十張當時雖據巴

桑覆稱不能找得是否隨後覓送尚未可知

但以辦事大臣向該管汗索取皮張實屬卑

鄙又據防禦扎克桑阿稟稱已革把總方天

印哭訴以玉慶先曾令伊尋覓驕騾因未應

承隨即藉事叅革並稱玉慶勒索當舖銀兩

係該處胡千總攢收送給玉慶收受等語此

時方天印已解至蘭州松筠行知陝甘總督

截留詳訊即著松筠飛咨該督將方天印速

解伊犁歸案審訊務須徹底根究俾無遁飾

現在松筠令廣厚以查臺為名前赴彼處查

訊著即交廣厚將玉慶先行解任審訊大概

情形帶同人證解往伊犁會同松筠秉公審

訊如訊出婪贓確據即將玉慶革職拏問按

律定擬具奏去年嚴辦都爾嘉玉慶豈不知

耶今竟敢如此妄為情節可恨松筠不可因
係琳寧之子稍存迴護必須嚴辦示懲以儆
貪墨其喀喇沙爾辦事大臣員缺已令那彥
成補授松筠接奉諭旨後即傳知那彥成令
其速赴新任並令伊於到任後查訊王慶如
此外尚別有散法營私情事即一面知會松
筠歸案審辦一面將伊任所貲財嚴密查抄
其庫車辦事大臣即暫令布彥圖署理將此
諭令知之○以二等侍衛祥保為伊犁領隊

大臣○賞看守南苑各行宮苑戶半月錢糧
海戶銀一千兩○是日駐蹕新衙門行宮○
丁未

上詣

惠濟龍王廟拈香○諭內閣前據汪志伊奏
拾獲匿名揭帖控告荊州將軍積拉堪與地
方官交接等事當即降旨交汪志伊查辦並
著該處副都統色布星額三成明白回奏茲
據汪志伊色布星額三成覆奏積拉堪實有

與知府林嵐在署觀劇等事實堪詫異積拉
堪受朕重恩授為將軍理宜潔己訓練官兵
不當與文官交結稍干與地方之事今積拉
堪因知府林嵐屢次邀請輒往伊署內宴會
觀劇又去年三月咨行印文由知府衙門借
取養廉銀二千二百五十兩至今尚未扣還
又因知縣方遵輒辦理盜案緝捕不善寄信
與該省總督全保欲將方遵輒參奏革職太
屬多事深負朕恩積拉堪前已令開缺來京

仍著交宗人府嚴加議處色布星額三成與
積拉堪近在同城明知此事不行阻止又不
據實參奏甚屬非是色布星額三成俱著解
任交部嚴加議處所有荊州左翼副都統員
缺著太原城守尉常春補授右翼副都統員
缺著莊浪城守尉德昌補授常春德昌接奉
此旨俱著即赴新任不必來京謝恩請訓惟
新任將軍永懋副都統常春德昌一時不能
到任永懋未到任以前將軍印務著湖北提

督慶溥暫行署理尋議將積拉堪革去不入
八分輔國公色布星額三成俱降三級調用
得旨積拉堪著革去公爵仍留四品頂帶賞
給四等侍衛餘依議○諭軍機大臣等據汪
志伊奏查勘隄工日親各州縣境內積年被
水田畝未涸請將湖北岸商匣費銀兩作為
防堵疏消之用一摺隄垸保衛田廬關繫緊
要今汪志伊目睹漢陽等州縣均有未涸田
畝未築隄塍並接據呈報江陵縣一百餘垸
因萬城隄潰口田畝盡沈水底監利縣一百
餘垸情形相同天門縣七十二垸全數被淹
此外漢陽潛江荊門公安應城等州縣民間
連名具呈或請堵塞開疏或請減則豁糧不
下數十起自應亟籌勸辦以興水利而衛民
田其所請岸商匣費一項作為修理之用自
係以公濟公事屬可行惟據稱該省岸商向
有督撫衙門匣費每年銀十萬兩因節奉諭
旨查禁後歷任督撫俱未敢收受等語此項

匣費銀兩現存何處覈計共有若干現在修
垸之費實需若干著汪志伊咨會額勒布查
覈明確會同妥議具奏將此諭令知之○是
日駐蹕黃新莊行宮 戊申以江南王營減
壩大工合龍河歸故道賞河道總督戴均元
副總河徐端太子少保銜並賞戴均元及道
員談祖綬葉觀潮花翎加道員藍圖按察使
銜已革兵部侍郎江蘭以郎中用已革山西
巡撫同興以六部筆帖式用已革山西按察
使傅修留江南以知州用餘升敘有差○展
賑奉天承德廣寧遼陽海城蓋平復錦鐵嶺
八州縣上年水災旗民並平糶倉穀○是日
駐蹕半壁店行宮○己酉駐蹕秋瀾行宮○
庚戌賞蹕路經過看守各行宮弁兵半月錢
糧○是日駐蹕梁格莊行宮 辛亥
上恭謁
泰陵
泰東陵俱未至碑亭即降輿慟哭步入

隆恩門詣

寶城前行禮躬奠哀慟王以下文武大臣官員均隨行禮○至

孝淑皇后陵寢奠酒臨

妃園寢賜奠○祭

先農壇之神遣儀親王永璇行禮○諭內閣本日朕恭謁

泰陵

泰東陵後至太平峪閱視工程見地宮內土性

燥潔工程亦俱堅固從前盛住管工時辦理尚屬用心伊前此獲罪係因聽從工匠於白椿外青椿內採取山石照刑律本例問擬但此條例文刑部原纂時本未將新舊例禁界限遠近分析詳明盛住獲罪時不能援奏定例文科伊重罪今此例業經大學士會同刑部叢議平允本日朕經過青椿以內地方見居民廬舍甚多其例禁原應比紅椿白椿以內明示區別是盛住當日獲罪之由情有

可原盛住前已賞給三等侍衛派往葉爾羌辦事著加恩升授頭等侍衛仍留葉爾羌辦事大臣之任此案盛住既已加恩其案內獲咎之監督七十三等亦著加恩各於原官降一等起用○閩浙總督阿林保奏報舟師攻勦朱漬盜船殲賊多名得旨嘉獎外委劉漢清等升擢有差賞鄉勇首林二頂帶○是日迴鑾駐蹕秋瀾行宮○壬子以和闐辦事大臣繼善為奉天府府尹○調三姓副都統額勒琿為荊州右翼副都統鑲黃旗漢軍副都統達松阿為三姓副都統以喀什噶爾叅贊大臣晉昌為鑲黃旗漢軍副都統○是日駐蹕半壁店行宮○癸丑

孝賢純皇后忌辰遣官祭

裕陵○諭內閣本日戶部題銷嘉慶十年分展
謁

西陵賞給各行宮弁兵半月錢糧銀兩一本已依議行矣此項賞銀係前年三月內加恩頒

賜為數祇三十餘兩。經戶部咨查直隸文牒往來遲至兩年之久。始行報銷。恐弁兵等得受賞銀亦不免有稽時日。殊非體卹之道。嗣後凡遇賞賚行宮弁兵銀兩均著於行在廣儲司動支。仍飭戶部知道。毋庸由部報銷。以歸簡易。此次賞賚行宮弁兵錢糧即照此辦理。○諭軍機大臣等。勒保奏恭履諭旨一摺。據稱川省入伍新兵俱係隨征鄉勇自願食糧。從前川北各營共撥過五百四十六名除

開除外。現在業經過制已為額兵者共有三百二十七名。其尚未過制仍食新兵錢糧者祇有一百三十八名。其餘散在各營者不過數名及一二十名等語。新兵既經入伍即與陳兵無異。川北各營現未過制之兵祇有一百餘名。為數不多。鈴束亦易。該督當飭知營員等一體管教。無庸分別新陳。稍存歧視。總之恪守營規。當差出力者隨時予以獎拔。其不安本分或滋生事端者。無論新兵陳兵一

有過犯即當懲處。俾各知所感畏。自可日久相安。方今四海一家。朕撫視外域與內地臣僕一視同仁。況入伍者同係齊民。更何新舊之殊。即如桂涵羅思舉及此次出力之羅貴均係鄉勇出身。因其奮勉宣力。俱經破格獎擢。該督惟當常時晚諭勸令該兵丁等觀感效法。以期永受國恩。則衆心悅服。即桀驁性成者亦不戢自消矣。將此諭令知之。○以奉宸苑卿廣興為總管內務府大臣。○是日駐

蹕黃新莊行宮。○甲寅

上詣

大高殿行禮。○還宮。○乙卯

上御乾清門聽政。○諭內閣。王麟初彭齡奏。訊明壽州謀毒三命正犯。即行辦理。並訊問江蘇委員等大概情形一摺。此案王麟於到安徽後。復提集犯證。逐加審訊。委係張大有因與弟婦通姦。謀毒三命。與初彭齡原審悉符。其胡兆信張保國前後翻供之處。業據訊屬

虛誣是葉情已無疑義張大有一犯業經玉麟等遵旨正法其餘定擬各罪名著刑部覈議具奏○以通政使司通政使長琇為都察院左副都御史通政使司副使珠隆阿為太僕寺卿○以鳳凰城城守尉東林為成都副都統○丙辰諭內閣據觀明奏關亞錦殺死四命一案兇犯關亞錦並被殺之林棟林受鳳張公連皆係發遣為奴之犯從前伊等家主捏報脫逃今經查出請將捏報之家主巴揚阿等重責革退馬甲並將率行呈報之協領佐領及失查關亞錦殺死四命之案各員查議俱著照所請行凡發遣為奴人犯該家主等理宜嚴行管束毋許出外滋事今巴揚阿等因為奴人犯不能種地令其在外居住以致任意妄為若不整飭則日久必有勒索銀錢令其贖身者成何事體著交吉林黑龍江將軍等嗣後凡有發遣為奴之犯務令該家主嚴行管束斷不許勒索贖身及任聽在

外居住經此次禁止之後儻有此等事件一經該將軍查出即嚴行叅奏不可姑息○丁巳恭纂
高宗純皇帝實錄
聖訓告成監修總裁大學士慶桂等奉表恭進上詣保和殿陳設
實錄
聖訓案前行禮受書禮成
御太和殿作樂宣表監修總裁等行禮畢王貝勒貝子公及文武各官等奏言欽惟
高宗純皇帝神功聖理久道化成
皇上率由
成憲敷貴
前光本善繼善述之心體惟精惟一之義茲者
隆儀懋舉
謨烈光昭於萬斯年是彝是訓臣等欣逢
慶典曷勝慶忭歡欣之至
上傳制曰朕惟

皇考高宗純皇帝禎符週甲寶錄開辰上理貞
恒至誠悠久朕祇承

誨政疊勛

傳心特命大學士等恭輯

寶錄

聖訓繹思主臬抒慕羹牆茲者

寶典告成鴻儀懋舉朕得齋心盥誦夕業朝兢

亦俾萬世子孫臣民恪遵法守朕心欣慰與

卿等同之王以下文武各官行慶賀禮派出

奉書之員子公及宗人府官由保和殿恭奉

寶錄

聖訓至乾清宮安設

上復詣香案前行禮○諭內閣欽惟我

皇考高宗純皇帝久道化成至誠無息

臨御六十年兢業常如一日

敬

天

法

祖

勤政愛民

盛德大業極於史不勝書仰惟

聖武布昭無遠弗屆拓地數萬歲績

十全自古未隸版圖之域莫不來庭向化同我

車書至於

宸章

聖製卷帙盈千廣開雋科蒐採遺籍天祿石渠

之祕四庫七閣之藏

文教誕敷日星並煥矧夫

福由

天錫萬祥畢臻

聖壽純常享祚永久稽諸往牒罕有比隆朕自

沖齡渥承

眷顧迄

授璽以後親承

訓政仰見

聖德

神功懿鑠隆茂爰於親政之初命大學士等督率官員敬謹纂修

實錄比年紀事一歸簡質共成書至一千五百卷又續經恭輯

聖訓三百卷

典謨宏富實為遠古之所未有茲全書告成百條共慶式瞻

巍煥億禩為昭金鑰尊藏紹庭彌切館臣等八載以來悉心編勘妥速竣功允宜優加甄敘

以彰鉅典而獎勤勞監修總裁官副總裁官

暨提調纂校收掌繕譯謄錄等員與執事人等作何議敘之處著該部查照舊例斟酌妥

議具奏其筵宴賞賚亦著該部察例具奏○

又諭本日

皇考高宗純皇帝實錄告成朕祇肅受書資深

欣慶除已降旨將在館各員及執事人等一

併施恩交部查照舊例優敘錫賞外溯思開館以來計逾八載卷帙浩繁辦理實非易易

所有在館臣工等皆能盡心編輯各矢勤勞此內監修正總裁大學士慶桂正總裁大學士董誥前後在館八年始終其事允宜特加優獎慶桂著加恩賞用紫纁董誥之父尚書董邦達從前未經入祀賢良祠著加恩准其入祀其原任各總裁內前工部尚書贈協辦大學士彭元瑞從前開館之時一切章程體例皆出其手茲全書告成未與觀成殊深惻念著加恩賜祭一壇入祀賢良祠其長子彭

翼蒙係原任禮部主事並著以員外郎即用前大學士王杰在館四年恪恭將事著加恩賜祭一壇其長子王堦時原係主事職銜並著賞加員外郎職銜前大學士朱珪在館八年懋著勤慎著加恩賜祭一壇其長子朱錫經原係戶部郎中著於服滿後以四品京堂用前禮部尚書協辦大學士紀昀在館七年伊子紀汝傳原任雲南知州著加恩以同知用前吏部侍郎恩普雖派充副總裁未久但

先充纂修總纂俱屬出力伊子永安現係候補筆帖式著加恩以主事即用以示朕推恩錫類褒獎勤勞至意又諭本日

皇考高宗純皇帝聖訓實錄告成朕於辰刻吉時御殿受書祇肅成禮百僚畢賀維時天色晴霽氣候暄和吉事有祥彌增欣慶仰維

皇考高宗純皇帝德盛化神

功巍文煥六十餘年之

詒謀郅治具在簡編朕志切紹庭刻深兢業幸

皆上邀

鑒佑故當此全書告竣之日寅承

鴻貺明示庶嘉實我國家億萬年景福所基嘉

與在廷大小臣工同殷額手允宜普錫恩施

用昭慶典除先已降旨將監修總裁以下各

員並在館執事人等分別加恩外所有本日

進書執事之親王郡王均著加恩紀錄四次

執事之貝勒以下宗室文武官員及執事之

大臣官員均著加恩紀錄二次其宣讀表文

致辭制荅各員並著加恩紀錄二次又前次

特派覆校四分書之協辦大學士尚書長麟

戴衢亨及副都御史邵洪等四十員均著加

恩紀錄二次其餘文武大小各員均著概行

施恩紀錄一次此外八旗兵丁並著加恩各

賞給半月錢糧以示慶成錫福普被恩施至

意○戊午

上幸圓明園○諭內閣觀明奏審明遣犯關亞

錦殺死四命擬以凌遲梟示請旨辦理等因

一摺閱案內情節該犯於嘉慶十年間因圖

占房屋砍死林受鳳張公連二命嗣因與崔

寡婦之女長有兒通姦於十一年十月內將

先與長有兒通姦之林棟砍死又因長有兒

嫁與八喜兒為妻商量給錢買娶復以措錢

短少起意謀殺八喜兒情節固屬兇殘該將

軍因係在黑龍江地方犯案比照殺死一家

非死罪三人律定擬凌遲請旨所辦未為允

協定例凡殺死三命而非一家者問擬斬決

今該犯雖兇殺四命然究非一家且殺非一時若以犯案在東三省地方輒即問擬寸磔非惟與定例不符且遇有殺死實係一家四命之案又將何以加焉況此等獷悍匪徒本係免死發遣之犯到配後又復滋事兇殺多命該將軍審明後或即照斬決本例一面正法梟示一面奏聞自無不可今擬以凌遲而又俟奏明請旨定奪奏函往返有需時日設該犯此數月內或有病斃等事豈不幸逃顯戮

是名為從嚴而兇犯轉或稽誅漏網亦非詰奸鋤暴之意著刑部即將此案關亞錦一犯應如何定擬罪名之處詳悉參酌妥速定擬具奏尋奏關亞錦應按律斬決梟示從之

○命於

黑龍潭及山高水長設壇祈雨己未

上詣山高水長

祈雨壇拈香○諭內閣御史鄒家燮奏各省清釐積案請歸各衙門親查覈辦無庸設立

總局名目等語一摺所奏尚是外省民間控案全在督撫大吏飭令地方官隨時速為審理免致積壓拖延其在督撫等衙門控告者亦應將案卷親提速結自不至案牘塵積難於清釐近來督撫等初到任時亦均有清釐積案之摺乃不過以一奏塞責日久仍視為具文試思各直省所轄州縣甚多民間控案原屬不少若不隨時審斷勢必積至累百累千之後始議設局清釐甚或將各州縣積

案提至總局審辦無論道途遠近不一紛紛遞解致滋繁擾而每一案中原告中證牽涉多人即聽審人等盤費食用守候經時亦已重受其困該御史陳奏及此不為無見著通諭各督撫嗣後清釐案件務遵照節次諭旨將特交事件與自理詞訟及從前未結之案均及早親提審理奏結其藩臬兩司及巡道衙門案件歸各衙門親自提訊隨時詳明督撫勒限清結至府廳州縣自理之案應嚴飭

各親臨之道員依限查催迅速聽斷督撫仍不時飭催至省中清釐積案祇可派員分司稽覈隨時督催不必另設總局名目致滋弊端試思各州縣紛調至省辦理總局事務本任之案件豈不又積壓乎總之為政不在多言惟在該督撫等力行何如耳將此通諭知之○又諭松筠奏原任巡撫張誠基於上年七月到戍因伊過繼伯母張楊氏年逾八十衰老無依情願措繳銀三萬兩呈請贖罪據情奏聞請旨一摺張誠基前在江西巡撫任內勦辦義寧州匪徒一案並未親往督勦輒行飾詞陳奏希圖邀功却過其欺誑之罪與伊桑阿辦理石峴苗匪捏飾冒功情節相等伊桑阿早經正法朕因張誠係漢人歷任文職從未帶兵打仗且當時派兵堵勦尚無貽誤是以量從末減本屬格外恩施今到戍未及一載如果伊親母尚存實在年已衰老該革員本係獨子一經奏到朕必不再令納

贖即當立予釋回今摺內所稱係伊過繼伯母恩義有間若據此即邀恩准誠恐此端一開竟似譴戍大員一經納餒即得邀免於政體殊有關係所有該將軍奏請張誠基贖罪之處著不准行仍俟伊到戍三年期滿再行奏明請旨釋放回籍亦無庸令其納贖也○庚申

上詣

安佑宮行禮○旌表守正捐軀山東鄆城縣民

馬樹寅女馬氏四川合州民楊庭光妻高氏

○卹賞直隸天津遭風淹斃船戶水手三百餘名口○辛酉

上詣

黑龍潭神祠拈香○旌表守正捐軀河南光

山縣民姚榮華妻陳氏○壬戌

上詣山高水長

祈雨壇拈香○命儀親王永璘成親王永璠慶郡王永璘分詣

天神壇

地祇壇

太歲壇祈雨○遣官赴密雲縣

白龍潭神祠祈雨○癸亥旌表守正捐軀江

蘇安東縣民陸文祥妻李氏○甲子

上幸靜明園詣

龍神廟拈香○乙丑命莊親王綿課詣

黑龍潭定親王綿恩詣山高水長謝雨○諭

內閣據溫承惠奏直隸州縣串同司書虛冒

錢糧案內已正法之知州王盛清其子均應發往伊犁充當苦差該犯共有四子長子王銜次子王淦現俱飭令起解三子王淦久經出繼可否援免四子王四兒年甫三歲可否移交原籍收管俟及歲再行發遣等語此案王盛清飭法營私業經明正典刑其長子次子並俱已發遣三子王淦查明出繼屬實著准其援免至王四兒方在襁褓罪所不及著加恩竟免其發遣毋庸再行收管並著查明

此案各犯之子凡在十歲以下者無論獨子衆子均一概免其發遣○以直隸按察使楊志信為山東布政使調河南按察使方受疇為直隸按察使貴州按察使朱棟為河南按察使以湖南督糧道查淳為貴州按察使○丙寅諭內閣給事中周廷森奏上次考差時其取在十名以前者外間傳述惟張志緒不在其內其餘均屬相符查向來考差均係次日欽點大臣進內閱卷嗣後可否即於考差之日點出閱卷大臣令其入直住宿次日公同閱卷似關防較為周密等語所奏似為防弊起見而實不可行考差一事原應慎密其考取進呈各試卷豈容稍有漏洩致外間傳說豫知甲乙但此事之慎密與否全視乎閱卷之人其心存慎密者即有人探問自不肯稍露端倪亦不必豫為防範如其人不慎密即使前期加以關防而閱卷之後隨時將卷中文章詩句任意傳播又豈能日久關防乎

該給事中謂鄉會兩場考官等均係先期入場遂欲倣照辦理殊不知鄉會兩場局試月餘至放榜之日為止考官等原可關防不出若考取試差則自四月開閱卷進呈之後陸續簡放主考直至是年秋開鄉試次年春開會試之後簡用方畢勢不能將閱卷之人日久關防若照該給事中所奏僅止關防一宿又於事何益從前考差有將考取名次發單傳知帶領引見者蓋與考之人即使自知考取亦不能豫知簡放何省何從滋弊況現在大員中其科甲出身者不過十餘人若盡疑其作弊豈轉舍科甲出身之員另派他項人員閱卷耶嗣後派出閱卷各大臣惟當自知慎密不可稍有疏漏設或考差之後外間再有傳說名次先後以及文章詩句者不難即向傳說之人究明係何人告知將漏洩之員從嚴議處俾知儆惕不在多設科條也○丁卯諭內閣慶桂等奏額懇停免議敘一摺從

前雍正九年。

聖祖仁皇帝實錄告成乾隆七年。

世宗憲皇帝實錄告成俱經欽奉

特旨將館臣等交部議敘維時監修總裁張廷

玉鄂爾泰等先後具摺懇辭仰蒙

發交王大臣及該部議奏俱各允准但思此次

恭纂

皇考高宗純皇帝聖訓實錄共有一千八百卷不但照乾隆年間纂書數目多至數倍即較

之雍正年間纂書之數亦倍為繁多自嘉慶四年開館以來至十二年始能告成館臣等盡心編輯懋著勤勞際茲盛典慶成若不酬以恩施朕心實覺未愜但此時若發交部議部臣仍必援照上兩次成案議覆請准轉覺多此具文著交吏部兵部將本日具摺辭免議敘之監修總裁等慶桂董誥德瑛曹振鏞文寧王麟劉鳳誥英和八人查明任內有無革職降級留任未經開復及曾經罰俸尚未

扣滿各處分並有無加賞官銜詳細開註清單呈覽候朕降旨酌量施恩尋奏上得旨賞工部尚書曹振鏞吏部右侍郎劉鳳誥太子少保並開復劉鳳誥處分一案步軍統領文寧加一級大學士慶桂董誥戶部尚書德瑛吏部左侍郎王麟工部左侍郎英和等均開復處分一案○又諭向來部院各衙門京察一等人員引見後經朕圈出者俱交該堂官再出具切實考語覆行引見以備簡擢道府

其家有老親身係獨子或雖非獨子而侍養情切者俱准其聲明留京供職至內務府一等人員向來引見後有圈出者並不覆行引見辦理殊未盡一內務府人員記名後既可一體簡放道府自應交各堂官再詳覈該員平日居官辦事出具切實考語覆行帶領引見即實有親老情願侍養者亦當准其一體註明庶考績大典倍昭詳慎而於部院定例亦屬相符所有此次內務府引見京察人員

即照此辦理著為令○又諭上年十二月間據步軍統領衙門奏報大興縣民人馬林之母譚氏及伊姊七姐被殺身死一案當令步軍統領五城順天府各衙門嚴緝正兇迄今已逾數月尚未緝獲兇犯此等兇殺二命重案近在輦轂之下正犯尚日久未獲則外省窮鄉僻壤設有兇犯在逃更難責其剋期弋獲殊屬不成事體所有馬譚氏等被殺一案著步軍統領五城順天府各衙門飭派幹役

嚴密訪拏務將案內正兇勒限緝獲以正典刑而懲兇暴毋得再涉遲緩○引見各衙門保送京察一等人員得旨此次京察一等圈出人員著各該堂官再行出具切實考語交吏部帶領引見圈出之滿洲蒙古中書筆帖式等官著歸入理事同知通判內遇有缺出與舊記名人員一體帶領引見其漢軍漢人著交部以撫民同知通判照例選用給事中嚴煥准其於御史任內一等加一級其餘內

閣侍讀額特布等二百五十六員俱准其一等加一級其內閣中書伍爾恭泰吏部筆帖式德魁步軍統領衙門筆帖式和綱額俱著改為二等○旌表守正捐軀山東東阿縣民劉三妻牛氏○戊辰

上幸萬壽山○諭軍機大臣等恩長奏會匪鄧弗成等糾夥行劫審明後先行歸案辦理一摺又據另片奏稱平樂縣會匪首犯係李元澄張世聰楊開來三人計共首夥九十五名

除已獲歸入盜案之鄧弗成等九名外現又捕獲五十二名尚未獲首夥三十四名現在分別查拏究辦等語廣西民人風氣淳樸向無結會為匪之事此次平樂縣拏獲案犯訊係廣東民人欲復興天地會名目輒在該縣隴家嶺地方糾聚多人焚香設誓傳受口訣因而行劫打搶若不亟為懲辦淨絕根株恐廣西本地民人耳濡目染日漸效尤將來結會拜盟種種不法地方風氣日壞甚有關係

現在首夥各犯除鄧弗成九名已歸入盜案辦理外其續獲首夥張世聰楊開來等五十二名著即嚴行審辦並將未獲首夥李元澄等三十四名上緊緝捕務須逐名就獲分別按擬毋任漏網此案審結之時並當於本省地方大張示諭以民人結會拜盟大干法紀向來本省地方從無此等案件可見民人等各能安分守法今廣東會匪潛來鄰境大肆不法現即將首夥各犯全行拏獲按名嚴辦

無一倖逃爾民人惟當觸目警心倍知畏法勿為其所誘惑庶安居樂業永作良民不致誤蹈刑網如此剴切曉諭民人等自必共知警戒不致漸染惡習仍當嚴飭地方官留心盤詰設有廣東匪徒潛來境內必當隨時懲創勿任蔓延將此諭令知之○己巳諭內閣據觀明奏黑龍江為奴人犯張孝遠脫逃一摺張孝遠係安徽省邪教案內緩決遞回原籍又復脫逃聞捕投首改發黑龍江為奴之

重犯該將軍等自應將該犯分給官員嚴行管束何以分給水手致令脫逃已屬錯謬今又僅將該犯年歲及原犯罪名緣由開單具奏並未將該犯面貌聲明何以通飭各省嚴緝乎觀明等著傳旨申飭仍交部察議該水師營總管章京等亦有失察之咎一併查明交部議處嗣後凡有發往為奴重犯該將軍等務須於章京官員內擇其能管轄者分給令其妥為防範斷不可派給兵丁水手以致疏縱脫逃○諭軍機大臣等本日都察院衙門奏直隸寧晉縣民人張夢榮具控該縣知縣藉差科派一案已明降諭旨交溫承惠將該縣解任審訊嚴切根究矣此案據張夢榮控稱寧晉縣知縣因辦理淀津差務於上年十月內向民間派銀四千兩已收二千其餘二千本年出示張掛限於四月內如數交納並因張夢榮之父生員張廷宸控告保長即行掌責嗣又痛責收禁情急上控等語並

將所揭告示一併進呈朕閱該縣告示語句其科派收銀竟係指稱淀津支應差使而言殊不可解巡幸淀津一事上年雖曾向該督等諭及亦尚未明降諭旨地方官何得輒藉此為名出示科派况朕每遇巡幸一切行宮坐落以及橋梁道路均係發帑興修例有支銷之款並不絲毫累民又不許該督等呈進貢品其所進果菜食物不過留以備賞所值無多至於扈從王大臣以及官員章京併內廷太監等屢經嚴切諭禁不但苞苴杜絕即尋常酒菜食物亦均不准收受地方官尚有何項花銷指稱支應差務乎今寧晉一縣派銀至四千兩之多則直隸通省州縣共有一百二十餘處豈不科派數十萬兩之多小民何堪如此朕削該縣既以支應差使為言明出告示且稱上年先收之二千兩業已解交藩庫轉發委員自必有實在支應之款可以詳查先行明白回奏溫承惠到直隸未久上

年州縣科派錢文亦非伊任內之事。無可迴護。且現在無不可達之下情。不可稍存諱飾。著即據實查明。究竟凡遇巡幸之時。必須地方官支應者。係屬何款實需若干。是否扈從人等舊習未悛。尚有違例需索之事。如果實有其事。即係近派王子及御前大臣軍機大臣等。亦不妨指明直奏。不容稍有瞻徇。朕巡幸所至。均非從事遊觀。即現在議往淀津。亦係為格淀工程。關繫畿輔水利。是以親往相

視。不憚煩勞。且朕凡遇巡行策騎之日居多。若謂稍耽遊豫。則御園景物之勝。隨時流覽。更為適意。何必櫛風沐雨。僕僕載途耶。直隸省辦理差務。固不能不稍資民力。總在地方官仰體朕心。樽節妥辦。即如天津一路。上年曾據裴行簡面奏。有備用房數處。可以毋庸修辦。而昨日溫承惠差次具奏。仍請照舊興修。又聽屬員愚弄矣。此等備用房閒。如果大段完好。祇須修葺二三分工程。自當修葺。仍

舊設大段均已坍塌。僅餘基址。修葺有六七分工程。著不准妄行修辦。祇須將地基平治。臨時自可搭建行幄。以資憩息。向來直隸省藉辦差為名。鋪張粉飾。任意糜費。最為惡習。而不肖州縣。又復從中漁利。剝削閭閻。朕心何忍。伊等如此。苦累民間。是竟欲朕於謁陵之外。概廢巡幸。明歲淀津。朕不難停止。前往即鑾與臨蒞。亦祇於沿途支搭帳殿居住。所有一切行宮坐落。皆不准地方官豫備。伊等

尚有何顏對朕耶。溫承惠接奉此旨。務即據實覆奏。並將此案是否地方藉差科斂。及此外州縣尚有科派若干。支應何處徹底查明。縷析具奏。不可稍有不實。不盡致涉欺飾。地方官竟以辦差為名。私肥囊橐。而百姓皆歸怨於朕。朕斷不受此虛謗。必盡法處治。貪官污吏。以謝百姓。其無悔將此諭令知之。○庚午。以故喀爾喀扎薩克圖汗輔國公吹蘇龍子扎木巴拉襲爵。○調陝西延安鎮總兵官

張鳳為貴州古州鎮總兵官古州鎮總兵官常祿為延綏鎮總兵官辛未諭內閣大學士尚書會同工部議奏河工料物價值覈實報銷一摺河工料物例價不敷近年皆以浮用之數虛開融抵該河督等欲杜其弊奏請按照時價實用實銷若以時價比例價增多仍責令如前虛報則廳員融銷朦混其弊將無所底止至部臣以例價有常恐遽增數倍致涉虛糜駁令覆覈實為慎重錢糧起見但未經目覩情形憑空揣度駁令另議該河督等仍不過覆申前說章奏頻仍迄難定議殊非覈實辦公之道著派英和蔣子蒲揀帶工部精細司員馳驛前往南河將河工應用指麻椿木以及土方等項均一一親身查訪時價採試切勿假手河員將實價詳細開單具奏候朕裁酌英和等於南河查覈完竣後並著順道前赴東河一併查覈具奏○命嗣後各項拜唐阿內有係貢監生員者均准其應

試其緣事罰充拜唐阿者不准應試著為令○引見內務府保送京察一等人員得旨此次內務府三院等處京察一等圈出人員各該堂官再行出具切實考語帶領引見圈出筆帖式施蒙額著歸入記名理事同知通判內遇有缺出與舊記名人員一體帶領引見所有京察一等人員俱准其一等加一級○以刑部右侍郎邵瑚素通阿署工部左侍郎兵部右侍郎邵自昌署工部右侍郎○壬申復引見京察一等圈出人員得旨景臨昌宜泰定佳瑞麟鄭光圻姚祖同智凝陳若霖景寬熙昌著交軍機處記名以道府用俞恒潤康綸鈞麟祥鶴綸西隆阿張燮明信多麟代體德嚴煥台福范逢恩著交部記名以道府用其不應補放道府之侍衛處主事瑪克塘阿著以直隸州同知選用○復引見內務府京察一等圈出人員得旨坐辦堂郎中廣泰廣儲司郎中德泰造辦處郎中阿爾邦阿奉宸

苑郎中福寧圖明園郎中和明清漪園郎中
清海營造司員外郎俊山圖明園員外郎熱
河著交軍機處記名○以福建汀漳龍道百
齡為湖南按察使仍用四品頂帶○是月兩
江總督鐵保等代河工蒙恩各員奏謝得旨
各矢天良自受多福稍徇利欲

天必厭之河員等皆宜勉此四語不可膜視○
福建巡撫張師誠奏盤兌司道各庫實存無
虧並清釐已往紛繁款項妥定以後收放章

程得旨細心考覈務期得實書吏作弊各省
皆同彼亦視上司之精粗爾即如直隸大案
惟吳熊光在任時不敢妄為即此可見今世
寬厚長者四字誤事者多汝係特達之知簡
在之人不可不勉力也誌之○陝甘總督全
保奏陳感懷下忱得旨今時因循廢弛者多
振作有為者少目下似乎鎮靜異日受惠無
窮朕之所憂者不在目下而在異日汝雖有
守而不能有為好因循而不能振作目下亦

無不是處然異日之患皆汝輩大吏基之也
勉思朕言勿徇流俗

大清仁宗受天興運敷化綏猷崇文經武孝恭
勤儉端敏英哲睿皇帝實錄卷之一百七十六

大清仁宗受天興運數化綏猷崇文經武孝恭勤儉端敏英哲睿皇帝實錄卷之一百七十七

監修總裁官總司講起唐宮太子太傅武英殿大學士文淵閣閣事稽察欽奉 上諭事件管理工部事務翰林院掌院學士

加二級尋常加級費振錄總藏官太保方閣大學士管理刑部事務加五級戴均元經筵日講起居注官太子少保內大臣方爾堪

閣事稽察欽奉
上諭事件處協辦大學士戶部尚書翰林院掌院學士教習庶堂總管內務府大臣銀黃旗滿洲副統常慶領寶璽戶

部一庫奉宸苑清漪園等處總理工程御茶膳房御樂房太醫院西洋堂事務軍功加級隨帶加級存案加五級紀錄二十次

英和經筵講官太子太保禮部尚書上書房行走武英殿總裁管理園子監事務加級隨帶加級紀錄四次

敕修

嘉慶十二年丁卯夏四月癸酉朔享

太廟遣成親王永理恭代行禮○諭軍機大臣
等阿林保等奏舟師攻捕朱漬並訪拏鳳尾
幫盜首各情形一摺閩省南洋之杏仔銅山
等處北洋之三山等處向為接濟盜匪之藪
經該督等督飭營員會同地方官駐劄巡防
不致仍前透漏是以朱漬竄至松拍門洋面
不能久泊仍復竄往粵洋鳳尾幫屢次撲岸
亦被擊退此即斷絕接濟之實效至林魁劉
江二犯訊係傷害汀州鎮李應貴要犯著該

督等查明李應貴原籍如距閩省較近即將該二犯解至該鎮墓前鬻割致祭。僕去閩境尚遠即當設立該鎮牌位將該犯等寸磔致祭以慰忠魂而寒賊膽。此時該督等咨令張見陞統帶舟師在粵閩交界堵截朱漬並杜絕蔡逆歸路仍一面嚴檄閩浙兩省鎮將上緊搜拏迎擊鳳尾幫盜匪所辦俱是其沿海各口岸仍當飭屬加意嚴防勿稍疏懈將此諭令知之。○閩浙總督阿林保奏沿海出力各員總兵官徐銳等下部議敘餘升賞有差。○以攻勦洋匪蔡牽出力實授許松年為福建金門鎮總兵官並賞還浙江溫州鎮總兵官李景曾頂帶。○甲戌諭內閣前因八旗官兵分拴馬匹必有弊端若不妥為經理恐馬政日壞特降旨八旗都統副都統會同兵部查明從前官圈餵養之制妥議具奏連日朕再三詳審並召對諸臣廣加諮詢有稱復設官圈為便者亦有言不如仍交官兵分養為

宜者。議論殊覺不一。因思向來會議之件。大都由承辦衙門主稿。其會同商榷者。不過數人。此外惟畫諾列銜。並未悉心參酌。及至議上之後。則又退有後言。往往經朕垂詢。又復奏稱前議未妥。祇緣有人定議在先。隨同具奏。其實非伊主見。此等附和推諉之習。實於政治無益。此次籌畫馬政。若不周諮博採。令其各抒所見。將來定議之後。又將言人人殊。成何政體。所有八旗分拴馬匹。及應否改設官圈之處。著滿洲蒙古八旗每一旗都統副都統六人。詳悉面商。合具一摺。毋庸與別旗連銜。亦不准彼此關照。其一旗內滿洲蒙古都統副都統六人中。設又有意見不符者。准其另行陳奏。但總當詳查例案。斟酌事宜。如以設圈官養為是。即著將官圈當設立何處。如何妥定章程。可期經久無弊。詳悉具陳。如以官兵分拴為妥。亦應將如何設法稽查。不致馬匹短少疲瘦。官兵虛領馬乾。種種滋弊。

一併詳悉議上。或用清字摺。或用漢字摺。皆可。亦不限以時日。其奏摺不妨先後呈遞。總須熟慮深思。中有定見。毋得含糊遷就。如定議時。不詳悉敷奏。轉於事後。曉曉即當加以懲處。俟議上時候。朕裁度其節次。交部會議馬政一事。此時兵部且暫緩議奏。○又諭方維甸奏孝義革兵糾約新兵謀逆。旋即全獲。首夥嚴審辦理。一摺。陝省寧陝瓦石坪叛匪滋事。甫經懲創。乃此次革兵祁貴。膽敢糾約新兵。誘貴民人黃先名。起意謀反。搶掠實屬罪大惡極。業據該撫將該三犯。訊明按律凌遲處死。至馬兵彭太禮。係屬新兵。於祁貴邀同結拜時。疑其必有別情。佯為允許。迨祁貴告知情由。伊探問確切。隨即赴營密稟。將首夥立時就獲。不致釀成巨案。能知大義。實屬可嘉。彭太禮著加恩超拔。把總先給頂帶。並賞戴藍翎。仍加賞銀一百兩。以示獎勵。該撫仍當出示曉諭各營伍。以新兵彭太禮。此次

能將祁貴等逆情出首不為所惑。弭亂未形。業經奏明。加恩褒獎。賞給官職。翎枝銀兩。隆施稠疊。榮及身家。爾等惟當視以為法。安分當差。以期承受國恩。庶使各新兵聞知。共相觀感。勉為善良。若挾嫌妄告。或希冀恩賞。必不輕恕。則營政自可肅清。地方永臻寧謐矣。餘著照所請行。諭軍機大臣等。百祥奏黑番搶奪馬匹。帶兵前赴野馬川相機辦理一摺。此項黑番前在黃番地方搶劫牲畜殺傷番僧。已屬先惡不法。茲復在馬廠地方疊次伺劫。雖據稱不敢搶奪官馬。但該犯等竟到牧馬營盤詢問蒙古在於何處住牧。意圖劫掠。並將堪布喇嘛牛馬羊隻肆意搶去。實屬膽大可惡。並據另片奏稱黑番在牛心台趕去營馬一百餘匹。雖經弁兵如數奪回。而牧馬兵丁已受刀矛傷兩處。不可不大加懲創。以昭炯戒。此時百祥一面飭屬追捕。並令遊擊楊廷玉帶領兵丁二百名先行起程。伊亦

即親往勘辦。惟所帶官兵太少。不足以示威重。該提督竟當酌量添調兵丁數百名馳赴勦捕。並會同貢楚克扎布籌商妥辦。縱不必悉數殄除。亦須將滋事搶劫之犯按名捕獲。立正刑誅。以靖邊圉。而懾番族。永杜搶劫滋擾之患。此為最要。百祥曾歷戎行。素嫻軍旅。務當與貢楚克扎布相機辦理。勿稍疏縱。將此各諭令知之。○乙亥。予陝西陣亡遊擊王相龍。把總羅一忠。外委李政。田印仕。郭仁李登善。祭葬加等。世職如例。福建捕盜被戕總兵官李應貴。遊擊蔡魁。把總魏均。四川陣亡外委石從德。額外外委吳中立等七名。祭葬世職。湖北陣亡兵丁黃經等三名。閩浙捕盜被戕兵丁李得龍等八十八名。賞卹如例。○丙子。上詣火神廟拈香。○還宮。○諭內閣。朕閱會典所載

大雩典禮。惟乾隆二十四年曾經舉行一次。其時

皇考高宗純皇帝減膳虔齋。不設鹵簿。不陳樂。不乘輦。乘騎出宮。詣

壇齋宿。次日御雨冠素服。步禱於

壇。仰見

皇考敬

天

勤民精虔昭格。禮成後。即甘霖普降。四野霑足。

感召之理。如響斯應。至雨水調勻之歲。每遇常雩大祀。則前期齋宿。

郊壇係由宮中乘輦而出。儀物具備。此次恭值

常雩。朕進宮齋戒。因思上年冬閒雪澤較少。本

年春雨又稀。前已設壇祈禱。得雨兩次。仍未

霑溥。且近畿以及東豫等省。均尚在望澤。雖

未至旱暵太甚。究與往歲情形不同。今當

大祀屆期。若仍照常御輦詣

壇。朕心實有不安。本月初六日。朕由宮中御禮

轎前詣

天壇齋宿。著該衙門敬謹豫備。其一切服飾儀

仗。均如常儀。朕宵旰民依。罔敢暇逸。或此一

念減抑之誠。得以上邀

昊鑒。甘膏遠霈。福我三農。實所籲望。而冀幸者。

嗣後遇雨澤稀少之年。舉行

常雩祀典。均著照此行。○以廣西桂平梧鬱道

王家賓為按察使。○以本年鄉試考試應開

列試差人員於保和殿。○以常雩祀

天於

圓丘。自是日始齋戒三日。○丁丑諭軍機大臣

等貢楚克扎布奏。接據大通協副將等先後

稟報賊番八九十名。在長溝一帶搶劫。又十

數名。在大泉溝搶去蒙古牛一羣。又有賊番

八九十名。將甘州營馬及永固營塘兵騎馬

趕去二十三匹。又據大通縣稟報該縣西路

魯木記塘西南山溝突出賊番三百餘人。分

路搶掠附近居民。並據祁家寺多洛等堡民

人稟報被搶牲畜三百有餘刃傷探賊之兵馬得王一名賊番占住內地已哈湖山梁不退距大通縣城僅三十餘里等語賊番從前不過搶掠蒙古牲畜等項近來竟敢搶劫進貢堪布喇嘛物件此次甚至分路搶掠內地居民刃傷兵丁實屬強橫不法其情罪即係叛逆况從前蒙古被賊番搶掠時懇請天朝為之驅逐每諭令奮發自強內地官兵不能長為捍衛今賊番日漸猖獗膽敢搶掠內地

居民若不嚴加懲創不特賊番無所畏懼肆意滋擾且使蒙古聞知難保不心懷不服妄生訾議於邊防殊有關係現在貢楚克扎布已率同鎮道等帶弁兵三百名馳赴大通一帶彈壓提督百祥前次奏到業經諭令添調兵數百名馳往會同籌辦但覈計兵數尚少不足以示威重現令興奎挑帶滿營得力兵五百名馳赴勦捕全保接奉此旨著即轉飭百祥於甘省綠營兵丁內再挑年力強健曾

經出師熟諳打仗者五百名並派得力將弁帶領前往交與興奎貢楚克扎布調遣此次所謂滿洲綠營官兵均當會集一處同時進發以壯軍威不可分起零星行走示之以弱轉啟賊番輕視之心賊番比教匪較為强悍弓馬熟習山林窳密難辨在此然貪戀巢穴不致蔓延不能逼脅百姓易辨在此若少帶兵將弁即行具奏酌量發往勿存畏難之見勿存招撫之心勉力辦理興奎本係將軍即

著統轄師旅貢楚克扎布係辦事大臣任同叅贊伊二人會晤後當妥為籌商派撥官兵竟當聲罪致討大加殲戮並揚言搗其巢穴如果賊番實形畏懼悔罪籲求亦必責令將各案搶掠為首要犯按名縛獻對衆分別凌遲正法並將贓物繳出始可量加寬貸務使該番十分震懾庶不致日久復萌故智而衆蒙古亦聞之帖服方為妥善至辦理情形遇有陳奏著興奎到銜在前會同貢楚克扎布

連名具漢字摺馳奏百祥著幫同帶兵奏事
無庸列名其官兵所需馱運鹽菜等項著全
保督同藩司蔡廷衡酌量動款妥為供應如
果進兵勦辦需費較多或該省存款不敷著
奏明另行撥給可也將此各傳諭知之○戊
寅

上詣

南郊齋宮齋宿○己卯常寧祀
天於

園丘

上親詣行禮○詣

時應宮拈香○幸圓明園○庚辰

上幸萬壽山○諭內閣興奎奏兵丁戶口繁多

懇請量為通融以資養贍一摺寧夏滿營兵

丁因生齒日繁頗形拮据自應量為調劑俾

臻寬裕著照所請在於滿營庫貯馬價銀內

動撥銀一萬五千兩並於庫存養贍孤寡等

項節年積剩銀內動撥銀五千兩交陝甘總

督飭令地方官分給商民一分生息所得利

銀擇其實在人口衆多之閒散弓馬嫺熟者

每名每月賞給銀五錢其餘銀兩按年歸還

馬價如此通融接濟庶使養贍有資於生計

操防均有裨益○又諭據松筠奏查明各回

城虛設金頂議定留減數目分別繕寫清單

請旨等語著照所請俟額設金頂陸續缺出

即於虛設金頂人員內擇其奮勉者報部補

用一經足額即行停止該大臣等斷不可於

定額之外多增一人如仍額外私賞該將軍

叅贊大臣等即行叅奏仍著行文各城大臣

明白曉諭各回子以此項虛額金頂係歷任

各大臣沽名私賞本應全行裁汰今奉大皇

帝諭旨格外施恩將有差使者定為額缺餘

亦暫留陸續充補該回子等宜各知感激恪

遵憲制以圖報效○壬午

上御勤政殿聽政○諭內閣禮部議駁御史程

世淳請避

關帝神諱及增定趙累等從祀加封一摺所議甚是。

關帝在我朝靈應昭著一切祀典備極隆崇至敬避名諱專係本朝臣子尊奉君上之義前代帝王及往哲神明其名概不避用蓋臨文不諱垂訓禮經况

關帝祠宇廣遠薄海臣民皆知敬祀其於神諱亦必不敢輒褻正無庸官設科條頒為令甲至廟中從祀塑立關平周倉二像相沿已

久自通都大邑以及荒陬僻壤所在皆同其趙累王甫當時遇難事實史傳所載不盡符合今議請增設事涉紛擾自不若仍依舊制協典禮之宜也○又諭左都御史賡音等條奏各省來京控案應請分別查辦一摺據稱嗣後都察院收閱控案果係案關重大實在冤枉曾赴該管上司呈訴不為伸理及官吏亂法營私確鑿有據者即奏請查辦若未經在本籍地方及各上司先行具訴並現在審

辦尚未結案遽行到京控告者即咨行各該省歸案速結等語所奏非是各省民人來京控訴其案關重大者固應奏明辦理若未經在本籍地方具訴遽行驀越來京者正可奏明覈辦治以越訴之罪至外省審辦未結之案或因案情屈抑奔赴來京控訴若不具奏審訊冤獄何由昭雪即或逞刁挾嫌砌詞妄控亦可隨時懲辦以杜訟端今賡音等概請咨回原省審辦自係因近日各省控案繁多

憚於逐件具奏豈大臣敬事之道朕日理萬幾勤求民隱即各衙門奏事較多從未倦於披閱若以改奏為咨免致煩瀆遂將該衙門應奏之件率意抑擱是名為仰體朕躬實則自耽安逸賡音等著傳旨申飭嗣後總當酌量案情輕重分別奏咨不得將現辦章程妄思更改其戶婚田土錢債細務各案仍照例將原呈發還聽其在地方官衙門呈告申理以符體制○又諭據刑部叅奏廣東省辦理

恩赦遲延一摺。各省軍流以下人犯。自上年春閒。降旨分別減等。即經飭下各督撫。造具清冊咨部覈辦。閱今已一載有餘。即遠如雲貴及烏魯木齊伊犁等處。並四川省之案犯最多者。已俱先後題咨到部。惟廣東一省。距京祇數千里。何以節據部催。總未咨覆。即或因該省案牘繁多。查辦需時。亦何至經年累月。尚未造報完結。可見該省於此等事件。全未認真趕辦。實為外閒疲玩惡習。吳熊光。孫

玉庭。均著傳旨申飭。仍著該督等查明係由何衙門辦理延緩之處。指名參奏。至該督撫督催遲延。並著自請處分。○又諭。王麟等奏。訊明蘇州府縣承審壽州三命重案。徇情故出情節。按律定擬。並將該總督臬司分別參奏一摺。已批交刑部議奏矣。臬司遇昌。於此等重大之案。並不豫提犯證。親行確訊。及府縣具詳後。又不細覈案情。悉心推鞫。該司為刑名總匯。一任屬員受囑蒙詳。顛倒獄情。竟

同聲贊。僅予革職。不足蔽辜。遇昌著革職。發往烏魯木齊効力贖罪。至總督鐵保。於特旨交審之案。即與欽差無異。乃並不親提嚴訊。率據承審屬員照擬定案。復失察周鏐等徇情蒙混之弊。轉以平反得實。代請議敘。實屬錯謬。鐵保著革退。宮保銜拔去。花翎仍交部嚴加議處。俟奏上再降諭旨。尋議革職。得旨降為二品頂帶。仍帶革職留任。○以詹事府詹事書明阿為通政使司通政使。太常寺少

卿錢楷為光祿寺卿。○癸未

上辛靜明圓詰

龍神廟拈香。○辛靜宜圓。密諭吳熊光。孫玉庭。朕聞粵省水師全不得力。兵驕將玩。於緝捕毫不認真。實堪痛恨。即如造船一節。向係州縣領帑建造。而船之可用與否。則全自營員操縱之。偶遇風濤。即報損壞。歸咎於文員造船不堅。以掩飾其緝捕不力。朕再四思維。造船一節。即應令營員自造。設立保限。嚴

課叅罰以專責成而免推諉是否可行朕亦不為遙制汝等詳悉妥議具奏尋奏上得旨海疆新造戰船舊用文員承辦若改令營員自造又恐寒苦將備承領鉅工辦理亦未能妥實此事總須文武官員公同經理船隻造成後該管大員親身查驗其偷減工料者覈實叅賠若工料堅固而管駕之員藉詞刁難立即嚴叅示懲如果統率之員秉公持平功過自兩無遁飾也○諭軍機大臣等吳熊光奏粵東緝捕情形現須另行變通一摺閩浙等省祇有外洋惟粵省多一內洋海道遼闊又多漁船採捕難保無通盜濟匪之患固係實情但該省既有內洋該督等身膺地方重任即當將內洋緝捕之法詳悉講求實力辦理即如所論舊設礮臺多不得力與其以有用之兵施於無用之地不如徹去礮臺兵丁多備船隻又夾艇在外洋不能得力祇可留於內洋守禦須另造戰船以資外洋緝捕等

語洋面今昔情形不同自當因時制宜量為變通以期得力此皆地方官應辦之事粵省水師積習疲玩此時欲籌辦戰船先須激勵將士使之人人勇往爭先不避艱險方可駕船追捕否則即有堅固船隻出洋後停泊躲避仍於緝捕奚益吳熊光以錢夢虎才具遠遜李長庚即孫全謀亦屬不逮其意自欲得李長庚留駐粵省以期得力李長庚本係閩浙水師總統此時特因追拏蔡牽來至粵省至粵省自有本省水師專司緝捕何至無一人勝任必須隔省大員督辦設此次李長庚不到粵洋豈粵省緝捕之事竟無人督辦乎所奏不可行該督惟當將本省營員嚴加整頓勿涉因循推諉為要將此諭令知之○以西寧辦事大臣刑部左侍郎貢楚克扎布為察哈爾都統轉刑部右侍郎瑚素通阿為左侍郎以總管內務府大臣廣興為刑部右侍郎○以正藍旗漢軍副都統景燭兼正黃旗

護軍統領調正黃旗漢軍副都統明志為鑲紅旗滿洲副都統以四等侍衛積拉堪為正黃旗漢軍副都統○調湖南按察使百齡為江蘇按察使以兩淮鹽運使曾燠為湖南按察使○廣東碣石鎮總兵官洪蕃鏘以年老休致調浙江黃巖鎮總兵官黃飛鵬為碣石鎮總兵官○是日駐蹕靜宜園至丁亥皆如之○甲申輔國公積拉堪緣事革退以其弟伊豐額襲爵○乙酉諭內閣據溫承惠奏廣

平府知府雷純才具平庸性情拘執難勝表率之任請旨勒休一摺著照所請雷純即勒令休致又據另片奏廣平府缺民情刁悍恐部選初任人員難期整飭懇恩簡員補放等語此則不可各直省道府各缺從前原按地方繁簡分設題選請旨已有一定章程如該署督以廣平府近日較為難治即不妨於該省請旨府缺內酌量奏請對換至部選初任人員於外閒吏治民生非所熟諳原在該上

司於到任後隨時教導俾得從容學習其實在才力不勝者仍可據實劾參茲溫承惠因該參員不能勝任遽欲將部選之缺請旨簡放此不惟有礙銓政且使各直省紛紛援例陳請則將來部選各缺必致日少其在部需次各員不益形壅滯乎溫承惠所請不准行所有廣平府知府一缺仍著歸部照例銓選○丙戌

上御演武廳閱健銳營操○諭內閣前經降旨令八旗滿洲蒙古都統副都統各將官馬應否設圈餵養抑應仍交官兵分拴之處詳悉會商分別具奏旬日以來各該都統等陸續議上主復圈者六摺其主不復圈者三摺朕詳加酌覈自以復圈者為正辦蓋圈馬聚集一處便於調用點驗易周即有弊端亦可隨時查察若分拴則散養各處點驗甚難如或疲瘦短少無從稽察再遇調集之際虛頂捏報其弊更不可勝言此時籌畫馬政正當詳

慮熟籌以期行之永久所有會議摺內除正藍旗都統副都統恭阿拉等六人以馬園難復請分交下五旗王公及武職大員暫行餼養實屬妄言國事不成政體又鑲紅旗滿洲都統副都統長麟裕瑞明志及該旗蒙古副都統哈寧阿四人請於滿洲旗分棚養馬七十匹蒙古旗分棚養馬二十五匹餘馬盡交察哈爾牧放迴護缺額裁減太甚二者皆斷不可行毋庸置議外其餘各摺內主復園者

奉
上
旨

上
旨

持論固是但所議條款不同尚須斟酌盡善其主分拴者固屬難行但其條款內亦不無可採之處除原議各旗都統等毋庸再行入議外著於軍機大臣內派董誥戴衢亨兵部堂官內派明亮劉權之萬承恩邵自昌漢軍都統內派博興瑚圖禮丹巴多爾濟會同悉心論討詳立章程妥議具奏候朕酌定○丁亥月食○以祈雨命莊親王綿課先期致祭宣仁廟○直隸馬蘭鎮總兵官兼總管內務

府大臣巴寧阿奏拾獲匿名揭帖究出賊犯偷砍禁地樹株并將該汎弁兵等叅奏得旨此案竊賊周明敢於在紅椿界內偷砍樹株情罪甚重該管弁兵平日既漫無覺察迨查知松板來歷不明復不據實稟報率行燒燬滅跡殊屬膽玩所有賊犯周明及已革鮎魚關把總劉永春汎兵頭目何全劉國棟汎兵何倫韓國太張萬全毛貴等及其餘一切人證均著巴寧阿迅速派員送交刑部嚴審定

奉
上
旨

上
旨

擬具奏該管左營守備郭士祥兼管左右兩營中軍遊擊常泰於禁地被竊木植并兵丁匿名控告均不早為查辦恐有徇隱別情亦著革職一併交部審訊巴寧阿著交部嚴加議處

佳

上詣山高水長

祈雨壇拈香。○諭內閣軍機大臣會同吏兵二部議駁阿林保奏酌籌旗人進身之階以裕生計一摺。所駁甚是。阿林保係滿洲大員。於旗務全未諳習。輒以八旗戶口繁滋。籌資養贍。請將滿洲蒙古之親軍前鋒護軍等項挑撥各直省分別補用千把等官。殊不思定例旗員止用綠營守備以上之官。立法實為盡善。蓋因滿洲蒙古嫻習騎射。風氣淳樸。恐沾染綠營弁兵積習。是以我

皇考高宗純皇帝明降

諭旨。訓誡諄諄。將外省守備旗缺撥歸綠營。予以限制。今阿林保請將親軍等項挑補千把。勢必至旗員習尚盡同綠營。殊失立法本意。種種窒礙難行。而所議分發各省先行借支錢糧。於得缺後復行扣還。以千把微弁所得分例無多。一經坐扣。支絀立形。於生計仍無裨補。其多占綠營額缺猶屬小節。至所奏文職主簿縣丞經歷州同及鹽大使司首領等

官請將滿洲蒙古旗人一體銓用一節。均屬有乖定制。妄議紛更。所奏俱不可行。阿林保著傳旨申飭。○庚寅。諭內閣周興岱等奏查覈

實錄館人員功課字數浮冒請旨查辦一摺。騰錄交銀繕寫書冊。已屬大謬。但必應繕字若干。始交繕費若干。今既查有虛報字數。則字浮於書。即銀浮於字。所有浮交銀兩。按字覈算。計三萬五千餘兩之多。作何歸著。不可不

徹底根究。以歸覈實。著交前派之祿康費淳長麟鄒炳泰將周興岱等所記底檔與該館所報字數詳細查覈。並傳訊原辦經手之提調施杓等。令其逐一登答。如有浮冒入已饋送等獎。即據實嚴叅。交刑部究辦。○諭軍機大臣等。貴楚克扎布等奏。馳赴大通縣查明賊番業已遠颺。及籌畫辦理緣由。各摺賊番疊次糾眾搶劫滋擾。不法已極。經貢楚克扎布百祥先後馳抵大通追捕。而賊番已聞風

逃竄。自應設法辦理。以儆兇頑。貢楚克扎布摺內稱。前曾奉旨飭諭。烏有因緝拏賊匪。即為用兵之理。此原指蒙古等偶被偷竊。不值輕用官兵而言。今則該賊番等搶劫蒙古牲畜。並進貢堪布喇嘛物件。甚至分路搶掠內地居民。刃傷兵丁。實屬強橫不法。其情罪即係叛逆。雖現在賊蹤業已遠遁。必當探明追躡。聲罪致討。搗其巢穴。前曾節降諭旨。令興奎挑帶滿營兵五百名馳赴勒辦。並令全保轉飭百祥。於甘省綠營兵丁內挑選五百名。交與興奎。貢楚克扎布調遣。興奎等惟應遵照指示。速籌勦捕。惟據摺內稱。循化貴德兩廳所屬野番。不下二百餘族。其中良莠不一。此次滋事之犯。未知係何番族。現已購線踴訪等語。興奎等務須將賊番族分。及住牧之所探訪明確。統兵進剿。一面曉諭附近各番。不必疑懼。庶使安靜守法之番衆咸知感服。而逞兇肆劫之徒。俱各震懾。以期綏靖邊圉。

一勞永逸。切不可輕率進剿。致令番情驚惑。至另片所奏蒙古郡王等呈請隨營出力。一節。殊可不必。貢楚克扎布已當面駁斥。惟應令其自固藩籬。各守邊界可也。將此傳諭知之。○辛卯。諭內閣。宗人府奏遵旨嚴議奇臣一摺。據稱奇臣前已解任。可否留其奉國將軍世職。仍罰俸二年等語。所議太輕。奇臣與積拉堪。均係宗室。一任將軍。一任都統。其職分亦屬相等。積拉堪在荊州將軍任內。與知府林嵐宴會。知府究非將軍屬員可比。而奇臣任烏魯木齊都統。兼轄地方事務。知州正其所屬。乃與往來交好。有收受豬羊酒果等事情。節已有區別。且積拉堪將知縣方遵轍查拏盜匪。辦理不善之處。致書全保。尚係為地方公事起見。信內亦並未稱當日辦理冒昧。即現在訊據方遵轍。亦自稱當日辦理冒昧。積拉堪委非挾嫌。而奇臣則於屬員那靈阿科斂得贓。及知縣達楷浮徵累民種種款蹟。

茫然不知。即員外郎官成。在彼亦有私賃官房地產得銀之事。該都統均毫無覺察。又縱容家人陳大招搖滋事。其咎較之積拉堪甚重。積拉堪罷職後。將公爵一併革去。今宗人府議處奇臣。以其前已解任。即不復議。以熙革。併欲留其奉國將軍世職。僅擬罰俸二年。殊屬輕縱失當。所有酌議此案之宗人府王貝勒公等。著交吏部察議。奇臣交吏部另行嚴議具奏。尋議將奇臣革去烏魯木齊都統。

并奉國將軍世職從之。○壬辰命五城設廠平糶倉米。○癸巳。諭內閣本日都察院彙奏咨交各省查辦之案。朕披閱清單內。有山東莘縣民魯名魁。控告漕書朱吉甫。重徵伊家應納漕糧一案。係咨交山東巡撫查辦。又圓明園汎兵馬德之母張氏。復控伊子被馬兵王三等兇毆斃命。該營縱放正兇一案。係咨交刑部查辦。殊屬非是。外省州縣書吏舞弊重徵。最為閭閻之害。遇有來京控案。都察院

亟應專摺奏聞。以便交該撫作速審辦。或交欽差就近審訊。加以創懲。庶除莠安良。奸蠹日漸斂跡。都察院歷來奏辦重徵之案。本自不少。此案何以改奏為咨。若以此案魯名魁所控。祇係重徵伊一家漕糧。殊不知奸胥猾吏。膽玩營私。既可將伊一家漕糧重徵舞弊。則其餘花戶。又安能保其不勒索苛求。何得以一咨完事。此等重徵之案。尚不具奏。豈專待謀反大逆之事。始行具奏耶。至馬張氏復

控之案。雖係尋常命案。現在刑部亦已審辦。但此案犯事地方。在御園附近處所。亦當隨時陳奏。都察院堂官於此二案應奏之件。率行咨辦。實屬偷安懈怠。著傳旨申飭。嗣後務當斟酌案情。分別奏咨。毋得率意辦理。○旌表守正捐軀山東樂安縣民王幅祥妻岳氏。○甲午。諭內閣。朕廬念旗人生計艱難。曾於上年冬間特降恩旨。頒發內帑銀七十萬兩。交商生息。增設養育兵四千餘名。用資養贍。

旋據該部會同八旗都統等議奏請俟發商生息銀兩解到之時再行挑補兵缺已依議行約計此項銀兩須至本年冬間方可解京現在虔求雨澤朕夙夜齋心籲祈

昊貺因思旗人望恩倖澤正復孔殷若俟此項銀兩年終解到之日方行挑補兵缺距今尚有數月之久未免需緩所有八旗內務府應增養育兵著即行挑補於五月起開支錢糧其應支銀兩著於部庫內先行動項撥給俟

生息銀兩解到時再行歸款以示朕恩膏逮逮仰迓

鴻施至意○又諭京師入春以來雨澤稀少近日設壇祈禱仍未普沛甘膏宵旰焦思時深殷盼朕惟清理庶獄亦感召和甘之一端向來軍流以下人犯聞予減等發落但積賊窩匪若概行赦賞釋回該匪等未必革面洗心仍為地方之害且上年恩旨各省辦理減等現在查辦尚未全竣今因京畿望澤再沛恩

施除積賊人犯不必查辦並各省軍流以下人犯此次毋庸一律辦理外著刑部將直隸一省及部中審擬軍流等罪已未到配官常各犯詳查案情擇其情稍可原者無論遠年近年迅即開單具奏候朕量加寬宥其因事牽涉拘繫候質各犯亦速行訊明省釋至尋常案件並著即行完結毋得稽滯庶冀祥和翕應速沛甘霖該部即遵諭行○諭軍機大臣等戴均元覆奏勉力辦理河工不敢徇縱

屬員以致自蹈重愆一摺戴均元自蘭昇總河以來於興辦工段出納錢糧皆能認真講求悉心綜覈未嘗稍避勞怨朕所素知是以特加委任伊本係讀書人素行謹飭斷不疑其有扶同弊混情事若果有疑早不加委用矣但工員積習牢不可破若謂人人潔已奉公於經手錢糧毫無浮冒此實難以盡信且河工節省亦須在大處留意如緊要之工目前靳惜貽患將來或轉糜至鉅萬此得謂之

節省乎。總之應辦之工。決不可省。無益之費。在所必除。即河員承辦一工。果於工料估計大數不致懸殊。而又能辦理堅固。或其中稍有沾潤。伊等在工日用所需。豈能一無資藉。此尚情事所有。朕亦斷不苛求。若止圖便帑肥家。不恤國事。此則罪無可逭。戴均元竟當明諭屬員。以河工需用錢糧。非止上關國帑。抑且全係民膏。現在興辦要工。每次請撥動逾百萬。原以保障無數生靈。爾等出力辦工。豈能毫無沾潤。即皇上亦所深知。果於所辦工程。各發天良。認真經理。即稍有浮糜。尚可原恕。若惟知營私舞弊。於所辦工段任意偷減。大肆侵漁。藉此擁有厚貲。在工所並不勤勞。王事日日怠惰偷安。或徵歌選舞。或置買田園。為子孫報捐官職。以致日後工段不固。民受其殃。則是全無人心。孽由自作。非特國法難宥。抑亦天理不容。萬難倖免。即子孫亦必遭惡報。如此剴切曉諭。庶工員共知儆惕。

不致甘心罹罪。多所保全。設竟有怙惡不悛之徒。仍前肆意冒濫。戴均元訪查確實。惟當執法嚴叅。不可姑息。至所稱查出宿南廳汛弁有辦工革率情事。即已斥革。枷示等語。自應如此辦理。仍當隨時通查各工。如有似此劣員。一體懲辦。將此諭令知之。○革直隸馬蘭鎮總兵官巴寧阿。翎頂。調熱河副都統慶傑。為馬蘭鎮總兵官。兼總管內務府大臣。賞圓場總管福長安。三品頂帶。為熱河副都統。

○予福建陣亡鳳山縣知縣吳兆麟。祭葬世職。如例。幕友監生周遵。祭葬世職。如知縣例。

○乙未

上幸萬壽山。詣

廣潤祠拈香。○以宗人府府丞陳崇本署都察院左副都御史。○予陝西陣亡守備楊萬年。千總陳尚賢。把總楊崑。外委祁紹堯。古萬龍。祭葬加等世職。如例。額外外委張廷迺等二名。賞卹加等。兵丁王湛等三十八名。賞卹

如例○予四川陝西陣亡新兵周金馬榮祭葬世職如外委例○丙申以故喀爾喀貝勒車凌多爾濟子索諾木多布沁襲爵○旌表守正捐軀河南唐縣民李小羣妻王氏○丁酉諭內閣給事中嚴烺奏現在澍雨未霑請於齋戒期內飭令大小臣工凡遇喜慶等事暫停演戲並請飭下五城御史曉示各戲園毋許演唱戲劇一摺向例齋戒期內原俱禁止演劇況值望澤維殷朕齋心籲禱屬在臣

工仰體宵旰勤求諒亦斷不出此至外城戲園於祈雨齋戒日期未必盡能知悉但當雨澤愆期之際節次設壇祈禱並降旨平糶倉糧清理庶獄凡所以關繫民瘼者無不刻深縈廬小民等自不當恣意宴樂然未經明白曉示伊等亦無由謹避著五城御史豫行曉諭居民人等凡遇齋戒日期並祈雨齋戒及祭日所有戲園概不准演唱戲劇以昭肅敬惟所稱俟甘雨霑足之後再聽其便等語此

則不必朕齋居默禱昕夕虔祈恪恭寅畏之誠無時不仰希

吳鑒豈閭閻所能深悉若因朕心夙夜乾惕謂民間皆宜敬體此意未免繩之太過且恐民間以演劇營生者轉致失業向隅曩之定例亦未符合嗣後若非齋戒之期仍毋庸飭禁至所奏大小工程請暫緩興修一節現在並未興舉大工其有應歸入歲修辦理者亦不過照例粘補民間藉此傭趁並可賴以餬口

該給事中奏請俟秋成後再行動工之處著毋庸議○戊戌諭內閣御史年昌裕以開羅終養改律叢銷四款條陳具奏朕詳加披閱所奏不為無見盛京土膏沃衍素稱產米之區附近畿輔省分俱資接濟上年秋閒該處偶被偏災經該將軍奏請暫行禁糶蓋恐商賈販運四出必致市僧居奇有妨民食曾經降旨允行並據該將軍奏稱俟今年秋收豐稔為止本年盛京雨水調勻田禾茂茂現在

畿輔一帶望澤孔殷米價昂貴雖京師平糶倉糧民食無虞缺乏而直隸附近地方恐不免糧價騰踊此時距秋收之期尚遠盛京蓄貯充裕著富俊體察情形詳悉籌酌或仍令商賈照常販運並天津米船仍舊聽其裝運務期穀石流通借裕民食不必俟秋成後再弛糶禁該將軍即悉心酌覈迅速奏聞其所請申明終養定例及問刑衙門現行事例改歸本律二款著吏刑二部覈議具奏再所稱

河工軍需報銷請酌定章程改修戶工二部則例一款現在河工料價已令英和等前往確查應俟該侍郎等差竣回京後如何酌中定價再行詳議具奏至軍需動用錢糧本係閒有之事從前定有舊章該御史奏請酌改之處著毋庸議○戶部議准廣東巡撫孫玉庭疏報新會清遠恩平三縣開墾田三十二頃六十九畝有奇照例升科從之○己亥諭內閣向來祈雨報雨本無樂章迨乾隆十八

年始行增設至祈晴報晴本不時有嘉慶六年曾因雨水稍多舉行此禮彼時未經議設樂章因念雨暘祈報民瘼攸關典禮自宜畫一所有祈晴報晴應行增設樂章之處著樂部太常寺查明交翰林院妥擬進呈候朕閱定交太常寺載入則例永遠遵行○又諭光祿寺卿錢楷奏京師春夏以來雨澤稍稀請循照漢書求雨閉陽緘陰之說將現在正陽門外修築之石道暫停工作以期甘霖速沛

一摺五行生剋制勝雖見諸傳記大率經生強為傳會其事多迂窒不可行即如漢書求雨註內所稱閉南門禁舉火之類此或在一鄉一邑尚可遵循偶一為之至京師都會之地車馬輻輳行旅紛紜又豈能拘泥陳言概行禁止設令正陽崇文宣武三門暫閉數日尚復成何政體從前寶光鼎感於此說竟有不閉房門從臆臚行走之事豈非大笑談乎朕現因京城雨澤愆期昕夕齋心默禱惟期

勤修實政敬述

天和若謂將現在所修之石道暫停工作數日。遂可以立沛甘霖。恐感應之理未必在此。所奏應毋庸議。至伊前日召見時。面奏太常寺則例所載祈報晴雨儀注不同。因當時記憶不真。奏對舛錯。自請交部議處一節。已另降諭旨。交太常寺等衙門查明補纂樂章。以昭畫一。錢楷簡任太常寺未久。旋即升任。於該衙門事例。記憶自未真確。所有伊自請處分

著加恩寬免。○中嚴地方官擅造非刑並捕役私拷之禁。又諭。汪鏞奏請禁止非刑一摺。據稱各省問刑衙門。於例定刑具外。往往私造刑具。如木棒捶一物。專敲內外腳踝。動至數十擊。或百餘擊不等。以致骨節損折。殊屬違例等語。所奏甚是。是地方官審辦案件。所用刑具輕重大小。俱有一定程式。理應出以慎重。何得制造非刑。恣為殘酷。今汪鏞所見地方官制造木棒捶一物。敲擊內外腳踝。往往

動逾百十。其甚者損至骨折。是三木之外。竟有可以便其鍛鍊者。儻審非正犯。而兩足已成廢棄。小民並未犯法。業經貽累終身。於心何忍。汪鏞摺內謂始於捕役拷訊賊犯。而現在伊於往德州審案時。即親見地方官豫備此項刑具。看來不止捕役私用。即官員等亦未必不視若常刑。忘其酷暴。試思所訊即確係賊犯。亦有官設刑具。何得恣意妄為。毫無惻隱。地方官於捕役私拷賊犯。不能嚴查懲

辦。轉復尤而效之。是誠何心。且恐外省私設刑具。尚不止於此。不可不嚴加飭禁。著通諭各省大小問刑衙門。如有似此濫置非刑。速行除毀。違者以違制論。其捕役違例擅拷。尤當認真訪查。有犯必懲。不可稍涉寬縱。僅再任聽捕役私設刑具。地方官查禁不嚴。著該上司據實參處。以儆殘虐。用副朕矜慎庶獄至意。○嚴飭各省地方官隨時審結控案。又諭吏部奏議處衡齡等各員。在江西臬司任

內積案繁多。不能隨時清理。請分別降調一摺。外省詞訟案件。如果大小各衙門悉皆認真經理。各自清釐。自可無虞積壓。乃州縣官徂於積習。一味怠惰偷安。置民事於不問。以致小民冤憤莫申。層層上控。而上司衙門。又不過以批發了事。日久宕延。前任付之後任。塵案堆積。漠不經心。是以近來京中控案日多。都察院及步軍統領衙門。具奏發審之件。幾至每日皆有。總由地方官因循疲玩所致。

各省承審案件。動以人證不齊為詞。試思案證如果不齊。何難勒限催提。若催提不到。原當照例叅辦。如欽差審辦案件。一經到彼。從無因案證未齊。延擱不辦者。乃無識者流。每以申理控案。易啟百姓刁風。殊不知刁風之長。正係地方官審斷不勤之故。如果地方官勤於聽斷。並無壅滯。則案情立分虛實。在衙冤控告者。既可立時剖雪。自不致再行赴愬。若奸徒逞刁捏控。一經審明。速行懲辦。凡在

地方不法之徒。孰敢輕為嘗試。今案件延擱不審。良民既多負屈。而奸徒懷私挾詐。遂得肆意訐訟。陰快其拖累之計。效尤無已。實由積案不清。有以啟之。今江西省臬司衙門。衡齡劉漢。任內積案。即多至數百件。其餘亦不下數十件。歷任臬司疲玩因循。本應即照部議。予以實降。姑念官非一任。量予從寬。所有摺內議以降三級調用之前任臬司衡齡署臬司劉漢。著從寬改為革職留任。議以降二

級調用之前任臬司汪志伊。顏檢阿林。保許兆椿。景敏。前署臬司蔣攸銛。俱從寬改為降三級留任。分別註冊。嗣後外省大小各員。務當隨時清理案件。勿得仍前闕茸。僕再有積壓多案。延不審結者。一經查出。必當從嚴懲治。慎毋泄泄。將此通諭知之。○以翰林院編修王澤為雲南鄉試正考官。方振為副考官。編修易元善為貴州鄉試正考官。檢討李鴻賓為副考官。○革前任直隸馬蘭鎮總兵官

巴寧阿職發往盛京披甲○庚子

上詣

黑龍潭並山高水長

祈雨壇拈香○命儀親王永璵成親王永璪

定親王綿恩再分詣

天神壇

地祇壇

太歲壇祈雨○續徵順天府四路廳屬及直

隸保定永平正定天津河間宣化遵化易定

深十府州屬旱災本年額賦○辛丑諭內閣

前因周興岱等奏

實錄館功課字數多有浮冒當交原派之祿康

等秉公覈辦茲據祿康等奏查明尚無侵蝕

饋送情事其所報字數浮多係將

聖訓殿本及各本前銜簽牌並有字體較大應

行加算之皇史宬盛京各分字數合併算入

惟底冊俱已銷燬無存無從稽考請即照玉

麟等前查功課印冊字數每字一萬准作實

字七千等語應照所請辦理至所請將謝寶

樹等六人革去本身生監仍罰令趕繕未完

各書事竣毋庸給予議敘並請將各謄錄等

第先行咨部一節此則未為平允現在該館

既有未完各書自應分派各謄錄上緊趕繕

何以僅罰令謝寶樹等六人繕寫且既已責

令寫書事竣又不給予議敘亦無此辦法况

各謄錄係憑功課多寡以定等第今應繕之

書尚未完畢則某人實有功課若干尚難豫

定何以將等第遽行送部其咨部議敘以後

未完之書又令何人繕寫諸未允協所有此

項未經繕完各書著交應行議敘之各謄錄

分投趕辦或補其本分功課之不足或本分

之外尚能多寫亦聽其便但須實寫實交統

俟全書告竣再按其字數酌定等第咨部議

敘其纂校等官亦照此一例辦理至謝寶樹

等六人既訊無別項情弊其經理不善亦非

專係伊六人之咎著免其革去生監毋庸給

予議敘。仍令將經手各賸錄銀數字數分晰
交清。毋再含混。自干罪戾。○又諭刑部議駁。
松筠奏屯兵姜發捉姦毆傷回民趙貴身死
一摺。所駁甚是。此案魏氏於上年六月間。與
回民趙貴通姦。姜發初不知情。迨七月間。該
犯由屯工回家。望見趙貴從伊家門出去。輒
即心疑。向魏氏再三嚇問。魏氏隨稱與趙貴
有姦。其時姜發如果激於義忿。即應有毆詈
伊妻情事。並急圖捉姦。不能少待。何該犯以
正值收割事忙。意欲緩圖捉姦。仍即赴工當
差。直遲至半年之久。本年正月間。該犯由綏
定城至晚回家。適見趙貴與魏氏坐炕對酌。
該犯前次既蓄意捉姦。此時即應立行捉捕。
何以仍問趙貴因何來家。趙貴答以前次所
交香牛皮。尚未換得羊隻。該犯始斥其言語
支吾。責其不應與伊妻同坐飲酒。趙貴復行
回言。該犯即氣忿拳毆。趙貴亦揪該犯髮辮。
該犯即順取菜刀。向趙貴頭面砍毆。魏氏猶

在旁奪刀。迨後趙貴仍坐炕上不動。該犯隨
取柴棒毆傷其左太陽殞命。覈其情節。不但
捉捕已非姦所。其毆砍趙貴時。亦並未聲言
捉姦。或姜發平日實有縱姦情事。繼因需索
不遂。頗起殺機。或挾有別嫌。釁由鬪殺。狡供
捉姦卸罪。亦未可定。著松筠親提案證。將以
上指駁情節逐一研鞠。務得確情。按律定擬。
具奏。毋得稍涉迴護。致滋枉縱。○是月。江南
河道總督戴均元奏謝奉到恩賞。得旨實心
任事。實力查工。以工之修費堅固與否。定河
員之優劣。果工堅料足。即有盈餘。亦可勿問。
若冒領冒銷。一經查出。即行嚴叅。切勿姑息。
勉之。○漕運總督吉綸奏。重運幫船行走情
形。得旨。今次情形可慮之處。在山東不在江
南。山東久未得雨。湖水泉水俱形消耗。不足
濟運。已屢次勅催長齡矣。

大清仁宗受天興運敷化綏猷崇文經武孝恭
勤儉端敏英哲睿皇帝實錄卷之一百七十八

實錄卷一百七十八

主中

清 實 錄 嘉慶十二年五月上

大清仁宗受天興運敷化綏猷崇文經武孝恭
勤儉端敏英哲睿皇帝實錄卷之一百七十九

監修總纂官臣等謹將嘉慶二十二年五月內奉
上諭旨事錄後

臣等謹將嘉慶二十二年五月內奉
上諭旨事錄後

臣等謹將嘉慶二十二年五月內奉
上諭旨事錄後

臣等謹將嘉慶二十二年五月內奉
上諭旨事錄後

臣等謹將嘉慶二十二年五月內奉
上諭旨事錄後

教外

嘉慶十二年丁卯五月壬寅朔諭內閣前因

實錄卷一百七十九

十

木門溝地方紅椿界內竟有賊犯偷砍樹株
案關重大該管官均有失察之咎總督溫承
惠提督色克通阿並不自行奏請處分特降
旨申飭令其各自明白回奏茲據溫承惠色
克通阿同日遞到覆奏之摺俱請交部嚴議
但該二員情節輕重亦自不同溫承惠係漢
總督管理地方事務較多且本日覆奏摺內
據稱本擬將此案提省審辦俟定案時查明
失察文武一體參奏並自請交部議處是溫

三四五

承惠前此未即自請處分。猶為有說。至色克通阿身係滿員。經朕擢用提督。各處營汛。伊所專轄。乃於賊犯在紅椿內偷砍樹株。弁兵通同受賄。未能隨時覺察。其咎已重。而本日覆奏摺內。又稱前此途次得有傳聞。及瞻覲之時。自知干戾滋重。不敢撻頭請罪等語。尤不成話。伊既知獲戾甚重。而於召對時。猶不一字提及。豈竟欲置身事外。希圖倖免乎。溫承惠著交部議處。色克通阿著交部嚴加議處。

○諭軍機大臣等。賽冲阿奏臺灣水陸寧謐。留防兵丁擬分起撤回一摺。據稱臺灣早已敕軍戍兵。現亦足額。因與許文謨相商。將征兵三千餘名分作三起。內渡頭起兵一千餘名。即選派將領配船內渡。其二起兵一千名。仍俟四五月間查明洋面實在寧謐。賽冲阿再統帶內渡等語。臺郡地方雖已寧帖。但蔡逆竄入粵洋。前此僅剩船數隻。自入粵以後。欲與烏石二等匪合夥。近來船隻稍添。李

長庚等跟蹤勒捕。尚未就擒。而朱潰一犯。勢頗鷙張。前據阿林保奏。稱朱潰竄到粵屬廣澳洋面遊奕。去閩粵交界之南澳不遠。恐其乘機竄閩。窺伺臺灣。已有旨令賽冲阿為先事豫防之計。並續有旨令阿林保再飛咨該將軍分飭臺地文武一體嚴防。並將征兵暫留幫同防守。著賽冲阿酌量情形。如頭起征兵實已配船內渡。自不必復行截回。其二三起征兵。應即留於臺郡分布防守。該將軍尤

不可遽行內渡。須探明蔡逆就擒。朱潰業經遠竄。洋面實在寧謐。臺灣可以放心。於秋冬間再行酌量內渡。該將軍務宜妥協經理。毋負委任。將此諭令知之。○癸卯。

上御勤政殿聽政。○諭軍機大臣等。初彭齡奏休寧縣耆民程元通控告棚民占踞山場一案。經該撫派員勘明山場酌斷租價。令棚民拆棚回籍。該棚民等均各繳價。拆棚情願。攜帶丁屬回籍等語。此案既經勘明酌斷。該七

村棚民俱情願遷移。即著照此辦理。惟據查休寧除此七村外。尚有山棚七百餘座。歙縣祁門婺源黟縣績溪等邑。亦各有山棚數百座。及百餘座不等。各該處棚民人數衆多。且向山戶租地墾種。搭棚居住。相安已久。若此時概令退地。折棚紛紛。飭逐回籍。不特吏胥等因緣為奸。或致從中滋擾。並恐此等客民大半皆無籍可歸之人。一旦驟令失業。提挈親屬流離轉徙。或至激生事端。殊有關繫。初

彭齡當體察情形。聽其各安生業。不必概行查辦。將此諭令知之。○又諭本日都察院奏山東監生張元鶴呈控一案。已發交周廷棟廣興審辦矣。都察院近日所奏外省控案。惟山東為最多。若云東省距京較近。民間控案便於赴懇。則直隸為畿輔近地。即山西河南亦均密邇都城。該三省雖亦間有赴控之案。然總不至如山東一省之多。豈直隸等三省遇有上控之案。該地方官竟豫為攔阻。不使

來京申懇乎。可見山東州縣官於民間詞訟案件。怠惰偷安。竟不及時申理。全置民事於不問。以致小民冤抑莫伸。不得不赴京呈控。而該撫長齡一任各該州縣因循延宕。漫不加察。所司何事。自問能無愧乎。除張元鶴一案。交周廷棟等審擬具奏外。嗣後該撫當留心察吏。嚴飭地方官。於民間詞訟。隨時秉公審斷。毋再狃於積習。俾銜冤控告者。立得剖雪。不至紛紛來京呈控。方為無負委任。將此

諭令知之。○以翰林院侍讀學士貴慶為詹事府詹事。○戶部議准兩浙鹽政常顯疏報仁和穿長二場原冊復漲寔地三千七十畝。有奇。照例升科。從之。○甲辰。

孝誠仁皇后忌辰。遣官祭。

景陵。○諭內閣。據御前大臣定親王綿恩等奏。奏乾清門侍衛格布舍。於未經召見之前。將總兵吳廷剛帶入奏事門。請將格布舍交部嚴加議處一摺。向例召見大臣官員。應由奏

事處官員帶進與格布舍本屬無涉。格布舍在乾清門行走有年。又係班長。豈不知之。今因與吳廷剛素相認識。即擅自帶入奏事門。殊屬謬妄。格布舍著逐出乾清門。仍交部嚴加議處。至吳廷剛由行伍出身。於門禁向未諳悉。因格布舍引進。致涉冒昧。情尚可原。吳廷剛著加恩免議。○旌表守正捐軀直隸東強縣民李成德妻殷氏。○乙巳。以翰林院編修戴殿泗署日講起居注官。○調喀喇沙爾

辦事大臣那彥成為西寧辦事大臣。庫車辦事大臣廣厚為喀喇沙爾辦事大臣。賞達成烏嚕木齊已革貴州布政使公義三等侍衛為庫車辦事大臣。○旌表守正捐軀江蘇邳州民王林妻馮氏。○戶部議准前署四川總督特清額疏報。酉陽州開墾田五十畝。有奇。照例升科。從之。○丙午。諭內閣。端陽節日。不過與中秋。瓜餅節相等。非元旦之必應慶賀者可比。蓋元旦義重履端。設其時偶值雪澤。

未敷。正殷祈盼。自未便因此遽省朝正之典。所以重歲首普春祺也。至重午日。即在尋常雨暘時若之年。向例亦止圓明園奏事。推班一日。王大臣等全遞膳牌。共申慶節之意。今歲畿輔一帶。入春以來。總未得有透雨。節經設壇祈禱。並平糶省刑。以期速迓和甘。連日濃陰密布。間有微雨飄灑。旋即晴霽。尚未渥沛醲膏。朕宵旰焦勞。無時或釋。曾經通諭王大臣等。如端節前已沛甘霖。即循照向例。推

班慶節。如尚在望澤。則照常辦事。其並非輪值奏事之部。旗俱不必來園。乃今日王大臣等仍相率呈遞膳牌。殊屬無謂。伊等既非奏事及帶領引見。又非值日。若因慶節而來。則今歲端陽有何可慶賀而為此虛文乎。且伊等與從絡繹紛至沓來。在里巷小民。未必不以為現當祈雨之時。慶節猶如往歲。不幾視朕為置民瘼於不問耶。王大臣等何不仰體朕意。一至於此。除在內廷行走及承直奏事。

帶領引見之王大臣等無庸議外所有本日
不遵朕旨來園之禮親王昭捷鄭親王烏爾
恭阿肅親王永錫順承郡王倫柱裕郡王亮
煥克勤郡王尚格貝勒永珠永鑾綿懃貝子
綿懿綿洞奕紹奕綸協辦大學士尚書長麟
尚書恭阿拉王懿修秦承恩博興都統慶怡
巴特瑪侍郎秦瀛周兆基薩彬圖李鈞簡副
都統永玉積拉堪裕興哈寧阿明泰王集蘇
冲阿花沙布順天府府尹宋銘俱著各罰職
任俸三箇月雖有紀錄不准抵銷（升任西
寧辦事大臣貢楚克扎布奏堵截賊番出力
各員都司邵能等下部議敘賞通丁羅成印
頂帶（丁未

上詣山高水長

祈雨壇拈香○幸萬壽山○諭內閣給事中
茅豫奏請嚴各省奏咨案件違限處分以懲
怠玩一摺據稱欽部事件違限定例本有處
分未便任其日久虛懸致滋貽誤請勅下原

交衙門填註遲延月日開單進呈照例議處
並請嗣後凡遇奏交咨交之件俱隨案登記
分別扣查如有違逾即據實嚴參等語近來
各省交審事件甚多而奏結者甚少該督撫
於奉文之後任意延宕經年累月怠惰因循
以致善良赴訴不休而奸民告訐愈甚訟獄
之繁皆由於此朕本欲嚴立章程隨時稽考
該給事中適有此奏所論甚是第各衙門奏
交咨交之件其情事輕重既有不同尚應分

別覈辦即如特旨交審事件此與派欽差前
往無異何以欽差馳至該省無不迅速奏結
而督撫承審之案動輒稽延即云案犯不齊
亦無難勒限嚴提何得有心泄泄嗣後特交
事件著該督撫於奉文之後隨時咨報軍機
處自原告到省之日起依限審結即有因人
證難齊或該督撫有公出事件不得不稍為
展緩亦當隨案報明儻涉遲逾即行分別參
奏其各衙門咨交事件亦著照此登記檔案

依限飭催。如違分別辦理。至各省距京道路遠近不同。案情亦繁簡互異。即各省交審案件亦多少不一。其應如何分別立限酌定處分。並著吏部參考舊例定議具奏。尋議欽交案件以提齊人犯之日起限四箇月。咨交案件仍照舊例以接奉咨文之日起限四箇月。其限內有難結緣由。欽件咨報軍機處。咨件報原交衙門。奏結後將展限月日申報吏部。其無故遲延逾限不及一月者。將該督撫罰

俸三月。一月以上。罰俸一年。三月以上。降一級調用。半年以上。革職從之。○又諭御史陸言奏請嚴定部院選派差使次序。以昭公允。一摺。據稱京察為考績大典。尚當兼採資格。至保送差使。尤應按照資俸先後公平選派等語。所奏未免拘滯難行。各衙門保送差使。現俱遵照從前諭旨。先儘京察一等人員。一等無人。方將二等人員保送。誠以京察考績之時。須擇其差使勤慎者。列為上考。此內即

難概論資俸。至二等人員。其當差亦有優劣。若專以資俸之深淺為派差之次序。無論資深者未必盡屬出色之員。且恐其因恃資格已深。即差使平常。亦可希冀保送。轉得怠惰偷安。任情自便。其資格較淺者。將欲於公事奮勉。力圖已結。轉似類於鑽營。否則照常當差。又覺鄙於懈怠。是專執資俸以保送差使。必致勤惰莫分。無以明示鼓勵。殊非造就人才之道。總之此事惟在各堂官平時留心察

看。司員之勤惰。臨時秉公遴選。其司員果屬出色。衆論僉同。並無絲毫偏徇。自可以得真才而昭公允。不在多設科條。該御史所奏著無庸議。○又諭本日貴慶奏遵旨挑取內務府三旗添設養育兵。係會同蘇楞額。秉公揀取等語。此次新添養育兵。內務府大臣中。除有專派別項差使。不能分身者。均應親往會挑。何以僅有蘇楞額一人前往。至緼布近日適又輪屆在城內住班之期。即遇御門大典

伊亦並不赴園。是伊數日內公事較簡。且內務府挑取養育兵。係在都虞司傳集辦理。尤可就近前往。即有蘇楞額進城挑取。緡布寧不當會同商辦。乃一味偷安。又蹈從前推卸惡習。遇有派辦事件。輒委令一人承辦。其餘互相觀望。自耽安逸。轉云他人專擅。近來此風又漸長矣。朕斷不容尸位素餐之輩。有則改之。無則加勉。尚待朕明降諭旨乎。緡布著傳旨申飭。○諭軍機大臣等。清安泰奏平陽

縣刁徒抗糧奪犯一摺。此案前日據阿林保奏稱。知縣徐映台奉溫處道轉奉撫臣清安泰札飭。以武舉陳步高具控。自行赴匱納糧。莊以益等因包攬不遂。將陳步高毆傷奪其錢物一案。飭令會營拏究。隨會同營弁前往。將莊以益拏獲。有莊以益之子等糾集二三百人。先後圍繞。先將兵役毆傷。嗣將知縣外委毆打。並劫去糧銀行李。將莊以益奪去等語。而本日清安泰摺內。則稱該縣奉文趕徵

錢糧。因莊以益包攬不完。並因莊以益上年有被控之案。節奉道府催令會營查拏。隨督帶兵役前往等語。是此案起事根由。已與阿林保所奏互異。又摺內稱該縣將莊以益拏獲之後。伊子等糾約多人。上前奪犯。肆毆以致該縣外委等多有受傷等語。亦並無如昨日阿林保摺內所稱其夥衆至有二三百人之多。地方有此等重大案件。具報督撫。其所敘情節。自應脗合。乃此案阿林保清安泰同

係接據知府楊兆鶴等稟報。何以案由輕重迥不相侔。實不可解。刁民逞兇肆惡。敢於拒捕奪犯。並且肆毆官弁。不法已極。自應嚴行懲辦。但地方官是否另有別情。激成事端。有無裝點情節。其所帶兵役究有若干。所云受傷兵役四十餘人。是否確實。現在有無因傷斃命。又摺內所稱被兵役傷斃之張阿叶等四犯。是否確係在場搶毆之人。均當詳悉究明。據實審辦。俾無枉縱。此案情節甚重。昨已

有旨著清安泰馳往督同百齡審辦。今清安泰摺內奏稱伊派朱理前往督拏案犯該撫現已回省等語。清安泰接奉此旨後仍當迅即啟程親往該處詳查明確。督同百齡審辦並查明實在情形。該督撫所接稟報孰為確實先行詳悉具奏。其臬司朱理即飭令回省辦事可也。將此諭令知之。○以四川布政使董教增為安徽巡撫。四川按察使姚令儀為布政使。鹽茶道方積為按察使。○戶部議准前署陝甘總督方維甸疏報迪化州開墾屯地二十三頃四十畝。照例升科從之。○戊申申訓臣工勤政諭內閣朕恭讀太宗文皇帝實錄。崇德四年八月內欽奉聖諭從來君明則臣勞而民安。君庸則臣逸而民危。朕豈不恤臣工勞苦。但當此天心眷佑之時。正我君臣勵精圖治之日。爾諸王貝勒貝子大臣等若不各加勤勉。朕以一身宵衣旰食。亦復何為。欽此。

聖訓煌煌。昭垂奕禩。敬思我國家景運初隆。肇基東土。彼時版圖未廓。地方民人政務尚簡。而我太宗文皇帝勅幾勤政。惟日孜孜。諄勉在廷。警其怠逸。用能贊襄郅治。光啟鴻圖。創業之隆。遂為前古未有。今則車書一統。四海之大。兆民之衆。一日萬幾。更當如何兢業。設稍萌玩愒。何以慎守丕基。我皇考高宗純皇帝御宇六十年。宵旰勤勞。耄期罔倦。直至嘉慶元年以後。猶復旰夕訓政。弗懈益虔。內外臣工共聞共見。朕寅承大寶。祇奉訓言。夕惕朝乾。所其無逸。實不敢一念稍弛。誠以守成之難。非克勤無由。制治但諸臣等分任効能。亦當共勤職業。豈容怠惰偷安。朕頻年節經降旨訓誨。並曾親製勤政殿記。勤政箴。頒示中外。提撕警覺。不啻至再至三。諸臣

中自不乏恪恭匪懈之人。而狃於積習。因循怠忽者。正復不少。此在年力壯盛之員。固當任事出力。即年齒較增。亦當振其積惰。朕觀諸臣中。有已逾耆齡。而夙夜在公。並不稍形竭蹶。其心存懈弛者。精力轉日見衰憊。可見莊敬日強。實有至理。國家詔督受祿。各有職司。一日在乎其位。即當一日業乎其官。若一日不得乎其官。即一日不敢立乎其位。此實古今通義。如果自揣精神。不能振奮筋力。實

已衰。續於應管諸務。不能經理。原可據實陳情。懇請退休。朝廷自有恤老之典。任其優遊自適。若既懷戀職。又復遇事模稜。惟耽安逸。是直自便私圖。罔顧公義。國家又安賴此充位之大臣乎。嗣後內外大小臣工。惟當仰體朕心。隨時循省。以怠荒為戒。有則改之。無則加勉。庶幾殫精竭慮。各揚其職。用副朕纘承鴻緒。整飭百度之至意。○又諭刑部議覆汪志伊等奏審擬馬兵徐榮等糾眾滋事一案。將

該督等原擬謀叛改照謀反律辦理。所議是。徐榮王連胡金玉三犯。膽敢糾約拜盟。起意戕官劫庫。實屬罪大惡極。自應照謀反大逆律辦理。該督等僅將為首之徐榮等三犯。予以斬決。所辦錯謬。著照部議。將該三犯剝屍梟示。以彰國憲。其餘徐榮等犯家屬。並著照例緣坐。張輝如楊起珍盧如秀熊得勝林貴五犯。俱著即處斬。至部議請將民人王廷桂周應和二犯。一律問擬斬決。該二犯均係入夥

結盟。豫聞逆謀。原屬法無可貸。但此案究緣周應和與楊大德素好。有囑伊遷避之語。楊大德向頭役告知。該縣得訪有端倪。因而案犯全行弋獲。是周應和雖非自行自首。但此事由伊破案。尚有一線可原。其王廷桂一犯。著照部議。即行處斬。周應和著仍照該督等所請。發往索倫達呼爾為奴。以示區別。嗣後各省遇有此等案犯。務當研覈案情。如果始而同謀。繼因畏罪自首者。不惟法可從寬。並

可加之恩賞。即非有心首告。或因其透漏消息。全業藉以發覺者。亦可量加寬典。庶於勅法之中。予以生路。至該管遊擊雅金泰。因不識漢字。於應減馬兵。並不查照部文辦理。以致兵心不服。藉口釀事。實屬糊塗錯謬。著即照部議革職。其南漳縣知縣陶紹侃。於此等謀叛匪徒。尚能先事覺察。旋即會營設法全數查拏。尚屬能事。著即送部引見。汪志伊等引律錯謬。著交部察議。餘依議。○又諭本日

刑部議覆汪志伊奏拏獲謀叛之湖北提標左營馬兵徐榮等分別治罪一摺。已另降旨飭遵。至摺內稱該管遊擊雅金泰。未便以其不識漢字稍為姑容。請旨革職一節。外省綠營辦理事務。文移往來。俱用漢字。該管營員即僅識漢字。尚恐於一切營務。不能妥協辦理。若併漢字不識。勢必至稿案茫然。動形竭蹶。即如已革遊擊雅金泰。於部文內。令俟有應減馬兵缺出。陸續改挑步兵之處。因不識

漢字。未能理會部文。先後將馬兵王連等二十一名。即行降補步兵。辦理錯謬。以致兵丁不服。釀成事端。是其明驗。嗣後旗員及東三省人員。有揀補各省綠營武職者。各該管上司保送時。不得以不識漢字之人。濫行充數。及揀選時。仍著欽派大臣等。臨期詢其是否能識漢字。並面加試驗。其不識漢字者。不准揀選。方免臨事舛誤。於營務庶有裨益。○以翰林院侍講廉善。左春坊左贊善。多山。充日

講起居注官。○己酉。調鑲藍旗漢軍副都統珠隆阿。為鑲藍旗蒙古副都統。以刑部侍郎廣興。兼鑲藍旗漢軍副都統。○以伊犁領隊大臣祥保。為烏里雅蘇台叅贊大臣。賞降調副都統格布舍。副都統銜。為伊犁領隊大臣。○旌卹遇賊捐軀署安徽宿州知州章鼎子。馥。幕友候選從九品陳震等五名。如例。○庚戌。

上詔

時應宮

昭顯廟拈香○還宮○命

皇次子○詣山高水長慶郡王永璘詣

黑龍潭謝雨○諭內閣據文寧等奏本月初

八日東城智化寺米廠門口有領糶民人擠

倒壓斃計民婦七口幼男三口幼女五口詢

因廠門開遲俟監糶各員到齊之後方始放

進以致一時擁擠壓斃等語設廠平糶原以

軫卹貧民今因經理不善轉致擠斃多命殊

堪憫惻該處監糶米石係恭阿拉慶禧安柱

三員慶禧前一日在圓明園該班直宿是日

下班之後方能趕往其遲到尚屬有因至恭

阿拉安柱二人均近在城內何以不夙興到

廠及早放進以致貧民擁擠爭先慘罹不測

皆伊等平昔怠惰偷安今借此差轉可在家

高卧不以小民枵腹久待為念是誠何心現

據伊等自請察議恭阿拉安柱二人之咎較

重著交部議處慶禧著交部察議至擠斃男

婦等十五人據奏已飭令屍親領埋完結所

辦未協此內大口七命應各賞給銀十兩小

口八命應各賞給銀五兩即罰令恭阿拉出

銀五十兩慶禧出銀三十兩安柱出銀三十

兩迅傳屍親給領俾資殮埋此次擁擠蹂躪

係由監糶各員到遲之故業經分別懲治其

餘地面章京及坊官等尚可免其交議嗣後

各城監糶之員其由城內赴廠者均限於每

日寅正到彼即在園該班者亦限於卯正趕

到先到之員一面先行放糶不必彼此等候

總須赴鄉民未到之前妥為料理隨到隨放

俾鄉民陸續領糶毋涉擁擠設或監糶大員

等到廠遲延著在廠之御史據實奏設或

御史到遲亦著監糶大臣等奏○旌表守

正捐軀浙江仁和縣民李慶春妻胡氏○展

緩山西臨汾洪洞太平曲沃襄城翼城永濟

臨晉榮河萬泉猗氏虞鄉解安邑芮城平陸

夏絳州絳縣稷山河津聞喜垣曲霍趙城靈

石二十六州縣旱災帶徵額賦鹽課。○辛亥上御太和殿視朝。王以下文武升轉各官謝恩。

○詰

大高殿行禮。○幸圓明園。○諭內閣阿林保奏拏獲通盜避匿之朱彤雲請照例杖流一摺。朱彤雲係蔡新女婿朱弼之子。乃大學士外孫。非平民不曉禮法者可比。乃明知伊父朱弼得賄縱盜分用銀錢。迨伊父被獲。又復赴官呈請往招朱濟希圖延案避匿。不到殊屬

狡猾。阿林保僅請將該犯照強盜父兄知情分贓例杖一百流三千里。尚不足以示儆。朱彤雲著改發黑龍江給兵丁為奴。至朱彤雲與在籍主事蔡行達係中表弟兄。該主事雖未藏匿朱彤雲。但經該營縣前往偵緝時在伊宅前開鐸喝道。該族人蔡海等執敢拾石擲打。該主事係大學士蔡新之孫。世受國恩。朱彤雲乃其姻戚。其通盜避匿情事。詎得諉為不知。一聞地方官查拏。理宜將朱彤雲擒

獻。乃意存庇護。而其族人竟敢倚恃紳衿。欺陵官長。則蔡行達平日之漫無約束可知。阿林保僅請將該主事交部議處。亦屬輕縱。蔡行達著即革職。交地方官嚴行管束。儻再有不遵本分之處。即奏明從嚴治罪。其族人蔡海等罪名。並著該督加等問擬。○以翰林院編修宋湘為四川鄉試正考官。刑部郎中楊曰鯤為副考官。陝西道御史花杰為廣東鄉試正考官。翰林院編修何凌漢為副考官。司

經局洗馬張錦枝為廣西鄉試正考官。內閣中書李振祐為副考官。刑部郎中彭希濂為福建鄉試正考官。翰林院編修白鎔為副考官。河南道御史李本榆為湖南鄉試正考官。翰林院編修吳其彥為副考官。○壬子諭內閣。前據綿億等奏。查明木門溝紅椿界內地。方偷砍樹木椿椿於十三株之外。尚有十株。並有砍樹時壓倒樹株。及偷運木植路徑。砍倒大小樹不計其數。當經飭提賊犯周明嚴

加訊問該犯俱一一承認。昨又據綿億等奏查明大窪地方亦有新舊椿植二十三株。經刑部將續經解到應行質審之汛兵陳英詳細鞫訊。據供嘉慶六年曾有該處民人孫秀張本孫云宋幘望四人商同進山砍樹。伊因得受錢文。乘該汛外委巡查過後與孫秀送信三次。又究出周明於八年內偷砍紅椿松樹四株之外尚有六株給過陳英錢文。其十年偷砍樹株時汛兵張起雲亦經得賄等語。

紅椿禁地該犯等膽敢肆意砍伐樹株。汛兵等得賊責放實屬目無法紀。總由該管大員等不能隨時查察以致屢被盜賣。所有續經訊出之賊犯孫秀等四名及兵丁張起雲一名著慶傑即速查拏解送到部歸案審辦至綿億係因督修

昭西陵明樓工程奉派前往今於盜砍樹株處所均能詳細查勘俾無遺漏尚屬認真綿億著加恩仍在內廷乾清門行走永錫弘謀二

人係該處守護大員所司何事現經查明紅椿內樹株疊被盜賣實有應得之咎乃伊二人並未具摺自請處分竟若置身事外殊屬非是。此次永錫隨同綿億周歷巡查留心勘驗尚可將功抵過著加恩免議弘謀著交宗人府議處。已革總兵巴寧阿前於春間召見時曾據奏稱伊自簡任馬蘭鎮總兵以來於該處地方諸務俱實力辦理所有紅椿界內一帶隨時策馬親查設過山勢高險石徑崎

嶇之處往往徒步攀援推挽前進伊習而相安自揣人地相宜懇請久留此任力圖報稱即使任在彼終老亦所甘心至於言之泣下似屬疊疊可聽何以並未逾時即查出偷砍樹株之案層見疊出可見巴寧阿從前僅託諸空言並未身親經歷似此漫無覺察飾詞具奏實屬孤負委任前有旨令其在盛京充當披甲辦理工程尚覺過優俟巴寧阿到盛京時著富俊面傳諭旨將巴寧阿發往吉林交

與秀林嚴行管束効力贖罪以示懲儆其六年以後守護之王公等及歷任總兵兼總管內務府大臣並著慶傑詳細查明具奏再降諭旨此時慶傑甫蒞馬蘭鎮新任所有該管地界務須實力嚴查不必令汛兵指引道路出其不意常川巡閱庶守汛官兵自知加意防範而宵小亦聞風斂戢切勿蹈巴寧阿之覆轍也○西寧辦事大臣恒伯以前在科布多失察私開煤窰革職發往盛京○旌表守

正被戕貴州貞豐州苗民楊阿三妻阿行○戶部議准兩浙鹽政常顯疏報仁和穿長長亭鮑郎四場新漲窰地三頃七十畝有奇照例升科從之○緩徵盛京花戶花利銀米○癸丑諭內閣吏部議奏江蘇徐州府知府員缺鐵保等請以候補知府王穀補授與例不符應毋庸議一摺所駁甚是徐州府知府本係請旨簡放之缺例不准在外奏補况該員於嘉慶八年山東泗河同知任內丁憂後節

經鐵保奏留辦理工程並未回籍守制又未回籍補行穿孝種種與定例違礙該督等率請補放徐州府缺仍令於回籍補行持服百日後再行赴任殊屬非是此等丁憂官員於呈報後即應遵例回籍守制乃輟轉奏留仍令照常供職若出自上官之意為人地相需起見遽爾奪情留任已非正辦設該員本無歸志哀慕之誠惻然罔念是該員於本源大節已屬有虧總缺謀利尚安望其移孝作忠

力圖報稱耶試思國家政事自以軍務為重古人墨經從戎事非得已如果其人正在統率師干軍情緊急刻不可離經朕降旨暫留本任此亦大員內僅有之事至帶兵員弁即不得概從此例况河工非軍務可比王穀又係丞倅微員河工効用多人不乏差委何遽少該員一人經理設其人因病身故遂置宣防事宜於不辦乎王穀著即飭令回籍補行穿孝百日另報起復以符定制所有徐州

府知府員缺仍照例另行簡放○舉行本年軍政侍衛處鑾儀衛并滿洲蒙古漢軍各旗營卓異官一百十三員年老官十一員有疾官十四員才力不及官三員不謹官一員罷軟官一員分別議敘處分如例○甲寅遣官祭

關帝廟○諭內閣向來鑾儀衛衙門凡遇朕由宮內至圓明園來往皆奏請陳設儀仗除新正萬壽月外均經降旨停止而該衙門每

次必具摺陳奏轉屬虛文嗣後遇正十月間鑾駕往來該衙門即奏明陳設儀仗其餘概毋庸奏請○諭軍機大臣等興奎奏行抵碾伯地方接據稟報賊番復至內地搶劫迅速調兵會剿一摺同日據貢楚克扎布奏野番復擾內地邊界搶劫居民蒙古牲畜情形一摺所奏賊番在祁家寺白水河等處兩次滋擾官兵殺賊奪贓生擒賊目與興奎所奏大畧相同興奎於途次接據稟報即飛調暫留

中衛滿兵兼程前進並就近咨催百祥速挑綠營兵五百名帶領前往所辦甚是此項賊番疊次搶掠牲畜擾及內地居民及聞官兵追捕旋即遠颺今又膽敢復來滋擾實屬不法已極必須聲罪致討大加懲創現據貢楚克扎布奏稱訊取獲犯完的供詞據稱係瑞咱族番目尖木贊之姪夥賊有一百餘人所

有上年冬間及本年二三月間為首賊犯族分該犯俱一一指實興奎等惟當遵照節次諭旨俟官兵齊集後同時進發將賊犯按名捕獲以靖邊圉而懾番族至尖木贊係番族頭目曾經賞有頂帶原令其管束番眾俾各安分守法今伊姪完的率同夥賊一百餘人肆意搶劫伊即不能辭咎著興奎等嚴訊已獲之賊番完的如尖木贊本不知情即當飭傳該番目責令縛獻賊犯自贖償該番目竟有同謀主使情事著即將該番目頂帶斥革治以應得之罪興奎現已馳赴白塔營與貢

楚克扎布會商籌勦務須相機妥辦用副委任將此諭令知之○以故奉國將軍彭齡子都勒都禮襲職○乙卯

上詣

大高殿行禮○還宮○命成親王永璉定親王

綿恩莊親王綿課分詣

天神壇

地祇壇

太歲壇謝雨○以夏至祭

地於

方澤自是日始齋戒三日○丙辰諭內閣現在

恭繕

高宗純皇帝實錄業經告成所有盛京皇史宬

尊藏本二分凡書內恭遇

廟諱暨朕名自應仍循舊章照本字填寫著派

慶桂董誥曹振鏞玉麟劉鳳誥英和特克慎

敬謹填寫玉麟英和現俱出差屆期如尚未

回京著桂芳恭填○又諭向來恭送

實錄

聖訓

王牒前往盛京由八旗派出之官員護軍等祇送一站即行回京由綠營派出之官兵等送至山海關由盛京派來之官兵等接至關外於敬慎之道猶有未盡此次恭送

高宗純皇帝實錄

聖訓並

王牒著於前鋒統領護軍統領內奏派一員酌帶章京護軍校並帶護軍二十名與綠營官兵一體送至山海關其應派前鋒統領等著於明日開單具奏候旨簡派仍著盛京副都統宜興禮部侍郎成格帶領該處所派官兵先期迎至山海關送至盛京以昭敬謹富俊等仍照舊例出城跪接不必遠迎此次派出乾清門侍衛應得之項照大門侍衛例支給護軍營官兵應得之項照隨圍官兵例支給著為令○又諭向來上書房阿哥功課自初

伏以至末伏。因天氣暑熱。俱係半課。每日散學。並無一定時刻。因思末伏在立秋之後。天氣已日就涼爽。而節候一交夏至。便已炎熱。所有上書房阿哥功課。嗣後著改於夏至後立秋前作半課。不必以入伏出伏為程。其散學時刻。亦應有定。所有夏至以後立秋以前二阿哥三阿哥及各師傅。俱每日於午初散學。其伴讀阿哥及其師傅。每日於已正散學。著為例。○又諭孫玉庭奏。拏獲在洋疊劫盜匪。及守備不設之汛。弁審明分別辦理一摺。此案外委劉大光。於賊匪劫掠礮臺之時。即督率在臺兵丁放礮轟擊。並無退縮不前情事。嗣因奮力抵敵。趕前殺賊。被盜匪梁亞金等先後砍傷右臂膊右後腿等處。滾下石角昏迷不醒。是該外委抵敵不住。尚屬有因。且受傷屬實。並無捏飾情弊。該撫請將劉大革去外委。依守備不設被賊侵入律擬以杖一百發邊遠充軍。未免法重情輕。其平時不

能防範。咎有應得。革去外委已足示懲。不必再行按律科罪。至議將兵丁何恩鳳與兵丁徐承禧蘇聯陞。張得雄均問以杖一百徒三年。至配所各折責一節。所擬亦未允協。兵丁徐承禧蘇聯陞。張得雄抵賊不住。被梁亞金等擄捉下船。押禁艙底。自應問以杖徒至何恩鳳。因見劉大光被賊砍傷跌倒。即同兵丁潘元秀趕上救護。該兵丁亦被賊用刀砍傷左腿。倒在石角旁。若與未經受傷之兵丁徐承禧等一律科罪。殊不足以昭區別。何恩鳳著革退兵丁。不必再行科罪。其禦盜受傷身死之潘元秀。著照例議卹。其餘各犯罪名。著該部覈議具奏。○增福建臺灣府至字號舉人中額一名。以該府學原設廩生增生二十名。專歸閩籍生員充補。增設粵籍廩生增生八名。府學閩粵兩籍與臺灣鳳山嘉義彰化四縣學。各加學額一名。並准各學生員報優冊送學政。與內地優生一體考試。從總督阿

林保等請也。

大清仁宗受天興運敷化綏猷崇文經武孝恭勤儉端敏英哲睿皇帝實錄卷之一百七十九

中錄卷之十九

三十四

大清仁宗受天興運敷化綏猷崇文經武孝恭勤儉端敏英哲睿皇帝實錄卷之一百八十

駁於編纂實錄錄曰請起居注官太子太傅武英殿大學士文淵閣閣學等請奏欽奉
上諭事件處管理工部事務翰林院掌筆通書

加二級序常昭級
曹振鐸總裁官太僕文淵閣大學士管理刑部事務昭級
戴元經是日擢起居官太子少保內左軍大司馬提來

開事惟恭欽奉 上諭事件處協辦大學士戶部尚書翰林院掌院學士教習庶吉士總管內務府大臣鍾黃旗滿洲都統步軍統領等官

都工康奉宸苑清湖園等處總理工程處御茶膳房御樂房太醫院西洋堂事務增加三級隨帶加二級尋常加三級記錢二十次

興和親王鎮守太子太保禮部尚書主事房行太武英親王管理園子監事務加六級隨帶加二級紀錄四次汪廷珍等奉

較修

嘉慶十二年丁卯五月丁巳諭內閣朕前歲

躬詣盛京祇謁

祖陵曾經降旨每閱二年著軍機大臣提奏請

旨簡派宗室王貝勒貝子公暨大學士六部

尚書等數人前往敬謹查勘

陵寢宮殿各工如有敲損殘缺未經修葺者即

據實効叅現在已屆應行奏請簡派之期因

思莊親王綿課成親王永理尚書恭阿拉曹

振鏞四人昨經派令祇送

皇考高宗純皇帝實錄

聖訓並

玉牒前往陪都尊藏所有查工一事即著派伊四人詳細查勘伊等於馳抵盛京恭奉全書安度就近將該處各宮殿周歷詳視即敬詣三陵叩謁並查閱

陵寢宮殿戶牖及繚垣檻檻各工是否一律修整完繕據實具奏用副朕追念

前謨依戀無已之意其隨帶之侍衛及執事人等送書安設事畢即令其先行回京○改派

奉天府府尹繼善會同副都統宜興恭迎高宗純皇帝寶錄

聖訓並

玉牒於山海關外並飭敬謹修整橋道送至盛京原派之禮部侍郎成格在盛京城外跪接○減五城平糶麥石價值○戊午夏至祭

地於

方澤

上親詣行禮○幸圓明園○諭內閣據英和等

奏行抵清江有淮安捐職通判張如璧具呈

盱堰隄石等工積弊內稱該處廳營各員並不照估築壩祇將石塊約畧安放椿木全行偷減又興築土石工程亦不照例取土等情經英和等詢明該職員並未在本省具呈無庸迴護請勅交督河諸臣會同徹底究辦等語南河盱堰隄工為淮揚一方保障最關緊要豈容該廳營等任意偷減草率之弊從前張如璧未向本省具呈自係慮該省大僚

有心袒護不肯即為究辦是以向欽差控告該督等於此等偷工減料之員弁平日未能先事覺察實屬疏忽鐵保戴均元徐端均著傳旨申飭此案仍交鐵保等三人秉公審辦務將該職員呈出各款逐一詳晰根究毋得稍存徇隱致干重戾○己未諭內閣董誥等奏會議復設滿洲蒙古八旗園馬章程並放馬各事宜分列十款進呈朕詳加披覽所議園馬數目請遵照乾隆年間初定章程滿洲

每旗各養二百匹蒙古每旗各養一百匹以符舊制著照議行惟此時設圈伊始正當將從前各官兵分拴馬匹覈實收回而現據摺內聲敘該官兵等積習相仍恐不免有拴養空頭者請飭令該管大臣查驗除有馬呈驗勿計外其無馬可交者可否責令各交價銀七兩由俸餉坐扣以便另籌買補等語從前散圈之後將馬匹交官兵拴養該官兵等竟不認真餵養敢於虛拴空頭侵食馬乾以致現當設圈之時不能將原馬交出其罪甚重本當查明懲治問以遣戍皆所應得即從寬辦理亦當徹底究明將該官兵等拴養空頭虛食馬乾究竟始於何年何月侵用若干全數追出方為正辦姑念人數衆多積弊已久著加恩免其治罪並免其追繳馬乾即照所請扣繳馬價銀每匹七兩以備買補所有此項馬價應歸貯何處及如何買補馬匹均著原議大臣再行詳悉議奏又摺內以出圈官

兵屢有偷賣紅單等弊今擬將官兵向領馬二匹三四匹者俱各減至一匹向領五匹者減至二匹其原領馬一匹者詢明如係實在有馬之人不願再領亦聽其便總不得混領紅單等語但官兵等差使應分緩急有領馬數目雖同而裁減不能一律者不可不詳加查數區別辦理著原議大臣再將各官兵領馬多少數目按其差使之輕重分別酌減俾各足數乘騎不形支絀俟奏上候朕酌定施行至擇立圈地一節此時滿洲蒙古每旗所養之馬共祇三百匹馬數既減圈座即不必過寬竟著每一旗滿洲蒙古共立一圈八旗共為八圈無庸分設十六處惟每一圈內須酌量地勢用牆垣間隔分別餵養所有應行履勘定地等事著照所議交工部奏派大員會同各該旗都統等妥協經理動項開銷其馬乾數目自應悉照定制毋庸額外增添惟立圈之後費用繁多若不酌予經費勢必

又於馬乾內侵扣蹈從前虛捏惡習著照所請於滿洲各旗每月給公費銀二百兩蒙古各旗每月給公費銀一百兩交各該旗妥協經理所有團馬事宜並著各旗都統副都統一體管辦又所議查驗團馬一事除各該旗自行隨時點驗外其奏請欽派大臣點驗一節無庸由兵部年終請旨自設圈之後著各該旗每月將馬匹是否臆壯足額有無捏報殘斃之處各行陳奏一次朕不拘時日派員

點驗抽查儻有弊端惟該都統等是問其餘各條均照所議辦理又本日據前鋒統領護軍統領等會議請嗣後七月內啟鑒前赴熱河時所有後撥兵丁即派令隨同前往等語此項後撥兵丁既改令於啟鑒時即行隨往所領馬匹應如何酌給應用之處並著一併妥議具奏○改設安徽潁州營遊擊移潁州守備駐蒙城為潁州營遊擊中軍守備管轄蒙城宿州營把總外委撥六安營茅草畝千

總徽州營歙縣汛把總歸潁州營遊擊差標移六安營城守汛把總駐茅草畝以六安營中軍守備專防六安州城守汛徽州營存營千總駐防歙縣汛添潁州營兵一百十五名蒙城汛兵一百十五名在池州徽州寧國六安廣德及撫標左右營內裁撥移三覺寺汛外委帶兵三十名駐關墮集為鳳臺縣汛把總協防移安樂集外委帶兵二十名駐三河尖為霍邱縣汛千總協防均歸壽春鎮標中

營遊擊兼轄撥三覺寺汛本營額外外委駐三覺寺壽春右營額外外委駐安樂集並移建德縣永豐巡檢駐關墮集歸鳳臺縣管轄歙縣王千巡檢駐三河尖歸霍邱縣管轄永豐王千緝捕事務歸各該縣典史管理又改貴池汛守備為池州營都司管轄貴池青陽銅陵石埭建德東流六縣即以池州營千總為新設都司中軍分防青陽石埭二汛移貴池存城外委駐貴池縣汛又改徽州營參將

潛山營遊擊泗州亳州宿州三營都司與新設潁州營遊擊均為題缺從巡撫初彭齡請也。命大學士慶桂署兵部尚書。以正藍旗漢軍副都統達慶為倉場侍郎。陝甘總督全保以疾乞解任。允之。以山東巡撫長齡為陝甘總督。漕運總督吉綸為山東巡撫。倉場侍郎薩彬圖為漕運總督。以喀什噶爾幫辦大臣愛星阿為塔爾巴哈台叅贊大臣。兼正藍旗漢軍副都統烏魯木齊領隊大臣。恩明為喀什噶爾幫辦大臣。調巴里坤領隊大臣德成為烏魯木齊領隊大臣。賞遣戍伊犁。已革駐藏大臣策拔克藍翎侍衛為巴里坤領隊大臣。釋遣戍伊犁。已革陝西寧陝鎮總兵官楊芳交提督薛大烈差遣委用。庚申申嚴地方官諱盜及胥役勒索之禁。諭內閣御史陳蘭疇奏請嚴飭州縣諱盜惡習。以除匪類而安良民一摺。所奏甚是。民間呈報盜案地方官慮干處分。往往恐嚇事主。抑

令報竊或勒改呈詞或逼遞悔狀。間有報案或因供證未確情節稍歧。先將事主多方苦累。其派出捕役並不上緊緝拏。正犯轉先向事主之家誅求。無已索取酒食講說規禮。一切盤纏花用無一不取。給於事主。小民計算呈控到官。為費不貲。輒相率隱忍不報。可見胥役之為害甚於盜賊。而地方官置若罔聞。一任胥役橫索。貽害無窮。無怪盜風愈熾。而上控之案愈多也。向例事主報盜止許聽審。一次認贓。一次法禁。綦嚴乃地方官縱役殃民。一至於此。該御史所奏不為無見。著申明定例。嗣後凡遇民間盜案。地方官踰看明確。立時緝辦。如有諱盜不報者。即當嚴叅治罪。俾知失察之咎。輕而諱飾之罰。重庶可挽回。錮習其捕役人等尤當嚴禁需索。事主勒限緝拏。速為斷結。勿任往返拖累。儻仍有諱盜勒改呈詞。故勘事主或任聽胥役等恣意勒索等事。一經告發。或被入叅奏。必將地方官

從嚴懲治其該管上司亦一體交部嚴議決
不姑貸將此通諭知之○飭各駐防實力操
演嚴汰老弱又諭前因達冲阿奏請於西安
滿營兵內挑選二千名統率操練因思西安
滿兵共有五千名其餘三千名豈竟徒充額
數特降旨詢問德楞泰本日據德楞泰覆奏
西安滿兵五千名除老弱外共有兵四千數
百名向例看守城門堆卡軍器火藥庫貯馬
廠等項輪班派用滿兵計每次須一千四五
百名其操演工夫未免不純且年力漢仗亦
有強弱是以現擬於滿營內挑選年力精壯
者二千名不令輪當雜差每日專心訓練等
語所奏非是各處駐防滿兵自當按照原設
額數認真挑選年力強壯之人一體訓練悉
成勁旅豈可以老弱充數今西安駐防兵五
千名據德楞泰稱除老弱外計兵四千數百
名試思兵力全在精壯年老若除曾經打仗
出力受傷尚可酌留養贍外若年已衰邁素

無勞績何以尚不革除至於年齒幼弱者即
不應濫行挑入今西安滿兵老弱者至有數
百名之多豈不徒占額糧又如此外看守城
垣堆卡軍器火藥等事需兵固多豈此項兵
丁即可無事操演即如京師各旗營官兵有
另派差使者下班之後無不隨衆操演並非
於弓箭技藝概置不問且該兵丁等如守城
守庫等事有捍禦之責亦須年力強壯技藝
優嫻方能在各處看守豈可以庸劣充數所
有西安滿兵著德楞泰於回任後查明老弱
應行革退者即行斥革挑選健兵認真輪替
操演即有別項差使亦不得託故偷安庶設
一兵即得一兵之用各處駐防將軍等均當
一體隨時整飭毋任冗濫將此通諭知之○
又諭慶傑奏酌定
陵寢重地互相稽查章程一摺所奏俱屬可行
該處額設守護官兵原應實力巡防以昭慎
重乃日久懈弛竟致有名無實嗣後著八旗

內務府綠營三項官兵嚴密巡查彼此互為稽察並令該總管翼長章京等實力奉行勿致日久生懈

陵寢重地一草一木均應敬謹培護不得稍有踐踏損傷至禁地出入本有一定路徑儻當差人等剗除樹枝別開蹊徑均著一體嚴禁違者隨時拏究務期宵小潛蹤以昭嚴肅○准雲南普洱威遠兩府廳駐劄兵丁折色照採買兵米例每石給銀一兩八錢從總督伯

麟請也○寧夏副都統雙喜入覲以年老留京署鑲黃旗蒙古副都統以伊犁領隊大臣格布舍為寧夏副都統賞伊犁協尉楊桑阿副都統銜為領隊大臣○旌表守正被戕江蘇崇明縣民女邢氏○辛酉以

高宗純皇帝實錄告成賜監修總裁等官宴於禮部並賞鞍馬銀幣有差○除江蘇寶山縣水衝田九頃七十畝有奇額賦○壬戌

上幸靜明園詣

龍神廟拈香○諭軍機大臣等江境圩堰隄工為淮揚保障上年該督等屢經籌議砌築碎石坦坡並分限動項興修藉資捍衛曾經降旨諭令分限十年陸續築做該督等自己遵照辦理但此項工程其說不一有謂坦坡勢本敝斜碎石非整段完堅者可比適遇湖河盛漲之時風浪擊撞轉可因坡形平行石勢蕩漾不致湍激迨至水勢稍退坦坡穩固如舊而隄根永保無虞此拋砌有益一說也

有謂碎石本不堅實一經湖水冲刷便易拆卸及水落後而碎石已漾入湖中不惟湖底淤墊難以疏濬兼恐鑲築隄樁無從安置此又無益有害一說也該督等親蒞河干目覩情形自有定見究竟於堰工是否有利無弊現在已做若干未做若干所做之工係在何處約於何時可以完竣業已動用帑項若干尚計需費若干若果無益不妨中止不可迴護前奏若實有益即銳意辦理勿為浮言搖

惑一一詳細據實覆奏並繪圖貼說呈覽將此諭令知之○癸亥諭內閣儀親王成親王軍機大臣會同刑部具奏審擬周明等偷砍紅椿界內樹株分別治罪一摺民間墳塋樹木尚知加意保護勿令翦伐遇有盜賣之事輒鳴官究治原以松楸蕃衍即先人之餘蔭存焉一經斧斤砍伐將必愀然不忍此亦孝思追慕之誠撫衷所不能已者況天家陵寢重地守護綦嚴外設青椿為界次設白椿

最近則設紅椿地愈近則禁愈嚴並額設弁兵防守立法至為詳備如果該弁兵等實力巡緝設有賊犯越界偷盜之事即時查拏究辦在弁兵等既可獻功而賊犯等未經砍伐亦不致遽寘重典今周明孫秀因家住青椿界內距紅椿密邇遂乘閒先後在木門溝大窪地方疊次糾約盜砍樹木至數十株之多比照盜

大祀神御物律擬斬立決罪無可逭至汛兵陳

英何倫張萬全三犯身隸營伍本有巡防之責乃貪圖微利遂爾得錢賣放以至周明等肆意盜砍販賣無忌覈其情罪不但與正賊無異尚覺罪浮於賊若僅照依受財人故縱與因同罪至死者絞律科以縲首實不足以蔽辜今王大臣等請將陳英等三犯與賊犯周明孫秀一律斬決並請將周明陳英二犯解赴犯事地方明正刑誅所擬甚是周明陳英二犯著派侍郎成書護軍統領景熠於本

日押解起程並著景熠派委章京護軍校各一員護軍十名隨同押解前往仍飭帶刑部禁卒刑具馳赴該犯犯事地方會同馬蘭鎮總兵兼總管內務府大臣慶傑於風水界外傳集該處居民汛兵前往閱視將周明陳英俱各刑夾一次再行處斬孫秀何倫張萬全三犯著即解赴市曹派委瑚素通阿監視行刑亦俱著先行刑夾一次再行處斬已革遊擊常太已革守備郭士祥於所守汛地不能

覺察致被偷砍樹株實屬溺職該管總兵巴寧阿已革職發往吉林該革員等僅予罷斥尚覺輕縱常太郭士祥著發往伊犁効力贖罪餘俱照所議行因思

陵寢守汛弁兵向未明定緝捕賊犯優予賞賚章程該弁兵等無所希冀一遇利己自便之事輒相率聽從趨之若鶩自此次懲創之後應酌定條例如官弁等捕獲偷盜禁地樹株賊犯即立予升擢兵丁等捕獲賊犯即量為

拔補仍加之賞賚覈其獲犯之多寡以定賞項之重輕所需賞銀即於就近庫項內籌款動用其如何酌量獎賞之處著守護各

陵之員勒公及該管大臣等詳細覈議具奏仍著剴切出示曉諭弁兵以爾等職司防範若能恪守汛地嚴緝匪徒官弁則優予升階兵丁則不惟得賞兼可得官僕或貪利縱賊即立正典刑不能稍從末減即如陳英何倫張萬全所得錢文統計不過制錢數千即至罪

罹重辟且因伊等得財故縱不能按常律問絞與正賊一例斬決與其得有限之贓蹈不赦之罪何如捕賊立功既蒙上賞復授官職急公自効則如彼圖財舞弊則如此爾等權其利害孰得孰失禍福惟所自取但不可妄拏無辜希圖冒功邀賞如有犯此者必加倍治罪並曉諭青椿以內居民以周明等疊次商同偷砍樹株明正典刑衆所共見其孫秀等犯亦已在京處斬法在必行可為炯戒爾

等住址幸依風水重地若能安分守法自必永遠蒙庥若如周明等干犯例禁則不獨身罹憲典即家屬亦遭遣逐蕩析離居求安其故土而不可得真乃孽由自作如此明白宣示庶弁兵居民等咸知感恩畏法不致甘蹈禁網用副朕辟以止辟之至意遣御前大臣喀爾喀扎薩克親王固倫額駙拉旺多爾濟往奠故喀爾喀郡王薩木丕勒多爾濟茶酒並賞銀五百兩治喪○甲子

孝恭仁皇后忌辰遣官祭

景陵（諭內閣吳熊光奏馳赴東路督催舟師搜捕蔡逆緣由一摺據稱屢奉訓諭飭令專注蔡逆一股併力殄除餘匪且從緩辦而提臣錢夢虎等因途遇鄭一匪船就便截擊未免不知緩急其蔡逆下落亦未踴探確實等語蔡牽一犯本係閩洋盜首因閩省舟師追捕緊急水米火藥亦無接濟所剩盜船無多乘間竄入粵省為延喘偷生之計是該逆不

過一外來窮竄之賊並未與粵洋匪幫糾約合夥該省水師官兵於本處洋面情形理應熟悉何以蔡逆所到之處粵兵竟不能趕及至提督李長庚帶領閩省客兵緊躡入粵於粵洋沙線自未諳習尚能緊躡賊蹤奮力攻擊前在沱潭洋面督兵回環勦捕該逆坐船已被燒燬頭蓬勢窮力竭彼時粵省師船如果幫同合擊將該逆立時弋獲則其功與閩省相埒否則追擊盜船痛加殲戮迅速截回

閩境雖不足言功亦尚可不加責備詎錢夢虎等前次並未與李長庚跟幫勦捕及蔡逆乘風東竄錢夢虎等總未探明蹤跡示以兵威以致該逆折竄閩浙來往自如其緝捕不力之咎實無可辭若云中途遇有另幫盜船設能將鄭一烏石二等著名首逆擒獲亦可將功抵罪乃僅捕獲一二土匪遂以此為卸責地步藉詞支飾看來錢夢虎等統領師船總不免在洋觀望於水師疲玩習氣全未湔

改此在備弁微員尚無足深責錢夢虎等以專閩大員統領水師緝捕是其專責今竟一味因循所司何事錢夢虎著交部議處該省水師自總兵以下都司以上凡在事出洋巡緝者著吳熊光查取職名奏明交部議處以示懲儆至吳熊光身任總督水師雖所統轄但亦祇能於沿海口岸督飭調度並無親蒞洋面督率勦捕之責其咎尚有可原吳熊光著加恩免議旌表守正捐軀江蘇沐陽縣

民徐得昌女徐氏○戶部議准福建巡撫張師誠疏報侯官長樂寧德三縣開墾田三頃八十畝有奇照例升科從之○除福建閩侯官詔安三縣水衝田一十八頃九百五十畝有奇額賦○乙丑諭內閣前經降旨將偷砍紅椿樹株案內要犯周明陳英二名解赴犯事地方正法示衆特派成書景熠帶同章京護軍校等押犯於是日起程前往監視行刑昨日忽據成書等馳報伊二人先已出城赴

東嶽廟等候屢次差人迎探人犯杳無音信維時城門已閉伊二人不能趕進城內且所帶奏摺夾板等項俱已先行隨即馳赴通州詢問該地方官亦未接到部文行知未知係由何衙門遲誤等語當經派令托津前赴兵部衙門傳集兵刑二部承辦之司員詢問旋據查明刑部司員是日申正由圓明園鈔錄諭旨於酉正一刻趕至署中即提犯解往兵部收管兵部郎中恒定於酉正二刻接到人

犯辦理車票延至掌燈時分始行起解以至未能即日出城等語此事軍機大臣於辰正承旨後即應傳知兵刑二部一面移解人犯一面趕辦車票自不至稍有遲逾乃僅照尋常事件仍俟諭旨呈遞發下時始交刑部鈔錄遵行復由刑部移交兵部輾轉稽延以致辦理濡滯遲誤之故實由於此軍機大臣等著交吏部都察院察議兵部郎中恒定於接到人犯後察看天色傍晚即應先行料理起

程再補行辦理文票自可無誤該郎中並未籌計及此實屬拘泥恒定著交部議處至成書景熠係專派押解要犯之人乃並不等候人犯起解時一同前往輒先赴城外東嶽廟坐守已屬非是及至迎探無蹤城門將閉若飛速馳回知會步軍統領將城門暫緩關閉尚可將人犯即時解往詎伊二人轉以奏摺夾板等項俱已先行為詞赴通州住宿竟置應解要犯於不問又恐自干遲延處分豫為

該卸地步率由驛遞具奏。不顧駭人聽聞。太不曉事。成書景熠俱著交部議處。○丙寅上御勤政殿聽政。○諭內閣。工部奏查明南河需用料物例價。並鐵保等奏請加價數目。及此次英和等所擬增減各價值。分析比較。開單進呈。朕詳加披閱。所開料物十一款內。除鐵器雜料煤炭等項一款。仍照例價。並無增添外。其餘各款。均比照定價。增添一倍。以至數倍不等。河工需用料物。全在經手得人。自無獎混。從前即未經加價。在謹飭辦工者。自不敢多有浮開。而見利忘害者。全借此虧國肥己。此時加價之後。設或辦工各員。仍前糜帑營私。其獎又將何所不至。是河工杜獎之法。原不專在於定價。但近年大工屢興。物產昂貴。一切工料。不能悉照舊價辦理。亦係實情。既據侍郎英和等到彼訪查。明確自當酌量准行。但亦不能不定以限制。所有單內增添價值。著將較舊價多半倍一倍倍半

以及兩倍者。均照所議辦理。其有較舊價加至兩倍以外。至三倍四倍半有零者。著減至加兩倍為止。於兩倍之外。不得再有浮多。違者工部仍前不准。此次定價之後。工員承辦料物。自更無掣肘之虞。不得再有藉口。若仍前虛估寬報。復有獎混。一經查出。必當重治其罪。不能少為寬恕矣。至於時價早晚。本自不同。即歲需工料。亦有多寡不一。將來如果辦工較少。物價漸平。該河督即當據實奏聞。酌量議減。設或物價仍復昂貴。該河督亦何妨隨時具奏。再行請旨辦理。總以天良為本。覈實為要。國家財賦。出自百姓。朕代天工。即同天鑒。欺朕即是欺天。誤國必致殃民。一定之理。務宜看透。該總河副總河二人。惟當盡心綜理。將各工員承辦歲料等物。隨時訪查。詳悉覈估。實用實銷。一經查有獎實。即當破除顏面。據實嚴參。勿稍

瞻徇朕不時特派大員覆加查訪如查有弊端則惟該河督是問凜之慎之以太僕寺卿珠隆阿為內閣學士兼禮部侍郎銜以喀爾喀貝子凝保多爾濟為烏里雅蘇台叅贊大臣（丁卯）

上幸萬壽山詣

廣潤祠拈香諭軍機大臣等與奎等奏酌調官兵相機進剿賊番一摺據稱興奎趕抵大通會晤貢楚克扎布面商勦辦事宜據

巡緝官兵稟報松布地方有賊番二三十名在彼遊奕搶掠當派西寧鎮九十帶兵進剿賊番見官兵趕近先行占據山梁鎗箭齊發經官兵衝鋒直上殺斃賊番七名餘始畏懼奔竄現在興奎等即擬相機進剿大加懲辦等語向來賊番等出沒無常其狡獪伎倆往往乘閒肆劫迨一經官兵勦捕即時聞風遠颺乃此次輒敢恃強抗敵竟與天兵抵拒甚至憑高恃險鎗矢並施其獷悍情形實堪痛

恨此皆由歷任辦事大臣如台布都爾嘉等縱容姑息遇事並不認真查辦以致該賊番藐視天威不復心存畏懼邊圉不靖職此之故現在該將軍督兵進剿所有帶兵大員前已降旨將格布舍簡放寧夏副都統並令馳驛前往計此時尚未到彼興奎等應即迅速行催令其赴營聽用又據另片奏蕭福祿懇請隨營効力亦著准其前往該二員久歷戎行興奎等應令督兵前敵庶勦捕尤易得手其所調各兵已共有三千名計賊番屢出肆擾至多亦不過二三百人兵力十倍於賊聲威不為不壯但不可分起前進轉致見單興奎等當整隊督剿以期一鼓集事該處各番族中其安分守法者業經出示曉諭自不至驚疑滋擾其敢於抗拒者即係叛逆不法之徒正可乘此兵威大加掃蕩務令實在震懾天威再不敢出而滋事方為一勞永逸之計將此諭令知之（旌表守正被戕河南西平

縣民吳德女吳氏○戊辰諭內閣初彭齡奏請將現任通判捐升知府高廷瑤留於安徽以知府補用一摺外省現任捐升人員各督撫每以熟悉地方為詞將該員奏留本省補用此端一開不但於銓政有礙且易啟屬員巧為趨避之漸前經兩次降旨通飭各督撫不得濫行保留所有初彭齡請將捐升知府高廷瑤留於安徽補用之處不准行仍著該部照例銓選○旌表守正捐軀雲南鶴慶州

民曾成林妻王氏○己巳諭軍機大臣等慶傑奏查勘紅椿禁地情形一摺據稱今查得右營分汛併所屬黃崖關等十四處溝峪現有遠年無考之斲朽陳植二百一十二株又近年根植八十六株此內大者徑過四五寸小者二三寸訊之該汛兵目皆稱歷年搭橋併殺虎作木貓更換撥房柵木等項使用等語此項樹植既據該汛兵等稱係搭橋等項官用自非盜砍盜賣可比但向來既准在內

採取是否定有章程即兵丁等往採之時亦當奉有官文辦有案據所稱歷年使用如搭橋更換柵木之類必有數目可考若所砍樹木根植過多則恐不免有夾帶影射之弊慶傑此次如訊有偷竊及擅伐情事自應照例治罪訊明之後即當詳議章程嗣後官用木料或在紅椿以外白椿以內採取或在白椿以外青椿以內採取其採取之時係為何項需用及應用何項木料一切大小丈尺及多

少株數應如何詳細報官存記檔案及派員前往查驗之處俱即一併詳議奏聞以便久遠遵行永杜弊混若能在青椿以外取用更為妥便省案牘之繁却影射之弊詳悉妥議具奏將此諭令知之○減江蘇婁縣荒田九十二頃七十畝有奇額賦○庚午諭內閣溫承惠奏分別查辦積案一摺直隸省積案總督衙門自理詞訟未結者五十七起多有前督任內之事溫承惠到任未久其催提訊明

奏洛者已有十八起。溫承惠著加恩免其議處。至藩司臬司兩衙門自理詞訟。現在未結者均積至二百數十起之多。實屬疲玩。藩司慶格。前臬司楊志信。在任有年。不能辭咎。均著交部議處。嗣後該署督務。當按照奏擬章程。嚴飭所屬上緊清釐。實力整頓。勿徒以空言塞責。至其中有原告自行匿跡。日久不到案投審者。顯係情虛。畏質意圖拖累。此風實不可長。地方官遇此等刁健之徒。無論其係

中書省

主

何控案俱照定例。一月內不投到聽審。即將人證寧釋銷案。如有再行呈控。另作新案辦理。以杜塵積之弊。又諭和寧奏。接准部咨。將徵收春借籽種。籌運州倉糧石二款。分晰聲覆。一摺。據稱烏魯木齊所屬州縣。並無地丁錢糧。祇按地畝徵收糧石。支放官兵口食。與內地情形不同。所借籽種。係為農民及時播種春田。體卹邊黎起見。亦與內地常平社倉。偶因歲歉。借給籽種者。有別。詢據該鄉民

等。僉稱春借籽種本色。秋成後情願每石加糧一斗交倉。又撥運昌吉呼圖壁兩處倉糧十萬石。分作五年運赴州倉。仍用官駝一百八十九隻。駝運約需餵飼及牽夫口食銀二千五百餘兩。即在加糧一斗充公項下支銷。等語。著照所請。該處戶民春借籽種。准其照社倉之例。每石於秋成後加收一斗。所撥昌吉呼圖壁倉糧十萬石。准其分作五年用官駝駝運。所需運費。即於各戶民領借籽種每

中書省

主

石加糧一斗充公項下支銷。是月兩江總督鐵保奏。謝革職留任。得旨實心體會。不可恃才自用。人情詐偽百出。豈可以浮光掠影處之。必為所誤矣。勉力作貼題文章。切勿慕虛忘實。兩廣總督吳熊光奏。訪詢蔡逆船隻高大堅固。不特粵省米艇勢成仰攻。即李長庚師船亦未能趕攔直上。得旨汝本省鄭烏二逆未擒。一仗未擒一賊。日何暇籌及鄰省洋盜情形。真可謂舍其田而芸人之田。太

開生之幼妹年甫十七歲突被賊匪三人入室硬行拉至深山輪姦兩夜爬伏回家情節甚為可憫迨經該縣勘明通緝將案犯王三盤獲業據供認同在逃之宋二畢曉子二犯強搶輪姦屬實即應將該二犯上緊嚴拏按律究辦乃該縣轉差傳柳氏到案質對以致該氏羞忿自縊辦理已屬錯謬及柳儒赴臬司衙門控告該臬司率以該氏不死於被姦之時而死於姦夫獲案之後難保其非和誘同逃羞愧而死等詞批飭是何言耶試思姦夫二字原指姦婦聽從和誘而言今柳氏係幼年處女猝為強暴所污本非姦婦安得遽指強暴為姦夫況該犯王三等同夥三人輪替行強又將指何人為姦夫乎是石韞玉掉弄筆鋒措詞失當咎無可辭該氏自縊身死係因該縣傳訊時捐軀明志在未行上控之先設因該臬司批飭污詞該氏始羞愧自盡則石韞玉之獲戾益重矣似此玩視命案憑

空捏臆豈可復膺臬司之任石韞玉著交部嚴加議處即著來京候旨尋議革職得旨賞給編修在國史館効力行走調河南按察使朱棟為山東按察使以河南河陝汝道諸以謙為按察使免甘肅被賊滋擾之大通縣番民本年應納糧石及貢馬銀並貸口糧有差○癸酉諭內閣審沖阿奏拏獲商賣軍火兵丁請從嚴辦理一摺水兵林選等商同偷賣烏鎗火藥賽沖阿請改發黑龍江給披甲人為奴並先於海口枷號三箇月係屬從重辦理但覈其情節林選連得鄭大勇與民人劉托商賣烏鎗火藥現在尚未出售與賊私入己者有閒即按本律將林選等照軍人私賣軍器罪止杖一百發邊遠充軍例再加枷號三箇月已足蔽辜若再改發黑龍江未免過重設林選等竟將軍器火藥賣去賊已入己又將何以復加乎林選連得鄭大勇均著杖一百發邊遠充軍先於海口枷號三箇

月示衆餘俱著照所議行。予江蘇故吏部尚書王安國入祀鄉賢祠。從巡撫汪日章等請也。甲戌諭內閣給事中嚴烺奏請申定會議章程一摺。據稱各衙門於會議事件。皆由主稿衙門辦就一稿。送畫各處。亦有俟上會議班時補畫者。是第會於畫稿之後。並不議於未畫稿之先。甚失委任之意。等語。所奏甚是。大學士九卿會議事件。本係慎重周諮至意。近日有相習成風。視為具文者。朕正欲

降旨訓諭。即如內閣票擬刑部本章。有因救父救母情切。及迫於父命母命。鬪繫服制重案等件。雖先經按律定擬。仍交九卿議奏。九卿等議奏上時。大抵皆循照例文。從寬請改監候。又盜案本章。遇有聲明情有可原。法無可貸者。例應大學士等會議。迨會議上時。亦不過照例將情有可原者從寬請改發遣。此等事件。雖經大學士九卿會議。實皆刑部衙門照例具稿傳送畫押。如該給事中所云於

會議班上。令書吏將奏稿宣讀一遍。殊屬有名無實。朕意與其視為具文。莫如酌歸簡易。以上二條。應如何覈實辦理之處。著大學士會同刑部詳悉妥議具奏。至朝廷設官分職。各有專司。部院衙門每一處皆設有滿漢卿貳多人。并有增派總理者。其各該衙門應管事務。原責成此數人商議籌畫。悉心辦理。至特交大學士九卿等會議之件。因事關重大。誠恐本部數人識見不到。謀慮未周。不得不

博採旁求。集思廣益。諸臣等經朕特加委任。尤應將所議之事。殫心商榷。期於政治有裨。乃積習相仍。每有會議時。不發一語。隨同畫諾。事後又以此議係他人主見。設或上干指駁。亦全不任咎。似此巧於推諉。殊非大臣任事之道。試思會議事件。如果意見相同。自可歸於一是。儻或別有所見。即應將彼此識見不同之處。詳慎折衷。即衆議不符。亦准其單銜入奏。候朕裁度。何得意存推卸。又復退有

後言竟似與己無與者不知其是何居心宜該給事中有此覈實查辦之請也但如該給事中摺內所請欲將會議之件定限時日此則不可會議事件必須詳細斟酌往返熟商方於事理有當若迫以期限豈不開草率之弊乎嗣後會議事件務須公同面議據實數陳毋得再蹈從前推諉陋習如有與議時專事唯諾事後又妄生訾議者是進退失據之人必當重懲示儆亦斷難逃朕洞鑒也將此

通諭知之○諭軍機大臣等阿林保奏義勇首周應元攻擊盜匪先後砍斃賊目並拋擲火罐燒燬賊船蓬索打仗甚為奮勇朕於披閱摺內已將周應元之名疊加硃圈本欲優加獎勵迨閱另片請將周應元賞給千總職銜內稱周應元係前任安徽集司珠隆阿跟丁緣事發配福建安置前因帶領鄉勇勦賊奏請釋放該義勇復情願配船出洋隨同官兵捕盜頗為得力等語周應元勦捕得加若

論此次捕盜之功即賞給千總職銜亦所應得但究係珠隆阿跟丁前經獲咎發配嗣經加恩釋放今若驟予千總職銜未免過優周應元著以外委拔補仍著阿林保曉諭周應元如果始終出力將蔡逆殲擒即當越次拔補千總將此諭令知之○閩浙總督阿林保奏報官兵擊沈蔡牽船隻并生擒賊夥王松等總兵官孫大剛等下部議敘餘升賞有差○調福建福寧鎮總兵官王得祿為南澳鎮

總兵官加浙江黃巖鎮標遊擊周國泰恭將銜護理福寧鎮總兵官○予浙江故安徽巡撫何裕城入祀鄉賢祠從巡撫清安泰等請也○旌表守正捐軀湖北應山縣民郭名德女郭氏○乙亥諭內閣弘謙等奏酌擬緝捕賊犯分別獎賞章程一摺所議尚未允協紅椿以內如有偷砍樹株情事沉弁等能留心盤獲自當加以恩獎但須查明本汛鄰汛及樹株已砍未砍分別辦理如係本汛地方等

獲賊犯而樹株尚未被砍自屬有功若樹株已砍之後始將賊犯拏獲則其失於防範之罪本重即因其能趕緊緝捕亦祇可量寬其罪豈能復議其功至於鄰汎地方若果將賊犯拏獲而樹株尚在未砍則本汎過失尚輕鄰汎官兵祇應量加獎賞若所拏竟係已砍樹株之賊則本汎失察官兵獲戾甚重而鄰汎拏獲官兵其議賞亦宜從優今弘謙等摺內均未詳悉議及又如所議兵丁等捕獲賊

犯一名者賞銀八兩拔補外委如能多獲賊犯賞賚升擢均以次按等加增等語兵丁能多拏賊犯其賞賚尚可遞加若官職亦按名加等豈一次拏獲數名即超升數等乎所議亦屬難行著交軍機大臣另行詳議具奏候旨遵行○丙子

上幸靜明園詣

龍神廟拈香○諭內閣前因慶傑於紅椿禁地內續行查出新舊砍伐根植一百九十餘

件訊係歷年搭橋及更換撥房木柵等項使用特降旨令慶傑詳晰查訊具奏茲據慶傑將各處應訊弁兵傳齊研訊據稱此項木植因火道內撥房柵木殺虎木貓紅白椿偏橋水橋等項必須隨時更換向在火道內外尋取回乾及風折枯樹內量材取用歷年俱循舊辦理並不存記數目伊等實不敢有偷竊情事將各汎弁兵開單進呈請勅部定擬等語紅白椿原立界限本為禁止樵採而設即

使各處有回乾樹株亦應報明查驗有所稽考何以歷年來竟任該兵丁等隨意使用而本管上司亦並不存留檔案其咎本無可辭第念此項查出根植係歷年陸續採用其故總由於從前未經嚴定章程相沿已久並不始自近年若祇將單開各弁兵懲處毋論風水禁內大千嚴例罪名難以從輕即僅議降革處分伊等亦必以前此未蒙飭禁令獨獲咎愆罪坐目前不足以折服其心所有此次

慶傑查明開送各弁兵職名著加恩免其究治嗣後官用木植一項應於何處採取其回乾樹株應如何查驗存記作何使用著仍交軍機大臣同前次交議弁兵分別賞賚升擢之處一併詳晰妥議具奏○諭軍機大臣等本日據楊志信奏近日東省民人紛紛赴京呈控固屬民風健訟亦由各州縣怠惰偷安不即速為訊結間有一二狡展案情之輩又不能悉心研究折服其心以致相率效尤等

語所言切中時弊固屬甚是但前據溫承惠奏楊志信前在直隸臬司任內其本衙門自理詞訟未結者即有二百三十一起業經降旨將楊志信交部議處伊既知地方健訟之風由於州縣怠惰而何以於自理詞訟並不認真審理迅速究結為州縣法式乎可見此等議論言之甚易行之甚難該護撫既為此言即不當以一奏了事所稱現在派員分赴各府州幫同審辦按限呈報以此定屬員功

過等語惟當實力奉行以期日漸有效而於自理詞訟尤當認真清理毋致仍前積壓所謂無諸己而后非諸人慎勿徒為紙上空談也將此諭令知之○又諭朕聞額勒布在兩淮鹽政任內實能力崇節儉自甘淡泊殊屬可嘉但該鹽政一人狷潔自矢而鹽務大小各官未必能同心合意從前兩淮鹽務浮費每年不下數百萬兩近年雖節次裁禁若鹽務各官不能潔己自奉則浮費仍屬不少於商力未免有虧現因商力疲乏成本不敷與其例外加增曷若節省糜費以濟公用著額勒布將兩淮鹽務無益閒費確切查明一律禁革將每年節省銀兩即以貼補成本豈不於商民較有裨益該鹽政務須斟酌妥辦先將該處浮費情形據實具奏將此諭令知之○賞福建政勦朱潰賊船不避危險之義勇沈昌八品頂帶○緩徵福建被賊滋擾之臺灣鳳山嘉義三縣正供穀及官莊租銀十分

之五并免淡水彰化二廳縣帶徵上年額賦十分之五○除山西榮河縣坍沒田六十一頃七十六畝有奇額賦○丁丑戶部議准山西巡撫成寧疏報榮河縣開墾田一百一十三頃六十畝照例升科從之○戊寅諭內閣昨因弘謙等酌擬緝捕紅椿內偷砍樹株分別獎賞章程多未允協交軍機大臣另行議奏又慶傑奏撥房木柵等項取用官木向無定制亦令軍機大臣詳晰妥議因思盛京

三陵

西陵與

東陵事同一體著軍機大臣酌擬章程時一併詳議具奏○又諭昨日鴻臚寺衙門輪應承直恭阿拉係兼管之員於呈遞膳牌後當令奏事官傳旨召見詎恭阿拉並未親身來園隨命軍機大臣將恭阿拉誤遞膳牌緣由詳加查詢副據查明恭阿拉是日自紫禁城出班即由彼處查看寧壽宮工程已將不能赴

園輪直之處於三日前令家人告知該寺鳴贊主簿及至初六日該寺送到知會恭阿拉已進內該班伊家人未經送請批示伊亦未遣人向鳴贊等再行告知以致筆帖式清魁誤為代遞奏事官桂昌並未親見恭阿拉即將膳牌接收請分別議處等語本日召見恭阿拉經朕復加面詢所奏情節俱屬相符惟據稱伊向日呈遞膳牌皆係所管衙門奏事即令本衙門備辦名牌筆帖式先為代遞

迨伊親身到園後再向奏事官面為闡白相沿已久且在廷臣工大率如此不獨伊一人為然等語所奏殊不成話前經節降諭旨令年逾六旬之文武大臣俱准遣人代遞膳牌原以年老諸臣精力漸衰若仍令一律聽鼓趨朝未免易形委頓非所以優恤耆臣之意至年在六十以內者即不在此例自應躬親齋遞以昭敬謹况朕諄諄訓飭嚴戒偷安之諭不啻至再至三今甫隔一半年急情之習

復萌因循之弊更甚恭阿拉竟仍擅自遣代其所稱呈遞膳牌後再向奏事官關白一節奏事官於接收呈遞事件後即進內侍直外廷臣工非召對不能徑入禁門又烏從覲面照會此明係先向奏事官囑託令其含糊接收大率相沿積習恭阿拉尚復文飾其詞大屬非是著交部議處奏事官桂昌並未親見恭阿拉輒將膳牌接收咎無可辭著退出奏事處回原衙門行走仍交內務府議處筆帖

式清魁未經問明恭阿拉到園與否即代遞膳牌亦有不合著交部議處至恭阿拉所稱在廷臣工皆係遣人代遞膳牌并其餘徇情私接膳牌之衆奏事官格外施恩姑免深究嗣後務各恪遵諭旨勤勉趨公儻復仍前懈玩一經查出必當重處不貸○己卯諭內閣軍機大臣會同戶部議覆德楞泰等奏川省官兵例內例外借支各項可否酌免成數請旨一摺並將陝省官兵前經加恩減免銀數

及四川省現在奏請減免銀數分繕清單進呈朕詳加披閱川陝等省出師官兵例內借支銀兩先經加恩免扣三成嗣因陝省勦捕叛匪徵調官兵復經降旨飭查無論例內例外借支各款再行酌免成數原係出自特恩德楞泰等即因川省官兵例餉無多欲將借項酌扣俾免拮据亦當援照陝省之例奏懇施恩何以率將例外借支之項請免三成其例內未扣之款既將五品以上各官再請酌

免二三成復將六品以下員弁與兵丁等俱請全數寬免較之陝省免扣之數加增數倍伊二人祇知市恩沽譽不顧帑項無著殊屬非是均著傳旨申飭所有川省官兵借支未扣銀兩著再加恩查照陝省之例無論例內例外官兵寬免十分之二兵丁寬免十分之三以示體恤○以禮部右侍郎萬承鳳為浙江鄉試正考官江南道御史吳榮光為副考官太常寺卿胡長齡為江西鄉試正考官翰

林院修撰王以銜為副考官。侍講黃鉞為湖北鄉試正考官。編修葛方晉為副考官。庚辰。

上幸萬壽山。諭內閣前經降旨。令文武大臣年在六十以上者。准其遣人代遞膳牌。其六十以下者。俱親至宮門呈遞。因思親王郡王爵秩較崇。著加恩無論年歲。俱准其遣人代遞膳牌。如親王郡王及年逾六十之大臣。有自行陳奏事件。仍應親遞膳牌。以昭敬慎。著

將此旨傳諭各親王郡王。並著毋庸前來謝恩。○辛巳。諭內閣。前因浙江黃巖鎮總兵缺出。鐵保所保之童鎮陞籍隸浙江。例應迴避。曾降旨諭令阿林保於福建水師總兵內。揀員調補。茲據該督查明福建水師總兵內。現無合例可調之員。而前此定海鎮總兵羅江太。即係籍隸浙江。補授本省總兵。所有黃巖鎮總兵員缺。一時不得其人。即著童鎮陞暫行補授。俟將來有堪以對調之員。該督再行

奏明調補。○壬午。大學士董誥等奏遵旨詳議馬政。請將散園馬匹。官兵應扣馬價暫存戶部。由兵部行文察哈爾都統領銀買補。其隨園武職六品以下至兵丁人等。應減馬匹。由各該處體察情形。分晰開單。秋園可減三千八百餘匹。春園可減一千一百餘匹。至調派馬匹。由兵部通盤覈算。均派嗣後隨園馬匹。有倒斃殘廢者。其馬價不能按季扣餉。應於交馬時。如數呈繳。其察哈爾牧放之馬。照

例設立牧長牧副牧丁。支給餉銀。在每年節存馬乾項下動用。奏入。諭內閣。董誥等奏覆議馬政章程一摺。將覈減馬匹清單。進呈國家定制。凡遇講武行圍。及一切時巡典禮。所有扈從之官員兵丁人等各給官馬乘騎。自一匹二匹以至四五匹不等。按其差使之繁簡。以定馬數之多寡。啟程之時。皆應實領馬匹。迨回京之後。仍應將原馬交官。即聞有在途倒斃情事。亦均令呈驗馬耳馬尾。始准折

交馬價從前立法之時制度本極詳盡乃日久弊生官兵等平日拴養空頭屆當交馬之時多以銀錢折交而隨圍領馬之官兵圖得銀錢不復照數領馬迨回圍之日仍以銀錢折還即察哈爾官兵亦有折收馬價之事該官兵等領馬多者不過將一二匹自行乘騎其餘紅單概行售賣即領馬少者亦往往另覓乘騎仍將紅單賣去藉貼補差使為詞任意花銷積習成風通同弊混竟已視若泛常不復知為違條犯法之事前年盛京途次曾經盤獲破案上年木蘭行圍又續行拏獲多犯均經嚴行懲辦實屬情真罪當毫無屈抑官兵等自必人人共知儆戒但思積弊已久並不知始自何年該官兵等平日慣見習聞竟若凡遇隨圍例應如是因而相率效尤並非敢於作俑若專將此兩案之人從嚴辦理尚未得其平且即上兩次辦理此事其同時漏網之人正復不少該犯等均經分別遣戍

並問擬徒流枷杖等罪亦足示懲著加恩即將十年十一年盛京熱河兩次私賣紅單之官員兵丁及私買之人並同案各犯俱從寬釋回所有案內官員兵丁統交刑部查明另行開單具奏候朕酌量施恩至此番另定章程後以嘉慶十二年秋季為始若再犯王章決不輕恕定行加重治罪至官兵等所領馬匹此時既已分別裁減更無多餘紅單可以售賣其隨圍日用之費亦不得不曲為計及著自本年秋圍為始按照各該官兵等原領馬數凡大圍減馬一匹加恩給銀四兩小圍減馬一匹加恩給銀三兩於現在節省馬乾銀兩隨時動支如此優加賞給官兵等起身之時盤費寬裕而回圍之日又無庸設措繳還較之從前干犯國法私賣紅單即或僥倖得免迨於回京之後仍須竭慶措繳者孰為利益伊等具有天良當如何感激恩施恪遵法度將所得馬匹實領實交永除弊混若再

以身試法致罹憲網尚得謂之有人心乎至從前散團馬匹官兵等平日拴養空頭以致一時不能交出前已特降恩旨免其治罪追繳馬乾僅於俸餉內每匹扣銀七兩交察哈爾買補足數今思官兵等俸餉均關繫養贍之需若坐扣太多猶恐生計不給而察哈爾產馬之區其馬價本賤每匹計不過三四兩若給予七兩價銀未免多至一倍所有此項官兵應扣銀兩著加恩每馬一匹坐扣俸餉

五兩寬免二兩如此則官兵等扣項較少生理不致竭蹶而察哈爾官兵承領買馬已可霑潤亦不致有苦累情事更為妥協將此通諭知之餘俱著照議行○又諭昨據勒保奏長壽縣魏家壩地方有匪徒黃和尚等糾約多人倡立糴糶會名目惑眾騙錢大肆焚掠沿途分股裹脅已有二三百人不法已極正在降旨辦理聞本日據勒保奏該匪等糾聚多在石炭寨坡下屯紮經該縣率領練壯

會同守備黃化治帶兵親往查拏當時殺斃魏思慤等二十餘名又分投捕獲黃和尚但玉相等男婦大小一百六十八名口尚有餘匪數十名由涪州境內竄逸復經該州營捕獲三十餘名其餘零星散匪不及十分之一現飭地方文武認真搜捕淨盡等語該匪等糾眾立會藉端斂錢雖訊非蓄意謀逆而因挾寨民首告之嫌輒乘機焚掠勾結甚至抗禦官兵實已罪無可赦該省文武能即時殲

擒殆盡辦理實屬妥速該縣湯貽淵於地方此等匪徒不能先時查察致釀事端本有應得之咎惟於聞信後率領兵練即將該逆全夥辦竣其功過尚足相抵著加恩免其開叅至重慶守備黃化治一聞該匪起事之信不俟總兵唐文淑札飭立即帶兵趕剿且殲獲匪眾多名尚為奮勉出力著交該督查明如該匪等滋事地方非其所轄則該守備竟係有功無過即著據實保奏候朕施恩○增

昌瑞山後內火道堆撥十八處汎兵每汎一名添設雨淋溝瞭坡溝兩處堆撥加派外委一員兵四名協防鮎魚關所管大窪一處額外委一員管木門溝石鑲子汎從馬蘭鎮總兵官慶傑請也○改河南桐柏泌陽二縣引地仍歸河東池商辦運從巡撫馬慧裕請也○癸未諭內閣御史英綸奏刑部銀庫失銀一案拖延數載尚未結案又大興縣民人馬林家母女白晝被傷身死一案亦逾半載並未訊有頭緒均屬延緩懸宕等語所奏甚是刑部為刑名總匯之區於本衙門自審案件尤當迅速審辦隨時完結乃於嘉慶九年銀庫失銀一案拖延數載迄未能研審得實正犯又未飭緝務獲現在仍有寄監候緝待質之人至大興縣民馬林家母女被傷身死之案以輦轂之下白晝行兇連斃二命實屬不法已極必須迅速懲辦前經特降諭旨勒限嚴拏而各該衙門至今並未緝獲以致無憑

審辦均屬延玩所有刑部失銀一案今著專派未經審辦此案之堂官韓蔚秦瀛二人並著於司員內亦遣派未經承審此案者督令將現在寄監之犯詳加研究是否實係正賊及知情分贓之人如訊係無辜應行釋放嚴緝正犯著即奏明分別辦理其馬林家母女被傷身死之案著步軍統領衙門順天府五城遵照前旨嚴拏正兇勿任漏網如不能迅即就獲著每月具奏一次自請處分刑部近在京城尚如此因循疲玩無怪乎各直省積年陳案不能清理朕實引以為愧未知內外問刑官員亦知愧否○又諭據御史楊世英奏敬陳管見一摺內稱漢員應與旗員一體共守官常及各直省幕友捐職加捐分發不宜奏留兩條所奏俱是前經降旨令官員等不得私去頂帶於酒樓茶社恣為嬉游原統滿官漢員概為諭禁今該御史稱近來八旗官員皆改從前積習惟漢員尚有私去頂帶

便服赴戲園觀劇及挾優飲酒等事實於官
箴有玷著再行申禁以肅官方如再有違犯
者即當嚴行叅辦至各省督撫衙門幕友一
經本官信任往往招搖舞弊無所不至該省
屬員畏其聲勢交通往來皆所不免若輩捐
納官職僅經該督撫奏留本省聲氣愈通上
下盤踞營私散法實難保其必無嗣後各督
撫於該衙門幕友有捐職加捐分發者不得
違例奏留仍令赴部籤掣省分試用以杜趨

避而防流弊○又諭前因御史德祥條奏刑
部各司印鑰多有令主事管帶者殊於體制
未協當經降旨令刑部明白回奏茲據該堂
官覆奏稱各司揀派掌印原應先儘職分較
大之員惟郎中員外內有捐納得缺及由各
衙門推升到部者於刑名例案一切未能嫻
習不得不量為調劑現在各司以主事掌印
者止有四員實因一時乏人始行揀派並非
意為凌躐等語自係該衙門實在情形本日

召見韓蔚亦據奏伊前任司官時即見各司
印鑰多有派主事管帶者是該部相循已久
並不始於今日但思國家分職授官體制皆
有一定不容任意攙越致紊階級即如各部
院堂官滿漢俱有數人而歷來各衙門印鑰
皆係滿尚書佩帶凡以班次優崇俾資統攝
也現在刑部各司掌印為管理一司事務之
員自應儘職分較大之郎中員外責令管帶
即或此中有甫經部選得缺人員於例案未

能嫻習該堂官自可留心試看如其才識實
不勝任即當據實指叅開缺另選若止於部
務生疏尚堪供職者應責令隨時學習並揀
派該衙門熟諳司員幫同辦理則既可造就
人材而公事仍亦無誤又何必因仍陋習致
滋物議乎嗣後該衙門掌印司員總當於郎
中員外內遴選管帶所有現派主事掌印之
四司著該堂官撤回另行委員接管以符體
制○又諭刑部奏議覆署直隸總督溫承惠

咨稱審明道士杜來成在御道旁放爆想求布施一案請將杜來成改發伊犁等處給披甲人為奴等語著依議行此案杜來成於半壁店途次放爆冀圖募化並無別項情節案內亦無應質人證何難一訊得實趕緊辦理若彼時交軍機大臣審訊立時定即審結乃自本年三月初間交該署督審辦直遞逾數月始咨部結案即此一端可見外省辦理案件無論事情大小率皆任意遲緩積習相循牢不可破所有辦理遲延之總督及承審之知府等官著該部查取職名分別議處嗣後外省各督撫司道及州縣等官於民間控案務須迅速聽斷以伸民情而省案牘毋再蹈延玩陋習有負諄諄誥誡至意○諭軍機大臣等興奎奏殲斃賊番二族現在差探進剿情形一摺此次興奎等查明貴德所屬卓色勒一族屢經做賊現又逃往他受族下與之聚合當即派兵進剿該賊番等敢於占住山

梁公然抗拒實為可恨經官兵分路直上不能抵敵始行奔竄共追殺賊番一百餘名生擒三名奪獲牛羊馬匹約計一萬有餘賊番經此痛剿挫其兇鋒庶可稍示懲創現在官兵探明賊番逃往何處自當乘勝突入一鼓殄除但其餘安靜番族雖經興奎等向其面諭各令安業不致滋事而此等犬羊之性究恐無常不可深信此時官兵追剿賊番步步深入仍當嚴防後路或多設卡座廣為巡邏總須聲氣聯絡加意防備方可無慮其此次奪獲之牛羊馬匹既有萬餘即當查明失主分別給領如無失主承認即作為進剿官兵口糧並備賞項至摺內稱前派都司邵能面諭夫木贊令其縛獻賊首該番日佯為應允迄今遠避不知去向風聞有糾約各賊番抗拒之勢等語夫木贊曾經賞戴翎頂非其餘番眾可比當此官兵查拏賊番之時並不出力報効轉敢糾約匪眾抗拒官兵似此背恩

稱亂直係叛逆興奎等摺內祇稱其情同叛逆未免措辭失當已用硃筆改示矣該處賊番滋事既係尖木贊為首必當設法擒獲嚴行懲辦方可以懾服番眾且恐其糾約各族在於後路滋擾興奎等探明該逆現在何處即當迅速統兵進剿不可遲逾設兵力尚覺不敷不妨就近酌調以期聲威壯盛早就肅清長齡昨已陛辭出京於何處接奉此旨即著馳驛前往俟到蘭州後察探情形如賊番業已辦理完結自無庸再往會辦設或剿辦尚在費手即當親自馳赴該處會同興奎等熟商妥辦現在那彥成應亦將次到彼伊任同叅贊當與興奎帶兵同辦貢楚克扎布已放察哈爾都統伊俟那彥成到後同住數日詳悉告知辦理情形即著啟程來京請訓赴任將此諭令知之○以故奉恩將軍翰格穆子魁秀襲職○予故陝甘總督全保祭葬如例○旌表守正捐軀直隸永清縣民劉江女

劉氏○甲申兵部尚書明亮等奏纂修則例應酌量變通以歸畫一一軍機處記名及交兵部記名人員應請分別辦理一駐防保送人員應以引見先後為次序一發往軍臺曾任州縣以上之員期滿時無力完繳臺費者宜一律聲明請旨○重運漕船有風火事故應專案報部覈辦○繙譯鄉會試彈壓副都統宜密行題請簡派得旨兵部奏擬改則例五款內稱交軍機處記名之叅將一項其如何升用例無專條請嗣後遇有題選副將缺出即行升補有開列時一體開列其交軍機處記名之遊擊以下等官及交部記名之叅將以下等官亦請將升途年限一併酌改從優等語向來叅將一項交軍機處記名者遇有各省題缺副將及該部開列請旨之缺皆由軍機處呈進名單豫備簡放不患無升用之處其餘遊擊以下交軍機處記名及叅將以下交部記名者舊例亦均有升途行之已

久此等記名人員朕不過於該員引見時念其曾經出兵受傷勞績稍著即隨時加恩記名至其平日實在辦事如何一時本難深悉又何庸為不次之擢該部所議未免太優所請不准行嗣後仍悉照舊例辦理餘依議○戶部議准前任陝甘總督全保疏報鹽茶正寧二廳縣開墾田八頃八十畝有奇照例升科從之○乙酉諭內閣現在滿洲蒙古八旗圈馬章程均經次第議定因思出圈放馬事宜亦應妥議嗣後遇朕講武行圍及一切巡幸典禮著兵部先期查明各處減馬數目實在需馬數目再將各處可調之馬通盤籌計應行輪調何處馬各若干匹奏明調撥屆當放馬之時展前五日或七日將某日應放某處馬匹排定日期仍按計各處領馬官兵排定次序將某處之人應領某處之馬及應於某日承領均早行飭知毋許臨時紊越儻或不遵定限先期後期均著隨時查明毋許承

領其各該處馬匹應行排日給放之處仍當按年輪轉勿令某一處之人專領某一處之馬庶為公允至各處領馬官兵有人數衆多者若無本管官約束稽查恐弊混仍所不免著每屆於欽派王大臣放馬之時各令自派章京等前往照料儻有弊混之處不但將領馬官兵嚴行懲辦著將該章京等一併叅處其該管大臣亦當交部議處其應如何立定章程分別辦理及收馬時一併斟酌妥善之處著交兵部詳議具奏○戶部議准署直隸總督溫承惠疏報宛平房山香河樂亭天津滄豐寧遵化八州縣開墾田七十頃九十八畝有奇照例升科從之

市

三九三

勅交九卿議奏者其劫盜重案則自康熙雍正

年間節經奉

旨令大學士會同法司將法無可貸情有可原分別詳議仰維我

聖祖

世宗

皇考立法之初原以明慎用刑凡稍有一線可原者必周諮博採詳審折衷誠恐該督撫等於定讞時或有畸輕畸重未協情法之平是以集思廣益不厭詳推迄今遵循已久自應

仍照舊章若謂會議時視為具文竟致有名無實輒改歸刑部徑行覈覆不復勅令酌商恐外議又將以刑部之權為過重矣嗣後服制劫盜案件發交大學士九卿會議者仍著循照舊例務須虛衷商榷斟酌至當如有意見不同者不妨彼此簽商定議具奏若於會議時既隨同畫稿旋又退有後言則是依違遷就一經參奏必當加以懲處至上班時將奏稿宣讀一遍轉似虛文殊可不必此後著

即停止餘依議○又諭百行以孝為先有司教之責者即家諭戶曉祇能講明倫常大義使知愛親本乎天性至若逆倫極惡理所必無之事亦何忍出之於口今勇順以正黃旗滿洲馬甲乃刃傷伊母並及伊孀似此梟獍之徒實出教化生成之外不但該管各旗員當引咎自責即朕亦引以為愧勇順著即照三法司所擬凌遲處死派刑部侍郎瑚素通阿會同該旗副都統前往監視行刑○又諭

金光梯等奏查明萬載土棚兩籍實在情形請將該縣童生照例停其考試一摺據稱學政汪廷珍按試屆期該府縣稟稱該縣童生尚未赴縣投考細加查訪仍係孫馨祖等從中阻止以至該處童生觀望不前等語萬載縣土棚兩籍童生考試屢經涉訟前任學政曹振鏞於上年歲試之時曾以該生童等情願合考具奏當經降旨令其仍舊合試按額取進不必再行查辦俟將孫馨祖等拘解到

日照例辦理茲該撫等訪聞該邑童生自合考取進之後該處土民仍不輸服而孫馨祖一犯日久未獲該署縣周吉士並不實力緝拏以致孫馨祖仍復倡率滋事於學政按試之日膽敢阻撓該縣童生竟不赴縣投考是孫馨祖尚在近處藏匿並未遠颺殊屬目無法紀不可不嚴加懲辦以儆刁風所有孫馨祖一犯著該撫遴委幹員上緊緝獲究明阻考確情按律定擬再將該縣土棚兩籍考試

章程會同該學政妥議具奏前署萬載縣事試用知縣周吉士並著革職○旌表守正被戕廣西融縣民章扶平妾勞氏○丁亥

上幸靜明園詣

龍神廟拈香○戊子緩徵安徽宿南平靈璧鳳陽懷遠定遠毫蒙城泗盱眙五河十一廳州縣歉收地方新舊額賦漕糧○己丑吏部議處欽差左都御史周廷棟等叅奏山東泰安府知府鳴清承審命案遲延一疏得旨此

案知府鳴清於人命重案經屍親具控到府兩次並不提犯親審迨疊赴上司衙門呈控俱批府查訊該府仍不速為訊辦直遲至九月之久始行親審復藉詞懸宕經年不結以致屍親心懷不服來京控訴發交欽差提集人卷審明定擬結案試思欽差審訊不過一兩旬之間即將案情質對明確原告輸服無辭並非難辦重獄設該府早為親訊將案內情節向原告細為剖析折服其心何至屢控

不休是該地方人民來京控案之多皆官司不為申理所致刁風之長實由於此知府為方面大員似此因循怠惰非嚴示譴懲不足以儆玩習吏部將鳴清議以降三級調用伊有加一級抵銷仍降二級內閣照例票擬雙簽請旨殊屬輕縱此等不以民命為重惟知尸位偷安之劣員尚何足惜鳴清著實降三級以京員用其本有加一級不准議抵嗣後凡人命重情有經呈控到案復由上司批委

提訊者若不親為審理遲延至半年以上即著實降三級調用無庸查級議抵內閣進本時亦無庸票擬雙簽著為令○庚寅諭內閣和寧奏審擬奇臣家人陳大擅留城門一款請發往伊犁給駐防官兵為奴等語所辦過重陳大前在烏魯木齊於那靈阿向伊主詳借庫銀一事並未干與至其擅留城門一款如果該犯出外遊蕩任意留城直至夜深始歸以致下輪稽緩甚或於業經下輪之後又復擅叫城門誠為橫行無忌然按律亦不過問擬杖徒今陳大祇係於出城之時慮及歸晚向管門兵丁等聲稱暫留鎖鑰而是日回城尚早並未屆閉門之時是該犯初非詐傳本官之語實犯門禁令今加等予以杖徒已足嚴示懲創又何至改發伊犁給駐防官兵為奴設如所奏辦理將來若有詐傳一二品衙門官言語或夜深留城擅自叫門者又將如何從重擬罪耶陳大一犯著即按杖徒本律

定擬完結○辛卯諭內閣慶傑奏酌擬採取官用木植章程一摺據稱各禁地青椿以外樹株叢茂之處居多然亦有全無樹株處所或間有雜小樹木不足採用者現經分別查明酌定於青椿內外及鄰近分屬地界採取至

昌瑞山以後內火道並

陵寢圍牆內外各處撥汎距青椿地界較遠其應需木植不能遠赴搬運請在於附近地面選覓回乾堅實之件伐除備用並將查驗根件及覈對應修工作造具冊檔各事宜條晰議奏俱極妥協應即照所請辦理著慶傑先將各禁地青椿內外分別有無樹株之處逐細勘驗繪具圖說進呈交軍機處備查庶將來按照界址採取不至再有牽混至紅白椿界內每年回乾風折樹株原可備存該處為修理撥汎橋座及鹿園木貓等項之用但恐日久易滋弊端該總兵應先飭本管營弁隨

時查報親往驗明後即造具清冊咨部存案嗣後遇有應用之時即於此項木植中酌量取用仍歸八年終一併題銷以杜弊混所有盛京

三陵及

西陵事同一體均著該將軍等依照辦理並繪圖呈覽此係永遠奉行之事該將軍總兵等惟當隨時隨地實心經理不可久而生懈用副委任○又諭昨據慶桂戴衛亨面奏現在

司業缺出應將修撰編檢等員帶領引見內有曾經告假之編修湯金釗一員向來開列俸次恐有錯誤此次請暫行扣除俟查明俸次另行具奏等語而本日據瑚圖禮等具奏則稱病痊銷假官員例應扣滿一年方准補缺至翰林則另有專條其銷假起俸與各項人員迴殊湯金釗應升之處共開列過十一

果從前辦理舛錯斷無不行更正之理但既據瑚圖禮等奏翰林開列另有專條其病痊銷假起俸是否與各衙門有別不在京員常例之內必當徹底清查以免歧誤此次司業一缺湯金釗俸次既未查明著暫行附入末後一名於明日帶領引見至該員應如何計俸序列之處著吏部會同翰林院秉公詳覈例文分晰具奏毋得稍有迴護致涉含混○戶部議准江西巡撫金光梯疏報新建宜春

鉛山三縣開墾田二頃八十九畝有奇照例升科從之○壬辰諭軍機大臣等張師誠奏查明未結詞訟趕緊清釐一摺閱省巡撫衙門未結詞訟至有二千九百七十七案之多可見該省吏治廢弛已成積習歷任各巡撫均有應得之咎自應加以懲處但其在任年月久暫不同而其任內積案亦多少互異且有在任久而積案少者亦有在任未久而積案轉多者必須詳細查明方能分別覈辦所

有歷任巡撫除姚茶田鳳儀二人已經身故毋庸議外其費淳汪志伊李殿圖溫承惠四人著張師誠即查明伊等在任各年月並其在任之時未結案各若干起分晰開單奏聞候朕降旨分別議處至所稱閩省民風刁詐往往有一命盜之案任意誣扳且有尋常事件架詞聳聽而訟棍等從中播弄又復利其不結所謂圖准不圖審者實有此弊今張師誠於接收呈詞時即究問訟師姓名飭屬嚴拏並酌立限期令原告依限投審如避匿不到即照例銷案所辦甚是又所稱民風雖屬好訟如果地方官聽斷公平則逞刁挾詐之徒亦不難令其心服等語尤屬正本清源之論甚得要領果能實心實力照此辦理亦何慮積案不清錮習不改但外省習氣督撫於到任之始往往託詞整頓嚴立章程其數陳皆娓娓可聽及至在任既久日就因循闡草廢弛迄於吏治無補即如溫承惠到直隸省

後查明直省積案甚多將藩臬兩司奏聞叅處而其前在福建巡撫任內本衙門即有未結之案現經張師誠奏查將來亦應懲處所謂責人則嚴自待則寬看來竟係通病張師誠既知查明舊時積案設法清釐務當言與行符特之以久使地方吏治日就整頓獄訟衰息方為奉行有效切不可始勤終惰徒託空言以致將來塵案疊疊久而愈積一經後任查奏又為溫承惠之續也勉之慎之將此諭令知之○以福建道御史程國仁為陝西鄉試正考官翰林院檢討卓秉恬為副考官吏部右侍郎劉鳳誥為江南鄉試正考官刑科給事中趙慎畛為副考官○癸巳遣官祭火神廟○諭內閣本日都察院奏河南省控案二起朕詳加披閱一係羅山縣捐職從九品范錫爵遣姪范立權抱告以伊叔范玉安被賊謀死經該縣緝獲正兇延擱日久並將屍親鎖押疊次上控不辦一係羅山縣民人

潘有富呈控該縣於地丁土方採買各項錢糧幾至加倍折收倉書銀匠等藉端舞弊分肥亦歷控司院不辦地方官吏於人命重案率意玩延甚至緝獲正兇復又延擱至一年之久轉將原告鎖押任胥役等恣意陵虐而於徵收錢糧各款竟與胥吏等通同一氣舞弊浮收毫無顧忌此等控案如果該上司立予親提秉公速結則人心帖服何必來京赴訴今屢經控司控院俱置不辦甚至范錫爵所告一案控司三次控院三次而該撫該司俱不過以一批完結其批交之府州及委員等亦均視為泛常何嘗實心趕辦該上司一經批發經年累月不復嚴催小民等節次上控總不為申理又安得不來京赴訴耶近來各省告案紛繁人但知告訐之風起於民之刀健而不知正由官司閭草有以啟之也馬慧裕操守素尚謹飭惟情性疲輟屬員不知畏懼今於范錫爵之案控至三次不為嚴辦

殊屬怠玩著交部議處其范錫爵呈內所稱控司三次著該撫查明係何人任內之事即行奏明一併交部議處此兩案延宕已久若仍交該地方官審辦恐不免有瞻徇迴護之事著派光祿寺卿錢楷馳驛前往會同吳璥秉公審訊定擬具奏所有隨帶司員亦著一併馳驛又諭本日未刻據都察院遞奏封事一件朕思必係極緊要重大斷不可遲至明晨之事亟加披閱祇係因飭緝毆死馬得案內兇犯王四即王勇貴一犯有王四素識之楊七在香河縣地方拏獲訊據供稱王四現在潛匿塔子溝地方請旨飭拏辦理等語實太不成事體朕勅幾勤政日總萬幾從不稍辭勞勩然封章奏達自有一定時刻大小官員恪守遵循罔有愆忒設果有非常緊要之事立候施行若稍遲畧刻已恐貽誤自不能拘泥定制即中夜奏聞亦無不可此乃絕無僅有之事今都察院未刻陳奏之件其所

緝兇犯王四不過尋常闖毆案內脫逃之犯且正犯王四尚未緝獲所獲者不過與王四平日認識之人欲藉以誦拏王四作為眼目且據其所敘供內稱王四於上年六月間逃往口外有伊舊同住之楊三現在塔子溝地方伊在彼潛匿等語王四既係上年六月逃至該處距今已及一年此輩蹤跡何常又安能必其仍在該處是其供吐之語尚難信為確實何至迫不及待急行入告使外間以都察院各堂官於晚膳後猶詣宮門密遞封奏不知因何要事豈不駭人觀聽試思即軍機大臣可以隨時奏事然若於每日散直之後又復趨詣宮門紛然奏事有是理乎當命軍機大臣傳詢賡音等是何人主見據賡音自稱係伊一人主見因昨晚將楊七拏獲之後尚未訊明口供今早不及陳奏是以復趕緊訊問於晚膳後呈遞其餘堂官亦皆附和聽從等語朕向來傳膳辦事均有舊規溯自

乾隆年間每在宮在園俱於早膳後批閱奏摺召對引見至晚膳後則披閱本章遇巡幸則每日早間啟蹕戒途至行在辦事召對晚膳後仍准奏事即與在宮在園早膳後無異此外惟驛遞奏摺係隨時呈遞披閱不在此例朕率循

皇考舊章罔敢踰越此在廷大小臣工共聞共見者賡音係侍衛處筆帖式出身豈不知晚膳後奏事係行在常規非宮廷理事可比今乃漫無區別耶朕勤求庶事日昃不遑即如晚膳後所閱本章常多至百十件從未嘗以填委為煩況此次都察院所奏之摺篇幅尚不及本日諭旨之多朕豈倦於披閱但國家定制豈可稍渝試思朕在園駐蹕每傳膳萬壽山玉泉山及閱射布靶皆係豫行傳知從無非時出入之事即日閒習射亦祇在禁籞幾餘設或於晚膳後忽欲御出入賢良門較射或傳幸萬壽山等處有何不可然起居無

卽即政體攸關朕尚不肯出此况臣工奏事豈可任意遲早自便其私乎賡音年老懶惰平日於應奏事件多不陳奏曾經降旨訓飭茲將此等尋常應奏之件特又趕緊陳奏以見其勤於辦公實則仍為偷安起見蓋今早該堂官等本在園奏事若此事於明日再奏則該堂官又須早起來園因於本日奏事散後就近在朝房繕摺率行呈遞明晨竟可在家高卧此正其巧於偷安掩飾焉能逃朕洞

鑒乎此事係賡音先出主見錯謬已極著交部議處潤祥長琇邵洪陳崇本等隨同附和均著交部察議並將此通諭知之○乙未定京察三等人員不准保送知府例諭內閣各部院主事京察三等既不准保送直隸州知州知府係方面大員職守尤重自未便以三等人員保送但吏部從前奏請定例時並未將此項人員不准保送知府之處一併聲明本屬疏漏自應改定成例以歸畫一除現在

京察三等之工部郎中趙承杰不准保送外嗣後各部郎中因才具平常京察三等旋屆俸滿截取俱不准保送知府著吏部詳議章程纂入則例○丙申諭禮部向例禮部請簡鄉會試正副考官本俱將上三科考官銜名夾單進呈嗣後順天鄉試除將上三科正副考官開單進呈外著將近三科會試正副考官一併開單進呈會試除將上三科正副考官開單進呈外著將近三科順天鄉試正副

考官一併開單進呈○定吉蘭泰鹽池地界東至察漢托羅圭南至哈爾噶納扎哈西至三音托里大沙土梁北至珠勒扎噶東南至窩鋪布隴西南至波羅烏珠古爾西北至扎克扎哈東北至賀錐各設看守池鹽兵五名設外委一員兵十名駐附近黃河之察漢庫爾把總一員兵十名駐平羅縣屬之石嘴守備一員兵二十名駐磴口均在寧夏鎮標派撥一年更替應得分例照口外換防例支給

從護理陝甘總督布政使蔡廷衡請也○以阿拉善王瑪哈巴拉呈獻磴口住屋為運判衙署下理藩院議敘○戊戌

上詣

大高殿行禮○還宮○旌表守正捐軀山東濱州民卜彩顯女卜氏○以孟秋時享

太廟自是日始齋戒三日○庚子諭內閣戶部議覆湖廣江西兩省行銷淮鹽價值懇照總督汪志伊所奏暫援餘息成例每引酌增銀

四錢二分請旨辦理一摺鹽斤為民食攸關該二省引鹽成本加價已非一次若祇為商人沾潤起見屢請加增則卹商轉以病民不足以昭平允姑念兩淮場竈連年被災該商等成本加重辦理竭蹶亦屬實在情形所有湖廣江西鹽引著照汪志伊所奏一體准其援照餘息成例每引酌增銀四錢二分此係因商力疲乏暫為調劑該督撫鹽政等當隨時留心察看將屆三年據實具奏俟商力稍

裕即行奏減仍復舊規如屆期商力尚未寬紓或再展限三年亦可但現在所定成本餘息較之從前原議已不啻數倍該督撫鹽政等此後再不得濫請加增致滋民累餘俱照戶部所議行○是月調任山東按察使朱棟奏謝得旨山東民情刁悍更兼訟師播弄告訐不休須力加整飭嚴拏訟棍訪察劣員因循拖累民命者即行通稟叅辦聽斷務明決切勿耽延勉之

大清仁宗實錄卷一百八十二

大清仁宗受天興運敷化綏猷崇文經武孝恭勤儉端敏英哲睿皇帝實錄卷之一百八十二

大清仁宗受天興運敷化綏猷崇文經武孝恭勤儉端敏英哲睿皇帝實錄卷之一百八十三

嚴禁賭博等因欽此在案嗣經大興文淵閣開辦稽察奏上諭著將嚴禁賭博等因欽此在案嗣經大興文淵閣開辦稽察奏上諭著將嚴禁賭博等因欽此在案

嘉慶十二年丁卯秋七月辛丑朔享

太廟

上親詣行禮○幸圓明園○壬寅諭內閣據嚴娘奏此次接任東漕訪察積弊向來旗丁俱有走差之人包攬沿河大小衙門使費每遇一巡漕衙門不下四五十金其餘河員汎弁漕委多少不一現在嚴密訪拏隨時懲辦又伊隨身家丁六名亦時時管束如有所犯立即奏辦自請處分等語各省漕船北上沿河大小官員催趲執運其家丁書役人等向幫

船索取使費以致各幫皆有走差之人沿途包攬科斂分肥大為旗丁之累自當嚴辦示儆但必須查明現在何處衙門實有此弊官員何人得受使費若干係何幫之人給與證據確鑿方可切實查辦今嚴娘摺內但云伊已確知其事而不能實指其人朕將憑何查辦且云以此類推東漕如此則南漕津漕可知以巡漕類推則河員營汎漕委又皆可知此皆臆度之辭毫無指證豈能因此一一究

辦耶再如伊自稱帶家人六名如有所犯立即奏明嚴辦等語此亦係分內應行查辦之事為政不在多言顧力行何如耳究竟嚴娘意中知有何人縱容家人得受使費及滋事作弊之處即著伊查明指名奏候朕辦理並著通諭管漕大小各衙門將此等弊竇一體飭禁儻或被人參奏必當嚴懲辦理不能寬恕又摺內稱東昌衛守備漆光燁乘坐四輪請加裁抑一節武職各員向例止准騎馬

況當催趨漕糧之時若非策騎往來何能沿途督催上下查察嚴煇摺內稱相沿已久非止一人著交漕運總督查明如何來俱係如此應即通行飭禁如止漆光煇一人違例坐轎即將該員照例叅辦示懲○又諭前月特派嚴煇馳往山東接辦巡漕節據奏到各摺於目下催趨事宜未見籌辦一二惟多叅劾之員皆無劣蹟又無確據即如前此據伊叅奏千總施秉銓上岸私謁擅離職守一節運糧千總稟見巡漕豈得謂之私謁何得遽坐以擅離職守之罪其同摺叅奏之閩官周滋堂及湖南委員四人於剝船逗遛幫船阻壓一事亦並未查明原委當經降旨訓諭並令其查明另奏乃本日又據嚴煇叅奏伊於查催安慶後幫糧船之時遍傳重運千總丁桂及押空千總尹湘二人不到非逗遛在後即驚越前行均屬玩視重運現因船行緊急一時未便深究請旨交倉場總督於其抵通交

卸之後審訊辦理等語衛弁押運赴通如果不以催趨為事竟如嚴煇摺內所云每遇口岸任意閒遊甚至有宿娼賭博情事以致重運稽遲必當嚴叅示懲不容寬貸今該幫船五十五隻俱迅速趨行尚無貽誤據其摺內所敘稱詢問閩官曾親見該千總等於是日已刻亥刻先後過去是該千總等或係乘坐小舟往前照料尚無不合嚴煇所稱該千總等慢遊無度宿娼賭博者皆不過臆度之詞該巡漕特因是日傳見該千總等不到即一併加以叅劾殊屬無謂伊前次於稟見之千總不准進見並劾以擅離職守此次又將傳見不到之千總叅劾實屬自相矛盾此奏著無庸議巡漕職司催趨本年江南河口一帶不免阻滯後半年漕務辦理尤非易易必須認真經理妥為規畫該巡漕惟當以督催漕船為第一要務其所屬衛弁等員並當嚴切諭知總以糧船行走之遲速定其功過明示

勸懲如果有實在誤運弁員自當指名叅辦乃到任未久紛紛彈劾示其風厲於漕務有何裨益乎嗣後該巡漕務須專心督催漕船迅速赴通慎勿吹毛求疵徒事空言毫無實效致負委任○諭軍機大臣等與奎奏勦辦三族賊番一摺據稱伊等帶兵追趕番賊自什噶干至章纏腦兩處殲斃賊五十餘名生擒賊目一名可見番賊無甚伎倆尚易辦理至尖木贊始則詐許縛獻賊目既而躲避今

又聚眾屯紮實屬可惡現經探明在朱八崖地方自應設法勦辦以示懲創惟摺內稱先將尖木贊勦辦後再折回進勒沙卜浪番族殊未明晰若如所奏豈非置逃往沙卜浪之三族賊番於後路不可不加重防範該處道路情形著繪圖陳奏此次敗殘餘匪既逃往沙卜浪大族中自須加以勦辦但野番族類眾多祇須備以兵威令其將在逃賊目縛獻即可徹兵斷無將番賊概行殲戮之理與奎

等應酌量妥辦將此諭令知之○以貴州銅仁協副將李東山為雲南騰越鎮總兵官○癸卯諭內閣翰林院每逢值日之期將修撰編檢等官輪班帶領引見原係照例奉行其實引見時亦並未加甄別因思乾隆年間本係隔數年後始將翰林等輪帶一週今則竟成常例未免虛應故事嗣後著於每屆恩科正科鄉試之年仍將修撰編檢等官輪班帶領引見一次朕得識記其人以備簡用其尋

常年分不必帶領引見著為令○甲辰諭內閣吏部奏議處賡音等一摺此次賡音等將尋常陳奏事件率意於晚膳後呈遞貌似急公實則心存怠惰是日該衙門本在圓奏事伊等原欲將此事一併陳奏特因早聞具奏不及又慮次日陳奏必須早起赴圓是以就近即在朝房內繕辦奏摺候至晚膳後呈遞既見其勤於辦公又得安心進城明早可以高卧其巧為偷安實難逃朕洞鑒然使所奏

之事果稍闊緊要。朕不過量加訓飭。必不即予處分。今賡音等所奏。止係訪獲緝拏闕毆案犯。可作耳目之人。有何緊急。立候施行。乃紛然羣詣宮門。非時入奏。殊乖體制。吏部議將謬出主見之左都御史賡音降三級調用。因本有革職留任處分。即行革任。其隨同附和之副都御史潤祥等降三級留任。毋庸議。抵皆屬咎所應得。本當照此施行。但恐外間無識之徒。不知賡音等以急情獲咎。但知其

陳奏非時。致罹降革。由是妄生揣摩。或謂天氣暑熱。慮朕憚煩。託詞仰體。將應行陳奏事件。亦復輟轉壓擱。又涉玩延。則大不識朕勅。幾勤政之苦心。是以格外施恩。曲予寬貸。賡音本係侍衛處出身。嗣經升任刑部司員。擢至刑部堂官。歷來皆係隨衆辦事。尚不露短。自擢任左都御史後。年老懶惰。又不曉事。何堪復任臺長。賡音著退出左都御史。伊於旗務尚所諳悉。著加恩留正藍旗漢軍都統之

任所有降三級調用處分。著改為降二級留任。潤祥長瑋邵洪陳崇本四人應行降三級留任處分。著改為降一級留任。所有左都御史員缺著宜興補授。宜興未到任之先。著德瑛暫行署理。以盛京兵部侍郎伊冲阿兼盛京副都統。○減免直隸文安東安二縣。窪下地畝額賦有差。○乙巳諭軍機大臣等。鐵保等奏籌議幫船截卸事宜。及挑挖河口情形。覽奏俱悉。此時湖水既不能暢出。河水又

復倒漾。軍船輒渡艱澀。若不及早籌辦。勢必貽誤。回空鐵保等請將在後之幫船米石。照乾隆五十年辦法。在淮揚一帶暫貯。下年搭運北上等語。所見甚是。該督等擬將八月初旬渡黃之船暫行截貯。其初旬以前渡黃之船。仍儘力催趲。在該督等之意。自以重運催趲一幫北上。即多得一幫之益。殊不知將來回空濡滯。水次多渡一幫。又多受一幫之累。且恐彼時運河水落。未能依限歸次。有誤冬

兌冬開所關匪細薩彬圖吉綸應酌量情形
會商妥辦總期幫船妥速回空免致阻壓而
漕糧仍源源運送抵通方為妥善至黃河堤
工現值伏汛關繫重大戴均元徐端斷不可
同駐河口將一切要工委之屬員著即酌分
一人馳赴各工督率防守將此各諭令知之
以故琉球國中山王尚溫孫灝襲爵命翰
林院編修齊鯤為正使工科給事中費錫章
為副使往封○丙午以翰林院編修朱士彥

為河南鄉試正考官陳壽祺為副考官修撰
姚文田為山東鄉試正考官編修朱琦為副
考官編修陸以莊為山西鄉試正考官江南
道御史商載為副考官○旌表守正捐軀山
東陵縣民鍾希詩妻陳氏○戊申

上御勤政殿聽政○命工部左侍郎英和仍在
南書房行走○以戶部尚書德馨年屆八旬
供職罔懈加太子少保○以通政使司副使
哈魯堪為太僕寺卿○己酉

上幸靜明園詣

龍神廟拈香諭軍機大臣等賽沖阿奏酌
留戍兵在臺防守一摺蔡逆匪船前據阿林
保奏稱經舟師截剿現在泉州府一帶洋面
遊奕當此南風司令自不能窺越臺洋但恐
八九月間北風漸起難保其不復萌窺伺之
念賽沖阿此時當暫緩內渡在彼督飭戍兵
嚴為防備庶人心鎮定不復聽其勾結地方
益臻寧謐將此諭令知之○挑濬直隸豐潤

王田二縣黑龍河從總督溫承惠請也○旌
表守正捐軀河南鄧州民王國杰妻劉氏○
庚戌

孝懿仁皇后忌辰遣官祭

景陵○諭內閣據江日章奏查明通省未結積
案一摺並開具清單呈覽朕詳閱摺單內藩
臬兩衙門經歷任督撫批提審訊未結之案
及自理未結案件均不過數十件及數件其
轉飭府州審辦之案未結者自二百餘案至

十餘案不等。尚不至積壓過多。均可不必予以處分。惟是前此直隸、江西、福建各督撫查奏未結案件多者二千餘件。少亦不下數百件。是以降旨均令查取職名交部議處。今汪日章奏江蘇未結積案尚不過多。或該省官員因恐干吏議。故意以多報少。甚或將案件草率完結。希圖少報得免處分。若果如此。則民間冤抑必不能伸。勢必至告訐紛煩。愈滋案牘。將來別經查出。其獲咎更重矣。所有江

蘇查明未結各案。該撫現已分別飭屬勒限提訊。務即覈實稽查。以清慶案。嗣後各督撫清查積案。仍須飭屬詳細審理。據實開報。勿任規避。處分稍涉顛預。將此通諭知之。○又諭前因編修湯金釗俸次一事。據瑚圖禮等奏。翰林告病另有專條。特降旨令吏部會同翰林院詳覈具奏。茲據慶桂會同翰林院奏稱。查據會典及現行事例。翰林官員病痊銷假。應與各京員一體扣滿一年期限。並無歧

異。而瑚圖禮等具奏之摺。則稱翰林病假未滿一年。即准銷假。計俸歷經辦理有案等語。並據各將會典。則例粘簽進呈。朕詳加披閱。定例開載在京各部院衙門滿漢官員告病之後。若病痊俟一年限滿。方准起病補用。如不及年限。概不准行等語。此係官員告病通例。並無翰林院官員不在此例明文。而瑚圖禮等前此摺內所稱翰林另有專條。其銷假起俸與各項人員迴殊之處。此次又未能將

專條引出。具奏看來。慶桂等所奏似較確實。但瑚圖禮等既堅執前說。並稱歷來如此辦理。本無舛誤。若不覆加查覈。不足以折服其心。除湯金釗俸次。既據伊等查奏相同。已照例更正外。其翰林官員起病計俸定例。著派董誥、托津、英和再行詳查。將慶桂等及瑚圖禮等所引例案。孰是孰非。秉公覈議具奏。俟奏上。另降諭旨。○以右春坊右庶子王引之署日講起居注官。○辛亥。以永定河伏汛安

瀾遣睿親王端恩詣

河神廟祀謝○諭內閣董誥等奏詳查翰林官員告病起俸各例案一摺各衙門辦理公事惟當同寅協恭和衷共濟如果例文歧出開載未明彼此各有所見則質疑辨難不厭精詳然亦當平心講求妥為商榷若例文所載明白賅備本無疑義乃扶持成見牽引附和有意齟齬曉曉不已豈復成辦事之道翰林官告病銷假例須一年限滿會典則例開

載極明所云各部院衙門滿漢官員若病痊後不及年限概不准行例內院字原賅括翰林院而言並未云翰林官不在此例而瑚圖禮等前奏乃稱修撰編檢等官告病起俸與各衙門人員迴殊且稱另有專條言之鑿鑿迨經降旨詢問令將專條呈覽則又茫無所據其所進呈之例仍即係慶桂等進呈之例不過牽引附會曲為之說直是迴護前奏耳至摺內所引編修孔昭虔起病原案該員起

病後未經扣滿一年吏部於御史缺出時即經帶領引見實係辦理錯誤該部司員前此將瑚圖禮摺稿送慶桂閱看時慶桂即告以從前辦理舛誤現在翰林院業經查出惟當據實檢舉若如此敍稿不敢列銜具奏等語乃瑚圖禮等不但行檢舉且昨日摺內尚稱孔昭虔告病起俸即係未滿一年辦理無誤轉欲引以為據此誠何心直欲將會典所載部院等官告病一年限滿成例妄行更易

為翰林開一便途此不但心存迴護竟係變亂舊章罔顧公義似此挾私爭勝豈不貽明季黨援門戶之惡習乎董誥等請將瑚圖禮等交都察院議處並請將承辦孔昭虔引見一案之吏部堂司各員分別議處自應如此辦理其翰林院於吏部咨取孔昭虔引見之時未能即時查明扣除亦著交都察院察議又昨日吏部翰林院各奏請將前此承辦湯金釗俸次錯誤各員議處之處亦著一併交

都察院分別議處。至侍郎劉鳳誥前於瑚圖禮等初次具奏時。一同商議辦摺。後經簡放主考。是以瑚圖禮等第二次具摺時。伊未列銜名。况伊任途間。尚對人言。以所見為是。如果在京。亦必堅持前說。強辯飾非。著一體交都察院議處。以示懲儆。儻此次查辦之後。瑚圖禮等仍執偏見。不肯心服。或聯銜奏辦。或一人獨奏。亦聽伊等所為。朕自有權衡也。將此通諭知之。○旌表守正捐軀山東恩縣民

劉啟發女劉氏。○癸丑諭內閣。順天府奏乾隆丁卯科舉人請重赴鹿鳴宴一摺。內稱據原任宗人府府丞徐績之孫候選通判達冲阿呈請等語。達冲阿雖係漢軍。其名則係清語。今呈內載用冲阿二字。似將達字作為姓氏。沾染漢人習氣。殊屬非是。著通諭八旗滿洲蒙古漢軍嗣後。凡以清語取名者。俱著全書不得截字書寫。○湖廣道御史徐國楠奏請勅交國史館增輯列傳。並續修天文等志。

下大學士六部尚書本館總裁議奏。尋議歷代史例。以紀傳表志為綱。而列傳內有儒林文苑循吏孝友列女土司四裔各目。我

朝文教覃敷。宜哀事蹟。垂示將來。至天文等十四志。自雍正十三年前。俱已詳載。但成書逾七十餘年。亦應續修。應如所請。從之。以

烏里雅蘇台叅贊大臣常安為湖北布政使

准漢軍前任宗人府府丞徐績順天前任

鴻臚寺卿翁方綱重赴鹿鳴宴賞徐績二品

頂帶翁方綱三品頂帶 旌表守正捐軀河

南固始縣民程于新妻方氏 甲寅諭內閣

前因

皇考高宗純皇帝聖訓

寶錄告成。照例恭繕一分。祇奉皇史宬尊藏。所

有皇史宬石座應行展寬修葺。是以敬將

五朝聖訓

寶錄暫行移奉配殿。現在石座修葺工竣。即應將

五朝聖訓

實錄先行移回正殿。但思石座工程甫經修葺完竣。恐灰漿尚未十分乾透。一經移回尊藏。即應局閉嚴密。不能風晾。轉非所以昭慎重。且將來尊藏。

皇考高宗純皇帝聖訓

實錄應在石座後層。彼時若再將

五朝聖訓

實錄移動。朕心益覺不安。敬念

五朝聖訓

實錄此時應暫緩移貯。著交欽天監在於本年

十月二十日以後擇吉敬將

五朝聖訓

實錄由配殿移回尊藏。並敬將

皇考高宗純皇帝聖訓

實錄一體奉入尊藏。屆期朕親詣行禮。又諭

慶桂等奏現在

實錄館全書告成。將數年來請出

高宗純皇帝硃筆恭繳其應尊藏何處請旨遵行等語。

列朝硃筆向俱在紅本處存貯。屆當纂辦

實錄時敬謹請出。俟纂辦完畢。仍奉歸原處尊藏。惟是

列朝硃筆日久增積存貯倍多。恭查

皇祖世宗憲皇帝硃筆即存貯十五箱。現在

皇考高宗純皇帝硃筆又共有一百八十四箱。

若統歸紅本處存貯。則日積日多。幾成充棟。

且箱隻亦大小不齊。殊非敬謹尊藏之道。除

現在每年各處呈繳硃筆。仍交紅本處隨時存貯。以備查覈外。所有

先朝硃筆應恭請至太和殿東夾室永遠尊藏。

著派總管內務府大臣恭查

皇祖世宗憲皇帝

皇考高宗純皇帝兩朝硃筆應分貯明黃油寬

大板箱共若干隻。即行如數董造敬謹裝貯。

屆時奏聞擇吉恭備綵亭敬將

皇祖世宗憲皇帝硃筆由紅本處請至乾清門外昇往安奉

皇考高宗純皇帝硃筆此時應暫貯

實錄館毋庸繳進屆時一體恭備綵亭即由

實錄館請出昇往安奉億萬年永遠遵行○又

諭禮部奏固山貝子永澤之長女係側室李

氏所生現在已屆昏期請援照從前鎮國公

永珊繼妻所生次女准封鄉君成案可否准

其授為縣君請旨辦理一摺向例宗室貝勒

以下祇准其嫡出長女一人請封所以示限

制昭名分也其有嫡妻早故者則繼妻即屬

伉儷所生之女即同嫡出至側室本非齊體

其所生子女與嫡出迥殊禮部漫為援引殊

未得當所有永澤長女應否授封著再交禮

部詳查前此宗室貝勒以下有無側室所生

長女准其授封成案俟奏上時再降諭旨尋

覆奏貝勒以下側室之女例不應封請將宗

人府堂司各官分別議處從之○諭軍機大

臣等都察院奏直隸樂亭縣民人常成彩以藉差斂錢等情具控已有旨交溫承惠提審矣朕每遇巡幸一切差務從不肯絲毫累及閭閻即如此案樂亭縣莊民李學順勾串縣役藉差科派該縣查知即出示曉諭並云凡有差務皆動帑銀不累百姓可見地方官未嘗不共知朕意乃該縣既查知曉諭何以不飭令將所斂之錢退還各戶仍以王庸等捏詞歸還為據顯頂了事並不將胥役嚴辦是

誠何心且天津之行不過上年方有此議而直隸地方即藉詞科派樂亭縣相距甚遠該縣胥役尚挨戶斂出東錢七千四百餘吊之多則近京州縣所派更必數倍外間惡習動以辦差藉詞科斂分肥以致小民來京控訴豈必欲朕高拱深宮將巡行舊典概不舉行有是理乎且急公奉上義所宜然如果辦理差務實有不得不藉資民力之處亦應明白曉諭俾知分所難辭自必踴躍從事總由地

方官辦理不善而吏胥等又百般科斂假公濟私殊為可惡所有樂亭縣藉差斂錢之地方李學順等著溫承惠親提嚴審按律治罪毋稍寬縱並將該縣解任歸案審辦庶將來辦差地方不致藉差累民以副朕愛養黎元至意將此諭令知之○乙卯中元節

上詣

安佑宮行禮○遣官祭

永陵

福陵

昭陵

昭西陵

孝陵

孝東陵

景陵

泰陵

泰東陵

裕陵○命

皇次子旻禔祭

遣官祭

孝淑皇后陵寢○諭內閣昨據都察院奏

端慧皇太子園寢○諭內閣昨據都察院奏

御史濟蘭明恆文惠三人數月以來皆因患

病不克進署請旨開缺一摺當經降旨交軍

機大臣查明該御史等本年京察等第及患

病以來各月分並任內有無條奏事件茲據

慶桂等查明開單呈覽朕披閱單內濟蘭等

皆自本年正月以來至今未經到署是其患

病已久自應據實呈明請假調理乃半年以

來僅隨時呈告暫假希冀例不咨部可免開

缺明係戀職取巧即此一節已難勝御史之

任至該三員內濟蘭曾經條奏二事俱經部

駁不准其明恆所奏請添派員弁護送御寶

一事雖經准行亦不得謂之建白至文惠則

並無條奏現在既皆患病屬實豈可濫竽清

要惟查該三員年歲均未至衰邁若果調理

就愈尚可當差毋庸遽予罷斥濟蘭明恆文

惠均著將御史開缺仍交部議處俟病痊後著吏部帶領引見候旨若至本年十二月初間尚不能痊本旗具奏候旨至都察院職司風憲豈容有此瘵曠之員賡音前在左都御史任內雖於該三員本年京察等第分別降改尚無不合惟明知其患病日久尚不奏請開缺直至德瑛署任之後始行據實查明辦理可見賡音本人懶散性成焉能正人之怠情廢弛著交部議處其副都御史潤祥等皆

旅進旅退之輩現於德瑛具奏之時只得隨同列銜亦不值交議竟著寬免以工部右侍郎蔣予蒲署吏部右侍郎丙辰諭內閣戶部奏查明川陝楚三省勦捕教匪軍需案內鄉勇支給銀米彙總奏明請按照隨征及被賊防堵近賊防堵三項酌減成數數銷一摺國家設立營伍分置官兵以備不虞遇有征勦事務祇須調遣兵丁原無所資於民力自臺灣勦辦逆匪林爽文時始有團練鄉民

防堵之事鄉勇名目由是而起迨川陝楚三省勦辦教匪亦遂相沿辦理此內或村民自相保衛或官募分地巡防或幫同官兵隨營勦賊事閱數載人數衆多均係隨時開報非如兵丁有冊檔可稽迨事後報銷應付鄉勇以少報多費至二千餘萬實從來用兵所無此內捏冒浮銷實不能免如該督撫等捐辦衣履等項俱稱出自已資實則仍入於軍需款項甚至將餽送往來官員銀兩及例內不能開銷等款均灑入應付鄉勇項內朕久深知其弊即如永保從前監禁囤尚有人送給銀兩其餘亦可概見但鄉勇隨征打仗効命行間如桂涵羅思舉均係鄉勇出身因其在軍營屢著勞績疊加升擢此外奮勉立功防堵出力者亦屬不少若將該三省所報支應鄉勇銀米概拘常例不准開銷亦斷無此辦法然竟照該督撫所報准銷仍不過據承辦之員造冊開送伊等亦無從覈實今該部

按照隨征及被賊防堵近賊防堵三項各酌減銀米成數報銷實已平允即著照所奏辦理行知各該省一體欽遵餘俱照議行○革直隸馬蘭鎮總兵官前任熱河副都統慶傑職交戶部左侍郎托津工部左侍郎英和帶往熱河傳集人證審擬具奏○以正黃旗漢軍副都統積拉堪為直隸馬蘭鎮總兵官兼總管內務府大臣調成都副都統多善為正黃旗漢軍副都統○丁巳諭內閣鐵保等奏

遵旨將減定南河物料價值分別柴稻細數再行開單具奏一摺南河物料時價歷年俱有增無減經朕特派大臣親往查勘後已降旨酌照例價祇准加至兩倍原不准再有浮多茲據鐵保等查明各項物料內如磚灰煤鐵等項尚可撙節辦理惟徐屬之林稻揚屬之葦柴最為正料大宗現在各廳屬稽價亦俱多寡不齊然尚可損此益彼增減相抵不致有逾定價至揚屬葦柴一項原定例價本

輕節年來灘地漸遠轉運日難現在市價每斤實需制錢六七文不等若祇照例價加增兩倍僅准銷銀二釐一毫萬難敷辦鐵保等再四籌商懇於原請加價三倍半至四倍有零之中酌減十分之二比較例價約加三倍有零承辦庶無掣肘等語自係實在情形向來河工積弊多以通融虛捏浮冒報銷自當覈實辦理此項葦柴價值既據該督等查明實在不敷採辦據實陳奏額請酌增著加恩

將此一項即照所請於原加兩倍外再加一倍有零該督等惟當嚴飭各屬實心購買撙節支用仍隨時嚴密勾稽勿任稍有弊混俟將來物價漸平即著據實議減若以此次嘗試又復瀆請屢加不已朕惟執法嚴懲耳○戊午

上以秋獮未闌自圓明園啟鑒命皇次子溥儀皇三子綿愷於八月初旬赴熱河隨駕進哨命成親王永理大學士祿康費

淳協辦大學士尚書長麟留京辦事。西安將軍德楞泰奏奉命入川查閱營伍與勒保籌商現在情形應調劑者三條。一請將太平協屬新設城口都司定為分營改協標右營守備為左營都司隨副將在城防守。其分駐竹峪關守備定為協標右營裁平番營都司改為守備以符營制。一請於達州通巴兩營增設馬步兵一百五十名即於此內撥外委一員兵四十名設為石橋河汛再達州已改綏定府達州營亦應改為綏定營。一請將隨征兵勇軍功賞給翎頂人員考驗弓馬分別等第以把總外委拔補並懇於未補缺前支食外委分例下兵部議尋議軍營人員拔補章程前經奏定賞五六品頂帶者以把總外委拔補七八品頂帶者以外委額額外外委拔補應遵原奏辦理其未得缺以前應照候補千總把總隨營之例給與馬糧一分餘均應如所請從之。免蹕路經過地方本年額賦

十分之三。是日駐蹕南石槽行宮。己未諭軍機大臣等長齡奏兼程赴蘭州接印督催續調各官兵迅剿賊番一摺前據興奎等奏剿辦三族賊番殲擒賊匪多名似已辦有端緒今遲逾數月又經續調官兵迄未辦竣看來尚無把握貢楚克扎布向未經歷行陣興奎雖曾從戎行但並未統率師干獨當一面恐於剿捕機宜未能深悉長齡曾經督兵勦辦教匪那彥成亦曾帶兵打仗所有勦捕賊番一事長齡馳抵蘭州後察探情形如興奎在彼辦理此事並無未協即著長齡那彥成幫同經理貢楚克扎布著回京請訓再赴察哈爾新任若興奎在彼不能得力即將興奎撤回其勦捕事務責成長齡那彥成專辦伊二人自揣辦理未能裕如不妨奏明另派大員前往會辦以期迅速集事將此諭令知之。福州將軍賽冲阿奏查明臺灣出力員弁守備蒲長青等升擢有差賞義民首監生

馬振清等頂帶免直隸安新、安隆、平、寧、晉、新河、河間、南宮、霸、大城、東安、獻、寧、津、青、靜、海、鹽山、咸定十七州縣積欠額賦。賞密雲縣接駕兵丁半月錢糧。是日駐蹕密雲縣行宮。庚申署直隸總督溫承惠奏永定河南岸七汛原設州同、州判、縣丞七缺，北岸八汛僅有縣丞一缺，餘皆巡檢。主簿嘉慶六年以後北岸情形與南岸無異，汛官階級懸殊，應酌量就河缺更換，以昭慎重。下吏部議，尋議

改武清、宛平、良鄉、固安、永清五縣主簿為縣丞，涿、霸二州巡檢為州判，分置北岸各汛。其玉田、元城、正定、管河縣丞分防南岸之東安、武清、縣丞均改為主簿，薊州管河州判、霸州、淀河州判俱改為巡檢，從之。是日駐蹕要亭行宮。辛酉，以故杜爾伯特輔國公博第格呼勒子多爾濟扎布襲爵。賞熱河接駕兵丁及看守避暑山莊弁兵一月錢糧。看守口內、口外各行宮弁兵半月錢糧。是日駐

蹕兩間房行宮。壬戌，緩徵安徽當塗、蕪湖、繁昌、東流、天長、潛山六縣水災本年額賦。是日駐蹕常山峪行宮。癸亥，諭內閣：此案慶傑被叅六款，俱經訊問明確，內惟慶傑因伊子物故手寫字帖索取所屬官員公分銀二百五十兩，貪鄙不職，情節較重，其縱令伊妻私進官廟一節，訊明於御座房俱未敢擅入，尚在輕罪，不議之列。慶桂等議照原擬罪名將慶傑發往烏魯木齊効力贖罪，念其係

宗室人員，著改發吉林，交與秀林嚴行管束，即由熱河照例押令前往。至熱河官廟，向未定有例禁嗣後著定制出示曉諭，嚴禁婦女入內燒香，即蒙古婦女尊信佛教者亦祇許於廟門外頂禮，交副都統、福、長安及總管移騰額專司查察。如有違禁者，指名叅處，餘俱著照所議行。是日駐蹕喀喇河屯行宮。甲子，上至熱河詣

文廟瞻禮

闕帝廟

城隍廟拈香 詣

永佑寺行禮 諭軍機大臣等與奎奏連次攻
勦賊番及酌籌添調官兵一摺此次賊番在
甘壩竹壩等處恃險抵拒經官兵節次攻擊
看來已就窮蹙至賊番尖木贊既不能縛賊
自効膽敢於揣咱等五族內挑出騎馬番子
七百人豫備抵當官兵即屬叛逆必當痛加

殲戮以示懲儆即使畏罪投誠亦不得從寬
此時長齡那彥成俱將次到彼當與興奎酌
籌妥辦以期永靖邊圉又據奏現在帶兵四
千五百名尚覺不敷請添調涼州兵一千名
甘州兵五百名洮岷各營兵一千名等語此
次勦辦賊番原應厚集兵力懾以軍威以期
一鼓集事著照所請辦理惟所稱撒拉爾回
民情殷報効請將該土司挑備回民五百名
調赴軍營一節殊可不必撒拉爾回民素性

貪利且難駕馭竟當停其徵調仍諭以伊等
情殷報効尚屬可嘉惟大兵雲集即日埽穴
擒渠不須復藉爾等協勦且路途遙遠跋涉
不易無庸整備聽調以示體卹又另片奏奪
獲牛羊數目共十一萬有零除犒賞外俟軍
務完竣飭令變價歸入軍需報銷等語殊未
得體此項牛羊現既交慶旼收管即著該道
員查明細數先儘接濟兵食再酌賞出力官
兵如有餘剩俟勦辦賊番事竣後傳旨分賞
衆蒙古將此諭令知之 賞熱河綠營兵丁
一月錢糧 是日駐蹕避暑山莊至八月甲
申皆如之 乙丑諭內閣鐵保等奏分別截
留囤卸漕米一摺江西湖南宿州等十三幫
漕糧計船六百六十餘隻此時尚未渡黃自
應分別截留囤卸所有此項漕米七十二萬
四千餘石著照所請分撥江蘇二十萬石安
徽十萬石各於災歉之區量為平糶所收價
值即著於各該藩庫內存貯報撥仍知照江

西湖南湖北各該撫按照三十萬石之數採買隨同新漕搭運並准其借給回空各幫漕米十萬石零令於新運開行時買補運通以歸簡易此外尚存漕米三十二萬餘石著即截卸淮揚等屬飭令該處衛守備會同總運丞倅等經理截卸明春如數搭運即令一手交兌其每百石應貼耗米二石明春搭運時准其開銷諭軍機大臣等成寬等奏查明杜爾伯特等任意出卡游牧請將駐卡官員革審並請將科布多南北東三面卡倫另行詳議等語設立卡倫駐防官兵原為劃明疆界而查禁侵占也今科布多之杜爾伯特自乾隆五十七年遣人送給圖薩拉克齊車登扎布羊馬等物藉稱連年被旱草不豐茂遂任其出界游牧殊屬目無法紀著成寬將乾隆五十七年以後歷任駐卡之圖薩拉克齊台吉等查明先摘頂帶解赴烏里雅蘇台會同祥保嚴審具奏此內如有從前由京派往

駐卡之員亦應查明交部審訊儻現在駐卡之侍衛章京等亦有情弊著即摘去頂帶審訊所有科布多叅贊大臣及管理各員均有失察之咎杜爾伯特王固魯扎布並未申報亦應指叅至科布多卡倫著成寬另行悉心妥議具奏丙寅諭內閣據松筠奏接奉諭旨聲明協領彥祿不能來京引見實情請將該員休致等語前據松筠奏稱協領彥祿年六十八歲在任十二年期滿應照例送部引

見惟查彥祿現總理屯田事務可否令其暫緩來京俟辦理完竣再行送部引見彼時朕即謂彥祿必係衰老不能引見松筠意存見好藉詞姑容是以降旨詢問彥祿如果强健即著送部引見茲據奏稱彥祿前本强健自去年以來漸衰曾經具呈告退因其諳練是以姑留本任俟辦理屯田完竣再令來京等語殊屬非是朕因松筠性好邀譽屢次告誡前覽此奏即知又係姑息辦事固當心存寬

厚然亦當思事理輕重協領係承辦旗務之員豈可姑容衰老之人松筠著嚴行申飭並著交部議處嗣後如不痛改或被人叅奏或經朕查出必從重治罪決不寬宥彥祿著即以原品休致○四川總督勒保奏勦捕長壽縣賊匪出力員弁賞圓首張治平陳燦七品頂帶以把總拔補餘升敘有差○丁卯諭內閣據管理街道御史慶元等請將印信存貯公署一摺都察院十五道御史及巡視五城御史印信向例俱存貯都察院衙門惟街道廳印信相沿存貯管理街道滿洲御史私宅殊於體制未協嗣後著交存都察院公署遇有鈐印事件隨時取用以昭慎重○己巳上御如意洲賜扈從王公大臣蒙古王貝勒貝子公額駙等食賞賚有差○命守陵之貝勒永錡鎮國公果勒豐阿回京在散秩大臣上行走○雲南曲靖府屬平彝縣土縣丞海紹昌因病告替以其子沛沅襲職○戶

部議准廣西巡撫恩長疏報小鎮安廳天保縣開墾早田二頃九十一畝水田二十一埤照例升科從之○緩徵河南安陽湯陰內黃考城溫孟六縣水災新舊額賦有差○賞熱河弁兵及額魯特兵丁一月錢糧○是月山西按察使張映漢奏報回任得旨實心任事勿令留滯不留獄載在經書必應遵守若遲延則百弊叢生矣勉之

大清仁宗受天興運敷化綏猷崇文經武孝恭勤儉端敏英哲睿皇帝實錄卷之一百八十三

大清仁宗受天興運數化綏猷崇文經武孝恭勤儉端敏英哲睿皇帝實錄卷之一百八十四

乾隆四十四年八月二十日奉 上諭 著將永振等處各屬各該管官等一併交部議處

如該管官等不遵 上諭 旨意 仍行違抗 著交部議處

開列各該管官等姓名 著交部議處

部議奉 上諭 旨意 著交部議處

如該管官等不遵 上諭 旨意 仍行違抗 著交部議處

教外

嘉慶十二年丁卯八月庚午朔旌表守正被

戕河南睢州民劉美妻胡氏○壬申遣官祭

文昌帝君廟○癸酉遣官祭

關帝廟○諭內閣據綿綿億等奏本日朕閱

看布靴時慶郡王永璘鼓喚東角門章京扎

昆珠伊豐額為之開門等語朕閱看布靴慶

郡王永璘來遲其咎不過罰俸今擅敢敲喚

禁門章京等亦擅自開門俱屬不合慶郡王

永璘著革去總理行營罰職任俸一年扎昆

珠伊豐額著革去辦事章京侍衛班領罰俸

清 實 錄 嘉慶十二年八月

一年以示儆戒嗣後朕閱看布靴時如有來

遲者即自行具奏請罪儻仍似此敲門呼喚

而章京即行開門者必當從重治罪將此通

行曉諭○甲戌諭內閣本日據都察院奏直

隸交河縣民人張永振呈控縣役串捏誣陷

問官袒訊捏詳一案又步軍統領衙門奏陝

西澄城縣民人黨茂雲呈控私賣倉穀侵扣

賑卹銀兩等款一案已另降諭旨交溫承惠

貢楚克扎布親提犯證秉公研鞫矣朕詳閱

所奏情節張永振控案係於本年三月內曾

據該民人呈控都察院咨送該署督轉飭作

速審究迄今四月有餘尚未據該署督審擬

咨覆以致該民人續行上控試思都察院咨

交案件俱係按期彙奏即與特旨交審之案

無異乃並不即時聽斷一味遷延懸宕任令

屢控不休殊屬非是其黨茂雲控案指稱知

縣胡彬管門家人李三與倉書王會元等將

常平社倉穀石糶賣分肥曾於嘉慶九年赴

四二一

藩司衙門控告該司批委同州府知府審訊嗣又赴巡撫衙門呈訴經該撫批委藩司藩司復委知州隨赴總督衙門控告亦復輾轉相委總未親提審訊致令案情虛實未能確鑿不足以折服原告之心督撫等於控告緊要案件原應躬親研鞫俾負屈含冤者得以及時申理挾嫌誣控者亦可立加懲創乃積習相沿祇知養尊處優無論案情鉅細悉委屬官審理一任稽遲延玩無怪薰越瀆控者

紛至沓來是民間計訟刁風實該督撫等有以啟之既不能移風易俗反啟告訐之習朕用此等督撫實引以為咎督撫等亦知愧否嗣後惟應凜遵訓諭於特交咨交各案及民間呈控案件關繫重大者俱各親提研訊以息訟端若必候欽差前往審辦始能逐案了結勢必將在京部院大員派令分馳各省剖斷訟獄又安用督撫為耶所有張永振等二案即著溫承惠貢楚克扎布作速秉公審擬

務得確情以成信讞○又諭川省藍翎兵勇唐騰蛟等四名冊內俱分折開載年分案由惟檢查奏案無名該兵勇從前隨營出力斷不敢假冒戴用自係領兵大員當時獎勵及入奏時遺漏敘錄唐騰蛟蔣盛楊光何耀均著加恩准其照舊戴用藍翎至該兵勇等在軍營曾著微勞且入伍有年如察看材堪造就仍准其照奏定入伍兵勇拔補章程分別拔補實缺若其人不稱營員之選或因傷病

不能隨營差操即著以翎頂榮身以示體卹○乙亥諭內閣金光悌奏參革知縣周吉士投稟訴冤奏明查辦一摺此案周吉士於署任時值該縣匪徒搶劫阻考不能查拏彈壓辦理本屬不善後因袒護孫馨祖收受衣緞經金光悌奏請旨拏問該革員希圖脫卸已罪誣過他人投稟巧詞申辯其所稱本府出示內有玉石俱焚之語查明是否屬實若係該革員誣捏則其咎更重著金光悌飭屬

嚴拏孫馨祖。務獲到案。提同周吉士秉公嚴訊。案內確情。並追問所受衣繖。究係何人製送。據實具奏。該叅員既經控訴冤抑。設該撫訊問時。或有增減情節。不能折服其心。復致來京控告。又須差人查究。一經覆訊。枉直不難立判。恐不能當咎也。○諭軍機大臣等。長齡奏。趨程前赴西寧。並陳軍務情形一摺。據稱。勦辦賊番。自進兵以來。節次奏報。殲獲甚多。所獲牲畜計十一萬有餘。覈對人數。賊數

多寡懸殊。其中恐不能分別良莠。轉致正賊遠颺。無辜被戮等語。所奏甚是。前經降旨。令興奎等查明番族實在滋事不法者。懾以軍威。便可撤兵。了事。況番族窮苦。素以牲畜為命。今奪獲牛羊馬匹至十餘萬之多。恐失業番民。因餬口無資。難保不於歲事撤兵之後。又潛至蒙古地界。乘閒劫掠。彼時仍須調兵緝捕。輾轉勦辦。伊於何底。且番族性情剽悍。言語不通。若不設法安撫。善為殄除。兇暴必

致相率驚疑。兼之番境氣候早寒。地勢險峻。亦不值疲勞兵力。日久稽延。那彥成長。齡應與興奎酌量情形。通盤籌畫。總須計出萬全。一勞永逸。朕亦不為遙制。儻興奎從前辦理未妥。亦不可意存迴護。將此各諭令知之。○以吏部左侍郎玉麟。戶部右侍郎劉鐸。之監臨順天鄉試。協辦大學士尚書戴衢亨。為正考官。禮部左侍郎桂芳。工部右侍郎蔣予蒲。為副考官。○丙子行在刑部議覆浙江巡撫

清安泰審擬平陽縣民莊以泄抗糧毆官分別治罪一案。得旨。此案莊以泄先因挾嫌糾搶陳步高洋錢衣物。飭緝未獲。繼復阻撓花戶自納錢糧。其平昔肆橫鄉里。已屬目無法紀。迨被獲解官。伊子莊正向輒敢糾眾截奪。甚至毆傷官弁。搶劫糧銀。該犯乘機喊救。扭鎖脫逃。是莊以泄實為此案罪魁。即案內問擬斬絞。及監斃鎗斃各犯致死根由。亦皆由彼起釁。此種刁民。必應嚴辦示懲。今起意為

首奪犯毆官重罪。已坐伊子莊正甸將該犯照刁民抗糧聚眾逞兇毆官為從例擬絞監候。尚覺情浮於法。莊以泣著改為絞決。其許君善一犯執械打破該縣轎頂致縣令落轎受傷情節較為兇橫。亦著改為絞決。現距秋錄之期已近。莊以泣許君善均著即行正法。其餘阿商林阿旦陳玉祥三犯係在場助毆致傷兵役家丁俱著照擬絞監候。入於明年秋審情實辦理。首犯莊正甸罪應斬梟。著嚴拏務獲按律抵罪。餘俱照所擬完結。○移甘肅平番縣紅城主簿駐平羅縣石嘴地方撥平羅營把總一員兵五十名分駐石嘴汛從護理總督布政使蔡廷衡請也。○丁丑祭先師孔子遣大學士祿康行禮。○諭內閣李長庚奏搜捕蔡逆無蹤暫回軍署趕辦軍政一摺。殊屬錯謬。軍政關繫舉劾固為激揚鉅典。但該提督統領水師勦捕蔡逆正在喫緊之時。即因軍政屆期亦當權其緩急。或奏明

展限或請令清安泰代為考驗候旨遵行。乃並未籌計及此。亦未將回署趕辦軍政先期具奏。請旨輒順道徑赴寧波竟置海洋盜首於不問。實出意料之外。據摺內稱蔡逆盜船現無蹤跡。其意不過藉詞暫時回署殊不思蔡逆行蹤詭譎出沒無常。即因現在追捕無蹤亦當督率舟師在洋偵探。乃竟予賊以暇一任往來遊奕。設該逆乘閒勾結滋擾復肆鴟張成何事體。李長庚何不曉事若此。本應將該提督治罪示懲。姑念伊從前督師緝捕著有微勞不遽加之嚴譴。著傳旨嚴行申飭。此時勦辦蔡逆功屆垂成伊不知迅速擒渠仰邀懋賞。即係伊無福承受厚恩。現在伊既已回署即著將軍軍政事宜趕辦完竣仍速督師出洋將蔡逆剋日殄除免贖前愆。李長庚不可不倍加愧奮也。○戊寅祭大社。大殺遣儀親王永璇恭代行禮。○

太宗文皇帝忌辰遣官祭

昭陵○諭內閣廣厚奏查明喀喇沙爾地方應行更正事宜一摺喀喇沙爾所轄布古爾庫爾勒兩城回地租與內地漢民種植棉花由來已久若禁止不准租種勒令退地繳錢未免徒涉紛擾自應仍聽其便嗣後著准其照舊租種至該處糧餉章京一缺前經奏明由部院保送司員引見補放三年更換概不准以駐防筆帖式升補玉慶前在喀喇沙爾任

內時請以駐防筆帖式志祥西郎阿幫辦糧務與例不符著照廣厚所奏將該員等裁撤

○己卯命刑部尚書秦承恩馳往山西審案

庚辰

太祖高皇帝忌辰遣官祭

福陵○署直隸總督溫承惠奏報永定河秋汛安瀾同知李逢亨等升敘有差○免直隸安新安隆平寧晉新河南宮六州縣積水地畝額賦○免四川達縣被難民戶本年條糧○

辛巳遣官祭昭忠祠○壬午

上詣

永佑寺行禮○以故喀爾喀車臣汗郡王瑪哈錫哩子恩克圖魯喀爾喀賽因諾顏輔國公齊旺扎布族子扎木薩琅扎布喀爾喀扎薩克圖汗鎮國公貢楚克多爾濟弟扎木薩朗扎布各襲爵○以署鑲黃旗蒙古副都統雙喜為正黃旗漢軍副都統○甲申

上御卷阿勝境賜扈從王公大臣蒙古王貝勒

貝子公額駙台吉等食○諭內閣薩彬圖奏清查未結控案設法趕辦一摺總漕衙門積年未結控案有三百餘起之多本應照例議處但漕務案件與地方不同漕運總督及各糧道衛弁每年押運往來在署之日無多而旗丁南北轉輸原被人證不能勒限傳齊質訊亦屬實在情形且吉綸任漕督數年辦事尚屬認真非任意延擱不行清理所有漕務積案各官員處分均著加恩寬免其未結各

案經此次分析查明著即交薩彬圖分飭各糧道府州上緊清釐或隨地查辦或示期集訊務令積贖漸清以息訟風而裨漕政○乙酉

上自避暑山莊啟鑾幸木蘭○是日駐蹕中關行宮○丙戌駐蹕波羅河屯行宮○丁亥賞順天府府丞前任刑部尚書熊枚五品銜休致以文闡辦卷遲誤且年已衰老故也○是日駐蹕吉爾哈朗圖行宮○戊子駐蹕阿穆

呼朗圖行宮○己丑

上行圍○是日駐蹕卜克嶺御營○庚寅上行圍○諭內閣德祥奏請將刑部秋審招冊於上班半箇月以前分送各衙門並請將擬改之件俱令於招冊內按起黏簽註明以便共加考覈等語各省秋審本章向原陸續具題到部刑部為刑名總匯援情定罪務須詳慎叅求是以定例於上班前五日始將各省招冊分送大學士九卿京堂科道等官豫加

校覈而招冊內刑部凡有擬改之件亦即於上班日宣讀俾衆官共知原令各據所見公同商榷茲據該御史所奏以送閱招冊之日較遲未能先期研勘但事關秋讞大典其各省招冊應否照擬之處刑部必當詳加覈定儻因分送各衙門招冊須在上班半月以前或於讞典稍有草率亦殊非慎重民命之道該御史所奏是否可行著刑部堂官悉心妥議具奏尋議各省秋審題本例於四五月到

部臣等即飭各司員覆加詳覈於七月初旬司議中甸堂議九卿會審總在八月初旬期限緊迫向來上班數日前分送招冊已屬趕辦勢不能再為挪展又所奏擬改之件分送各官簽商一節查秋審改事均宜慎密若先期互送不惟勢難徧及且恐吏役早通消息易啟招搖之弊所奏均毋庸議從之○命詹事府少詹事茹荼為奉天府府丞兼學政戶部右侍郎劉鏞之提督順天學政禮部右侍

郎萬承鳳提督江蘇學政吏部左侍郎玉麟
提督安徽學政吏部右侍郎劉鳳誥提督浙
江學政右春坊右庶子王引之提督河南學
政詹事府詹事王宗誠提督山東學政翰林
院侍講黃鉞提督山西學政通政使司叅議
汪鏞提督陝甘學政山東道御史涂以輅提
督湖北學政翰林院侍讀學士李宗瀚提督
湖南學政編修史致儼提督四川學政太常
寺卿胡長齡提督廣東學政湖廣道御史陳

蘭疇提督廣西學政編修汪潤之提督雲南
學政戶部員外郎錢學彬提督貴州學政○
以禮部左侍郎桂芳署吏部左侍郎吏部左
侍郎潘世恩署戶部右侍郎兵部右侍郎邵
自昌署禮部右侍郎○是日駐蹕已顏陀羅
海御營○辛卯

上行圍○諭軍機大臣等松筠奏據哈薩克公
卓勒齊呈稱穆龍鄂托克地方哈薩克牲畜
被竊欲入塔爾巴哈台卡內索討經卓勒齊

阻止等情松筠擬於演圍時會同達慶愛星
阿辦理等語卡倫之設原為禁止哈薩克等
私行出入朕聞從前塔爾巴哈台西北卡內
即有哈薩克人等私入遊牧今穆龍鄂托克
地方哈薩克牲畜被竊欲入塔爾巴哈台卡
內向私行遊牧之哈薩克索討可見哈薩克
等平日私入遊牧並未一律逐出今卓勒齊
阻止哈薩克不准入卡尚屬恭順著松筠於
行圍之便前赴塔爾巴哈台示以威重實力

嚴查將私入遊牧之哈薩克按名逐出以肅
卡倫並將偷竊牲畜賊匪查明辦理至此項
哈薩克私入遊牧始自何年彼時容留之大
臣均係何人著一併查明叅處愛星阿現已
抵任達慶著交代回京毋庸會辦○順天府
以宗室鄉試中額請得旨取中八名○閩浙
總督阿林保奏報艇匪竄入閩洋提督張見
陞帶兵追剿殲擒首夥多名得旨獎賚下部
議敘○是日駐蹕哈里雅爾御營至癸巳皆

如之○壬辰秋分夕

月於西郊遣順承郡王倫柱行禮○

世宗憲皇帝忌辰遣官祭

泰陵○遣官祭黑龍潭

昭靈沛澤龍王之神玉泉山

惠濟慈佑靈瀛龍王之神○予四川陣亡都

司崔德凝祭葬加等世職如例○予福建出

洋淹斃把總沈起元陝西陣亡外委馬萬春

馬登雲祭葬世職馬兵田自秀等二十五名

步兵柯禮宗等一百四十三名鄉勇李士貴

等十一名賞卹如例隨同打仗民人徐智仁

等二十二名苗民羅各等二十七名賞卹如

兵丁例○癸巳

上行圍○甲午

上行圍○遣官祭賢良祠○是日駐蹕吉蘭烏

雅蘇御營○乙未

上行圍蒙古盟長等於行幄南門外設大禮廬

侍

上膳畢

上閱詐馬諸技賞賚有差○旌卹遇賊捐軀湖
北竹谿縣武生教世忻妻劉氏等四口如例

○是日駐蹕永安湃口御營○丙申

上行圍○諭內閣據興奎貢楚克扎布奏派兵

往拏尖木贊措置失宜懇請從嚴治罪一摺

尖木贊原係種地納糧生番向來辦理番案

多用伊為線索其素性本屬狡黠此次勦捕

賊番興奎等派員前往曉諭令其擒拏賊目

尖木贊始而疑懼躲避嗣因通丁往喚尖木

贊隨即來營面見興奎等情願出力旋經引

同官兵打仗迨至六月十五日率同番衆潛

回復於二十四日率領五族番衆投首並聲

明前次因餘賊欲行搶害家口是以馳回照

料後因幫貼烏拉運送官糧約於二十八日

在甘壩引路進勦沙卜浪番賊屆時如期而

至是尖木贊並無違逆情事興奎與衆商議

擬於勦辦番賊歲事再將尖木贊功過明白

宣示所見甚是乃貢楚克扎布忽於是夜派兵往拏以致失木贊逃逸無蹤辦理實屬錯謬試思失木贊既已如期投至若果須設法擒拏亦不難於伊來營時就便拘縛今失木贊本屬恭順且既允其隨營自効又派兵往拏已不足以示信迨至失木贊乘閒逃逸緝捕無蹤又不足以示威貢楚克扎布如此措置乖謬失信損威實屬咎有應得著即革職來京交軍機大臣會同刑部議罪具奏興奎

身為統領於貢楚克扎布逞臆妄拏之處未能攔阻又未據實奏奏亦有不合交軍機大臣會同行在兵部議處具奏○諭軍機大臣等阿林保奏舟師過臺攻擊朱潰大獲勝仗一摺此次朱潰在大雞籠洋面遊奕經王得祿督率舟師攻擊奪獲盜船九隻殲斃賊匪多名頗為奮勇朱潰係積年盜首若能將該逆擒獲則是海洋除一巨患必當渥沛恩施至另片奏蔡逆馭過東獅洋面北竄現在許

松年周國泰孫大剛率師由北而南正可迎頭截擊阿林保當督催該鎮將等上緊迎剿毋予以暇如能將蔡逆擒獲朕必優加獎賞將此傳諭知之○以貝勒永珩為宗人府右宗人○調正紅旗漢軍都統慶怡為察哈爾都統以前任察哈爾都統佛爾卿額為正紅旗漢軍都統○是日駐蹕齊爾柏庫御營○丁酉

上行圍○是日駐蹕森吉圖御營○戊戌

上行圍○以故土爾扈特卓哩克圖汗浩紹齊弟丹津旺濟勒襲爵○免庫車所屬布蘭哈雜克察半三蔣水災本年額糧○是日駐蹕案巴究溝口御營翼日如之○是月河南巡撫馬慧裕奏謝留任得旨汝總以顏檢為戒以初彭齡為法必能永承恩眷為大員者非一清字所能該括勉思整飭吏治為要姑息二字切須痛改勉之

大清仁宗受天興運敷化綏猷崇文經武孝恭勤儉端敏英哲睿皇帝實錄卷之一百八十四

實錄卷一百八十四

十九

大清仁宗受天興運敷化綏猷崇文經武孝恭勤儉端敏英哲睿皇帝實錄卷之一百八十五

欽定四庫全書
欽定四庫全書

欽定四庫全書
欽定四庫全書

欽定四庫全書
欽定四庫全書

欽定四庫全書
欽定四庫全書

教修

嘉慶十二年丁卯九月己亥朔

上行圓○准浙江前任翰林院侍講梁同書重

赴鹿鳴宴賞侍講學士銜○庚子

上行圓○是日駐蹕烏蘭哈達御營○辛丑

上行圓○是日駐蹕伊遜河東御營○壬寅

上行圓○諭內閣據成格奏伊族弟清安現補

盛京禮部員外郎請旨迴避著交吏部將清

安與盛京別部員外等籤掣調補嗣後盛京

五部官員有似此應行迴避者即著與別部

掣籤對調著為令○諭軍機大臣等與奎泰

官兵攻破沙卜浪番族焚燬賊巢勦捕殆盡。並收撫投誠番族一摺。沙卜浪人數最多。素稱兇橫。今經官兵屢次攻擊。殲擒多名。餘匪散竄。是番族中之強橫者。已加懲創。其餘各番衆陸續乞降。接踵而至。自俱已震懾軍威。聞風膽落。既知畏法斂戢。即可凱徹藏事。與奎等當酌量妥辦。勿致稍稽時日。至番賊內有蒙古十一人。隨同打仗。已於擒獲後審明正法。所辦甚是。仍當通行曉諭青海蒙古王

公扎薩克等。以爾等自

世宗憲皇帝年間。輸誠納款。列入版圖。世荷泰養。至優極渥。大皇帝嘉爾恭順。是以每遇番族擾及。輒徵調官兵驅逐。不惜帑金。皆係因惠愛蒙古。曲加保護。爾蒙古具有天良。方感戴之不遑。何至去而從賊。乃此次勦捕番族。竟有蒙古在內。訊係攜眷投入。或被掠入夥。均隨同打仗。殊出情理之外。該王公等失察之咎。無可解免。本應予以懲處。俾知儆戒。今

蒙大皇帝格外施恩。俯念爾等係糊塗蒙古。且從賊之犯。必係爾等屬下。尤為不肖者。已將該犯等訊明正法。將爾等失察罪愆從寬免議。爾等當知感愧。嚴行管束屬下人等。務各安分守法。長此蒙恩。儻復滋事。必當分別治罪。不能再恕。其各凜遵毋忽。又據稱尖木贊逃往竹林壩一帶。老林藏匿。興奎等既探明蹤跡。即當曉諭降番。令其將伊獻出。以憑覈辦。將此諭令知之。○欽差察哈爾都統慶

怡。通政使司副使文學泰。遵旨查勘大青山馬廠。先後奏墾地六千餘頃。尚餘草地二萬餘頃。今若招墾數百頃。於游牧尚無妨礙。惟恐招墾以後。無業遊民。逐漸偷開。請交該將軍查明。頃數四至。嚴禁偷開。庶兵精足數。支放。而馬廠仍留有餘。俾資游牧。下部議行。○以鑲黃旗蒙古副都統來儀。為綏遠城將軍。內閣學士珠隆阿。兼鑲黃旗蒙古副都統。○是日駐蹕阿圭圖御營。○癸卯。

上賜蒙古王貝勒貝子公額駙台吉等食。○貸河南安陽湯陰內黃三縣被水災民籽種口糧並緩徵本年額賦。○賞看守雙黃寺等八處行宮弁兵半月錢糧。○是日駐蹕張三營行宮。○甲辰福州將軍賽沖阿奏報官兵在雞籠洋截勦朱潰大獲勝仗得旨嘉獎總兵王得祿等升敘有差。○予故綏遠城將軍春寧祭葬如例謚壯勇。○是日駐蹕波羅河屯行宮。○乙巳諭內閣據額勒布奏淮南通州泰州等處鹽場向來辦運引鹽由各場河運出閘口入運河轉江達岸本年場河淺濶鹽船阻滯叢查乾隆五十年運行舊案請將通州之呂四餘東掘港三場泰州之伍佑新興兩場鹽斤由海轉江運行以濟民食等語鹽船由海運行風濤險涉計非萬全不特鹽斤防有失耗人命所關尤應慎重但現在場河斷溜鹽船不能達岸未便缺運多時致令民間淡食著姑照所請准其將呂四餘東掘港

伍佑新興五場引鹽暫由海轉江運行該鹽政務飭知各商人雇覓熟諳海道之舵工水手小心運載毋稍疏虞仍一面將如皋一帶各場河確勘妥籌俟河流通順即奏明仍循舊路經行以復成規。○又諭佛倫保奏古北口應放兵米逾限缺欠請飭令直隸總督速籌運送一摺所奏甚是兵米按季支放自應先期籌備依限如數運給俾資餬口今古北口應放夏季兵米既尚缺額三百石而秋季應放兵米復顆粒未經運付佛倫保屢向該管地方官行催輒以米價昂貴碾動倉穀為詞藉端推諉豈該管地方官竟因糧價增昂一任兵丁等嗷嗷待哺乎溫承惠並未先時豫籌殊屬非是著傳旨申飭並著將因何遲逾短缺緣由明白回奏其該管之承德府知府喜步昌阿著交部議處仍著將應行支放米石如數趕運以裕兵食。○是日駐蹕中關行宮。○丙午緩徵山東恩縣德州衡水災本

年額賦並博興高苑淄川齊東濱濰化蒲臺臨淄八州縣旱災舊欠額賦○緩徵廣西臨桂靈川興安陽朔永寧永福灌陽平樂永安賀修仁荔浦昭平雒容柳城羅城融懷遠來賓象二十州縣旱災本年額賦並發社義倉穀平糶○是日駐蹕避暑山莊至庚戌皆如之○丁未勅諭暹羅國王鄭華嘉慶十二年九月據兩廣總督吳熊光奏稱有船商金協順陳澄發裝載暹羅國貨物來粵貿易並請於起貨後裝載粵省貨物回赴暹羅經地方官查明金協順係福建同安縣人陳澄發係廣東澄海縣人飭傳暹羅國貢使丕雅史滑釐詢問據稱金協順陳澄發三船委係由該國新造來粵因該國民人不諳營運是以多倩福潮船戶代駕並非冒捏呈遞譯書果結等情天朝綏懷藩服准令外域民人赴內地懋遷貨物惠逮遠人恩至渥也惟是中外之限中畫釐然設關讎禁古有明訓我朝撫御

諸邦如朝鮮越南琉球等國各以本地物產來中土貿易皆係其本國民人附朝貢之便齋帶前來從未有中國之人代彼經紀者今金協順陳澄發以閩廣商民代暹羅營運即屬違禁中土良民謹守法度斷不敢越制牟利其私涉外域者此中良莠不齊設將販運貨物隱匿拖欠致啓訟端亦於該國諸多未便本應將金協順等飭法治罪念其船隻係由該國製造給令代駕從前未經嚴立科條

此次且從寬免究並施恩准其起貨售兌仍給照令其置貨回帆特降勅諭知該國王宣明例禁嗣後該國王如有自置貨船務用本國人管駕專差官目帶領同來以為信驗不得再交中國民人營運若經此次勅禁之後仍有私交內地商民冒託往來者經關津官吏人等查出除不准進口起貨外仍將該奸商治罪該國王亦難辭違例之咎柔遠能邇寬既往以示含宏之義宅中馭外申明禁以

嚴踰越之防。爾國王其凜遵母忽特諭。○諭內閣據多隆武參奏。山東壽張營遊擊周開第收受南糧各幫船饋送米酒等物。已明降諭旨將周開第革職。交楊志信審擬具奏矣。漕糧為天庾正供。各幫輓運北上。所有沿途經過地方。該營員等自應實力催趲。妥為照料。俾得迅速進行。不容私通饋遺。乃周開第所受米酒等物。計伊手摺登記。已有五十餘幫。均經致送。竟成相沿陋規。試思漕船輓運

經由處所。遠近不一。沿河員弁。隨在皆是。今周開第一人如此。則其他可知。是該旗丁等幫船開運之時。即須先將應送米酒等物。豫為備辦。無怪受兌則浮收漕糧。抵壩則短缺米石。且各幫因裝載土宜過多。行走亦皆濡滯。糧船獎賞。恐不免由此叢生。不可不加意釐剔。以肅漕政。著漕運總督。倉場侍郎。及有漕省分各督撫。通行飭諭各員弁等。務須潔己奉公。毋蹈周開第之覆轍。儻經此次訓諭

後。仍有私受饋遺。簞簋不飭情事。即著據實嚴參懲辦。○諭軍機大臣等。吳熊光奏請禁內地商民代駕暹羅貨船進口貿易。以杜弊端一摺。所慮甚是。外洋諸國夷人。自置貨船來廣貿易。自應專差夷目。親身管駕。不得令內地商人代為販運。今金協順。陳澄發。皆以內地客商。領駕暹羅國船隻。載貨販賣。雖詢明委係該國王所遣。並無假冒捏飾。及夾帶違禁貨物情事。但該國王何以遽肯造船交

伊等管帶。情節不無可疑。且恐日久相沿。必致奸徒潛往外夷。賒欠誑騙。或竟冒為夷貨。代盜銷贖。不可不防其漸。吳熊光請勅下禮部。於該國貢使到京時。傳知飭禁。恐該貢使回國傳述。未能詳切。現已另降勅諭。申明內外體制。令該國王凜遵母忽。所有金協順等船二隻。既已駛至內地。姑准其起貨納稅。另製新貨。給照回帆。自此次飭禁之後。如再有代駕夷船進口者。即當查明懲辦。免滋流弊。

至澄海縣商民領照赴暹羅等國買米接濟內地民食雖行之已閱四十餘年但此項運米船隻據報回棹者不過十之五六而回棹之船所載米石又與原報數目不符安知非捏詞影射藉以通盜濟匪自應停止給照將此諭令知之○以直隸按察使方受疇為布政使調陝西按察使素納為直隸按察使以陝西陝安道陳祁為按察使○己酉上御依清曠勾到新疆雲南貴州廣西福建情

實罪犯停決新疆斬犯二人絞犯一人雲南斬犯四人絞犯四人貴州斬犯六人絞犯四人廣西斬犯一人福建斬犯十四人絞犯六人餘六十三人予勾○以戶部尚書德瑛為滿洲繙譯鄉試正考官內閣侍讀學士文通為副考官理藩院右侍郎特克慎為蒙古考官○緩徵山西河曲縣電災本年額賦○庚戌旌表守正捐軀浙江臨海縣民陳純發妻黃氏山東棲霞縣民柳開生妹柳氏○辛亥

上自避暑山莊迴鑾○諭內閣溫承惠等奏浚津隄河各工告成恭請鑒興巡視一摺浚津隄河各工關繫畿輔水利我皇考高宗純皇帝法駕頻臨躬親周覽舉凡宣防要術悉秉睿謨為億姓之所利賴自嘉慶六年雨水過多隄河間有衝潰特發內府帑金六十萬兩飭令鳩工疏治用以保護民舍田廬俾得安瀾永慶茲因修築竣事署總督溫承惠學政劉

鐸之提督色克通阿鹽政李如枚合詞籲懇請於來春鑾輿巡視自應俯如所請敬紹先謨省方敷治著諏吉於明春三月初五日啓蹕恭謁

東陵取道南苑巡幸浚津四月初二日還宮所有一切事宜著各該衙門查照向例先期豫備○又諭方維甸奏陝省軍務出力奉旨即升人員因新例不准題升選缺升用無期懇請照舊辦理等語此項軍務保題人員從前

無論題選缺出均准升用。嗣經該部奏定新例。選缺不准題升。通行照辦。以致該員等同一軍營出力。而題升在後者。格於新例。不得選缺。升途較滯。未免向隅。且前據勒保奏。川省軍務出力人員。懇恩照舊升補。業已降旨。允行。陝省與川省事同一例。所有現任候升之錢廷琛。費濬。李承道。蔡澗。石珩。劉廷獻。顧繩祖。馮國璋。楊三元。朱點等十員。均著照所請。無論何項缺出。准其升補。俟此項人員用

完。再照新例辦理。又前經奉旨。俟補缺後。升用現尚未補本缺之湯森。陳朝綬。陸銓。諸能定伍敏。劉寅。六員。俱因本班不在儘先之例。補缺需時。升用更屬無期。均著照所請。准其一體歸入本班內。先儘補用。俟補本缺後。再行升補。○又諭。據戶部奏。葉爾羌協辦大臣阿隆阿。本係自備資斧人員。欽奉恩旨。賞給養廉銀兩。是否全支。抑或支給減半。請旨遵行等語。並將西北兩路將軍大臣應支分例。

分別開單進呈。朕詳加披閱。向例棄瑕錄用之員。方准支給鹽菜口糧。不支養廉。其原派自備資斧者。不在此例。俟調任後。始准支給減半養廉。今阿隆阿若遽支給減半養廉。較之棄瑕錄用者。未免更優。嗣後派往新疆各處辦事之將軍大臣。如有自備資斧者。著加恩與棄瑕錄用之員一體支給鹽菜口糧。於調任後。再行支給減半養廉。俟調任兩次。或加銜升用。即照例全行支給。著為令。阿隆阿

一員。即著照此辦理。○是日。駐蹕喀喇河屯行宮。○壬子。

上御行殿。勾到廣東情實罪犯。停決斬犯十四人。絞犯十二人。餘一百三十九人。予勾。○命禮部左侍郎桂芳。吏部左侍郎潘世恩。教習庶吉士。○是日。駐蹕常山峪行宮。○癸丑。緩徵湖北江夏。咸寧。嘉魚。蒲圻。崇陽。通城。漢陽。黃陂。孝感。安陸。雲夢。應城。應山。隨。棗陽。武昌。興國。通山。漢川。黃岡。麻城。廣濟。黃安。羅田。黃

梅鍾祥京山潛江天門江陵石首盛利宜都襄陽荊門三十五州縣旱災本年額賦並節年帶徵銀米○是日駐蹕巴克什營行宮○

甲寅

上至古北口

御黃幄閱提標弁兵陣操技勇賞賚有差○諭內閣興奎等奏番族震懾軍威投誠歸命並番目尖木贊來營投首邊境枚寧一摺覽奏俱悉番衆賦性蠢頑閉有一二匪徒鼠竊狗

偷搶掠牲獸向所不免乃本年春夏之間該番賊等竟敢肆意攘奪擾及邊民為害行旅實屬孽由自作罪不容誅是以調集官兵頒發帑項飭令聲罪致討經官兵節次攻擊殲擒賊犯多名該番衆等畏懼乞降聞風踵至其沙卜浪一族在番衆中最高悍官兵痛加殲戮焚燬賊巢該番族喪膽驚魂頭目完木古等懇乞大喇嘛諾爾布帶領詣營投首乞命頂經發誓不敢再滋事端並據該喇嘛

出具甘結保狀是該番衆畏威悔罪實出至誠前經疊降諭旨以番衆良莠不一務須分別勦撫原不欲犁庭掃穴將番族悉予殲除今既震懾投誠自應法外施仁寬其一線仍著興奎等諭令延嘉呼圖克圖等向番衆明白曉示自此次曲從寬賞之後務各安分守法儻再作奸犯科必當重加懲辦至番目尖木贊因從前屢次辦理番案當差出力曾經賞給翎頂身受厚恩此次賊番滋擾理宜力

圖報稱乃始則隨營効力既又乘間潛逃雖據興奎等傳訊該番目幫貼烏拉運送糧餉並無叛逆情事即伊姪才楞所供該番目豫備抗拒官兵分受贓物等事亦訊係挾嫌污蔑祇因貢楚克扎布輕聽浮言妄行捕捉是以避匿遠颺但該番目既自問並無罪愆於貢楚克扎布派兵往拏時即應自行投案何至遽行逃遁本應褫革示懲姑念其旋即來營著從寬摘去翎枝降為七品頂帶仍令其

照舊當差並傳知該番目嗣後如果倍加感奮管束各番衆安靜斂戢二三年後仍當奏請恩施賞還翎頂若再不知愧勉致番衆故智復萌或有滋擾情事即將伊從嚴治罪決不姑貸此時番境寧輯邊塞肅清前調官兵即可全行凱撤興奎長齡那彥成於旋抵貴德籌議善後章程後即著各回本任興奎自調赴西寧督辦軍務尚為妥協本應加以獎敘惟伊於貢楚克扎布妄拏尖木贊一事不能阻止又不據實劾參實有應得之咎前已有旨令軍機大臣會同行在兵部議處具奏當經軍機大臣等議以革職曾令於軍務告蒞時再行覈辦茲念其帶兵出力功過尚足相抵著加恩免其革職無庸交部議敘長齡那彥成均馳抵軍營未久旋即竣事亦無庸交部議敘○欽差寧夏將軍興奎奏軍營出力人員賞提督百祥道員慶燄花翎知府馬愚等藍翎餘升敘有差○實授溫承惠為直

隸總督○是日駐蹕要亭行宮○乙卯遣官祭歷代帝王廟○是日駐蹕密雲縣行宮○丙辰駐蹕南石槽行宮○丁巳上還圓明園○詣安佑宮行禮○遣官祭都城隍之神○己未上詣大高殿行禮○還宮○諭內閣本日薩彬圖及賈允升等奏重空糧船被火燒燬緣由二摺據稱本月十九日丑刻北倉適南王家莊軍船停泊處所吉安幫第三十二號旗丁康胡梁重船失火將本船燒燬並延燒本幫重船九隻南昌前幫旗丁陶勝正等卸空軍船三隻內有畢潘興一船尚有未起米三十餘石亦經燒燬又燒燬湖北三幫旗丁田顯舉等卸空軍船十二隻共重空軍船二十五隻計燒燬米一萬三千餘石燒斃副丁舵工水手

燒燬米一萬三千餘石燒斃副丁舵工水手

男婦大小二十六名口。細訊起火緣由。據稱有民間買賣小船。乘夜暗貼吉安幫第三十二號軍船梢後繫泊。不知因何遺火。以致輾轉延燒。現在起火人船均無蹤跡等語。軍船失火被焚。值風勢過大。燒斷蘆纜。順水下流。以致輾轉延燒。慘斃多命。深為可憫。事起倉猝。人力難施。並非該旗丁情玩所致。該總漕請將燒燬米石。責令旗丁賠補之處。竟著加恩寬免。即交各本省照數籌買。於明年搭運赴通。其被燒船隻。並著官為動項補造。至新漕兌運伊邇。船隻不敷。應如何將減歇船隻酌量派運。並於各幫船搭解之處。著各該省分別妥辦。至此次起火緣由。係因買賣小船在軍船梢後繫泊所致。小船於失火之後。旋即無蹤。殊為可恨。著查明該船如亦經燒燬。則已如該船戶駕船逃逸。必須查拏務獲。加以研究。並應向旗丁康胡梁詳細質問。即該船戶委係無心失火。而現在燒燬軍船多隻。

斃及男婦二十餘命。亦非尋常失火延燒可比。已當加重懲治。如訊與該旗丁素有嫌隙。竟係有心縱火。則罪惡甚重。尤當嚴辦示懲。不可任其漏網。其薩彬圖自請交部議處之處。此次軍船失火。係在北倉地方。薩彬圖遠在楊村。不及救護。情尚可原。惟未能先時豫飭弁兵等小心防範。亦有應得之咎。著從寬改為察議。至賈允升。本智與李如枚。聯銜摺內竟未自請處分。殊屬非是。李如枚本係鹽政。派令修理北倉糧船。非其所轄。尚可寬免。至賈允升身任巡漕。本智係天津鎮總兵。所有入境軍船均所管轄。乃不能隨時防護。尚復卸過不言。伊二人著交部議處。其江西押運同知何啓秀。暨吉安幫領運千總張星垣等。疏於防範。致釀延燒重案。著交部嚴加議處。湖南前幫代運千總傅輝。並湖北押運通判聯保押空千總熊兆祥等。猝不及防。咎止失察。著交部議處。○又諭宗室族長各有管

教之責。職任甚重。必須職銜較大之員。方可勝任。但近六支由王貝勒貝子公內。派為族長。遠支族長。俱由宗人府於侍衛官員內。揀選引見補授。伊等職任較小。恐該宗室等不能服其管教。況各支內王貝勒貝子公甚多。伊等如何管教。嗣後遠支宗室族長之缺。或照近支章程一體簡放。或由職任較大官員補放之處。若交宗人府悉心妥議具奏。再定安親王等九支。尚未入族。應如何添入之處。

著一併議奏。尋議族長之缺四十。總族長之缺共十有四。若概由王公大員簡放。恐不敷用。應請將總族長之缺。照近支族長例。按翼開單。恭候欽派。其族長之缺。請於五品以上官員內。按旗揀選。帶領引見補放。則易於管教。各宗室亦必畏服矣。至總族長原有關防。查近支族長。因係王公兼管。並無關防。今以王公大員簡放總族長。爵秩較崇。況各族長自有圖記。應請將原設關防。交部銷燬。其定

安親王等九支。應入族之處。合計現在人數。請將定安親王等三門。入於左翼第一族。循郡王等六門。入於右翼第一族。從之。○諭軍機大臣等。吳璥奏請疏挑微山湖上游牛頭河。以裕儲蓄一摺。微湖蓄水。向賴牛頭河所受。各州縣坡水。由南陽昭陽二湖灌輸。方能充沛。今據查牛頭河淤塞不通。此係微湖受病之由。不可不趕緊疏濬。吳璥歷查舊案。奏請興辦。自應如所議行。惟據另片奏稱該河

自淤塞之後。魚臺瀕湖。民多有占種湖灘。視為恒產。一經挑通。則湖灘不能耕種。遂以該邑地處下游。恐成澤國。控阻等語。挑挖牛頭河。儲蓄湖水。關繫濟漕要務。豈得因刁民控阻。因循不辦。著吳璥會同該撫。示諭居民。以地方辦理公事。為國即以為民。斷無因爾等貪圖小利。置公事於不辦之理。況牛頭河係百年來舊有之河。從前深通。即未淹及該縣。現在淤塞之後。不敷濟運。關繫甚重。爾等

濱河灘地。本非應行耕種之區。即間有被淹於闔邑民田毫無干涉。而上游之濟寧金鄉等處。積水轉得疏消。實為有利無害。此時事在必行。斷不能徇爾等之請。如此明白曉諭居民等。自不至仍前阻撓。吳璣即會同該撫派委妥員。估計興工。毋致有草率虛冒之弊。將此各傳諭知之。○庚申。

上詣東華門外。於陳設

高宗純皇帝實錄

聖訓並新修

王牒綠棚前行禮。命莊親王綿課。成親王永瑤。尚書恭阿拉。曹振鏞。恭送赴盛京尊藏。并命直隸布政使方受疇護送出關。○辛酉。○命鑲黃旗蒙古副都統珠隆阿。更名珠勒亨。以與鑲藍旗蒙古副都統珠隆阿同名故也。○辛酉。上御洞明堂。勾到四川情實罪犯。停決斬犯四十一人。絞犯二十人。餘一百三人予勾。○諭

內閣上年直隸省州縣勾串司書侵吞庫項一案。當經降旨。以各犯侵盜之多寡定罪。名之輕重。將侵銀二萬兩以上者立置重典。侵銀一萬兩以上者亦於上年秋審予以勾決。尚有侵銀在一萬兩以下之陳錫鈺等五犯。亦俱問擬斬候。入於本年秋審情實辦理。各該犯串通書吏。肆意侵吞。其朦蔽分肥情節。均屬罪無可逭。特以朕上年定讞此案。悉遵照從前

皇考高宗純皇帝辦理甘肅捏災冒賑之例。分別問擬。查前此捏冒案內侵銀不及一萬兩之各官犯四十餘名。亦經刑部問擬情實。均蒙

皇考法外施仁。免死發遣。茲陳錫鈺等情罪與前案相類。亦尚可寬以一線。所有直隸省侵帑案內各官犯。除徐承勳一名業經病故外。陳錫鈺馬河戴書培魏廷鑑四犯。著加恩免其勾決。發往黑龍江充當苦差。此乃朕祇過

前謨於無可寬貸之中曲為賞宥。嗣後各省州縣等益當激發天良。奉公守法。毋謂寬典之可屢邀也。○又諭興奎等奏遵旨查明貢楚克扎布妄拏番目尖木贊緣由一摺。據稱尖木贊於本年六月來至甘壩大營時。貢楚克扎布同提督百祥等均至興奎帳房籌商。進勦沙卜浪之事。貢楚克扎布因尖木贊不肯進營領賞。疑其反覆。即欲乘夜擒拏。經興奎與提鎮等力言勸阻。而貢楚克扎布立意甚堅。未經定議。旋經提鎮等復懇興奎至貢楚克扎布帳房商勸。貢楚克扎布執云是伊一人立意辦理。若有一人不遵。即指名叅奏。隨於是夜派百祥蕭福祿游棟雲九十等帶兵掩捕。因人馬踏冰過渡。夜靜有聲。尖木贊知覺逃遁。並無抗拒官兵情事等語。此次興奎貢楚克扎布等統領官兵進勦番族。尖木贊並無叛逆情事。貢楚克扎布輕聽人言。以尖木贊素與番賊分賊挑備馬賊七百人欲與

官兵抗拒。不察虛實。並因其不肯進營領賞。益疑其反覆無常。率欲乘夜往擒。已為錯誤。當經興奎及百祥等四人力勸至再。猶復堅不聽從。並稱有一人不遵。伊即指名叅奏。詞意決絕。實屬任性乖張。且伊既以尖木贊必當擒拏。銳意辦理。即當親自督同提鎮等帶兵前往。而又怠惰不出。高卧帳中。僅諉之百祥等。黃夜查拏。任令疏縱。尤屬錯謬。無能。貢楚克扎布前已革職。降旨諭令德楞泰及沿途督撫於其赴京途次押解來京。覆加審訊。此時業經查明。無可再訊。應即治罪示儆。著傳諭沿途各督撫於此旨到時查明貢楚克扎布行至何處。傳旨即照軍機大臣等所議發往烏魯木齊。自備資斧。効力贖罪。興奎於貢楚克扎布任性妄拏之時。雖經勸阻二次。隨即聽其所為。以致辦理失當。本當照前議革職。因其勦辦賊番。統兵尚為出力。功過足以相抵。前經降旨寬免。其自請嚴議之處。無

庸再行交議。至百祥。蕭福祿游棟雲九十。四員。此次帶兵勦辦賊番。俱尚出力。百祥昨經興奎等保奏。到時。曾經賞還花翎。並交部議敘。其蕭福祿等亦曾有旨交興奎等覈其勞績。請旨施恩。但伊四人於貢楚克扎布欲拏尖木贊之時。雖經用言勸阻。既經貢楚克扎布派令往捕。即當密往拏獲。何以被尖木贊知覺潛逃。看來百祥等本有欲擒拏尖木贊之心。未經認真圍捕。以致尖木贊知覺逃

脫。而於尖木贊既經逃脫之後。又不帶兵緊追。實有應得之咎。百祥除賞還花翎免其追繳外。其交部議敘之處。著撤回。蕭福祿游棟雲九十均無庸再行保奏。伊四員亦無庸再行議處。旌表守正被戕河南永寧縣民任小黑妻高氏。守正捐軀直隸大名縣民高得正妻張氏。○壬戌。

上幸萬壽山。○諭軍機大臣等。伯麟奏緬甸遣使投文懇求援助。遵旨曉諭該國王一摺。所

辦甚是。天朝撫綏外藩。一視同仁。斷無偏助之理。緬甸與暹羅同列藩服。彼此稱兵構釁。蠻觸相爭。惟當置之不問。若此時允緬甸之請。遽為出兵援助。設暹羅亦復遣使啟關求救。彼時又將何以處之。伯麟遵奉前旨於該國王遣孟幹投文之時。即行明白曉諭。並將從前刀派功私帶兵練出境。本屬有罪之人。禍由自取。不能因一越境滋事之土司與師問罪。其召三並非天朝曾賞官職之人。此時

被戕於腊驅逐入山。無庸過問。所駁詞嚴義正。甚為得體。諒該國接此照會。自未敢再行潰求。至摺內稱探聞九龍江車里土司之堂弟刀永和竄至緬甸。該國欲將刀永和送回九龍江。仍充土司等語。刀永和係謀殺土弁刀太昌案內逸犯。此時或即係該犯在彼布散謠言。希圖構釁。亦未可定。如果現在緬甸自應將該犯罪案緣由。飭知該國王。令其縛獻。以便按法懲治。將此諭令知之。○甲子。諭

內閣馬慧裕奏魯山安陽兩邑士民呈請為已革知縣吳昭捐復原官據情代奏一摺。所奏非是。吳昭前在河南安陽縣任內。因審案草率革職。後發往烏魯木齊。其罪本無可賞。彼時因馬慧裕奏稱該員居官素好。有該邑士民呈請代為贖罪。特經降旨允准。已屬格外施恩。今該撫又以魯山安陽兩邑士民愛戴該員。代為具呈捐復。率行據情入告。希冀恩准。實屬不成政體。官員革職開復。自有定例。非地方民人所得干與。若因該士民之請。動輒准行。是在任者既可因訐告而去官。而離任者又可因代捐而復任。官職之去留。小民得持其長短。國家予奪之權。安在。馬慧裕係進士出身。庶人不議一語。曾未知耶。此即官員等平日實有政聲。輿情愛戴真切。尚不可行。況外省不肖劣員。巧於作偽。或平日與地方紳衿往來交結。及其緣事罷斥。紳衿等遂為之設法營救。計出於此。亦未可知。不可

不防其漸。總由馬慧裕平日辦事疲輒。接據此等呈詞。不行駁斥。轉為之具摺申請。所奏斷不可行。馬慧裕著傳旨嚴行申飭。○閩浙總督阿林保奏請將溫州府樂清縣屬外洋東白等六山改隸玉環廳版圖。洋面歸玉環營管轄。下部議行。○予福建臺灣禦賊被戕武舉張元英。已革千總陳藝。祭葬世職。如守備陣亡例。把總朱元英。潘國亮。吳高。沈友諒。外委陳一龍。沈桂枝。賴名標。祭葬世職。雲貴兵丁王於貴等十名。陝西四川鄉勇周明等二十七十六名。賞卹如例。○予東河淹斃千總馬雲從。祭葬卹廕如例。○旌表守正捐軀江蘇桃源縣民費興祚女費氏。○乙丑。孝慈高皇后忌辰。遣官祭福陵。嚴禁八旗抱養民子為嗣。紊亂旗籍。諭內閣刑部奏。審擬領催那敏呈控富興阿並無子嗣。冒挑錢糧一摺。朕以八旗戶口生齒日繁。本身錢糧不敷贍養。廩念殷切。連年籌

撥款項命添養育兵額。所以鞠謀而保聚之者。無所不至。原以惠養旗人。正身恐其失所。乃旗人內竟有本無子嗣。而抱養民人之子為子。亦有子嗣本少。復增抱養之子為子。混行載入冊檔。冒領錢糧。此等惡習。朕所素知。八旗皆有。而內務府三旗為尤甚。不惟濫邀恩澤。抑且旗民混淆。最為可恨。總因管理旗務王大臣。及管理內務府大臣等。不能整飭。不肯實心稽察。因循怠玩所致。即如本日刑

部所審富興阿一犯。其親子早已病故。隱匿未報。此次聞該旗挑選養育兵。竟敢以李四之子冒名頂認。挑作養育兵。支領數月錢糧。現經領催那敏呈控得實。刑部將富興阿革去領催。問擬杖一百。徒三年。折枷鞭責。所辦尚輕。富興阿著發往烏魯木齊充當苦差。以示懲創。仍著八旗都統副都統及內務府通行詳查。將各旗內有似此抱養民閒子弟為嗣。紊亂旗籍。冒挑錢糧者。俱即奏明。照此嚴

辦。此後並當不時查察。毋涉疏懈。容隱庶旗人共知儆畏。餘依議。○旌表守正捐軀河南泌陽縣民王子成妻宗氏。○丙寅上詣

大高殿行禮。○還宮。○以孟冬時享

太廟。自是日始齋戒三日。○丁卯

孝敬憲皇后忌辰。遣官祭

泰陵。○諭內閣。祿康等奏遵旨將

實錄館提調纂校謄錄等分別等第請交部議

敘一摺。欽惟

皇考高宗純皇帝久道化成。

御極六十餘年。

聖德

神功懿鑠隆茂。亘古罕有比倫。溯自朕親政之

初。命大學士等督率官員敬謹纂修

實錄。八載以來。館臣等肅敬將事。踴躍趨公。全

書告嚴實為迅速。雖其中繕寫章程。未能悉

當。而綜論全書大局。洵為妥協完善。茲祿康

等查覈功課分別等第具奏。允宜渥沛恩施。優加甄敘。以彰鉅典。而獎勤勞。除監修總裁等先經降旨施恩外。所有三品以上曾任纂校各員。在館不及半年者。無庸給予議敘。其在館半年以上之桂芳。特克慎。秀寧。凱音布。周興岱。李鈞。簡榮麟。成格。陳希曾。顧德慶。陳崇本。王宗誠。莫晉。汪廷珍。吉綸。玉寧。那彥成。初彭齡等十八員。均著加恩。給予二等議敘。在館効力之法式善。著給予一等議敘。延弼。

著給予二等議敘。奎舒著加恩。以理藩院員外郎升用。邊廷英著加恩。仍以內閣中書補用。戴嘉穀著加恩。以內閣中書補用。其梁承福。胡祖福。周廷授。汪本申。四員。俱著交部給予一等議敘。修撰彭浚。庶吉士姚元之。邵葆鍾。蔣詩。四員。著交部給予二等議敘。至前因辦公失當。降革留館之長文。著仍以員外郎用。崑山。著以筆帖式用。施杓。著免其徒罪。加恩賞給編修。騰錄謝寶。樹吳友。麓揚。書績。張。

元偉。王鈞。黃向榮。六人。著賞還各原職銜。毋庸給予議敘。其提調纂修協修校對收掌繕譯。騰錄各員。及供事人等。俱著照祿康等所定等第。交部查照該館舊例。分別給予議敘。以示朕推恩錫類。懋獎勤勞至意。○又諭。本日德文。李鈞。簡奏。請挑修張家灣正河。以復運道一摺。據稱運河到處流沙。不能建設閘座。全賴河形灣曲。蓄水濟運。今康家溝水一直下注北高南下。本年暫用濟運。已多溜激。

坎阻等事。請於十月內擇吉興工。挑修張家灣正河。堵築康家溝抄河。以資經久等語。自係實在情形。著溫承惠。迅即委員估勘動項興工。務於年內趕完。俾新漕得以暢行無阻。○兩江總督鐵保等奏報。秋汛安瀾。得旨嘉獎。頒發王營減壩。

河神廟

御書扁額曰。恬流昭佑。賞還鐵保一品頂帶花翎。餘升敘有差。○河東河道總督吳璥等奏。

報秋汛安瀾得旨嘉獎下部議敘餘升敘有差○命五城於冬春二季設廠煮賑○賞廣寧門外普濟堂煮賑小米三百石○戊辰諭內閣文孚奏審擬土默特驍騎校巴勒當控告佐領達什德里克各款一案訊明原任綏遠城將軍永慶奏請將庫貯駝價交商生息給土默特公用一事奏准之後曾收受致謝銀一千八十兩此事永慶具奏時朕因伊為調劑土默特旗人起見是以加恩允准各省

將軍都統等經朕簡授鉅任遇有關涉旗人生計事宜自應體察情形據實具奏其可否允准悉聽上裁及降旨准行該將軍都統等惟應宣揚德意使知恩出自上若有意市恩邀譽甚至從中漁利尚復成何事體今永慶竟敢得受饋謝數至盈千非但沽名更兼圖利政治弊端一至於此此後設有臣下懇請加恩之奏朕不能不疑其別懷私意而該將軍都統等亦或因跡涉嫌疑凡有調劑旗人

生計之事延擱不辦所關匪細永慶服官中外歷有歲年朕因其資格較深尚屢加擢用實不料其蘊蘊不飭可見知人之難使其身尚在必當重治其罪以儆貪婪今業經身故其子又屬幼稚姑從寬免究其從前所得恩予敬信謚法即行追奪所有入己銀一千零八十兩著該旗於伊家屬名下限一月內如數追出入官毋任拖延嗣後各將軍都統等惟當公以涖事廉以律身一切應行加惠有

益旗人事宜仍隨時入告若得旨俞允而愚陋無識之徒復有感激私恩斂銀致謝者不惟不應受納並當將饋送之人指名奏朕必嘉其公正加以獎褒若以國家惠下之典攘為己德並於中得受賄賂一經發覺惟有執法嚴懲不能稍從寬宥也將此通諭知之○賑直隸高陽任邱二縣被水災民並免本年額賦緩徵大名南樂清豐冀衡水寧晉安新安霸大城肅寧滄青鹽山十四州縣水災

旱災新舊額賦並借給籽種口糧有差○是月新授浙江學政劉鳳誥奏謝得旨衡文校士以公清為本大吏道府聲名地方豐歉洋盜情形隨時密奏不可露一字於人不可存一分高興見長之念勉守此訓必能承恩誌之毋忽

大清仁宗受天興運敷化綏猷崇文經武孝恭勤儉端敏英哲睿皇帝實錄卷之一百八十五

大清仁宗受天興運數化綏猷崇文經武孝恭勤儉端敏英哲睿皇帝實錄卷之一百八十六

吳修綸職官經筵直學太子太傅武英殿大學士文淵閣領閣事稽察欽奉上諭事件處管理工部事務翰林院掌院學士隨筆

加一級奉敕四級以曾振鐸爲太子太保文淵閣大學士管理刑部事務加五級臣戴鴻慈元緒定日攝起居注官太子保內大臣文淵閣提舉

上諭事件處協辦大學士戶部尚書翰林院掌院學士教習庶吉士總管內務府銓選黃旗滿洲都統鑲黃旗管理戶

部(康泰處北清園等處護理工程處)茶膳房即藥房太醫院西洋堂事務兼功加三級隨帶加二級尋常加三級紀錄二十一次

茲如擬請准官太子保權部尚書二書房行走武英殿總管管理園子監事務加六級隨帶加三級紀錄四次臣汪廷珍等奉

教修

嘉慶十二年丁卯冬十月己巳朔享

太廟。

上親詣行禮○遣官祭

永陵

福陵

昭陵

昭西陵

孝陵

孝東陵

景陵

泰陵

泰東陵

裕陵○遣官祭

孝淑皇后陵寢○遣官祭

端慧皇太子園寢○頒嘉慶十三年時憲書

○予贈太師禮部尚書奉寬入祀賢良祠○

庚午

上幸圓明園南掌國使臣以童官鼎以童酒嗎

以官洪等於神武門外瞻覲○改湖南永順

協兼轄之古文坪都司歸提督專轄從總督

汪志伊請也○緩徵安徽懷寧桐城太湖望

江青陽銅陵建德合肥全椒建平壽鳳臺

霍邱六安盱眙靈璧潛山十八州縣水災早

災新舊額賦並給鳳臺壽霍邱六安鳳陽懷

遠天長霍山八州縣軍民一月口糧○辛未

頒賜南掌國王召溫猛緞匹並賞賚使臣以

童官鼎以童酒嗎以官洪等有差○壬申

上以萬壽節御同樂園賜王以下文武大臣蒙

古王公及外藩使臣等食至乙亥皆如之○

癸酉諭軍機大臣等與奎等奏籌議西寧善

後事宜五條所議多有可行惟嚴諭各寺喇

嘛不准濫與番子念經一條於理不通番族

賦性愚頑幸賴其敬重喇嘛尚可勸令為善

即如此次沙卜浪滋事之初喇嘛諾爾布即

曾再四勸諭以官兵到時不可抗拒並因其

不肯受勸即欲另住焚修該賊番果心存畏

懼仍向該喇嘛跪地哀求欲其保救經該喇

嘛等帶同前赴大營頂經罰誓是其信服有

素正可藉以化導冥頑若如興奎等所議豈

不阻其向善之心而堅其為惡之念且所稱

如該喇嘛等希圖布施不分黑白濫與念經

一經查出並將喇嘛嚴辦如此則將來設有

滋事之人訊出喇嘛曾與念經並須將各寺

喇嘛紛紛查辦尤多窒礙此一條毋庸置議

又黃河北岸派兵駐守並換班巡查一節自

應如此辦理惟摺內未提及青海蒙古派兵

隨同防守尚未周到。應傳諭蒙古等。以此時
勦辦賊番大局已定。所有一切邊界本當交
爾等自行防守。今天朝以爾等積弱之餘。加
恩衛護。特派兵六百名。加給口糧。在彼嚴密
巡查。爾等豈有轉不派兵自衛之理。即爾等
所派兵數。不能有六百名之多。亦當酌派二
三百名。隨同防守。庶為得體。又嚴禁通事人
等。不許私入番地。一條所議。甚是。漢人私入
番地。來往勾結。不但誑騙貨財牲畜。致啟番
衆劫奪之漸。甚且透漏內地消息。指示內地
路徑。其釀惡不可勝言。嗣後非但通事人等
不准私入番地。即內地民人。凡有通曉番語
者。私自潛往。即係漢奸。亦當普行禁止。以杜
勾結。又清查蒙古戶口。一條。蒙古東西散處
往往。逃入番族。自當查明戶口。清冊送存青
海衙門。以便查覈。至摺內稱。近來蒙古竟有
穿戴番子衣帽。毫無區別者。尤為可恨。蒙古
服色。循用已久。今竟穿戴番子衣帽。即屬忘

本。不但彼此混淆。且遇有番子搶掠等事。無
從辨別。所關非細。著嚴諭蒙古王公等。查拏
嚴辦。不可姑息。其循貴兩廳同知。不拘用旗
漢人員。以資治理。一條。均如所議行。又另摺
稱。河北蒙古二十五旗。逃避番賊。有住居日
月山卡內者。有逃至丹噶爾汛內者。現派總
兵九十。驅逐等語。所辦殊未妥協。蒙古臣服
已久。近年為番族所迫。逃入內地。今官兵勦
定賊番之後。惟當向其勸諭。以賊番業經畏
懼天威。不敢再有侵犯。爾等儘可自回原住
地方。照常游牧。不必在此躲避。該蒙古等自
亦情願撤回。不致久占。或再設立鄂博。明立
地界。並嚴諭民人。蒙古番子。各守禁限。毋許
攙雜。自不致再有彼此侵軼之事。可期邊圉
永臻寧謐。將此諭令知之。○興奎等奏。西寧
勦辦賊番。辦理糧運。無誤人員。州判李耀等
下部議敘。○又奏。隨營出力土司。賞韓輝宗
等。藍翎。韓一提。八拉等。升賞有差。○甲戌

萬壽節遣官祭	太廟後殿○遣官祭	福陵	昭陵	昭西陵	孝陵	孝東陵	景陵	泰陵	泰東陵	裕陵○遣官祭	孝淑皇后陵寢○遣官祭	顯佑宮	東嶽廟	城隍廟○	上詣	安佑宮行禮○御正大光明殿皇子及王以下文武大臣官員蒙古王公及外藩使臣等行
--------	----------	----	----	-----	----	-----	----	----	-----	--------	------------	-----	-----	------	----	-------------------------------------

清 實 錄 嘉慶十二年十月

慶賀禮○丙子翰林院編修戴殿泗以曠誤退出上書房命大理寺少卿錢樾仍在上書房行走以禮部尚書王懿修充上書房總師傅○賞順天鄉試年老諸生齊養浩等六十五名舉人副榜有差○丁丑諭內閣勒保奏營員候補日久懇請遇缺通融補用一摺所奏非是叅將塞普徵額烏勒洪阿遊擊倭靈阿造喜自嘉慶五年揀發川省彼時正值勦辦教匪之時若果該員等奮勉出眾自己早經題補何以遲至七八年之久尚未得缺其無微勞足錄可知現在軍務久已告蒞所有隨營出力之員諒已陸續補竣自不致過於淹滯今勒保請將該員等遇有推選缺出挨次補用殊不思部中應行推選之員為數更多若各省候補營員紛紛奏補推選各缺則候補候選人員轉形壅滯於銓政殊有礙該督所奏不准行仍著察看該員等如果因在川需次多年精力漸就衰積或未能通曉

漢文於營務不能諳習。即奏明飭令回京當差。若該員等尚堪外用。仍留川挨次題補可也。○戊寅。

皇后千秋節。宮內行禮如儀。停止筵宴。及在外公主福晉命婦行禮。○諭內閣。張師誠奏。查明歷任未結詞訟起數一摺。外省詞訟案件。未能即時清釐。疊經降旨訓飭。該督撫等率以原告具呈批准。後往往不候聽斷。祇圖拖累他人。或被告風聞逃避。一時拘傳未能到案。以致日久稽遲。積壓不結。殊不思原告具呈控訴。如果負屈含冤。方亟求申理之不暇。豈復意存觀望。若憑虛誣捏。祇係訟師播弄是非。構釁唆使。尤當立時懲辦。乃一味因循延擱。任令原告匿不候質。無怪案牘紛如。訟獄繁滋。刁風日長也。嗣後該督撫等於詞訟案件。惟應飭令原告毋許擅離。並嚴拏訟師究治。以清積案而息訟端。所有閩省巡撫衙門未結詞訟起數。汪志伊在任四年未結案。

八百餘件。莅任久而積案最多。溫承惠在任七月有餘。未結案三百餘件。莅任未久而積案亦多。伊二人俱著交部議處。李殿圖在任四年有餘。未結案三百餘件。覈計年分未結之案較少。著交部察議。費淳在任未久。積案無多。著無庸議。○己卯。

上詣

大高殿

壽皇殿行禮。○還宮。○諭軍機大臣等。前據阿林保等奏。朱潰匪船自大雞籠洋面勦敗後。由臺灣後山繞過蛤仔蘭竄匿。現在賽沖阿督率愛新泰。王得祿巡緝防堵。足數調派。所有勦除朱逆一事。即責成伊等妥為籌辦。至阿林保奏。蔡逆由普陀洋北竄。李長庚等帶領兵船躡蹤追捕情形。據稱蔡逆賊目肥總。即王準王壑。暨即王鐸。二犯悔罪投誠。懇請加恩釋罪等語。該犯等為蔡逆幫內著名賊目。今據悔罪來投。自係因蔡逆窮蹙。與之拆

夥此等從逆滋事之犯既經率衆投首自應
法外施仁寬其一線但一經收撫之後仍須
設法安置留心約束竟不如遣令回洋設計
誘獻蔡牽轉可收以盜攻盜之效該犯等知
有自新之路自必倍加感奮速擒巨慝儻該
犯等設計用閒經蔡牽知覺被害亦無關緊
要設復行逃竄仍可拏獲治罪該督等當妥
為撫馭較之購線踴躍事半功倍也將此諭
令知之○庚辰諭內閣興奎等奏酌籌黃河

北岸撥兵屯田一摺屯田為防邊要務興奎
等以青海蒙古屢被番子劫掠雖經勦辦完
案尚須派兵巡防因思擇地安屯以裕兵食
固為籌畫經久之計但披閱圖內所擇屯地
俱在蒙古界內屯兵等未必人人自能耕種
勢必招集漢民將來愈聚愈多慮滋事端再
番衆本以搶掠為生尤恐成熟之時妄生覬
覦滋擾皆不可不詳細計及此事是否可行
著軍機大臣會同大學士六部尚書悉心妥

議具奏尋議鄂倫布拉克等三處已屬蒙古
扎薩克貝勒特禮巴勒珠爾旗下為游牧善
地我兵在彼屯戍伊等不能游牧致令生計
維艱從此小有釁端輒求申理其間有無虛
實皆不可知頗難覈辦且屯兵與蒙古錯處
不免招集漢人幫同耕種愈聚愈雜奸宄叢
生賊番設或竄渡過河偷竊蒙古必於屯地
經過屯兵當力作之際既慮耕戰兩妨農田
屆成熟之時尤恐蹂躪不免况屯田在黃河

北岸河南五旗亦難兼顧未便率行議准至
於邊防要務關繫綦重大通密通西寧路僅
一百一十里而本年賊番兩次到彼肆擾且
皆由蒙古帶路可見近來蒙古不但怯弱無
能且兼良莠不齊竟有與賊番勾通滋擾內
地之事杜漸防微不可不申飭戎備應如何
立法防範請仍勅該將軍等詳細覆商妥為
辦理從之○又諭據凝保多爾濟等奏訊明
將科布多所屬卡倫疆界移展任聽杜爾伯

特過冬游牧情節分別定擬請旨一摺設立卡倫派侍衛官員駐劄原為防察私行越邊游牧該侍衛等將科布多所屬卡倫疆界私展任聽杜爾伯特等過冬游牧多年實屬不成事體乾隆五十七年駐卡三等侍衛伊里布膽敢收受杜爾伯特馬匹將卡倫疆界私展任聽杜爾伯特等過冬游牧殊屬可惡伊里布著革職交刑部治罪其收受杜爾伯特馬二匹附同私展疆界之圖薩拉克齊車登扎布棍布多爾濟車能即著革去圖薩拉克齊台吉車登扎布著罰三九牲畜棍布多爾濟車能著各罰二九牲畜至乾隆五十八年以後歷任駐卡侍衛章京等雖均未收受杜爾伯特馬匹但毫無覺察致令所屬蒙古官兵等肆意收受馬匹亦屬不合所有三等侍衛達桑阿紐紐琿武粘竿處拜唐阿舒勒忠阿委護軍叅領那蘇圖塔清阿護軍校佛永阿常福俱著交部嚴加議處其未能查出杜

爾伯特等在界外游牧之三等侍衛瑚敦布護軍校穆克登額音德布順泰色和訥著一併交部議處歷年駐卡之圖薩拉克齊台吉等或收受杜爾伯特馬匹或未能查出所屬兵丁等受賄人數過多著照所擬罰九鞭責以示懲戒其歷任叅贊大臣等均屬失察俱著交部議處餘照所奏辦理○以葉爾羌辦事大臣盛佳為鑲黃旗漢軍副都統命喀什噶爾幫辦大臣恩明伊犁領隊大臣哈豐阿塔爾巴哈台領隊大臣安福回京以喀什噶爾叅贊大臣晉昌為烏里雅蘇台將軍烏什辦事大臣范建豐為喀什噶爾叅贊大臣賞遣成伊犁已革閩浙總督玉德三等侍衛為烏什辦事大臣遣成烏魯木齊已革伊犁領隊大臣成林三等侍衛為喀什噶爾幫辦大臣遣成伊犁已革烏魯木齊領隊大臣高杞三等侍衛為葉爾羌辦事大臣以哈密幫辦大臣羅布藏多爾濟為伊犁領隊大臣賞刑

部筆帖式景祿三等侍衛為哈密幫辦大臣以二等待衛百順為塔爾巴哈台領隊大臣○予故烏里雅蘇台將軍成寬祭葬如例○緩徵陝西鳳翔沂陽洛川咸寧長安鄠藍田盤屋八縣被雹被蟲村莊帶徵節年額賦○辛巳諭內閣副都御史潤祥條奏請於御門之日准令通政使以下三品京堂一體侍班一摺所奏非是御門聽政乃相沿舊典其列名進本及應行侍班陪奏之員於讀本宣旨

時均已退班惟大學士等數人面承諭旨此外各員並不與聞今該副都御史請令通政使以下三品京堂一體入侍以為勤政有裨是則徒務虛文而已朕日理萬幾勤求宵旰並非專待御門之期始綜理庶務况前經降旨諭令於御門之日各部院衙門俱仍照常承值無庸推班若三品京堂等有應行陳奏事件即是日並不侍班原可具摺入告豈增一侍班即為勤政乎且京堂內尚有四五

品者仍未一體侍班殊不畫一若概令入侍則御園規制與宮內寬狹不同勢不能令京堂各員儘數羅列該副都御史所奏不可行著無庸議○又諭本日孟住因伊兄盛住補授副都統扯頭謝恩口奏跪請萬安孟住係滿洲舊僕在乾清門侍衛行走兼充三阿哥詣達前因伊謝恩時口奏跪請萬安曾經申飭本日又復如此口奏看來伊竟不諳清語如何充當乾清門及阿哥詣達差使孟住著

退出乾清門侍衛並三阿哥詣達在委散秩大臣上行走○諭軍機大臣等吳熊光奏舟師奪獲盜船十四隻內起獲五千斤大礮二位二千斤大礮一位一千斤至一二百斤鐵礮五十餘位並火藥三千餘斤及羣子鳥鎗各項器械為數甚夥賊匪在洋行劫連檣接踵匪船多則百餘隻少亦數十隻此次所獲十餘船內起出礮械火藥已如此之多則其餘各船以此類推更不可數計且船內除起

獲各項外其用去沈失者仍復不少從前尚有安南為之接濟今自越南効順以來洋匪久與外域聲氣斷絕此項礮械火藥非在內地營汛劫取即係濱海島嶼村莊另有私行鑄給及出洋商販有通盜濟匪之人可見伊等平日所奏嚴防口岸及查拏接濟俱屬紙上空談全不足信著即於現在拏獲各盜犯嚴切根究訊明此項礮械火藥究係得自何處如係海口營汛失去該管員弁諱匿不報

抑或兵丁私行盜賣即指名嚴叅治罪若係沿海奸民設有窩巢私鑄礮倖及奸商私販火藥出洋一經究出地址姓名即密速查拏按律嚴辦嗣後該督撫等益當通飭文武員弁實力巡緝毋得徒託空文有名無實如果查辦嚴密匪徒等無所資藉不患洋面不就肅清也將此諭令知之○兩廣總督吳熊光奏舟師追捕匪船擒獲賊目多名得旨嘉獎開復提督錢夢虎等降革處分○以翰林院

侍讀學士常英為順天武鄉試正考官檢討趙未彤為副考官○以烏里雅蘇台叅贊大臣祥保署烏里雅蘇台將軍○緩徵湖南巴陵湘華容平江湘陰澧武陵龍陽八州縣水災旱災新舊額賦並漕南二米及原借隄工麥種銀○壬午旌表守正捐軀陝西南鄭縣民李斌妻雷氏○甲申月食○旌表守正捐軀江蘇吳江縣民鈕泳材媳張氏○貸黑龍江打牲烏拉齊齊哈爾旗民口糧並展緩應還糧石○撥龍江西新關稅銀十萬兩解赴江蘇備賑○賑江蘇阜寧縣被水災民並蠲緩鹽城東臺武進陽湖江陰宜興荆溪金壇溧陽阜寧清河桃源宿遷海十四州縣新舊額賦米麥有差○乙酉

上詣

雍和宮行禮

宣仁廟

凝和廟

火神廟拈香○諭軍機大臣等賈允升奏請挑濬減河以利漕運一摺所奏甚是直隸天津迤南舊有減河四道每遇運河水勢盛漲藉資宣洩設運河水勢微弱並可儲蓄挹注前人立法之意實為盡善自應挑濬通暢以復舊規若任其日久淤墊不惟漕艘往來恐有阻滯於南北行旅亦多未便即如本年臨清捫口五十餘日祇因衛水無從分洩以致幫船稽阻不得已開決四女寺河隄而宣洩

過急民間田廬間被淹浸此其明證也事關兩省水利著溫承惠吉綸派委明幹大員詳細履勘其如何挑挖興工之處務須會籌妥辦以期疏治深通切勿意存惜費若推諉因循畏難不辦恐將來所費轉多矣其河身間有高仰露灘處所並當嚴禁居民毋許占種禾麥致於正河有礙○丙戌諭內閣松筠等奏詳訊哈薩克控案分別飭諭並查參歷任失察之叅贊領隊大臣等情一摺此案卓勒

齊東控台吉罕巴爾所屬拜吉格特之哈薩克潛在卡內游牧偷竊牲畜業經松筠等傳齊兩造人等當面質訊毫不能指出憑據惟稱夏令將卡外展之時有缺乏牲畜之家即時難從輟轉躲避潛入深山斷無私進卡產之事是此等偷竊牲畜原係移卡時潛行藏匿貧苦乏牲畜之人今事主既不能指出確據而卓勒齊前經阻止所屬人等進卡索取此次傳喚仍即率領頭人前來聽諭情詞極

為恭順自可無庸治以誣告之罪嗣後每年夏季展卡時所有哈薩克惟當儘數驅逐外徙勿任仍有在卡內藏匿之事庶可免偷竊而杜訟端其從前驅逐不力容留居住之叅贊領隊大臣等事閱多年官非一任應以年分之久暫定獲咎之輕重著該將軍查明各任年分造冊咨部分別議處○諭軍機大臣等前據溫承惠奏勘估挑挖溫榆河上游一摺當經特派托津英和會同倉場侍郎前往

覆勘茲該侍郎等覆奏會勘該處情形據稱石壩以前因頻年藉下游倒漾之水至壩濟運易致流聚泥沙今竟從溫榆河上游一律挑挖深通直抵石壩誠為因勢利導且無礙民田廬舍實於漕務有裨惟石壩地勢高下必須通盤籌畫俾全河一律深通毫無高仰滯礙方臻妥善該督原估之淺深尺寸尚應逐細斟酌請再令覆加詳勘等語該處河流為漕運攸關自應亟為疏濬但必須先用水

平詳晰測量高下俾得有建瓴之象庶一經挑挖深通不致復有倒漾等弊茲閱所繪圖內由果渠村至馬家莊一帶直抵石壩形勢雖屬順利惟石壩以下流水溝一帶匯歸正河之處其地勢恐形高仰若新挑之河到此不能暢注直下是徒費帑工仍無實濟此亦不可不慮著傳諭溫承惠另委熟諳河務之員會同原估各員周歷履勘用水平逐細測量務期通河暢順實有把握可為一勞永逸

之計方可奏請辦理設此次不能詳慎籌畫冒昧從事將來興工後仍致倒漾淺阻則惟該督是問○命兵部尚書劉權之仍在紫禁城內騎馬○丁亥

上詣

時應宮

昭顯廟拈香○諭內閣恩長奏拏獲越獄盜犯審明辦理並將管獄有獄各官請旨分別治罪一摺廖世滔等十五犯俱係逞兇行劫

收禁縣監之犯膽敢商同脫獄拒捕傷人實屬不法已極該撫督率文武將廖世滔等九犯先後拏獲審明按律辦理並將被追溺斃及被兵格斃之張老三等三犯戮屍梟示所辦甚是其未獲之韋老七等三犯仍著飭屬嚴拏務獲無任遠颺漏網禁卒孫德等雖訊無賄縱情弊因該犯等身帶全刑哀求將手鐐暫開可以自便遂瞞官聽情早晚私行開放其赭色衣袴又任脫換漿洗致令乘間脫

逃竄屬疏縱該撫擬以發往黑龍江給兵丁為奴尚覺稍輕孫德泰義著各加枷號一箇月滿日各責四十板再行發配至管獄有獄各官於監獄要犯理應加意嚴防乃該典史進監點驗時監門虛掩漫無防範以致盜犯十五人乘機奪門擁出同時脫獄其咎甚重典史高宜著革職拏問毋庸限緝即發往新疆効力贖罪知縣席存鼎著革職發往軍臺効力贖罪並著通諭管獄有獄官吏嗣後各

監門於早晚進監點驗時先將監門封閉俟點驗畢出監時再行啟門其刑具緒衣毋令私行開放任意脫換致有疏虞恩長於所屬縣監疏脫重犯本應交部嚴議惟念伊督率文武截拏旋即捕獲多名所有自請嚴議之處著從寬改為交部議處臬司王家賓署桂林府知府湯藩近在同城未能先事豫防均難辭咎著交部嚴加議處餘著照所擬完結○以四川建昌道屬河西土百戶楊承租子

正祿襲職○予福建出洋淹斃司獄胡煊祭葬卹廕如例○旌表守正捐軀江蘇太倉州民高義山女高氏○戊子

上御太和殿視朝王以下文武升轉各官謝恩○諭內閣吏部議處福建省積案一摺請將前任巡撫汪志伊照例降二級調用任內無級可降應行革任等語汪志伊著加恩改為革職留任仍註冊餘依議至外省控案滋多總由訟師挑唆播弄而地方官以所控多虛

並不速為清理因循延擱訟師愈得肆其伎倆借此漁利肥己以唆訟為營生之計無所底止嗣後督撫等務飭地方官於控案速為審理如審係虛誣捏控即究出訟師嚴拏按律懲治以清積案而杜訟源○增設廣東開平縣學額文童二名武童一名從總督吳熊光等請也○分賞五城貧民棉衣一千件○己丑諭內閣吏部議奏給事中周厚巖於引見差務接連告假三次請照規避例革職一

摺科道等遇有引見差務接連告假三次者曾經諭令該衙門照例題參原恐該員等於引見時則臨期請假引見後又銷假當差迹涉規避是以嚴定處分此次吏部議覆都察院奏請將周厚輅叅處革職係按照告假三次之例覈辦但詳閱摺內所開該給事中告假三次俱係於未經引見之前先期告假五日至二十日不等且其第二次告假時經都察院派員驗明患病屬實並經委員署缺覈其情節實係患病告假在先與見缺規避者有別自應量為區分嗣後科道等引見各項差使如實係見缺規避臨時告假一二次至三次者如何分別給予處分其患病屬實並非遇缺規避者應如何酌定請假章程畫一辦理之處著該部詳悉妥議具奏給事中周厚輅應否置議俟該部具奏時再降諭旨尋議科道衙門遇有巡視城漕倉管理街道等差統行帶領引見其告假不到之員在未見

缺之先與見缺告假後旋經銷假不誤及驗明患病屬實咨明吏部存案確無規避情事者均無庸置議外至見缺告假實有規避情節自應按照次數分別議處初次罰俸一年再次降一級留任三次即照規避例革職得旨依議周厚輅告假在未出缺之先與見缺告假者有別且經該衙門驗明患病屬實竟著無庸置議○又諭綿恩等奏正白正紅兩旗合操正白旗漢軍信礮因火藥轟炸致傷正紅旗蒙古前鋒奎陞等五人奎陞即於是日身故請將該管礮營叅領郭本儀交部察議等語前鋒奎陞受傷身故殊堪憫惻著加恩賞給埋葬銀二十兩至該旗合操理宜施放堅固礮位如有陳舊者亦應隨時修製礮內裝藥亦有定數今正白旗漢軍信礮為火藥轟炸以致傷人非礮位陳舊即所裝火藥分兩不符綿恩等僅請將該管叅領郭本儀交部察議殊屬輕縱郭本儀著交部嚴加議

處至該管正白旗漢軍都統等。亦有疏忽之咎。並未自請處分。亦屬非是。所有管理該旗之都統。著交部分別議處。○以

高宗純皇帝實錄

聖訓尊藏盛京禮成。護送王大臣官員及關外迎護各員。下部議敘。賞還莊親王綿課三眼花翎。賞兵丁半月錢糧。○加協辦大學士刑部尚書長麟。禮部尚書恭阿。拉太子少保。○以翰林院編修李錫恭。陸以蔭。張師泌。署日

講起居注官。○庚寅。諭內閣。朕本日至承光殿傳膳辦事。各部院衙門。惟長麟因謝恩遞摺。祿康文寧明亮等。因該旗值日陳遞無事奏片。其餘無一奏事者。當於召對長麟時。加以詢問。據稱本日因恭移

實錄

聖訓至皇史宬尊藏之第一日。典禮吉期。是以內閣刑部。將刑名章奏。均敬謹迴避等語。皇史宬安奉

實錄

聖訓禮節固屬重大。但非慶典吉辰可比。刑名事件有何不可具奏。即朕前詣行禮之日。亦惟當停進立決章奏。其餘案件。皆應奏聞。若似此務取吉祥。動行迴避。庶政豈不多所曠誤乎。且本日除刑部外。其餘各部院。又有何迴避不奏之故。明係怠惰偷安。憚於早作。夙夜匪懈。以事一人。諸臣竟弗知乎。朕一日萬幾。固敢暇逸。凡有臨蒞之處。批章召對。與在

宮內無異。近年屢因諸臣於朕偶有臨蒞之處。不行奏事。節次訓飭。并加以懲處。諄諄教誡。實已至再至三。而諸臣積習相循。一味自耽安逸。轉似恐朕躬煩勞。託為仰體。此正巧於偷安。罔知振作者。朕冬閒臨蒞各處。皆係年例應往。並非無事游觀。朕若日事嬉游。樂而忘返。諸臣尚應諫阻。豈可先自偷安。是逢君矣。况瀛臺三海等處。俱在皇城之內。往返不過數刻。如每次皆停止奏事。則積壓繁多。

轉形叢脞成何事體在京各部院衙門咫尺禁廷尚且相率怠惰不知勤勉又何況外省效尤滋甚於地方民事率皆疲玩不辦乎本日除內廷行走各大臣及到彼執事遞摺各員外其餘各部院堂官均著傳旨申飭並令伊等捫心自問果否無一應奏之事亦各知愧怍否若將來再不悛改仍前怠玩必當嚴處不貸將此通諭知之○辛卯旌卹遇賊捐軀陝西藍屋縣民王紀妻范氏等二十六名

口如例○旌表守正捐軀湖北穀城縣民王泉數妻宋氏○壬辰

上御懋勤殿勾到奉天陝甘湖廣情實罪犯停決奉天斬犯三人陝甘斬犯六人絞犯十二人湖廣斬犯十四人絞犯十八人餘一百一十七人予勾○癸巳諭內閣朕冬閒於西苑一帶傳膳辦事該部院衙門遇有陳奏事件節經飭令隨時呈遞自不敢仍前怠玩因思臨蒞處所惟承光殿悅心殿闡福寺向無諸王

及文武大臣直房年老諸臣在彼聽候宣召無懸息之所著管理奉宸苑事務大臣於各該處添蓋直房以避風雪用示垂卹以昭體制該大臣即行查看繪圖具奏○命內務府嗣後每年製棉衣一千件備賞貧民○賞故翰林院編修原任副都御史陳嗣龍四品銜予湖北陣亡兵丁李虎浙江出洋傷亡兵丁李榮等十四名賞卹如例○旌表守正捐軀河南偃師縣民齊大林妻楊氏○甲午

上御乾清門聽政○諭軍機大臣等御史鄭士超奏粵東吏治廢弛情形一摺粵東各府州縣盜賊充斥奸蠹橫行地方官因循怠玩竟置不問朕早有所聞鄭士超籍隸廣東又新從本籍到京見聞自確所有奏上五條俱屬切中時弊近聞各省地方官規避處分往往於報劫重案意存消弭擲還原詞不為申理甚且將事主多方留難坐以誣控冤抑莫伸似此紀綱廢弛地方如何寧輯今鄭士超摺

內其前條亦奏及於此並稱盜犯劫人取贖公然於沿海港口設立稅局商船俱納洋稅上年八月間有閩書王洪被劫地方官束手無策於九月初四日捐銀二千兩贖回實堪詫異閩書王洪被劫勒贖一事通省皆知該督撫豈有不知之理若竟毫無所聞豈不形同木偶究竟此案如何被劫勒贖係何人捐銀贖回著即查明據實嚴叅又摺內第二條所奏奸徒結會拜盟甚至有大貨手名目帶

刀橫行廣州南雄韶州等屬尤甚十年十二月內有清遠縣水西鄉村民王水生家被搶奔逃迨事定回歸又被英德縣會匪邀劫財物婦女多人又英德縣閩姓二十餘家亦被土豪羅春元帶領會匪數百人搶掠一空至今官不查辦等語廣東省會匪為害甚於洋盜地方官因循不辦愈積愈多日久必致釀成事端盜匪竄匿海洋兵船往來緝捕客有追駛不及之時至會匪皆在陸路其姓名住

址可以一一詳查何得有意縱容延擱不辦此兩案係在何處控告官員係何人諱飾均著嚴查覆奏迅速叅辦又摺內第三條奏稱棍徒開設賭局名番攤館省城為甚南海一縣即有七八十處佛山鎮有四五十處皆係洋盜土匪勾通聚集上年十一月間紳士等赴各衙門聯名具控並未禁絕現在各衙門長隨書吏兵役人等互相盤結收納贓銀每年可得鉅萬竟足抵一歲錢糧等語粵省番

攤館前經降旨飭禁地方官竟不實力奉行縱容包庇此等不法之輩聚集既多勢必輾轉勾結擾害閭閻實非淺鮮應即實力查拏概行禁絕庶清盜源又摺內第四條奏鴉片煙一項不遵例禁私販私銷起由閩粵延及各省以至京城內外應請嚴密查拏等語此雖屬事之小者然於地方風俗殊有關係該省並不實力查禁可見積習因循毫無整頓著即一律嚴拏按法懲治並責令粵海關監

督於洋船過口時稽查杜絕毋許透漏干咎又摺內第五條奏錢糧積弊即如該御史籍隸陽山一邑近日銀米徵至數倍並係圖差及銀匠包攬彙集交官公然於鋪面張貼錢糧總局而地方官催徵之酷不僅鞭扑往往一丁未完勒令殷戶完納致有數家破產等語地方官違例浮收聽信吏書銀匠包攬完納已屬朘削小民乃復因一戶未完累已完之戶致令破產任意酷虐桎梏催科殊為苛政並著該督撫嚴查懲辦勿稍瞻徇以上指出各條皆確鑿可按吳熊光孫玉庭擢任廣東督撫海疆重地一任地方官怠玩廢弛不加整頓殊負簡任著傳旨申飭並著按款明白回奏不可稍存迴護致干重咎一面速行分別覈辦勿再因循釀成大患僅經此次詢問猶不肯據實奏聞務存掩飾經朕另行派人訪查得實恐伊二人不能當此重咎也將此諭令知之○以詹事府詹事貴慶為內閣

學士兼禮部侍郎銜○以故西寧下扎武族百戶綽爾羣恭卜子扎希却達爾尼牙木錯族百戶却加拉卜坦子達爾吉達付各襲職准江蘇鎮江楊舍等十營坐落災地兵丁借支三月銀米從巡撫汪日章請也○緩徵甘肅河金鎮原寧遠西和崇信六州縣旱災新舊額賦○乙未上御懋勤殿勾到浙江江西安徽江蘇情實罪犯停決浙江斬犯五人絞犯四人江西斬犯六人絞犯三人安徽斬犯七人絞犯六人江蘇斬犯四人絞犯七人餘一百七人予勾○諭內閣御史陸言奏條陳武關事宜一摺所稱地毯一項宜統馬步箭數算一條向來武關鄉會考試均以馬步箭中數之多寡分別優劣其地毯一項原應併入總算不得以地毯未中概行黜落該御史所奏不為無見至所稱卷面宜用全頁試卷宜添橫格及落卷宜令諸生領回閱看三條皆內場防弊之事

殊覺無謂武闈鄉會試內場考試所校策論各藝俱係傳遞代倩全非出於應試士子本人之手朕所稔知其試卷彌封等事竟是虛文以弓馬技勇衆人共見之優劣不據以定去取轉憑假借之文藝暗中摸索屈抑真才殊非覈實之道朕意欲將武鄉會試之內場裁撤於考試外場時先行簡派二三品大員分圖考校再派令王大臣等覆加總覈以定去取如此則應試士子等舍其所短而較其

所長庶於掄材防弊有裨其應如何酌定章程量為變通及殿試亦應一例辦理之處著大學士九卿詳悉妥議具奏尋議請嗣後內場策論改為默寫武經由主考官擬出一段約百餘字有不能書寫或塗寫錯亂者即為違式其試卷照舊彌封士子等統於本日出場毋許住宿並令監試御史等按號嚴查至內場正副考官二員向例會試將內閣吏戶禮刑工等部都察院翰林院詹事府漢堂官

職名開列鄉試將翰林院詹事府官員開列今鄉試亦請照會試之例開列請簡內廉考官自可裁撤所有殿試及各省鄉試並學政考試俱請改為默寫武經其殿試讀卷官仍請奏派至考閱外場監射大臣等全以箭數弓力刀石斤重為憑於衆人共見之地分別去取自不致稍有偏私其會試中式之後復有欽派大臣覆勘定例辦理尚為允協似可仍循其舊從之○領侍衛內大臣綿恩等奏

請徹慈寧門進班之散秩大臣侍衛一摺得旨所有慈寧門進班之散秩大臣侍衛等著照所奏撤回仍照舊例交內務府大臣派內務府護軍叅領護軍等進班其寧壽門或派委侍衛班領或侍衛什長一員帶領侍衛五員進班○以都察院左都御史宜興署刑部尚書工部左侍郎英和署翰林院掌院學士服闋浙江巡撫阮元署戶部右侍郎○以故雲南上江登埂土千總段允莊姪豫襲職○

丙申諭內閣本月二十七日午後禮親王府不戒於火今早昭捷具奏冊寶被焚自請交宗人府嚴加議處等語昨王府失火時特派御前大臣帶領御前乾清門侍衛等前往撲救王公文武大臣俱至彼救火不能立就撲滅人力難施其冊寶燒燬亦因火急不能搶出並非不小心保護所致昭捷分屬親王其府內猝遭回祿朕心方為惻然所有該王自請嚴議之處著寬免其燒燬之冊寶著該衙門補行辦理賞給並著加恩賞給廣儲司銀一萬兩以為修葺王府之用並賞給內庫蟒袍補褂紬緞等物以示恩卹○丁酉

上詣

奉先殿

壽皇殿行禮○戶部議准浙江巡撫清安泰疏報海寧富陽嶧臨海黃巖東陽六州縣開墾田六十三頃五十八畝有奇照例升科從之○是月兩江總督鐵保奏謝賞還頭品頂帶

花翎得旨勿自炫聰明惟虛公延訪古聖人尚明日達聰況今時之人乎汝之病在自是須加省改勉之○江南河道總督戴均元奏進恭和

御製詩得旨詩留覽總以實心實力辦理是一誠也誠則

天必鑒佑河必安瀾兆民蒙福矣若巧取肥家或任屬員侵冒或怠惰偷安是一偽矣偽則天必賜譴賠累多年不能解釋事亦不可問矣

勉守此諭毋忽與徐端看○河東河道總督吳璥奏啟放蘭家山壩委員勘估牛頭河工段各情形得旨果有益民生何憚而不為況地本河身因淤始種小民見小利而忘大害不肯讓地於水所以阻撓應會同州縣辦理始妥此諭寄與吉綸看

妾與人通姦婦杖九十律的決離異未免無所區別其應如何酌定罪名重加懲辦之處著該部詳悉叢議具奏並著纂入則例以示執法平情明刑弼教之至意尋議請將傅張氏實發駐防給兵丁為奴並請通行直省各督撫將軍都統府君嗣後凡婦女與人父子通姦致其子因姦謀殺其父釀成逆倫重案者一體遵照並載入例冊遵行從之○四川總督勒保等奏查辦竹嗎策登仇殺裏塘正土司一案奮勇出力各員加土都司巴勒珠爾彭楚克土遊擊銜賞土守備汪成業花翎○庚子

上御懋勤殿勾到河南山東情實罪犯停決河南斬犯二人絞犯九人山東斬犯十人絞犯十七人餘一百七人予勾○諭內閣扎克塔爾奏哈薩克搶掠土爾扈特衣服駝馬請旨將哈薩克愛達布克勒等正法一摺愛達布克勒膽敢夥眾白晝越邊將土爾扈特等鄉

縛劫其衣物駝馬實屬目無法律兇惡已極即著照扎克塔爾所奏將愛達布克勒押送卡倫正法梟首示眾其在逃賊犯土爾巴克等著著塔爾巴哈台叅贊大臣轉飭哈薩克台吉托克托庫楚克等緝捕審辦其管理卡倫之委護軍叅領西精阿副台吉阿木爾濟爾噶勒於哈薩克等在卡倫內潛住毫無覺察俱著交部議處其卡倫內潛住之哈薩克等著交愛星阿查明盡行逐出○吏部奏湖北試用知府趙璠拏獲行劫數次要犯應否准其來京引見一摺得旨趙璠係試用知府分發湖北後尚未銓補實缺若遽准送部引見恐將來試用人員妄生冀倖開便捷之門於吏治殊有關繫趙璠著交該督撫遇缺儘先補用毋庸送部引見嗣後試用人員有似此拏獲劫掠巨盜者均著照此辦理○辛丑以尊藏

高宗純皇帝實錄

聖訓於皇史宬

上親詣行禮諭軍機大臣等鐵保等奏查勘南北兩岸黃水歸海去路籌堵陳家浦仍疏挑正河情形一摺並繪圖貼說進呈朕詳加披閱南岸陳家浦下游射陽湖一帶清水別無分洩去路不能再容全黃下注勢難就此導黃歸海其北岸佃湖迤下由灌河歸海一路雖施工較南岸為易但需銀至三四百萬兩之多兼之曠日持久一時未能竣事自不

若堵閉陳家浦挽歸正河為正辦鐵保等擬於陳家浦河面較窄之處建築壩基進占堵築使黃水仍歸故道既據稱辦理較有把握覈計需費在一百二十三十萬兩上下即著定議疏築趁此冬令興工務於新正趕辦完竣俾尾閘宣洩深通方為妥善所需銀兩即照所請著該部在於河南山東等省附近藩庫及江安兩省各關庫先行籌撥銀一百萬兩解工應用該督等覓應一人常駐工所督率

工員一面挑挖正河一面購備料物認真覈實妥速辦理為要又據另片奏堰圩掣塌工段分投鑲護等語堰圩隄壩各工隨時搶鑲棲護何至竟全行掣塌即因疊次暴風猛烈人力難施但工段亦有新舊之別何以摺內未據聲敘明晰跡涉朦混如掣塌係屬舊工已在保固例限以外尚有可原若係新做工段旋即掣塌則是從前興修時偷減工料未能砌築堅實情弊顯然即應賠罰示懲鐵保

等當詳查掣塌處所分別新舊工段先行據實具奏仍一面速飭工員趕緊鑲護並豫購石料以備新春砌補俾資保衛將此諭令知之士寅諭內閣禮部奏本月初二日朝鮮國王李公差官金在洙齋到咨文一角內稱該國義州商人白大賢李士楫潛將米石運至璋子島地方與邊民朱張兩姓和賣折換違禁各貨物當將白大賢等拏獲監禁並將該地方官革職重究其違禁之錢文銅鐵等

物如數齎解現復委弁兵在於該島輪替調守各緣由等語朝鮮貿易向有一定年限在於中江會寧慶源等處豈容商民等私自越疆違例販賣今該國商民白大賢等與邊民朱張二姓膽敢攜帶米石銅鐵等件潛在獐子島彼此販易實屬大千屬禁該國王於本處地方官查明獲犯之後審問明晰監禁請示並自將地方官重處一面派員將違禁之物呈齎呈繳復嚴飭邊汛加意巡邏披閱來

文具彰恭順除勅下盛京將軍督飭沿邊官弁將朱張二姓上緊拏獲究辦並查明內地疏防官員嚴行懲處外所有該國現在解到銅鐵等件著飭所司收貯其該國拏獲之白大賢等五犯著該國王自行查照定例分別懲治至該國王恪守藩封小心服事今於商民等違禁私販之事認真查拏以清邊界以杜奸宄忱悃可嘉著頒賞該國王大緞四匹玻璃器四件雕漆器四件茶葉四瓶以示恩

獎嗣後惟當飭知該國沿邊官弁倍謹巡防嚴杜私越以期仰承恩眷勿替著禮部行文該國王祇遵其差官即妄行遣回○以翰林院侍讀王鼎署日講起居注官○旌表守正捐軀河南息縣民李國樸妻王氏○癸卯上御懋勤殿勾到直隸山西情實罪犯停決直隸斬犯四人絞犯十四人山西斬犯三人絞犯五人餘一百七人予勾○諭內閣本年重修皇史宬恭奉

皇考高宗純皇帝實錄

聖訓敬謹尊藏朕親詣瞻禮因思石臺金匱規

制深嚴應專為尊藏

列聖實錄

聖訓之地以昭萬年法守其中舊貯及本年續修

玉牒均移貯於景山

壽皇殿之東西室著所司誦吉遵行○又諭皇

史歲建自前明四周石室中藏金匱我朝自

定鼎以來因其舊制尊藏

五朝實錄

聖訓寶帙琅函以次排列茲恭編

皇考高宗純皇帝實錄

聖訓告成卷帙增倍特命所司重加修葺將金

匱分列石臺誦古尊藏朕躬親瞻禮敬念我

國家

列聖相承

六朝謨烈振古鑠今億萬斯年篤祐延釐正未

有艾嗣後石室排列充盈即著於兩配殿做

照石室規制敬謹建造分貯奕葉遵循永遠

無替將此旨交內閣敬謹存記○又諭御史

楊健奏請旨飭禁四條據稱外省尋常案件

宜禁羈押以除民累等語外省審理詞訟案

件於人犯情罪較重者自應收禁固圍其情

節較輕本不至拘繫逮問或被牽連板控或

須到案質證地方官詳覈案情自當作速訊

明隨時省釋焉有拖累無辜任意羈押之理

前經疊降諭旨飭令毋許私立班房及羈候

自新等所名目原以杜州縣官濫行收押胥

役勒索陵虐或致人證負屈輕生無干拖累

例禁本已嚴密嗣後該督撫等惟應通飭所

屬實力奉行如有私設禁所妄行羈押情事

即著嚴叅懲辦又據奏各省塘汛宜加整飭

以重稽察等語各省設立塘汛分派弁兵巡

守原以稽查緝捕俾奸宄無從逃匿立法至

為周備若一任傾圮廢弛於捕務殊有關繫

該督撫等當嚴飭將備弁兵加意整頓毋稍

疏懈至摺內所稱外省幕友請按年造冊報

部以備稽覈及外任漢員親屬請酌定人數

帶赴任所二條均屬難行外官幕友皆由本

官自行延致與官設吏胥不同如本官莅任

於一應政務皆能親身檢料勤慎奉公則幕

友不過供指臂之使豈能聽其把持公事設

有作奸犯科者原可執法懲辦惟本官先自

開葺斯劣幕生心玩易若如該御史所奏但

將各衙門幕友姓名按年造冊報部無論各直省自督撫以至州縣等官所延幕友人數衆多且隨時更換一歲之中姓名屢易其所報亦未必盡實即使詳覈造報而部中但據一姓名冊籍亦無由知其幕友之優劣不過徒多一具文於剔弊之道仍屬有名無實至外任漢員親屬隨任與旗員情形不同旗員親族子弟定例非奏明不准私帶出京若漢員則一人身登仕版其親屬依託亦情事之常若如該御史所奏必令酌定人數帶赴任所外省清廉官吏刻苦自持且有不攜眷屬赴任者亦有親屬衆多不能不量為周卹者然其吏事之修廢則並不繫乎此如該官員守潔才明於親屬隨任者但瞻其衣食而不使干與公事或擇其中賢能之令幫辦署務不使倚勢擅權自不致滋生弊端若不自振作委用非人即一二人亦足愼事又豈限以人數即能杜弊乎國家澄敘官方為民擇吏

簡賢黜否即為致治之原若以瑣屑之事多設科條轉非執簡御繁之道也將此通諭知之旌表守正捐軀河南確山縣民謝大貴媳孫氏甲辰遣官祭

先醫之神宗人府進呈新修

玉牒

上詣乾清宮東暖閣行禮恭閱送皇史宬尊藏賜總裁以下等官銀幣有差○乙巳諭內閣朕昨日詣瀛臺傳膳辦事惟步軍統領奏事

及值日之前鋒統領護軍統領等遞無事片其餘部院各衙門並無陳奏事件當於召見軍機大臣時詢及據稱是日恭請

玉牒至大內恭閱並送往皇史宬尊藏在京文武大臣均應齊集迎送等語迎送

玉牒一事乃典禮攸關臣工等理宜敬謹齊集然各該管衙門果有應行陳奏事件即當權其緩急不得以分應齊集遂致延擱要務若該員等本無應奏之事自應躬親迎送用昭

鉅典爰命戴衢亨托津前赴協和門逐一詳查開單呈覽齊集迎送者甚屬寥寥朕勤求治理惟日孜孜節經降旨訓諭飭令臣工等勉思無曠庶官夙夜匪懈之義丁寧告戒不啻至再至三詎積習尚未肅除祇圖安逸試令清夜捫心自問能無愧乎此而不加之懲處何以儆急玩而肅官方因復命軍機大臣將未經齊集各員查明有無事故分晰開單具奏茲據查明文職大學士以下五品京堂

以上武職都統副都統各員將迎送已到及有事未到無故不到者分別開單進呈除已到各員名單內大學士祿康等二十七員均無庸議外其有事未到名單內大學士費淳等二十七員或現有別項差使或現居服制均可不必置議此內惟宜興一員據稱因放皮襖賞未到監放皮襖賞共派拉旺多爾濟祿康宜興英和四人祿康是日即先至齊集處所拉旺多爾濟英和俱於隨往瀛臺後始

往監賞可見宜興係屬藉詞卸過至無故不到各員名單內尚書鄒炳泰等或指稱患病或稱批本審案或稱收本閱卷或稱挑甲辦書俱係託詞支飾宜興著與鄒炳泰等三十員交吏部兵部都察院一併議處嗣後遇有

壇

廟祭祀及朝會大典除實有差使及值班奏事各員不能分身前往外如有無故偷安不到

者一經查出均著照例議處在廷諸臣經此番訓懲之後當共知儆惕痛改從前怠惰積習以副朕整飭教誡至意將此通諭知之○又諭吳熊光等奏被擄難民捆送海洋盜匪投首審明辦理一摺海洋行劫盜犯遇有悔罪投誠縛獻夥匪者在該犯本係有罪之人祇因其畏罪改悔殺賊自首往往奏請賞給職官未免過優今林期成等十五名則係被擄難民經盜犯詹阿林等先後擄捉勒贖林

期成等乘盜犯睡熟商同殺斃並割取夥盜首級捆縛夥盜二名連盜船礮械投首是林期成等能知大義不避艱險深堪嘉尚該督等僅擬分別遞籍保釋未為允協自應量加獎賞俾知鼓勵林期成著加恩賞給八品頂帶並詢明如願入伍効力即令其在營當差若祇願頂帶榮身亦聽其便此外十四名並著該督等查明如尚有似林期成之起意殺賊自効者即當奏明賞給頂帶如僅係隨同縛獻投首亦當各賞銀數十兩用昭恩賚餘俱照所議行○丙午

上御懋勤殿勾到朝審情實罪犯停決官犯四人斬犯六人絞犯六人餘十二人予勾○諭內閣德楞泰奏酌議西安滿營操演章程並請挑備戰兵丁一摺西安滿兵五千餘名經該將軍擬於各兵派差下班之後酌定逢五逢十之期先在本旗翼合操每月再定期兩翼合操一次將年力精銳鎗箭出衆者定以

超等另冊存記遇有應升應拔之缺即為補用仍按月酌加賞賚於備賞息銀內動支等語此皆為鼓勵人材起見著照所請辦理至摺內請以列為超等之馬兵另立一冊作為備戰兵丁約及二千名之數遞派本旗該管官專司管領勤加操演等語西安為川省聯界之區地方最當衝要所駐滿兵五千餘名皆當一律整飭茲德楞泰請以二千名超等之兵另立名冊勤加訓習固可得力備用但此外尚有三千餘名亦當嚴立章程隨時訓練俾互相激勸悉成勁旅不可稍任懈弛此為最要餘著照所議行○丁未

上詣

大高殿行禮○諭內閣步軍統領衙門奏稱有陝西商販回民馬興呈報在廣寧汛小井地方遺失銀四百兩旋據民人呂有年帶領伊甥張自得將拾獲原銀赴營稟報驗明無缺等語張自得以鄉曲小民拾獲道遺多金不

敢隱匿告知伊舅呂有年呂有年因慮及失金之人生計攸關立即赴官呈報該民人拾金不昧重義輕利風俗淳良深堪嘉予著將原銀內賞給呂有年張自得一百兩再加賞官布各二匹並著地方官製給扁額以旌其廬餘銀給失物之人領回○予故琉球國中山王尚溫並追封國王故世子尚成祭賞如例○戊申諭內閣周廷棟奏請杜訟風以肅吏治一摺據稱近來各省控案有受訟師主

唆代作呈詞者有事不干己得財挺身包攬者有案尚未定情虛先遁希圖脫罪者有案已擬結遣人上控妄思翻異者應請於凡遇具呈時訊明酌辦等語近來獄訟繁多固緣地方官辦理不能持平又復聽斷不勤以致日久玩延激成上控而訟師土棍所在皆有往往將毫不干己之事從中唆使代作呈詞甚或從中漁利包攬具控又或於地方官審案未定之先情虛畏逃來京呈控且有結案

時本無枉縱亦俱妄思翻控希冀幸免者其間情偽甚多豈能以一面之詞遽行憑信自應查明虛實分別覈辦嗣後都察院步軍統領衙門於接受呈詞時著先向原告逐款詳訊除實係冤抑難伸情詞真切及地方官審斷不公草率辦結並官吏營私執法確鑿有據者仍當立時奏聞另候辦理無稍壓擱外如所訊之供竟與原呈迥異或係包攬代訴被人挑唆其情節顯有不實及原告未經在

本省赴案質訊錄供成招不免有挾嫌傾陷藉端拖累情事著照周廷棟所請咨回本省覈辦仍交該衙門按期嚴催開單彙奏其距京較近省分並著照周廷棟所請先將原告暫交刑部散禁提取本省全案卷宗細加覈閱再行分別酌辦至周廷棟摺內所稱山東近日情形有婦女自盡母家率眾需索騷擾者有自盡及路斃等案屍親藉端訛詐者有原告遠颺無蹤圖准不圖審者有不候審結

即行上控者應請亟行飭禁等語此等風氣不獨山東為然各處刁詐之徒如出一轍於民風吏治大有關繫不可不通行嚴禁並著各直省督撫一體嚴飭所屬先行剴切曉示有犯此者隨案重懲毋稍姑息庶刁風不敢肆長而訟源亦可稍清矣將此通諭知之○改陝西西鄉平利鎮安三縣為繁缺華州華陰縣為中缺長武縣為簡缺從巡撫方維甸請也○調鑲黃旗蒙古副都統珠勒亨為密

雲副都統以叅領何其惕為鑲黃旗蒙古副都統○旌表守正捐軀河南寶豐縣民尹長庚女尹氏南陽縣民李旭妻喬氏永寧縣民張勇妻楊氏○已酉諭內閣向來辦理刑名案件由該部審明後會同法司覆審定擬罪名及至朝審時復令九卿科道等集議委無絲毫疑竇情罪允當始定爰書由本道御史三覆奏始題請勾到而罪囚有臨刑呼冤者仍准覆加鞫訊原以綜理庶獄不厭精詳

於明罰勅法之中寓矜慎欽恤之意立法至為周備昨朝審勾到據監刑侍郎廣興等具奏絞犯鍾寬於臨刑時極口呼冤據供並無扶驚收徒情事前係番役誣賴在部亦未盡供是以未將該犯處決奏聞請旨等語朕以該犯既心未折服或案情竟未確實不可不覆加研鞫當經特派未經審辦此案之大學士慶桂等詳加提訊如該犯所供屬實自當昭雪其冤並將原審及妄拏官役叅奏懲治

儻係妄供狡展即當加重治罪茲據慶桂等奏提集犯證逐一研訊審明該犯扶驚傳咒並姦拐葛氏詭取法名葛氏之子官兒年甫十三所習咒語尚能記誦並稱該犯為師祖其乩架符咒等件該犯妻妾供證確鑿從前步軍統領衙門並未妄拏該犯在部時自行手印供詞質之同監人犯並無按指印模之事是該犯擬絞予勾本屬情真罪當且於法司會審及九卿等朝審時俱俯首認罪並無

一言及至鄉赴市曹忽鳴冤抑是其挾詐逞刁祇圖苟延旦夕國家決囚重典執法懲奸與衆共棄乃以毫無屈抑輒敢肆意呼冤妄希狡展實出情理之外若似此紛紛效尤尚復成何政體自應加等懲辦以昭炯戒今慶桂等議請將該犯改為斬立決應如所議辦理鍾寬一犯著先重責四十板即行正法仍派廣興秦瀛前往監視行刑並著對衆宣示以該犯鍾寬所犯罪狀如祇係姦拐其罪尚不至死原以該犯在輦轂之下假託扶鸞念咒惑衆傳徒刑部照左道惑人為首律問擬絞候入於本年秋審情實至朝審勾到日覈其情罪法無可逭是以予勾該犯又於鄉赴市曹後極口呼冤經特派大臣覆訊案情確鑿與原供無異該犯居心狡詐妄希倖免刑誅並非真有冤抑因加重改擬斬決並先重責四十板立正典刑特明白宣諭俾衆人共見共聞平日各知守分畏法若身罹刑憲非

詭詞狡展可以倖逃也朕聞朝審漸成具文九卿科道亦未必全到即全到亦不發一言若有一人駁改一案者羣起而攻目為多事此習至惡各宜痛改毋負國恩而虛大典朕非喜多事之人但深恨模稜之輩耳嗣後內外問刑各衙門益當思人命至重雖至獄成處決時苟稍涉疑竇尚必為之推鞠斷不肯稍有屈抑當承審重案之初即應倍加詳慎務令罪人心口帖服方為信讞設再遇有臨刑呼冤之犯仍應奏明重加詳勘果有覆盆之冤必立為申雪將原審官照例懲治如係奸譎之徒罰當其辜而妄行翻異冀延顯戮亦必照此加等治罪以懲刁頑將此通諭知之○鑄給河南移駐林家扒鄧州州同蒼苔鎮唐縣縣丞關防從巡撫馬慧裕請也○旌卹遇賊捐軀貴州興義縣貢生李明倫等三十三名口如例○戶部議准浙江巡撫清安泰疏報象山臨海義烏武義湯溪開化青田

雲和八縣開墾田一百四十九頃七十二畝
有奇照例升科從之○庚戌

聖祖仁皇帝忌辰遣官祭

景陵

上詣

壽皇殿行禮○諭內閣鐵保等奏總兵舒當
阿與中軍遊擊恒泰互揭一案舒當阿以專
閫大員乃敢藉摺差盤費為詞札諭所管各
營攤扣馬乾銀兩從中侵用又將營中公費

任意吞蝕並違例豫支俸廉銀兩現在查出
各項字據是其營私執法罔顧廉隅實屬卑
鄙無恥至遊擊恒泰既經迎合於前又復揭
告於後亦難保無通同舞弊情事舒當阿著
革職拏問恒泰著革職交鐵保親提案證秉
公嚴訊定擬具奏○又諭此案楊應淮之父
楊榮林因典房被燬被楊洋等誣告妄扳勒
索銀契該縣知縣並不訊明誣陷情弊反將
楊應淮及伊父兄等毒刑拷打錘折筋骨並

用烙鐵燬烙致斃七命現經都察院驗明楊
應淮本身即有烙痕十一處殘忍酷虐莫此
為甚著勒保查明是年該縣知縣李姓係屬
何人即行革職拏問提同人證一併嚴鞫即
使究明典房被燬等情其所控不盡確實而
知縣非刑荼毒枉斃多人亦當嚴懲示儆聞
其呈內曾在本省控告多次各該上司均未
親審一任委員含混押結實屬徇庇屈抑並
當一併查叅分別懲處此案情節甚屬可恨

本應差大臣至川審訊因其前在總督衙門
控告據稱非勒保任內之事該督無所用其
迴護惟當親提秉公審訊據實具奏不許另
委屬員不可稍蹈徇飾○命嗣後凡遇請派
揀選文職官員係會同吏部者吏部堂官無
庸開列揀選武職官員係會同兵部者兵部
堂官無庸開列著為例○以鑲白旗蒙古副
都統明泰為江西南贛鎮總兵官前任塔爾
巴哈台領隊大臣安福為鑲白旗蒙古副都

統○添設

裕陵妃園寢膳房人役從馬蘭鎮總兵兼內務府大臣積拉堪請也○旌表守正捐軀山東鄆城縣民高光霞妻邢氏○辛亥諭內閣據御史德祥奏方畧館咨取譯漢官請照各館之例行文史部咨取如不敷用令吏部考試按名移送等語朕當即詢問軍機大臣據慶桂等奏方畧館設立譯漢官向例並不支領公費與各館繕譯官事例不同從前多由本

館指名咨取此次公同酌議恐涉嫌疑特行文八旗專於舉監生員內滿洲保送十名蒙古保送五名漢軍保送五名送館彙齊考試再行錄取本為防弊起見等語該館咨取譯漢官因慮指名滋弊行文各旗保送並再加以考試如將來考取後有徇庇請託情事原許言官糾論今甫經行文咨送豈即豫計考試之不公乎現據軍機大臣等奏請另派大員考試本館總裁迴避以昭公愼著即照

所請俟八旗咨送名冊彙齊時由軍機處開列滿洲大臣名單進呈候朕簡派考試○壬子諭內閣薩彬圖奏請嚴申例禁以肅漕政而重糧儲一摺漕運上關天庾正供下資俸餉民食俱應交兌好米以期久備倉儲此次截留江蘇等處平糶米石薩彬圖稱據各州縣官稟內中醜米極多自係在本地兌收時有攙和夾雜之弊薩彬圖請照舊案令浙江辦漕各州縣官派收兌新漕記書一合隨同

到淮等候盤驗並將米樣封固一包連用印記交記書帶投以憑驗對則該丁等不能稍有欺飾等語係專指浙省而言但此外有漕各省分於收兌時亦不免有此等弊竇著通諭各督撫嚴飭兌漕各州縣認真妥辦儻抵淮時經總漕驗出攙雜醜米即將該州縣據實嚴叅至所奏派令收漕經手記書帶同封固米樣到淮伺候盤驗一節各省舊例是否如此辦理並著該督撫詳查妥議具奏○又

諭給事中周厚轅奏請將張自得拾金不昧一事宣付史館並請飭令各督撫敬謄諭旨遍行曉諭一摺殊可不必日前步軍統領衙門具奏張自得拾獲銀四百兩不敢隱匿告知伊母舅呂有年即赴官呈報當即降旨嘉予於原銀內賞給呂有年張自得一百兩並加賞官布令地方官製給扁額已足以昭旌獎如再將此事宣付史館竟似與祥瑞無異未免涉於張大國家遇有吉祥徵應尚不宜侈為美談若此等尚義之舉必欲過為鋪張以示嘉美將來無識之徒必有飾其事以動觀聽冀圖冒賞者不可不防其流弊况朕已有旨獎賞中外共知又何必宣付史館再行通諭始為嘉許乎所有周厚轅摺著無庸置議以和闐辦事大臣永來為鑲黃旗漢軍副都統

大清仁宗受天興運敷化綏猷崇文經武孝恭勤儉端敏英哲睿皇帝實錄卷之一百八十七

[illegible]

較修

軀江蘇豐縣民朱得倉女朱氏○甲寅諭內閣本月十六日

天壇齋宮不戒於火係由薰炕所致朕前因太常寺則例內所載需用木柴太多早經降旨飭令所司官員大加節減原為慎重起見况朕向來不用熱炕將來新建齋宮炕座竟無須柴炭薰烘所有

壇內齋宮薰炕一節嗣後永遠停止其則例內
每次開銷木柴三千斤之處著一併刪除

天壇齋宮內失火延燒寢宮十間請將奉祀吳
存竣壇戶魏進潮武周等交部嚴審治罪並
請將太常寺堂司各官一併交部擬罪等語
齋宮失火一事詢係由薰炕所致朕向詣齋
宮齋宿不需熱炕屢將此旨向扎郎阿明志
二人諄諭並因從前則例開載應用木柴太
多減至三千斤令其恪遵諭旨倍加鄭重乃
扎郎阿明志並不將朕諭轉相告誡一體小

心凜遵又不親身前往稽查以致離齋戒之期不遠有不戒於火之事是伊二人之咎較重扎郎阿明志著交部嚴加議處此外太常寺堂司各官雖俱失察其咎稍輕著交部議處均加恩免其治罪其奉祀吳存竣壇戶魏進潮武周等著交刑部審明定擬具奏尋議上得旨扎郎阿明志加恩改為革職留任拔去花翎遇祭祀時仍准戴用扎郎阿並革去護軍統領○又諭據德楞泰奏奉命查閱川

陝營伍沿途感受暑熱調理未能痊愈現在回省後常覺氣弱畏風腿軟無力所有川陝各營伍尚有延榆潼關等處未經查閱自揣精力恐不能支請改派提督薛大烈前往閱視等語德楞額奏前此頻年辦理軍務懋著勤勞此次因派查川陝營伍日夕奔馳沿途感冒據奏歷久未痊深為垂廕著派伊子蘇冲阿帶同太醫一員馳驛前往陝省詳加診治並傳旨令其安心調攝如一時未即就痊不

妨將太醫留於彼處俟診視痊愈後再令回京所有伊未經查閱之延榆潼關各營伍即著改派薛大烈於長齡查竣固原各營後前往查閱具奏○又諭廣厚奏酌籌隙地撥給軍臺當差回戶一摺據稱回子雖有官給口糧僅敷本身食用當差仍不無賠補兼之馬牛到臺之後因乏水草易形疲弱不能供差等語自係該回子實在情形現經廣厚等查明開都河北臺東西荒地二段約五頃餘又

烏沙克他爾三工屯田餘地內撥出六頃餘計共地畝十一頃餘可以撥給該回子耕種著即照所請辦理以資調劑○又諭宗人府奏遵旨嚴議壽喜一摺壽喜係吉慶之子經朕加恩賞襲散秩大臣看其人本平常不能清語不過於伊輪班時隨起召對伊輒敢以家道寒苦妄行呈訴已屬越分如伊祇求賞借廉俸等事尚涉冒昧乃伊竟敢籲請簡放外任副都統以便向伊父屬員借助尤為狂

妄膽大從前乾隆年間內閣學士塔永阿懇求補放護軍統領當經

皇考高宗純皇帝降旨懲責然塔永阿所請尚係京員今壽喜少年無知竟思簡放外任直欲圖利其糊塗謬妄較塔永阿尤甚殊出情理之外設伊果蒙擢放外任其肆意營私尚安可問乎必不止於革職矣壽喜著即照宗人府所議革職昨伊召見退出本當照塔永阿之例即在宮門懲責姑全伊父吉慶顏面

著派管理宗人府之儀親王貝勒永錚帶上
虞備用處拜唐阿至伊家中傳旨將壽喜眼
同伊母責處三十板交與伊母嚴行管束不
許與外人交接其世襲散秩大臣即著吉慶
次子承襲其騎都尉世職交該旗照例辦理
○命署戶部右侍郎阮元刑部右侍郎廣興
馳赴河南審案 予故葉爾羌辦事大臣副
都統盛佳祭葬如例（乙卯）

上詣

雍和宮行禮

火神廟拈香 旌表守正捐軀湖北宜城縣

民劉正邦女劉氏河南鎮平縣民黃文會妻

李氏（丙辰）

上御乾清門聽政（諭軍機大臣等方維甸奏

刁民訐告山內地畝呈請丈量查明實在情

形請旨辦理一摺據稱南山廣袤千餘里漢

南巴山界嶺亦綿亘千里有餘若逐處丈量

吏胥勒索追呼刁民訛詐訐告勢所必至懇

請特頒諭旨將南山漢南各山內地畝除現

在例徵正賦之外免其升科俾刁徒無所藉

口等語方維甸此奏固為息事寧人起見但

陝省南山各省貧民前往開種地畝從前節

經各省督撫奏報升科相安已久若如方維

甸所奏請朕特頒諭旨將山內續墾地畝概

免升科此端一開將來各省貧民前往開墾

者聞風踵至恐藏垢納污日久滋生事端不

止於互相訐告不可不籌及久遠所有陝省

南山漢南各山內地畝現除墾熟者仍照例

徵納正賦外著無庸再行丈量升科不必特

降諭旨著該撫即曉諭山內居民俾其各安

生業而息訟端至將來續墾地畝概免升科

之議無須提及總在該撫飭令地方官隨時

留心妥協經理可也）以翰林院侍讀學士

常英為詹事府詹事、丁巳以和闐幫辦大

臣慶長為正黃旗漢軍副都統調正黃旗漢

軍副都統雙喜為密雲副都統○戊午諭內

閣溫承惠奏查明張家口兵餉支放遲延緣由一摺據稱此項兵餉向係口北道於季首備文赴司請領此次冬季兵餉該道委員請領於十月初三日到省經藩司覈明銀數於十三日兌發該弁隨即齋回收兌於十一月初四日如數給發緣係相沿舊章拘於季首請領尚非有心延玩等語兵丁月餉以資養贍自應先期請領按時給發方免遲誤况張家口距省本遠若每次兵餉均須待至季首

請領設或途中雨雪阻滯豈不耽延所有舊定章程實未妥協嗣後該處應領兵餉著於每季先一月派員赴省領回以便屆時給放毋得稽滯至此次支放逾期既係相沿舊章各該員於請領發給均無延玩著從寬免其查叅○調正藍旗護軍統領菩薩保為正白旗護軍統領以兵部右侍郎多慶兼正藍旗護軍統領○己未諭內閣

天壇齋宮向係太常寺管理僅派奉祀壇戶在

內照料殊不足以昭慎重嗣後著交奉宸苑管理其應如何設官並建蓋直房之處著該衙門妥議章程具奏○又諭御史胡大成奏請飭臣工敬謹將事以重祀典一摺據稱近聞每值齋戒之期凡應入署齋宿各員多不入署齋宿又伊於從前監禮時曾親見祭告甫畢樂奏未終而執事人員即喧譁雜沓請飭各部寺院嗣後不得仍前怠玩等語

壇

廟大祀齋戒及執事各員理宜恪恭將事以昭誠敬向例特派大員稽察並令科道查齋監禮立法已極詳明惟奉行日久在齋戒執事者未必能仍前嚴肅而稽察監禮者亦即視為具文殊非潔蠲之義其例應入署齋宿之員或因職守不同間有假廟宇齋宿者亦應將所宿廟名由本衙門咨報俾有考覈至祭告甫畢執事者即喧譁雜沓該御史從前監禮時既經親見何以並不封上彈章默爾而

息嗣後各部寺院衙門惟應申明舊例凡應齋戒執事各員務各小心謹恪毋得稍存怠忽其派出查齋之員向來稽查過早齋宿者或尚未到署即已到各員一經查竣仍可散退未免習而生玩此後查齋之員必當於傍晚時始行查察如有違例懈忽者即著據實叅奏以肅祀典○又諭御史徐寅亮條奏西寧備番事宜一摺據稱請令蒙古各扎薩克精選壯健練習鎗箭該辦事大臣不時調操

抑或親往按閱嚴立賞罰俾成勁旅以備一時徵發之用等語此論斷不可行青海蒙古各旗被賊番搶掠前經屢降諭旨責令該蒙古等自強以固藩圉該扎薩克等練習兵丁乃其自為之事若令辦事大臣調操往閱該蒙古究係外藩賞罰俱多未便國家豈有此體制乎至請將西寧辦事大臣移駐貴德循化丹噶爾等城並令西寧鎮屬官兵輪番值戍及將河州鎮兵亦歸該大臣節制調遣之

處著交陝甘總督會同西寧辦事大臣悉心妥議是否擇要移駐控制較為得力不可以駐劄西寧相沿已久因畏邊境荒寒即偏執仍舊之見總須熟籌地勢詳度邊情期於兵防實有裨益以為經久戡寧之計該御史摺著發給閱看俟奏到時再降諭旨○貸黑龍江貧丁銀米

上以冬至祀

天於

圓丘自是日始齋戒三日○庚申鑄給福建寧

福海防兵備道關防布政使都事鈐記從巡撫張師誠請也○戶部議准貴州巡撫福慶

疏報湄潭縣開墾田二十九畝有奇照例升科從之○辛酉

上詣

南郊齋宮齋宿 壬戌冬至祀

天於

圓丘

上親詣行禮遣官祭	永陵	福陵	昭陵	昭西陵	孝陵	孝東陵	景陵	泰陵命	皇次子晏寧祭	泰東陵遣官祭	裕陵遣官祭	孝淑皇后陵寢遣官祭	端慧皇太子園寢詣	慈寧宮	壽康宮行禮停次日朝賀賞八旗兵丁一月錢糧	癸亥諭內閣周廷棟奏大宛兩縣童試冒籍較多據實奏請查辦一摺考試為
----------	----	----	----	-----	----	-----	----	-----	--------	--------	-------	-----------	----------	-----	---------------------	--------------------------------

掄才大典而府縣試尤為士子始進之階文風各省不同學額亦定數不一自應嚴禁冒籍以遵實學而息紛爭京師大宛兩縣為四方人文萃聚之區向來多有南省士子希圖倖進冒籍應試者歷經科道等條奏清查而此弊相沿已久仍未肅清總由不肖廩保扶同徇隱而特經派出之審音御史等又視為積習相沿懼干嫌怨仍不實力稽查所致現在正屆順天府試之期已派出御史達德鄭士超二員前赴貢院會同該府丞審音該御史等當逐一詳細確查秉公點驗如一經查有弊竇即著據實叅奏其從前冒籍諸生已登科第及現任職官者應如何立限勒令呈明改歸原籍並酌予罰懲之處著交吏禮二部會同順天府詳查舊案妥議具奏尋議請申明舊例除從前進士舉貢生監現在寄籍已至二十年者與入籍之例相符無庸議外其未滿二十年者自此次查辦部文到日為
--

始勒限一年自行呈明逾限者罰俸一科如
遵例入籍者准其入籍應考試者扣滿年限
准本生子弟應試並聲明原籍不得復回跨
考願改歸原籍者查明取結即歸原籍永不
許復冒寄籍以後再有混冒考試及跨考俸
進者查出照例斥革治罪官員定例除吏員
不准改歸原籍外其在寄籍由應試報捐議
敘現任職官及候補候選人員應改歸原籍
者照例呈請改歸其在寄籍已至二十年以

上者照例呈請入籍均限一年內自行呈明
逾限者罰俸一年以後再有冒籍俸邀出仕
別經發覺者即行革職順天大宛兩縣童試
應請如該左都御史所奏歲考用廩保八名
科考六名其寄籍補廩者查明入籍已久方
准派充考後不准託辭補送仍於每次考試
時令該廩保各出具並無冒籍甘結由教官
查覈加結申送府丞學政衙門於審音時仍
令御史詳加查覈如有假冒即行嚴叅該管

官不實力稽查仍照例議處從之○又諭工
部議駁湖北修築隄塍挑挖淤河於例外奏
請照南河加價一摺所駁甚是南河關繫運
道民生遇有搶險工程剋期辦理不能不於
例價之外畧為加增然亦不過暫時准行一
俟料價平減即仍照從前定例覈銷原非永
遠加價至湖北所辦祇係尋常修築隄閘何
得援照南河險要工程率請加增況該省歷
年准銷成案河夫之外加用夯夫乾隆四十

四年以後又准用倍夫已屬例外加增今更
將土方增至一倍殊為冒濫若各省辦工似
此相率效尤伊於何底所奏著不准行並將
該督汪志伊及該撫章煦交部議處○以故
喀爾喀賽因諾顏扎薩克郡王三丕勒多爾
濟子達瑪琳扎布襲爵○調福建汀州鎮總
兵官武隆阿為臺灣鎮總兵官以湖北施南
協副將烏爾卿額為汀州鎮總兵官 予故
提督銜臺灣鎮總兵官愛新泰祭葬卹廕如

軍營病故例。旌表守正捐軀甘肅靈州民吳進珀妻張氏。甲子諭內閣朕閱平定三省邪匪方畧內原任協辦大學士湖廣總督書麟前在軍營因見軍務歷時未竣心懷焦急臨戎涉險奮不顧身以致積勞病逝至今猶為惻然因命交部旗查明伊身後有無賠項即行具奏茲據查奏該故員前在雲貴湖廣總督任內分賠攤賠各款除先於伊子吉郎阿伊姪素納名下扣繳不計外尚有未完銀二千零五十兩又本年續據滇省咨追分賠銅價銀二款共銀一千四百六十五兩覈其款項均係代賠屬員無著虧缺及因公攤賠銀兩非本任虧短者可比所有書麟名下未完賠項著加恩全行寬免無庸再於伊子伊姪名下扣繳以示朕軫念蓋臣追加恩卹至意。又諭富俊奏請揀員巡察盛京事務一摺本年莊親王綿課等曾至盛京所有一切事務甫經就便巡視無庸另行派員前往

明年即屆五年巡察吉林黑龍江之期著該將軍屆時再行一體奏請候朕簡派嗣後每屆五年期滿該將軍統行照例具奏。○乙丑上幸瀛臺閱冰技。諭內閣阿林保奏查明失察蔡逆之子蔡二來在普陀入寺燒香一摺該逆匪船竄泊普陀有二十日之久兵船未經趕到實屬懈玩現在查係定海鎮總兵何定江兵船相距較近且本係該管洋面其咎甚重阿林保所請將該鎮革職或降補之處實所應得惟現在水師乏人姑從寬革職留任俟八年無過方准開復仍著革去頂帶以示薄懲如果勦賊奮勉再行賞還頂帶其阿林保自請與清安泰一併議處之處巡撫清安泰係本省專轄之員失察較重著交部議處至阿林保究係兼轄之員且現在閩省辦理防堵等事尚為認真著施恩改為察議。○又諭阿林保等奏琉球國接貢船隻遭風擊碎淹斃人口請將接護遲延之水師副將徐

湧革職及攔阻不力之署同知于天澤代理
海壇左營遊擊候補守備何文上交部嚴加
議處等情一摺琉球國接貢船隻在洋遭風
若該副將於接到札委後立即前往或尚可
阻止開行並乘時救護乃徐湧於接到委札
輒以現帶兵船僅有七隻稟請添派兵船幫
同往護為詞試思以兵船七隻護一夷船有
何不敷尚如此飾詞推諉若令其出洋捕盜
必更遷延躲避似此怯懦無能實屬有負職

守僅予革職尚屬輕縱徐湧著革職發往烏
魯木齊効力贖罪署同知于天澤等於夷船
開出澳口放洋阻止不力亦難辭咎署平潭
同知候補知府于天澤代理海壇左營遊擊
候補守備何文上交吏兵二部嚴加議處
○又諭察哈爾站兵吹扎布之妻一產三男
禮部題請照直省民人之例賞給米五石布
十匹蒙古以牲畜為養生之資資以米布在
本家俱不適用著交該都統等覈照米五石

布十匹所值折給馬牛羊等項牲畜俾資生
計嗣後蒙古地方有一產三男者均照此賞
賚禮部即載入則例遵行○閩浙總督阿林
保奏總兵官王得祿攻剿洋匪朱濟殲擒著
名賊目多名得旨獎賚下部優敘將弁升敘
有差○撫卹琉球國接貢船遭風難夷并賞
淹斃夷人家屬銀五百兩○丙寅諭內閣給
事中喬達煥奏運使崇福改用御史郎中其
他年衰重聽者概不得援以為例並請勅下

部院大臣如有龍鍾衰積之員隨時秉公查
覈一摺所奏非是外省司道大員往往於引
見召對時因其年老重聽精力漸就衰積酌
量改授京職原以京外職任繁簡不同在該
員等平日居官尚無貽誤本不至於罷斥特
察其精力未能裕如恐難勝專司方面之任
是以量材簡用俱係出自上裁原無定例即
如崇福一員本係由郎中御史游擢外任昨
於來京引見召對時見其兩耳重聽年力就

袁特旨令伊留京改補外省督撫何敢遽援此例率為司道陳請乎若謂衰老之員併不稱曹司之職則三年京察鉅典原可屆期勒休豈容濫竽戀棧且部院各員年逾六十五歲者向例於京察時另為一班帶領引見如果該堂官於袁朽之員有意徇庇於引見時一經看出必將該堂官懲治示儆立法詳明又何必復令部院大臣紛紛察劾始為澄敘官方乎該給事中實屬妄言國政所奏無庸

議○山西道監察御史陸言奏酌定考試漢教習之期一摺下禮部議尋議查定例各學漢教習遇有缺出按考取名次新舊間補統俟所考人數無多始行奏請考試今請照該御史所奏三年一考統於正科殿試後舉行俾各省進士舉人貢生均得及時應試以期廣得人材嗣後每逢考期查明各學舊班未補人數擬定應取名數於定額之外的餘數名以備各項事故補用至多仍不過倍從之

○禮部左侍郎王綬以病解任轉禮部右侍郎萬承風為左侍郎調兵部左侍郎戴聯奎為禮部右侍郎轉兵部右侍郎邵自昌為左侍郎以署戶部右侍郎阮元為兵部右侍郎予四川陣亡鄉勇劉金俸等一萬七千九百二十九名賞卹如例○旌表守正被戕安徽六安州民魯代宗妻魏氏○丁卯諭內閣溫承惠奏永定河埽段加增料物不敷購辦懇請酌添銀兩一摺所奏非是各省工程料

物部中遵照定例覈銷一切例外加增之款在所必駁如果工程緊要料價實昂則部駁上時朕仍格外施恩量加允准若外省所奏情形不確迹涉冒濫即部臣不加覈駁又豈能妄邀允准永定河南北兩岸工程歲修搶修銀原共祇二萬二千兩迨嘉慶七年那彥寶在彼辦工之時曾奏請增添歲修搶修銀二萬二千兩數已加倍原因六年異漲非常年所有彼時該處兩岸附近村莊產料不多

一切添辦埽工購運實屬不易是以特旨允准自增添以後不過數年今溫承惠又以兩岸險工續添新埽需用料物加鑲軌欲再增歲修搶修銀一萬八千兩似此逐年增添伊於何底永定河距京甚近設真有險要工段所需料物較多朕何難立派大員前往查辦今若以尋常工段動議加增易滋冒濫之弊所奏不准行溫承惠著傳旨申飭○以故四川下瞻對安撫司巴爾袞孫工布桑朱阿招

土百戶業坐弟黑坐綽司甲布宣撫司雍中

蘇巡撫汪日章奏密飭糧道及各州縣於徵收時詳加察看米色得旨小民具有天良豈有交醜米之理然不肖州縣盤剝刁難收好米之價易醜米上兌此弊不可不除汝等大吏總勉求察吏自然諸弊漸革矣○江南副總河徐端奏感悚下忱得旨汝深諳工程必應與戴均元一心一念如辦家事利害同之

方能濟若知而不言言又不盡欺朕即是欺

天陷人即同自陷思之戒之

大清仁宗受天興運敷化綏猷崇文經武孝恭勤儉端敏英哲睿皇帝實錄卷之一百八十八

大清仁宗受天興運數化綏猷崇文經武孝恭勤儉端敏英哲睿皇帝實錄卷之一百八十九

監辦總局經提日議起程官太子傳武英殿大學士等附轎開始行祭奉一上諭將舊曆理工部舊曆輪船由實政學堂隨帶
加二級奉旨向順直督缺銷載官太子保文開辦於主管理利事務和武級舊曆九月禮送日議起程官太子少保內大臣文開復奏

上諭事件處協辦大學士戶部尚書翰林院掌院學士教習庶吉士總管高務府大臣鑲黃旗滿洲都統兼管旗務理戶

部二庫奉宸苑介衛園等處總理工程處御茶膳房御藥房太醫院西洋堂事務軍功處總辦部二級尋常部十三級紀錄二十一次

英和經道謨官太子太保禮部尚書工部尚書房行走武英殿總裁管理國子監事務加六級隨帶加二級紀錄四次臣江廷珍等奉

軟修

嘉慶十二年丁卯十二月戊辰朔

上幸北海閱冰技○諭內閣據都察院具題。察
議吏部呈進本章書寫錯誤。請將不加詳對
之司員罰俸一箇月。堂官照例免議一本。所
議非是。吏部具題本章將年月繕寫訛舛。經
朕披閱指出。隨據慶桂奏請將該部堂司各
官交都察院分別察議。如果該堂官無庸置
議。朕於慶桂奏請處分時。即已加恩寬免。何
必復照所請交都察院察議。若謂繕本錯誤
堂官處分例得寬免。都察院具題時亦應於

本內聲明雙請祇候朕裁方協恩出自上之義乃竟擅請援例寬免殊屬率意除照所議將不加詳對之吏部司員罰俸一箇月外慶桂瑚圖禮鄒炳泰桂芳本係自請察議著加恩寬免都察院堂官於交議事件未能妥議具題均著罰俸一箇月嗣後遇有似此例應免議者著於覈議題本內聲明雙請候旨遵行 賞山東等省鄉試年老諸生張遵健等四百七十四名舉人副榜有差 補予四川

陝西湖北軍營歷年防堵未邀獎敘之都司張鑑等八十一名加級紀錄有差己已諭內閣馬慧裕奏查閱河南省營伍情形分別獎賞革休一摺據稱該省有從前投効軍營出力邀賞銜品部議降等以把總外委補用各員現查南陽鎮標及鄧新營均有此項人員內惟一二人弓馬可觀餘俱不諳營務念其隨征曾經出力請留營學習二年期滿再行甄別等語此項軍營投効各員從前功竣

時原因其稍有微勞特照原賞銜品降等以營弁補用俾資造就今據該撫查明豫省各員弓馬多半平常自應留營學習惟馬慧裕定以二年為期較之世職人員發標學習三年報滿之例尚覺稍嚴各該弁技藝既屬生疏正須寬以時日俾得從容訓練今定以二年為期過迫設屆時練習仍未精熟遽行斥退豈不阻其上進之志所有河南省此項候補把總外委各員著即照世職人員之例均令其在營學習三年期滿甄別如果練習有成即咨部挨次拔補其實在不能當差者亦著給予原銜頂帶飭令歸農隨時報部存案並著兵部行文川陝楚等省凡有此項員弁均即照此辦理○又諭給事中嚴烺條陳漕運事宜一摺朕閱所奏各款內如淮安盤驗宜加迅速一款向來南漕御史俱在瓜儀一帶督催漕船此外遇徒陽挑挖運河閒須過江查勘並無須該御史往蘇州一帶迎提漕

船之例近年來該御史等往往以迎提漕船為名越境遠行實多騷擾嗣後著查照定例毋許遠涉所有江蘇及浙江各幫即照該給事中奏責成江蘇巡撫就近嚴催其南漕御史應於幫船到淮之時會同漕運總督迅速盤驗以免渡黃稽緩又糧船喫水宜按照定例一款糧船喫水例不得過四尺近緣旗丁等於例外多帶土宜以致喫水過多行走紆緩甚至停泊售賣到處稽遲著照該給事中所請交漕運總督及沿途催趲各員申明定例毋得多帶貨物任意停留又漕標委員不宜太多以防滋擾一款所論甚是漕船出境入境除巡漕御史之外又有沿途地方文武節節提催已為周密該漕督即因幫船過閘之時閒須委員照應亦屬無幾乃據該給事中所奏近因漕標効力人多營求差使遂至紛紛派委本年多至八十餘員殊滋流弊此輩營求前往不過圖得饋遺索借資斧又

因派委分駐各閘即經手雇覓夫役尤得乘便浮冒甚為旗丁之累不可不大加刪減即如本年漕運節阻滯此八十餘員亦不過袖手旁觀何益之有嗣後該漕督不得任意濫委閒有不得不酌派數員前往照料之處亦祇許令其協同催輓毋得經手雇覓夫役以杜弊竇又直隸鄭家口地方宜派專閘大員駐劄專催一款故城縣鄭家口地屬直隸是以臨清德州兩處武員或在鄭家口以上

或在故城縣以下分投催趲獨於該處糧船停泊俱不過問不無遷延情事亦著照該給事中請交直隸總督每歲派委叅遊大員專駐該處催趲又所奏臨清衛守備向來駐劄濟寧請於每歲新漕北上之時飭令移駐催趲一款亦屬可行至所稱東境閘河期限太寬宜量為嚴緊一款所奏非是糧船出閘入閘定限四十二日其閘上水下水遲速難齊風色尤無一定若如該給事中所請自臺

莊至分水口定限二十日下至臨清定限十二日在下水風順之時原可迅速催趲無誤限期但設遇上水頂風牽輓費力又豈能一律如限適年各處催趲情形不遺餘力所有糧船入閘出閘祇須於統限無逾已為妥速若再事嚴緊恐窒礙難行仍屬有名無實也又諭興安奏新漕進倉向例派有都統或副都統一員專任彈壓稽查出入嗣經部議裁汰恐倉門無人稽察倉書花戶等或致有

虛出虛入偷漏影射之弊請仍復舊制派員彈壓等語所奏殊不可行向來新漕進倉例由該倉監督監量掣欠而隨時又有查倉御史親赴稽查定制本已嚴密至都統副都統等惟本旗支放甲米乃其專管如果伊所轄叅佐領內有藉端訛索剋扣並攬雜醜米等弊即應據實查叅在彼彈壓尚屬有益若京倉進米本非該都統等職分管轄之事何由向彼稽查且倉廩甚多該都統等又如何輪

流巡視乎該御史所奏從前定例如何每倉簡派及後部議又因何裁撤之處著交戶部詳查舊案酌議具奏尋議查定例在京各倉每倉或都統或副都統各派一員御史一員專任稽查後於乾隆五十九年酌定章程各旗都統副都統俱行停止嘉慶九年鑲白旗領米滋弊復經申明舊章在案該御史所奏應無庸議從之○諭軍機大臣等吳熊光奏遵旨查覆一摺據稱前次錢夢虎追捕匪船

起獲五千斤大礮及二千斤等大礮現訊據盜犯周大石二等供稱此項大礮委係盜首烏石二等從前在安南得來分給各盜船上其一千斤以下礮位內有鑄嘉慶年分製造字樣必係礮臺失事時被該犯等搶去等語所奏均係實在情形自可無庸再行查辦至所稱經提臣訊據陳沛區供認同余占芳前赴周大石二盜船說合賣船一事余占芳現在未獲請將應行發遣之陳沛區陳七貴二

犯暫行監禁以便緝獲余占芳時質訊明確再行辦理等語盜匪在洋日久未能翦除淨盡總由於私賣船隻之人暗中接濟甚為可惡所有余占芳一犯吳熊光即飭所屬勒限嚴緝務獲審明按律嚴辦以懲姦究至摺內稱盜船往來逗遛始得交通岸匪若師船躡蹤緊追不予以暇自無所施其伎倆是欲斷接濟必須趕緊修造船隻出洋追捕等語此則非是盜匪水米火藥多係岸上匪徒與盜

素識私相交易並非盜匪等不時登岸始有接濟總當飭令各海口文武密為巡查嚴拏重懲庶岸匪各知斂迹自可斷絕接濟若如所奏多造船隻出洋追捕緊躡盜蹤不予以暇不但盜匪在洋無如許船隻逐一跟躡且洋面沙線不同風信靡定亦斷難令某號兵船指躡某盜船之理試思盜匪若不認識岸上匪徒突然前來購買水米火藥孰肯賣給此斷禁盜匪接濟必在岸上嚴查固其藩籬

乃為正辦現在福建嚴禁各海口接濟即辦有成效粵省自應一律辦理或地方官恐查禁不周藉口兵船追蹤不力豫為卸過地步該督慎毋為人言所惑所奏斷不可行將此諭令知之兩廣總督吳熊光奏擒獲盜首出力人員縣丞錢應時等升賞加銜有差命病痊直隸布政使慶格以三四品京堂補用予福建出洋淹斃副將藍嘉瑛祭葬世職如總兵陣亡例湖北甘肅四川陣亡遊擊

趙大用把總石得明外委田增福邱世貴祭葬加等世職如例兵丁宋天雲等二十四名鄉勇李欣然等五十九名賞卹如例戶部議准雲貴總督兼署雲南巡撫伯麟疏報嵩明建水武定三州縣開墾田一項三畝有奇照例升科從之庚午

上幸瀛臺閱冰技旌表守正被戕貴州麻哈州民陳尚義妻王氏辛未諭軍機大臣等阿林保等奏舟師攻勦蔡逆幫船得獲勝仗

一摺所獲賊目王澤江金二犯及其餘各夥犯阿林保等現在提審先應暫緩正法該賊目等既係蔡逆得用之人必知蔡逆虛實須向其一一研鞫聞蔡牽久服鴉片形容黑瘦是否已在垂盡從前曾否受傷輕重若何該逆終日在船所作何事其窮蹙光景究竟若何船內鉛彈火藥口糧等件現有若干其接濟者係屬何人在於何地其船上牛皮魚網遮蔽之物用何法可以攻破現在蔡逆黨與

其有名賊目如王澤江金者尚有若干是何名姓俱令一一供寫至蔡逆既有往三盤地方修蓬之說究竟該處沿海奸民平日與之往來勾通修理賊船者係屬何人其住址姓名該賊目必知詳細一經訊出之後一面將該奸民等密行查拏按名懲辦以上各情節阿林保等當逐一熬訊毋任狡延統俟訊明確實再將各該犯分別正法至現在蔡逆向東逃竄李長庚已率舟師往追務須督飭各

鎮將等上緊跟追不予以暇以期一鼓殲渠仰邀懋賞一經拏獲仍遵前旨用六百里馳奏其溫州一帶口岸此時尤關緊要阿林保現飛飭地方水陸營員嚴密防範所辦甚是總當將賊船接濟杜絕淨盡勿任絲毫透漏為要將此諭令知之以攻勦蔡牽生擒賊目多名總兵官許松年等下部議欽以故輔國公成寬弟成秀襲爵輔國將軍綿僧子奕交襲二等奉國將軍以左春坊左庶子法式善充日講起居注官壬申

上詣

大高殿行禮○幸北海閱冰技○雲南臨安府屬納樓茶甸副長官司普澤因老病告替以其姪孫承恩襲職○旌表守正捐軀河南林縣民劉領羣妻牛氏上蔡縣民雷協時女雷氏○癸酉

孝惠章皇后忌辰遣官祭

孝東陵○諭內閣朕因近日臣工性耽安逸者

多殊非夙夜在公黽勉趨事之道節次訓諭不啻再三前此因迎送

玉牒一事二三品大員內多有無故不到者當經交議示懲以為偷安者戒昨又因恭移玉牒於

壽皇殿尊藏王公大臣等例應敬謹恭送當派乾清門侍衛前往查記朕意經前此降旨懲處之後諒不敢仍前玩忽乃經該侍衛等往查尚有未到者當令軍機大臣等詳悉查明

除實有別項差使未到之員無庸置議外凱音布無故不到應行議處瑚素通阿上次迎送未到此次又復報稱患病本係兩次不到但其患病屬實著與凱音布均照前次部議罰俸九箇月示儆至裕興前次迎送不到業經議處此次又復無故不到是其安逸性成難望精神振作裕興人本平常於差使又復懶惰不必再行交議所有伊正黃旗滿洲副都統散秩大臣管理圓明園八旗內務府三

旗事務俱著全行革退仍留公爵令其照常上朝此係朕策勵臣工振飭積惰積習慎勿再事因循聽之藐藐有員諄諄訓誨至意○又諭朕披閱勤平三省邪匪方畧內載慶成自派往軍營後隨同帶兵尚屬奮勉並帶有舊傷是以節次加恩用至將軍伊上年陛見來京朕於召對時詢以曾否賞戴雙眼花翎原因其從征有年素著勞績欲俟詢問明確後優予恩施不料伊希圖朦混妄稱曾經賞給竟自蹈欺飾之咎特將伊遣戍示懲本年復經加恩賞給藍翎侍衛授為圍場總管今追溯前勞念其獲咎之由祇為急於邀恩起見尚非必不可原慶成著格外加恩賞給二等侍衛仍充圍場總管以示朕獎勵或行有功必錄至意○又諭朕披閱勤平三省邪匪方畧從前湖北辦理軍需該督撫任聽局員濫支濫應而於餉項缺乏之際又不肯據實陳奏輒以通融辦理為能嘉慶五年間朕因

該省久未請餉曾經降旨詢問並不待該省奏請即行頒發餉銀撥給鄰省米石截留漕糧俾資接濟彼時倭什布於糧餉撥到之後又不以時給發遂致兵勇等向民間勒索任意滋擾幾至貽誤經朕降旨將倭什布革職逮問大加整飭而昨據汪志伊章煦奏到湖北省積年未清倉庫錢糧摺內敘稱各州縣現在短缺之數多至六十八萬餘兩聲明致虧之由係因承辦軍需積久賠墊是彼時伊等所謂通融辦理者不過將倉庫錢糧任意挪用其閒浮支濫應無所不有皆係取給於此今計算節次所發湖北餉銀不啻數千萬兩而現在查覈倉庫又復因此虧缺在現任各員皆係接收厯任交代尚非本任虧短將來不過責令分賠已足示懲至從前經手之員率意挪移帑項其咎甚重非僅著落賠補即可免罪著交汪志伊等查明彼時經手各員除劣蹟昭著如胡齊崙業經抵法外其現

在該省各員如有承辦軍需擅動倉庫虧缺數多為衆所共知者著汪志伊等秉公確覈即行指名叅奏治罪以示懲儆○又諭通政司副使閻泰和奏請清查外省冒籍一摺據稱山西省近年以來南省士子接踵冒籍考試入學補廩者相繼而起其中獲登科第身任職官者亦不乏人請飭交山西巡撫嚴令地方官實力查禁等語冒籍混考希圖倖進之弊不獨山西為然各直省恐亦在所不免自應一體飭禁以杜弊混惟是欲嚴冒籍之禁必先端始進之階士子報名應試總須本籍廩保出結方准與考即由捐納等項出仕者亦必有本地方官印結與其紛紛查辦於事後曷若慎重於事先嗣後各直省督撫應飭令地方官於士子考試出仕之初實力查禁俾冒籍者無可僥倖其業經中式及現任職官准其自行呈明應改歸原籍者照舊例行將此通諭知之○調正藍旗漢軍副都統

景燭為正黃旗滿洲副都統以科布多叅贊大臣扎克塔爾為正藍旗漢軍副都統○甲戌

上幸北海閱冰技○諭內閣工部議覆富俊奏請造送水師戰船並催解應需修理船隻物料以重海防一摺金州水師營戰船十隻於嘉慶十年即應將三號六號船二隻照例大修所需物料等項先據該將軍題請行文浙省辦解經工部題覆咨取至今三年之久節經該部嚴催並不趕緊運送以致修理遲延船身軋朽殊屬懈玩試思部臣數覆題奏依議准行各事宜即與特旨交辦之件無異前經諄切訓諭何以仍視為具文外省積習相沿即此可見所有此項應需大修船二隻因日久遲逾已須另行拆造即照部議行令閩省如式趕造於來年迅速解送金州水師營應用其浙省承辦遲延及督催不力之各上司職名著該撫查明咨部分別議處所有本

年應行大修頭二四五號戰船四隻所需料物匠役業於上年題請行取亦未據該省解送並著迅速委員起運無再遲緩嗣後各部院題奏准行之件儻外省並不作速查照遵辦任意遲逾屢催罔應一經叅奏必當從嚴懲處不貸將此通諭知之○諭軍機大臣等吳熊光等奏查照御史鄭士超陳奏粵東吏治情形各款分別覆奏一摺據稱粵東民風獷悍外洋內河節次嚴飭舟師巡緝獲犯痛懲而盜蹤終未能淨盡其商漁船隻或因滄波浩淼之中救援不及匪船得以肆行無忌若沿海港口要隘則有舟師巡緝其餘亦有營汛礮臺向未聞有盜犯公然設立稅局之事等語所奏自係實在情形所稱關書王洪即王鏐上年七月間在香港縣燈籠州洋面遇賊被劫嗣因賊匪聞擊畏懼並查知王鏐係關口書辦即行放回並非地方官出銀代為捐贖一節現在傳詢阿克當阿與該督等

所奏情形大畧相同惟所奏清遠縣民王水生又英德縣闕姓二十餘家被劫之事該督撫衙門均無報案等語王水生及闕姓二十餘家據該御史奏姓名住址確有可據似非全屬子虛何以該督撫衙門並無報案或該縣等因規避疏防處分諱匿不報亦未可定該督等現已飭屬密查如有前項情弊即著據實嚴叅至棍徒開設賭局每年收納贓銀一節該督等以責令地方官查拏仍恐有名無實現已密委明幹之員分投密訪等語匪徒設局聚賭若果吏役等營私包庇收受陋規實屬大干法紀必須查明嚴辦以示懲儆該督等密委明幹之員所委用者仍不外地方官吏恐其中貌似有才實則扶同支飾徇隱轉不能訪察得實不如遴派誠樸之員令其據實查報以期水落石出又鴉片烟一項亟應嚴禁現在閩粵等省私行銷販者甚多近並有攜至京師售賣者最為風俗之害該

督等現已通行飭禁。惟當嚴密稽查。杜絕母任透漏。其錢糧積弊一節。該督等查明並無陽山縣民人控告浮收之案。但該御史言之鑿鑿。自己確有見聞。該督等現復委員往查。設果有重斂虐民之處。即著從嚴參辦。以肅官方。總之該督等身任海疆。重寄於地方吏治。洋面捕務。均須逐一加意整飭。無任怠玩。廢弛。方為不負委任。又據另摺奏請飭禁洋錢一摺。江浙閩廣等省行使洋錢。相沿已久。民間稱便。若遽紛紛飭禁。槩令傾鎔。無論勢有難行。且恐徒滋擾累。激生事端。所奏不可行。至所稱出洋鉛斤。予以定限。或暫行停止一節。白鉛為鼓鑄所需。向例未禁出洋。自當定以限制。已另降諭旨。交該督會同監督常顯體察情形。妥議章程具奏。其詔梧兩關。並著吳熊光一併查覈具奏。將此諭令知之。

戶部議准。陝甘總督長齡疏報烏魯木齊塔西河所開墾地三頃九十畝。有奇。照例升科。

從之 乙亥

上幸瀛臺閱冰技。以故歸化城土默特輔國公索諾木旺扎勒子濟魯布襲爵。丙子。諭內閣。本年屆應舉行軍政之期。兵部將在京之都統護軍統領副都統左右翼總兵鑾儀使內務府護軍統領在外之駐防將軍都統副都統領隊大臣提督總兵。分晰開繕履歷清單。進呈朕詳加披閱。內盛京將軍富俊自簡任以來。潔己奉公。辦理地方諸務。俱能認真。於所屬營伍。亦能勤加訓練。前年朕恭詣盛京。祇謁

祖陵。又閱二載。該處地方情形。甚為寧帖。自由該將軍經理得宜所致。著加恩交部議敘。西安將軍德楞額。泰因上年辦理寧陝叛匪事宜。未能妥協。革職留任。八年無過。方准開復。現在已閱年餘。陝省地方極為安輯。所有伊犁革職留任處分。著加恩開復。伊犁將軍松筠。簡授迄今六載。安詳鎮靜。邊境救寧。伊前在尚

書任內本曾加賞官銜嗣經緣事革退茲仍加恩賞給太子少保銜副都統豐紳殷德前曾賞給公銜因被奎福控告止有一款屬實其餘重款皆虛當經革去公銜仍留三等輕車都尉上年復擢任副都統已及一載伊係固倫和孝公主額駙著加恩賞給伯爵銜副都統托爾歡阿爾綢阿俱年逾六旬人亦平庸著以原品休致餘著照舊供職○又諭御史宗室綿鼎奏請將滿洲蒙古舉合於會試三科後歸入選班以知縣銓用者照漢教習知縣之例定以限制酌量分發各省一摺所奏非是八旗滿洲蒙古以清語騎射為本務其名登科目者向係依次銓選並無分發各省之例緣恐此端一開則八旗士子一經名列賢書輒思出膺民社希圖外用而於清語騎射轉致荒疏不惟沾染漢人習氣罔知勤習本業且一時不能得缺於銓補仍形壅滯該御史係屬宗室不應率為此奏著傳旨申

飭原摺擲還○又諭步軍統領衙門奏聞散宗室圖克坦持刀戕傷康德祥請將圖克坦解交刑部審訊一摺據所錄供詞康德祥素呼宗室圖克坦為趙大等語滿洲本無漢字姓氏市井之徒因百家姓趙字居首即以趙字為宗室之姓又因宗室身繫黃帶復以黃字為宗室之姓此誠相沿陋習殊屬非是若不將宗室等嚴加訓導益失滿洲舊規嗣後宗室如有以趙字黃字為姓者必當痛加禁止儻經此次嚴禁後仍蹈陋習即指名嚴參從重治罪○以頭等侍衛玉福為正白旗蒙古副都統火器營護軍叅領巴靈阿為正白旗漢軍副都統○旌表守正捐軀四川太平廳民蕭泳超女蕭氏○丁丑上幸瀛臺閱冰技○戊寅諭內閣據馬慧裕奏熊之書前在豫染患瘋癲未經據實奏請將伊嚴行治罪一摺熊之書前在豫省忽向馬慧裕稟稱曾奉特旨賞給圖說講解易經

馬慧裕察知該員係屬瘋病妄言。即應據實
參奏。治以應得之罪。熊之書自當俯首無辭。
乃含糊具奏。於該員瘋癲情狀及誕妄言辭。
概未詳悉。聲欲僅以該員染患瘋疾。奏請勒
令回籍調理。仍請病痊驗明起用。經朕特旨
勒休。該撫接奉後。不即將熊之書勒令回籍。
任令在豫逗遛。又不嚴行管束。聽其來京填
砌癲辭。呈遞奏摺。經廣興於召對時奏出。熊
之書從前在豫妄言之事。傳旨飭詢。馬慧裕

始據實覆奏。自請治罪。馬慧裕辦事實屬疲
軟無能。咎無可辭。現在豫省尚有查辦事件。
未經定案。馬慧裕著先交部議處。○又諭富
俊伊。沖阿。奏。拏獲私買朝鮮米石民人。並嚴
審坐卡官兵情形一摺。此案趙玉富等。以內
地民人膽敢與外國奸商違禁買賣。坐卡官
兵等本有查拏之責。乃敢得受錢米。知情賄
縱。實屬藐法。著將坐卡官委驍騎校穆騰額
領催雙住兵明山。明喜。達七那。依拉那。諾欽

布都隆太。扎庫那。均行斥革。並將現獲之買
米民人趙玉富。尤貴之父。尤得祿。及在逃之
周得明。尤貴。嚴行緝獲。一併交伊。沖阿。會同
穆克登額。嚴切究訊。將如何勾通。販運私買
違禁貨物。及是否尚有合夥逸犯。徹底根究。
嚴行定擬。並將從前在獐子島私與朝鮮貿
易之在逃奸民朱張兩姓。究出實在下落。嚴
拏務獲。研訊彼時坐卡官兵等。有無賄縱。脫
逃情弊。至此案該管之邊門章京禮部贊禮

郎吉蘭圖。署界官驍騎校達蘇泰。毫無知覺。
非尋常失察可比。吉蘭圖。達蘇泰。均著革職。
城守尉永本。雖屬失於覺察。但此案究係伊
查拏。著加恩免其嚴議。仍交部議處。○己卯
諭內閣。德文。李鈞。簡奏。調劑倉儲一摺。此項
梗稜米四十餘萬石。本應運送京倉。上年廣
音。李鈞。簡率准分貯通倉。本屬非是。迨廣音
李鈞。簡具奏。欲將京官俸米改歸通倉支放。
經軍機大臣議駁。嗣伊等復行瀆請。朕又特

降諭旨。不准所行。該侍郎等於上年接奉此旨。自應即將此項米石。迅速轉運京倉。以憑支放。乃遲之又久。直至本年漕運報竣。始飭經紀人等轉運京倉。以致冰凍既堅。不能舟運。而陸運又多折耗。該役力難賠墊。不得不設法調劑。皆由賡音李鈞簡辦理不善所致。賡音李鈞簡著交部議處。其應如何酌令官員等暫行在通支給俸米。以資調劑之處。著交戶部悉心妥議具奏。尋議請將王公大員應支江白次三色。一半以稷米抵放。一半仍支本色粟米一項。全以稷米抵給。文職四品。武職及世職三品官員。暫改通倉關支。約計自嘉慶十三年春季起。至十四年秋季止。其文職五品。武職世職四品官員。仍照舊在京倉支領。至所餘稷米二萬餘石。稷米十餘萬石。查通倉每年俸甲米檔內。俱有應放稷米。粟三項米石。請勅下倉場侍郎於新漕抵通。將例應派貯通倉之稷粟三色。全數扣除。

分運京倉。其通倉應支稷米二色。概以積存之稷米支放。應支粟米一項。全以稷米抵給。俟此項積存之米抵放完竣。再行照例派貯。嗣後不得援以為例。從之。○旌表守正捐軀江蘇金壇縣民譚吉山妻吳氏。庚辰諭內閣。伯麟奏雲南石屏州生監書差冒領社倉穀石。並供出前任正署州牧及官親家人。均有需索受賄情弊。一摺。社倉穀石。係民間自行捐貯。以備無力農民借作籽種。春借秋還。例不許官吏經手。以杜侵虧冒領之弊。乃石屏州社倉穀石。節年被生監書差串通冒領。其無力農民借領轉少。且官親家人膽敢收受使費。兩次共錢三百八十餘千文。並據貢生任澍宇供出正署兩任知州孫儀劉先俱曾得受賄賂。如果屬實。均屬大干功令。所有案內之貢監生員。概行革去衣頂。著交伯麟提集已革石屏州知州孫儀前署石屏州試用知縣劉先。及一千應訊人證。嚴審確情。

定擬具奏。辛巳諭內閣值年旗彙奏八旗兵丁本年一年內並無私自放借重利債。及典賣米石等語。此奏不過虛應故事。本日據刑部審明。鑲藍旗滿洲馬甲保祿向領催平德借貸五分子利債。又託平德向開堆房民人林作楷指米借錢。一案可見八旗查報該管兵丁並無私自放借重利債。及典賣銀米。竟屬虛言。俱不可信。該都統等平日並不實心查辦。惟於年終照例咨報值年旗。而值年旗

實錄卷

七

亦照繕歷年奏摺塞責具奏。不問可知。推原年終彙奏本意。原恐八旗兵丁私向奸民借用重債典賣米石。以致子母盤剝。生計困乏。不獨為查禁八旗兵丁私自放借重債典賣銀米而已。現在八旗兵丁有力放債者甚少。其向奸民借貸重債私典銀米者。不無其人。著交八旗都統督率該叅佐領等。不時認真查禁。儻兵丁等有向民人借重債典銀米者。一經查出。即行叅奏。掣交刑部照例治罪。勿

得仍前並不查禁於平時。惟於年終一奏塞責也。壬午裁江南提標中營把總外委左營千總額外外委前營把總外委後營千總額外外委各一員。添設川沙吳淞二營千總。把總外委額外外委各一員。裁提標中左二營兵八十名。前後二營兵八十名。松江城守營兵八十名。分添川沙吳淞二營。移原防川沙吳淞礮臺外委一員。把總一員。兵四十名。分駐黃家灣三尖嘴。從總督鐵保請也。

實錄卷

八

大清仁宗受天興運敷化綏猷崇文經武考恭勤儉端敏英哲睿皇帝實錄卷之一百八十九

大清仁宗受天興運敷化綏猷崇文經武孝恭勤儉端敏英哲睿皇帝實錄卷之一百九十

監修總裁臣等謹將嘉慶二十二年丁卯十二月癸未諭內閣禮部具題入祀鄉賢一本議駁原任左庶子汪學金所開事蹟內有齋居靜攝之語崇信二氏應請毋庸入祠崇祀所駁是國家鄉賢祀典必須品學端醇名實相副者方准入祠汪學金供職詞垣學問尚優其事實無可表見若以其靜攝齋居附諸俎豆馨香之列恐鄉閭爭相慕效漸開崇信二氏之端於祀典誠未允協近日各直省呈請入祀鄉賢者過多不免冒濫此中應議駁者未必止汪學金一人

嘉慶十二年丁卯十二月癸未諭內閣禮部

具題入祀鄉賢一本議駁原任左庶子汪學金所開事蹟內有齋居靜攝之語崇信二氏應請毋庸入祠崇祀所駁是國家鄉賢祀典必須品學端醇名實相副者方准入祠汪學金供職詞垣學問尚優其事實無可表見若以其靜攝齋居附諸俎豆馨香之列恐鄉閭爭相慕效漸開崇信二氏之端於祀典誠未允協近日各直省呈請入祀鄉賢者過多不免冒濫此中應議駁者未必止汪學金一人

特所開事蹟無可指摘之處姑照所請行嗣後各該督撫學政於呈請入祠各員務當於所列事蹟確加查覈其實在品行端方學問醇粹者再行題請彙議以示朕循名責實之意○以故一等公豐紳濟倫子富勒琿凝珠因病告替一等子鄂齊爾子阿拉布坦馬肇永子庭萱故一等男德昌子倭清額各襲爵故一等公德勝子慶玉降襲一等男爵○以故喀爾喀右翼鎮國公丹津多爾濟子噶爾桑車凌襲爵○以內閣學士周興岱為兵部右侍郎刑部左侍郎韓壽署戶部右侍郎○以兵部尚書劉權之戶部左侍郎托津工部左侍郎周兆基署經筵講官○降河南巡撫馬慧裕為內閣學士兼禮部侍郎銜調浙江巡撫清安泰為河南巡撫以兵部右侍郎阮元為浙江巡撫○以湖南長沙協副將滿倉為福建汀州鎮總兵官○予江蘇故詹事府詹事張鵬神翰林院侍讀邵嗣宗檢討夏之

容御史夏之芳張敦培雲南永昌府知府周際清訓導華希閔安徽故州同高珠歲貢生江永山東故山西潞安府知府張淑渠陝西故恩貢生王夢祖四川故貴州石阡府知府羅文思入祀鄉賢祠從巡撫汪日章初彭齡長齡方維甸署總督特清額等請也○旌表守正捐軀湖北鍾祥縣民魏蔭女魏氏○甲申

上御乾清門聽政○諭內閣兵部議駁溫汝逆

條奏武闡詳覈內場一摺所議甚是國家設科取士文武分途武闡以騎射技勇為重其內場新定條例試以默寫武經不過使之粗曉文義即可備營員之選立法已為妥善若如溫汝逆所奏必欲令武場士子研究論孟精義其才質所限恐強以所難轉致將本業荒廢殊失分科造士之意溫汝逆所奏實屬格礙難行該員籍隸粵東本省應奏之事甚多乃專摺敷陳為此迂腐之論除照部臣議

駁外溫汝逆仍著飭行○又諭都察院奏詢明巡視東城御史楊世英奏御史富爾瑚訥於民婦王魏氏控案業經審結復行責處一案請將富爾瑚訥交部照例議處並請將富爾瑚訥楊世英一併徹退城差一摺此案王魏氏與伊堂姪王李貴互相控告富爾瑚訥等以王魏氏之夫王漢貴身故原籍無可依靠聽其相依母兄在家守志復恐伊姪王李貴藉送柩為詞侵吞借項勒令將王魏氏

夫柩送回原籍伊二人公同商辦結案並無不合乃富爾瑚訥於此案既經發落之後以該氏不在伊飯廠呈訴反至漢御史飯廠呈訴疑係有意輕忽復以該氏不肯隨伊夫柩回籍出言呵責將王魏氏掌責並疑該氏胞兄魏二唆使將魏二責打三十板實屬任性楊世英於飯廠聞知責打王魏氏魏二時有旁人叫好遂飭提無干兩人各責二十板亦屬挾私逞忿似此各存意見濫責無辜不惟

應徹退城差豈可復膺臺職富爾瑚訥楊世英俱著革退御史富爾瑚訥徹回原衙門以原官補用楊世英以六部員外郎補用仍均著交部議處以示懲儆○以故貴州平越州屬楊義長官司土官金坤子之元襲職○乙酉諭內閣據給事中周廷森奏京城各堆柵額設兵丁令其輪班晝夜巡守立法至為嚴密近年來漸就廢弛每於定更後擊柝兩三次旋各閉門安寢寂不聞聲甚或燈燭不設內外城一律如是以致竊案日多請勅令步軍統領衙門嚴飭各營員認真稽察等語京師都會殷繁五方雜處外來匪徒易於潛蹤向來各街市設立堆撥柵欄晝夜巡邏不容偶有疏懈今據該給事中奏西城一月中屢報有翻牆入室之案著步軍統領衙門嚴飭弁兵等嚴密巡防毋得久而生懈至該給事中請於冬三月初令左右翼總兵分班住劄外城稽察一節此可不必各堆柵巡夜支更

本屬弁兵專責該管提督總兵惟當認真整飭隨時教誨自不致日久廢弛豈必身親住宿該處方足以資彈壓即如現在該提督總兵皆在內城住劄而內城弁兵亦不免有偷安怠惰者豈外城一經有總兵駐彼營伍即頓然改觀乎嗣後著該提督總兵於所屬各弁兵實心督察並日閒隨時親赴外城逐段稽查以肅營伍而戢奸宄轉不必紛更定制也諭軍機大臣等前因江西萬載縣棚民占籍一案屢控不休並有斂錢阻考之事降旨交鐵保秉公審辦本日據御史鄒家燮條奏以棚民願合者欲占學額土民願分者欲杜紛爭分考可以無事合考恐致流弊請如禮部原議照廣東新安新寧客童土童互爭另設客籍之例辦理庶杜爭端等語棚民土民總因合考致釁自嘉慶八年辛梅臣赴京呈控之後屢審屢翻未成信讞甚至該處紳衿斂錢阻考大啟地方刁詐之風實不成事

前據鐵保奏到訊問勒休知縣孫馨祖狡猾不承已降旨將伊革職交與該督研訊如果孫馨祖實有主謀罷考情事則地方劣紳自當按律懲處以儆刁詐至於該縣學額關繫永遠亦應詳查議定以杜爭競該御史所奏請照禮部原議廣東新安新寧等縣另設客籍之例是否如此辦理可以永杜爭端並著該督會同江西巡撫學政詳查舊案確體輿情悉心妥議務須秉公覈辦不可稍有偏畸

以致定議之後復又紛紛具控不已也將此諭令知之○禮部議准貴州學政顧臯疏請裁永從縣學額文童二名武童四名增黎平府開泰縣文童各一名從之○舉行本年軍政稽查右翼保定等五處大臣所屬有疾官二員盛京將軍所屬卓異官三員罷軟官一員年老官五員有疾官三員才力不及官四員吉林將軍所屬卓異官四員弓馬生疏官一員年老官二員有疾官五員才力不及官

二員黑龍江將軍所屬卓異官一員罷軟官二員年老官四員有疾官五員年老有疾官一員江寧將軍所屬卓異官三員杭州將軍所屬卓異官二員西安將軍所屬卓異官四員罷軟官一員年老官三員年老有疾官一員才力不及官一員成都將軍所屬卓異官二員年老有疾官一員廣州將軍所屬年老官二員有疾官二員察哈爾都統所屬卓異官三員有疾官三員烏魯木齊都統所屬卓

異官四員罷軟官一員年老官一員有疾官一員密雲副都統所屬卓異官一員年老官一員山海關副都統所屬卓異官一員年老官一員青州副都統所屬卓異官一員涼州副都統所屬年老官一員分別議敘處分如例○予故輔國公崇尚祭葬如例○丙戌諭內閣阿林保等奏請捐賞琉球船隻遭風沈失該國王世孫銀兩一摺該國王世孫因來年有冊封使臣到國發交夷官銀五千兩備

辦迎接應用物件儀制攸關今因船隻在洋
遭風此項銀兩漂失該夷官等呈懇借給以
資購備自應加之體卹量予恩施所有該國
沈失銀五千兩著加恩賞給庫項銀二千五
百兩其餘銀二千五百兩准該省督撫司道
大員捐資發給均免其繳還用示懷柔至意
餘著照所請行○又諭吳璣等奏會勘牛頭
河應挑淤墊工段並添建涵洞土隄等工一
摺繪圖貼說進呈並將例幫價銀開繕清單

呈覽朕詳加披閱牛頭河北自南旺芒生閘
迤下南至南陽湖止舊河形間有積水淤墊
處所且閱圖內所繪來源僅有一線自應挑
濬寬深俾臻通暢既據該河督等會勘明確
估計挑淤及添建涵洞幫築土隄等費共需
例幫價銀五萬二千一百二十餘兩即照所
請於藩庫運河道庫內動項支發該河督等
務須督飭承辦之員妥速興修以期宣洩暢
注勿致日久仍淤復被占種工竣後一面具

奏吉綸即一面親往收驗東省距京畿甚近
或屆期另簡大員前往查驗亦未可定如有
草率偷減虛糜帑項等事惟該河督等及承
辦之員是問○又諭前據薩彬圖條奏請令
江浙辦漕州縣派收漕記書一人封帶米樣
到淮候驗當經降旨交該督撫詳查妥議茲
據鐵保等奏稱事屬窒礙難行請仍照向例
辦理所議甚是漕糧為天庾正供自應慎選
米色但米色之純淨全在州縣收兌之初如
果斛兌公平小民踴躍輸將何敢以醜米上
納總由地方官先藉挑揀米色為名多方勒
指及糧戶聽從浮折則又不論米色純雜一
律斛收而運弁復因此多索兌費但圖飽其
私橐亦置官糧好醜於不問今令州縣派記
書一人長途隨驗無論稽查難周實轉為弁
丁挾制州縣地步徒增擾累此事惟在有漕
省分各督撫及漕臣等實力督查仍遵照定
例漕糧未兌以前責之州縣既兌以後責之

弁丁交兌之時責成監兌官及該管道員秉公查驗如有濫收及抑勒等弊分別揭叅照例嚴懲自能肅清漕政無庸更定章程防弊適以滋弊也將此通諭知之○又諭吉綸奏審明秋審絞犯王蘭一起實有手足勾引情節一摺此案經刑部秋審具題時朕即以情節尚有可疑勅交吉綸詳細訊問今據該撫審明王蘭因圖姦翠姐時赤身潛入走近翠姐身旁將衣服被單用手向拉經翠姐驚醒喊罵始行逃逸是該犯實有手足勾引情事以致翠姐羞忿自盡果不出朕所料王蘭著補行予勾其未能審出實情之前任臬司李奕疇著交部議處現據該犯供稱當日解司時希圖得減活罪不肯將手拉情節吐實等語可見手足勾引關繫罪名生死衆所共知到案時孰肯遽行供認嗣後各省臬司於審訊此等案件惟當細心研鞠務得確情固不可聽其狡飾致有疏漏亦不得意存刻覈或

又稍有屈抑也將此通諭知之○又諭據秀林奏查出伯都訥所屬拉林河西岸地方流民私墾田地一千九百餘畝聚集人一千餘戶請將失察之副都統協領等交部分別議處等語伯都訥之拉林河西岸等處地方流民私墾田地至一千九百餘畝聚集人一千餘戶之多若一時全行逐回原籍該流民不惟棲止失所恐不免於飢寒著加恩將此項查出私墾之田分給流民仍照前次辦過成

案入於紅冊於明年起徵該副都統既失察於前又未能查出確數於後達斯呼勒岱不勝伯都訥副都統之任但念其前在軍營尚有勞績著加恩仍留副都統職銜即回原處以協領用至歷任副都統協領等俱著照所奏交部分別議處秀林係統轄之員亦有失察之咎著一併交部察議○軍機大臣等議駁兩江總督鐵保奏於揚州添設弁兵緝捕私鹽等款一摺得旨所駁是各省產鹽地方

凡遇私泉出入原應文武各官嚴行查拏江南淮揚通海四屬前於青山三江等處既經設有守備二員專司巡緝加以地方文武協同查拏果能認真辦理不肖匪徒自當斂跡若如該督等所請復於揚州府城添設鹽捕專營恐弁兵等希圖邀功或致滋生事端而地方各官轉以巡緝業有專員反得藉詞推諉於鹽務更屬無益且各省有官鹽地方若似此相率奏請添設徒滋紛擾嗣後該督等

惟當督飭地方文武各官實心緝捕俾私泉無從興販地方自臻寧謐不在多改舊章也○舉行本年軍政京營卓異官三員年老官一員有疾官一員才力不及官二員直隸卓異官十二員年老官一員有疾官四員才力不及官三員江南卓異官六員罷軟官一員有疾官一員才力不及官一員江南河營卓異官一員才力不及官一員江西卓異官四員年老官一員有疾官一員浙江卓異官九

員罷軟官一員年老官四員有疾官一員才力不及官一員福建卓異官十員罷軟官六員年老官一員有疾官二員湖北卓異官四員罷軟官一員年老官一員有疾官一員湖南卓異官六員不謹官二員浮躁官一員山東河營卓異官一員山西卓異官六員罷軟官一員年老官二員有疾官一員才力不及官一員四川卓異官六員罷軟官二員有疾官二員雲南卓異官四員罷軟官一員年老

官二員有疾官一員才力不及官一員貴州卓異官七員罷軟官一員年老官三員有疾官一員分別議敘處分如例○以故青海額魯特扎薩克郡王納罕達爾濟子達什忠鼐襲爵調墨爾根副都統伊鏗額為伯都訥副都統以故四川建昌道屬白桑土百戶蔥旺子澤旺諾布湖南石門縣添平所土千總柳河圖弟業圖各襲職○戊子
上幸北海閱冰技科爾沁扎薩克郡王敏珠爾

多爾濟等六人。喀爾喀扎薩克郡王達瑪琳扎布等十五人。杜爾伯特扎薩克貝勒齊默多爾濟等七人。喀喇沁輔國公色楞多爾濟等五人。青海扎薩克台吉棍布扎布等四人。土爾扈特台吉諾海等四人。額魯特總管博本等六人。阿克蘇三品伯克玉素布等三人。葉爾羌六品伯克伊斯喇木等六人。伊犁五品商伯克索丕之子等二人。暹羅國正使丕雅史滑里巡段亞排那車突等四人。琉球國

副使梁邦弼於神武門外瞻觀。諭內閣鐵保等奏舉監許控廳營侵冒旋復懇求詳銷請旨分別解任斥革審究一摺。此案文生詹學燧等以守備吳國棟通判潘禮承修石工以新作舊先後具控旋據自行呈明係屬意揣無從指實懇請詳銷復經文生王振祖等以詹學燧等起減自由明係賄和等詞續控經鐵保等飭屬研訊又據王振祖等稱認疑係暗中賄和並無實據等語。河工廳營各員

承修石工如果有以新作舊朦混侵冒等弊例應由該管上司隨時查察嚴叅懲辦該地方紳士事不干己其瀆控顯有別情况此次該舉監等始則控詞確鑿繼復堅稱無據呈詞反覆若非挾制官長即係藉端訛索此等劣生結習最為可惡必當徹底根究所有被控之揚河通判潘禮高寶河營守備吳國棟及原告之文舉新選青浦縣學訓導李廷鏡著分別解任扣留武舉邢天貴文生詹學燧

范榮賈樑捐職從九品戴懋著先行斥革頂帶交鐵保等提同全案人證嚴加訊問並一面委員查驗該廳營所修工段是否有以新作舊情弊無難查勘而知如審明所控屬實即著將該廳營據實叅奏而原告李廷鏡等希圖挾制索詐亦當治以應得之罪儻研訊全屬子虛則原告等把持誣捏肆意訛詐即按律從嚴定擬以懲刁風。己丑湖北巡撫章煦請假葬親允之以安徽巡撫董教增暫

署湖北巡撫安徽布政使郭雲布護理巡撫
○緩徵兩淮富安丁溪草堰劉莊伍佑新興
板浦中正臨興九場水災本年竄課○庚寅
上御撫辰殿大幄次賜蒙古王貝勒貝子公額
駙台吉及外藩使臣等宴並賞賚有差○辛
卯

上幸北海閱冰技○諭內閣戶部奏申定章程
嚴催積欠一摺據稱各省丁賦自嘉慶元年
起至十一年止除因災緩帶徵外仍有未完

銀八百八十六萬一千八百餘兩誠恐不肖
官吏有侵蝕虧挪情弊應將錢糧未完處分
嚴定章程如有叅限將滿例應降革者該督
撫不得代為推卸擅請調署等語各省丁賦
關繫度支經費國家生齒日繁費用倍增我
朝取民有制從無加賦之事惟藉此每歲正
供量入為出豈容積有虧欠乃江南等省自
嘉慶元年以來至十一年止尚有據報未完
銀八百八十六萬餘兩朕廑念民依凡稍有

災歉之區無不降旨施恩立予蠲緩現在戶
部摺內尚有各省緩徵帶徵銀三百八十五
萬餘兩不在此列小民具有人心於歲入正
供自當輸將踴躍即間有拖欠亦何至多至
數百萬兩總由地方官任意因循徵催怠惰
甚或有侵挪虧蝕情弊皆未可知而上司護
惜屬員往往曲為地步凡涉叅限將滿應催
降革處分則為之調署別缺俾接徵之員另
行開限州縣恃有此規避之法又復何所儆
畏無怪乎各省積欠如此之多也嗣後州縣
遇有錢糧處分叅限將滿戶部隨時知照吏
部不准調署他處如該上司違例調署者將
該上司一併叅處督撫等務當督飭所屬各
行激發天良於應徵款項按限催徵不得任
意因循罔顧國計將此通諭知之○又諭此
案富爾瑚訥前於責打王魏氏魏二之時楊
世英一同在署向其阻止富爾瑚訥堅執不
從徑行責打有妨楊世英顏面適彼時牆外

有人叫好。富爾瑚訥楊世英同飭役捉拏。迨拏到二人。楊世英並未訊明。即混行責處。顯係逞忿挾私。亦不留富爾瑚訥顏面。全非為公事起見。前此都察院於查明覆奏摺內。不將楊世英逞忿濫責之處。一併請交部議辦。理本屬疏漏。經朕詳覈案情。將該二員一體懲處。實權衡至當。即廷臣等亦俱以為平允。乃御史汪如淵。以都察院查辦此案外間傳言情節多未確實。請另行確訊等情具奏。當

令軍機大臣查辦。仍與都察院所訊情節相符。試思富爾瑚訥所責。尚係案內之人。楊世英所責。乃案外之人。彼時該二員一同飭拏。而濫責無辜。出自楊世英主見。曩其情節。即將楊世英處分重於富爾瑚訥。亦不為過。朕辦理庶政務在持平。將楊世英富爾瑚訥退去御史均行交議。尚有何偏倚。而汪如淵此奏。直有意袒庇楊世英。殊蹈官官相護惡習。此風斷不可長。汪如淵著交部議處。○予雲

南故御史錢澧直隸霸昌道張文達入祀鄉賢祠。從署巡撫雲貴總督伯麟等請也。○壬辰

孝莊文皇后忌辰。遣官祭

昭西陵

上詣

慈寧宮

壽康宮行禮。○癸巳。命儀親王永璘。成親王永理。慶郡王永璘。分詣

天神壇

地祇壇

太歲壇祈雪。○諭內閣。長麟奏校閱督標官兵馬步弓箭。輒弱者甚多。官兵弓馬亦多生疏。請將本標中軍副將劉管城。交部照例議處等語。甘省為邊圉重地。駐劄兵丁。應訓練精熟。以成勁旅。茲長齡奏查閱督標官兵。丁技藝均屬平常。除守備明志。照議革職。副將劉管城。交部議處外。倭什布前在總督任

內緣事獲咎節次降為筆帖式令其在烏魯木齊効力行走今查出督標營務廢弛伊實難辭咎倭什布著革去筆帖式以示懲儆布政使蔡廷衡屢經護理總督印務咎有應得亦著交部議處餘著照該督所奏辦理○賞廣東鄉試年老諸生梁燦等六十二名舉人副榜有差

上以歲暮裕祭

太廟自是日始齋戒三日甲午諭內閣阮元

等奏審擬已革勒休知府熊之書具摺參奏豫省大小官員演習翻禽侵欺舞弊等款一案逐加查究全屬虛誣惟彰德府知府黃鳴岐前在祥符縣任內捐升知府時虧欠銀一千二百餘兩事後始解項劃補實係虧欠在前捐升在後難保無挪移情弊黃鳴岐著即徹回開缺仍交部嚴加議處馬慧裕於奏留黃鳴岐時未將該員虧項查出亦難辭咎著交部議處又前次籌買協濟直隸米石案內

豫計津貼銀九萬兩經署藩司陳鍾琛議詳於通省州縣攤捐辦理及協濟事竣除津貼外尚多餘銀五萬餘兩既未能覈實豫計又不及早分還久貯司庫遂議生息充公實有未合陳鍾琛著交部議處又溫承惠堂弟捐升州同溫承祚妻舅試用縣丞彭驥前在豫省赴工効力時係在溫承惠未到河工總局以前及衡工合龍奏准改撥河工遇缺即補亦非溫承惠所保但溫承惠於例應迴避之

員未經據實聲明究屬非是溫承惠著交部照例議處至熊之書由知州擢升知府且係原任巡撫熊學鵬之子乃因患病勒休瘋狂愈甚輒敢違例遞摺呈奏羅列多人並以演習翻禽邪說誣及河南通省官吏其獲罪甚重律以反坐實所應得阮元等請將該革員解回原籍鎖禁殊屬輕縱阮元廣興俱著交部議處熊之書著交阮元派委文武妥員解赴吉林交與秀林鎖錮收管不拘年限如果

瘋病就痊再行具奏請旨。儻仍肆意癲狂妄言滋事亦即據實奏明候旨辦理餘著照所擬完結。○又諭吏部議處御史汪如淵請照徇庇例降三級調用一摺。此案先據楊世英奏富爾瑚訥有旨交都察院堂官秉公查奏嗣都察院查明奏上朕詳覈情節以富爾瑚訥楊世英二員均各任性挾私逞忿濫責都察院原奏未請將楊世英議處不免疏漏特降旨將該二員一併徹去城差革退御史

分別降補仍俱交部議處。乃汪如淵率以都察院查辦此案情節未確奏請另行覆訊因復交軍機大臣查辦其所訊情節仍與都察院原奏無異。試思富爾瑚訥之責王魏氏魏二原係案內之人其意是否面辱楊世英尚屬懸揣而楊世英責處牆外擊到二人則係案外無干之人顯為羞辱富爾瑚訥顏面此而不加懲處豈為情理之平。設都察院將楊世英一併請付吏議汪如淵係屬同官即不

應意存袒護輒行論奏况原議疏漏出自上裁特行交議復有何屈抑乎朕辦理庶政一秉至公如所降諭旨於事理稍有畸輕畸重或臣工獻可替否朕必虛己樂從。今此案處分本無偏倚即在廷諸臣亦僉以為平允而該御史妄摭浮議袒庇同官此風斷不可長即照部議將該員降三級調用實屬咎由自取念其究係言官汪如淵著加恩改為降一級以六部主事用。此案朕因係初次示懲姑

從輕議嗣後若各科道臨官官相護惡習遇有公事本無錯誤而逞其私見妄行爭執必當從嚴懲辦不能復邀寬典也。○乙未以歲暮裕祭遣官祭

太廟中殿

後殿。丙申裕祭

太廟

上親詣行禮。遣官祭

永陵

福陵	昭陵	昭西陵	孝陵	孝東陵	景陵	泰陵	泰東陵	裕陵○遣官祭	孝淑皇后陵寢○遣官祭	端慧皇太子園寢○遣官祭	太歲之神○丁酉	上御保和殿筵宴朝正外藩科爾沁喀喇沁巴林敖漢翁牛特喀爾喀奈曼阿拉善阿巴噶浩齊特蘇尼特烏珠穆沁土默特阿巴哈納爾鄂爾多斯杜爾伯特綽羅斯青海土爾扈特額魯特主貝勒貝子公額駙台吉塔布囊等及朝鮮暹羅琉球國正副使等隨文武大
----	----	-----	----	-----	----	----	-----	--------	------------	-------------	---------	---

臣依次就坐諸樂並作	上進酒召左翼科爾沁卓哩克圖親王噶勒桑棟羅布喀喇沁親王銜扎薩克郡王滿珠巴咱爾科爾沁扎薩克郡王和碩額駙索特納木多布齋科爾沁扎薩克郡王敏珠爾多爾濟巴林扎薩克郡王索特納木多爾濟敦漢郡王幹薩巴拉喀喇沁扎薩克貝勒丹巴多爾濟右翼喀爾喀扎薩克親王固倫額駙拉旺多爾濟喀爾喀土謝圖汗車登多爾濟喀爾喀扎薩克圖汗兼郡王布尼喇特納阿拉善扎薩克親王瑪哈巴拉奈曼扎薩克郡王巴勒楚克回部郡王銜貝勒哈迪爾土默特扎薩克貝子固倫額駙瑪呢巴達喇奎	御座前賜酒成禮○是月兩廣總督吳熊光等奏查明通省未結積案趕緊清釐得旨卿等勉矢誠以立心勤以治事恩以安良威以去莠則次第就緒馴致太平若因循姑息不可問矣勉之○是年旌表孝子安徽等省許生
-----------	---	--

棟等十二名孝女江蘇等省趙秉清等三口
守節合例宗室恒燉妻那拉氏等八口滿洲
哈達妻瓜爾佳氏等一百口蒙古常明妻諾
關岱氏等二十三口漢軍孫庫妻馬氏等三
十口各省駐防扎朗阿妻唐氏等一百四十
八口直隸等省楊文樂妻王氏等八百七十
三口夫亡殉節直隸等省孔繼灃妻李氏等
二十九口未婚守志滿洲扎拉芬聘妻伊爾
根覺羅氏江蘇等省趙時椿聘妻周氏等二
十五口百歲壽民婦浙江等省程應斗等二
十三名口五世同堂四川等省方志緒等三
十二家各給銀建坊如例○一產三男奉天
等省楊泰之等七家○會計天下民數穀數
直隸等省通共大小男婦三萬三千八百六
萬二千四百三十九名口存倉米穀三千二
十一萬八千一百八十二石三升五合九勺

大清仁宗受天興運敷化綏猷崇文經武孝恭
勤儉端敏英哲睿皇帝實錄卷之一百九十

大清仁宗受天興運數化綏猷崇文經武孝恭勤儉端敏英哲睿皇帝實錄卷之一百九十一

[illegible]

聚斂事 上諸事件成偏頗又警言部尚書翰林院掌院學士袁昌胤言鑒官商務府大臣饒黃旗滿洲鄉缺少軍統領管理戶部三庫奉宸

北清湖園等處總巡檢處御茶膳房御藥房太醫院西洋堂事務軍功三級總帶加三級尋常加五級紀錄李漢英和鍾道讓官李太

保禮部尚書上書房行走武英殿總裁管理圖書監事務加六品隨帶加三級紀錄四次汪廷珍等奉

校修

嘉慶十三年。戊辰春正月。戊戌朔。

上詣

奉先殿行禮。○詣

堂子行禮。○遣官祭

太廟後殿。○御太和殿受朝。作樂宣表如儀。○

詣

大高殿

壽皇殿行禮。○御乾清宮。賜皇子親藩等宴。○

己亥諭內閣殿廷重地凡遇筵宴禮畢之後

執事人等。仍當加意嚴肅。向年筵宴。朕起座

後每有聲音嘈雜之事。上年除夕保和殿筵宴。特派丹巴多爾濟帶同乾清門侍衛四員。在彼查察。旋據丹巴多爾濟等查拏內務府郎中常浩。親軍五官保等五人。請旨懲辦。當交軍機大臣查訊。茲據慶桂等訊明定擬具奏。各議以應得之罪。其實彼時在殿上嘈雜者。不知幾百人。並不止此五人。祇因查拏聲音時。丹巴多爾濟等僅有五員。伊等亦未能概行禁約。每人各執一人塞責。其餘聞拏脫

去者不知凡幾。今專坐常浩等五人之罪。未為平允。且據慶桂等訊明。郎中常浩是日。委係內務府堂官。派令在殿內收管金器。該員適見有手持銅盤之人。內有金盤。欲行混出。向其喝阻。不覺聲高。尚係慎重官事。正在喝問之際。丹巴多爾濟等已將伊髮辮揪住。以致偷竊金盤者轉得乘閒脫身。是所拏轉係捕賊之員。尤為冒昧。至親軍五官保拜唐阿慶壽。均非是日應行進殿之人。其民人秦七

兒皮八兒受雇擡桌祇應在殿階下伺候。乃相率混入殿門。實屬愚妄。但是日混入殿內。亦不止伊等數人。念係初次查出。尚可從寬辦理。且伊等業經管押二日。亦足蔽辜。所有慶桂等摺內擬將常浩察議五官保慶壽斥革。民人秦七兒皮八兒杖責之處俱著一概施恩寬免。丹巴多爾濟等五員雖查拏未能盡當。究係派管聲音之人將妄行入殿者拏獲。亦無庸置議。至此等不應進殿之人。紛紛

入殿嘈雜。護軍統領景熠多慶管理門禁不嚴。實難辭咎。自應仍交兵部察議其餘失察五官保等並擡桌民人妄行進殿各自具摺。叅處之。該管堂司官員均著一概免其處分。至嗣後凡遇殿上筵宴禮畢。朕起座後該管官應將殿門暫闔。俟乘輿入宮再行啓門。將有差使應行入殿之人逐項點明按數放進。門禁既嚴。則殿內自無嘈雜之弊。仍著交前鋒統領護軍統領妥議章程奏聞。○以來歲

五旬萬壽。命於本年八月舉行恩科鄉試。來年三月舉行會試。遣散秩大臣孟佳帶領侍衛十員往奠故科爾沁達爾漢親王丹曾旺布茶酒並賞銀一千兩治喪。貸直隸霸大城安新安肅寧青滄大名南樂清豐冀衡水寧晉鹽山高陽任邱十六州縣被水被旱災民倉穀。○加賑江蘇阜寧縣被水災民並展蘇州府城煮賑。加賑安徽壽六安霍邱鳳臺鳳陽懷遠天長七州縣被水被旱災民貸

宿南平定遠靈璧泗盱眙五河當塗繁昌蕪湖全椒十一廳州縣及滁州鳳陽長淮泗州建陽五衛災民籽種。○貸湖北江夏咸寧嘉魚蒲圻崇陽通城漢陽黃陂孝感安陸雲夢應城隨應山棗陽十五州縣暨屯坐各衛所被旱災民籽種倉穀。○貸湖南巴陵臨湘華容平江湘陰五縣被旱災民籽種口糧。○貸山西河曲縣電災貧民籽種。○貸陝西鳳翔汧陽洛川咸寧長安鄠藍田藍屋八縣電災

蟲災貧民口糧○庚子

高宗純皇帝忌辰遣官祭

裕陵

上詣

奉先殿

壽皇殿行禮○辛丑

上御重華宮茶宴廷臣及內廷翰林以國朝宮

史續編聯句○壬寅

上詣

雍和宮行禮○癸卯

上詣

大高殿行禮○幸圓明園○詣

安佑宮行禮○甲辰

世祖章皇帝忌辰遣官祭

孝陵○閩浙總督阿林保奏報拏獲蔡牽義子

蔡三來等道員王紹蘭下部議敘餘升擢有

差○乙巳諭軍機大臣等伯麟奏緬甸夷人

將戛于腊追逐遠遁後進至車里土司界內

住劄現在妥為諭遣並派兵彈壓緣由一摺
緬甸與戛于腊構釁已久此次因戛于腊竄
入九龍江地方因而帶兵追至該二國蠻觸
互爭原非敢侵犯邊界但戛于腊既經遠遁
則緬甸夷兵亦當全數退散何得在彼屯劄
今經該督伯麟派員諭遣之後已陸續退去
數千人尚剩三四百人未去殊恐日久滋事
自應向其明白曉諭以九龍江係天朝車里
土司地方非爾國駐兵之所戛于腊業已逃
奔儘可無庸留兵防備若留兵日久稍滋事
端均干嚴譴一面仍通飭沿邊土司毋得容
留戛于腊入界至暹羅與緬甸構釁已久該
二國俱臣服天朝將來設同時入貢諸有未
便上年暹羅業經遣使朝貢若因明年為朕
萬壽暹羅緬甸均欲遣使來京則當傳旨曉
諭暹羅以該國甫經入貢不必復行遣使來
京以示體卹而緬甸使臣自不與暹羅貢使
接晤亦可泯其猜嫌仍不致稍露形迹也將

此諭令知之。○廓爾喀額爾德尼王吉爾巴納租塔畢噶爾瑪薩野遣使貢獻方物。賜勅賞賚如例。○丙午立春。順天府進土牛春山寶座。○丁未享。

太廟遣儀親王永璇恭代行禮。○

上御山高水長。賜王公大臣蒙古王貝勒貝子公額駙台吉及外藩使臣等宴。並賞賚有差。

○遣官祭

太歲之神。○諭內閣兵部議駁。觀明奏請於

齊齊哈爾黑龍江墨爾根呼蘭四城添設步甲撥款生息一摺。所議甚是。齊齊哈爾等處閒散壯丁增多。該將軍即欲籌畫生計。自應廣闢地畝。飭令力田。方為本務。乃輒請添設步甲撥款生息。以資養贍。無論該四城壯丁共有一萬五千餘名。今即添步甲五百名。仍不能偏給。而海內生齒日繁。若各處駐防。率皆以丁數增多。紛紛奏請添設兵額。尤屬不成政體。觀明身係滿洲。不揣事之窒礙難行。

率為此奏。實屬不曉事理。著照部駁。不准行。仍傳旨申飭。○戊申。

上還宮。○以湖南永州鎮總兵官孫清元為雲南提督。○以次辛祈穀於

上帝。自是日始齋戒三日。○己酉。諭內閣大學士慶桂等奏。近日各部院衙門具題本章。較前增多。請先期二日送閣票擬。以昭詳慎。一摺。各部院衙門題本。向係先期一日送閣。相沿已久。自應仍循其舊。且內閣所票本簽。即

係恭擬諭旨。若立限稍寬。恐壓擱撤換。不免滋弊。惟近日各衙門疏題事件。為數本多。大學士等逐一覈定。分別票擬。兼繕清漢本簽。俱在先期一日之中。為期迫促。亦係實在情形。因念大學士等理應日贊綸扉。慶桂董誥戴衢亨俱職樞廷。勢不能常川到閣。嗣後著祿康費淳長麟。每日輪流一人到閣。先看本章。伊等雖有應管部旗於票本亦不致相礙。即遇有奏事引見等事。適值輪應到閣之日。

亦不妨於摺內註明。俾無曠誤。如此專以責成。於進本前一日在閣就近覈定。次日進呈之前。軍機處行走之大學士等仍可再行詳覈。庶票擬不致稽遲。辦理益昭詳慎。○以湖南永順協副將武自珍為永州鎮總兵官。○庚戌。

上詣

南郊齋宮齋宿。○辛亥。祈穀於

上帝。

上親詣行禮。○命儀親王永璘。成親王永理。慶郡王永璘。分詣

天神壇

地祇壇

太歲壇謝雪。○幸圓明園。○御奉三無私殿。賜皇子親藩等宴。○御山高水長。賜王公大臣。蒙古王貝勒貝子。公額駙。台吉及外藩使臣等食。至癸丑皆如之。○壬子。

上詣

安佑宮行禮。○御正大光明殿。賜朝正外藩等宴。作樂賜酒。如除夕儀。○癸丑。

上御正大光明殿。賜大學士尚書等宴。○諭內閣。向來各衙門奏派隨駕人員。翰林院例應奏派滿洲翰林一員。輪班前往。令其學習上。圍。但朕每遇巡幸。舉行典禮。俱有講官隨往。滿洲翰林一得講官。即可輪班隨扈。學習騎射。此外行在翰林院別無應辦之事。嗣後翰林院奏派滿員輪班之例。著停止。○福州將軍賽沖阿奏。勦捕洋匪出力人員。賞授邱良功為臺灣協副將。千總黃志輝等升賞有差。○甲寅。緩徵湖北漢陽漢川沔陽鍾祥潛江。天門。應城。江陵。監利。荊門。十州縣及武左。沔陽。德安。荊州。荊左。五衛。積水田畝。應徵各項銀米。○乙卯。賞已革喀喇沙爾辦事大臣來靈三等侍衛為庫車辦事大臣。○丙辰。上御山高水長。賜王公大臣。蒙古王貝勒貝子。公額駙。台吉及外藩使臣等食。○諭內閣。向

來內廷行走諸王。例應每日進內入直。惟念儀親王係朕之長兄。現已年逾六十。冬間天氣嚴寒。夙興入直。實覺勞瘁。即時值夏令。亦不免於暑熱。允宜特加優卹。以資頤養。嗣後儀親王所管各處。遇有值日奏事及帶領引見。並應行慶賀時節。仍照常進內呈遞膳牌。其餘無事之日。即不必進內。仍照舊在內廷行走。用示恩眷。成親王。俟將來年過六旬。亦一體加恩。至滿漢文武一品大臣。年在七十

以上者。遇奏事值班之期。除仍遵照前降諭旨遣人呈遞膳牌外。交冬以後。著於辰正進內。交春以後。著於辰初進內。其內廷行走年逾七旬之大臣。每日應入直者。亦準此例。至縑布現雖未屆七旬。但年已六十。有九。筋力不能強健。亦著加恩。准照前例。用示朕引年尚齒優待耆臣至意。○諭軍機大臣等。吳熊光奏粵東實在情形一摺。據稱從來有海防而無海戰。此語允為扼要。其道總在編查保

甲。嚴杜接濟。如果一切水米火藥及桅蓬器具之類。無一出洋。則盜船雖各處奔逃。自足制其死命。現在閩省盜船日就窮蹙。固緣師船跟剿出力。亦皆由陸路口岸杜絕接濟。實能辦有成效。吳熊光等。務當督率地方文武各員。亦倣照閩省辦理。不應徒恃礮臺及多造船隻。即以為認真緝捕也。至查辦會匪一事。會匪俱在岸上。非若海洋盜匪可比。一經蹤跡。到處可以搜擒。有何查拏費手之處。朕

聞廣東陸路匪徒較前更多。亦不盡皆會匪。亟應上緊查辦。分別創懲。此如人身染患病證。若及早醫治。則病淺而其效亦速。若遲疑瞻顧。則所患日深。粵省匪徒之多。正由地方官積久因循所致。吳熊光等。亟當上緊督率分別妥辦。總之為匪者。即當嚴懲。毋論其入會與否。但不可徒託空言。養癰貽患。為要。將此諭令知之。○緩徵貴州思南府及印江縣被水田畝。本年額賦。○丁巳諭內閣。金光悌

奏請修省會城垣仰懇捐辦一摺據稱江西省城工自乾隆四十九年修葺之後城身多有坍塌傾卸並有應修護城城樓及添砌排垛等處估需工料銀二萬四千五百餘兩勘明實無浮冒並稱此項城工從前失於培護原應分別著賠是以不敢復請開銷懇先於司庫減半平餘項下照數動借在於該撫及兩司道府養廉內分作六年攤捐還墊等語所奏殊未明晰城垣保障居民省城更為觀

瞻所繫既有坍塌等事自應修理整齊但向來辦理城工均有一定年限如在限內坍塌自應著落賠修如在限外興修即應動支公項其賠修者並當查明承修查驗各員照例分別辦理今金光悌摺內但云此項城工從前失於培護應行分別著賠並未將限內限外切實聲明殊屬含混至捐廉辦公久經飭禁此項城工如果查明係在限內塌損即應查明從前經手各員並近在同城不行查察

之巡撫司道知府等員分別賠出即本員身故亦有代賠分賠各定例如金光悌到任未久之員即可不必攤賠其餘不同城之道府更無關涉又何得派令一體捐廉有乖政體所有此項城工應需工料銀兩著先在司庫減半平餘項下動支交該撫遴委妥員一面興辦仍著該撫一面確實查明完係限內限外坍塌及應否著落賠修之處詳悉奏明分別覈辦○轉刑部右侍郎廣興為左侍郎調

盛京刑部侍郎穆克登額為刑部右侍郎以內閣學士馬慧裕為盛京刑部侍郎○調正黃旗漢軍副都統桂芳為鑲黃旗滿洲副都統以京營右翼總兵福會兼正黃旗漢軍副都統○戊午諭內閣二阿哥之福晉因病薨逝著二阿哥即日成服初祭後釋除向來未分府皇子之福晉照親王福晉例金棺座罩等項均用紅色並無應用儀仗今二阿哥之福晉所有金棺座罩一切著施恩俱用金黃

色其儀仗仍照親王福晉之例賞用其旗色著用鑲白。至應行事宜著各該處照例豫備並著將此旨載入會典。○又諭浙江提督李長庚宣力海洋忠勤勇敢不辭勞瘁懋著威聲數年以來因閩浙一帶洋盜滋事經朕特命為總統大員督率各鎮舟師在洋勦捕李長庚身先士卒銳意擒渠統兵在閩浙臺灣及粵省洋面往來跟勦艱苦備嘗破浪衝風實已數歷寒暑每次趕上賊船無不痛加勦殺前後殲斃賊匪無數擒獲賊船多隻蔡逆亡魂喪膽畏懼已極聞李長庚兵船所至四處奔逃正在盼望大捷之際乃昨據阿林保等奏到李長庚於上年十二月二十四日由南澳洋面駛入粵洋追捕蔡逆望見賊船祇剩三隻窮蹙已甚官兵專注蔡逆窮其所向追至黑水洋面已將蔡逆本船擊壞李長庚又用火攻船一隻乘風駛近掛住賊船後艏正可上前擒獲忽暴風陡作兵船上下顛播

李長庚奮勇攻捕被賊船礮子中傷咽喉額角竟於二十五日未時身故覽奏為之心搖手戰震悼之至朕於李長庚素未識面因其在洋出力疊經降旨褒嘉並許以奏報擒獲巨魁之時優予世職李長庚感激朕恩倍矢忠蓋不意其功屆垂成之際臨陣捐軀朕披閱奏章不禁為之墮淚李長庚辦賊有年所向克捷必能擒獲巨魁朕原欲俟捷音奏到將伊封授伯爵此時李長庚雖已身故而賊

匪經伊連年痛勦之後殘敗已極勢不能再延殘喘指日舟師緊捕自當縛致渠魁況李長庚以提督大員總統各路舟師今歿於王事必當優加懋獎用示酬庸李長庚著加恩追封伯爵賞銀一千兩經理喪事並著於伊原籍同安縣地方官為建立祠宇春秋祭祀其靈柩護送到日著派巡撫張師誠親往同安代朕賜奠並查明伊子現有幾人其應襲封爵俟伊子服闋之日交該督撫照例送部

引見承襲其李長庚任內各處分著悉予開復所有應得卹典仍著該部察例具奏以示朕篤念勞臣恩施無已至意尋予祭葬諡忠毅○諭軍機大臣等李長庚追賊身故係在粵省潮陽縣地方該地方官自己稟報吳熊光備知其詳因思王得祿本因朱濱匪船逃竄粵洋跟蹤追捕並與錢夢虎會合辦理今王得祿既經前往追勦蔡逆則朱逆一路必須大員專辦且蔡逆現既逃至粵洋恐有與朱濱盜船勾結之事著吳熊光飭知錢夢虎即責成該提督統率所帶粵省兵船專勦朱濱一股杜其與蔡逆勾結之路此為最要○又諭李長庚此次究因猛於攻敵猝然被害阿林保等仍當密諭王得祿等於勇猛之中加以慎重不可輕易冒險致涉疏虞但亦不得因李長庚受害稍形氣餒至水師現無總統之員阿林保現已前往廈門漳州一帶即著阿林保擇要駐劄調度一切再現訊蔡三

來鄭昌所供蔡逆本船所掛牛皮網紗多層於接仗時汲取海水淋溼礮火不能驟入必須兵船四面圍攏先用長柄鉤鐮將網紗牛皮拉去再用礮火一轟全船賊眾可以殲獲等語此時王得祿等兵船自應多備長柄鉤鐮以便應用將此諭令知之○又諭現據阿林保等奏蔡朱二逆均已勢極窮蹙逃竄粵洋去閩洋已遠逆匪自不能折竄回閩臺灣地方早經寧謐止有零星餘犯尚未全行殲獲可無庸將軍大員在彼督辦審沖阿應自行酌量如現無應辦要務即可內渡回將軍本任其臺灣地方一切巡防事務俱已辦有章程應即交該處鎮將等遵照妥辦將此諭令知之○閩浙總督阿林保奏追勦蔡牽出力人員提督張見陞總兵官許松年等下部議敘餘升賞有差○又奏報追勦寧波韭山洋面等處賊匪獲賊多名總兵官何定江等下部議敘以閩粵南澳鎮總兵官王得祿

為浙江提督○庚申

孝聖憲皇后忌辰遣官祭

泰東陵○

上詣

恩慕寺

恩佑寺行禮○辛酉

上幸萬壽山○壬戌諭軍機大臣等朕此次巡

幸淀津正值重運幫船北上因聞該處幫船於御舟臨莅俱應謹避是以飭令無論何省

幫船輒抵津關即令排列河干恭迎鑾輅原指適逢其會在彼之幫船而言斷無飭令先期守候致稽漕運之理乃李如枚誤會朕意欲將豫東幫船飭令豫行截留日久祇候殊屬非是自應照例催趨前進免致稽遲朕御舟抵津之日不拘何省幫船到津即令排幫接駕設其時御舟經臨而幫船已先期半日抵關自不妨令其畧為停待或幫船輒運北上距津關尚有半日亦不妨屆期迎提總在

該巡漕等臨時斟酌辦理儻彼時在前幫船

已輒過津關而在後之幫相距尚遠即並無

幫船在彼亦無不可正不必稍事拘泥豫令

久候也將此諭令知之○癸亥諭內閣本年

朕巡幸淀津所有隨扈大臣官員應用船隻

前交總理行營處查照舊例酌減派定茲聞

各衙門尚有不敷乘坐應須酌添之處從前

隨扈各員每於例外私向地方官多索船隻今一概嚴行禁止其實在不敷者自應量為

增給直隸備辦船隻本有餘額著傳知各衙門派出隨扈之大臣官員除無緊要差使可由陸程行走者無庸計算外其必需逐日隨從水營各等處如果船隻不敷准其據實呈報總理行營處酌增一二隻仍毋許冒濫浮開總理行營處覈實查明將必應增添各處開單奏明照數撥給儻此次不行呈明將來於途次濫索私增即著總理行營處嚴查叅處○又諭三阿哥之福晉薨逝應建立園寢

著派文寧。托津蘇楞額帶同通曉堪輿之人。於京城附近地方百餘里內。詳慎相度。繪圖呈覽。後再行諏吉營建。一切規模。俱照親王福晉之例辦理。○甲子。

上詣

大高殿行禮。○還宮。○朝鮮國王李珣遣使表賀。

萬壽冬至元旦三大節。及歲貢方物賞賚筵宴如例。○琉球國中山王尚灝遣使表貢方物。

賞賚筵宴如例。○乙丑。諭內閣。現應給二阿哥。續指福晉。著交戶部將現在京八旗滿洲蒙古內外三品以上文武官員之女。未經選過逾歲及現年十五歲者。查明於二月十七日。送赴圓明園。選看其有帶往外任者。毋庸令其來京。至此次已經選過者。下屆選看之年。毋庸再行豫備選看。○又諭。莫晉奏請申明定例。嚴懲誣告一摺。所奏是。定律誣告人罪者。照所誣加等治罪立法之意。原以刁健

之徒。誣陷善良。致使無辜被累。貽患身家。是以審明後。將誣告之人。加等問擬。息訟端。即以安民業也。無如近來外省風氣。遇有誣控案件。雖將其險詐情形。審訊得實。多不肯按律懲辦。推原其故。總緣地方官於控案事實。未能平情確訊。因而為調停遷就之計。不惟不能加等問擬。且曲為之說。或以為誤聽人言。或以為到案旋即供明。從而末減。以致刁惡衿棍。視為得計。訛詐平民。挾制官長。訟獄日繁。大半由此。嗣後大小執法衙門。務當簡孚獄訟。於兩造曲直。無令稍有隱抑。其架詞誣告。或誣輕為重。輕實重虛者。均照本律加等治罪。不得權詞開脫。從寬改擬。若原告脫逃。及案未結而越訴者。亦均照定例辦理。以警誣罔。而省拖累。然此仍不過於許訟之後。遏止其流之一法。若清理訟源。則在地方官公正廉明。勤於聽斷。凡閭閻一切戶婚田土之事。均令曲直分明。各得其理。即險詐之徒。

亦無從生心構釁。即如山東省前此來京控案甚多。自吉綸到任後提審。並飭屬審結積案七百餘件。近日該省已控案寥寥。即其明驗。直省督撫果能各率所屬。虛衷以平案牘。冤抑者立時昭雪。譴張為幻者。按律懲治。並嚴拏訟師。毋使播惑鄉愚。斷無捨近求遠來京妄訴之理。由是詞訟日省。革薄還淳。以端人心。以勵風俗。朕實厚望焉。將此通諭知之。○以吏部尚書瑚圖禮署經筵講官。

上以祭

社稷壇自是日始齋戒三日。○丙寅。

孝儀純皇后忌辰。遣官祭

裕陵。○是月。閩浙總督阿林保奏報閩浙舟師在粵洋追勦朱瀆蔡牽並拏獲粵省盜犯及船隻礮械。得旨嚴諭水師將弁。速擒蔡逆。佇膺封爵。若因循畏葸。查明立正國法。朕為壯烈伯李長庚之事。實深悲憤。若張見陞王得祿等不思為彼報讎。甘心退避。則非我大清

國之臣子矣。將此通諭浙閩水師知之。

大清仁宗受天興運敷化綏猷崇文經武孝恭勤儉端敏英哲睿皇帝實錄卷之一百九十一

又諭戶部會同八旗滿洲都統倉場侍郎議駁鐵保奏八旗官兵應領米石於十成中酌折二成銀兩一摺前據鐵保具奏朕於披閱時即覺其事窒礙難行特以集思廣益不厭精詳或該部及各旗大員等有與鐵保意見符合者不妨據實直陳以備採擇曾諭令各抒所見毋許面從退言今戶部及各旗等會同悉心妥議俱以為應請循照舊例全放本色毋庸輕議更張衆論僉同所議甚是京師

五方輻輳商民雲集本處產糧既少又無別項販運糧石專賴官員兵丁等所餘之米流通糶藉資餬口是以自王公以及官兵等應領米糧定額俱酌量從寬並非計口授食即如親王每歲領米萬石甚屬寬裕豈為其一身計乎原以該王公官兵等祿糈所入既可贍其身家並可酌糶餘糧俾稍沾潤立法至為詳備若如該督所奏於官兵應支米石改給折色二成不惟於八旗生計恐致拮据

即以每歲少放米五十餘萬石計算於商民口食之需亦多未便況現在市集糧價已較前加增僅再減放官糧勢必益形昂貴而天庾儲蓄徒令陳陳相因又安用漕糧源源轉運為耶鐵保係屬旗員曾經管理旗務乃於官兵應領俸糧並不通盤籌畫輒請稍為變通酌給二成折色實屬妄改舊章冒昧不合著傳旨申飭仍交部議處為輕改成憲不知大體者戒○又諭領侍衛內大臣等遵旨覈

議請將年滿回京卡倫侍衛章京等分別年限再行保舉派出等語從前派充時該領侍衛內大臣並不留心一任辦事章京等瞻徇保舉是以有甫由新疆卡倫回京旋即派往者今應將卡倫年滿回京之侍衛章京等按其程途遠近分別另派酌定年限但新疆南北兩路距京甚遠由該處回京卡倫侍衛章京等每逾四年即行保舉派往為期未免過促嗣後由新疆回京卡倫侍衛章京等已逾

六年方准復派現由烏里雅蘇台科布多回京卡倫侍衛章京等即照所奏過三年再行保舉派往仍著領侍衛內大臣等於派卡倫侍衛章京時勿論新舊滿洲蒙古務擇人品體面通曉漢文之員帶領引見不准將年未二十五歲並年逾六十人員充派至帶領引見時著將曾否派出卡倫及由卡倫回京年分於綠頭牌註明斷不可聽辦事章京等瞻徇情面○以故喀爾喀賽因諾顏扎薩克貝

子濟克默特貢桑子車伯克扎勒土謝圖汗扎薩克輔國公納木濟勒多爾濟子齊旺多爾濟郭爾羅斯扎薩克輔國公綽克溫都爾恩克巴拜弟恩克托克瑚各襲爵○庚午以舉行仲春經筵遣官告祭

奉先殿

傳心殿

上御文華殿經筵直講官桂芳鄒炳泰進講中庸誠者天之道也誠之者人之道也講畢

上宣御論曰中庸一書大本在誠蓋天人交感之理惟誠一以貫之天道至剛健行不息不息之功用誠也而誠之所以為誠者天所賦畀真實無妄繼善成性自然之道也或為氣稟所拘或為物欲所累必用克己之功加復乎天理之純常以臻於真實無妄之境斯能盡人事以感天心矣人君體天行政化育裁成授時驗休咎之徵撫字體治亂之兆皆誠之所格也存誠去私無一毫自為之念純一

不已莊敬日強上應天心則雨暘順序沴戾潛除皆誠之感召也下孚民志則風移俗易善長惡消皆誠之功效也人君敬體天之純誠人臣仰體君之真誠庶民各效己之寸誠斯萬事萬物徹上徹下咸歸於至誠悠久无疆世臻大同之治其本則在於各盡其誠自勉功用庶幾上合天道矣直講官明志曹振鏞進講書經一日二日萬幾無曠庶官天工人其代之講畢

上宣御論曰。天道不言而歲功成。代天宣化者。人君之責也。一日二日之間。事幾至萬。仔肩至重。必兢業以圖之。不可稍自暇豫也。然人君以一心察天下之幾。奚能以一身兼天下之務。所用庶官。在得其人也。故能成堯舜之聖治者。亦資於臯。憂稷契之良輔也。若用非其才。職業必曠。奚能亮天工。治庶事哉。天運亘萬古。無一息之停。人君莅庶政。無一刻之忽。克勤率下。曷敢怠慢乎。蓋天生蒸民。而以治理託於君。君不能獨理。而託於臣。是所理者。皆天之事。若有忽略。則天事必致廢缺。故時乖俗敝。皆一心之急也。常操敬謹之心。克修職業。則時和歲稔。天心眷佑。皆一念之勤也。唐虞咨儆。無不求端於天。天事本人事。人心即天心。君臣上下各勤其事。各慎其幾。不俟終日。自能庶績咸熙。以馴至於無為而治。天德王道。浹洽感通。無曠之效也。可不勉諸禮成。

上幸文淵閣。賜講官及聽講諸臣茶。復賜宴於本仁殿。○諭內閣。御史德祥奏。內閣辦本章。程有應歸畫。並須申定責成者。三條一摺。事皆可行。各省本章。凡關繫年月錢糧數目。俱係恭繕。壹貳叁肆伍陸柒捌玖拾字樣。取其筆畫較多。難於增改。原為防弊起見。惟直隸貴州。盛京將軍等衙門。及奉天府尹等處。均照常繕寫。筆畫省減。既不一律。恐滋弊端。嗣後著一律繕寫。至外省進呈本章。間有違式錯誤。內閣俱票擬飭行。暨議處。而在京各衙門。進呈本章。遇有錯誤。俱隨時徹出更正。辦理亦不一致。嗣後各部院衙門。本上書寫錯誤。著內閣一體票擬。應飭行者。飭行應議處者。議處。又內閣設有漢本堂。侍讀學士侍讀等員。原責令查覈各省進呈本章。分別緩急呈遞。若祇派中書數人管理。未免事重任輕。嗣後該侍讀學士等。除有兼別處行走者。不能專管外。其專在漢本堂行走之員。所有

一切外省本章著責令督同中書等詳細覈辦以昭慎重○辛未

上詣

時應宮拈香○幸圓明園○加賑兩淮廟灣場被水災民並命富安丁溪草堰劉莊伍佑新興六場辛糶倉穀○壬申展緩江蘇疊被災歉之江寧淮安揚州徐州海五府州屬並各衛帶徵各款銀糧○癸酉
孝淑皇后忌辰命

皇次子祭

陵寢○諭內閣據天津巡漕給事中茅豫奏該巡漕駐劄天津每日需用飯食等項向係該縣供應請旨永遠禁止等語所奏甚是是地方官供應差使其弊多端雖實用有限而辦差長隨等即可從中勾結任意開銷所費不貲大為地方之累且巡漕駐劄日久供應既繁用項無出該縣勢必藉端勒索所有此項供應著即永遠禁止至該巡漕除例得廩給養

上幸靜明園詣

龍神廟拈香○遣官祭

先醫之神○乙亥遣官祭

關帝廟○諭內閣據長齡等會議青海辦事大臣請照舊制仍駐劄西寧一摺所議是青海辦事大臣管轄地界遼闊從前定制駐劄西寧原以該郡城為各路適中之地控制較為得力若移駐貴德等處其於番地較近者雖易於震懾而以全局而論則相距窳遠之

地鞭長莫及轉恐顧此失彼自不若仍循舊制足資鎮撫至該處黃河以北輪派兵六百名扼要駐守務令嚴密巡查遇有番賊竊掠等事隨時捕緝該大臣暨西寧河州二鎮並實力操防以靖邊圉不可稍有疏懈○諭軍機大臣等特清額奏途次接奉諭旨馳赴西藏頒賜達賴喇嘛等賞件並遵旨明白宣示一摺所論俱是此次呼畢勒罕出世諸多徵驗實為吉事有祥殊堪嘉慰特清額馳抵西藏後當曉諭班禪額爾德尼濟咙呼圖克圖等以前指稱呼畢勒罕出世率多牽合附會或僅小著靈驗不足憑信仰蒙高宗純皇帝特賞金奔巴瓶飭令書名封貯誦經籤掣以防弊混今達賴喇嘛甫逾二歲異常聰慧早悟前身似此信而有徵洵為從來所未有設當高宗純皇帝時亦必立沛恩施無須復令貯瓶籤掣但此係僅見之事且徵驗確鑿毫無疑

義嗣後自應仍照舊章不得援以為例儻因稍有端倪即附會妄指一經查明必當治以虛捏之罪並著駐藏大臣等將此旨敬謹存記一體欽遵辦理仍著特清額於頒賞達賴喇嘛呼畢勒罕時令通事詢問試驗如何靈敏出衆之處將實在情形詳細覆奏○調鑲黃旗蒙古副都統何其惕為西安右翼副都統以刑部侍郎穆克登額兼鑲黃旗蒙古副都統以西安右翼副都統特依順保為甘肅西寧鎮總兵官○丙子予告大學士公保寧卒遣榮郡王綿億帶領侍衛十員往奠茶酒賞銀一千兩治喪予祭葬諡文端○丁丑孝康章皇后忌辰遣官祭孝陵○諭內閣我皇考高宗純皇帝六次巡幸江浙五次巡幸京津每於鑾輅經臨豫

飭隨從之王公大臣以及官員兵丁等令各加意謹慎毋許收受餽遺藉端需索

訓誠詳明至為諄切隨扈人等其始俱各凜遵聖謨咸知檢束迨後大臣中即不免有簠簋不飭者而官員兵丁等亦遂相率效尤積久生玩本年朕巡幸淀津閱視隄河各工為期不及一月此次翠華臨蒞係於常年謁

陵秋獮之外特舉省方觀民之典或地方官等以事非常例欲藉餽遺以圖見好亟應嚴行

飭禁所有隨從王大臣文武官員兵丁等惟當律已謹嚴潔清自愛不可稍有沾染此在不肖地方官吏不過僅備爰爰聯絡見情及至差竣後轉以供頓隨扈人眾為詞嫁名漁利甚至派累閭閻侵虧倉庫其弊有不可勝言者與其懲創於事後何如教誡於事前凡隨從之王大臣官員兵丁等務各顧惜聲名保全官職儻過地方官員餽送儀物不惟金帛等件當卻而弗受即些須食品亦當堅拒

退還設該地方官於既經退卻之後仍復再三懇致即當據實奏毋稍徇隱經此次訓諭後或隨從人等仍復私受餽遺一經發覺予者受者均當重治其罪莫謂言之不早各宜凜遵毋忽儻不聽訓諭任意婪索朕必執法嚴懲斷不寬恕將此通諭知之○戊寅諭內閣國家設官分職首重得人其人果能殫心厥職視國事如己事興利除害則庶政修舉而民生胥被其益朕孜孜圖治無日不以

人才為念有能實心宣力者無論內外滿漢大小臣工必逾格旌擢以風有位如辰沅永靖道傅鼎由佐貳出身洊升道員歷任苗疆十有餘年勦除頑梗安撫善民前後修建碉卡哨臺一千餘座均屯田土十二萬餘畝收卹難民十萬餘戶挑習屯練八千名收繳苗寨器械四萬餘件又復多方化導將苗民妄信巫師椎牛聚眾惡習禁止革除設立書院六處義學一百處近日苗民已知向學籲求

分額考試所有鳳凰乾州一帶邊界苗衆實已革面革心輯寧安堵凡該省歷任大員及在廷諸臣多稱係傅鼎一人任勞任怨不顧身家盡心籌畫克臻完善朕久有所聞特因未識其人尚未特沛恩施本日召見傅鼎見其人安詳諳練明白誠實洵屬傑出之才堪為苗疆保障若各省官吏皆能如此實心任事何患地方政治不日有起色傅鼎著加恩賞給按察使銜即令其先換頂帶以示獎勵

○諭軍機大臣等吳熊光摺內稱粵省土匪設與閩匪勾結自應一併勦辦僕並未聯幫則應專辦蔡牽為第一要著等語所言甚是此時張見陞等因探有閩匪往西逃竄之信已統領舟師西下追捕並有王得祿錢夢虎等師船先在西路探剿星羅碁布正可聚而殲旃該逆罪惡貫盈惟當趁其窮蹙之時剋期俘馘以彰憲典而快人心總之蔡逆為海洋著名巨寇該逆一日不除則海洋一日不

靖無論賊蹤在粵在閩總當併力攻圍並當明立賞格俾士卒敵愾同仇咸知激勸著吳熊光阿林保通行曉諭閩粵水師將弁兵丁等務須專注蔡牽坐船攻擊如兵丁等有能首先跳過蔡逆船內捕捉者賞給銀二百五十兩其次賞銀二百兩又其次賞銀一百五十兩至官弁等首先跳上蔡逆船內捕捉者即加一等拔補錄用先換頂帶以勵先登若能將該逆擒獲更當破格升賞一俟奏到立

即施恩如此剴切曉示多方鼓勵將領士卒等畏法感恩自必爭先効命於海洋捕務自有裨益將此傳諭吳熊光並孫玉庭張師誠知之○湖南巡撫景安等奏苗疆鳳凰永綏保靖兩廳一縣至今尚未開科查鳳凰乾州永綏三廳歲科兩試各額進苗童二名保靖苗童亦附入民籍應試近科鄉試之士亦多而未能與通省人材較藝獲售轉恐阻其向上之心請將該四廳縣苗生照臺灣府另編

至字號之例另編田字號仍照雲南等省順天鄉試另編中四字號之例於十五名內額外取中一名如不足十五名仍附通省取中下部議行○旌表守正捐軀河南裕州民趙殿臣女趙氏○己卯命光祿寺卿錢楷通政使司副使文孚馳往山西審案○庚辰遣官祭黑龍潭

昭靈沛澤龍王之神玉泉山

惠濟慈佑靈瀨龍王之神○遣官祭昭忠祠

○辛巳山東學政王宗誠以省親乞假回京允之命國子監祭酒師承瀛提督山東學政○壬午諭內閣據文寧等奏稱巡捕營守備缺出擬請將本營千總升補六缺後再將世職補用一缺等語該營守備缺出照兵部奏定章程以現任應升人員用過三缺之後補用世職一人今據文寧等奏巡捕營應升人員較多得缺甚難世職人員較少若三缺之後補用世職一人得缺較驟於本營千總升

途轉行壅滯自屬實在情形但如文寧等所奏於六缺後補用一人則此項世職人員又覺補缺太遲自應酌量變通均勻輪補嗣後巡捕營守備缺出著將營員升補五缺之後補用世職一人○癸未

上幸萬壽山○諭內閣前據鐵保等以籌畫河工經費奏請暫開捐例當批交該部議奏復降旨詢問該督等以河工現在挑濬正河鑲築壩工均已發帑趕辦將次完竣此外尚有何項工程並需費銀數若干令其據實覆奏茲據鐵保等奏稱陳家浦大壩業已合龍此外修培臨河兩岸大隈尚需銀五十餘萬兩並聲明常年歲搶修工程仍約需銀二百餘萬兩等語開捐為國家不得已之舉今河流業經順軌培築善後事宜祇需銀五十餘萬兩籌撥亦屬易事至歲搶修工程常年時有斷無因此長開捐例之理且歷次開捐官生內未經銓選者尚多若再開新例舊班必益

形壅滯所有鐵保等奏請暫開捐例之處不必行該部無庸復行議奏○兩江總督鐵保等奏報陳家浦壩工合龍得旨嘉獎道員釐圖等下部議敘餘升擢有差○甲申諭內閣朋素克琳沁奏伊妻病故請假率伊子瑪呢巴達喇前往游牧等語著加恩俱賞給馳驛回牧再固倫額駙瑪呢巴達喇既已丁憂莊靜固倫公主理宜成服即著自本日起服至三月初七日止釋服後仍令於初八日起程至游牧時穿用素服○調工部右侍郎蔣子蒲為倉場侍郎以內閣學士陳希曾為工部右侍郎○旌表守正捐軀湖南平江縣民何錫佑妻吳氏○丙戌旌表守正捐軀浙江會稽縣民駱炳妻劉氏○展緩陝西咸寧長安盤屋鄠寶雞岐山郿洋城固鎮安十縣元年後被賊被災積欠額賦○丁亥

上御勤政殿聽政○命於

黑龍潭

覺生寺設壇祈雨○以大理寺少卿錢樾為內閣學士兼禮部侍郎御○戊子諭內閣鄉會試為抡才大典必須諸獎肅清真才乃出向來內場舞弊法令綦嚴人知凜畏近年朕遴派主考大員率同房考等悉心校閱尚知秉公衡鑑未必有作奸犯科之事在諸臣各知自愛朕亦不疑及此惟外場獎實尤多定例責成監臨知貢舉綜理並特派搜檢及稽查龍門接談換卷王大臣自至公堂以及甄門復均派有御史監察即棘闈以外又有巡牆御史並營員等周圍巡邏立法本為周密無如近日風氣因循塞責者多實心任事者少沽名邀譽者多不避嫌怨者少近聞外場官員頗涉疏懈竟不免有傳遞代倩等弊若不嚴為剔除則不才者妄思僥倖而實學轉致淪棄殊非慎重科場之道本年會試屆期誠恐外場官員仍蹈積習且彼時正值朕巡幸淀津或司外場者憚於啟事意存鬆懈諸

務辦理草率不可不豫行申誡所有此次會試外場事宜著責成知貢舉並派出搜檢及稽查龍門接談換卷各大臣並科道等一體認真嚴查詳悉示諭務令士子等凜遵功令恪守科條毋許有接談亂號等事其棘闈以外巡邏之御史及步軍統領衙門官員並當加意巡察不得視為具文儻防範不嚴有意寬縱以致士子罔知儆惕或有傳遞代倩等弊一經發覺除將作弊士子按律治罪外所有派出大小各員均于嚴議凜之慎之○以服闋內閣學士顧德慶為內閣學士兼禮部侍郎銜○加賑甘肅皋蘭靖遠安定涇平番五州縣被旱災民貸河金鎮原寧遠西和崇信六州縣貧民籽種口糧○己丑

上詣覺生寺
祈雨壇拈香○還宮○遣官祭賢良祠○以候補三四品京堂慶格為江蘇按察使○以廣東春江協副將胡子鏐為南澳鎮總兵官

○辛卯春分朝
日於東郊
上親詣行禮○詣
雍和宮行禮○幸圓明園○壬辰
孝昭仁皇后忌辰遣官祭
景陵○諭內閣向例宗室犯軍流徒枷罪名均各按等差折園原因其系出天潢雖身罹罪辜仍為之存顏面示區別也無如宗室中之不肖者不念國家愛護矜全之意轉若恃以無恐往往不恤廉恥恣行不義及至按律懲治不過照常羈禁人不及見罔知愧惡罰輕生玩若非變通權衡使知所儆懼不足以挽回積習嗣後宗室除奉特旨園禁者隨時酌辦外其有犯軍流徒枷等罪者著於折園本例內議加板責數目自二十板至四十板先於宗人府衙門令該堂官看視以家法責處其園禁月日轉可量為遞減著交管理宗人府王貝勒等詳查覈議奏上時著為定例此

朕保護天潢不得已之苦心俾宗室人等咸知畏法懷刑不敢陷身匪僻從此懼罰者少即所全者衆也○旌表守正捐軀河南魯山縣民晏晚成妻王氏○癸巳諭軍機大臣等據阿林保奏於浙省沿海口岸分別緊要次要添派文武員弁分防駐守嚴拏接濟一摺海盜之未能剋期殄除總由接濟之未能查拏淨盡近年浙省辦理巡防口岸章程不及閩省之嚴密較之廣東尚為差勝阮元去浙江巡撫之任已及三年今復任其地務當認真籌辦以靖盜源如從前邪匪奔竄山谷堅壁清野即能制其死命洋面斷絕接濟為制海盜第一善策如果查拏嚴密一切水米火藥蓬索等件無從透漏其盜匪在洋劫掠商漁貨物亦不能上岸銷贓匪衆資生之路既絕黨夥必日形渙散不患其不束手就縛即沿海奸民不能與盜往來無從覓利亦必各謀生理復為良民其浙省沿海土盜亦應上

緊緝拏毋令日久滋蔓擾害地方為要將此傳諭阮元並阿林保知之○實授李景曾為浙江温州鎮總兵官○甲午命安河橋豐益倉看守官兵照朝陽門外太平等倉例改歸中北二營派撥稽查○乙未諭內閣國家每遇典禮慶成在廷臣工例得呈獻詞章以申頌祝本年朕巡幸淀津諸臣自必循例恭進但進冊本由臣下抒忱獻悃如諸臣內習為文章者用以導揚盛典通達下情揆之往籍尚存古義若本不嫻文翰而倩人代作轉覺名實不符嗣後凡遇慶典除大學士領袖班聯應令一體恭進外其尚書侍郎京堂科道等官由科甲出身者著照例備進不由科甲出身者俱著毋庸呈遞○又諭朕自臨御以來嚴飭各督撫等於任土作貢之外不得別有進獻各督撫等日久遵循罔敢違逾自己咸知朕意惟來年為朕五十誕辰該督撫等承受渥恩情殷祝嘏或以五旬慶節非常年

萬壽可比軌欲競獻珍奇用申誠悃或督撫本無此意而屬員等藉端慫恿希圖見好且可從中獲利亦情事之所必有在封疆大吏共礪廉隅斷不至因祝釐進獻致有簠簋不飭之事但恐此端一開則爭長見巧誇多鬪靡其弊有不可勝言者況宮府所藏百物充牣朕躬行節儉凡珍異華美之物皆所不取

實由天性初非出於矯強諒亦諸臣所共喻明年五旬慶辰除該督撫等應進土貢仍准

奉 聖 旨

主

循例進獻備賞外所有金珠玩好各物概不准呈進若督撫中有准其屆期來京申祝者祇准呈遞如意或係科甲出身素工詞翰者並准其進獻詩冊書畫俾展慶忱儻經此次訓諭之後該督撫等復有違例進獻珍玩者必當加以譴責該督撫等務宜敬謹凜遵以副朕熙華崇實諄諄教誡之至意將此通諭知之○丙申

上 詣

大高殿行禮○還宮○是月山東巡撫吉綸奏

恪遵

聖訓益自加勉得旨當太平之世遇許言之主身為巡撫孰不欲抒猷報國乎然始勤終怠者多慎終如始者少蓋心隨境易自不覺耳能提省此心常留意於吏治民生保汝永承渥澤勉之

奉 聖 旨

主

大清仁宗受天興運敷化綏猷崇文經武孝恭勤儉端敏英哲睿皇帝實錄卷之一百九十二

[illegible]

較修

爾被水回民籽種口糧○戊戌諭內閣通政使司副使閻泰和奏大挑舉班壅滯請旨酌量變通一摺近年各省分發知縣班次較多前次挑發人員尚有未經補缺者若此次仍照舊額挑發恐需次多時轉形壅滯但如閻泰和所奏請將一等較舊額酌減一半所減之額即歸入二等班內則一等額數又未免較少而二等額數過多恐銓補亦多窒礙未為允協朕於藩部時兩次親理挑務其分別

上耕藉詣

先農壇行禮更服至耤田所

躬耕三推復加一推

御觀耕臺命睿親王端恩慶郡王永璘和郡王

綿循各五推吏部左侍郎潘世恩戶部左侍郎趙秉冲禮部左侍郎桂芳兵部左侍郎多慶刑部左侍郎廣興工部右侍郎陳希曾都察院左副都御史潤祥通政使司通政使書明阿大理寺少卿福泰各九推畢順天府府尹率農夫終畝賞賚農夫耆老如例○庚子旌表守正捐軀安徽阜陽縣民張宜年女張氏○辛丑

上啟鑒恭謁

東陵並巡幸浣津遣官祭

歷代帝王廟以工部尚書曹振鏞署吏部

尚書○免蹕路經過地方及天津府屬本年

額賦十分之三○是日駐蹕烟郊行宮○壬

寅以吏部右侍郎德文兵部右侍郎周興岱

知貢舉大學士董誥吏部尚書鄒炳泰為會

試正考官內閣學士秀寧顧德慶為副考官

○旌表守正捐軀河南盧氏縣民馬金魁妻

白氏○是日駐蹕白澗行宮○癸卯諭內閣

前經降旨特派直隸總督溫承惠查閱通省

官兵據溫承惠奏明所有馬蘭鎮及山永三

屯二協各兵俟此次差務完竣遵旨查閱乃

本日召見馬蘭鎮總兵積拉堪免冠叩求據

奏馬蘭一鎮官兵多係守護

陵寢差使繁重不能按期操演應請停其校閱

等語所奏大屬非是各鎮額設官兵平時自

當認真訓練豈得藉有差使任其技藝廢弛

馬蘭鎮額兵有守護

陵寢之責差使固重但該鎮兵額計有一千餘

名即據積拉堪所奏內有五百餘名須常派

差使則除當差之外尚有五百餘名寧不可

豫備抽閱況本日詢據積拉堪奏稱泰寧一

鎮官兵去年即經總督校閱試思泰寧鎮守

護

西陵與馬蘭鎮守護

東陵並無區異若謂泰寧一鎮官兵差使較少

可以抽調簡閱則該處原設兵數亦較馬蘭

鎮兵數為少何以調閱之外尚敷差使況總

督節制各鎮官兵係屬國家定制本應隨時

查閱且此次溫承惠係朕特派前往若總督

奉旨查看營伍而總兵可以奏請停止則總

督又何以統轄各鎮乎積拉堪係棄瑕錄用

之人冒昧陳奏大乖體制著交宗人府會同

兵部嚴加議處尋議革職得旨降為四等侍

衛仍戴宗室四品頂帶在大門上行走○給

巡視南漕御史衙門每月公用銀八十兩○

賞浙江等省丁卯科鄉試年老諸生吳凝瑞等五名舉人 是日駐蹕隆福寺行宮 甲辰

上恭謁

昭西陵

孝陵

孝東陵

景陵

裕陵俱未至碑亭即降輿慟哭步入

隆恩門詣

寶城前行禮躬奠哀慟王以下文武大臣官員均隨行禮○諭軍機大臣等吳熊光奏派文武員弁駐劄要隘地方嚴查接濟一摺所辦非是據稱粵東海道綿亙四千里港汊紛歧州縣官均有地方公事佐雜等又呼應不靈深恐禁止接濟等事照應未周請於吳川遂溪文昌等縣屬各地方盜匪出沒之所添派武職駐守現擬派總兵樊雄楚等各帶兵一

二三百名不等分投嚴密防堵除有民房廟宇可以租賃居住外其人煙稀少之處應相度形勢搭蓋土寮俾資棲止每兵日給口糧銀五分千把一員日給銀八分等語廣東洋盜充斥自應嚴杜接濟以清盜源但須平日不動聲色認真講求方為實心任事今吳熊光等接奉前旨並不詳細熟籌輒紛紛調派官兵分投防堵豈不駭人觀聽據稱各處海口係盜匪出沒之區地方文員查辦既不足恃不得不倚藉兵力吳熊光自當熟籌妥辦或責令各營就現有之兵加意操演認真巡邏或於兵少之區酌量移營安設控制皆無不可若當此無事之際忽派兵分撥各處往來檄調實屬張皇諺云賊如篋兵如剃豈可令其閒住良民家中坐索衣食甚至不法之事亦恐不免非徒無益而有害轉增滋擾實非政體亟應停派另籌良法至所議派委試用同知通判知縣等員往各處嚴密稽查於

拏獲大夥一二起後據實保奏即本管官亦寬免處分仍請獎擢並於月給委員銀三兩之外寬為酌給事皆可行著照所奏辦理將此諭令知之○是日駐蹕桃花寺行宮○乙巳祭

先蠶之神

皇后親詣行禮○以二等侍衛慶成為直隸馬蘭鎮總兵官兼總管內務府大臣○是日駐蹕白澗行宮○丙午清明節遣官祭

永陵

福陵

昭陵

昭西陵

孝陵

孝東陵

景陵

泰陵○命

皇次子○祭

泰東陵○遣官祭

裕陵○遣官祭

孝淑皇后陵寢○遣官祭

端慧皇太子園寢○西安將軍德楞泰奏請於西安城守營及撫標左右二營守兵五百五十名內酌改步兵四百名從之○是日駐蹕烟郊行宮○丁未

孝賢純皇后忌辰遣官祭

裕陵○諭內閣向來行營地方如有金刃傷人

者被傷之人限內身死問擬斬決如傷經平復發往伊犁給駐防官兵為奴因思尋常謀殺案件傷人至死者係斬監候入於情實傷而未死者係絞監候亦入情實行營地方遇有此等案件自應加重辦理以示懲儆今例內所載行營傷人至死者由斬候加至斬決至於傷而未死者無論謀故鬪毆均一概問擬發遣轉覺疏縱兇手例意殊未允協且行營傷人之案其情節本不專係鬪毆而舊例

所載行營金刀傷人係在鬪毆條下並無謀故專條甚屬疏漏且由斬決降等即為發遣輕重未免懸殊應另行分別酌擬以昭詳慎再行營駐蹕處所本與宮禁無異自應以地面之遠近分罪名之輕重向來刑部例文止載太監在紫禁城內外持金刀自傷者分別斬決斬候而於常人並未議及至行營地面遠近不同其在卡外者原可照常例辦理若在卡內及管轄聲音帳房以內均應逐層分

析定罪著交刑部將行營處所鬪毆謀故已死未死等案及紫禁城內傷人自傷之案如何分別酌擬詳定例文務使情罪各允當勿致畸重畸輕將來引用時庶免枉縱俟議上候朕酌定編入則例尋議新例二條一行營地方管轄聲音帳房以內謀故殺人及鬪毆金刀殺人者擬斬立決謀殺人傷而不死及鬪毆手足他物殺人者擬絞立決金刀傷人者發伊犁給駐防官兵為奴金刀自傷及

手足他物傷人者杖一百流三千里若在管轄聲音帳房以外卡倫門以內謀故殺人及鬪毆金刀殺人者亦擬斬立決謀殺人傷而不死及鬪毆手足他物殺人者擬絞監候入於情實金刀傷人者杖一百流三千里金刀自傷及手足他物傷人者杖一百徒三年以上除死罪外犯該遣罪以下者俱先行插箭隨營示眾其在卡倫門以外謀故鬪毆殺傷人及自傷者均照常律辦理一除太監在紫

禁城內外持金刀自傷分別斬決監候仍照舊例辦理外如常人在各處當差及各官跟役並內務府各項人役苑戶欽工匠役等在紫禁城內暨圓明園大宮門大東大西大北等門及西廠等處地方並各處內圍牆以內謀故殺人及鬪毆金刀殺人者擬斬立決謀殺人傷而不死及鬪毆手足他物殺人者擬絞立決金刀傷人者發伊犁給駐防官兵為奴金刀自傷及手足他物傷人者杖一百流

三千里若在紫禁城午門以外大清門以內暨圓明園大宮門大東大西大北等門以外鹿角木以內謀故殺人及鬪毆金刃殺人者擬斬立決謀殺人傷而不死及鬪毆手足他物殺人者擬絞監候入於情實金刃傷人者杖一百流三千里金刃自傷及手足他物傷人者杖一百徒三年以上除死罪外犯該違罪以下者俱枷號三箇月再行發配其東安西安地安等門以內及圓明園鹿角木並各內圍牆以外謀故鬪毆殺傷人及自傷者均照常律辦理不得濫引此例從之○行在兵部議處叅領忠傑失察護軍舒靈持刀傷人一案得旨此案護軍舒靈於進班時持刀傷人該叅領忠傑並未嚴行管束實屬咎有應得行在兵部僅議以罰俸六箇月未免過輕鑲白旗護軍叅領忠傑著實降一級調用嗣後行營兵丁有似此在卡內持刀傷人者該管官即照此例議處○是日駐蹕舊衙門

行宮○戊申

上詣

永慕寺行禮○軍機大臣等覆奏審擬舒靈扎傷護軍校窩星額一案得旨此案舒靈因聞無據之言遂疑以為污蔑其妻出自窩星額之口輒蓄意將窩星額致死且敢於行宮切近處所持刀逞兇尤為可惡自應依謀殺人傷而未死律先擬絞候仍按行營定例將舒靈先行插箭遊營一日示衆再交京刑部監禁如被傷之人限內因傷身死即照例斬決若傷不至死即依擬絞候入於本年秋審情實統俟窩星額養傷保辜限滿再行分別辦理○大學士會同禮部議覆兩江總督鐵保等奏江西萬載縣土棚考試童生滿五十人年舊例江西棚民入籍考試童生滿五十人以上取進一名百人以上二名二百人以上三名最多以四名為率取進以後歲科兩考幫補廩增及選拔挨貢科舉均照本籍生員

之例辦理土籍從無爭執迨乾隆二十八年前任學臣周煌以各屬棚民應考為數無多奏請歸入土籍考試惟萬載縣棚童較多經撫臣湯聘議以各縣既裁未便獨留因而勉強從事自此告訐之案殆無虛歲萬載縣土籍童生約計一千數百名學額止有十二名加以裁去棚額復占土額土額愈覺減少自合額後棚民滋生愈多至嘉慶六七等年每屆取進五六名不等棚民占額既多則土民入學愈少雖經加增額數合額如故槍冒難防土民終不能實受其益以致訐訟不休確察輿情必須仍復分額庶可永杜訟端所有萬載縣棚童十一年分應試者二百七十餘名照例應取四名即以

恩加文章四名武童一名作為棚童額缺其考試幫補廩增選拔挨貢並稽察槍冒等事悉遵舊例毋庸別為更改江西各縣棚民有人數過多者均照現定章程咨部辦理等語查

直省學額原有另設客籍之例現據該督等奏請仍復雍正九年定例分額取進之處應如所請即以嘉慶十年議增之文章四名武童一名作為棚童定額考試時於卷面註明客籍字樣毋庸與土籍十二名合取如有報捐貢監職銜者亦一體註明客籍以免牽混從之○是日駐蹕新衙門行宮 己酉諭內閣賽沖阿奏請分別修造臺灣哨船並稱近年官兵出洋捕盜每因船隻低小難以仰攻應請酌量變通等語臺灣戰哨各船攸關緝捕與其多造小船徒糜工料莫若酌改大船俾資得力著將應行造補梭船十七隻裁汰改造二丈三四尺梁頭大船八隻其應小修之善字號船隻屢經駕捕損動過多並著照大修例價辦理以便出洋捕盜之用餘俱著照所請行至臺灣班滿換回內渡官兵在洋遭風淹斃漂沒至二百六十餘員名之多情殊可憫著加恩照例卹賞 賞蹕路經過看

守各行宮弁兵半月錢糧○是日駐蹕黃新莊行宮○庚戌駐蹕涿州行宮○辛亥諭內閣王德奏覆訊卡倫侍衛巴哈在回莊搜查布魯特被回子逞兇毆打一案另行分別擬辦一摺此案前據范建豐審辦到時朕檢知巴哈平日不安本分飲酒滋事恐范建豐原審情節未確特交王德覆訊茲據王德奏稱巴哈委係前此看見巴瓦產妻女年紀少艾希圖叫來一同飲酒因薩木薩克叫喚不至

嗔其藏匿辱罵致被薩木薩克毆打等語其為漁色滋事果不出朕所料除薩木薩克肆毆官長至十二傷之多逞兇不法已即處絞示懲外巴哈身係職官先與回子回婦飲酒已屬卑鄙不堪又因漁色滋事尤為罔顧廉恥著於枷號三箇月後再行重責四十板發往伊犁充當折磨苦差以昭炯戒其餘均照所擬完結至摺內稱范建豐前此所取供詞與現在情節多有不符係章京等取供不明

請將伊與章京達靈阿等分別議處等語范建豐審辦此案並不研訊情節執據章京等所取之供入奏辦理草率著同章京達靈阿張觀二併交部議處○是日駐蹕紫泉行宮○壬子免蹕路經過各州縣及天津府屬十一年以前積欠額賦並直隸通省十一年以前積欠額賦十分之二○是日駐蹕趙北口行宮○癸丑命減直隸軍流以下人犯罪○是日駐蹕泰堡莊行宮○甲寅賞河兵一月

錢糧○是日駐蹕左格莊行宮○乙卯賞直隸辦差兵丁一月錢糧○是日駐蹕臺頭行宮○丙辰禮部以宗室會試中額請得旨取中四名○江南河道總督戴均元因病解任以副總河徐端為河道總督賞西寧辦事大臣那彥成三品頂帶為江南副總河通政使司副使文字副都統銜為西寧辦事大臣○是日駐蹕揚芬港行宮○丁巳諭內閣朕此次巡幸淀津各處行宮座落現俱一律整齊

足資懇頓但向來一經旋蹕地方官以為差務已過不甚經心雖有看守之人有名無實以致日久滲溼圯壞甚至窗櫺門牖等件亦多缺失不全再遇應用之時又需大為葺治物力殊覺可惜且各處行宮座落多係曾經動帑營辦者尤應加意保護所有此次臨涖淀津經朕駐蹕處所著於迴鑾後俱交該督責成各該地方官將本處行宮座落認真照料毋任稍有缺損以昭慎重○釋遣戍吉林

等處之顏檢李亨特張誠基貢楚克扎布巴寧阿台斐音遇昌李鑾宣令自備資斧前往南河効力○是日駐蹕王家場水營○戊午上幸天津詣

海神廟

風神廟拈香○諭內閣前據景安奏因委署縣缺一事藩司史積容先令首府舒謙徹換詳文復將舒謙誣揭請旨查辦當經降旨諭令汪志伊馳往秉公確查再行覈辦茲據汪

志伊查明具奏朕詳加披閱此事藩司史積容先以湯誥係曾經卓異之員於長沙縣出缺時稟商巡撫委署照議具詳嗣巡撫景安以寧鄉縣謝攀雲官聲素好較勝湯誥又試用通判俞克振審案出力欲改委謝攀雲署理長沙俞克振署理寧鄉現據汪志伊查明謝攀雲勝於湯誥之處皆確鑿有據其俞克振審案出力亦均有讞案可憑是景安欲行改委並無徇私情事惟委署官員自應撫藩

面行商議即或藩司偶未晉謁亦當傳令面見慎重熟商不當諭令知府轉告藩司致生齟齬乃景安並不向史積容面商率將改委之意令舒謙轉稟又於史積容稟請查辦舒謙時未將舒謙誤會史積容言語率行代徹原詳之處查明原委遽以史積容有心傾陷舒謙參其性情陰險實屬冒昧至史積容於舒謙面稟之時無論其事之是否可行皆當面商巡撫乃輒向舒謙告知以今既改委必

得請換原詳以致舒謙誤會徹詳迨舒謙徹詳之後該司又以舒謙代人鑽營越分專擅具稟巡撫查辦雖非有心傾陷辦理究屬舛錯至舒謙身係首府本不應干與藩司詳委署缺等事即或藩司諭令徹詳亦當引分力辭况又未將史積容之言詳晰聽明率向巡撫代徹司詳是舒謙雖無人謀缺等情而輕率從事亦有應得之咎景安史積容舒謙三人均著交部議處至史積容年力漸衰藩司職任較繁恐其照察不周且既與巡撫各有意見亦難望其和衷辦公史積容著來京另候簡用又諭朕鑒輅時巡畿南一帶地方老民老婦龐眉皓首矍鑠歡迎洵為昇平人瑞著地方官照恩詔之例賞賚以喀什噶爾叅贊大臣范建豐為正白旗蒙古副都統以服闋布政使朱紹曾為湖南布政使給巡視東漕御史衙門每月公用銀五十兩是日駐蹕柳墅行宮至癸亥皆如之

己未

上御黃幄閱天津兵水操以天津官兵行陣整齊總督溫承惠等賞賚有差庚申賜扈從王大臣蒙古王貝勒貝子及直隸總督提督等食並賞賚有差諭內閣前據都察院奏廣東民人劉啟正呈明伊子捐納詹事府學習行走之主簿劉秉鉞在京潛回本省並未歸家恐逃入澳門傳習邪教當經諭令吳熊光緝獲查辦茲據覆奏劉啟正之母劉阮氏帶同伊孫劉秉鉞並同回之工人尹秀赴香山縣投首實因祖母年老潛回看視並無別項不法等情其澳門夷人亦無窩留遁逃習教之事等語劉啟正家有老親並不思回籍奉養祇因耽戀在京家室公然欲行冒籍可謂不孝至其課子過嚴不特時加扑責甚至鎖繫禁錮迴出人情亦屬不慈且劉啟正屢次呈控妄稱澳門夷人有窩留習教等事顯係不安本分之徒前已遞回原籍著交地

方官嚴行管束如再敢出外滋事應即查拏按例嚴治其罪至劉秉鉞身係職官潛回原籍實屬擅離職役著照原議辦理工人尹秀一併交親屬領回管束兩廣總督吳熊光奏報殲斃洋匪生擒盜首鍾得高叅將何英等下部議敘旌表守正捐軀江蘇山陽縣民吉殿英妻劉氏辛酉召試迎鑒士子○廣西按察使王嘉賓年老休致以四川鹽茶道梁敦懷為廣西按察使○以服闋總兵官

富明阿為甘肅河州鎮總兵官○壬戌賞召試一等直隸廩生龍汝言安徽貢生齊彥槐唐人最直隸廩生李大壯安徽增生方士淦順天附生許椿頤舉人一體會試○廣直隸通省學額大學五名中學四名小學三名○以西安協領額爾奇為歸化城副都統○癸亥諭內閣吏部奏此次大挑舉人為數過多請免其迴避一摺所奏非是各項揀選人員前經該部奏定新例如欽派大臣內有與應

行挑選之員係屬姻親宗族即令赴挑者迴避本年大挑在即各省舉人現俱齊集候挑不下三千數百人若派出挑選之部院大臣一有姻親宗族即將該舉人迴避不准與挑未免向隅但一體免其迴避又與現行之例不符著吏部於查取堂銜奏請簡派以前先行知照各部院大臣等如赴挑人員內有係姻親宗族者自行註明該部扣除毋庸開列○以廣東羅定協副將馬應國為福建福寧

鎮總兵官○免直隸民欠旗租銀○甲子
上迴鑒○賞理藩院七品筆帖式德勒克扎布三等侍衛為烏魯木齊領隊大臣○是日駐蹕萬福寺水營○乙丑諭內閣豐紳以接奉頒賞墨刻木蘭記用漢字摺謝恩朕製木蘭記凜遵

前訓行圍校獵以彰滿洲舊業豐紳係滿洲世僕理宜繕具清字摺謝恩乃竟用漢字摺已屬非是且摺內多用浮詞頗染漢人習氣豐

紳著申飭。又諭汪志伊等奏查明楚省正續兩案軍需覈減隨征鄉勇銀米據實陳明一摺湖北征防鄉勇支領銀米前經戶部奏准將被賊州縣防堵鄉勇酌減二成近賊州縣防堵鄉勇酌減三成其隨征鄉勇亦酌減一成行令該省照數賠交在案茲據汪志伊等奏楚省隨征鄉勇當日悉由督撫帶兵大員札行地方官雇募解營分撥各隊按數點交花名人數本有檔冊可查實與征兵無異所有應得銀糧由帶領之人隨時出具領狀地方官無由高下其手並有川省鄉勇追賊到楚由楚支給銀米者楚省更無從虛捏此時既未便向原雇地方官著追又難責營員賠繳等語所奏自係實在情形所有部議覈減楚省隨征鄉勇一成銀五十九萬六千五百餘兩米二萬一千一百餘石著加恩准其一體報銷無庸酌減至該省防堵鄉勇覈減二成三成銀米亦著照該督撫所請先於原

辦各名下查明現在本省及升調別省者分別勒限催追外其有事故離任人員如實係人亡產絕即著落楚省州縣以上分別每年攤扣養廉二成還款俾帑項不致虛懸是日駐蹕桐柏村行宮 丙寅上行圍 諭內閣前據鐵保奏湖河實在情形現有必需籌辦要工如培築高堰山盱隄後土坡並補修智禮二壩以備湖水盛漲又修復毛城鋪石滾壩及減壩舊制以利節宣又普律培築大隄接築雲梯關外兩岸長隄以便收束黃流激溜歸海皆不可不及時籌備當經傳諭徐端令其確查妥議昨據該河督具奏與鐵保所見悉符已批交大學士九卿議奏南河頻年漫工疊見河湖受病頗深關繫運道民生自當妥籌經久之計惟是工程重大費用浩繁必須特派大員前往相度再行辦理著派協辦大學士尚書長麟戴衢亨馳驛前赴南河悉心查勘將鐵保等所奏各

工究竟此時應辦與否及興築次第如何酌分緩急先後之處通盤籌畫據實奏聞長麟戴衡亨於查勘事竣具摺覆奏後長麟著先行回京復命戴衡亨在京供職多年著加恩賞假一月回南昌原籍祭掃並看視伊叔戴均元患病情形再行回京復命所有隨帶司員亦著一併馳驛其前此派往南河効力之知府銜康基田即交與長麟戴衡亨帶往准其一體馳驛○禮部以會試中額請得旨滿

實錄卷五

五

洲取中八名蒙古取中二名漢軍取中三名直隸取中二十八名奉天取中二名山東取中二十名山山西取中十三名河南取中十三名陝甘取中十一名江蘇取中二十二名安徽取中十四名浙江取中二十三名江西取中二十一湖北取中十二名湖南取中十名福建取中十四名廣東取中八名廣西取中六名四川取中七名貴州取中十名雲南取中十二名○以工部尚書曹振鏞署戶部

尚書都察院左都御史宜興署刑部尚書工部左侍郎英和吏部左侍郎潘世恩署翰林院掌院學士○命翰林院侍講學士陳嵩慶在南書房行走○賞南苑各行宮苑戶半月錢糧海戶銀一千兩○是日駐蹕南衙門行宮○是月陝西巡撫方維甸奏奉到頒賞御製明慎用刑說墨刻得旨明慎敬勤毋枉毋縱庶幾漸致訟簡獄稀至於刑措之事三代以下斷不能有母惑空談反失正道勉之

實錄卷五

五

大清仁宗受天興運敷化綏猷崇文經武孝恭勤儉端敏英哲睿皇帝實錄卷之一百九十三

大清仁宗受天興運數化綏猷崇文經武孝恭勤儉端敏英哲睿皇帝實錄卷之一百九十四

監修總裁官磯田口謙起居注官金子太傅成英判大學寺文科關領事務察使兼上諭事件總管理部事務翰林院掌書

清帶一級存案。如蒙核辦，地稅官太子太保王潤閣大學士管理刑部事務加五級。臣等謹將

事務繁欽奉 主謝事件處協辦大學士戶部尚書翰林院掌院學士教習司官鑾儀衛內大臣等品級滿洲都統步軍統領管理都統處

奉天沈鴻烈將軍啟者，理經延聘，爲御藥房御醫。大補院西草堂事務。功三級。總管。分。如。行。節。加十三級。紀錄。主。治。其。和。親。王。

漢官太子太保禮部尚書主書序行及武英殿總裁管理兩子庶務加級通帶加三級紀錄四等侯江統珍等奏

教修

嘉慶十三年戊辰夏四月丁卯朔享

三、

十

十一

太廟遣儀親王永璘恭代行禮○諭軍機大臣等松筠奏審擬王貴珍致死龔明一案已批交刑部議奏矣據另片所稱伊犁現在有戲兩班恐年復一年人數加增引誘農家子弟入班學戲且將來駐防子弟漸習下流請嗣後班中不許再添一人如有引誘入班者審明懲處等語松筠辦理此事又失之輟弱伊犁等處有官兵在彼駐劄係屬軍營自當專務訓練俾知學習技勇敦崇習尚何得有演

戲等事從前乾隆四十年欽奉

王考高宗純皇帝諭旨儻有開設酒肆唱戲等事一經發覺定將該將軍大臣等一併治罪可見禁約綦嚴

聖心早慮及於此乃歷任將軍等奉行不力致現在聚有戲班是該將軍等已有應得之咎猶不上緊驅逐祇議令嗣後不許添人試思此時即不添人而該處既有戲班焉有農家子弟及駐防官兵不受其引誘之理此於該

處地方營伍大有關繫不可不力加整飭著
松筠即將該處戲班立行驅逐速令自歸內
地不准在彼逗遛如尚敢潛留即當治以違
禁之罪並通行南北各城一體凜遵毋得縱
容滋事○戶部議准廣東巡撫孫玉庭疏報
三水香山高明恩平四縣開墾田五頃四十
畝有奇照例升科從之○是日駐蹕團河行
宮○戊辰

上還宮○己巳英吉沙爾領隊大臣扎勒罕布

因病回旗賞二等侍衛吉勒章阿頭等侍衛
為英吉沙爾領隊大臣○予接駕廢員劉廣
超等錄用有差○

上以常寧祀

天於

園丘自是日始齋戒三日○辛未

上詣

南郊齋宮齋宿○諭內閣本日恭值

常寧祀典朕前期詣

壇齋宿見站班各員內除王公及一二品大臣
現在另派差事者其餘尚俱齊集至三四品
以下京堂頗屬寥寥在伊等自因平日召對
時少以朕不甚熟識遂爾相率偷安大失敬
事之義此次朕已覺察因人數過多姑免查
究嗣後如遇大典再有似此懈惰不到者一
經查出即照本日德麟貽誤視牲降罰之例
嚴行懲處決不輕貸○降貝勒德麟為貝子
並革護軍統領在散秩大臣上行走○壬申

常寧祀

天於

園丘

上親詣行禮○幸圓明園○以鑲紅旗滿洲副
都統明志為鑲白旗護軍統領○癸酉

上御勤政殿聽政○諭內閣刑部奏護軍富勒
章阿在園河大營用刀扎傷富順身死按律
定擬一摺行營犯事定例甚嚴且管轄聲音
帳房係切近處所即與紫禁城內無異該犯

富勒章阿輒敢持刀逞兇將富順傷斃情殊
可惡况該犯原與穆通阿口角爭毆富順趕
攔攔阻本係好言相勸乃該犯即用刀狠扎
致命兇橫已極富勒章阿著即處斬派侍郎
秦瀛護軍統領富翰於本旗教場監視行刑
先在該處將富勒章阿重責三十板再行處
決并傳集護軍人等在彼看視俾知儆懼仍
曉諭以行營切近地方務當安靜守法嗣後
如有似此藐法行兇之徒即照此從嚴辦理

決不寬貸○以太僕寺卿汪廷珍為內閣學士兼禮部侍郎銜仍留江西學政任翰林院侍讀學士吳芳培為詹事府詹事○甲戌上幸萬壽山○諭內閣勒保奏審擬墊江縣民人楊應淮呈控知縣李毓璣非刑拷斃多命一摺此案知縣李毓璣前在墊江縣任內於楊涵等具報被賊燒搶之時將楊榮林等查拏到案自應詳加研鞠楊榮林等是否有與邪教合夥情事按律辦理彼時該處縣丞李晨曾被賊匪戕害即使拏獲戕官正賊亦祇應按照刑章盡法懲治况所拏並非正賊其通賊亦尚在疑似之間豈容妄用非刑濫斃多命乃李毓璣於審訊此案時因該縣境內先有土匪彭世中通賊焚掠之案一聞夥犯供出楊榮林父子聲言糧食不足欲搶大戶輒疑其通賊與彭世中無異並因縣丞李晨被戕時經賊匪用鐵器燒烙殞命亦欲倣照懲辦竟將現獲各犯加以吊縛用烙鐵燬烙

訊供分別禁押遂於四月之內致斃七命殘忍酷虐莫此為甚似此任性濫刑恣行荼毒殊出情理之外不可不加以嚴懲已革知縣李毓璣著發往伊犁充當苦差並著於到配時先行枷號三箇月以示儆戒餘著照所擬完結至摺內所稱前署縣丞兼攝典史李晨慘遭賊匪戕斃情殊可憫當日曾否得有卹典該督摺內未經聲敘並著勒保查明如辦理遺漏著即奏明補行咨部照陣亡例賜卹○乙亥賞會試年老舉人葉芷等二百二十八名司業編修檢討助教學正職銜有差○予故西安副都統觀成祭葬如例○丙子以都察院左都御史宜興為滿洲緡譯會試正考官戶部左侍郎托津為副考官理藩院尚書博興為蒙古考官○丁丑上幸靜明園詣龍神廟拈香○幸靜宜園○以故喀爾喀車臣汗扎薩克輔國公衮布扎布子僧格多爾

濟襲爵。○以戶部尚書德璘署刑部尚書。○
旌表守正被戕河南柘城縣民魏有妻李氏。
○是日。駐蹕靜宜園。至辛巳皆如之。○戊寅。
諭內閣刑部奏提訊已革道員孫長廖私動
庫項放債漁利各情節。先將大概供詞繕錄
進呈。朕詳加披閱。該革員動用庫銀生息漁
利。已據供認屬實。即與侵用庫項無異。該革
員供內。祇稱將庫存公項陸續借出。其意明
知擅動庫項。科罪甚嚴。僅以借用為詞。希圖
避重就輕。得邀末減。而該堂官等奏片內。亦
即率照原供。聲稱借用。殊屬非是。已用硃筆
改正。庫貯銀款。絲毫皆關帑項。孫長庚係監
司大員。乃竟私行動用放債。謂非侵用。而何
現當清釐庫項之時。若稍涉顛預。必致相率
效尤。成何事體。雖該部此次所奏。僅係大概
情形。未即問擬罪名。但似此營私牟利之員。
將來定案時。即應援照侵用之例。嚴行懲辦。
豈容存官官相護積習。用此從輕字面嘗試。

豫為開脫。除董誥甫經典試出闈。未悉此案
原委。德璘於昨日始令兼署刑部尚書事務。
著加恩無庸交議外。其餘刑部堂官俱著交
部察議。仍著該堂官等於此案人證解到時。
嚴行質訊。明確按律加等定擬具奏。勿致輕
縱干咎。○塔爾巴哈台領隊大臣豐紳額因
病休致。賞伊犁協領愛新布。副都統銜。為塔
爾巴哈台領隊大臣。○旌表守正捐軀江蘇
寶山縣民趙華妻張氏。○己卯。諭軍機大臣
等。前因吳璥曾任南河。於該處情形自皆熟
悉。當將鐵保所議各條。及徐端覆奏現在應
辦各工。原摺發交吳璥閱看。如確有所見。令
即據實陳明。以備採擇。茲據逐款酌議。分別
緩急開單具奏。朕詳加披覽。吳璥以毛城鋪
可以分減異漲。亟應先辦。惟須豫將河灘進
水口門堅做裏頭鈴束。則水有節制。再將該
壩迤東一帶大隄。擇其地勢較低處所。酌鑲
防風。即或水大出槽。可資抵禦。至智禮兩壩。

修補石底。須查明仁義信壩底俱已損壞。方行修理。若尚屬堅整。已足宣洩。則智禮二壩。可以緩修。雲梯關外長隄。吳璥亦以為可緩之工。不必致滋糜費。其餘王營減壩高堰土坡。以及普律培築大隄。均應次第舉辦。是吳璥所見。與鐵保徐端稍有異同。再另摺條奏。洪湖周圍應酌量補築碎石坦坡。並引河臣靳輔曾以保隄障淮。功在坦坡之言為據。但此事從前屢經議及。有以為行之無益者。有以為必應亟辦者。究竟現在是否應行補築。著將吳璥原摺及各款清單。一併發交長麟戴衢亨。即與鐵保徐端熟籌妥議。朕固不為遙制。而長麟戴衢亨亦不得豫存成見。務須悉心講求。博加採訪。以期經久無弊。為一勞永逸之計。將此傳諭知之。○予福建出洋遭風淹斃把總黃鼎外委蘇榮宗祭葬卹廕。兵丁鄭國寶等五十一名。賞卹如例。○庚辰。上御演武廳。閱健銳營操。○諭內閣。據富俊奏。

熊岳滿洲協領缺出。請於已革副都統內揀選一員。賞給六品銜署理等語。凡已革大員復行起用。皆由朕特恩。從無由將軍大臣奏請者。若如富俊所請。恐啟奏請起用廢員之端。况富俊已將此缺咨行兵部。該部自必照例揀員擬補。富俊此奏。意中必有瞻徇之人。所奏斷不可行。所有熊岳滿洲協領員缺。仍交兵部照例於應升人員內遴員帶領引見補放。○予福建出洋遭風淹斃兵丁鄭振光等六名。賞卹如例。○除直隸張家口外場尚南山窩等處。水衝地七頃一百三十畝有奇。窩房十七間。租銀○辛巳。諭內閣。據溫承惠奏。千里長隄各工。現經奏請欽派大員驗收。惟格淀隄工程。前此興辦之後。屢被大水衝刷。雖經增估修築。並勒限賠修。而墊陷尚多。未能悉符原估丈尺。前曾據實奏明。恭候訓示辦理等語。格淀隄工程。前經溫承惠面奏。因風水汕刷。未能一律辦竣。因思此項隄工。

祇係豫備朕巡幸津浚時車馬經行之用於河道民田無甚關繫平時亦非往來大路現在文安縣民人尚因河水不能消退紛紛呈請完開此時著無庸再行補築所有應行驗收各工除千里長隄工程應按照原估丈尺驗收如有草率偷減即據實參奏責令賠補外其格浚隄工程著即將現在做就丈尺勘驗收工其不敷丈尺應按照土方銀兩著落承辦之員賠交完款至此次收驗工程已特

派尚書德瑛劉權之前往既據溫承惠送到估冊著即於本月十九日馳驛啟程所有隨帶司員亦著一併馳驛其劉權之兵部尚書事務著秦承恩暫行兼署○旌表守正捐軀直隸東光縣民王七女王氏○壬午

上還圓明園○癸未

孝端文皇后忌辰遣官祭

昭陵○諭內閣宗人府奏遵旨將軍流以下減等園禁空室之宗室玉慶等三犯案由開單

請旨一摺玉慶曾任大員前在喀喇沙爾辦事大臣任內伊家人向當舖燒錫民人等訛詐銀兩經伊查出祇將伊家人鞭責懲治追還銀兩並未奏明辦理實與故縱無異吉剛違犯祖母詈罵胞兄吉純以致吉純在朕前叩闕實屬不孝不弟玉慶吉剛二人情節較重均不准減等圖克坦因向康德祥分錢被康德祥刃傷伊始奪刀將康德祥扎傷情節尚輕圖克坦著加恩准其減等著該衙門會

同刑部照例辦理○閩浙總督阿林保奏大昨洋拏獲盜犯出力人員遊擊麥鷹揚等升擢有差○鑄給江蘇松江府川沙撫民同知關防從巡撫汪日章請也○命湖南上年被旱之湘陰巴陵平江華容臨湘五縣及歉收各屬減價平糶倉穀○乙酉命嗣後繙譯會試照文會試例將上三屆應試人數及取中額數分析開單請旨○以故輔國公崇尚子恒勳襲爵○命翰林院編修湯金釗在上書

房行走。○直隸正定鎮總兵官黃嘉謨不諳營伍。命來京為頭等侍衛。以前任甘肅西寧鎮總兵官九十為正定鎮總兵官。命宣化鎮總兵官隆福來京。仍在乾清門行走。以服闋總兵官蕭福祿為宣化鎮總兵官。○予故裕郡王亮煥祭葬。諡曰僖。○舉行嘉慶十二年軍政。漕標卓異官一員。年老官二員。分別議敘。處分如例。○戶部議准。兩浙鹽政三義助疏報仁和穿長。玉泉鳴鶴。四場開墾沙蕩灘。

田二千六百五十畝有奇。照例升科從之。○丙戌諭內閣。向例派出閱看庶吉士散館試卷之大臣等。均於宣旨簡派後。進內祇候站班。本日校閱清漢散館試卷二阿哥成親王。慶桂董誥俱奉派。循例先期入內。朕於前詣勤政殿時。伊等因簡派各員尚未到齊。是以未經站班。此外瑚圖禮王懿修曹振鏞戴聯奎周兆基五人。在朝房聽宣後。亦即趨赴奏事門。維時朕已至勤政殿。伊等雖未及站班。

進內尚不甚遲。惟縉布直至卯正二刻始到。殊屬懈玩。前因年屆七旬之大臣早起趨朝。特加體卹。諭令辰刻進內。原指尋常無事之時而言。今縉布既經開列閱卷。即應早至候宣。乃仍照常入直。遲逾多時。實非敬事之道。伊近日精力衰積。若仍令供職內廷。未免漸形竭蹶。縉布著退去內務府大臣。無庸交部議處。即令在城專辦本管部旗事務。遇值日及陳奏事件時。再行來園祇候。○又諭此次

考差人員著定於五月初六日考試。因思歷屆考差日期多在上科庶吉士散館及新科進士殿試以前。是以是年甫經留館之編檢及新科授職之一甲三名。向俱不及與試。現在考試試差雖已在各項試期之後。所有前項人員。仍俱毋庸與試。嗣後凡遇考差如在本年散館殿試以後。即著照此次辦理。○禮部以編譯會試中額請得旨。滿洲取中四名。蒙古取中一名。○命吏部尚書瑚圖禮禮部

尚書王懿修工部尚書曹振鏞吏部左侍郎
潘世恩禮部左侍郎桂芳兵部右侍郎周興
岱工部左侍郎周兆基工部右侍郎陳希曾
為殿試讀卷官○以病痊禮部侍郎王綬署
內閣學士○丁亥

上幸萬壽山詣

廣潤祠拈香○策試天下貢士劉嗣綰等二
百六十一名於保和殿制曰朕祇紹鴻圖仰
荷

吳緯純佑寰宇牧寧比者展義行慶河海奠安
欣被

景貺用是彌深寅畏式懸凝承宥密單心罔敢
暇逸勉思繹精一之微言躋蕩平之郅治慎
刑期協中之效宣防臻順軌之庥顧惕厲疊
諸朕躬而謔諷採乎士論茲當臨軒發策延
攬維殷爾多士對揚伊始其各獻嘉謨用資
啟沃自古帝王傳心之要主敬為先堯典始
終曰欽至舜而喜起賡歌明良交翊尤必相

勅以欽此千古傳心之精蘊也三代聖王曰
勅命曰昭受曰日躋曰靈承先後一揆可互
相證明歟朱子謂大學始終不外乎敬中庸
樞紐不外乎誠心法治法一以貫之者二書
實括其全能申明其義歟帝範帝學心經政
經諸書其言亦有合歟夫天亶聰明尤勤念
典所謂帝王之學異乎儒生者又安在也三
載考績始於虞書六計獎吏見於周官曰日
成曰月要曰歲會法禁密矣漢制以六條察

守相盍舉其目歟刺史秩六百石守相秩二
千石以卑察尊何也二千石以下六條之外
刺史得察之歟唐考吏以四善二十七最九
等宋以七事明以三等可畧言歟朕澄敘官
方風厲有位所期內外臣工無曠職守顧或
上行而下不效大法而小不廉因循塞責者
多實心任事者少抑獨何歟明刑所以弼教
易噬嗑之象曰先王以明罰勅法勅猶理也
旅之象曰君子以明慎用刑而不留獄言審

慎用刑而不稽留獄訟也。周禮大司寇以三典刑邦國以八刑糾萬民。聽以五聲議以八辟。未有不聽訟而遂可期。無訟者黃霸之治疑獄。顏真卿崔碣之決冤獄。皆卓可傳述。其

他尚多可考歟。夫獄犴不平。固多文致。而塵案遞積。必少平反。遂使情偽滋紛。奸詐百出。將欲矜慎庶獄。無枉無縱。果何道之從歟。我朝立法至為詳備。重民命而卹民生。問刑之官宜何如存明允之意。以求合乎刑期。無刑之道歟。天津為渤海故郡。其地南則衛河。北則白河。川瀆輻輳。漕運所經。衛河向苦淺滯。自漳河南徙。始以隄防為務。乃隄日增而水亦隨長。何以治之。白河性易衝突。非隄防所能禦。疏洩之功可或懈歟。三岔河上受南北諸水下。乘強潮。何以免倒漾橫流之患。漚汔子牙。是一是二。桑乾永定。孰原孰委。格淀以障渾流。何以三灘必須接築。筐篋港以洩盛漲。何以坦坡必須致功。今浚津隄河各工。以次

告竣。有能洞徹水利者。其條貫敷陳之。凡茲四事。持敬為宅心之本。亮功為熙績之徵。五刑恤而折獄惟良。六府修而安瀾永慶。皆制治之要圖也。多士學古入官。講求有素。以所蘊者著於篇。毋泛毋隱。朕將親覽焉。○諭內閣。朕仰蒙

吳蒼鴻祐

列聖慈恩。於本日得皇長孫雲初兆慶。奕葉延釐。明歲正值朕五旬萬壽。

嘉貺頻仍。洵為吉祥喜事。允宜加惠宮闈。用昭福瑞。誠妃著加恩。晉封為誠貴妃。吉嬪著加恩。晉封為莊妃。信貴人著加恩。晉封為信嬪。二阿哥之官女子那拉氏。慶育皇孫。著加恩。封為側室福晉。所有冊封典禮。著各該衙門照例辦理。○以鑲白旗蒙古副都統文寧為總管內務府大臣。○旌表守正捐軀山東臨朐縣民劉德妻吳氏。○戊子。諭內閣。庶吉士崇綬係阿桂曾孫。既習漢文。自當奮勉勤學。

前於中式進士覆試朝考時所作詩文俱屬平常。今既肄業三年。散館所作詩賦仍復平等。即將伊留館一年之閒。豈能長進。著加恩將崇綬挑為藍翎侍衛。仍戴五品廕生頂帶。在大門上行走。勉習騎射清語。○引見乙丑科散館人員。得旨此次散館之編修徐頤。何凌漢業經授職。其清書二甲之庶吉士陳玉銘。漢書二甲之庶吉士宗室崇弼。覺羅寶興。徐松。周壽椿。孫爾準。鄒植行。龔元鼎。石葆元。

董桂敷。魯垂紳。彭邦疇。章汝金。蘇繹。陳鴻墀。盛唐。胡敬。程德楷。史譜。孫升長。程伯鑒。何彤然。邱煌。翟錦觀。俱著授為編修。漢書三甲之庶吉士。除崇綬已另降清字諭旨外。其穆彰阿。裴元淦。葉申萬。師承瀚。申啟賢。俱著授為檢討。朱廷慶。李可瓊。著仍以庶吉士留館教習。宗室惠瑞。和桂。張志廉。汪全德。王琚。馮瑞辰。陳俊千。洪耀。童璜。張錫謙。聶銑敏。于克家。俱著以部屬用。色卜星額。劉詵。徐銓。李兆洛。

潘際雲。張聰賢。徐驥。曹芸。綢。錢人杰。吳遇坤。汪汝弼。黃步堂。何承先。許繩先。李黼。平。秦基。倪思蓮。王青蓮。俱著以知縣即用。莊詵。男。徐鑑。費卿庭。姚原綏。徐學晉。周尚蓮。張光燾。林文竹。張濂堂。俱著歸原班銓選。○陝西寧陝鎮總兵官楊遇春來京陛見。命在乾清門侍衛上行走。○己丑改安徽宿州新設南平撫民同知為鳳穎分防捕盜同知。並於宿靈璧懷遠毫蒙城五州縣抽撥民壯各十名。以資

緝捕。裁新設照磨。從署巡撫鄂雲布請也。○廣西思恩府屬安定司土巡檢潘允福緣事革退。以其子清漢襲職。○旌表守正捐軀四川鄆都縣民余本剛媳秦氏。○戶部議准兩浙鹽政三義助疏報大嵩場開墾塗田二百九十畝有奇。照例升科。從之。○庚寅。

上詣

大高殿行禮

時應宮拈香。○還宮。○御乾清宮。召讀卷官。

入親閱定進呈十卷甲第○諭內閣一日萬幾豈可稍怠本月二十二二十三兩日內閣均未進呈刑名本章實屬非是雖因二十一日朕初得皇長孫為國家茂衍蕃釐敬取吉祥但究於定制未協又涉怠於勤政況此次初得長孫宮中並未設席演劇諸事照常而諸臣何必如此迎合耶向來凡遇慶喜令辰將立決章奏暫緩呈進原有一定章程並無因誕育皇孫連日不進刑名本章之例設從前原議章程內載有此條朕亦必早為刪除試思政務殷繁豈容稍有曠誤若祇將立決章奏暫為緩進一日猶屬可行至於尋常刑名事件即降旨後尚須俟次年秋審辦理且屆時亦有情實緩決之分此時何所避忌前日朕未見奏遞刑名本章已覺不愜乃待至昨日猶未呈進實屬非是似此積壓頻仍勢必漸形叢脞豈朕勅幾勤政之意乎大學士等均著傳旨申飭嗣後不必如此揣摩朕非

好言祥瑞之主惟知勤政愛民耳再前此誕育四阿哥時在廷諸王公大臣均各呈遞如意四阿哥係朕登極後皇后誕生之子臣工等抒忱展慶理所當然即前日諸臣等因皇長孫誕育亦皆呈遞如意朕因初慶抱孫特行賞收並於兩次俱回賞如意用示錫祉聯情至此後慶育蕃昌正未有艾將來凡遇誕生皇子皇孫諸王公大臣等均不准呈遞如意違者治罪將此旨著內閣存記並諭諸王公大臣等知之○辛卯上御太和殿傳臚賜一甲吳信中謝階樹石承藻三人進士及第二甲朱榮等一百十五人進士出身三甲侯鈴等一百四十三人同進士出身○閩浙總督阿林保等奏報擊獲蔡牽義子蔡二來賞署知府直隸州知州徐汝瀾知府銜○調山海關副都統富疆阿為錦州副都統降江南提督卑保為山海關副都統調陝西提督薛大烈為江南提督以陝西

寧陝鎮總兵官楊遇春為提督四川阜和協副將馬元為寧陝鎮總兵官。○予故大學士保寧將軍奎林附祀伊犁雙烈祠。從將軍松筠請也。○壬辰諭內閣從前我

皇考高宗純皇帝萬壽旬慶皇子皇孫等祝嘏呼嵩情殷慶獻仰蒙

俯鑒惻忱曲加體恤豫

賜多金備進貢品

延釐錫福

盛典昭垂明歲為朕五旬萬壽諸王誼屬宗親自必同殷祝頌因思儀親王成親王係朕之兄慶郡王永璘係朕之弟定親王綿恩在朕諸姪中居長且係御前大臣其次即榮郡王綿億亦在內廷行走俱較諸王為近允宜酌加錫賚用遂抒誠儀親王成親王慶郡王永璘著各賞銀一萬兩定親王綿恩著賞銀八千兩榮郡王綿億著賞銀六千兩均由造辦處給發祇領俾從容備進貢物此外諸王俱

著仍照每年萬壽慶節循例獻祝母許多備貢品儻於例外加增朕亦斷不賞收諸王其各凜遵訓諭以副朕意。○又諭溫承惠奏查勘潞陽河淤阻情形請挑挖水占糧地以資行運一摺潞陽河係直隸運鹽要道向由寧晉之黃兒營一帶與濟水合流至天津入海今既據溫承惠委員查勘黃兒營一帶因濟水泛漲日久淤高難以挑復自應另籌運道以利民生著即照該督所請將現在水占之

耿家莊等處分段挑挖成河俾商艘民船不致阻滯其所需工料銀三萬九千八百二十餘兩亦著照所請知會長蘆鹽政於本年秋後將商捐銀兩照數撥發選派幹員帶同誠實商人赴工挑挖一切夫料工價俱由商人自行經手仍著該督派委道府大員駐工督率其河身所占地畝應納錢糧俟造冊具題時加恩豁免。○旌表守正捐軀安徽宿州民李希禹妻鄭氏。○癸巳旌表守正捐軀雲南

會澤縣民楊有仁妻蔣氏。○甲午命儀親王永璘成親王永理慶郡王永璘分詣

天神壇

地祇壇

太歲壇祈雨。○乙未諭內閣據巡漕給事中韓克均奏請定豫東漕船行走次序一摺所奏尚是。豫省漕船向例皆冬先冬開而東漕則須俟今春始行兌竣開運。乃歷來辦理拘泥豫漕於行抵德州後必須守候東省之德

州正幫開行始將豫省之通天二幫跟接前進而該二省隨後各幫又須彼此參錯行走動輒停留守候未免耽延時日以致該旗丁等多有賠累自應變通辦理嗣後著漕臣等轉飭各員弁所有豫東兩省幫船不必拘定德正通天四字名色排列先後行走惟當隨時察看無論何省何幫輒運在先均著隨到隨行挨次前進毋任稍有停滯以利漕運。○又諭刑部奏審擬叅革道員孫長庚擅動庫

項放債漁利一摺此案孫長庚以監司大員竟敢私提庫貯銀兩放債漁利以國帑為牟利之資行同市儈其卑鄙無恥膽大營私實為從來所未有刑部遵照前旨按律加等問擬以該革員所侵庫銀業於未經發覺之先陸續歸款比照監守自盜限內完贓之例由徒罪加等請旨發往新疆其罪名已無可再加惟其貪污骫法實為可恨孫長庚著即日起解發往伊犁毋許停留到配後著先行枷號三箇月再充當苦差三年期滿不得照例奏請辦理仍交該將軍隨時察看如在彼稍或滋事即據實叅辦從重治罪如安靜守法亦俟九年期滿再行奏聞請旨

大清仁宗受天興運敷化綏猷崇文經武孝恭
勤儉端敏英哲睿皇帝實錄卷之一百九十四

實錄卷一百九十四

五

清 實 錄 嘉慶十三年五月

大清仁宗受天興運敷化綏猷崇文經武孝恭
勤儉端敏英哲睿皇帝實錄卷之一百九十五

嘉慶十三年戊辰五月丙申朔諭軍機大臣
等勒保奏我眉縣歸化汛卡外野夷滋事派
兵查辦緣由一摺據稱該處野夷先於三月
十三四等日潛由菁林出至歸化汛之鍋石
岡等處焚掠滋擾嗣於本月初三四等日又
由山後繞至太平保所屬之花秋坪等處焚
掠各該處被燒房屋不少並燒斃民人商珩
等二十餘名擄去梁敬詩等六十餘丁口現
經派往之道員鄭成基查明係趕山坪等支
野夷并有羅回一帶熟夷在內入夥已就近

五七一

派阜和協副將馬元帶兵五百名前往相機辦理等語。野夷潛入內地滋擾。膽敢焚燒房屋搶劫財物。甚至傷掠人口甚多。殊可痛恨。必應大加懲創。俾知畏懼。并須剋期辦淨。方免日久擾累。勒保派馬元帶兵五百名前往查辦。如兵力尚覺不敷。不妨再派五百名前往合力勦辦。庶聲威壯盛。即可迅速了事。其提督豐紳現在已由松潘回省。應即令其趕緊前往督率辦理。設有需文員查辦之事。

臬司方積亦應飭令前往會同查辦。至此次野夷糾衆不法。是否實因口食無資。是以勾結熟夷。闖入內地搶掠。抑或另有起釁別故。務須詳晰查明。其糾約人數較多。必有為首起事之人。不可任令漏網。再此內若有漢奸勾引。尤當確切訪拏。與為首之人一併盡法處治。不可輕縱。總以從嚴辦理。不致需緩為要。其各該處被難民戶。並即督飭地方官妥為撫卹。免致失所。將此諭令知之。○丁酉。授

一甲一名進士吳信中。為翰林院修撰。二名進士謝階樹。三名進士石承藻。為翰林院編修。○戊戌。

孝誠仁皇后忌辰。遣官祭。

景陵。○命工部左侍郎英和。右侍郎陳希曾。教

習庶吉士。○己亥。命儀親王永璘。成親王永

璉。慶郡王永璘。分詣

天神壇。

地祇壇。

太歲壇。謝雨。○諭內閣。和寧奏。接准塔爾巴哈台參贊大臣愛星阿咨商。調取瑪納斯兵丁四百名。赴塔爾巴哈台屯田輪班更換一摺。朕披閱時。即覺其事窒礙難行。及召見慶桂。達慶當經詢問。伊二人俱曾任該處參贊大臣。於應否調兵屯田情形。素所熟悉。慶桂等皆以為不可。且據達慶奏稱。伊上年交卸來京時。愛星阿曾經商及添兵事宜。伊即面為阻止等語。今和寧接據咨會。據實奏駁。所

見甚是。塔爾巴哈台屯田兵丁原有一千名。前經慶桂因該處糧石充裕。奏裁二百名。嗣又撥出三百名在彼差操。現在塔爾巴哈台存貯倉糧尚有五萬餘石。每歲所獲屯糧計有七千餘石。足資官兵口食。愛星阿即因屯糧不敷。勢須動用倉糧搭放。豫籌開墾。亦應在差操兵三百名內就近酌撥。若因差務繁多。或酌量於陝甘內地換防官兵奏明調撥數十名。俾資屯種。乃計不出此。輒思調取瑪

納斯駐防春兵四百名。赴該處分班屯田。不惟事涉更張。且恐該官兵等素事操防。不諳耕作。一經調換屯種。必致技藝生疏。於邊防殊有關係。愛星阿冒昧議改舊章。殊屬非是。著傳旨嚴行申飭。所有該處屯兵。應否於差操兵內及陝甘換防官兵酌量調撥之處。著松筠會同愛星阿悉心妥議具奏。○又諭本科會試中式新進士王服經年八十五歲。殿試三甲文理清通。引見時看其精力尚健。洵

為熙朝人瑞。伊即未經中式。例得邀恩賞給翰林院檢討銜。今若改用庶吉士。令其在館學習。伊年已耄耄。詞賦之學或非所長。且散館轉需時日。王服經著加恩即授為翰林院檢討。以示嘉惠耆儒至意。嗣後如有中式進士年在八十以外者。均著照此例行。○引見新科進士得旨。一甲三名吳信中謝階樹。石承藻業經授職外。朱榮陳官俊蕭應荃周之琦方保升陶樑尹濟源董國華賀長齡趙光

祿饒絢春錢林龔以鏜唐業謙鄭城胡兆蘭羅家秀史評張葆趙植庭王耀辰潘恭常錢儀吉宮煥楊鎮屠倬解運衡元在功李恩輝沈學廉區玉麟鄭家蘭林培厚陳傳經沈岐戴宗沅恩寧劉嗣綰李桂林于學宗費丙章高翔麟張美如趙維熊吳恩韶吳其浚劉榮黼楊煊熊遇泰邵鳳依唐善良于德培涂晉馮清聘趙鍾彥徐江何珣郝兆鈺李聚元夏國培廖敦行曾冠英吳昌齡魏元煥程鍾靈

楊本濬隆文徐步雲王道行姚丙成王渠會賈秉鍾宗室敏勤馮縝王錫蒲著改為翰林院庶吉士丁嘉幹王若閔吳侍會馬毓林陳澄清武忠額宗室德剛阿谷懷清恒祥宗室功襲著分部學習孔傳曾陳柱鄒士麟彭嘉怒蕭元桂李保中郭大經王墀張聯奎路文澤傅德臨廖爵李若嶂吳鸞匡晉珏楊濱海戴此蘇獻琛葉璟李慎修鄭士俊吳乙照沈邦基江秋戴揚輝升保龔與春王鵬肅吳增

嘉泰光辰瞿家葵仲振履譚鵬霄朱文慶程際韶孫巖陳彥劉起遠龔定國劉亨地周貽組閻亮閣蔣舒惠高澤履張翔劉邦炳曾錫齡貴天培李煥林桂茂傅鍾璩金鼎壽陳肇英李源威化振尹元龍高崧張思勸黎葆醇孫鳳強克捷方時亮李毓昌席元榜梁達榜時功梅田體清張南圭何奕簪王餘晉郝延年全福王會清祝純禧汪桂葆沈禮崔偲張衍基趙家震許師賢崔顯宗李元豐馬玉墀

徐時英張煥光楊岳東陶運蘇榮慶任銓徐淳瑞楊蔚然杜懷瑛胡之銀劉統黃錫寶張雲龍王倣均著交吏部籤掣分發各省以知縣即用候選員外郎查有筠郭仁圖工部候補員外郎胡岱雲均著以六部員外郎即用候選主事戚宗彝著以六部主事即用候補內閣中書茅潤之著遇缺即補候選同知許嗣容議敘知縣劉斯寧著交吏部以同知知縣即行選用餘著歸班銓選（庚子諭內閣）

朕勤求治理惟日孜孜不敢稍自暇逸疊經訓諭臣工恪勤供職以符夙夜匪懈之義乃竟因循疲玩置若罔聞本日各部院大臣因節屆端陽俱來園呈遞膳牌並無一陳奏事件者大屬非是端陽非如朝正鉅典萬壽慶辰例應虔申賀祝於應奏事宜得以量為從緩若時值元旦萬壽朕亦斷不責令臣工呈進奏章致為矯情之舉至於端陽不過為屈原故事舊俗相沿實屬無關緊要非元旦可

比諸臣竟因此延擱奏章其意或以為天中節序未便奏事煩瀆謬為仰體朕懷而於歷次訓誡之旨不知領會殊不知朕心轉為不恆也向來端陽日內廷原有排當承應若值望雨之歲即行停罷若雨暘時若循例踵行且俱在披閱章奏召對廷臣事畢以後不過二三時即止於政務毫無妨礙此皆內外臣工所共見共聞者况寧使庶務稍繁多稽咎刻斷無因現值節日竟置公事於不辦也若

本日有一二衙門奏事朕亦不遽加責備乃相率延擱轉增朕之咎戾矣臣工等經朕再三訓飭之後尚不知力除積習若不加以懲處不足以示儆戒因召見大學士及各部院堂官面加詢問據禮兵二部及都察院堂官僉稱本日實無應奏之事該部院衙門事務本簡即遇輪班值日亦往往呈遞無事奏片朕所素知尚非遮飾戶部於昨日甫經奏事內務府堂官亦稱本日實無應奏之件俱著

免其議處至刑部為刑名總匯案牘較繁本日例不進刑名本章而該堂官因此意存避忌於尋常事件亦不陳奏究屬拘泥著從寬交部察議其吏工二部不得謂事簡衙門今竟無一陳奏事件殊屬不合該二部堂官著交都察院吏部議處嗣後再有應奏不奏任意積壓不止議處必行革職勿謂不教而懲言出法隨絕無情面諸臣其慎之自十四年始每遇端陽俱不必推班仍照常值日奏事

不必來園呈遞全牌用副朕勤政勅幾至意
○旌表守正捐軀山西高平縣民王明景妻龐氏○辛丑

上御勤政殿聽政○諭內閣昨因各部院堂官於端陽日呈遞全牌並無一處奏事者當經降旨嚴飭並分別懲處其內務府堂官亦經詢問實無應奏之件是以加恩免議本日據廣興參奏內務府本有請派大臣修理慶隆舞器物一招該司員業已辦理回堂文寧堅

以實無事件可奏。飾詞欺罔。蘇楞額在後隨。以必欲找事自然尚有總是拘泥。先行免冠叩頭。文寧退出之後。將蘇楞額當衆指斥在後者不應亂言。總該分辯。不應認不是。又詢知禮部都察院堂官並未碰頭。復將蘇楞額反覆抱怨。詞色之間。不似同寅。竟如屬吏等語。當特派大學士慶桂董誥祿康費淳將廣興叅奏原摺傳集文寧等發交閱看。並詳加質詢。若果文寧實係有心欺罔。又復退有後言。則其罪甚重。旋據慶桂等覆奏。詢問內務府大臣。僉稱修理慶隆舞器物一事。本未繕具奏摺。實無將商定應奏事件因節屆端陽有意改期情事。其抱怨蘇楞額在後不應亂言及碰頭認不是之處。詢之文寧。蘇楞額等俱稱實有此言。衆口如一。是文寧昨日所言無事可奏之語。尚屬有因。非敢飾詞欺罔。而於退出後對衆指斥蘇楞額一節。實屬狂妄。內務府堂官分位相等。無論行走班次前後。

於召對時總應一律敷陳。豈有止許在前者進言而在後者竟一言不發之理。況蘇楞額所言並無不是。文寧新進後生。粗知辦事。竟欲傲學和珅。以口舌爭勝。令同寅相率緘默。實屬膽大矣。即如六部九卿官階本有區別。而辦理公務尚須虛衷商榷。或各有所見。亦准另摺具陳。若必逞一人臆見。使衆人隨聲附和。豈不又開專擅之漸。況同寅協恭。亦何得任意詆訶。視如屬吏耶。至臣工等恪勤供職。不惟於辦公事偶有錯誤。一經訓飭。亟當俯首引咎。即於召對閒隨時指示訓誨。亦應敬聆叩首。今文寧竟因此指斥同官。實屬任性。此而不加以懲創。何以杜專擅而儆躁妄。文寧著先革去總管內務府大臣。仍交大學士會同該部嚴加議處。迅速具奏。廣興於昨日召對時。雖未將請派修理慶隆舞器物一事當面奏陳。但目覩文寧狂妄。即行叅奏。甚屬可嘉。著從寬免議。阿明阿常福英和並

未將現在本有應奏事件尚未辦定之處。據實聲明。祇稱實無應奏之件。均有不合。又未參奏文寧。其咎益重。著交大學士會同該部議處。○以國子監祭酒師承瀛為太僕寺卿。仍留山東學政任。○以本年鄉試考試應開列試差人員於正大光明殿。○壬寅四川北鎮總兵官田朝貴來京陛見。賞還花翎。並巴圖魯名號。○除浙江仁和場。坍廢蕩地五千九百五十畝。有奇。鹽課。○癸卯。

上幸靜明園詣

龍神廟拈香。○諭內閣長麟戴衢亨奏。勘明毛城鋪毋庸修復。並另籌宣洩之路。以利漕運。而防盛漲一摺。據稱毛城鋪滾水壩。因啟放日久。河水下趨。著重前經掣動大溜。致成漫口。經年累月。始行堵合。現在該壩東西相距五十餘丈。口門寬廣。一經啟放。恐黃水建瓴而下。不能循軌前進。大隄難保。無潰決之虞。茲據康基田告稱。天然開迤東數里地名

十八里屯。有前河臣靳輔所建石閘二座。足以減黃利運。當往勘明。該處有小石山一座。中峯兩旁有山縫二道。東山縫內尚露舊時壩頂。西山縫內業已積淤。又復遍加採訪。適有老民張姓。指認帶領人夫。刨挖已得原舊壩基。該二閘每閘過水僅寬三丈有餘。山石夾峙。可保無奪溜衝決之患。應請旨興修。其毛城鋪石壩。毋庸辦理等語。所辦甚好。其摺內所敘情形。并圖說。亦皆明晰。前此鐵保等

請修毛城鋪。原為減黃利運起見。但流弊甚多。若竟照所議辦理。不但工費浩繁。且該處勢若建瓴。口門寬廣。將來啟放時。必致一發莫禦。下游潰決之患。何所不至。長麟戴衢亨於馳詣江境後。因康基田告稱十八里屯地方舊有壩基。足資宣洩。即至彼確勘。並又訪得一百三十餘歲之張姓老民。令其指引人夫。立將壩基刨出。信而有徵。於此修復舊規。較之毛城鋪工程。實屬事半功倍。長麟戴衢

亨能不遷就鐵保等原奏。留心博訪。措置得宜。實為可嘉。俟工成後。再行優敘。至康基田。曾任河臣。近因年老。改用京員。此次派令。隨往。能將十八里屯舊開基址。呈明辦理。可見其平日留心河務。深中窺要。應予嘉獎。康基田著加恩升賞道銜。並賞戴花翎。張姓老民。年已一百三十餘歲。尚能記憶壩座舊基。帶人指認得濟要工。亦屬可嘉。伊從前自必得受旌賞。著鐵保詳查。如無頂帶。即賞給七品頂帶。再酌量賞銀數十兩。並加賞大緞二匹。以示獎勵。所有十八里屯修復舊開。並開挑引河。打築隄岸等事。俱著交該督等確估具奏。於本年大汛後。即行辦理。務須認真督辦。期收減黃利運之益。不可草率。其修復毛城鋪石壩之處。毋庸議。○甲辰諭內閣。大學士慶桂等會同吏兵二部。奏遵旨嚴議文寧。並議處阿明阿等一摺。請將文寧議以革職處分。甚當。其阿明阿等三人。均議以降三級。

不准抵銷之處。所議亦是。惟摺內敘述文寧獲咎之由。措詞尚屬未協。各衙門堂官遇有公事。原當虛衷商榷。即開因持論不合。彼此爭執。亦所時有。若如摺內出語所云。因文寧將蘇楞額對眾指斥。任性狂妄。即議以褫革。則從此各部院衙門大學士尚書侍郎等官。遇事唯阿。不敢稍涉辨難。彼此緘默。相率效尤。於政治何所裨益。文寧之罪。不在指斥蘇楞額。朕實緣文寧前日於見面出後。敢向蘇楞額聲稱。以召對時。伊先已堅稱內務府並無應奏事件。其餘諸人俱當照伊分辯。乃蘇楞額輒自認拘泥。免冠叩頭。似此在後者可。以亂言在前者。如何辦事等語。其專擅膽大。莫此為甚。是竟欲以一人率逞臆見。眾人皆隨聲附和。無或稍忤其意。從此箝口結舌。聽其所為。豈不又如從前和珅爭勝攬權之弊。朕之所以必欲重處文寧。與文寧之所以得罪者。在此而不在彼也。文寧性情乖執。本應

照部議革職姑念其在滿洲翰林中學問尚可著加恩賞給編修在文穎館効力行走仍帶革職留任如再不知愧悔仍復躁妄爭競必當重治其罪又此摺內敘稱阿明阿等三人出語以伊等未將應奏事件據實奏明又未將文寧叅奏是以議處等語措詞尚有未盡阿明阿常福英和同係總管內務府大臣於文寧面斥蘇楞額之時又同聞專擅之語即當公同叅奏或各自具摺亦可乃竟容忍

不言豈非又蹈從前積習各懷緘默一任文寧之在前專擅乎阿明阿常福英和三人本當照議降調姑念同時更換未免乏人著加恩俱改為降四級從寬留任所有步軍統領員缺著宜興補授伊現署刑部尚書事務著瑚圖禮接署特克慎著補授左都御史所有理藩院右侍郎員缺著慶惠補授仍兼副都統額勒布著補授總管內務府大臣兼管奉宸苑事務其所遺兩淮鹽政著阿克當阿去

英和著充武英殿總裁和世泰著管理三山事務其額勒布未到京以前所有奉宸苑事務著英和暫行署理扎郎阿現已簡放都統仍著兼管太常寺鴻臚寺事務所有兵部右侍郎員缺著成書調補其工部右侍郎員缺著常福補授至福會年老無能不勝京營總兵之任著退去總兵仍留副都統所有右翼總兵員缺著多慶補授不必管理圓明園事務此次朕簡放各缺分別升調署理遵用多

人而於蘇楞額廣興二人即著缺亦未派及蓋舉措為大政所繫現因文寧意存專擅與蘇楞額爭競被廣興叅奏是以錫職若即令蘇楞額廣興署理各缺恐外間無知之徒妄生議論以為被叅者立遭擯棄而彈劾之人即可得其遺缺恩眷加隆或紛紛以攻訐見長妄生覬覦大於政體有礙朕所以慎簡諸人另為分別調派而不及蘇楞額廣興二人者用人行政之苦心內外臣工所當共喻此

即為君之所以難也將此通諭知之○閩浙總督阿林保奏擊獲艇匪出力人員遊擊陳夢熊下部議敘○以鑲藍旗滿洲副都統扎郎阿為鑲白旗蒙古都統調鑲黃旗蒙古副都統穆克登額為鑲藍旗滿洲副都統以署正黃旗漢軍副都統隆福為鑲黃旗蒙古副都統調鑲白旗漢軍副都統常福為正黃旗滿洲副都統○乙巳諭內閣方維甸奏嘉慶十年陝省採買供支兵糧麥石因該省被災

遠赴托克托城採買價值較昂每麥一石需銀二兩九錢援照六年成案每石止准銷銀二兩二錢六分二釐其不敷之六錢三分八釐仍行捐賠歸款所有應銷麥石銀四萬二千九百七十八兩可否免其再減請旨辦理等語陝省前次採買供支兵糧麥石因本境難以購買遠赴山西托克托城採辦需價較昂非例價可以報銷所奏自係實在情形所有陝省嘉慶十年採買麥石請銷銀四萬二

千九百七十八兩著加恩准其報銷毋庸再行議減○調兵部左侍郎多慶為禮部右侍郎禮部右侍郎普恭為兵部左侍郎○戶部議准陝甘總督長齡疏報烏魯木齊塔西河所開墾地一項二十畝照例升科從之○丙午旌表守正捐軀安徽石埭縣民徐邦瑞妻陳氏○戊申遣官祭關帝廟○除福建詔安場坵廢坵塢鹽課○辛亥諭內閣本日大學士議奏不進刑名本

單內朕詳加酌覈如親祭

奉先殿及恭進

玉牒懋敬殿筵宴宗室向不進本之日著改為不進立決本至

皇后千秋先一日初九尚在朕萬壽期內自應仍不進刑名本章其十一向不進刑名本之日亦改為不進重辟本皇子皇孫誕生日期仍照舊進刑名本餘俱照所議行○予陝西陣亡叅將楊之震遊擊葉炳銓都司羅全

亮守備田得把總王廷外委劉吉許建英四川陣亡千總劉明志蘇國瑞袁得亮把總胡鳳韜張祿陳士英外委李永清謝明陞祭葬世職河南搶埽淹斃把總樊得名祭葬卹廕如例○壬子諭內閣據德楞泰等奏西安滿營請添設無米養育兵一摺著照德楞泰所奏所有挑出每日操演打過堂之幼丁一百二十八名著施恩由彼處馬價生息銀兩及舊有之獎賞銀兩內每月各賞銀一兩永遠作為無米養育兵額遇有缺出即於幼丁內將善打過堂者挑補○甲寅諭內閣我朝自開國以來凡八旗滿洲蒙古漢軍人等子弟俗尚淳良咸臻樸茂累世相沿已非一日乃近年之中旗人風氣日漸澆薄居恒在家率皆不務弓馬正業徒以遊惰驕奢愈趨愈下其不肖者動輒於歌場酒肆恣意遊蕩並或設局聚賭稍有睚眦即逞忿持刃相向以致將國家養贍衣食之資盡成蕩廢生計日形

其艱而輕蹈王章者愈見其衆竟有敢於在行營切近處所持刀傷人斃命之事甚而至於兇惡蔑倫復有如本日法司衙門審訊馬甲雙喜因瘋殺死伊母舅並扎傷伊母陳張氏等問擬斬決一案聞之實堪駭異試思明倫敦教孝弟為先該旗人於根本之地尚復漸滅天良何暇他責推求其故皆由朕不能教導八旗所致然朕日理天下庶政實繁八旗俱簡任王大臣管理皆不能實心化誨平日罔知訓迪不能禁於未發旗人等身罹罪網責有攸歸即王大臣中頗有持正者惟知以挑缺派差等事不徇情面即謂克稱厥職殊不知探本求源更有重於此者至若叅佐領等官於旗人更為切近尤當隨時加意化導力挽積趨乃亦視為故常若罔聞見則從前敦龐純固之風何以使之漸復而朝廷設官立教其義安在除將該犯雙喜著即於該旗教場地方斬決梟示外所有八旗都統副

都統前鋒統領護軍統領等俱著傳旨申飭嗣後務當督飭所屬叅佐領及各營官員均須實心訓導俾旗人等革薄從忠痛除積習以副朕諄諄誥誡之至意將此通諭知之○又諭據御史花杰奏請嗣後欽差大臣前往外省審案隨帶司員不許問供亦不許與地方官吏接見則地方官雖有請託行私之心亦不敢向欽差嘗試等語外省遇有重大案件特派欽差前往審辦原應欽差專主審斷

其有案情頭緒繁多人證甚衆者亦不能不令司員分起鞫訊至於罪名輕重引斷爰書自當欽差經理不得專委司員自圖安逸僅於定供後過堂一問了事至欽差在外省審案地方官欲藉此餽送行私例禁本嚴欽差自應隨時稽查一體凜遵杜絕苞苴共矢清白庶幾無負委任其隨帶司員嗣後外間亦斷不許有小欽差之稱○乙卯旌表守正被戕浙江蕭山縣民張兆美妻趙氏守正捐軀

陝西長安縣民盧泳妻樊氏○除直隸宛平縣水衝地一項二十畝有奇額賦○丙辰上幸萬壽山○諭內閣長麟戴衢亨奏續勘王營減壩及兩岸大隄至海口一路各工實在情形一摺並繪圖貼說進呈朕詳加披閱王營減壩原係掣消漲水現在舊壩地勢既逼近黃河且自堵閉決口後深塘積水施工甚難自應量為改建著照所擬挪置舊壩西首如式築做滾壩並添做石壩以為重門保護

之計所需工費應即令確估興修俾資宣洩至沿河兩岸大隄徐州以上既開有卑薄處所淮揚所屬各工且多灘高隄矮山安海防等廳更有灘與隄平僅賴子堰護持者勢須普律加培以昭慎重所需估修銀二百餘萬兩著准其先於兩淮運庫內提借銀四十萬兩交鐵保等派員先將揚屬隄工卑薄較甚各處於本年伏秋前趕緊加培務臻鞏固其餘稍緩之處仍分定段落覈定銀數於霜降

後次第興工。其雲梯關至海口一帶情形既經查明。海口實在寬深。並無阻遏形勢。惟舊無隄埝之處。河水平行散流。兩岸村落散布。民田廬舍甚多。近年河水旁溢。賑卹頻加。應須接築長隄。為束水歸槽。衛護民生之計。著照所擬。即自八灘以上。將南北二隄畧做雁翅形勢。酌量接築。所有估需工費及移駐修守之處。俱令鐵保等詳議辦理。仍查照長麟戴衢亨所奏各條。分別各工先後次第覈實

妥辦為要。○閩浙總督阿林保等奏報官兵勦擒蔡逆夥盜多名。得旨嘉獎。擢參將銜周國泰署福寧鎮總兵官。總兵官孫大剛等下部議敘。千總周應元等升擢有差。賞兵勇詹名顯等頂帶銀牌。○以福建福寧鎮總兵官馬應國。不諳水師。命候補陸路總兵官○丁巳諭內閣。御史史祐奏請勅諭部院堂官及各省督撫。照例嚴行甄別捐班。及各項學習試用人員。以肅吏治。而勵人材。一摺。所奏甚

是捐班各項人員。在部院學習行走。及分發各省試用。期滿後。該堂官督撫等。均應秉公考覈。用副澄敘。官方之意。前經明降諭旨。著為定例。乃近日學習試用人員。各部院堂官等。無不奏請留用。外省督撫等。亦從未甄別一人。未免相率因循。意存姑息。見好沽名。市恩邀譽。實為近年內外臣工之通病。試思學習試用字樣。原以該員等初登仕版。其才具堪以造就與否。尚未可知。若一味優容。漫無

區別。必致庸劣之員。亦得濫竽僥倖。其何以示懲勸。而別賢愚。嗣後該堂官督撫等。惟應恪遵定例。嚴行甄覈。儻該員等學習試用期滿時。稍存遷就。或於保奏之後。致有貽誤曠職情事。即惟該堂官督撫是問。必當加以懲處。設更有婪贓犯科者。並將原保之堂官督撫等。加倍治罪。勿得視為具文也。○戊午

孝恭仁皇后忌辰。遣官祭景陵。○諭內閣。昨日朕引見人員時。八旗都統

副都統等以前降旨中飭伊等失於訓導旗人相率扯頭殊屬無謂朕日理萬幾政務殷繁責成王大臣訓導旗人近年以來八旗人等風氣趨下甚至肆行悍惡朕心實有不忍是以降旨諄諄告誡八旗都統副都統等遵奉此旨理宜愧悔平日未能實心教育從此加意整飭力輓澆風方為善體朕心乃一奉中飭惟知扯頭即謂了事耶著再通諭八旗都統副都統等各率本旗叅佐領等視國

事為家事各將所屬旗人盡心訓導革除積習期復淳樸舊俗斷不可仍復因循徒尚虛文也○又諭昨據御史史祐條奏請嚴行甄別捐班及各項學習人員一摺已明降諭旨飭令秉公考覈毋得市恩邀譽自干咎戾該部院堂官等若視為具文一味優容見好不復加之澄汰固屬甘蹈愆尤儻經此次嚴飭遂有意從苛將學習行走人員不辨賢愚優劣於期滿後率多咨駁恐亦不免屈抑人材

若俟帶領引見時專候朕裁該員等平日賢否勤惰既難一望而知且其才具堪以造就與否亦不能盡以貌取嗣後捐班及各項學習行走人員如果堪以奏留者於報滿時著該堂官等出具切實考語帶領引見不得僅以留心部務行走勤慎虛詞含混搪塞若才具平庸隨時甄別奏駁亦可不必專候期滿庶免壅滯而收實益○已未

上御勤政殿聽政○諭內閣鑲黃旗滿洲都統

奏世管佐領和舒事務生疏清語平常不能勝任請將佐領圖記派伊族中戶科給事中
和精額署理等語所奏甚是都統副都統綜理一旗自難比戶皆知至佐領與所屬旗人較近其中賢否易於稽察若佐領不能辦事安能將該管旗人訓導和舒所管佐領圖記即照所奏著給事中和精額署理和舒著充當旗差嗣後八旗滿洲蒙古漢軍都統等於所管佐領內儘有此等人員俱照此辦理○

又諭長麟戴衢亨奏查明堰圩堤壩各工籌畫辦理。又酌分工程緩急先後覈計經費各摺併將所繪高堰隄工圖樣進呈朕詳加披閱。高堰隄工為淮揚一帶保障。關繫非輕。今石工既因風浪掣卸不足深恃。惟有加築後戩土坡以資抵禦。摺內所論甚是。惟原估過於加寬需費較多。現在長麟戴衢亨等復加酌議擬加寬頂二三四丈以資防守。著即照所奏辦理。其智禮二壩既據勘明壩身過卑

恐啟放清水時漫無收束不得不加高壩底使有節制。自係實在情形。著即照摺內所定加高四尺之數辦理。仍於其上畧為封土。隨時酌量宣洩。並須得守且守勿致下游頻遭淹浸為要。其仁信二壩著從緩辦理。南河應辦各工固皆緊要。然其勢不能同時並舉。長麟戴衢亨摺內所啟除將揚屬隄工卑薄較甚之處先於本年伏秋大汛前趕辦外其餘分別緊要次要。自本年霜降後以至十四十

五兩年霜降後次第興辦。其區分甚為得宜。著該督等督率工員認真經理。○刑部奏審明幾倫一犯照律定擬一摺。得旨此案強六因顧翁媳名分持刀逼子婦成姦實屬亂倫傷化應即照擬處斬。但思向來朝審處決重囚總在冬至十日以前現在距夏至

北郊大祀不過五日自應暫予緩刑。所有強六一犯著俟至閏五月初三日再行處決。奏聞並著刑部嗣後將在京立決人犯如將屆夏

至日期可做照冬至之例或在夏至五六日以前奏請辦理酌議章程具奏尋議請嗣後夏至以前五日後三日為限一切立決人犯俱停止行刑從之。○命嗣後吏兵二部議處罪案除私罪不准查抵外如有實係公罪經特旨交議者其應否准抵之處於摺內聲明請旨裁奪。○浙江巡撫阮元奏攻擊盜船受傷殺賊並捕盜出力人員署叅將朱天奇下部議敘。擢千總謝榮耀為守備。○以太僕寺

卿哈魯堪為大理寺卿○庚申諭內閣據御史孔昭虔奏請修先賢祠廟以崇祀典一摺山東曲阜縣建有復聖顏子專廟久膺崇祀今祠宇日就敝積自應亟加修葺整復舊觀因思闕里

至聖孔子廟宮牆在望典極崇隆自雍正年間估修以後迄今歷有歲時恐垣墉棟宇間有滲圯之處亦宜速為繕治以肅觀瞻著山東巡撫吉綸即親往敬謹閱勘一併覈實確

估奏明動項興修用副朕崇儒重道至意○

辛酉

上詣

大高殿行禮○還宮○戶部議准江西巡撫金光梯疏報南昌鉛山二縣開墾田八十畝有奇照例升科從之○以夏至祭

地於

方澤自是日始齋戒三日○壬戌諭內閣御史徐寅亮奏請興辦高堰碎石坦坡一摺所奏

詞語失當殊屬非是已於摺內批示矣高堰隄工為淮揚一帶保障碎石坦坡之制所以擁護隄根使風濤不致汕刷其法誠善朕素所深知惟工費浩繁辦理曠日持久前年曾諭令鐵保等試辦旋據奏明中止本年特命長麟戴衢亨前往南河勘辦各要工適吳璥又以此事應辦為奏當經諭令長麟戴衢亨於赴高堰時一併查勘前日據伊等奏稱坦坡護隄得力即如前年所拋碎石各處現在均未塌損惟工段綿長為期需七八年其費需數百萬祇可從緩議辦至該處石工難恃現擬先行加築後戩土坡以資抵禦俟將來各工完竣再請興辦等語南河工段繁多勢難同時並舉現在如培築徐揚各屬大隄修復十八里屯閘座改建王營減壩添築雲梯關外長隄以及加築高堰土戩添築智禮壩基均經酌議分年辦理其坦坡工程自不得不暫時從緩亦非竟置不辦朕之注意於淮

揚一帶生靈。以及運道民田。籌畫周備者。實無時不往來於心。欲與斯民共臻樂利。而敷施自有次序。必須逐漸經理。至於利害所繫。又何嘗不思深慮遠。縈念旰宵耶。今該御史並不知詳細原委。但聞有人奏議。及此因即具摺奏陳。作為已之建白。而摺內連篇累牘。故作危詞。意圖聳人觀聽。殊不知該御史摺內之語。朕與中外臣工皆所慮及。但不忍出於口筆於摺耳。試思朕若不慮及此。則此

次又何必命長麟戴衢亨前往南河查辦各工。熟籌興辦耶。徐寅亮信口數陳。罔知忌諱。著傳旨申飭。至其摺內所稱清河縣界內老子山。即有碎石可採。不必遠涉皖省。濶溪等山。購辦等語。該處果有碎石可採。將來辦工時。自應就近採辦。已命鐵保等確切詳查。於興工時。覈實辦理。該御史言苟足聽。朕亦未嘗不加採擇也。○考試進士出身滿漢二品以下京堂各官於上書房。○旌表守正捐軀

直隸新城縣民周順妻李氏。○癸亥諭內閣。前因皇長孫誕育。在廷王大臣呈遞如意。特降旨嗣後凡遇皇子皇孫誕生。俱無庸呈遞。近來外省將軍督撫以及學政藩臬兩司總兵等因。誕育皇長孫。俱紛紛具摺陳賀。未免漫無區別。將軍督撫分位與內廷卿貳相埒。抒誠展慶。體制攸宜。若藩臬總兵及學政中之品秩較小者。均可無庸呈遞。賀摺從前四阿哥係朕登極後

皇后誕生之子。此次皇長孫。又係朕初慶抱孫。內外王大臣相率奏賀。尚屬理所當然。至嗣後慶育蕃昌。正未有艾。每遇誕生皇子皇孫。不特外省將軍督撫不准陳賀。即內廷王公大臣亦不必中賀也。將此通諭知之。○以科爾沁貝子鄂勒哲依圖為理藩院額外侍郎。○甲子夏至祭

地於
方澤

上親詣行禮○辛酉明園○乙丑以故輔國將軍亮源子恒貴襲奉國將軍○調山東按察使朱棟為甘肅按察使以鴻臚寺卿百齡為山東按察使

大清仁宗受天興運敷化綏猷崇文經武孝恭勤儉端敏英哲睿皇帝實錄卷之一百九十五

寶錄卷一見五

三

大清仁宗受天興運敷化綏猷崇文經武孝恭勤儉端敏英哲睿皇帝實錄卷之一百九十六

教修

低其額設獄卒三十名分班聽用亦尚不敷均應酌量增添等語奉天省部獄祇有小屋七間羈禁常有一百餘人之多未免窄狹遇有疾病易致傳染非所以示矜恤著即照馬慧裕所請添建東西廂房六間以資分禁其獄牆亦加高二尺俾得慎重防守所需物料銀五百一十餘兩及匠夫銀一百餘兩均准其查照估計覈實興修務期堅固仍咨送工部查覈至獄卒人數既少不敷看管亦著照

馬慧裕所請再行增添十名照例由各該縣選充一體輪流防範○辛未諭內閣據汪志伊奏誤違例限部議休致之藍翎侍衛黃河清情殷報効據情轉奏一摺該員黃河清於告假回籍後旋因患病復接丁憂於守制百日期滿不即赴部銷假逾限二年零二十六日始行到部雖續經患病又未據呈報部議休致固屬咎所應得姑念其不諳漢侍衛在籍守制祇應百日之例仍照常守喪二十七

月並以伊父病故哀痛抑鬱舊疾復發誤會尚在丁憂期內並未呈報遂至到京濡遲與無故逗遛者有闕其情尚有可原自應曲加寬恕但藍翎侍衛行走期滿本係以守備升用若照該督所請即准其開復原官亦無以示薄懲該員黃河清現據該督考驗年富力強弓馬尚屬優嫻著加恩留於該省遇有千總缺出補用○又諭據阿林保等奏查明李長庚世職請以自幼撫養之次子承襲一摺

據稱李長庚查無親生子嗣其諸姪中除螟蛉之子例不准襲外祇有李世潤李廷孚二人係屬親姪但李世潤赴臺年久既無下落李廷孚又不務正業皆李長庚素所憎惡且於李長庚歿後亦不奔喪成服不堪承襲現據李長庚之妻吳氏呈明懇請將自幼抱養同姓之子李廷鈺為嗣襲職等語李廷鈺既係李長庚自幼撫育立繼為嗣李長庚平素鍾愛現據伊妻吳氏呈明經阿林保等親加

驗看稱其人尚明白清秀可有出息自應即以伊承襲李廷鈺著准其承襲李長庚世職俟服闋後照例由該督撫給咨送部引見至其親姪李世潤赴臺年久查無下落李廷孚不務正業於李長庚歿後不知回籍成服已屬乖謬將來即應治以不奔喪成服之咎設再有爭繼等事著地方官奏明從重辦理○閩浙總督阿林保等奏報勦捕蔡牽朱潰夥黨遊擊陳夢熊以叅將用賞花翎○壬申諭

內閣嗣後凡遇

皇后皇貴妃貴妃妃嬪貴人常任之祖父胞伯叔兄弟帶領引見時俱於綠頭牌註明將此通諭八旗各部院衙門內務府知之○舉行嘉慶十二年軍政荊州駐防卓異官二員年老官一員分別議敘處分如例○旌表守正被戕江西興國縣民謝榮亮妻陳氏○癸酉諭內閣本日戶部議奏山西巡撫成寧於鹽道庫貯請毋庸每年親往盤查一摺所駁

甚是該省驛務由地丁復歸商辦章程初定河東道兼管鹽法每年額徵課項共有四十萬兩之多即與運庫無異凡遇交代奏銷時該撫不獨委員代盤亦宜親赴查驗方足以昭慎重今該撫並不遵照向例辦理請於一二年中因閱兵之便就近盤查一次顯係意在偷安全不以公事為重殊屬非是成寧著傳旨申飭將來河東道奏銷時及鹽政到任並新舊交代三項盤查著先委隔屬道員代盤該撫仍於每年不拘何時親往盤驗一次每遇一次即專案具題以備稽查而昭覈實餘俱照部議行○又諭此案興國保身係旗員管理營房事務本有約束兵丁之責乃與所管馬甲等聚賭已屬卑鄙無恥迨輸欠得克金布錢文因其向索不肯給還轉喝令兵丁鞭責情同無賴尤屬罔知法紀僅予革職枷杖不足蔽辜興國保著照所擬於枷滿杖責後發往吉林充當苦差以示懲儆○

除山東昌邑縣沙壓地三十六頃有奇額賦
○甲戌以故四川建昌道屬料林坪土百戶
楊芝貴姪朝富窩卜土百戶烏布叱子伍廷
輝各襲職○乙亥旌表守正捐軀直隸清河
縣民樂士義妹樂氏○丙子以故雲南雲龍
州屬漕澗土把總左繩祖孫泰亨襲職○鑄
給安徽潁州營分駐蒙城守備關防從署巡
撫鄂雲布請也○予福建出洋淹斃兵丁蔡
宗等十四名賞卹如例○丁丑諭內閣清安

奏奏查明詞訟積案酌擬辦理緣由一摺外
省詞訟案件積壓繁多屢經嚴飭各督撫上
緊清釐毋許延擱茲據清安奏查明豫省積
案數目開單奏聞朕披閱單內該省各衙門
未結各案惟藩司衙門最多計有一百八十
案而藩司齊布森任內即有一百十七案該
司不但未能清理舊案而本任積壓累疊實
屬闡茸不可不懲處示儆齊布森著交部議
處其餘巡撫司道等衙門未結案件自二三

十案以至一二案不等尚不為多均著加恩
免其議處該撫惟當督飭所屬將未結各案
依限嚴催務俾迅速完結以清案牘勿再因
循干咎其所擬查辦各州縣新舊詞訟分別
勒限造冊各章程著均照該撫所請辦理○
戶部議准福建巡撫張師誠疏報侯官古田
福寧寧德漳平五縣開墾田六頃八十畝有
奇照例升科從之○除福建侯官縣衝陷田
十畝有奇額賦○戊寅旌表守正捐軀河南

息縣民張秉會妻和氏○己卯諭內閣達慶
等奏調劑運務酌籌倉儲一摺據稱本年南
糧正運帶運以及北倉各項米石覈計不下
四百萬石除已起運一百餘萬石外尚有未
運米二百三四十萬石緣城內七倉貯米較
多又有路途較遠之處城門限隔早開晚閉
現雖竭力趨運計須秋末冬初方能竣事恐
誤回空請將文職五品以下武職四品以下
官員俸米二十餘萬石改由城外四倉支放

則城外四倉可以多貯城內七倉即可少進橋車口袋均不至積壓壅滯實於運務有益等語本年南糧抵通迅速除正運全漕外尚有搭運及北倉囤貯之米為數較多尤非尋常年分可比。若進倉需緩一切車輛口袋處處積壓恐致回空遲誤該侍郎所奏尚係實在情形自應暫為調劑著即照達慶等所請將此次文職五品以下武職四品以下各官員俸米二十餘萬石改貯城外四倉支放以

速轉運嗣後若全漕抵通而又有似此帶運等項米石為數過多不能迅速起運著奏明照此次辦理其餘年分悉照舊例存貯支放至城外既多卸米石恐有偷漏回漕情事著步軍統領衙門加意查察毋任滋弊○旌表守正被戕河南南陽縣民樊臘妻吳氏守正捐軀新鄭縣民馬爾明妻張氏許州民張平有女張氏○庚辰諭內閣步軍統領衙門奏正藍旗宗室敏學與賣白薯之吉祥爭毆請

旨審辦一摺所奏甚是朕詳閱此案情節敏學身係宗室本不應赴大街剃頭况所用家人尚多亦非如窮苦閒散可比乃不自愛重輒不戴頂不繫帶向街前剃頭已不安本分又因途遇賣白薯之吉祥以為售賣非時多事過問致相爭毆實屬大玷宗室顏面看街兵立兒於該管地面見人揪毆本應攔阻解勸况敏學又身著便服與齊民無異何由識別乃敏學因其拉勸竟率領家人將立兒毆

傷並將堆撥門窗槍架板壞實屬倚仗宗室目無法紀况又醉後鬪毆不可不嚴行根究著交宗人府會同刑部秉公審訊毋得稍有瞻徇其平日失於管教之總族長族長學長著宗人府查明叅奏交部嚴加議處○封閉甘肅迪化州南山金廠以礦老山空故也○戶部議准兩浙鹽政三義助疏報仁和鳴鶴二場開墾沙地一萬一千八百三十畝有奇照例升科從之○辛巳諭內閣此案白海山

與大功堂弟白登科同院居住因撞遇白登科至伊屋內送還火箸隨向伊妻小白孫氏查問疑有不端嗣因復見伊妻與白登科在院談笑懷疑愈甚欲行休棄伊母老白孫氏力為剖白並斥其非白海山決意不從立寫休書勒令自回母家經伊母老白孫氏接回同宿將休書焚燬迨伊母令小白孫氏赴白登科家點火喫烟小白孫氏因見白登科睡卧未起其妻張氏又復外出取水方且意存

避嫌在門外站立等候詎白海山瞥見追問姦情因白登科理斥其非遂用刀砍傷致斃並將伊妻砍傷維時伊大功堂兄白德廣聞聲趨勸亦被刃傷伊母老白孫氏憂忿莫釋投井自盡覈其情節白海山懷疑起釁一死二傷已屬逞兇不法乃復因違犯赦令致伊母憂忿自盡尤為罪無可逭若照部議予以絞候尚覺情浮於法白海山著改為絞立決以昭炯戒○又諭德瑛等奏勘明直隸隄河

橋道閘壩各工一摺並開繕清單繪圖貼說進呈朕詳加披閱此次估修千里長隄各工經德瑛等逐一收驗覈與原估冊報大率相符溫承惠飭屬承修均能如式所辦尚好自此次修築之後不惟保護民田兼以興復水利實於閘閫有裨惟隄工地段綿長每遇大汛盛漲之時不能無汕刷殘缺若不隨時修補必致日久傾圯既恐貽害田廬兼且重糜帑項殊非經久之計朕本年春閒臨幸淀津

諭令將沿途行宮座落派人看守籌款粘補原以其修理本已完善若復勤加葺補則所費無多而工程益臻鞏固况隄工關繫民生較之行宮座落更為緊要豈可稍任廢弛在地方官之意未必不以清蹕經臨鑒輅駐止處所倍須敬謹修葺殊不知朕省方時巡即為閱視河隄求莫求寧起見地方官正不得稍有疏懈也著溫承惠將此項工程應如何責成地方官定期呈報隨時修補及防護鞏

固者如何量加獎勸因循廢弛者如何酌予懲處務須悉心籌議章程俾不致玩視要工庶隄身永臻穩實民田廬舍均資利益即須酌籌歲修經費諒亦為數無多辦理自易為力至格淀隄工原係攔截子牙河渾水不使灌入淀河從前不惜帑金庀工建築自有深意若此時不加修補任其殘廢則子牙渾水灌入淀河必致受淤為患著溫承惠飭令地方官再行詳查設法修補即使無庸修葺亦當將實在緣由詳悉奏聞以憑酌覈所有文安大城天津等縣各工丈尺與原估不符之處著工部查覈具奏○兩廣總督吳熊光奏疊獲洋匪出力人員守備何國斌等升擢有差○以翰林院檢討趙未彤為四川鄉試正考官戶部主事戴聰為副考官翰林院編修沈學厚為廣東鄉試正考官戶部主事韋運標為副考官禮部郎中龔麗正為廣西鄉試正考官戶部主事李林松為副考官翰林院

侍講學士陳嵩慶為福建鄉試正考官兵部郎中慕鑒為副考官翰林院檢討李鴻賓為湖南鄉試正考官吏部主事馮大中為副考官○壬午諭內閣馬履泰奏天壇神樂觀廊房有開設茶館未能飭催搬移自行檢舉一摺郊壇重地理應肅清向來民人以彼處產藥就近開鋪售賣尚可容留若一設茶館聚集閒雜多人或至詬古彈詞褻越尤甚著派宜興廣興會同太常寺衆堂官明早恭詣天壇神樂觀細查分別應留應去或限十日或限二十日搬移淨盡具摺於十九日具奏至該寺係屬專管並不及早驅逐咎有應得除馬履泰既經檢舉免交部議外其餘因循疲玩圖博好名自恭阿拉以下衆堂官俱交部議處所有開茶館之已革樂舞生夏元龍並著交刑部從重辦理○又諭前因慶育皇長孫在廷王大臣俱呈遞如意申賀外省將軍

督撫亦先後呈遞如意具摺賀喜朕因初次得孫內外大臣等抒誠展慶是以未加駁斥隨疊次降旨諭令嗣後每遇誕生皇子皇孫俱不准陳賀此次該將軍督撫提鎮等所遞之摺亦祇係奏稱恭賀天喜從無以頌揚之詞妄行鋪敘者自昨日將軍興奎遞到清字奏摺始以慶賀虛言摭拾入奏朕因其措詞失當業經降旨申飭然伊摺內所敘之語尚不過侈陳吉祥並無疵謬乃本日提督仙鶴

林所奏之摺則以誕降重熙承華少海玉質龍姿前星拱極本支百世派衍東宮等詞填寫滿紙一派狂言謬妄已極仙鶴林著革職鎖拏交景安派委道府大員就近解赴省垣嚴行審訊並將代擬奏摺之人一併鎖拏解省質審仙鶴林是否通曉文義此摺或係伊出自臆撰或係授意其人代擬抑係伊本無主見祇倩人撰擬賀摺而其人遂肆意胡言均須詳細鞠訊俟審有大概情形景安即一

面奏聞一面將仙鶴林及代擬奏摺之人派員押送進京交軍機大臣會同刑部嚴審定擬具奏○又諭朕閱視本章見刑部議覆四川總督勒保題杜芝洪殺死傅長明傅泰澂父子二命一案江西巡撫金光悌題巫辰俚殺死巫管氏巫短崽母子二命一案俱問擬斬梟現已依議批發矣向來殺死一家數命之案自三命以上則專摺具奏其殺死二命者則概行題本第念如杜芝洪巫辰俚兩案

不過因錢債姦情輒戕人父子母子二命其兇惡情節與尋常殺死一家非死罪二命者不同今一概具題未免無所區別且閱題本內犯事日期杜芝洪係上年十一月之事巫辰俚係上年九月之事今經刑部題覆後再行知各該省其往返幾及一年設該犯等或在監病斃轉得倖逃顯戮殊非情法之平嗣後有似此殺死一家親屬二命而情節較重例應斬梟者俱應改題為奏其非親屬二命

者仍可照舊具題著刑部將殺死一家二命之案分析親疏輕重關毆謀故情節以何項應題何項應奏妥議章程具奏再降諭旨○又諭戶部奏議覆吉林將軍秀林奏長春廳開墾地畝流民仍准入於該處民冊一摺所奏是此次續經查出流民三千一十戶內有開墾地畝者亦有未經開墾者若概行驅逐未免失所著再加恩准照前次諭旨入於該處民冊安插自此次清查之後該將軍務遵

照原議除已墾之外不准多墾一畝增居一戶如將來再有流民入境定即從嚴辦理○河南布政使齊布森以闡茸降調以光祿寺卿錢楷為布政使○以雲南臨元鎮總兵官蒲尚佐為湖南提督直隸通州協副將托雲泰為臨元鎮總兵官○癸未

上幸靜明園詣

龍神廟拈香○諭內閣尚格等奏本月十六日進六班之都統瑚圖禮因病曠班請交

都察院議處等語瑚圖禮著照所奏交都察院議處進內直班係屬緊要差使王大臣等每至日落始行進內次日黎明啟門時即行散出朕所深知實屬不成事體嗣後進班之王大臣等均著於午刻進內直班若午後始行進內即行叅奏○戶部議准陝甘總督長齡疏報甘肅皋蘭靖遠靈三州縣及紅水縣丞所屬開墾地二十八頃有奇照例升科從之○甲申諭內閣向來恭逢

壇

廟祭祀以及各殿廷行走之處地上均用稷毯鋪設原取其格外虔潔但地面平正之處鋪墊固屬合宜若甃石本有缺損礙於行步則一經稷毯蓋護轉無從看出傾敝屆當行禮之時進退趨蹌所關非細因思鋪設稷毯各處如關涉

壇

廟制度非此不足備儀自當照舊陳設但亦應

將甌石豫為平治便於趨步。若祇係為朕躬行走而設儘可酌量裁撤使甌石微有缺損之處一望而知更於登降為便著工部會同禮部太常寺並各該衙門即將各處梭毯應存應撤詳晰會議具奏。○又諭據宜興等奏查勘神樂署兩廊開設鋪屋分別應留應去一摺

郊壇重地理宜倍加嚴肅乃神樂署廊房竟有開設茶館及作坊等處褻越殊甚本應概行驅逐勒即搬移姑念該貧民等在彼貿易相沿已久若遽令即時遷徙他處未免竭蹶自當加恩酌予寬限現據宜興等將兩廊所開鋪肆逐一詳查共計四十一處內除樂舞生等自住之房就近開鋪賣藥外其餘賃開茶館及各項作坊共三十三處俱不准其開設著以本日為始飭令嚴催統限兩箇月一概搬移仍著壇官每隔五日將催移緣由具報步軍統領衙門一次該衙門於一月後亦據

以具奏一次若於兩月之內該民人等俱已遵限搬移淨盡著步軍統領衙門再行具奏彼時仍派宜興廣興二人前往覆行查勘奏聞。儻屆期猶未能全數搬淨著步軍統領衙門將太常寺堂官叅奏交部議處並查明任意容留不即搬移之各該民人一併治以應得之罪。○乙酉諭內閣昨經降旨令刑部將殺死一家二命之案分析親疏輕重圖毆謀故各情以何項應題何項應奏酌議章程昨

日三法司具題議覆湖北省民人李自高圖財謀殺姑母石李氏一案按例問擬斬梟現已依議批發矣。此案李自高謀殺姑母石李氏雖係一命與殺死一家親屬二命者不同但該犯與石李氏服屬尊長因圖竊匱內錢物輒乘石李氏熟睡起意將其格死情節甚重今一概具題未免無所區別且閱題本內犯事日期係上年十二月之事經刑部題覆後再為行知該省往返需時該犯或在監病

斃轉得倖逃顯戮於情法殊未允協嗣後有似此卑幼謀殺尊長重情例應斬梟者外省應改題為奏著刑部將此一條一併妥議具奏尋議奏查謀故殺一家二命者若死係父祖子孫服屬期親以上較致死疏遠親屬一家二命為重至卑幼圖財謀殺尊長並因強姦殺死有服尊長罪干斬梟亦與尋常謀殺尊長之案不同自應欽遵諭旨改題為奏其謀故殺死一家二命係功服以下親屬及致

死一家二命一故一闕罪應斬決並毆死一家二命罪應絞決各案仍照舊專本具題再查罪應凌遲處死之案較斬梟尤重應請一併專摺具奏其情可矜憫准夾簽聲請者仍照舊具題從之○又諭本日大理寺卿哈魯堪等陳遞奏摺朕以該衙門職司會獄自必因外省按獄失平或刑部覈擬錯誤該衙門向其簽商不改事有關係是以具奏請旨及加披閱則據奏稱近日刑部會題河南省商

城縣民婦劉姜氏毆傷伊夫劉以舉身死一案其致釁緣由係因伊夫逼令賣姦不從並用木犁端向毆該氏順勢奪犁回毆致斃現在按律定擬斬決實可矜憫但無夾簽聲明之例奏聞請旨等語所奏實屬無謂劉姜氏經伊夫屢次逼令賣姦不從自知守節其毆係回抵雖無致死其夫之心惟既已傷斃其夫倫紀攸關自應按律定擬該省具題到部刑部查照本律覈議斬決辦理均屬允當即

該卿員等摺內亦稱刑部所擬其罰不浮於罪伊等皆係執法之員既知於法無枉何必又為此奏朕於內外一切題奏本章無不親自披覽而於刑名事件尤必詳細審閱無論有無夾簽其情節悉在鑒察之內良以民命至重必須確覈案由方可定讞是以反覆推究不厭求詳現在凡立決本章即應行照擬辦理者朕於披覽發下後尚命批本處次日覆奏然後照批施行蓋矜慎庶獄必當求其

可生而於應行抵法之犯緣情定讞亦不能稍有曲貸以致枉法失平此案既例不夾簽該法司衙門自當照例具題候朕覈辦乃今日遽為此奏豈慮朕於題本上時不及詳細覈看先以此為提奏耶哈魯堪曹師曾福泰均屬不合著傳旨申飭○旌表守正捐軀直隸永清縣民賈文庫妻趙氏○丙戌諭內閣宜興等奏查獲出城遊蕩滋事鬪毆之佐領椿齡請旨解任與閑散穆蘭太監生托克托

俱交刑部質訊一摺前因旗員等不戴頂帽私出遊蕩屢經降旨嚴禁如有違犯者即照違制例革職今椿齡身係佐領與托克托穆蘭太等無故出城同往飯鋪恣意遊蕩顯係有心違制即使無毆官情事已應革職示儆宜興及該都統明亮等叅奏摺內僅請將椿齡解任所辦尚輕椿齡著革去佐領托克托亦著革去監生同閑散穆蘭太俱交刑部嚴加質訊現在伊等於揪毆職官一層尚未供

認又椿齡於同往飯鋪一節亦在推卸實屬狡賴著該部詳細質訊究出實情定擬具奏如訊明另有揪毆情事再各治以應得之罪○旌表守正捐軀四川威遠縣民趙成明妻曾氏○丁亥以打牲烏拉總管富僧額為察哈爾副都統○戊子諭內閣前經降旨諭令刑部將殺死一家親屬二命及卑幼謀殺尊長情節較重例應斬梟者俱應改題為奏原因人命重案若一概具題未免漫無區別是

以飭令該部將何項應題何項應奏分晰妥議本日長齡奏請以候補叅將國爾明安委署中衛協副將此等委署營協印務儘可循例具題何必專摺具奏又如藩臬兩司每於奏請陞見經朕批准後該管督撫將奏准入覲緣由恭疏具題而於委署印務轉具摺奏聞甚至委署州縣各缺亦閒有附摺陳奏者殊屬無謂朕日理萬幾披覽章奏從不厭繁多但事有緩急自當權其輕重所有委署文

武各缺如何分別應奏應題之處著吏兵二部詳悉議具奏○戶部議准兩浙鹽政三義助疏報仁和場開墾沙地五千八百二十畝有奇照例升科從之○己丑諭內閣據松筠奏奏塔爾巴哈台叅贊大臣愛星阿一摺據稱愛星阿請以來年伊犁換防滿洲索倫錫伯等兵少撥二百名又請按照從前屯田調派瑪納斯營兵四百名以二百名墾種二百名抵滿洲兵在城操防竟似滿洲索倫錫伯操防不若漢兵其每年冬閒分派南北各卡巡哨之額魯特閒散壯丁四百四十名因其不習弓箭遽議裁撤並稱愛星阿人似剛果有為遇事頗欠鎮靜雖非恒怯畏葸實屬任意紛更不勝叅贊大臣之任等語愛星阿身為叅贊大臣理宜鎮靜撫綏俾邊疆益臻寧謐乃輒將換防操防兵丁妄議減撥調取並將練習槍矛之額魯特閒散壯丁因其不習弓箭遽請裁撤種種肆意更張雖不至激

開邊釁已不免稍涉煩擾豈復勝叅贊大臣之任愛星阿著交兵部嚴加議處即著來京聽候部議○賞烏里雅蘇台叅贊大臣祥保副都統銜調為塔爾巴哈台叅贊大臣以吉林副都統達祿為烏里雅蘇台叅贊大臣調伯都訥副都統伊鏗額為吉林副都統以興京城守尉恒福為伯都訥副都統○辛卯上御勤政殿聽政○諭內閣朕恭閱聖祖仁皇帝實錄內載康熙十二年十二月辛丑

呂八旗都統副都統及六部滿洲尚書等諭曰滿洲乃國家根本宜加軫恤近見滿洲貧而負債者甚多賭博雖禁猶然未止皆由都統副都統佐領等不勤加教諭之所致也且滿洲習於嬉戲凡嫁娶喪祭過於糜費不可勝言爾等若能各修厥職不負委任禁嬉戲無益之事勸善懲惡則自然感化矣訓諭煌煌至為明切敬惟我

聖祖謨烈光昭

功兼創守。彼時開國之初。風氣淳樸。在廷滿洲大臣。教誡八旗。如清語騎射。尚能勤加習練。遠勝今日。而仰繹

孜孜求治之懷。猶因稍涉浮靡。

飭令力加檢束。迄今又閱百數十年。八旗生齒日繁。支絀情形。較前既甚。而都統副都統等才具。又遠遜前人。朕宵旰焦思。曷能或釋。前經節次籌增養育。用贍身家。凡所以鞠謀而

保聚之者。已無微不至。並疊經通諭八旗都統等。令各留心化導。務習本業。若果能恪遵教誡。自不難將積習漸次消除。無如誨之諄諄。聽之藐藐。近日旗人中。尚有以恣意遊蕩犯科者。一經嚴飭。該都統等輒以引咎認過了。事實屬有負委任。嗣後著各該都統衙門。將此旨恭錄一道。敬謹懸掛。以期觸目警心。該都統副都統等。務須凜遵訓詞。率屬實力奉行。毋得視為具文。用副諄切訓誨之至意。

○又諭慶桂等奏現在國史館添辦天文時憲二志。遴選諸習人員。懇准在館効力一摺。候補教習優貢生汪榮。候選知縣舉人徐準。宜職監生許灃。既據奏通曉數學。著俱准其在館効力行走。其校對二員。亦准其在於欽天監人員內挑補。至閑散惠林。從前因伊父福崧緣事獲咎。欽奉

皇考高宗純皇帝諭旨。不准考試。自應永遠恪遵。即使稍通算學。何至為該館必不可少之

人。今該總裁等又存邀譽之念。此奏竟為伊而設。顯係因伊不准與考。借此在館當差。効力希冀書成議欽。為伊將來出身地步。所請不准行。慶桂董誥。祿康費淳。並著交吏部都察院察議。○又諭吏部等衙門議處太常寺各堂官擬降一級留任。應否准抵。請旨定奪。一摺。所議非是。

郊壇重地理。宜整齊嚴肅。向以其地產有藥材。就近售賣。濟人尚為法所不禁。若開設各項

作坊已不免匠藝人等雜沓居處至開設茶館任聽閑雜多人朝夕往來日久不禁甚或潛開酒肆賭場出入喧譁其為褻越豈可勝言且朕聞該處官役等並有得受錢文縱容閑人私向

壇宇瞻眺之事尤不可不嚴行查禁除昨已降旨將該鋪民勒限遷移外所有本處樂舞生及各項應役人等著做照紫禁城之例官為製造腰牌由本寺按名給發令其於出入

壇門時佩帶以憑查驗並著步軍統領衙門派員逐日查驗步軍統領及兩翼總兵亦不時親往稽查禁止閑人擅自往來以肅規制至恭阿拉等平日因循疲玩不行查禁實有應得之咎部議降一級留任即不當以應否准抵請旨此內恭阿拉英善係不由本寺出身之員著降一級留任不准抵銷扎郎阿明志哈寧阿色克精額均係由本寺鳴贊讀祝存升堂官於該管事務尤應留心著降二級留

任不准抵銷此次因從前未立嚴禁尚係從寬懲處嗣後若復怠忽不實力稽查必當從嚴究治斷不輕恕○以太僕寺少卿多福為太僕寺卿○旌表守正捐軀河南唐縣民張海全妻郭氏○壬辰以故鄂爾多斯扎薩克貝子布彥泰弟扎木巴勒多爾濟襲爵○癸巳諭內閣朕召見恭阿拉明志哈寧阿詢及太常寺樂舞生額設名數并

壇內房屋是否官為建造樂舞生等是否在彼

居住據稱樂舞生約有五百餘名

壇內之屋不知始自何年官建民造無從稽覈樂舞生一半居於其內一半寓於城內外之各廟宇及詢以現在禁止開設茶館則空出房屋作何經理據明志稱無人居住將來祇可任其坍塌殊不成話

郊壇重地向來所設屋宇自係官為蓋造以資樂舞生棲止原令其就近肄業看守地方而伊等散居他處意在將應住之房出賃獲利

今已驅逐開設茶館之人空出房間若任其久閉必致漸就傾圯甚或乏人照管更易藏垢納污實不足以昭慎重著太常寺詳細確查該處房間實有若干即督令樂舞生儘數搬入不得仍前散處並將如何辦理之處再行奏聞恭阿拉哈寧阿尚有引咎自責之言明志竟存不平賭氣之意著交部議處於三五日內具摺陳奏尋議革職得旨加恩賞給頭等侍衛為葉爾羌幫辦大臣○蠲緩四川

夷匪滋擾之馬邊廳屬岡外等九鄉本年額賦有差○甲午諭內閣為政之道在乎知人

知人始能安民

皇祖

皇考每日輪班

召見大臣及新放知府以上官員等原欲知其賢否分別黜陟期於政務有裨

意深

法善朕敬謹遵行罔敢或懈推而言之大臣等

亦應確知屬員為要即如管理八旗王大臣副都統等距兵丁較遠均賴叅佐領驍騎校等幫同管教但管旗王大臣副都統等並不隨時進署於該管官員尚不能逐一認識伊等辦事之賢否豈能盡知又安望伊等妥協贊襄盡心約束乎嗣後八旗管理旗務王大臣副都統每月如何輪流各分次數進署認識屬員及每次將叅佐領驍騎校等如何輪班齊集當面訓誡之處即著派出覈議官學

條例之八旗滿洲都統等詳細定議○又諭此案領催額哲蘇因本管驍騎校扎拉芬宿娼被巡檢李均將扎拉芬並娼妓柳二丫頭一併拏獲帶回鎖押署內因該巡檢不容見面該犯輒與領催依錦布等擁進屋內喝令將扎拉芬柳二丫頭項鎖擰斷推拉放走實屬聚眾奪犯額哲蘇喝令搶奪之際輒敢於阿阿敦保當額哲蘇喝令搶奪之際輒敢於官署內將扎拉芬等擰鎖奪出均屬濟惡自

應按例從重辦理。乃該將軍富俊等僅將額哲蘇依律擬以杖流。額哲布等擬徒折枷殊覺輕縱。刑部將額哲蘇改依但經聚衆奪犯為首從重擬絞。例問擬絞候額哲布等五犯均改於首犯額哲蘇死罪上減一等擬以滿流。不准折枷從重發往烏魯木齊充當苦差。所議俱是。惟扎拉芬一犯身係職官。在於所屬境內宿娼。又復詐詞捏稟。希圖誣賴。實屬無恥狡詐。若照原議發往烏魯木齊尚覺稍輕。扎拉芬著改發伊犁充當苦差。至該將軍富俊平日辦事尚知認真。今審擬此案罪名未免失之太輒。著交部議處。其城守尉永本未能先事覺察。復偏聽率稟。並派扎拉芬仍赴卡當差。徇縱之咎亦屬難辭。永本身係宗室。著即革職。同伊家屬一併發往盛京居住。交該將軍隨時管束。以示懲儆。○命吏部尚書鄒炳泰。刑部侍郎韓蔚。馳往直隸河間縣審案。○禮部議准四川總督勒保疏請增設

雅州寧遠二府學文武學額各八名。廩生增生各十五名。三年一貢。裁雅安西昌二縣學額各三名。會理鹽源二州縣學額各二名。改名山縣教諭為雅安縣教諭。移建學署於雅安縣城內。改越雋廳教授為寧遠府教授。西昌縣訓導為越雋廳訓導。從之。○以西寧辦事大臣文孚為正藍旗漢軍副都統。○命吐魯番領隊大臣玉衡同京。為頭等侍衛。賞前任塔爾巴哈台叅贊大臣愛星阿三等侍衛。為吐魯番領隊大臣。○旌表守正捐軀湖北江夏縣民何治國妻柯氏。安徽懷遠縣民張定孜母劉氏。

大清仁宗受天興運敷化綏猷宗文經武孝恭
勤儉端敏英哲睿皇帝實錄卷之一百九十六

實錄卷一百九十六

三十四

大清仁宗受天興運敷化綏猷宗文經武孝恭
勤儉端敏英哲睿皇帝實錄卷之一百九十七

教修

嘉慶十三年戊辰六月乙未朔丙申以刑

部尚書秦承恩署吏部尚書兵部尚書劉權
之兼管順天府府尹事○旌表守正捐軀甘
肅肅州民郭德妻康氏○免直隸任縣窪地
積欠租銀○丁酉諭內閣松筠奏酌籌塔爾
巴哈台撥兵加屯一摺塔爾巴哈台屯兵每
年收穫糧石既不敷支放而烏魯木齊一帶
官兵為數尚多且距該處較近自應量為調
撥著照所請准其於烏魯木齊提屬各營撤
屯歸操兵內調撥二百名赴塔爾巴哈台屯

種其如何詳立章程定期調撥之處著松筠會同和寧祥保悉心妥議具奏尋議此項調撥屯兵二百名擬酌派守備一員千總經制外委各一員額外外委四名三年更換一次先借給該官兵治裝銀兩於應領俸餉內分年扣還其口糧由倉支領每月鹽菜銀由鎮迪道庫經費項下解支農具耕牛官為給用定於來年春暖起程赴屯白露前後趕種秋麥至十五年方可普行耕種至農隙操演所需軍伙器械號衣號帽等項亦照例撥給備用從之○以鑲紅旗漢軍副都統永玉為鑲白旗護軍統領調鑲藍旗漢軍副都統廣興為鑲紅旗滿洲副都統以正白旗漢軍叅領康修為鑲藍旗漢軍副都統○福建水師提督張見陞以貽誤捕務革職逮問浙江提督王得祿為福建水師提督以浙江定海鎮總兵官何定江為提督福建臺灣協副將邱良功為定海鎮總兵官○戊戌諭軍機大臣

等朕因南河興辦宣防疏築各工需用人數較多節經簡員發往俾資差委因思前由直隸湖北兩省改撥南河道府已有數員諒足敷用其由新疆等處發往之員為數過多未必盡諳河務若令閒住清江豈不轉增應酬徒滋煩費且伊等俱曾任大員從前與該督等或誼屬同寅或職居上官此時發往差委既未免有瞻顧格礙情事將來工竣後又必列入薦章一律保奏殊於公事無裨所有顏檢李亨特等諸人應俟普行到工後著該督等詳加察覈將實在諳習河務堪以留工差遣者奏明酌留數員其餘俱令回京赴軍機處呈報即由軍機大臣轉奏候朕另行賞給差使可也將此諭令知之○以新授葉爾羌幫辦大臣明志母老子幼命仍留頭等侍衛任賞宗人府副理事官良貴三等侍衛為葉爾羌幫辦大臣旌表守正捐軀奉天廣寧縣民田起發妻劉氏己亥諭軍機大臣等

鐵保等奏湖河並漲分投搶護各工情形一摺洪澤湖本年底水較大又值皖省雨水過多潛山發蛟各山漲水奔注下游高堰誌椿長水一丈七尺五寸石隄舊工皆浸水中僅賴子堰攔禦鐵保等飭派道廳各員一面幫培子堰一面趕做埽工藉資保護應察看水勢情形得守且守若輕議啓壩恐清水宣洩太過不獨敵黃刷沙不能得力即下游亦必致閒有淹浸之患儻隄工實形危險萬不得

已再於智禮等壩內酌啓一壩俾減盛漲至順黃壩誌椿存水三丈二寸兩岸大隄自普加培築後現俱出水數尺極為穩固鐵保等專力搶護高堰自易保衛平寧將此諭令知之○庚子諭內閣園亭禁地規制恭嚴豈容有閒雜人等輕易擅入昨見長麟廣興查估知樂軒工程所帶人數過多當經降旨飭查據單內所開如書算畫樣及夫匠人等皆係承辦工作之人自應帶入以便估驗至家人

一項豈所應有此次長麟廣興二人實無隨帶家人且長麟等並曾向司員等囑咐不可帶人而員外郎錫綿等五員仍各私帶家人混雜入內殊屬非是員外郎錫綿吉祿主事崇慶德恒幫辦司務名祿均著交部議處長麟廣興失察司員等混帶家人並著交部察議嗣後酌定限制凡查勘御園內各處工程定親王綿恩准其帶跟役二名各部院大臣等准其各帶家人一名司員等不准帶人至

於查勘宮內各處工程無論王大臣均不准隨帶跟役家人每遇查工著各門及各該處將出入人數嚴密稽查如查有浮帶之人即行叅奏此次該司員等尚係初次違犯懲處尚輕將來若再有故犯之人必當重處不貸又諭戶部議覆山西省奏將鄂爾多斯蘇尼特鹽斤比照老少鹽之例准令在口內行銷並聲明可否免稅請旨一摺向來附近場窰孤獨殘疾貧民報明註冊後始准每人每

日挑負鹽四十斤售賣易食並於經過各關例皆免其納稅用示體恤今鄂爾多斯蘇尼特無引蒙古鹽斤亦比照老少鹽之例進口銷售該處人數衆多非場竈貧民之向有限制易於驗查者可比若聽其自行販賣漫無稽覈以一人肩挑背負而計為數固屬有限而每日之內影射謀利紛至沓來正復不少勢必至鹽斤充斥於課引不無阻滯亦有關係至此項挑負之鹽經過殺虎口地方每人

應完稅銀雖止一分五釐而積少成多亦不可不統為覈計著該撫將鄂爾多斯蘇尼特行銷口內鹽斤每日挑負者如何酌定人數設法稽查其有違犯者應如何懲處妥議章程並將酌定人數後殺虎口應免鹽斤稅銀統計一日共有若干著一併具奏再降諭旨旌表守正捐軀直隸安平縣民婦劉氏河南光州民徐驪子妻陳氏 辛丑諭內閣本日刑部會同宗人府奏審擬問散宗室敏學

與賣白薯之吉祥爭毆並將看街步甲立兒毆傷毀壞堆撥房門窗槍架一案所訊情節俱屬不實問擬尤覺輕縱明係刑部賣法徇情欲圖見好於管理宗室之王貝勒故為開脫矣敏學身係宗室不戴頂不繫帶向街前雞頭已屬不安本分又無端與賣白薯之吉祥途遇逞毆復因看街步甲立兒勸阻率領家人將立兒毆傷並將堆撥房門窗槍架毀壞實屬倚仗宗室目無朝廷法紀乃本日審

擬摺內敘稱敏學是日因天時暑熱未經戴帽繫帶是天時一經暑熱即可以不顧體制敏學之不戴帽不繫帶上街遊蕩竟不得謂之多事失體若因暑熱不出門遊蕩在家中解衣高卧何由犯法耶又稱當敏學與吉祥揪毆時看街步甲立兒上前拉勸敏學不知立兒係屬官人嗔其袒護彼此揪扭等語試思敏學若不知立兒係屬官人何以隨後又尋至堆房復向爭鬧刑部聲敘此語以見敏

學並非毆打官人極力代為洗刷已自相矛盾矣又稱敏學往堆撥房找尋官人時因堆撥房內無人答應用手扳住門框往內瞧看適有人在後拉勸敏學未即放手致將門框扳壞兼以窗戶虧朽用繩拴繫門框以致窗戶門框一併帶下復有官人走至欲將敏學拏送敏學往後掙扎致將槍架撞倒等語敏學既向堆撥房找尋官人何以不走進房內祇用手扳門框往內瞧看其在後拉勸敏學

者又係何人何以不欲出名姓殊不可信摺內敘此數語不過以門框窗戶本皆虧朽之物敏學並非有心毀壞因一時手扳不故順勢帶落其毀折槍架之處亦因有人捕拏往後撞倒尤非恃勢逞兇且言外之意以堆撥房窗戶等項平日未經修理整齊看街步甲轉有不合豈欲朕治宜興等不修堆撥之罪以逞報復乎如此層層裝敘謂非開脫而何摺內持論最謬之處則稱敏學從前別無過

犯今初次酒醉在街爭鬪與屢次行兇滋事者有間等語向來辦理竊盜案件則有初犯再犯三犯之別罪名酌分輕重其餘鬪毆逞兇豈有待至再犯時始為懲辦之理設鬪涉命案亦可以從前無此過犯俟再殺一命方辦理即日前召見秦承恩詢及此事據稱此摺具奏時擬與現在審辦宗室圖克坦與西勒杭阿爭鬪詈罵官兵一案同日具奏請旨若以此兩案情節比較則圖克坦係屬再犯

敏學情罪較輕等語此何言耶案情罪名惟當就事論事權衡輕重豈有互相比較可以高下其手秦承恩豫為此奏豈非欲為敏學設法從寬故將此情節較重之案同日具奏耶君不可欺法不可賣刑部堂司各官竟係有心市惠實屬大謬宗人府堂司各官會同審辦此案伊等於畫稿之時亦未駁回更正自因見刑部辦理從輕適如所願甚屬非是所有審辦此案之宗人府堂司各官及刑部

堂司各官均著交部嚴加議處侍郎韓對現雖出差數日前曾據奏及此事一同審訊定擬著一併交部嚴加議處於三五日內即行議上其敏學一犯逞兇不法大玷宗室顏面不可不嚴行懲辦著先在宮門外重責四十板派御前大臣軍機大臣看視並派乾清門侍衛玉福即日馳驛押解前赴熱河交與福長安在於空室內永遠圈禁以示炯戒尋命敏學改發盛京安置交將軍富俊酌撥房屋

俾令棲止仍嚴加管束其家口亦著宗人府派員送往永遠在彼居住又諭此案椿齡身係四品旗員擅敢不戴頂帽出城聽戲並先於鋪肆聚飲復以細故恃酒肆橫將現任職官揪扭出車縱令家人陵辱詈罵殊屬不法著刑部堂官提出該革員先行重責四十板再照所擬發往伊犁充當苦差其史三兒一犯係椿齡雇工家人與楊毓江有良賤之分膽敢因搯車細故陵辱官長並口出狂言

甚至欲行撲毆實屬藐玩著於刑部署前先加枷號兩箇月示衆再照擬改發烟瘴充軍現雖在熱審期內史三兒與案內定擬折枷之穆蘭太托克托等所犯情節俱重均著即行枷號無庸照向例緩至秋涼時再行送部補枷以示懲儆餘依議刑部會同宗人府奏審擬宗室圖克坦與西勒杭阿爭毆復詈罵官兵致被鞭毆一案得旨此案閒散宗室圖克坦著照例永遠圈禁其失察圖克坦滋

事之總族長烏爾恭阿尚格著交部嚴加議處族長二等侍衛敏魁不必交議即實降一級調用壬寅諭內閣太常寺奏遵旨查明神樂觀餘屋一摺神樂觀兩廊房屋既經空出即應令官生居住惟官生內有職守在外者自可不必搬入其餘就現已空出之屋酌量人數撥給居住並著該管官隨時稽查毋任滋事至所稱空出房屋內有該鋪戶自蓋房五十五間開鋪獲利已多應存留歸官一

節殊可不必此項房間既係該鋪戶自造現在業已不准在內生理若將房屋充公日久伊等又必藉口影射似嚴實寬該堂官所奏未免取巧早伏日後重開鋪面之機殊非實心辦理之道著查明房間係何鋪戶蓋造傳令本人前來各自拆移除官房之外不得再行仍留民屋以昭慎重又諭據值年旗奏湖廣陝西逆犯王袁氏等三起共七名口應賞給大臣官員為奴將應得罪人之文武大

臣官員職名開單請旨指賞等語此三起罪人七名口著即賞給常喜貴慶果勒敏色等為奴值年旗照例分給外朕閱奏單內開大臣官員職名公侯伯子男各世職甚多伊等俱係勲舊功臣之後固當分賞但伊等現在家業蕭條當差生計尚不無拮据若將罪人戶口分賞伊等為奴何以養贍分賞之後勢必仍行放出任其謀生度命又豈能管束耶嗣後遇有此等應賞為奴罪人著交管理值

年旗王大臣等祇將現任文武大臣文職三品以上及散秩大臣職名開單奏請指賞其在侍衛上行走之公侯伯子男各職名毋庸呈進著為令又諭阮元奏查明通省未結詞訟設法清釐一摺阮元到浙後清釐積案於清安泰任內查有批發未結詞訟三百二十二案阮元抵任未久已提審催結一百五十七案外尚有未結一百六十五案又藩司衙門批准未結者八十六案臬司衙門批准

未結者一百八十五案調任巡撫清安泰前在浙江未將積案速為清理崇祿在藩司任內已久且曾兼護撫篆亦未提審催結朱理於本衙門未結之案多至一百八十五件其平日所辦何事清安泰崇祿朱理俱著交部議處所有未結各案仍著阮元趕緊審辦完結毋任延宕○旌表守正捐軀直隸深澤縣民劉文明妻王氏○癸卯

上章靜明園詣

龍神廟拈香。諭內閣松筠愛星阿等奏伊
犁塔爾巴哈台邊界附近之游牧哈薩克台
吉伊巴克哈木巴爾等因明年朕五旬萬壽
所有哈薩克汗王等子弟俱前來瞻覲伊等
因有管轄邊界附近屬下哈薩克等事不敢
遠離查其請覲叩祝之情實出至誠伊巴克
哈木巴爾或即賞給公爵職銜頂帶雙眼花
翎或先賞給頭等台吉翎頂之處請旨一摺
語句謬妄殊非情理朕撫御外藩皆以仁德
懷柔凡有前來瞻覲叩祝之汗王貝勒貝子
公台吉等均視其勞績加以恩賚從無無故
加以恩賞之處且翎頂乃國家名器豈可濫
行妄予今哈薩克台吉伊巴克哈木巴爾等
不過僅以瞻覲叩祝虛詞請示並非伊等實
欲前來若即照松筠等所請賞給公爵職銜
頂帶雙眼花翎或先行賞給頭等台吉翎頂
則明年哈薩克汗王等子弟前來瞻覲叩祝
時又當何以加恩設別部台吉等聞知此信

亦俱紛紛效尤請示則又當如何辦理松筠
等所請不惟非撫御外藩之道且適生其邀
恩妄念所奏斷不可行松筠等俱著傳旨嚴
行申飭仍將松筠交部議處。諭軍機大臣
等鐵保奏河湖漲水連日復又加長現在竭
力搶護並開放智壩情形覽奏深為廛注本
年洪澤湖非常異漲高堰處處危險本月初
二日值風雨大作運口頭壩一帶竟有滲水
過水之處幸獲搶救平寧刻下高堰誌椿計
高一丈九尺較十一年非常之漲尚大六寸
看來安省日來雨水必多是以湖水長發過
旺鐵保等已另開智字壩分洩在此時權宜
辦法勢亦不得不然高堰為淮揚數郡保障
關繫最要隄工年久滲缺又多卑矮全在伊
等平日留心察看加意培築使之處處完善
方足以資防守伊等前年經歷盛漲之後不
於上年無事之日慎重修防綢繆未雨一遇
非常盛漲遂不免束手無策此時雖日夜在

工衝冒風雨勞苦焦急又豈能遂有裨益耶
為今之計除竭人力保護之外亦無別法伊
等惟有慎益加慎勉之又勉督率防護以祈
仰邀

神佑獲慶平寧本年因籌辦南河各工已豫
備銀六百萬兩看來各處要工皆莫如高堰
最急先當儘力興辦不可再緩伊等務將堰
盱應辦各工認真確查趕緊辦理切勿再有
泄泄至信智二壩先後啟放固所以保護全

隄而下游淹浸已多民田廬舍處處受傷殊
堪軫念此時南河發往人員如直隸湖北候
補各道府以及由新疆赴彼効力者甚多著
鐵保等於此內派委明幹者數人分投往查
據實勘辦將應行撫卹蠲緩者即速奏聞候
朕加恩不可稍有諱飾將此諭令知之○甲
辰諭內閣朕惟農桑為致治之原一夫不耕
或受之飢一端不織或受之寒惟人君震動
恪恭於上斯小民趨事赴功於下七月之什

無逸之圖重民事所以固邦本也我朝

列聖相承惠愛黎元勤思本業

聖祖仁皇帝詔刊耕織圖四十六幅

作為詩章分冠其上其於農事自浸種以至祭

神於蠶事自浴蠶以至成衣形撫藻績纖細

畢陳恭繹

睿謀蓋以人主生長深宮恐於小民作苦之事

未能洞悉用是被諸

詠歌垂型奕禩

皇祖世宗憲皇帝依題成什

皇考高宗純皇帝繼復恭和

元韻均以

聖祖之心為

心敬念民依後先同揆乾隆二年曾

命詞臣纂輯授時通考一書內列耕織圖二卷

三朝

御製詩依次恭載煌煌

聖訓萬古維昭朕紹承

前烈日以民生為念惟思為閭閻廣衣食之源俾之含哺挾纊永慶盈寧近於幾暇續題耕織圖成五言律詩四十六章檢閱授時通考係刊於乾隆七年其耕織圖卷內恭載

聖祖御製於前次列

世宗御製又次列

皇考御製則書

皇帝御製恭和

聖祖仁皇帝原韻當時體例應然今朕續有題

詠應補行編載原書篇頁內餘幅甚寬著交

文穎館總裁等恭查耕織圖各幅前

皇考御製詩俱敬謹改書

高宗純皇帝御製恭和

聖祖仁皇帝原韻再將朕詩次列於後標目書

皇帝御製繕冊進呈文武英殿補刊以示朕

祇適

成謨重民務本至意並將此旨載入以紀補編
年月 乙巳諭內閣朕每日召見各部院衙

門尚書侍郎及卿員等詢及該衙門事務或伊等將現辦案件自行奏言及退出時轉向同官傳述即以為業經奏明請旨遵辦朕輪次召對臣工一時面諭之言豈能向其同署諸臣遍行曉示而本人一經傳述各同官又不敢復行請旨其中每不免有隨同遷就之弊且各部院事件如同官尚未公商定議本不應於一人獨對之時先行奏探意旨或其人先有異見於召對時輒以己意敷陳及出述時辭氣抑揚輕重之間復稍有增減而同官莫能辨正則以影射漸啓專擅其弊尤不可不防嗣後各部院衙門臣工經朕於召見時詢及現辦事件或有面諭之言本人退出後傳知各同官俱著於次日公同繕片述旨如所述不誤發下後再行遵辦或所述事件其人面奏之辭與該衙門現在公同商辦之處情節不符即著於奏片內據實聲敘另候諭旨遵行此係朕防微杜漸之苦心各臣工

等凜遵毋忽。又諭吏部奏嚴議刑部堂司各官會同宗人府審擬開散宗室敏學恃勢逞兇一案。故為洗刷開脫。屈法徇情。請將刑部宗人府堂司各官均照溺職例革職一摺。敏學倚仗宗室目無朝廷法紀。乃刑部會同宗人府審擬摺內所敘情節不實不盡。自相矛盾之處甚多。經朕降旨逐一駁斥。伊等辦理錯謬之咎實百喙難辭。刑名關繫懲誠總須得情法之平。豈容有意徇庇。此次朕所以

必欲嚴行懲處者。總因伊等於敏學滋事之處力為掩飾。希圖市恩邀譽。且聞刑部堂官等審辦此案時。原有數人欲將敏學發往盛京園禁持論未決。而秦承恩於召對間輒稱具奏此摺擬與審辦宗室圖克坦爭鬭詈罵一事同日具奏。並稱若以此兩案情節比較。則敏學情罪較輕。伊隨告知同官此案業經奏明照例辦理。該堂官等始行遷就隨同定擬。是此案種種謬誤皆出自秦承恩一人主

見秦承恩渥沐

皇考高宗純皇帝簡畀深恩。由詞垣擢授封圻鉅任。嗣緣事身獲重譴。復經朕棄瑕錄用。洊升刑部尚書。伊仰荷隆施。當如何感激圖報。不意於聽斷問擬之事。竟敢有心開脫。豈實心任事之道。本應照部議革職。姑念其服官已久。資格較深。著加恩降為編修。在文穎館効力。韓對現在出差。雖於具奏此案時未經在京。但伊前此經朕召見。屢經奏及此事。察

其詞意之間。亦總欲從輕完結。並聞刑部事務皆係伊先行覈定。朕簡用六部尚書侍郎。理宜和衷共濟。遇事虛心商榷。何得一人主持致啟專擅之漸。韓對著降補廣東按察使。於審辦河間縣民控案完竣後。速赴新任。不准來京。吳俊現已年老。辦理廣東臬司事務。恐形竭蹶。即著來京另候簡用。秦瀛在署專辦部務。於會審案件未能酌覈允當。亦且年老無能。著降三級調用。承辦之司員郎中台

福員外郎祁墳著照部議革職以示懲儆其餘各堂官俱應照議革職姑念董誥在軍機處行走不能常川進署長麟甫自南河差旋於定案具奏時未及更正伊二人尚有可原均著加恩改為降三級從寬留任廣興亦在內廷行走未能逐日到部伊本欲將敏學問擬發遣著加恩改為降四級從寬留任穆克登額係每日進署與廣興有閒念其到任未久於刑名案件未能熟練且伊初意亦主發遣之說著加恩改為降五級從寬留任宗人府堂司各官會同審辦此案於畫稿時並未駁回改定甚屬非是本應革去職任惟一時簡用之人且此外諸王貝勒等與現在管理宗人府之王貝勒比較皆不能及儀親王成親王定親王綿恩貝勒永錫均著加恩改為實罰職任俸三年理事官明興阿委署主事法凌阿均著加恩改為降五級從寬留任○以河東河道總督吳璥為刑部尚書盛京刑

部侍郎馬慧裕為河東河道總督浙江布政使崇祿為盛京刑部侍郎湖北巡撫章煦為刑部左侍郎江寧布政使許兆椿為刑部右侍郎陝西布政使常明為湖北巡撫福建按察使慶保為陝西布政使福建興泉永道王紹蘭為按察使安徽按察使楊馥為江寧布政使江南河庫道李奕疇為安徽按察使江蘇按察使慶格為浙江布政使江蘇淮揚道鰲圖為按察使○以工部尚書曹振鏞署刑部尚書吏部左侍郎潘世恩署刑部左侍郎兵部右侍郎周興岱署戶部右侍郎○以工部左侍郎周兆基為浙江鄉試正考官翰林院編修李振翥為副考官都察院左副都御史莫晉為江西鄉試正考官翰林院編修吳雲為副考官編修龔守正為湖北鄉試正考官內閣中書桂齡為副考官○丙午除浙江海寧蕭山二州縣歸牧地八千八百五十畝有奇文缺地五百九十畝有奇額賦○丁未

諭內閣達慶等奏豫籌漕運米石請酌進通倉以便分投起卸俾幫船迅速回空一摺漕糧抵通必須轉運迅速方能及早回空況本年河流順暢各幫船抵通較早月餘該侍郎等自當趕緊督催轉運無誤回空茲因連日陰雨路途泥濘車輛進城轉運未免稍艱著照所請准其於通倉新修廩座分貯三十萬石庶幾起卸較速該侍郎等即督催各幫船趕緊回空勿稍延滯其文職四品以上武職

三品以上支領俸米之處仍照十一年奏准之例辦理除江蘇丹徒縣沙壓地九畝有奇額賦戊申諭內閣鐵保等奏湖河漲水畧消輒工缺口衝刷較寬分別疏消堵閉情形一摺百子堂對過七里溝漫口前日祇寬五十餘丈今又寬至六七十丈而臨湖輒工掣通之處續又掣通一段共計有一百餘丈經鐵保等將運河南岸開通一處俾水仍由余家壩一路下注入湖水勢始克稍定此皆

該督總河等平日不知豫為籌備所致此事那彥成甫經到任與伊無涉徐端本係河員出身自擢任總河以來專司河務業已數載不能豫為防備其咎較重鐵保兼管河務在彼督辦有年亦難辭咎徐端著革去頂帶花翎鐵保著革去花翎降為二品頂帶以觀後效諭軍機大臣等據愛星阿覆奏塔爾巴哈台屯田所獲兵糧不敷歲支歷年將奏明備貯八年之糧含混搭放從前存倉十萬石

現在止存一半等語該處官兵每歲以屯糧計口授食何得遽將奏明備貯之糧含混搭放竟用至五萬石之多愛星阿到彼已非一日於抵任時既知備貯倉糧止存一半即應據實查辦何以遲至此時始行具奏或者伊從前明知虧短含混接收迨接奉申飭嚴旨恐致掣回自料離任在即故為此奏以掩飾扶同之咎亦未可定至所稱和寧未悉塔爾巴哈台情形亦不知伊如何籌辦率行先奏

實所不測之語殊不成話所有塔爾巴哈台
備貯糧石著松筠帶同愛星阿前赴彼處愛
星阿如已起程著即飭令馳回將歷年應存
備貯糧若干石現在實存若干石因何含混
搭放兵糧以致止存一半從前愛星阿如何
接收具奏並搭放兵糧始於何年之處詳細
查明據實奏毋得瞻徇將此諭令知之
舉行嘉慶十二年軍政廣西卓異官一員罷
軟官一員有疾官一員年老官二員分別議

敘處分如例免四川夷匪滋擾之義眉縣
屬義邊地方應徵條糧銀 庚戌

上幸萬壽山詣

廣潤祠拈香諭軍機大臣等據汪日章奏
海州車軸河等處間有蝗孽已撲滅淨盡又
沐陽宿遷二縣有飛蝗過境並未停落現飭
查明從何處飛來令地方官實力搜捕等語
山東蘭山郯城二縣間有蝻孽據吉綸屢次
奏到江境州縣與之毘連飛蝗自所不免但

汪日章所稱止於過境並未停落之語殊不
可信蝗蝻豈能千里飛空晝夜不止竟無暫
時停落覓食之理此時秋禾正在長發一經
停落即恐傷稼亟應隨地撲滅但撲捕之法
若官為督辦又恐胥吏等從中滋擾踐踏田
禾轉致無益有損惟當勸諭百姓令其自行
撲打官用錢米收買庶可早期淨盡該撫即
妥為飭屬辦理設或田禾間有傷損之處即
行據實奏聞毋稍諱飾將此諭令知之 調

山海關副都統阜保為鑲黃旗漢軍副都統
鑲黃旗漢軍副都統額勒金布為山海關副
都統 辛亥旌表守正捐軀陝西臨潼縣民
趙子成妻張氏 壬子諭內閣昨日兵部帶
領武職各員引見有張聖謨一員已降旨准
其補授湖南綏靖鎮標中營守備矣聖謨二
字豈臣下所可命名兵部於該員到部時即
應將伊名更正何以漫不加察率行帶領引
見除此次疏忽之咎姑從寬免議外嗣後吏

兵二部於應行帶領引見各員內遇有此等命名不合者即當留意更正若再失於查察經朕看出定將該部堂司官分別懲處所有張聖謨一員即著改為張謨諭軍機大臣等鐵保等奏洪湖漲水續消淮揚寧謐通盤籌畫次第趲辦各工一摺本年洪湖盛漲清水長至一丈九尺有餘堰工處處危險幸賴天恩

天佑漲水以漸消落得以保護無虞淮揚民

情寧謐易勝感慰現在湖水消落二尺七寸黃水消落二尺二寸清水仍高於黃水二尺暢出運口河湖大局尚順其趲辦各工次序自應先將百子堂對岸及千根旗桿兩處缺口趕緊堵築庶不致有礙運道今歲糧船抵通既速回空亦早務於糧船歸次以前疏築妥協勿令稍有稽延此為最要至啟放智信二壩分洩湖水原係不得已之舉今湖水已消亦應相機早為堵閉以免下游久被淹浸

且收束湖水不致宣洩過多以收敵黃之益其臨湖輒工掣通處所既據該督奏稱刻下三面皆水無處取土難以興工須俟裏河各缺口辦竣再調集通工員弁併力堵築彼時水勢已消可以剋期集事等語即著照依所奏次第先後辦理看來此時南河全局高堰最為著重前長麟戴衢亨奏請將加培高堰山盱二廳隄壩各工於明後兩年分段興辦今先其所急著改於本年堵築各工完竣時

儘先興辦其雲梯關外接築長隄事尚可緩著改於明後年以次辦理再碎石坦坡既係保護高堰必應辦之工亦當早為籌備鐵保等經歷此次堰工危險情狀豈尚不思未雨綢繆冀保萬全其如何分年趲辦約計幾年可以辦成並摺節估計實需銀若干之處並著妥速籌議奏聞至下游被水各州縣雖據奏稱不至如往年之甚但水過之處小民田禾廬舍已不無傷損鐵保等現已派員前往

查勘務令確實詳報有應行撫卹之處據實具奏候朕施恩不可稍有諱飾將此諭令知之○賞候補都司孫全謀三品頂帶為廣東左翼鎮總兵官○癸丑以乾清門侍衛玉福為內閣學士兼禮部侍郎銜○甲寅諭內閣此案劉姜氏因伊夫劉以舉欲令賣姦不從向伊姑告知斥詈之後劉以舉仍逼令賣姦並用犁端向毆該氏奪回犁端順勢回毆一傷適斃刑部依妻毆夫致死律擬斬立決係

屬照例辦理惟念婦人以名節為重劉姜氏當伊夫欲令賣姦之時立志不從原為伊夫守節且經告知伊姑後伊夫仍向逼迫其毆傷伊夫致斃係因伊夫先用犁端向毆該氏隨勢奪過回毆覈其情節尚有可原劉姜氏著加恩改為斬監候○旌表守正被戕山東滕縣民趙連榮妻袁氏○乙卯

上幸萬壽山○以通政使司副使博慶額為內閣學士兼禮部侍郎銜○以翰林院編修姚

元之為陝西鄉試正考官程家督為副考官工部右侍郎陳希曾為江南鄉試正考官翰林院侍讀學士周系英為副考官丙辰上御勤政殿聽政○以大理寺少卿汪鏞為光祿寺卿○丁巳遣官祭

火神廟○諭內閣八旗滿洲都統等議奏遵旨酌定管旗王大臣每月輪班進署識認屬員一摺管理八旗都統副都統等俱應輪流進署但伊等差使不同即如兼內廷行走之

王御前大臣御前侍衛乾清門侍衛內務府大臣等不過清晨當差朕在園時散直儘有餘暇至軍機大臣等終日在內豫備宣旨即散直後遇有報到尚須召見朕駐園時伊等不暇進城到署嗣後八旗都統副都統兼內廷行走之王御前大臣御前侍衛乾清門侍衛內務府大臣內儀親王成親王如遇應進署班期著前一日入城住宿次日不必呈遞膳牌其餘除在圓明園進班之期毋庸進署

外餘日俱著於散直後輪流入城進署至軍機大臣等俟朕進宮時再輪班進署儀親王成親王定親王綿恩等俱係管理宗人府亦著一體輪流進署辦事○以內閣學士顧德慶署工部右侍郎○戊午

上幸萬壽山○諭內閣八旗支放米石該旗都統副都統等必須親身赴倉驗放方可剔除獎賞看來兼管八旗都統副都統之內廷行走王等及御前大臣御前侍衛乾清門侍衛

內務府大臣內惟哈迪爾一人尚去驗放米石甚是可嘉其餘竟無前往者伊等祇應豫備早間差使朕往圓明園時早朝散後儘可赴倉驗放米石是伊等未免貪安不肯親往耳哈迪爾本係回人尚知黽勉急公伊等反躬自思寧無愧乎軍機大臣慶桂托津終日在內豫備承旨書諭固無暇赴倉嗣後八旗支放米石除慶桂托津無庸赴倉外其兼管都統副都統之內廷行走王等及御前大臣

御前侍衛乾清門侍衛內務府大臣等於各該旗支放米石之期均著早朝散後輪流親身赴倉驗放如再有託故偷安不肯親往者經朕查出必治其罪決不寬貸○又諭松筠以皇長孫誕育叩賀摺內惟稱叩賀聖主大喜所奏甚是皇長孫誕育諸臣摺內祇宜如此稱賀豈宜敷衍吉言松筠此摺甚屬懂事得體伊之見識實遠勝於興奎和寧等輩昨興奎和寧愛星阿來靈等摺內俱稱不勝踴躍欣忭等語甚屬無謂不曉事體除興奎和

寧等業經申飭外愛星阿來靈亦著申飭嗣後誕育皇子皇孫內外王大臣不必再行具摺叩賀將此通諭知之○烏什辦事大臣玉德因病回旗賞四等侍衛積拉堪二等侍衛為烏什辦事大臣○戶部議准廣西巡撫恩長疏報天保奉議三州縣開墾水田十六墩有奇旱田十畝有奇照例升科從之○己未諭內閣前據巡城御史喜敬等奏甄商孫興

邦控告筆帖式雙福等於吉地工程銀兩任意侵冒等情連日派軍機大臣會同刑部堂官嚴加審鞫昨據鶴齡等供稱自嘉慶四年開工之後灰斤例價不敷兼以六年大雨衝壞一切運費增多彼時盛住等管工奏准按照易州時價採辦並奏明將四五年辦過灰斤於從前發過例價之外一體照奏准加價銀數找給盛住即將應補發各監督四五兩年灰斤加價銀五萬餘兩扣存不發交雙福收存另作貼補之用等語又於查抄雙福家產時搜出伊所存舊帳一紙內開從前辦理鍊山石應領價十六萬餘兩計扣成銀六萬五千二百兩內有四萬兩亦係盛住收用是盛住前後侵用工程銀兩入己共有九萬兩之多可恨已極實出情理之外辦理一切工程款項價脚均當覈實支給嚴杜獎實況萬年吉地工程何等重大所有收支款項豈容朦混侵蝕恣意分肥盛住受恩優渥從前

屢經獲咎皆經格外保全使其稍有天良當如何實心圖報乃伊以管工大臣中居首之員竟敢侵用加價銀兩並暗扣成數多至九萬以致工員等相率效尤弊端百出是此案盛住實屬罪魁伊前年又因開採山石案內身獲罪譴問擬大辟經朕格外寬宥僅止發往新疆伊果知感激免死厚恩彼時即應將此二項侵扣之銀據實首繳則其罪猶可未減乃伊不惟不行首出轉於陝西途次帶信伊子達林向雙福處將交存之五萬兩討回用度是直將官帑作為私蓄喪心昧良至於此極伊係孝淑皇后之兄更應格外報恩加倍謹慎小心今所為如此實堪痛恨國法所在朕豈能曲為寬貸設使其身尚存必當鎖拏廷訊加以刑夾明正典刑即行處斬斷不能倖逃法網現在既已身故無可追論著將前賞副都統銜斥革並追回所得卹典其所遺家產著

派托津多慶即行前往嚴密查抄伊子吏部郎中達林整儀尉慶林候補筆帖式豐林伊孫候補筆帖式崇喜崇恩俱著一併革職交刑部暫行圈禁俟定案時再行問擬罪名請旨辦理以示懲儆其案內分用扣成銀之三品卿銜成文長蘆鹽政李如枚苑副延福催長鶴齡均著革職等因查抄家產其筆帖式福承額前充書算手分發福建鹽大使來學章分發廣東鹽大使林振宇前在工程處辦事人候選通判張景耀俱著一併革職等因並派侍郎穆克登額同乾清門侍衛色布徵額前赴天津將李如枚任所貲財一併查抄並將李如枚先交色布徵額押解來京歸案辦理長蘆鹽政著穆克登額暫行署理俟簡放有人再行交代回京（庚申諭內閣）盛住前於嘉慶九年獲罪發遣新疆所有萬年吉地工程節經蘭派那彥寶戴均元蘇楞額常福接手管理乃於盛住貪冒侵欺種種不法

毫無覺察實屬昏憤不職那彥寶著降為頭等侍衛另降清字諭旨派往哈密換班戴均元著拔去花翎降補正三品京堂那彥寶戴均元俱加恩免其交部議處蘇楞額常福先已降旨拔去花翎均著革去侍郎副都統降為三品不必管理吉地工程其餘各項差使令其照舊管理仍交部嚴加議處（調工部左侍郎英和為戶部右侍郎理藩院右侍郎慶惠為工部左侍郎以總管內務府大臣阿明阿為工部右侍郎哈密幫辦大臣景祿為理藩院右侍郎內閣學士秀寧為禮部右侍郎）以鑲黃旗漢軍副都統阜保兼京營右翼總兵調正紅旗漢軍副都統和世泰為正紅旗滿洲副都統正黃旗蒙古副都統玉寧為正紅旗漢軍副都統以土默特台吉朋素克琳沁為正黃旗蒙古副都統調鑲紅旗漢軍副都統永玉為正黃旗滿洲副都統以二等侍衛興肇為鑲紅旗漢軍副都統調鑲紅

旗蒙古副都統哈寧阿為正紅旗滿洲副都統以內閣學士博慶額兼鑲紅旗蒙古副都統以禮部右侍郎多慶為直隸泰寧鎮總兵官兼總管內務府大臣鑲紅旗滿洲副都統裕瑞為正藍旗護軍統領以正紅旗滿洲副都統和世泰兼總管內務府大臣鑾儀衛鑾儀使長慶為鑲白旗漢軍副都統內閣學士玉福兼鑾儀使命喀什噶爾叅贊大臣范建豐來京候旨調烏什辦事大臣積拉堪為喀什噶爾叅贊大臣賞已革密雲副都統佛倫保三等侍衛為烏什辦事大臣降直隸泰寧鎮總兵官那彥寶頭等侍衛為哈密幫辦大臣○辛酉諭內閣向來欽派審辦事件或將訊取供詞及大概案情先行具奏此係常有之事至派出查抄家產必須嚴密迅速不予以暇方可免隱匿寄頓等弊從無先行封鎖復來具奏情形一次實屬從來未有之事乃昨派英和查抄鶴齡延福家產輒先

來具奏一次已屬非是然鶴齡延福二人居住蔣溝離圓明園尚近英和往返迅速被抄之家或可不至乘間滋弊至宜興惠恩於前日派出進城查抄李如枚成家產當日僅將兩處房屋封固至次日始至李如枚家查出房地什物大概成文家並未查看本日轉來呈遞情形奏摺此外又無別項應奏事件所辦延緩太不曉事總緣朕不能整飭官常舉朝因循唯諾相習成風明係伊二人欲博寬厚之名為被抄之家曲留挪移地步試思兩處房屋雖經封固而查抄大員一經來園看守人等必致鬆懈安知此一晝夜之間伊兩家不賄囑人役將細軟物件及緊要字迹潛行移運銷燬是宜興惠恩辦理更屬疏懈英和著交部察議宜興惠恩均著交部議處又諭哈豐阿富蘭俱曾任泰寧鎮總兵兼管工程盛住在工舞營私其時伊二人先後在任耳目切近乃不行舉劾殊屬徇隱不

職哈豐阿現任二等侍衛著即革退歸案覈議富蘭現任廣東雷瓊鎮總兵著即解任來京候旨○以候補總兵官馬應國為廣東雷瓊鎮總兵官○以熱河雨大賞兵丁房屋修費○壬戌

上詣

大高殿行禮還宮○予故貝子永碩祭葬如

例○以孟秋時享

太廟自是日始齋戒三日○癸亥諭軍機大臣

李士志

車

等直隸近畿一帶自交六月以後雨水較多南糧重運在後各幫因楊村迤北河水盛漲俱在天津以南連檣停泊未能即時輓運抵壩因思嘉慶六年間曾經截留漕糧存貯天津北倉賑濟直隸被災處所本年直隸被水地方雖較之六年甚輕然亦必有成災之處自須酌籌賑濟所有天津以南重運停泊各幫與其日久守候致回空稽延時日莫若酌量截留既可備賑卹之需兼可令軍船及早

歸次實為一舉兩得著溫承惠速行派委明幹大員詳查直隸被災地方應需賑卹米石若干之處據實速奏候朕降旨飭令如數截留毋稍延緩

李士志

車

大清仁宗受天興運敷化綏猷崇文經武孝恭勤儉端敏英哲睿皇帝實錄卷之一百九十七

大清仁宗受天興運敷化綏猷崇文經武孝恭勤儉端敏英哲睿皇帝實錄卷之一百九十八

[illegible]

閣下稽察欽奉 上諭事件處協辦大學士戶部尚書翰林院學士致習原妻總管內務府大臣鍾黃胡滿洲都統步軍統領管理戶

部三庫奉宸苑清苑園筆處總理工程處御膳房御藥房太醫院西洋堂事務軍功加三級通帶加二級尋常加十三級紀錄二十一次。

英和題講武太子太僕禮部尚書上書房行走武英殿總裁管理國子監事務副級隨帶二級紀錄四次臣汪廷珍等奉

救

嘉慶十三年戊辰秋七月乙丑朔享

太廟

上親詣行禮○幸圓明園○丙寅諭內閣據永

鑒等奏萬年吉地工程因連日陰雨宮門明樓等處均有滲漏東配殿次間脫裂油飾一

處落有小塊碎木謹據實具奏並將脫落碎木封固呈覽等語本年六月以來雖陰雨較

多然如

泰陵

泰東陵工程歷有年所均各堅固完整萬年吉

地工程甫經修理何至滲漏多處且東配殿

並有脫落碎木查看木質係零星碎塊均已

虧朽其各處工程辦理不能堅實已可概見

此皆盛住等喪心昧良貪黷無厭以致承辦

之員固知敬畏將工程任意偷減連日正在

審辦盛住等私扣工程銀兩一案本日即據

永鑒等將工程草率情形奏到可見

天理昭彰人臣翫法營私罔顧公義者終必敗

露侯定案時將此情節敘入一併加重辦理

昨已有旨派長麟廣興多慶管理萬年吉地

工程並令前往確查伊三人於工程均不甚

熟諳仍著添派蘇楞額協同管理長麟等初

八日送駕後即日前往將一應工程詳細查

驗如有偷減草率情弊即據實叅奏並帶同

欽天監官員一人所有應行修整之處令其

詠吉奏明定期興工其原辦東配殿及宮門

明樓等處工程官員著交軍機大臣查明嚴

參具奏請旨辦理一名不可漏網令其倖免

○宗人府奏審明宗室喜齡擬板責發遣一摺得旨此案喜齡經年在外宿娼逼勒買休作妻實屬無恥大玷宗室顏面例應加以板責但伊行為如此卑污非我宗族豈可在宮門外責處著管理宗人府王貝勒等在該衙門監看重責四十板發往吉林交秀林嚴加管束○以翰林院編修陳用光為河南鄉試正考官胡開益為副考官通政使司通政使溫汝遠為山東鄉試正考官翰林院編修程

贊寧為副考官翰林院侍讀鮑桂星為山西鄉試正考官編修席煜為副考官○戊辰諭內閣御史李本榆奏請申明匿名揭帖定例一摺隱匿姓名文書告言人罪者律應絞候立法綦嚴原以懲奸宄而杜傾陷但若將所遞書詞不辨情節輕重一律燒燬不為受理是使逞刁挾詐之徒隱匿姓名肆意誣告仇扳轉得置身事外殊不足以示儆即如謝升誣告本官黃瑞誣告地方文武各款經查究

緝獲後審係子虛即將該二犯按律正法即使匿名書詞所控得實亦仍將該犯擬以絞候屆時或酌量免勾亦不能竟行免罪是查辦訐告之事實欲究治匿名之人正須就所遞書詞字蹟辨認訪緝豈可概行焚燬致啟朦蔽殊有關係所奏斷不可行惟應飭役嚴密緝拏勒限催比務令罪人就獲按律懲辦勿任漏網至所奏刑部現在審辦匿名揭帖宋調梅規避倉差一案原可取保省釋此後

匿名揭帖之案本犯未獲無庸先將被告之人傳集羈禁即有應須待質之處亦不妨先行取保候獲犯到案後再行傳提質對以免拖累○又諭松筠奏塔爾巴哈台叅贊大臣愛星阿於哈薩克岳羅拜探親迷路誤入該境被卡上拏送哈薩克台吉遣其頭人稟訴不為查釋等語哈薩克岳羅拜因探親迷路誤入塔爾巴哈台地界既經該台吉遣人稟訴實非竊盜該叅贊愛星阿即應詢明釋回

乃於遣人稟訴時並不接見又不將如何不應釋回之處面為曉諭何足以服外夷之心並恐漸生邊釁殊屬不曉事體愛星阿著即行解任傳至伊犁交松筠訊明定擬具奏○以三等侍衛阿爾塔錫第為吐魯番領隊大臣○旌表守正被戕安徽霍邱縣民謝五妻劉氏守正捐軀山東章邱縣民韓宿子妻袁氏○己巳諭內閣昨因天津北河水勢旺盛王家莊一帶又有漫口糧船輓運艱恐致回空稽緩特降旨派令達慶蔣子蒲等分出一人馳往天津會同鹽政伊昌阿將在後船糧酌量截留存貯北倉妥為照料本日據薩彬圖面奏向來存貯北倉之米並無專司看管之人以致附近宵小任意偷竊從無過而問者請派人稽查又北倉自上年修理之後仍多滲漏兼恐存貯之米雨溼霉爛等語倉廩存貯米石顆粒皆關正供何至無專員照料所有此次存貯米石著責成天津鎮總兵

本智酌撥官兵分派防守晝夜巡邏並於倉廩四角俱添蓋兵房數間俾資棲止如有偷竊情事即行嚴拏懲辦該總兵亦當不時親往查察毋蹈疏縱之咎至該處倉廩上年係天津商人承辦今不久旋即滲漏是原辦不免草率並著伊昌阿仍責令承辦之人趕緊修葺堅固所有應蓋兵房亦即交令妥辦達慶蔣子蒲接奉前旨務即酌分一人前往天津將截留事宜趕緊妥辦不可延緩至北倉地方存貯米石亦不過一時權宜不應過久並著達慶等將現在抵通各船起卸完畢之後即將此項存貯北倉之米陸續趕緊運通務於新漕未到之先一律抵壩歸倉為要○又諭曹師曾奏稽查關口嚴守邊牆以杜偷越一摺邊口設立關隘原以嚴稽查而慎出入若匪徒等攜賊偷越遠颺率指稱邊牆坍塌處所無從覺察即免該管官處分設職守口隘官兵有時疏於防範竊匪徑由關口偷

越事後發覺亦得任意推諉殊非慎重邊防之道著該督飭令該管官不時嚴密巡查毋任疏懈其趙廣一犯是否由關口混出該管官率行詳報由邊牆偷越希圖規避處分亦著溫承惠查明具奏尋奏委員前赴建昌縣提竊犯趙廣研訊據供委係由喜峯口附近坍塌邊牆偷越並非由關口混出所有失察守口員弁仍飭取職名聽候部議報聞○庚午諭內閣前據御史何學林條奏請將部中記名繁缺知府分發各省委用一摺朕披覽時即覺其事不可行姑交吏部議奏觀其識見以為部臣自必議駁或並將該御史附請處分乃本日吏部議上率請照該御史所奏辦理依樣葫蘆殊屬非是各部俸滿郎中保舉繁缺知府自必才具諳練本係部中出色之員平素所倚以辦事者若概行分發各省則一時頓少熟手實於部務無裨而該員等到省之後無缺可補轉覺日久曠閒若云外

任必須先往練習該員等既能諳練部務簡用時必無不能經理地方事務之理豈外省簡任封疆大員亦須在京現任大員分發各省先行學習乎各省道府乏員原准該督撫等酌量人數隨時奏請揀發何必豫先派往轉令在彼候缺此必係現保繁缺各員因得缺需時希冀速膺外任否則各該部之員外郎主事以及候補主事等官但願實缺郎中一經分發即可以次遞升補缺因相與慫恿為此而該御史自計將來俸滿之後或亦可得繁缺故為此奏吏部不加詳察率行議准豈非為伊等特開捷徑乎所奏不准行○閩浙總督阿林保奏報遊擊陳琴奮勇剿賊得旨嘉獎擢陳琴為叅將賞花翎餘升擢有差○以步軍統領宜興署工部尚書○辛未湖北布政使常安年老命來京另候簡用以山西按察使張映漢為湖北布政使服闋按察使劉清為山西按察使○以久雨兵房坍塌

賞八旗及內務府三旗兵丁半月錢糧修理
○壬申

上幸靜明園詣

龍神廟拈香○賞江蘇等省丁卯科鄉試年
老諸生章珍等二百名舉人副榜有差○癸
酉以久雨命儀親王永璘豫親王裕豐莊親
王綿課於十一日分詣

天神壇

地祇壇

太歲壇祈晴○諭內閣慶桂等奏審明盛住
與雙福等通同侵扣帑項恣意分肥分別定
擬一摺萬年吉地係朕即位之初仰蒙

皇考高宗純皇帝所賜一切鳩工庀材事宜
特派大臣經理朕於嘉慶四年親政後復簡派
盛住總司其事盛住係

孝淑皇后之兄渥承

皇考厚恩加封侯爵朕又特需殊施晉封公爵
伊果具有天良於董率要不應如何實力實

心勉圖報稱詎意未逾數年所建殿宇已多
有滲漏檁木並有虧朽脫落者現在派員赴
工逐一詳查其從前辦理革率偷減情弊已
屬顯然乃於灰斤加價項下扣存銀五萬兩
練山石項下收用銀四萬兩侵蝕官項入己
至九萬兩之多伊係管工大臣中居首之員
翫法營私首先舞弊以致工員等相率效尤
罔知顧忌實屬喪心昧良不成人類可恨已
極設使其身尚在朕必親為廷訊加以刑夾
板責立正刑誅今伊已早經身故然國憲具
在若係承修

先朝陵寢有此侵冒不法情事必當剖棺戮屍
追治其罪今所辦係吉地工程為日方長正
可從容修理是以稍從末減伊之所以侵用
帑金任意扣借者總緣工員雙福鶴齡二人
慫恿舞弊狼狽為奸雙福鶴齡各供認分用
正項帑銀三千兩雙福又將盛住存銀五萬
兩任意支借其罪又甚於鶴齡該二犯侵蝕

之項雖訊明祇有此數其未經查明私肥入己者正不知凡幾此而不加以懲創何以肅法紀而儆貪慝著派瑚圖禮托津前赴刑部監提雙福加以刑夾將鶴齡重責三十板令盛住之子達林慶林豐林及伊孫崇喜崇恩環跪閱視並著傳知達林等此次夾責雙福鶴齡即所以夾責盛住俟夾責後即派潘世恩將雙福鶴齡綁赴市曹即行處斬以昭炯戒達林慶林豐林及崇喜崇恩俱著照議分別發往黑龍江吉林即日起程其家人錫蘭保劉六沈玉張受兒何成有雖訊據供稱並不知盛住侵用庫項情事但錫蘭保等均各分受銀兩豈有毫無聞知之理除何成有現在患病俟就痊後再行照例枷杖外其錫蘭保等四人著二人隨同達林等二人隨同慶林等一併發往黑龍江吉林到配後照擬枷杖至成文侵用銀八千兩延豐係其長子現議發往黑龍江充當苦差但成文之罪較輕

於盛住延豐並未分受銀兩亦非達林可比惟伊曾任大員且經在工効力於伊父分肥扣帑之事並不勸阻又不將盛住等罪狀舉發咎無可諉此次所以籍沒其家產示懲者蓋在於此所有發往黑龍江充當苦差之處著加恩寬免成文李如枚延福俱依擬應斬著監候秋後處決入於本年情實辦理比旨著通諭中外管理各項工程大臣官員等知之○申戒科場嚴查弊竇又諭朕惟立法之道小懲大誡則罹辜者少凡事當弊端初起之時有人執法揭奏鮮不以為苛刻不知因此杜絕奸宄所保全者甚衆若相率因循使作奸犯科者肆無忌憚日久必至釀成巨獄即如本日辦理盛住侵蝕工銀一案設當盛住斃法之初彼時有直言者登之白簡立即將盛住徹回加以懲創尚不至任其貪黷縱恣潰敗若此其甚今成此巨案朕明罰勅法有罪必誅然揆之刑期無刑之心實不願及

此也因思比年以來頗聞科場中傳遞代倩接談換卷諸弊滋生考試為掄才大典懲奸除偽定法綦嚴與其重罰於事後何若嚴禁於事前茲特降旨申戒凡鄉會試派出之監臨知貢舉及有稽察巡緝之責者務各振刷精神嚴查弊竇設有行險徼倖之徒一經緝獲即指叅究辦不得摘取一二細故以見其查覈認真而於真實弊竇所在轉置之不問若經此番訓飭之後仍因循怠玩市惠沽名

將來有科場舞弊之案別經發覺在作弊者固身罹重典其監理稽察場務之人亦必從嚴懲處斷不寬貸無謂朕言之不早也將此通諭知之○喀什噶爾叅贊大臣范建豐總管內務府大臣額勒布廣東雷瓊鎮總兵官富蘭以前派管工徇隱盛住等侵帑誤工均革職遣戍○甲戌

孝懿仁皇后忌辰遣官祭

景陵○以久雨開霽命儀親王永璇等仍於十

一日分詣

三壇行禮改祈為報○諭軍機大臣等據阿林保奏蔡逆竄回閩洋先遣賊目探聽官兵消息經舟師將人船一併擒獲一摺該將領等奮勇可嘉惟是官兵所獲賊船並未焚燒船內礮械亦毫無遺失即當乘此銳氣用彼之船出其不意攻其不備當該鎮將具報到日阿林保亦應密示計謀令該鎮將或將官兵改換衣裝乘坐賊艇往迎蔡逆該逆見其原船駛回亦必深信不疑設蔡逆自坐大艇前來該將弁等正可乘勢跳攏將蔡逆併力擒獲豈非奇功乃該督計不出此失此機會殊屬不善調度今接據稟報先以一奏塞責深蹈外省數行積習豈該督漫無策畫專待朕於數千里外指示機宜耶該督現赴泉廈所獲賊目不懂消既係蔡逆手下著名頭目正可向其根究蔡逆實在情形如蔡逆此時尋蹤來閩孫大剛等此次所獲賊船尚完整

堅固阿林保仍應揀選勇敢將弁改裝乘坐
前往迎頭探勦此後如再獲有賊船均可倣
照辦理將此由五百里諭令知之○以理藩
院右侍郎景祿兼正白旗蒙古副都統○減
免直隸文安縣大窪地額賦○乙亥撫卹琉
球國遭風難夷如例○丙子

上幸萬壽山○以鴻臚寺卿齊布森為內閣學
士兼禮部侍郎銜○丁丑諭內閣據勒保奏
川省出有副將都司等缺請以勦辦夷匪出

力人員以次遞升並聲明此內多係籍隸川
省之人與例不符請照桂涵羅思舉等之例
懇恩俯准等語前此勦辦教匪用兵七八年
之久桂涵羅思舉等皆係由鄉勇出身在軍
營出力最久嗣擢用至副將即以補授本省
之缺原以伊等奮跡鄉閭久歷行陣於本地
山川險要情形較為熟悉且地方如有潛藏
奸宄之徒伊等見聞較確亦可藉資糾察事
屬破格非可援以為例今勒保所奏之參將

李應元等不過於本境暫時勦捕夷匪非若
從前勦辦教匪軍營出力多年者可比且阜
和各營缺管轄番夷該員等亦未必能深悉
夷地情形若因此遽請以本籍之人補本籍
營缺此端一開必致紛紛援照將武職迴避
本省之例竟成格廢所奏不准行著將原摺
並擬請升調清單發交兵部查覈此內永寧
營參將候補副將李應元本省既格於成例
不能奏升著交部以隔省合例之缺即行升

用其餘各員該部查明將合例者奏請升調
其不合例者加恩給與議敘以示鼓勵○四
川總督勒保奏報攻克牛心山等處滋事嶺
夷殲獲賊首餘匪乞降得旨嘉獎與提督豐
紳下部議敘○戊寅諭內閣近因宗室內多
有不自檢束致干罪譴者疊經降旨飭諭管
理宗人府王貝勒及族長學長等加意教誡
並御製宗室訓剴切宣示以冀漸摩自愛勉
副惇宗篤親之至意無如誨之諄諄聽之藐

藐現在具報滋事犯科之案層見疊出此在該管之員豈可欺隱君上自應據實奏聞庶幾有犯必懲俾知儆懼管理宗人府王貝勒及族長等因疏於管束引咎未遑亦係理所宜然但念宗支蕃衍該管之王貝勒族長等勢不能朝夕躬親故迪盡人而勸導之即朕酌量案情隨時懲辦前案甫經究治而踰閑敗檢者續案又復頻仍積習相沿何所底止即將管理王貝勒及各族長之俸祿罰盡亦無裨益朕夙夜思維或因宗室等別無職業以致恣意妄為罔顧大體著管理宗人府王貝勒及各族長大員等悉心酌覈務籌一經久可行之法約束董戒俾爭相切劘勿致自甘暴棄是所深望該管之王貝勒等和衷集思從長計議於迴鑒時具奏○又諭向來宗室命名取用字樣惟天潢支派最近者偏旁相同此外即不得混用乃宗室綿瑚之名取用玉旁大屬非是玉字偏旁即在永字輩中

支派稍遠者已不敢取用況在綿字輩者又何得以之命名且伊兄綿開伊弟綿卞俱不用玉旁伊所取瑚字尤失敬謹之意總由該管之王貝勒族長等並不留心稽查隨時指令改正殊屬怠玩疏忽綿瑚著改為綿胡所有該管之宗人府王貝勒及族長等亦不必自請處分嗣後各宗室中遇有命名不合者隨時飭改以符定制不得再有疏漏○諭軍機大臣等給事中周廷森奏請嚴懲聚眾匪徒一摺據稱近日江南之潁州府亳州徐州府河南之歸德府山東之曹州府沂州府兗州府一帶地方多有無賴棍徒拽刀聚眾設立順刀會虎尾鞭義和拳八卦教名目橫行鄉曲欺壓善良其滋事之由先由賭博而起遇會場市集公然搭設長棚押寶聚賭勾通胥吏為之耳目請飭下三省督撫認真緝捕清查保甲密訪為首棍徒姓名聚賭械鬪之案拏獲盡法懲治並責成地方官嚴定黜陟

<p>上詣</p>	<p>節</p>	<p>職者立予糾叅將此諭令知之○己卯中元</p>	<p>果能化俗宜民著有成效加以獎勸闡茸不</p>	<p>不同初任之員難資治理者不妨奏明更調</p>	<p>如此內有舊係簡僻缺分而地方今昔情形</p>	<p>又能寬猛得宜通曉事體者責令隨時整頓</p>	<p>州縣遴選廉明幹練之員取其才堪治劇而</p>	<p>山東各督撫認真查辦所有穎毫等處各府</p>	<p>應密拏重辦剔除積蠹著交江南安徽河南</p>	<p>人若胥吏等以在官人役敢於通同包庇尤</p>	<p>懼不敢隨同為匪自不至釀成巨案株累多</p>	<p>心體訪隨案查拏將首犯嚴辦使脅從者知</p>	<p>類仍不肯據實舉報總在府縣各官平日留</p>	<p>官寄耳目於里胥保正設里保之中皆其黨</p>	<p>癰貽患至清查保甲雖屬緝匪良法但地方</p>	<p>此等匪徒自應嚴行懲辦以靖閭閻不可養</p>	<p>等語江南安徽河南山東毗連各州縣既有</p>
-----------	----------	--------------------------	--------------------------	--------------------------	--------------------------	--------------------------	--------------------------	--------------------------	--------------------------	--------------------------	--------------------------	--------------------------	--------------------------	--------------------------	--------------------------	--------------------------	--------------------------

清 實 錄 嘉慶十三年七月上

<p>亦著照所請辦理至添建兵房西面舊有街</p>	<p>完固毋誤截卸其殿前臨河加築隄埝一道</p>	<p>滲漏坍塌之處著即飭令該商等趕緊修理</p>	<p>奏查修北倉添建兵房一摺北倉廡座所有</p>	<p>端慧皇太子園寢○諭內閣據伊昌阿本智</p>	<p>孝淑皇后陵寢○遣官祭</p>	<p>皇次子 祭</p>	<p>裕陵○命</p>	<p>泰東陵</p>	<p>泰陵</p>	<p>景陵</p>	<p>孝東陵</p>	<p>孝陵</p>	<p>昭西陵</p>	<p>昭陵</p>	<p>福陵</p>	<p>永陵</p>	<p>安佑宮行禮○遣官祭</p>
--------------------------	--------------------------	--------------------------	--------------------------	--------------------------	-------------------	--------------	-------------	------------	-----------	-----------	------------	-----------	------------	-----------	-----------	-----------	------------------

署今於東南北三面各添蓋兵房一二間足供棲止惟所派弁兵尚不敷巡緝著本智於標下揀派千總一員把總一員外委一員共帶兵三十名前往駐守晝夜巡邏毋稍疏懈該總兵仍不時親往稽察如有偷竊米石情事即嚴拏審明奏辦將駐守弁兵查明懲處其專管之北倉大使並著本智督率巡防如有疏縱一併叅處所派弁兵統俟囤貯漕糧全數運通之後即行撤回將來如值截卸年分即照此次出派弁兵人數辦理其廩座兵房並著伊昌阿傳諭該商人令其時加修葺毋任日久傾圮免致截卸漕糧臨期修整遷延時日○諭軍機大臣等鐵保奏節逾處暑河湖水勢工程平穩情形一摺覽奏俱悉至幫培高堰大隄及盱堰壩脊各工俱應次第經理興修其運河緯道隄工亦應斟酌緩急確估具奏興修俾臻完善惟是此次籌辦培築事宜工鉅費繁約需帑金七八百萬較之

吉地工程尤為浩大昨因盛住與雙福鶴齡等通同舞弊侵帑分肥重加懲辦在盛住喪心昧良原非人類鐵保徐端那彥成渥受厚恩自必實心圖報朕不但不疑及伊等有侵欺情弊並不忍將盛住翫法營私之事令伊等引以為戒惟是工程如此之大需費如此之多實難保在工各員竟無一二不肖之徒從中染指鐵保等當通飭工員等交相勸戒令以雙福等一案為前車之鑑毋蹈覆轍所
有審辦盛住與雙福等侵扣帑項分別定擬之摺及所降諭旨俱著鈔寄鐵保等敬謹刊刻懸掛俾通工各員觸目警心知所做惕將此諭令知之○賞南河効力道員康基田太僕寺少卿銜命專管稽覈現辦各要工錢糧事務○予浙江出洋勦賊淹斃外委王國太祭葬廕卹如祀總例

大清仁宗受天興運敷化綏猷崇文經武孝恭
勤儉端敏英哲睿皇帝實錄卷之一百九十八

實錄卷之一百九十八

七十三

大清仁宗受天興運敷化綏猷崇文經武孝恭
勤儉端敏英哲睿皇帝實錄卷之一百九十九

駐蹕總管日講起居注官李太傅武英殿大學士文淵閣閣學特發奉 上諭事件處管理工部事務翰林院掌院
去舊事必級年常品級曹振鏞等奉 上諭文淵閣閣學特發奉 上諭事件處管理工部事務翰林院掌院
提舉閣學特發奉 上諭事件處管理工部事務翰林院掌院 上諭事件處管理工部事務翰林院掌院
管理戶部庫務處管理工部事務翰林院掌院 上諭事件處管理工部事務翰林院掌院
英和總管工部事務翰林院掌院 上諭事件處管理工部事務翰林院掌院
教修

嘉慶十三年戊辰七月庚辰

上以秋獮木蘭自圓明園啟鑾命

皇次子~~慶~~慶皇三子綿愷於八月初旬赴熱河

隨駕進哨（命成親王永瑒大學士祿康費

淳協辦大學士刑部尚書長麟留京辦事

命已革西寧辦事大臣貢楚克扎布以六部

筆帖式用（免蹕路經過地方本年額賦十

分之五）是日駐蹕南石槽行宮（辛巳諭

內閣朕風聞慶郡王永璘此次前往

東陵路經桃花寺有進行宮觀玩之事本日伊

來至密雲行在請安諭令軍機大臣傳旨面詢據稱此次路經桃花寺行宮因雨水泥濘所帶茶壺落後一時口渴進至廟內尋茶并在佛前叩頭隨由角門進至行宮欲瞻仰御筆見殿門關閉隨即退回仍由廟門走出至行宮內光景從前扈從時曾經進內瞻仰此時委未經再行觀看但官廟亦不應進去又復輕進行宮更屬糊塗不是只求治罪等語永璘素耽遊玩舉朝皆知既至桃花寺朕料

其必私進行宮遊玩今日詢之果然試思伊學問淺薄平日於作詩寫字並不留心又豈真欲瞻仰御筆實屬遁辭若云口渴尋茶則山下村店覓飲之處甚多何用上山尋至廟內明係欲進行宮遊覽耳永璘前為皇子時原應在阿哥所住宿此時既已分府名位懸殊行宮禁地何得肆意遊觀從前果郡王永璘曾因私至昆明湖遊玩獲咎永璘事同一轍自當加以懲戒所有伊自請治罪之處著

交儀親王成親王議處具奏並著通諭王公等嗣後凡過派往祭陵均不准擅入行宮致干咎戾又諭慶成自簡用馬蘭鎮總兵守護

陵寢尚屬小心本年雨水稍多密雲等處行宮牆垣間有坍塌慶成於旬日內趕緊修葺完整殿座亦無滲漏慶成著加恩賞給三品頂帶以示獎勵是日駐蹕密雲縣行宮壬午諭內閣溫承惠奏

東陵兵役本年秋冬兩季米石請仍支折色並以將來每年夏秋雨水不定恐輓運稽遲請援照易州兵米之例一律由豫東漕船截撥較為便捷等語該兵役本年秋冬兩季米石前經溫承惠奏准改支一半本色粟米赴通關運今因六七兩月雨水稍多道途泥濘趕運不及自係實在情形所有該兵役秋冬米石著仍支折色以資買食嗣後並著照易州兵米之例由豫東漕船截撥即令各該兵役

自行轉運無需由通倉給領俾免守候支放以示體卹。諭軍機大臣等張師誠奏據泉州府金城稟稱在洋芝澳防堵探得蔡逆從烏艇船上搬過白底船駛進澳口經兵役連轟大礮擊中逆船舫邊尾樓該逆驚懼忽招各夥船向東北外洋竄去等語蔡逆恐被官兵認識專注攻剿由烏艇船上搬過白底船該府金城既經探知蔡逆的確在內此乃極好機會正可誘其上岸悉力擒獲乃慮其駛

近澳口僅令兵役施放鎗礮追賊衆抗拒復連轟大礮反致蔡逆招夥遠颺此仍不免意存怛怯雖已擊中賊船尚可不加罪譴亦無功足錄現在蔡逆由東北外洋逃竄阿林保張師誠惟當轉飭舟師窮其所向上緊圍捕並飭臺灣文武一體嚴防無稍疏懈至王得祿在粵洋積受瘴氣染患頭風右目生翳近復得翻胃之證阿林保已飛致該提督善為醫治并令王紹蘭親往探看此時如尚未痊

愈不能追捕賊匪即傳諭王得祿在內地安心調理不必勉強出洋轉致不能得力所有捕盜等事即責成署提督周國泰並總兵孫大剛督率兵船合力攻剿毋得稍有鬆勁致滋貽誤將此諭令知之。四川總督勒保奏報生番縛獻首逆烏卜乞降涼山軍務全竣得旨獎賚加副將羅聲臯總兵官銜賞守備李思貴巴圖魯名號知府恒敏知縣呂朝恩遊擊江萬里都司曹興邦花翎雲騎尉馬國

圖等藍翎餘升擢有差。以永定河秋汛安瀾加河道陳鳳翔按察使銜餘加銜議敘有差。是日駐蹕要亭行宮。癸未諭內閣本日先據二阿哥曼寧奏遵旨前往萬年吉地敬詣地宮逐層詳視第四層石門內右邊有石一塊拭之微覺潮溼第四層石門內銅上檻有白漿痕十數道未曾滴下又第二層石門外至頭層石門內地下皆有潮溼石門內左右角原有小溝眼二箇頭層石門外檐頭

上鬱蒸出水珠甚多。門內銅上檻亦如之等語。旋據長麟、廣興、多慶、蘇楞額四人奏到查勘吉地工程一摺。其所稱地宮潮溼水珠情形。俱與覆所奏相同。摺內又稱地宮石塊受潮緣由。總由木門外穿堂滲漏潮氣內撲所致。現在查明穿堂詳細勘驗。不惟頭停滲漏望板間有歎朽即做法亦不如式。應請拆葺。至此外方城南北兩面城身上均有水浸溼痕。石柱門一座隴灰脫落。油飾損動。琉璃花門三座。配殿二座。宮門五間。朝房二座。以及神廚庫等工。俱做不如式。以致滲漏其東配殿望板脫落。亦由灰背浸透。致有歎朽。均應擬請揭窳。又此外明樓大殿碑亭脊根檐瓦雖尚無滲漏。亦做不如式。應請列為緩修等語。萬年吉地工程何等重大。今經伊等查勘覆奏。各工均辦不如式。現在滲漏歎朽之處甚多。殊堪駭異。至於地宮內外。尤非各處殿宇可比。而石塊亦不免潮溼。并有水珠穿

堂頭停。竟致滲漏甚多。望板歎朽。以致潮氣內撲。此皆承辦各員喪心昧良。惟知侵扣帑銀。分肥飽橐。罔顧要工。以致甫閱數年。輒多損壞。可恨已極。現在應行修葺之處甚多。若同時興工。又恐草率。自應分別緩急。次第辦理。此時石門內外潮溼之處。最關緊要。自應趕緊修辦。但伊等祇稱潮氣內撲之故。係由穿堂做不如式所致。而於第四層石門內右邊石塊微潮及銅上檻有漿痕十數道。應如何修理之處。並未議及。是否將穿堂拆葺之後。即可一律乾燥。永遠無慮。抑尚有另須講求之處。著長麟等再行悉心體察。妥議辦理。不可輕忽。此外各處工程。俱照伊等所議分別先後次第興修。所有應修各工。著派祿康、鄒炳泰、英和、周興岱四人先行確估。或必須至工所同長麟等議定。於何月日帶同明幹司員前往分別確估。奏聞。將來仍派長麟等四人前往督辦。務須即將石門內潮溼緣由

先行詳查妥議辦理以期永臻堅潔朕明年恭謁

西陵即當親臨吉地閱視此後每年二阿哥三阿哥派往致祭亦可輪流敬謹查看伊等不可不慎重辦理總期地宮內外一律十分完整勿再草率干咎至工程既分緩急三等則當日原辦各員做不如法此次亦當分三等治罪所有承修地宮內外及穿堂以內各工者著列為一等罪承修方城二柱門琉璃花

門配殿宮門朝房神廚庫各工者著列為二等罪承修明樓大殿碑亭不如式者著列為三等罪即交長麟等詳查檔案將承修總辦各員分析查明並將某處係何員承修何員總辦一一註明單內奏聞請旨內除盛住雙福鶴齡三人業經分別辦理無庸再行列入外其餘務當確查明晰不可稍有疏漏即如成文李如枚延福三人本係各工總理若此時查出各工又有伊等專辦者仍當據實奏

明不得以伊等業已問罪監禁欲思代為開脫致有不實不盡○賞熱河接駕兵丁及看守避暑山莊弁兵一月錢糧看守口內口外各行宮弁兵半月錢糧○撫卹日本國遭風難夷如例○是日駐蹕兩間房行宮○甲申諭內閣朕前日因風聞慶郡王永璘前往東陵時進桃花寺行宮遊玩當令軍機大臣傳旨面詢據永璘稱係因途間茶壺落後進廟尋茶見角門未關順路進至行宮欲思瞻仰

御筆適殿門關閉旋即退回等語朕當覺其所奏不確因仍諭軍機大臣傳旨令慶成詳查具奏本日據慶成覆奏轉據看守行宮把總呈報永璘此次於十二日到桃花寺先入廟拜佛令看守人開角門由詠晴雪坐霄漢院內一繞出去在廟門臺階喫飯等語並將該把總原稟進呈是行宮角門係永璘當時叫開且伊本云瞻仰御筆今查出專在院內繞看遊玩可見其瞻仰御筆之語竟係遁辭

又伊前日祇稱進廟尋茶其於在廟門外臺階喫飯一節並未說出殊多詭飾復令軍機大臣向其覆詢現據永璘亦自認撒謊屬實永璘性好遊玩言語不實朕所素知近年來總未悔改此次於行宮禁地私入遊玩已屬非是而於傳旨詢問時不據實陳明其咎更重若仍令在內廷行走甚屬不稱永璘著退出內廷行走仍以閒散王隨圍俟回京後令在王府安靜居住遇有朝會大典照例隨旗上朝除此不准出府門各處遊玩若再不遵旨恐不免仍為貝勒矣如果伊自知改悔將來數年之後尚可施恩如或固知愧懼仍蹈故習又有不自檢束之處必當從重治罪至伊既不在內廷行走將來回京後無須在園內居住且恐其藉有賜居因在附近園亭恣意遊玩轉致無所稽查著即將原賞園屋繳回至前日已因其遊玩行宮交儀親王成親王議處具奏現復究有撒謊情事著一併酌

議懲處又諭范建豐等奏哈薩克公阿第勒差人攜帶羊隻前來喀什噶爾貿易一招哈薩克在伊犁等處貿易向有一定處所惟乾隆三十三年哈薩克曾到喀什噶爾攜帶牛馬貿易一次迄今已歷四十年今阿第勒因辦理婚嫁等事需用布匹甚多差人前來購辦經過伊斯里克卡倫未經阻止該叅贊等因其既已前來不便即行驅逐當遵照乾隆年間舊例派委官員定價代為經理伊等無利可獲即自求將牲畜帶回該叅贊等復派人護送出境沿途安靜所辦尚是至另片奏伊斯里克卡倫侍衛百陞未經查明稟報竟將哈薩克來人放入現已記過停升等語失之太輕邊疆要地設立卡倫原為稽查出入百陞在彼守卡職有專司今於哈薩克遣人貿易並不查驗來歷稟報叅贊聽候指示輒行放入卡倫若似此漫不經心設有奸宄混跡亦將聽其潛入乎百陞著革職發往伊

犁作為馬甲當差三年後察其勤惰著該將軍再行具奏所有卡倫侍衛員缺著交領侍衛內大臣將記名人員按名奏派旌表守正捐軀河南通許縣民祁建寧妻張氏是日駐蹕常山峪行宮乙酉諭內閣朕本日召見散秩大臣宗室奕顥成秀敬敏三人詢以前所頒御製宗室訓一篇曾否敬閱伊等竟皆茫然不知又宗室公布蘭泰本日未經召見令軍機大臣傳旨詢問據稱亦未見過實出意想之外朕因宗室內近多不自檢束之人而管理宗室之王貝勒等又不能盡心勸誨深恐積習流而不止用是剴切教導著為宗室訓一篇並不於文字求工祇取其語句易曉使人人皆可領畧以代面命耳提管理宗室王貝勒等於敬閱此文後自應向宗室等一一傳告乃宣示業已多日而宗室內如奕顥等數人皆係現任大員尚未得見則其餘閒散宗室未經知悉更不待言安望其

提撕警覺使人人身體力行乎管理宗室王貝勒及各族長學長等於朕訓迪宗室之苦心全不仰體甚屬非是著傳旨嚴行申飭並著王貝勒等即將宗室訓普行傳示俾眾共知如經此次申諭尚不傳知周徧再經朕面詢仍復有如奕顥等數人之茫然不知者必將管理宗室王貝勒等治以應得之咎再本日御製諭宗人府諸王貝勒詩一首著將硃筆發交儀親王成親王閱看並令和韻是日駐蹕喀喇河屯行宮丙戌上至熱河詣文廟瞻禮關帝廟城隍廟拈香詣永佑寺行禮諭內閣據長麟等奏請將石門外穿堂之東西坎窗毋庸糊紙改用銅幪外面雨搭朝捲幕放俾得透風似潮氣不致內撲可稍期乾潔等語穿堂坎窗改用銅幪外

用雨搭朝捲幕放俾鬱蒸之氣得以透風則石門內外可期乾潔應即照長麟等所議辦理至第四層石門內右邊微潮之石一塊或係石性不堅易致浸潤此時亦不便剔換著祿康等到工後傳諭多慶於本年冬至二阿哥詣祭時派令內監敬放木門將石上微溼之處揩拭潔淨並用高梯高橈將銅檻溼漿各痕一律拂拭乾潔俟來年七月二阿哥詣祭覆加查勘是否仍有潮溼痕跡再為定奪

又諭儀親王成親王奏議處慶郡王永璘請罰郡王俸十年並請徹出恩賞當舖一摺此次慶郡王永璘奉派前往祭

陵輒私入桃花寺行宮遊玩迨傳旨詢問又不據實陳明咎有應得本當照議懲處但念其經軍機大臣遵旨詢問正在愧悔交迫之際一時未將叫開角門及在廟門外喫飯各情節說出伊已自認糊塗其喫飯時僅在階下而順路進至行宮祇於院內觀玩旋即退回

並未敢擅開殿門且桃花寺行宮與昆明湖切近園籩稍有區別永璘私入遊玩較之從前果郡王永璠私至昆明湖恣意畫船簫鼓之事究屬有間昨已降旨將伊退出內廷行走以閒散王隨園並將原賞園屋一併徹回所有儀親王等將永璘議以罰郡王俸十年之處著加恩改罰郡王俸四年不准查抵其從前賞給伊當舖一座亦著無庸徹出經此次訓誡之後永璘宜倍知感愧加意檢束事

事小心無負朕教誨成全至意○賞蹕路經過各處修建橋座文武官員紀錄二次綠營兵丁半月錢糧 賞修建喀喇河屯濠河橋梁滿營弁兵半月錢糧 賞熱河綠營兵丁一月錢糧 緩徵河南安陽湯陰內黃三縣被水村莊新舊額賦 是日駐蹕避暑山莊至八月戊申皆如之 丁亥調甘肅涼州鎮總兵官吳廷剛為陝西漢中鎮總兵官漢中鎮總兵官馬元為涼州鎮總兵官 戊子旌

表守正捐軀河南襄城縣民趙明妻靳氏
除江蘇江寧縣義冢地六畝有奇額賦已
丑

上御如意洲賜扈從王公大臣蒙古王貝勒貝
子公額駙台吉等食並賞賚有差 諭內閣
長麟等奏查明承辦吉地工程各員請旨分
別治罪一摺並開名單進呈此項工程現據
查明地宮寶城以及方城大殿配殿宮門朝
房碑亭神廚庫各工自開工起至完工止均
係雙保尚玉相海紹詩蒙額四人充當監督
會同承辦其罪均列一等雙保等四人現在
已經革職即交刑部覈擬治罪至另單所開
七年至八年總辦司員於頭停瓦不能如
式其罪應列次等所有告休員外郎福興德
敏二員著革職交刑部同已經革職治罪之
成文李如枚二人均按其應得罪名一體覈
擬已經病故之主事保成現在有無子嗣出
仕當差即著查明革退其七年至八年管工

大臣范建豐額勒布富蘭三員罪應再次一
等伊三人先經革職發遣著刑部再按其應
得罪名一併覈議具奏汪承霈現已病故著
將伊子汪本申所賞廕生革去福敏泰有無
子嗣出仕當差亦著一併查明革退其另單
所開二年至六年管工各員既據查明其管
工在未蓋頭停以前著從寬免其治罪又
諭據鄒炳泰宋鎔奏奏直隸總督溫承惠於
會商試署知縣彭元英實授事宜不候咨覆
遽行具題一摺向例順天府屬官員遇有升
補事件該督應與府尹公同覈定俟有回文
始行具奏今溫承惠以永清縣知縣彭元英
試署二年期滿應請實授與順天府衙門咨
商鄒炳泰等因該令有未完地糧正銀與實
授之例不符曾經兩次咨駁行查該督自應
俟會稿畫回再行具題乃該督徑行將彭元
英題請實授並將鄒炳泰等銜名一併列入
實屬專擅溫承惠著交部嚴加議處尋議降

三級調用得旨改為降四級從寬留任○庚寅諭內閣溫承惠奏康家溝壩工及果梁村被漫情形請照例賠銷一摺康家溝漫工本應著落承辦之員照例賠出但本年六月內雨水較大河流驟漲水勢高於壩埝一尺有餘係由壩頂漫過况其壩身並未走動迨淹浸幾及兩月始漸衝刷現在勘明壩根仍屬穩固是當時辦理尚無草率偷減情弊其果梁村被淹地方情形亦同承辦各員咎均可原所有應賠銀兩均著加恩免其著賠○辛卯諭內閣軍機大臣會同行在刑部奏審訊仙鶴林等分別定擬一摺此案仙鶴林以提督大員於慶育皇孫本應遞摺陳賀伊因素不通曉文義令營書郭裕昆代擬摺稿恐未妥協隨差人轉煩已革知府薛淇酌改維時薛洪適因感患暑病未能閱看交幕友石先幾改擬石先幾遂摘用郭裕昆原底數語並撫拾陳言行成一稿仙鶴林即照繕拜發是

摺內疵謬之處業經訊明係用石先幾改擬摺稿石先幾著照擬杖一百徒三年仙鶴林於自行陳奏事件並不詳加檢點致多謬妄其咎較重本應照擬發遣姑念伊從前屢經帶兵打仗身受重傷著有微勞著加恩免其發往烏魯木齊仍與石先幾一律問擬滿徒○諭軍機大臣等阿林保奏蔡朱二逆賊情及現飭舟師分路勦捕緣由一摺據稱蔡逆由粵洋竄回本係坐大烏艇船旋又換坐白底船其船頭船尾插有紅白及粉紅三色旗號今止留紅旗一面等語茫茫巨浸此信未必甚確現在該逆大小匪船雖有三四十隻但周國泰孫大剛兩幫兵船共有五十餘號較之賊船為多足數勦辦刻下既探明該逆北竄甯山一帶外洋著即飭令跟蹤緊躡務將該逆殲擒不可稍有鬆勁如果該逆被追緊急逃竄入浙閩省舟師自當緊躡前往仍著阮元先行札飭溫州黃巖定海三鎮總兵

在於浙洋嚴密防備仍一面探聽確信俟蔡逆竄近該撫即親自馳往海口督飭辦理將接濟杜絕淨盡催令三鎮官兵合力追剿以期收兩面夾攻之效至所稱蔡逆前在越南夷洋與該處夷人彼此交易以銀錢貨物換給水米菜蔬以為日用等語想該國王阮福映未必知情事屬已往可無庸議阿林保惟當嚴飭內地海口各文武小心巡防認真堵截勿使水米火藥等件稍有透漏至朱濱匪

船現有由臺洋竄向銅山之信並著飭知許松年實力截剿勿任與蔡逆勾結為要將此諭令知之○命已革江蘇按察使遇昌以六部主事用予浙江故大學士梁國治入祀鄉賢祠從巡撫阮元等請也廣西定羅司土巡檢徐能文緣事革退以其子典章襲職○壬辰諭內閣據達慶等奏糧船現由康家溝行走恐涉淺阻請勅令總督溫承惠轉飭該管河道隨時多集人夫趕緊挑挖其需費

之處可否籌款動支以利漕運等語張家灣正河淤阻糧艘由康家溝行走目今尚形暢順惟重船尚有二十四幫未經到壩現距霜降不遠儻或水落沙停其上游流水溝一帶又如上年淺阻所關非細自應豫為籌備但如摺內所稱僅諉之漕運員弁用板刮沙此在沙淺之處一二船隻聞有停滯或可藉以推動設遇聯幫阻滯間段淤積豈能恃此集事必應隨時多集人夫上緊挑挖使之一律

加深重空各船方能行走順利前已有旨專派達慶蔣予蒲督同道員陳鳳翔胡鈺祿寧三人實力經理本日又特簡派長麟不時赴通督率妥辦所有挑淤挖淺之事即交長麟達慶蔣予蒲三人督同該道員等設法辦理溫承惠遠在保定不必再由該督會籌如果道員陳鳳翔等三人辦理妥速將重空各船輓運無誤即著長麟等據實保奏設伊等經理不妥稍有貽誤亦著長麟等徑行參奏分

別勸懲其所需挑挖各費並准其籌款動支
○給安徽潛山懷寧霍山和全椒五州縣被
水災民一月口糧並緩徵新舊額賦○癸巳
諭軍機大臣等阮元奏據黃巖鎮標遊擊稟
報七月初七日瞭見南來烏底匪船十餘隻
同安船四十餘隻由三蒜洋面超駛過北探
係蔡逆匪船飛咨何定江等三鎮會合兵船
相機勦擊並知會江蘇省督撫提臣一體督
飭舟師在於界首嚴密防堵等語因思江南
崇明吳淞各海口與洋面相通閩粵等省現
將內地奸民接濟水米之事嚴為杜絕誠恐
該逆勢窮力蹙無處覓食或竄入江南地界
乘閒劫掠設蘇松等處亦被滋擾成何事體
即著鐵保督飭該管提鎮整備水師前往認
真防守一經蔡逆匪船駛近縱不能設法生
擒亦當轟出境外並將內地接濟嚴行斷絕
毋得稍有疏懈此為最要○賞熱河及額魯
特兵丁一月錢糧○是月江南副總河那彥

成奏現在要工具舉錢糧浩繁誠如

聖訓工員侵冒事所必有臣等會同查覈務期
實用實銷不任少有糜費並以不叅劾盛住
各官為前車之鑒斷不敢扶同徇隱批知人
不易得人最難如盛住之舉實出意想之外
不恨彼昧良喪心轉恨己糊塗看人耳夫復
何言又批汝屢遭挫抑應動心忍性捨身報
國無可訓諭勉之○山東巡撫吉綸奏遵旨
查辦結會匪徒批弭盜安良察吏尤要若不
得人何由能治勉之

大清仁宗受天興運敷化綏猷崇文經武孝恭勤儉端敏英哲睿皇帝實錄卷之一百九十九

貴家天子元主

書

大清仁宗受天興運敷化綏猷崇文經武孝恭勤儉端敏英哲睿皇帝實錄卷之二百

監修總裁官經道主官三博士大學士、開闢閣學事務爲政奉
諭事件處管理三卿事務、知院宣慰使等事

加級尋常四品、曹振鏞總裁官李太孫、開闢大學士管理刑部事務、加三級、臣於九經遠日講起居注官李少保內大臣阿爾賽

閣事務卷八
上諭事件處編辦大學士戶部尚書翰林院掌院學士教習庶事士總管兩府大臣張黃鵠高洲都統步軍統領管驥

部三庫奉宸苑清園等處總理工程處御倉膳房御藥房太醫院西洋營事務軍功加三級隨帶加二級尋常加主級紀錄二十一次臣

英和經筵講官太子太保禮部尚書書房行走武英殿總纂官管理國子監事務副六級隨帶副二級紀錄四次

教修

嘉慶十三年戊辰八月甲午朔以四川軍標

中軍副將李廷臣為甘肅肅州鎮總兵官○

乙未命翰林院編修沈學厚提督廣西學政

○給奉天錦義二州縣被水旗民一月口糧

○丙申諭內閣兵部會同宗人府奏議處看

守內右門之侍衛班領及侍衛等並該管王

大臣一摺筆帖式朝樑擅入內右門業經降

旨革職該看守各員不行攔阻實有應得之

咎。但若照議革職。則看守各員。與擅入禁門。

之人其獲罪無所區別尚可量為從寬惟伊

等管轄不嚴亦不稱侍衛之職色楞泰等十員均著退去侍衛各照現在品級降一等以旗營官補用其有本兼世職者仍加恩留其世職至領侍衛內大臣成親王等降級留任之處著照議抵銷○青海輔國公格勒克喇布齋頭等台吉扎木巴勒多爾濟詣熱河瞻覲賞賚如例○旌表守正捐軀安徽靈璧縣民徐學盛女徐氏○丁酉秋分夕月於西郊遣順承郡王倫柱恭代行禮○祭

先師孔子遣大學士費淳行禮○命己革庫爾喀喇烏蘇領隊大臣台斐音以六部主事用○除甘肅西寧碾伯二縣水衝地三十六頃有奇額賦○戊戌祭

大社

大稷遣成親王永理恭代行禮○己亥遣官祭文昌帝君廟○諭內閣據特清額等奏成都左翼鑲黃正白兩旗滿洲協領墨爾根布出缺請將右翼正黃旗滿洲佐領哈達哈擬正

本翼佐領常忠擬陪咨送引見等語墨爾根布所遺左翼滿洲協領員缺應於本翼應升佐領內揀選保舉補放如本翼乏人再由右翼應升佐領內揀選保舉方為合例今閱伊等勞績哈達哈雖保舉卓異奉旨記名曾在軍營出力但常忠係本翼佐領且在軍營奮勉得傷特清額等以之擬陪辦理甚屬錯謬其墨爾根布所遺協領員缺著以常忠擬正再由本翼佐領內揀選一員擬陪咨送引見

一俟有右翼協領缺出再將哈達哈奏補特清額等著傳旨申飭○又諭本年繙譯鄉試入場日期既與武會試內場相值著照明亮等所奏改於武會試內場揭曉後再行接考嗣後繙譯鄉試遇有似此時日相值年分即照此次辦理○以內閣學士凱音布都察院左副都御史卽洪監臨順天鄉試工部尚書曹振鏞為正考官吏部左侍郎潘世恩為副考官○庚子遣官祭

關帝廟○賑甘肅臯蘭金隴西平羅靖遠中
衛寧夏西寧已燕戎格伏羌寧朔靈大通十
三廳州縣被水被雹災民並緩徵新舊額賦
○辛丑諭軍機大臣等阿林保奏蔡朱二逆
分竄入浙現飭閩省舟師過浙會剿並酌留
師船截捕緣由一摺前此蔡逆祇剩三船潰
竄粵洋情形實為窮蹙閩省舟師過粵剿捕
並會同粵省官兵其勢數十倍於賊會不能
痛加擒剿該逆半年以來又得四處勾結由

粵入閩由閩入浙毫無攔阻該督前此派令
在洋截捕之官兵不知何往轉託詞由外洋
竄駛陰為水師官兵卸退地步而摺後尚云
該二逆不過互相倚靠延殘喘可以剋日
殲除如此大言不慚朕實為阿林保恥之總
由水師官兵疲玩之習未能悛改過賊尚遠
輒用鎗礮轟擊及賊匪退去又不能實力追
趕不過託詞風信靡常任賊奔竄本當俱革
頂帶此時姑暫緩懲處著該督撫等通行曉

諭若伊等能激發天良知愧知奮趕緊追剿
窮賊所向將蔡朱二逆次第擒獲朕不但寬
其既往之咎仍當格外施恩加以懋賞若再
遷延畏葸毫無振作必當將伊等按軍法治
罪又非但革去頂帶已也至年來陸路防堵
似較往年稍為認真但若云接濟俱已斷絕
則不可信試思該逆夥匪既多豈能不廣需
食米乃賊匪日久在洋從來不慮枵腹朕聞
江浙等省現在各海口出洋米石甚多該逆

等不惜重價購買小民惟利是圖干冒重禁
現在江浙米貴實由於此地方官何嘗不出
示禁止皆不過視為具文甚至胥吏官兵得
受陋規私行縱放可恨已極又如賊船內必
資淡水需用不特海口應有兵役巡視即附
近各海島亦會據伊等奏及皆有兵役就近
巡防如果斷其接濟之路賊匪又豈能久延
殘喘他如火藥鉛彈桅蓬一切需用之物若
非海口偷漏則賊匪早已罄盡焉能支持至

今此皆該督撫辦理不嚴所致。現當辦賊喫緊之時，不可再有泄泄。該督撫務須嚴飭地方文武認真辦理，勿徒於奏摺內鋪敘空言。即為塞責。若將來別經查出海禁鬆懈，仍有偷漏，該督撫不能當此重咎也。將此諭令知之。○予四川陣亡從九品唐學職陝西陣亡外委張坤祭葬。世職兵丁何寅等二十八名賞卹如例。○予浙江福建出洋淹斃把總徐大鏞易龍外委王福郭廷揚陳青山祭葬。卹廕兵丁劉飛龍等六十七名賞卹如例。○壬寅。

太宗文皇帝忌辰遣官祭

昭陵。○諭內閣慶怡奏總管達什納木扎勒因病呈請解任。所遺察哈爾正黃旗總管員缺請將察哈爾鑲白旗總管鄂特歡調補等語。達什納木扎勒病難痊癒，准其以原品休致。其所遺察哈爾正黃旗總管員缺事務紛繁，自應於現任總管內揀員調補。惟鄂特歡本

係察哈爾正黃旗人不應令其管理本旗事務。現在察哈爾總管除鄂特歡外尚有六員，豈竟無一諳練可調之員所請著不准行。仍著慶怡於該處六旗總管內擇選諳練能事人員另行奏請調補。○青海額魯特扎薩克貝勒濟克默特伊什因病告退，以其子扎木巴勒多爾濟襲爵。○甲辰。

太祖高皇帝忌辰遣官祭

福陵。○遣官祭黑龍潭。

昭靈沛澤龍王之神玉泉山

惠濟慈佑靈護龍王之神。○諭內閣成寧奏平陽府知府缺出請以試用知府徐秉鈐補授一摺。所奏非是。平陽府係請旨之缺，定例應候簡放，不得由該撫奏補。徐秉鈐係捐納之員，試用又復未久。該省現在試用知府祇此一員，非如揀發人員候缺者多，補缺無期。可比況該員又未經承辦要務，著有勞績，何得越例請補。所奏不准行。成寧著傳旨申飭。

所有山西平陽府知府員缺著史積中補授
○乙巳遣官祭昭忠祠○諭內閣宗人府衙
門叅奏失察宗室儀績儀平宿娼之總族長
等審訊大概情形一摺此事現經步軍統領
衙門及總族長等同日具奏朕因宗室內多
有不自檢束任意妄為屢經降旨諄諄告誡
並頒示御製宗室訓使人人祇閱凜遵共知
自愛乃本日據儀親王等奏此次通傳宗室
閱看竟有儀績儀平弟兄二人不到尋覓數
日始知伊二人在外宿娼已被提督衙門拏
獲交宗人府收管請旨審辦可見宗室內似
此踰閑蕩檢不知悛改者正復不少摺內雖
據儀績等供稱於本月初三日在外宿娼族
長等於是日傳往聽宣宗室訓時因已經出
城實不知道若是聽見焉敢動身等語殊不
足憑伊等於宗室訓即尚未敬閱豈於節次
懲辦宗室滋事各案亦全無聞見况喜齡宿
娼一案即係上月之事伊等果稍知儆惕自

當引以為戒何至毫無顧惜甘犯科條此時
事經敗露朕惟有犯必懲不能曲為寬貸至
將來御製宗室訓傳徧之後尚有如此犯案
者則其冥頑不靈甘蹈無恥更當從嚴辦理
但如此逐案示懲管理宗人府之王貝勒等
頻請處分亦尚屬末節總當思一正本清源
之道設法董勸使人人共知感悔痛湔積習
不自暴棄方可冀訓迪成全著管理宗人府
王貝勒遵照前旨悉心妥籌具奏所有四品
宗室儀績儀平著革去頂帶交刑部會同宗
人府審明定擬至摺內請將總族長族長學
長及署族長等交部嚴議該堂官自請議處
一節該總族長等平日不能教導又復查察
不嚴咎有應得但署族長葉經額係於八月
初一日始行接署儀績儀平係初三日在外
宿娼伊到任後僅止一日其咎稍輕著從寬
改為交部察議至本族長連敏雖現係隨圍
在外但伊八月初二日始卸族長之任其七

月內失察之咎無可解免著與總族長宜興景熠學長惠端俱交部嚴加議處宗人府堂官管教不嚴均有應得處分儀親王成親王貝勒永珠永瑤均著交部議處定親王綿恩係宗人府堂官但現隨園在外著加恩寬免至案內尚有鑲藍旗蒙古教習伊綿布一員亦經同往宿娼該員現充教習尤當自敦師範乃竟無恥妄為更應嚴示懲儆伊綿布著革職同案內各犯一併交部歸案審辦○又諭刑部續將順天府及直隸陝西福建等省咨報問擬徒流各官犯摘敘案由分別應減不應減開單具奏請旨朕詳加披閱內官犯漆光燁因衛守備俸滿應行推升屢懇漕督奏留旋經參革擬徒該革弁曾經打仗受傷不能騎射冀免營缺王槐蔭因觀劇回歸途次誤挫防禦互相稟訴審明照誣告例問擬滿徒但其所誣防禦亦祇不戴頂帽細故尚無別項重情張文忠蘇錦傳登科均因所管

兵丁王得王勇貴共毆馬得致斃王勇貴脫逃張文忠向步軍統領衙門書吏打點被屍母告發後蘇錦等又向刑部書吏打點均照例擬徒該革弁等以財行求因畏懼被叅獲咎起見並無別項重情以上五犯著准其減等發落至楊立幹妄擊無辜冀圖免其協緝揭啟晨非法拷打致斃人命王友德賄縱民人剝取禁樹侯登元失察捕役燒斃賊犯七命且原擬發遣伊犁已奉恩旨減徒薛貴不將賊犯移交有司審訊非法斃命熊官梅以卑賤長隨冒濫名器以上各犯均不准援減○丙午
上詣
永佑寺行禮○諭軍機大臣等吳熊光等奏舟師擊勦土匪殲獲盜犯多名並獲前此戕害官兵夥盜一摺此次錢夢虎黃飛鵬等督率師船追及盜犯總兵寶分幫匪船大加擊勦先後擊沈盜船七隻拏獲盜船五隻獲犯一

百零八名。其餘受傷淹斃者不計其數。其香山新寧二縣文武亦擒獲盜犯五十餘名。並將戕害總兵林國良之夥盜陳亞長擒獲。該省此次勦辦賊匪。尚為出力。但聞向來水師官員習氣。類多誑報邀功。並有拏獲海濱漁戶充報賊數者。此次拏獲多犯。必須詳細確查。如有將沿海捕魚撈鰕之人妄拏充數。希冀邀功者。則必當治罪示儆。如果所獲皆係真正賊匪。或係被賊裹脅之犯。是該文武等攻捕屬實。具報不誣。自當加以獎勵。其陳亞長一犯。若審明實係戕害林國良之賊。罪應凌遲。著該督於訊明後。押赴林國良墳上。燬肉致祭。以伸國憲而慰忠魂。將此諭令知之。

○戊申。

上御卷阿勝境。賜扈從王公大臣蒙古王貝勒貝子公額駙台吉等食。○諭內閣廣興奏本月十一日致祭玉泉山龍神是日恭值

太祖高皇帝忌辰。此後請令欽天監另行擇日等語。向來

園丘

祈穀

方澤及時享

太廟諸大祀。即遇忌辰日期。亦照舊致祭。原以禮統於尊。祭期亦有一定。若龍神諸廟。皆為羣祀。向由欽天監擇日。既係涓吉。何必於忌辰行禮。所有原擇日期之欽天監堂司各官。殊屬粗疏。均著交部議處。嗣後致祭羣祀。不得用忌辰。著另擇日行禮。○又諭據內閣侍讀學士德祥奏。向來留京辦事王大臣。每日辰刻即全行散去。令屬員代看合符。俟酉刻始行到班。請照六班之例。責令輪流晝夜在班。以符體制等語。所奏是留京王大臣四人。每日赴文華門辦事。如值事務簡少。辰刻原可散去。但輪應直班者。有看守合符之責。關繫緊要。若一同早散。祇將合

符派人看守直俟至酉時始行到班殊非慎重責守之道姑念係相沿陋習此時亦不必交議嗣後留京王大臣於文華門辦事後其非直班者著於公事完後散出其應於是日直班者不得同散即著竟日在內看守合符俟次早交代合符方准散出著為令○又諭據內閣侍讀學士德祥奏近來匿告之風猶未盡息固由挾詐之徒妄思傾陷亦有負屈畏官無知犯法者請勅下提督衙門五城順

天府暨八旗都統各營將匿告如何治罪之處出示曉諭使知警懼斂跡等語所奏非是律載隱匿姓名告人罪者不論虛實俱應絞候例禁曉然通行已久無如奸徒挾私逞忿明犯科條惟當有犯必懲自知畏懼斂跡若如德祥所奏必待出示曉諭愚頑始能共知試思殺人者死律法具在一切鬪毆謀故問罪之例又何人不知而犯法者仍未能絕跡豈須將各項例條再通行頒示八旗直省

方可令行禁止乎所奏不可行○又諭昨新授鴻臚寺卿永祚前來熱河謝恩召對詢知伊曾問過留京王大臣令其前來等語上年朕駐蹕熱河遇有簡放在京各員均降旨令其不必前赴行在俟迴鑾時遠迎一二站謝恩自應欽奉遵行何必每歲特行申諭留京王大臣於此等尋常事件既涉拘泥又不肯酌定主見著傳旨申飭嗣後行在簡放各員除奉特旨令其前來外餘俱仍遵前旨行○

順天鄉試監臨官內閣學士凱音布等奏查辦士子懷挾等情得旨此次查出呂字號之大興縣附生范士琪懷挾五經細註小卷即著照例懲辦其派出西南門搜檢士子之德璘等於范士琪懷挾未能搜出實屬疏漏著交部議處至騰字號監生朱起豫失手推倒柵欄訊無情弊毋庸置議○己酉上自避暑山莊啟鑾幸木蘭○諭內閣松筠奏審擬偷挖金砂民人并查明歷年失察之領

隊大臣統轄大臣等分別嚴議處一摺。此案陝省民人龐順因跟隨伊父龐義武在瑪納斯地方傭工度日。輒敢前赴達爾達木圖山地偷挖金砂。換易銀兩。開張店鋪。實屬違禁滋事。著即照從前辦過成案。先行枷號三箇月。滿日重責。發往黑龍江給兵丁為奴。以示懲儆。除將該犯貲財帳目查追覈辦外。其查出零星衣物等件。僅估折錢三十五吊。既據查明伊父龐義武年已七十八歲。著加恩

賞還俾資養贍。其所請將專司巡查金廠失察之領隊大臣七員嚴議之處。內豐昇額岐山二員赴山巡查。係在已經破案之後。維時偷挖人夫業已藏匿不見。該二員未經查出。尚屬有因。俱著從寬改為議處。其特克慎雅滿泰安林台斐音四員著交部嚴加議處。烏雅勒達一員如查明其人尚在。亦一併嚴加議處。其失察之歷任塔爾已哈台叅贊大臣及歷任烏魯木齊都統各員內愛星阿一員

業已另案革職審訊。不必再行交議。其貢楚克扎布策拔克興肇達慶富俊興奎扎勒杭阿明亮奇臣和寧俱有統轄之責。均著交部議處。松筠係屬總統之員。其自請交部議處之處。著加恩交部察議。餘著照議行。○是日駐蹕中關行宮。○庚戌諭內閣。勒保奏審明平武縣民婦王李氏觸忤翁姑。致令忿激。自縊二命。問擬斬決。請勅法司迅為覈覆等語。王李氏因嗔翁姑不允勸阻。伊母出家。膽敢

出言觸忤。屢次撒潑投河。以致伊翁姑王吟王蔡氏同時自盡。實屬大干倫紀。該督於審明後。應即行正法。何待奏請。勅部覈議再行辦理。此時即交部亦不過照覆。無所庸其覈辦。所有王李氏一犯著即行處決。○移廣西桂林府同知駐臨桂縣大墟梧州府同知駐蒼梧縣戎墟。從巡撫恩長請也。○是日駐蹕波羅河屯行宮。○辛亥旌表守正被戕奉天義州民趙存妻吳氏。○賞看守黃土坎等五

處行宮并兵半月錢糧。○是日駐蹕張三營行宮。○壬子諭內閣據昭榘等奏考試三場搜出江南江寧縣監生梅渥直隸大城縣生員王允理安徽桐城縣監生葉宗本俱懷挾策文應行革懲等語。前因近年辦理科場均未能實力督查以致士子入闈不免有懷挾舞弊等情。於掄才大典殊有關係。當經降旨責成知貢舉監臨及派出搜檢各大臣凡遇試期務當嚴行稽查場務不得意存怠玩。此次二場三場該士子果有違例懷挾之事該搜檢大臣等尚屬留心。是一經認真搜查其弊立見。除將該生監梅渥王允理葉宗本三人俱即斥革照例懲治外並著查明由何門搜出所有該管之搜檢大臣著交部議敘。至德瑛等前於大興縣附生范士琪懷挾之處未能搜出曾經交部議處。此次懷挾士子如查係德瑛等所管西南門搜出著即加恩免其議處。毋庸給予議敘。其搜獲策文之該役

等均著酌量賞給銀兩。○又諭文孚奏官兵護送堪布喇嘛途遇果羅克賊番行劫一摺現已降旨令勒保派員查拏示懲矣。護送回藏堪布喇嘛向來西寧派兵四百名前經文孚因近年來途中並未有賊匪搶劫之事遽請酌減二百名。此次賊番或因偵知撥護官兵較少乘閒劫掠亦未可定。皆由文孚辦理冒昧所致。其自請交議之處咎有應得。文孚著交部議處。至都司于文瑤所帶兵丁僅止二百名沿途護送適遇賊番聚衆千餘人該都司督率擒拏當斃賊匪五名並將包裹奪回大半尚為出力功過足以相抵于文瑤著免其議處。○又諭刑部等衙門覈覆四川總督勒保湖南巡撫景安奏因姦謀死本夫二案經該部改題為奏內谷鍾氏與谷啟璋謀毒谷順超一案著照所議行至顧張氏謀死本夫顧大彥一案姦夫先泉身係僧人既不守清規與顧張氏通姦乃因顧大彥撞過扭

住輒同顧張氏將顧大彥擒按倒地該犯復騎壓顧大彥身上將其髮辮繫於牀腳用布帕塞住其口幫同顧張氏將顧大彥勒死復起意私埋滅跡其淫惡兇狠實為可惡未便照擬斬候以致稽誅顧張氏著即凌遲處死僧人先泉著即處斬餘依議○諭軍機大臣等向藏堪布喇嘛每年常川進京西寧係必由之路往往行至該處輒被賊匪劫掠迨經降旨飭拏川省則以賊在西寧界內潛匿不能認真查辦西寧則以賊由川省潛來不能越境查拏彼此互相推諉日久竟置不問以致賊匪愈無畏忌恣意劫掠成何事體勒保不應如此推卸此次據文孚查明實係果羅克達巴阿爾羣結昂餘什達克窩隆等五處番子並無別處賊番其為四川番賊越境滋擾已無疑義川省更無可推託若不根究明確認真查辦恐堪布等以天朝禁令不嚴意存輕視殊有關係勒保接奉此旨即著轉飭

豐紳挑帶勁兵數百名及能事將官前往壓境令其將為首滋事之賊指名縛獻將前所劫包裹等件悉數呈出若賊番畏服遵依則已儻有違抗竟當整頓兵威大加勦辦如近日辦理裁眉之事使其畏懼懾服方能永遠寧帖不可稍有姑息將此傳諭知之○命刑部尚書吳璥前赴通州查勘張家灣康家溝河道○順天府以宗室鄉試中額請得旨取中七名○是日駐蹕阿圭圖御營○癸丑

上行圍○諭內閣綿恩等奏善獵入金禪保將鹿隻追出圍外請旨重懲並請將左翼管圍大臣等分別議處等語本日朕在看城遙見鹿十餘隻及行圍時僅有三隻又復追出圍外殊屬非是管圍大臣綿恩富勒琿凝珠馬上年所遺左翼管圍員缺著派德麟常喜右翼著派孟住其管蒙古圍之三音佳圖喇特納

濟爾第噶勒桑棟羅布著加恩從寬各罰職任俸三箇月。管圍之承啟著罰職任俸半年。至達勒精阿壓試御馬雖應馳騁但將鹿隻驚脫亦屬非是。達勒精阿著加恩從寬罰俸三箇月。索特納木多布齋巴勒楚克究係總理人員所有伊等罰俸之處著加恩寬免。哨鹿善獵人金禪保著照所請從重懲處。此次懲辦非僅為縱逸一二鹿隻著督圍大臣及管圍各員通行曉諭嗣後行圍弁兵等均各隊伍整齊將鹿隻牲畜嚴加圍護勿再疏玩致有縱逸。○是日駐蹕海拉蘇台御營。○甲寅。

上行圍。○以先賢曾子後裔紀連襲五經博士。○予廣東捕盜被戮總兵官林國良祭葬世職如提督例。諡果壯。守備林道材祭葬世職如都司例。○緩徵河南淇縣電災新舊額賦。○是日駐蹕胡魯蘇台御營。○乙卯。上行圍。○諭內閣巡視南城給事中英綸單銜

叅奏戶部額外員外郎范重榮乘醉入指揮衙門搶奪牌文一摺。范重榮因胞姪山東試用縣丞范光煦會借民人耿景梁賈祥等銀兩約至京向伊處歸還。伊並未清償。經耿景梁等將伊牽連被控。此等錢債細故。范重榮身係職官自應令家人到官對理。乃不待傳詢輒到該司衙門聲言與人構訟。從不使家人抱告。迨英綸等再三開導。照例差傳家人候質。而范重榮飲入醉鄉。率領家奴五六人

復闖入指揮署內搶去牌文。殊屬有乖體制。范重榮著解任。交刑部秉公研訊。至另摺奏御史鄒家燮未經會商一節。據稱英綸以本月十九日非坐城之期。曾攜帶摺稿約鄒家燮在城外廟內公同面議。該御史初不在家。嗣因日暮英綸恐關閉城門有誤。繕摺復令指揮等迎催。鄒家燮即赴城外鋪內等候。英綸又欲其仍到廟內相商。鄒家燮以此事無關緊要。明後日再為面商。未經前往等語。巡

城御史遇有應辦公事自宜和衷商榷。鄒家變既經英綸約定會商。何以不肯往晤。是何意見。著留京王大臣傳到該御史面加詢問。令其明白登答。即行據實具奏。○諭軍機大臣等。達慶蔣予蒲奏現在北倉剝運等米共計不下一百二十萬石。若按期全運京倉辦理不及。且恐內河凝凍。諸難措手。今擬京倉進米一百萬石。通倉貯米二十萬餘石。庶可按期歲事等語。本年五月間。會據該侍郎等

奏京倉運米路途較遠。請將本年文武俸米二十萬石。改貯城外四倉。以便回空迅速。當經降旨准行。原不過一時權宜。豈能動輒倣照辦理。今該侍郎等又為此請。不過欲使將來京員俸米仍赴通倉關領。先以此為嘗試之奏。一經准行。勢必於二十餘萬石之外。續請多貯通倉。冀改舊章。殊不思偷漏回漕諸弊。皆將由是而起。斷不可行。達慶蔣予蒲著傳旨申飭。伊等惟當趕緊設法剝運。將此項

一百二十萬石之米。全行歸貯京倉。無得心存怠玩。將來有凍阻遲誤等事。則惟伊二人是問。將此諭令知之。○是日。駐蹕那爾蘇台。梁西山根御營。至丁巳。皆如之。○丙辰。

世宗憲皇帝忌辰。遣官祭

泰陵。○丁巳。

上行圍。蒙古盟長等於行幄西門外設大氊廬。

侍

上膳畢。

上閱詐馬等技。賞賚有差。○諭內閣。恩長奏陳明引律拘泥定罪失當情由。懇請議處一摺。此案已革知縣黃通。濫批釀命。囑差賄和。以致被叅。嗣復有挾嫌唆控情事。先經恩長問擬絞候。經刑部按律詳覈。駁擬杖流。仍加等發往伊犁。並將原擬絞候之已故巡檢陳廷鍾及其餘各犯。均以次遞減。該撫原擬錯誤。固有應得之咎。惟念該撫因黃通等身係職官。其犯罪與常人有閒。又律無明文。是以比

照定擬其科罪失入尚為警惕官方起見近來外省辦事往往失之輕縱恩長於此案定擬過當尚無瞻顧習氣所有伊應行議處之處著加恩改為察議又據恩長奏此案係由該撫酌擬罪名與委員等無涉可否將伊等議處寬免等語此案委員南寧府知府世永思恩府知府金樞前因審出案情會照該撫奏請給與議敘此時著無庸甄敘如已給議敘即行徹銷免其議處○戊午

上行圓○諭軍機大臣等祿康宜興會議教養宗室章程一摺詳加披覽內如宗室中有趨向不端者即令族長隨時察查呈報傳入總族長處治以家法儻舊習未除即奏交宗人府懲辦其有素行端莊並能國語騎射者隨時保舉儘先挑差此二款事屬可行至送赴盛京安置一節殊未允協宗室等切近輦轂經朕親製宗室訓剴切宣諭宗人府王公暨族長分管其有生事犯科者並即隨案辦理

如此曲加勸懲尚不能恪遵化導若送赴盛京豈該將軍富俊一人所能管束將來設有宗室滋事之案不過為自卸責任令該將軍多添處分於事何益盛京地方近來風俗亦漸繁華迥異從前淳樸宗室等到彼亦未必無所漸染至於安置盛京者大抵因其人無出息始行分撥若於移置後又以其願挑差使讀書應試仍紛紛送赴京師無此辦法且盛京添建房屋及一切什物籌辦亦非易易如果安置妥協朕亦不惜此經費第恐仍屬有名無實耳總應於京師內或添差使人各人有職守皆知自愛方可冀其漸即閱檢著將祿康等原摺交管理宗人府王貝勒等悉心妥議章程務令宗潢永沾渥澤以副朕保惠本支計及久遠至意○以喀喇沁貝勒丹巴多爾濟為御前大臣○賑察哈爾穆霍爾噶順等三驛上年旱災貧戶○是日駐蹕那木梁西御營○己未

上行圍○是日駐蹕案巴究溝口御營○庚申
上行圍○遣官祭賢良祠○是日駐蹕烏蘭哈
達御營○辛酉

上行圍○論內閣本年哨內蒙古官兵上圍俱
不整齊縱放鹿隻甚多善獵人等亦皆馬上
平常竟不曉清語蒙古語且不遵王大臣約
束指示任意行走殊屬非是今因圍次將竣
加恩免其治罪其管圍揀選善獵之王大臣
等均著申飭嗣後該管王大臣務將上圍官
兵嚴加管束一律整齊勿致走脫鹿隻必當
揀派騎射精熟通曉清語人員充當善獵儻
再似此挑取不善必將該管王大臣等一併
治罪不貸○又諭本年木蘭習圍之青州官
兵演射布靶稍為可觀佐領武爾袞布德克
登額尚能於哨內射獲數獸可見該副都統
那海平素訓練尚屬認真業經加恩將武爾
袞布德克登額賞戴花翎以示鼓勵嗣後各
駐防將軍副都統城守尉等務將所屬官兵

認真訓練俟將來木蘭習圍果能訓練妥善
必當加恩鼓勵如技藝平常亦必從重懲治
將此通諭知之○又諭吳璥奏查勘張家灣
康家溝河勢情形一摺據稱康家溝現已刷
成大河迥非從前分流溝港可比數里之內
有灣環四處河水亦不虞直瀉現在河流深
通行走順利等語張家灣正河現已淤成高
灘計算水面河底共高於康家溝一丈八尺
及二丈一二尺不等長至十數里勢難挑挖
深通與其修復正河多糜帑項自不如就已
成之新河順勢利導俾糧船經行無誤著照
達慶等原奏來年糧船即由康家溝行走如
果試看一年河身通暢再行具奏○又諭阿
林保奏自行檢舉一摺據稱本年皇長孫誕
生閩省將軍督撫學政一同奏賀呈遞如意
彼時學政葉紹本尚在龍巖考試該督恐往
返札商遲延因即代為列銜恭備如意今聞
葉紹本因此議處是以據實陳明自請交部

嚴議等語。前因葉紹本係屬編修。職分較小。與督撫等一同呈遞。如憲實屬逾分。降旨交部議處。部議上時。已將該學政處以降二級留任。不准抵銷。今既據阿林保奏稱。係該督代為備辦。未與學政札商。是此事係阿林保錯誤。與該學政無涉。所有葉紹本前得處分。著該部註銷。至阿林保代學政冒昧呈遞。實有應得之咎。著即照葉紹本原議處分。降二級留任。不准抵銷。亦無庸再交部議。○諭軍

機大臣等。儀親王奏。駁裕瑞所議。將八旗各立宗學等款一摺。以向來宗室分左右兩翼。各立一學房。舍膏火等項。本有定制。若照裕瑞所請。不但規制未妥。且房舍必須另建。過於繁費。而以宗室養贍銀米。為各學膏火之用。則宗室之寒窘者。轉乏養贍之資等語。自以儀親王所駁為是。但如儀親王摺內。欲查照從前。弘晌請將宗室移駐松山杏山之說。改為移駐盛京。交該將軍管轄之處。殊覺窒

礙難行。不過欲自卸責任。且如儀親王所議。將宗室移往盛京。則一切路費。房屋養贍之需。豈不較之設學。倍增繁費乎。此條無庸再議。至裕瑞既有增學之請。或即於左右兩翼宗學內。量為增添額缺。認真教習。未始非觀摩之一策。其應增額幾何。及籌添經費之處。著管理宗人府王貝勒。妥議奏聞。至於裕瑞所議。請將宗室犯科。分別應奏不應奏。及咨辦一條。此則不為無見。試問旗民尋常口角。

皆逐件具奏乎。況銳於始者。必急於終。不過三月半年。仍歸緘默耳。今秋每報。皆有宗室犯法之事。成何政體。所有裕瑞原議。並儀親王議駁之摺。俱著交管理宗人府王貝勒。閱看。一併歸入會議辦理。○減免直隸安河間。新安南宮。隆平。寧晉。新河。七州縣。積水地畝。額賦有差。○緩徵直隸承德府及良鄉。涿。三河。文安。大城。清苑。定興。蠡。容。城。肅。寧。無極。新樂。天津。靜海。青。盧。龍。遷安。大名。南樂。清。豐。二

十州縣水災新舊額賦旗租倉穀○是日駐蹕伊遜河御營○壬戌

上行圍○是日駐蹕阿圭圖御營○癸亥

上御行幄賜蒙古王貝勒貝子公額駙台吉等食○諭內閣昨據穆騰額奏到將前此遺失宮報尋獲已施恩賞穿黃馬褂並將伊派出我尋之千總楊連賞戴藍翎矣至民人郭旺於拾獲宮報後因聞出示購尋即告知幼丁陳端等首繳尚屬奉法著賞銀二十兩幼丁

陳端得信後呈報查獲著賞銀十兩其與陳端商同具報之幼丁楊喜著賞銀五兩均於廣儲司支給○諭軍機大臣等溫承惠奏該督擬於八月二十五日由古北口等處督查橋道即趨詣熱河一帶恭迎鑾輅將日行公事飭藩司代行等語向來熱河迴蹕之時總督在口外接駕自顏檢任內始迎至熱河後遂沿以為例殊不思地方公事甚多該督早一日出省則署中公事多一日積壓且似此

逐漸遠迎不已勢必趕至中關及波羅河屯等處甚至懇請隨圍殊屬無謂溫承惠此次當遵照舊例即於口外巴克什營地方接駕設有應奏要事准其趕至兩閒房不得再行遠迎嗣後即著為定例○免直隸任縣大陸澤新涸地畝積欠額賦○免天津府各州縣旗租十分之三○是日駐蹕張三營行宮○是月直隸總督溫承惠山西巡撫成寧覆奏查晉省河道寬窄淺深不一冬春水涸淺處不過涓滴細流或河竟乾竭一遇夏秋水漲洶湧異常且多沙灘亂石隨水衝激壅滯不能循軌順溜非黃河之深通迅駛可比迨入直隸境更有崇崖峭壁一線中流山徑滌涸時伏時見如倣用皮混沌環山觸石勢有難行自應仍由驛馳報臣成寧擬於大同縣境內衆水匯集之處設立誌碁以為定準每夏秋大汛責令大同府督同該縣專派妥役晝夜駐守一遇大雨時行河水勢將長發即飛

報直隸總督及永定河道廳豫為防護一面呈報軍機處查覈以後逐日察看河水增長若干尺寸接續馳報毋許片刻遲誤查山西自大同縣歷陽高天鎮二縣遞至直隸懷安站計程二百四十里本係通京驛路各州縣驛向有額設馬匹足敷遞送文報如有相距稍遠之處令於汛期添設腰站撥馬接遞其自直隸懷安縣枳兒嶺至昌平州之迴龍觀計程四百七十里向俱設有軍站臣溫承惠擬將此項水報公文即由軍站交臺弁馳遞除額設馬匹外每伏秋二汛期令各州縣即在本驛內酌撥健馬二匹赴軍站聽差似較尋常郵遞更為迅速其自迴龍觀至盧溝橋計程七十里向無軍站應即令該管地方官於適中之清河添設馬撥接遞批所議是知道了○河南巡撫清安泰奏嚴懲聚眾匪徒批實力緝捕不可畏難苟安若存化有為無之見必致釀小為大之患須要看得透徹認

實錄卷二百

三十五

真辦理勉之○廣東按察使韓蔚奏報接印任事日期批粵省械鬪之習必應先除頂兇之惡俗尤應嚴戒竭力挽回辦理毋忽勉之

實錄卷二百

三十五

大清仁宗受天興運敷化綏猷崇文經武孝恭勤儉端敏英哲睿皇帝實錄卷之二百

奏明始行具奏顯係該御史等不能和衷辦

Shawmut

截擊朱漬匪船。殲擒賊犯多名。並獲私載硝黃器械。得旨嘉獎。擢千總陳光求為守備。○命刑部左侍郎章煦。右侍郎穆克登額。馳往雲南審案。○是日。駐蹕中關行宮。○丙寅。四川總督勒保奏。勦辦峨眉邊夷匪出力人員。按察使方積等。下部議敘。○旌表守正被戕甘肅鹽茶廳民韓轉成子妻高氏。○是日。駐蹕避暑山莊。至壬申。皆如之。○丁卯。上御依清曠。勾到新疆雲南貴州廣西福建情

實罪犯。停決新疆斬犯三人。絞犯一人。雲南斬犯二人。絞犯六人。貴州斬犯五人。絞犯六人。廣西斬犯四人。絞犯二人。福建斬犯一人。絞犯六人。餘一百二人。予勾。○戊辰。免直隸安州積水淀地積欠租銀。○己巳。遣官祭都城隍之神。○以兵部左侍郎邵自昌知武舉禮部右侍郎戴聯奎為武會試正考官。翰林院侍講學士吳烜為副考官。○庚午。上御如意洲。賜扈從王公大臣及蒙古王貝勒。

貝子公額駙台吉等。食賞賚有差。○諭內閣。本日三法司進呈河南省緩決人犯一本。朕詳加披閱。內絞犯宋廷蘭。扎傷無服族兄宋廷萬身死一案。擬以緩決。辦理失出。此案宋廷蘭祖母病故。宋廷萬往弔時。嫌宋廷蘭所給孝布粗薄。在街嚷罵。業經鄰人勸散。宋廷蘭被罵不甘。糾約王三等。分攜槍刀。偕往與宋廷萬相遇。向其嚷罵。宋廷萬奪住該犯槍杆。拉撻王三。用刀砍傷其左脇肋。王三章用槍傷其左肘。宋廷萬釋手。宋廷蘭用槍扎傷其右腳面。倒地復起。因其辱罵不休。又扎傷其右脇。以致腸出。移時殞命。覈其情節。宋廷蘭挾宋廷萬辱罵之嫌。輒糾多人。執持槍刀前往。迨宋廷萬身受兩傷。該犯復用槍扎傷其右腳面。倒地。又因其辱罵不休。隨用槍扎斃命。實屬兇橫。從前該省具題到時。將該犯擬以絞候。朕早以此案應入情實。交批本處存記。以為該部自必入於情實。辦理乃據該

省原題以釁由被撲向扎適斃列入緩決該部亦即照覆。試思宋廷萬路遇宋廷蘭既已見其持槍前往豈有束手待斃不行奪槍之理。且該犯於宋廷萬身受兩傷釋手倒地之後又復連用槍扎斃命安得以其曾經被撲列入緩決。宋廷蘭一犯著改入情實向來失出一案。例無處分。此案亦無庸交部議處。但辦理殊屬錯誤。所有原題之河南巡撫及該省臬司並覈議之刑部堂官均著傳旨申飭。

○又諭據弘謙等奏雲騎尉品級章京讀祝官阿克唐阿被已革披甲人托凌阿毆打多傷頭破流血擬將托凌阿先在馬蘭峪枷號三箇月示衆滿日解刑部發遣等語。所辦非是。托凌阿挾嫌逞忿毆打長官石傷多處殊屬藐法。自應解交刑部審訊。按律懲辦。豈有該處先行枷號再行解送刑部審擬之理。况阿克唐阿受傷較重將來如果傷痕平復自應將托凌阿照例發遣。設阿克唐阿因傷斃

命則托凌阿係應抵之犯又豈得祇擬發遣著弘謙於奉旨後即將托凌阿鎖拏派員解京交刑部審訊。如有應質人證著一併解京候質。其阿克唐阿應令在彼養傷將來察看傷痕能否平復再行咨部定擬具奏。○辛未上御依清曠勾到廣東情實罪犯停決斬犯十四人絞犯十五人餘一百二十一人予勾。○諭內閣阿林保奏蔡逆匪船竄脫入閩請將專辦該逆稽延之總兵分別示懲一摺所奏

甚是。水師積習疲玩出洋勦匪往往以燂洗船隻為名藉詞推諉致賊東奔西竄來往自如閒或趕上賊船又稱陡遇風雨收入內港遷延避賊任意懈弛實為可恨。此次蔡逆竄入浙洋總兵周國泰孫大剛係專辦該逆之人所帶兵船多於賊船數倍又有浙省舟師與之夾擊乃蔡逆在定海北洋潛匿多日而周國泰等於七月初七日一經追至浙洋即以燂洗船隻在三盤洋面停泊八日迨十六

日甫經開舟二十七日。至定海。復又燂洗五日。前後兩旬之閒。燂洗二次。以致該逆乘風免脫。直竄回閩。而兵船反又向北駛進。以致折回遲延。終於未能追及。試問該總兵等。又由何處探此不確之信。其為託詞延緩。予賊以暇。情事顯然。至其具報總督在浙洋攻賊一次。燒燬盜船。斃賊無數。實一賊未獲。皆屬毫無證據之詞。必有捏飾情弊。現當勦辦。喫緊之時。經朕屢降諭旨。明示激勵。本日該督摺內。亦稱將籌辦之法。豫先詳晰曉示。與朕所降之旨相符。乃該鎮等毫無振作。仍復一味遷延。若不明示創懲。賊匪何時辦竣。總兵周國泰所帶兵船較多。不知上緊追勦。其咎尤重。著照該督所請。降為千總。隨同舟師出洋立功。自贖孫大剛著降為參將。暫留護理總兵印務。戴罪緝捕。以觀後效。如果各知愧奮。認真出力。將來尚可施恩。如再有畏葸。惟怯情事。並當從重治罪。其周國泰所遺福

寧鎮總兵員缺。著瑞安協副將項統護理。並著該督即嚴飭舟師上緊追及賊船。痛加勦殺。務獲巨慙。毋得稍有泄泄。至阿林保自請嚴議一節。阿林保駐劄陸路。若賊匪接濟。未能淨絕。或防堵不力。致賊匪近岸滋擾。則該督咎無可逭。今賊匪往來奔竄。不敢駛近口岸。可見陸路防堵尚為認真。舟師遠隔重洋。耳目難周。未免鞭長莫及。情稍可原。著加恩將處分寬免。儻此後私販不能禁絕。水米火藥等項。尚有透漏。經朕查出。則不但將奉行不力之員嚴加懲辦。該督亦獲戾不小。凜之。○癸酉
上自避暑山莊迴鑾。詣城隍廟拈香。○諭內閣。此案儀績儀平身為宗室。不知自愛。輒與伊綿布及雇工姜玉同往宿娼。實屬無恥。但其前至外城遊蕩。皆由伊綿布誘令同往。且伊綿布充當教習。並不自敦師範。引誘宿娼。其情罪尤重。儀績儀平

著交宗人府各重責二十板改發吉林交秀林嚴加管束伊綿布著於刑部衙門枷號兩箇月滿日再改發黑龍江交觀明嚴加管束以示懲創○伊犁將軍松筠等議奏塔爾巴哈台撥兵加屯事宜請於提督所屬中左右三營撥兵二百名前往耕作於農隙時操演酌派守備一員千總外委各一員額外外委四員管轄三年更換一次從之○是日駐蹕喀喇河屯行宮○甲戌

上御行殿勾到四川情實罪犯停決斬犯三十人絞犯三十人餘一百三十九人予勾○兩江總督鐵保等奏報秋汛安瀾賞還鐵保頭品頂帶河道總督徐端三品頂帶副總河那彥成下部議敘○山東布政使楊志信因病解任以山東按察使百齡為布政使四川鹽茶道陳若霖為山東按察使○是日駐蹕常山峪行宮○乙亥

上御行殿勾到陝甘湖廣情實罪犯停決陝甘

斬犯十一人絞犯十二人湖廣斬犯十五人絞犯二十二人餘一百三十人予勾○諭內閣本日勾到陝西省情實人犯內有因瘋砍傷伊夫張起鳳致死之斬婦張王氏一犯已免其勾決永遠監禁矣向來瘋病殺人問擬情實之案念其病發無知均予免勾照例永遠監禁將來病愈之後遇有恩旨例得查辦釋放但其中亦應有區別嗣後除因瘋致死常人仍照舊辦理外其有卑幼因瘋致死尊

長及妻致死夫關繫服制列入情實者即從寬免勾將來病愈後遇有恩旨亦仍著永遠監禁不准釋放所有張王氏一犯即照此辦理著為令○又諭本日勾到陝西省情實人犯招冊朕詳加披閱內有該省原擬緩決經刑部改入情實者共有七起如張啞子一起因瘋病猝發扎死伊妻經鄰人姚漢隴出視亦被扎傷殞命此等因瘋殺人之犯向不予勾但法外施仁恩出自上外省職司秋讞者

何得有意曲法竟將該犯列入緩決致失平允又如劉五成子一起前因扎斃人命擬絞恩減發配嗣又在配脫逃起意糾竊逾貫秦世煥一起糾衆爭毆將李能斃命吳庭法一起挾嫌扎傷李振興致斃張啟貴一起倚醉逞兇毆踢徒手之彭氏立斃石秀一起因索欠無償將馮彥傑疊砍殞命田元亨一起因妄疑田清峻訟賄央回衆攢毆斃命罪坐原謀覈該犯等所犯情節均重乃該省俱一體率行入緩辦理實屬失出除將瘋犯張啞子一名仍加恩免勾外其餘並予勾決所有原題之陝西巡撫及該省臬司俱著傳旨申飭並交該部議處○旌表守正被戕河南商邱縣監生劉文襲女劉氏○是日駐蹕兩間房行宮○丙子諭內閣據御史陸言奏本年八月內廣西蒼梧道鶴綸叅革之缺刑部議覆咨文遲至二十二日截缺以後經吏部具奏議處而於此缺復聲明歸下月銓選恐應選

人員與選司書吏等有串通賣缺擇缺情事應將此缺請旨簡放以重銓選而杜弊端等語所奏甚是廣西蒼梧道一缺應歸八月分銓選吏部既以刑部咨照遲延在截缺以後查明叅處本所以杜壓缺之弊但此缺改歸下月銓選豈不慮書吏等設法串通巧為避就或下月有應選之人謀得此缺正可遂其壓缺之願况定例每月應開之缺有至截缺後科抄始行到部者即掣籤引見皆已無及仍於下月銓選時將原選月分應選之人擬用開載甚明何以吏部此次竟奏歸下月銓選該部辦理實屬錯謬承辦司員著交都察院議處在京吏部各堂官交都察院察議除蒼梧道一缺業已簡放外此後有似此文到在截缺後者俱著照定例辦理○河東河道總督馬慧裕奏報秋汛安瀾予升任河道總督吳璥議敘○是日駐蹕要亭行宮○丁丑諭內閣鐵保等奏裏河平橋三鋪西岸緯隄

坐墊現在趨辦一摺此時裏河各工尚有荷花塘蔡家潭等處缺口關礙運道未經堵築而淮安迤下三鋪地方運河緯隄又因風雨陡墊計寬二十餘丈河水旁注歸湖現在正河停淤據稱一面趕緊堵築一面漏夜趕挑將渡黃進口各幫船暫在三鋪停泊等語覽奏實增煩悶試思回空幫船本年在楊村守候一月有餘甫於前月底輓渡進口而三鋪一帶運河緯隄復行墊塌河身淤墊軍船又須停待豈不倍形遲緩實為可慮伊等及該管文武各員弁不能先事防守咎無可辭除弁兵等已經該督等斥革枷號外裏河同知繆雋守備汪騰龍山陽縣裏河縣丞趙立福均著照該督等所請革職離任仍留工次効力勒限工完再行覈辦鐵保徐端那彥成亦均著照所請交部議處緩徵山東恩縣及德州衛水災新舊額賦撥部庫銀二十六萬兩天津北倉米二十萬石運赴直隸備賑

是日駐蹕密雲縣行宮 戊寅月食 命五城於冬春二季設廠煮賑 是日駐蹕南石槽行宮 己卯

上還圓明園 詣

安佑宮行禮 兵部以武會試中額請得旨漢軍取中四名奉天取中一名直隸取中八名陝甘取中五名廣東取中六名河南取中三名山東取中五名江蘇取中一名安徽取中二名山西取中一名湖北取中二名湖南取中一名廣西取中一名福建取中二名浙江取中二名江西取中二名雲南取中三名貴州取中二名 庚辰諭內閣朕此次由熱河迴鑾於途次要亭時部旗文武各衙門尚有附本報陳奏事件者至前日駐蹕南石槽各衙門即無附報具奏之摺本日朕迴園已閱一日惟吏部奏事帶領月選各員引見其餘各衙門並無一陳奏事件者豈有五日之前在京文武各部院二十四旗無一件可奏之

事在該堂官等之意自以為甫經迴蹕若仍照常奏事恐致披閱煩勞謬為仰體殊不知轉增朕之煩悶矣朕綜理庶務從不厭繁多況迴至御園較之行營勞逸迴殊乃各衙門將應奏事件相率延擱勢必積壓多件併於一日呈遞轉致叢冗殊非朕萬幾無曠之意本應加以懲處惟念各該衙門或有事務較簡本無應奏事件者此次姑免逐一查究但大小臣工因循怠玩甚有關係不可不加以訓誡除吏部本日業經奏事外餘俱著傳旨嚴飭此後文武各衙門若仍似此將應奏事件有意積壓必當隨時懲處不貸○辛巳上御洞明堂勾到奉天浙江江西安徽江蘇情實罪犯停決奉天斬犯一人絞犯四人浙江斬犯三人絞犯四人江西斬犯十一人絞犯二人安徽斬犯六人絞犯五人江蘇斬犯三人絞犯七人餘一百十七人予勾○諭內閣本日勾到奉天省情實人犯內絞犯多爾吉

怕郎窪宋存信陞保三名俱習學邪術治病或用烏鎗或用鋤刀致將病人傷斃經刑部依異端法術醫人致死例擬絞情實覈其情節均係病者情願邀請該犯洩其醫治失手誤傷致斃人命俱加恩免予勾決但東三省地方有此邪術治病風氣不可不嚴行禁革著該將軍府尹等轉飭所屬隨時出示曉諭以醫師劑藥古有明文豈有火器金刃能療治疾病之理如再有傳習此種異端法術者即先行查拏禁絕照例治以應得之罪免致鄉愚被其誘惑屢有失手戕生之事亦保全民命之一道也○又諭本日勾到安徽省情實人犯內由該省原擬緩決經刑部改入情實者共十起詳加披閱所改甚是江光堯一起倚眾攢毆徐成貴倒地復疊毆立斃情殊兇橫陳文英一起以船戶盜賣商鹽贓至逾貫為害商旅黃策廣一起理曲刃斃徒手致命多傷又另傷一人曹根行一起因疑竊拷

打復遷怒理斥之人疊毆捆縛致斃又另傷其弟王成一起袒妻毆斃總麻服叔徐祚芝一起聽從謀命下手加功馬幘贊一起因索討擔認錢文細故糾衆將王建章兇毆原謀傷重立斃又另傷一人呂見一起聽糾袒匪挾嫌尋毆刃扎徒手傷重立斃柴少亭一起因妻被截搶忿激欲殺搶犯之妻致誤砍鄰人母女一死一傷江柱一起因于廣居越境販賣鹽斤該犯聽糾截留倚衆將于廣居兇扎傷多立斃該犯並非應捕之人其意祇圖奪贓與搶奪殺人無異以上各犯覈其情罪均係法無可貸該省率行列入緩決具題實屬辦理輕縱此係前護巡撫鄂雲布任內具題之事該省刑名重案問擬失出至十起之多實屬有心寬縱兇徒不矜良善非常失出可比該護撫及承辦之臬司咎有應得均著傳旨嚴飭仍交部加等議處（壬午）
上幸萬壽山○諭內閣據阿林保等奏福建正

考官陳嵩慶家人王七等在途毆斃人命提省審辦一摺考官奉使在外理應約束隨從人等嚴禁擾累今陳嵩慶家人竟有毆斃人命之事亟應嚴行懲辦現據伊家人王七陳陞已供認毆打屬實著交該督等將陳九屍棺提省開檢其同時被毆之李富因病身故是否實情嚴訊明確按律定擬具奏至陳嵩慶不能約束家人咎無可辭著先退出南書房新賞房間亦著停止仍交內務府其有無縱容袒庇等情著阿林保等於定案時附摺據實奏○又諭阿林保等奏奏虛捏狡詐之知府請旨革職等因以儆官邪一摺前因臺灣鎮總兵武隆阿奏奏臺灣府知府鄒翰畏避鋪張不務實政當經降旨令阿林保秉公詳查據實奏茲據阿林保等奏稱鄒翰於朱潰匪船竄至滬尾並不親往會營堵剿及至賊退之後復捏稱雇募商船義勇調集屯番每月雇船價值番銀八九千圓義勇

屯番口糧銀四千六百餘兩詳請作正開銷其實該處將弁等所帶雇募商船僅有五隻雇集義勇屯番不滿六百名與鄒翰原報商船二十五隻義勇屯番一千五百名之數多寡懸殊其為意存冒銷侵蝕已屬顯然甚至欲以未失之哨船二隻捏作被賊牽去復經奪回掩過為功種種捏飾竟以全無影響之事任意鋪張實出情理之外署臺灣府事建寧府知府鄒翰著革職拏問交阿林保張師誠嚴審定擬具奏臺灣道清華於所屬知府鄒翰虛捏邀功並不據實揭叅迨經武隆阿會商具奏尚復遲迴難保無瞻徇庇縱情事清華著解任交阿林保等親提質訊如有袒護等弊即著一併叅奏大學士領侍衛內大臣慶桂等奏善撲營侍衛王世德在途自戕身死請將翼長趙烈等交刑部審訊得旨此案王世德於本月十二日在兩閒房行營持刀自行扎傷該管翼長即應派人將伊看

守一面回明該管大臣查辦至十四日王世德面向該管大臣控訴應即奏明請旨究訊乃並不具奏僅派人將王世德管帶回京而所派之人又並未與之同路行走以致王世德在途身死不明種種情節均屬支離著刑部即派明幹司員滿漢各一人選帶精細仵作前赴順義率同知縣將王世德屍身傷痕詳細驗明並將送信之水手鄭姓李姓帶赴刑部備質所有與王世德一同居住之翼長趙烈教習靈善富陞佛喜陳勇泰富保七十等有官職者均著解任同善撲人扎勒杭阿成山慶祿色布星額陳勇福慶太等一併交刑部先行研訊起釁及致斃緣由據實具奏再交軍機大臣會同刑部審訊按律定擬其原派管帶王世德回京之筆帖式達春及善撲人穆慶齡陳勇福一併傳提歸案質訊至不行呈報之翼長趙烈等著交兵部嚴加議處失察並應奏不奏之管理善撲營大臣

著交部議處○癸未以故貝子永碩子綿齡襲鎮國公○以吏部尚書瑚圖禮為滿洲繙譯鄉試正考官都察院左副都御史潤祥為副考官左都御史特克慎為蒙古考官○以貴州平遠協副將尚維侗為雲南普洱鎮總兵官○舉行嘉慶十二年軍政陟甘卓異官十六員有疾官三員年老官二員才力不及官四員分別議敘處分如例○甲申諭內閣前據管理太常寺事務恭阿拉等奏

天壇

皇穹宇閒有滲漏處所

高宗純皇帝神牌金色未能勻稱當即特派成親王永理戴衢亨托津英和前往敬謹閱視茲據成親王永理等奏

皇穹宇頭停瓦片閒有脫落天花板中心有滲漏處漬至中案罩上其地面亦有水痕

高宗純皇帝神牌偏右金色不符等語著派長麟蘇楞額選帶熟諳工程匠作即恭詣

天壇再行詳慎敬閱具奏再降諭旨○又諭前據吉綸奏山東藩司衙門書吏蘇芝芳冒領糧照一案承審官知府張鵬昇等所辦詳供不符奏請解任質審當經降旨將張鵬昇等解任交該撫秉公審辦又據原奏內稱張鵬昇等稟係由前任臬司朱棟授意改輕罪名換詳申覆等語因並降旨諭令長齡傳詢朱棟令其據實登答茲據長齡覆奏詢據朱棟將辦理此案情形逐款登答並無授意抑勒情事與張鵬昇等所稟互異朱棟自請解任赴東質訊並取具該司親供附摺呈覽朱棟著解任即行前赴山東交吉綸將案內前後情節確切詳查令其與張鵬昇等當面質對孰虛孰實無難水落石出查明後吉綸即據實同原案供情一併具奏○又諭賽冲阿等奏福州滿營及水師旗營修械需費並操演賞項不敷酌議籌款生息一摺福州駐防八旗及水師營額設軍械既因存貯日久未能

整齊如式自應籌款修造以肅戎政著照所請准其於藩庫存貯旗營馬價內動撥銀二萬兩發交鹽法道交商一分生息所有應行修理改造器械需用銀兩即於此項內動支該將軍等務須督率所屬分別緩急撙節辦理餘銀仍著歸還馬價原款交司庫存貯其操賞一項亦應於息銀內籌撥還額至兵丁出口買馬及尋常差使例借公項不敷盤費自應於生息項下酌量動用以卹兵艱惟所稱幼丁隨衆操演每名每月酌給銀三錢之處殊屬取巧市惠幼丁隨衆操演豫備將來編隸營伍即技藝嫺熟亦不過量加獎賞若技藝生疏並不必加之懲責原以該幼丁等係屬閒散與入伍食糧者不同今若每名每月概予銀三錢是又為幼丁增添錢糧恐滋冒濫此一節著不准行○諭軍機大臣等吳熊光奏接准越南國王呈覆並縛送拏獲匪犯緣由一摺前此蔡逆等竄往越南夷洋該

國王接奉諭旨即於所屬洋面一體堵截並將拏獲各犯解送進關閱其鈔錄呈覆情詞恭順實屬可嘉吳熊光應俟其將人犯解到時親提研訊如果有著名賊目在內即奏明量加恩賞即使此內並無賊目亦應移咨獎勵並告以該國王此次擒拏匪犯解送天朝大皇帝鑒厥忱悃深為嘉與嗣後倍當竭忠効順協力堵截無論何幫匪夥竄彼總應加派舟師併力勦捕如能擒獻著名賊目必當奏聞大皇帝優加獎賚立沛殊恩該國王自必倍加感奮實力堵緝也將此諭令知之○以山西雁平道常格為甘肅按察使○旌表守正捐軀直隸新城縣民盧藩妻潘氏安徽霍邱縣民李江孜妻劉氏○乙酉諭內閣昨日賞內廷行走王大臣哈密瓜伊等面叩謝恩朕賞賚物件王大臣等亦應分別輕重酌量謝恩哈密瓜僅一食物此次謝恩轉覺過尚虛文適滋繁瀆嗣後凡遇賞賚尋常食物

均著不必叩謝。又諭松筠等奏查禁達爾達木圖金廠酌定章程永杜私採一摺達爾達木圖金廠例禁民人私採此次查獲奸民龐順倫挖金砂一案業經照例懲辦該將軍等派員赴山內巡查出示曉諭將私採民人驅逐淨盡妥為安插並酌議章程於通山路徑安設卡倫撥派弁兵防守稽察申嚴禁令俱著照所奏辦理惟所請令塔爾巴哈台庫爾喀喇烏蘇兩處領隊大臣每年冬夏輪替帶兵巡查一次之處仍未周密著定為每年四季巡查四次不必拘定月日使守卡弁兵得以先期豫備總須出其不意前往實力查察如有私挖金砂者隨時緝拏懲辦自不致日久聚集多人僅守卡弁兵有私行賣放情弊查出時尤應據實嚴叅重懲該將軍責屬總統不時留心訪察毋令久而生懈庶克永革弊端以綏邊境 丙戌

上幸靜明園詣

龍神廟拈香。諭內閣長麟蘇楞額奏遵旨恭詣

天壇敬謹詳勘一摺與成親王永理等前次所奏情形相同敬惟

皇考高宗純皇帝神牌製自嘉慶四年冬閒正值天氣泛寒限於時日遮窳不無透風漆質未能一律乾潔以致金色稍有不符亟應敬謹虔修以昭誠恪著於明歲舉行常雩典禮後詠吉將

皇穹宇

皇乾殿

高宗純皇帝神牌詳慎重修所有應行事宜著各該衙門屆期敬謹豫備又據奏

皇穹宇殿座頭停瓦片閒有脫落天花板案罩地面俱有雨漬擬請揭宜等語

皇穹宇殿座頭停揭宜須用琉璃瓦片造辦需時著即派長麟蘇楞額詳加估勘約需瓦片若干奏明飭交該部如數豫備齊全於十五

年春閒興工修理所有

皇乾殿頭停應行捉節夾隴之處並著一併估

覈興修○賑江蘇鹽城興化東臺阜寧高郵

泰沐陽清河寶應甘泉山陽桃源安東江都

十四州縣淮安大河揚州三衛被水災民並

蠲緩十四州縣三衛及上元江寧句容六合

江浦海贛榆銅山蕭場山邳宿遷睢寧十三

州縣水災電災新舊額賦○丁亥命館臣編

輯授衣廣訓諭內閣朕勤求民事念切授衣

編祇禦寒所需惟棉之用最廣其種植絀紡

務兼耕織從前

聖祖仁皇帝曾製木棉賦迨乾隆年間直隸總

督方觀承恭繪棉花圖撰說進呈

皇考高宗純皇帝嘉覽之餘按其圖說十六事

親製詩章體物抒吟功用悉備朕紹衣

先烈軫念民依近於幾暇敬依

皇考聖製元韻作詩十六首誠以衣被之原講

求宜切生民日用所繫實與稼穡蠶桑並崇

本業著交文穎館敬謹輯為一書命名授衣
廣訓首載

聖祖仁皇帝聖製賦次載

皇考高宗純皇帝聖製詩再將朕御製和韻詩

載入其方觀承所進圖幅並發交如意館做

照鈎摹同原冊所進圖說等件一併存載俟

書成呈覽刊刻頒行以垂永久○又諭試用

通判王履泰於迴鑾途次恭進編輯畿輔安

瀾志六函當令董誥等公同閱看具奏朕覆

加披覽於直隸通省河道原委辨證明晰並

將古今修防事實詳悉登載足資參考尚屬

有用之書著武英殿用聚珍板排印以備陳

設頒賞王履泰著發往直隸以通判即補交

溫承惠遇有應辦水利事宜差遣委用○戊

子旌表守正捐軀江蘇銅山縣民吳兆魁妻

張氏○己丑諭內閣吏部議處福慶李長森

一摺李長森身任藩司於庫銀被竊並不據

實詳報輒改換日期為迴護屬員及本身處

分地步并將養廉一項劃出不行列入失竊銀數內又李秉焜揭報修文縣倉庫虧短並未照例詳委隔屬大員查辦仍派該管知府程卓樑盤查以致不能查出至大定府局錢被竊攬和售賣又未能先事查察種種錯謬著照部議革職來京候旨巡撫福慶率照該司詳稟辦理未將藩庫失銀實情具奏又於司詳派委程卓樑盤查本屬修文縣虧空一節不即批飭改委及失察大定局錢被竊均有應得之咎亦著照部議降三級來京以從三品京堂補用又諭長齡文孚奏籌酌西寧派撥防河官兵請仍照舊安設以資彈壓一摺鄂倫布拉克地方防河官兵前經那彥成辦理番案事竣奏請於黃河冰橋結凍後派撥官兵六百名並參遊一員來往梭巡原因彼時番族甫經懾服為蒙古稍壯聲勢斷無以天朝官兵為蒙古防守之理今據該督等奏稱體察番族情形實已聞風畏服惟蒙

古愜怯無能若祇令自為防守現屆冰橋將結恐又啟野番窺伺之心請仍照去歲章程辦理等語此次著姑照所請行嗣後仍著該督等察看情形將此項官兵逐年漸次減撤並諭知蒙古令其努力自強勿稍疏懈以期永靖邊圉○諭軍機大臣等吳熊光等奏喚咭喇國夷兵擅入澳門一事喚咭喇國夷人藉稱大西洋國地方被咭喇占踞該國因與大西洋鄰好恐西洋人之在澳門者被咭喇西欺阻貿易輒派夷目帶領兵船前來幫護所言全不可信而且斷無此理現在先後到船九隻皆帶有礮械火藥等物竟敢灣泊香山縣屬雞頸洋面並有夷兵三百名公然登岸住居澳門三巴寺龍嵩廟分守東西礮臺實屬桀驁可惡該督等現將該國夷船停止開艙派員剴切曉諭俟夷兵退出澳門方准起貨並稱該夷人若再延挨即封禁進澳水路絕其糧食所辦尚是但究竟如何嚴切

曉諭及現在作何準備之處全未奏及所辦太軟邊疆重地外夷敢心存覬覦飾詞嘗試不可稍示以弱此時如該國兵船業經退出澳門則已如尚未退出吳熊光即著遴派曉事文武大員前往澳門嚴加詰責以天朝禁令綦嚴不容稍有越犯大西洋與哇喇哂彼此構釁自相爭殺原屬外夷情事之常中國並不過問即如近年緬甸暹羅二國互相仇殺節經敕關求援大皇帝一視同仁毫無偏向至於中國外藩自有一定疆界試思中國兵船從無遠涉外洋向爾國地方屯剗之事而爾國兵船輒敢駛進澳門登岸居住冒昧已極若云因恐哇喇哂欺侮西洋前來幫護殊不知西洋夷人既在中國地方居住哇喇哂焉敢前來侵奪以致冒犯天朝即使哇喇哂果有此事天朝法令具在斷不能稍有姑容必當立調勁兵大加勦殺申明海禁又何必爾國派兵前來代為防護若云洋匪未淨

欲思効力天朝尤屬無謂海洋盜匪屢經勦辦不過東竄西逃既經兵船四路擒拏不日即可殲盡餘孽又何藉爾國兵力乎看來竟係爾國夷人見西洋人在澳門貿易趁其微弱之時意圖占住大千天朝屬禁矣爾國臣事天朝平素遣使進貢尚稱恭順乃此次無知冒犯實出情理之外本當即行拏究姑先明白曉諭爾若自知悚懼即速徹兵開帆不敢片刻逗遛尚可曲恕爾罪仍准爾國貿易若再有延挨不遵法度則不但目前停止開艙一面即當封禁進澳水路絕爾糧食並當調集大兵前來圍捕爾等後悔無及如此逐層曉諭義正詞嚴該夷人自當畏懼凜遵吳熊光等仍當密速調派得力將弁統領水陸官兵整頓豫備設該夷人一有不遵竟當統兵勦辦不可畏蕙姑息庶足以伸國威而清海盜此於邊務夷情大有關繫該督撫不此之慮而唯鯁鯁於數十萬稅銀往復籌計其

於防備機宜全未辦及吳熊光孫玉庭均懦弱不知大體且吳熊光充當軍機章京有年曾經擢用軍機大臣尤不應如此憤憤吳熊光孫玉庭著傳旨嚴行申飭伊等此次來摺僅由馬上飛遞亦屬遲緩此旨著由五百里發往著吳熊光等即速遵照辦理並傳諭常顯知之○轉刑部右侍郎許兆椿為左侍郎調工部左侍郎周兆基為刑部右侍郎轉工部右侍郎陳希曾為左侍郎以內閣學士顧德慶為工部右侍郎○以刑部左侍郎章煦為貴州巡撫江西按察使陳預為貴州布政使調貴州按察使查淳為江西按察使以福建興泉永道敦柱為貴州按察使○賞廣寧門外普濟堂煮賑小米三百石○庚寅

孝慈高皇后忌辰遣官祭

福陵○

上詔

大高殿行禮○還宮○以孟冬時享

太廟自是日始齋戒三日○辛卯諭內閣近因宗室內多有不自檢束疊干咎戾者該管王貝勒及族長學長等不能加意化導特製宗室訓勅切宣示並令管理宗人府之王貝勒及各族長大員等悉心酌覈務籌一經久可行之法約束董誥諭令於迴鑾後再行具奏原以寬其限期庶集思廣益得以從長計議乃自七月交議以來及今已逾兩月本日該管王貝勒族長等會議摺內仍不過稱所管族內若有不安本分之人呈明宗人府懲辦其頑梗未形而趨向漸有不端者傳往治以家法儆怙惡不悛者奏明嚴辦俱係習套空言無裨實效即增添宗學額缺一節從前裕瑞奏請時朕早已准令籌添此時伊等亦不過遵旨照覆並非別有計議看來此事即使再交籌議亦未必果有良策所有王貝勒族長等奏請增添學額及支領公費等項著即准行此外無庸再行會議嗣後該管之王貝

勒及各族長大員等務須各矢天良於所管宗族隨時隨事盡心管教以期實有成效勿徒以空言塞責○又諭王公文武大員遇有應得處分交部院衙門覈議其有加級紀錄可抵者該部院因係特交之件應否准抵奏明請旨朕覈其案情准令抵銷原以咎屬因公其從前既有級紀准令功過相抵以昭平允並非特予恩施此內或於召對時經朕面諭在諸臣咫尺欽承自應免冠叩首以申感謝之忱其未奉面諭者得旨後例不具摺謝恩無庸再行搔頭以省繁文將此通諭知之○壬辰

孝敬憲皇后忌辰遣官祭泰陵○諭內閣御史孔昭虔奏直隸總督溫承惠於捐復候選知府張五緯違例奏請揀發一摺所奏是各督撫等於本省道府差遣需人自應請旨揀發原不得指名奏請致啟鑽營弊竇惟念直隸地方差務殷繁非他省可

比當不至有營求倖進者溫承惠於張五緯一員在差次召對時曾經奏及此次奏懇發直差委尚為因公起見是以朕降旨准行張五緯若在部候選尚需時日今雖發往直省亦未便即令補缺著於二三年後如果始終勤奮遇有相當缺出再行奏補以杜奔競之漸嗣後各督撫仍當遵照定制不得援以為例○又諭御史花杰奏請嚴禁丁憂人員稽留省會干涉公事以敦風化一摺所奏甚是職官丁憂例應回籍守制而近日竟有夤緣督撫藉幫辦事務為名稽留本省希冀該省有保奏機會為之列入薦章此等人員遭父母之事不思歸里尚然出入衙門干與公事實屬忘本而且營私奔競其端斷不可開嗣後各省官員於丁艱後即飭令將經手事務作速完竣回籍守制如延挨不行交該督撫驅逐出省儻再有不遵者即行叅奏至河工軍營如有應留熟手該督撫亦須當時奏明

不得私自准留日後藉端保奏以杜奔競
戶部議覆盛京將軍富俊等奏嚴禁流民出
口私墾章程嗣後民人出山海關至奉天屬
各處者令由原籍起關照一張填註姓名及
前往處所到關驗明放行仍令在原籍起隨
身護票一張填註所往地方繳官備查如出
山海關至威遠堡法庫邊門外令由原籍起
關照二張一照山海關存留一照邊門存留
應如所請至所稱自嘉慶十四年正月為始

實錄卷五

十一

將該處現在民人戶口地畝責成通判巡檢
地保等分別立限詳報以防續有流民前往
籍戶詭添情弊尚未周密請飭令該將軍按
季另派妥員詳查結報將有無增添之處具
結送部備查其前次出口民人衆多該管章
京等並不力為阻遏應令查取職名送部覈
議得旨戶部議覆盛京將軍富俊等奏邊外
農民出入邊門酌請定制一摺均著照所議
行盛京地方設立邊門原所以稽查出入用

昭慎重若任聽流民紛紛出口並不力為攔
阻殊非嚴密關禁之道嗣後著照該部奏定
章程交該將軍等嚴飭守口員弁實力巡查
並出示曉諭各處無業貧民毋得偷越出口
私墾致干例禁其失察前項出口民人之該
管章京咎有應得乃富俊等未經查明叅奏
亦屬疏漏著將應議各員查取職名補行送
部覈議具奏○是月江南副總河那彥成奏
謝議敘批實心講求除弊尤要若云無弊是

欺

十一

天矣工程迭出非弊乎隄不堅固非弊乎料物
不足非弊乎勉力報恩嚴察此弊密之

大清仁宗受天興運敷化綏猷崇文經武孝恭勤儉端敏英哲睿皇帝實錄卷之二百一

實錄卷之二百一

十一

大清仁宗受天興運敷化綏猷崇文經武孝恭勤儉端敏英哲睿皇帝實錄卷之二百二

監修總裁官禮部尚書太子太傅弘文閣閣學士徐本 上諭事仲慶官在都察院外官監修

加級身當留 曹振鏞等官太子太傅弘文閣閣學士管理刑部事務加級 戴均元等官太子太傅弘文閣閣學士

閣事務察奏 上諭事仲慶官太子太傅弘文閣閣學士管理刑部事務加級 戴均元等官太子太傅弘文閣閣學士

部庫奉宸苑清園等處總理工程處御茶膳房御藥房等處院司官等處事務加級 戴均元等官太子太傅弘文閣閣學士

英和等官太子太傅禮部尚書書院行太武殿總管國子監事務加級 戴均元等官太子太傅弘文閣閣學士

教修

嘉慶十三年戊辰冬十月癸巳朔日食(享)

太廟

上親詣行禮(遣官祭)

永陵

福陵

昭陵

昭西陵

孝陵

孝東陵

景陵

泰陵

泰東陵

裕陵○遣官祭

孝淑皇后陵寢○遣官祭

端慧皇太子園寢○頒嘉慶十四年時憲書

○諭內閣來年朕五旬萬壽早經降旨並不舉行慶典一切繁文縟節皆可停止但應行典禮並賞賚事宜必須有承總辦理之處方昭整肅著派軍機大臣會同總管內務府大

臣敬謹承辦將各衙門應行事宜隨時查明具奏○諭軍機大臣等前因吳熊光等奏喚咭喇國夷兵擅入澳門吳熊光等僅令停止開槍若延挨不退即封禁進澳水路絕其糧食所辦懦弱不知大體當經降旨嚴飭並令軍機大臣將奏到喚咭喇國所遞原稟繙譯進呈朕詳加披閱稟內所啟之詞多不恭順如所稱該國王多派戰船兵丁赴中國海面若咭喇西國人來至澳門豫備防堵等語殊

不成話該國王既知為中國海面即不應派兵擅入況咭喇西國夷人並未來至澳門何得藉詞越進天朝兵精糧足即使外藩部落或敢桀驁思逞不難聲罪致討若蠻觸相爭攸關求救天朝一視同仁亦斷無偏護何須該國王豫籌防堵耶又稱咭喇西係各國仇人該國王派兵作敵以期保護中國博勒都雅喚咭喇三國買賣等語尤屬謬妄試思天朝臣服中外夷夏咸賓叢爾夷邦何得與中國並論又稱天朝海面盜案甚多商販被劫該國王派備兵船情願効力勦捕等語竟係意存輕視現在海洋水師兵船梭織巡緝沿海各口岸斷絕接濟盜匪日形窮蹙豈轉待外夷相助種種措詞背謬於邊務夷情大有關繫該督等接閱夷稟早當驅逐駁飭乃祇以停止開槍封禁進澳水路絕其糧食虛言由尋常馬遞入告且該督等具奏後該國夷船曾否退去亦未據續行馳報吳熊光不應

如此糊塗懈怠實出意想之外試思邊防重地任令外夷帶兵闖入占據礮臺視為無關緊要不知有何事大於此事者該督等接奉此旨即著將夷船現在情形及如何密飭籌備之處速行奏聞將此諭令知之無論退去未退去即由五百里具奏 甲午

上幸圓明園 丙申

上以萬壽節御同樂園賜皇子及王以下文武大臣蒙古王公等食至己亥皆如之 戊戌

萬壽節遣官祭

太廟後殿 遣官祭

福陵

昭陵

昭西陵

孝陵

孝東陵

景陵

泰陵

泰東陵

裕陵 遣官祭

孝淑皇后陵寢 遣官祭

顯佑宮

東嶽廟

城隍廟

上詣

安佑宮行禮 御正大光明殿皇子及王以下文武大臣官員蒙古王公等行慶賀禮 己

亥諭內閣內府舊藏全唐文卷帙闕富於有唐一代帝王以迄士庶所著各體文採輯大備洵為藝苑鉅觀敬思

聖祖仁皇帝欽定全唐詩風行海寓操觚家獲觀初盛中晚源流有裨詩教甚大茲全唐文弄藏中祕外閒承學之士無由與窺美備允宜頒示寰瀛以昭盛軌著將此書交文穎館通行鈔錄並詳稽載籍有應補入者一體編輯校勘完善進呈乙覽後刊刻頒行用副朕

崇文講學嘉惠士林至意（庚子賞順天鄉試年老諸生吳淮等七十九名舉人副榜有差）壬寅

皇后千秋節宮內行禮如儀停止筵宴及在外公主福晉命婦行禮（諭內閣本月十一日朕自園進宮恭詣

壽皇殿行禮向例內廷諸王方准在門外隨同叩首外邊行走諸王止應在三座門接駕慶郡王永璘既經退出內廷例應隨班接駕昨

據儀親王奏永璘仍欲至

壽皇殿隨班叩首是竟思攬入內廷諸王之列殊不安分著傳旨申飭嗣後永璘惟當謹慎當差如再有逾分之請儀親王等無庸代為請旨著即據實奏治以應得之咎（癸卯

上詣

大高殿

壽皇殿行禮（還宮）以刑部尚書吳璥為順天武鄉試正考官都察院左副都御史邵洪

為副考官（甲辰諭內閣宜興奏請將宗室移住盛京並擬列條款開單進呈朕詳加披閱所奏斷不可行宗室移住盛京一切車輛房屋資裝器具所費不貲國家帑項有常豈能於經制之外增此重費即伊指稱於海口餘息項內酌量動用海口息銀固不能有如許盈餘即使有款可動亦必布置妥善行之果有實效俾宗室等各安生業不致違犯科條即多糜帑項朕亦斷不稍有靳惜無如宗室等現住京師切近輦轂有宗人府王公及各族長分管尚不能恪遵化導若移赴盛京專責成該將軍一人管束伊等豈遂能安分守法乎是搬移徒滋煩費而於事仍屬有名無實況宜興欲將盛京各城旗民領種之餘租官地分撥一半以為宗室養贍之田該處旗民領種有年安業已久若驟行分撥則宗室固有恒產而旗民即有一半失業之人又安保其不別生事端宜興所奏種種窒礙難

行即使交部覈議亦必駁斥著無庸交議並將原摺擲還○又諭刑部將嘉慶六年以前由直隸一省及部中審擬發配各省軍流等犯開單具奏朕詳加披閱所有單開各犯俱因情節較重是以歷次查辦減等均未援減但其中如劉普張信董化子郭羣兒王餘李選林李亨蔡義八犯俱因挾讐放火並未延燒其王連易一犯係校尉因誤差脫逃潛回被看街兵拏送官廳該犯復因醉混罵並未傷人情節尚可稍從末減劉普張信董化子郭羣兒王餘李選林李亨蔡義王連易均著加恩准其減等其餘俱不准援減○諭軍機大臣等粵東有暎咭喇國夷兵擅入澳門一事特降諭旨將永保蘭調廣東巡撫俾資協理永保接奉此旨著即由驛馳赴新任此事先據吳熊光等奏稱該國夷船九隻駛至雞頸洋面計有夷兵三百名登岸居住占據東西礮臺本日又據稱該國夷船續到四隻夷

兵連前共有七百餘人一任逗遛觀望並未嚴行驅逐竟不調兵防守所辦錯謬已極疊經降旨嚴飭雖據該國夷人稟稱係因咭喇晒占踞西洋該國與大西洋鄰好派兵前來幫護殊不可信永保曾經從事戎行到粵後如該國夷兵尚未退去即應示以軍威俾知震懾惟當酌量情形熟籌妥辦以期綏靖海疆至該撫職任封圻於一切地方事務固應實心整飭而緝捕洋匪尤為該省要務所有水陸營伍並著協同總督認真整頓用副委任○引見翰林院及各衙門保送御史人員得旨俞恒潤徐廣颺楊懌曾潘恭辰李可蕃周鉞劉尹衡王開雲曹恩綬熊方受何南鈺汪彥博孫憲緒甘家斌高鶚俱著記名以御史用○調雲南巡撫永保為廣東巡撫貴州巡撫章煦為雲南巡撫廣東巡撫孫玉庭為貴州巡撫○緩徵湖南澧武陵二州縣水災新舊額賦及未完隄工麥種銀○乙巳調廣

東布政使銜齡為江西布政使江西布政使
先福為廣東布政使○命駐藏大臣玉寧回
京以幫辦大臣文弼為駐藏大臣鑲黃旗蒙
古副都統隆福為幫辦大臣○丙午以禮部
右侍郎秀寧兼正白旗漢軍副都統○命烏
魯木齊都統和寧來京另候簡用以直隸提
督色克通阿為烏魯木齊都統調江南提督
薛大烈為直隸提督以河南南陽鎮總兵官
田永桐為江南提督京營副將台隆阿為南
陽鎮總兵官○命阿克蘇辦事大臣雅滿泰
和闐幫辦大臣慶長庫爾喀喇烏蘇領隊大
臣繼善來京調哈密幫辦大臣那彥寶為阿
克蘇辦事大臣賞候補主事台斐音藍翎侍
衛為哈密幫辦大臣以巴里坤領隊大臣策
拔克為和闐幫辦大臣正白旗漢軍副都統
巴靈阿為巴里坤領隊大臣賞內閣學士齊
布森副都統銜為庫爾喀喇烏蘇領隊大臣
○命刑部尚書吳璥在紫禁城內騎馬○丁

未試中式武舉李景淮等五十二名於太和
殿前○調伊犁領隊大臣納爾松阿為烏什
辦事大臣烏什辦事大臣佛倫保為伊犁領
隊大臣○戊申

上御乾清門聽政○諭內閣內閣侍讀學士德
祥奏近年內閣每遇齋戒祭祀例不進刑名
本具尋常應進本章如升調等缺遇有避忌
字樣俱一併停進恐事多沈擱有礙銓政等
語內閣不進刑名本章之日原以斬絞人犯
罪關重辟於吉禮非宜若將尋常應行具題
升調各本因一二字不甚妥協遂意存避忌
一併停進未免過於拘泥且恐因此積壓不
無流弊嗣後著仍照常呈進至所奏各省本
章凡須部覆開缺關繫銓補事件者比照部
例截清到閣日期分別辦理一節此項本章
原定繕繕票擬限期二十五日本覺太寬若
如所奏改至以十日為限是否可行著大學
士等覈議具奏尋議本章繕繕校對實非十

餘日所能趕辦嗣後請自缺本到閣之日起限扣准二十三日辦竣其截缺遲速總以到部時日為憑遵守定限辦理從之○又諭吏兵二部覈議處分案件每以咨查級紀為詞遷延時日疊經降旨飭諭仍不免辦理遲逾即如本日具奏之事皆係八九月間交議之事實屬怠玩嗣後遇有特旨交議之件該部祇須將該員應得降級罰俸處分查覈例案除例不應抵外若係公罪仍將應否准抵之處聲明請旨候朕覈其案情量予區分其加恩准抵者於奉旨後再將該員有無級紀行查各該衙門亦著速行咨覆毋得任意延緩○改河南陽中汎縣丞為中牟上汎縣丞給予關防從河道總督馬慧裕請也○實授王綬為內閣學士兼禮部侍郎銜○己酉

上詣

雍和宮行禮

宣仁廟

凝和廟

火神廟拈香○諭內閣許文謨等奏朱潰匪船前此折竄滬尾護遊擊王贊兵船擊賊陷失並經陸路兵勇堵截匪船折向西北逃竄緣由一摺此事曾據阿林保等於八月初間奏及當經降旨令該督查明王贊等落水蹤跡茲據許文謨等奏到王贊因追捕賊船落水救起情形請將王贊革職令其出洋効力贖罪等語王贊如果有畏葸退避情事則獲戾甚重即當治以軍法非僅止革職所可蔽辜茲王贊於朱潰賊船竄至滬尾之時率師攻擊被賊順風下壓身受多傷顛墜落海經兵丁救起幸而得生是其鼓勇直前毫無退怯幾至被淹殞命情節實可嘉憫王贊著加恩免其革職並令戴罪立功至總兵武隆阿督率水師防禦不力著交部議處其額外委李合成力敵被害著加恩照把總陣亡例賜卹此外落水淹斃各弁兵均著查明照陣

亡例咨部賜卹。舉行嘉慶十二年軍政安徽卓異官三員年老官一員才力不及官一員分別議敘處分如例。裁貴州土千總等官十三員從巡撫福慶請也。庚戌

上詣

昭顯廟拈香。御紫光閣閱中式武舉馬步射。戶部議准陝甘總督長齡奏報烏魯木齊蘆草溝所開墾地四頃八十畝有奇照例升科從之。辛亥

上詣

時應宮拈香。御紫光閣閱中式武舉技勇。御乾清宮引見中式武舉親定甲乙。諭內閣本日殿試中式武舉內有補行殿試之廣西雷國寶一名馬步箭尚屬合式而硬弓全不能開刀不能舞石則竟不能舉動太覺平常若再罰令停科則伊年歲愈增更難練習技藝雷國寶著於金榜內除名加恩仍准歸入武舉原班內照例用。刑部奏審擬郭

勒敏等捏寫邪教名冊一案得旨此案郭勒敏既知拉薩哩素有瘋病於伊邀令至家央懇開寫邪教名字郭勒敏等當用正言勸阻乃見其瘋癲於半夜拋擲石恐嚇並意存欺哄捏寫邪教名冊乘機賺錢擬以徒罪尚屬過輕郭勒敏薩郎阿德通景文著改發吉林充當苦差至拉薩哩日閒在家私演刀箭或無人知覺迨夜閒施放鳥鎗城內人烟稠密該管地面官兵豈竟毫無聞見著步軍統領衙門查明參奏。命刑部尚書吳璥戶部侍郎托津馳赴江蘇會同兩江總督鐵保勘視南河海口。壬子

上御太和殿傳臚賜中式武舉一甲徐華清尚永德王世平三人武進士及第二甲李景淮等六人武進士出身三甲王布德等四十三人同武進士出身。癸丑展緩湖北江夏興國黃梅江陵監利鍾祥天門潛江荊門武昌孝感黃岡十二州縣及武昌正左二衛德安

所節年帶徽額賦○甲寅

上御懋勤殿勾到河南山東情實罪犯停決河南斬犯四人絞犯八人山東斬犯六人絞犯二十一人餘一百七人予勾○諭內閣據鐵保等奏清水暢出回空漕船全數渡黃一摺覽奏欣慰之至本年清黃水勢俱盛河口自八九兩月以來均係藉黃濟運今清水暢出數日之間即將漕船全數渡竣毫未假借人力此皆仰賴

天恩

神佑朕心實深欽感特發去大藏香五炷交鐵保等敬謹齋戒親至清口一帶

河神廟代朕虔誠祀謝以答

靈貺至本年回空幫船渡黃日期雖較上兩年計早四十餘日該督等不可因限期寬裕遂稍存懈怠所有新漕一應事宜俱著上緊督催其餘應辦各工該督等督率工員次第興修此次仰荷

天

神垂佑事機順利在工大小官員惟當愈加謹凜果能潔己奉公實心任事必邀福庇若稍不知謹咎即隨之感應之理昭然不爽不可不慎之又慎也○又諭總管內務府大臣奏查明成文之子延衡係仰邀萬年吉地工程議啟主事延崇延英均係伊父到工後報捐筆帖式應將延衡等主事筆帖式即行革退又李如枚之子嵩俊所捐筆帖式係在伊

父未到工之前翔雲係考取筆帖式應查照部議無庸革退惟嵩俊之員外郎翔雲之主事係在伊父離工之後任准關監督時所捐與延衡等微有不同應否將嵩俊翔雲員外郎主事一併革退請旨遵行等語所奏非是成文等承辦吉地工程於頭停完瓦不能如式因伊等前案問擬罪名已無可加經刑部議請查明伊等子嗣如有因在工仰邀議敘及到工後報捐職官者一併革退當經降旨

准行總管內務府大臣自應遵照部議查覈辦理即因嵩俊翔雲筆帖式一係報捐在伊父未經到工以前一係自行考取與延衡等微有不同亦當據實陳明將伊父到工後所捐之員外郎主事徑請革退其可否仍留筆帖式之處請旨定奪朕必加恩允准乃該管大臣等既請將嵩俊等筆帖式無庸革退復聲明伊等員外郎主事俱係在伊父離工之後其意以為伊等報捐之資並非由伊父在工時所指殊不知伊等報捐之日雖在伊父離工以後而其報捐之項未必不取給於伊父在工之時且部議祇論到工前後並無離工字樣若增添離工字樣則李如枚此時亦未任工亦可不必問擬大辟矣該管大臣等輒另以離工為詞有心開脫是欲為嵩俊等保全功名適轉增其咎戾矣嵩俊翔雲所捐之員外郎主事及原捐考取之筆帖式著全行革退至此次內務府大臣辦理錯謬英和

蘇楞額常福係內務府人員尤不應徇庇同類著交部議處廣興阿明阿和世泰扶同見好著交部察議尋議上得旨吏部等衙門奏議處總管內務府大臣英和等分別降調一摺此事總管內務府大臣等以李如枚之子嵩俊翔雲二人由筆帖式報捐員外主事係在伊父離工之後藉思開脫輒將應否革退之處復行請旨辦理實屬瞻徇部議將英和等分別降調實咎所應得惟將伊等同時降黜則總管內務府大臣竟無一熟手簡用實覺乏人此次姑格外施恩所有英和蘇楞額常福部議降三級調用之處著改為降四級留任廣興阿明阿和世泰部議降二級調用之處著改為降三級留任以觀後效伊等遇事敢於扶同弊混者或以具奏之後即經朕看出議處豫揣部議上時仍可改為降級留任不過少支歲俸未必遽至鰥秩因而無所顧忌但伊等徇庇之處斷不能逃朕洞鑒設

經此次寬宥之後過事仍不免共存私心希圖見好甚或各立門戶其本係內務府人員則徇庇內務府屬下其本係外旗人員則徇庇外旗屬下流弊日滋朕必嚴行究辦即或一時開缺過多亦惟按例懲處不能再邀寬貸矣○又諭勒保奏審明處決斬絞人犯錯誤分別定擬一摺據稱雲陽縣知縣熊學謙汎弁向貴同兵役等委無挾有仇隙故意輕重之事實因諭令兵役將斬犯先行絞犯在後維時街市人多擁擠各犯攙越上前以致行刑錯誤殊出情理之外該督擬請將熊學謙向貴蔣隴俱發往伊犁充當苦差尚未允協此案熊學謙到法場時斬絞兩犯均已決訖無可如何其咎在於迴護消弭擬以充發伊犁已足蔽辜至向貴明知張中元誤行處斬乃不即聲明錯誤輒起意改斬為絞掩人耳目冀免處分實屬有心作弊兵丁蔣隴既不識字理應候本官到彼行刑乃遽將絞犯

張中元處斬非尋常錯誤可比向貴將隴均著加枷號三箇月滿日發往伊犁充當苦差餘著照議行○又諭據長齡等奏酌賞阿拉善王銀數一摺從前吉蘭泰鹽池准其行銷山西省各廳州縣歲額鹽二萬石經阿拉善王旺沁班巴爾交馬君選行運每石坐收銀四錢每年覈計銀八千兩今鹽池既經該王呈獻官為辦理著加恩即照從前八千兩之數按歲賞給以示獎勵○諭軍機大臣等勒保奏現調漢土官兵查辦果羅克賊番一摺本日方積到京朕見朕詳加詢問據稱該處程途遙遠道路難行從內地調兵前往需費繁多現在大雪封山兵力更無從施展等語勒保現飭調漢土官兵交豐紳前往查辦如已將滋事為首之賊擒獲數人固屬甚善若尚未能進兵此時冰雪載塗官兵等不值在彼久住虛糜糧餉昨已有旨諭知長齡令特依順保將所帶官兵撤回勒保應即咨會豐

紳暫行撤兵。俟明春雪化後再行籌辦。現據摺內稱所調松潘兵六百名。於關外道路恐不能熟悉。明春進兵。勒保即無庸再調。漢兵惟將附近之土兵酌量調派。於查緝較為得力。至堪布回藏攜帶貨物。昨據長齡查明內有包攬客商馱載影射朦混。將來勒保查辦時。如伊等失去之物果係賞件。及堪布自帶貨物。自當認真查追。若係客貨。伊等本因圖利違例包攬。官兵豈能代為查尋。惟當專拏賊犯嚴行懲辦可也。將此諭令知之。○乙卯上御懋勤殿。勾到山西直隸情實罪犯停決山西斬犯五人。絞犯六人。直隸斬犯二人。絞犯八人。餘一百三人予勾。○諭軍機大臣等。山西左雲縣生員郭億呈控該縣家人張五蕭三浮徵錢糧。勒折科斂。並拏車派草一案。已降旨交成寧審辦矣。此案郭億所控該縣管門家人張五蕭三串通書吏等折收錢糧。浮收腳價。並派買穀石等款。種種戕法病民。大

為地方之蠹。該省現無應辦差使。而該家人書吏等公然藉辦差為名。向地方鋪戶派草至七萬餘斤。折收錢文。又硬拏車馬索詐擾累閭閻。殊為可惡。並恐該縣等有主使營私情弊。本日刑部具奏上時。本欲特派廷臣馳赴該省嚴鞠。因部院辦事需人。且此事未經在本省控告。是以發交成寧審辦。該撫接奉此旨。即與欽差無異。當照欽差審辦案件親加提訊。據實查明。務期水落石出。以成信讞。儻視同尋常。控案轉委屬員任其捏飾朦混。以致案情不實。翻控無已。則惟該撫是問。將此諭令知之。○旌表守正捐軀湖北沔陽州民黃必顯妻張氏。江西永新縣民陳範儀女泳秀。○丙辰命嗣後順天文武鄉試監試科道及外簾各官。凡籍隸順天直隸人員。均令迴避。毋庸開列。○丁巳旌表守正捐軀河南祥符縣民張起生媳侯氏。山東滕縣民渠有禮妻陳氏。○戊午

上御懋勤殿勾到朝審情實罪犯停決官犯七人絞犯二人餘十二人予勾○諭內閣本日朝審勾到情實官犯內成文李如枚延福一起因承辦吉地工程冒銷官項分肥入己又雙保尚玉相海紹詩蒙額一起因充當吉地瓦作監督少用多銷侵蝕銀數三千餘兩該部均照侵盜錢糧一千兩以上例問擬大辟實係罪所應得惟念吉地工程從容經理為日方長彼時盛住總司其事亦明恃限期久遠不致及身敗露起意舞弊營私於灰斤加價項下扣存銀五萬兩練山石項下收用銀四萬兩侵蝕官項入己至九萬兩之多伊係管工大臣中居首之員先自翫法昧良以致工員等相率效尤罔知顧忌是盛住實為此案罪魁較之雙福鶴齡情節尤重假使其身尚在朕必親為廷訊加以刑夾板責立正刑誅今伊早經身故倖逃憲典而伊之任意侵扣帑金總緣雙福鶴齡扶同舞弊狼狽為奸

雙福鶴齡各分用正項帑銀三千兩又將練山石項下扣存銀五萬兩支用雖訊明祇有此數其未經查明私肥入己者正不知凡幾是以立置典刑並加以夾責即與懲治盛住無異至成大李如枚延福侵蝕帑銀均在一千兩以上但其侵冒之項皆由盛住分給自係按官秩之大小定分肥之多寡而該犯等罔知大義亦遂聽從收受朋分竟視為分所應得設使侵扣冒銷實由該犯等首先慫恿釀成巨案或係承修

先朝陵寢有此藐法私肥情事其罪孽斷無可逭朕亦不敢廢法雖係從犯亦必予勾姑念伊等恣意侵吞帑項禍首實惟盛住其從而附和者則惟雙福鶴齡二犯並非由成文等主謀且所辦係吉地工程朕亦不忍因萬年吉祥之事將伊等駢首就戮是以於法無可貸之中稍寬一線成文李如枚延福著加恩免其予勾其雙保等四犯充當瓦作監督公

同侵蝕銀三千餘兩其中本有因公支用亦有私肥入己因該犯等並無帳目可稽無從分析是以併贓問擬較之成文等罪狀又覺稍輕雙保尚玉相海紹詩蒙額並著加恩免其予勾以示朕執法持平之至意此旨另錄一道存貯上書房仍通諭知之○又諭吏部議駁廣興奏請滿洲科道郎中一體截取一摺滿洲郎中截取之事前經兩次欽奉

高宗純皇帝降旨飭諭廣興既援引乾隆十七

年暫行停止截取

諭旨則三十年正月間續奉

諭旨豈有不知乃於嚴飭吏部不准截取

諭旨一道竟未列入此必係廣興因平日辦事

嚴刻恐取怨者多故為此奏冀於旗員市惠

殊屬非是廣興著交部察議習俗移人即此

可見廣興平日甚屬認真近來漸不如前亦

隨合見好矣所有奏請將滿洲科道郎中一

體截取之處著不准行○定內務府屬官迴

避例又諭吏部議駁廣興奏內務府應行迴避司員與各部院司員對品調補請旨飭令總管內務府大臣遇有應行迴避之員即於七司三院三山各等處酌覈調撥一摺內務府屬官向例不行迴避原非引嫌杜弊之道廣興所奏不為無見然以內務府司員與部院司員對調於一切保送升轉等事亦多格礙難行況雍正年間曾經遵

旨議准凡內務府屬官均用內務府人員則與部院司員對調尤與定例不符茲吏部請將該侍郎所奏無庸置議係屬照例辦理惟議令該大臣自行酌覈調撥尚未妥協此事著派軍機大臣會同外旗之總管內務府大臣廣興阿明阿和世泰於內務府迴避各員即於三院三山等處公同籤掣對調帶領引見以昭公允嗣後內務府所屬司員內有升至總管內務府大臣者如有應行迴避親族亦著軍機大臣會同外旗之總管內務府大臣

照例辦理著為令。又諭前因明俊珠爾素
參奏鑲白旗滿洲佐領佛隆武不敬公事請
行革職一摺聲啟未能明晰當經降旨令阮
元查明具奏茲阮元奏詢問明俊珠爾素據
覆稱所參佛隆武不能敬事之處實因接准
部行欽奉上諭訓飭八旗遵即宣示各協領
佐領等令鈔錄一紙傳諭兵丁知悉詎佛隆
武不即鈔錄又春操閱射佛隆武回稱膀痛
及仍令與射尚能發矢其並非膀痛可知是
以參劾等語前此經朕御製宗室訓宣示中
外在京宗室人員即有鈔錄遲延之事並未
將承辦之員概行褫革此案佛隆武亦不過
咎止遲延至其回稱膀痛不能射箭及令與
射仍能發矢覈其情節尚不至於革職佛隆
武著改為交部議處。蠲緩浙江仁和錢塘
烏程歸安德清武康石門桐鄉長興嘉興秀
水海鹽十二縣被水災民新舊額賦有差及
蕭山縣牧地租課並給烏程歸安長興德清

武康五縣貧民口糧。己未諭內閣長齡文
孚奏審明因病逗遛捏報之都司定擬治罪
一摺此案都司于文瑤奉派護送回藏堪布
因患病不能乘騎在於途中暫住調養現經
查看尚未全愈彼時自非捏飾逗遛但堪布
等被劫一事該革員既未隨同護送輒敢捏
稱在彼帶同官兵打仗奪包希圖冒功卸罪
實屬膽大該督等僅擬將該革員發往伊犁
所辦尚輕不足以示懲儆于文瑤著先在西
寧地方枷號兩箇月示眾俟滿日再發往伊
犁効力贖罪。庚申諭內閣吳熊光奏嘆咭
喇國夷船尚在澳門揆延觀望情形一摺吳
熊光身任封圻重寄接據稟報早應馳赴該
處躬親督辦乃任其登岸住守兩月有餘及
接奉嚴旨仍不即時親往設法驅逐又未將
派委何員及如何籌辦之法詳悉具奏是吳
熊光平日因循廢弛祇知養尊處優全不以
海疆為重大員委任吳熊光著傳旨嚴行申

飭先降為二品頂帶拔去花翎仍交部嚴加議處用示薄懲○諭軍機大臣等吳熊光奏
嘆咭喇夷兵進入澳門占據礮臺已有旨將
永保調任廣東巡撫本日據吳熊光五百里
奏報嘆咭喇夷人現在情形仍係一派空言
並未能將該夷人逐去亦未見有調度看來
吳熊光一味軟弱全不可靠永保接奉此旨
即著晝夜加緊馳赴廣東徑赴澳門督辦朕
專派永保前往即係欽差永保到省後且無
庸接管巡撫印務惟專心辦理此事諭知該
夷人等以爾等此次擅自帶兵進澳占據礮
臺大屬冒昧原應立加懲辦姑念爾國向來
臣事天朝尚為恭順是以不肯遽事剿除現
在大皇帝派我前來督辦業將水陸各路官
兵調集若干如果斂兵早退將來尚可准令
貿易儻遲迴觀望即當統領大兵分路剿捕
爾等不但身被誅夷並將來永遠不准朝貢
貿易中國物產富饒豈藉爾等區區貨物爾

等慎勿自貽後悔如此義正詞嚴剴切曉諭
該夷人能早退去固屬甚善如必須示以兵
威其應如何酌籌調遣已諭知吳熊光不得
掣肘永保當悉心經理一面調派一面速行
馳奏○辛酉
上詣
奉先殿
壽皇殿行禮
大清仁宗受天興運敷化綏猷崇文經武孝恭
勤儉端敏英哲睿皇帝實錄卷之二百二

大清仁宗受天興運敷化綏猷崇文經武孝恭勤儉端敏英哲睿皇帝實錄卷之二百三

監修總裁官總纂修官太子太傅武英殿大學士領侍衛內大臣等處總纂修官上諭部總纂修官工部書院纂修官

知縣庫書院纂修官太子太傅文淵閣大學士領侍衛內大臣等處總纂修官上諭部總纂修官工部書院纂修官

閩寧府纂修官上諭部總纂修官太子太傅文淵閣大學士領侍衛內大臣等處總纂修官上諭部總纂修官工部書院纂修官

部工庫纂修官上諭部總纂修官太子太傅文淵閣大學士領侍衛內大臣等處總纂修官上諭部總纂修官工部書院纂修官

英和經筵官太子太傅經筵官太子太傅經筵官太子太傅經筵官太子太傅經筵官太子太傅經筵官太子太傅經筵官

校修

嘉慶十三年戊辰十一月壬戌朔○癸亥諭

內閣本日戶部奏議覆陝甘總督長齡懇請撥銀採買倉糧估撥備用一摺現已依議行矣甘省兵糧與河東各屬倉貯均關緊要自應豫為籌備以供支用惟是外省地方官往往藉買補為名假手胥吏科派閭閻自將所領價銀私肥己橐該上司又不認真稽察以致多有擾累而於倉貯仍無實濟是不可不嚴為申禁此次甘省採買著長齡曉諭各屬遵照奏定章程公平購買並專派道府大員

密為查訪務使倉歸實貯帑不虛糜如仍有不肖官吏侵蝕舞弊情事即行叅辦毋稍徇隱○緩徵江西南昌新建豐城進賢鄱陽餘干星子建昌德安九縣水災本年額賦並南昌新建進賢鄱陽德安五縣應還籽種口糧○甲子遣官祭

先醫之神○諭內閣御史鄒家燮奏庶常分派各館纂書請旨停止一摺所奏非是庶吉士分派各館充當纂校等官歷科皆有並非始自近年原以庶吉士初入詞垣正須究心學問於館書得効編摩乃其本業即如現在文穎館恭輯

聖製詩文及朕所製各集並本朝臣工著作之炳烺可觀者而增修全唐文卷軸繁富均可藉資探討用廣見聞且僅橐筆編校並非如大考試差等事得以仰邀簡擢者可比而新派之協修甚多尚無公費庶吉士祇列編檢之末亦不致有躁進躐等之虞况編檢等官

現充館務者居多。若如該御史所奏將庶吉士撤去。盡行改派授職編檢各員。亦屬窒礙難行。所奏著無庸議。

上以冬至祀

天於

圓丘。自是日始。齋戒三日。○丙寅。

上詣

南郊齋宮齋宿。○諭內閣。各省分發候補道府人員。有由特旨揀發者。有由報捐籤掣者。其

人數之多寡。年分之久暫。以及才具之賢否。俱無從知悉。自應詳加甄覈。免致濫竽。著交吏部議定章程。酌分年限。令該督撫等詳加試看。將分發各該省道府若干員。才具是否堪勝外任。分別繁簡奏聞。以憑稽覈。其有才具實在平庸難期勝任者。即據實奏明。毋稍徇隱。或應行降補。或改用閒曹。候旨勅部議覆施行。○丁卯。冬至。祀

天於

圓丘。

上親詣行禮。○詣

慈寧宮

壽康宮行禮。○遣官祭

永陵。

福陵。

昭陵。

昭西陵。

孝陵。

孝東陵。

景陵。

泰陵。

泰東陵。

裕陵。○命

皇次子

孝淑皇后陵寢。○遣官祭

端慧皇太子園寢。○停次日朝賀。○賞八旗

兵丁一月錢糧。○戊辰。

上御乾清門聽政。○以武備院卿蘇冲阿為內閣學士兼禮部侍郎銜。○己巳。閩浙總督阿林保奏。福建正考官翰林院侍講學士陳嵩慶不能約束家丁。致斃人命。下部嚴議。尋議革職。得旨。加恩賞給編修。○緩徵黑龍江齊齊哈爾貧民舊借口糧。○庚午。諭內閣。戶部奏直隸三次清查案內。各州縣所報前任虧缺。應行題請開復各員。是否均有確據。請飭令溫承惠督同方受疇徹底根查一摺。此案節經戶部咨催奏催。迄今已逾兩載。總未據該督分晰奏咨。實屬遲緩。該省向以承辦差務為名。於地方應辦要件。率多藉詞延宕。殊不知該督等於每歲春秋二次經理大差。為日甚屬有限。何至於該部節次行催事宜。頻年罔應。疲玩已極。所有三次清查案內。先後題請開復之各該州縣未完各年應徵銀兩。是否實有前任虧短之項。該員等從前交代時。曾否報明有案。著溫承惠督同方受疇逐

案詳查。務於封印前據實具奏。毋再延緩。其應請開復者。即一併彙題。以省案牘。儻後任開復而前任有不認虧空者。惟該督及藩司是問。該省自此次辦理三次清查後。節經諭令不准復有清查名目。該督等不得任意拖延。希圖為虧缺各員彌縫牽混。自干咎戾。○予福建捕盜淹斃外委武鑄祭葬卹廕。兵丁林國望等十三名。吉林追賊淹斃領催徐懷信。兵丁愛星阿等二名。雲南勦探陣亡兵丁李天受等四十二名。四川陝西湖北陣亡武生焦楫。兵丁朱凌雲等十九名。浙江捕匪傷斃兵丁王太等二名。賞卹如例。○旌表守正被戕四川會理州民李成彩女桂英。○辛未。諭內閣。舊制清明節謁陵行數土禮。惟於二十七箇月之內舉行一次。以後均係遣員恭代。從前我皇祖世宗憲皇帝皇考高宗純皇帝皆按定制舉行。禮不敢踰。自

當敬謹遵守。惟是朕仰蒙

皇考高宗純皇帝恩慈眷佑。溯自乾隆癸巳年。

即蒙

聖心簡畀。立為皇太子。密書存記。至乙卯九月。

始明降

諭旨。勅立。

深恩付託。實已二十餘年。迨至丙辰元旦。

授璽大廷。猶復

訓政三年。孜孜不已。

鴻慈篤眷。尤為從來所未有。春秋霜露。十載於

茲。朕心罔極之思。豈尋常孺慕所能盡。明年

又適屆朕五旬誕辰。春閒本應謁

陵。伸慕。若不躬親敷土。於心實覺不安。有未可

限於常制者。明年朕於二月十七日啟鑒。二

十日恭謁

東陵。二十一日係清明節。敬於是日親祭

裕陵。再舉行敷土禮一次。稍申瞻戀之誠。禮成

迴駐盤山。於是月二十九日進城迴宮。三月

初。初二兩日齋戒。俟初三日親祭

先農壇。行耕藉禮畢。即於是日啟程駐蹕黃

新莊。前詣

西陵展謁。取道潭柘寺拈香。於十一日至香山

駐蹕。十六日迴圓明園。所有應行各典禮事

宜。著各該衙門敬謹豫備。○壬申。命大學士

慶桂為正使。內閣學士哈寧阿為副使。持節

齋冊寶冊封

誠妃劉佳氏為

誠貴妃。冊文曰。朕惟靈鍾瓜瓞。禎符開五代

之祥。化贊禕褕。吉事錫六宮之福。欣歌麟趾

式賁鸞章。咨爾誠妃劉佳氏。德協柔嘉。儀彰

淑慎。承恩椒殿。已看九御攸崇。送喜桐階。豈

惟一人有慶。既延釐於寶祚。宜頒貺於瑤光。

是用晉封爾為誠貴妃。錫之冊命。爾其雍和

懋迪。聿襄中壺。以垂型。嘉瑞頻仍。長奉宸軒

而拜命。欽哉。○命大學士祿康為正使。內閣

學士玉福為副使。持節齋冊印冊封

吉嬪王佳氏為

莊妃冊文曰。朕惟升椒佐治。肅雍襄九御之勤。衍祉推恩。敷錫普六宮之慶。值雲初之肇祉。賁綸綍以欽承。咨爾吉嬪王佳氏。賦質金昭。秉心玉粹。柔嘉維則。鳴環永叶乎徽音。淑慎其儀。獻爾克修夫內職。是用晉封爾為莊妃。中之冊命。爾其恪膺茂典。益彰綸翟之輝式。迓繁釐。光贊雕麟之化。欽哉。○命禮部尚書恭阿拉為正使。內閣學士博慶額為副使。

持節齋冊冊封

貴人劉佳氏為

信嬪冊文曰。朕惟教崇婦學。推恩贊綸翟之華。瑞啟孫謀。錫命駕雲初之祐。椒塗普慶。鞠采增榮。咨爾貴人劉佳氏。柔則夙持。令儀早著。分絲獻繭。襄蠶事於中宮。顧史陳圖。識難鳴之大體。是用晉封爾為信嬪。錫之冊命。爾其思名義而彰順德。凜義經履信之文。展功緒以荅徽章。佐周雅嗣音之化。欽哉。○諭內

閣本日據御史福克精額條奏一摺。內稱管理三庫大臣於所屬司員。向有考察之責。若遇京察屆期。到任未久。於所屬賢否勤惰。恐難深悉。請稍為變通。以專考察一條。所奏不為無見。管庫大臣近日雖按年更換。將來即閒留一二年。未為不可。惟更換之年。若適當京察屆期。此數年內屬員賢否。自未能深悉。嗣後三庫司員京察。著三年內之管庫大臣會同考察。以歸覈實。又據奏工程事宜。仍由該管處承辦一條。此斷不可行。辦理各項工程。向例欽派大臣督辦。原以特派之員。無所迴護。於稽覈工程較為有益。若徑由各該處承辦。則其中如有偷減侵蝕情弊。更復何從稽覈乎。此奏必係聽人慫恿。不問可知。朕亦不加深究。至所奏直省府州縣請令各該督撫隨時考察。南河捐辦土方議敘事例。請酌增武職。通倉及城外各庫進城米石。請設法稽查抄產隱匿地畝。多有荒蕪。請飭地方官

查辦各條。及各城外大道旁。應行挑挖溝渠之處。均著各該衙門詳議具奏。○癸酉。諭內閣。武鄉會試。為掄才大典。較試技藝。必須膂力超衆。方可入選。即如硬弓一項。能開十三力至十五力者。向來甚多。間有開十二力者。朕所素知。本年各省進呈武鄉試題名錄。朕詳加披閱。其填註技勇。尚多可觀。惟湖北省題名錄內。取中共二十五名。而竟有十六人。開弓僅止十力。殊屬輟弱。常明辦理武闈。取中太覺寬濫。著交兵部查明。如與定例不符。著即叅奏。○又諭。前因馬林家母女被殺身死。正兇未獲一案。特經降旨。飭令步軍統領衙門。順天府。五城。一體嚴拏。勿任漏網。如不能迅即就獲。著每月具奏一次。自請處分。旋經朕寬限。改為兩月奏請處分一次。後又改為四箇月一奏。各該衙門自應遵旨上緊緝緝。乃自上年六月至今。兇犯總未弋獲。本日復據鄒炳泰等奏稱。現又屆限滿。自請交議。

殊屬延玩。看來伊等不過視為海捕具文。每屆限滿。輒照例奏請議處。伊等亦明知部議上時。僅得罰俸而止。是以相率因循。督緝迄無成效。若不立限嚴懲。何以示儆。試思此案。以輦轂之下。白晝行兇。連斃二命。豈尋常命案可比。乃日久稽誅。成何事體。今特明定限期。予以處分。所有此次緝捕不力之步軍統領。兩翼總兵。順天府府尹。五城御史。毋庸再交部議。均著降一級從寬留任。如再屆四箇月仍未緝獲。則當以次遞加。予以降二級留任。又屆四箇月。降三級留任。又屆四箇月。革職留任。又屆四箇月。即著實降一級調用。朕計日以待。斷不寬恕。仍著軍機大臣存記。屆期提奏。各該衙門務當上緊飭屬嚴拏。務獲毋得再有遷延。自罹重咎。○又諭。朕因部院衙門向來辦事。每多因循延擱。節經降旨訓諭。乃昨日遞事者。僅止禮部會同內務府奏事一件。除此無一件陳奏者。又無一引見人。

員。本日則各衙門多有陳奏事件。並各帶員引見。兩日之間。事務繁簡不同。殊非認真辨公之道。昨日若云無事。何以今日如此之多。朕日理萬幾。未嘗稍懈。並不因偶值事多。憚於省覽。正恐或有閒曠。易滋積壓之弊。而諸臣等往往性耽安逸。圖便己私。其身兼旗務者。或俟本旗值日之期。始行奏事。又或探聽是日有無外傳地方。希省早起。並不將應辦公務隨時陳遞。以致多寡懸殊。居心怠玩。實屬非是。嗣後各大臣務宜恪勤供職。隨時辦事。隨時具奏。毋得稍存遷就觀望。致有耽延。若再有積壓不奏者。即以違旨論罪。其無悔。○予四川傷亡外委徐瑄祭葬世職。如把總例。陝西陣亡兵丁史貴等四名。鄉勇唐萬友等十四名。四川湖北傷亡兵丁施開榜等二名。河南鄉勇邱洪量賞卹如例。○琉球國貢使楊克敦在途病故。賜卹如例。○甲戌。聖祖仁皇帝忌辰。遣官祭。

景陵。上詣。壽皇殿行禮。○乙亥。上詣。大高殿行禮。○幸北海。閱冰技。○諭內閣。前因各省積欠為數甚多。特經降旨。勒限嚴催完報。茲據戶部奏稱。直隸等十五省。除去緩徵帶徵。仍有未完地丁等銀八百一十七萬八千二百九十餘兩。較上年具報積欠數目。所完尚不及十分之一。而十二年分又續增未完地丁等銀三百一十九萬八千九百餘兩。連前共有一千一百三十七萬七千二百餘兩之多。請旨飭催等語。此皆由該地方官任意因循。總未實力徵催。每至參限將滿。該管上司往往曲為庇護。將經徵之員。設法調署。俾接徵者另行起限。以致州縣各官。恃有此規避之法。率皆怠惰徵催。各欠愈積愈多。關繫甚重。自應嚴定考成。以杜弊端。嗣後遇有

調署人員。著將該員名下詳查果無應徵未完錢糧。咨部覈明。方准調署。如有經徵叅限屆滿違例調署者。將該督撫查叅示儆。仍著各督撫將節年積欠銀兩一體立限嚴催。並確查是否實欠在民。如各州縣有從中侵挪虧蝕情弊。立即指名叅辦。務期國課得就清釐。毋得仍前延玩。將此通諭知之。○旌卹遇賊被戕陝西生員任策勳民婦王楊氏。如例。○丙子戶部議准貴州巡撫福慶疏報湄潭縣開墾田三十八畝有奇。照例升科。從之。○

丁丑。以

皇次子履澐行初定禮。賜宴如儀。○諭內閣本日戶部覈覆直隸總督溫承惠題報嘉慶十二年大興等州縣應蠲錢糧一本。現已依議行矣。此次大興等州縣應蠲錢糧。係因上年巡幸木蘭沿途經過地方。加恩蠲免錢糧十分之三。該督接奉後。即應查明題報。乃事隔一年之久。而錢糧僅止二百二十兩零。為數

又屬無多。何以稽延時日。至本年七月始行具題。近來外省辦事每多因循。而直隸為尤甚。溫承惠著傳旨申飭。嗣後務宜隨時整飭。不得仍前疲玩。○又諭據御史黃任萬奏請續選

欽定四書文。以正文體一摺。制義一道。代聖賢立言。本當根柢經史。闡發義蘊。不得涉於浮華詭僻。致文體駁而不醇。溯自乾隆四年。

皇考高宗純皇帝

欽定四書文選。凡前明大家名家。悉按其世代衰次。而於本朝文之清真雅正者。一併採列成編。選擇精嚴。理法兼備。操觚家自當奉為正鵠。乃近科以來。士子等揣摩時尚。往往撫拾竹書路史等文字。自炫新奇。而於經史有用之書。轉未能潛心研討。揆之經義。漸失真源。今該御史奏請釐正文體。固為矯弊起見。但摺內所稱欲另選近年制義以附

欽定四書文之後。此則尚可從緩。試思近時能

文之士。求其經術湛深。言皆有物者。未必能
軼過前人。即廣徵博採。亦恐有名無實。是惟
在典司文衡之臣。悉心甄別。一以清真雅正
為宗。而於引用艱僻。以文其固陋。專尚機巧
以流入淺浮者。概屏置弗錄。則海內士子自
各知所趨向。力崇實學。風會日見轉移。用副
國家振興文教至意。○調雲南按察使蔣繼
勳為廣西按察使。廣西按察使梁敦懷為雲
南按察使。○旌卹遇賊被戕陝西生員張友
直等二名。民王思閔等十五名口。如例。○除
雲南浪穹縣水淹田一百十五頃七畝有奇
額賦。○戊寅諭內閣。近來外省地方官。辦理
詞訟。率多怠緩。因循。甚至於命盜案件。有壓
擱數年。拖延不辦者。即如本日安徽巡撫董
教增奏。前署蒙城縣知縣張象鼎及接任
知縣雷長春。於縣民朱子康呈報被劫一案。
既經拏獲案犯。是劫是搶。均應研訊確情。迅
速究辦。乃自嘉慶十年十月中經事主呈報

至今延擱三年。押斃四命。並不據實詳報。試
思此押斃四人。如果係強劫盜犯。僅聽其在
押病斃。則要犯轉得倖逃。顯戮儻止。係尋常
行竊。該犯等均罪不至死。豈非濫行拖斃。若
竟係平人。則無辜更多冤抑。且在押病斃之
人。均未據該縣驗報。更難保無刑拷致斃別
情。不可不嚴切訊究。除前署蒙城縣知縣張
象鼎業於另案革職外。現任蒙城縣知縣委
解川餉之雷長春。亦著革職。交該撫委員迎
提。並提同張象鼎及案內有名人證。嚴審定
擬具奏。此案董教增現接署令張培稟報。始
據實揭參。該撫到任已久。並未早行查辦。且
事閱三年。前任巡撫及護撫等。均未能訪查
參奏。可見外省地方事件。似此疲玩耽延者。
正復不少。著再通諭各督撫。務宜督率屬員。
恪勤供職。遇有案件。隨時速辦。力挽積風。毋
任稍有積壓廢弛。致干咎戾。○又諭昨順天
府進呈本年武鄉試錄。所有開列監射大臣

銜名。惟成親王未經書名。因命軍機大臣檢查前數科武鄉試錄所開監射親王。是否如此。及查到近科試錄內。於成親王。定親王。則不書名。於莊親王。榮郡王。則書名。體例殊未畫一。君前臣名。禮所宜然。該府尹等排纂試錄。竟係以意為之。殊屬非是。所有此次進呈武鄉試錄之順天府府尹等署交部議處。嗣後進呈武鄉會試錄。於派出諸王均著一例書名。以昭敬事之義。○又諭。昨日二阿哥福晉行初定禮。所有例應與宴之大臣等。至已正二刻始行到齊。殊屬怠惰。因循疲玩。本應交議。姑念非朝會大典。此次從寬免議。此後須各加警省。力勤戒怠。以副朕期望至意。該大臣等或因趨朝奏事。或因帶領引見。於退直後始往入宴。未免拘泥遲緩。嗣後凡遇吉禮筵宴。俱著定為辰初初刻。其例應與宴之大臣。如屆期適有進內承直等事。即著知會扣除。毋庸久候。○又諭。昨據江蘇省具題已

故編修嚴福請入祀鄉賢一本。入祀鄉賢為彰善鉅典。或其人為國宣勞。懋著勲績。或為善於鄉。實有義舉。堪為閭黨矜式者。特予祀典。褒旌庶合禮經。沒而祭於社之義。若已故編修嚴福。由詞垣入直上書房。並無出眾勞績。朕所稔知。即題本內亦祇敘嚴福學有淵源。行堪模楷等空言。豈可遽邀祀典。該撫所題不准行。近年各省題請入祀鄉賢。多有徇情市恩。罔顧冒濫。殊非循名覈實之道。嗣後各該督撫等務須確查事蹟。實與入祀之例相符。再行具題。勿得率行籲請。○烏魯木齊都統和寧奏。古城地方貯糧不敷供支。請於濟木薩盈餘糧石。撥貯古城四萬石。以資籌備。允之。○命理藩院侍郎景祿候補五品京堂吳俊。馳往浙江審案。○戶部議准浙江巡撫阮元疏報象山。臨海。二縣開墾田二頃一百八十三畝。有奇。照例升科。從之。○免浙江錢塘縣捐置義冢地六十七畝。有奇。額賦。○

己卯。

上詣

雍和宮行禮。

火神廟拈香。○諭內閣。昨日戶部帶領各衙門保送寶泉局監督各員引見。內兵部所保郎中圖明阿一員。曾任熱河道。朕因其聲名平常庸劣。改用京職。將來京察應填才力不及之員。昨日引見時。其所奏清語履歷年齒訛錯。精力亦覺委頓。寶泉局監督有經理鼓鑄稽查獎賞之責。甚屬緊要。圖明阿豈堪勝任。此明係兵部堂官。因圖明阿係和世泰妻父。與恭阿拉誼屬姻親。是以推情保送。甚屬不合。大臣親戚。如果才具優長。自當秉公保薦。無庸引嫌抑置。若似此庸碌無能之員。豈可瞻顧情面。輒行保薦乎。兵部堂官著交部議處。○又諭刑部。奏審擬孫建業運回辦工餘贖杉槁。李如枚擅給護票。照律罪應滿杖。業已另案問擬斬候。應免置議等語。此案孫

建業運送辦工餘贖杉槁回京。李如枚輒給與護票。顯係縱令漏稅。關榷徵收稅務。國課攸關。若司榷者俱任令漏稅。則稅課自難免短絀。且李如枚聽許給伊家搭蓋天棚木植。尤屬卑鄙見小。刑部因李如枚已另案問擬重辟。即將此案應得杖罪請免置議。殊屬輕縱。李如枚原擬斬罪。前於朝審時。朕已加恩免勾。此次擅給護票。以致木植漏稅。未便竟免置議。著刑部堂官將李如枚提出責打四十板。以示懲創。○又諭戶部。議駁長蘆鹽政。伊昌阿請將山東運鹽併關驗放一摺。山東引鹽運至維口地方。向設上下兩關。周密稽查。以防透漏。若併作一關。則鹽引進下關後。鹽不入園。引不貯庫。並不必請用記戳。即可分赴各州縣行銷。勢必彼此牽混。私相通融。不過徒便商人。而獎竇由此叢生。該鹽政到任不久。於彼處情形尚未熟悉。即思改易舊章。是必該商等圖便己私。力為慫恿。伊昌阿

輒冒昧具奏。此係地方公務。亦應會商巡撫。乃伊昌阿竟單銜具奏。况雄口既有支河岔道。則稽查更難周密。而該鹽政轉稱稽查易周。又屬自相矛盾。伊昌阿著傳旨申飭。並交部察議。仍著山東巡撫吉綸查勘該處現在河道情形。究竟若何。如今昔並無不同之處。伊昌阿此奏。係聽信何人慫恿。並著查明據實參奏。毋稍瞻徇。尋奏該商等因河道每逢稍旱之年。較為淺澀。驗放時致有擁擠。是以公同呈請。冀速行運。實無慫恿情事。查河道上游。雖間有坐灣積沙之處。自應責令該商等隨時挑濬。其驗放章程。照舊辦理。從之。○又諭此案已革戶部員外郎范重榮。直入指揮衙門。揣去牌文。前交刑部審訊。並無應需輾轉詳查之處。乃違限遲至兩月有餘。始行定稿具奏。辦理實屬遲延。今據該堂官明白回奏。自請議處。均屬咎所應得。惟念大學士董誥入直軍機。事務較繁。未能常川至署。且

此案係八月下旬有旨交部審辦。彼時伊正值隨扈木蘭。著加恩改為察議。其餘各堂官及承辦司員。俱著一併交部議處。○庚辰上幸瀛臺。閱冰技。○辛巳。諭內閣。近來刑部審辦案件。多不肯用心研求。失之疏縱。昨因鑲紅旗蒙古都統等奏。已革馬甲珠魯滋事在逃。摺內敘稱。珠魯於本年五月間。曾經持刀滋事。咨送刑部照例發遣。經刑部擬以枷杖完結。因令檢查原案。所辦殊不實不盡。前此鑲紅旗蒙古都統咨部原文。據稱珠魯欲搬住舊營房。佐領音德保不准。珠魯持刀至佐領門首恐嚇。強要圖記。旋又往驍騎校領催兩處門首先後吵鬧。經領催八十七將刀奪獲。苗同步甲捆縛送部等語。珠魯身係馬甲。輒敢持刀向該管之佐領等門首連次吵嚷。實屬膽大滋事。該旗咨交刑部發遣。自應如此懲辦。以儆兇徒。設刑部審問時。珠魯委無持刀情節。即應傳到該旗佐領。驍騎校。同領

催等。一詳細質對。如果質對之下。均與珠魯所供無異。證據確鑿。則珠魯不但不應發遣。而該旗於咨部原文聲敘不實。並應將該旗叅奏。方為辦理得當。乃該部審問珠魯據伊自稱止於乘醉吵嚷。並未持刀逞兇。遂即信以為實。而於應傳之各證據內。又祇傳到領催八十七一名。以其供亦相同。率行定案。將珠魯祇問以枷杖完結。不予發遣。以致此日復又滋事。試思珠魯一面之供。豈有不避重就輕之理。領催八十七。又安保其非扶同混供。該部堂官等於此案定擬時。不能留心指駁。實屬疏漏。至承辦司員。並未質證明確。輒行定案擬罪。尤為粗忽。所有辦理此案之刑部堂官。著交部議處。其承辦司員。著交部嚴加議處。其珠魯一犯。著交步軍統領。順天府。五城。各衙門查拏務獲。奏交刑部詳加審訊。嚴行定擬具奏。○壬午。諭內閣。我朝家法相承。官庭之用。甚為節省。每歲自

皇后妃嬪。以至女子等。所得綢緞分例。載在宮中則例。永遠遵循。前因內廷例用之件。有需外省織辦者。朕意不如將庫貯之物量為抵給。既可省交辦之煩。而宮中亦得適用。是年緞庫所抵物件。均屬敷足。皇后曾率同妃嬪等陳謝。咸深歡感。至去歲抵給物件。多屬平常。且不足數。皇后以事屬細微。未及具奏。至本年又值支領公用之期。皇后曾諭令總管太監孫進忠傳諭內務府大臣等。皇后分例本多。無容計較。惟妃嬪以下及女子等。每年賞件祇有此數。不得減少。致不敷用。若再似上年短缺。必據實奏聞。經孫進忠面告英和。蘇楞額。均已聆悉。乃前日在大和齋傳膳辦事。召見廣興。據奏總管太監孫進忠。挑斥抵給物件。係與緞庫官員串通一氣。欲交外省織造。以便需索規費等語。朕即以

事關外廷官員交結近侍。如果確有憑據。必當嚴行懲辦。而廣興又不能指出確係何人。朕即覺其所言不實。昨據

皇后奏及前事。因令將本年抵給物件逐一詳覈。實共少紬緞至數十件之多。該管大臣等於宮中例應支給之件。任意剋減。實屬不知大體。且於

皇后曾經傳諭之處。並未奏聞。尤為錯誤。應與承辦庫官均著軍機大臣會同該部嚴加議處。至廣興於面奏時。並不將孫進忠係奉皇后傳諭。據實陳奏。佯作不知。轉以庫官勾結內監有意挑揀為詞。希圖聳聽。及命軍機大臣等向伊詢問。令其指出庫官姓名。確據以憑嚴辦。廣興仍復毫無指證。惟稱係屬疑心。豈有將懸揣疑似之詞。遽加人以交結近侍之罪。况孫進忠傳述

皇后所諭。並無格外挑斥之處。該管大臣等衆所共知。廣興豈有不知之理。乃竟敢挾詐

面欺。不知其是何居心。廣興著軍機大臣會同該部再行嚴加議處。仍先革去頂帶。不准進內。聽候嚴議。至孫進忠於

皇后傳諭時。即應奏聞。再行傳知。乃並未具奏。亦屬疏漏。孫進忠並著交軍機大臣議罪。○又諭吳熊光於嘆咭喇夷船擅入澳門。並不親身前往設法驅逐。業經照部議革職。因思陽春身任將軍。職居總督之前。遇有海疆要務。本應具奏。况前據吳熊光奏稱該將軍

挑派滿營官兵。豫備調遣。何以並無一字奏及。孫玉庭以巡撫大員。於吳熊光辦理輒弱錯謬之處。未能據實參劾。轉以支飾空言。隨同列銜具奏。皆有應得之咎。陽春。孫玉庭。均著交部議處。○又諭原任御史宗室炳文。於乾隆年間。條陳科道京察。止令都御史帶領引見。去留俱候欽定。所奏本係錯謬。仰蒙高宗純皇帝降旨嚴飭。並發往伊犁。以司官勅力贖罪。原屬咎所應得。伊從前在新疆効力

六年。自釋回後至今已年近八旬。伊子祿康現擢任綸扉。著加恩准其以大學士應得封典請封。○諭軍機大臣等。昨據吳熊光等奏。噶咭喇夷兵全數退出澳門一摺。此次該國夷人自七月來至澳門。住守數月有餘。夷情叵測。必有所為而來。何以又無故而去。且所稱見聖諭嚴明。兵威壯盛。業已不敢抗違之語。所見係何諭旨。所派係屬何兵。並未一一聲敘。况夷稟尚未呈遞。吳熊光輒稱夷船風信一過。即不能開行。如果切實懇求。即准其開艙俾夷船不致遲留等語。竟欲以開艙見好於夷人。豈非示之以弱乎。外夷來至內地貿易。輸納稅課。原因其恪守藩服。用示懷柔。並非利其財貨。若沾沾以微權為重。無怪該夷人肆意居奇。意存輕視也。永保馳抵粵東。即會同韓蔚詳查噶咭喇夷船因何擅入內地。自七月至今。呈遞夷稟幾次。吳熊光如何批示。所稱水陸兩途嚴密布置官兵。所派係

屬何兵。節次奏稱派員剴切曉諭。並聖諭嚴明之語。所見係何諭旨。所派係屬何員。因何全行退出。有無豫准開艙貿易之事。逐一奏聞。仍嚴切曉諭噶咭喇夷人。以爾等擅入澳門。實屬冒昧。斷不能仍准貿易。儻自知悔罪畏服。倍加恭順。於二三年後再行懇請。彼時爾國貨船亦祇准在澳門以外停泊。俟奏聞大皇帝候旨遵行。設再欲攜帶兵船。即當永斷貿易。聲罪致討。儻永保到彼後。吳熊光等業已准令開艙。即當查明因何允准。是否係該國夷人具稟懇求。抑係吳熊光先行准令開艙。該夷人始行退去之處。一併據實具奏。不可稍有隱飾。○革兩廣總督吳熊光職。以廣東巡撫永保為兩廣總督。廣東按察使韓蔚為巡撫。調山東按察使陳若霖為廣東按察使。以山東濟東道朱錫爵為按察使。○癸未。除甘肅大通縣被水衝坍地一十五頃八十三畝有奇額賦。○旌表守正捐軀河南南

召縣民馬添山妻丁氏。○甲申。

上幸瀛臺。閱冰技。○諭內閣。軍機大臣會同吏部嚴議。廣興等於宮中例應支給紬緞。並不敬謹遵辦。擅行剋減。請分別革職治罪。降調一摺。朕綜理庶政。惟務覈實。從不肯顛預了事。前在大和齋召見廣興。據奏總管太監孫進忠挑斥紬緞。與緞庫官串通一氣。欲交外省織造。以便需索規費。並未指明何項支用。紬緞亦未奏及宮中抵給分例。若果所奏確實。則是外廷官員交結近侍。必當嚴行懲辦。即如從前和坤散法營私。一經敗露。尚且徹底究辦。不能稍從寬宥。況事關官寺舞弊牟利。更復何所姑息。必當立置重典。經朕面加詢問。廣興並不能指出確係何人。嗣令軍機大臣向伊詳加開導。令其據實直陳。伊仍毫無指證。祇以係屬疑心為詞。豈有以懸揣臆度之談。遽誣人以交結近侍之罪。至宮中抵給紬緞。上屆即減少不敷。昨經

皇后奏聞。因令俟此次宮用抵給之件呈覽後。再行覈辦。及經呈覽。則短少至數十件。其物料平常不堪應用者甚多。當即降旨查詢。始據查明。此次承辦紬緞之司員本係豫備足數。其所以擅行抵扣減少者。實出自廣興一人主見。有伊親筆改正字帖為據。況

皇后內廷所用服色。竟用數十匹醬色紗。其居心竟不可問矣。乃轉以庫官勾結內監有意挑揀為詞。捏飾具奏。是竟欲變亂黑白。顛倒是非。而於總管太監孫進忠所奉

皇后傳諭。此次抵給紬緞不得減少一節。始終佯為不知。朦混具奏。欲快私忿。試即將交結近侍之條。律以虛誣反坐。自問當得何罪乎。廣興著照軍機大臣等所議革職。姑從寬免其治罪。令伊家居。閉門思過。並著該管都統副都統等嚴行管束。隨時稽查。儻尚不知愧懼。或有恣意妄為之事。即當據實叅奏。若該都統等代為隱飾。別經發覺。必將該都統

等一併懲處。英和等於抵給紬緞。並不敬謹遵辦。輒任聽廣興一人短少抵扣。且於

皇后曾經傳諭之處。亦未奏明。咎有應得。英和、阿明阿、和世泰、蘇楞額俱著改為降四級從寬留任。常福雖其初未經與聞。但事後不行舉劾。咎亦難辭。著改為降三級從寬留任。庫官達林等。詢明原係照數豫備。惟於廣興擅令減少。並不阻止。且上屆承辦抵給紬緞。亦未能適用。均有不合。郎中達林、福緣、員外

郎福寧、阿威赫俱著改為降二級從寬留任。與該堂官等降留處分。均無庸查級議抵。○轉刑部右侍郎穆克登額為左侍郎。調理藩院右侍郎景祿為刑部右侍郎。盛京工部侍郎策丹為理藩院右侍郎。以內閣學士博慶額為盛京工部侍郎。頭等侍衛明志為內閣學士。兼禮部侍郎銜。○調正白旗漢軍副都統阿明阿為鑲紅旗滿洲副都統。以前任錦州副都統毓秀為正白旗漢軍副都統。○旌

表守正被戕四川射洪縣民傅維秀妻文氏。○乙酉。

上御乾清門聽政。○諭內閣。昨日因廣興擅自扣減宮中例用紬緞一事。將總管內務府大臣英和等五人一併嚴議。其處分本應實降。已有旨各予降級留任。尚不足以示懲儆。廣興種種謬妄欺飾。其居心全不可問。英和等五人同係總管內務府大臣。辦理此事。既聞皇后令總管太監孫進忠傳諭。即應公同面商。將各項抵給紬緞親自點驗。妥為辦理。不應聽廣興一人專擅。如廣興仍固執不從。即應據實奏。乃伊等非但於紬緞虧短物料平常。一任廣興扣減。置之不問。甚至以內廷所用服色。竟攙入醬色。至數十匹之多。豈偶然一二匹無心混入者可比。伊等並不留心寓目。任聽廣興一人恣其狂謬。僅止背後談論。常福面奏。亦知攙入醬色之謬。事前何故不加駁斥。事後追論何益。朕待內務府大臣。

公平信任。毫無偏向。因何從前懼怕文寧。今又懼怕廣興。殊屬庸碌無能之至矣。再不奮勉。將來不知又懼怕何人。實屬可笑。可鄙。可見伊等全不實心任事。竟係欲任廣興率意妄行。待其自罹罪譴。相率袖手旁觀。不行阻止。此種情事。亦難逃朕洞鑒。所有總管內務府大臣內原係二品頂帶之英和。阿明阿。和世泰。三人。著均降為三品頂帶。並革去花翎。已降三品頂帶之蘇楞額。常福。著再降為四

品頂帶。至伊等原管各職任較多。一時難以盡行更換。姑各令照舊管理。以觀後效。○以雲南普洱鎮總兵官那林泰為鑲紅旗蒙古副都統。○丙戌。

上詣

慈寧宮

壽康宮行禮。○丁亥。給安徽盱眙縣被水災民一月口糧。○戊子。

上幸瀛臺。閱冰技。○諭內閣。本日吏部奏不准

捐復各員。內有陸費元鑽一員。因前在天津縣任內。辦理剝船失察。經紀人等得受錢文。私放船隻革職。本年春間朕巡幸淀津。該員於途次接駕。業經降旨加恩。以縣丞錄用。是該員已得進身之路。如果其人即堪復任。知縣。何待該員呈請捐復。乃業已邀恩錄用。不思勉力圖效。必欲捐復原官。而後已。豈國家起廢之典。可以出資倖進乎。所有陸費元鑽呈請捐復原官之處。著不准行。嗣後各廢員

內。有似此已經邀恩復懇請捐復原官者。該部即當照例批駁。無庸再行入奏。○旌表守正被戕湖北襄陽縣民趙之魁妻陸氏。○己丑。諭內閣。昨因此次內務府抵給宮中例用綉緞內。有醬色紗數十匹。謬誤尤甚。特降旨令軍機大臣查明。是否係廣興一人主見。茲據詢明廣興祇認將紗匹擬抵之處。係伊主見。其顏色並未指定。係由庫官配搭。以致錯誤。復又根詢該庫官等。據稱此次廣興實未

指定醬色。伊等備辦呈進。未加檢點。實屬糊塗錯誤等語。廣興於宮分例給紬緞。任意扣抵。專擅妄行。前已將伊革職。其餘各內務府大臣等。不行阻止。又未公同點驗。致有錯誤。亦經各予處分。並降頂拔翎。足示懲儆。此時均可無庸再議。至庫官達林等。前此亦經得過處分。但伊等於豫備官分抵給紗匹。輒用醬色紗攙入。實屬草率。不應再留緞匹庫當差。著交總管內務府大臣等。即將該庫官達林。福緣。福寧。阿。威。赫。四人。徹調別處當差。其緞匹庫郎中二缺。員外郎二缺。另行詳慎保送。帶領引見。候朕補放。至現在清查緞庫。尚未完結。俟查明有無虧短。再行覈辦。○以翰林院侍讀鮑桂星。署日講起居注官。○庚寅。命廣州將軍陽春。廣州滿洲副都統善福。漢軍副都統成德。來京候旨。調杭州將軍明俊。為廣州將軍。鑲紅旗蒙古副都統那林泰。為廣州滿洲副都統。以散秩大臣張秉樞。為廣

州漢軍副都統。鑲紅旗漢軍副都統興肇。為杭州將軍。理藩院右侍郎策丹。兼鑲紅旗蒙古副都統。頭等侍衛舒明。阿。為鑲紅旗漢軍副都統。○旌表守正捐軀河南汝陽縣民王心悅妻羅氏。○辛卯。命科布多。叅贊大臣扎克塔爾。來京。以和闐辦事大臣策拔克。為科布多叅贊大臣。賞前任廣州將軍陽春。三等侍衛。為和闐辦事大臣。○命哈密辦事大臣花尚阿。庫倫辦事大臣福海。來京。賞前任廣州漢軍副都統成德。頭等侍衛。為哈密辦事大臣。已革烏什辦事大臣綢武布。三等侍衛。為庫倫辦事大臣。○是月。山東布政使百齡。奏查藩司庫項。有因本款不敷。借支別款者。有正款已解撥歸雜款者。條目紛如。總因各州縣分年彌補之項。未能全完。以致挪新掩舊。歷久因循。現在逐款查辦。庶使夙弊漸消。吏治胥整。得旨。所奏切中時弊。彌補之事。有名無實。各省皆同。總由不肯實心耳。

三十九

敕修

上幸北海閱冰枝○命

皇次子 尊諱

大高殿。皇三子綿愷詣萬善殿祈雪。○癸巳諭內閣。據御史常文奏。請申禁浮收錢糧一摺。錢糧一項。朕於嘉慶四年親政之初。即經明降諭旨。嚴飭各地方官。不得稍有浮收。致滋擾累。自應實力奉行。乃比年以來。各省赴京具控。浮收錢糧者。仍復不少。雖節經詳覈案情。隨時分別懲辦。而欲息訟源。必先嚴杜貪

墨。自前次頒諭之後。迄今已及十載。恐各省督撫不免視為具文。而不肖州縣。以及奸胥蠹役。遂各陽奉陰違。每屆開徵。輒思從中侵肥。恣行朘削。控瀆之繁。未必不由於此。今特重申例禁。諭令各省督撫。轉飭所屬。於錢糧正項。務當按額徵收。如有侵浮舞弊之員。一經訪聞。立即指名叅辦。毋得以日久生怠。致干咎戾。○又諭閭閻。泰和奏請申明定例。禁止婦女入廟燒香一摺。各廟宇內。不許婦女擅入燒香。例有明文。從前按律懲創。辦有成案。恐事隔多年。日久玩生。無知婦女。復蹈前轍。狃於福田利益。實難保其必無。著該管文武衙門。申明例禁。諄切曉諭。實力禁止。仍不時稽查。毋任兵役人等藉端需索。致滋紛擾。○諭軍機大臣等。吳璥托津會同鐵保等。奏勘明海口情形一摺。據稱海口改道之說。溯查前明及本朝康熙年間舊案。所有灌河入海之路。覆轍具存。現在周歷履勘。北潮河匯流

馬港口。張家莊等處。漫水業已數月。尚在壅積。可見去路不暢。且又不能刷出河槽。而此外又無另闢海口之路。仍請修復故道。將雲梯關外大隄接築收束。水勢使東注。得力並據鐵保等另片奏請。共需撥銀二百九十萬兩。務於歲底春初到工等語。北潮河漫水去路不暢。又無河槽。伊等以現在情形。證之昔年誤改成案。論據確鑿。是由灌河入海之說。斷不可行。自應挽回。歸故道。至所稱雲梯關外水勢散漫。必須接築兩岸大隄。收束水攻沙之效。並稱較原估丈尺。可以稍減。其十八里屯及減壩工程。均停止緩辦。揆之目前情事。亦止可照議辦理。惟是國家帑項。實在支絀。河工連年請撥之項。數已不貲。迄未一勞永逸。詢之部臣。此時各省實已無項可撥。不能俯從所請。況天下經費甚多。豈能以天下全力專理一工乎。萬不得已。祇得姑照所請。降旨阿克當阿。令將商捐項下撥銀一百五十

萬兩趕緊解往。至於兩浙運庫。河南山東江西。浙江。四省藩庫。雖亦降旨籌撥。有無尚不可知。伊等祇可就現有餉銀。將目前緊要各工內。擇其尤急者。先為趕辦。試思撥餉如此之難。而伊等此次請撥之後。能不再行請撥。否。河患未除。帑項日絀。實不可不撙節辦理。鐵保等惟當激發天良。督飭在工大小各員。實心經理。若稍有浮混。則不但王法具在。而天理更屬難容。祇得在工所正法示衆。決不輕恕。伊等身家性命所關。不可不慎之又慎。將此諭令知之。○甲午。

上幸瀛臺。閱冰技。○乙未。以廣西慶遠協副將張成為右江鎮總兵官。○命已革兩廣總督吳熊光。赴南河効力贖罪。○戶部議准雲貴總督兼署雲南巡撫伯麟。疏報嵩明易門河西。三州縣開墾地一項三十六畝。有奇。照例升科從之。○除江蘇寶山縣濱江坍沒及捐置義冢田九頃七十一畝。有奇。額賦。○丙申。

上詣
大高殿行禮。○幸北海。閱冰技。○丁酉。

孝惠章皇后忌辰。遣官祭。

孝東陵。○諭內閣。據王懿修奏。滬陳病體甫愈。伊子王宗誠。現丁母憂。懇恩暫准隨任侍養一摺。王宗誠。現丁母憂。例應回籍守制。但伊父王懿修。供職京師。業已年逾七十。病體甫痊。正須伊子隨侍調養。且王宗誠身係獨子。因父暮年多病。不忍遠離。是以未能即扶母柩南歸。自屬至情。並非無故逗遛。王宗誠著准其在京隨任侍養。俟伊父氣體復元後。再行回籍。因思吏部新定章程。所有內外一應丁憂人員。有逾限不即回籍。及到籍遲延者。統行嚴予處分。原屬國家教孝之意。惟是京外各官。亦稍有不同。外任官員。聞訃丁憂。聞有在省會。冀圖保留。或在蒞任地方。遷延不行者。於吏治風化。殊有關繫。自當嚴設例禁。若京員聞訃丁憂。及外省微員。或因盤費缺

乏。偶致回籍遲延。亦屬情事。所有若與無故逗遛者一體概加嚴議。殊覺無所區別。其應如何準情酌理。俾永遠可行之處。著該部再行妥議具奏。尋議在京漢官丁憂人員。如有不得已事故。許呈明報部。外省佐雜人員。不能依限起程回籍。准再展限六箇月。從之。○又諭大學士慶桂等。參奏侍讀學士文通德祥於此次應派齋詔差使。並不循照舊案。由大學士公同掣送。任意專擅一摺。並據內閣侍讀學士彭希濂。參奏文通德祥於辦理詔差一事。不與同官公商。徑行掣籤行文。恐招物議一摺。內閣侍讀學士並非內閣堂官。特以其秩係四品。准令奏事。於京察時與京堂等一體引見。至於內閣一切公事。自應候大學士等公同酌辦。況滿漢本堂侍讀學士侍讀多員。何得任意獨行。罔顧物議。乃此次應派齋詔差使。文通德祥不候大學士公同掣籤。公然以堂官自居。輒自將中書常安等二

員籤掣。迨大學士等聞知。詢及又慮另行商改。徑自行文。毫無顧忌。而籤掣之際。兼不使同官與聞。行文之時。亦不候同官畫稿。實屬專擅。試問乾隆年間。敢如此專擅乎。亦因大學士等祇知休休有容。未能整綱飭紀之故耳。除此次齋詔差使。另由大學士公同籤掣外。其慶桂等請將文通德祥交部議處。尚覺稍輕。著交部嚴加議處。○嚴禁督撫奏留丁憂人員。又諭御史陸言奏請勅下各督撫。嗣後不得以河工水利及地方一切工程。將丁憂人員違例奏留。以崇孝治一摺。所奏甚是。丁艱人員。自應回籍守制。況河工及地方工程。更非軍營可比。何得藉詞奏留。近來丁憂人員。夤緣請託。以及督撫等市恩取巧。率請奏留者甚多。實屬違例。試思此等人員。若由督撫勉強羈留。則該員等遭父母之事。方寸已亂。焉能照常辦工。若係該員等自願留省。便於鑽營。是其於父母喪葬等事。且置之不

顧此等忘本之人。又安望其移孝作忠。為國宣力乎。嗣後督撫等。概不得再以河工及地方工程為辭。將丁艱各員違例奏留。其各省先經奏留之人。現在如並無經手要工。應即飭令回籍守制。即實有緊要經手工程。亦著於事竣後回籍補行穿孝。俟穿孝畢。再行送部引見候旨。至該御史另摺請令直隸省前此奏留之同知吳翰及道員張裕慶等四員。分別飭令回籍之處。除同知吳翰一員即應令其回籍補行穿孝。再送部引見外。至道員張裕慶。知府孫樹本。知州趙錫蒲。州判李武四員。係本年溫承惠因直隸需辦瀕龍河等處要工。專摺奏請特降諭旨准行。此時且無庸撤回原籍。應俟其辦工完竣之時。再令回籍穿孝。○予福建捕盜傷亡外委陳紹芳。祭葬世職如例。四川陣亡兵丁張得貴。祭葬世職如外委例。湖南因公淹斃千總黃開榜。廣東捕盜傷亡兵丁李亮等六名。福建出洋淹

斃兵丁潘祿等二名。浙江捕賊傷亡義勇葉必英等三名。陝西禦賊傷亡老民亢玳。賞卹如例。○戊戌頒

御製慎刑論曰。天道好生。然不能專以春溫而成歲。必有秋收以濟之。聖王尚德。然不能專用寬柔以治世。必設律例以齊之。得情勿喜。原屬不得已之苦心。若鍛鍊羅織。斯流為殘忍暴戾。相去愈遠矣。世道人心。變幻詐偽。竟有出於律例之外者。必求一至當不易務。使生者無憾。死者釋恨。兩得其平。唯視其自取。勿以己意重輕。曲直自在。應念一死不能復生。可不慎乎。刑期無刑。辟以止辟。保全良善。翦除邪慝。誠仁者之用心也。弼教化。正風俗。皆從慎刑始。所繫豈淺鮮哉。酷吏縱欲亂法。以濟其貪。王法所必誅。由於大不慎也。亦有惑於積陰功之見。妄談救生不救死之論。是誠見牛未見羊矣。被害之人。呼號悽慘。反不加憐憫。轉惜頑梗之兇徒。是欲積陰功。殊不

知大損陰功。亦不慎之所致也。慎之一字。為用刑之大綱。豈可玩視人命。逞一時之喜怒。以致寬嚴失當。則民無所措手足。冤抑不得伸矣。從嚴固宜。慎從寬亦宜。慎也。生者雖可矜。死者尤可憫也。刑罰不中。上干天和。水旱災荒。皆由此起。可不慎歟。近日細閱各省招冊。彈心竭慮。唯求一是。勉於慎刑。愛惜民命。曷敢稍有忽畧乎。故著此論。以示法司。我君臣同折衷於慎。庶幾獄訟漸鮮。所保全者衆矣。○己亥。

上詣

大高殿萬善殿祈雪○幸瀛臺閱冰技○庚子
諭內閣御史徐國楠奏請酌定隨帶司員數
目以歸簡易一摺在該御史以隨帶司員人
數過多縱無騷擾情事恐辦差胥役等不免
藉端冒銷派累係為驛站節省供頓起見但
欽差查審案件繁簡不同其易於覈辦者即
各帶司員一人已足敷料理儻頭緒紛煩勢

須分投查訊者。或隨帶司員二人。尚覺不敷。惟存欽差大臣。轉飭該司員等。自知檢束。並嚴飭僕從人等。毋得需索擾累。亦無庸豫為限定也。○旌表守正捐軀山東滕縣民趙克棟妻周氏。○辛丑。

上御乾清門聽政○以皇三子綿愷行初定禮
賜宴如儀○諭內閣據吉綸奏書吏蘇芝芳
冒領糧照承審各官改供出罪一案現經審
明各情分別定擬一摺朱棟以臬司大員其
在山東任內竟將罪應擬絞之舞弊司書不
行據實催提秉公審辦輒授意從輕外結罪
固難逭但此案若僅止承審遲延伊豈不知
該管上司處分亦不甚重何至授意屬員故
出人罪擔此重大干係且蘇芝芳係藩司衙
門書吏並非臬司本管更何庸曲法保全恐
案內情節尚有不實不盡或竟係屬員賄求
上官通同一氣均未可定必當詳加覆訊所
有前任山東按察使朱棟告病布政使楊志

信前署濟南府之曹州府知府金湘。濟南府知府張鵬昇。濟南府同知陳理盛。俱著革職。拏問。其蘇芝芳一犯。暫緩正法。同擬絞之張勳。李義。及案內緊要人犯。全紫。卷宗。一併迅速派員押解來京。交軍機大臣會同刑部再行詳鞫。定擬具奏。尋奏上得旨。此案朱棟於舞弊得贓之司書。不據實審辦。輒因案已遲延。改輕外結。著發往烏魯木齊効力贖罪。楊志信於朱棟改擬杖徒時未行阻止。復照詳會轉。著發往軍臺効力贖罪。至所請金湘等可否准其援減一節。金湘因恐干遲延處分。稟商朱棟從輕結案。陳理盛亦順從上司改詳。厥罪惟均。著不准援減。張鵬昇初審即得實情。並未遲延。其咎止於聽從上司改擬。情稍可原。著准其援減。餘依議。○諭軍機大臣等。連次吳璥托津等奏到查勘海口河口。及高堰應辦各工。鐵保等俱附摺請餉。已需銀三百數十萬兩。朕恭閱

聖祖仁皇帝實錄。從前康熙年間。河患更甚於今日。維時靳輔。于成龍。籌辦此事。其所往復辯論者。大抵皆辦工之法。並未見其將需用餉銀。瑣瑣奏撥。試思彼時三藩方定。徹兵未久。當亦在帑藏支絀之時。諒不能源源發給。而靳輔等於議定之後。自行妥辦。迄未嘗以撥帑一事上煩

聖心。迨不數年。而河患頓除。國用並未耗竭。今伊等籌辦河務。每一工必先論需餉若干。每一摺幾於欲請餉一次。無往而非要工。動稱迫不可待。抑知國家經費有常。度支有定。如俸工兵餉等項。按數給發。不能逾時。而各處早潦偏災。必須隨時賑貸。豈能以天下之全力。專辦一處河工。又豈能因一處河工。停止天下經費。朕廑念及此。宵旰焦勞。幾同從前籌辦邪教。其難更甚。著吳璥托津會同鐵保徐端那彥成。三人盡心籌畫。此後河工餉銀。應如何設法布置。除加賦一事。係病民殃政。

斷不准行。又如藩庫各項錢糧以及鹽課關稅並商捐等項皆不在計議之列。即現在已行之土方事例亦無庸再歸籌計外。伊等當從長計議。有可以資助國用。不致病民滋事者。即行詳悉奏聞。候朕酌量施行。○以禮部右侍郎秀寧。內閣學士哈寧阿。署經筵講官。○壬寅。諭內閣。吉綸等奏。訪查廣興在東省審案劣蹟。大概情形一摺。覽奏深為駭異。朕勤求民隱。惟恐閭閻疾苦。墮於上聞。或官吏貪黷營私。病民斁法。必須徹底研究。是以於各省控告案件。覈其情節重大者。特派大臣馳往鞠訊。該大臣仰蒙委任。宜如何秉矢虛公。潔清自愛。乃不料廣興前次兩赴東省審案。任性作威。供頓必須華美。稍不如意。即肆行呵斥。伊與周廷棟同在東省審案。周廷棟全無主持。以致民間竟有周全天下事廣聚世閒財之謠。且初在貢院居住。因長齡升任總督。伊即移住院署。嗣又移至鹽政行館。或

令家人唱曲。或令優伶進唱。於貢院監臨後院開池養魚。據奏通省攤派差費。前後共計銀數萬餘兩。又訊據茌平縣知縣王琅供稱。廣興前在東昌時。通府公攤差費。起身時各送程儀。又司獄任灝供稱。知府嵩山送銀一千兩。聊城縣送銀一千兩。種種劣款。不惟需索騷擾。竟敢任意苞苴。殊出情理之外。此而不嚴行究辦。何以懲貪婪而儆官邪。廣興著交刑部。交軍機大臣。會同刑部嚴審定擬具奏。茌平縣知縣王琅著先行解任。禹城縣縣丞沈鴻勳。泰安府司獄任灝。著革職。交吉綸再行嚴訊。務得確情。迅速具奏。即速解京質對。其知府嵩山。已訊明餽送屬實。著一併解任。押送來京。以憑質對。至周廷棟與廣興同赴東省審案。閱時半年之久。於伊需索受賄各款。豈竟毫無聞見。近日屢經召見。垂詢周廷棟不但力言其並無騷擾營私情事。並以廣興辦事才具明敏。竟似外間物議。冒加

以不韙之名。若謂伊實未聞知。則係形同木偶。儻竟知而不言。則係有心徇飾。且伊在東省。供應亦須日費十餘兩。咎有應得。周廷棟著交部嚴加議處。托津與廣興同赴濟寧審案時。於伊劣款。亦毫無覺察。且據開各公館食用。每日通計銀一百七八十兩。至二百餘兩。托津公館均在此內。亦不免浮糜。托津著交部議處。○又諭鐵保等奏拏獲梟匪慘殺多命首夥各犯。審明分別辦理一摺。梟匪田五等在沐陽縣地方。聽從董際雲主使。糾眾施放鎗礮。拒殺十三命。將張允昌三人支解致死。直同叛逆。可恨已極。該督等接據稟報。即分飭地方文武。帶同眼目。購線訪緝。立將田五等首夥各犯拏獲多名。所辦尚為迅速。惟州差姜太等偵知田五人多。兼有兇器。知會海州營。僅借給藤牌二十面。復經陳沛川帶同郭鳳先向姜太借取藤牌六面。由沈家集前行。用資抵禦。致被田五探知。迎至三尖。

地方施放鎗礮。轟倒似此情形。則該處營伍器械不全。竟同兒戲。殊屬可笑。該督應即查明該管營汛如有廢弛情事。即行叅奏。所有此案田五馬枚。周三。纏三犯。業據該督等審明。照例正法。梟示其董際雲等犯。即著刑部速議具奏。○予福建傷亡外委李合成。祭葬。世職。如把總例。雲南傷亡恩騎尉趙璠。祭葬。世職。如千總例。廣西陣亡千總包成功。祭葬。世職。如守備例。四川打仗未出把總周明廣。東傷亡兵丁黎朝鳳等六十九名。賞卹如例。○癸卯賑兩淮丁溪草堰劉莊伍佑新興廟灣六場被水被旱。竈丁並緩徵富安安豐梁塋河塋東臺板浦臨興中正八場帶徵折價草本口糧銀。○甲辰諭內閣。勒保奏拏獲捏造叛逆匿名揭帖圖陷無辜之犯。嚴審定擬一摺。此案張文美因懷扶私嫌。起意捏造叛逆揭帖。隱匿自己姓名。希圖陷害秦榮等。以大逆之罪。按例已應問以斬候。且川東一帶。

甫經寧輯該犯竟敢捏造逆詞搖惑人心情罪較重毋庸再交部議著即照該督所請將張文美一犯即於該處正法以昭炯戒○予江蘇故翰林院修撰秦大成監察御史彭希洛進士李道南監生張雲章廣東故刑部主事馮敏昌江西故候選同知黃麒瑞陝西故山東德州知州原遜志浙江故刑部主事梁文標四川故廣西河池州知州林中麟入祀鄉賢祠從巡撫汪日章總督署巡撫吳熊先巡撫金光梯方維甸阮元總督勒保等請也○旌卹遇賊被戕陝西生員羅浮鳳等二名如例○旌表守正捐軀湖南興寧縣民龍四海妻潘氏○乙巳命

皇次子綿寧詣

大高殿皇三子綿愷詣萬善殿謝雪○諭內閣前日據吉綸等奏到廣興兩次往山東審案時任性作威苛求供頓日向地方官藉端呵斥暴戾恣睢以致通省攤派差費多至數萬

餘兩並於臨行時收受餽送種種劣蹟實堪駭異當經降旨將廣興拏問查抄家產交軍機大臣會同刑部嚴審現據廣興供認收受知府嵩山餽送銀一千兩並搬移公館開池養魚等款俱已確鑿其餘尚在狡賴而本日據長麟英和等奏查抄廣興家內不但房地甚多財物尤夥除現銀及借出存帳銀七千餘兩不計外又訪出存放帳局銀三萬七千兩並整玉如意多至六柄洋呢羽緞等料多至一千餘件他物稱是此外又有代廣興寄存銀兩之盛師曾盛時彥二人查其家內現有存銀取利確據現在訊問之下盛時彥等尚堅不吐實廣興贓私累累其由來實不可問伊屢次出差山東河南多次恐不但得受餽送或竟於審案之時向地方官威嚇取索甚至將案情顛倒婪贓鬻獄均未可知亟應徹底根訖以期水落石出此案關係甚大著添派大學士等會同刑部堂官嚴行審訊務

得確情按律定擬具奏。其解任之員外郎盛時彥著革職。同盛師曾一併革職。歸案審辦。○又諭據汪志伊常明奏查明湖北施南府知府尹英圖近因耳病漸重。於地方案牘聽斷維艱。若令回任供職。恐滋貽誤。一摺。日前召見尹英圖時。朕即覺其兩耳重聽。今據該督等遵旨查明。該員近日耳疾漸重。自難聽其戀棧貽誤。惟念伊前在軍營曾著勞績。著准令解任。給假回籍調理。如果耳疾治痊。再行送部引見。至外省道府大員。遇有年老有疾之人。該督撫原當隨時甄別。以重地方。即如尹英圖一員。平日見其既患耳聾。聽斷維艱。早應據實奏聞。何乃遲至降旨諭查。始行奏出。汪志伊常明均著傳旨申飭。各省似此因循應職者。恐復不少。嗣後各該督撫惟當隨時秉公察覈。毋得稍存迴護。○又諭據汪志伊等奏審明因姦致死胞兄人犯恭請王命辦理一摺。此案楊綱通姦親嫂。致斃兄命。

按律本應凌遲。該督等審明後。祇應照常請旨正法。何必即請王命。若謀死期親尊長之犯。如此辦理。與行同梟獍者。無所區別。况犯婦鄧氏。又請俟部議。辦理亦屬兩歧。現在楊綱一犯。既已凌遲處死。所有罪應絞決之鄧氏。亦無庸再交部議。著即行處絞。嗣後凡遇有關倫紀等案。當按其服制。分別覈辦。不得一律即請王命。以示準情定法。至意。○又諭吏部奏遵旨議處周廷棟等一摺。朝廷風憲大臣。專司糾劾。遇有營私亂法之員。本應隨時叅奏。方為盡職。前此周廷棟與廣興同赴山東審案。於廣興需索騷擾之事。自必確有見聞。乃覆命後。竟無一字提及。近因廣興緣事革職。經朕面加詢問。廣興出差山東。有無劣蹟。周廷棟仍不直陳。並以廣興才具明敏。支吾掩飾。昨據吉綸等訪查具奏。有周全天下事廣聚世閒財之語。周廷棟雖未婪索。而其庸懦無能。即此可見。復令軍機大臣傳詢。

伊亦稱曾聞此語。並廣興挑斤供應。它池唱曲等事。伊亦有所知。何以經朕詢問。尚不據實奏聞。是其瞻徇友誼。而事上轉不以誠。周廷棟總司風紀。尤不應出此。况伊在東供給。每日需銀十餘兩。亦多浮靡。部議降四級調用。固屬照例辦理。但周廷棟人本平庸。年亦衰邁。且又扶同隱飾。豈可再邀錄用。周廷棟著加恩賞給五品頂帶。即予休致。至托津與廣興同赴濟寧審案後。朕從未將廣興出差。

實錄卷二百四

主

有無需索情弊。向其詢問。且此時廣興事發。伊又奉使出京。托津之未經陳奏。與周廷棟較有區別。但東省所開各公館費用浮多。托津亦未能盡免。所有部議降二級調用之處。著從寬改為降三級留任。仍著罰俸九箇月。均不准抵銷。○以故青海額魯特扎薩克貝子齊默特丹巴子喇特納錫第襲爵。○以兵部右侍郎周興岱為都察院左都御史。調禮部左侍郎萬承鳳為兵部右侍郎。轉禮部右

侍郎戴聯奎為左侍郎。以都察院左副都御史邵洪為禮部右侍郎。○遣二等侍衛策楞多爾濟往奠故土爾扈特汗丹津旺濟勒茶酒。並賞銀五百兩治喪。○丙午。諭內閣宗人府會同刑部審擬宗室弼興與閱武寶爭角。板壞官廳槍桿一摺。近來宗室往往不知自愛。滋生事端。朕屢經降旨訓飭。按律懲治。尚未能痛改積習。今復有宗室弼興。不戴頂繫帶。醉後赴街。向閱武寶索欠。因閱武寶有宗

實錄卷二百四

主

室憤板槍架。你敢板倒槍架。我纔還錢之言。向其激怒。弼興即乘醉將官廳槍桿板折。試思官廳槍架係屬官物。弼興因被言語激觸。輒敢棄毀。殊屬目無法紀。弼興著交宗人府堂官在署。以家法重責四十板。用示懲儆。俟來歲春融。再行發往吉林。交該將軍嚴加管束。至此案閱武寶因負欠被索兩次。用言激令弼興板毀槍架。即與誘人犯法無異。現已按律加等懲辦。並著通諭宗人府王公傳知。

各宗室八旗都統等傳知各旗人均當以此為戒。○以候補三品京堂戴均元為都察院左副都御史。○賞山東等省鄉試年老諸生張庚子等六百四十五名舉人副榜有差。

實錄卷四百

二百

大清仁宗受天興運敷化綏猷崇文經武孝恭勤儉端敏英哲睿皇帝實錄卷之二百四

大清仁宗受天興運敷化綏猷崇文經武孝恭勤儉端敏英哲睿皇帝實錄卷之二百五

欽修
嘉慶十三年戊辰十二月丁未諭內閣據汪志伊常明奏湖北荆宜施道邱勲病故出缺請將試用道胡鑄補授一摺向來外省道府請旨缺出例應由內開單奏請簡放概不准在外保題升補定制綦嚴近因各省督撫遇有請旨之缺輒以捐納分發候補人員開單請簡與例不符特准御史陸言等所奏交吏部申明舊例議定章程如再有違例保題及專摺奏請者將該督撫予以處分乃該省現出有荆宜施道請旨一缺該督撫竟特保胡

鱗一人專摺請簡實屬不合胡鱗本係已故刑部尚書胡李堂之子由廕生加捐道員年齒尚輕於吏事亦未必即能練達該督撫何得意存市恩輒將伊保奏致啟倖進之漸所請著不准行汪志伊常明著傳旨申飭並交部議處○又諭據長齡奏審明一家九命重案一摺此案李五十八與王劉氏通姦以致釀成多命情殊可慘該犯復於劉勇多王劉氏死後割取頭顱希圖裝點因姦被殺淫惡已極設使該犯其身尚在按照殺死一家數命即予以凌遲亦屬罪所應得乃該督奏稱李五十八業經自縊身死已伏冥誅應毋庸議辦理尚覺輕縱李五十八即著戮屍示衆以昭炯戒○又諭此案李松生心疑李若會唆使王老九到伊門前詈罵欲尋李若會理論經伊母老秦氏攔阻不聽隨至李若會門首將其大門擲損維時李若會之妻秦氏在內嚷罵李松生聲言赴官控究欲使秦氏拖

累出醜秦氏因聞控官畏懼投繯殞命伊母老秦氏聞知以李松生不聽教訓致釀人命抱忿自縊該部照依子孫違犯教令以致父母抱忿輕生自盡例擬以絞候固屬按律辦理但李松生因不遵母教威逼李秦氏身死已屬逞忿釀命復致老秦氏抱忿自縊情罪尤重秋審時亦必予勾李松生著改為絞決即行正法以昭炯戒諭軍機大臣等汪志伊等奏拏獲買存護道榜文經卷各犯現在審辦情形摺內據稱此項榜文經卷刊有板片恐其輾轉售買愚民誤行收存者尚多現在通飭各屬留心訪查追繳等語所辦尚未妥協地方胥吏一有查辦之事往往恐嚇鄉愚乘機肆擾今該督撫將追繳經卷一事通行飭屬訪查則胥吏等正可藉此為名勢必將本有經卷之家得錢賣放其本無經卷者任意搜索百計訛詐民間被其擾累不堪漸形忿激豈不慮滋生事端從前該省因查拏

邪教一事。辦理過緊。以致滋釁。汪志伊等豈無聞知。所有查繳經卷。著該督撫等毋庸飭屬訪查追繳。惟當多出示。廣為曉諭。使民間自行呈繳銷燬。即愚民等有匿不銷繳者。亦可出示諄勸。但不得妄事查拏。致涉紛擾。○以故三等公保寧子慶祥襲爵。○以故青海額魯特郡王索諾木多爾濟子車琳端多布襲爵。○賞還降級留任總管內務府大臣英和。阿明阿。和世泰。二品頂帶蘇楞額。常福。

三品頂帶。○旌表守正捐軀江西興國縣民婦劉廖氏。四川渠縣民高懷相妻熊氏。○戊申諭內閣。溫承惠奏清查教漢墾地民人分別辦理一摺。蒙古台吉等專恃游牧為生。所有廠地例禁台吉民人私相授受。自嘉慶五年查勘定界。免其驅逐。不准續將地畝出租。茲據該督查出五年以前占種漏未立樁。及五年以後增添典賃各地戶。尚復不少。現經該督飭令該地方官詳查酌辦。或補行丈量。

歸於納租地戶。或將欠項令其自行清理。或徹地撩荒。以儆將來。惟民人等私開耕種。亦由蒙古貪得銀錢。私行出租所致。著理藩院即行知教漢盟長及扎薩克轉傳各台吉等。經此次查辦之後。毋得再開一隴添居一人。儻仍有不遵例禁私相授受將來。或以欠項不清。懇請驅逐。除將該民人照例懲辦外。仍將各台吉等一體究治。不少寬貸。○又諭欽差大臣仰承簡命。赴各省審辦案件。理宜秉公持正。潔己為先。一切夫馬供頓。應從簡約。地方大吏自揣果無瑕疵。可指設遇欽差有縱恣勒索情事。原當據實揭參。豈可私行結納。轉相饋遺。乃近年廣興出差河南山東。供出阮元曾送過公幫銀一千兩。齊布森等曾送過公幫銀二千兩。長齡曾送過銀三百兩。此在廣興貪污狼籍。其所得自尚不止此。而地方官吏輒相率攢湊幫費。任意苞苴。此風實不可長。阮元齊布森長齡均著交部議。

處此內公幫各員亦著查取職名交部議處尋議上得旨吏兵等部議處饋送廣興銀兩之長齡阮元齊布森等均請降三級調用毋庸查抵一摺係屬照例辦理但伊三人獲咎情節亦微有不同長齡阮元彼時俱係巡撫身任封疆大員固不應有饋送欵差之事惟係出自己貲以盡朋情尚可託詞饋贐其咎稍輕長齡阮元均著加恩改為降四級留任至齊布森前在河南職任藩司乃於衆人攢湊銀兩伊首先出名饋送尤屬不合齊布森人本平常著實降一級作為頭等侍衛留於庫爾喀喇烏蘇領隊大臣辦事仍帶降四級留任以故一等侯額勒登保子哈朗阿襲爵旌表守正捐軀安徽涇縣民王伯振妻李氏己酉以

皇次子履寧行成婚禮賜宴如儀庚戌旌表守正捐軀四川巴縣民劉文誥女長姑免雲南各銅廠舊欠銀辛亥諭內閣閻泰和

奏請定各衙門辦事章程以免稽延一摺各部院衙門議奏事件該堂官等自應集思廣益和衷共濟按其情節斟酌允當或有意見不同之處原准兩議何得因往復商榷稽遲時日致多積壓嗣後各堂官務宜公同會議其承辦司員具稿呈堂或一時未能定議自可再行熟商若有意見參差堅不畫諾者即著兩議具奏候朕裁奪不得仍前輾轉駁商日久宕延貽誤公事將此通諭知之○諭軍機大臣等本日吳熊光覆奏前此降旨詢問各情據稱此次嘆咭喇貨船開艙係在夷兵開帆之後該夷商等央懇洋商轉求常顯經常顯告知吳熊光始派員前赴黃埔察看情形見該夷商數百人情詞迫切至於淚下是以始知會常顯查驗開艙等語但聞其進呈夷稟內吳熊光批詞有俟夷兵退後仍准照常貿易之言看來開艙雖在夷兵既退之後而吳熊光之許其開艙則在夷兵未退之先

該夷兵見許其開艚然後揚帆始去如此光
景恐難保其不乘閒復來永保到粵後著遵
照節次諭旨訪查明確據實具奏毋稍徇隱
設或該夷兵竟敢復來應作何豫行準備之
處並著悉心籌畫妥協經理不可稍涉大意
○以故雲南蒙化廳土縣丞阿鍾琳子鏌鄧
川州從九品土官楊鼎甲子承宗各襲職○
是日己巳年立春順天府進土牛春山寶座
○壬子

上幸瀛臺閱冰技科爾沁郡王棟默特等五人
教漢扎薩克台吉棟羅布等三人喀爾喀扎
薩克親王達爾瑪錫哩等十人青海扎薩克
台吉衮布多爾濟等六人察哈爾和碩特扎
薩克台吉達什沙穆丕勒等二人額魯特副
總管呢瑪等六人四子部落扎薩克郡王朋
楚克桑魯布等九人杜爾伯特土爾扈特來
使二十一人回部貝子邁哈默特鄂三等二
十二人及朝鮮國正副使沈能建等二人於

西苑門外瞻觀○癸丑

上御寧壽宮賜王公大臣蒙古王貝勒貝子公
額駙等食○諭軍機大臣等此次年班朝覲
之回子伯克等來京據金頂回子伊布喇依
木報稱伊父五品伯克阿布都色默特行至
西安墜馬跌傷現在未能趕到等語阿布都
色默特現既墜馬跌傷一時未能痊愈著該
撫即於西安地方撥良醫前往調治並傳諭
該伯克此次無庸急於來京所有本年例應
賞給綉緞瓷器等物仍加恩照常頒賞交伊
子祇領齋回俟年班來京之回子伯克等屆
期回至西安彼時阿布都色默特諒已養傷
就痊即與該伯克等同歸部落可也○四川
總督勒保奏報勒擒果羅克賊番竣事提督
豐紳及出力官弁下部議敘○甲寅
上御撫辰殿大幄次賜蒙古王貝勒貝子公額
駙台吉及外藩使臣等宴賞賚有差○乙卯
諭內閣據勒保奏川省督標舊有馬廠租息

一項曾經提銀一萬兩交商生息添補軍提城守三標營馬兵飼秣之用除按名應給外盈餘者歸督標修製軍裝今查督標雖有存項貼補仍不敷用至其餘各標營均係自行製備更形拮据可否將積存銀兩內另提一萬兩交商生息為省城十一營添補修製軍裝等語軍裝一項兵丁等出差操演在所必需現在川省各兵丁名下因屢次出征多有例扣之項再責令自行添製未免生計倍艱自應量為調劑著加恩再於前項積存馬廠租銀內賞提一萬兩交商按月一分生息自嘉慶十四年為始專為軍標督標提標城守十一營兵丁添補修製軍裝之用以示體恤

○丙辰

孝莊文皇后忌辰遣官祭

昭西陵

上詣

慈寧宮

壽康宮行禮○諭內閣恩長奏部選知府人地未宜請給咨仍令赴部候選一摺新選梧州府知府戈琦甫經到粵其才具能否勝任該撫並未深悉即該員由同知捐升知府尚須歷練亦當俟其到任後試看一二年如果限於才識或有貽誤自當據實奏乃輒因接見之下詢以刑錢事宜未能通曉又云其質地雖不糊塗尚須歷練請仍令赴部候選豈該員另選他省即可無庸歷練乎所奏殊屬非是恩長著傳旨申飭仍交部議處所有梧州府知府一缺著該撫於通省知府內揀選一員調補所遺員缺即著戈琦補授○又諭前於廣興革職後曾諭令山東巡撫藩司詳查廣興前在山東省審案時有無劣蹟旋據吉綸言齡查奏廣興兩次赴東省審案任性作威婪索多款迥出情理之外當即將廣興拏交刑部特派大學士會同刑部嚴加審訊並諭令英和阜保前往廣興家詳細查抄而

廣興竟將所存文契字據豫行銷燬以致無憑根究英和等派令各番役連日嚴密訪查所有廣興寄頓銀兩隱匿房間始得和盤托出辦理實屬認真英和著賞還花翎所有伊與阜保本年因承緝馬諱氏未獲案內降一級留任處分均著加恩開復其出力之六品銜番役頭目馬凱著賞食千總俸六品銜番役王鑑著賞食把總俸無頂帶副頭目林國瑞著賞戴金頂仍食番役錢糧以示獎勵

諭軍機大臣等前經降旨令吳璥托津會同鐵保等將河工需用帑銀應如何設法布置詳議奏聞尚未據伊等奏到現在接據山東河南奏報各撥解河工銀三十五萬兩兩淮商捐之項據報於年內先解銀一百萬兩正月間解銀五十萬兩已共有二百餘萬兩之數所有應行籌辦海口及運口各要工正可及時興辦但朕聞河工効力人員為數過多伊等身在河工即樂於有工而不願於無事

且一人有一人之住居服食並官親幕友隨從人等在在需費未必皆出己資亦未必盡能奉公守法現在廣興之案此即明證焉能以朕之國帑民之脂膏供地方官揮霍結交欽差之用況多一人多一分供應其好生議論者往往獨出臆見是以近年來於並無工段之處忽報新生工段者不一而足未必不由於謀夫孔多之故況効用者既多則專管之員退處事外以致事無專屬意見參差浮糜帑項何所底止若不亟行澄汰不惟於事無濟即使多方籌撥帑金亦終歸虛擲著吳璥托津會同鐵保等詳加察覈將在工効力不甚得力之員及不諳河務者即當奏明徹回或另行簡用免致糜費又諭據成林奏阿奇木伯克郡王伊斯堪達爾懇請祝嘏等語伊斯堪達爾恭順誠敬朕甚嘉悅惟明歲朕五旬萬壽非

皇考高宗純皇帝八旬萬壽慶典可比況乾隆

五十五年。係伊斯堪達爾年班。是以奉

旨允准。明年非伊之年班。若以朕萬壽。令伊萬

里來京。於朕懷柔之意。殊有未協。伊斯堪達

爾欲抒誠悃。祇可屆時專摺恭賀足矣。不必

來京。將此傳諭知之。○以歲暮祫祭

太廟。自是日始齋戒三日。○戊午。以歲暮祫祭

遣官祭

太廟中殿

後殿。○諭內閣溫承惠奏。天津海稅一年期滿。

徵收盈餘。現據司道等公司酌商。請將此項

餘銀。留為本省公用等語。本年天津海稅除

徵收正額餘額外。尚餘銀一萬三千餘兩。本

應一併解交部庫。惟念該省差務較重。公用

多需。既據溫承惠奏稱。經司道等公司商請

留省備用。事尚可行。著加恩將此次海稅溢

餘銀一萬三千餘兩。准其留於直省充公。備

用。以示體恤。○己未。祫祭

太廟

上親詣行禮。○遣官祭

永陵

福陵

昭陵

昭西陵

孝陵

孝東陵

景陵

泰陵

泰東陵

裕陵。○遣官祭

孝淑皇后陵。寢。○遣官祭

端慧皇太子園寢。○庚申。

上御皇極殿。筵宴朝正外藩。科爾沁巴林奈曼

四子部落浩齊特鄂爾多斯蘇尼特扎賚特

扎魯特茂明安土默特教漢阿巴哈納爾郭

爾羅斯翁牛特喀喇沁阿巴噶喀爾喀阿拉

善土爾扈特綽羅斯伊克明安青海土默特

王貝勒貝子公額駙台吉塔布囊等並朝鮮國正副使隨文武大臣依次就坐諸樂並作上進酒。召左翼科爾沁卓哩克圖親王噶勒桑棟羅布科爾沁扎薩克達爾漢親王布彥溫都爾瑚科爾沁郡王棟默特色林扎薩克郡王索特納木多爾濟奈曼扎薩克郡王巴勒楚克土默特扎薩克貝子固倫額駙瑪呢巴達喇科爾沁貝子理藩院額外侍郎鄂勒哲依圖右翼喀爾喀扎薩克親王固倫額駙拉旺多爾濟阿拉善扎薩克親王瑪哈巴拉喀爾喀扎薩克親王達爾瑪錫哩科爾沁扎薩克郡王和碩額駙索特納木多布齋白部郡王銜貝勒哈迪爾喀喇沁貝勒丹巴多爾濟土爾扈特扎薩克貝勒旺扎勒車凌至御座前。賜酒成禮。○以荷花塘漫口合龍後壩身復墊兩江總督鐵保下部議處降河道總督徐端為副總河。副總河那彥成二等侍衛為喀喇沙爾辦事大臣。以刑部尚書吳璥為

江南河道總督江西巡撫金光悌為刑部尚書調山東巡撫吉綸為江西巡撫以山東布政使百齡為巡撫浙江按察使朱理為山東布政使喀喇沙爾辦事大臣廣厚為浙江按察使。○是月兩廣總督永保奏粵東為海疆要區一切吏治邊防以及督緝洋匪各事宜惟當即時整飭以冀官常振作海盜肅清得旨用人最難得人則治朕於此事實切焦思汝資深才敏久荷

皇考厚恩今又受朕簡用若不發見天良盡心辦事朕雖可欺

在天之靈必不宥汝勉効桑榆長承恩眷謹誌毋忽特諭。○是年旌表孝子江西等省熊叨賚等四名順孫安徽省殷燮一名孝女江蘇等省計綏之等七口守節合例宗室綿蘇妻瓜爾佳氏等十一口滿洲明昌妻那拉氏等一百八口蒙古貴保妻白氏等二十一口漢軍李恒齡妻李氏等二十九口內務府多喜

妻蘇氏等九口。各省駐防沈清妻張氏等一百六十四口。直隸等省許天柱妻李氏等七百三口。夫亡殉節江蘇等省姜景垣聘妻符氏等二十四口。未婚守志江蘇等省管學淮聘妻黃氏等二十六口。百歲壽民婦山東等省劉存惠等十九名口。五世同堂江西等省謝游氏等二十家。各給銀建坊如例。一產三男直隸等省許同等七家。會計天下民數穀數。直隸等省通共大小男婦三萬五千二十九萬一千七百二十四名口。存倉米穀三千四十八萬三千八百七十九石四斗一升七合九勺。

實錄卷一百五

九

大清仁宗受天興運敷化綏猷崇文經武孝恭勤儉端敏英哲睿皇帝實錄卷之二百五

實錄卷一百五

九

大清仁宗受天興運敷化綏猷崇文經武孝恭勤儉端敏英哲睿皇帝實錄卷之二百六

纂修總纂官臣劉世明等奉 上諭纂修仁宗實錄 著劉世明等纂修 著劉世明等纂修 著劉世明等纂修

纂修副纂官臣劉世明等奉 上諭纂修仁宗實錄 著劉世明等纂修 著劉世明等纂修 著劉世明等纂修

纂修纂修官臣劉世明等奉 上諭纂修仁宗實錄 著劉世明等纂修 著劉世明等纂修 著劉世明等纂修

纂修纂修官臣劉世明等奉 上諭纂修仁宗實錄 著劉世明等纂修 著劉世明等纂修 著劉世明等纂修

纂修纂修官臣劉世明等奉 上諭纂修仁宗實錄 著劉世明等纂修 著劉世明等纂修 著劉世明等纂修

敘修

嘉慶十四年己巳春正月辛酉朔

上詣

奉先殿行禮

詣遣官祭

太廟後殿御太和殿受朝作樂宣表如儀

詣

大高殿

壽皇殿行禮御太和殿賜王公大臣官員蒙

古王貝勒貝子公額駙台吉及外藩使臣等

宴以

五旬萬壽頌詔天下詔曰朕續承

洪緒臨御寰區思以眇躬託於兆民之上所願

萬方臣庶同臻康樂和親是以夙夜寅畏不

敢暇逸以勤求郅治今茲春秋方屆五旬秉

誠執競惟日孜孜曷敢稍存滿假鋪飾鴻庥

惟念朕繼統膺圖仰荷

上蒼眷命

列聖垂恩虔摯重祐實有度越恒常者邇自乾

隆三十八年

皇考高宗純皇帝精心付託即以朕名默佑

昊穹嗣

詣盛京恭謁

三陵復

親率朕躬面稽

列祖維時雖未明示建儲而大統攸屬沖漠之

中篤承

佑相者已二十餘年至丙辰大廷

授璽恪奉

訓政三年尤為千古未有之隆遇時值承平日久稂莠蘖芽適有三省教匪不靖之事朕日

稟

睿謨授師籌筆知所式循洎親政以後陳律旌庸遂獲翦艾渠魁蕩除羣醜令億姓樂業庶事咸熙更幸四序均調雨暘時若三靈協祉水土平成朕恭受

蕃釐履盈思懼屬者內外臣工効祝輸忱一切繁文縟節概從屏卻惟允懷古訓天子代

天養萬民若以予一人堅執樞樞使德不下究海內希恩倖澤之志鬱而弗宣朕心歎焉爰祇循

茂典俯順輿情舉可嘉惠臣民者布令推恩靡有靳惜前已降旨特開恩榜悉我髦士茲履端肇慶載頒綸綍俾中外遠邇咸霑閭閻溥迓祥和朕用是以仰答

天恩覃敷

考澤廣稱仁壽斯民之意所有應行事宜開列

於後一五嶽四瀆等祀應遣官致祭著察例舉行一

歷代帝王陵寢

先師孔子闕里應遣官致祭著察例舉行一自王以下宗室覺羅十五歲以上者俱加恩賜一滿漢大臣年六十以上者俱加恩賜一內外滿漢文武各官俱加一級一內外大小各官除各以現在品級已得封贈外凡升級及改任著照新銜封贈一國子監貢監生及各官學教習免坐監期一月一各省儒學以正貢作恩貢以次貢作歲貢一滿漢孝子順孫義夫節婦該管官細加誥訪確具事實奏交禮部覈實旌表一八旗滿洲蒙古漢軍兵丁及內扎薩克喀爾喀等蒙古年七十八九十以上者分別賞賚至百歲者題明旌表一軍民年七十以上者許一丁侍養免其雜派差役八十以上者給與絹一匹棉一斤米一石肉十斤九十以上者倍之至百歲者題

明旌表一。直省有坍沒田地其虛糧仍相沿追納者該地方官查明咨部奏請豁免。從前各省偏災地方所有借給貧民籽種口糧牛具等項查明實係力不能完者著予豁免。一各處養濟院所有鰥寡孤獨及殘疾無告之人有司留心以時養贍毋致失所。一各省軍流以下人犯俱著減等發落。一各省監禁人犯著將上年秋朝審緩決至三次各犯仍照節次查辦之例查明所犯情節分別減等

發落其緩決一二次人犯內有案情本輕可與矜原者亦著該部查明請旨定奪。於戲惟一人受茲多福用敷錫厥庶民俾萬姓懷於有仁肆對揚我光命布告天下咸使聞知。晉封儀親王永璇子貝子綿志成親王永理孫貝子奕綸為貝勒免慶郡王永璘前罰王俸一年仍今在內廷行走賞定親王綿恩孫載銓二品頂帶榮郡王綿億金黃朝服蟒袍晉封科爾沁貝子鄂勒哲依圖為貝勒封

喀爾喀親王拉旺多爾濟子巴彥濟爾噶勒為鎮國公賞喀喇沁貝勒丹巴多爾濟子托恩多回部郡王銜貝勒哈迪爾子阿布都薩塔爾公銜科爾沁郡王和碩額駙索特納木多布齋土默特貝子固倫額駙瑪呢巴達喇黃繼晉大學士慶桂董誥太子太師協辦大學士尚書戴衢亨太子少師加吏部尚書鄒炳泰禮部尚書王懿修兵部尚書明亮太子少保壬戌

上御乾清宮賜皇子親藩等宴。賞貝勒綿志三眼花翎。展賑直隸雄安高陽新安任邱五州縣上年被水災民。展賑江蘇山陽阜寧清河桃源安東鹽城高郵泰東臺江都甘泉興化寶應沐陽十四州縣上年被水被雹災民。給安徽潛山盱眙天長五河全椒和六州縣上年被水災民一月口糧。貸江西南昌新建豐城進賢鄱陽餘干星子建昌德安九縣上年被水貧民籽種口糧。展賑甘

肅臯蘭金隴西平羅靖遠中衛寧夏西寧巴
燕戎格九廳縣上年被水被雹災民○癸亥
高宗純皇帝忌辰遣官祭

裕陵

上詣

奉先殿

壽皇殿行禮○諭軍機大臣等本日召見長麟
據稱漕船即日北來江南運河關繫緊要現
在隄岸卑薄請趕緊興修以利牽輓等語漕

運為天庾正供不容稍有稽緩江南河湖各
工在在緊要而運河係漕船經由要路更為
目前至急之圖譬之人身通體患病各證皆
有若不擇其證之尤重者先為下藥療治而
欲將各證同時顧及則藥力不專功效必鮮
日久轉致貽誤此時疏築運河正所謂急則
治標之計該處隄岸卑薄朕早經降旨諭令
鐵保等妥為勘辦近日荷花塘缺口又經那
彥成李亨特辦理貽誤已築復潰以致漫水

四溢即日重運北來何由迅速牽輓此時欲
將運河隄岸增高必須先將荷花塘漫口堵
合而欲將荷花塘合龍又必須先將頭二三
壩口門收窄計算重運將到時日已迫著鐵
保吳璥徐端即速會同定議擇要興工趕緊
辦理俾運河開壩早復舊規庶漕運不致貽
誤彼時再將海口高堰等各工次第趕辦則
緩急先後皆得其序帑項人工亦可不致竭
蹙此次特授吳璥為正總河前往督辦伊到

甲子

上御紫光閣賜蒙古王貝勒貝子公額駙台吉
等宴並賞賚有差○乙丑

上御重華宮茶宴廷臣及內廷翰林以皇朝詞
林典故書成聯句○諭內閣吏部議處巴寧
阿等請分別革職降留一摺鴻臚寺職司贊

儀一切典禮均宜敬謹將事設遇朝會時臣工在朕前行禮贊儀偶有舛誤尚可稍加寬恕元日朕詣

堂子叩祭

天神典禮綦重彼時已寧阿贊禮遺漏若竟依唱贊而行則朕亦失儀矣朕於已寧阿錯贊時仍恭行叩首用告禮成是已寧阿前此遺漏唱贊非尋常錯誤可比且人本粗率從前曾經獲咎著照部議革職該寺堂官恭阿拉

扎郎阿永祚員承寧俱著降二級留任不准抵銷諭軍機大臣等本日據吳璥托津會同鐵保等奏籌議南河經費一摺據稱查鹽斤一項乃民間日用所必需而每口日食不過三錢請於現行鹽價每斤酌加三釐統計兩淮長蘆山東河東兩浙兩廣福建陝西甘肅九處約計每年共可得銀四百餘萬兩似與民生無損而經費少充實於要工有裨等語河防關繫漕運民生時虞宵旰遇有應辦

各工原不惜多費帑金為一勞永逸之計惟是近年以來河患頻仍如海口運口及高堰堤壩等處要工層見疊出需用浩繁國家經費有常豈能盡供工用勢不得不設法調劑茲據吳璥等奏請酌加鹽價以備工需朕思鹽斤一項雖出之於民而與加賦少異似與閭閻生計不致大礙但各省情形亦有不同自難一概而論即如兩淮地方濱臨河岸小民無不藉資保衛則將官鹽量為加增諒所

樂從其兩浙山東與江境毘連且每年漕運亦所必經誼難漠視他如長蘆河東以及閩粵陝甘等省相距較遠於河防利害實無關涉若概令按照加價徵課事理殊覺未協著各該督撫鹽政體察情形如以為事尚可行不必拘定吳璥等酌加三釐之數或就原額量增一二釐准其暫行售賣儻實有礙難辦理之處亦不妨據實奏聞惟當悉心籌議俟奏到時再降諭旨將此諭令知之○又諭伯

麟奏接到緬甸四大萬頭目來文飭令永昌鎮府駁回緣由一摺所辦甚是邊徼地方設有定界斷無天朝外夷均相管轄之理該督以該大萬此次稟帖所開九龍江地方原是天朝與該國所管之地實不成話仍與台布蘇漢字稟帖相同且既稱九龍江又稱蘭雍紀顯係藉詞影射該督已代該鎮府等擬作照會並以該大萬稟內既稱不敢將前次照會稟知該國王則該大萬此次僭越冒稟在天朝鎮府等亦不敢轉稟督撫為詞加之駁飭並將九龍江土司所轄十三板納地方俱是內地所管歷年土司出缺俱由內地揀選承襲等詞明白宣示措詞俱為得體此項照會現由該鎮府行知該大萬如該頭目接到照會後遵照所駁情節謹守舊規即可相安無事儻或再有僭越冒稟情事該督應即據實具奏將此諭令知之○命已革兩廣總督吳熊光來京候旨不必前赴南河効力○丁

卯

世祖章皇帝忌辰遣官祭

孝陵

上詣

雍和宮行禮

火神廟拈香○賞科爾沁卓哩克圖親王噶

勒桑棟羅布奈曼郡王巴勒楚克紫纒○以

山東巡撫百齡為兩廣總督調江西巡撫吉綸為山東巡撫以廣東布政使先福為江西

巡撫調江西布政使衡齡為廣東布政使以

湖北按察使袁秉直為江西布政使調湖南按察使曾煥為湖北按察使以湖南辰沅永

靖道傅鼎為按察使○贈故兩廣總督永保內大臣賞銀一千兩治喪予祭葬謚恪敏○

戊辰享

太廟命

皇次子吳寧恭代行禮○遣官祭

太歲之神○以浙江黃巖鎮總兵官童鎮陞

有心避盜革去頂帶○以浙江定海鎮總兵官邱良功為提督○

上以次辛祈穀於

上帝自是日始齋戒三日○庚午

上詣

南郊齋宮齋宿○諭軍機大臣等阿林保等覆奏查明泉州糧價較貴緣由摺內據稱漳泉地方向賴臺米接濟近年洋匪未靖臺灣商販較少泉州米價稍昂委無通盜濟匪情事

現在蔡朱二逆常到淡水一帶劫掠商船該逆劫得一船即用之不盡往往放回勒贖其無須內地米糧已可概見等語杜絕接濟一事食米最為要務阿林保等既知盜船食米不全資內地偷運祇須將臺灣商販劫掠一船即可用之不盡並借此勒贖是盜匪接濟之源實在乎此該督撫等頻年查辦海口接濟於臺灣販米從未加意籌及何以杜絕蘖芽使之淨盡無怪蔡朱二逆之殘喘尚存也

前已降旨令該督撫將臺灣商販米船應如何妥為防護隨時稽察之處酌立章程奏聞務即妥辦以清盜源又另片奏查勘蛤仔欄地勢番情另行酌辦一節蛤仔欄北境居民現已聚至六萬餘人且於盜匪窺伺之時協力備禦幫同殺賊實為深明大義自應收入版圖豈可置之化外況其地膏腴素為賊匪覬覦若不官為經理妥協防守設竟為賊匪占踞豈不成其巢穴更為臺灣添肘腋之患乎著該督撫熟籌定議應如何設官經理或用文職或駐武營隨宜斟酌期於經久盡善為要再梁上國摺內敘及蔡逆賊船進至蘇魯港之時先已率眾上岸有該處番人與閩居民吳氏擒獲數賊始驚潰而去嗣朱逆復又竄往亦經居民與官兵夾攻敗賊等語該處居民見官兵剿賊即知如此出力著即詳查加之獎賞若係著名賊目多人應即奏明酌賞頂帶以示鼓勵○辛未祈穀於

上帝

上親詣行禮○辛酉明園○詣

安佑宮行禮○壬申諭內閣吉綸等奏查明嘉

慶十一年廣興來東審案經知府張鵬昇金

湘聯銜向前任藩司邱庭澄於庫存節省項

下借領銀四萬九千九百餘兩以備供應等

語奉差大員應得夫馬廩給俱有定例何至

濫行供應需數萬兩之多今廣興赴東審案

已革知府張鵬昇金湘因需費繁多輒聯銜

稟明藩司邱庭澄借領庫項並不慮其駁斥

邱庭澄亦竟聽屬員之言如數支發殊出情

理之外藩司經理錢糧絲毫皆關國帑即因

公挪移尚干例禁況不過供給所需竟敢擅

發庫項以資豫備公館食用希圖見好於欽

差實為外省惡習且藉此為名浮冒多銷從

中侵蝕未必果係辦差之用似此相率效尤

非虧短庫項即攤派閭閻獎實叢生何所不

至此而不加以懲治何以杜逢迎而飭法紀

朕又豈能因此停派欽差審案一任民間冤

抑不為申理乎所有此案濫支庫項之前任

山東布政使邱庭澄著革職拏問交大學士

等會同刑部提同另案問以杖徒在部待質

之張鵬昇金湘嚴審加等定擬具奏為天下

直省祇知逢迎固顧名義無恥小人之戒至

前任高唐州孫良炳前署滕縣之禹城縣董

鵬翺雖遭廣興呵斥並不遵攤差費忿激告

病殊屬可嘉伊二人於病痊後著該撫給咨

送部引見候朕降旨○又諭前因召見周廷

棟詢以廣興奉差東省有無貪婪劣蹟周廷

棟力言其無尚以廣興才具明敏支吾掩飾

曾降旨給以五品頂帶休致茲據山東查明

覆奏廣興審辦李瀚一案即得銀至數萬兩

之多周廷棟同赴山東於廣興得受贓款竟

毫無聞見該省供應廣興極其繁華周廷棟

照常豫備伊即不加挑斥寧不疑及廣興之

任性作威為婪索地步且於朕詢問時猶以

廣興尚屬敢言。廣興盜弄威福。恣其慾壑。奇貪奇酷。品行卑污。獲罪在此。朕豈因廣興敢言加之罪戾乎。是其庸懦無能。奏對又復顛倒失實。本應發往新疆。姑念其年已衰邁。免其遠戍。但周廷棟如此辜恩。亦何顏再膺章服之榮。周廷棟著革去五品頂帶。永不敘用。又諭清安泰奏密查廣興從前赴豫審案婪索款蹟一摺。據稱廣興初次赴豫除公送盤費銀二千兩外。實不聞另有餽送。第二次

赴豫據巴哈布供該省司道以前送盤費二千兩尚不滿意。當即另湊銀一萬兩交巴哈布寄送。三次赴豫因藩司齊布森向臬司諸以謙道員呂昌會談及上次曾有司道公送廣興程儀一萬兩之事。此次祇好照前辦理。隨與臬司諸以謙道員呂昌會知府阿勒景阿湊銀一萬兩仍交巴哈布轉寄。並據稱前兩次巡撫馬慧裕均送盤費銀五百兩等語。廣興任性作威。肆意婪索。前在山東審辦李

臨控案。恐嚇取財。數至累萬。茲據清安泰查明伊二次三次赴豫。又得受程儀二萬兩。經朕親加廷訊。業據供認屬實。除已降旨將廣興正法外。所有致送程儀之馬慧裕齊布森諸以謙呂昌會阿勒景阿均著交部嚴加議處。巴哈布前因為廣興豫備公館已照部議降三級調用。今又查出兩次寄送銀二萬兩。著再交部嚴加議處。又諭廣興前在東豫兩省審辦控案。任意威嚇。婪索贓銀。數至累

萬。經朕親加廷訊。已降旨將廣興處絞。廣興種種藐法營私。伊雖已身罹重典。尚覺罪浮於法。廣興之子蘊秀現係通政司學習經歷。並著革職發往吉林充當苦差。以示懲戒。已革侍郎廣興以罪伏法。免陝西洋縣十一年未完額賦鹽課。展賑兩淮丁溪草堰劉莊伍佑新興廟灣六場被水竈戶。癸酉上御山高水長。賜王公大臣蒙古王貝勒貝子公額駙台吉及外藩使臣等食。至丙子皆如

之諭內閣廣興奉差豫東二省擅作威福
賊私壘其勢燄薰灼幾於人人切齒而在
廷大臣及言官等從無一人彈劾若云實無
見聞其誰欺乎上年廣興緣事革職後經朕
降旨令山東河南密行查訪始俱一一敗露
設早有人奏及小懲大誡何至狼籍如此之
甚朕召見臣工從無虛日何嘗於廣興獨加
信任乃諸臣等並不據實劾奏惟相與隱忍
待其稔惡自斃豈公忠體國之道乎今廣興
業經伏法其平日緘默不言之臣工等本應
一併交部議處姑念人數過多免其深究仍
俱嚴行申飭至科道職司言路其籍隸本省
者見聞尤確廣興如此敗檢婪贓與周廷棟
在東省審案竟有周全天下事廣聚世間財
之謠該省科道焉有不知之理乃並無白簡
從事者謂非心存觀望而何近日科道風氣
惟知毛舉細事或更改成例以博建白之名
實則欲藉此見長干進或竟受人囑託邀譽

沽名皆難逃朕洞鑒伊等於無關緊要之事
動輒瑣屑陳奏遇此等大奸大惡轉相率容
隱國家又安用此臺諫為耶所有自嘉慶十
一年以後籍隸山東之科道均著交部議處
以示懲儆○乙亥

上詣

安佑宮行禮○御正大光明殿賜朝正外藩等
宴作樂賜酒如除夕儀○御奉三無私殿賜
皇子親藩等宴○丙子

上御正大光明殿賜大學士尚書等宴○以皇
三子綿愷行成婚禮賜宴如儀○諭軍機大
臣等昨經降旨將邱庭澂革職拏問交大學
士刑部嚴訊本日據奏訊問邱庭澂供稱欽
差到濟寧時張鵬昇等稟請暫借各府州縣
養廉以備支應邱庭澂因關繫庫項曾經具
稟長齡長齡當下將稟帖交還旋於是晚差
家人告知藩司令其暫行借給邱庭澂隨借
給銀四萬九千餘兩伊任內尚未歸款完結

並據張鵬昇金湘同供伊等曾將支借養廉墊辦供應同明巡撫等語實出情理之外庫項關繫國帑絲毫不容挪移如果藩司違例借支巡撫尚當加之叅劾豈有藩司徑稟巡撫巡撫遽准藩司將庫項借給屬員俾資供應欽差之理廣興貪婪不法恣意橫行固屬可恨而外省一味以供應欽差為名擅動庫項上下一氣扶同弊混該省吏治又豈可問究竟伊等平日辦理地方公事有何弊竇慮

其指摘而為此逢迎消弭之舉此而不嚴行懲辦法紀安在現在和寧已卸烏嚕木齊都統之任將屆回京著伊於接奉諭旨後即速馳驛前往蘭州署理陝甘督篆一面傳旨將長齡革職拏問嚴行審訊具奏如果長齡供認屬實並無狡賴即定擬發往伊犁由驛具奏將長齡監禁候旨如長齡堅不承認竟與邱庭澄等供詞互異即一面具奏一面派員將長齡押送來京與邱庭澄等對質另候覈

辦將此諭令知之○丁丑追封故貝子綿懿為貝勒命輔國公載錫帶領侍衛十員往奠茶酒○戊寅諭軍機大臣等本日召見賽沖阿詢及洋面情形據稱閩省漳泉二郡向不產米全仰給於臺灣從前商販流通食貨贍足皆緣商船高大梁頭有高至一丈數尺者又准配帶礮位器械開遇盜船克資抵禦近年洋匪不靖恐其牽劫商船梁頭不准過高又恐礮械出洋有接濟盜匪之事不准攜帶

商船畏懼盜匪無不裹足聞有出洋之船多被盜匪擄劫米石既資盜糧船隻亦為盜有兼有勒贖情事是以商販不通漳泉米貴之由在此刻下蔡逆實已窮蹙可否仍准用高大梁頭並配帶火藥器械則遇盜足資抵禦等語盜船接濟之源最重食米其搶劫食米既專注臺灣商販之船則商販往來首當防範該督撫不此之慮而祇向內地口岸設法稽查辦理尚非扼要上年冬間因御史條奏

曾經降旨交該督撫等妥議辦理近因該督撫奏泉州米貴緣由復經降旨詢及此時不可不熟籌良策迅速施行朕思兵船在洋勦賊東追西逐總未能肅清洋面迨經嚴飭跟追窮其所向又往往以海洋遼闊不能遇賊為詞揆厥緣由或係盜船畏懼兵威望而卻走亦或竟因兵船無可劫掠故盜船不復駛近而兵船亦遂無可致力此時商船既因船小無備每為賊所吞噬若照賽沖阿所議遽

令改易大船多帶火藥器械又慮賊匪牽劫所獲滋多而商船出洋之後無可稽查更難保無不肖奸徒陰為接濟此時欲求其有利無弊莫若酌派兵船與之同行在商船資兵力衛護可以無慮盜劫而亦不至啟奸商濟盜之漸在兵船既可衛護客販杜絕接濟設遇盜匪肆劫前來更可藉以攻勦向來兵船商船各有旗號盜匪可以瞭望而知不如將所用旗號渾為一色勿示區別則盜船駛近

之時可以立整兵威乘機注勦不但大獲勝戰並可翦縛渠魁即為勦捕起見亦計無逾此且商販流通漳泉一帶得免食責而盜船無由接濟盜萌即可從此杜絕此為正本清源之道但須妥議周詳行之不致窒礙豫除一切弊端方為盡善著即將如何辦理緣由詳議速奏將此諭令知之○己卯

上御山高水長賜王公大臣蒙古王貝勒貝子公額駙台吉及外藩使臣等食○庚辰諭內

閣朕恭閱

聖祖仁皇帝實錄內載前明宮內每年用度金花銀九十餘萬兩光祿寺每年送內所用各項錢糧二十四萬餘兩每年柴炭等項又不下數萬兩維時康熙年間宮中用度已大加刪減較前明宮用尚不及十分之一我

皇考高宗純皇帝臨御六十年恪守

前規益加儉約比較康熙年間宮用更為減省

朕紹膺丕緒

家法祇承屏斥浮靡躬行節儉一切宮中支用均照乾隆年間舊例遵行罔敢稍逾誠以一人恭己百爾承風惟恐稍涉紛華易滋煩費若臣工等果能仰體朕意共礪廉隅亦何致有簞簋不飭之事即如廣興前赴東豫二省審辦控案貪黷款跡種種旋因逮問伏法皆由伊不自檢束狎玩優伶任意花消勢必須婪索多贓供其揮霍殊不知一經敗露憲典難寬脂膏轉不能以自潤此縱欲敗度者之

所以自貽伊戚也且廣興奉差審案原令其詳覈獄情訪查弊竇乃該省地方官輒以供應餽遺希圖見好伊等平日辦理地方公事若果無可指摘又何必為此逢迎消弭之舉此明係屬吏長官扶同一氣稔知廣興素性貪鄙又喜多言遂爾指捐養廉竭力彌縫飽其慾壑罔知節省該員等所得廉俸原以贍其身家潔其操守今既需浮濫支應自必所費不敷擅挪庫項即使事後歸還而以有定

之俸廉供無窮之糜費勢不能不派累閭閻多方朘削迨至劣款發覺與受俱有應得之罪揆厥所由總由諸務不加撙節之故嗣後內外大小臣工惟應交相勸勉儉以養廉毋蹈浮靡覆轍以副朕整飭官方至意將此通諭知之○又諭吳璥托津奏遵旨將荷花塘工程辦理不善之錢澐李亨特審明定擬具奏一摺此次荷花塘築隄處所因河底稀淤甚深壩基未能穩固合後復開不特糜帑需

時而下游田廬民舍所損實多錢澐以微末汎弁妄行倡議咎無可恕著照所請發往伊犁充當苦差李亨特承辦緊要工程輒照錢澐所勘力為從憑那彥成本不諳河務輕信其言致壩基不能堅實已合復開李亨特本應發往伊犁姑念伊亦係誤聽人言急欲戴罪尚非有心貽誤著加恩改發熱河効力贖罪○辛巳諭內閣吏部奏嚴議馬慧裕等餽送廣興盤費銀兩請分別降革一摺欽差查

辦事件原應潔已奉公屏除餽遺即使有一二交好解囊相贈尚應遠嫌辭卻乃廣興任意苞苴其初次赴豫時轉以公送盤費銀二千兩未遂所欲復於二次三次需索銀共二萬兩交巴哈布寄京在廣興貪黷無厭固屬罪不容誅而該省司道等因廣興初次赴豫未為滿意輒兩次攤湊銀兩餽送數至二萬兩之多竟若援以為例自由該司道等平日辦理地方公事多有弊竇恐被廣興指摘為

此逢迎消弭之舉實屬卑鄙不職齊布森諸以謙呂昌會阿勒景阿巴哈布均著照部議革職至馬慧裕兩次餽送廣興盤費銀一千兩已屬不合又失察所屬司道湊送銀兩亦難辭咎姑念伊所送銀兩係自出己資較之齊布森等公同攤湊尚屬有閒所有部議降四級調用之處著加恩改為革職留任○又諭吏部奏請將江蘇省審辦金山寺僧一案率轉率題之臬司巡撫議以降調一摺此案

金山寺僧志學呈控王兆良糾約焚搶毆斃多命情節甚重該省地方官辦理因循實為惡習且正兇尚多未獲又未能將陳五瞎子中途奪犯各情詳細究出除承審之府縣等已分別革職治罪外臬司為刑名總匯僅據承審官詳文草率定案轉詳殊屬有乖職守江蘇按察使龔圖著照議降三級以江南沿河知府補用至巡撫汪日章率行覆勘具題亦有應得之咎姑著從寬改為降三級留任

餘依議○以浙江糧儲道穆克登布為江蘇按察使廣東高廉道馬書欣為河南按察使以二等侍衛哈豐阿為庫爾喀喇烏蘇領隊大臣○癸未

孝聖憲皇后忌辰遣官祭

泰東陵

上詣

恩慕寺

恩佑寺行禮○以大學士祿康兼步軍統領○

予故步軍統領宜興祭葬如例○甲申

上幸萬壽山○諭內閣薛大烈奏查明色克通

阿任內馬政廢弛及砍伐官山木植情形一

摺據稱古北口餵養馬匹向係於立夏前撥

一半往牧廠出青秋末後即回槽飼餵今查

知色克通阿在任時於上年春閒差派把總

毛大忠等於口外馬廠蓋造棚槽二百餘間

費用銀二千九百餘兩使馬匹在廠過冬冀

期節省草乾經將備等再三稟阻仍執意辦

理現經派員往查馬廠地方山荒草枯河冰

凍結馬匹飢渴交加疲瘦過甚以致行走無

力歸槽甚難又在槽馬匹亦經該提督驗明

因麩料不足均致疲乏其馬廠新建棚槽計

用木植一萬五百餘件上年興工時色克通

阿諭令外委楊天和在富貴山地方購辦現

在查明該處樹株狼籍滿地車輛斧鑿甚多

有民人劉添明在彼結夥砍伐已拏交地方

官審辦等語馬匹關繫差操必須餵養臆壯

每年出青回槽例有期限乃色克通阿前在

古北口提督任內將出青馬匹竟令在牧廠

過冬以致疲乏不堪幾於不能行走而在槽

之馬因麩料減少亦俱一概羸瘦實屬逞臆

更張廢弛營務且擅砍官山木植建蓋馬棚

以致愚民乘機牟利結夥入山大千例禁其

咎均重除另降諭旨交薛大烈再行確切查

明色克通阿在任有無別情另行覈辦外色

克通阿著交部嚴加議處先將烏魯木齊都

統開缺即著來京聽候部議○諭軍機大臣

等據積拉堪等奏盤查烏什倉庫虧短並究

出佛倫保索取禮物等款據實叅奏一摺佛

倫保身係新疆辦事大臣到任之始因阿奇

木伯克送禮皮張內數目短少不肯收受即

令章京達靈阿代為傳說令各補足送去現

據達靈阿及阿奇木伯克俱已供認並違禁

役使兵丁擡轎又收受管理屯田處公送禮

物亦已訊明是佛倫保之貪鄙妄為實有確

據且於烏什倉糧虧短之處並不查明叅辦。即冒昧陳奏無虧。佛倫保著傳旨革職。拏問。交該將軍松筠嚴審定擬具奏。至烏什倉貯糧石共計二十餘萬。現據奏稱盤量十一萬。業經虧短一千二百餘石。將來盤查完竣。恐尚不止此數等語。佛倫保甫經到任。所有虧短倉糧。恐係歷任積虧。或竟有輟轉交代捏報。並無短缺情弊。不可不徹底根究。新任烏什辦事大臣納爾松阿著於到任後將此項

各處倉糧逐細盤查。究係虧自何年。其時辦事大臣係屬何人。一併據實叅奏。其專司糧餉之小京官張觀並著革職。歸案訊辦。將此各傳諭知之。○調寧夏將軍興奎為烏魯木齊都統。以鑲藍旗蒙古副都統珠隆阿為寧夏將軍。內閣學士明志兼鑲藍旗蒙古副都統。賞三等侍衛福勒洪阿頭等侍衛。為伊犁領隊大臣。○乙酉。諭內閣松筠等奏遵旨辦理叛匪緣由一摺。寧陝遣戍降匪。本係桀

驁不馴之徒。狼子野心。日久斷難安靜。朕早已料及。節經降旨。令該將軍叅贊等密為留心查辦。不可姑息。今塔爾巴哈台安插降匪蒲大芳等三十一人。果有聚謀不軌之事。可恨已極。松筠一得祥保之信。即密派伊犁領隊大臣色爾袞前往。藉巡查金廠為名。不動聲色。與祥保及本處領隊大臣百順愛新布連夜帶兵分赴各屯。將蒲大芳等悉數拏獲。鞠訊之下。該犯無可置辯。立將該降匪等三

十一名處斬。梟示所辦妥速。可嘉。松筠派色爾袞前往。可謂得人。祥保色爾袞百順愛新布均著交部議敘。其隨往奮勉之滿洲錫伯索倫察哈爾額魯特等處官兵著松筠等記功。記名遇缺儘先升補。其出力之綠營弁兵著行文陝甘總督。遇有本營缺出。即行拔補。以示鼓勵。至馬兵陳先貴步兵張洪二人。同由寧陝遣戍。前往一聞蒲大芳等商議謀叛。即逐一指名首告。實屬能知大義。著加恩均

即以把總超用撥歸烏魯木齊提標當差准其娶妻成家用示激勸至此外同在塔爾巴哈台當差之戍兵馬友元等二十四名松筠現在派令雷仁前往帶赴伊犁安插並請將南路分戍之寧陝歸伍兵丁一百三十七名一併陸續調赴伊犁安插所辦甚是松筠仍當督飭各營將領留心防範有犯即懲不可稍存姑息○丙戌諭內閣前因審辦廣興出差婪贓一案言官等竟無一人彈劾特令將

籍隸山東之科道查取職名交部議處本日據吏部奏請將該員等均議以降二級留任尚覺過輕科道職司糾劾遇有不公不法者原應隨時叅奏乃廣興兩次奉差前往山東審案時擅作威福贓私累累聲名狼籍其籍隸山東之科道豈無聞見即一時不能得其貪婪實據按款叅奏亦應將外間傳聞周全天下事廣聚世閒財之謠及早密陳以備查訪朕自能權衡辦理乃心存觀望相率緘默

不言殊非國家設立臺諫之意近日科道各員條奏大率摭拾細故或由部院衙門擢用者即將原衙門成例多方挑剔有意紛更細覈多不可行此內或挾私報復或受人囑託均未可定而於此等敗檢婪贓之大臣並無一人指名登諸白簡若不嚴行處分何以懲所有光祿寺卿前任兵科給事中汪鏞光祿寺少卿前任刑科給事中賈允升兵科給事中周廷森掌廣東道御史李本楡掌江西

道御史孔昭虔江西南安府知府前任掌京畿道御史蘇兆登均著於現任內降一級調用○以翰林院侍讀學士吳烜侍讀蔡之定署日講起居注官○朝鮮國王李珣遣使表賀

萬壽冬至元旦三大節進貢方物命例外豫進本年

萬壽貢物准作下年正貢並賞賚筵宴如例○丁亥諭內閣朕自嘉慶四年親政以來簡擢

各省臣工文職自藩臬以上武職自總兵以上於來京瞻覲時俱籲請恭謁

裕陵經朕加恩允准俾申感慕之誠計至今已

閱十年餘矣彼時該員等或因曾受

皇考簡用渥恩經朕復授顯職特於陞見時懇

請叩詣

山陵藉展忱悃原係理所宜然現在各省文武

大員多係在乾隆年間庶寮經朕漸次擢

若亦准陳請叩謁未免無所限制嗣後升任

來京入覲之文武大員著無庸再行奏請○

諭軍機大臣等董教增奏查明安徽省虧空情

形請酌改彌補章程以收實效一摺安徽各

州縣未完倉庫兩項共銀一百八十餘萬兩

經歷任巡撫先後奏請展限彌補至嘉慶二

十二年即可全數清完茲據董教增奏數明

節年提解銀數僅完銀五十餘萬兩而自八

年以後實又虧銀三十萬九千餘兩是名為

彌補虧缺實則掩舊挪新若不實力清釐何

所底止此項倉庫未完銀兩本係格外施恩

准其密為籌補必須立定章程期收實效方

可於事有濟該撫摺內稱銜途州縣差務賠

累處於不能不虧之勢等語看來該省彌補

不力總藉口於差務支應浮費繁多以致未

能節省報解此實近年陋習殊不知驛站支

應本有例銷之款即稍有不敷亦應設法調

劑何得藉此虧缺庫項盈千累萬若不亟加

整頓杜其流弊即年年彌補亦不能覈實清

理嗣後該撫惟應通飭所屬大加減省不惟

欽差過境不得任意浮糜即本省大吏遇有

查閱營伍履勘地方等事一應尖站供頓亦

當倍加儉約該州縣等自不致有賠累續虧

之弊至此時新虧各員本應查明懲辦姑念

輾轉接受人數衆多且致虧之由尚非侵漁

入己著照該撫所請將新虧之項准其自十

四年為始分限四年完繳如尚有拖延即著

嚴叅究辦其無著之九萬餘兩先行彌補於

大清仁宗受天興運敷化綏猷崇文經武孝恭勤儉端敏英哲睿皇帝實錄卷之二百六

實錄卷之二百六

七九

大清仁宗受天興運敷化綏猷崇文經武孝恭勤儉端敏英哲睿皇帝實錄卷之二百七

欽定四庫全書

欽定四庫全書

欽定四庫全書

欽定四庫全書

欽定四庫全書

秋修

嘉慶十四年己巳二月辛卯朔諭內閣本年

實錄卷之二百七

七九

朕五旬萬壽慶辰各直省督撫並將軍都統副都統提鎮等均情殷祝嘏屆期自必奏請來京惟是外省文武大員俱有統轄地方之責若彼時紛紛赴京非所以重職守特命軍機大臣等將外省大員內近有曾經年班陛見來京者詳悉查明茲據開單進呈已於單內用硃筆圈出所有文職之督撫著派溫承惠和寧阿林保勒保注日章吉綸成寧阮元先福常明韓蔚章煦其武職之將軍提督副

都統著派富俊德楞泰薛大烈田永桐恒福
斌靜屈期均各前來叩祝此外未經派出各
員俱毋庸復行瀆請即有奏請之摺朕亦斷
不允准將此通諭知之○諭軍機大臣等阿
林保等奏舟師分勦蔡朱二逆情形一摺蔡
逆止餘七船賊勢衰弱已極著即通傳提鎮
等務先專注蔡逆勿任漏網其次則朱潰亦
係稔惡巨魁現在被勦窮蹙必當設法殲擒
又據奏籌議海洋接濟一摺盜船伺劫食米
多在臺洋前此阿林保等亦曾自行奏及朕
連次降旨諭令設法防範亦非竟令勦捕兵
船置賊不辦專以護送商船誠以兵船與商
船同行不分旗號則賊匪無所辨別一經駛
近兵船正可乘機攻勦而商船又可免劫奪
勒贖之困該督撫不可不加重籌辦至杜絕
火藥透漏一事阿林保等摺內敘稱赴山東
採買時填明斤數並於經過關隘逐一查驗
以及在本省出產地方封閉嚴查等事總在

行之以實並恐武營中或有不肖弁兵私偷
盜賣情事嗣後該省於採辦硝磺到日分給
各營存貯時亦當酌予限制不可令其存積
太多至啟侵盜等弊庶於勦捕有裨將此傳
諭知之 旌卹遇賊捐軀陝西南鄭縣廩生
張漢升如例 壬辰以舉行仲春經筵遣官
告祭

奉先殿

傳心殿

上御文華殿經筵直講官瑚圖禮戴衢亨進講
中庸脩道之謂教講畢

上宣御論曰天之生人各正性命性有善有不
善之分則在道有脩有不脩之故耳果養其
赤子之心循其本來之性加以就傳成童琢
磨訓迪之功自受變化氣質之益四端既正
庶事咸宜皆吾性之本有毫無人欲之私所
謂道也道也者要在自脩也性與道雖人所
同得聖與狂亦一念所繫氣稟有清濁之不

同趨向有理欲之所適斯所以不能盡率其性就迷途而失正路者多矣惟聖人大為之防禮以節之樂以和之政以齊之刑以禁之使賢者知所彊勉不肖者知所儆戒以復其天命之性所謂教也道由性而出由教而明天所賦之本性人所受之正理誠不可須臾離也教之功用又在於自勉進修勤學好問虛衷延納毋自滿假能如是孜孜不倦日引月長永不失天命之性推己及人庶幾感化興起教之功致豈淺鮮哉直講官英和曹振鏞進講書經刑期于無刑講畢

上宣御論曰聖王體天好生大德孰願用刑法以治庶姓哉天道有春溫亦有秋肅雨露雷霆無非教也聖王德禮以化民刑法以去莠政有用刑之典心期於無刑之效也蓋不得已之苦心非忍于殘民以逞欲同胞物與之懷豈甘聽宛轉呼號之慘哉人能遷善改過刑原無所用不至越禮犯上刑本無可施馴

至于刑措之治則賢才日多不肖者益鮮五教昌明于世矣兆庶既衆良莠不齊備于教必罹于刑能懷刑必循乎教夫刑禁于已然而教感于未然明刑固因弼教究不若修德以省刑也古先聖王以教化為首務至于萬不得已而後用刑故唐虞之世所誅不過四凶耳後世多設科條民多偽詐終無刑措之期矣嗚呼予惟謹身有德勤求治理心希古訓政勉前修期與吾民共登仁壽之域以協

咸中有慶之治或可期無刑之願矣夫禮成

上幸文淵閣賜講官及聽講諸臣茶復賜宴於

本仁殿 癸巳遣官祭

文昌帝君廟 命河南衛家樓善後工程及

修防歲料幫價銀自二十二年起分限接徵

甲午遣官祭

先醫之神 諭內閣昨因崔幅兒等五犯在

香山一帶地方糾結多人強劫多次甚至搶劫番婦物件不法已極業經降旨斬決並將

該管大臣及官弁等嚴議處矣香山附近京城為園亭重地朕每歲臨幸閱操暫時駐蹕該處營汛官弁理宜倍加小心巡緝乃竟有強劫重案駢首就戮者至五犯之多該步軍統領及總兵等雖經奏聞並未將該管營汛官特行嚴叅宜與係專管之員亦未奏請處分均屬非是除宜興業經病故毋庸置議外英和阜保均著交部議處其該管營汛官弁仍著該部遵照前旨嚴加議處速行具奏

諭軍機大臣等前據佛倫保奏伊謝恩奏摺交和寧遇便遞發經和寧擅行拆閱將白摺代換黃摺等情當即降旨著和寧明白回奏茲據和寧覆奏稱上年八月內佛倫保接奉諭旨補放烏什辦事大臣隨寫清字信一封將謝恩摺一件寄交伊處囑其細閱如有措詞不妥之處求為改正遇便遞發查看摺袋並未封口因原摺清文妥適未曾更改一字惟計算遞到日期恭值萬壽聖節前後代

為更換黃摺以符體制並將佛倫保所寄原摺原信及寄覆信稿一併呈覽等語閱和寧覆奏情節並進呈各信件斷非出於捏造佛倫保自具謝恩奏摺本應緘封照例交遞乃不將摺袋封口寄信洩求和寧酌改迨和寧代為更換黃摺轉遞匿前情叅奏和寧此等陰險小人可惡已極佛倫保懷欺賣友其過尚小乃敢於朕前為此謊奏其居心實不可問佛倫保前已另案革職拏問著松筠即將

抄出和寧覆奏之摺並原寄各信件俱給伊閱看傳旨將佛倫保先責四十板問伊捏詞具奏是誠何心所有積拉堪前叅伊貪鄙妄為各款松筠逐一審訊明確即遵旨加等定擬並將此次挾詐捏奏情節一併歸入問擬罪名請旨將此諭令知之○以圍捕四川果羅克賊番出力賞綽斯甲頭人安奔等職銜有差命於直隸被水地方減價平糶賑餘漕米乙未諭內閣刑部奏將在京現審及

解部轉發案內問擬遣軍流徒各官犯並發遣宗室開列清單其應減不應減之處請旨遵行一摺朕詳加披覽內遣犯佟明一起因修改住房受買民人許善等偷創城執希圖省價尚非自行拆毀又流犯他思哈一起因乏用將業經契典住房朦朧重典准竊盜問擬又徒犯高華一起在筆帖式任內因窮苦難度私往找尋素好之候補通判李逢年旋即自行投首又發往盛京宗室綿碗一起誘

引民人李大等在家賭博並未在外滋事均著加恩准其援減交該部查明原犯罪名按照奏定章程辦理其餘各犯俱不准援減諭軍機大臣等吳璥奏查明江南黃運河湖現今實在情形一摺並分別辦理條款開單進呈朕詳加披覽所論俱是南河敞壞已久其病百出即如吳璥摺內所稱海口固須挑濬而大隄不能堅鞏則一經旁洩挑亦仍淤蓄清固屬至要而隄壩不能修復則一遇盛

漲蓄亦必潰今開壩無減黃之路五壩無節宣之方倒灌之後倍難救治等語所言實為切中事機此時辦理各工應如何分緩急先後之處朕均不為遙制吳璥現任正總河自應主持定見與副總河徐端盡心經理但恐於地方呼應不靈鐵保以總督兼轄河工當隨時相助為理俾諸事不致掣肘以期次第補苴將此諭令知之

上以祭

社稷壇自是日始齋戒三日丙申春分朝日於東郊遣豫親王裕豐行禮諭內閣福長安係曾獲重罪之人經朕曲加恩宥復擢為副都統乃於署理古北口提督任內明知色克通阿辦理該營馬匹事務不善並未糾叅去歲來京屢次召見經朕詢及古北口提督任內有無事件伊僅奏稱無事轉告知薛大烈囑其查辦殊屬糊塗不勝副都統之任福長安著降一級加恩賞給頭等侍衛補授圍

場總管所遺熱河副都統員缺著毓秀調補
圍場總管阿蘭保著來京仍在乾清門頭等
侍衛上行走以故土爾扈特扎薩克卓哩
克圖汗丹津旺濟勒兄納木扎勒多爾濟襲
爵並授正盟長以散秩大臣敬敘為正白
旗漢軍副都統丁酉
孝淑皇后忌辰遣官祭
陵寢祭

先師孔子遺榮郡王綿億行禮戊戌祭

大社

大稷

上親詣行禮幸圓明園己亥遣官祭

關帝廟庚子

上幸靜明園詣

龍神廟拈香辛丑

孝康章皇后忌辰遣官祭

孝陵諭內閣本年萬壽恩詔條款內將軍流
以下人犯分別減等因思從前緣事革職問

擬文武各員內如倭什布因陝甘督標營伍
廢弛革職發遣成明因向屬員借銀並擅用
刑夾革職發遣舒當阿因豫支養廉攤扣馬
棚銀兩革職發遣雷仁因添製軍裝率照前
任濫支廉俸銀兩革職發遣仙鶴林因陳奏
事件措詞謬妄革職充徒以上廢員五人或
曾經帶兵著有微勞或獲罪案情較輕或現
在年已老邁俱著加恩釋回本旗原籍其有
本在駐防者著仍回駐防以故杜爾伯特

扎薩克貝子索諾木丕勒弟喇特納巴咱爾
襲爵壬寅諭內閣朕勤求民隱整飭官方
惟恐下情不能上達遇有直省控案或關涉
官吏營私民情屈抑者特派大員前往讞辦
實不得已之苦心該大員仰承簡命必應自
矢潔清虛公聽斷方為不負委任前此山東
省控牘頻仍朕以山東雖距京較近何以小
民來京控訴者比之直隸山西河南諸近省
獨為繁多自由該省吏治廢弛之故因派周

廷棟廣興前往審訊其該省續控之案亦即令其接辦廣興兩次在東居住多日不料其執法貪婪縱欲敗度竟至斯極業已明正典刑用昭炯戒惟是廣興性本貪鄙又喜多言東省官吏遂極意逢迎飽其慾壑希冀代為彌縫掩蓋廣興之禍雖由自作實東省大小官吏釀成終亦不免革職發遣陷人終自陷耳若該省官吏等平日悉皆奉公守法無可指摘亦何至畏懼廣興如此之甚乎即如山

東州縣中原避志孫良炳董鵬翱不肯趨奉廣興廣興亦不能將其任內事件格外搜求乃不肖官吏祇知逢迎罔顧廉恥屬員公然以差費為名具稟上司上司公然商同挪移庫項攤捐歸款究其攤還之項亦不知出自何所若謂自捐廉俸盡出己貲則又何須先挪庫貯耶似此上下交通斂財取悅吏治豈復可問實屬卑鄙無恥已極況廣興任性作威貪以酷濟伊等或尚以此藉口若如額勒

布金光梯等赴東審案其供給俱經發價購辦何以亦浮開差費至三千兩可見外省官吏竟樂以辦差為糜費開銷之地名為利人實則利己竟成貪官要錢之一巧法此等惡習實堪痛恨嗣後欽差官員至所差省分及經過地方永不許有差費名目其該省督撫大吏除應請聖安者照例親身出迎此外概不准差人迎送如有違例供給迎送者欽差官員即指名參奏若欽差例外需索著該督

撫指名參奏但不得因有此旨於欽差官員應得夫馬廩食任聽州縣官短缺稽遲致誤郵傳如有遲誤亦准欽差官員參奏並聞外省督撫及司道等官因公經過所屬地方其夫馬公館供應尤為不貲外省大僚過境本省上官遣人迎送其所遣之人沿途需索夫馬供應且有得受站規等事均不可不嚴行飭禁若有前項弊端不即革除舉發經朕查出必當從嚴治罪決不寬貸總之內外大小

官員身登仕籍先當審明義利朕近御製崇
儉詩一首義利辨一篇並繫以銘辭訓誠臣
工為大臣者惟思敬以事上廉以律身平居
以節儉為先臨事以公義為重一切非分之
利絲毫勿取為下吏者勤於政事潔己愛民
雖有貪暴上官不能持其短長亦無庸責緣
結納曲意承迎天道福善禍淫清白之吏身
名俱泰子孫蒙休較之貪利忘義悖入悖出
禍不旋踵者其得失奚啻霄壤利害從違惟

視其人之自擇耳此次辦理廣興一案在廷
臣工實已共見共聞恐外省官吏狃於習俗
尚有不知懲儆者特再明白宣示俾大小臣
工交相勸勉砥礪廉隅以飭官常以正風俗
朕實有厚望焉將此通諭知之○又諭大學
士會同刑部將山東省挪借庫存養廉濫行
供應之前任藩司知府等分別定擬一摺以
邱庭澄等挪移庫項雖經歸款未便照限內
全完例免罪均請加等將邱庭澄發往伊犁

金湘發往烏魯木齊張鵬昇發往軍臺固屬
按例加重辦理但此次差費雖係支借養廉
事後歸款若各員等可以自出己貲何以必
須豫動庫存之項既不能攤湊於前又何能
歸補於後其來路正不可問至據供尚無餽
送情弊但彼時廣興到東金湘等曾置辦紗
匹致送獨非餽遺而何詳加勘覈殊覺情重
法輕前任藩司邱庭澄錢糧是其專責自應
慎重出納乃輒照該省從前辦差陋習徑稟

巡撫給發庫項至四萬九千餘兩之多以資
供給若各省藩庫紛紛效尤擅行挪用其流
弊何所底止伊犁烏魯木齊程途雖遠而耕
種成熟地方繁庶邱庭澄著改發黑龍江効
力贖罪到戍後枷號三箇月金湘一聞廣興
奉差東省慮及廣興性情貪暴恐辦差不妥
被斥商同張鵬昇等稟請藩司借領庫項支
用且伊於嘉慶十年因額勒布金光悌赴東
審案已稟借過庫銀數千兩辦差豈亦畏額

勒布等之貪暴婪索乎似此逢迎見好實為卑鄙惡習至魏紹濂等公送廣興程儀一萬一千兩又係金湘轉託馬振玉彙兌來京其情罪尤重金湘亦著改發黑龍江効力贖罪到戍後枷號半年用示懲儆張鵬昇聯銜稟借庫項支應差費咎亦難寬著改發吉林効力贖罪給陝西漢陰安康平利洵陽白河紫陽石泉商鎮安雒南山陽商南寧陝孝義定遠西鄉十六廳州縣上年歉收地方並就

食留壩鳳寶雞三廳縣貧民一月口糧○癸卯

上幸萬壽山諭內閣本日刑部奏嚴鞠偷竊車圍之劉貴兒等與李十兒失去驢車被殺一案全無關涉請照竊盜本罪科斷一摺已依議行矣因思東安門內切近禁城如該處堆撥官兵認真巡查匪徒等知稽察嚴密心存畏忌斷不敢妄逞兇橫即或乘閒行強而被害如李十兒者勢必喊救該官兵等聲息

相聞自可當即趨拏設或傷重立時殞命而驢車甫經失去尚有蹤跡可尋從此跟緝正兇無難弋獲乃巡邏不力致地方有此重案事後又不能認真緝緝日復一日與馬譚氏之案何異所有李十兒被殺兇犯著步軍統領五城順天府各衙門一體嚴拏毋令遠颺漏網並嗣後堆撥官兵務須輪流查夜支更於所屬地面小心巡察勿得仍前疏懈致干重咎又諭刑部奏將直隸省續報問擬徒

罪官犯開列清單其應減不應減之處請旨遵行一摺朕詳加披覽內汪之鯉一起係於知縣任內承審無名男子被扎身死之案因郭棟曾向無名男子問答目睹倒地供情可疑用刑根訊縣役遂乘閒圖詐敎令郭棟誣認正兇並誣扳郭條移屍該縣復將郭條刑責郭棟郭條均於受傷後先後身故案關二命又殷作哲一起係於署敎諭任內需索生員贄見不遂藉月課刁難誣揭訓導馬仁代

生員私作課文並捏詳生員鄭占魁咆哮學宮情殊貪詐該二犯均不准其援減。甲辰上御勤政殿聽政。諭內閣向來每屆巡幸各衙門文武大員於啟鑾前一日及迴鑾次日均通行呈遞膳牌豫備召見因思各衙門文武大員在園直班奏事朕俱隨時召對至將屆啟鑾之時同日紛紛到園豈能徧予召見似此虛應故事殊屬無謂嗣後凡遇啟鑾前一日除應行直日各衙門照舊呈遞膳牌外

其餘均不必呈遞惟迴鑾次日在京諸臣久未召對或有應行詢問之事仍著通行呈遞膳牌豫備召見。又諭據常明奏審明考官家人朱林踢傷楊太斃命定擬絞候一摺。朱林因騎馬辛苦雇坐兜子擡夫楊太放兜歇力向斥被詈一時氣忿腳踢適傷致死訊無挾嫌逞兇等事。覈其情節祇係尋常鬭毆按照常例原可入緩但該犯係跟隨考官家人在途私向擡夫爭鬭致成命案自當從嚴辦

理朱林依擬應絞著入於本年秋審情實以示懲儆考官陸以莊不能約束家人著交部照例議處。以察哈爾總管彥吉保為副都統。乙巳遣官祭昭忠祠。諭內閣本日直隸藩司方受疇來園呈遞請安摺朕並未召見已飭令即日回保定省城矣直隸承辦差使向來祇派出藩臬一員隨同總督扈蹕其保定省城總當留一大員在彼彈壓辦理地方事件此次溫承惠出省之後臬司素納在

古北口查審案件未竣現據奏稱即日前來定福莊接駕若該藩司又赴差次是省會地方竟無一大員在彼駐劄無怪一切公事日久積壓直隸官員向來總以辦差為名希圖行在召見實為陋習況該藩司起身之前並未奏明率於過京時具摺請安更屬不合著交部議處總督溫承惠不計及省城現無大員率派藩司隨營昨來圓明園亦未奏及殊屬疏漏著交部察議。又諭吏部議處失察

書吏侵盜錢糧之前任山東布政使吳俊等均議以降二級調用查級議抵並聲明吳俊任內現無級紀抵銷一摺山東省近年以來吏治廢弛皆由地方官因循怠玩祇知逢迎鑽幹以辦理過往差務為事於本省政治全不實心經理以致該省擅動庫項作為差費竟成陋習不獨廣興一案濫行支應即額勒布金光梯出差東省該藩司等亦藉辦差為名挪移庫項而於該省書吏作姦犯科毫無覺察不可不嚴加整頓所有此案失察書吏侵欺錢糧業經休致之太常寺卿陳鍾琛著實降頂帶二級現任光祿寺少卿吳俊曲阜縣知縣袁廷鳳均實降二級調用○又諭禮部具題原任直隸總督鄭大進之妻江氏現年一百歲請照例給銀建坊旌表一本該氏係一品命婦年屆頤齡允屬照朝人瑞若與民間壽婦一體照常給賞未免無所區別嗣後遇滿漢三品以上文武大員之父母妻室

有年至百歲者應如何從優賞賚之處著禮部妥議具奏所有鄭江氏應得恩賞即照新例辦理尋議凡壽民壽婦年逾百齡以上者向例給銀三十兩建坊今擬將三品以上者請再加賞銀十兩緞一匹其百有十歲至二十三十以上者以次加倍給銀從之○丙午上詣

大高殿行禮還宮○戶部右侍郎提督順天學政劉鏞之以祖母老病懇請侍養允之命

都察院左副都御史戴均元提督順天學政○以福建臺灣水師副將林承昌為浙江定海鎮總兵官○丁未

上啟鑒恭謁

東陵遣官祭

歷代帝王廟○諭內閣松筠奏廢員周鏐趙堂情願捐貲赴南河報効一摺周鏐趙堂於壽州張大勲重案未能審出實情予以遣戍自應在彼効力以贖前愆今南河興辦要工

投効不患無人現在工者尚以人多酌令掣
同周鏐等雖曾任江南豈於河務情形均能
熟諳即使通曉河防該處亦不乏此二人差
委朕於業情輕重自有權衡其情節稍輕者
不待納贖即予釋回若果情節較重即十倍
捐貲亦不能仰邀寬典儻不論案情僅以贖
錢加倍即予恩准則家貲饒裕者俱可倖邀
寬免紀綱安在所有周鏐捐銀一萬六百餘
兩趙堂捐銀三千七百兩請赴南河効力之

處著不准行 以恭謁

兩陵免蹕路經過地方本年額賦十分之三
是日駐蹕烟郊行宮 戊申葉爾羌辦事大
臣高杞因病解任調喀喇沙爾辦事大臣那
彥成為葉爾羌辦事大臣以庫爾喀喇烏蘇
領隊大臣哈豐阿為喀喇沙爾辦事大臣賞
烏嚕木齊効力筆帖式倭什布藍翎侍衛為
庫爾喀喇烏蘇領隊大臣 是日駐蹕白潤
行宮 己酉駐蹕隆福寺行宮翼日如之

庚戌

上恭謁

昭西陵

孝陵

孝東陵

景陵

裕陵俱未至碑亭即降輿慟哭步入

隆恩門詣

寶城前行禮躬奠哀慟王以下文武大臣官員

均隨行禮○辛亥清明節

上恭謁

裕陵未至碑亭即降輿慟哭步入

隆恩門詣

寶城行數土禮畢詣

隆恩殿行大饗禮禮成詣

寶城前行禮叩辭奠酒盡哀乃退王以下文武

大臣官員均隨行禮○遣官祭

永陵

福陵

昭陵

昭西陵

孝陵

孝東陵

景陵

泰陵

泰東陵 命

皇次子旻寧祭

孝淑皇后陵寢○遣官祭

端慧皇太子園寢○諭內閣朕祇受

皇考高宗純皇帝篤眷深恩至優極渥為從來

所未有緬惟春秋霜露十載於茲永懷罔極

益切慕思特於本年清明節恭謁

裕陵親舉數土禮誠以

恩隆曠古禮準緣情以冀稍伸忱惻然朕心猶

切兢兢恐於舊典未協本日恭詣

寶城數土時即微雨飄灑至大饗禮成甘膏滋

漉自卯至午入土三寸有餘當此農事方殷
獲霑渥澤田疇沃潤豫卜降康仰見

昊蒼默佑

皇考在天之靈昭鑒愉悅朕欽承

鴻貺感惕交深允宜推廣

慈恩覃施闡澤所有獻帛獻爵之王貝勒等俱

著加恩紀錄四次執事官員內明志著加恩

賞還花翎其典儀贊引讀祝以及各執事官

俱著各加一級陪祀及隨從之王公文武大

臣官員俱各予紀錄二次守護

東陵之貝子及所屬官員亦各予紀錄二次至

直隸承辦差務大小官員內溫承惠方受疇

本應一體加恩前因方受疇由差次過京具

摺請安保定省城無大員駐劄溫承惠並未

豫行奏明降旨將伊二人分別交議茲著加

恩均予寬免其餘辦差文武官員俱著紀錄

二次慶成前因奏對不實獲咎但伊本意不

過希冀邀恩念其從前打仗受傷得有軍功

此次隨扈當差著加恩賞還二品頂帶其提標派出辦差兵丁及馬蘭鎮標修整葺子峪道路兵丁著查明各賞給一月錢糧以示朕推

恩錫類有加無已至意○以春膏普被再免由京至

東陵經過地方本年額賦十分之二○是日迴鑾駐蹕桃花寺行宮○壬子諭內閣據綿志等奏查明銀庫數目一摺銀庫關防嚴密乃

自上年奎明等起意偷竊現據供明者已有三次共銀六千六百兩之多該管官非尋常疏玩可比前據費淳等自請嚴議茲復會同綿志等奏請將管庫司員一併嚴議費淳瑚圖禮平日不能留心防範咎無可辭著交吏部都察院嚴加議處管庫司員漫無覺察慶祥嵩山納清阿三人著查明在任一年者先行摘去頂帶交部嚴加議處不及一年者交部嚴加議處七十四因賠項較多特加恩補

放銀庫員外郎乃於所管事務亦漫不經心無論在任久暫即先摘去頂帶交部嚴加議處其庫內現查短缺銀兩著照綿志等所請著落費淳瑚圖禮及銀庫司員等照數分賠至緞庫被竊月日係上屆慶桂王懿修管理任內但所竊不過絨布計贓祇制錢百餘千據慶桂等自請議處並請將管庫司員一併交議慶桂王懿修著交都察院吏部議處管理緞庫司員一併交吏部議處因思三庫事

務向例簡派大學士六部尚書管理一年更代該大臣等總不親身赴庫盤查實為因循陋習其交替時亦無接收章程不過僅據冊籍標畫稿件且一年之閒於其中利弊未必盡能洞悉若每年盤驗亦覺紛繁著於香山迴鑾後滿漢大學士六部尚書公同會議妥酌章程具奏候朕裁定○又諭長麟等奏審訊奎明等偷竊庫銀一案現據供明三次共竊銀六千六百兩恐尚有不實不盡之處著

再嚴行根究務令從實供吐毋任絲毫隱漏其郭仁阿供出夥偷緞庫之兵丁慶柱圖敏並著嚴飭該旗迅速查拏歸案訊辦至此案先行首告之馬甲固寧阿據長麟等訊明事前實不知情固寧阿於奎明分給銀二十五兩權時接收以安奎明等之心回家告知伊母即遵母命抱贓出首實屬可嘉固寧阿著施恩即賞給駙騎校該旗遇有缺出先行補用並加賞銀一百兩伊母赫舍里氏教子以

正尤堪嘉尚著該旗都統親書扁額懸挂伊家仍賞緞庫大緞一匹即行頒賜以為旗人能知大義奉公守法者勸○又諭德麟素性懶惰且有紈袴習氣昨經領侍衛內大臣酌派豫備前引差使伊竟敢不遵並云情願受叅實屬任意偷安本應照部議革職姑念伊父福康安著有微勞祇生德麟一子若使伊尚有兄弟亦不能稍從寬宥上年德麟獲咎已由貝勒降為貝子此次格外加恩免其革

去現襲世職著該旗傳知德麟閉門思過不得出外遊蕩但自嘉慶四年後廷臣中多有以福康安蘆葢不飭彈劾者朕因事無實據特免究辦現在南河興辦要工需費甚多著德麟自行酌量措交家貲若干呈明本旗都統轉奏解赴南河備用以示薄罰○是日駐蹕盤山行宮至丙辰皆如之○癸丑賜隨扈王公大臣等食並賞賚有差○琉球國中山王尚灝遣使表謝冊封並奏該國餽送冊使

宴金請

旨勅賜收受得旨此項宴金使臣等卻還原屬仰體朕意不欲滋擾外藩今仍不必收受令來使帶回○甲寅遣官祭黑龍潭

昭靈沛澤龍王之神王泉山

惠濟慈佑靈瀨龍王之神○諭內閣刑部奏叢議侍郎景祿等審擬浙江平陽縣監生林鍾英赴控署經歷朱宇泰等藉拏要犯將伊母女非刑燙傷一案請將署經歷朱宇泰前

署縣徐映台先於犯事地方枷號三箇月滿日改發吉林烏喇充當苦差實屬罪所應得但該革員等均係職官竟於該縣地方枷號示衆未免轉啟刁風亦不可不防其漸朱宇泰徐映台均著於到配之日枷號三箇月以示懲儆○諭軍機大臣等本日兩淮鹽政阿克當阿奏上年夏間洪湖異漲各壩齊開場竈被淹現屆加斤期滿懇請展限已降旨加恩矣因思上年洪湖盛漲係安徽潛山地方

起蛟上游水勢陡漲湖身驟難容納以致啟壩宣洩民舍田廬多被淹浸為害不淺伐蛟見於月令昔人有行之者若地方官倣照成法先事豫防何至倉猝患生但此事一經胥吏辦理轉恐有名無實著董教增轉飭各府廳州縣勸諭居民務須於深山窮谷隨時留心察看創窰在百姓等各衛身家自無不實力奉行較之官為經理更有裨益也將此諭令知之○乙卯旌表守正被戕廣東新寧縣

民馮道欣女馮氏○丙辰

孝昭仁皇后忌辰遣官祭

景陵 諭內閣據綿志等奏查明緞庫正庫現存緞紬數目先行具奏一摺緞庫存貯緞紬絹布等項均應覈較歲用數目計足數幾年之需此內俟何項短缺再先期行文製備其支放之時並應按照存貯年分先後挨次給發推陳出新俱歸適用今庫內所存織大緞一項多至三千五百餘匹杭細一項多至六

萬五千餘匹其他亦皆充羨乃該庫每年仍向內庫領用並行文外省織造源源報解及支發時又不按新舊次序以致陳陳相因充牣難積日久漸成朽蠹此不但耗費錢糧且蠶絲纂組物力亦屬可惜至布匹絨斤堆貯四樓冊籍並未分晰開載難於查覈以致守庫兵丁生心竊取此皆由歷年該管大臣及管庫司員等平日養尊處優怠忽疲懈漫不留意沿習因循本應自嘉慶四年以後管庫

大臣及司員等俱交部議但人數衆多姑免逐一追究經此次查明之後應更定章程覈實稽考所有錦緞紗羅絲絹等項某項應俟庫存若干方准行文織解並每閱幾年盤驗一次之處著交前次派出會議銀庫章程之滿漢大學士六部尚書於香山迴鑾後一併酌議章程具奏請旨尋議上得旨向來簡派三庫大臣俱係一年更換於庫貯利弊未能盡悉嗣後著定為三年更代每屆三年之期

即著派出之管庫大臣奏請簡派大臣數員將庫貯各項會同盤驗再行交替用昭覈實又諭德瑛等奏遵旨親赴六倉查明徽溼米石多係受潮蒸變各倉米色皆不純淨而北新一倉尤甚當即督同司員統行揀驗分別辦理並將各米樣包封及各倉造送米色數目開單呈覽請將倉場侍郎及該監督等分別交議等語此項米石即因上年南省雨水較多米質本嫩但貯倉未及一年各倉監

督果能不時挑晾即間有蒸變何至如許之多該監督等漫不經心任其朽爛所司何事富新一倉徽變較少著將該監督交部察議祿米南新海運興平四倉徽變較多著將該監督交部議處北新一倉徽變更甚該監督辦理尤為不善即著革職至倉場侍郎職司綜覈既知去年米多遇雨曾行令各倉挑曬何以於該監督稟報時並不及早具奏設法辦理直至本年開放旬餘該旗欲行叅辦始

以一奏塞責實屬玩延達慶蔣子蒲均著照原叅交部嚴加議處其從前查驗運送之坐糧廳大通橋監督亦均有應得之咎著分別交部議處至此項米石其原報可以搭放者即著該監督上緊篩颺由該侍郎咨部仍著德瑛等查驗搭放其餘實不堪用之米即發交五城作為土米循例難賣照例價覈算不敷之數按六倉原貯徽爛數目多寡著落該侍郎倉監督及花戶等按照成數賠繳其由

倉出運土米運腳一項亦著分別賠出以示懲儆。諭軍機大臣等韓對奏查閱澳門夷民安堵並酌籌控制事宜一摺澳門地面西洋人舊設礮臺六座其自伽思蘭礮臺至西望洋礮臺迤南沿海一帶本有石坎因形勢低矮上年喫咭利夷兵即由此爬越登岸今擬加築女牆一道增高四五尺共長二百餘丈經韓對查閱指示該夷民目等歡欣願辦應即令其剋期興工俾資防護將此諭令知

之。予福建故都察院左副都御史雷鏞入祀鄉賢祠從巡撫張師誠等請也。丁巳閩浙總督阿林保奏報殲斃盜首朱潰賞總兵官許松年花翎並雲騎尉世職總兵官胡于鏞下部議敘。以山西冀寧道廣玉為福建按察使。是日駐蹕白潤行宮。戊午諭內閣昨日溫承惠奏永定河添備料物豫支銀一萬兩懇請增入歲搶修報銷已降旨每年加增五千兩作為定額並准於例支歲搶修

項下每年豫支一萬兩以備工用矣因思上年伏秋大汛時雨水連綿永定河水漲發險工疊出經該督飭令道廳各員支領銀兩添備料物堆貯工所隨時鑲護得資穩固是上年備料銀一萬兩尚無浮冒情弊著加恩准其另款題銷嗣後歲搶修已加賞銀五千兩不得於額外復有增添。旌表守正捐軀河南鄆城縣民王老妻張氏山東滕縣民渠維祥母陳氏。是日駐蹕烟郊行宮。己未

上還宮。諭軍機大臣等本日薩彬圖喜敬等奏盤驗南糧首進幫船米色尚俱乾潔惟江淮三六兩幫兌運漂陽縣米石色黝者居多緣該縣米質本屬潮嫩又經由大小汛湖適值陰雨連綿起剝時稍有溼潤未及風晾以致色有不純等語南糧係天庾正供顆粒皆須純淨今江蘇省漂陽縣兌運之米旗丁等既明知米質潮嫩即不應兌收今甫經開行尚未出省而到淮盤驗之時輒託稱陰雨連

綿致有溼潤則此後大雨時行之際長途行走其微損蒸變更當如何軍船剝運事所常有豈竟日久暴露毫無苦蓋明係地方官於收米之時或因索受糧戶錢文聽其將醜米交納或竟係勒捐糧戶多收折色迨交兌時自買不堪之米交與旗丁而旗丁又得受地方官幫貼錢文即不論米色高低概行收兌看來其弊不在糧戶而在州縣旗丁至於盤驗過淮之時如果該漕督等認真抽查則旗丁亦豈能朦混今該漕督等不加駁斥輒准放行於夾片內曲為聲敘以為曾經奏明即可自居無過並稱一面咨明倉場如果不堪久貯即請先行搭放等語豈非豫為站腳地步置倉儲於不顧耶現在京中北新等六倉存貯糴米即因上年雨水溼潤霉爛不堪已降旨嚴行查辦該漕督等於今歲北來之米又復如是含混尚得謂之有良心之大臣乎總漕薩彬圖巡撫汪日章均著傳旨嚴行申

飭此項米石著全行駁回該漕督等即妥為籌辦酌換好米但旗丁不得因此向地方官藉端訛索地方官亦不得向小民百計刁難如又有此等弊竇一經查出更當加倍懲處將此傳諭知之 庚申遣官祭賢良祠 諭內閣刑部奏查辦緩決三次以上人犯分別准減不准減開單請旨一摺朕將各案由清單詳加披閱所有緩決三次以上之絞犯愛畢都拉班三十六十一重陽紀二龔二富尼杭阿苑大等八犯均著准其減等發落其擬不准減等內之斬犯海青阿因被大功兄色力泰奔戮該犯拾棒抵禦適傷其左耳斃命又絞婦蕭氏因李么兒呼該氏為賊婆該氏用刀嚇戮嘴唇適李么兒閃側致刀尖傷其咽喉殞命又斬犯楊昌標因被大功兄楊昌進扭住欲毆致楊昌進失跌墜傷右後肋殞命以上三犯覈其情節尚覺稍有可原著准其減等發落餘依議 諭軍機大臣等松筠奏

塔爾巴哈台叛匪餘孽馬友元等二十四犯業經領隊大臣色爾袞於中途正法一摺馬友元等二十四犯前據松筠奏稱於辦理蒲大芳等犯之時該犯等似無恐懼因欲將該犯等一併正法當即降旨飭諭不可妄行今松筠於未接諭旨之前已令色爾袞於雅瑪圖台途次將馬友元等二十四犯陸續分起捆縛概行正法所辦殊屬草率究竟該犯等有何蠢動謀逆情形並未詳悉聲敘豈有罪

實錄

嘉慶十四年二月

狀不明遽將二十四人聯誅之理閱摺內所稱色爾袞回至伊犁時據稱晚諭辦理之際該犯等殊不知懼又云色爾袞年前行抵塔爾巴哈台商同祥保將叛匪全行拏獲後聞其有言早不動手被人先發深為恚怨及至捆縛行刑之際猶言再過二十年又成一條好漢其桀驁情形實屬可恨等語究竟此等言語是否係馬友元等二十四人之言抑係蒲大芳等三十一人之言亦未敘明此等均

係匪徒當臨刑之際故作桀驁之語是其常態即馬友元等果有此言亦何能以此實其叛逆之罪馬友元等是否另有謀叛確據及查拏時實在情形若何是否訊有口供均著松筠明白回奏至所稱南路三處之王文龍等一百三十七名本屬同惡應即調取曉諭概行正法已札知各該處辦事大臣分起辦送等語此斷不可再誤該戍兵從前在寧陝謀叛固屬罪犯不赦但彼時既已寬貸安插

實錄

嘉慶十四年二月

新疆豈有事隔數年無故概行誅戮之理昨已有旨諭令各該處辦事大臣無庸照松筠所奏辦理係由五百里發往此時諒均接奉遵行松筠不可再執前見欲其解往伊犁妄行濫殺如果王文龍等將來另有謀叛確據再當於訊明後一面奏聞一面辦理不可再有輕率冒昧○是月江西巡撫先福奏稱彈竭血誠正己率屬事事實力實心認真整飭得旨此一行十八字務期言行相符朕又得

德瑛等六員同赴北新倉並祿米倉南新海運富新興平等各倉通行查驗據伊等先後奏稱米色實係不純徽變者多將各倉米樣包封呈覽朕於奏上後又復特派軍機大臣慶桂董誥戴衢亨三人再行親赴該倉覆加抽驗本日據慶桂等奏米色有甫經發變尚分顆粒者亦有微爛太甚現已結塊者所有各倉米色均與德瑛等所進米樣相符豈有三次查驗朕尚不信必曲法市惠保全此等

無能之官吏乎。是此項北倉運京之米坐糧廳既率行驗收而歸倉上廩之時監督等又不趕緊籌辦設法補救以致本帶潮潤之米交春蒸變日甚耗棄過多該倉場侍郎所督辦者何事而該侍郎等尚稱該監督等收米上倉及坐糧廳驗收均無不合且稱此項變色米石必須照例按旗支放方於倉儲無虧並恐鑲白旗一處不領別旗效尤請旨飭令承領是不但毫無引咎之意且竟欲以此徽

爛之物充放兵精不顧八旗生計強詞奪理是何言耶同日據吏部奏上遵旨議處各員之摺除北新倉監督靈椿和泰二員先已革職外所有米石徽變較多之祿米倉監督觀保住趙玉南新倉監督祥慶廷璧海運倉監督扎勒杭阿張綜齡興平倉監督珠隆阿鄭裕國均著革職離任至部議該員等照例限一年賠完即准復還原職之處不足示懲將來賠完後亦不准竟復原職均著降一級調

用如賠補不完照例不准補用其徽變較少之富新倉監督麟祥范正容亦均著照議降三級離任限一年賠完賠完後准復原職如逾限不完即實降三級調用其各該倉所貯之米除原報可以支放者照德瑛等所議分成搭放外其原報堪可搭放之米德瑛等原議尚須篩揚者現據慶桂等奏各倉廩坐甚多若趕緊分廩曬晾加以篩揚可冀挑出堪用之米著交新任倉場侍郎等責成離任各

監督仍均在各本倉幫同新任監督督率花戶人等即速妥為設法辦理此項應賠米價為數不貲如果伊等認真挑賒加意節揚則不但米石不致耗棄過多而分賠之數亦可減省且看伊等作何補救俟曬揚全竣賠項有著再行覈辦至坐糧廳驗收米石是其專責今米石到倉之時即有潮潤豈能辭咎禮部員外郎謝振定亦著照議降一級調用其在北倉收米轉運之坐糧廳王輅該員既在

北倉辦理截卸及轉運事宜上倉之米現多潮溼豈能邀請免議並著一體交部議處其大通橋監督福森住何蘭額著照議降一級留任至達慶三任倉場侍郎上年由新疆辦事特行簡用來京原因其熟悉倉場事宜加以委任乃不知實心經理致多貽誤其咎較重部議祇降二級調用尚覺過輕著降三級調用將予蒲初任倉場侍郎於所管倉儲漫不經心著照部議降二級調用均不准其抵

銷所有滿洲倉場侍郎員缺著福慶補授漢倉場侍郎員缺著許兆椿調補周兆基著轉補刑部左侍郎其右侍郎員缺著胡克家補授即著迅速來京供職胡克家未到京之先著潘世恩暫行兼署以光祿寺卿秦瀛為都察院左副都御史調雲南布政使蔣攸銛為江蘇布政使以雲南按察使梁敦懷為布政使賞五品頂帶江南河庫道同興四品頂帶為雲南按察使○壬戌諭內閣據戶部

奏議覆盛京將軍富俊等查明內務府莊頭羊草官甸情形一摺此案奉天旗民所種官甸既據該將軍查明該莊頭等自順治康熙年間因備養官馬即占取官荒以供差徭迄今百數十年久已視為己產不復知為官荒與私開各案稍有區別著照部議所有墾熟官甸准其按例交租其未經開墾及水衝沙壓之官甸俟開墾後隨時呈報辦理歷任失察職名並著加恩寬免餘依議○諭軍機大

臣等薩彬圖奏河口淺滯情形一摺據稱黃水倒灌高於清水二尺八九寸糧艘上閘兩邊俱無緯路僅仗划船絞關步步徐進以致前停後擁請勅下河臣等上緊趕辦緯路等語漕糧轉輸為國家經久要務屢經降旨令伊等先其所急所有修築緯道一事自係至急之工乃該督等並不趕緊豫辦臨時惟仗用划船緯輓以致遲慢現在幫船已多停泊以後再值風水長發平鋪散漫又將如何緯

輓覽奏深為焦座南糧關繫天庾上年北來之米多有潮溼以致交倉後旋即蒸變本年南糧昨復據該漕督奏稱溧陽幫船於過淮盤驗時亦帶潮溼恐有微變地方漕運官員辦理均屬不善而目前幫船行走復因河口倒灌緯道不修又致稽阻該督等所司何事竟不豫為經理乎鐵保吳璥徐端均著傳旨嚴行申飭著即將此段緯道上緊設法趕辦並即如何辦理何日可以補築竣事無礙船

行先行由驛馳奏設竟遲緩貽誤彼時亦不待朕懲辦伊等應得何罪即自行議上朕惟執法辦理不能曲為寬貸也凜之○賞直隸等省戊辰科鄉試年老諸生高應楷等七十八名舉人副榜有差○戶部議准山西巡撫成寧疏報寧遠廳開墾地六百五十一頃八畝照例升科從之○癸亥

上耕藉詰

先農壇行禮更服至藉田所

躬耕三推復加一推順天府府尹率農夫終畝

賞賚農夫耆老如例○啟鑒恭謁

西陵 旌表守正捐軀湖南鳳凰廳民王老五

妻羅氏 是日駐蹕黃新莊行宮○甲子駐

蹕半壁店行宮○乙丑駐蹕秋瀾行宮○丙

寅諭內閣刑部等衙門會奏審擬看庫兵丁

奎明等夥竊庫銀一案庫帑重地設立官兵

輪流直宿看管原以慎守鎖鑰嚴防盜竊乃

奎明等以看庫兵丁王桂係守庫職官輒敢

同謀偷竊是以典守之人為盜賊之事其情節尤為可惡必應嚴辦示懲從前乾隆五十六年曾有護軍海旺等夥竊內庫銀兩一案法司將正犯海旺等問擬重辟其看庫得賊容隱之多濫武各犯問擬發遣欽奉

諭旨以法司所擬從犯失之輕縱將多濫武等九犯俱改為斬監候後未經勾決仍各減等發落此案奎明等偷竊戶部庫銀較之東華門內封貯銀庫名有內外之分其為存貯國帑重地並無區別看庫馬甲與看庫護軍亦同係監守之人惟海旺等一案竊銀共一萬二千七百兩奎明等所竊銀共六千七百兩計贓則有多寡之殊刑部等衙門審擬此案將奎明等正犯五名俱比較海旺等一案擬斬監候請旨即行正法其餘犯常齡等六名擬發黑龍江加枷號三箇月詳覈情節從前多濫武等九犯若曾經勾決此次常齡等則亦必援照問擬不能稍從寬減今常齡等六

犯即使改擬監候將來仍不過減等發遣伊等此時轉先得安坐囹圄所有常齡楊安錄阿靈寶慶祿劉雲祥劉七六犯著即照擬發往黑龍江給披甲兵丁為奴惟所擬加枷號三箇月尚覺過輕常齡等六犯均著於到配日先行枷號一年至此案奎明首先起意偷竊各犯或為所引誘或被其恐嚇遂肆無忌憚同謀藐法共被刑誅實為罪魁惡首王柱身係職官通同盜竊尤為敗類奎明王柱李

七郭仁阿阜靈保五犯俱著即處斬派刑部侍郎周兆基副都統景熠前往監視奎明先於法場刑夾一次王柱先重責三十板再行處決並傳集看庫兵丁人等同往看視俾知儆畏慶柱一犯雖畏罪自縊但同謀入庫使其身尚在亦應同擬重罪今幸逃顯戮仍著該旗都統等將伊家產查抄○以兵部右侍郎成書都察院左副都御史秦瀛知貢舉大學士費淳禮部尚書王懿修為會試正考官

戶部右侍郎英和內閣學士貴慶為副考官
旌表守正捐軀陝西大荔縣民曹又印妻
雷氏賞蹕路經過看守各行宮弁兵半月
錢糧○是日駐蹕梁格莊行宮○丁卯

上恭謁

泰陵

泰東陵俱未至碑亭即降輿慟哭步入

隆恩門詣

寶城前行禮躬奠哀慟王以下文武大臣官員

均隨行禮○至

孝淑皇后陵寢奠酒臨

妃園寢賜奠○諭內閣汪志伊常明奏姑媳

因姦蔑倫審明辦理一摺此案馬趙氏偕媳

王氏與汪士雲總姦情切同謀殺死親夫王

氏聽從謀斃翁命殘忍蔑倫莫此為甚自應

恭請王命立予凌遲處死至汪士雲姦淫馬

趙氏姑媳謀斃親夫以致均陷極刑情罪重

大無庸再交部議汪士雲著即處斬並梟首

示衆以昭炯戒○以膏雨應時再免由京至

西陵經過地方本年額賦十分之二○是日迴

鑾駐蹕秋瀾行宮○戊辰諭內閣御史史祐

奏北倉貯米易滋弊竇請先期趕辦以利漕

運一摺據稱橋壩轉運不能迅速則在後幫

船積壓一經截卸北倉其米免給船戶包交

各弊叢生請於漕米運倉時先運遠倉後運

近倉俾橋壩疏通起卸回空均免遲延等語

所奏甚是著交新任倉場侍郎福慶許兆椿

即照該御史所奏飭知大通橋監督本年漕

糧抵通分運各倉責令先儘遠倉運送將近

倉空嚴封閉俟遠倉運足再運近倉其經紀

車戶從前虛報短交長支豫領各款並著該

侍郎等覈實詳查奏明妥辦務令轉運迅速

免致再於北倉截卸以杜弊端○以奉宸苑

卿徵瑞為總管內務府大臣○賞直隸辦差

兵丁一月錢糧○是日駐蹕半壁店行宮○

己巳祭

先蠶之神遣妃恭代行禮○論內閣阿林保奏籌議閩省鹽價一摺據稱閩省內地八府二州鹽務在省城上游者謂之西路在東南沿海者謂之縣澳東南縣澳官商積疲未便遽議加增惟於西路鹽斤酌加價二釐共可增銀六萬五千五百五十兩六錢等語前因吳璥等籌備南河經費奏請加增鹽價當降旨令督撫鹽政體察情形妥議具奏昨據兩淮長蘆山西等處俱陸續覆奏加價已批交部議矣今閩省鹽課本屬有限正課尚不能如期完繳東南縣澳既未便遽議加增一省之中事出兩歧且西路鹽價驟加民慮食貴勢必越境販私本處額引又將滯積於事仍屬無益所有阿林保議加西路鹽斤二釐之處著不准行○是日駐蹕黃新莊行宮○庚午旌表守正捐軀河南信陽州民馬國秀妻胡氏○是日駐蹕潭柘行宮○辛未孝賢純皇后忌辰遣官祭

裕陵

上詣

惠濟龍王廟拈香○閩浙總督阿林保奏報官兵在竿塘洋擊斃賊目守備周應元等升敘有差○是日駐蹕靜宜園至乙亥皆如之○壬申旌表守正捐軀甘肅靈州民劉亥娃妻王氏○癸酉諭內閣前因薩彬圖奏道員張鼎於邳宿運河淤淺處所不行估挑又於運河通判王貽象稟請壩工需銀三千七百餘兩該道祇發二千兩以致臨時趕辦幫船節節守候剝船復不廣為籌備當將道員張鼎交部議處並降旨詢問吳璥令其迅即回奏嗣吏部奏將該道張鼎議以降三級調用經朕交軍機大臣存記俟吳璥等奏到之日再行覈辦茲據吳璥等查明具奏正月內道員張鼎覆勘淤口一帶浮沙停積應做束水壩七處刷淤估請先發銀三千兩辦理其時吳璥甫經到任嚴覈經費先批發銀二千

兩在吳墩實為慎重錢糧起見並非該道有意短發迨二月後東省鋪水下注後該廳王貽象稟稱沙淺處尚須添築小壩請酌發銀兩吳墩復給銀二十兩以資辦工之用是所發銀數兩次計共四千兩張鼎並無短發誤公情事薩彬圖所奏未免冒昧所有張鼎降級之處著無庸議現在河口已共渡過重船一千二百九十隻較上年此時計多過船三百七十隻其邳宿運口淺澀處所早經築壩刷滌稍深又多集剝船以資運送著責成漕督薩彬圖督飭催趲毋任逗遛並於沿途留心查察勿任旗丁等攬和舞弊致米色不純

徽變干咎 甲戌

上御演武廳閱健銳營操○命鑲藍旗蒙古都統果勒敏色在紫禁城內騎馬○旌表守正捐軀甘肅平羅縣民丁三保妻馬氏○乙亥諭內閣此案臺廣隴與服孀王氏通姦產生私孩用手招斃藏於櫃內欲俟夜靜攜出揀

棄當經同院居住之服孀賈氏聞知乘臺廣隴外出騎驢出村欲赴縣呈告臺廣隴路遇將賈氏拉下攔阻辱罵用言恐嚇逼令回家賈氏氣忿瞥見路旁有井奔跳入內旋即殞命是臺廣隴與總麻服孀王氏通姦本係亂倫復威逼服孀賈氏投井身死情節兇狠將來秋審時必應予勾本年係停勾之年未便僅照三法司定擬斬候致該犯日久稽誅臺廣隴著即行處斬餘依議○除江蘇六合縣

被水坍沒民衛田地一十九頃二十二畝有奇額賦○丙子

上辛靜明園○還圓明園○調福州將軍賽沖阿為西安將軍以西安左翼副都統達沖阿為福州將軍調熊岳副都統富僧德為西安左翼副都統以德州城守尉祿成為熊岳副都統○遣內閣學士王福迎奠故西安將軍三等公德楞泰茶酒賞銀五千兩治喪予祭葬謚壯果入祀昭忠祠並命四川省城建立

專祠以其子蘇冲阿襲一等侯○旌表守正捐軀河南沈邱縣民石榮女石氏○丁丑上御勤政殿聽政成親王永理以疾辭領侍衛內大臣允之調正黃旗領侍衛內大臣綿恩為鑲黃旗領侍衛內大臣以鑲黃旗漢軍都統綿億為正黃旗領侍衛內大臣○以前任湖北布政使常安為太常寺卿○除浙江錢清場被潮坍卸地三十八頃四十二畝有奇額課 戊寅

上詣

安佑宮行禮○諭內閣鑲藍旗蒙古都統等奏請將失察抱養民人為嗣含混具報之叅佐領等交部議處果勒敏色富翰明志自請交部察議等語馬甲卓哩克圖托克托遜身係民人自幼冒給旗人為嗣該佐領等未能即時查出殊屬怠玩所有含混具報之原管佐領驍騎校領催族長均著交部嚴加議處失察之都統副都統叅領及現管之佐領驍騎

校領催族長俱著交部議處該旗都統果勒敏色副都統富翰及歷任都統副都統亦難辭咎俱著交部察議明志甫經到任著加恩免其察議此等抱養民人為嗣之事大約各旗皆有該佐領等若能於具報生子時立即查驗明確都統等復加查覈何至日後有此弊端嗣後各旗都統務當嚴飭所屬認真稽查以辨真偽斷不可任聽旗人抱養過繼將此通諭各旗知之○旌表守正捐軀廣東龍

川縣民王西元妻黃氏○乙卯諭內閣本年正月間先據松筠奏稱在塔爾巴哈台安插之寧陝叛兵蒲大芳等三十一名謀為不軌被人首告當於拏獲之後悉行正法此其孽由自作松筠所辦尚無不合但未將該犯等謀叛實據詳悉查明又未將到案供詞奏聞已覺草率至於塔爾巴哈台尚有安插叛兵馬友元等二十四人並非與蒲大芳等同謀而松筠續又奏稱馬友元等於查拏蒲大芳

之時並無恐懼。因飭令調至伊犁。派色爾袞迎赴中途。即行正法。此外尚有分戍南路三城之王文龍等一百三十五名。與蒲大芳等相隔尤遠。更不能知蒲大芳等謀逆情事。而松筠本日又奏稱。恐其聞知蒲大芳等信息。心生疑懼。或敢妄逞桀驁。戕害人民。伊等當日本係蒲大芳等同惡罪犯。今因蒲大芳株連不能寬貸。已俱令各城送至伊犁。仍派色爾袞迎赴前途。分起正法。約計此十日內外。

可以全數辦結等語。實屬草菅人命。暴戾殘忍。荒謬已極。寧陝叛兵。從前因罪犯應死。但彼時既予寬貸。安插新疆。豈有事隔數年。無端概予駢誅之理。馬友元、王文龍等。如果與蒲大芳同謀不軌。抑或於蒲大芳等正法之後。續有滋事之處。一經查明確實。自當一律論死。不必姑息。今松筠於馬友元等二十四人。祇稱其不知恐懼。遂行誅戮。於王文龍等一百三十五人。則言其本係同惡。罪應株連。

豈復成話。松筠於此一事。辦理輕率冒昧。至此看來。伊竟胸無把握。此外一切事務。又安望其能經理妥協。寬嚴得當乎。松筠不勝伊犁將軍之任。著傳旨嚴行申飭。交部嚴加議處。即來京候旨。○調正紅旗漢軍副都統王寧為正紅旗滿洲副都統。以總管內務府大臣蘇楞額兼正紅旗漢軍副都統。調正紅旗護軍統領溫春為正白旗護軍統領。以內閣學士蘇沖阿兼正紅旗護軍統領。頭等侍衛

博啟圖為鑾儀衛鑾儀使。○調杭州將軍興肇為荊州將軍。以密雲副都統雙喜為杭州將軍。正白旗護軍統領菩薩保為密雲副都統。○調烏里雅蘇台將軍晉昌為伊犁將軍。黑龍江將軍觀明為烏里雅蘇台將軍。以齊齊哈爾副都統斌靜為黑龍江將軍。調黑龍江副都統靈泰為齊齊哈爾副都統。以吉林協領穆騰額為黑龍江副都統。○庚辰諭內閣朕昭事

上帝肅將誠敬凡值

郊壇大祀一切典禮儀節敬稽

皇考高宗純皇帝舊制遵行溯查乾隆元年至

二十四年

聖駕詣

壇均至

昭亨門外降輦至乾隆二十五年

皇考聖壽五旬詣

壇時係由北首外西天門進

廣利門內降輦蓋節步履之勞正以壹精禮
之格迨三十七年之後

聖壽已越六旬始經欽奉

諭旨將所有升級次數及降輦步行遠近無關

大體諸儀節交廷臣詳議量從減省今朕春

秋甫屆五旬一切登降儀文並未稍覺繁重

惟從前

皇考既有由北首外西天門進

廣利門詣

壇成例著該衙門敬謹詳查

皇考當日降輦之處有無記載如有一定處所
即當遵照舊儀如向無存記著將

昭亨門外降輦後步行遠近及

廣利門內應於何處降輦步行稍可節省詳

細相度繪圖具奏候朕酌行尋議

聖駕詣齋宮時乘步輦進北首外圍西天門進

廣利門至

壇之西南隅對樹林降輦處起至南樞星門左

門止共計五十丈較

昭亨門外降輦處至南樞星門左門八十三

丈之處節省三十三丈臣等恭擬即在新設

樓薦處降輦及祀日禮成後請仍於

神路西階下鋪設樓薦處升輿從之○又諭本

年朕五旬萬壽慶辰內外臣工例應敬獻冊

頁以輸祝嘏之忱惟是近年以來國家遇有

舉行典禮諸臣等所遞之冊每有集用文選

各書成語而恭集御製詩文者尤多摺之文

體究非正裁朕所弗取夫文以典雅為宗至進奉文字尤當體裁閎整華實並茂如古人所謂頌不忘規者庶合乎對揚之義若概用成語集為詩文並非出自心裁既無由覘其夙學而於文章軌範更乖雅正嗣後臣工等呈進冊頁惟當一歸體要或詩或文皆可各展所長以抒下忱而宣上德毋得仍習佻巧致失修辭立誠之旨將此通諭知之○以西陵工程完整賞還副都統蘇楞額內務府大臣常福二品頂帶加副都御史戴均元二品頂帶辛巳

上幸萬壽山○諭內閣兵部奏酌議恩詔加級章程一摺所辦是向來恩詔加級均須俟各員到任後分別註冊但官員赴任有遲速遠近之不同若以到任為斷則同時引見之人其程途較近者自必行走較速到任可在恩詔之前獲邀加級其到任在後者即不得加級殊未公允而部中遇有參罰叢議之案必

須行查到任日期不但輾轉稽遲案多塵積而其中先後參差含混捏報易滋弊端今兵部議請將應行引見人員以引見奉旨之日為斷毋庸引見人員以具題奉旨之日為斷其各省拔補外委亦以咨文到部之日為斷俱於新任內給予加級自應如此辦理至文武事同一例所有本年恩詔內文員加級著吏部亦即照兵部此次所定章程辦理以昭畫一 諭軍機大臣等前經降旨以本年朕

五旬萬壽慶辰特於各直省文武大員單內用硃筆圈出各員均令屆期前來叩祝此外未經派出者俱毋庸再行瀆請日前在途次召見天津鎮總兵本智復以情殷祝嘏奏懇來京因思專閫大員有統轄兵弁之責本智既未經朕派出自應以職守為重且各省提鎮甚多直隸總兵亦非止本智一人若紛紛俱欲奏請赴闕豈能概予准行即如本日成都副都統東林有奏請之摺業已不准所請

並將東林交部察議本智亦不必前來叩祝
毋得再行瀆請將此傳諭知之○壬午諭內
閣向來欽天監奏觀候本章凡遇節氣就風
色方向所宜鋪陳吉語皆係先期豫備朕所
素知即如本日交立夏節在辰初二刻八分
欽天監奏其時風從東南巽方來主年歲大
熟等語朕披覽本章時甫交辰正該衙門豈
能於片刻之間繕本用印其為豫擬不實可
知朕崇尚實政屏黜虛詞司天占驗原以察

天文而驗人事如果應時協吉仰荷

昊慈固深欽感儻或風候偶愆亦可藉資修省
若僅虛應故事視為具文殊覺無謂嗣後欽
天監於觀候本章務須詳細占驗據實陳奏
自本年夏至起每屆節令均於第三日具題
以備省覽○諭軍機大臣等本日據清安泰
奏河南舉人宋廷貴上年懷挾作弊僥倖中
式現經告發查拏審訊等情科場為抡才大
典必應公明詳慎遴取真才今外省既有此

等弊端本年會試或各舉子等亦有私擬題
目夙構懷挾等弊不可不加意防範著傳諭
該正副考官聞內衡文務將三場試卷通行
校閱其頭場文字並須將制藝三篇一律比
對擇其文理清暢辭義勻稱者取中不可專
就首藝一篇以定去取該考官等果能共矢
公慎精心鑒別不使作偽者得以倖獲自能
甄別俊髦以光盛典也○禮部以宗室會試
中額請得旨取中三名 癸未諭內閣良貴

奏佛倫保自戕身死一摺前因佛倫保收受
餽送禮物并挾詐捏奏各情降旨令烏什解
送喀什噶爾質訊自應待罪候旨乃於路過
葉爾羌時輒用身佩小刀自戕殞命且伊家
有老親曾不念及奉養無人遽爾輕生實屬
不忠不孝佛倫保屍棺不准回京不拘行至
何處即於該處掩埋所有綠營都司羅大炳
專司解護乃竟疏於防範著交部嚴加議處
良貴未能先事豫防亦著交部議處至佛倫

保家人福兒既知伊主有畏罪情事仍不小
心跟隨致有疏虞護送兵丁王珍未能隨時
照料均有應得之咎良貴於摺內未曾議及
亦屬疏漏福兒著鞭責枷號滿日遞回旗籍
兵丁王珍著即責革解送獲罪大員斷無派
委兵丁一人護送之理此外尚有同派兵
丁著一併查明責革示懲○甲申諭伊犁將
軍晉昌伊犁地居絕域自古未入版圖我
皇考高宗純皇帝

天錫

聖神聰明睿知成

兩朝未竟之志開二萬里之新疆北路特置將
軍內撫各城外綏諸部兼之戍卒遣犯紛集
錯處責任重大視內地督撫倍之蓋撫馭外
藩之要道總不出乎畏威懷德然必先使之
有可畏之威後方有可懷之德皆以實心行
實政也我

皇考五年之閒犁庭掃穴大武用揚

神威丕著各部落誠心歸命繼施
深仁厚澤永獲生成至今四十餘年盈寧安聚
桴鼓不驚皆凜畏

神威久沐

深仁之明效大驗也朕承

慈眷撫治天下幸際熙和之時彌殷盛滿之懼
曷敢稍圖安逸惟勉敬勤以求治耳卿派衍
天潢才鍾宗族前有微過非不可赦之愆尤
今寄干城抒大有為之才德寬嚴並用相濟

剛柔刑賞必公無過不及訓練營伍勿憚勤
勞綏撫羣藩勿存偏袒授官先拔功勳聽訟
務宜詳慎待同寅不卑不亢御屬吏無隱無
私除莠安良綏邊和衆為國家之屏翰樹奕
葉之勲名雖君門有萬里之遙然瞻宇覺帝
京之近勿辜訓辭欽哉母忽○諭內閣據祿
康等奏馬譚氏母女被殺案內緝兇未獲之
各營員於奉旨後初次屆四箇月限滿將職
名開送兵部議處另片懇請將接緝處分仍

照本例辦理等語所奏不可行朕因此案係輦轂之下白晝行兇正犯日久未獲特降旨嚴立限期俾緝捕各員共知警惕該部遵照諭旨計日查叅乃祿康等於奉旨之後初屆限滿即為所屬營弁懇恩豫占地步該營弁等知有此奏自必心生懈弛仍不認真緝捕要犯迄無弋獲之期成何事體除各員仍交部遵照前旨議處外祿康等惟當嚴飭所屬實力偵緝務獲正兇毋得意存觀望冀邀寬典諭軍機大臣等昨有旨將晉昌補授伊犁將軍令其星夜馳赴新任伊犁將軍事繁責重晉昌初肩鉅任恐於撫治機宜未能洞悉朕特親製訓示該將軍諭旨一道詳切誨導凡撫綏藩部統馭軍民各要務備具其中即將硃筆御書並繕譯清文發交晉昌祇領該將軍其悉心體會勉力遵循邊陲重地不可寬柔以損國體亦不可剛暴以失衆心晉昌三復訓詞持之以敬慎出之以公忠必能

綏靖邊疆克副委任也將此諭令知之○旌表守正捐軀直隸晉州民高洛協女高氏○乙酉諭內閣四月初九日諏吉恭修皇穹宇
皇乾殿內供奉
皇考高宗純皇帝神牌著派儀親王永璇成親王永理前往敬謹行禮至恭請神牌該衙門未經聲明請派何員此次著儀親王永璇成親王永理分詣
皇穹宇
皇乾殿於行禮後敬請
皇考高宗純皇帝神牌安奉龍亭至
神庫供奉照例行禮俟恭修告竣仍著儀親王永璇成親王永理恭請還奉
皇穹宇
皇乾殿嗣後遇有敬修神牌之事即著派出行禮之王大臣恭請用昭誠敬著為例○調福建汀州鎮總兵官烏爾

卿額為山西太原鎮總兵官○丙戌以右春坊右中允方振翰林院編修齊鯤署日講起居注官○旌表守正捐軀河南光州民女劉氏○丁亥諭軍機大臣等韓對奏密陳粵東洋面實在情形一摺韓對所稱粵東沿海數千里道路綿延處處可達外洋防守稍疏賊匪等易生窺伺所以有海防而無海戰等語朕與廷臣皆時時論及欲靖海洋莫如先固口岸而欲固口岸則全在地方官經理得當

如果各州縣平日留心緜緝俾良民安居樂業自不致出洋為匪此外如水米火藥接濟之物嚴行查禁各處扼要礮臺添兵實力防守則賊勢自當日見衰弱又摺內稱沿海村落則令地方衿耆董率丁壯互相捍護等語從來以兵衛民不如使民自衛然亦總須地方官妥為勸諭凡此良法美意全在治人此時百齡將次抵粵著該督撫一切詳細會商期於事事妥協盡善得收實效勉副委任○

禮部以會試中額請得旨滿洲取中八名蒙古取中二名漢軍取中三名直隸取中二十三名奉天取中二名山東取中十九名山西取中十二名河南取中十名陝甘取中十名江蘇取中二十名安徽取中十四名浙江取中二十三名江西取中十九名湖北取中十一名湖南取中九名福建取中十三名廣東取中十名廣西取中六名四川取中七名貴州取中九名雲南取中十一名○旌卹遇賊

捐軀陝西洋縣民婦白馮氏如例除直隸各屬水衝沙壓地五百七十三頃二十五畝有奇旗租 戊子

上幸靜明園詰

龍神廟拈香○諭軍機大臣等據禮部奏接據朝鮮國王李琿咨稱上年十一月內有江蘇元和縣民人龔鳳來等十六人載篋竹船一隻前往山東因開洋遇風漂至該國大靜縣地方船隻觸碇除優給衣糧將該民人等

送至鳳凰城由盛京將軍轉發原籍外其裝船鐵物計重四千三百餘斤已從優給價等語向來銅鐵器具應行禁止之物定例不准出境此次龔鳳來等船內所載鐵物是否皆違例之物該國王咨文並未載明現已有旨俟龔鳳來等解至原籍後交巡撫汪日章審訊出洋緣由此時如甫至盛京一帶即著富俊先行傳訊令其將所帶是何鐵物帶往何用朝鮮給價若干一一據實供出一面奏聞

一面知照汪日章詳悉研究富俊仍當行文朝鮮國王以該國王臣事天朝最為恭順前此嘉慶十二年冬閒曾有內地民人朱張兩姓將米石及銅錢鐵器等件與該國商民私相貿易該國一經盤獲立將違禁各物遵例解京當經大皇帝施恩賞賚在案此次內地民人龔鳳來等之船被風漂至該國境內該國王即優給衣糧派員由旱路送回內地辦理自屬妥協但龔鳳來等所帶鐵物多至四

千三百餘斤恐該民人等或有違禁不法情事現奉大皇帝諭旨將來解到時尚須嚴審此項鐵物前經該國存留應即將是何物件詳細開單咨送前來其該國從優給價之處亦應將所給價直若干一併開報以便奏聞嚴辦富俊於朝鮮國王咨覆到日亦即一面奏聞並知照汪日章向龔鳳來等質訊可也將此諭令知之

己丑諭內閣據派出考驗前鋒護軍之王大臣等將前鋒護軍開列等第數目具奏一摺八旗滿洲內外火器健銳等營兵丁共二萬七千二百餘名應入考驗乃列頭等者僅六十名此中外滿洲火器營列為頭等者二十四名健銳營列為頭等者十八名可見該管大臣等平素尚能留心操演殊屬可嘉圓明園八旗內務府三旗列頭等者僅止三名內滿洲火器營列頭等者僅止二名八旗護軍左右兩翼前鋒營列頭等者僅止十二名圓明園八旗內務府三旗兵

丁看守御園向不派兵派圍伊等每日直班
無暇練習尚有可原至內滿洲火器營係專
習操演營分八旗護軍左右兩翼前鋒雖在
紫禁城進班亦係八旗輪直尚有閒暇操演
且時常派兵隨圍乃致馬步射平常至此是
該管大臣等平素不能實心訓練所有管理
內滿洲火器營大臣前鋒統領八旗護軍統
領均著申飭除將應賞者照例賞給外嗣後
該管大臣等務各勤加操演斷不可怠惰從
事俾成勁旅以副朕諄諄訓誡至意（旌表
守正捐軀江南高郵州民楊玉春妻馮氏）
是月江西巡撫先福奏清釐地方要務得旨
倉庫宜補不可有名無實新舊牽混訟獄宜
清不可草率了結致有枉縱營伍必須整頓
嚴查剝削窮兵之將弁工作亦必經營須防
侵蝕錢糧之汙吏四端既得庶事咸修勉之

實錄卷一百八

上

大清仁宗受天興運敷化綏猷崇文經武孝恭
勤儉端敏英哲睿皇帝實錄卷之二百八

實錄卷一百八

三十五

大清仁宗受天興運敷化綏猷崇文經武孝恭勤儉端敏英哲睿皇帝實錄卷之二百九

駐德公使官邸逐日講起居注太子太傅武英殿大學士明倫閣總纂修稽察欽奉
上諭事件處管理工部事務翰林院掌院學士隨帶

聖級母常加四級臣曹振鏞補職官太子太傅文淵閣大學士官理刑部事務加五級臣戴均元經筵日講起居注官太子少保內大臣文綱

閣說學閣事稽察欽奉
上諭事件處偏辦大學士戶部尚書翰林院掌院學士教習庶吉士總管內務府大臣鑲黃旗滿洲都統步

軍政管理處三庫主任清瀾圖等處總理處御茶膳房御藥房太醫院西洋堂事務功加三級隨帶聖親尊常聖五級紀錄二十

一、少英和吸運鎮官太子太保禮部尚書李鴻章行走武英殿總管管理國子監事務加六級連帶加二級光緒四年八月汪廷珍等奏

教修

嘉慶十四年己巳夏四月庚寅朔享

宋書卷一百九

五

太廟遣儀親王永璇恭代行禮○壬辰諭內閣
前因廣興奉差東省邱庭澄於藩司任內稟
明長齡動支庫項辦理差務事關挪移公帑
撫藩上下扶同一氣不可不徹底根究當經
降旨令和寧馳赴蘭州署理督篆將長齡革
職拏問在彼候質茲據和寧奏訊據長齡供
稱邱庭澄稟借庫項曾經阻止後來張鵬昇
等回明已借庫存養廉墊辦並未說明銀數
惟當時既不叅劾事後又未稽查實屬糊塗

至李臨控案係升任陝甘以後之事廣興婪索歌謠實不知情等語長齡身任封圻既經藩司稟請動支庫項有干例禁並不立時奏已屬溺職辜恩祇知朋友私情不明君臣大義迨事後張鵬昇等曾經回明係借用養廉銀款長齡又不詳詢細數據實叅劾直與知情授意無異至李臨控案廣興威嚇取財雖事在長齡升任以後但該省吏治廢弛長齡在彼毫無整頓且地方官爭以逢迎為事

書數本上

五

自因辦理公務多有弊竇慮及廣興指摘因而任聽屬員借帑辦差以為消弭地步長齡實屬有負委任罪無可辭著即由甘省發往伊犁効力贖罪以示懲儆邱庭澧現無應行質對事件不必留羈刑部著遵照前旨即行發遣○又諭刑部奏覆訊已革叅贊大臣愛星阿於塔爾巴哈台任內種種錯謬及擅用非刑之吉勒通阿審明分別定擬一摺愛星阿係棄瑕錄用之人乃於塔爾巴哈台倉糧

並不詳查檔案即稱歷年含混搭放冒昧具奏尚屬咎之輕者至哈薩克岳羅拜一案岳羅拜係探親迷路之人既經被獲愛星阿並不親訊確情立予省釋率令吉勒通阿刑訊吉勒通阿輒用非刑鍛鍊以致岳羅拜屈招為賊又不查明奏迨該台吉遣人赴訴真情仍不急為平反種種錯謬獲罪尤重愛星阿著改發黑龍江効力贖罪至已革主事銜吉勒通阿審訊岳羅拜不細心研鞠濫用非刑幾致無辜夷人枉遭刑斃亦屬罪無可逭吉勒通阿著發往吉林當差仍於到配之日加枷號一箇月以示懲儆○戶部議准調任廣東巡撫孫玉庭疏報番禺香山恩平三縣開墾田四十七頃二十二畝有奇照例升科從之 癸巳

上詣

大高殿行禮○還宮 諭內閣昨日有人呈遞匿名揭帖係控告慶惠家人苗八丁二跟隨

赴藏沿途得受站規情事當派祿康托津傳提苗八丁二隔別研訊據供聞有得受驛站銀兩並所帶轎夫沿途曾得飯食錢文等語慶惠奉差赴藏理應管束家人安靜行走奉公守法今伊家人苗八等得收驛站銀兩業據供認屬實已有失察之咎而沿途坐轎尤屬非是慶惠係御前侍衛年齒尚輕並未衰老又無殘疾且隆福亦係副都統乾清門侍衛年逾六旬尚然長途乘馬乃慶惠性耽安逸沿途坐轎行走實屬膽大狂妄慶惠著交部嚴加議處並先革去頂翎逐出御前侍衛在家聽候部議至伊家人苗八丁二現派軍機大臣會同刑部審訊其經過地方有無勒索情弊及慶惠有無需索入己之處已另飭各督撫確切查明候具奏到日再行覈辦○以常雲祀

天於

園丘自是日始齋戒三日○甲午諭內閣據御

史吉昇何學林奏倉場裝米口袋不堪使用請查明修補一摺所奏是口袋一項每年給價製辦必須厚密堅緻方任全漕之用今據該御史奏現在口袋甫經裝用已多破損綻裂者若再日久顛播加以雨淋日曬鈔朽必多恐滋拋撒等語漕米輓運維艱顆粒皆當珍惜豈容任意狼藉現在口袋稀薄難使皆由達慶蔣予蒲等經理不善所致著交新任倉場侍郎福慶等查明叅奏至目前需用緊急並著即速查驗修補以資實用至來年製辦之時著飭令揀買厚密布匹縫連結實由該侍郎等認真查驗勿任胥吏等稍有偷減情弊又據何學林奏請嚴剔倉儲弊源一節各倉弊竇甚多如偷盜回漕挪移攪和等事無所不有皆由花戶等日久盤踞毫無顧忌而官員等受其愚弄竟至不能過問即如近日徽變米石固緣倉官等經理不慎所致而伊等巧於撓難挪新掩舊百弊叢生平時於

廠中官物如木植板片氣簫之類任意偷盜以致米石朽壞而於開放之際則又多方勒指需索無窮旗人生計被其朘削實為漕務積蠹若不嚴行釐剔何以廓清倉儲著新任倉場侍郎率同經管官員隨時密訪詳查將此等不法之徒奏交刑部究辦以絕弊源不可稍有疏縱○又諭御史何學林奏鼓鑄宜昭畫一一條據稱京局錢文字畫俱不分明由鉛多銅少纒薄不堪外省則有缺邊漏縫等錢不能通行垂久甚或暗減卯數已發出者復潛歸局中故逐年鼓鑄錢不加多而小錢充斥現在貴州及湖南之常德湖北之漢口以至江省莫不皆然等語錢法為國用攸關原當堅厚明潔期於通行經久乃近來京局鼓鑄錢文其輪郭肉好即有模糊脆薄之弊無怪外省往往偷減工本率為纒薄錢文不堪使用甚或奸民嗜利私鑄小錢攪和行使種種弊端難以枚舉自宜申明舊例加意

釐剔著戶工二部及各省督撫力除諸弊鑄局銅鉛照例配搭毋任偷減務期大小輕重適均其市間小錢設法收銷庶國寶流通私鑄自息又稱關權宜嚴禁訛索一節據稱盧溝橋地方每日經過大小車輛其數難紀該人役等每以查驗為名故意攔阻需索飯錢多者數十兩少亦須數兩方肯放過而廣寧門為尤甚竟有搜出銀錢硬行搶散之事等語設關權稅原以裕國通商總宜寬嚴得中

庶不致煩苛滋擾設司事者任令人役等有意從嚴則必肆意搜求遇有行旅過客傾箱倒篋無所不至在商賈長途跋涉方期及早就舍息肩何堪受此苦累若或一味從寬恐奸商等又啟攬載漏稅等弊著該管稅務大臣加意約束人役凡一應貨物均照定例徵稅其尋常過客祇令該役等留心稽查奸宄毋許任意搜求索取飯食致滋擾累將此通諭知之○轉工部右侍郎阿明阿為左侍郎

以總管內務府大臣蘇楞額為右侍郎○調鑲藍旗蒙古副都統明志為鑲白旗滿洲副都統以總管內務府大臣常福為鑲藍旗蒙古副都統○乙未

上詣

南郊齋宮齋宿○丙申常雩祀

天於

圓丘

上親詣行禮○辛圓明園○丁酉

上幸萬壽山○諭內閣溫承惠奏查明富貴山一帶搜獲木植及地方寧謐情形一摺據稱現經清河河道胡鈺等稟明查訊營員等上山搜尋木植並無拆毀民間木柵占住房屋等事自可無庸查辦至此項木植既係四處山溝尋獲並無大件木植於官工不堪應用係何時何人砍伐無從稽查著免其深究以省拖累所有該處山場地畝民間開墾耕種居住樂業已歷有年所亦著免其驅逐嗣後應

仍循照從前舊定章程於大小松樹飭令地方文武官弁不時巡查嚴禁樵採其餘均無庸禁止俾資民便以戶部尚書德瑛為滿洲繙譯會試正考官內閣侍讀學士砥柱為副考官理藩院尚書博興為蒙古考官戊戌

上御勤政殿聽政引見戊辰科散館及補行散館人員得旨此次散館之修撰吳信中編修謝階樹及補行散館之修撰吳廷琛業經授職其清書二甲之庶吉士高翔麟費丙章漢書二甲之庶吉士賀長齡陳官俊周之琦錢林張葆劉嗣綰史評陶樑沈岐陳傳經林培厚王耀辰劉榮黼董國華朱榮胡承珙羅家彥宮煥李可瓊夏國培饒絢春李恩繹于德培恩寧胡兆蘭俱著授為編修漢書三甲之庶吉士王道行馮縝俱著授為檢討尹濟源吳恩韶潘恭常趙植庭趙光祿沈學廉趙維熊何均吳昌齡蕭應奎程鍾靈姚丙成唐

業謙何增元張美如楊鎮戴宗沅廖敦行吳其浚錢儀吉區玉麟隆文龔以鏜宗室敏勤俱著以部屬用于學宗魏元烺曾冠英李聚元鄭城楊本濬徐江屠倬賈秉鍾朱廷慶涂晉王錫蒲王槩曾唐善良郝兆鈺李建北楊煊李桂林俱著以知縣即用邵鳳依趙鍾彥徐步雲施鸞坡俱著歸原班銓選以太僕寺卿多福為內閣學士兼禮部侍郎銜以山東布政使朱理為光祿寺卿調陝西布政使慶保為山東布政使以服闋布政使朱勳為陝西布政使調陝西按察使陳祁為甘肅按察使甘肅按察使常格為陝西按察使己亥諭內閣裕瑞奏八旗送挑各項差使或俟補有米養育兵方准送挑或不論閒散無米養育兵一概送挑請旨一摺八旗挑取護軍前鋒馬甲等缺自應看其弓馬才技不應如挑取養育兵祇論家口是以向例凡挑取護軍前鋒馬甲等缺雖閒散等亦准其一體

入選今送挑八旗各項差使不能畫一辦理著交八旗都統副都統嗣後凡挑取護軍前鋒馬甲仍照舊例不論有米無米之養育兵以及閒散等均著一體准其送挑○諭軍機大臣等方維甸密奏初限彌補銀數並擬將各員分別勸懲請交吏部查辦一摺所奏不可行彌補虧空原係交該督撫自行密辦之事其原虧數目及彌補章程並不咨報戶部此時設交吏部查辦其已完未完部中憑何

查覈議處議欵部中如何措詞且限年彌補係朕法外施恩若彌補不完虧缺破露僅止交部議處各省州縣又復何所畏懼名為從嚴實屬疏縱此事既由該撫督辦朕惟責成該撫如果辦理妥協彌補全竣將來奏明通省無虧彼時朕或可酌量施恩降旨獎勵此時正在勒限彌補一切勸懲之道惟在該撫秉公酌覈或量加獎擢或遲其升轉隨時存記辦理行之以實自有成效不必請交吏議

也將此諭令知之○戶部議准調任廣東巡撫孫玉庭疏報遂溪恩平二縣開墾地二十頃九十八畝有奇照例升科從之○庚子諭內閣本年萬壽會試恩科各省年老舉子皓首窮經觀光踴躍三場完竣者有三百七十餘名之多實為壽宇祥徵本日降旨已分別加銜並此內曾得編修檢討銜者亦一體遞予加銜矣因思伊等衰年望澤勵志風檐固宜廣被榮施慰其暮景而施恩亦當定以限

制不可過濫且編檢係詞垣清秩自不應再赴禮闈嗣後年老舉子祇得學正助教銜者仍准其會試若未經中式加銜檢討其已得檢討銜者即不必再行會試著為例至九十以上者年近期頤非尋常年老舉子可比來京會試向有賞給司業銜之例並不因曾經賞銜以次遞加自可照舊辦理此外年老給銜者如遇祝慶迎鑾陳獻詩冊屆期原可酌量加恩不拘成例也○停本年蒙古繙譯會

試又諭據禮部奏本年蒙古繙譯會試僅有三人考試八旗蒙古中舉人不少今逢會試之年僅有三人報考餘或另授官職別挑差務以至怠惰不學不行會試此皆該管大臣官員等教訓不善所致著傳旨申飭並將此次會試三人扣除其曾派蒙古開卷大臣博興及同考官等即行出場嗣後八旗蒙古等務須勉力學習下次會試若有七八人再行考試若人數不敷仍停止考試賞會試年

老舉人孫宗承等三百七十二名司業編修檢討助教學正職銜有差○辛丑

上幸靜明園詣

龍神廟拈香○禮部以滿洲繙譯會試中額請得旨取中五名遣喀喇沙爾辦事大臣哈豐阿往奠故土爾扈特扎薩克卓哩克圖汗納木濟勒多爾濟茶酒賞銀三百兩治喪以其子策登多爾濟襲爵○裁貴州普安縣屬土把總安順府屬土千總把總外委等六

缺從巡撫孫玉庭請也○旌表守正捐軀河南虞城縣民劉兆器母姚氏壬寅諭內閣兵部題遵旨查議成都副都統東林一本昨因東林未經派出來京祝嘏輒行奏請赴闕叩祝且摺內語多繁絮特降旨申飭並交部查議該部議將該副都統照違令例罰俸九箇月復聲啟查有紀錄次數應否准其抵銷請旨遵行殊屬非是此係特旨交議之件何得率行議抵兵部堂官辦理此案未免徇情

著交部察議東林即著罰俸九箇月不准抵銷嗣後如再有自行奏請來京祝嘏者即著照此辦理亦無庸再交部議○癸卯諭內閣楊遇春奏查閱陝安漢中營伍甄覈官兵一摺向來督撫提鎮查閱營伍往往視為具文今楊遇春認真考校據實甄覈甚屬可嘉文武大臣能不徇情面方為朕得力之人必當如此整頓庶操防不致日就廢弛除弓馬平庸之關山營把總王連陲西鳳營額外外委

十五

清實錄
嘉慶十四年四月下

救修

黃旗都統奏。據正藍旗蒙古都統巴特瑪呈稱。伊子富蘭名下。有應賠銀一萬七千一百兩。無力賠交。願將住房交官作抵。其餘將伊等廉俸錢糧坐扣等語。巴特瑪富蘭均係當兵出身。伊父子曾經出兵受傷。其家窮苦。乃朕所素知。富蘭應賠銀兩。無力還繳。自屬實在情形。若將其住房交官。並將廉俸錢糧全行坐扣。即無以資當差之用。因令軍機大臣。將富蘭應賠之項。酌量均攤。其廉俸等項。加

恩祇扣一半。茲據慶桂等將富蘭應賠銀一萬七千一百兩。於范建豐等九人名下攤賠。開單呈覽。內有哈豐阿名下攤銀八百兩。因思哈豐阿亦屬窮苦。此項銀兩無庸在哈豐阿名下攤出。著仍在富蘭名下。同餘銀四千九百兩。在巴特瑪等廉俸錢糧內。每年坐扣一半。抵繳還款。其巴特瑪房屋。亦著加恩賞還。以示體卹。○旌表守正捐軀安徽靈璧縣民高汝和妻趙氏。四川樂山縣民李元朋女。

李氏。○丙午。

孝端文皇后忌辰遣官祭

昭陵。○諭內閣。正紅三旗都統等奏。自行檢舉。請交部分別議處一摺。在京各倉庫。向來派撥兵丁直宿巡邏。原以防竊盜而重守藏。乃前此戶部銀庫筆帖式玉柱。勾通該班兵丁奎明等偷竊銀兩一案。其直班兵丁。應由正黃旗派出。乃竟有正紅旗兵丁替代。以致夥同舞弊。今製造庫直宿兵丁。係由正紅旗派

撥。而所撥五人內。即有四人係屬包班總。由於各旗都統等。平日祇知養尊處優。因循疏懈。除挑缺帶領引見之外。毫不認真稽查。相率玩忽。而正紅旗為尤甚。所有正紅三旗都統及叅領等。著交部分別議處。仍著申飭嗣後各旗叅領等。於所派各倉庫看守兵丁。務須實力稽查。毋任有私行包班等弊。該管都統等。均當一體留心稽覈。如查有包班弊端。即據實奏。僕仍前因循疏忽。別經發覺。必當治以應得之咎。該管倉庫之大臣官員等。於兵丁雖素非統轄。不能認識。而於應行換班之時。見有班期已滿。不行更替。並直班較他人獨多者。其中即係違例包班。無難查究。叅辦。惟當隨時稽查。毋稍疏忽。致干咎戾。○以故貝勒綿懿子奕緒降襲貝子。○賞太常寺贊禮郎恒傑二等侍衛。為烏嚕木齊領隊大臣。○戶部議准。長蘆鹽政伊昌阿疏報。樂亭縣石碑場開墾新淤地三十三頃三十

八畝有奇。照例升科從之。○丁未。賞司經局洗馬秦承恩三品卿銜。○戊申。諭內閣。前此松筠因塔爾巴哈台安插叛兵馬友元等二十四人。於查拏謀逆之蒲大芳時。並無畏懼。飭令調赴中途。即行正法。其分成南路之王文龍等一百三十五名。與蒲大芳相隔雖遠。松筠恐其聞知信息。心生疑懼。或敢妄逞桀驁。又調赴中途。分起正法。並未將供情詳悉聲敘。即概予駢誅。未免草菅人命。是以降旨。

將松筠交部嚴議。部議革職。並令俟晉昌到任後。來京候旨。先行明白回奏。本日據松筠奏稱。前此蒲大芳謀逆。曾稱我們五十餘人約定日期。一面通知南路弟兄。一面先殺官兵等語。其馬友元等素日強入飯鋪任意索食。強賒強買。商民畏其兇惡。不敢聲張。當辦理蒲大芳時。馬友元等跪視行刑。向蒲大芳等言。汝等先去。我等隨後亦去。卻不似汝等空自受死。至王文龍等調赴伊犁。行過阿克。

蘇於扎木地方。聞得蒲大芳正法。不肯前進。及就戮時。有言早不舉事。為恨者。有言誰未殺過數十百人。死亦無怨者。且分成南路各回民畏之如虎。任入誰家。無人敢拒。該匪等實在情形。知之既確。是以迅速辦理等語。該匪等原係寧陝叛兵。免死遣戍。稍有過犯。即當嚴懲。設當該匪在彼強奪滋事之時。該管大臣官員等。立即查辦示儆。何至株累多人。今蒲大芳逆謀敗露。馬友元王文龍等竟敢。

出不法言語。而平日又有桀驁情事。若再為姑息。伊等狼子野心。不知悔改。必致互相勾結。或生他釁。是松筠辦理此案。並非濫及無辜。若彼時松筠具奏。將供詞聲敘明確。斷不加以嚴懲。即因其辦理革率。亦尚可原恕。必不令遠離將軍之任。今伊前奏既屬含糊。而此一百餘人。必應調至伊犁。覆加研鞫。使其供吐確實。明正典刑。原非過當。忽於半途山谷中截殺。成何政體。不知者轉似酷暴濫刑。

矣。在松筠自恐事機不密。釀成他患。然案關多命。措置未免失當。姑念松筠平日操守尚好。熟悉新疆情形。著加恩賞給頭等侍衛。授為喀什噶爾叅贊大臣。回疆事務緊要。松筠職司總轄。仍當認真整飭。辦理諸事。寬嚴得宜。無負委任。積拉堪著即回京。另候簡用。○諭軍機大臣等。景安奏傳鼐升任臬司。苗升等聞信後。欲行懇留一摺。朕因傳鼐歷任苗疆認真出力。是以特予簡擢。用示優獎。今苗民以傳鼐去任。依依不捨。習久相安。固屬人情所有。但既已奉旨。該苗民自不得越例攀留。况傳鼐未離本省。距苗疆不甚相遠。仍可就近經理。傳鼐上年甫經展覲。此時不必來京。著於三年後再請陞見。每年於秋審事竣。或秋成之時。前赴苗疆查閱一次。既可慰苗民愛戴之情。亦可借資彈壓。如果接任之員經理得宜。傳鼐於二三年後即可停止前往。至辰沅道遺缺。關繫緊要。其接手之員。必得

精明強幹。撫馭有方者。始克勝任。著景安遴員奏補。其一切屯防等事。著傳鼐將辦過章程及現在情形。詳悉告知後任。俾得所遵守。自可不致貽誤。苗民益臻寧帖。將此諭令知之。○前任伊犁將軍松筠奏。查明訪拏並押送匪犯蒲大芳等人員。賞守備孫榮花翎。把總唐奉等。升擢有差。○旌表守正捐軀直隸邯鄲縣民馮起才妻姚氏。奉天廣寧縣民郭生仁妻楊氏。四川彭縣民龍亨耀女龍氏。○己酉諭內閣。朕聞給事中英綸巡視東漕。聲名狼籍。查勘泉源。勒索使費。南糧過濟。勒索幫銀。並私喚妓女至署。唱曲住宿等事。當降旨令馬慧裕吉綸確查具奏。茲據馬慧裕奏。英綸查勘泉池。有泉河通判徐鼐隨侍歸時。曾言及該巡漕任意挑剔。喜怒不常。似有需索使費情節。又查據東昌衛守備符包等。會稱聞英綸勒索幫銀。自揚州二至長淮三等。共八幫。因畏其陵虐。各送銀一百餘兩。不知

確數至該巡漕經過汶上及在濟寧時曾令家人並開藥鋪之馬奉書喚妓唱曲住宿皆有妓者之名並欲買妓作妾致令其母帶伊女逃避等語披覽之餘殊深詫異本年因廣興赴東審案性情乖戾威嚇取財甫經懲辦英綸身為言官欽命巡漕竟罔知儆惕輒敢效尤任意挑斥為需索地步得受幫銀已據運官稟覆確有證據如出一轍甚至喚妓住宿有玷官箴較之廣興品行更為卑鄙不堪

廣興係高晉之子英綸係溫福之孫世家大族竟同匪類此而不加之懲治何以肅法紀而正官方英綸著即革職拿問交軍機大臣會同刑部審訊並著步軍統領衙門將英綸家產查抄○以大學士董誥協辦大學士戶部尚書戴衢亨吏部尚書鄒炳泰刑部尚書金光悌工部尚書曹振鏞都察院左都御史周興岱戶部右侍郎劉鐸之禮部左侍郎桂芳為殿試讀卷官○庚戌策試天下貢士孔

傳綸等二百四十一人於太和殿前制曰朕寅紹丕基覃熙宙合仰荷

上蒼鴻佑

祖

考眷貽海宇乂寧雨暘時敘而深宮劬勞益疊治安弗侈小康冀臻大同茲御極之十四年值朕躬五旬慶節誕敷綸詔特開恩榜嘉與天下普錫蕃釐同躋仁壽思所以昌明經術會通典禮正士趨而裕民食者非博採臚言

昌弼予治爾多士揚對大廷其敬聽咨詢各抒所蘊言易首稱漢學其授受源流皆有可考上下經原目始於乾而訖於豐今之篇目何時所定先儒十翼次第不同其以文言分附乾坤二卦者何人荀爽九家易列諸逸象能約舉歟孔子刪書斷自唐虞而周官外史職掌三皇五帝之書其書有見於他籍者歟洪範九疇與八卦相為表裏能暢其旨歟詩首二南詩譜云得聖人之化者謂之周南得

賢人之化者謂之召南厥旨安在詩之用於樂者國君以小雅天子以大雅然燕饗所用或上取或下就見於書傳者凡幾周頌為周室太平德洽之詩作於何時魯頌果奚斯所作歟宋無風而商有頌其義安在春秋宗公羊者幾家宗穀梁者幾家平其異同者幾人修左氏傳者自何人始條列二家不如左氏數十事者何人何事能確指歟經曲之文損益之道莫備於禮漢時后倉最為明禮授弟

子三家者誰氏其名周禮為尚書周官者何謂作十論七難以排之者何人其能釋論難使周禮義得條通者又何人周禮為末儀禮為本豈真本難明而末易曉歟周禮註者多門註儀禮者止鄭康成其為章疏者二家孰舉大而畧小孰舉小而畧大禮記則大小二戴既共氏以分門王鄭兩家復同經而異註其為義疏者則有南北九家五家可縷指之至若唐之開元禮曲臺新禮續曲臺禮宋之

開寶通禮太常新禮太常因革禮以及通典續通典諸書源流得失其參互論斷以為定衡古之用人首德行次才能漢舉孝廉及賢良方正有未仕而舉者有既仕而舉者何歟魏陳羣立九品官人之法劉毅謂九品有八損而官才有三難所謂八損三難者撮舉其畧唐取士多沿隋制常貢之科有幾其擇人有四事而猶必先德行者本末先後不較然歟覓舉之識最為士習之痼弊宋太宗謂科

級之設以待士流豈容走吏冒進竊取科名言之何篤切歟國家求賢取士非徒以階榮進之路多士學古入官宜何如束身自愛以副貢選之盛典也食為民天周禮倉人藏粟旅師聚粟遺人委積其為儲蓄甚備常平義倉社倉無論元史所載河西務十四倉京師二十二倉通州十三倉即今制所由昉顧天庾轉輸丁胥叢雜回漕撓和之弊何以杜之平糴之法所以便民其後或定和糴之制或

築富人倉或置東西市之糴厥為何代管子守國守穀之說李惺羅三糴二糴一之論所言果有當歟宇文融之受詔益貯九穀孫成之發倉賤售薛訥之不與倉粟皆有可採歟夫糴運多則囤積不免存貯久則紅朽堪虞果何道而使市無騰踊穀無汜爛歟夫覃研經籍為致用之原參稽禮制為建中之準先器識後文藝而後登進之法嚴三餘一其餘三而後儲備之道廣斯數者皆經國之要

圖立政之先務也爾多士坐言起行先資拜獻即在於此其勉殫素學悉意敷陳以備選焉○諭內閣前據長蘆鹽政奏將鹽價每斤議增三文摺內餘引銷額開報既涉含混又欲遽加解運巡丁等費與例未符當交部議經部議駁並降旨令該鹽政伊昌阿明白回奏旋經奏覆仍不過敷衍前說未能聲敘明晰現又經部臣逐款指駁所駁甚是前因南河籌辦要工吳璥等奏請鹽斤加價以備

經費朕以事屬因公諭令各督撫鹽政於鹽價內酌量情形是否可行之處妥議具奏現在兩淮浙江等處俱陸續議增並未額外增費設巡今長蘆鹽價既據察看情形可以增至三釐而該鹽政於餘引數目有意報少為商人牟利地步又欲藉加添巡丁等名目於加價內開銷至十八萬餘兩之多顯係該商等從中慇懃故為此舉試思加價一事原為要工需用起見並非以之調劑商人況將來

南河要工辦竣加價即當停止不過試行二三年若各口岸遠爾增巡設汛此等無藉之徒暫時應募又將如何安頓伊昌阿職司艱務自應悉心籌畫即該商等意圖利己力為懇請亦當嚴行駁飭乃一味袒庇不以公事為重殊屬不合伊昌阿著撤回鹽政並交部議處額勒布著以主事銜巡視長蘆鹽政即令來京請訓再赴新任伊昌阿與額勒布交代清楚來京聽候部議所有戶部議駁蘆東

鹽斤加價二摺俟額勒布到時交閱令其於履任後詳細察覈應如何酌增價傳籌辦盡善之處妥議另行具奏再降諭旨○旌表守正捐軀江蘇丹徒縣民凌名標妻張氏○辛亥

上幸萬壽山詣

廣潤祠拈香○諭內閣朕勤求治理整飭官方遇有貪墨不法者隨時懲治原期辟以止辟本年正月內因廣興奉差東省性情乖戾

任意貪婪當即明正典刑其逢迎餽送之地方官亦經分別懲處自應共知儆惕守法奉公乃甫逾數月英綸巡視東漕諸凡挑斥婪索多贓與廣興如出一轍甚至喚妓住宿較廣興尤為卑污而該省州縣官曲意餽遺又與餽送廣興之事如出一轍相習成風毫無畏懼殊為可惡在英綸等貪黷性成見利忘害而山東官員竟以一味逢迎為事其吏治廢弛實不可問除英綸現在審辦外所有東

省送銀各員無論多寡或英綸勒索及該員自送者均著吉綸查明奏請交部嚴加議處不可一名漏網廣興性喜多言畏其叅奏今英綸又屬何故如此曲盡迎合何東省之官吏大半卑鄙殊不可解必應嚴辦以示懲儆至御史職司臺諫理應擇其平日品行廉潔者方可保送今英綸如此貪鄙其從前濫行保送之兵部滿漢堂官一併查明交部議處○舉行嘉慶十三年大計陝西卓異官七員

年老官四員有疾官二員才力不及官一員罷軟官二員分別議敘處分如例○壬子調廣西巡撫恩長為河南巡撫以倉場侍郎許兆椿為廣西巡撫都察院左副都御史秦瀛為倉場侍郎○調浙江按察使廣厚為廣西按察使廣西按察使蔣繼勳為浙江按察使○癸丑

上詣

大高殿行禮

時應宮拈香。○還宮。○御乾清宮召讀卷官入親閱定進呈十卷甲第。○諭內閣本年廣興於出差時恣意婪索經審明後即正典刑其事甫逾數月而英綸執法營私復蹈前轍伊二人之劣蹟敗露皆因朕先有風聞降旨嚴切詢問始經該撫等據實具奏並非由該省大吏廉知罪狀立即糾彈且該撫等一經飭查即知勢難隱瞞和盤托出此實有心徇隱不得諉為毫無聞見也廣興官居卿貳又性喜多言在該撫等既畏其勢猷相率緘默自長齡以後歷任撫藩大員皆屬卑鄙不顧大義今英綸則職司巡漕並非顯秩何以任其縱欲妄為亦不敢遽列彈章山東吏治廢弛實不可問吉綸等委任封圻寧不自滋愧耶朕用人行政惟期明目達聰其奉命出差者遇有貪婪枉法之徒儻經該督撫隨時彈劾或性情僻謬舉措乖方亦俱據實直陳俾朕之見聞真切毫無壅蔽則不肖者既可懲

處示儆而潔己奉公者亦可委任不疑今督撫等於朕派出之員雖聲名狼籍猶復和同隱默以誡事君之謂何且一經查詢其劣款皆鑿鑿有據則未經查詢者扶同徇隱自復不少是令朕竟無可信用之人若必按名訪察逆詐億不信又豈以誠待下之道此次吉綸於英綸勒索宿娼等事並未叅奏而所屬州縣逢迎餽送又失於覺察著交部議處馬慧裕祇於未經叅奏較之吉綸其咎稍輕著

交部察議並將此通諭知之。○甲寅

上御太和殿傳臚賜一甲洪瑩廖金城張岳崧三人進士及第二甲黃安濟等一百人進士出身三甲范炳士等一百三十八人同進士出身。○辛酉。○諭內閣前因慶惠出差西藏伊家人有得受沿途站規之事降旨令該督撫等詳細確查據實具奏茲據方維甸奏稱上年慶惠同滿珠巴咱爾隆福赴藏時自潼關入境至寧羌出境沿途各廳州縣之

辦差家人等。因慶惠家人丁二苗。八過站時。稱沿途辛苦。欲為幫補。俱稟明本官。各給予使費銀十二兩至二十兩不等。輜夫飯錢。自五千文至八九千文不等。至滿珠巴咱爾家人。並未得受銀兩。輜夫亦得飯錢。隆福則本無輜夫。亦無家人。需索使費情弊等語。外省吏治廢弛。各州縣專以逢迎為事。其卑鄙惡習。總不悛改。實深痛恨。本年廣興英綸兩案。先後破露。豫東兩省官員。均有餽送交接。而

現在查出慶惠出差過陝之時。其家人長隨等。又有得受使費之事。欽差大臣過境地方。官或畏其聲勢。恐被陵辱。因而曲意迎合。已屬卑污。至於欽差之家人長隨等。不過廝隸賤役。更有何聲勢足畏。乃一聞其需索幫補。即紛紛送給使費。加給飯錢。惟恐稍拂其意。其卑鄙成風。恬不為怪。一至於此。必應嚴行懲辦。用湔積習。所有此次方維甸摺內單開送給慶惠家人長隨使費銀兩折給輜夫飯

錢之署潼關同知試用同知沈相彬。署華陰縣候補知縣孫晉元。華州知州姚令俞。渭南縣知縣奎豐。臨潼縣知縣林廷昌。前任咸寧縣知縣莊達吉。前任長安縣知縣何承薰。署咸陽縣知州張利溥。興平縣知縣馮光燕。署武功縣知縣周廣。前任扶風縣知縣謝時懋。岐山縣知縣朱紹穎。署鳳翔縣候補知縣徐潤。署寶雞縣候補知縣朱椿齡。十四員。無論其曾有軍功與否。均著革職。各驛站辦差家

人。俱著枷示兩月。責打釋放。驅逐出境。此後欽差過境。有似此濫給使費者。即照此辦理。其未給使費。祇給輜夫飯錢之鳳縣知縣丁貴興。留壩廳同知任奎光。褒城縣知縣唐錫鐸。署沔縣候補知縣汪錫華。寧羌州知州鄭緒章。五員。均著交部嚴加議處。至方維甸自請與臬司及派出護送各道員議處之處。方維甸前於慶惠等過境時。祇邀請喫飯一次。未曾致送銀物。尚為得體。此次失察處分著

加恩寬免。其臬司陳祁及道員明信常發祥何銑失察沿途地方官濫給使費飯錢均著交部議處。至隆福年逾六旬長途騎馬行走不耽安逸兼能約束家人並無需索情弊甚為可嘉著施恩賞給都統銜以示獎勵其滿珠巴咱爾家人等雖查明未得使費但伊正在壯年本不應坐轎又任令轎夫沿途得受飯錢殊屬不合前已降旨飭詢至今尚未奏到著俟行查覆奏到時另降諭旨。○乙卯

上幸萬壽山○諭內閣本年

雩壇大祀朕欽遵乾隆二十五年

皇考高宗純皇帝舊制改由北首外西天門進

廣利門內降輦詣

壇因現屆

方澤大祀特命太常寺一體詳查

皇考高宗純皇帝當日改由外西門至內西門

內降輿之制並令將步行遠近詳悉查文奏

聞本日據太常寺奏敬往

壇內相度地勢詳細丈量

壇之內西門外降輿處起至北樞星門東門止

共計一百一十丈其北門外降輿處起至北

樞星門東門止丈亦如之是兩處步行遠近

實屬無異惟乘輿之路向由外西門轉至北

門外始行降輿多行約二里許未免紆遠於

行禮時刻轉致耽延本年朕春秋甫閱五旬

未敢遽照

皇考高宗純皇帝進至內西門內降輿之制著

自此次起改於內西門外降輿仍步行詣

壇惟向來金殿係設於

神路之東此後著該衙門查照舊制改設於

神路之西○諭軍機大臣等吉綸奏估修

孔廟顏子祠並泰山廟宇各工請於十五十

六年分別購料於十六十七年次第興工一

摺

孔林釋奠典禮攸存我國家重道崇儒理不

可闕朕心殷仰止本即欲躬親瞻禮用舉上

儀。但近年東省吏治廢弛。地方州縣等官。不知遵守法度。即如廣興英綸兩案。伊等多藉辦差為名。逢迎取悅。交接餽送。習以成風。朕鑒輅時巡。一切加意整飭。不致令地方官因供億之繁。但隨從大小官員人數較多。其中或有不知自愛之徒。失於檢束。該州縣等從而交接餽送。是不可知。彼時法在必懲。亦斷不能逃朕洞鑒。然朕省方問俗。正屆行慶施惠之時。若紛紛辦理此等案件。使官員等多

受懲處。亦於巡典未協。因思乾隆四十九年五十五年。朕前在藩邸時。隨侍

皇考高宗純皇帝。曾經兩至曲阜。從登泰山。此時即暫緩瞻禮。亦無不可。且本年已屆五旬萬壽。既未及舉行斯典。不妨展至六旬萬壽之年。或即於慶節前一年再行前往。此數年中。將山東吏治大加整頓。使習俗改移。恪遵廉法。彼時朕觀風臨蒞。躬舉盛典。庶為妥協。所有該省應修各工。該撫將可以從緩者。即

行緩辦。本年九月間。該撫祝嘏到京時。亦不必再以此瀆請也。將此諭令知之。○又諭納爾松阿那彥寶奏。請於伊犁効力廢員內。改撥烏什一名。阿克蘇一名。以資幫辦刑名事務。一摺。所奏不可行。新疆南北兩路。辦理地方事務。俱有舊定章程。不可輕議更張。據稱遇有命盜案件及檢驗等事。該印房章京筆帖式等素未諳習。多致棘手。試思南北兩路設立辦事大臣。駐劄該處。歷有年所。於辦理

命盜案之事。未會有誤。何獨至納爾松阿那彥寶二人。遂有棘手之慮乎。且發往伊犁効力廢員。不必盡諳刑名。其人數多寡無定。今若准該兩路所請。撥人幫辦。則新疆各處。自必紛紛奏瀆。安得有如許廢員。分派各處。於政體殊多窒礙。所有烏什阿克蘇辦理刑名事件。著仍遵照舊章。毋庸撥人幫辦。納爾松阿那彥寶並著傳旨申飭。○丁巳諭內閣。成寧奏查明慶惠出差西藏路過山西。其家人

得受沿途站規銀兩一摺據稱上年慶惠自平定州入境至永濟縣出境沿途各州縣內有榆次介休太平曲沃徐溝祁縣靈石洪洞臨汾聞喜安邑臨晉等十二縣各給伊家人銀十二兩至十六兩不等其餘平定等七州縣俱未給銀其滿珠巴咱爾隆福家人各州縣委未送銀又慶惠滿珠巴咱爾各帶轎夫內孟縣壽陽榆次徐溝祁縣介休靈石霍州趙城洪洞臨汾太平曲沃聞喜安邑臨晉等

十六州縣均給過飯錢三千六百至七千四百文不等並聲明因慶惠齋帶賞件恐途次遺失均有干繫是以送給該家人等茶資欲其照料非由該家人倚勢勒索等語實屬胡說總緣家人貪利長隨借本官之資財濫行應付懷他人之慨轉得圖利惡習實在可恨此次慶惠出差西藏係與滿珠巴咱爾隆福三人同行所有齋去賞件何獨需慶惠家人沿途照料地方官私行給與茶資自由該家

人有倚勢勒索情事該州縣畏其聲勢是以給與殊不知慶惠有何聲勢即如伊此次所過各省州縣直隸省即全未給與站規山西州縣中亦尚有不給者伊亦不能不遵行過境其回京之日又豈能將給與站規之州縣在朕前稱譽其不給站規之州縣即加以叅劾乎若敢如此亂言朕必將伊正法又如伊等所用轎夫設不給予飯錢亦不能駐足不進總由外省積習每遇欽差過境相率逢迎

甚至家人轎夫向其勒索亦皆曲意周旋殊為卑鄙所有山西省私給站規並給飯錢之榆次等十二縣均著查明咨部革職其但出飯錢未給站規之孟縣壽陽霍州趙城四州縣著查明咨部嚴加議處各驛站辦差家人均著枷示兩月責打釋放驅逐出境至該撫雖未私送銀兩但慶惠及滿珠巴咱爾回京時曾各送車驛二頭亦屬不合又失察所屬私出站規飯錢著與臬司並護送過境之道

府等各職名一併咨部議處。○予福建捕盜傷亡外委張大鯨祭葬世職如例。兵丁焦定國等二名祭葬世職如外委例。陝西傷亡外委楊盛美減半祭葬。額外外委周宏恩等一百三十二名賞卹如例。○戶部議准浙江巡撫阮元疏報蕭山縣寬戶丈餘地四千四百三十七畝有奇。照例升科。從之。○戊午故西安將軍繼勇公德楞泰柩至西郊。

上親臨賜奠。○諭內閣各省封疆大吏守土是

其專責。遇有關涉外夷之事尤當立時親往勘辦。務臻妥協。方為無忝厥職。前此吳熊光在兩廣總督任內。喫咭喇國商船帶兵入澳。占據東望洋娘媽閣。伽思蘭三處礮臺。雖向係西洋商人防守所設。但究在中國地面。即與闖入內境無異。吳熊光身任封圻。其咎已無可辭。本日據百齡查奏。上年七月二十一二等日該夷兵船來至雞頸洋面。八月初二日抵澳上岸。占據西洋礮臺地方。文武節次

東報吳熊光批令照常防範。至十六日見該夷不退。諭令封艙。復經遊擊祁世和香山縣彭昭麟請兵堵逐。吳熊光亦俱批以鎮靜不可張皇。彼時香山縣有澳內居民四散。澳夷乏食之粟。吳熊光總未親往查辦。該夷兵見無準備。將兵船三隻駛進虎門。停泊黃埔。吳熊光因於九月初四日具奏。始派兵防範。並令碣石鎮黃飛鵬管帶師船在省河一帶。輓泊至二十三日。該夷兵日又駕坐三板艇船。

由黃埔至省城外十三行停住。求見總督。懇請代奏在澳寓住。吳熊光總未見面。祇令其回至黃埔候旨。並飭禁買辦火食。該夷人慌急。駕船欲向十三行裝取火食。官兵喝阻。不理。總兵黃飛鵬開礮轟斃夷兵一名。帶傷三名。該夷兵即行退回。至十月初奉到諭旨。吳熊光僅檄調各標兵丁在黃埔澳門駐劄防守。並未攻擊。至十六日恭宣諭旨。夷兵當即畏懼。情願徹兵。復求開艙。吳熊光諭令全行

退去。始准貿易。該夷兵陸續退至外洋等語。嗾哈喇夷船帶兵入澳。藉名保護西洋陰圖占地謀利。情殊詭譎。即應立時驅逐。況此次該夷兵遇官兵開礮。並不敢稍有抗拒。及奉有嚴飭諭旨。亦即畏懼開帆遠去。是該夷兵尚知震懾天威。無他伎倆。設吳熊光於該夷兵登岸之初。即親往彈壓。曉以大義。一面調集官兵防守。該夷兵自必知所畏憚。即時退出。庶足宣示國威。吳熊光於此等要事。遲至月餘始行具奏。既未親往查辦。該夷兵日求見。又祇派員往諭。並不面詢。斥逐。雖開船在夷兵既退之後。而許其開船。究在夷兵未退之先。是奏報既屬遲延。辦理又形畏葸。且屢次夷人具稟。及吳熊光批示。並轟斃夷兵等事。俱未入奏。亦屬含糊。吳熊光由軍機章京蒙

皇考高宗純皇帝不次超擢。用至軍機大臣。復經朕簡用。歷任三省總督。非新進不曉事者。

可比。乃種種錯謬。實屬辜負委任。吳熊光前已革職。著拏問交軍機大臣會同刑部審訊。定擬具奏。至孫玉庭前在廣東巡撫時。並不將前後情形據實陳奏。又不曾同吳熊光迅速妥辦。輒弱無能。豈可復勝巡撫之任。孫玉庭著革職。回籍所遺貴州巡撫員缺。著初彭齡補授。伊現屆大祥到任時。已將服闋。其未到以前。著章煦將雲南巡撫印務交伯麟兼署。章煦即赴貴州署理巡撫事務。本年章煦已派祝釐屆期應由黔赴京。若彼時初彭齡尚未到任。即著藩司陳預暫行護理。尋奏上得旨。吳熊光辦理此事。示弱失體。其咎實無可辭。著照擬發往伊犁効力贖罪。○又諭鑲黃旗漢軍都統綿億等奏。該旗於本月在舊太倉關領甲米。其米色微變黑腐。不堪食用。將米色包封呈驗。請旨懲辦。一摺。各倉支放甲米。兵食攸關。豈容任令弊混。本年二月間。因鑲白旗滿洲支放甲米時。米色不堪經朕

疊派大臣親赴北新等倉查驗屬實甫經降旨嚴辦示懲而現在鑲黃旗漢軍所領甲米復有徵變黑朽之事總緣從前驗收革率存貯不謹以致花戶等乘機作偽抵換攙雜流弊日深著派祿康托津卽會同查倉御史親赴該倉詳細盤查據實具奏達慶蔣子蒲前在倉場侍郎任內不能實心經理致多貽誤雖經分別降級不足示懲伊二人皆不勝京堂之任達慶著降補各部院員外郎蔣子蒲著降補六部郎中遇缺卽予補用仍不准食俸俟四年後果無過失方許該部堂官保奏賞食俸祿若有過失卽行嚴叅治罪至泰瀛係甫經到任無庸交議外福慶許兆椿雖在任未久其米色微朽尚非伊等任內之事但不查明米色率請開放亦屬不合自有應得之咎福慶許兆椿均著交部議處其舊監督僧格著革職新監督華齡著解任聽候刑部查訊該倉花戶卽著交刑部嚴審將該倉

米色因何徵變黑朽當日如何呈驗倉場朦混舞弊之處均行徹底訊明按律定擬具奏至該旗現在應領甲米著戶部卽另行割倉支放尋奏請將已革解任監督僧格華齡暨花戶人等暫留該倉會同前任監督與已滿辦理得旨依議此項受潮米石徵變日甚總緣前此驗收革率存貯不謹而入倉以後又不及時風晾以致經春蒸變不堪食用嗣後南糧抵通著該倉場侍郎留心查驗僅有途次偶受潮溼米質不甚乾潔著卽查叅懲辦其米石盤運入倉時卽責成各該監督妥為經理隨時挑晾毋致再有徵變腐朽之事並著查倉御史確切稽查以杜弊混而重倉儲○諭軍機大臣等百齡奏俟本年暎咭喇國貨船到時先期偵探各情形所見甚是該國夷兵素性强橫奸詐雖現據夷商喇啤所稟夷兵不敢再來之語亦未可深信上年該夷

兵來澳時吳熊光等不立行查辦既失之於寬此時自應濟之以猛著傳諭百齡於本年該國貨船到時先期留心偵探如再敢多帶夷兵欲圖進口即行調集官兵相機堵剿儻止係貿易船隻並投遞謝罪哀懇稟件亦應飭令停泊港外該督一面奏聞候朕降旨遵行○廣東提督錢夢虎因病解任以左翼鎮總兵官孫全謀為提督○旌表守正捐軀山東益都縣民陳煥然妻劉氏河南泌陽縣民

實錄卷五十一

十一

張大五妻郝氏○己未舉行嘉慶十三年大計直隸卓異官十八員才力不及官一員年老官十員有疾官二員奉天卓異官二員年老官二員江蘇卓異官八員不謹官一員浮躁官一員罷軟官一員才力不及官一員年老官二員有疾官一員安徽卓異官八員不謹官一員罷軟官一員才力不及官二員年老官二員有疾官二員江西卓異官十員不謹官三員浮躁官一員罷軟官一員才力不

及官一員年老官四員有疾官二員浙江卓異官十一員罷軟官一員年老官五員有疾官三員福建卓異官七員不謹官一員罷軟官一員才力不及官一員年老官四員有疾官二員湖北卓異官十員才力不及官一員年老官六員湖南卓異官十員罷軟官一員浮躁官一員年老官四員有疾官一員河南卓異官十一員浮躁官一員罷軟官一員才力不及官一員年老官八員有疾官三員山

實錄卷五十一

十一

東卓異官十二員不謹官一員罷軟官三員才力不及官二員年老官四員有疾官一員山西卓異官十二員浮躁官一員才力不及官一員年老官九員有疾官一員甘肅卓異官八員不謹官一員罷軟官一員才力不及官一員年老官二員有疾官一員四川卓異官十四員不謹官一員才力不及官四員年老官八員有疾官三員廣西卓異官六員罷軟官三員年老官五員有疾官三員南河卓

異官一員。年老官一員。東河卓異官二員。才
力不及官一員。年老官一員。分別議敘處分
如例。○是月。安徽學政王麟奏。鳳穎一帶民
情得旨官不辦事。吏盡卑污。刁風必起。訟師
乘間播弄。此必然之勢。汝身為大吏。當以地
方大吏賢否入告。一片虛詞。雖奏何益。

實錄卷二百一

三十四

大清仁宗受天興運敷化綏猷崇文經武孝恭
勤儉端敏英哲睿皇帝實錄卷之二百十

大清仁宗受天興運敷化綏猷崇文經武孝恭
勤儉端敏英哲睿皇帝實錄卷之二百十一

教修

嘉慶十四年己巳五月庚申朔諭內閣本日

實錄卷二百一

七

永懋弘康各遣人呈遞請安摺因交軍機大
臣傳詢伊等遣來之人據稱伊等因端陽慶
節遞摺等語殊不成話端陽非年節可比無
甚緊要今沿襲虛文殊失滿洲舊俗除將永
懋弘康申飭外嗣後各省將軍副都統等惟
當實心任事熟浮華而歸純樸似此無謂之
摺永遠禁止將此通諭知之○調倉場侍郎
福慶為理藩院侍郎泰瀛以二品頂帶為都
察院左副都御史以理藩院侍郎玉寧順天

學政左副都御史戴均元為倉場侍郎○命詹事府詹事吳芳培提督順天學政○調正白旗蒙古副都統景祿為正白旗滿洲副都統○以內閣學士多福兼正白旗蒙古副都統○改貴州普安州為直隸州以新設興義縣隸之○改州吏目為直隸州吏目亦資孔驛丞歸興義縣兼轄從總督伯麟請也○辛酉上御勤政殿聽政○諭內閣御史斌松奏請各倉庫進班章京兵丁等俱在一旗本佐領下輪流進班責令各系領等逐日巡查等語倉庫等處進班之八旗章京兵丁等各輪流進班本未盡善八旗都統副都統等並不留心整飭進班章京兵丁等亦不相認識是以擅自頂名進班以致倉庫屢被盜竊殊屬不成事體但八旗進班章京兵丁等若必須一旗章京率領本佐領下兵丁進班亦斷難行嗣後八旗倉庫應如何立定章程以杜頂名進班之弊著八旗都統副都統等會議具奏尋

議上得旨所奏是各倉庫直班差使最為緊要直班官兵內如有患病等情當即報旗另派不惟不許私自替代並嚴禁妄令民人替代現今立法之初自能實力奉行但恐日久生懈不免視為具文著再通諭八旗該管上司留心稽察此後如有私行替代等弊一經查出斷不寬宥○又諭初彭齡昨已簡任貴州巡撫本日謝恩召見據奏自上年染患痢疾至今尚未復元請假兩月上緊調治等語初彭齡年逾六旬病後氣體尚弱且家有八十四歲老母未能迎養雖伊未敢援例陳請而察其情詞殊為可憫初彭齡現屆大祥俟服闋後以京職簡用所有貴州巡撫員缺著鄂雲布補授○以通政使司副使福興額為太僕寺卿○調浙江布政使慶格為安徽布政使以廣西按察使廣厚為浙江布政使調貴州按察使敦柱為廣西按察使以雲南迤南道翁元圻為貴州按察使○壬戌

孝誠仁皇后忌辰遣官祭

景陵○諭內閣馬譚氏母女被殺一案近在東安門外輦轂之下白晝逞兇連殺二命案情實為重大朕時加查詢乃自前年十二月奏報之後至今未經審獲正兇事閱兩年延宕已極此案初報時曾訪有欠馬譚氏契紙未還之謝四一名似有夙嫌形迹種種可疑交與刑部訊問刑部審訊謝四因其堅不承認即行發保另查有實大寶三其人輾轉拘傳

向其訊問仍不能審出實情實大寶三俱經身故案情仍無影響懸擱至今本日據步軍統領衙門奏稱現今屍親馬休等詳細追想惟謝四一人本有夙嫌又到案時衣服帶有血痕木棍亦有血影且原驗係左手所傷謝四係左手使物其情節實在可疑願與質對等語並據步軍統領衙門查有素常在馬譚氏家井中取水鄰居甚熟之陳六一名可以向其根究必須詳訊實情期於正兇不致漏

網此案著仍交刑部審訊現在該尚書侍郎等均非原審此案之人無所用其迴護並著該堂官等遠派前此未經派審之司員督同詳訊務令水落石出案歸確實不可再有延宕近來刑部辦事多涉遲緩總不認真即如上月十六日工部奏製造庫失竊銀兩一案交與刑部審訊至今未將正賊究獲尚無端緒刑部堂官司官均著傳旨嚴飭此案庫銀失竊緣由並著上緊研究據實奏辦勿再因

循延擱○癸亥諭內閣御史李鴻賓奏廬陳南漕各獎請飭有漕各省督撫實力剔除一摺近來各京倉存貯米石閒有潮溼微損難於支放雖由收貯不加詳慎而其獎源總由南省有漕各州縣及旗丁等於收兌時相率舞弊遂致運通米石一經入倉即有微變等事試思糧運為天庾正供國家年來為河務修防動費帑金數百萬以通運道且漕項需費繁多計南來運米一石所費不下數十金

豈可任米質低潮徒多耗棄自應釐剔積習以清獎源現據該御史奏稱江西有漕各縣倉廩多設省城該縣並不將所收米石解省祇令積慣包漕之家人攜銀赴省向米鋪賤價購買低潮米石攪水和糠無所不有各幫頭伍刁丁又從而勾串該家人等通同舞弊慮及衆丁不肯受兌遂私議每石貼給旗丁銀三五錢不等名曰倉廩使費其實大半為刁丁吞蝕懦丁不過得其一二遂致隱忍受

兌迫潮米入船日久勢不免於蒸溼微損抵通後慮難交卸頭伍刁丁復賄商坐糧廳經胥人等折價回漕無獎不作至重空運弁苦累旗丁則有演戲設席斂取分金等事頭伍刁丁又復從中冒濫開銷藉端勒索扣去應領水腳銀兩或至百餘金不等名曰各衙門使費甚至糧船行抵內河提溜打關刁丁復勾通運弁漕標批單勒取每大開向不過需錢二三千文者今每船用至二十餘千之多

所奏情形均屬切中時弊江西如此恐他省亦復不免著有漕省分各督撫嚴飭各糧道將包辦倉廩私賄受兌及運弁刁丁等苛斂勒派疲苦衆丁各積弊認真釐剔務令各州縣旗丁徵收受兌米石俱一律以乾圓潔淨為準庶運通交納及收貯倉廩不復至有潮爛等事各督撫惟當實力奉行不可視為具文致干重戾將此通諭知之○又諭巡視東漕御史史祐奏請於南糧到通時勒令另倉

存貯醜米以杜獎混一摺所見非是漕糧為天庾正供必當一律純淨豈容有醜米夾雜如果州縣獎混交兌時米色不純則當懲處州縣儻係旗丁舞弊到通時米色微變則當究辦旗丁當倉場驗米之時豈容稍有含混迨各倉收米之際尤不容攪雜低潮現因北新舊太等倉米石微壞節經嚴降諭旨釐剔漕務積弊本日因御史李鴻賓之奏飭令有漕督撫嚴禁州縣家人包漕賄兌及頭伍刁

丁等斂費色交正為杜絕醜米到通起見。若如該御史所奏令坐糧廳驗有低潮醜米另派一倉一廩存貯俟全漕完竣由倉場侍郎酌量先行開放或分成搭放請旨定奪是竟明設一存貯醜米之倉凡有醜米到通時皆不患查出叅辦不特南省州縣交兌時可以通融舞弊而旗丁等一聞此信益可任意色攬沿途攬和偷換百弊叢生毫無畏忌即使責令另賠好米於下年解通徒增苦累於倉

儲有何裨益所奏不可行○又諭禮部奏請將新定時憲書如何發交琉球國祇領之處勅下福建巡撫詳議章程一摺琉球久列藩封極為恭順惟因地懸海外不能剋期往來是以歷來時憲書均未經頒發今必責令每年專遣使臣遠涉重洋前來祇領非所以示體卹若將時憲書存貯福建巡撫處遇便發交則節候已過頒發徒為具文轉非覈實之道所有琉球應領之時憲書竟可毋庸頒給

祇將該國星度節候詳細推準增入時憲書內以垂久遠該部即遵諭行○又諭據禮部奏朝鮮國齋咨員役可否仍照舊例賞資筵宴一摺該國齋咨官員等向例應賞給銀兩在部筵宴一次此次該國王咨報救護內地遭風民人而收買該民人所帶鐵物至四千三百餘斤之多殊屬不合本應將向來賞資筵宴之處均行停止姑念該國員役等齋咨遠來著加恩減半賞資無庸給予筵宴○甲

子諭內閣刑部奏請將發遣流徒官犯等八名應否減等請旨一摺朕詳加酌覈內如茹紹基一犯前在知縣任內有蔑倫重犯邱逢沾自縊身死因該革員平時不能化導又未經挈獲正法是以發遣前經減徒又清山一犯原任驍騎校因該管步甲同定飲醉在街喊罵不服管束將同定掌責捆吊越日身死是以擬徒該二員情節稍輕均著加恩准其減等餘俱不准減等○戶部議准浙江巡撫

阮元疏報海寧州開墾沙地一千六百二十六頃有奇。照例升科從之。○乙丑諭內閣。勒保奏查覆慶惠等出差赴藏時其家人有得受站規等情一摺。所奏甚屬含混。據稱上年慶惠到川時。聞其隨從人多。管束不甚嚴緊。雖無格外騷擾情弊。但沿途收過使費或十餘兩二十餘兩不等。其轎夫飯食亦係沿途給發。滿珠巴咱爾家人亦曾給與使費。其數減於慶惠。而隆福家人或給或不給。為數更屬無幾。沿途州縣皆為貼補。從人飯食並託其照料馬匹起見。係外省惡習。嗣後惟有力為查禁。以肅郵傳等語。勒保既知慶惠隨從人多。管束不能嚴緊。上年即應奏明。何以代為容隱。明係伊與慶惠誼屬親戚。聽其所為。不復過問。以致其家人等任意妄為。至沿途州縣於欽差過境時。私給其家人等使費。飯錢曲意逢迎。豈可不加懲處。乃勒保並不參辦。亦並不自請議處。摺內輕描淡寫。竟視為

尋常慣有之事。無足深究。惟請嗣後力為查禁。一片虛詞搪塞。豈遂能了此一案耶。勒保本有失察之咎。又送給慶惠滿珠巴咱爾皮統玉玩馬匹等件。均屬不合著交部議處。藩司姚今儀雖曾為保寧屬員。從前與慶惠認識。亦不應私送藏香。並著交部議處。其經過州縣內著勒保再行詳細查除。內有未給使費飯錢各員。無庸議外。其餘著照陝西山西二省沿途州縣之例。一律懲辦。將給過使

費飯錢者。無論所出多寡。均咨部革職。其但給飯錢未出使費者。咨部嚴加議處。並將各驛站辦差家人。枷示兩月。責打釋放。驅逐出境。其失察沿途州縣出給使費飯錢之大員。並著咨部議處。再行據實奏結。至慶惠雖訊無知情授意情事。但沿途多帶家人轎夫。全不留心管束。任令私得使費飯錢。又年輕之人。性耽安逸。坐轎行走。膽大謬妄。甚屬可惡。慶惠前已革職。著發往盛京充當苦差。交該

將軍嚴行管束。並著留心察看。如尚不知悔改。在彼滋事。即行隨時參奏。從重治罪。如果愧悔。知改安靜。奮勉著於三年後據實奏聞。請旨至滿珠巴。咱爾亦係年輕之人。平日又素善騎馬。乃上年亦復坐轎貪圖安逸。已屬不合。現在勒保摺內亦查其家人有得受使費之事。而本日伊自行覆奏之摺。尚一片虛詞搪塞。並不自請議處。咎實難辭。本應革職。姑念其究係蒙古藩王。著從寬交理藩院議處具奏。至隆福家人。雖亦不免得受使費。但為數無幾。且伊以年老之人。尚能騎馬遠行。不耽安逸。殊為可嘉。前經加恩賞加都統銜。並著免其議處。至此案慶惠家人苗八業已監斃。其丁幅等著即按律定擬具奏。○又諭。據巡視東漕給事中趙佩湘條奏疏濬泉源事宜一摺。山東泉源關繫濟運。其督率泉夫疏濬等事。向祇令各州縣督押催辦。泉河通判總司其事。日久不免因循玩忽。辦理未能

認真著照該給事中所奏。嗣後責成兗沂曹濟道。兗州沂州泰安各知府兼管就近督率各州縣實力妥辦。仍令泉河通判每季編查一次。無論上中下各泉均須疏挑通暢。並令撫臣河臣及該道府隨時按地抽查看視。儻仍前玩誤以致泉池泉渠有壅塞等事。即將該管官一律嚴參。示懲至泉夫工食一項。應如何酌量添給俾足敷用。抑或令各州縣隨時添雇夫力幫挑之處。著馬慧裕吉綸悉心

詳議具奏。○丙寅

上詣

大高殿行禮。○還宮。○諭內閣刑部將廣東廣西兩省緩決一二次人犯分別准減不准減開單具奏。朕詳加披閱。廣東省擬准減單內絞犯鍾均求一名。因楊秀英竊取該犯鄰人邱裕昌黃豆。邱裕昌邀該犯同往搜出原贓。並囑令該犯等將楊秀英送官。楊秀英撒賴不肯行走。鍾細丁拾石毆傷其右膝等處。楊

秀英罵稱將來尋事陷害該犯氣忿起意將其兩耳毒聲不能再行偷竊隨將楊秀英按地用竹籤戳傷其右耳竅將毒鼠藥末吹入潰爛殞命覈其情節楊秀英偷取邱裕昌黃豆雖係犯竊鍾均求本非事主已幫同邱裕昌搜出原贓欲行送官輒因楊秀英罵稱將來陷害用竹籤戳傷耳竅吹入毒藥以致潰爛殞命不特罪干擅殺其居心尤為殘忍鍾均求著不准援減餘依議○諭軍機大臣等

特清額等奏土司屯番籲懇進京祝嘏一摺本年朕五旬萬壽中外臣民輸情舞蹈川省各土司久隸版圖渥霑閭澤茲以遭逢慶典同殷囑向冀抒感戴積忱自應俯順番情准令來京瞻覲但部落衆多若概俞所請其中甫經朝覲回川者往來跋涉轉非所以體卹遠人著照該將軍等所擬將應入下次年班及向來進京之土司屯番人等酌定數目屆期照例遴派人員護送於九月初旬到京俾

得隨班叩祝遂其悃忱此次即作為下次年班以示朕懷柔撫卹至意將此傳諭知之○命內閣學士貴慶工部左侍郎陳希曾教習庶吉士○授一甲一名進士洪瑩為翰林院修撰二名進士廖金城三名進士張岳崧為翰林院編修○旌表守正捐軀直隸滿城縣民劉秉仁妻張氏○以夏至祭

地於

方澤自是日始齋戒三日○丁卯諭內閣據鐵

保等奏邵宿運河無需挑濬籌催漕船湖北各幫及江西頭二兩幫均已渡黃一摺又薩彬圖等奏歸捐江淮三六兩幫米石趕運北上並查明米色碎雜緣由分別賠賠一摺覽奏俱悉漕儲為天庾正供每年糧艘往來經由河道在河臣等惟知將運道籌濬深通趨行無誤是其職任至總督統轄全省事宜總漕巡撫於州縣徵收旗丁兌運各有攸司分宜盡心率屬剔除弊端乃近年辦理不善京

倉米石多有微變。疊經整飭。罷斥多員。溯其原由。總因外省原收原兌之時。先將醜米充數。至盤驗進倉。又百弊叢生。因而不能久貯。腐朽頻仍。皆該督撫等不肯實心辦事。因循貽誤所致。此次江淮三六兩幫潮溼米石。既經該漕督等查明分別運存。並酌分成數。著賠著即照所奏辦理。其知縣李克軾。千總孫必名。百祿著交部嚴加議處。同知霽忻道員勞樹棠。總漕薩彬。圖巡撫汪日章。均著交部

分別議處。嗣後該督撫等務各認真整頓。將漕務積弊逐一剔釐。如有地方官徵收不善。及弁丁等恣意勒索情事。即據實嚴參。勿得仍前玩誤。致干重咎。○御試翰林院保送南書房翰林八員。○實授和寧為陝甘總督。○戊辰引見新科進士得旨。一甲三名洪瑩。廖金城。張岳崧。業經授職。外黃安。濤。吳慈鶴。顧元熙。許乃濟。姚樟。潘振。李振庸。徐鏞。黃中樸。陳鴻。劉教。五俞。肯堂。齊彥槐。孔傳綸。譚瑞東。

蔡培。曹德贊。龔鏗。周之楨。馬志燮。吳孝銘。鍾昌。王家相。李廣滋。邱雲騰。郭尚先。余源。陳繼義。鄭家麟。姚慶元。潘正常。高賜禮。王綬。黃旭光。聰。諧。余文銓。廖鴻藻。熊常鐸。張思誠。張曾霽。龍雲。圻。譚言。藹。陳瑞球。敏。惠。宗室瑞林。何炳。路。德。何。惠。羣。喻。士。藩。周。祖。蔭。金。洙。杜。薇。之。何。太。青。唐。鑑。宗室崇碩。丁傑。陶廷皋。周際釗。葉中。薌。楊立冠。朱瀛。郭安齡。李德立。潘光燁。戚人鏡。李韞英。著改為翰林院庶吉士。悟勒。

喜淳。宗室惟勤。宗室景麟。曹佳和。俱著分部學習。聞人熙。鄧存詠。鄭士杰。戴鼎。恒。朱廷錫。蔣泰階。繆玉銘。魏茂林。陳詩。李錦。童宗顏。曾斌。陳運鎮。熊傳。蔡張孝詩。萬啟。陶文植。袁紹安。永寧。李嗣。鄴。余廷珪。覺羅碩德。卓。爾。李。俱。劉。鴻。翔。麟。慶。俱著以內閣中書用。程厚。陳春。甲。蔡。信。芳。王。度。王。雅。南。徐。連。謝。增。汪。忠。均。宗。維。垣。劉。彥。矩。李。上。桃。馬。躋。廬。楊。朴。李。培。緒。錢。南。榮。李。黃。生。著以學正。學錄用。彭永思。弓。

翊清宋廷楨徐景梁雲五顏爾樞朱鍾宗需
何觀海毛夢蘭陳雲章王海觀談有本董瀾
王餘師武次韶陳池養董岫范炳士宋慶和
李清傑李再可鍾振超景綸昔光祖李曾馥
秦伯度張岱年張震衛鵬鳴黃澗安李芬楊
士雲黃臺王琦新宜呂祥齡毛有信賀懋椿
劉垂緒孫鉞李潤戴鳳翔林汝謨趙瞰王餘
英吉恒萬華粟作貢孫珩劉湜馬廷錫張蔭
牛書田林祥紱馬苔王世崇蘇嘉善均著交

吏部掣籤分發各省以知縣即用候補刑部
員外郎李光里候選員外郎溫啟鵬均著以
六部員外郎即用候補內閣中書曹熊王鳳
翰崔槐著遇缺即補候補學正胡勳堯著遇
缺即補候選知縣周元位汪士侃路華著交
吏部以知縣即行選用餘著歸班銓選○命
翰林院侍讀學士周系英右春坊右庶子王
以銜編修席煜姚元之在南書房行走○己
巳夏至祭

地於

方澤

上親詣行禮○幸圓明園○庚午諭內閣本年
朕五旬萬壽前經派出督撫及將軍提督副
都統各數人屆期來京隨班祝嘏著傳諭伊
等俱於九月十五日以後陸續到京不必前
赴熱河亦不准迎赴石槽等處行宮接駕自
十六日至二十日此五日內分日具摺請安
違者治罪至伊等獻悃輸忱現已排定日期

准令恭進膳品萬壽正日准各恭遞如意一
柄此外惟年例應進土貢及有備進書冊字
畫者尚准其呈遞其珠玉陳設等件一概不
准進獻朕不但不行賞收並不准呈覽○又
諭福慶等奏查驗太平倉後米微變情形請
旨分別辦理一摺太平倉所貯稔米本年三
月內經福慶許兆椿查驗係上年由北倉轉
運受潮難以久貯奏明先行開放何以甫及
兩月又致微變不堪食用茲據福慶戴均元

會同巡倉御史覆往盤驗徵變屬實著照所請將到任已及兩月之漢監督鄭紹鏌解任同滿監督英林督率花戶人役限五日內逐細盤查此項米石尚堪食用者若干實在徵壞者若干除堪以食用者仍照例搭放外餘者分別著賠該監督同花戶等統俟盤驗完竣再行奏明覈辦其鑲白旗五月分應領稅米交戶部即割海運倉接放至上年由北倉轉運米石總由驗收時該管坐糧廳及倉場侍郎等不認真查驗率將潮溼米石一律斛收進倉後該監督又不勤加挑晾令各倉呈報徵變者不一而足若不將此項米石分晰查明不特受潮之米存貯廩內恐溼氣薰蒸致將好米牽連徵變且恐花戶人等再從中牽混影射致滋他弊著倉場侍郎即詳查上年北倉轉運之米除已經放出及節次歸還各廩外現在尚有若干均分貯何倉何廩此內堪用者若干不堪用者若干分別應放應

賠確實奏明請旨辦理自此次查明之後不得再將腐朽米石牽合獎混○又諭據良貴奏葉爾羌阿奇木伯克頭等台吉玉努斯因母病請假兩月赴喀什噶爾省視等語玉努斯以母病請假往省乃人子至情良貴即應照所請給假兩月今僅給假一月實屬錯謬此時儻玉努斯之母病尚未痊著再賞假一月至玉努斯係本年年班彼時若伊母病尚未痊著喀什噶爾叅贊大臣另派人員奏令於年班朝覲○諭軍機大臣等阿林保奏朱渥幫船救護道員清華並欲投首一摺盜首朱瀆與伊弟朱渥前因捕獲蔡逆夥黨許凜等一百六十四名聞金門鎮許松年等兵船駛至正欲解赴投到詎官兵一見賊船即放鎗礮將朱瀆轟斃現在朱渥又於深處外洋遇見蔡逆圍劫內渡道員清華船隻立時趕散並懇該道轉稟准令投首覈其情節真偽尚難遽信現在朱渥已出外洋如果往招夥

黨相率來投阿林保等當剴切開導以前此伊兄朱漬捕獲蔡逆夥匪欲行投獻彼時舟師駛至官兵等並不知爾等意欲投誠惟遇賊即勦是以開放鎗礮致朱漬立時傷斃但擒賊投獻尚係爾等一面之詞並無憑據未便遽准上岸如果爾等真心投首惟當立功贖罪或恐所帶幫船猝被官兵轟擊此後於該船上設立標識知會兵船作為記認庶不致誤遭攻擊一面設法捕盜如能將蔡逆生擒縛獻不特伊兄朱漬罪免戮屍准令埋葬伊嫂等亦准登岸居住即爾朱渥既經救護監司大員又復擒獲巨寇自當奏明准予投首免罪並量加恩賞至所獲許凍等一百六十四名此時自必隨同在船其中或間有病斃逃亡者諒所不免務令覈實查明將現存各犯悉數送交地方官以憑審訊如此辦理該匪不能施其詭詐亦可收以盜攻盜之益俟朱渥將許凍等交到後著阿林保等訊明

定擬具奏清華由臺灣內渡猝被蔡逆賊船圍劫經朱渥趕散彼時朱渥與蔡逆曾否對敵清華身在舟中見聞自確著阿林保等一併詢明奏聞將此諭令知之○又諭景安奏彙覈清查案內追賠籌補已未完銀穀各數並將逾限不完各員請分別革職監追一摺各省清查倉庫原令該督撫密行妥辦之事若按州縣虧空倉庫正例辦理早應概行革職治罪今限年彌補乃係朕格外施恩督撫等自應妥為經理以期公帑有著且清查各案並未咨報戶部其各員名下已未完細數部中又何憑查覈從前直隸省清查議准分別追賠不過一時通融辦法他省不得援以為例即直隸亦不准復行奏請現在湖南應追賠銀穀等款該撫不思設法籌補輒欲倣照直隸成例辦理似嚴實寬殊非妥協辦公之道此事既由該撫督辦朕惟責以成效其應如何勸懲惟在該撫自行酌覈若各州縣

應繳銀兩遲延尚屬有因亦不妨酌展年限俾得如數清完方為覈實斷不可令其挪新掩舊致現在庫貯又續有虧缺此為至要將此諭令知之○又諭據策拔克奏杜爾伯特汗瑪克蘇爾扎布親王固魯扎布阿勒台烏梁海散秩大臣布彥德勒克以朕五旬萬壽額請來京祝嘏鑒其誠悃朕甚嘉之惟伊等雖已出痘恐來京不服水土且路途太遠往返糜費著傳諭策拔克轉示杜爾伯特汗等不必前來以示朕撫綏外藩至意○辛未

上幸靜明園詰

龍神廟拈香○諭內閣刑部將四川省緩決一二次人犯分別准減不准減開單具奏朕詳加披閱其擬准單內絞犯詹禹一名因陳姓行竊伊家衣物逃至院壩該犯上前捉拏陳姓拔刀向戕該犯拾棍格毆其額門陳姓素賊奪棍該犯復連毆其左肋左腿左膝等處並用繩捆住兩手拴吊茅架上復取竹

條連毆其左右腿陳姓混罵該犯冀其住口即取鹽酒灌入口內殞命覈其情節陳姓偷取衣物雖係犯竊但已就拘執理應送官究懲乃用繩拴吊疊毆又復將鹽酒灌口致令斃命不特罪干擅殺其居心殊為殘忍詹禹著不准援減餘依議○諭軍機大臣等本日都察院衙門奏即墨縣武生李泰清呈控伊胞姪原發江蘇知縣李毓昌奉委查賑在山陽縣署赴席是晚回家自縊該武生前往看

視未及詳加盤詢經該縣贈以盤費領柩回籍後因查見伊姪箱內皮衣血跡生疑自行開驗見屍身青黑始知被毒身死等語朕詳加披閱其中疑竇甚多必有冤抑亟須昭雪以慰孤魂李毓昌在縣署赴席何以於回寓後遽爾輕生當夜自縊其事已不近情彼時山陽縣知縣隨同署知府驗明換衣棺殮是否於申報後由上司派委抑或另派有同驗之員總未見該督具奏實屬不以人命為重

草率因循之至且山陽縣知縣於李泰清領
柩時送給路費銀一百五十兩未必不因情
節支離欲借此結交見好希冀不生疑慮又
將李毓昌長隨李祥薦與淮安通判馬連升
薦與寶應縣二處李祥等不過同僚廝役何
以俱代為安置周妥其中難保無知情同謀
賄囑滅口情弊此案或係李毓昌奉差查賑
認真稽覈查有弊端該山陽縣畏其揭報致
死滅口亦未可定或其中另有別情案關職
官身死不明總應徹底根究以期水落石出
著吉綸一面將李毓昌屍棺提至省城派委
明幹大員詳加檢驗具奏並著鐵保查明山
陽縣並署知府係屬何人及李毓昌長隨李
祥馬連升顧祥山陽縣聽差胡姓家人迅速
傳集秉公研審如得有確情即將該府縣嚴
叅並一千人證解赴山東歸案辦理若不細
心研究致兇手漏網朕斷不容汝輩無能之
督撫惟執法重懲決不輕恕尋諭鐵保查明

山陽縣知縣先行解任同一千人證解交刑
部審訊○以疏防要犯自戕降葉爾羌幫辦
大臣良貴為四等侍衛命來京○賞滿洲會
試年老舉人蘇崇阿檢討銜○壬申遣官祭
關帝廟○諭內閣欽天監觀候本章前已有
旨改於節令三日後具題以昭覈實此次夏
至占風之本仍循向例該監呈遞後又送內
閣進呈殊覺重複無謂嗣後著即送內閣與
各衙門應進本章一同呈遞其該監先行呈
遞一次之例著停止○賞候補員外郎達慶
三等侍衛為葉爾羌幫辦大臣○癸酉諭內
閣御史朱澄奏請盤查倉廩以除積弊一摺
上年由北倉轉運米石入倉後多有微變前
已特派大臣盤查並令新任倉場侍郎認真
查驗覈辦今該御史請將各倉未經開放好
米逐廩查驗有無虧缺固係為慎重倉儲起
見但祿米等六倉所貯原係由北倉轉運之
米現有微變之事是以派令盤查今欲將各

廠好米逐一盤查亦非易易至請將此項米石豫借於八旗兵丁先行支領仍分季攤扣還款一節是否可行著該部一併詳議具奏尋議查城內各倉潮溼米內原堪搭放之米前經奏明在於王公大臣官員春季俸米內覈計二成八旗兵丁三四月等月甲米內覈計成半搭放現在篩颺可以搭放米石事同一律自可做照辦理所有城內七倉篩颺米石除舊太一倉業經奏明在於鑲紅正藍鑲藍六月甲米內撥成半搭放外如有餘剩應請隨同祿米等六倉現在篩颺可以搭放米九萬餘石在於各王公滿漢大臣官員秋季俸米內仍照春季搭放二成鑲黃等五旗七八兩月甲米仍照三四等月搭放成半並令各王公大臣官員各旗兵丁等即於六月內先行開領以免蒸變之虞至各倉好米有無虧缺之處現在通州西中二倉業經欽派大臣查辦其餘各倉應併令倉場侍郎隨

時認真訪查情弊從之○又諭本日召見貴州安義鎮總兵劉瑞詢及伊父劉君輔據稱自嘉慶四年告病以後現在年已七十兩目失明是以本年不能來京恭祝萬壽等語劉君輔曾任提督從前緬甸金川臺灣苗疆及邪匪滋事之時先後出兵五次殺賊立功身受鎗傷四處曾經得有花翎所有四川邪匪首逆陳崇德一股即係該提督在老木園辦淨勞績懋著伊子劉瑞亦曾出兵受傷父子出力殊為可嘉現在劉君輔年已七十篤疾在家朕心憫念著加恩准其家居食提督半俸俾養餘年以示朕眷念前勞至意○以失察家人受賄並違例坐轎革喀喇沁親王銜郡王滿珠巴咱爾親王銜○甲戌裁貴州興義縣土千總從巡撫孫玉庭請也

大清仁宗受天興運敷化綏猷崇文經武孝恭勤儉端敏英哲睿皇帝實錄卷之二百十一

實錄卷之二百十一

十一

清 實 錄 嘉慶十四年五月下

大清仁宗受天興運敷化綏猷崇文經武孝恭勤儉端敏英哲睿皇帝實錄卷之二百十二

嘉慶十四年己巳五月乙亥諭內閣戶部奏查明各省協濟鄉勇所支銀米應如何按照成數銷賠請旨遵行一摺各省正案鄉勇前經該部節次覈奏擬將隨征酌減一成被賊防堵酌減二成近賊防堵酌減三成均經朕疊降諭旨分別酌減准銷此項各省協濟鄉勇與正案鄉勇事同一例所支銀米著照湖北省正案鄉勇其隨征者加恩一體報銷其被賊防堵酌減二成近賊防堵酌減三成銀米著先於原辦各名下查明催追如實係人

奏

嘉慶十四年己巳五月乙亥諭內閣戶部奏

八三九

亡產絕。即照正案攤扣還款。○平糶廣東南海番禺東莞順德新會香山新安七縣倉穀。

○丙子。

上幸萬壽山。○丁丑。諭內閣朕恭閱

聖祖仁皇帝實錄。康熙四十一年正月癸卯。

諭大學士等曰。朕觀諸臣任科道時。多有敢言沽直聲。以得升遷者。及為大僚。輒不敢言。問以小吏。皆言不知。前後頓不相符。因顧起居注官等曰。朕言可詳記之。仰見

聖明燭照洞悉人情。百餘年來前後如出一轍。近日朕觀科道諸臣。尚時有章奏。而部院大臣。都御史。副都御史等。則寂寂無聞。近日山東兩案。皆係朕訪察所得。並非言官彈劾。蓋科道身居臺諫。冀博敢言之稱。數上封事。欲朕識其姓名。究其所言。或議改成例。或毛舉細故。亦未有能除大奸。釐大弊者。及沔歷升階。考其行事。與其言論。前後多不相侔。揆厥初意。本以建言為梯榮之具。甚或邀名聽囑。

潛遂已私。如斯人者。尚安望其為國宣猷乎。至大臣等職分既優。倚任尤重。並非無言責者。且不時召對。遇事皆可敷陳。乃邇來罕有以直言著者。都御史副都御史。則除閑日具奏。控案之外。別無建白。其何以副朕明目達聰之意。夫人臣事君之道。首在毋欺。當嘉謀入告。一切毀譽榮辱之念。俱不應存於中。惟於國計民生。實有裨益。或除奸剔弊。確有見聞。均當剴切直陳。毋有隱諱。至於揣摩陋習。

心有所冀。則矯訐以沽名。意無所圖。則緘默以保位。尤當深以為戒。言行相顧。終始不渝。朝廷收讜言之益。國家著直臣之效。朕實有厚望焉。將此通諭知之。○又諭刑部。將福建奉天二省緩決一二次人犯。分別准減。不准減開單具奏。朕詳加披閱。福建省擬准單內。絞犯鄭黃明一名。因見張南華入伊察內竊米。奪下米袋。用拳毆傷其右眼胞。張南華倒地撒賴。該犯復用竹把疊毆。致傷其偏右腦。

後右臂膊等處共十二傷殞命是罪人不拒捕而擅殺鄭黃明著不准援減其擬不准減單內絞犯陳振茂一名因見洋船停泊海口詢知帶有鴉片土該犯用番銀五圓買土三塊煎成鴉片烟一罐陸續招人買食自二月初至三月初止除本銀外共賺番銀六圓經房主查知斥逐旋被訪獲鴉片烟本干例禁但該犯買土煎賣僅一月有餘非經年累月私開鴉片烟館為害地方者可比且所得餘

利亦止番銀六圓其情節尚有可原陳振茂著准其援減奉天省擬准單內絞犯紛噴一名因途遇民人李大功等私人禁山偷打紹鼠該犯聲稱拏住送官李大功等攜械撲拒該犯隨點放鳥鎗致將李大功打傷殞命覈其情節雖死係行竊罪人但該犯以火器致傷罪干擅殺紛噴著不准援減餘依議○戊寅諭內閣軍機大臣會同刑部議奏將英倫擬絞請旨即行正法一摺國家設立巡漕御

史四員自瓜儀以至通州分段巡查原以稽察弊竇催趨遲延從前積有陋規節經裁革添給養廉以資辦公膺斯任者理應潔己自愛勤慎奉職上年都察院請簡漕差朕於科道各員就引見時派出四人英倫適在其內朕素未悉其為人及伊請訓召見即覺其人頗平常當經嚴加訓誡嗣伊到任未久旋奏請患病開缺朕以其年力正強疑有捏病情弊另派趙佩湘前往於其赴任時諭令密查

趙佩湘一至東省即查其聲名狼籍據實密奏而英倫迎遇趙佩湘並告以病已漸痊其為欺飾已屬顯然因密飭馬慧裕吉綸將英倫劣款再行詳查節據覆奏賊證確鑿實屬目無法紀巡漕御史職在催查今英倫於每幫船入境時藉詞恐嚇勒索幫銀該弁丁輟轉攢湊自必耽延時日且銀不入手不予收文及告病後仍有印柄在手斷難越過之語是以催漕之官為阻漕之事並於查勘泉源

呵斥挑剔婪索多贓其挾勢求索所部財物於法實有所枉至御史職司風紀奉命巡查設地方官有不公不法之事尚應列之彈章其該管弁丁夫役人等如沿途有飲博宿娼等事藉端逗遛者該御史即應查禁懲處乃英綸於行館喚妓住宿以執法之人躬為此無恥之事尤屬卑鄙不堪英綸係溫福之孫勒保之姪舊家大族世受國恩乃貪汙縱恣一至於此實屬法無可宥英綸著即處絞至

英綸於巡漕時每以捆打恐嚇運弁是以朝廷之刑法為詐財之具應即令其身受責處用示懲創著派御前大臣軍機大臣會同刑部堂官將英綸監提重責二十板派御前侍衛富翰刑部侍郎景祿押赴市曹監視處決以為奉差官員不念職守敗檢貪婪罔顧廉恥者戒○又諭軍機大臣會同長麟議覆百齡等酌籌民夷交易章程分別應准應駁具奏所議甚是嗣後各國護貨兵船俱不許駛

入內港夷商銷貨令即依限回國並令洋商早清夷欠其澳內西洋人不准再行添雇民人眷口亦不准再有增添引水船戶給照銷照俱責成澳門同知辦理夷商買辦選擇殷實之人始准承充至向來夷貨到粵皆由該國自行投行公平交易以順夷情今該督等請由監督不論殷商乏商按股籤掣竟似以外夷貨財為調劑乏商之計事不可行著仍查明舊例妥協辦理○庚辰諭內閣前據董

誥奏有肥鄉縣知縣萬永福差人投遞稟帖內有奏摺一封求為代遞董誥未敢啟封當即進呈朕閱後因降旨令將該員解任來京交軍機大臣詢問茲據萬永福稱伊於上年秋差派辦密雲道路時值大雨屢經修整除資民力用銀二千兩外仍賠用銀八百餘兩又天津差務由省派令該縣出大戲十番費銀三千兩已交藩庫二千兩尚有一千兩未解屢奉文催因思承辦差務州縣力不能捐

辦不能不借用民力。聞將來尚有五臺差事道路較長。恐資用民力更多。因此冒昧陳奏。懇求治罪等語。朕躬舉時巡。凡以修國典。勤民事。原非為侈遊觀。如每年率行秋獵。經過畿輔各州縣。事關綏藩肄武。時值暑雨塗濘。即官民稍効勞費。均屬分所應爾。至上年巡幸天津。省方觀民。兼以閱視隄工。屢降明諭。飭誠疆吏。一切繁文縻費。概事擯除。乃該督等不知仰體朕心。沿途設有戲臺。點綴等項。

朕當即訓斥其非。該督等總以自行捐備藉申忱悃為辭。今據萬永福所言。仍係派之各州縣。即肥鄉一縣已派至三千兩。則此外各縣所派諒亦大畧相倣。此皆該省辦差官吏下及官親家人長隨藉以為名。人人希圖從中沾潤。遂不顧貽累地方。朕若徹底根究。該省大吏豈能當此重咎。念其事屬已往。姑免嚴辦。惟該總督藩司辦理不善。不可不加以懲儆。溫承惠著拔去花翎。褫去黃馬褂。方受

疇亦著拔去花翎。用示薄懲。今年朕五旬萬壽。即日啟鑾。前赴熱河。若該督等再於沿途踵事增華。但多建一牌樓。添一綵飾。必將該督等革職示懲。至巡幸五臺。尚未定期。即將來有旨前往。設直隸山西途間有建設戲臺等項。點綴者亦必褫革不貸。朕言出法隨。彼時毋悔。萬永福越職言事。本有應得之罪。念其所言尚正。且事有實據。著免其治罪。加恩發往山西。以知縣即補。其肥鄉任內未交銀

一千兩。並不許再向催交。○定江南徐州鎮總兵官為要缺。鎮標中營遊擊。城守營蕭營各都司中營遊擊。中軍守備。為繁缺。中營駐防夏鎮汛守備。為簡缺。改撥駐壽守備。於徐州鎮為中營中軍守備。河標左營副將右軍守備。為中營駐防夏鎮汛守備。從總督鐵保請也。○緩徵陝西涇陽三原富平藍田蒲城邠乾咸陽醴泉高陵朝邑武功長武咸寧長安渭南耀臨潼大荔澄城郃陽白水韓城華

華陰二十五州縣旱災新舊額賦並屯糧鹽課貸涇陽三原富平藍田蒲城郃乾七州縣災民籽種口糧。○辛巳諭內閣昨梁上國告祭回京詢知望祭元太祖元世祖係在德勝門外因令軍機大臣查始自何年茲據查皇朝文獻通考內載順治八年致祭歷代帝王典禮有望祭元太祖元世祖陵在宛平縣北之語順治八年初議致祭歷代帝王典禮其時尚未有暢春園圓明園是以遇有典禮即

在德勝門外望北舉行祭禮此時若仍行照舊則望祭地方轉在御園之南於體制殊覺未協嗣後遇有慶典應致祭元太祖元世祖時著於清河以北昌平州以南仍係宛平縣所轄界內擇地舉行望祭禮著為令。○諭軍機大臣等本日馬慧裕趙佩湘奏頭進南糧幫船全出東境摺內據稱微山湖原存水七尺七寸七分於初十一兩日東南風大作將湖水掣捲西岸直至十三日風定水回探

量諸棧存水七尺二寸計消耗水五寸七分查微湖存水七尺即不能外放今可放之水僅有二寸恐接濟不敷現在伊二人先後馳往韓莊設法勘辦等語韓莊八閘運河全賴微山湖水勢充足源源鋪注今微山湖可放之水祇餘二寸而糧船尚有三十餘幫經由八閘計期需至月餘日久恐難接濟現在江境邛宿一帶水尚充足軍船可不至阻滯但恐趨入東境之後水已消耗豈不又虞壅積

此事關繫非小亟應上緊籌辦吉綸係本省巡撫乃今日奏報之摺並未列銜豈伊於此等情形全不關心耶吉綸著傳旨申飭此時微湖西岸之水即使照舊漾回諒亦有限必須將各處來源廣為導引如牛頭河等處本所以蓄水濟湖目下正資挹注其應如何設法疏濬並多備剝船以資起卸之處辦理不可刻遲將此諭令知之。○又諭和寧奏莊浪土司魯紀勳懇請進京叩祝一摺據稱乾隆

五十五年

高宗純皇帝八旬萬壽有洮州土司楊宗業懇請來京尙蒙

恩允等語可見土司叩祝萬壽本係曠典我

皇考高宗純皇帝壽躋八秩慶懽數天始

俞允邊徼遠人抒誠赴闕今年係朕五旬萬壽

並不舉行慶典所有莊浪土司魯紀勲著無

庸令其來京以示體恤將此諭令知之○壬

午

孝恭仁皇后忌辰遣官祭

景陵○

上幸萬壽山○諭內閣前據福慶許兆椿密奏

通州中西二倉所貯白米多有虧缺並查有

積蠹高添鳳私用花押白票裝米出倉兼令

伊弟高云掛名大班番子以為護符種種弊

混當經特派侍郎托津福慶前往會同新任

倉場侍郎玉寧戴均元詳細查勘茲據托津

等具奏查得西倉地字廩短少白米七百餘

石中倉法字廩短少白米四百餘石此外廩

座尚多即分起抽丈與原貯數目多有不符

約計一廩或短百餘石數百石及千餘石不

等米色亦多不純其中間有微變現將高添

鳳及伊弟高云伊子高庭柱等查拏到案訊

明高添鳳確係積年在西倉經手事件之人

奏明同其餘應訊甲斗花戶一併交刑部審

辦其未查各廩請另行簡派大臣通行盤查

等語天庾正供豈容稍有虧短乃竟有積蠹

把持奸胥舞弊實出情理之外現在西倉存

貯白米五十二廩祇抽查十三廩已短米八

千五百餘石中倉存貯白米二十六廩祇抽

查五廩已短米一千一百餘石則其餘未經

查丈各廩尚不知短少若干其高添鳳所供

各廩牽算可以足數之言殊難憑信必須徹

底清釐覈實辦理刻下正屆南糧抵通之時

該倉場侍郎二人有查驗斛收等事恐難兼

顧著派侍郎托津同劉鐸之桂芳副都御史

秦瀛四人為頭班侍郎福慶同左都御史周興岱侍郎潘世恩副都御史潤祥四人為二班自二十四日為始五日一班前往通州遞相更換將所查情形五日具奏一次玉寧戴均元二人於驗收新漕之暇亦隨時前往會查至此項短少米石是否當日起卸時即未上倉抑係進倉以後另行偷盜出倉積蠹高添鳳兄弟父子如何在倉盤踞以及其餘甲斗趙長安張連芳花甲陳四等如何通同舞弊緣由著派軍機大臣會同刑部嚴審定擬具奏其監督四人內宋調梅武忠安二人在任已久著解任聽候傳訊其甫經到任未接交代之監督圖敏布董興元二人著暫留該倉辦事達慶蔣子蒲前於北倉徵變米石未能先事妥籌業已分別降調今西倉中倉存貯白米又查有虧缺短少積蠹把持伊二人毫無覺察咎更難辭均屬溺職而達慶曾經三任倉場侍郎其咎尤重不能姑容伊昨經

賞給三等侍衛派往葉爾羌幫辦事務即著撤回革職發往熱河効力贖罪蔣子蒲著革職福慶許兆椿到任未久能將此等積弊訪查奏聞得以根究查辦尚為留心伊二人前因舊太倉米色微變未經查明率請支放交部議處有降二級留任處分著加恩查銷○又諭御史陳中孚奏稱三庫郎中員外郎司庫等員向來俱不直宿此次現定章程亦無責成該員之處請令該庫郎中員外郎司庫各員按日直宿所有在庫兵丁由該員等實力稽查其筆帖式庫使等員仍照舊直宿並令登記冊檔按月查覈等語所奏係為慎重庫藏起見即照所議行其各庫郎中員外郎司庫各員應如何分班逐日輪換直宿並如何記冊交管庫大臣查覈之處著祿康曹振鏞詳議章程具奏尋議請將銀庫庫官分為四班緞匹顏料二庫庫官各分為五班每日派一員在庫直宿輪流更替再銀庫內庫每

日章京一員護軍校等十員進庫直宿。又護軍十名。於庫門外巡邏。向祇輪派本庫筆帖式庫使一員前往查放出入。不足以昭慎重。嗣後應令外庫直宿之郎中員外郎司庫等員於酉刻前赴內庫。眼看該班之章京及護軍校護軍等進庫後。將門封閉。再回外庫直宿。次日卯刻仍往內庫。放出該班章京及護軍校護軍等。將庫門封鎖。並庫門外巡邏之護軍亦可留心查驗。有無包班。逐日由該庫

官查覈。較為周密。得旨依議。其銀庫內庫稽查直宿官兵出入之處。應酌量以日出日入為度。嗣後每逢十月十一月十二月正月。均著於申時放進。辰時放出。其餘各月分。著照議於酉時放進。卯時放出。派外庫直宿官員前赴內庫。會同本日該班之司鑰長。將該官兵按時查放。驗明封鎖。久而勿懈。並著該護軍統領一體留心查察。如該班官兵有包班違誤等弊。即行叅辦。○又諭據天津巡漕御

史吳榮光奏請嚴禁盜賣漕糧一摺。南糧為天庾正供。顆粒皆宜。慎重。豈容旗丁盜賣。致滋虧短。現當嚴剔漕儲積弊之際。儻有盜賣情弊。則交卸時勢必攙灰和水。無所不至。以致米石虧缺。微壞自應嚴加釐剔。除南漕所轄地方米價較賤。或該丁等尚無盜賣情事。其山東天津通州糧艘經過及停泊地方。著各該巡漕御史實力稽查。毋任運丁等致有盜賣米石之事。以清積弊。毋存畏難之鄙見。

毋存消弭之惡習。各矢天良。儘力追究。據實具奏。至該御史又稱南糧抵通。未經起卸之先。每幫有驗費。有窩子錢。起卸之時。除例定箇兒錢外。復有後手錢。每幫每項約需制錢一百千及數十千文不等。皆由幫丁湊斂。交坐糧廳號房書役及經紀得受等語。糧米抵通。交卸。該書役經紀等往往向旗丁等索得陋規。遂至無弊不作。祇知營私肥己。罔顧倉儲正供。近來查出各倉米石多有微爛及虧

短情事總由積弊未清遂至蠹害叢集著倉場侍郎於今年新糧抵通時設法嚴密稽查將從前索取陋規種種各情獎一律剔除庶漕政可就肅清將此通諭知之○又諭刑部將陝西省緩決一二次人犯分別准減不准減開單進呈朕詳加披閱擬減單內絞犯張阜娃一名因妻曹氏常在門首閒看屢戒不悛喚進斥罵曹氏回詈該犯用鞭梢疊毆其脊背左後肋等十六處殞命曹氏係小家婦女站立門首亦屬常有之事聞伊夫喚進亦即轉回該犯因其不服斥罵輒毒毆致斃情節殊為殘忍張阜娃著不准減等又絞犯王繼善一名因乞丐王洪湯先竊伊雇主豆柴嗣後見其在窩用豆柴烤火向斥被詈該犯用木棍毆傷其眉叢復毆傷其腦後致合面仆倒跌入火堆被火燒傷肚腹等處殞命王洪湯竊柴在先該犯於事後致斃與登時致死行竊罪人者不同且棍毆多傷致仆跌火

內燒斃尤屬慘毒王繼善亦著不准援減餘依議○賞江寧防禦三戒三等侍衛為葉爾羌幫辦大臣○移山西崑都崙巡檢駐包頭村以和林格爾巡檢兼管崑都崙移多爾濟把總駐包頭村撥大同鎮標外委一員駐多爾濟從巡撫成寧請也○癸未諭內閣刑部將已未到配官犯應減不應減開單摘敘事由請旨欽定一摺朕詳加披閱單內擬軍之已革把總蔡春勝一名因防守廣東近海汛地賊船猝至該革弁帶兵追捕身受多傷被賊焚燒汛房而逸該革弁正在勦賊之際未能顧及汛房與守備不設被賊入境擄掠者有閒蔡春勝著准其減等又擬流之已革知縣黃銓因會試舉人龔正調船隻擱淺龔正調令船戶代搬箱物水手葉阿卓等乘機攫賊逃走經該革員詣勘獲犯葉阿卓等七名旋即卸事署縣方廷選聽受刑書賸稟將各犯釋放該革員回任拘獲葉阿卓一名訊不

承認仍即保釋。是葉阿卓等七犯俱係該革員緝獲。其聽從刑書釋放。係署任之事。與伊無干。嗣該革員將葉阿卓拘到。旋復保釋。亦在訊不承認之後。按其罪名。尚非故出。且所出亦祇流罪。黃銓亦著准其援減。又擬徒之已革司樂官傅得亮。因將神樂署廊外自建房屋。租與民人呂二開設茶館。以致聚集閭人。誼譁褻瀆。司樂官等於神樂署左近地方。違禁私建房屋。出賃圖利。積弊相沿已久。尚

非起自該革員任內之事。傅得亮亦著准其減等。餘俱不准減等。○諭軍機大臣等。百齡密奏粵東廢弛各情形一摺。粵海著明盜首如張保仔等幫船甚多。其在船夥黨不下萬餘人。東竄西奔。毫無攔阻。其所以有恃無恐者。總緣接濟根源不能斷絕。百齡所見深得要領。前經屢降諭旨。飭令地方官認真堵緝。將一切米糧火藥器械蓬纜等物杜絕透漏。使盜匪在洋飄泊。無以為生。自無不束手就

斃之理。無如各督撫均不過視為具文。毫無整頓。看來怠玩。因循此四字。竟成通病。似此日復一日。深慮釀成大患。此如醫家治病。當其受病之初。不能認真醫治。則患證愈深。漸至不可救藥。迨至痼疾已成。輒稱難治。又何如及其易治之時。早為救療。乎百齡既已稔知此弊。將各口岸奸徒濟盜緣由查明原委。並將各衙門積玩積習深究根源。惟當實力清釐。講求措置。以期地方日見起色。將此諭

令知之。○兩廣總督百齡等奏提督孫全謀

統兵擒剿大幫盜匪多名。得旨嘉獎賞隨捕

船戶吳敬裕外委項帶。○甲申

上幸靜明園。詣

龍神廟拈香。○乙酉。諭內閣富俊等奏嚴訊

遭風民人龔鳳來等在朝鮮國留買鐵物及

行查朝鮮國王咨覆各緣由一摺。訊據龔鳳

來等供稱。該船戶等每年俱駕往山東奉天

天津等處貿易。上年九月內欲往山東膠州

裝豆駛至南通州放洋忽遇西北大風漂至朝鮮境界將船擊碎被朝鮮人救護上岸所有撈獲船板燒燬除下鐵釘及鐵繩並五百斤重鐵錨一箇二十八斤重小錨一箇朝鮮人稱明共計四千三百斤零因鐵物斤兩甚重不能攜帶是以變價共銀八十六兩分作盤費使用並無私帶別項鐵物又據朝鮮國咨稱前次咨文所載鐵物係破碎船隻之鐵釘等件共四千三百餘斤並無別樣器物現由濟州水路送京各等語前據禮部奏稱接據朝鮮國王李瑛咨稱此項裝船鐵物計重四千三百餘斤已從優給價並未聲明是何物件竟似違禁貨物帶至四千三百餘斤之多是以降旨令富俊即將民人龔鳳來等截回審訊一面行文該國王查明該民人等所帶鐵物究係何件並以該國王辦理不合將前次齎咨員役減半賞賚今既查明並非違禁貨物著禮部行文該國王諭以此事業經

訊明該國王祇係聲敘不明辦理尚無不合所有龔鳳來等亦即著遞回原籍安業至此項鐵斤俟該國送到時該部奏明覈辦○又諭刑部議奏陝西匪徒孫老公等糾眾謀搶未成分別治罪一摺此案前據方維甸奏到時朕詳加披閱即覺所辦過重批交部議今刑部議將孫老公等九犯均照該撫所奏擬以斬梟龍可班一犯亦照該撫所奏擬絞立決殊屬草率龍可班一犯本係寧陝營兵因挾本官責革之嫌途遇孫老公曾有被革後毫無生計欲圖報讎洩忿之語孫老公聞有此言即藉端傳播起意糾人楊麻子復與孫老公密商山內閒人利於搶奪不必借報讎名目嗣分投糾集多人孫老公散給器械與楊麻子分路行走約於夜晚會齊因同夥之周騾子疑慮不前時楊麻子夜半迷路孫老公往來找尋勸說延至五更不能搶掠各夥黨遂分路棄械逃逸經兵役查拏先後獲案

是孫老公實為此案罪魁楊麻子與孫老公
首先同謀糾人並造意以搶奪煽惑情罪較
重孫老公楊麻子二犯著照所議即行處斬
梟示其楊小八周騾子李騾子楊雞頭王學
禮王正乾王正權七犯均聽糾謀搶未成旋
即逃散究與搶劫已行者不同均著改為斬
監候龍可班於孫老公等糾眾謀搶之事全
不知情雖先有報讎洩忿之言祇係懷恨本
官意圖報復亦不得即以謀叛未行律論龍

可班著改為絞監候餘著照刑部所議完結
○遣御前侍衛禧恩乾清門侍衛永芹玉福
哈隆阿分班前赴通州會查倉廩○丙戌諭
內閣刑部將湖廣省緩決一二次人犯擬准
減不准減開單具奏朕詳加披閱擬准單內
絞犯劉萬一一名因劉么兒乘夜偷竊該犯
同居之鄒碩青皮襖鄒碩青知覺喊醒該犯
出門查看時劉么兒復竊鄰居鄒汝疏家當
被捉獲該犯用繩捆縛帶回詢問夥伴劉么

兒混罵該犯取柴毆傷其頂心左眼角及脅
體左肩甲等處殞命戮其情節劉么兒偷竊
該犯同居鄰人衣物雖係犯竊但既經鄒汝
疏家捉獲是罪人已就拘執自應聽其送官
究治乃該犯用繩捆縛帶回因其詈罵執行
疊毆致斃居心實屬殘忍劉萬一著不准援
減又絞犯張桂一名因乞丐羅添富潛入廚
房偷竊當向喊捉羅添富棄賊逃跑次早該
犯至羅添富家見其赤身睡卧即拉回拴繫

樹上羅添富混罵該犯解其繫袴皮條並用
竹棍毆其左脇膊右肩甲等處俟投保送官
因是日寒冷羅添富受凍殞命此案羅添富
行竊未成已逃避回家睡卧乃該犯親至其
家將伊赤身拉出又因羅添富混罵用皮條
竹棍疊毆以致羅添富受傷凍斃其情節亦
屬殘忍張桂亦不准其援減餘依議○諭軍
機大臣等五臺為曼殊師利成道之地從前
聖祖仁皇帝

高宗純皇帝屢經巡幸朕前有旨令該撫修治廟宇以俟臨蒞原以瞻禮

佛相為民祈福且其地介處西北蒙古諸部落赴山瞻拜者每歲絡繹不絕鑒輅經臨辦香展敬亦寓綏藩之意非以侈遊觀也昨因直隸辦差糜費已降旨將溫承惠等懲處後年朕巡幸五臺除廟宇行宮業已次第修整外其途間及山之上下一應戲臺雜伎假山假亭一切黜絕概不准豫備即廟前斷不准

設臺演戲朕拈香時有喇嘛等在廟前跪接陳設梵樂足備觀瞻至沿途空缺處所用席片搭蓋假山塗飾遮蔽尤為可厭蹕路所經民間村莊廬舍完整者可以覘豐盈氣象其積垣陋室亦可藉以知民生疾苦正合省方觀民之義又何必紛紛曲加粉飾乎惟墩汎牌坊以記疆里可仍其舊不過畧加油飾誌明里數用備省覽該撫務當仰體朕意崇實黜浮屆期如能辦理妥協不累閭閻朕必加

以恩獎若不遵諭旨妄事揣摩彼時見有陳設黜絕等項必將該撫等斥革遣戍朕言出法隨斷不寬貸無謂教誡之不早也信此諭是汝之福不信乃汝自作孽彼時必執法辦理將此諭令知之○丁亥諭內閣據萬象風奏懇請開缺來京祝嘏一摺實屬冒昧不諳體制本年朕五旬萬壽前於直省督撫將軍副都統提督內各派出數員來京隨班慶祝並早降明諭原恐未經派出各員紛紛瀆請至學政係三年更替之差向無陳請入覲之例從前

皇考高宗純皇帝五旬六旬七旬八旬萬壽聖節其時俱未聞有學政開缺來京慶祝者萬承風劾為此奏若以職居卿貳則現在玉麟劉鳳誥同係侍郎簡任學政若謂內廷行走則山西學政黃鉞即係南書房翰林設允萬承風之請玉麟等亦必援顯懇豈悉令開缺簡員更換乎况江蘇等處學政向俱簡用

大員所簡之員亦係分應祝嘏者伊本在京供職轉令屆期不得隨班叩祝於情理亦未允協萬承風所請不准行著傳旨嚴行申飭並著交部從嚴議處不准以罰俸了事○是月直隸總督溫承惠奏陳惶悚微忱得旨朕屢降諭旨汝等概置不聽妄行揣摩迎合必欲陷朕於好盤遊樂聲伎之主是誠何心哉嗣後一切屏絕如再不遵守惟革職遣戍耳慎之戒之○山東巡撫吉綸奏謝頒賞

御製義利辨墨刻得旨東省官吏圖利者多守義者少朕甚憂之東巡之舉斷不可行行則徒增煩惱耳○陝甘總督和寧奏謝得旨汝本中才不過小心謹慎耳因簡用乏人姑用汝以觀後效方今大獎在因循疲玩汝應竭力整頓莫負委任然汝以望七之年恐不能當此重任若精力不及身體委頓據實具奏即有恩諭

大清仁宗受天興運敷化綏猷崇文經武孝恭勤儉端敏英哲睿皇帝實錄卷之二百十二

大清仁宗受天興運敷化綏猷崇文經武孝恭勤儉端敏英哲睿皇帝實錄卷之二百十三

監修機官經道清起居士宮太子太傅並英殿大學士大湖領閣事稽察欽奉 上諭事件處管理三銀事務翰林院掌院學

去隨帶加二級兵事加四級
勞核備總兵官李太保文開大學士管理刑部事務加四級
蘇坊七經進日講起居注官李少師內閣大學士開讀

梁開中 楊家紋 李士謝事件處理辦大學李朝興 高樹林院掌院李士敬 曾慶雲 總管內務府大臣德英 旗滿洲都統步軍統領管理戶

紹三年奉宸苑青園等處總理工程處御茶膳房御藥房太醫院西洋金事稽察增加三級隨帶加二級尋常加十三級紀錄二十一次

英和理通真宮天下大佛院那向書上寺房行走英英威德統管理園子監事務加六級隨着加二級紀德四水並法蓮珍等奉

較修

嘉慶十四年己巳六月庚寅朔諭內閣本日

據慶桂奏發往山西候補知縣萬永福有奏摺一件將原封進呈朕當加披閱所言直省差務事宜俱屬窒礙難行萬永福前次違例投遞奏摺本當治以應得之罪因其所言尚有實據是以特予寬免並加恩發往山西以知縣即補今復冒昧具摺無論所言差務事宜各條均不可行即使所言或有可採而該員已發往山西候補即不應妄論直隸地方事務若以知縣微員俱似此紛紛陳奏尚復

成何政體萬永福著交部議處 辛卯諭內閣據玉寧戴均元奏查看通州中西倉及萬安儲濟裕豐太平四倉現在情形應次第清釐並請飭各衙門嗣後保送倉監督人員應公慎遴選等情一摺國家設官分職各有專司官必稱職則事無廢弛即如倉監督一官職司典守必須精明強幹稽查出納纖悉無遺方為無忝厥職乃近來各衙門保送監督率以年老才庸之員充數在部不能辦事又不叅劾專圖見好推出了事遂致到任後不能留心稽查倉務一任甲斗花戶等無弊不作如現在拏審之高添鳳趙長安張連芳等把持盤踞作奸犯科釀成巨案總由該管倉監督全不認真辦事一味因循弊竇叢生遂至於此所有現在各倉存貯米石應次第清釐及查驗新漕各事宜俱著玉寧戴均元即照所奏情形實心經理毋稍懈弛其嗣後各衙門保送倉監督務須擇京察一等二等之

員年力富强才具幹練者保送若謂各衙門辦事需人輒將年老無能者保送豈倉儲為天庾正供獨非緊要事務乎此後如遇保送倉監督時各衙門仍以年逾六十才具平庸者濫行充數於引見時經朕看出必將該原保官嚴加懲處不貸所有西倉監督圖敏布一員現據該倉場侍郎奏該員年力雖屬尚壯才具不堪勝任著即照所請撤回原衙門當差西倉監督員缺即咨部另補又諭本

日據步軍統領衙門奏稱山東平原縣民婦張李氏呈控伊夫被縣書毆傷及該縣板責監斃一業經總河馬慧裕審訊奏結心有不甘情急復控請交山東巡撫吉綸提集犯證秉公詳審等語適刑部議駁前日馬慧裕奏到審辦此案之摺朕詳加披閱馬慧裕所奏張樹桂實係病死並非因傷斃命其屍母前稱伊子被毆之處查無其事現據屍母哀懇免驗將張文興擬以杖責完結等因經部駁

以張文興所控如果實係虛誣自應坐以誣告之罪非杖責所能完結至張樹桂糾眾抗漕時既據地方稟首該縣何難立時拏究且所糾二十餘人既係同夥何以均經開釋又原驗張樹桂屍身脊背等處均有血暈亦未據詳細聲明其原控被毆鐵器多傷何以屍親忽又改供輸服即該督所引控告人命求息擬杖之例亦與律有未符請旨仍飭該督虛衷覆訊等語此案因係山東地方漕糧之

事恐本省巡撫未免意存偏徇是以特交馬慧裕親提犯證嚴審定擬乃該河督所委仍係地方官員以張樹桂妻係糾眾抗漕屍母攔驗草率完結而現在屍妻張李氏呈內稱伊姑攔驗一節係縣書曹淑賢等賄囑楊蘊等嚇勸所致馬慧裕於此案既未親行提訊一任委員等率意偏斷未能折服其心而所定案犯罪名亦種種未協看來外省大吏辦理地方事務因循怠玩積習牢不可破馬慧

裕著先行交部議處。此案若仍交馬慧裕覆訊未免迴護前議。若交吉綸亦恐袒護屬員。著即將一千人證移交巡視東漕給事中趙佩湘督同道員王念孫親加詳鞠。務得實情。按律定擬具奏。如馬慧裕及委審各員有徇庇情事及該縣實有浮收折色等弊。一併據實叅奏。毋得稍有瞻徇。免直隸文安縣大窪地畝額賦。壬辰。

上御勤政殿聽政。以都察院左副都御史秦

瀛為內閣學士兼禮部侍郎銜通政使司通政使溫汝适為左副都御史仍留陝甘學政任以光祿寺卿朱理署左副都御史。降兵部右侍郎萬承風為內閣學士兼禮部侍郎銜以內閣學士秦瀛為兵部右侍郎。調江蘇學政萬承風為安徽學政安徽學政王麟為江蘇學政。甲午以理藩院侍郎福慶兼鑲黃旗蒙古副都統。以駐藏幫辦大臣隆福為寧夏將軍賞和闡辦事大臣陽春二等

侍衛為駐藏幫辦大臣哈密幫辦大臣台斐音三等侍衛為和闡辦事大臣以乾清門頭等侍衛阿蘭保為哈密幫辦大臣。戶部議准前任陝甘總督長齡疏報甘肅靖遠泰安正寧三縣開墾田六頃六十一畝有奇照例升科從之。乙未諭內閣朱澄奏請嚴禁番役花戶庫丁爐頭不得掛名互充以杜勾串積弊一摺所奏是步軍統領衙門設立番役凡倉漕庫局人役如有弊端均有稽查緝捕

之責豈容與花戶庫丁爐頭等掛名互充致滋勾結串通之弊即如此次查出花戶高添鳳等侵盜通倉米石前經祿康派令番役前往訪拏該番役不但不肯指拏到案直云並無高姓其人旋訊出高添鳳之弟高二現充番役恃為護符昨查抄高添鳳家產內有鑲玉如意訊據高添鳳供稱係番役馬凱致送伊母祝壽之物是其平日之固結交好串通舞弊情形顯而易見若不嚴行查禁必至流

獎日深所有此項人役及各處庫丁爐頭應如何飭禁掛名互充之處著步軍統領戶工二部及管理三庫大臣倉場侍郎會同妥議章程具奏尋議京通各倉充補花戶例有定限若役滿之後任其逗遛自易滋弊請嗣後役滿花戶即飭令回籍不許容留近倉地方幫辦倉務並不許子弟接充以防盤踞至番役專司緝捕庫丁看守銀糧爐頭鼓鑄錢文均須熟手未便定以年限但查爐頭有告退

病故者准其子弟接充之處究屬不合請嗣後遇有爐頭告退病故者倣照番役庫丁之例另募身家殷實者充當仍將原領繇帖繳銷再此項人役分隸各處人數既多易滋冒混應責成該管衙門各設立花名冊籍填註年貌籍貫住址統以每月二十五日一體同日畫卯按名點查使其不能分身兼顧遇有與花名冊內不符及無故誤卯者即行斥革如此明定章程庶掛名互充等弊可以剔除

從之○又諭漕儲為天庾正供每歲徵收七省漕糧連檣轉運自漕運總督以下分設多官專司其事經由大江河湖運道遇有汎漲淺阻多方疏導需費帑金不下數十百萬誠以京師王公百官祿糈及八旗官兵俸餉胥仰給於此且舟行附載南省百貨若遇行走迅速貨物流通商賈居民咸資其利偶值糧艘中途阻滯則商船均不得越渡京師百貨亦因以昂貴每年自春徂秋申誠漕臣疆吏

經營催趲不遺餘力是漕糧為國家重大之務勞費孔繁乃趲運如此其難而自抵壩貯倉以後該倉場侍郎以及監督等官均不知慎重職守歷任相沿因循廢弛怠忽疲玩遂至攬和抵竊百弊叢生前因上年所運北倉米石潮溼蒸變將辦理不善之倉場侍郎達慶蔣子蒲革職並將坐糧廳監督等分別降革著賠旋因清理倉儲特派大臣侍衛等分班盤驗查出虧缺數目其從前短收浮出重

領偷竊等弊均由此破案歷任倉場侍郎總司積貯毫無整頓咎無可辭其中雖間有一二素稱明察留心防範者亦總未能查出積弊及早剔除亦不過虛有其名毫無實蹟皆屬誤國負恩必應懲治今奸胥蠹役種種賊私全行敗露自應將歷任倉場侍郎按照年月久暫及失察弊竇重輕分別懲處現就該花戶甲斗等供明舞弊年分扣算特令自嘉慶三年以後將歷任各侍郎職名查明開單

進呈除宜興傅森劉秉恬均已病故達慶蔣予蒲先已黜革懲治外鄒炳泰賡音托津在任較久著交部嚴加議處薩彬圖德文吳璣李鈞簡任內均有黑檔重領米石之事失察較重亦俱著交部嚴加議處貢楚克扎布吉綸額勒布在任均止數月著交部議處和寧到任在一月以上那彥寶不及一月著交部察議其該倉監督著交部詳查在任年月另行奏明分別懲處以散秩大臣慶祥為鑒

白旗蒙古副都統以湖北提督慶溥為廣州將軍直隸馬蘭鎮總兵官慶成為湖北提督圍場總管福長安為馬蘭鎮總兵官兼總管內務府大臣戶部議准福建巡撫張師誠疏報閩侯官長樂古田霞浦福安六縣開墾地十二頃六十四畝有奇照例升科從之給福建閩侯官二縣被水災民一月口糧並房屋修費丙申諭內閣前據和寧奏請以西寧縣知縣圖善調補新疆之綏來縣摺

內並聲明甘省別無旗員可調等語朕閱該督所開圖善叅罰清單共有八十餘案因令吏部詳查該省是否再無可調之員據吏部查明新疆邊遠緊要旗缺定例於陝甘兩省旗員揀選調補甘省除圖善外尚有德恒一員陝省共有得祿和保永佑三員是該省可調新疆旗缺者並不乏人和寧甫經接印何以即知綏來之缺非圖善不能勝任且並未詳查輒行聲敘辦理殊屬草率和寧著傳旨

申飭其經來縣知縣一缺除圖善不准調補外著該督於陝甘兩省旗員知縣四人內揀選一員另行奏請調補○旌表守正捐軀直隸天津縣民李進發妻朱氏○戊戌

上幸靜明園詣

龍神廟拈香 諭內閣從前乾隆年間各省民人有赴京訟冤控告官吏者俱經

皇考高宗純皇帝簡派廷臣前往訊辦朕親政後秉遵

成憲遇有民人控告情節重大之案節經派員馳往研訊務得實情惟因近年控案愈多都察院步軍統領衙門每隔數日輒有封奏若皆派員前往不勝繁擾且京外並重部院中亦需人辦事不便多令曠職因思外省各大員同係朕委任辦事之人且非其本管之案諒無迴護是以往往派隔屬上司官員提案審辦伊等經朕特旨派辦即與欽差無異惟當一秉至公庶成信讞乃日前步軍統領衙

門奏山東平原縣民人張文興控告該縣浮收漕糧將伊胞叔張樹桂押禁身死本省不為申理一案降旨特交馬慧裕親提嚴審並經詳諭該河督以案情較重必須逐細審明檢驗覈辦不可稍有瞻徇馬慧裕奉旨之後自應親自提鞠不得假手屬員即欲派員隨同研究亦應於所屬之河員內酌量選派而馬慧裕仍委派地方各員任其扶同隱飾輒以所控虛誣屍母具呈攔驗草率奏結旋經

刑部駁審屍妻張李氏又來京控告縣書等有賄勸嚇逼令伊姑攔驗等情不能定案是馬慧裕徇庇地方官員不以交審事件為重咎無可辭本日吏部議以照違制例降四級調用因無級可降請旨革職自應如此懲治惟念馬慧裕辦理河工事務尚屬謹慎小心現在河工大員一時簡用乏人姑從寬降為三品頂帶仍帶革職留任以觀後效此後如再有委派屬員不自行提審者即照此次示

懲 又諭朕前聞廣興出差赴豫之時河北道張裕慶有斂銀饋送越境遠迎等情降旨將該員拏解來京交軍機大臣會同刑部審訊具奏茲據慶桂等奏稱訊據張裕慶於斂銀湊送等事堅不承認其初次至安陽接見廣興係奉差要到彼二次係由工次前往迎謁等語並錄取親供進呈張裕慶以監司大員於欽差過境時並無因公交涉事件輒紆道前往迎謁其為逢迎取悅已無可解免況

聲名本屬平常專以結交上司為務原非循吏據供雖未經斂銀湊送但曾致送廣興土宜物件又屢送喫食酒席即屬有意交接並恐尚有饋送銀兩之事恃無質證冀圖狡飾必當徹底根究張裕慶著革職交軍機大臣會同刑部再行研訊具奏 己亥諭內閣御史慶明奏稱本年六月分正藍鑲藍正紅三旗俸餉米石戶部已輪派北新富新儲濟三倉開放請將七月以後各旗俸餉一併仍儘

北新等倉支放俟該三倉放盡後再放別倉如有虧短即可隨時查辦目下南糧抵通先儘支放淨盡之倉貯米其現在放米之倉且無庸派貯新糧以免新舊牽混等語各倉諸弊叢生今就放米之便以代盤查法歸簡易事屬可行至請儘支放淨盡之倉派坐米石於轉運事宜甚有窒礙應仍照舊例另嚴存貯毋令花戶等挪新掩舊致滋弊端 又諭御史萬雲奏刑部審訊馬譚氏母女被戕案

內謝四一犯又工部節慎庫失竊庫銀一案現在分別研鞠不遺餘力尚無端緒聞謝四等俱羸病不支恐拖累致斃若果係正犯則倖逃顯戮若稍有冤抑又不應濫及無辜此時盛夏酷烈請暫緩推鞠俟別有端倪再行提質等語所奏是此二案關繫重大必當嚴究免賊斷不可任令漏網但須臾證確鑿方可辦理今謝四一犯情節本在疑似之間若一味熬求設致疲斃豈不慮及冤濫兼恐實

係正犯轉以刑求斃命終歸疑案謝四竟當暫行停審著妥為羈禁俟將來別有端倪再行提質至工部失竊之案其在庫官役內現據刑部訊有三人似係偷竊之犯但業已監斃一人其餘二人又並無實在贓據安能定為正賊此時亦無庸亟加熬審著俟將來訪獲贓據再向該二犯質訊至兩案正犯既未訊明恐另有遠颺漏網者仍著承緝衙門認真緝捕毋稍懈弛疏縱○旌表守正捐軀直

隸香河縣民田紹錫妻張氏○免江蘇山陽阜寧清河桃源安東鹽城高郵泰東臺江都甘泉興化寶應沐陽十四州縣淮安大河揚州三衛上年水災旱災額賦緩徵上元江寧句容江浦六合山陽阜寧清河桃源安東鹽城高郵泰東臺江都甘泉興化寶應銅山蕭錫山邳宿遷睢寧海沐陽贛榆二十七州縣淮安大河徐州三衛各項銀糧庚子諭內閣刑部奏河南山東二省緩決人犯擬准減

等清單朕詳加酌覈內河南省絞犯王文昭一起因常太行竊被獲該犯同雇工王暑王毛妮捆縛攢毆疊傷多處常太不過聲稱俟傷好再來行竊而該犯慮被復竊輒拾取灰土將其兩眼擦損殞命實屬殘忍王文昭著不准減等又山東省沙文俊一起因高泳干摘食伊園內青杏該犯向其吆喝高泳干不過斥伊小器該犯遽用鋤向毆適傷其腦後立時倒地殞命實屬兇狠沙文俊著不准減

等餘依議○辛丑以右春坊右庶子王以銜署日講起居注官○以

關帝六十代孫篤行襲五經博士○壬寅諭軍機大臣等據阿林保等奏洋盜張然悔罪率眾投誠一摺張然為小臭幫盜首因家屬挈獲到官與夥黨等畏罪改悔率領匪眾並呈繳船隻礮械到官投首著施恩免其治罪准予投首又另片奏蔡牽匪船經孫大剛等擊敗之後竄至鹿耳門牽劫商船並來往漳

州福清一帶洋面遊奕實堪痛恨海洋盜首自知誤陷賊黨尚有畏法悔罪者惟蔡逆始終怙惡抗拒官兵劫害商民全無悔懼之心此逆一日不除海洋一日不靖必應及早俘獲明正典刑以彰國法而快人心現在王得祿率領舟師窮其所往著飭令趕緊追剿不可稍予以暇俾得乘間竄劫其投首之張然本與蔡逆有隙即將伊投誠首夥內擇其年力精壯者分配兵船令其隨同出洋攻捕蔡逆如能奮勇出力擒獲盜首奏明請旨加恩若伊等情願入伍量予拔補官職或不願入伍即賞給頂帶榮身亦無不可該督等惟當督飭水師將領實力勦辦並嚴查口岸透漏接濟以期速擒巨慝為要其朱渥餘匪潛匿在閩者並責成許松年等上緊搜勦完竣以安商旅所有小具幫餘夥老弱二百餘名即分別發回原籍給保安插嚴行管束其兵船遭風遇匪傷斃各兵丁查明咨部照例辦理

將此諭令知之 命兵部右侍郎成書工部右侍郎顧德慶前往清河盤查倉穀 山東登州鎮總兵官豆霽年老休致以膠州協副將富通為登州鎮總兵官 浙江溫州鎮總兵官李景曾因病解任以廣東順德協副將李光顯為溫州鎮總兵官 癸卯戶部議准前任江西巡撫金光悌疏報南昌武寧新喻南康四縣開墾水田一頃十一畝有奇照例升科從之

大清仁宗受天興運敷化綏猷崇文經武孝恭勤儉端敏英哲睿皇帝實錄卷之二百十三

大清仁宗受天興運敷化綏猷崇文經武孝恭勤儉端敏英哲睿皇帝實錄卷之二百十四

嘉慶十四年六月乙巳諭內閣粵海關稅務自乾隆十五年以後均係監督徵收會同總督題報迨五十七年欽奉

特旨改令監督專管仍責成該督撫查明按月造冊密行咨部俟期滿覈對原以防弊實而

嚴鈎稽乃近來該督撫以事不關己漫不留心而吳熊光等於該關徵收稅務情形竟全

不過問是稽覈之例竟係有名無實嗣後粵海關稅務應仍著該督撫一體稽查儻有情

弊即當隨時奏報並著按月造冊密行咨報

嘉慶十四年己巳六月乙巳諭內閣粵海關

稅務

嘉慶十四年己巳六月乙巳諭內閣粵海關稅務自乾隆十五年以後均係監督徵收會同總督題報迨五十七年欽奉

特旨改令監督專管仍責成該督撫查明按月造冊密行咨部俟期滿覈對原以防弊實而

嚴鈎稽乃近來該督撫以事不關己漫不留心而吳熊光等於該關徵收稅務情形竟全

不過問是稽覈之例竟係有名無實嗣後粵海關稅務應仍著該督撫一體稽查儻有情

弊即當隨時奏報並著按月造冊密行咨報

嘉慶十四年己巳六月乙巳諭內閣粵海關稅務自乾隆十五年以後均係監督徵收會同總督題報迨五十七年欽奉

特旨改令監督專管仍責成該督撫查明按月造冊密行咨部俟期滿覈對原以防弊實而

嚴鈎稽乃近來該督撫以事不關己漫不留心而吳熊光等於該關徵收稅務情形竟全

戶部俟一年期滿該部將該督撫與該監督所報清冊覈對如查有弊端即行叅劾該督

撫不得以並無兼管之責視為具文甚或通同弊混致干咎戾○又諭本日係刑部輪班

直日祇有三名引見官員並未奏事當經召見尚書金光悌及滿漢侍郎等詢以該部因

何未有陳奏事件據稱本日係恭寫

神牌吉期若早間刑部遞摺正與書寫時候相值是以未經專摺奏事刑名本章仍照常恭

進等語所見殊屬拘泥該部即因本日係書寫

神牌吉期或將處決重案暫緩陳奏其尋常事務儘可於早間奏遞乃率將一切事件全行

擱壓甚屬因循疲玩刑部堂官均著傳旨申飭嗣後各部院衙門如再有似此假託避忌

實圖安逸者定行懲處不貸○又諭百齡等奏查明登花船難於購料成造仍請添造米

艇以期迅速竣工俾資緝捕一摺粵洋勦捕

八六三

匪船米艇具有成效。前此吳熊光忽以米艇不能遠出外洋。請改造登花戰艦二十號。往來外洋緝捕。將米艇全行收入內洋防守。現經百齡等查明。此項船隻所需桅舵大料。因須在外番購覓。是以二年以來未能購得。且此時即購料成造。一經風浪掣損。將來亦無料換修。仍屬不能應用。况粵洋綿亘四千餘里。止仗此二十船之力。在外洋策應捕盜。寧不顧此遺彼。此皆吳熊光全無主見。不過逞

其臆度之詞。妄思更改。而於空言陳奏之外。仍無實際。斷不可行。百齡等現已估計船身價值。計其一船所需。足造米艇兩隻。請將原估登花船二十隻工料銀十五萬四千餘兩。改設大中小米艇四十號。以期節浮糜。而使駕駛所議甚是。著即照所奏辦理。又據奏查明東海地方難建營汛一摺。遂溪縣東海地方。先經吳熊光議請設立叅將專營。在於督撫各標抽兵防守。嗣吳熊光又以東海不產

孰木。奏請停止建營。請改募水師添船緝捕。今據百齡等查明。該處沙土鬆浮。建築城堡。礮臺難資經久。又與廣州灣遙遙相對。以一隅駐守之兵。當四面可通之路。亦復難資控制。是此事亦不可行。吳熊光始則並未詳細確查。繼知事有所難。又復迴護前議。不肯據實奏明。更改一味遷延。且如何改募水師。添船若干。並如何派人管帶之處。亦全未議及。殊屬因循闊茸。毫無振作。茲百齡等請將新

造米艇二十隻。專在東海巡防。以二十隻在西路洋面策應。其配駕巡兵。即於通省水師按數勻派。既可無庸建立營汛。亦無庸改募水師。其吳熊光原議裁撤督標後營及提標兵丁之處。本與營制不符。且陸路口岸防守緊要。斷不可輕議裁革。百齡等所見皆是。此時應行分別歸伍。撤募之處。亦均照所奏辦理。至目下粵洋緝捕緊要。而水陸營伍均屬廢弛。該督等務當振刷精神。實力整頓。以期

設一兵得一兵之力。添一船得一船之用。方為不負委任。○以湖北竹山協副將毛秉剛。為廣西右江鎮總兵官。○丙午諭內閣。玉寧等奏通惠河水長漫溢情形一摺。據稱通惠河水勢驟長。至一丈有餘。該倉場等現查勘王相公莊。迤上西岸汕塌一段。其普濟閘大松榛舊工。平上閘平下閘等處。先後刷開五處。重運難以輓運。漫口堵築需時。京倉不得不暫停轉運。現嚴飭通水道堵築各漫口。以便趕運等語。本年糧運抵通。起卸米石。時日已覺較遲。今通惠河因雨大水勢驟長。以致河口刷漫數段。若不剋期堵築。則重運抵通。恐有遲滯。又需在北倉截卸。必致百弊叢生。亟應剋期堵合。以利漕儲。著傳諭溫承惠。遴派明幹大員。即於本日速赴工次。將通惠河漫口數段。限七八日內上緊堵合。俾糧石得以源源轉運。不可稍涉遲緩。該督現在各工查勘。相機防守。如酌量情形。可以分身。即於

本日親至通惠河。督飭委員等趕辦堵合漫口事宜。於要工更為有益。稍為因循。重處不赦。慎之。○諭軍機大臣等。朕向聞南糧赴通。本省即折價虧短。沿途亦有盜賣情弊。以致到通後折價回漕。倉儲虧缺。此弊關繫漕運甚大。該督撫等各行密訪嚴查。將該旗丁在本省如何虧短及運米上岸在何水口。該水口是否現有囤積鋪戶。務即訪獲根究。再糧米顆粒不容上岸。該旗丁等是否藉變賣土宜為名。夾帶米石。亦當詳查底裏。據實具奏。不可稍涉徇縱。將此諭令河南山東江南浙江湖廣江西各督撫知之。○又諭朕素聞南糧在途往往盜賣米石。並於虧短之後。有用藥發漲情弊。現因查辦通倉虧米一案。嚴詰已滿倉書高添鳳。據稱糧米用藥發漲。多在天津一帶地方。其藥名為五虎下西川等語。直隸自安陵以北。道路綿長。糧船行走需時。必亦有盜賣之弊。著溫承惠即詳細挨查。勿

稍疏縱。並著密派能事委員將賣藥之人一併拏獲。將此藥如何製配係何藥物及平日如何串通舞弊之處徹底訊明據實奏聞。將此諭令知之。○鑄給陝西漢中鎮總兵官及所屬印信關防。從前任總督長齡請也。○丁未諭內閣。前據御史慶明條奏查旗科道向無年限。請嗣後作三年為滿更換一次。當交都察院議奏。茲都察院奏稱滿洲額設給事中御史共祇四十員。派查二十四旗。左右二

翼火器營需用二十九員。若三年更換其未奉派查之員不敷簡用。勢必將已滿三年甫經卸事之員仍行開列未免窒礙難行等語。科道派查各旗一切事件資其糾察。若在任太久恐與該旗大臣官員過於習熟易至瞻徇情面並不免有自行迴護等弊。自應照該御史所奏三年更換庶免日久弊生。況該員等係陸續報滿並非每屆三年通行出缺。該衙門遇報滿一員即將未經派過者開列數

員請旨自無慮人數不敷設遇開列人數過少不妨將現派查旗之員請旨更調除去原查旗分另為籤掣調換別旗如此則彼此互易亦自不至積久生玩。嗣後各旗及左右二翼火器營俱照此辦理。著為令。○又諭古先聖王重農貴粟國家經久之計首重倉儲天庾正供顆粒不容短少每歲漕船抵壩起卸歸倉收貯謹嚴按時支放特設倉場侍郎總司其事該侍郎等經朕委任自當督率所屬

慎重鈎稽進米時不容偷減出米時不容浮溢此外一切弊竇尤應隨時查察逐處清釐使奸胥蠹役共知畏憚無從措手方為無忝厥職乃自嘉慶三年以來歷任倉場侍郎俱各怠玩因循毫無整頓以致已革倉書高添鳳竟敢在彼盤踞串通甲斗花戶攢典倉書人等一氣把持無弊不作現在研訊之下據該犯等逐層供吐始而多出斛面少收斛面既而乘運送土米出倉之時夾帶好米以至

將王貝勒貝子等俸票重支冒領加以鈎扇偷竊甚至私出黑檔朦混盜領出米尤多作弊尤大而監督等亦復通同舞弊得賄分肥明目張膽毫無顧忌近日甫將白米各處派員盤驗尚未查竣已虧短至十數萬石之多殊可駭異似此積蠹橫行官吏執法不知該倉場侍郎所司何事此而不嚴加懲辦何以肅紀綱而釐職守本應一律褫革惟念同時出缺過多且人材實難若概予擯斥亦覺可

惜因命軍機大臣查明各員在任年月並諸色弊竇係起於何人任內詳悉開單進呈朕親加覈辦按其任事久暫弊竇輕重分別懲處以示公允不必再交部議除達慶蔣子蒲先已懲辦外鄒炳泰在任最久於少收多放情弊全無覺察咎有應得姑念其現在吏部辦事尚屬認真且黑檔盜米之弊係在伊離任之後著從寬革去官銜降為二品頂帶革職留任八年無過方准開復著落分賠贖音

在任亦久黑檔盜米之弊係起於伊任內其咎較重且年力已就衰老著降為三品頂帶即予休致著落分賠吳璫在任亦久又黑檔出米之弊亦起於伊任內其咎亦重但伊諳練河工自簡任南河以來辦事出力朕方欲加之恩獎茲著稍示薄懲吳璫著革去官銜花翎降為三品頂帶革職留任八年無過方准開復著落分賠李鈞簡在任亦久且任內有黑檔舞弊之事出米較多著於服闋後降

補五品翰林著落分賠和寧雖在任未久但任內有黑檔舞弊之事出米亦多伊年齒已老於邊疆重任本非所宜著降補五品京堂著落分賠托津在任一年未能查出弊竇但黑檔舞弊非伊任內之事著從寬革職留任著落分賠薩彬圖德文雖均在任未及一年但失察黑檔等弊其咎較重均著降補三品京堂著落分賠其餘任內無黑檔舞弊各員貢楚克扎布在任九箇月著於補官日仍帶

降三級留任。著落分賠額勒布吉綸。在任均祇五箇月。著降二級留任。著落分賠。那彥寶在任祇一箇月。著降一級留任。著落分賠。至福慶許兆椿。均有失察黑檔之咎。但到任未久。即能認真查訪。將十餘年積弊。據實奏聞。一朝破案。尚為留心。著加恩寬免處分。仍著落分賠。其已故之劉秉恬。宜興。傅森。並先經革職之達慶。蔣子蒲。亦均著落分賠。其如何分賠之處。將來俟白米各廠盤竣之後。交戶

部查明確數。亦著按照其在任之久暫及任內弊端之輕重。分別辦理。至秦瀛到任不及一月。並無失察之咎。著加恩免議免賠。○諭軍機大臣等。據百齡等奏。接據太平府齋到越南國王阮福映表函。並咨呈恩長公文一件。內稱南掌國王召溫猛。於乾隆六十年錫封後。因被伊伯召蛇榮占據。未敢歸國。自懷勅印。流寓越南昭晉州地方。十有餘載。迨嘉慶十二年。召溫猛自詣興化鎮。申訴該國王

以勅印不敢存留。遣員齋送前來。並將召溫猛與家屬送至諒關口候旨等語。百齡於接據文表。及鈔奉勅誥等件後。以事閱多年。未便遽將勅印賞還。令其歸國。可否將原頒勅印先行送京。仍飭將召溫猛等在該國境內暫住。請旨定奪。自應如此辦理。召溫猛於乾隆六十年錫封南掌國王後。何以播遷在外。十有餘年。該國於嘉慶五年十年兩次遣使進貢。俱有印信表文。可以查覈。其六十年所

頒印式。現亦令部中詳查。除俟查明再行覈辦外。著傳諭百齡。即將繳到勅印速行送京。一面移知阮福映。以此事現已奏明大皇帝。頗加獎許。仍著該國王將召溫猛等留在該國地方。暫為居住。所有齋送到關原頒勅印。現遵旨收繳送京。俟到京後。大皇帝續降諭旨。再行知照。該國王欽遵可也。將此諭令知之。○賞喀什噶爾叅贊大臣松筠二品頂帶。為陝甘總督。以刑部右侍郎胡克家為漕運

總督光祿寺卿朱理為刑部右侍郎調禮部
左侍郎桂芳為吏部右侍郎轉禮部右侍郎
秀寧為左侍郎調盛京禮部侍郎成格為禮
部右侍郎以內閣學士凱音布為盛京禮部
侍郎○調鑲黃旗蒙古都統莊親王綿課為
正藍旗漢軍都統以正黃旗滿洲副都統特
克慎為鑲黃旗蒙古都統調正白旗蒙古副
都統多福為吉林副都統以禮部右侍郎成
格兼正白旗蒙古副都統調正紅旗漢軍副
都統蘇楞額為正藍旗滿洲副都統以內閣
學士貴慶兼正紅旗漢軍副都統○賞葉爾
羌辦事大臣那彥成頭等侍衛為喀什噶爾
叅贊大臣吉林副都統伊鏗額副都統銜為
葉爾羌辦事大臣○舉行嘉慶十三年大計
貴州卓異官七員有疾官二員年老官四員
才力不及官一員分別議敘處分如例○戊
申

上幸靜明園詣

龍神廟拈香○諭內閣刑部將山西省緩決
一二次人犯分別准減不准減開單呈覽朕
詳加披閱其擬准減等內絞犯李月娃一名
因賊人竊伊木鋏追及奪獲用言向斥賊人
回罵該犯拾石毆傷其右血盆骨右肩甲及
左右手腕左手背左臙肋賊人倒地滾罵該
犯仍用石連毆其左胯左膝左臙肋左後肋
左胸左腿肚殞命覈其情節賊人竊取木
鋏業已奪獲並非護賊拒捕乃該犯因向斥
時賊人回罵輒用石疊毆多傷致斃情形殊
屬兇狠李月娃著不准減等又擬不准減等
內斬犯劉志芳一名因兄妻陳氏素性悍潑
常與伊父劉懷保吵鬧並以劉懷保年老討
厭不如被虎齧死之言咒罵迨後劉懷保赴
山砍柴被虎齧死該犯等做衣盛殮陳氏攔
阻氏夫毆責並欲離異經氏姑勸息嗣陳氏
逼令劉志芳劈柴未理陳氏又以亦應被虎
齧死之言咒罵該犯觸起伊父被陳氏咒罵

後果被虎齧死。痛恨交加。即順取鐮刀。砍傷陳氏腦後髮際項頸及右肘。右肩右腮。鼻準唇吻左額。右肩甲等處。殞命。覈其情節。陳氏呪罵伊翁。並攔阻製做盛殮衣服。已屬不孝之婦。嗣逼令劉志芳劈柴。未理。該氏復呪以亦應被虎齧死。該犯觸起陳氏前此呪罵伊父之言。心懷忿恨。有痛念其父之心。遂用鐮刀連砍陳氏致斃。其情尚有可憫。劉志芳著准其減等。餘依議。○又諭刑部等衙

門議覆。江西省寧都縣民吳奕林致傷胞兄吳德林身死一案。擬以斬立決。因屬按律辦理。但朕詳閱案情。吳奕林向胞兄吳德林阻砍柯樹。轉被趕打。吳奕林逃回。吳德林趕至斥罵。怒其分辯。即取木叉向毆。吳奕林閃避。用尖頭竹擔架格掛傷吳德林鼻梁額角。隨即跑進廚房。欲由後門逃避。緣門閉。趕開不及。吳德林趕至。吳奕林丟棄竹擔。轉身求饒。吳德林仍用木叉打傷吳奕林肘。因被格

落木叉復拾起竹擔向毆。吳奕林接住仍向求饒。吳德林不依用力一拉。吳奕林站立不穩。隨勢前撲。致擔尖挺戳吳德林心坎。殞命。是吳奕林於伊兄趕打之時。屢曾逃避求饒。迨被拉前撲。係因吳德林力猛所致。與毆死胞兄有心干犯者有閒。吳奕林著改為斬監候。入於本年秋審情實。餘依議。○調吉林副都統多福為熊岳副都統。熊岳副都統祿成。為吉林副都統。○己酉。諭內閣。漕儲為天庾

正供。收貯關支。章程嚴密。乃近日通州訪獲積蠹高添鳳。究出中西二倉短收浮出重支。抵竊各弊。叢生已將。歷任倉場侍郎分別懲處。該侍郎固屬總司其事。而稽察弊竇。則該監督見聞切近。尤應慎選其人。現在任斯職者。多係中下之才。即撤回另於記名人員內敘補更換。從前各衙門所保之人。其才具皆屬平常庸劣。或經此番懲創之後。各知潔己自愛。而才質所限。亦難望其剔除積弊。所有

西倉滿監督著貢楚克扎布補授。漢監督著顏檢補授。中倉滿監督著德泰補授。漢監督著李長森補授。貢楚克扎布顏檢李長森均著加恩賞給主事。德泰原係降補同知著加恩賞給員外郎。均即食俸任事。遇有各部院員外郎主事缺出。先行補用。顏檢未到京之前。西倉漢監督仍著現任之賈德輔暫管。俟顏檢到京。即行交代。該四員均係棄瑕錄用之人。自應盡心剔釐。勉圖自効。今中西二倉

徹底盤查。全除舊弊。勢同改絃更張。即著伊四人公同籌畫。將如何鈎稽出納。杜絕弊端之處。妥議條款。呈明倉場侍郎覆覈具奏。其該倉之現任滿漢監督著玉寧戴均元察看。如才具可用。即改調京倉。若不能勝任。即徹回原衙門當差。○諭軍機大臣等。百齡等奏盜首張保仔潛入內港登岸掠食其電白地方。亦有烏石二匪幫連船竄入撲岸劫掠之事。此皆由吳熊光平日廢弛武備。以致盜匪

無所忌憚。百齡等扼要巡防。杜絕匪艇偷進內港。並囑孫全謀督同許廷桂率領米艇舟師。配帶紅單船隻。迅速前往。專注勦捕。務須上緊設法殲擒首惡。不可稍有鬆懈。南海新會等縣附近海岸村墟。致令盜匪登岸肆劫。該管地方官不能先事豫防。固有應得之咎。但此時概予褫職。恐將來各州縣規避處分。遇有劫案。匿不詳報。轉致遺誤地方。南海縣謝燾新會縣沈寶善順德縣周祚熙署開平

縣吳廷揚署鶴山縣王廷錦。加恩暫免降革離任。俱著戴罪督緝。用觀後效。其武職各員亦著一律辦理。至烏石二等乘潮駛入赤水港。礮臺經守臺外委周國勳於臺外編插竹籤設備。該匪墊平竹籤。用雲梯數十架蜂擁直上。殊屬可恨。周國勳督兵奮勇擊退。尚為出力。周國勳遇有把總缺。即行補用。以示鼓勵。將此諭令知之。○庚戌。以兵部尚書明亮署工部尚書。○旌表守正捐軀河南南陽縣

民女田氏。○辛亥。旌表守正捐軀河南舞陽縣民溫金星妻黃氏。○壬子。遣官祭

火神廟。○諭內閣。每屆行圍。令官員等射靶。

原欲驗其平日演習之勤惰。本年閱看前鋒

叅領護軍叅領等射靶。六十八員中。祇有八

員中箭。不但中箭者少。且有脫扣及箭不到

靶。弓箭不齊。年紀衰老者較之侍衛等步射

大相懸殊。此皆該管大臣等教訓不嚴。及前

鋒叅領護軍叅領等操演不善所致。若藉口

有進班差使。則侍衛等豈不進班。該叅領等

尚且如此。該管兵丁更不可問。大失滿洲根

本。前鋒統領奕紹。護軍統領溫春。永玉。富翰

達勒精阿。均著交部察議。護軍統領綿志。景

熠。扎克塔爾。蘇沖阿。裕瑞。均著申飭。鄂勒哲

依圖。所管之前鋒侍衛二員。均中箭四枝。鄂

勒哲。依圖。著加恩。紀錄二次。嗣後該管大臣

等務須勤加訓練。儻明年較射時尚復如此

決不寬宥。○四川重慶鎮總兵官唐文淑。以

擲用營項。下部嚴議。尋賞給千總。交與總督

勒保差遣。以督標中軍副將羅聲臬為重慶

鎮總兵官。○賞山東等省戊辰科鄉試年老

諸生馬元章等三十一名舉人。副榜有差。○

旌表守正捐軀河南夏邑縣民徐春妻趙氏。

○甲寅。命戶部左侍郎托津。刑部左侍郎周

兆基。馳往浙江查辦事件。○以工部右侍郎

蘇楞額為工部尚書。調理藩院左侍郎福慶

為工部右侍郎。轉理藩院右侍郎。策丹為左

侍郎。○以內閣學士蘇沖阿為理藩院右侍郎。

○調正紅旗蒙古都統睿親王瑞恩為鑲紅

旗漢軍都統。正藍旗漢軍副都統王集為正

紅旗蒙古都統。以總管內務府大臣徵瑞為

正藍旗漢軍副都統。調正黃旗漢軍副都統

福會為正藍旗滿洲副都統。以鑾儀衛鑾儀

使博啟圖為正黃旗漢軍副都統。○浙江學

政劉鳳誥緣事解任。以刑部左侍郎周兆基

署浙江學政。○旌表守正捐軀河南光山縣

民余中敏妻李氏○乙卯諭內閣朕恭讀
聖祖仁皇帝實錄。從前康熙年間。因八旗兵丁。
多有將所得甲米私自賣給奸民囤積販賣。
及至該兵丁等食米不足。則又仍向鋪戶用。
貴價購買奸民等因得擡價居奇大妨八旗。
生計仰蒙

聖明飭禁

訓諭諄諄。誠以為政必先足食。所以裕旗民養。
贍之源。斷不可牟利一時。致礙經久之計。試

思兵丁內貧乏者多。以米易銀。尚為飭禁。何。
况等而上之。詔糈受祿。至於親王郡王貝勒。
貝子等。皆坐享豐饒。非賴售米以資日用。又。
豈可惟利是務。而不顧國家儲備之經乎。假。
如親王郡王貝勒貝子。以有餘之米。祇在城。
內變賣。猶可使市價平減。民食藉資充裕。今。
乃節省車價。祇圖容易。將所領俸米。即在通。
州賣去。甚至將米粟在彼賣給奸民。以致米。
不入城。都市騰貴。而奸民乘機盜弄。冒領重。

支囤積回漕。無弊不作。現在倉貯虧缺。職此。
之由。親王等皆天潢一派。休戚相關。其於國。
計民生尚漠然罔顧如此。又何况大小臣工。
等之遇事膜置。毫不動心乎。前據成親王自。
稱。藍甲應領之米足敷食用。無須多米。是以。
在彼售賣。此言甚屬誠實。可見諸王等俸米。
在所不需。本應概予停支。惟念俸糈為國家。
定制。朕誼篤宗支。未肯出此。茲就宗人府所。
開王貝勒貝子賣米賣票清單。分別等差。酌。
量懲辦。此內惟在通賣票者。更屬不合。鄭親。
王烏爾恭阿。怡親王奕勲。既已在通賣票。尚。
云向來自行關支。並無賣票之事。現經訊據。
買票之積蠹高添鳳。供認有據。豈非有意諱。
飾其咎。更重烏爾恭阿。管理旗務。聲名本屬。
平常。著革去都統。與奕勲俱降食郡王俸米。
十年。其餘在通賣票之禮親王昭槤。順承郡。
王倫柱。貝勒綿譽。三人於前日降旨飭查時。
尚不知自請議處。昭槤著降食郡王俸米。五。

年倫柱著降食貝勒俸米五年綿譽著降食貝子俸米五年貝勒綿志亦在通賣票但曾經自請處分並將代為賣票之叅領倫常保交出訊辦著從寬降食貝子俸米二年所有各該王貝勒等降食俸米之處俟年限屆滿交該衙門奏請開復其為奕勲在通賣票並送高添鳳母親如意之護衛富德安並為烏爾恭阿在通賣票之親軍校殷二即常保為綿志在通賣票之叅領倫常保均著交部嚴加議處其為昭槿倫柱綿譽在通承辦賣票之護衛等並著該部查取職名嚴加議處至此外除在通賣米之睿親王端恩等十四人無庸議外其有原報在京賣米及向來領米至家並不售賣者亦未知所報是否確實但既據宗人府查明如此具奏諒不敢代為飾詞所有在京賣米之和郡王綿脩榮郡王綿億及並不賣米之貝勒永錫文和貝子奕純尚知大體均著加恩各給與紀錄三次以示

獎勵嗣後王貝勒貝子公等俸米自本年秋季為始屆赴通關領之時著先期具報都察院奏派滿漢御史在朝陽門按數確查每月具奏一次均責令運米入城無得在城外售賣如違必當永革俸米其餘應行在通支領俸米之文武大員及在城外京倉支米之官員兵丁等應如何設法稽查務使運米入城不致在通售賣之處著戶部妥酌章程具奏請旨辦理尋議上得旨現在倉儲正當積弊之後立法宜周所有城外各倉支領俸米之文職四品武職三品以下各官並兵丁月米均著自本年八月為始屆期奏派御史二員再由步軍統領衙門派司官二員於朝陽門外專事登記每十日具奏一次如有出城售賣等弊立予嚴懲並著於兩月內全行領完如逾限不領即行叅辦仍責成倉場及該管各衙門一體嚴查總當行之勿懈毋得日久玩生仍前滋弊○又諭刑部將直隸省緩決

一二次人犯分別准減不准減開單呈覽朕詳細披閱其擬准減等單內絞犯孫克久一名數其案情當劉氏赴伊地內檢麥時不過在該犯已割成捆麥內捏取麥穗並非竊賊可比該犯之子孫興喝阻劉氏羞怒爭吵孫興用木叉向嚇劉氏奪叉劃傷手指劉氏混罵該犯輒用鞭桿毆傷其左手腕右後脇殞命是劉氏並非罪人該犯輒行毆斃實為兇狠孫克久著不准減等又絞犯那旺一名數

其案情郭興元價租扎薩克旗地原係台吉五巴什收糧嗣經該旗給與郭興元執照令其取租郭興元向地戶陳悃相等收糧陳悃相等外出其家婦女荅稱已交五巴什收訖郭興元向五巴什索討五巴什回覆未收郭興元回明該旗該旗飭令郭興元等如五巴什不還租即趕其牲口作抵郭興元攜馬桿至五巴什處趕取牛隻該犯與弟巴特嗎攔阻郭興元用馬桿向毆該犯奪住馬桿巴特

嗎用車軸毆傷郭興元右臂膊嗣郭興元趕赴帳房門首混罵巴特嗎出諭郭興元向毆該犯恐弟受虧拾取車軸毆傷郭興元腦後殞命是該犯始則奪住馬桿以致巴特嗎用車軸毆傷郭興元繼復恐伊弟受虧自用車軸毆傷郭興元致斃巴特嗎先亦因毆傷郭興元畏罪自縊事關二命始終釁端皆由該犯釀成情節較重那旺著不准減等餘依議○以故杜爾伯特扎薩克貝子喇木扎布弟

伊達木扎布襲爵○以吏部右侍郎桂芳署戶部左侍郎兵部右侍郎秦瀛署刑部左侍郎○以工部尚書蘇楞額兼正白旗蒙古都統○添派鴻臚寺少卿盧蔭溥赴浙江查辦事件○旌表守正捐軀廣東東安縣民魏悃珍妻麥氏○丙辰

上詣
大高殿行禮○還宮○以孟秋時享
太廟自是日始齋戒三日○丁巳諭內閣據史

祐奏康家溝河道難行宜復張家灣故道並通惠河急宜挑濬培築等語著溫承惠即詳細查勘據實具奏其所稱附近京倉應分別緩急修理一節著派出查估京通各倉之祿康瑚圖禮蘇楞額桂芳會同倉場侍郎詳悉勘估奏請次第興修○旌表守正捐軀福建莆田縣民林增妻陳氏○戊午諭內閣戶部奏議覆御史慶明請就放米之便以代盤查一摺已依議行矣天庾正供理應出陳貯新

不容任意支放向來王公大臣官員等於領米時往往挑索好米甚至有請託支領之事實屬可鄙其八旗兵丁等有能給與花戶錢文者尚得闕支好米否則以潮溼米石充數致令兵丁等不堪粒食稟請都統叅奏而倉場等則又以倉中應放此米為詞紛紛爭論殊屬不成事體因思各倉貯米原不能盡屬鮮新王公大臣等所得米石較多若概索新米則陳米不能支放日久必多紅朽而兵丁

等所支全屬醜米亦非甘苦與共之道嗣後王公大臣及官兵等應領米石著倉場侍郎按照米數多寡將陳米新米均勻搭放庶王公大臣等無從過事挑索而兵丁食米不致偏枯行之日久倉貯米石出陳貯新自無腐變之虞儻或王公大臣及兵丁等因不能全得好米在倉嚷鬧即將挑別之米概行扣除不准支領以息爭競設該倉米石均屬朽變強令支領准領米之人首告該查倉御史及

該旗都統等奏叅辦理將此通諭王公大臣及官員兵丁等知之○又諭昨江南省將王仲漢等解到當令軍機大臣會同刑部連日熬訊據王仲漢供認向李毓昌商量虛增戶口不允欲行稟揭因而謀害又質之先行到案之李毓昌家人馬連升供亦相符殊堪駭異江南省竟有如此奇案督撫大員毫無覺察朕知人不明誤用汝輩誠朕之咎不知汝等尚有何顏上事天子下對萬民地方偶遇

偏災國家不惜帑金原以救濟窮黎承辦各員自應激發天良盡心經理實惠及民方不負朕母使一夫失所之意乃邇來不肖州縣多有捏開侵冒私肥已橐其查賑委員貪圖分潤者即與之通同作弊是直向垂斃之饑民奪其口食已屬毫無人心不意山陽縣查辦賑務因委員秉持公正不肯扶同畏其稟揭竟至謀命滅口實為從來未有之事前此鐵保奏稱上年王穀稟報李毓昌自縊時即疑及李毓昌查賑事竣何以忽至投繯欲提伊家人嚴切查辦嗣據該地方官稟復李毓昌家人馬連升已回山東李祥經王仲漢薦與長洲縣顧祥已回蘇州亦遂不復關查到案詳究根由草率完結可謂軟弱無能汪日章駐劄省垣李祥顧祥俱近在蘇州豈竟毫無聞見亦不查詢乃率據府縣等詳文具題竟似尋常題報病故之員實屬形同木偶較鐵保之咎尤重試思職官身死不明顯有疑

實該地方官尚相率朦混不為究辦若無告窮民銜冤負屈又豈肯盡心推鞠為之伸理其草菅人命之事不知凡幾矣外省官官相護係向來陋習今官員內有相殘之事不加究詰可見相護者乃狼狽為奸耳正直之員邪佞豈肯庇護惟有傾陷矣著將申轉李毓昌自縊身死一案各職名查明叅奏鐵保汪日章俱著明白回奏汪日章先摘去頂帶並俱著自行議罪俟奏到時候朕降旨亦不必部議是月河南巡撫恩長奏報接印任事日期得旨今時大弊不出八字因循疲玩交結逢迎各省皆然全在督撫實力挽回實心整頓汝尚可講辦事不比其他勉之望之

大清仁宗受天興運數化綏猷崇文經武孝恭勤儉端敏英哲睿皇帝實錄卷之二百十四

大清仁宗受天興運數化綏猷崇文經武孝恭勤儉端敏英哲睿皇帝實錄卷之二百十五

教修

嘉慶十四年己巳秋七月己未朔享

太廟

上親詣行禮○幸圓明園○諭內閣前因直隸肥鄉縣知縣萬永福違例投遞奏摺解任來京詢出天津差務派該縣出戲技銀三千兩係前任總督袁行簡藩司慶格派定章程溫承惠等循照辦理特降旨令慶格明白回奏茲據奏稱曾分派冀州肥鄉深澤平山四州縣戲技銀三千二千及一千餘兩不等辦理不善自請交部從重懲處等語朕巡幸浚津

閱視隄工。省方問俗。地方官修治道路。豫備一切分所當然。乃伊等以戲技為名。分攤屬員形諸文牒。濫派虛糜。莫此為甚。除襄行簡業經身故外。慶格著交部嚴加議處。尋議降四級調用從之。○又諭。據溫承惠奏。因寶坻縣知縣單幅昌短少賑銀案內。究出該管束路同知歸恩。燕署定興縣顧淮。均有分用銀兩情事。該督未能先為覺察。叅辦自請議處一摺。上年直省辦理賑務。寶坻一縣現已訊

有侵蝕挪用分肥入己之事。其餘各州縣恐亦不免此等弊竇。著溫承惠選派未經辦賑公正之員。分往辦賑各處。詳細確查。據實具奏。前因李泰清呈控伊姪李毓昌身死不明一案。現今提集犯證。訊係奉委查賑不肯扶同山陽縣虛增戶口。竟致被毒身死。駭人聽聞。必當嚴辦。示儆直省州縣。近在畿輔。如果秉正不阿。有何顧慮。著溫承惠曉諭派出訪查各員。不必畏招嫌怨。代為掩飾也。溫承惠

失察所屬侵冒賑銀及書吏得受銀兩。即照所請。交部嚴加議處。至藩司方受囑。曾經親赴寶坻縣查賑。現訊出家人書吏有需索門包房費之處。較多前已令其自行確查明白。回奏。亦著先行交部嚴加議處。○又諭。昨據已革山陽令王仲漢供認。謀毒實情。為從來未有之事。王仲漢承辦賑務。捏開浮冒。從中侵飽。甚至將不肯扶同舞弊之委員李毓昌起意毒害。實屬兇狡。李毓昌詢無子息。今王

仲漢將伊謀斃。不獨害其身。抑且絕其嗣情。尤可慘。著將王仲漢任所原籍家產抄沒。伊現有幾子。查明年歲。俱發往伊犁。交該將軍分置各城。以洩幽憤。○又諭。昨據已革山陽令王仲漢供。查賑各員分肥飽橐。均屬目無法紀。所有得銀之同知林永陞。從九品溫南峯。州同龔國烜。訓導言姓。知事余姓。俱著革職。鞫問。一面將任所原籍貲財查抄。一面派員押解來京。歸案審辦。其餘五員。著鐵保秉

公確查如亦有侵蝕情弊一併嚴叅即照此辦理。庚申諭內閣連日訊問已革山陽令王仲漢等業經供認謀毒情節現在按例定擬前據朱錫爵奏將李毓昌屍棺提至省垣於檢驗後封貯派員看守等語今王仲漢等既已供吐實情則李毓昌屍骨萬無再檢之理著吉綸即委妥員將該故員屍棺加槨妥協送回即墨交伊家屬收領沿途官為照料將來定案時尚當另有恩旨賜卹至李毓昌

近支弟兄子姪尚有何人李泰清係何服制李毓昌之妻現依何親族同居如何度日俱著吉綸詳悉確查具奏候朕酌加恩卹。又諭鑲藍旗滿洲都統奏三等侍衛恩明前在河南布政使任內應賠銀兩現在無力完交呈請將伊本身及伊子俸內坐扣一半一半留給當差等語恩明應賠銀兩係軍需裁減攤賠驛馬之項非分賠代賠可比該員曾任藩司該都統等應將其呈詞飭駁况留俸一

半當差應出朕恩豈容呈請殊屬不合且恩明之弟恩長現任河南巡撫所稱無力完交之言未可深信顯係該都統等徇情邀譽德瑛豐紳殷德穆克登額俱著交部察議所有恩明應賠銀二千兩零即著於該員名下照例勒限如數完繳無庸扣俸。諭軍機大臣等鐵保吳璥等奏黃河盛漲搶護平穩一摺覽奏稍慰本年自五月以來黃河水長四次各工幸俱保護穩固現在又值秋汛經臨鐵

保吳璥徐端等務須督飭在工文武各員加意防範務保萬全為要至另摺奏熟籌經久之策據稱欲清水外出必須河底刷深河底漸深必須海口通暢等語此等議論人人所共知人人所能言河底淤高自以束水攻沙為第一要務固非人力所能挑濬但相度河形察看水勢必如何方得以水攻沙之效則又事在人為亟須講求良法又所稱如果數年水無旁溢始能百病漸去等語黃河果能

數年無患則順軌安瀾各工自可次第經理
悉復舊規但河流靡定豈能束手坐待冀徵
倖於萬一乎鐵保等究有何法使數年無旁
溢之虞此時禦黃壩已經堵閉黃水專力東
趨各工更宜加意防護將來秋汛過後鐵保
等自以挑復海口為釜底抽薪之計惟此項
工費浩繁且近日不肖官吏唯利是圖但以
侵肥私橐為計即法紀亦所不顧著鐵保等
將海口挑工動用銀兩實需若干詳細覈估
並設法嚴查經手各員勿令從中冒濫使工
歸實用帑不虛糜其如何籌辦之處先行奏
聞將此諭令知之○命本年各省情實罪犯
停止勾決○辛酉

上辛靜明園詣

龍神廟拈香○諭內閣刑部奏將安徽福建
等省造報已未到配遣軍流徒官犯共十七
名應減不應減之處開敘事由請旨一摺朕
詳加披閱內擬流之彭育節一名因向所部

當商徐澄居借貸並將衣物典質銀兩嗣被
徐澄居告發始行取贖清還雖係違例尚非
挾勢勒借以少當多彭育節著准其援減又
擬徒之陳會一名因賊犯舒老六謀殺夥賊
熊翠萬身死被獲擬斬收禁乘夜擲斷鎖鐐
挖牆脫逃該革員審無受賄故縱情弊且在
該地方留緝已十年限滿陳會亦著准其援
減其餘衛儒奎等十五名概不准援減○壬
戌諭內閣昨因查辦通倉虧米一案嚴詰已

革倉書高添鳳據供糧米用藥發漲多在天津
一帶當經降旨令溫承惠派員前往查辦
並令額勒布就近設法根查茲溫承惠覆奏
據天津令丁攀龍稟稱在西沽地方訪拏製
賣漲米藥之楊秉源一名究出本年三月內
有揚州二幫第十號船李姓同十一號船汪
姓各買半劑又經鹽政飭知在楊柳青地方
拏獲王文德一名究出本年三月賣給新安
民船李姓一次等語潛儲為天庾正供顆粒

皆當慎重乃近年不肖之徒輒以沿途盜賣米數虧缺用藥發漲希冀掩飾一時而米質受傷易於朽壞竟至不堪食用殊屬暴殄其情可惡已極所有賣藥之楊秉源王文德二犯俟解到部時即著刑部嚴行審訊定擬其買藥之揚州二幫李姓汪姓及民船李姓著直隸總督倉場侍郎查拏務獲歸案辦理至知縣丁攀龍經該督面諭密訪後即留心緝獲尚屬能事該令到任若在一年以內即著

交部議敘僕到任已久從前失於覺察功過相抵即毋庸給予甄敘○又諭吉綸秦宿州二幫於六月十七日行抵東昌有恒豐號田姓卸米一百三十餘石經河汛把總孔傳鈐帶領兵役拏獲現在行提該鋪戶及幫丁運弁人等嚴密查辦等語可見運丁盜賣米石係屬積弊一經沿河營縣留意查察即行弋獲現在漕務諸弊均已和盤托出嗣後各幫船經過停泊處所稽查更宜周密著沿河各

督撫飭令各該員弁隨時嚴切訪查毋任稍有透漏以杜積弊其現獲各犯即著該撫嚴審按律定擬具奏所有把總孔傳鈐及兵役人等一經派委即認真查拏尚屬留心著照所請分別拔補獎賞以示鼓勵○癸亥旌表守正捐軀河南嵩縣民董林妻楊氏○甲子上辛萬壽山○諭內閣吏部奏議處直隸總督溫承惠布政使方受疇失察屬員侵賑請旨革職一摺朕體卹民艱痼瘼在抱遇有水旱

偏災一經該督撫奏發帑金從無絲毫靳惜又豈肯逆料有不肖州縣從中侵蝕賑銀稍弛救災卹民之念地方大吏身膺牧民重任目擊窮黎困苦更宜各發天良實力拯救認真查察乃上年直隸省辦理賑務竟有寶坻縣已革知縣單幅昌侵蝕賑銀二萬餘兩之案計該縣共領賑銀四萬餘兩而侵蝕之數至於過半則該邑待賑貧民不能仰邀撫卹者不知凡幾一縣如此其餘各州縣亦殊不

可信以災黎活命之源飽其私橐貪官墨吏視為固然即該上司有派往查賑之員亦不過彼此分肥通同具報聞遇有存心公正者必致受其擠陷甚至近日有山陽縣查賑委員李毓昌被毒身死之事可見各省大吏於查賑一事並未實心確覈遂致屬員罔知顧忌恣所欲為所有直隸寶坻縣一案該總督藩司於該縣單幅昌侵蝕賑銀及該管同知歸恩燕委員顧淮任意分肥毫無覺察而方

受疇並有失察書吏家人需索使費門包等情其咎均重本應照部議革職姑念溫承惠方受疇平素辦事尚為勤慎且一時簡用乏員姑著從寬溫承惠降為二品頂帶方受疇降為三品頂帶仍均帶革職留任以觀後效○以雲南按察使同興為安徽布政使浙江杭嘉湖道岳慶為雲南按察使○乙丑諭軍機大臣等據給事中花杰奏前此該給事中奏嚴催長蘆商人積欠一摺戶部議覆之奏

係戴衢亨一人主稿因戴衢亨與查有圻兒女姻親於商人未納官租未交窩價緣因並未詳悉根究並聞查有圻札致長蘆綱總任秉衡宋思德馮錦及代辦之樊宗清等有積欠可以不交窩價可以不妨前已與大農言明之語現在該鹽政難以議覆等語前此戶部議覆原摺係請將積欠一項交新任鹽政統覈通綱情形併限辦理窩價一項因行查內務府無據議令該商等上緊湊繳與該給

事中所聞不符何以該給事中稱查有圻札致長蘆商總已與大農言明有可以不交積欠窩價之語現詢之戴衢亨據稱並無此言但查有圻有無此信不可不詳查確實刻又覆詢花杰據稱祇須問之綱總馮錦便知除派微瑞前往天津與額勒布會同確查鹽務情形再令查詢外著額勒布就近即向綱總馮錦等數人切實詢問如查有圻果有此信令其據實呈出即行密封速奏毋得隱飾再

嚴詢馮錦。平素與給事中花杰有往來之蹤跡否。將此諭令知之。○丙寅。諭內閣。言官有奏事之責。如果大臣中有得賄婪。賦徇私舞弊者。自當據實糾彈。不容緘默。朕必徹底嚴查。正其負恩誤國之罪。若竟係憑空無據之言。豈能任其詆誣。不加懲究。給事中花杰。前經奏請嚴催長蘆商欠一事。已交戶部議覆。請交新任鹽政覈辦。上月二十六日。復據該給事中奏稱。戶部議摺。係戴衢亨一人主稿。

緣戴衢亨與查有圻係兒女姻親。查有圻引地最廣。積欠最多。是以代為徇庇。將蘆商積欠官帑。未交窩價。均未詳悉根究。並稱戴衢亨平日於言官冒瀆聖躬者。則以為直言。於干涉部臣者。則以為多事。等語。朕當即召見花杰。面加詢問。以所奏關繫甚大。辦理必須實據。如所奏不實。亦有反坐之罪。花杰除扣頭之外。默無一言。昨日復據該給事中具摺。覆奏備陳戴衢亨與查有圻結婚之後。查有

圻餽送往來。鑽營甚巧。蘆商惟查有圻是望。查有圻惟戴衢亨是倚。以致鹽務廢弛。言之鑿鑿。而另摺又言戴衢亨於本年殿試。閱卷顛倒。舞弊將洪瑩援引為一甲第一名進士。該給事中曾令一同鄉庶吉士周際釗。向戴衢亨私宅查閱門簿。探問管門之人。得其交通情狀。又黃中模策寫俱佳。不列入十卷之內。黃旭行楷相間。竟置二甲之中。指為舞弊實據等語。朕因特派大學士慶桂。董誥。祿康。

尚書蘇楞額。傳旨向戴衢亨詢問。令其明白登答。戴衢亨回奏之摺。陳辯甚明。所有長蘆商欠一事。係交該鹽政統覈通綱情形。併限辦理。窩價亦並令該商上緊湊繳。皆屬嚴催辦理。與花杰所奏不符。至戴衢亨因司官辦稿未妥。並恐書吏等有招搖情事。是以與眾堂官商定主見之後。即令司官等在圓明園改辦奏稿。期於密速。亦並非戴衢亨一人定議。花杰所奏均屬不實。惟戴衢亨欲辦理慎。

密亦儘可令司官等在署內封閉辦理何必令其在園此一節究屬不合致招物議現據戴衡亨自認疏率懇請處分自有應得之咎戴衡亨著交部議處至於戴衡亨與查有圻聯姻之處查有圻本係宦家與戴衡亨向有世誼並非門戶卑微不可為婚之人安得謂之有心援繫至於姻戚往來歲時餽送本屬情事之常人孰能免如果因有公事囑託納賄行私確有證據則亦無論其為姻戚與否皆當繩之以法今戴衡亨於議覆長蘆積欠毫無護庇且先於議駁加價以二文入官一文歸商一節於查有圻大無利益公事公辦又何能禁其親戚之不相往來至於此外如戴衡亨因蓋造房屋查有圻幫助木料借用桌几以及在南城外置買房屋數處尤為瑣細不足置問花杰逞其筆端輒稱查有圻鑽營結納戴衡亨納賄徇私指查有圻為倚勢把持之奸商坐戴衡亨以負恩誤國之重罪

連篇累牘極力詆謗甚至謂戴衡亨於言官冒瀆聖躬者以為直言此尤關繫重大今確加根訊據花杰指稱嘉慶十一年在御史吳榮光家與戴衡亨之姪戴嘉穀會席談及吳榮光有請暫緩巡幸天津之摺係奉旨申飭者戴嘉穀曾云伊叔甚為欽佩此語並非出於戴衡亨之口入於花杰之耳而現在傳詢戴嘉穀堅稱伊因衆人稱讚亦祇隨口應酬實無有伊叔戴衡亨欽佩之語復經慶桂等

傳到是日同席之朱涂切加詢問亦稱不記此言其所稱戴衡亨於言官干涉部務者以為多事一節則云即係伊嚴催積欠之奏戴衡亨不以為然若果以為多事現今據摺催欠並未駁斥原奏如此肆意撫拾茫無指證是竟欲以莫須有之事妄興大獄矣至於殿試為掄英大典科場舞弊律有明條若果如花杰所言戴衡亨與洪瑩交結情密援引為一甲一名進士於黃中模黃旭顛倒列置此

是何等弊實何項罪名其告誣者應如何坐罪該給事中摺內但云請將洪瑩覆加考試或默寫策對若實係平常請嚴究弊端而於考試無弊則全不反而自思應否治罪殊屬荒誕無理現因該給事中有覆考時尚恐南書房有人設法照應請旨嚴密防範因即如其所言先向內閣查取洪瑩等殿試各原卷加封進呈一面派滿洲軍機章京將洪瑩由福圓門帶至上書房命二阿哥監看令其默寫試策朕親加披閱設字策不符顯有弊實非但戴衢亨與洪瑩獲罪甚重凡此次派出讀卷之大學士董誥等皆當一併懲處朕豈肯稍為寬假今洪瑩所默策對與原卷悉符間有數字誤寫用硃筆點出者不過文義小有異同語句先後微有參差試思尋常擬作詩文數日後尚不能悉行記憶今距殿試已逾兩月之久而洪瑩竟能記憶默寫非績學有素安能如此尚有何弊且殿試前十卷進

呈時洪瑩本係朕拔置第一並非讀卷官所擬花杰何得指稱戴衢亨一人援引之力至於黃中模黃旭各原卷文理皆可列二甲惟黃旭末四行字畫不能工整如前亦並無一筆行書今黃中模列置二甲黃旭置二甲之中尚皆公允此二卷亦非由戴衢亨首先校閱花杰何得指戴衢亨徇情顛倒如此妄行奏奏伊自問可以脫然無事乎又花杰摺內稱本年考取南書房四人除王以銜外周系英係英和同年席煜係英和門生姚元之則係英和戴衢亨二人門生文字雖優鑽營尤甚英和平日賞識戴衢亨畏忌英和陰與為附實屬結黨行奸等語本年考試南書房英和會同戴衢亨珣圖禮保舉十二員朕圈出與考八員選取四員內周系英王以銜本係講官於隨園時朕曾屢加召對加以遴選席煜姚元之試卷本佳並非戴衢亨英和力薦若謂周系英係英和同年則豈是科祇英和

一人可供文學侍從之選。其餘竟無一人可用。若謂席煜等係其門生。豈戴衢亨英和二人所取之士皆不可選用內廷乎。尤為謬妄。至名節所係。即尋常一介齊民。朕尚不忍令其受人污蟻。况戴衢亨任用已久。經朕用至協辦大學士。今花杰任意誣訐。無所不至。朕豈肯任其甘受虛誣。花杰著交部嚴加議處。並著將洪瑩等殿試原卷及昨日默寫之卷均發交花杰閱看。令其心服。○又諭洪瑩能

默寫策問。僅訛十數字。的係真才實學。朕命二阿哥監看封奏。朕親自校對。大約無弊矣。洪瑩平空被誣。若實不能書寫。當得何罪。著賞紗二件。以示獎許。花杰誤聽邪言。濫行入告。本應嚴議。恐阻言路。改為交部加等議處。劉承澍播弄典常。殊屬陰險。著解任交大學士慶桂。董誥。尚書曹振鏞。侍郎桂芳。嚴訊確情具奏。○旌表守正捐軀河南確山縣民牛成業母周氏。○丁卯諭內閣。前日給事中花

杰奏戴衢亨各款業經逐一詳查。毫無影響。該給事中亦自認冒昧。本日復據康泰查詢德泰錢鋪中朱姓據稱伊鋪與戴衢亨家交易數十餘年。現在尚欠伊鋪內銀六百五十兩。又查明興源等五處當舖。查對帳簿。各鋪皆係查有圻所開。查有圻用銀之時。均由當舖送與查有圻家使用。該當舖從無出過銀票之事。是戴衢亨家自與錢鋪易錢。與查有圻何涉。查有圻自向伊家當舖取銀。又

與戴衢亨何涉。全係捕風捉影。空談。豈能科以交結行賄實罪。且戴衢亨家現在尚欠錢鋪銀兩。可見花杰所奏全係虛誣。不辨自明。現在將此摺給花杰閱看。伊更無可置喙。至於戴衢亨所辦公事。即如議覆鹽務加價。伊昌阿被長蘆商人慫恿。曾奏懇每引加價三文。以二文歸官。一文歸商。如果戴衢亨有曲庇查有圻之心。照議准行。查有圻每年獲利甚厚。而部臣先後兩次俱經詳悉議駁。毫不

任其含混是以朕不但依議辦理並將伊昌阿降調示懲此實共見共聞尚有何弊至議覆花杰追完商欠繳納窩價一摺亦係議令併限嚴追詳查歸繳並無寬緩是戴衢亨於所辦部務委無絲毫錯誤惟戴衢亨前於伊叔戴均元補放倉場侍郎時即據陳明戶部有交涉事件朕特令不必迴避今花杰憑空指劾以事關姻戚率意誣讎經朕洞悉情偽降旨通諭然此次亦幸戴衢亨與議二事均

屬從嚴無可指摘設遇有應行從寬辦理之事若戴衢亨有意從嚴豈不有妨公事若準情酌辦又難不恤人言一切轉多窒礙且倉場與戶部既多交涉自應迴避以符體制戴衢亨著以協辦大學士調補工部尚書其戶部尚書員缺即著曹振鏞調補刑部議覆河南巡撫錢楷奏張萬言強姦子媳趙氏被趙學周毆死一案得旨此案張趙氏因被伊翁張萬言強欲行姦該氏情急順取鐵錐拒

扎冀其釋手致傷張萬言右臂旋回母家向伊父趙世占哭訴趙世占氣忿喚同趙學周等前往理論致張萬言被趙學周毆傷身死覈其情節張萬言強姦子媳本係蔑倫重犯張趙氏恐被姦污壞其名節用錐拒扎並非有心致傷而張萬言之死實由於趙學周毆傷致斃與該氏毫無干涉張趙氏著改為斬監候○又議覆黑龍江遣犯康廷燕誤毒主母身死一案得旨此案康廷燕因身生疥瘡

用信木柿餅砸成餅子數瘡出門時將用剩藥餅收存鋪蓋內不期被主母花爾泰氏及同主遣奴鄒小魁翻出藥餅誤行分食毒發斃命覈其情節該犯不但無害人之心且為思慮所不到康廷燕著改為絞候入於本年朝審辦理○戊辰

孝懿仁皇后忌辰遣官祭

景陵○

上御勤政殿聽政○諭內閣前因山東即墨縣

武生李泰清來京呈控伊姪李毓昌在山陽縣查賑身死不明一案當將全案人犯提京審訊今案情已鞫訊明確除另行按律辦理外李毓昌於上年中式進士後朕於引見時以知縣分發江蘇即用經該省上司委赴山陽縣查勘水災不肯捏報戶口侵冒賑銀居心實為清正乃山陽令王仲漢因李毓昌不肯扶同捏飾侵賑膽敢起意與長隨包祥串謀同李毓昌家人李祥顧祥馬連升等將李

毓昌始則用信末毒傷繼復勒斃懸掛以此慘遭奇冤實從來所未有允宜渥沛恩施以示褒慰故員李毓昌前已有旨令吉綸即委妥員將其屍棺加槨送回交伊家屬安葬著施恩加賞知府銜即照知府例賜卹朕昨親製憫忠詩五言排律三十韻為李毓昌開揚幽鬱著吉綸採取碑碣石料量定高寬丈尺奏明再將御製詩章發往摹刻俾循吏清風勒諸貞珉用垂不朽並著吉綸派委登州府

知府前往李毓昌墳前致祭仍俟案犯定擬後將要犯二人解往山東於李毓昌墳前正法以申公憤而慰忠魂至李泰清因檢視伊姪皮衣帶有血跡心疑身死不明即同伊眷屬開棺驗視辨出毒害情形來京呈控俾奇冤得以昭雪殊堪嘉憫李泰清著加恩賞給武舉其應如何立嗣之處應聽伊家自行辦理○又諭昨日傳到劉承澍與花杰面為質對並令慶桂等嚴加究詰錄取供詞呈覽花

杰曾經稽察通倉今高添鳳案破慮及伊任內失察黑檔輒擅拾無據之詞叅劾大員冀寬處分殊失臺臣之體花杰前已有旨加等議處俟部議上時再降諭旨至戶部員外郎劉承澍於本衙門應辦公務不知慎重先將鹽法志借與閱看及議覆後又將原議帶付閱看故為漏洩其居心殊不可問劉承澍著交部嚴加議處○又諭向來各部院衙門派出扈從行圍自五品以上滿漢司員報名射

箭者俱經朕親看布靶本年派圍射箭之戶部員外郎劉承澍曾經被人刃傷現又將衙門應辦公務有意漏洩其平日不安本分可知似此等多事之員豈可令在朕前射箭嗣後各衙門派圍司員於呈請射箭者著由各該堂官查明開送○諭軍機大臣等百齡等奏官兵追勦匪船擊斃著名盜首總兵寶旄因賊衆兵少猝致失利一摺此次護總兵許廷桂帶領師船在磨刀洋面見盜首總兵寶旄匪船數十隻駛至奮勉攻擊雖將賊船擊沈三隻賊匪漂沒多名並將該盜首用礮轟斃旋因盜首張保仔匪船三百餘隻蜂擁前來幫同抵拒賊多兵少被盜船占踞上風乘勢下壓以致許廷桂身受多傷被戕落海其餘將弁委員等被戕落海多人官兵大為損失將領兵丁能如此奮不顧身殺敵致果覽奏之下為之墮淚皆由數年以來吳熊光在總督任內懈玩廢弛不飭武備以致盜氛日熾

今見百齡到彼諸事認真大加整頓營伍中人人畏憚勇往者既加倍奮勉懦弱者亦不敢退避而又未免輕視賊匪衆寡不敵致有此失緣營勦賊是其專責原不應任其遷延畏葸玩寇養癰然亦須量力而進不可冒昧若再有疏忽則士氣餒而賊勢更張辦理轉為棘手此時賊匪幫船蟻聚兵力單弱必須養威蓄銳百齡且無庸催令攻勦惟當先在各處口岸嚴其備禦杜其接濟將防堵要策力為講求使賊船不能駛入內洋乘間撲岸食米火藥日漸支絀俟我兵簡練精銳船隻備辦齊全然後可一舉殲擒俾無遺類該督等不可不凜遵辦理至護總兵叅將許廷桂賈勇勦賊自辰至未力戰四時之久致遭戕害殊堪憫惻著加恩卹照總兵陣亡例給卹典其因救護許廷桂受傷落海之署遊擊林孫手總兵毛國斌均因撈救得生可為幸慰林孫著加恩以遊擊即用毛國斌著加恩以

守備即用。並著先換頂帶。均賞戴花翎。其陣亡署守備陳大德。署千總葉榮高。外委葉連魁。陳見陽。萬國年。何新興。被戕落海之都司嚴高。未入流施鳴皋。均著施恩。加等賜卹。此外查無下落之署千總盧大陞等十六員。同許廷桂之第三子許成福。即著趕紫查尋。如查無蹤跡。應即與陣亡漂沒之官弁兵丁等一體優卹。此時師船漂沒被燒者多至二十五隻。存船較少。勦賊實不敷用。著即照百齡等另摺添造米艇一百隻。加鑄大小鐵礮千餘位。配足兵丁軍火。豫備攻勦。目前緩不濟急。亦照所請。先在紅單船內擇其高大完固者。雇用四十餘號。並雇覓拖風大船五十餘號。合成一百號。酌配礮械軍火。調選官兵。與原船舵水人等分別管駕。交孫全謀督率。應用。其籌備巡防之策。更為緊要。所有挑雇各項船隻。以及籌備雇價口糧。配撥壯勇礮械。分派各員管帶防守。並於沿海村莊團集兵

勇。編查保甲等事。亦均照所請行。再此時粵省兵船較少。所有黃飛鵬一路舟師。著百齡即調回本省。協勦先顧本境。其朱渥幫匪。已有旨令阿林保速派該省舟師馳往勦捕矣。將此由四百里諭令知之。○以詹事府詹事常英。正紅旗滿洲副都統和世泰。為內閣學士兼禮部侍郎銜。太常寺卿胡長齡。為都察院左副都御史。仍留廣東學政任。太僕寺卿帥承瀛。為通政使司通政使。仍留山東學政任。降補三品京堂德文。為太常寺卿。太僕寺少卿張鵬展。為光祿寺卿。○裁陝西漢中協副將。移寧陝鎮總兵官駐漢中。東江口營叅將駐寧陝。斜峪關都司駐東江口。改漁渡營為定遠營。從總督松筠請也。○己巳諭內閣。李毓昌秉公查賑。不肯扶同捏報。致被王仲漢毒斃一案。現經軍機大臣會同刑部詳細審明具奏。按律辦理。定例地方賑務。係藩司專責。所有王仲漢虛報戶口。冒領賑銀。楊護

未經查出且李毓昌為派往查賑之員忽報自縊又未訪查究辦會銜率轉至胡克家兼署臬司於此等重案情節支離自應反覆推求詳為指駁乃僅據該府縣詳稟率請具題殊非尋常疏玩可比楊護胡克家均著交部嚴加議處其該管道員應得處分並著鐵保等查明具奏○又諭李祥顧祥馬連升俱著凌遲處死包祥著即處斬李祥等三犯均謀害伊主而李祥於伊主李毓昌查出王仲漢冒賑欲稟藩司之處先行密告包祥轉告王仲漢迨包祥與王仲漢謀害伊主亦先與李祥密商該犯首先應允商同顧祥馬連升一同下手是李祥一犯尤為此案緊要渠魁著派刑部司官一員將該犯解赴山東沿途飭令地方官多派兵役防範到東後交該撫轉飭登州府知府押至李毓昌墳前先行刑一次再行處死仍著摘心致祭以洩憤恨包祥首先設計狠毒已極著先刑夾一次再行處

斬顧祥馬連升二犯著各重責四十板再行處死派刑部堂官泰瀛押赴市曹監視行刑至王仲漢一犯因李毓昌不肯隨同冒賑輒與包祥謀毒致死應即立予斬決惟現在尚有質對之處著暫緩行刑○諭軍機大臣等百齡等奏據黃飛鵬稟報現在朱渥幫船有數十餘隻又有夾板夷船甚屬高大共計五十餘隻於五月二十一日在萊蕪洋面分別犄角據險放礮舟師進攻之時該匪仗其船高不避礮火迎頭拒敵師船損壞二十餘隻弁兵亦多傷斃直至午後師船搶占上風奮力擊壞賊船數隻方始竄逃等語朱渥盜船前經阿林保奏稱該犯悔懼投首情詞真切經朕降旨傳諭尚須加意察看不可冒昧辦理今朱渥現在南澳等處洋面率同幫匪多船顯然拒敵並將弁兵殺傷多人傷壞師船不少是其兇逆較著何嘗有愧悔之意阿林保前奏竟屬不實此時粵省官兵因勦辦張

保仔等賊船有失利之事。該省兵船較少。碣石鎮總兵黃飛鵬一路師船已令即行調回。堵禦協剿。惟黃飛鵬調回之後。南澳一帶僅有胡于鉉一路舟師。兵力單弱。不敷堵剿。朱渥一股。本係閩省賊匪。阿林保不得因有前此投誠之說。觀望遷延。致滋貽誤。著即飛飭該省得力舟師。駛往南澳一帶。會同胡于鉉認真勦辦。惟當殲獲務盡。不可玩縱。將此諭令知之。○又諭王仲漢因冒賑畏懼。李毓昌

具稟。令包祥商同李毓昌家人李祥等謀毒致死一案。現經審訊得實。已將包祥等按律辦理。並降旨將藩司楊蔭兼署臬司胡克家交部嚴議矣。至昨訊據王仲漢供稱。伊謀死李毓昌之後。即赴府面見王轅。告知實情。有求其保全不敢忘恩之語。王轅前往督同相驗。隨草率了結。迨至臘月初間。曾送過王轅銀一千兩。並許隨後再行報効等語。王轅以本管知府。於屬員冒賑謀害委員。不即舉發。

查辦竟敢力為庇護。且收受王仲漢銀一千兩。軌法營私。通同一氣。其罪甚重。王轅已有旨革職。除俟解到時再行嚴審定擬外。應先行籍沒示儆。著鐵保即將王轅任所及安徽原籍資產。一併嚴密查抄。無任隱匿寄頓。其查賑分得銀兩之委員。同知林永陞從九品溫南峯等五人。前經有旨令鐵保革職送京。查抄家產。除林永陞一員現已押運來京。業經降旨令倉場侍郎直隸總督派員迎拏外。

其溫南峯等四人。即著迅速解京。勿稍延緩。又尚有供未得銀之縣丞章為棟等五員。前有旨令鐵保確查有無通同侵冒情弊。亦須據實查明。即行具奏。如所查再有遺漏。經此開審訊得實。或朕另行訪詢明確。則惟該督等是問。至江南有如此奇案。可見吏治敗壞已極。該督撫直同木偶。尚有何顏上對朕下對民。前月已降旨令鐵保汪日章自行議罪。尚未見伊等覆奏。著再催令即速議罪上聞。

候朕降旨覈辦並著將御製憫忠詩排律三十韻鈔寄鐵保等閱看（庚午）

上幸萬壽山（諭內閣本年朕五旬萬壽屆時准內外王公大臣呈進膳品原以伊等臚歡祝嘏藉聯上下之情不貴豐腴朕聞乾隆年間臣下恭備膳品至有在宮門附近廟宇廣設棚座紛紛備辦者今次亦有欲倣舊樣者曾有人面奏殊屬多事不惟過事周章且於體制不合所有本年王公大臣等屆當進膳

之期著無庸各行備辦惟當將應用食品器具及所需庖人由御茶膳房率同備進俾歸畫一以符體制○以吏部左侍郎潘世恩署戶部右侍郎○壬申諭內閣朕每日召見軍機大臣伊等皆兼管部務自即以該部應辦事件向其諮詢此外部院各大臣亦逐日更番召見無不問以各該管衙門事務伊等遇有公事自應彼此熟商即或意見不符亦儘可兩議並上乃部院諸臣每先向軍機大臣

探問方行定稿以致司員等得以從中播弄及議妥後輒稱係軍機大臣主見實屬近來惡習即如戴衢亨議駁長蘆鹽價不許加至三文該商等積欠飭令併限完交均係從嚴定議與蘆商毫無利益而花杰轉謂戴衢亨庇護伊親查有圻甚至捫拾瑣屑細故逞其筆端有心污蔑並以科場大弊壞人名節試思所參屬實不獨戴衢亨獲罪甚重凡閱卷大臣皆當得何罪即朕亦不忍出諸口乃花

杰率行列入彈章此何等事可云得自風聞乎此而不加懲治轉非朕開通言路諸事叢實之本意矣至劉承澍身為部員先以鹽法志及衙門檔案交與花杰閱看後又將部中議稿故為洩漏致花杰得以極力排擠其居心尤不可問本日吏部議處奏上花杰著照議降三級調用劉承澍著照議革職至戴衢亨與各堂官公商定議後催令在園辦稿不將司員封閉在署辦理致招物議部議降二

級調用尚覺過重。著改為降一級留任。○又諭本日軍機大臣會同刑部奏將通州西中二倉虧短白米案犯審明定擬一摺。漕儲為天庾正供。按時收放。顆粒皆當慎重。近來歷任倉場侍郎俱各怠玩廢弛。毫無整頓。遂致奸胥蠹役。攬和抵竊。百弊叢生。而該監督等並不思出納是其專職。潔己奉公。防除弊竇。且竟敢扶同胥吏分肥飽橐。此而不嚴加懲辦。何以肅綱紀而飭官方。此案已滿倉書高

添鳳。甲斗張連芳。盤踞西中二倉。私出斛面黑檔。虧短白米十餘萬石。肆行無忌。實為從來未有之事。攢典宋均。聽從高添鳳。私出黑檔。分用錢文二千四百餘吊。贓數較多。高添鳳。張連芳。宋均。俱著即處斬。監督德楞額。玉通。聽信家人。慫恿德楞額。三次得受宋均京錢一千七百吊。玉通得受宋均京錢八百吊。又得受潘章京錢三百吊。遂任伊等在倉舞弊。於法實有所枉。德楞額。玉通。著即處絞。倉

書潘章需索旗丁使費京錢一千餘吊。少收斛面。又得受高添鳳京錢四百吊。聽其私出黑檔。情節較重。即入於本年情實人犯辦理。亦必予以縲首。潘章著即處絞。用昭炯戒。向來該倉俱派有科道各員監放米石。原為稽查弊端而設。今積蠹肆行。官吏骫法。該科道等毫無覺察。亦應分別懲處。此內失察黑檔至二千石以上之揆文。吳榮光。著革職。一千石以上之玉慶。綿鼎。著降四級調用。一千石

以下之花杰。著降三級調用。其餘著交部按照年月久暫。分別議處。至西中二倉監督內。除德楞額。玉通。正法。咸忠。甘立。猷病故。靈椿。恒康。宋調。梅業。經革職外。董興元。著即革職。其自嘉慶三年以後失察虧短米石各監督。一併交部嚴加議處。○又諭江省山陽縣查賑委員李毓昌身死不明一案。現經訊明。係已革知縣王仲漢畏其持正。欲行稟揭。令家人包祥同李毓昌家人李祥等謀毒致死。案

情明確。歷歷如繪。昨已將各該犯按律定罪。分別辦理。乃今日據鐵保覆奏此事。尚稱毫無端倪。欲再加體訪具奏。是其始終憤憤。經朕降旨飭查之後。仍為人所朦蔽。而摺內尚鋪敘神鬼之詞。以為破案來歷。豈足昭示天下。不知此案交軍機大臣。會同刑部審訊。俱就各犯吐供。先後質對。並未刑求。是以水落石出。毫無疑義。爰書具在。又何庸證以渺茫恍惚之談。且李毓昌是日歸寓後。被毒身死。

而鐵保忽疑其在王仲漢席間中毒。因而遍詢同席之人。致無影響。轉將廚役拏究。昏憤糊塗已極。是其於案情關鍵。亦全然不知。摺內空陳焦急之語。猶欲再為體訪實情。豈不可笑。鐵保從前在司員及侍郎任內。曾經屢獲愆尤。棄瑕錄用。自補放兩江總督以後。不能敬慎辦公。一味偏聽人言。固執已見。辦河工則河工日見敗壞。講吏治則吏治日見廢弛。甚至有不肯劣員貌視法紀。逞其貪戾殘

忍。全無忌憚。致釀成如此奇案。而彼猶夢夢不知。可謂無用廢物。不但不勝封疆重任。亦何堪忝列朝紳。鐵保著革職。發往烏魯木齊効力贖罪。汪日章身為巡撫。於所屬有此等鉅案。全無覺察。如同聾瞶。尚不至如鐵保之固執謬見。伊年老無能。著革職回籍。江寧布政使楊蔭於查辦災務。初尚認真。惟於王仲漢冒領賑銀。竟未能詳細查出。又於派往查賑委員。被人毒害。不能訪查究辦。且現在該

省又連有告賑之案。其咎甚重。應即照部議革職。姑念其平日辦事尚為實心。著留河工効力。兼署按察使胡克家。於此等重案。並不詳細指駁。反覆推求。草率詳請具題。亦著照部議革職。留河工効力。以觀後效。○又諭前因花杰奏稱。查有圻札致天津總商。以積欠窩價皆可。不交已與戴衢亨言明之語。質之鹽商馮錦等。可知交徵瑞額勒布查詢各商。有無此信。今據奏總商內實無馮錦其人。其

總商任秉衡等亦均未接此信當復派慶桂董誥蘇楞額桂芳根訊花杰據稱此語實由劉承澍轉告而劉承澍狡不供認不可不研究明確以憑覈辦花杰因失察黑檔出來已降三級調用復又因前日妄參不實降三級調用著解任同己革之劉承澍均交慶桂等嚴訊務得確情毋任支飾○調閩浙總督阿林保為兩江總督以陝西巡撫方維甸為閩浙總督調山西巡撫成寧為陝西巡撫以山

西布政使金應琦為巡撫按察使劉清為布政使甘肅寧夏道積朗阿為山西按察使○以江蘇布政使蔣攸銛為巡撫調山東布政使慶保為江蘇布政使以山東按察使朱錫爵為布政使登萊青道張彤為按察使○以大理寺少卿史積容為江寧布政使○調河東河道總督馬慧裕為漕運總督仍戴三品頂帶以直隸永定河道陳鳳翔為河東河道總督○旌表守正捐軀河南泌陽縣民王二

妻胡氏○癸酉中元節

上詣

安佑宮行禮○遣官祭

永陵

福陵

昭陵

昭西陵

孝陵

孝東陵

景陵

泰陵

泰東陵

裕陵○命

皇次子 祭

孝淑皇后陵寢○遣官祭

端慧皇太子園寢○諭內閣前以南書房翰

林人數過少特命掌院等保舉考試經朕親

加甄錄令周系英等四員入直行走係因其

時恭查

高宗純皇帝御筆。戴衢亨趙秉冲英和各承辦事件。實難分身。是以派令伊四人專司其事。此外如詩本詩片等項。本未交辦。現在恭查事竣。朕啟鑒後。南齋事務更簡。在直人數未免太多。所有前次考取四員內周系蓂王以銜著留內直。席煜姚元之著仍回本館辦事。○又諭據慶桂等奏將花杰劉承澍二人連夜研訊。劉承澍於花杰所奏查有圻扎致網總馮錦以積欠窩價可以不完之語。堅不承認。而花杰仍執定係劉承澍所言。請再加根訊等語。此事花杰劉承澍二人面言之時。並無旁人在側。無可質證。今彼此狡卸。非劉承澍有心抵賴。即係花杰聽聞不確。率意書寫。若再加熬訊。亦不難水落石出。惟究係口舌細故。亦不值加以刑鞫。花杰已因失察黑檔降三級調用。又因叅款虛誣降三級調用。著即釋回。照例在部候選。劉承澍業因此案

革職。著即飭令回籍。○諭軍機大臣等。良貴奏瓦罕伯克章罕差人呈遞信字叩謝天恩之外。並有另信。懇將從前逃往色爾庫勒之瓦罕人民。概行查遣。仍欲援照舊例。每年呈遞伯勒克費刀。捨剌孫皮張求與謙竺特及色爾庫勒一體看顧等語。現經葉爾羌阿奇木伯克玉努斯查明。色爾庫勒並無居住之瓦罕人等。當即擬書駁飭。並告以瓦罕差人前來呈遞伯勒克。必從布魯特境行走。難免攔阻。徒滋多累。所辦尚合機宜。瓦罕部落遠在布魯特之外。素稱孱弱。該伯克不能撫其部衆。潛逃遠徙。事所時有。豈能紛紛向其鄰境查出遣回。章罕自因前此內地曾代伊查給人民牲畜之故。復為此無厭之請。現在那彥成業已到彼。著傳諭那彥成將來如瓦罕來使。再遞書字提及此事。仍當據理駁為是。○旌表守正捐軀直隸任邱縣民顧其林妻王氏。

大清仁宗受天興運敷化綏猷崇文經武孝恭
勤儉端敏英哲睿皇帝實錄卷之二百十五

實錄卷之二百十五

嘉慶十四年七月下

清 實 錄 嘉慶十四年七月下

大清仁宗受天興運敷化綏猷崇文經武孝恭
勤儉端敏英哲睿皇帝實錄卷之二百十六

教修

嘉慶十四年。己巳七月。甲戌諭內閣。溫承惠

奏查明康家溝張家灣及通惠河等處河道
情形一摺。康家溝一帶。本非運河正道。前因
該處衝刷成河。張家灣日形淺阻。若欲堵築
康家溝以復正河。又無築壩生根之處。是以
暫緩未辦。即令糧船在康家溝試行一二年。
再為定議。今據溫承惠奏。康家溝溜勢奔騰。
漕船逆流而上。大費牽輓。該處地勢甚高。恐
早乾之歲。河水一瀉無餘。漕行更為棘手。是
康家溝必須堵築。正河必須修復。惟兩岸均

八九九

係沙灘壩基難立而正河積淤日甚挑挖費工辦理亦屬不易此事關繫漕務甚重著專派戴均元親加查勘詳細斟酌究竟應否修復故道如漕船必須由張家灣行走即將應如何辦理需帑若干應於何時興工何時可以完竣之處通盤籌畫妥議具奏其該督所奏通惠河積淤年久應行一律挑復並該處緯道閘壩等項應行修整之處亦著戴均元一併查勘妥議辦理○諭軍機大臣等昨據

積拉堪奏霍罕伯克愛里木呈請遣使來京瞻覲一摺朕念愛里木仍前恭順是以施恩降旨准其遣使同本年年班之伯克等前來及將愛里木所具奏摺交哈迪爾譯出與積拉堪等譯來原文比較不符語欠恭順因將從前納爾巴圖所呈奏摺查閱語皆恭順措詞稱謂亦屬合例此次愛里木所呈奏摺殊失屬臣之理前愛里木來使至喀什噶爾時積拉堪等既將所呈奏摺譯看何以尚為代

奏積拉堪成林伊斯堪達爾著申飭並著那彥成於抵喀什噶爾時傳諭來使以愛里木所呈奏摺語欠恭順未能循依伊父祖克盡屬臣之道是以不令爾等進京立即飭歸告爾伯克如此明白曉諭遣回嗣後愛里木誠能恭順知罪改悔復遣人呈請那彥成再行酌量代奏尋奏上得旨那彥成奏接奉諭旨晚諭霍罕伯克愛里木使臣阿渾占等甚是畏懼懇請來覲出於至誠等語伊等既遠涉

前來若竟斥回反失撫綏四夷之道阿渾占等仍准來京朝覲俟回牧時再降諭旨○乙亥諭內閣本年朕五旬萬壽不准辦理慶典該廢員等無庸令其建設經壇致滋粉飾伊等既情殷祝嘏著准令其在禮部陸續報名即交禮部鴻臚寺會議酌定處所示令伊等於萬壽正日另班行禮至迴鑾時接駕獻冊之處亦著准行○又諭據汪日章奏上年江省查辦賑務各州縣戶口銀數必將上兩屆

被災情形與此次參考不致懸殊。方准放給。惟山陽縣較之十一年僅多十二鄉。而需銀至九萬九千有餘。曾經駁查。並另委隨帶之員密查。始行覈准動放等語。山陽賑務現據王仲漢供認。侵冒銀六千餘兩。伊曾致送本府王穀銀二千兩。各委員銀一千六百餘兩。以王仲漢之貪殘忍戾。而於該員賑銀九萬九千餘兩之中。侵冒入己之銀。僅止二千餘兩。尚恐不實不盡。王穀得受王仲漢之銀。自

亦不止二千兩。著留京王大臣會同刑部再加嚴訊。務得實情。○又諭本日慶桂等奏議駁御史周鉞酌易辦賑章程一摺。已依議行矣。各省水旱偏災。事所常有。朕痼瘕在抱。念切民艱。一經該督撫奏報到時。披覽奏章。惻然心目。無不立降諭旨。令其認真撫卹。即需數十百萬帑金。從無絲毫靳惜。亟命部臣立為籌撥。惟恐後時。誠以小民蕩析離居情形。最堪憐憫。若不設法拯救。將何所依。國家辦

賑章程。良法具在。如果各州縣實心經理。該督撫認真查察。自能實惠及民。無如地方不肖之員。昧良喪心。視同利藪。而派往查賑之委員等。賢不肖亦復迴殊。閒或有持正之人。而嗜利者多。轉深憎惡。如近日寶坻山陽兩案。該革令單幅昌王仲漢皆散法營私。侵肥入己。而委員中如李毓昌之持正不阿者。更復有幾。擠窮黎於溝壑。圖自贍其身家。卒不能倖逃憲網。朕代

天子民。惠鮮懷保。斷不肯因此兩案接踵破露。慮貪官之牟利。屯百姓之恩膏。寧受污吏之欺瞞。忍奪良民之口食。此後設遇被災之區。仍當頒帑發粟。救其阻飢。如前一律辦理。惟辦理之得有實濟與否。是在督撫。如該督撫不知認真經理。徒以為立法未周。如御史周鉞所言。欲於地方官查明戶口之後。另委道府承辦。試思道府中又豈盡屬賢能。現在寶坻一案。該管東路同知歸恩燕即曾需索銀

三千兩。山陽一案該管知府王穀亦曾收受銀二千兩。設遇此等道府。令其領放賑銀。又豈可信。又況該道府等於各州縣村莊戶口不能親歷周查。勢必仍行轉派委員分投前往。委員之查賑愈繁。州縣之費用更廣。於賑務無益而有損。如督撫等果能一遇災賑。先行嚴查覈實。而於派往抽查之委員。務擇存心公正之人。責成查察。仍隨時密加廉訪。賢者立加獎拔。不肖者即予糾參。則弊竇漸除。亦無慮小民之不需實惠。儻督撫等見現在寶坻山陽二案破露。以為賑務剔弊綦難。自揣耳目不能周遍。惟恐地方劣員侵冒肥己。累及上官。相率諱災不報。如此則玩視民瘼。勢必至窮黎無可赴愬。而朕惠養元元之澤不能下逮。其獲戾尤重。一經查出。朕不能稍為寬恕也。將此通諭知之。旌表守正捐軀湖南永明縣民陳加增妻周氏。○緩徵福建侯官閩二縣風災本年額賦。並給貧民一月

口糧。○丙子

上以秋獮木蘭。自圓明園啟鑾。○命儀親王永璘成親王永理。大學士費淳。兵部尚書明亮。留京辦事。○諭軍機大臣等。朕前聞劉鳳誥沈涵於酒。有任情妄為等事。當降硃諭交阮元據實查奏。茲閱伊所奏。皆係浮詞。毫無確事。殊不足信。摺內稱適有因公在省之湖州府戴廷沐。紹興府百善嚴州府任澤和。先後傳見。並誘之云。我與學院係屬同年相好。該府早為告我。我好勸他。且任澤和亦係己酉進士。另為設詞導之等語。此即非訪查之道。該府等既知學院與巡撫係同年相好。即確有見聞。亦必曲為容隱。不敢直陳。况任澤和又係同科進士。豈有不袒護之理。又稱惟上年八月。劉鳳誥代辦文閣監臨場規。從嚴且常夜至號口查訪。呵責士子出場。頗有浮怨之詞等語。外間謠言。阮元似亦有所聞。而語涉隱躍。竟不免瞻徇情面。昨據御史陸言叅

奏劉鳳誥摺內。聯語文字諒非出於捏造。托津等到彼後。著將陸言所參各款。向劉鳳誥一一究問。並密加察訪。務須得有實據。方足以成信讞。至阮元近在同城。於劉鳳誥各項款蹟。若毫無見聞。訊明後。亦應附摺奏。僕袒庇同年。有心徇隱。其咎尤重。即著嚴叅候降諭旨。其知府戴廷沐等三人。著一併傳到面詢。如實係不知。與伊等尚無干涉。若竟係瞻顧巡撫同年。代為袒護。亦當查明叅奏。所

有阮元原摺。發交托津等閱看。將此諭令知之。○免蹕路經過地方。本年額賦十分之三。○是日。駐蹕南石槽行宮。○丁丑。賞密雲縣接駕兵丁半月錢糧。○是日。駐蹕密雲縣行宮。○戊寅。賑湖南茶陵。攸二州縣被水災民。○是日。駐蹕要亭行宮。○己卯。諭內閣。御史陳中孚奏。請嚴定大吏濫行薦舉處分。以專責成。一摺。據稱。侵蝕賑銀之革員。單幅昌。謀毒職官之革員。王仲漢。及已革知府王穀。皆

由捐納佐雜出身。遞邀薦拔。該員等不識詩書。罔知大義。不過以賸削民膏。鑽營上官。為事。茲惡劣俱已敗露。請嗣後將濫行保薦。此等捐納佐雜出身人員之該管各上司。照尋常濫保例。加倍嚴議等語。所奏未免過當。國家登進用人。原不能竟拘資格。各直省州縣中。由捐納出身者。固有不肖之徒。即正途出身各員。其簞簋不飭。逢迎大吏者。亦不能保其必無。全在該管各上司平日留心訪察。秉

公覈實。必係循聲確著之員。方予保薦。庶可選拔真才。若將賡緣鑽刺之劣員。濫邀薦舉。一經發覺。該上司處分定例。綦嚴。即如王穀。王仲漢。單幅昌等之殘忍貪婪。現俱已審明定讞。其該管各上司。重者已革職。遣戍。輕者亦降黜示懲。並未稍從寬假。若因此追溯從前濫保之各上司。查明加倍嚴議。則未免過甚。嗣後各督撫於薦舉各員。惟當倍加慎重。以保薦王仲漢等劣員為戒。儻再有似此濫

保致干憲典者。必將該上司從重懲治。亦不在多設科條也。○以河南布政使錢楷署河東河道總督。○賞熱河接駕兵丁。及看守避暑山莊弁兵。一月錢糧。看守口內外各行宮弁兵半月錢糧。○是日。駐蹕兩間房行宮。○庚辰。諭內閣。王仲漢之子四人。本應全行遣戍。姑念年皆幼穉。無知。著將伊長子恩觀收禁。俟及歲時發往烏魯木齊。其餘三人。加恩釋回。以示法外施仁之意。○旌表守正捐軀山東滕縣民王吟媳羅氏。○是日。駐蹕常山峪行宮。○辛巳。駐蹕喀喇河屯行宮。○壬午。

上至熱河詣

文廟瞻禮

關帝廟

城隍廟拈香。○詣

永佑寺行禮。○賞熱河綠營兵丁一月錢糧。○是日。駐蹕避暑山莊。至八月癸丑皆如之。

癸未。諭內閣。據奉天學政茹茶奏。請照各直省學校之例。頒發書籍等語。陪都士習素醇。涵濡教澤。咸知爭自濯磨。讀書上進。自應將官刻書籍一體頒發。存貯各學。尊經閣。俾士子等就近觀覽。開擴見聞。著禮部。武英殿。查照舊例。將所有應行頒發學校各書。即行印刷頒給。○又諭。百齡等奏。查明粵省現在行鹽情形。量加賣價一摺。據稱。按照綱引易銷。各埠分別酌增一二釐。難銷各埠。免其加增等語。所議尚為平允。著照所請。易銷之連州等三十五埠。照現賣之價。酌加二釐。其次昭平等一百二十五埠。酌加一釐。其難銷之高明等二十八埠。即可毋庸議加。所增價銀。共計二十萬九百餘兩。准其以嘉慶十四年為始。隨課交納運庫。另冊報部。惟是此次鹽務加價。原以接濟南河要工。粵東鹽斤行銷處所。距南河較遠。非兩淮兩浙蘆東等處可比。設該省此時別無要需。自當不分畛域。以濟

工用。今粵東現有勦捕洋匪事宜。經費正多。若將所加鹽價解赴河工。而該省一切捕費。轉須另為籌撥。徒多周折。所有此項每年加價銀二十萬九百餘兩。著毋庸解往南河。即留為本省捕盜之費。前已將該省每年關稅盈餘銀五萬兩留充公用。合之此項加價。每年共有銀二十五萬餘兩。經費甚為充足。勦捕自益得力。在該省商民。以所加鹽價為保護桑梓之需。自當倍形踴躍。仍俟大幫洋匪辦竣。即行奏明停止。○以甯內春夏雨多。停止秋獵。命

皇次子 皇三子綿愷。毋庸前赴熱河。於中秋節後赴南苑行圍肄武。○以睿親王端恩甫丁母艱。祖母又故。賞銀二千兩治喪。○以南河工程平穩。賞江南河道總督吳璥二品頂帶。○乙酉。

上御如意洲。賜扈從王公大臣及蒙古王貝勒貝子。公額駙。台吉等食。並賞賚有差。○諭內

閣御史潘恭辰奏請嚴查販米出洋一摺。米石出洋。例禁綦嚴。節次降旨諭令各督撫等。於沿海口岸實力稽察。以杜透漏。乃積習因循。仍不免視為具文。即如浙江省本年並無水旱偏災。所產米穀。自足供閭閻粒食。市價亦應平賤。乃據該御史稱。自三四五等月以來。每米一石。自制錢三千三四百文起。至三千八九百文不等。甚為昂貴。自係入市者少。出海者多。以致民食不能充裕。可見地方官

平日嚴斷接濟。竟屬紙上空談。阮元此任。大不似前。諸事因循。不能整飭。浙省如此。他省可知。試思各口岸。如果食米不放出洋。則盜匪日形困乏。何以現在浙閩粵三省盜船尚多。猶煩兵力勦捕。且各衙門不肖胥吏兵役。為之護庇。通同濟匪。得受陋規。甚至有食海俸名目。而各海關所用之人。又多係官親長隨。牟利飭法。其縱容包庇者。正復不少。不可不嚴行飭禁。用杜弊端。著各該督撫及管理

海關大員一體嚴密留心實力查察將前項弊端剔除淨盡務使盜源禁絕民食日充以期海洋寧謐地方豐裕設經此次嚴諭之後仍不過陽奉陰違仍致透漏朕惟執法從事恐該督撫等不能當此重咎也將此通諭知之○賞熱河及額魯特兵丁二月錢糧○丁亥諭內閣今因哨內道路泥濘難行業經停止進哨惟各項演圓人等俱經豫備伊等製辦行裝不無稍有費用著加恩仍照例減半

賞給即停其前來以示朕體恤至意○旌表守正捐軀山西渾源州民張自財媳張氏江蘇崇明縣民樊雙淋妻黃氏○免直隸安河閒新安隆平寧晉新河南宮七州縣積水地畝上年額賦○戊子諭內閣朕臨幸熱河凡出入站道等差皆應熱河兵丁等充當達慶係發往熱河効力贖罪之人豈宜充當站道差使朕前在喀喇河屯見伊在眾兵之前接駕近日詣各廟拈香又見伊在眾兵之前站

道殊屬不成事體毓秀並不約束亦屬不合毓秀著申飭仍交部議處嗣後凡係發往効力贖罪之人不得僭越當差○又諭戴均元奏查看張家灣康家溝河道情形及通惠河先宜挑淤培築一摺張家灣舊河應行挑復固屬正論但現據戴均元親自測量張家灣河頭不但愈淤愈厚壩基難立計需土方工料銀兩為費不貲而現在時日已迫即加緊趲辦亦非五六箇月不能竣工轉瞬漕運已

來河道未復船行轉致有礙是目前勢不能辦亦祇可仍在康家溝行走再為察看一年屆時酌量定奪至通惠河為漕白糧及銅鉛轉運要路既據戴均元奏現在河底日淤隄岸卑薄恐明春新漕到壩水勢消耗難行自須趕緊先辦著照所請將河身應行開段挑挖以及隄工緯道有須分別修整之處即於本年全漕運竣之後奏明派員勘估興修勿再遲緩其應行賠修之工著即飭承辦之員

勒限賠補。諭軍機大臣等。本日吳璥奏。究出已革典史呂時雨。商同浮開戶口一摺。訊據呂時雨供稱。冊面上大小口總數。王仲漢另用白紙開出。令我照填。因是上司不敢違拗。我並未商通分肥。惟查賑時。王仲漢見我衣裳單薄。給我銀二十兩。贖取皮衣年底。又給銀五十兩。為過年用度。至我前奉提訊。恐查出浮開戶口。是以捏造底案。多減數目。以為自己原報確數。王仲漢實不曾先向我商量。許分銀兩等語。呂時雨分查戶口。如果據實秉公。何以依從王仲漢浮開總數於冊面填寫。事後又何以捏造底案。希圖諉卸。且所認給予銀兩。恐亦不止此數。著留京辦事王大臣會同刑部堂官。即監提王仲漢嚴加究鞫。冊面戶口總數。是否王仲漢開出。令其照填。所給銀兩。是否祇此兩次。抑或豫為商允酬謝。俱令逐一供吐。毋任不實不盡。以成信讞。將此諭令知之。○緩徵福建長樂縣風災

本年額賦。給災民一月口糧。並房屋修費。○緩徵河南安陽湯陰內黃三縣水災新舊額賦漕糧。

大清仁宗受天興運敷化綏猷崇文經武孝恭勤儉端敏英哲睿皇帝實錄卷之二百十六

大清仁宗受天興運敷化綏猷崇文經武孝恭勤儉端敏英哲睿皇帝實錄卷之二百十七

監修總裁官總纂官等謹記 嘉慶十四年己巳八月己丑朔以故哈薩克汗博羅特子托霍瑪襲爵○哈薩克汗托霍瑪遣子阿勒坦沙喇恭祝萬壽賜勅褒獎賞賚有差○哈薩克汗瓦里蘇勒坦遣弟多索里蘇勒坦子薩爾拜蘇勒坦請安賜勅慰勉賞賚有差○庚寅諭內閣晉昌奏審明定擬烏什糧員虧短倉糧及印房各員互相控告一案所有張觀等應得罪名著交部覈擬具奏其穆精阿前因賭案革職復更名得官保至主事殊屬冒濫郎中達靈

嘉慶十四年己巳八月己丑朔以故哈薩克

汗博羅特子托霍瑪襲爵○哈薩克汗托霍

瑪遣子阿勒坦沙喇恭祝

萬壽賜勅褒獎賞賚有差○哈薩克汗瓦里蘇

勒坦遣弟多索里蘇勒坦子薩爾拜蘇勒坦

請安賜勅慰勉賞賚有差○庚寅諭內閣晉

昌奏審明定擬烏什糧員虧短倉糧及印房

各員互相控告一案所有張觀等應得罪名

著交部覈擬具奏其穆精阿前因賭案革職

復更名得官保至主事殊屬冒濫郎中達靈

阿身任司員於堂官買物受禮意存迎合亦屬卑鄙均著革職至阿奇木伯克饋送佛倫保禮物一節訊因佛倫保向其屢次需索所致佛倫保膽大無恥使其身尚在必當予以刑誅阿奇木伯克究係畏其陵辱尚非得已著加恩免議此外應議各員著該部照例議處具奏○旌表守正捐軀福建長泰縣民謝孝妻蕭氏○辛卯諭內閣刑部奏湖南河南陝甘四川等省造報已未到配遣軍流罪官

犯將應否准減摘敘案由開單請旨一摺朕詳加披覽內幅興一犯承辦吉地工程只係頭停完瓦未能如式尚無別項情弊周廷翰一犯因伊父止生伊一人尚無子嗣強買民婦王李氏為妾伊父曾經出師金川陣亡該革員係由難廢守備復出師苗疆稍有微勞吳進發一犯因規避差使經該都司揭詳斥革復央懇把總饒泳祥代為求免未允因此挾恨聞饒泳祥所管兵丁等獲私鹽盜賣並

未稟官心疑饒泳祥亦有盜賣情弊赴營呈控情尚可原許昇一犯因官運紬緞到臺未經親身押送軌交當差回子等經營以致在途被竊未及覺察尚非有心故縱以上四犯均著加恩准其援減其餘各官犯均不准其援減○諭軍機大臣等本日都察院奏山西榆次縣文生李作樞民人劉文燦周調元崔際貴等合詞具呈保留已革知縣一摺州縣為親民之官如平日實有德政一朝因公累

誤該處民人愛戴情殷情事所有但公然具呈懇留顯違例禁此風斷不可開至地方大吏為慎惜人材起見遇屬員中居官公正民情悅服有因事褫職者轉不妨將循聲治績據實保奏即如李作樞等呈內稱已革知縣鄒澍寧勤於審案敏於折獄到任一月將榆次屢年積案全行審結等語此一端如果屬實其勤於聽斷不致拖累無辜即為傑出之員朕亦必破格施恩第恐臚列虛詞則當嚴

究以儆冒妄著金應琦詳悉查明該革員到任一月所結案件共有若干俱有卷宗為據無從隱飾現已降旨將李作樞等四人交部解往山西著金應琦令地方官暫行看押如所言屬實一面保奏一面將李作樞等釋放安業儻係捏飾抑或係鄒澍寧主使賄囑即著照例一併治罪尋奏上得旨據初彭齡奏該員潔已奉公辦事勤慎該生等赴京保留並無情弊榆次一缺既已坐補有人著照所

請准其補授臨晉縣知縣仍帶革職留任○又諭本日給事中史祐奏請申嚴江蘇上海關禁以杜米石偷漏一摺米石出洋大千厲禁接濟一日不斷則盜氛一日不淨朕屢經降旨諄諭各省大吏類皆視為具文今據該給事中奏近年蘇松常鎮秋收豐稔川廣米販又多而去歲五六月以來米價驟貴賣銀五兩有零至四兩以外皆由該關海禁不嚴等語江蘇省吏治廢弛於查禁出洋米石一

事有名無實。皆由鐵保汪日章怠玩因循。不能整頓所致。今鐵保業經遣戍。汪日章亦已革職。罪無可加。阿林保等亦不必再為袒護。惟當實力整飭。向聞上海一關為米石出洋之所。兵役等通同賣放。以及地方官之幕友。長隨陰為包庇。皆所不免。今連歲率皆豐稔。川廣米商入多。而市價轉形昂貴。謂非偷漏。而何。況該處素產粳糯。上色好米。今因奸商貪得重價。販賣出洋。而民間交納官糧。轉不

純淨。尤無此情理。著該督撫密訪詳查。大加整頓。至該給事中。所請除本境成災年分。不准米商多行販往。並近關一帶。不准米石囤積之處。是否可行。並著妥議辦理。直隸總督溫承惠奏永定河秋汛安瀾。同知陳春熙等升敘有差。○壬辰遣官祭黑龍潭。

昭靈沛澤龍王之神玉泉山

惠濟慈佑靈瀆龍王之神。○諭軍機大臣等。百齡等奏盜船連幫竄入中路海口。派撥兵

船堵剿。業經追出外洋一摺。從前賊船在外洋游奕。皆恃有打單接濟之資。足以度日謀生。是以罕入內河。自百齡到彼。諸事整飭。嚴斷接濟。該匪等口食無藉。其鋌而走險。分撥小船。向內河各村莊希圖劫掠。勢所必至。現經百齡等飛調陸路官兵。添雇壯勇。馳往攻捕。殲擒賊匪二百九十餘名。陸續竄出濱臨外洋之潭洲一帶。聚泊民情均已寧謐。至百齡等以未能先事豫防。致賊匪竄擾內河。自

請議處一節。此可不必。該省武備廢弛已久。今百齡等認真整頓。且已將盜船轟出外洋。尚非辦理不善。惟求治未免過急耳。為今之計。總須先固藩籬。將防堵要策。力為講求。嚴密布置。使賊匪不敢窺伺。趕緊添造米艇。豫備礮械軍火。俟諸事齊備。養威蓄銳。再行調派官兵。駛放出洋。自不難一鼓殲除。俾無遺類。儻不量力。冒昧輕進。賊船多而師船少。未免心生顧怯。設有疏虞。賊勢更覺張。辦理

倍形棘手。至中路附近省垣尤為緊要。如各隘口水陸兵船有可徹者。著百齡等酌量抽撥嚴防中路。無令賊匪竄近。此次百齡等添雇壯勇數百名。隨同官兵堵剿。為一時權宜之計。則可究非長策。莫若於近海各處村莊。勸諭鄉民各衛身家。自行團練。賊來既可抵禦。賊去仍安本業。較之招募實無流弊。但必需官為經理。始不致漫無統率。著百齡等遴選明幹之員。督率妥辦。切勿藉端滋擾。為要。

其漢軍水師三百名。此時既無所用。自應撤回歸伍。現在盜首張保仔等由潭洲分向蕉門等處外洋逃逸。百齡等飛調黃飛鵬舟師及所雇拖風船隻。交孫全謀督同勦辦。務須斟酌前進。計出萬全。以期擒獲巨魁。毋得過於輕率。將此諭令知之。○癸巳遣官祭

文昌帝君廟。○甲午遣官祭

關帝廟。○諭軍機大臣等。山陽冒賑一案。前因王仲漢供出查賑委員內除章家麟並無

得銀情事。與江省所訊相符。毋庸解部外。其餘尚有從九品溫南峯州同龔國烜訓導言廷璜知事余清揚典史呂時雨縣丞章為棟州同謝為琳從九品黃由賢八人。節據王仲漢供稱。均有分得銀兩情事。現在江省奏到。呂時雨所供得受銀數。與王仲漢所供不符。若不質訊明確。難成信讞。此案懸宕已久。著傳諭江蘇及直隸山東督撫查明此八人如尚未起解。即著迅速起解。如業已起解。即著

飭令迅速行走。以便提同王仲漢質對。即行定讞。○乙未諭內閣。馬慧裕恩長奏遵旨覆查已革道員張裕慶於借領購備攔黃埕料物銀兩。究出通同侵虧一摺。此案張裕慶請領購料銀六萬兩。先後發給已故武陟令陳驥驤四萬兩。內以麻作銀。並攪雜泥土。統計侵漁銀數至七千餘兩之多。著留京辦事王大臣會同刑部提訊張裕慶。如何以麻作價。從中浮扣。此項銀兩是否私肥已橐。抑或饋

送他人。令其據實供吐。先行錄供。奏聞。委員吳敏忠。監收料垛。徇情朦庇。著革職。同陳驥驥之弟陳隨襄。一併解交刑部。以憑質對。俟訊明後。即定擬具奏。至藩司錢楷。於署巡撫任內。惟以奏請賠銷款項有歸。不復計及。存料價值多寡。馬慧裕未能詳查。前此率行會銜具奏。俱有應得之咎。除錢楷同日自請議處。已批交吏部議奏外。馬慧裕並著交部議處。○又諭薛大烈。菩薩保奏查獲私運銅斤

進口之犯。中途脫逃。並訊出兵丁等有在途夥竊情事。分別叅奏。辦理自請處分二摺。此項民人路成章所運生銅多至一千數百餘斤。據供係由八溝地方置買。赴京售賣。先須訊明來歷。是否八溝地方本有銅礦。該民人等違禁私挖。抑另有別處販買之路。該處現在有無窩藏店家。著派薛大烈。即日前往八溝確查具奏。至副領催圖敏。馬甲薩尼布。押解人犯中途私開項鎖。致被脫逃。并因貪圖

謝禮夥同偷留銅斤。著先革去副領催馬甲同車夫兵丁等一應人犯。均著解交刑部審辦。其逸犯路成章除就近飭令熱河道緝拏外。著直隸總督通行飭屬嚴拏。務獲防守尉吉勒通阿。僉差不慎。又不驗明銅斤實數。以致兵丁等在途舞弊殊屬不合。著交部議處。菩薩保著交部察議。至綠營把總王大勇。僉差不慎。已經斥革外。其氣轄都司孫信亦著咨部照例議處。薛大烈現今隨扈行。在所有

自請處分著加恩寬免。○丙申旌表守正捐軀山東益都縣民婦陳劉氏。○丁酉

太宗文皇帝忌辰遣官祭

昭陵○祭

先師孔子遣大學士祿康行禮。○諭軍機大臣等。阮元奏雨水農田情形一摺。據稱杭州省垣於六月內得有透雨。各府亦皆一律優霑。晚禾暢茂。早禾次第刈穫。嘉湖寧紹台嚴溫等屬糧價每石各減六七八九分不等。而

細閱所開清單俱各註價貴字樣試思該省雨暘應時收成不致歉薄鄰省又並無客商販運則民食自應充足市價亦應平減而何以價貴如前顯係各海口接濟未能斷絕食米多出外洋以致內地米少價昂該撫屢次奏報各口岸查辦嚴密竟屬虛詞殊不可信該撫接奉此旨務當實力整飭認真查禁毋得仍前玩誤干咎將此傳諭知之○戊戌祭大社

大稷遣成親王永理恭代行禮○

上御萬樹園大幄次賜扈從王公大臣蒙古王貝勒貝子公額駙台吉及哲布尊丹巴呼圖克圖等六人噶勒丹錫呼圖呼圖克圖等六人哈薩克多索里蘇勒坦等十六人同部伯克和卓木呼里等宴並賞賚有差○己亥太祖高皇帝忌辰遣官祭福陵○旌表守正捐軀河南內鄉縣民女張氏○庚子

上御卷阿勝境賜扈從王公大臣蒙古王貝勒貝子公額駙台吉等食○諭內閣薛大烈奏查拏平泉州地方私採銅斤各犯一摺薛大烈昨經派赴八溝查辦時伊因嘉慶六年平泉州四道溝曾出有銅礦奏請開採未准恐係該處防禁不嚴所致當密委李學周等馳往訪查現將偷挖銅沙之徐振等盤獲且親往將礦銅查出薛大烈能於多年舊案記憶明確辦理不致費手尚屬能事薛大烈著交

部議敘查拏銅犯之雲騎尉李學周外委陳大榮史文國均屬出力著以應升之缺先儘升補其現獲各犯著解赴熱河交軍機大臣會同行在刑部審擬具奏逸犯沈平李祿等著熱河道平泉州嚴緝務獲歸案審辦所有四道溝銅礦著該地方官出示嚴禁並隨時巡察毋任奸民偷挖致干咎戾至平泉州麟昌隨同戈獲案內人犯雖查辦認真但究係伊所屬地方有偷挖銅斤之事未便即予甄

敘俟審明定案後再行降旨。又諭普庭與王特二人均係宗室普庭輒逞忿將王特扎傷豈非同室操戈實從來未有之事究竟伊二人係何行輩因何起釁其案情罪名甚有關繫著交宗人府會同刑部詳悉審訊從嚴定擬具奏。○諭軍機大臣等據方維甸奏伊母年逾八十未能迎養赴闕擬暫回江寧原籍居住恐遠離日久念子情切伊現已馳赴閩浙新任可否於一半年後簡人更代等語

方維甸之母年逾八十平素母子相依朕所深悉惟因閩浙地方緊要現有勦辦洋匪等事簡任實在乏人不得已用伊前往今伊母不能迎養赴任伊慮及日久遠離私心負疚自屬人子至情伊母現已送回原籍居住方維甸應即迅速馳赴新任一意辦公無庸分心內顧俟明春二三月間著來京陛見彼時准其順道先往江寧省視伊母於到京後將伊母身體情形據實奏聞候朕酌量降旨將

此諭令知之。○以江寧協領圖瓦尚阿為熊岳副都統。○辛丑

上詣

永佑寺行禮。○諭內閣方維甸奏請將寧美州知州鄭緒章留壩廳同知任奎光處分改為革職留任一摺。鄭緒章等因慶惠過境祇給轎夫飯錢於部議上時是以仍照本例降一級調用茲既據查明該二缺關繫緊要揀補乏人鄭緒章熟悉川陝邊境情形任奎光緝

捕認真匪徒斂跡且祇失察辦差家人私給飯錢情節稍輕鄭緒章任奎光著加恩改為降二級從寬仍留本任俾資熟手此外降革之莊達吉等十七員其獲罪緣由原不在不准捐復之例但伊等係給費應差降黜示懲豈可轉令出貲捐復如果其中實有勞績才具出眾之員不妨奏明請旨著成寧督同朱勲於莊達吉等十七員內查明有曾在軍營出力得有花翎或曾經受傷或平日循聲素

著者秉公據實具奏候朕降旨○壬寅秋分夕

月於西郊遣儀親王永璇行禮

上御卷阿勝境賜扈從王公大臣蒙古王貝勒

貝子公額駙台吉等食翼日如之○御萬樹

園大帳次賜扈從王公大臣蒙古王貝勒貝

子公額駙台吉及哲布尊丹巴呼圖克圖等

六人噶勒丹錫呼圖呼圖克圖等六人哈薩

克多索里蘇勒坦等十六人回部伯克和卓

木呼里等食○癸卯諭內閣土爾扈特親王

車凌烏巴什此次來覲因伊有病未能入宴

著派奏蒙古事侍衛慶禧知府西隆阿帶領

御醫前往診視加恩賞給五絲大緞二匹寧

綢二匹明日朕拜廟時車凌烏巴什仍不必

勉強扶病請安並准令坐車回牧以示朕惠

愛外夷之意○福建巡撫張師誠奏攻獲匪

艇出力員弁守備許廷進等議敘有差○以

前任廣西右江鎮總兵官韋陀保為福建漳

州鎮總兵官○乙巳遣官祭昭忠祠○諭內

閣吉綸奏查明故員李毓昌服姪李希佐承

繼為嗣一摺李毓昌前此委查山陽賑務居

心公正立品端方慘遭毒斃情殊可憫除已

疊加恩卹外其繼子李希佐並著加恩賞給

舉人准其一體會試繼紹書香以示獎忠至

意○諭軍機大臣等穆克登布奏澍雨頻霑

田禾暢茂情形及閱所開糧價而淮安海州

竟貴至四兩七八錢之多該省本年雨水需

湊收成不致歉薄又未興辦大工鄰省亦無

客商販運何以米價有增無減幾與從前陝

甘用兵時價值相同顯係食米多出外洋是

以內地米少價昂此皆鐵保汪日章在任時

因循玩忽於海口透漏米石一事不能嚴密

斷絕所致著阿林保蔣攸銘實力整頓認真

查禁正在降旨間適據吳璥覆奏查禁出洋

米石一事並稱浙江海寧州之長安壩地方

亦係偷販出洋之數未能盡絕等語昨因浙

江米貴已降旨諭令阮元嚴查接濟惟阿林保進京後仍係吳璥署理督篆所有江蘇各海口務當嚴密偵訪如有透漏情弊即據實叅辦鐵保汪日章二人俱已因事獲咎此時即查出海口廢弛情形亦不至將伊等加罪該督等無所用其瞻顧也將此各傳諭知之○又諭百齡等奏籌辦杜絕洋匪接濟一摺洋匪所恃以資生利用者莫如米糧火藥二項茲據百齡等奏粵省各屬商販米糧除本

係陸運地方可以無庸置議其現在可改由陸運者亦已禁其出洋外至東路之南澳廳買自潮州府屬西路之瓊州府買自高廉等府該二處既無陸路可通商船經由海面有百餘里一經出洋之後即難保無奸商牟利私售及盜船截劫之弊自應力加防範該督等現飭令將米船彙齊十船八船同行由地方官給發印照辦理自較嚴密惟每船內祇酌撥烏鎗兵二三名恐尚不足資防護現在

盜船食竭恐其肆劫尤甚每船應酌撥烏鎗兵七八名以壯聲勢至火藥一項其向由官辦各廠有官員等在彼查驗到營後支放出入亦有營員稱驗斤數有所稽考作弊較難察弊尚易至南海順德兩縣硝廠既係商辦則奸商之私售以及丁匠等之夾帶皆所不免作弊甚易察弊極難此時盜船火藥尚多若非私販透漏於何而得百齡等現均責成地方官督辦並輪派幹員分駐各廠專司稽

查惟當有犯必懲認真查察方有實效將此諭令知之○丙午以服闋巡撫初彭齡著山西巡撫○丁未諭軍機大臣等張師誠奏臺灣地方漳泉民人械鬪已息復起請調內地官兵前往彈壓一摺淡水廳屬中港等處因泉州民人黃紅之妻與蔡成通姦經黃紅查知將蔡成毆打起釁械鬪武隆阿等前往查拏諭禁甫經止息而大甲溪泉民搶割漳州莊民稻穀復行鬪殺並有無賴匪徒乘機焚

擔自不可及早辦理許文謨著暫緩來京
陛見即帶同寧福道馮肇等先赴臺灣迅速
妥辦其臺營戍兵既據稱半屬籍隸漳泉各
存袒護意見驅策未能得力著准於省標及
長福興化各營抽撥兵一千名派委將弁分
起配渡俾資調用許文謨到後該處情形即
由伊專銜具奏此時方維甸諒已行至江浙
一帶接奉此旨即速兼程徑赴廈門伊從前
曾至臺灣於該處情形尚為熟悉如許文謨

足資辦理自可暫駐廈門設糾集愈衆急須
勦辦方維甸應即親自渡臺現在所調兵丁
如有不敷並當添撥隨帶以壯聲勢張師誠
不必過臺即在內地鎮靜彈壓妥為接應至
該處民人強悍往往易於械鬪何以致匪徒
等成羣結黨恣意焚搶擾及村莊看來肇釁
根由恐尚有別故務須詳悉查明由五百里
具奏至奸民等乘機滋事自當懾以兵威嚴
為懲辦但此等不過一時烏合亦不必全用

兵加惟當將起意為首之犯按名擒獲其餘
附和之人出示曉諭妥為解散使地方早就
寧靖為要將此諭令知之○己酉諭內閣兵
部奏降調給事中玉慶所兼公中佐領應否
存留請旨一摺所奏非是公中佐領頂帶較
給事中尚大且非世管佐領可比玉慶業經
降調自不應仍留佐領著一併開缺其雲騎
尉世職准其存留○諭軍機大臣等本日都
察院奏直隸靜海民人董洪斌控告詐財害

命縱兇勒結一案已明發諭旨交玉寧嵩年
審辦矣此案董洪斌以行船被人扭擯欲向
理說而地方差役即將伊子鎖拏到官疊加
掌責被差役屢次訛索多贓伊子旋在河干
帶傷斃命閱其供詞所敘伊子頭帶刀傷三
處至於骨斷髓流又何能抹脖子深至七分身
死該縣於相驗後即責令出結掩埋並不查
究兇手迨伊控告本府又斷為實係自戕該
府縣顯有袒護情弊該民人年逾八十罹此

慘毒實為可憫王寧等務須檢驗明確嚴行究辦以儆官邪而雪民冤不可疏縱至該民人船隻損緣由據稱係被靜海縣知縣送禮祝壽船隻損損並稱是日有上壽多船之語如果屬實是該縣藉生日得受禮物已干功令並查明是何禮物其送給者係何人一併據實審辦將此諭令知之○庚戌諭內閣前因御史陸言叅奏浙江學政劉鳳誥於上年代辦監臨各劣款當經派托津等馳往查

辦茲據究出上年鄉試劉鳳誥代辦監臨時有江西同鄉鹽庫大使嚴廷燮來見關說仁和縣廩生徐步鰲曾經劉鳳誥歲試拔取前列伊現因病軀恐不能完場若得沈晉與之聯號誼屬師生即可照應中後還要報恩劉鳳誥入場違例於三場試卷印用聯號現據供認屬實將劉鳳誥等定擬具奏披覽之餘殊深駭異劉鳳誥學問尚優仰蒙皇考高宗純皇帝特加賞拔迨朕親政後由學

士用至侍郎又因恭修

皇考實錄錫以宮銜屢畀衡文之任疊荷恩施極為優渥當如何潔己奉公勉圖報効乃伊竟敢於科場大典有心舞弊試思監臨大員原藉以彈壓糾察今轉聽受人情印用聯號若徐步鰲萬一徼倖自思當得何罪昧良孤恩莫此為甚托津等以劉鳳誥未經得受財物無職可計照例擬流請發伊犁尚覺稍輕劉鳳誥著革職拏問伊現經解部著到京時

交刑部覆審再行定擬其餘所擬罪名先著刑部覈擬具奏至阮元近在同城豈無聞見朕於御史陸言未奏之前即有所聞曾降硃諭交查而阮元覆奏不過撫拾浮詞全無確據阮元身任封圻於學政有稽覈之職外間既有木榜聯詞伊即應查究叅奏况經朕特加詢問猶不據實入告今劉鳳誥事已敗露始據稱上年聞後即聞有監臨打監軍對聯是竟知而不言有心袒庇同年不顧公議深

員委任豈堪復膺封疆重寄阮元著交部嚴加議處即來京聽候部議其餘應行議處各員著吏部議奏○諭軍機大臣等托津等奏審辦劉鳳誥代辦監臨時舞弊聯號一案拜摺後即赴金華府審案於九月望前回至清汙查勘河工再赴山東省城審案等語浙江緡雲縣民人周愈滿方松賢呈控得賄濫刑二案山東德平縣民人王大勇呈控浮收漕糧一案關係地方官執法殃民必須詳細研

求究明虛實審辦需時恐伊等因萬壽節近計算回京之期辦案不無欲速此可不必伊等係屬京員非如外省之員必須因祝嘏來京方得遂其瞻觀者可比屆期無論行抵何處皆可望闕行禮抒其悃忱此時不必豫為計議惟當將此兩次所交各案一一逐細研求覈實查辦並順道將南河工程確加查勘隨時據實奏聞再行來京復命不可稍涉疏率將此諭令知之○調刑部左侍郎周兆基

為吏部右侍郎提督浙江學政轉刑部右侍郎朱璣為左侍郎以署山西巡撫初彭齡為刑部右侍郎○調江蘇巡撫蔣攸銘為浙江巡撫雲南巡撫章煦為江蘇巡撫以安徽布政使同興為雲南巡撫直隸按察使素納為安徽布政使河南糧鹽道福昂為直隸按察使四川按察使方積為布政使陝西潼商道常發得為四川按察使○辛亥

世宗憲皇帝忌辰遣官祭

泰陵

上詣

永佑寺行禮○旌表守正捐軀福建侯官縣民徐厚通妻吳氏○壬子諭軍機大臣等前因南省漕糧有在本省折價虧短及沿途盜賣等情交各督撫嚴查獎竇本日阮元覆奏之摺據稱浙省漕白正米均足額兌交其漕船由杭嘉湖三處水次開行數日即入江境節節管束趨催不能運米上岸各水口亦無囤

糧鋪戶等語所言殊不可信浙江糧船在本境數日之程或未必即有盜賣情事但各省積習相仍本境先有折收之弊地方官於開倉時初尚徵收本色迨後即向花戶勒捐折收將醜米攬入交免以致旗丁等乘間挾持亦向州縣折收該軍船於未經開行之先其米石早有虧短又何待沿途盜賣乎至於開行之後中途又不無盜賣短少攬雜潑漲等弊遂致到通時糧額短缺米色黴變弊端皆

由此起現在清釐漕務之時將攸銛任方新惟當嚴查積弊不准州縣旗丁彼此私自折收所有兌進之米顆粒皆須乾圓潔淨如查出前項弊端即據實叅辦毋稍瞻徇並飭令押運官員沿途查察不可使出境後盜賣舞弊方為周妥將此諭令知之○又諭阮元奏拏獲蔡逆遭風夥盜一摺據稱道判陳豐稟報七月十七海上颶風大作見有盜船吹至龍王堂淺水隨即會營搜拏先後獲犯蔡

城蔡岳等五十五名訊係蔡牽幫盜又據副將覺羅海運稟獲遭風船上逸出匪犯四名又據署知縣周鎬稟報同日有匪船二隻在北關遭風撞礁擊碎獲犯四十四名等語是蔡逆幫船現由閩省竄越浙洋無疑該匪在洋游奕已非一日若使奸民無所接濟則口食不敷久應困乏即或劫奪商船米石事屬偶然不過苟延殘喘又何能夥盜多人俱得果腹日久尚未窮蹙可見接濟一事竟未斷

絕將攸銛昨已調任浙江務須督飭地方官認真查禁並密為偵訪究係何處透漏如浙省海口有米石偷出外洋情弊亦非伊任內之事即當據實叅辦無所用其瞻顧至蔡逆情形究竟如何幫船共有若干七月十七日蔡逆船隻是否亦遭颶風折損現又竄往何處該撫應一面查明奏聞一面札知提督邱良功統領舟師躡蹤追捕並知會閩省迅速截剿以收兩面夾攻之效將此諭令知之○

又諭張師誠奏續接臺灣鎮道來稟郡城有備無患嘉彰等處械鬪分投鎮壓得有頭緒一摺據稱伊前赴廈門旋據臺灣鎮道於六月二十九及七月初十日所發稟稱此案起於淡水延及新莊艋舺彰化經該鎮等分投彈壓已逐漸安帖五月二十外復有沿山之漳州匪徒與衆人尋鬪在彰化近城地方攻莊焚搶等語所奏殊未明晰臺灣鎮道本有奏事之責過地方有械鬪焚搶重案自當一

面具奏一面通稟何以未見該鎮道奏報若謂海洋阻隔則該督撫稟報又何以不致延擱况五月二十外既復有匪徒搶奪則前此起於淡水延及新莊者究屬何人因何構釁起於何日且本日該鎮道附報奏到雨水糧價一摺即係五月二十九日所發其時該處械鬪已息復起業經兩次何以於此摺內並無一字提及至該處漳泉民人既無積怨深讐何以僅因姦情割稻細故遽爾彼此讐殺

延及彰化嘉義兩縣地方致令匪徒亦得乘機搶掠恐情節不止於此前已有旨令方維甸速赴新任著接奉此旨無分晝夜馳抵廈門察探該處情形究竟如何是否已就寧靖官兵曾否與之接仗擒獲匪犯並著將該鎮道曾否繕摺馳報其所遞之摺是否與所具督撫稟函同船渡臺抑或兩起行走中途延擱查明具奏又據另片奏朱渥之弟朱富現與朱渥匪船合幫在鹿仔港開往大難龍一

帶恐其竄回已飭項統前往會同南澳鎮胡于鎰相機攻捕又王得祿欲跟追蔡逆過浙恐蔡逆蹤跡無定仍令王得祿先回閩洋防勦朱蔡二逆等語朱渥與伊弟總在海洋遊奕並未登岸呈繳器械可見前此投誠之語全不可信該逆等蹤跡詭詐忽南忽北時合時分兵船斷不能專注攻勦惟當嚴飭該提鎮等分投攔截遇有竄至之賊總當隨處勦辦不必指定某一路兵船專勦某一股賊匪

現在臺灣械鬪搶奪之案尚在未息尤不可任該逆等乘閒撲岸勾結是為至要將此諭令知之○癸丑

上詣

永佑寺行禮○甲寅

上自避暑山莊迴鑾○詣

城隍廟拈香○諭內閣戶部錢法堂衙門叅奏委員轉運銅斤違誤限期一摺銅斤為鼓鑄所需自應趕緊解運今滇員劉廷讓李藹

兩起銅斤均於六月二十二二十六日先後抵邇迄今兩月為時已久除劉廷讓一運現經該衙門派員陸續催到外其李藹一運尚未運局該二員因何在邇日久耽擱有無別項情弊著戴均元傳提該二員親加詢問如有沿途盜賣冀圖設法彌補日久不能足數以致遷延逾限即據實嚴叅辦理儻並無別情即飭令坐糧廳督催該員即日趲運毋再貽誤○又諭戴均元奏查驗二進尾幫抗嚴

三軍船不堪收受之灰暗米三千五百餘石請著落賠補作為掛欠一摺上年浙江杭嘉湖三府曾經奏明夏間雨水過多所收米質稍次而沿途起舛經歷長夏霉溼其顆粒不純者恐不止此數若概令駁回更換好米不特該省一時難以賠補且恐入倉之米過少自以多收一石得一石之用為正辦著該侍郎逐細查驗擇其微變尤甚不堪入倉者責令變價賠補或散交本幫作為食米准其掛

欠於來年搭運歸款其米質雖屬灰暗難以久貯而尚堪食用者著先行開放及儘先搭放○又諭百齡奏遵旨查明吳熊光任內未經奏明辦結之盜案二十二起現在嚴催提省督同臬司訊辦並分析開單呈覽一摺各屬報獲盜案係總督臬司專辦之事果能隨時上緊催提審明具奏何致延擱經年案懸未結且據稱先後具報監斃之犯共有十二名其中法無可貸者倖逃顯戮情有可原者

轉瘦斃。因圖是吳熊光與歷任臬司相率因循實均有應得之咎。吳熊光前已另案褫職遣戍。前署臬司蔡共武業經病故。及兼署臬司之藩司衡齡任內未結盜案僅止一名。俱無庸議。外所有查明任內未結案犯四十名之降調臬司吳俊著交部嚴加議處。任內未結案犯二十名之候補道員署臬司楊燁著交部議處。○予福建出洋捕盜被戕守備涂鍾璽祭葬。世職如都司例。○是日駐蹕喀喇

河屯行宮。○乙卯諭軍機大臣等。前據百齡奏到越南國王阮福映表奏現將南掌國王召溫猛並乾隆六十年頒給該國王勅印送交諒山關一摺。當經降旨諭將勅印速行送交。仍著越南國王將召溫猛等暫留該國候旨。並令軍機大臣詳查檔案。南掌國自乾隆六十年至嘉慶十年召溫猛所進蒲葉表文向不鈐蓋印信。復降旨令雲貴總督伯麟將該國咨呈督撫印文查明印送以便與禮部

印模覈對。茲據伯麟奏南掌國是否被召蛇榮占據偽託召溫猛進貢。抑係召溫猛潛赴越南阮福映處冀得印信之處。於沿途各土司與南掌接壤地方詳細察訪得有確情再行馳奏。並將六十年該國王召溫猛咨呈督撫用印公文二件呈覽等語。召溫猛於乾隆六十年錫封後年稚無援。既經播遷在外十有餘載。則嘉慶五年十年兩次遣使進貢。究屬何人偽託。昨越南國王表文內開現在之

召溫猛是其的身自不難向其根究。著百齡知照越南國王將召溫猛等送至關外即派明幹大員出關面詢。召溫猛於何年接奉勅印。何年出奔。何以未能歸國。伊國中何人占據令其逐一登答。俟奏到時再降諭旨。將此諭令知之。○是日駐蹕常山峪行宮。○丙辰諭軍機大臣等。先福奏確查漕運積弊設法剔除一摺。先福所稱各州縣原收米色本非一律乾潔及運米到次途中船戶偷盜灌水

並旗丁盜賣虧短各弊言之鑿鑿但知之非
難行之維艱且現在江西省城內即聞有開
設米局之事恐各州縣仍不免折收米價就
近買交情弊該撫既確有聞見自當實力整
飭清釐漕儲該省現當辦理新漕之時先福
業經起程來京祝嘏著即飭交護撫袁秉直
將各項弊端認真查禁至各州縣由水次運
至省城該撫酌擬或十船或二十船聯為一
幫責成丁役管押一幫上竣即押令先行開
駕等款均著依議行但須為之以實不可徒
託空言也將此諭令知之○是日駐蹕兩間
房行宮○丁巳遣官祭賢良祠○諭內閣朕
體恤民艱痼疾在抱地方偶遇水旱偏災發
帑拯濟從不絲毫靳惜原欲使顛沛窮黎咸
登衽席在職司民牧者即照定例分別極貧
次貧戶口實心撫卹猶恐僻壤窮鄉未能周
歷巡查致有遺漏乃不肖州縣非惟不認真
經理且竟從中侵蝕私肥囊橐官吏多一分

侵蝕窮黎即多幾許餓殍是直向垂斃飢民
奪其口食豈復尚有人心行為竟同盜賊向
來疆吏因辦賑地方國帑攸關未嘗不特派
多員會同查辦俾互相稽覈以杜弊端而委
員中存心公正者甚難其人扶同一氣者正
復不少欲杜弊而轉多弊之人欲節用而
更增分銀之吏現在留京王大臣會同刑部
審擬山陽冒賑一案訊據王仲漢冒賑銀二
萬三千餘兩其入己銀數至一萬三千餘兩
之多已屬法無可貸且因此謀毒李毓昌斃
命貪黷殘忍莫此為甚王仲漢著即處斬王
穀身任方面於屬員冒賑謀命重情一經覺
察即應據實揭參乃因王仲漢向其懇求保
全轉代為容隱於相驗李毓昌屍身時任聽
伴作喝報不過掩人耳目且事後又復得銀
二千兩知情受賄同惡相濟正不必計其贓
數而罪已無可逭留京王大臣等擬以斬候
請入於本年朝審情重辦理屆期亦斷難寬

宥又何必稽延時日但竟予以斬決與王仲漢又無區別王穀著改為絞立決派刑部侍郎秦瀛監視行刑於九月初四日覆旨所有查賑委員雖訊無事前商同情節而所分銀兩豈有不知係王仲漢冒賑所得且此內林永陞係總查之員又得銀一千兩為數獨多擬以杖流尚覺過輕林永陞著改發烏魯木齊効力贖罪其餘各委員罪名俱著照擬分別杖流從前李毓昌秉公確查不肯浮開且

重慶縣志

卷五

欲將王仲漢侵冒情事稟揭以致受其謀害昨已屢降恩諭用慰忠魂今查明委員內有教諭章家麟同時查辦不特未經得銀亦且覈對所開戶口毫無浮冒於公事尚為認真自應量予恩施章家麟著送部引見以知縣即用○諭軍機大臣等本日御史李鴻賓奏匪徒結黨擾害請飭嚴拏究辦一摺據稱上年典試路過河南汝寧府屬之西平確山信陽等州縣聞有匪徒結黨攜帶順刀肆行擾

害俗謂之紅鬍子為害已久現在即風聞羅山縣有匪黨數百人毆傷差役之案等語此等結黨匪徒擾害地方朕早有所聞曾經飭諭各督撫一體嚴拏茲據該御史奏稱羅山縣現有此項夥黨滋事中州近省為要路銜途該匪等敢於糾集多人於地方大有關繫且汝寧一帶毗連湖北省之孝感麻城等縣民氣率多强悍素習刀棒為害商民不可不嚴密查緝務淨根株思長曾經奏懇來京陛

重慶縣志

卷五

見該省羅山縣現既有滋事匪徒著恩長即速密查設法嚴緝將首夥一併拏獲嚴辦俟辦結此案後再行來京若查明尚無糾眾肆擾情事即著交錢楷飭屬嚴緝妥辦所有河南湖北交界毗連一帶州縣著該督撫嚴飭各該州縣營汛無分畛域一體協力嚴緝以靖地方○緩徵浙江烏程歸安德清三縣上年水災未完漕糧○是日駐蹕要亭行宮

大清仁宗受天興運敷化綏猷崇文經武孝恭勤儉端敏英哲睿皇帝實錄卷之二百十七

大清仁宗受天興運敷化綏猷崇文經武孝恭勤儉端敏英哲睿皇帝實錄卷之二百十八

監修：松宮信子、編輯：居官太子太傅武部、大學士、文淵閣閣事、情察、奉
上、御事、成、管理、工部、事務、勅、院、掌、院、學、士、隨、帶

加二級常規級。官費振鐸。職官太子少保文淵閣大學士管理刑部事務如左。職戴均元。禮部右侍郎。職官太子少保。國文臣文淵閣提學。

嘉福榮欽奉
上諭奉旨盛城大學士戶部尚書領侍衛內府大臣鑲黃旗滿洲都統步軍統領管理戶部三

廖承宏苑齊構圖等處燭理之恒處御茶膳房御藥房太醫院西華堂事務軍功加三級隨帶加二級尋常加五級紀錄二十次臣英和謹奏

漢官太子太保僅郵南書上書房行走武英殿總裁管理園子監事務知六部隨帶加一級紀錄四次直隸巡撫等奉

教修

嘉慶十四年己巳九月戊午朔駐蹕密雲縣

寶錄卷三十一

平

行宮○已未諭內閣阿林保等奏運河西岸廢涵洞陡塌趕緊堵築一摺山陽縣境狀元墩地方隄身於八月二十一日戌刻陡然坐墊該處並未先有滲漏處所是夜又無風雨何以遂致搶救不及情節可疑恐昏黑之際或竟有奸人乘閒作弊著該督等密加查訪如得其人即嚴辦示懲儆係隄下舊設涵洞因年歲久遠舊洞淘空忽然塌陷雖屬事之所有亦當確切查明方可憑信現在口門業

已過水正河又復淺涸所有渡黃進口幫船俱於淮城停泊在後者亦跟接前來若不即日堵竣空船未能迅速行走必致有誤歸次定期所關匪細著吳璥等督率工員趕緊辦理剋期蒞事為要其下游附近地畝稻禾雖已刈穫惟係積歉之區並著查明應否蠲緩據實具奏至吳璥徐端職司河務未能早為查察俱著交部議處阿林保甫經到任免其察議該管同知張文浩守備劉俊於所屬汛

地致有疏防咎實難辭現經吳璥等將該員并摘去頂帶外並著交部嚴加議處○諭軍機大臣等阮元奏舟師勦捕蔡逆得有勝仗該逆向南竄逸現在飛咨緊追一摺據稱接據提督邱良功函稱偵知蔡逆在旗頭一帶游奕折戢前進童鎮陞追見盜船即向前揮令各船進勦署守備武定太首先躍過帶同弁兵拏獲盜匪王烏等五十一名該匪船即竄往東南外洋現已飛咨邱良功等緊躡勦

捕等語蔡逆匪船奔竄靡常蹤跡向無一定此次追勦之匪船究有若干蔡逆是否在内現既據拏獲盜匪王烏等五十餘名即可確切訊究得其實據著傳諭蔣攸銛即將所獲盜匪王烏等嚴行審訊一面飛咨該提鎮專注蔡逆乘勝進勦一經殲擒即遵前降諭旨速行馳奏○以湖北提督慶成為福州將軍○以四川北鎮總兵官駱朝貴為湖北提督四川夔州協副將桂涵為川北鎮總兵官

○是日駐蹕南石槽行宮○庚申

上還圓明園○詣

安佑宮行禮○壬戌諭內閣現在翰林院應行保送御史該衙門多係新科人員其歷俸三年以上合例應保者人數無多著將從前曾經保送未經記名各員照京察一等續行引見之例帶領引見○又諭劉鳳誥於代辦監臨時入場舞弊一案前已降旨將伊革職拏問解京矣監臨入場專司查察弊竇如果士

子有串通吏胥聯號等弊方當按律嚴懲以肅場規今劉鳳誥聽受人情轉為應試生員徐步鰲印用聯號是以防弊之人首先作弊實屬事所罕見伊蒙

皇考高宗純皇帝賞拔深恩由編修超擢學士朕復加恩洊擢侍郎並特加宮保銜乃不知謹慎飭躬力圖報効竟敢玩法舞弊其罪甚重托津等於按律擬流之外請發伊犁所擬尚輕劉鳳誥俟拏解到京時著交大學士尚

書會同刑部再行審訊定擬具奏至阮元亦由編修於乾隆年間蒙

皇考高宗純皇帝知遇厚恩起列卿貳朕親政後復擢用巡撫畀以封疆重任前後十年渥荷恩施上年伊因巡查海口不能兼辦科場所有監臨事宜即應照例奏交藩司代辦伊寧不知鄉試士子係由學政錄送入闈劉鳳誥本當避嫌何以輒將監臨之事交伊代辦此一節阮元已屬非是至伊與劉鳳誥本屬

同年如果劉鳳誥在場舞弊阮元實在不知則其咎原不過失察即或伊知之而不肯舉發一經朕詢問及之尚能直陳無隱是雖有瞻徇之情尚不至蹈欺飾重咎乃朕於御史未經叅奏之前先有所聞即特降硃筆諭旨向其密加詢問而阮元覆奏之摺亦係親自繕寫乃並無一語確實轉稱劉鳳誥代辦監臨時場規從嚴一切風厲致招浮怨竟似伊於劉鳳誥之作弊妄為實在毫無聞見者迨

托津等到彼審實之後復向阮元詢及阮元始稱去年闈後即聞有監臨打監軍對聯未經奏聞等語是直佯為不知有心徇隱不但不叅奏於先而於降旨密詢之時猶欲撓拾浮詞巧為搪塞明係袒庇同年阮元止知友誼罔顧君恩輕重倒置不可不嚴行懲處即著照部議革職其充當提調監試於監臨舞弊不能覺察舉發之道員舒慶雲知府任澤和均照部議降二級調用不准抵銷○旌表

守正被戕河南上蔡縣民張有妻范氏四川敘永廳民吳光祖妻廖氏名山縣民辛萬品妻李氏○癸亥

上御勤政殿聽政○諭內閣張師誠奏洋盜悔罪投誠一摺盜匪王諒率同夥匪將所用船隻礮械一併呈繳其投誠之意較為真切自應准其投首所有王諒等一起人犯均加恩免其治罪即照從前張治投首之案分別辦理其隨同出洋緝捕之精壯盜夥同王諒三十名如果捕盜出力另行酌量鼓勵若有玩違即行嚴辦其餘並遞籍安插毋任出外滋事○諭軍機大臣等張師誠奏途次接到臺灣鎮續稟並各處探報臺地情形一摺此事張師誠奏報三次皆憑武隆阿張志緒稟報而該鎮道迄無奏報之摺殊為可詫臺灣鎮道均有奏事之責尋常遇有命盜重案緝獲洋匪以及年歲收成光景皆經具摺奏聞況如此械鬪鉅案又有匪徒糾眾焚搶前後已

數月之久其關繫地方者甚重何以轉不奏報且伊等既向內地請兵寧不知督撫必據以入奏乃竟不自行奏明尤非情理著該督撫將武隆阿張志緒傳旨申飭並著詳悉查明是否該鎮道節次奏報之摺另由別船放洋途間有遺失等事若係該鎮道竟不發摺即行據實查叅速奏至本日張師誠摺內所敘自嘉義下笱冬以南至郡城一帶地方均已寧靜惟東螺等處尚有械鬪及匪徒等在彼出沒而許文謨等兵船業已配渡前往看來情形較前稍定方維甸到廈門後一切惟當察看機宜妥為辦理並隨時迅速具奏將此諭令知之○以國子監祭酒佛住為詹事府詹事翰林院侍讀學士周系英為太常寺卿李宗瀚為太僕寺卿仍留湖南學政任○以陝西陝安道何銑為江西按察使○乙丑

上幸靜明園詣

龍神廟拈香○幸靜宜園○調吉林副都統

祿成仍為熊岳副都統新授熊岳副都統圖瓦尚阿為吉林副都統○是日駐蹕靜宜園至丁卯皆如之○丙寅賞湖南等省戊辰科鄉試年老諸生劉嵩年等三十七名舉人副榜有差○命五城於冬春二季設廠煮賑○丁卯諭內閣單幅昌依擬應斬著監候歸入本年情重辦理其已革知縣顧淮因與單幅昌世好借銀五百兩並非因單幅昌侵冒賑銀知情索借且其還銀在本案未經發覺之先自無通同侵冒情弊著加恩開復原官免其查抄家產惟該員究不應於監賑之時向單幅昌私情挪借仍交部照例議處至獲鹿縣知縣彭嘉恕於押解賑銀到時單幅昌曾送銀一百兩該員能堅辭不受其餘各委員單幅昌亦因此均不餽送彭嘉恕尚為廉謹著加恩以應升之缺升用以示獎勵○刑部奏浙江鄉試舞弊之徐步鰲等先行分別定擬一摺得旨此案劉鳳誥身為監臨聯號舞

弊雖訊無受賄得贓情事但嚴廷燮為徐步鰲關說時曾有事後報恩之語如果倣倖中式自必盡情酬謝則劉鳳誥等獲罪尤重此案總由徐步鰲起意舞弊嚴廷燮玩法請託所致該部將伊二人議以近邊充軍尚不足以示儆徐步鰲嚴廷燮均著改發邊遠充軍餘依議○戊辰

上詣

大高殿行禮○還宮○己巳諭內閣張鵬展奏

民風士習吏治相為表裏其要在首正人心並請令翰林科道日進經義奏議一摺所奏固係經生家言惟意欲務實而轉無實際又據所引董仲舒之語正朝廷以正百官正百官以正萬民是欲厚風俗飭官方端自上始朕每日恭閱

先朝實錄誠以

列聖修齊治平之道無不備載典型儀式夙夜寅承即萬幾之暇披覽者亦皆經史諸書鑒

觀得失以期有裨治化近日御製尚書五十八篇詩章用闡帝王危微精一之奧古來心法治法孰有過於此者若使翰林科道日進講義其所撰述不過摭拾陳言敷衍入告無論二典三謨莫能窺其涯涘即賈董諸儒論說亦萬不能跂及設敷奏可觀而能言者又未必能行況所敷陳又未必盡出己手若就此獎其學識加以甄拔恐亦未能遽得真材行之日久又生弊端仍復視為具文於事毫

無裨益又豈務實之道乎總之一切政務要在實心經理賞罰勸懲悉衷至當非僅語言文字所能訓化即如本年王仲漢冒賑謀毒一案於吏治人心大有關係即當徹底根究據實嚴懲俾天下臣民共知儆惕至於士習文風屢經飭諭崇實黜華以明經為務以敦行為本有衡文課士之責者果能凜遵勿懈整飭有方自可漸次轉移蒸蒸日上不料又有劉鳳誥之案朕深愧不知人耳其各省民

風尤在封疆大吏督率地方官隨時隨事旌善瘡惡去偽還淳庶無負朕端本善則至意若惟朕日矢敬勤而內外臣工不能實力奉行即使翰詹科道日進經義連篇累牘究屬紙上空談亦豈能遂臻上理乎張鵬展所言近於迂拘於政體未能通達特將朕敦崇實政不尚虛文之處通諭知之○又諭松筠奏秦官領缺曠草乾銀兩營員一摺據稱前護甘州提屬參將楊殿弼於該營缺曠應行扣

存草乾銀兩竟敢捏情冒領自應徹底嚴究楊殿弼即著革職拏問提督百祥藩司蔡廷衡均著一併解任交松筠提集案內應訊人證嚴審定擬具奏所有甘州提督事務著照所請即以特依順保署理甘肅藩司印務即以臬司陳祁署理臬司印務即以西寧道慶岐署理暫緩來京引見○又諭張師誠等奏殲除海洋積年首逆蔡牽將逆船二百餘犯全數擊沈落海並生擒助惡各夥黨一摺覽

奏欣慰之至。洋盜蔡牽一犯原係閩省平民。在洋面肆逆十有餘年。往來閩浙粵三省。擾害商旅。抗拒官兵。甚至謀占臺灣。率眾攻城。偽稱王號。不特商民受其荼毒。官兵多被傷亡。並戕及提鎮大員。實屬罪大惡極。該逆一日不除。海洋一日不靖。節經降旨諭令該督等嚴禁接濟。鼓勵舟師。速擒巨慝。茲據張師誠奏稱。王得祿接到咨會。南洋尚有蔡牽匪船。王得祿即與邱良功連船南下。於十七日

黎明駛至魚山外洋。見蔡逆匪船十餘隻。在彼起駛。當即督催閩浙兩省舟師。專注蔡逆本船。併力攻擊。該逆復敢用大礮扎住邱良功之船。拚命抗拒。邱良功被賊槍戳傷。其時王得祿緊攏盜船奮擊。該匪因不得鉛丸接濟。用番銀作為礮子。點放。王得祿身被礮傷。仍喝令千總吳興邦等連拋火斗火礮。燒壞逆船舵邊尾樓。王得祿復用本身坐船將該逆船後舵衝斷。該逆同伊妻並船內夥眾登

時落海沈沒。提訊撈獲匪犯十九名。並難民六名。均供稱蔡逆手足俱被火藥燒傷。落海淹斃。是蔡逆受傷落海。已據所獲賊夥難民供指確鑿。毫無疑義。王得祿邱良功協力奮追殲除首惡。均屬可嘉。而王得祿額角手腕各受重傷。仍復奮不顧身。趕攏賊船追剿。致該逆登時落海。厥功尤偉。王得祿著加恩晉封子爵。並賞給雙眼花翎。邱良功左腿受傷。本船被賊艘挫壞。不能前進。勞績稍遜。邱良

功著加恩晉封男爵。至該逆用番銀作為礮子。可見鉛丸已屬罄盡。總由阿林保張師誠年來於各海口巡防嚴密。使一切火藥米石概行杜絕。不得稍有透漏。該逆乃日益窮蹙。立行殲滅。辦理實屬認真。總督阿林保巡撫張師誠均著交部從優議敘。以示嘉獎。至數年以來修鑄船隻。礮械籌備口糧。並防守口岸。杜絕接濟之大小文武各員弁著交新任總督方維甸會同張師誠秉公確查分別具

奏候朕施恩其蔡牽義子小仁與逆夥矮牛並著嚴拏務獲以淨根株將此通諭中外知之○諭軍機大臣等據張師誠奏殲除蔡逆一摺已明降諭旨將該督撫提鎮等分別優敘矣至另片奏朱渥幫船竄往臺灣大雞籠外洋現飭許松年等就近相機勦辦等語朱渥匪船總在外洋遊奕其無意投首已屬顯然祖之望來京祝嘏經朕召見詢以朱渥近日情形據奏聞得朱渥意在投誠但欲先行

奏明賞給翎頂仍率領夥眾幫船在外洋駕駛惟不敢抗拒官兵等語是朱渥居心叵測尤為狂謬可惡試思緝盜原以安民今該逆黨夥既不肯全行解散停泊外洋又將何以謀食其勢仍不能不劫擄商賈船隻此時為暫緩官兵之計况欲藉此妄邀翎頂尤無是理從前該督撫等何以未將此等情節據實具奏刻下蔡逆業已殄除該匪聞風喪膽正當乘此機會勉勵將士上緊勦捕不難一鼓

殲擒方維甸張師誠萬勿再為簧惑也將此諭令知之○以殲除洋匪蔡牽出力賞還叅將銜護理總兵官孫大剛總兵銜並賞花翎賞通判查廷華遊擊陳寶貴守備楊康寧李增階花翎餘升擢有差並賞閩省兵丁一月錢糧浙省兵丁半月錢糧○緩徵山東德州並德州衛積水地畝新舊額賦漕糧○庚午祭

歷代帝王廟

上親詣行禮○幸圓明園○以兵部左侍郎邵自昌知武舉都察院左都御史周興岱為武會試正考官刑部左侍郎朱理為副考官○辛未諭內閣朕因本年五旬萬壽錫類推恩曾飭查弘字輩現有幾人係何官職茲據查明僅有五人允宜量予恩施用昭敦敘貝子弘謙著加貝勒銜江寧將軍弘康著加輔國公銜頭等侍衛弘善著加輔國將軍銜四品宗室弘亮著加封奉國將軍弘旰現無職銜

著加恩賞給奉恩將軍准其隨班入朝以示睦族展親至意○賑直隸安新安雄任邱高陽五州縣被水災民緩徵霸大城固安永清東安寶坻安肅肅寧獻天津青靜海大名南樂清豐萬全任寧晉張家口香河文安保定涿良鄉清苑新城灤樂亭滄龍門三十廳州縣水災電災新舊額賦○壬申月食○遣官祭

都城隍之神○諭內閣百齡奏粵省鹽船請

酌改陸運並查明程途運費均無窒礙各商民亦俱踴躍樂從請先行試辦一摺粵東引鹽其在省河配運者向由外海運至省河候配本無不便近年以來洋氛未靖凡運鹽之紅單船隻涉歷外洋其中不肖船戶或竟私帶水米濟匪獲利現在各海口正當嚴密巡防之際則鹽船出海自應通盤算計酌定章程茲既據該督查明各場引鹽改由陸路輸運一切腳費程途尚無窒礙商民均踴躍樂

從而沿海窮民亦得以營趁挑鹽藉資生計著即照所請行如試辦一二年陸運不致稽遲商民均屬便利竟可永遠遵行○諭軍機大臣等百齡等奏近日粵洋防堵賊匪及巡員獲盜各情形百齡自抵粵以來於捕盜接濟等事辦理尚為認真現在酌改由陸運鹽章程已依議行矣洋面盜蹤一時豈能盡絕然果能嚴斷接濟亦必立有成效即如閩省洋面年來杜絕匪徒接濟最為嚴密本月十

二日張師誠馳奏殲斃盜首蔡牽該匪於舟師追捕時因無鉛丸用番銀作為礮子勢極窮蹙立行殲滅可見各海口於一切火藥等項不稍透漏則該匪立形窘乏即無所施其伎倆今粵省拏獲接濟匪犯案內蕭式爵一犯販賣西瓜偷運出洋擬發黑龍江為奴辦理亦屬從嚴瓜果等物原非例禁今因偷運出洋售與盜匪該督等定擬即重治其罪自不得不如此懲創但小民愚昧祇知販物謀

生焉知厲禁不獨市賣瓜果視為泛常即米糧火藥惟圖目前獲利寧復計及濟匪遂干重戾又如商漁等船出洋攜帶食米貨物遇有盜船或被其劫掠或聽其打單皆為盜匪取資如能使少出一船即盜匪少獲一利該督等惟當剴切曉諭仍為之代謀生計使伊等在內地有可資生自不致輕罹法網並可免貧民失業滋事總在該督等通盤籌畫計及萬全方為妥善又另片奏請將溫州鎮李

光顯調補左翼鎮總兵一節浙江洋面亦屬緊要況係總兵大員未便據奏更調所有左翼鎮總兵員缺仍著該督將熟悉水師在洋出力人員專摺保奏候朕降旨將此傳諭知之○癸酉諭內閣賽沖阿朱勲奏新墾馬廠餘地未能一律成熟酌免租銀一摺民人租種馬廠地畝自應照例納租今據查明未墾地三頃九十四畝及坐落盤屋縣地三十頃俱係新淤嫩灘所出青苗均多瘦弱即少有

收成亦不足償其工本若一律徵租佃戶未免拮据著照所請將新墾未經成熟之馬廠餘地應徵本年上半年租銀五百兩及下半年租銀一百六十九兩零著加恩豁免但此項佃種租銀原為解交西安滿營以充公用今馬廠餘地並非水旱歉收實因地土磽瘠所產薄弱若年年不能成熟租銀無著豈不於公帑有虧著該護撫飭屬另為履勘擇肥饒之地招佃墾種俾屢獲豐收以資公用○

又諭本年係停止勾決之年刑部將雲南貴州廣西廣東福建等五省秋審情重各犯照例摘敘案由分別開單具奏朕詳加披覽官犯內朱廷傑一犯伊在巡檢任內擅受票差弓兵將邱萇裔管押伊妻兄吳元清前往探望該犯遂起意索詐銀二十兩方准保釋邱萇裔因無現銀吳元清寫立銀票訂期交收該犯令葉升持票取銀以致邱萇裔之妻吳氏慮及伊夫獨力難償投繯殞命該犯擅受

濫押索詐釀命法無可貸著照所擬即行正法至常犯內情節尤重之王貴勾受元蔣四姆豬姚啟隆陳阿勞邱亞二李阿豬鄭阿丑曾亞七林士旭黃亞倫吳亞二十二犯或係蠱役嚇詐斃命或聽從誣搶逼斃多命或因姦逞忿故殺或謀命加功或賭匪逞兇連斃二命或竊匪拒殺事主等罪覈其情節法無可寬俱著照所擬即行正法其另單內情重常犯劉輞周羅毛三二犯均係逞兇刃斃二

命情罪較重亦俱著即行正法其餘官常各犯俱著牢固監禁○甲戌兵部以武會試中額請得旨漢軍取中四名奉天取中一名直隸取中八名陝甘取中五名廣東取中六名河南取中三名山東取中五名江蘇取中二名安徽取中二名山西取中二名湖北取中二名湖南取中一名四川取中三名廣西取中一名福建取中二名浙江取中三名江西取中二名雲南取中二名貴州取中二名○

旌表守正捐軀江西新建縣民楊謙呈妻戴氏○乙亥

上以五旬萬壽慶節御同樂園賜皇子及王公大臣蒙古王貝勒貝子公額駙四川土司等食至癸未皆如之○諭內閣前因慶惠出差騷擾驛站一案沿途各州縣或致送站規銀兩或給與輻夫飯錢均屬濫應是以降旨交該督撫等查明交部分別議處經部議以實降實革本屬咎所應得惟此案人數較多且

其中不無勞績素著及治行可觀者未忍令其廢滯向隔現當萬壽屆期覃敷閭澤著加恩交吏部查明此案內山西陝西四川三省各州縣等員其本係革職者均著改為革職留任其本係降一級調用者均著改為降二級留任其本係降二級調用者均著改為降三級留任又山東英綸索取站規案內降革各員事同一例亦著照此辦理並著該督撫查明各該員內有未經離任者即著毋庸離

任其業經離任者即留於該省遇有相當之缺即予補用所有降革留任處分均著帶於新任再此內如有軍功勞績曾經賞戴翎枝及加賞升銜頂帶者均著加恩仍准戴用以示朕有過施恩至意○諭軍機大臣等恩長奏稱豫省界連湖北之處有紅鬍子白撞手其與安徽山東接壤處又有拽刀會名目此等匪徒自應嚴拏按律懲辦以靖閭閻惟胥吏藉端訛詐及平民挾仇誣扳均所不免若

不詳加分析轉恐別滋事端向來地方大吏因循不辦未必不由乎此恩長務當督飭所屬認真查辦不可稍存姑息之見如有率意妄拏及仇扳等事亦應嚴辦示懲將此諭令知之○丙子諭內閣納爾松阿奏伊之眷屬可否暫留烏什任所請旨一摺新疆辦事大臣應否攜眷向有定例如塔爾巴哈台領隊大臣喀什噶爾葉爾羌幫辦事大臣烏什庫車和闐哈密辦事大臣英吉沙爾領隊大臣

向無攜眷之例納爾松阿補授烏什辦事大臣後即當照例令眷屬回京若謂路途遙遠無人照料則伊從前在伊犁如何攜往除所請不准行外仍著申飭○又諭據那彥成奏覆行查出照數呈繳槍奪瓦罕人口牲畜之布魯特畢依伊曼等請旨獎賞等語前因布魯特等槍奪瓦罕人口牲畜不待索取即照數呈出尚屬恭順除布魯特畢依等業經加恩毋庸置議外所有現在查出之奈曼部落

布魯特畢依伊曼阿哈拉克齊瑪木伯特等著加恩各賞小卷綉一匹其隨同呈出槍奪物件之布魯特等亦著酌量賞給羊麪以示鼓勵○諭軍機大臣等張師誠奏過臺兵船被風頂阻並臺地近日情形一摺臺灣械鬪起釁緣由總未得有確實而鎮道等又迄無奏報之摺疊經降旨令方維甸詳查辦理此次張師誠所奏閱之仍未明晰情形亦多歧異如據各船戶所供及鹿港廳營來稟則八

月二十日以前彰化屬一帶猶復械鬪不休甚至搶劫滋事燒燬房屋道路不通其滋擾情形甚為可恨而據武隆阿所稟則稱與張志緒查拏匪徒料理歸莊安業之民已就寧帖似此稟報互殊恐地方官不無化大為小心存諱匿現在該處船戶帶來行信有云漳泉莊民欲於八月二十八日兩造會面息鬪各歸各莊之言此等傳聞之詞難以盡信即使該處莊民果皆具呈息鬪亦無任其忽鬪

忽息官不過問之理必須將起釁為首之犯嚴行懲辦方為得體方維甸到彼酌看情形如該處尚無寧靜確音竟當親自渡臺督率妥辦並將該鎮道因何不行具奏之處查明叅奏張師誠即在廈門料理接濟此時蔡逆已經殲斃朱渥夥匪又經竄往粵洋自廈門至臺灣一路較為平靜方維甸儘可放心東渡其頭二起渡臺官兵尚在蚶江一帶如臺灣必須兵力並著方維甸酌量帶往以資彈

壓仍將現在如何酌辦情形迅即具奏將此傳諭知之舉行嘉慶十三年大計廣東卓異官十三員年老官七員有疾官三員罷軟官一員才力不及官四員浮躁官一員雲南卓異官九員年老官四員有疾官一員罷軟官一員才力不及官二員不謹官一員分別議敘處分如例以

五旬萬壽普賞八旗及內務府三旗兵丁半月錢糧丁丑以

五旬萬壽加恩內外一二品文武大臣凡降革留任處分在五案以內者開復一案十案以內者開復兩案過此按數遞加並晉封尚書明亮三等伯賞還尚書鄒炳泰總督溫承惠松筠百齡一品頂帶漕運總督馬慧裕布政使方受疇二品頂帶將軍晉昌雙眼花翎戊寅改陝西秦州營歸固原提督徑轄鞏昌營歸河州鎮徑轄從總督松筠等請也庚辰諭內閣恭阿拉等奏請將由主事推升之

隆慶仍留太常寺以備唱贊一摺殊屬非是
隆慶現推升

裕陵員外郎該寺既稱唱贊尚不乏人何以必
欲將該員奏請留寺並請遇有各部院員外
郎缺出先行補用顯係為該員規避地步所
奏不准行仍傳旨申飭（辛巳諭內閣祿康
等奏據山東濟南府國子監學正銜姚萬清
等聯名呈請捐輸銀兩代原任濟南府知府
張鵬昇贖罪一摺張鵬昇前於濟南府任內

請動公項供應廣興旋即歸款前經審明定
讞革職遣戍實屬罪所應得該府紳士以張
鵬昇在任時惠政甚多且母老無子情願捐
銀代贖呈明該省巡撫未經批准所辦甚是
茲復來京赴步軍統領衙門呈懇代奏此事
不可行前次安徽懷遠等縣士民曾有代參
令沙琛籲懇繳銀贖罪之案沙琛獲罪之由
祇係因署霍邱縣任內承審重案不實尚屬
公罪且知縣職分較小尚可免其納贖予以

恩施張鵬昇以方面大員於濟南府任內請
動公項供應廣興其罪屬私非沙琛可比現
在遣戍吉林將來効力數年或可釋回亦當
恩出自上若據該紳士等懇請代為贖罪是
地方大員獲戾者皆得因士民籲請納錢免
罪此風斷不可開所有姚萬清等呈懇之處
著不准即飭令回籍（又諭百齡等奏審明
殺賊投首之被擄服役難民分別辦理一摺
李斗奉等因被盜匪馮亞祝等擄捉過船逼

脅服役李斗奉不甘從盜密與同船被擄之
古亞業等商同乘馮亞祝等酒醉殺斃割取
首級連盜船礮械火藥赴官投首均屬能知
大義李斗奉倡義糾眾立功投首尤屬可嘉
除該督等業已分別獎賞外均著照律免罪
所有在逃未獲之盜首等並著飭屬嚴緝究
辦（諭軍機大臣等初彭齡密奏一摺劉清
平日居官操守尚好而才具不甚開展朕早
有所聞是以此次未令護理撫篆但既不能

勝任藩司若調至他省亦係錢糧重寄又豈能辦理裕如且伊並無貽誤之處亦未便遽然徹退今初彭齡竟請將素納更補亦於政體未協至所稱成寧前在山西巡撫任內聲名平常縱容家人在外滋事一節自應徹底根究得有確據方能覈辦本日因初彭齡所奏山西省近年來竟有十餘州縣倉庫不能全完之語成寧現已到京當即召見詢以該處倉庫情形據稱各州縣俱係年清年款並無虧短此言即近於捏飾未可憑信著初彭齡密加查訪將成寧在彼如何聲名平常縱容家人在外滋事實據並倉庫係何州縣虧短據實由驛馳奏其時再將藩司更換亦不為遲將此密諭知之○又諭本日據武隆阿等奏拏獲械鬪案內乘機焚搶匪犯先行分別辦理一摺據稱四月十六日即風聞淡水地方有漳泉民人分類械鬪之事當即檄飭查辦係屬因姦起釁互相糾眾械鬪武隆阿

到彼止鬪之後淡屬地方尚屬安靜惟彰嘉兩邑匪徒竄逸出沒無常臺地兵役半係漳泉調派諸形掣肘是以稟請督撫即調內地別府大兵過臺會辦等語臺灣械鬪起釁緣由前以該鎮道久無奏報之摺疊經降旨諭令方維甸詳查辦理茲遲至數月始據該鎮道奏稱四月十六日即風聞淡水地方有漳泉民人糾眾械鬪彼時即當一面嚴查懲辦一面據實奏聞乃本日奏到兩摺一係七月二十日拜發一係八月十二日拜發即以該鎮道前摺覈計距其風聞之日已稽遲三月有餘恐該鎮道不免有化大為小心存諱匿情事臺地遠隔重洋此等械鬪重案必須及時嚴行懲辦以靖閭閻著方維甸確切查明其械鬪緣由究係因何起釁該鎮道何以奏報稽遲如查明該鎮道實有諱飾情弊並當據實參奏至該鎮道等所奏漳泉兵役不能得力必須請調內地兵丁會辦向例渡臺班

兵原為防禦而設若稍有不靖即須調內地兵丁豈班兵竟屬無用且班兵內未必盡係漳泉之人其因何不能得力必須調派內地別府兵丁過臺會辦之處並著方維甸酌看情形妥為辦理其續獲之林呈等二十三犯俟拏獲首從各犯質訊確情按律懲治將此諭令知之○以

五旬萬壽賞巴林郡王索特納木多爾濟親王銜賞還喀喇沁郡王滿珠巴咱爾親王銜○

賞已革巡撫陳淮六品頂帶孫玉庭阮元編修已革總兵官巴寧阿內務府主事富蘭藍翎侍衛已革提督仙鶴林守備已革工部侍郎慶惠拜唐阿○壬午賞已革總督長齡藍翎侍衛為科布多叅贊大臣○賞已革庫爾喀喇烏蘇領隊大臣齊布森六部主事○賞已革烏魯木齊都統色克通阿藍翎侍衛○癸未諭軍機大臣等綢武布奏俄囉斯固畢爾納托爾遣使齎書請於明年冬令冰凍時

在恰克圖地方來會講辦一切事宜一摺前俄囉斯汗懇請遣使進貢曾經庫倫辦事大臣蘊端多爾濟因來使不肯叩拜竟行斥回稍覺嚴厲是以來使即行回去今固畢爾納托爾復行差人齎書懇請和會看來此次俄囉斯汗或係尚欲遣使進貢著傳諭綢武布告知伊等此事已奏知大皇帝施恩准其來會即發給咨文但明年來會時若提及仍照前次遣使進貢亦不必過於拘泥斥駁若其

懇請之詞恭順即可據實陳奏准其所請諒俄囉斯人等來京斷無膽敢不行叩拜之禮屆時若與來使同來之人過多量加裁減尚屬可行除寄諭蘊端多爾濟外一併傳諭綢武布知之○又諭據方維甸奏接奉諭旨趕緊馳赴廈門查辦一摺方維甸在途次發摺時尚未悉臺灣近日情形同日又據張師誠奏接據臺地文稟各莊械鬪陸續解散大局將定一摺內稱據船戶帶回鹿港同知錢景

文來稟有九月初一日漳泉兩處莊民會面和議之語似兩造民人業經漸次解散現在頭二兩起官兵俱已渡臺南北兩路均可彈壓鎮定方維甸到廈門後著察看情形如可毋庸渡臺即不必前往至此紫起釁緣由據總兵林承昌所稟祇稱係黃紅之妻與蔡成通姦肇釁而武隆阿等所稟又有盜船追劫商船衆人持械保護以致漳人因疑出鬪之語因何與前稟不符並著查明具奏至該處

鎮道於臺地滋事情形遲延三月有餘直至七月初八月初始行發摺又不確切具奏恐有捏飾迴護及化大為小情事又該處彰化一帶兼被風蝗成災何以該鎮道不行奏及殊屬怠玩著查明奏（甲申）

孝慈高皇后忌辰遣官祭

福陵○

上幸萬壽山○賞四川明正宣慰司甲木叅沙克嘉花翎（乙酉）

上詣

大高殿行禮○還宮○朝鮮國使臣韓用龜等三人越南國使臣武楨等二十四人於西直門瞻觀○以孟冬時享

太廟自是日始齋戒三日○丙戌

孝敬憲皇后忌辰遣官祭

泰陵○諭內閣前曾降旨將各省軍流以下人犯加恩分別減等用昭矜宥因思永遠枷號及新疆遇赦不赦各犯刑部以例不查辦未

經奏請但本年朕五旬慶辰閏澤覃敷此項人犯自應一體查辦著刑部查明起數摘敘案由開單請旨候朕定奪○賞廣寧門外普濟堂煮賑小米三百石○丁亥命寬免王貝勒貝子公等降罰處分

大清仁宗受天興運敷化綏猷崇文經武孝恭
勤儉端敏英哲睿皇帝實錄卷之二百十八

實錄卷之二百十八

嘉慶十四年十月

清 實 錄 嘉慶十四年十月

大清仁宗受天興運敷化綏猷崇文經武孝恭
勤儉端敏英哲睿皇帝實錄卷之二百十九

嘉慶十四年己巳冬十月戊子朔享

太廟

上親詣行禮遣官祭

永陵

福陵

昭陵

昭陵

孝陵

孝陵

景陵

九四三

泰陵

泰東陵

裕陵 遣官祭

孝淑皇后陵寢 遣官祭

端慧皇太子園寢

上以萬壽節御寧壽宮賜王以下文武大臣蒙古王公及外藩使臣四川土司等食至壬辰皆如之。頒嘉慶十五年時憲書。撫卹琉球國遭風難夷如例。己丑以大學士董誥

等呈獻詩冊賞賚有差並授散館改用主事之聶銑敏為編修。調吉林副都統圖瓦尚阿為荊州右翼副都統荊州右翼副都統額勒琿為吉林副都統。庚寅諭內閣松筠奏查閱甘涼肅提鎮營伍一摺據稱初閱安西玉門營員演箭布靶過寬較射易中遂飭傳各營照依京營布靶成式改製等語各營布靶自有定制若過於高寬則弁兵等命中甚易又安能技藝精純松筠為整飭營伍起見

所辦甚是嗣後著各將軍督撫提鎮於所屬各營照依京營布靶一體製辦隨時演習如再有擅用高寬布靶者著查明奏照違制例議處。諭軍機大臣等方維甸等奏臺灣地方漸就安帖一摺現在臺灣械鬪既已解散地方自就寧謐其起意要犯雖指出黃紅蔡成等名現尚逃逸未獲且恐為首者不止此數許文謨帶兵已先後到臺務須查明糾眾為首要犯全行拏獲即將要犯解赴廈門交方維甸等審明辦理其餘即在臺灣正法俾愚民共知儆惕再前此該鎮道所奏漳泉兵役不能得力必須調請內地兵丁會辦是配渡班兵竟成虛設著方維甸遵照前旨妥為籌辦其泉人護泉漳人護漳積習如何剔除該處班兵如何酌派妥議章程以期經久無弊將此諭令知之。辛卯越南國王阮福映遣使來賀萬壽並進貢方物賞賚筵宴如例。壬辰

上詣	壽皇殿行禮 癸巳	萬壽節遣官祭	太廟後殿 遣官祭	福陵	昭陵	昭西陵	孝陵	孝東陵	景陵	泰陵	泰東陵	裕陵 遣官祭	孝淑皇后陵寢 遣官祭	顯佑宮	東嶽廟	城隍廟	上詣
----	----------	--------	----------	----	----	-----	----	-----	----	----	-----	--------	------------	-----	-----	-----	----

奉先殿行禮 御太和殿王以下文武大臣官員蒙古王公外藩使臣四川土司等行慶賀禮作樂宣表如儀 御寧壽宮賜皇子及王以下文武大臣蒙古王公外藩使臣四川土司等食 御乾清宮賜皇后及皇子等宴 甲午	上詣	大高殿行禮 幸圓明園 詣	安佑宮行禮 御同樂園賜皇子及王以下文武大臣蒙古王公外藩使臣四川土司等食 乙未諭軍機大臣等陳鳳翔奏微山湖水勢短缺請導引江境蘇家山開黃水以濟運行一摺據稱微山湖水深祇六尺九寸五分此後難期增長來歲重運經臨難資浮送惟江南蘇家山閘向為減洩黃水而設若於水線河抽溝引至毛村河導入微湖足資儲蓄等語微山湖水僅存六尺數寸來歲重運經行不敷接濟關繫緊要但所
--	----	--------------	---

議啟放蘇家山閘。仍係以黃濟運。雖冬令水落沙輕。不致淤墊。然導引黃流。究非善策。萬一湖底漸有淤墊。是目前之獲益無多。而將來之流弊滋甚。自宜倍加詳慎。著吳璥徐端會同陳鳳翔前往履勘。悉心講求。務令東境蓄水充盈於來年重運。不虞淺阻。而湖底仍不致稍有淤墊。方為妥善。將此各諭知之。

丙申

上御正大光明殿。賜皇子及王以下文武大臣

蒙古王公外藩使臣四川土司等宴。並賞賚有差。丁酉

皇后千秋節。宮內行禮如儀。停止筵宴。及在外公主福晉命婦行禮。戊戌。諭軍機大臣等。初彭齡奏。山西省虧空一摺。山西州縣倉庫從前已彌補完全。地方官徵解錢糧。從無掛欠。何以近年來流弊復滋。又有虧缺。即如平魯一縣。現據初彭齡奏。降調知縣王敏樹虧欠採買穀價五千餘兩。交代已逾定限。尚不

完交。並據初彭齡訪問。係因成寧閱邊時。經過平魯左雲等縣。所用車馬稍多。是以王敏樹及降調左雲縣孫燿藉口。辦差賠累等語。本省巡撫閱邊往來。係屬常有之事。何至供億繁多。地方官挪用公項。虧缺至五千餘兩。其情節是否屬實。現已明降諭旨。將該二員革職嚴訊。著初彭齡向其根究。此項辦差銀兩。是否於備辦車馬之外。另行餽送成寧。抑係成寧家人向其需索。該革員等有無別項

挪用。借此開銷情事。其平陽潞安等屬。現在均有虧短。看來通省虧缺尚多。未必止十餘州縣。初彭齡現已分別確查。著於查明後。據實奏聞。候旨辦理。將此諭令知之。○緩徵兩淮板浦中正臨興三場被水竈戶新舊折價銀。己亥

上詣

安佑宮行禮。諭軍機大臣等。方維甸奏淡水等處械鬪止息。及同日許文謨奏報到臺日

期各摺淡水嘉義近海大路一帶地方現已寧靜其彰化近山處所尚有翁仔社粵民藉端生釁是一隅復闢官兵往捕自必易於解散惟起意糾眾滋事要犯總須飭令嚴拏從重懲辦俾愚民知所警惕該處民情强悍每因細故動輒械鬪此時聞大兵已到畏懼潛逃誠恐散而復聚許文謨既已帶兵到臺即著在彼多駐幾時藉資彈壓俟地方全行寧謐方可內渡至朱渥意欲投誠一事傳言已

久該逆不過藉為緩兵之計鬼蜮伎倆未可深信其小仁等匪船尚在洋遊奕乘間劫掠著方維甸咨催邱良功並督飭各鎮將率領舟師上緊圍捕遇賊即勦總期淨絕根株以靖海洋將此傳諭知之○庚子

上詣

大高殿

壽皇殿行禮○還宮諭軍機大臣等汪志伊覆奏訪查漕務積弊並嚴定稽查章程一摺

據稱漕米未經兌船之先責成州縣既兌之後責成弁兵等語此係定例如此自應遵照辦理湖北有漕各屬共三十四州縣計兌運北漕者實止二十一州縣共米一十五萬一千一百四十二石零為數無多較他省稽查更易為力該督惟當嚴飭各州縣於收漕時務須一律純潔兌交好米則該丁等自無所藉詞勒索其餘盜賣攬和等事尤當嚴密稽查有犯必懲以除積弊所有立定各章程即

著照該督所議辦理飭屬一體遵循勿任稍有疏懈為要將此諭令知之○賑福建臺灣鳳山嘉義彰化四縣被蝗災民並給械鬪被搶貧民口糧辛丑諭內閣刑部奏將伊犁烏魯木齊遣徒官犯並直隸安徽湖南陝甘兩廣貴州等省遣流徒罪官犯分別開單進呈將應否減等請旨一摺朕詳覈案由伊犁發遣官犯內托克通武一名係因同班侍衛與之頑笑刻薄在朝房內氣忿自抹曹守仁

一名係因海霧迷漫以致礮臺失守盧得勝
李茂揚二名亦因海霧觀望不清未經放礮
擊賊劉欽華一名將私投會匪之兵丁親自
擒獲惟先事失於約束高大成一名係因瘋
病妄書詔旨慶雲一名係私去頂帶遊蕩幫
人毆打胡圖里一名係向武童索取謝師銀
兩并向借貸幅隆阿一名係因支放兵丁口
糧耽延時日舒海一名係斂湊衆兵餉銀賠
補官糧葉上進一名係因查拏匪犯探報不

實貢楚克一名係因補給草廠地畝一事被
書吏等撞騙噶拉木扎布一名亦因議辦土
默特蒙古事宜被書吏撞騙王銜王淦二名
係因伊父王盛清虛解錢糧案內發往伊父
業已正法張惠一名係因伊父張麟書虛解
錢糧案內發往伊父亦已正法馬愾泰一名
係將應行散給屬員銀兩私自借用限內全
完惟未能阻止屬員私借官銀德安一名係
將宮報交馬夫接遞未經親自背負以上十

八犯情節較輕著加恩俱准減等其餘不准
減等烏魯木齊發遣官犯內伊誠一名於被
毆落河之屍身業經驗明止於緝犯不力李
漢升一名於查拏匪犯逃逸未獲究曾帶兵
親往德成一名欲為船戶包免官差旋即畏
懼中止未經得錢馬文瀚一名於差役斃命
改為民人詳報常興木特布二名於領催阿
林保糾衆吵鬧自行劃傷彼此懷疑互稟旋
皆各自寢息盧家元一名揭告不實陳錦章

一名誤信監犯之言妄稟翻案並無授意教
供情事石鈞王布武二名因該管兵丁毆人
致斃不知例無處分私向書吏打點劉英魁
一名係將公費銀兩私借弁兵彭祖樑一名
係因銅廠衰竭不即詳請封閉貽誤缺銅德
敏一名係承辦吉地工程辦不如式常英一
名係私借工頭銀兩不行歸還又徒罪官犯
內馬能一名控告該管守備重罪屬實惟又
添砌虛誣漆振邦一名係疏縱監犯限滿無

獲以上十六犯情節較輕著加恩准其分別減等其餘不准減等又直隸等省遣流徒罪官犯並在配已逾十年官犯內張廷宿一名係隨征患病落後尚非無故逗遛魚洪春一名因喝令兵丁將窩賊之犯拷打致斃然死者究係罪人王廷楷一名係因疏脫監犯限滿無獲以上三犯情節較輕著加恩准其減等其餘不准減等至此外有山東減徒官犯宋槐三名該部尚未查辦請旨飭行來京

同廢員接駕現據刑部另片具奏是否係該省誤照常犯免徒之例先行釋放抑係該官犯潛自來京著將該官犯傳案取保交山東巡撫查明具奏辦理尋奏宋槐三因署樂安縣知縣喻文鑒誤照常犯免徒例釋放致令來京應將喻文鑒交部議處官犯宋槐三仍俟刑部查辦下部知之○以

五旬萬壽祝嘏廢員已革侍郎蔣予蒲編修已革巡撫張誠基主事已革散秩大臣壽喜

已革提督吉蘭泰藍翎侍衛已革總兵官官信舒當阿驍騎校已革總兵官雷仁千總○壬寅試中式武舉石寶慶等五十七名於太和殿前諭內閣前曾屢降諭旨令部院衙門遇有應奏事件隨時呈遞無稍延擱乃本日六部各衙門俱未奏事除刑部昨日甫奏新疆等處減等官犯外其餘五部豈竟無一應奏事務此皆由大臣等相率觀望揣摩意在仰體朕躬殊不知有曠闕之日必有積壓

之事勢必一日之內六曹奏牘紛至沓來朕披覽固不憚煩然伊等任意延擱以至叢冗亦豈得謂之仰體耶且伊等因從前有傳膳地方勿貪安逸俱照常遞事之諭近來每遇臨幸拜廟必有陳奏之事而於尋常宮內辦事轉復怠於趨公殊非敬事之道茲再行申諭六部大臣於所辦事務應奏者隨時入奏應引見者隨時帶領既於繁簡得宜亦不致有壅積沈擱之弊若仍前互相探聽徇於錮

習必當究治不貸○又諭松筠奏審明遊擊楊殿弼冒領缺曠馬乾請將提督百祥藩司蔡廷衡等革職一摺此項冒領缺曠馬乾數逾萬兩蔡廷衡身為藩司屢護督篆當時並未嚴行審辦難保無徇情受賄等弊著革職交該督提同案內應訊人證嚴訊確情定擬具奏至百祥身為提督於楊殿弼冒領馬乾雖由不識漢字所致然於所領銀內聽從楊殿弼以二千五百兩歸入提署公庫抑補番

案墊款是否與楊殿弼商同舞弊且尚有革兵康松呈控遊擊成宗武等變賣牧廠馬匹之事均應徹底根究提督百祥並遊擊成宗武守備王興均著一併革職歸案訊辦○又諭松筠奏虛捏重災冒請撫卹之縣令一摺據稱署固原州知州隆德縣知縣呂榮同委員試用知縣續炳南聯銜稟報該州東北二鄉所屬五千六百五十七村莊秋禾被水被霜被雹成災七八分不等經該督確訪該

州東北二鄉被霜情形較輕止應奏請緩徵冬春照例接濟籽種口糧等語是該署州以成災較輕之區竟敢捏報重災希冀冒領多銀實出情理之外呂榮著革職交該督提同試用知縣續炳南嚴訊確情定擬具奏所有本年應行勘辦之秋道阜蘭等七州縣並固原東北二鄉等處番東南五村著照所請將應徵新舊正借銀糧草束加恩緩至來年徵收並於冬春酌借籽種口糧以資接濟○以甘

肅按察使陳祁為布政使湖北荆宜施道陳桂生為甘肅按察使○以湖南綏靖鎮總兵官魁保為甘肅提督命喀什噶爾幫辦大臣成林伊犁領隊大臣色爾袞回京調喀喇沙爾辦事大臣哈豐阿為喀什噶爾幫辦大臣以藍翎侍衛色克通阿為喀喇沙爾辦事大臣賞三等侍衛吹扎布二等侍衛為伊犁領隊大臣○癸卯諭內閣吳璥慶保奏查明安東縣被水成災並江寧等府州各屬水旱

歉收情形一摺。朕視民如傷。一聞地方荒歉。救災拯飢。惟恐弗及。本年雖有王伸漢等冒賑之員。發覺破案。朕豈肯因貪吏數人。遂靳恩膏。惟頒帑發粟。以拯災戶之阡危。非以填貪夫之慾壑。恐蠹吏奸胥。錮習不除。侵贖如故。若非責成地方大員。認真經理。何由實惠及民。該督撫等。惟當實力稽查。埽除積弊。隨時嚴密督辦。設竟有侵冒之處。即當立予叅辦。勿稍姑息。庶官吏咸知凜畏。災區得溥恩施。

施以仰副朕軫念貧黎痼瘼在抱至意。○又諭刑部奏將吉林黑龍江造報發遣官犯等請旨減等發落一摺。朕詳加披閱。所有單內達清阿一名。衝突儀仗。妄行陳訴。實因疲證昏迷所致。並無別故。成寧一名。係包攬船戶免差。贓未入手。慶林豐林崇喜崇恩四名。係盛住子孫年齒俱幼。於盛住侵蝕工程銀兩。尚不知情。均著加恩准其減等發落。馬銓一名。係出言頂撞伊父。達那希里一名。係不聽

祖母訓斥。著該旗傳問伊等之祖母與父。如果情願將伊子孫領回。亦著加恩准其減等發落。其餘各犯。仍俟三年限滿再行請旨辦理。至伊寧太寶城二名。將伊曾祖伊桑阿墳樹砍伐售賣。其不孝之罪甚重。嗣後即再屆三年期滿。亦無庸奏明請旨。○調湖南提督蒲尚佐為甘肅提督。甘肅提督魁保為湖南提督。以湖南沅州協副將海麟為綏靖鎮總兵官。緩徵江蘇阜寧鹽城泰東臺江都

甘泉興化寶應銅山蕭瑯山清河桃源高郵邳宿遷海沐陽句容六合武進金壇二十二州縣水災新舊額賦。安東縣減則田地秋季額賦。並賑安東山陽二縣被水貧民。○甲辰上詣

雍和宮行禮

宣仁廟

凝和廟

火神廟拈香 諭內閣劉鳳誥前蒙

皇考高宗純皇帝特達之知優加

簡擢朕親政後復由學士用至卿貳又因恭修皇考實錄錫以宮銜論其平日學問優長原可當大省校士之任乃不自檢束竟敢於代辦監臨時為應試生員徐步鏊印用聯號若徐步鏊一經中式則寅緣賄結當得何罪今劉鳳誥尚止聽囑徇情並無得贓實據大學士等擬以遣戍伊犁實屬罪所應得但伊犁路途雖遠而地方近成繁庶轉得在彼安處劉

鳳誥著改發黑龍江効力贖罪○又諭初彭齡奏審辦臨晉縣假裝銀鞘大概情形一摺此案經金應琦在藩司任內當堂劈兌遂致敗露當即詳明巡撫成寧成寧照詳批交查辦旋即調任陝西金應琦接巡撫印後即將藩司印篆交劉清接受迨初彭齡到晉署理撫篆於金應琦移交現辦緊要事件內查出此案面詢劉清據稱如要叅奏可否將錢文甄塊情節刪去否則恐奉嚴旨便難辦理等

語此等假裝餉鞘之案非尋常案情可比既經破露該藩司為錢糧總匯即應徹底根究方為正辦乃竟向初彭齡稟請刪減情節意在袒護屬員計圖消弭即此一語已難勝任且才具本屬平庸劉清著交部嚴加議處即來京聽候部議布政司庫大使郭文照並著解任交初彭齡歸案質訊至金應琦現在患病未痊所有巡撫印務仍著初彭齡署理尋議上得旨劉清照議降四級以從四品京堂

補用諭軍機大臣等初彭齡奏審辦臨晉縣假裝銀鞘一案摺內稱金應琦本月初四日到貢院往拜口歪脣腫行動尚須扶掖忽於初七日下午後差人持送病愈銷假奏稿閱看等語金應琦病既未能全愈急欲銷假接印自因初彭齡到彼諸事認真不肯朦庇伊是以勉強支持意在接受印篆後初彭齡即可交代起程回京伊於地方事件遂得任意彌縫著初彭齡傳諭金應琦令其安心靜養

不必急於任事俟病體脫然再行奏請接篆其平日官聲辦事如何著初彭齡密為訪查具奏若一味瞻徇情面不顧公事亦難勝封疆重寄其王敏樹孫耀藉口成寧閱邊辦差賠累一案務遵節降諭旨徹底根究有無餽送成寧及伊家人需索情事是否該革員藉端開銷據實嚴叅至承辦臺工未及成分之革職停選知縣胡殿襄等所領銀兩是否有侵挪情弊並著嚴究所有五臺工程究竟現

有若干成數初彭齡於審案完竣赴彼查勘明確另行奏聞將此諭令知之○以奉差推諉革護軍統領副都統裕瑞職調鑲藍旗蒙古副都統常福為鑲紅旗滿洲副都統以前任伊犁領隊大臣色爾裘為鑲藍旗蒙古副都統鑲白旗滿洲副都統明志兼正藍旗護軍統領調安徽布政使素納為山西布政使以安徽按察使李奕嘯為布政使廬鳳道廣泰為按察使○緩徵江西南昌新建豐城

三縣窪地水災本年額賦及舊欠籽種 乙

上詣

昭顯廟拈香○御紫光閣閱中式武舉馬步射以正藍旗滿洲副都統福會為杭州將軍調鑲白旗漢軍副都統普恭為正藍旗滿洲副都統以散秩大臣成秀為鑲白旗漢軍副都統○撫卹朝鮮國遭風難夷如例○丙午

上詣

時應宮拈香 御紫光閣閱中式武舉技勇御乾清宮引見中式武舉親定甲乙丁未

上御太和殿傳臚賜殿試武舉一甲汪道誠積善張青雲三人武進士及第二甲趙龍田等六人武進士出身三甲寇紹萊等四十八人同武進士出身○禁革各衙門及沿途員弁吏役需索旗丁使費諭內閣馬履泰奏訪明

吏役需索旗丁使費確數一摺並開單呈覽所奏甚為詳細近年漕務之弊各督撫等皆以旗丁苦累需索州縣幫費為詞追究其苦累之由則惟稱旗丁等於提溜打閘以及沿途剝淺等事路費不敷勢難裁減而於此外概未論及今據馬履泰所奏則自巡撫藩司糧道總漕倉場等各衙門以及沿途文武各員書吏經紀人等內外共十九處每處需索使費或數百兩或數十兩皆有一定之數不能短少旗丁被逼追呼如同逋欠其苦累之處莫甚於此馬履泰所開之單自非出於臆造今就一幫五十船而論每年即需銀七千四百餘兩之多況船數尚不止於此旗丁力不能支自不得不於兌運之時向州縣橫索州縣計無所出遂不得不於開徵之日向百姓浮收弊源不清伊於何底該督撫等不先查辦及此徒以旗丁路費不足為言苦思調劑殊未得其要領此等陋規一日不革漕弊

一日不除關繫甚重著傳諭有漕各督撫暨總漕倉場等自本年新漕為始所有單開各衙門書吏以及委員經紀人等各項陋規俱著一概裁革無許需索並責成巡漕御史一體嚴查密訪如官吏等有不遵禁約私自勒索者著分別查拏究辦并准該旗丁指明首告如此禁革之後旗丁等費用大減沿途自可不致竭蹶如果此外提溜打閘剝淺等事比從前不無多費再行量加調劑旗丁等浮費既除運費又足無可藉口此後設仍向州縣橫索兄費不肯開行著該督撫立即嚴拏究辦所有馬履泰原摺原單著一併發抄俾各督撫總漕等按款周知逐一查辦儻或奉行不力仍任書吏等需索如前則是有意縱容故留積弊大負委任試思馬履泰既能臆陳獎款伊豈不能隨時訪查如續有叅奏或別經發覺朕惟該督撫總漕等是問將此通諭知之○以翰林院侍讀寶興充日講起居

注官右春坊右中允袁名曜署日講起居注官。除湖南茶陵州坍塌田六頃三十九畝額賦。緩徵湖南茶陵攸鄆澧四州縣水災新舊額賦。戊申諭內閣本年係停止勾決之年刑部續將奉天四川陝西湖廣等省官常情節尤重及情重各犯摘敘案由分別開單進呈。朕詳加披閱其情節尤重之官犯倭克吉訥受賄捏報故縱兇犯實屬枉法常犯謝廷金逞兇毆斃二命稅文吟故殺拒姦之婦曹廷瑞喝令攢毆致斃二命明學陞力斃二命潘通位連斃二命蔡遠任故殺二命羅萬映陳貴宗奪犯殺差張世學姦姦故殺二命王二娃聽從加功謀殺事主楊文甫力斃二命羅帽達拒捕刃斃差役二命曾倖糾竊拒捕一死二傷戴遇春護夥幫毆另傷一人何倖聽糾夥搶幫毆事主多傷蔣宗林竊匪護夥毆斃事主幸仕學竊匪拒捕火器殺人王啟貴聽糾搶奪刃斃事主王正富隨同攔

搶加功謀命曹帽選挾嫌謀命李華靈役嚇詐斃命范成美刃斃二命周四竊匪拒斃事主俱法無可貸著照所擬即行正法又情重常犯張義德一名向來遊蕩棄家不顧經伊妻王氏理勸懷恨迨王氏患病該犯潛買毒藥假稱補劑致王氏邀同伊父王允和共食先後殞命情實兇殘亦著照所擬即行正法至情節尤重案內朱林一犯跟隨考官在途自出錢文雇用竹兜因擡夫楊太假稱歇力放下該犯急於趨路當加呵斥楊太回罵該犯舉腳向踢適傷腎囊殞命尚非有心致死著暫緩正法與其餘情重各常犯仍入於本年新事情實呈進黃冊。己酉命吏部尚書瑚圖禮刑部尚書金光悌正紅旗漢軍都統佛爾卿額在紫禁城內騎馬。庚戌諭內閣山西藩司劉清奏才不勝任懇請開缺一摺此奏為從來所罕見藩司為錢糧總匯劉清如自揣才庸不能勝任即應於簡放時具摺

懇辭何以接篆已逾兩月始以限於才識奏請開缺自係因初彭齡到彼諸事認真查辦難以支吾故為此奏前此臨晉縣假裝鞘銀一案該藩司遽向初彭齡稟請刪減情節意圖消弭已難勝藩司之任當即交部嚴議應降四級特降旨加恩以從四品京堂補用茲復有此冒昧陳奏之摺看來該藩司人本無能並難勝小京堂之任劉清著以員外郎補用○諭軍機大臣等吳璥奏狀元墩缺口收窄啟壩放船一摺高寶運河挑工普律完竣並將禦黃壩啟放使清水外注連日長淮回空等幫俱已渡黃甚為順利其在後未入江境各幫已飛咨東省加緊籌催亦可銜尾南來自不誤歸次之期其狀元墩口門僅存五丈相機堵合亦屬易事惟近年來黃水下游不暢河底淤墊水面擡高以致倒灌日甚清水不能暢出諸弊叢生是海口關繫全局最為緊要自應亟為籌辦昨日托津來京覆命

據稱河水現行海口本無河槽今年盛漲時下游漫灘旁溢是以上游消水較速且有佃湖容納淤沙現在湖身業已淤墊漸平恐該處納水之地更狹設有阻遏所關匪細似應將舊海口挑復等語黃河由新海口經行已開一載既未刷成河槽則來年盛漲時下游不暢必致有壅塞之患此時若以挑挖舊海口需費較繁因循不辦設有潰決糜帑既多田廬被淹不知凡幾仍須疏濬故道籌款辦理是欲圖節省而轉滋勞費該督等不必再有游移意存觀望著吳璥於堵築狀元墩口門後即親往履勘籌議章程及早興工如果疏挑後河流順軌永慶恬瀾即多費帑金亦所不惜也○又諭許文謨奏察看嘉善地方已就寧帖惟淡屬中港鬪尚未息一摺據稱酌派員弁分兵駐守傳諭漳泉粵籍鄉耆總董人等互相約束現在漳泉民人俱已陸續歸莊惟淡屬鰲裏等處粵人糾集多人名為

保護村莊實欲攻搶中港漳莊等語。漳泉民人械鬪。既經該提鎮等派兵彈壓。曉諭鄉民已就寧帖。何以淡屬緇裏等處粵人。又有糾衆滋擾之事。必應嚴行懲辦。以淨根株。從前該鎮道等辦理此事。未免稍存輕視。一處蠢動。則分赴該處彈壓。希圖將就了結。民人等無所畏憚。是以旋息旋起。此時許文謨在彼頭二起兵。丁現已陸續到臺。著方維甸即飛咨該提督。將滋事粵民為首者。查拏懲辦。並酌看情形。如無需兵力。則已。儻有必應懾以軍威之處。許文謨即應帶兵勦捕。立時撲滅。以靖地方。將此傳諭知之。○又諭吳璥覆奏漕務情形一摺。朕因漕務緊要。特令程國仁傳諭該督等。本年徵收漕務。務須米色乾潔。剔除積弊。今據吳璥奏稱。漕務積弊由於幫丁索費。刁戶包漕。而欲除奸丁包戶之弊。必先自州縣始。州縣既不浮收。包戶亦不禁自絕。旗丁知州縣並無盈餘。自不能肆意多索。

等語。所奏自屬正本清源之論。昨據馬履泰訪明吏役需索。旗丁使費確數。開單陳奏。經朕降旨通飭。嚴行禁革。有犯必懲。嗣後旗丁浮費既除。無所藉口。自不能向州縣橫索。而州縣亦不能以幫貼兌費為詞。前據阿林保面奏於收漕時通融辦理。概收八折。擬即出示曉諭一節。係在未經降旨清釐積弊以前。現在將漕務各衙門書吏以及委員經紀人等各項陋規一概裁革。獎源既清。則旗丁費用大減。津貼亦屬有限。若州縣等任意浮收。自應一體嚴行究辦。該督等惟當實力稽察。妥為經理。儻經出示明收八折。而州縣等藉此多徵侵肥入己。或又不止於八折之數。將來該省民人有將該督折收告示揭粘呈控者。朕當執法懲治。斷不因該督等陳奏在先。少從寬貸也。將此傳諭阿林保章煦並諭吳璥知之。○旌表守正捐軀直隸棗強縣民馮俊姪女馮氏。河南商邱縣民婦張王氏。○蠲

緩安徽盱眙天長鳳陽宿靈壁泗五河桐城懷寧潛山太湖壽鳳臺定遠懷遠東流十六州縣及屯坐各衛水災旱災新舊額賦漕糧有差並賑盱眙天長鳳陽宿靈壁泗五河七州縣及屯坐各衛貧民。○辛亥諭內閣御史甘家斌奏請禁止外省各上司衙門多派委員以省擾累一摺所奏甚是。外省地方公事上司不能親歷周查勢不得不委員前往。但總須選擇得人方能查察認真不致虛應故事。而州縣不致有擾累之虞。今據該御史奏近聞各省年例差使稽查燒鍋催提錢糧以及查驗馬匹監獄等事自督撫藩臬以至道府俱各委人前往有同此一事而所派多人者紛紛擾累驛站需索規禮更有於省城設立差局。凡遇派委皆由局員注依次差遣難保無鑽營要結之弊等語。看來外省積習上司派委各員並非慎重公事。不過為屬員沾潤起見。而委員等奉差外出亦未必有留

心公事之人。不過需索分規苟且塞責往來供應絡繹道途前者未行後者踵至百姓頗受其累。甚至有派差之後本員並不親往公然議定規禮派家人往收者。此於地方實有損無益。即如山陽查賑一案除李毓昌持正被害其餘皆扶同喫賑是多一委員百姓多一番苦累矣。嗣後上司於飭查公事不得濫委多員委員等亦不得妄有需索違者隨時懲辦其各省有設立差局者著一律禁革。凡有應派差使該上司秉公遴選擇其謹飭自愛者酌量派往俾州縣不致疲於供億而公事又可認真查察一切扶同弊混積習得以漸除。設此次降旨之後各督撫陽奉陰違不行實力遵辦將來有科道糾叅或別經發覺朕必嚴行懲處不貸。將此通諭知之。○又諭刑部續將浙江江西安徽江蘇河南山東山西直隸情節尤重及情重各常犯摘敘案由分別開單進呈朕詳加披閱其情節尤重之

楊二行竊拒斃事主。又另傷一人。吳太革因姦婦悔過拒姦。逞忿故殺。朱志發行竊謀殺事主。下手加功。薛成錦輪姦已成。殷六狗子搶卑幼財物。致死滅口。杜章蠹役詐贓斃命。趙大和聽糾拒捕。一死一傷。王良行竊拒捕殺死事主。閻二起意謀殺。復拒捕扎斃一人。楊有范成文。俱輪姦已成。洪文舉地保詐贓斃命。鹿黑輪姦已成。復刃傷本婦。達志張允初拐賣婦女。復輪姦已成。張勳李義勾串司書冒領糧照得贓。高四犯竊越獄脫逃。復疊次放火。刃傷捕役。武邦振武邦銀謀斃二命。一係造意。一係加功。呂旺九蠹役詐贓。逼斃人命。姚可平蠹役賺人私埋男丐屍身。復索詐致斃人命。王四行竊謀殺事主。下手加功。宋延直殺死悔過拒姦之婦。俱法無可貸。著照所擬即行正法。又情重常犯張祿一名。因失竊防守。扎斃平人。雖疑賊有因。究係連斃無辜二命。亦著照所擬即行正法。至情節尤

重案內李廷桂一犯。因本官運判劉果修不甚信用。商人不以禮貌相待。捏砌各款。匿名投遞。惟念旋即緝獲。審虛所匿告之本官。商人尚未受累。著暫緩正法。與其餘情重各常犯。仍入於本年新事情實。呈進黃冊。旌表守正捐軀山東金鄉縣民孟廣妻馬氏。癸丑諭內閣戶部奏。衍聖公孔慶鎔缺額祭田多至九百餘頃。有湖淤地畝。在應行撥補之列。前經奏明行文該省查辦。今遲至二年之久。尚未奏報。請旨飭令迅即勘辦等語。此項至聖先師祭田缺額九百餘頃。前經該部奏明由該撫派員履勘。將湖淤地畝是否無礙。河流再行酌量撥補。該省奉文之後。何難即行履勘明晰。分別辦理。如其地畝可以耕種。無礙河流。自應照數撥補。如果妨礙水利。不便開墾。亦應據實奏明。停止撥給。今事越兩年之久。尚未查覆。殊屬延玩。著吉綸即行派員據實查明。將各該處湖淤究竟於河流有

無妨礙應否撥補祭田及有無民人占據之處奏明分別覈辦尋奏蜀山湖為儲蓄要區未便撥補其

聖廟祭田應另行清理歸足原額報可○以

甘肅永昌協副將祝廷彪為寧夏鎮總兵官

裁貴州歸化營土千總一員從巡撫鄂雲

布請也○甲寅諭內閣陳鳳翔奏暫請啟放

蘇家山閘以裕湖漕仍擬挑挖趙王等河用

資漕運並請撥發銀兩以濟工需二摺微山

湖為東省濟運水櫃前據陳鳳翔奏稱現在

水勢短缺來年重運經行不敷接濟請啟放

江境之蘇家山閘以濟重運當經降旨以引

黃濟運究非善策諭令吳璥徐端會同陳鳳

翔詳加查勘具奏茲據陳鳳翔覆奏飭委運

河道徐國楠同徐州道張鼎前往履勘並與

吳璥等往返札商悉心籌計惟有開放蘇家

山閘方可增蓄湖水以濟來年新運趁此冬

令挑挖湖底尚可不致淤墊等語當此漕運

緊要之時亦祇可暫作權宜之計著陳鳳翔即馳往蘇家山閘會同吳璥等覆勘辦理其所需工費即准其於山東藩庫撥銀八萬兩解赴工次趕緊興辦仍當覈實樽節務使帑不虛糜工歸實用其應挑之趙王等河該河督自應於啟放蘇家山閘後與該撫詳議奏辦○禮部奏頒賜越南國賞件與原單不符得旨此項例賞越南國物件自應遵照原單豫備給領即因庫貯間有不敷亦應先行奏明抵補於勅書內更正今內務府將該國例賞不敷之件通融抵補以致勅書與賞件不符辦理殊屬草率有乖政體現已令將此次例賞另行查覈辦理所有內務府堂官除徵瑞常福現未經手無庸置議外蘇楞額英和阿明阿和世泰俱著交部議處○諭軍機大臣等松筠久任伊犁將軍本年簡用陝甘總督應行來京祝釐又因交審案件諭令停止松筠自嘉慶五年陞辭後已閱多年未能遂

其瞻觀之忱。此時勒保由京回任。路過陝省。距蘭州不遠。甘省地接邊隅。政務殷繁。勒保曾任該省總督。情形較熟。署任為宜。亦可就近前往。無須多紆道路。四川督篆。現有特清額署理。勒保接奉此旨。即緩程前赴蘭州。將審辦緊要事件。與松筠面為商辦。如旬餘之內。俱能辦竣。松筠俟辦竣後。馳驛來京。陛見。儻尚需時。日。松筠可將印篆交勒保暫署。即馳驛來京。於陛見後。仍馳驛回任。彼時勒保計算松筠回程不遠。即帶印迎至陝省。親為交替。再赴四川可也。將此諭令知之。○乙卯諭內閣。戶部內務府各庫存貯緞匹等名目。往往舊時所有。而近日所無。遇有頒賞事宜。各該處仍開舊時名目。將所缺之項。用他物抵補。以致名實不符。此次越南國賞件。與勅書所載。即有參差。殊非覈實之道。嗣後頒賞緞匹等件。就庫中現有之物。擬用何項。即開何項名目。不得沿襲舊名。再行抵換。致有歧

異○諭軍機大臣等。方維甸奏臺灣近日情形。一摺。臺灣滋事緣由。自起釁至今。總未得其確實。今閱方維甸之摺。則伊近在廈門。亦未得有準信。但據臺灣鎮道等稟報之詞。及許文謨咨送摺稿。遙為揣度。所有粵人攻搶泉莊一事。其咨報內或稱意欲。或稱實欲。似目前尚無爭鬪之事。而許文謨摺內又稱臺地大局已定。惟中港一處。鬪尚未息。又似爭鬪已成。前後兩歧。殊難憑信。方維甸竟當親自前往認真查辦。究竟此事因何而起。現在曾否止息。先將實在情形奏聞。一面妥為辦理。總兵武隆阿道員張志緒於地方重大之務。既不早行奏報。前日奏報一次。又多含混。究竟有無別情。該二員在任聲名如何。是否可留該處。方維甸到後。著詳細密訪。如該二員竟有激變他故。及迴護捏飾等情。即據實嚴叅。又據方維甸張師誠奏。近日朱渥匪船情形。數月來在雞籠外洋遊奕。近又駛至福

寧府屬之浮鷹水澳洋面。恐嚇居民。欲添買纜索食物。其居心實為叵測。伊幫船現有四十隻。夥黨多至數千。並非力屈勢窮。豈肯困而思返。其投降之語。全不可信。即使朱渥一人。實在誠心乞降。而其夥黨數千人。又豈能齊心聽從。況以數千人之衆。平日皆劫掠營生。一旦棄械投降。無田可耕。無業可執。又將何以為生。種種詭詐不實。情事顯然。切不可為其所惑。目下惟當以勦為正辦。但賊船較多。進兵不可冒昧。惟當將師船次第調齊。厚集兵力。待聲勢壯盛。礮械齊全。方可駛進圍攻。一鼓集事。該督撫無庸存安撫之心。致撓勝算也。其小仁等分幫南竄之船。並著責成。許松年隨地截勦。將此諭令知之。○以故貴州永寧州頂營司土官羅景福子天麟襲職。○丙辰。

上詰

奉先殿

壽皇殿行禮。○諭軍機大臣等。袁東直奏遵旨查禁漕獎。先行覆奏一摺。據稱清蘆漕獎。首重米色。花戶之敢交醜米。由於州縣之浮收。旗丁之勒索。由於米色之不淨。並有一種武生。衿監。包漕漁利。現在嚴行查訪。懲辦等語。此尚未得其要領。近年漕務積弊。各督撫總以旗丁苦累。需索幫費。遂致各州縣藉端浮收。為詞。而剔獎釐奸之要。全未籌及。前據馬履泰奏。稱訪明吏役需索旗丁之弊。自巡撫藩司糧道總漕倉場各衙門。以及沿途文武之吏役人等。均有使費。即一幫五十船。而論每年即需費至七千四百餘兩之多。旗丁力不能支。自不得不橫索州縣。而州縣計無所出。遂不得不向百姓浮收。此方為正本清源之論。前已明降諭旨。飭令各該督撫等一體嚴禁。此等陋規。一日不除。漕獎一日不清。一省如此。各省亦大率皆然。先福現已回任。該省正屆兌受新漕。務當實力認真查訪。如有

即另行更換。不得仍將上屆所擬正陪之人開送其餘祭祀應遣派行禮者。仍著照舊例行。○又諭四阿哥於明年二月初八日入學。著派果齊斯歡授讀。○又諭戶部奏各關稅短少盈餘銀兩。請旨分別辦理一摺。各關稅盈餘銀兩。自嘉慶四年減定額數之後。不得再有短少。該監督等辦理不善。以致缺額。自應按數賠補。及早完交。以清關課。乃許聖蘭監督舒明阿。九江關監督廣惠。短少盈餘銀兩。俱至二十餘萬之多。經該部節次行催。並未完繳。玩延已極。本應照例治罪。惟是銀數較多。即將伊二人革職監追。於課項仍宕懸無著。亦屬有名無實。但不加以懲處。則伊等漠不關心。仍前玩延。何以示儆。舒明阿著降為筆帖式。仍留蘇州織造之任。兼管關務。廣惠著降為主事。仍留廣南饒九道之任。兼管關務。所有應賠銀兩。予限十年。分年完繳。嗣後該監督等。除官交採辦物件外。其餘貢物

不許呈進。惟應儘數籌交欠項。儻再逾限不完。必當重治其罪。不稍寬貸。○諭軍機大臣等。吳璥等奏籌催回空渡黃並狀元墩壩工暫緩堵合情形。覽奏俱悉。惟所奏查辦海口一事。意欲不挑復舊河。仍就北潮河去路展寬挑深。將灘面攔束。以為權宜治標之策。所奏殊不可解。謬誤之至。海口去路不暢。以致上游淤阻。河身逐漸擡高。非將舊河挑挖深通。斷然無益。北潮河一帶溜走兩年。至今不能刷成河槽。佃湖又經淤墊。明年更無容納之地。及今不挑復舊河。將來何所措手。此即向來不諳河務之人。亦能明悉大局。况吳璥等久諳河工。非惜於籌辦者可比。吳璥上年差往南河。曾主挑復舊河之說。即近日陳奏各摺。亦以新改舊河不能通暢。此時正當籌辦喫緊之際。何容稍有憚難。乃本日摺內奏稱。估計挑河有一百餘里之長。漫口寬四五百丈。又加接築長隄。其費需三百六七十萬

未免過繁。兼恐桃汛前趕辦不及。因請於現在歸北潮河之路。權宜辦理。以期節省錢糧。等語。舊海口挑河築隄。並堵築各處漫口。工段誠繁。然每年辦工之時。總不過自霜降至桃汛以前止。此數月。今年既趕辦不及。明年又將如何趕辦。若云錢糧浩繁。專為惜費起見。尤屬見小。錢糧用度。但論其於國計民生。是否有益。如果有益。即多至數百萬。亦所應用。若於事無益。即所費稍省。又豈可虛擲。今

吳璥但顧錢糧節省。而不期於事有益。待至明年北潮河之路。仍不通暢。而舊海口又未挑深。河水拍岸盈隄。下壅上潰。不知該河督等有何把握。恃以無虞。彼時此五十萬兩。已成虛耗。而估挑舊河之三百數十萬兩。仍不能省。徒然坐失事機。更增後患。下游民田廬舍。以及百萬生靈。所關非細。一有貽誤。即將該河督等正法。亦復何益於事。而糜帑一節。猶其小焉者矣。吳璥等於此重大要務。不能

堅持定見。欲如此遷就辦理。大屬非是。著傳旨嚴行申飭。前已於十月二十三日降旨。令該河督等即速親往舊海口履勘。籌議辦理章程。此時不得再有遲疑。著即迅速詳查。確實覈估。將應行撥帑興工之處。據實奏聞。及時興辦。至吳璥本主挑復舊海口之說。何以目前忽為此奏。如果另有為難窒礙之處。亦著詳悉奏陳。不得一味含糊諉卸也。將此傳諭知之。○旌表守正捐軀直隸宣化縣民郝

棟妻李氏。守正被戕。安徽建平縣民陳紹渠妻貢氏。○戊午諭軍機大臣等。吳璥等會議漕務章程一摺。江南漕賦。較他省為最多。而歷年告漕者。不一而足。是皆由地方官於收漕時。弊端叢生。以致刁生劣監。挾制把持。告訐成風。此時欲大加清釐。必須探本清源。方為正辦。據摺內稱。旗丁應領行月贈五等米。現聞蘇松所屬。有每船折米一百石之說。旗丁折銀花費。長途將正漕侵食。盜賣勢所必

至等語。此固虧缺之一端。而其弊不止於此。著照吳璣等所議。飭令概兌本色。另貯一艚。免致影射朦混。現當收漕之時。旗丁行月贈五等米。如尚有每船折米一百石之事。即當查拏嚴辦。至向來旗丁等沿途浮費。前經馬履泰條奏。已通行飭禁。並著阿林保章煦。晚諭旗丁。以爾等從前因各衙門需索陋規。多有浮費。以致長途賠累。自不得不於兌運之時。向州縣勒索幫規。州縣勢不得不於開徵之日。向百姓浮收。今自總漕撫藩糧道倉場各衙門。以及沿途文武各員。並書吏經紀等處。向來陋規。欽奉諭旨嚴禁。儻有不遵。仍照舊需索。准爾等指名首告。且該州縣等本有津貼各幫銀兩。原為輓運正供而設。非為爾等酬應之資。其提溜打聞剝淺等事。比從前不無多用。現已令該省督撫量加調劑。是爾等浮費既除。運費又足。儻有仍前藉口橫索幫規。必當查拏究辦。如此剴切曉諭旗丁。並

出示沿途經過地方。俾各知凜遵。則旗丁不致賠累。橫索兌費。州縣亦不能藉此浮收。而包漕漁利之徒。亦無能從中阻擾滋事。庶漕弊可漸次清釐。該督撫務宜實力奉行。隨時查察。毋得日久生懈。將此諭令知之。○免河南溫孟陝三州縣。坍沒地四百九十八頃八十一畝。有奇。額賦並節年未完各項銀糧。○己未諭內閣。刑部奏將朝審情重人犯開單請旨一摺。朕詳閱案情。官犯內擬斬單幅昌一名。身為知縣。藉災冒賑。侵帑至九千餘兩之多。情罪較重。常犯內擬絞魯五一名。曾充花戶。見高添鳳等舞弊。起意挾制。侵盜倉米二千石以上。又擬絞張三一名。強姦十二歲幼女。已成復設計圖占為妾。又擬絞楊凱一名。蠱役詐贓。致斃人命。情節均重。著照所擬即行正法。其餘各犯。著暫緩正法。仍入於本年新事情實黃冊。旌表守正被戕安徽亳州民任勇貴妻張氏。庚申

上御乾清門聽政。○諭內閣。朕恭聞

聖祖仁皇帝實錄。開載山東運河。全賴衆泉灌
注。微山諸湖。以濟漕運。今山東多開稻田。截
湖水上流之泉。以資灌溉。上流既截。湖中自
然水淺。安能濟運等因。仰見

聖慮周詳。熟籌利濟至意。因思微山湖附近處
所。多被民人開墾。不惟侵占湖地。勢必將上
流泉水截注。以資灌溉。是近日湖水漸少。河
身日淺。其弊未必不由於此。著山東巡撫吉

綸。會同河東河道總督陳鳳翔。派明幹大員
前往履勘。如所墾之地。已經成熟者。姑聽耕
種。外其餘未墾及已墾復荒地畝。出示嚴禁。
毋許再行私墾。庶瀕湖一帶。泉流灌注。毫無
阻滯。湖水愈蓄愈深。於運道方有裨益。儻此
次示禁之後。仍有不遵。查明嚴行究辦。以利
漕運。○又諭御史汪彥博奏。條陳漕務事宜
各條。所奏是。近年漕務積弊。總由弊源不清。
相習成風。而各該督撫。於釐奸剔弊之要。又

未能實力奉行。妥為經理。如水次交兌之時。

米色稍有撓雜。即應責令監兌之員。立時駁
回。若俟到淮盤驗。由總漕查參駁換。必致趨
運稽遲。且易啟州縣旗丁。互相推諉。狡賴情
弊。至旗丁應領各費。儻該管糧道。任令書役
家人需索。剋扣。該丁等不得支領實數。必致
經費不敷。多形竭蹶。其各州縣應領養廉。原
為辦公而設。若概行勒派攤捐。伊等必藉口
用度無資。上侵國帑。下朘民膏。種種弊端。由

此而起。而刁生劣監。以及地方土棍豪民。亦
遂得乘機挾制。漁利包漕。輾轉相因。竟成錮
習。現當清釐漕務之際。所有各衙門勒索規
費。前已明降諭旨。按款飭禁。但恐奸胥猾吏。
不得遂其需索。轉向各幫船苛求米色。動輒
駁換旗丁。仍受其累。而地方官徵漕時。或以
米色為名。任意刁難糧戶。必致有累閭閻。均
不可不實力查察。著將該御史所奏各條。交
有漕省分。各督撫。漕運總督。及巡漕御史。倉

場侍郎悉心妥議具奏務當行之以實用期成效不得徒託空言視為具文將此通諭知之○又諭初彭齡奏審擬降調平魯縣知縣王敏樹等籍口辦差賠累挪用公項一摺成寧前在山西巡撫任內赴省北閱兵何以該縣備辦公館鋪墊等項竟至用錢二百三十餘千且需用騎馬七十九匹駝騾二十頭大車七輛之多又家人錢四需索門包銀五十兩種種均干例禁著成寧明白回奏其應得何罪之處並著自行具奏前任藩司金應琦於王敏樹孫耀二員虧空數目既已失察於前又復任其藉詞抗延接任藩司劉清於孫耀之母具呈控訴時經成寧面交亦不據實揭叅轉令承炷代為消弭均屬不合除劉清現已降補員外郎外金應琦著交吏部議處餘著刑部覈議具奏○諭軍機大臣等前據陳鳳翔奏請啟放蘇家山閘引黃入湖以利漕運已降旨准行矣昨據吉綸奏俟回空過

竣分委大員將棗林閘以南下至臺莊濱臨微山獨山諸湖之運河計長二百四十餘里照現在原底一律挑深三尺俾諸湖水面高於運河是不啻諸湖長水三尺再加照依常年收蓄自資敷用等語此事朕於披覽之時即以湖水來源不旺即將運河挑深恐屬無益而引黃入運亦恐漸滋流弊因念永定河道王念孫曾任運河道彼處情形較為熟悉當即傳到將陳鳳翔吉綸奏摺交其閱看據稱蘇家山閘口僅寬四丈又係石底開放可以節制且黃水經行紆折於入湖時挾沙不多湖底亦不致大淤一俟湖水敷用即堵閉蘇家山閘此策尚可權宜辦理至挑深運河一節年來江境邳宿運河淺阻若將山東運河挑深邳宿以下愈形高仰於江境運道必更淺阻總以挑趙王河為正辦但必須認真挑挖深通方能有濟等語所言皆是微山湖蓄水不敷祇可啟放蘇家山閘為一時權宜

之計。陳鳳翔即遵照前旨。妥為經理。但黃流挾沙。雖紆折至湖。尚無大礙。究恐不無淤墊。莫若於黃水下注微山湖處所。酌量增設閘板。使淤沙到此停留。不致全行入湖。即如御園。將昆明湖水引入。隨處皆有閘座。為澄清去穢之用。以小喻大。或可倣照辦理。著該督等詳悉履勘。設法妥辦。一俟湖水足用。即將蘇家山閘上緊堵閉。至趙王河為微山湖蓄水來源。現在淤塞。急宜挑濬深通。為久遠之

計。該督等務即一面勘估。速行籌辦。使來源暢旺。則湖水自形充足。庶於漕運方有裨益。將此諭令知之。○壬戌。撥黑龍江倉穀賑被旱災民。○癸亥。諭內閣。馬慧裕奏清查未結各案一摺。據稱該漕督衙門未結之案。共三百四十起。發交各道府審辦者。往往逐年積壓。不早斷結等語。外省官吏。無論鉅細案件。皆應隨時審結。以省拖累。乃陋習相沿。一味因循怠緩。遇有本管上司發審各件。尚多任

意延宕。至總漕所交。尤視為漠不經心之事。動以旗丁南北往來。不能提集人證為詞。不知訟案初起之時。虛實之情。易得。果能及早訊結。不難立斷。葛藤迨經上控。批交更當趕緊審斷。嗣後各省督撫。務飭道府州縣。於交審案件。妥速趕辦。即漕督批發之案。亦一律悉心研訊。速為完結。不得仍前延緩。儻有積壓情弊。著該督等據實嚴參。以示懲儆。○又諭。巡視南漕御史程國仁奏漕務事宜一摺。

旗丁勒索幫費。每歲遞增。幾於無所限制。而究其需費之故。全在各衙門陋規不裁。前據馬履泰開單臚奏。業經通諭飭禁。今該御史亦稱陋規一項。較之長途緯輓起剝。為費更大。所言是極。若不清其弊源。即使裁減幫費。而旗丁費無所出。或又將行贈月食等米。盡數折價使用。甚至將正米亦復盜賣虧短。以致挽和潑漲。諸弊叢生。又將何所不至。著將該御史條奏各款。發交有漕督撫。漕運總督

倉場侍郎分別查照妥議辦理不得視同具文致不肖旗丁有所藉口。○又諭據徵瑞奏稱伊自天津通州回京沿途多有虧舊剝船棄置河干等語。此項剝船從前興造之初即係徵瑞在長蘆鹽政任內辦理曾經降旨交該地方官經管且每年例有歲修何得聽其虧朽竟至沿途棄置此時若不及早修理明歲重運北來遇有剝淺等事一時應用不敷勢必多雇民船徒滋擾累糜費著溫承惠即

飭令該管地方官趕緊收集以備應用嗣後每年應用後即責成該地方官加意苦蓋如再有棄置損壞之處即將該員等叅奏罰令賠造以示懲儆仍著倉場侍郎不時查驗。○諭軍機大臣等重華宮本西二所為

皇考高宗純皇帝潛龍舊邸至即位後詔升為宮實為吉祥初地每歲新韶慶節嘉興臣工等樂衍賡吟數十年舉行盛軌乾隆五十年正月內經欽奉

諭旨以世世子孫惟當永遠奉守毋事更張至東五所為年少皇子皇孫等公共所居若照重華宮之例另行興建不特宮牆四圍別無隙地可以廓展亦非朕垂示後昆之意欽此聖諭煌煌奕葉所當敬守朕從前為皇子時所居之處如東華門內擲芳殿之中所宮內之東頭所二所福圓門內之西北所現在即仍准皇子等在彼居住惟毓慶宮係朕於乙卯九月仰蒙

皇考高宗純皇帝勅立皇太子後於是年十一月

特命由擲芳殿移居並蒙

賜額繼德堂

錫福凝祥始基於此迨丙辰元旦寅承大寶訓政三年朕尚在此宮居住是則非東五所諸屋可比是以自嘉慶四年之後畧加修葺以備幾餘臨蒞不復令皇子輩居住所以杜中外揣摩之漸不得不然我國家景運延洪繩

繩萬禩將來衍祥紹慶我子孫有如朕之躬沐

鴻庥勅立為皇太子者則仍可居住此宮用昭燕翼著將此旨交上書房敬謹存記並載入宮史續編世世遵守○又諭伯麟奏邊外野夷仇殺沿邊土弁所管地方夷民勒限嚴拏一摺此次五窩寨野夷早用因與花子寨夷民貿易時被欺騙逞忿報復糾眾焚掠祇係挾仇劫殺尚非無故跳梁但該野夷以交易

微嫌輒敢糾眾逞兇殺斃多命情罪甚重斷不可任其竄逸稽誅該犯攜眷逃避自尚在附近處所不能遠颺易於弋獲該督惟當飭令地方文武官嚴督撫夷土弁密為偵緝並懸賞購線迅速嚴拏務期必獲所有早用一犯拏獲審明後著即凌遲梟示以儆兇頑土把總楊輔國不能撫馭夷眾致釀巨案即著斥革照例發六百里外安插其疏防之文武職名著查明咨部分別議處至花子寨地方

應如何巡查防範之處及夷民交易事宜該督妥為籌辦可也○甲子遣官祭

先醫之神○軍機大臣議覆御史周鉞奏慎重

綸音以防流弊一摺據稱在京各部院衙門所遞之摺除特頒

上諭外餘俱將原摺隨時發出由奏事官口傳旨意傳知各衙門司官司官稟知堂官交書吏另簽繕寫

諭旨浮粘摺面並不鈐蓋印信請嗣後各部院衙門呈遞之摺其由奏事官所傳

諭旨該部院堂官親筆於摺面端楷繕寫並於年月上鈐蓋堂印即將正摺備案存查等語查在京各部院衙門呈遞事件如有請旨辦理及擬議未協者皆

特降諭旨由內閣發鈔其由外奏事處口傳

旨意交本衙門祇領者或奉

旨依議或奉

旨知道了各事件該衙門於欽奉後除遵照咨行辦理外仍鈔錄原奏及所奉

旨意彙移內閣稽察房等處存案原以備稽覈而杜舛錯今據該御史所奏各衙門將所奉

口傳

諭旨繕寫浮簽粘貼摺面並不鈐蓋印信誠非慎重之道且恐日久浮簽遺落更無可稽查致生弊竇應如所奏辦理再查外奏事處於各衙門所奏事件奉

旨發下後原有冊檔登記並令各衙門於月終將一月內所奏事件摘敘事由並恭錄所傳諭旨交外奏事處互相查對更足以昭敬謹而示周密從之○又會同戶部議覆御史周鉞奏請清釐倉貯以糶代查一摺據稱各省常平倉穀實貯足額者十無二三請飭令督撫責成藩司將各府州縣倉廩額數通貯有二萬石者將一萬石存貯該倉其一萬石所糶之價勒限解交藩庫總計各直省所糶倉額

一半之數可得千餘萬金自可暫充國用仍令於歲豐穀賤之時由藩司發價採買歸倉俟買足後再將前存一半於歲歉時出糶仍照前法買補等語查各直省共額貯常平倉穀四千四十一萬餘石原以備小民出借籽種口糧及緩急不時之需奉行日久侵虧諸弊誠難保其必無定例常平倉穀概以存七糶三為率其間地方燥溼不同穀性久暫各異有存三糶七有存半糶半有存六糶四並有不限額數隨時出糶者即一省之中各就地方情形斟酌存糶原難強歸畫一今若概以一半存倉一半出糶於定例既多紛更更恐不肖官吏又藉出糶為名轉將實貯倉穀復行虧蝕且採買過多亦恐病民若謂以糶為盤即可杜絕州縣欺隱之弊不知除糶一半之外尚有一半存倉則於實在數目仍可少報多巧為掩飾於清釐究屬無益並查各直省嘉慶十一十二十三等年常平奏銷

冊報存糧二千六百一十二萬二千餘石較之額貯數目不及十分之七其閒有從前支應軍需估撥兵餉並災賑等項動用均就款開銷未經買補亦有出借籽種口糧因災緩徵尚未徵還者該御史統將各省額貯滿數覈計更難一律辦理至所稱出糶一半之數可得千餘萬金暫充國用等語此項糶價仍應買穀還倉自未便擅行動用儻此時任意通挪將來又須另籌撥補亦非經久之策第

倉儲攸關國計地方官侵虧諸弊自當嚴行懲辦應請

勅下各直省督撫查照該御史所奏虧短情節將現在各府州縣倉儲通飭各屬實力稽查如有虧短情弊立即據實嚴叅其積久穀石仍遵例隨時飭令出陳易新以免霉變庶舊章不致更改積貯亦可清釐從之○乙丑諭內閣御史楊健奏請肅清郵政一摺據稱督撫等往往藉查辦地方公務擾累驛站現在

山西即有成寧因閱兵濫支車馬需索門包恐外省似此者尚多請嗣後飭令各督撫因公出境將隨帶人等先行知照臬司轉行各站按例覈給仍令將應付數目申報臬司以備查考其司道以下各員亦一體遵照辦理儻有違例即交臬司糾叅等語所奏自為肅清郵傳起見而於外省積習所言尚未確實各省驛站惟奉差人員例有應付其督撫內若非奉特旨馳驛者原不准輕動驛站伊等

養廉優厚足資辦公且查辦公事不過近在本省一切人夫車馬需用幾何又何難自為雇備無如外省陋習相沿上司經歷所屬不必明言馳驛而州縣得信豫備車馬惟恐其不多供帳惟恐其不盛甚且門包使費需索無厭屬員既視為固然上官亦以為應得以此見好逢迎所費不取於官必取於民實屬近時積習此等擾累情形較之奉差馳驛人員所費尤鉅皆由州縣等畏懼本省上司聲

勢曲意花銷並聞於別省大員過境之時亦皆一律承迎辦差恐後希圖他日遷調本省可免挑斥其辦差之長隨家人等因得藉端漁利設法開銷種種弊竇由斯而起該御史聞見尚不及此亟應嚴為禁制以肅郵政而飭官方嗣後各督撫及過境大員一切車馬供頓俱著自為雇備不得取之州縣其州縣等亦不得陰為應付各省臬司係專管驛站之員如再有不遵功令恣意妄行無馳驛之

名而有馳驛之累者著交各該省臬司隨時查察據實奏奏如臬司扶同徇隱知而不言一經發覺必將該臬司從重懲處其司道等官遇有公事經過州縣亦著一體凜遵毋得陽奉陰違致干咎戾○丙寅諭內閣向來宮中門禁屢經降旨嚴立章程而於西苑等處尚未申明定制因思瀛臺之西苑門福華門悅心殿之承光左門承光右門陟山門闡福寺之西角門舊例王公大臣等俱至此下馬

進內即皇子亦不得乘騎行走向俱敬謹遵循在王公大臣等恪守功令自不敢乘騎擅入惟恐伊等或因年老廢疾步履維艱藉端私行乘入此風斷不可開若果伊等艱於行走不妨據實奏懇僅在門外伺候亦必俯准所請朕於者臣未嘗不曲加優卹而體制攸關斷不可稍踰尺寸至御用馬匹本應在街市騎試亦不得藉試馬為名擅行出入儻經此次申禁後如有乘騎進內者著該班侍衛

章京等攔阻若再不遵即著稟知該管大臣指名奏奏照違旨例治罪不貸將此通諭王公大臣等知之並著敕入宮史續編永遠遵行○又諭給事中趙佩湘奏各省虧空輾轉清查多致懸宕並提解節省銀兩私增漕餘名目請嚴行飭禁一摺所奏俱是各省州縣經管倉庫錢糧例應年清年款申明該管各上司隨時覈實查察一有虧空即當嚴行叅辦原不應有清查名目近年以來各州縣交

代不清。監交各員相為容隱。遂做成虧空。公然稟明上司。設法彌補。該管督撫竟奏明立局清查。至有二次三次。並每隔數年。又復奏請一次者。其於窮源截流之要。仍屬空言。無補。輾轉相因。伊於何底。總由該督撫藩司掩飾。催徵不力。及查有州縣虧缺。又復姑息養奸。或瞻徇親故。或利其逢迎。包庇縱容。予以彌縫之名。巧為朦蔽。以致國帑虛懸。甚至借名彌補。剝削民膏。種種弊端。均難逃朕洞鑒。至漕務積弊。節經明降諭旨。嚴查飭禁。如各州縣徵收漕糧。原應平斛響撥。令各糧戶覈實兌交。又安得有漕餘之名。乃近日以彌補庫項之計。巧增漕餘名目。致令各州縣任意浮收。有一石加至數斗。甚至加增一石。浮收不已。從而折色。不肖州縣。既囊橐私肥。而該管上司。因而需索漕規。運弁旗丁。因而需索兌費。刁生劣監。亦遂乘機挾制。漁利包漕。此皆由該督撫藩司。以彌補為屬員地步。而各

州縣遂藉口以濟其私。流弊百出。尤應嚴行查禁。嗣後各省清查名目。務當永遠革除。如各州縣續有虧缺。即責令接任及監交之員。據實稟揭。勒令前任如數交納。儻逾限不交。即監追治罪。有漕各省。務當嚴飭各州縣。無許借漕餘為名。稍有浮收。以清弊端。將此通諭知之。○諭軍機大臣等。吉綸等會議運漕車輛章程一摺。其議覆嚴防守候。禁止勒賠及實發紅封等款。俱著照所議辦理。惟派雇車輛一款。所議殊未妥協。官運漕糧。原應自雇車輛。即因地處偏僻。分派里下。總當均勻輪派。以紓民力。以德平一縣運漕之車。每年祇需七百輛。以閩縣地畝叢算。分為中東西三路。三年一輪。則小民一年供役。尚有二年休息。其本年不應出車之路。比戶周知。里胥保正。斷不能影射發派。若如吉綸等所議。仍照舊一年一運。是里民年年供役。竟無輪息之期。且亦無須如許車輛。不過仍留為不肖

官吏賣放地步至所云東鄉運西鄉之糧易滋貽誤此言尤屬錯謬漕糧徵收在歲至運赴水次時車輛隨到隨運豈必定於何鄉之車運何鄉之米此事該州縣總視為利藪不顧苦累間閭該撫等亦並未詳細籌畫率行定議不自覺其言之矛盾著吉綸等另行妥議具奏不得沿習積弊因循含混○以兵部左侍郎邵自昌為都察院左都御史○丁卯轉兵部右侍郎秦瀛為左侍郎以內閣學士萬承風為兵部右侍郎○戊辰諭內閣昨經降旨申明西苑等處門禁並令王公大臣等自揣衰疾不能前往奏請在門外伺候以示體卹今又思由西苑門至遐瞻樓春藕齋路徑稍遠王大臣等內之年老有疾者艱於行走亦屬實在情形即令在門外伺候該處並無房屋可以駐足又斷無准其乘騎進內之理嗣後朕赴西苑用膳辦事所有內廷外廷王公大臣等俱在西苑門外下馬步行進門

至馬頭著御船處豫備船隻照進同樂園之例結冰後即用冰牀至每年十月間冰薄之時必須步行隨入之候年在六十以上者除自揣步履尚健照常前往外其餘著加恩不必前往俟朕進宮時在隆宗門內站班如年未至六十而實有殘疾人所共知者亦著在隆宗門內伺候至親郡王等例得在紫禁城內騎馬近聞儀親王成親王定親王綿恩進內時俱不乘用意欲練習步履此則未免過當諸王等如果意在習勞府中儘可散步何必於衆人觀瞻之所徒步而行此後均著照常乘騎用符體制即朕在宮中園中時常散步並不覺勞若宮門外亦步行可乎過猶不及亦非理也此旨亦著叙入宮史續編○又諭國朝宮史續編前經館臣等纂輯成帙進呈朕幾暇偶加披覽僅於全書中擇其緊要數卷畧為繙閱並未逐句詳看而錯訛已有七處其餘未經檢閱各卷自必更多舛誤可

見纂校各員竟未細心校勘咎實難辭除發
交原辦各員敬謹更正外陳崇本法武善職
司總纂著交部議處所有原派各總裁著交
部察議其校勘各員查明係何人校對亦著
該部查取職名一併議處（己巳）

聖祖仁皇帝忌辰遣官祭

景陵

上以冬至祀

天於

實錄卷一百一

庚

園丘自是日始齋戒三日（庚午）以

五旬萬壽賞廢員祁墳等五十七人官秩有差

並開復武舉古維城監生孫承祖衣頂（辛

未

上詣

南郊齋宮齋宿

大清仁宗受天興運敷化綏猷崇文經武孝恭
勤儉端敏英哲睿皇帝實錄卷之二百二十

實錄卷一百一

庚

大清仁宗受天興運敷化綏猷崇文經武孝恭勤儉端敏英哲睿皇帝實錄卷之二百二十一

此等官經近日經起唐王官人太子得來上殿大學士謝開閤等家數奉
 上諭事仲應官理部等官翰林院監生等官
 加級尋常四級官者減銷總數官悉去除又謝開於學士官理刑部不務加五級
 官經近日請起唐王官人太子保中大臣之間提

數修

嘉慶十四年己巳十一月壬申冬至祀

天於

圖丘

上親詣行禮
() 詣

慈寧宮

壽康宮行禮○遣官祭

永陵

福陵

昭陵

昭西陵

孝陵

孝東陵

景陵

秦陵の命

皇次子 祭

泰東陵遣官祭

裕陵遣官祭

孝淑皇后陵寢遣官祭

端慧皇太子園寢（停次日朝賀）命鑲白

旗蒙古都統扎郎阿在紫禁城內騎馬○癸

酉諭內閣那彥成奏覆查納爾松阿保奏修

理烏什倉廠各員種種不合請旨交部議處

一摺倉廩工程係屬官事官辦內爾松阿自

應籌撥公項動用興修即欲捐資辦公亦應

自出己資率屬辦理乃輒令微員捐資代懇

優敘其所奏興辦工程統計不過七十餘閒

豐紳等捐辦鐵釘並拉運土坯柱石腳價所

費不過百餘金即入山伐木等事亦非格外

奮勉豈得遽予升擢且安知該員等非派令回子攤捐辦工自行出名冀邀恩敘納爾松阿既札商喀什噶爾叅贊大臣又不俟議定率行保奏殊屬不知政體况豐紳拜凌阿二員係喀什噶爾差往烏什辦事非納爾松阿所當保奏之人尤屬違例納爾松阿著交部議處所有豐紳等捐出之項仍罰伊措還交該員等收領其保奏各員內著照那彥成履議阿奇木伯克邁瑪特伊巴喇依木加恩賞

給大緞一匹七品伯克木薩加恩賞六品伯克項帶餘俱無庸議此後該處遇有官修工程祇須動用官項毋許再有派捐旌表守正捐軀浙江永康縣民王老邦妻秦氏賞八旗兵丁一月錢糧甲戌

上詣

雍和宮行禮

火神廟拈香○諭內閣朕恭閱雍正元年

世宗憲皇帝實錄內載頒發

訓諭直省文職自督撫學政至州縣等官武職自提督至叅遊等官共

上諭十一道仰見

皇祖澄肅官方諄諄誠勉不特當日之利弊言無不盡即此時之相沿陋習亦早經

洞燭無遺

天語煌煌實為萬世不易之官箴各督撫等衙

門久蒙

頒發原期永遠遵循朕仰述

前謨若此時再加申諭不能更出範圍而我萬萬世子孫整飭官聯之法亦無有過於此者朕每日幾務之先敬閱

列聖實錄周而復始夙夜凜凜無事不恪遵

成憲各督撫學政司道府州縣提鎮副將叅遊

等亦應隨時敬覽互相策勵務使大法小廉

訓兵養士崇實行而不尚虛名秉公忠而不

持偏見潔已奉公愛民盡職以期佐治分猷

莫安黎庶切勿視為具文歸入交代僅令日

久存貯無裨身心是則不能仰體

聖訓亦有負朕委任誥誡之至意也將此通諭

知之○又諭溫承惠奏堵築任邱縣民隄漫

口借動銀兩請攤徵歸款一摺任邱縣濱臨

河淀建設隄埝每遇汎水衝刷向係村民修

築本年七月雨水較多河泊並漲該縣迤西

之七里莊民修隄岸汕刷缺口四十餘丈經

該府縣團築月隄排籤進埽覈實估計需用

工料銀四千七百三兩零該督飭司先於地

糧項下借支堵築完竣所借銀兩例應居民

按數完繳惟念該處係積歉之後一時驟難

歸款著加恩將此項借支銀四千七百三兩

零暫緩催徵自十六年為始在於該縣闔屬

地糧項下分作三年帶徵歸款以紓民力○

乙亥諭軍機大臣等百齡奏官兵殲擒匪夥

二千四百餘名匪幫窮蹙遠遁一摺已將在

事出力文武各員均照所請分別加恩矣此

次張保仔匪船在香山縣屬大黃埔圓劫之

時經百齡派撥兵船在東西兩港口堵住運

石堵塞一面豫備火攻並另派兵一千名占

住山梁放礮下壓斷其汲水之路賊匪四路

斷絕欲出不能此真極好機會如果水師官

兵人人効命何難一鼓殲除立翦巨憝永靖

海疆乃因水師恒怯無能紛紛躲匿以致賊

匪乘閒逃脫功墮垂成實為可恨孫全謀係

統領大員經朕棄瑕錄用乃平日訓練不力

臨時號令不行一味觀望遷延不肯帶兵進

剿付以塞港之石舟而不用授以焚賊之火

艇而又不肯用失機玩寇其罪甚重此非僅予

降革及革去頂帶可以蔽辜孫全謀著革職

拏問交該督派員解京交刑部治罪護左翼

總兵順德協副將王國寶與海口營叅將何

英各帶米艇一見賊船即行駛退外委吳協

山棄船逃避把總林剛私帶兵船藏躲均屬

膽玩該四員均著革職拏問交該督審訊定

擬具奏應正法者即請旨正法不可姑息其

在沙灣勦賊隨同駛避之把總謝陞李榮高
周得勝張吳祥外委施英楊羅芳洪耀忠王
進朝李逢春邵天喜劉文韜十一人及在赤
滌角退縮不前之千總劉壯陳有光外委趙
可曾步青陳耀祥黃君雄胡明陞黃朝福李
燮龍均照所請斥革棍責枷號示懲從九品
盧楚元趙應士派管巡船屢次退縮惟究係
文員著革職仍留粵緝捕以觀後效至廣東
水師廢弛亦非始於目前錢夢虎在粵四年
養癰貽患此時豈可令其脫然事外該提督
現已託疾回浙著交該撫蔣攸銛傳旨將伊
革職派員押解來京交刑部治罪仍著百齡
一面將錢夢虎在粵時如何廢弛實蹟速行
確查由驛奏聞以便交刑部按款詰訊再另
據奏東路投誠及殺賊首報各盜夥分別辦
理一摺烏石二幫內之陳成及香山二幫內
之江亞尾等犯率帶夥衆來投並呈繳器械
船隻且有自行殺死賊夥者其投首自出至

誠可以免其治罪惟百齡於陳成等犯已交
原籍管束而於江亞尾等犯一起內尚有二
十六人欲令充伍緝捕是則不可此等狼子
野心豈能深信惟當一併飭交原籍地方官
管束如有滋事即行查拏辦理切勿疏於防
範再前據長麟奏粵省額設水陸兩路官兵
只有提督一員不敷經理百齡陞見赴粵時
伊曾與論及此事近日未據奏及著該督體
察情形如有必須添設陸路提督之處即著
妥議具奏將此傳諭知之○以勦擒廣東洋
匪張保仔賊夥遊擊林孫等升敘有差○鑲
白旗護軍統領永玉因病解任以鑾儀衛鑾
儀使玉福為鑲白旗護軍統領調鑲黃旗蒙
古副都統福慶為正黃旗滿洲副都統正紅
旗蒙古副都統瑞齡為鑲黃旗蒙古副都統
以頭等侍衛阿那保為正紅旗蒙古副都統
○以浙江黃巖鎮總兵官童鎮陞為廣東提
督○丙子

上幸瀛臺閱冰枝○丁丑諭內閣前因儀親王成親王均係朕兄且有年齒曾經降旨凡遇嚴寒酷暑以及不奏事之日無庸進內以示體恤而儀親王等年齒漸高現仍每日進內轉非所以仰體朕心王等雖在內廷行走非如御前大臣侍衛等引見時例應入內站班者可比無事之日原不應進乾清門嗣後儀親王等除有應奏事件及帶領引見人員仍照例進內其餘無事之日竟不必進內當往

該管宗人府及都統衙門辦事不必每日趨朝始為勤職也○又諭諸達職分在阿哥等視之祇似朋友非師傅可比儀親王成親王俱係阿哥之伯父充當諸達未免不合體制均無庸在總諸達上行走拉旺多爾濟仍著在總諸達上行走定親王綿恩果勒敏色著充補總諸達所有二阿哥之內諸達員缺著該總諸達奏派○戊寅

上詣

大高殿行禮○幸北海閱冰枝○山西巡撫金應琦以病請開缺命來京授刑部右侍郎以刑部右侍郎初彭齡為山西巡撫○戶部議准前任浙江巡撫阮元疏報仁和開化二縣開墾沙地一百九十三頃九十九畝有奇山地三畝有奇照例升科從之○庚辰

上幸瀛臺閱冰枝○諭內閣吳璥等奏雪後嚴寒回空阻凍現在竭力敲冰設法籌催在後各幫情形一摺漕船回空必當及時歸次受兌方無誤來年重運該河督等自應不分畛域隨時籌辦催趲豈得互相推諉本年邳宿運河既因東境水小別無來源吳璥等即當於回空各幫未入江境之前豫為籌辦於各淺處築壩擎蓄以利趲行而東省閘河蓄水微弱維時馬慧裕職任東河其應如何疏濬籌蓄亦即當為未雨綢繆之計非陳鳳翔甫經到任者可比乃吳璥等總存一分疆畫界之見殊屬非是現在已入江境幫船在邳宿

一帶境內者尚有三十八幫竟至節節凍阻
皆由該河督等互相推諉未能及早籌辦所
致吳璥徐端馬慧裕均著傳旨申飭仍交部
議處漕運為天庾正供設有誤來年重運所
關匪細所有現在凍阻各幫吳璥等即當設
法籌催迅速歸次受兌無得再有阻誤其需
用打凌船隻器具以及兵夫飯銀添雇緯夫
輓運等費均著吳璥徐端馬慧裕及該承辦
道將等按數分賠不准開銷○諭軍機大臣
等初彭齡奏接受匿名揭帖飭令嚴拏一摺
匿名揭帖事本詭譎誠恐架詞捏飾挾嫌傾
陷均未可定原詞內所稱即如長子屯留哀
垣潞城壺關虧空倉穀現設湊銀兩寄庫前
撫臣成寧閱兵至潞安供應五千兩二款潞
屬虧空先經初彭齡奏明確查設法彌補其
成寧閱兵所用車馬公館鋪墊及家人需索
門包五十兩又經初彭齡查訊確實具奏安
知非該省風聞此事遂有人藉端臚列此時

若即行查辦未免增長刁風著初彭齡飭屬
嚴密查拏投遞之人務期弋獲俟到案後覈
對筆蹟逐款詳訊有據再行覈辦即所控屬
實仍將投遞之人按律治罪以示懲儆又另
片奏請將平定州知州徐承慶升署汾州府
知府等語汾州府係請旨之缺自應恭候簡
放初彭齡違例保舉殊屬冒昧伊與徐承慶
既屬師生尤宜引嫌以杜物議且伊到任未
久何由知其克勝此任所有汾州府一缺現

已另行簡放矣初彭齡著傳諭申飭○辛巳
上詣

慈寧宮

壽康宮行禮○命於

大高殿祈雪○諭內閣本日刑部進呈秋審黃
冊因四川省有由情實擬改緩決絞犯王厚
成一起另繕清單呈覽朕披閱之下其清單
後尾竟將直隸省另案由情實改緩決之數
犯梁二小一起清單粘接錯誤當發交該堂

官等閱看茲據奏陳錯誤緣由請旨將堂司各官一併交部嚴議實屬咎所應得朕日理萬幾至為繁賾然於刑名事件無不加意詳慎即章牘稍多亦自始至終詳加披閱不遺一字該衙門專辦刑名於陳奏要件更當如何慎重況此件清單祇有人犯一起篇頁不繁現在三扣之後所餘不過兩行如果畧加翻閱其誤立見又何能遞至朕前皆由該堂官等未知敬事不過於定稿之後付之司官書吏等草草繕寫校對漠不關心迨至接扣完畢伊等竟無一人覆加校閱者致有如此錯誤殊屬疏忽慢朕於尋常奏摺內間有一二字誤寫雖隨時指出更正迨諸臣奏請處分時往往寬免若此次關繫刑名事件其怠玩之咎又豈能曲為寬恕耶除令該堂司官查明接扣舛誤之書吏自行責處革退外大學士董誥在內廷行走於本衙門奏章不及詳校其咎稍輕著加恩改為交部議處此

外刑部各堂官及承辦司官著交部分別嚴加議處又諭本日刑部進呈貴州等五省由緩決改入情實招冊朕詳加披閱刑部改擬之案俱係應行情實各省所辦未免失之太寬廣東四川失出各多至十六案尤為疏縱即如四川絞犯李應幅將年甫十二之羅萬伯用刀連戳多傷雖未斃命究屬謀殺已行又絞犯萬貴川因伊十三歲幼弟萬有川不服管罵輒用腰帶勒其項頸殞命細故逞忿故殺胞弟情殊慘毒又絞犯唐允富與戴開正之妻通姦拳毆本夫齒落以致黃氏刃斃其夫戴開正毀屍滅跡是唐允富一犯實為罪首以上三案覈其情節兇惡已極豈復有可寬之處至廣東擬緩案內亦多係糾眾械鬪金刃傷人無可矜貸該二省一為瀕海要區一為教匪甫經平定之地風俗素稱刁悍刻下正應力加整頓而失出之案轉多於他省可見辦理秋讞不能覈實咎無可辭所

有四川廣東督撫臬司等著加等議處其貴州奉天陝西應議各員均著照例議處○壬午旌表守正捐軀直隸獻縣民朱義和女朱氏逼嫁捐軀安徽壽州民周勇倉妻石氏○癸未

上御乾清門聽政○諭內閣本日召見刑部堂官金光悌朱理二人詢及前日所進四川省擬改緩決絞犯王厚成清單摺扣舛誤該堂官等因何未經看出據伊二人奏稱向來定

案奏稿俱交司官等繕寫校對即行進呈各堂官從不覆看等語殊屬非是各衙門奏摺均係進呈披覽之件豈有各堂官全不寓目之理乃該堂官之意竟似一經定稿其校對正摺祇係司官及書吏應辦之事伊等分不當為即或遇有錯誤不過公同奏請處分迨交部懲處伊等亦恬不愧懼此豈敬事之道嗣後各衙門進呈之件均著該堂官等自行敬謹詳閱即各堂官不能遍閱亦應輸出一

二人檢閱無誤然後恭遞設將來進呈之後看出錯誤詢明堂官中無人閱看朕必從重懲處不稍寬貸○又諭本日刑部具奏浙江等六省由緩決改入情實招冊朕詳加披閱直隸山東河南較他省失出之案為多該督撫臬司等著加等議處○至安徽冊內絞犯李從梅與李應照李船等聽從李從鰲糾約入室幫搶劉趙氏賣錢應斬之首犯李從鰲先經病故從犯李應照李船業於嘉慶十三年

列入緩決經刑部覆准在案續獲之李從梅同一為從何以本年獨將該犯改入情實又絞犯張文廣張遐聽從韓士安搶賣李謝氏其入室幫搶亦與李從梅一案情節相同何以亦改入情實著刑部查明覆奏除此二案外該省失出尚有九起亦著加等議處其浙江山西均止五起所有應議各員著照例議處○又諭御史王開雲奏請清理積案以免冤抑一摺各省呈控案件由府州縣審擬詳

報本有一定限期豈可任意遲延致多拖累
自應申明舊例以肅綱紀嗣後各督撫於所
屬詳報案件均著按限招解其有上控之案
毋得再行批發原官任令迴護至於非刑拷
訊例禁甚嚴屢經降旨飭諭今據該御史奏
外省竟有私用聯枷及敲擊踝骨等刑胥役
等亦有私押人犯非刑拷逼者惡習未除殊
為可恨並著該督撫等隨時訪查叅辦毋稍
姑息瞻徇○以詹事府詹事吳芳培為內閣

學士兼禮部侍郎銜仍留順天學政任○戶
部議准前任浙江巡撫阮元疏報開化縣開
墾田三頃六畝有奇照例升科從之○甲申
上幸北海閱冰枝○諭內閣御史昇寅奏請整
飭學校以正蒙養一摺所言俱是但總須實
力奉行方可期士習人才日有起色國家設
立官學教育旗人原冀培養英賢為朝廷宣
猷効職無如行之日久僅視為八旗子弟出
身之階而教習各員亦不深探本原盡心誨

迪但停年期滿薄有課程即得邀恩錄用由
是積習相沿有虛名而無實效夫士人讀書
致用本以講明義理端身心性命之準若但
知從事文藝而置聖賢誠正修齊之學於不
問即倖獲進階服官登仕其於修己治人之
道懵無所知將何以仰副興賢育才之意乎
至尚儉黜奢尤為興廉善俗之本朕謹身節
用首崇儉樸特頒御製訓誥臣工內外大臣
庶僚皆當恪遵明訓砥礪廉隅其官學子弟

蒙養初基自應力戒浮靡導歸淳樸嗣後著
管理官學各大員嚴誠教習人等勿得玩日
曠時務與授業各學生講明四子之書剖析
五經之義俾童年收辨志之益壯歲植立身
之基其有心性浮華輿服侈肆者隨時嚴加
戒飭如教習不守程規子弟不遵化誨即分
別斥革懲處以冀崇實黜浮用副朕厚望旗
人至意○又諭方維甸奏洋盜朱渥悔罪乞
降率領夥衆三千餘人投出並將船隻礮械

全數呈繳請旨辦理一摺朱漬一幫匪船為海洋巨寇本年朱漬被官兵用礮擊斃伊弟朱渥接管賊船即心懷悔懼亟思投首因候風停泊外洋今親身登岸率眾三千三百餘人全行投出并呈繳海船四十二隻銅鐵礮八百餘門其餘器械全數點收海洋盜賊其初本係內地良民或失業為匪或被脅入夥日久自知罪重不能湔洗自拔今朱渥真心悔懼率眾投誠與始終怙惡者不同朕仰體

本集卷五

十一

上天好生之德念此三千餘眾悔罪求生加恩悉予矜全准其投首且洋面早一日除此巨寇免致為害商民所全亦復不少著即照該督所請查照舊例分別遣散回籍安插交地方官查傳鄉保親族人等嚴加管束並遍行曉諭伊等身犯重罪今准首更生從此倍當安分如再犯法定行加倍治罪其情願隨同緝捕者經該督等挑出精壯一百五十餘人同頭目四十餘人著准其分派兵船隨同出

洋緝捕所有派撥弁兵運送礮械以及雇用船隻資遣各費准其於從前撥往臺灣備賞餘存銀三萬八千餘兩項內動支報部覈銷戶部議准雲貴總督兼署雲南巡撫伯麟疏報陸涼州開墾田二頃一十八畝有奇照例升科從之○乙酉諭內閣御史劉尹衡具奏地方詞訟應由州縣官聽斷不得轉委佐雜一摺定例佐貳雜職不准擅受民詞乃近日州縣各官每圖安逸遇有案件批交佐雜

本集卷五

十一

審辦往往是非顛倒執法婪贓甚且鎖押威逼釀成巨案試思各省人民來京控告各案皆諭令各督撫親提訊究不准轉委屬員豈有州縣為親民之官轉將自理詞訟動輒委諸佐雜之理嗣後各督撫務當諄飭州縣將民間控案親自秉公研鞫依限完結毋得仍前怠玩濫委佐雜致滋情弊○又諭弘康等奏丹徒縣召變蘆洲請准京口駐防官兵承買一摺此項入官蘆地現經照例估變旗人

與民人同一承買本無差別且從前該處駐防曾有置買儀徵縣入官蘆洲之案著加恩准其動用存公銀兩置買分年坐扣還款將此項蘆地作為京口八旗駐防公產每年除完正賦外按各官兵數目酌定分領章程務俾均沾實惠○諭軍機大臣等朕聞廣東數月以來洋盜充斥因百齡到任之後更張過急查辦嚴緊故盜匪登岸轉多肆行劫掠順德新會番禺香山東莞等縣到處皆有而番禺之三善東莞之到窖閩鄉俱經蹂躪人口傷至數千尤為慘酷前據百齡奏派兵堵剿殲擒匪夥二千餘名賊勢是否稍斂並聞該督因籌辦太急心存焦憤現患失血之證殊為垂慮該省積玩已久並非始於今日水陸官兵幾不知有緝匪之事奸徒地棍無往非通盜之人百齡力挽積風認真整頓催飭官兵出洋勦捕將各處口岸防守嚴密水米不能透漏該匪無所存身鋌而走險始行撲岸

焚搶此正因百齡實力經理方有此等情事現聞賊匪銜恨百齡有督任似嚴嵩謗言竟敢攢湊花紅三十萬兩謀致該督殊堪痛恨其情罪較之蔡牽尤為重大亦可見該督在彼實為賊中畏憚賊匪不法至此安得不大加勦辦但積玩之後不能驟然整頓而全勝之法必須部署萬全此時總當將內河未淨餘匪先行悉數辦淨各處口岸加意嚴防不任賊匪乘間竄入再將水師官兵次第整頓船隻礮械豫備齊全方可隨時酌量機宜盡力勦辦不妨從容布置轉不可存欲速之見且該督年逾六十平時實心辦公本不惜殫竭思慮此時焦急過甚深恐體氣不支尤當加意自愛仰副委任再朕聞南海石灣鄉被賊圍裹時因賊匪聲言令納銀十萬兩限以二十日措交該鄉民等奔至省城赴總督衙門直至百齡卧榻之前面行赴懇經百齡諭以不可付銀贖盜當發兵一千前往救應此

事是否屬實。曾否將圍劫之盜擒拏辦理著
附便覆奏。又發去洋匪登岸肆劫各村墟報
單一紙。並交百齡留心查對妥為辦理。仍著
將近日辦理情形。據實具奏。將此諭令知之。
○命嗣後滿洲少詹事讀講學士。祭酒缺出。
將應升人員通行開列註明俸次具題。庶予
以下坊缺仍照例擬定正陪引見。

大清仁宗受天興運敷化綏猷崇文經武孝恭
勤儉端敏英哲睿皇帝實錄卷之二百二十一

大清仁宗受天興運敷化綏猷崇文經武孝恭
勤儉端敏英哲睿皇帝實錄卷之二百二十二

嘉慶十四年己巳十二月丙戌朔
上幸北海閱冰枝○丁亥諭內閣溫承惠奏安
陵以南河道四百餘里屬直隸山東兩省州
縣管轄大牙相錯每逢漕運起剝各用本省
船隻逐段盤卸不無耗折耽延經前任總督
梁肯堂奏准將零星段落歸併管轄以速漕
運惟河道內船隻竊劫案件未將應歸何州
縣承緝之處詳細聲明兩省州縣不無推諉
應請明立章程等語從前改隸河道一事係
專為省便撥漕起見原祇將河身歸併其兩

岸隄工隄內村莊及墩鋪錢糧等項均仍歸
原地方管轄並未更置。聞有竊盜案件何得
彼此推諉。著照該督所請。嗣後孟家灣等處
運河內船隻如有疏防案件。查其地名段落
原隸何省何州縣管轄。即將該州縣職名開
叅以重巡防而專責任。○戊子。諭內閣御史
陳中孚奏慎重選舉一摺。科場為抡才大典。
自應嚴剔弊端。拔取真才。從前頒行條例本
極詳明。第恐奉行不力。日久玩生。以致防閑
未周。巧偽百出。勢難保其必無。即如所奏考
試試差時稍有漏洩。則士子等得以探聽揣摩
等語。每次考差外間即有如此傳聞。及加
以根究。又不能確為指實。將憑何辦理。嗣後
閱卷大臣。惟當守口如瓶。各知愧厲。倍加慎
密。以息物議。有則痛改。無則加勉。以全朕用
人之苦衷。至於外省調派內簾。應用科甲出
身人員。聞各省士子往往有豫先拜謁交通
關節之事。該督撫等尤應慎選素行端方學

問優長者。方行檄派。毋得濫行調取。致啟鑽
營之端。此外如鄉會試入闈各員。於熟識士
子致送薪水食物。親至號口接談。代改詩文
查取題目。及隨帶家人書吏。代為夾帶交通
謄錄。找尋試卷諸弊。皆應嚴行查禁。嗣後著
派出之知貢舉監臨。及各省督撫等。實力稽
察。有犯必懲。以期仰副甄拔賢才之至意。將
此通諭知之。○又諭御史陳中孚奏請嚴飭
畿輔營弁。慎固防守一摺。京城為輦轂重地。
向例各營汛設立堆卡。以司稽查。各衙衛建
置柵欄。以謹啟閉。所以晝夜巡防肅清地面
者。至周且備。乃營汛日久玩生。竟不認真巡
緝。甚至官民往來車輛。間有被竊衣包等項。
向該處汛兵查問。越一二日。僅以失物當票
給還。事主取贖而並不根究。正賊嚴行懲辦。
其各街柵欄。近有朽腐損折之處。毫無關攔。
以致宵小夤夜出入。乘間滋擾。而支更各汛
兵。又復相率因循廢弛。外城疏懈。更復視為

具文報竊之案日多緝獲之賊十無一二所謂戢盜安良者何在嗣後各處柵欄著步軍統領衙門派員詳加察看其必應整理者即當量為修葺以資防禦仍嚴飭各營汛弁兵晝夜認真巡緝加意防守務使宵小潛蹤地方寧謐儻經此次飭諭之後再有廢弛玩延情事一經發覺定將專管各員從重懲治將此通諭知之○諭軍機大臣等本日都察院奏常熟縣附監生沈旭來京敬陳江蘇收漕出洋二事朕詳加披閱所言皆切中該省弊端漕糧浮徵久干例禁前此常昭二縣漕書竟有另製大斛加收八斗等事實屬不法至米石出洋甚有關係不惟妨於民食且盜匪得此接濟藉以活命更滋充斥即如沈旭所稱有司但知得受陋規或經民間盤獲偷犯奸徒解官究辦旋即開脫並指出奸僧王長發包買包運自係實有其事均應徹底詳查剔釐積弊著章煦將常熟縣漕書張政和周

復興昭文縣漕書張奎揚並常昭奸僧王長發飭屬密為訪查如有舞弊實據即詳加究詰嚴行懲辦將此諭令知之○賞降調安徽布政使慶格三等侍衛為古城領隊大臣○戶部議准前護陝甘總督蔡廷衡疏報奇臺縣開墾田二頃一十畝有奇照例升科從之○己丑

上幸瀛臺閱冰技○諭內閣刑部等衙門具題楊嚴氏蹬傷伊夫楊起身死依律擬斬立決

一本朕詳加披閱楊嚴氏與伊夫楊起平日本屬和好該氏在屋煮飯有三歲幼子失跌啼哭伊夫向其斥罵該氏祇向分辯伊夫即拾取柴塊毆傷該氏胳膊等數處該氏進房哭泣伊夫又趕進將該氏推按牀上摑住咽喉該氏氣閉情急又因懷孕恐致傷胎冀得鬆脫用腳嚇蹬誤傷伊夫臍肚跌地磕傷腮腴該氏急同鄰人張春等將伊夫扶起逾時殞命覈其情節該氏在屋煮飯並無過失當

伊夫斤罵時並未回署毆打時亦未回毆迨經伊夫榕住咽喉氣閉情急又欲護胎以致蹬傷伊夫跌地身死並無違犯不順之處情尚可憫楊嚴氏從寬改為應斬著監候秋後處決○庚寅漕運總督馬慧裕以前在河東河道總督任內不能蓄水濟運致回空漕船凍阻降三品頂帶尋命來京以三品京堂補用○辛卯

孝惠章皇后忌辰遣官祭

孝東陵○以廣西巡撫許兆椿為漕運總督河南布政使錢椿為廣西巡撫浙江按察使蔣繼勳為河南布政使福建鹽法道陳觀為浙江按察使○壬辰調陝甘總督松筠為兩江總督命喀什噶爾叅贊大臣那彥成以二品頂帶為陝甘總督以葉爾羌辦事大臣伊鏗額為喀什噶爾叅贊大臣賞已革察哈爾都統大通橋監督貢楚克扎布二等侍衛為葉爾羌辦事大臣○予故兩江總督阿林保祭

葬如例諡敬敏○緩徵安徽無為廬江二州縣疊被水災旱災帶徵額賦漕糧○癸巳上詣

大高殿行禮○幸瀛臺閱冰技○甲午

上御乾清門聽政○諭內閣宗人府會同刑部將安置盛京之宗室覺羅開具犯事案由清單奏明請旨分別應否減等釋回一摺宗室覺羅派衍天潢朕深望其潔修自愛共砥醇良乃支庶繁多莠良不一比年以來作奸犯

科行止污下者層見疊出其發往盛京安置各犯原欲其追念古處淳風力思湔洗革面革心前曾親製宗室訓普行頒示責令宗人府王貝勒及該管族長等勤加化導使共知遷善改過罕蹈刑章無如積習日深尚未見伊等共知儆惕相戒為非諸王貝勒及族長等總不能化導懲戒實深焦急且有身罹匪僻及事發到官仍倚恃抗刑堅不吐實者是全不思國家愛惜成全之意甘蹈下流若非

嚴加懲創。必仍恬不知懼。所有單開之宗室恩福等二十一名內。惟都爾嘉之子懷塔阿里雅布。孫布扎納。布爾善。博明。均係因都爾嘉獲罪發往。俱著加恩釋回。准其戴用四品頂帶。仍不准挑差應試。都爾嘉之姪花連布。團多布。木蘭布。阿顏布。賡音布。吉倫布。揚阿布。亦係同案發往。伊等本有四品頂帶。並許挑差應試。著加恩俱准釋回。此外概不准減釋。其另單之覺羅天佑一名。亦照擬不准援減。如伊等從此咸知儆畏。在彼安分守法。宗室等風氣日歸淳厚。朕自當隨時施恩。不必定俟慶典查辦。如仍不知悔改。惟有從嚴執法。以期力挽積風。此朕教誨宗室等不得已之苦心。將此通諭知之。○又諭御史魏元煜奏請將京察一等例用道府人員。無論曾否題升。仍准其於復帶引見時。一體保送一摺。京察為考績大典。向來記名人員。將次用竣。即將上屆一等之員。由吏部復帶引見。以備

簡用。其曾經保列一等。由本衙門題升者。即概行扣除。原以該員等已得進階。不應復行保送。若將例用道府人員。無論曾否題升。仍一體復帶引見。則是該員等已邀升轉之後。復得遂其外用之心。該御史所奏。自因上屆復帶引見各員內。有本衙門曾經題升。即行扣除者。受其囑託。欲為寬予升途。殊非慎重遴才之道。魏元煜此奏。近於沽名邀譽。著傳旨申飭原摺著擲還。○戶部議准。前護陝甘總督蔡廷衡疏報。烏嚕木齊塔西河蘆草溝二所開墾田三頃有奇。照例升科。從之。○乙未。上幸北海閱冰技。○諭內閣。朕恭閱世宗憲皇帝實錄。內載雍正二年五月。欽奉諭旨。朕惟漕運關繫甚大。經費本無不敷。而運丁恣行不法者。皆由官弁剝削所致。如開兌之時。糧道發給錢糧。任意剋扣。而倉丁之都司監兌之通判。又多誅求。及至啟行。沿途武

弁借催糧為名百計需索又過淮盤查私貨徒滋擾累運丁力不能支因而盜賣漕糧偷竊為匪嗣後各督撫不時查察如有仍前需索等弊立即指叅從重治罪庶運丁漸有起色保守身家凜遵約束禁官吏之侵削即所以戢旗丁之刁悍等因欽此

聖訓煌煌尋源探本可見當日漕運之弊與目前情形正同而所以整飭而釐剔之者數十年以後之措施早垂

成憲近日有漕省分諸督撫指陳漕弊無非稱旗丁等提溜打聞等項費用繁多其所謂設法調劑者無非多給兌費殊不知弊端之大費用之廣總由糧道之剋扣於先弁員之需索於後至提溜打聞等項未嘗不稍有所費而丁力之不足實在此不在彼也旗丁等花費既多復隱有自肥之計一遇交兌之際藉端訛索毫無忌憚甚且沿途盜賣米石而州縣官既為旗丁所苦復藉旗丁為名當徵收

之時多方浮折其實在受累者惟花戶而已是則卹民之道全在卹丁而裁弊之源必須裁費前經屢降諭旨將各衙門需索款項並糧道剋扣舊習一切禁革淨盡仍交該督撫嚴查密訪若再有隱匿前轍者務當據實糾叅從重治罪使旗丁刁悍之習不敢自除州縣苛斂之風不禁自止漕運庶日有起色也凜之將此通諭知之○又諭現屆封印日期不遠各衙門自應將應辦事件上緊趕辦次

第陳奏庶不致有積壓之慮迺本日悅心殿傳膳辦事祇有步軍統領衙門封奏一件此外六部俱不奏事將來封印期迫勢必至一日之內紛紛陳奏轉多擁擠殊非辦公之道嗣後各衙門務將應辦事件隨時上緊陳奏毋得仍前延緩○以詹事府少詹事吳煥為詹事○戶部議准前署貴州巡撫章煦疏報黃平州開墾田三十三畝有奇照例升科從之○丁酉諭內閣京察為三載考績大典自

應覈其辦事勤惰以分黜陟但必須擇其品行素端才猷茂著者登之上考方足以昭激勸若祇取浮華奔競之徒喜其趨走承順言語便捷工於迎合者即予保薦而不按其平日之品行慎加甄別則心術稍有不端才具又何足取且一等人員於保薦後可以帶領引見記名簡擢其次等者例不得與若猷守素優之人不獲仰邀登進於人才已多屈抑僅一等中竟有倖列之一經記名擢用即

可由道府洊擢大員其居心辦事素不可問將來必至貪酷債事關繫尤重前於嘉慶五年特降諭旨令各衙門慎重保薦茲因京察屆期特再行申諭儻有不鑒擇人品率意保舉致記名擢用之後有營私敗檢貽誤地方釀成重大案件則惟原保官是問○又諭那彥成著兼兵部侍郎銜嗣後凡遇以二品頂帶授為總督者均著兼侍郎銜俟加恩給予頭品頂帶吏部再行奏請兼兵部尚書銜著

為例○予福建故司經局洗馬官獻瑤山東故刑部郎中袁守御浙江前明贈兵部主事應粉及其子勳入祀鄉賢祠從巡撫張師誠吉綸蔣攸銘等請也○戊戌諭內閣軍機大臣會同刑部審訊書吏王書常等私雕假印捏指工程冒領庫銀一案現據拏獲各犯供辭查出假印文領計冒領得贓已有八次之多閱之殊為憤懣近來部院衙門堂司各官於一切奏牘文移不但不細心詳覈竟全不

看視殊屬疲玩之至前月刑部於進呈案由清單即有錯粘尾扣之事今內務府於偽造工部假印文領屢次照文給發毫無覺察此在總管內務府大臣各員怠玩不職均屬咎無可辭而蘇楞額阿明阿二人現係工部堂官兩處文稿俱應閱看使於內務府給發銀款時思及工部衙門並未具奏此件一加查覈何難立破其奸乃被欺多次若謂閱稿時前後俱未看出則是昏憤糊塗如竟未寓目

更全不以公事為重。直同瞽目。深負朕恩。豈堪復勝部院之任。蘇楞額。阿明。阿俱著即行革職。仍交軍機大臣會同刑部議罪。英和。常福。和世泰。俱著先行拔去花翎。仍交部嚴加議處。徵瑞。本年三月甫經補放。又奉差在外。兩月情稍可原。著交部議處。其廣儲司銀庫司員等。著查明奏請治罪。至工部堂官失察。書吏鋪戶舞弊。印由私雕。與盜用堂印者。稍有不同。所有工部堂官任事較久者。著交部議處。其本年到任者。著交部察議。各部院大臣。俱經朕簡用。委任嗣後。務各殫心厥職。剔弊釐奸。振刷精神。時以此案為戒。朕一秉大公。不肯稍有瞻顧。若再因循怠忽。是自干咎戾。惟執法重懲耳。慎之。○又諭桂芳。現在派管事務較多。不必在上書房行走。三阿哥授讀。著改派王以銜。不必兼南書房行走。○以吏部右侍郎桂芳。刑部左侍郎穆克登。額。為總管內務府大臣。○調鑲紅旗漢軍副都統

蘇沖。阿為鑲紅旗滿洲副都統。以散秩大臣綿槐。為鑲紅旗漢軍副都統。頭等侍衛花聘。為鑲紅旗蒙古副都統。正藍旗漢軍副都統扎克塔爾。為鑲藍旗護軍統領。○庚子。諭內閣。御史周鉞奏。請復講約舊例。實力奉行。以敦風化。一摺。順治年間。欽定六諭文。康熙年間。頒發上諭十六條。雍正二年。復頒發聖諭廣訓萬言。通飭各直省地方官。於每月朔望。剴切宣講。務使鄉曲愚民。共知向善。仰見列聖關心民瘼。教養兼施。所以為世道人心計者。至深遠也。牧令為親民之官。向例計典屆期。各州縣有能宣講聖諭。實力奉行。該督撫即列入卓薦之內。原以該員等有教民之責。承流宣化。正藉此以鼓勵進階。乃近年以來。各地方官。歷久懈生。率視為奉行故事。竟至日形廢弛。所謂化導斯民者。何在。嗣後。順天府五城所屬地方。並

各直省督撫所屬州縣務當飭令一體恪遵舊例於每月朔望日傳集城鄉居民敬將諭各條曉諭宣講行之以實毋得視為具文庶民風丕變治道益臻上理○以故三等公明俊子喜倫襲爵

大清仁宗受天興運敷化綏猷崇文經武孝恭勤儉端敏英哲睿皇帝實錄卷之二百二十二

大清仁宗受天興運數化綏猷崇文經武孝恭勤儉端敏英哲睿皇帝實錄卷之二百二十三

乾

嘉慶十四年己巳十二月辛丑諭內閣昨經

軍機大臣會同刑部將書吏王書常等嚴加究鞫又訊出該犯等於嘉慶十一年起至本年九月止復先後朋謀偽造印文捏款移咨戶部經戶部憑文辦札及交庫陸續冒領三庫銀兩物料共計六次更堪駭異除著嚴審定擬外並令將戶部堂官失察次數開單呈覽大學士祿康失察共有六次伊總理度支於錢糧出納分應倍加詳慎何以漫不經心毫無覺察尚書德瑛失察亦係六次且札庫

先行稿經伊畫諾者三。此等文稿並非緊急事件。何迫不及待之有。再本日召見據伊奏稱。近日因目力不濟。所有稿案曾令伊子代畫筆跡。聞有互異。並稱進署日多。是以先行稿俱係伊閱畫。但不察用項之緩急。率畫先行。此非勤職。乃冒昧受人愚弄耳。似此精神不能振作。目力昏花。豈復能勝尚書之任。均應量予降補。現在長麟久患目疾。已閱半載。未能刻期痊愈。著將協辦大學士開缺。祿康

著革去太子少保銜。降補協辦大學士。授為戶部尚書。德璘著革去太子少保銜。降補工部左侍郎。俱仍交部嚴加議處。戴衢亨失察四次。趙秉冲失察五次。較祿康德璘俱少。況伊二人供職內廷。不能常川到署。著交部議處。劉鐸之失察四次。又未畫稿。著交部議處。曹振鏞失察一次。托津失察二次。英和失察二次。桂芳失察一次。均著交部察議。其失察四次之蘇楞額。前已錫職。毋庸再交部議。祿

康所出大學士一缺。著勒保補授。仍留四川總督之任。所有工部尚書員缺。著秀林補授。又諭本日盛京戶部侍郎榮麟。兵部侍郎兼盛京副都統伊冲阿。同時來京。陛見。一因侍郎年班。一因副都統年班。雖係照例輪直。前來。但盛京侍郎五員。同時竟有二員來京。該處辦事未免乏人。嗣後每年盛京侍郎副都統。仍各輪直一人來京。其侍郎內兼副都統者。如侍郎副都統年班。俱應輪直。即著一

人來京。如一侍郎一副都統兼侍郎者。應行輪直。即於不兼侍郎之副都統內。另著一人前來。不得兩侍郎同時來京。著為令。此次伊冲阿即著於年內先回盛京供職。○諭軍機大臣等。許文謨奏查明械關肇釁。根由及淡屬中港地方。關已止息。民情安帖。一摺。此次自四月初旬起。釁遲至十月初間。方能辦竣。現在械關雖已止息。而善後事宜。最為緊要。臺郡孤懸海外。民俗强悍。設立總兵道員。用

資彈壓所有額設官兵自應責成該鎮道等督率調遣乃以該處兵役多係籍隸漳泉難於調用一遇械鬪等案動輒請調內地官兵遠涉重洋又須大員前往督辦安用此鎮道為耶許文謨本係陸路提督俟諸務辦理完竣應即內渡回任辦事所有臺灣善後事宜著方維甸體察情形嗣後遇有漳泉粵莊等處民人因事爭競如何妥立章程即為申理曲直不致釀成重案即或有須兵力不煩內地調遣之處悉心籌議具奏將此諭令知之○以故三等男佛興額子富敏泰襲爵○以正紅旗蒙古都統哈迪爾為內大臣降鑲藍旗滿洲都統德瑛為正紅旗漢軍副都統調鑲白旗漢軍都統明亮為鑲藍旗滿洲都統以正紅旗漢軍副都統富明阿為鑲白旗漢軍都統工部尚書秀林兼正白旗蒙古都統○調西安將軍賽冲阿為吉林將軍以鑲黃旗漢軍副都統阜保為西安將軍調直隸天

津鎮總兵官本智為京營右翼總兵兼鑲黃旗漢軍副都統伊犂總兵官國興阿為天津鎮總兵官○壬寅諭內閣刑部等衙門奏嚴擬四川南溪縣民人謝文彪竊取年甫七歲之兒身死一案此案謝文彪竊取年甫七歲之幼孩張狗兒項帶銀圈恐其回家告知敗露即將張狗兒拉至河邊擊按水中溺斃殘忍已極該部擬以斬決法無可加但此等兇惡之徒應予以梟示俾眾共知儆惕謝文彪著即處斬梟示嗣後如有謀斃十歲以下幼孩之案或係因財或有圖姦情事俱著於斬決例加以梟示並著刑部纂入則例○以故三等伯鄂岳子保綸慶壽子成山各襲爵○癸卯諭內閣國家設官分職各有責成人人皆當凜思職守至有倉庫之責者典守出納尤須慎重一切印文稿件自應詳細察覈嚴密鈎稽方足以杜侵欺而除詐偽乃內務府廣儲司銀庫竟被工部書吏王書常等私雕假

印偽捏款項冒領帑銀多至八次該堂司各官懵然不知聽其所為昏憤怠玩莫此為甚至內務府大臣中兼管工部者尤責無可辭本日慶桂等將該堂司各員按其失察次數分別定擬具奏除蘇楞額先經降旨革職不再治罪外阿明阿兼工部侍郎在任又久失察多至七次其原擬發往軍臺効力贖罪之處著改發熱河隨同穆騰額等辦理普陀宗乘廟工効力贖罪英和常福和世泰徵瑞四

用著從寬改為降二級留任所有內務府大臣銜名次序英和常福既降頂帶即著按照品級開列在後此係朕格外施恩用人不得已之苦心若伊等以為罰不及衆可以倖免仍於公事漠不經心再蹈咎戾則不能屢邀寬典矣至該管庫司員庫使等官職守尤專更非堂官綜理各務者可比自當按律加等問擬郎中德音員外郎士誠失察八次員外郎廣善失察七次郎中瑞寧失察五次庫使恩吉常文羅漢保失察八次靈鑄失察五次均著革職發往烏魯木齊効力贖罪郎中文光失察二次祝麟穆翰失察一次均著革職其於假印咨文投到未能立時查出之直日筆帖式保祿恒榮景椿裕善士鳳收文筆帖式達善郭陞阿石麟托泳武五臨泰重蔭亦均著一併革職以示懲儆所有冒領銀兩應著落內務府堂司各員分賠其應如何著賠之處著軍機大臣覈擬具奏朕於大小諸臣

應加懲辦之事無不詳細斟酌務臻公允從無畸重畸輕之見諸臣等惟當勤修職業各顧考成加意凜惕將此通諭知之○又諭本日巡視中城御史阜麟等奏拏獲假官誑騙從犯陳煥文一摺據稱副指揮孔傳葵緝捕尚屬認真可否量加鼓勵等語近日五城等衙門於緝獲逃犯摺內往往將緝犯之員附請獎勵朕覈其案關重大者開予降旨施恩但思向來外省緝拏鄰境盜犯有送部引見之例其各項人犯亦有計算拏獲次數分別給予議敘者所有步軍統領五城順天府等衙門拏獲逃犯亦應視其案犯之重輕次數之多寡分別等差定立章程俾勤於捕務之員知所獎勵亦復示以限制不致妄生冀倖著吏兵二部詳查例案悉心妥議具奏尋奏請嗣後五城司坊各官拏獲鄰境逃犯實係外來潛匿罪應凌遲斬絞立決並請旨即行正法者准其送部引見候旨升用如係尋常

斬絞監候人犯應准其每名加一級軍流遣罪人犯每名紀錄一次徒罪人犯每二名紀錄一次如祇係五城命盜案犯由別城地方官拏獲以及前官任內逃犯經接任官拏獲者俱應仍照向例分別給予議敘凡拏獲逃犯由該城御史奏請議敘統俟刑部覈覆罪名知照吏部再行辦理所有孔傳葵拏獲假官誑騙從犯之處即應照此辦理至大興宛平二縣向來開參承緝以及獲犯議敘職名俱由直隸總督查明咨部惟該縣等係屬京縣駐劄內城凡有奉旨通緝案犯俱令一體限緝其有拏獲外來潛匿兇盜各犯以及五城命盜等項案犯由順天府奏請議敘者亦應照五城司坊官之例至步軍營巡捕營等官如有拏獲外來潛匿各項逃犯由步軍統領衙門奏請議敘者均照五城文職等官議敘之例從之○都察院左都御史特克慎以衰老休致以正紅旗蒙古都統王集為左都

御史右翼前鋒統領奕紹為鑲黃旗蒙古都統貝勒永錡為右翼前鋒統領○乙巳諭內閣宗人府奏審擬宗室幅清泰調戲程氏一案並端思自請議處一摺此案幅清泰身係宗室乃稱為兆四兆趙同音竟與漢姓相混此與向來稱宗室為黃某如出一轍沾染惡習恬不為怪即此一端已當治以忘本之罪況宗室理應居住城內幅清泰輒搬移崇文門外更屬不安本分即未滋生事端亦當加以懲辦現又罔顧廉恥調戲婦女似此甘蹈下流殊玷宗室顏面宗人府擬以圈禁一箇月加責二十板尚覺過輕幅清泰著圈禁一年滿日加責四十板以示懲儆朕於宗室諄諄訓誡不啻至再三過伊等總不自愛違理犯法之事層見疊出總由管理宗人府王貝勒及該族長等平日怠於教訓視蕩檢踰閑之輩漠不經心以致屢陷於罪實屬咎無可辭所有失察此案各處分毋庸再交部議

著即照本日都察院吏部所議失察端成一案儀親王成親王定親王綿恩貝勒永珠永錡各罰職任俸三箇月總族長端恩罰一品俸二年族長額勒興額降一級調用學長慶賢罰養贍銀一年半並革退學長嗣後該王貝勒族長等務當加意教導隨時稽察遇有此等混稱漢姓及出城居住者即查明治罪不待犯案後始行懲治庶禁於未然咸知束身奉法無負朕告誡苦心也○又諭本日軍機大臣將工部堂官失察書吏等舞弊冒領戶部三庫銀兩物料次數查明開單呈覽近年工部堂官惟縕布在任最久一切弊端皆由伊怠玩廢弛不加整飭以致書吏等任情藐玩無所不為其咎最重使其身尚在不但褫職並應治以應得之罪今伊已身故又無子嗣姑無庸議其餘各堂官除失察冒領內務府庫銀一案已先經交部分別議處察議外大學士費淳才具本屬中平特因資格較

深且已擢至大學士是以令其兼管部務伊在部有年於此等大獎毫無見聞前因管理三庫時係兼管工部有失察冒領銀物之案業交部嚴議茲又於本部書吏冒領三庫銀物失察至五次之多咎無可辭著先拔去花翎不必兼管工部事務再行交部嚴加議處曹振鏞失察冒領三庫銀物四次成書蔣子蒲各失察冒領銀物三次均著交部議處英和失察冒領銀物二次陳希曾顧德慶各失察冒領物料二次多慶周兆基邵白昌各失察冒領銀兩一次鄒炳泰戴衢亨福慶各失察冒領物料一次均著交部察議蘇楞額阿明阿二人前已分別革職治罪此次失察之處毋庸復行交議○諭軍機大臣等本日馬慧裕奏豫籌經理不能歸次幫丁運務緣由一摺新漕關繫緊要現在江境守凍各船已鑿開河泓一道可以依次軌行馬慧裕惟當督率地方官弁上緊催趲總以歸次為要多

一幫歸次即省一幫掣肘不可稍有怠玩若歸次過遲則新漕尤不可不豫為經理數日來節據各省奏到浙省擬用減歇幫船再加灑帶江西湖廣擬雇備民船在途迎兌并請籌款辦理已降旨照各該督撫所奏事宜妥為豫備今馬慧裕籌辦此事以雇船受兌諸弊叢生轉恐耽延歧誤其意欲將浙江江蘇安徽江西四省存次新船先行按數裝載此外或量為灑帶或仍俟續行歸次之船補足裝運其湖廣省則欲另行添用剝船並酌改受兌地方馬慧裕於各該省漕務地方情形未必深悉但既據縷析陳奏著即將所議發交各該省督撫自行酌量本處情形可行則行當止則止總須熟籌妥善一面奏聞一面即行辦理期於無誤新漕不可稍有觀望設籌辦未周致有窒礙則惟原議之督撫是問其摺內請酌借守候開壩各幫銀兩及令回空船隻在停泊地方修脩二款幫船阻凍之

後守候開壩旗丁等食用不支其修脩亦不免需費昨江西湖廣等省亦曾奏及請先行動款借給另為分年歸款今馬慧裕所請在於河庫內提銀二萬三千五十兩先行應用之處著即照所請行仍著再與各該省會同確數將應需各銀數分別辦理○陝西巡撫成寧緣事革職調山西巡撫初彭齡為陝西巡撫以廣東布政使銜齡為山西巡撫調甘肅按察使陳桂生為山西按察使山西按察使積郎阿為甘肅按察使以湖北按察使曾燠為廣東布政使江西督糧道周季堂為湖北按察使○丙午

上幸瀛臺閱冰技科爾沁扎薩克土謝圖親王諾爾布琳沁等七人教漢扎薩克郡王德濟特等三人喀爾喀扎薩克郡王達瑪琳扎布扎薩克頭等台吉阿扎喇等十人青海扎薩克頭等台吉恩克巴雅爾等六人察哈爾額魯特二等台吉納旺楚勒提木等五人霍罕

來使阿渾占西哩布二人哈密郡王銜貝勒扎薩克額爾德錫爾等十四人杜爾伯特扎薩克貝子伊達木扎布等四人並章嘉呼圖克圖等二十二人於西苑門外瞻觀○丁未上御寧壽宮賜王公大臣及蒙古王貝勒貝子公額駙台吉等食並賞賚有差○戊申

上御撫辰殿大幄次賜蒙古王貝勒貝子公額駙台吉及外藩使臣等宴並賞賚有差○諭內閣大學士會同戶工二部議覆吳璥等請築碎石坦坡擁護高堰大隄一摺洪澤湖大隄為淮揚兩郡保障近年風浪掣却修費孔繁該河督等議築碎石坦坡以資擁護並請於鹽務加價項下分年撥銀興辦經大學士等議准朕亦悉聞碎石坦坡實於隄工有益均著照所議辦理惟是錢糧重大不能不嚴防虛冒近日人心見利忘害作偽者多即如戶部三庫內務府廣儲司庫近在輦下竟有書吏等私雕假印捏款冒領多次之案則外

省貪官蠹吏侵欺浮冒等弊實難保其必無
況碎石坦坡拋砌水中較之別項土石工程
尤難查考著責成該河督等覈明丈尺編列
字號按段興修並派廉正大員督率稽查於
石料採運到日先行覈計眼同如式填築俾
護隄根如有以少報多偷工減料者查明立
即嚴叅重懲此事工鉅費繁時日又久該河
督等務當認真經理以期按年修築堅實為
一勞永逸之計切勿輕聽工員虛糜帑項為
人受過也慎之○又諭溫承惠奏直隸三次
清查案內抵款銀兩設法查辦一摺直隸三
次清查案內未完各款自應趕緊催追完解
若屆限滿時率行奏請予展年復一年伊於
何底是名為清查帑項終歸無著仍非覈實
辦公之道除此該省留抵什物項下應變
銀九萬七千四百餘兩著加恩姑照所請數
在五百兩至一千以上者勒限一年二千兩
以上者勒限二年五千兩以上者勒限三年

一律變竣其交代案內留抵什物估變不敷
及墊支墊解無著共銀二十六萬五千一百
餘兩亦照所請將數在三千兩之霸州等六
十三州縣共銀八萬一千一十三兩零勒限
二年歸補三千兩以上之容城等三十一州
縣共銀一十四萬四千七十七兩零勒限四
年歸補一萬兩以上之寶坻等三縣共銀四
萬五十三兩零勒限六年歸補均責成該管
道府按限實力催追提解司庫歸款毋任稍
有短絀外嗣後不得再行奏請展限如限內
仍有未能按數完繳者即著落各該管上司
如數攤賠以清庫款該督此後毋許復留清
查名目僅仍有奏及清查者除將該地方官
查明究治外必將該督一併懲處○又諭刑
部將安徽等省造報暨現審案內已未到配
流徒各官犯應否准減摘敘案由開單具奏
一摺朕詳加披閱內尹楚英一犯由難廕補
用守備與外委周國明之妻曾氏通姦伊父

曾任把總出師陣亡。且覈其情節。究係和姦。幅承額一犯。因承辦吉地工程。分用鍊山石。項下扣成銀兩。照例監追。已據如數完繳。陳黃陞一犯。因駕坐師船出洋捕盜。將船內繩索抵還私帳。尚非私賣軍器。可比。富陞一犯。因疏防斬犯鄭自發越獄脫逃。審係依法看守。偶致疏虞。該革員協緝五年。業經限滿。且究無賄縱情弊。以上四犯。均著准其援減。餘俱不准援減。○暹羅國王鄭華遣使表賀。

萬壽進貢方物。賞賚筵宴如例。○己酉。諭內閣。初彭齡等奏。晉省士民望幸情殷。籲請允舉巡幸一摺。五臺為晉省勝蹟。其山近臨塞垣。蒙古藩部歲時瞻禮。絡繹偕來。從前

聖祖仁皇帝

高宗純皇帝屢次親臨。即藉以為民祈福。朕昔在藩邸。隨侍

高宗純皇帝巡幸各處。惟五臺未曾登陟。言念茲山靈臯奧。區久留

聖蹟。今既該省士民同殷望幸。自應俯如所請。著於嘉慶十六年春三月。朕恭謁

西陵後。即便道巡幸五臺。所有應行一切事宜。各該衙門照例敬謹豫備。○又諭國家設立庫藏。慎守出納。如有虧缺挪移及額外浮支者。均立法纂嚴。以儆侵盜。茲軍機大臣會同刑部審擬蔡泳受王書常等假印冒領三庫及內務府廣儲司庫銀兩物料一案。該犯等竟敢憑空捏造事由。冒領庫款至十四次之多。且詐傳詔旨。指稱欽派辦工大臣姓名。偽造印文。咨行部院衙門。以致各該司員等被其欺朦。稽覈者依樣承行。典守者據文給發。而各該堂官等亦漫無覺察。甚至如德瑛之率畫先行。使奸人肆志。得以售其欺罔。釀成巨案。牽連遣戍降革大小多員。該犯等作奸藐法。情罪重大。實屬法無可寬。朕欽恤民命。尚恐此案或辦理過嚴。罹法者衆。曾默禱上蒼。如用法稍失平中。或陰霾寒栗。示以機緘。

今本日奏上此案。值瑞雪時晴。天氣開朗。可見軍機大臣等所擬悉皆允當。不能因節屆迎年。並齋戒期。近將該犯等稍稽顯戮。蔡泳受。王書常。吳玉均著即處斬。將得明著即處絞。派侍郎托津。景祿前往監視行刑。蔡泳受。王書常。吳玉三犯俱著先於法場刑。夾一次。再行正法。並傳集六部三庫內務府等衙門書吏各數人。前往環視。俾共知儆懼。謝興邦。商會祺俱著絞監候。秋後處決。陶士煜。王嘉鼎。秦浩。錢樹堂。祝廣平。葉錫嘏均著發往黑龍江。給披甲人為奴。宋良辰。萬彭俱著發附近充軍。其虞衡司掌印郎中英奎著革職。同己革筆帖式惠崑俱發往烏魯木齊効力贖罪。戶部已革員外郎劉承澍俟解到審明後。如無別項情弊。再發往烏魯木齊効力贖罪。常安定住寬寧時敏。錫禮岱均著革職。顏料。緞匹庫承辦司員均著即查明革職。戶部監放官銀庫司員及工部虞衡司戶部福建司。

各司員江南道御史均著照所擬交部查取職名分別議處。○又諭向來度支出納本有章程。立法至為周密。乃奉行不力。日久玩生。以致各衙門胥吏恣為詐偽。作奸犯科。王書常等膽敢捏造印信。冒領帑銀庫件。竟至十四次之多。釀成巨案。現已按律嚴辦。其失察之堂司各官亦分別降革治罪。用昭炯戒。本日據給事中慶明御史周鉞奏請嚴立規條。自為防弊起見。但詳加披閱。如慶明摺內所稱。每遇奏派工程。動用錢糧事件。皆在午門宣旨一節。不可行。朝廷凡舉大典。始傳各大臣詣午門聽宣。而各處工程。則係隨時修葺。粘蓋若動輒廷宣。成何體制。又周鉞摺內所稱。一人之封事務使通國皆知。亦屬不諳事理。臣下封章各有輕重緩急。設或應行慎密辦理之件。豈可驟行傳播耶。以上二條事屬難行。亦於防弊無涉。至支領庫項防微杜漸。不厭周詳。其應如何中嚴定制。以清弊竇。及

摺內有無可採之處。著軍機大臣會同戶工二部管理三庫大臣及內務府大臣等悉心妥議具奏。○庚戌

孝莊文皇后忌辰遣官祭

昭西陵。

上詣

慈寧宮

壽康宮行禮。○諭內閣吏部等衙門奏議處失察假印冒領庫款案內戶工二部及管理三庫各堂官二摺部院各衙門大臣位崇責重於經營事務分應盡心綜覈。今蔡泳受王書常等私雕假印冒領庫款一案舞弊至十四次之多。設於初起時各該管大員等有一二人精明詳察燭破其奸立時查拏懲辦則罹法者必不至如此之衆而承辦各職官亦不至嚴譴多人乃相率因循竟無一人能除奸剔弊者。經部臣分別叢議其咎至降革各員本應悉照部議。但一時更易多員乏人簡補

惟其中情節較重者亦不能不降黜數員以儆疲玩。所有戶部各堂官內祿康前已降為協辦大學士尚書其部議降二級調用著從寬改為降三級留任。德瑛三次標畫先行稿件伊雖常川到署人皆以其年老易於愚弄釀成重案其誤公之咎更甚於曠公前已降補工部侍郎伊精力已衰著即以二品頂帶休致。戴衢亨趙秉冲劉鏐之部議各降一級調用俱著從寬改為降二級留任。工部各堂官內費淳係管理工部兼管三庫事務於偽印文領到庫時並不能憶及工部無此奏案其咎與英和常福相等且伊在工部最久失察次數亦最多前已拔去花翎退出工部今部議革任著革去官銜降為侍郎萬承鳳現出學差兵部右侍郎一缺即著費淳署理仍留兼管國子監事務。曹振鏞成書蔣予蒲部議各降二級調用俱著改為降三級留任。陳希曾顧德慶部議各降一級調用俱著改為

降二級留任。其原擬降留罰俸各員均著照部議行。大學士一缺。吏部無庸進本。候朕簡員補授。工部左侍郎員缺。著福慶轉補。右侍郎員缺。著榮麟調補。正紅旗漢軍副都統並著榮麟補授。盛京戶部侍郎員缺。著馬慧裕補授。奉天府尹事務。即著馬慧裕兼管。此案甚奇。朕所恨者。不在書吏誑騙多次。而在諸大臣及眾司員之因循疲玩。方今大弊。無出此四字者。若不各加警省。其患更百倍於此。

案矣。朕惟思艱圖易。以待諸臣之洗心滌慮。助朕成一代令主。亦無可再諭矣。將此旨通諭中外知之。○開豁安徽年遠無據世僕名目。准其捐考。又諭禮部議覆董教增奏。遠年世僕請分別開豁一摺。所議尚未允協。安徽省徽州寧國池州三府。向有世僕名目。查其典身賣身文契。率稱遺失無存。考其服役出戶年分。亦俱無從指實。特遇其有捐監應考等事。則以分別良賤為辭。疊行訐控。而被控

之家戶族蕃衍。又不肯悉甘污賤。案牘繁滋。互相仇恨。允宜覈實持平。以端風化。前據董教增奏。世僕惟以現在是否服役為斷。現在服役者。如主家放出三代後所生子孫。方准捐考。若事在前代。即曾經葬田主之山。佃田主之田。而出戶已百餘年及數百年者。一體開豁為良。立論甚為允當。今禮部議令自國初以後。雖現在不與奴僕為婚。並未報官存案者。令地方官隨案查明。以立案之日起限

俟三代後所生子孫。方准捐考。恐紛紛查辦胥吏從中掊勒。轉滋流弊。著仍照董教增所奏。該處世僕名分。統以現在是否服役為斷。以示限制。若年遠文契無可考據。並非現在服役養養者。雖曾葬田主之山。及佃田主之田。著一體開豁為良。以清流品。○刑部奏。毆斃婢女革職擬徒。前任編修汪康呈請贖罪。得旨汪康鞭毆十歲婢女。致斃。情殊殘忍。特以主僕名分。罪止杖徒。茲呈請贖罪。若准令

納贖。則官員恣行酷暴者。無所懲戒。汪庚著不准其贖罪。○辛亥。

上以歲暮裕祭。

太廟。自是日始齋戒三日。壬子。諭軍機大臣等。粵鹽改歸陸運。可杜鹽船出洋私帶水米接濟等弊。惟朕聞向來運鹽之紅單船所雇水手。多係該處强悍無業之人。於洋面情形素所熟悉。遇有盜船。並力能抵禦。今鹽斤全歸陸運。則此項水手無人雇用。必致羣然失業。若流而為匪。或投入賊船。豈不增其夥黨。此輩情形。與從前鄉勇相似。必當妥為安插。令其有謀食之所。則不至毆良為莠。著百齡即悉心籌度。或招入水師營伍。或官雇充當舵水總令。為官所用。不使散歸匪黨。亦肅清洋面之要策也。將此諭令知之。○癸丑。以歲暮裕祭。遣官祭。

太廟中殿。

後殿。○諭內閣。百齡等奏洋匪郭婆帶率同夥

衆五千餘人。擒獻張逆匪夥三百餘名。呈繳船九十餘隻。礮四百餘位。悔罪投誠。一摺。粵洋各股盜匪。惟郭婆帶與張保仔兩股船數最多。滋事已久。今郭婆帶心存畏懼。蓄意投誠。張逆屢次邀令幫助。俱不赴援。兼與張逆併力鬪戰。現據摺內奏稱。轉據歸善縣稟報。郭婆帶竟將張逆夥黨殺斃。不計其數。擒獲三百餘名。奪獲張逆匪船十一隻。率其夥衆五千餘人。大小船九十餘隻。大小礮四百餘位。一併收入平海內港。赴官呈獻。投誠等語。前此閩省奏到朱渥幫船投首一事。祇將船隻礮位呈繳。未能擒殺盜夥。今郭婆帶將張逆幫夥大加擒斬。搶獲多船。到官呈獻。其真實投首之意。尤為確然無疑。此時百齡親往查辦。著即准其投首。並加恩將郭婆帶即郭學顯賞給把總。令其隨同捕盜。如伊能將張保仔擒斬。尚當格外施恩。又盜首東海霸幫夥陳勝等四百餘人。現已帶領船隻礮械一

同投首。所有郭婆帶等呈繳礙位船隻均著留充官用。廣東捕務廢弛已久。洋匪劫掠橫行。毫無忌憚。自百齡到任之後。認真整頓。嚴斷接濟。簡練舟師。用能壁壘一新。俾賊衆膽寒。現在郭婆帶及東海霸率衆投誠。並督飭舟師及地方官兩次追剿。轟斃賊船大小頭目二十餘名。殲賊六百餘名。並擊斃賊首鄭一嫂之姪。生擒盜夥七名。燒燬盜船八隻。擊壞盜船十四隻。官弁兵丁人人効命。大挫賊鋒。事機順利。此外內河積年兇盜向來為害商民者。亦經督飭地方官擒拏分別審辦。本日摺內即有一百二十餘名。可見其辦理認真。無少疏懈。實為出力可嘉。百齡著加恩賞戴花翎。以示獎勵。該督惟當倍加奮勉。將此時撫勦事宜分別妥辦。永靖海洋。茂承恩眷。至孫全謀前因其在赤滌角勦賊鬆勁。號令不嚴。致賊逃遁。降旨革職。拏問治罪。解交刑部。用嚴師律。今該督摺內稱孫全謀自知悔

恨。此二次截剿逆匪。身先將士。因能斃賊燬船。經該督查詢確實。並無虛捏。自可稍贖前愆。孫全謀著加恩免其拏問。留於廣東効力贖罪。如能倍加愧奮。則將來尚可施恩。儻再畏葸如前。當即嚴叅。加倍治罪。並著百齡隨時察覈據實具奏。其署遊擊之守備黃振烈。署守備之千總蔡振華。因焚攻盜船。火勢猛烈。以致延燒坐船。同時陣亡。殊可嘉憫。著加恩咨部賜恤。○以署兵部右侍郎費淳為國

史館副總裁官。○甲寅。裕祭

太廟

上親詣行禮。○遣官祭

永陵

福陵

昭陵

昭西陵

孝陵

孝東陵

景陵

泰陵

泰東陵

裕陵○遣官祭

孝淑皇后陵寢○遣官祭

端慧皇太子園寢○遣官祭

太歲之神○乙卯

上御保和殿筵宴朝正外藩。科爾沁烏珠穆沁。巴林喀喇沁。奈曼敖漢。阿巴噶。阿魯科爾沁。

扎魯特。土默特。喀爾喀。翁牛特。鄂爾多斯。烏

喇特。郭爾羅斯。蘇尼特。土爾扈特。青海杜爾

伯特。綽羅斯。察哈爾。額魯特。哈密。王。貝勒。貝

子。公。額駙。台吉。塔布囊等。及朝鮮暹羅國正

副使等。隨文武大臣。依次就坐。諸樂並作。

上進酒。召左翼。科爾沁。扎薩克。土謝圖親王。諾

爾布琳沁。科爾沁。卓哩克圖親王。噶勒桑棟

囉布。烏珠穆沁。扎薩克親王。巴勒珠爾。喇布

齋。巴林。扎薩克親王。銜郡王。索特納木多爾

濟喀喇沁。扎薩克親王。銜郡王。滿珠巴。咱爾。科爾沁。扎薩克郡王。和碩額駙。索特納木多。布齋。奈曼。扎薩克郡王。巴勒楚克。土默特。扎薩克。貝子。固倫額駙。瑪呢巴達喇。右翼。喀爾喀。扎薩克親王。固倫額駙。拉旺多爾濟。扎薩克親王。車登多爾濟。扎薩克郡王。達瑪琳。扎布。土爾扈特郡王。策伯克。扎布。青海。扎薩克郡王。沙克都爾。向部郡王。銜貝勒。哈迪爾。哈密郡王。銜扎薩克。貝勒。額爾德錫爾。科爾沁。

貝勒。理藩院。額外侍郎。鄂勒哲依圖。至

御座前。賜酒成禮。○是月。諭總督百齡。治大病者。不可過於攻伐。理極疲者。不可過於躁急。朕用汝治粵。原期力輓積風。整飭吏治。勦捕洋匪。練習士卒。汝莅任以來。深感朕恩。不辭勞瘁。實力辦理。自應大有成效。而洋匪轉盛於前。內河巨盜連結。肆行焚掠。近逼省城者。何也。皆緣汝操之太急。不揣其本。而齊其末之故也。夫選將練兵。申明紀律。非一朝一夕

之事以無紀律之兵。忘廉恥之將。使之勒堵亡命兇狠之盜。必無可勝之理。徒貽敗逃之誚而已。況洪波巨浪之中。操楫不暇。焉能直前搏擊。所具稟之事。未可信也。昔人謂有海防。無海戰。非虛語也。洋盜巢穴。接濟皆在鄉鎮。故查禁廢弛。轉相安於無事。查禁嚴緊。絕其生命。勢在必爭。若祇知斷接濟而不嚴防口岸。是開門揖盜。轉不如聽其浮游海上矣。欲斷接濟。必先嚴防口岸。能使一賊不登岸。一人不上船。方可漸有成效。若水陸勾結。狼狽為奸。雖有強兵猛將。日事誅戮。終無了期。所謂抱薪救火。益增勢燄矣。嚴防口岸。為最要機宜。不可不細心講求也。朕又聞汝過於焦急。身弱嘔血。又增朕廕念矣。宜時加調攝。慰朕遠懷。謹記毋忘。特諭。○是年。旌表孝子。安徽等省李文楷等五名。孝女江蘇等省周氏等三口。守節合例。宗室五台保妻楊氏等十一口。滿洲扎勒杭阿妻佟佳氏等一百二

十口。蒙古哈吉嘎爾妻徐氏等二十五口。漢軍王世謨妻洪氏等三十一口。內務府員廷倫妻張氏等七口。各省駐防馬徽妻王氏等一百六十七口。直隸等省劉永泰妻孫氏等六百九十二口。夫亡殉節滿洲景泰妻瓜爾佳氏。江蘇等省蔣夢松妻馬氏等二十二口。未婚守志直隸等省周錕聘妻蔡氏等二十口。百歲壽民婦湖南等省陳西時等二十九名口。五世同堂直隸等省崔常賢等三十

四家。各給銀建坊如例。○一產三男奉天等省楊坤等十家。○會計天下民數穀數。直隸等省通共大小男婦三萬五千二百九十萬四千二百名口。存倉米穀三千三百五十二萬八千八百五十三石六升八合九勺。


仁宗實錄 卷二十三

一〇一四

大清仁宗受天興運敷化綏猷崇文經武孝恭
勤儉端敏英哲睿皇帝實錄卷之二百二十三

聖訓卷之三

三十四



統一書號:11018·1355—30

定 價: 48.00 元